

清
實
錄

宣宗成皇帝實錄(五)

卷二六二至卷三二九
道光十五年至十九年

清實錄

第三七冊

中華書局影印

清 實 錄

(第 三七 冊)

宣 宗 實 錄 (五)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16·74 5/8 印張

1986 年 10 月第 1 版 1986 年 10 月北京第 1 次印刷

印數 0,001—1,500 冊

統一書號: 11018·1355—37 定價: 55.00 元

清實錄第三七冊目錄

宣宗成皇帝實錄(五)

卷二六二	道光十五年正月	一
卷二六三	道光十五年二月	三
卷二六四	道光十五年三月	三
卷二六五	道光十五年四月	五
卷二六六	道光十五年五月	七
卷二六七	道光十五年六月	九
卷二六八	道光十五年閏六月	一二
卷二六九	道光十五年七月	一三
卷二七〇	道光十五年八月	一四
卷二七一	道光十五年九月	一六
卷二七二	道光十五年十月上	一八
卷二七三	道光十五年十月下	二〇
卷二七四	道光十五年十一月	二二
卷二七五	道光十五年十二月上	二四
卷二七六	道光十五年十二月下	二六

卷二七七	道光十六年正月	二六
卷二七八	道光十六年二月上	二七
卷二七九	道光十六年二月下	二九
卷二八〇	道光十六年三月	三一
卷二八一	道光十六年四月上	三三
卷二八二	道光十六年四月下	三五
卷二八三	道光十六年五月	三七
卷二八四	道光十六年六月	三九
卷二八五	道光十六年七月上	四一
卷二八六	道光十六年七月下	四二
卷二八七	道光十六年八月	四四
卷二八八	道光十六年九月上	四六
卷二八九	道光十六年九月下	四八
卷二九〇	道光十六年十月	五〇
卷二九一	道光十六年十一月	五二
卷二九二	道光十六年十二月	五四
卷二九三	道光十七年正月	五五
卷二九四	道光十七年二月	五七
卷二九五	道光十七年三月	五九

宣宗實錄

卷二九六	道光十七年四月	五八六	卷三二五	道光十八年十月	九〇五
卷二九七	道光十七年五月	六〇一	卷三二六	道光十八年十一月	九三三
卷二九八	道光十七年六月	六一七	卷三二七	道光十八年十二月	九四一
卷二九九	道光十七年七月	六三四	卷三二八	道光十九年正月	九六四
卷三〇〇	道光十七年八月	六五五	卷三二九	道光十九年二月	九八〇
卷三〇一	道光十七年九月	六七八	卷三三〇	道光十九年三月	一〇〇一
卷三〇二	道光十七年十月	七〇〇	卷三三一	道光十九年四月	一〇三三
卷三〇三	道光十七年十一月	七二六	卷三三二	道光十九年五月	一〇四一
卷三〇四	道光十七年十二月	七三三	卷三三三	道光十九年六月	一〇六三
卷三〇五	道光十八年正月	七五四	卷三三四	道光十九年七月	一〇八〇
卷三〇六	道光十八年二月	七六七	卷三三五	道光十九年八月	一一〇〇
卷三〇七	道光十八年三月	七八〇	卷三三六	道光十九年九月	一一二三
卷三〇八	道光十八年四月	七九〇	卷三三七	道光十九年十月	一一三一
卷三〇九	道光十八年閏四月	八〇五	卷三三八	道光十九年十一月	一一五一
卷三一〇	道光十八年五月	八二三	卷三三九	道光十九年十二月	一二六七
卷三一一	道光十八年六月	八三九			
卷三一二	道光十八年七月	八五三			
卷三二三	道光十八年八月	八六八			
卷三二四	道光十八年九月	八八六			

彭仲鑑鑒會明從政者應注意法律天子之制不仁大士之天刑無所逃罪實屬大事事上書奏請師保翰林院庶吉士學士張鳴鳳
大府尹府君格達等五級此錄十八次會議國體官署擬提督吏部尚書直落得清海地管理新營各城內房主人員轄塞內
七舍大臣轉會同四擇舊習恭加一級題奉和六級寶功知三級兒孫五次自尼沙納理題滿洲文滿洲總領事共都布爾善贊
內務府大臣鑒由嫩滿洲副總統客內七舍大臣管理理入府銀庫三貝勒等奏 查奉旨開明等處時役管辦本旗房為太
貴院巡迴是等路遠等加十八日門衙官門的喇嘛官廳議官失物而當題等加六級兒孫二十次自尼薩海尊奉

道光十五年乙未春正月辛酉朔

奉先殿行禮○詣

堂子行禮。○遣官祭

太廟後殿○率王以下文武大臣詣

壽康宮慶賀

皇太后禮成。御太和殿受朝。作樂宣表如儀。○

詣

大高殿○

壽皇殿行禮○御乾清宮賜親藩等宴○命乾

裕陵○

奉先殿。

未平。暫緩收買幫丁行月等米。○甲子。

上詣

淵博。獻替精醇。公正慎勤。老成持重。自其父

曹文填○供職內廷○渥承

皇祖高宗純皇帝知遇擢至戶部尚書嗣曹振

鋪仰荷

皇祖特達之知。由翰林洊升詹事。

皇考仁宗睿皇帝親政以來。洊加升擢。簡任綸扉。朕御極之初。特授軍機大臣。十四年餘。一德一心。深資啓沃。絲綸首掌。鉅細畢周。夙夜在公。始終如一。實朕股肱心膂之臣。服官五十餘年。厯事

三朝。身躋崇要。從未稍蹈愆尤。動循矩法。克副贊襄。念其年躋八秩。特命肩輿入直。俾節勞

勩。上年因微疾請假。派員存問。俾安心在寓調養。優加慰勞。方冀速痊。照常入直。詎意數日之間。遽成長往。頓失腹心之臣。不覺聲淚俱下。悼惜難堪。著加恩入祀賢良祠。賞給陀羅經被。並手串煙壺煖手各件。派穆彰阿帶領侍衛十員。即日前往奠醊。朕於本月二十九日親臨賜奠。並著賞給廣儲司庫銀二千兩。經理喪事。其任內一切處分。悉予開復。應得卹典。著該部察例具奏。伊子曹恩。著賞

給四品卿。俟服闋後。遇有四品京堂缺出。著該部開列請補。用示朕軫懷耆舊恩。賚有加至意。○乙丑。

上御紫光閣。賜蒙古王貝勒貝子公台吉。及外藩使臣。章嘉呼圖克圖等宴。並賞賚有差。○以協辦大學士吏部尚書穆彰阿。充文淵閣領閣事。○以吏部左侍郎杜堦。充經筵講官。○命阿巴噶郡王。那木薩賴。多爾濟。土爾扈特頭等台吉策略棟囉布。在乾清門行走。○

賞科爾沁貝勒貢格喇布坦。雙眼花翎。科爾沁輔國公博羅特。喀爾喀郡王托克托瑚圖。嚕子頭等台吉滿珠巴。咱爾花翎。○丙寅。大學士潘世恩。兼翰林院掌院學士。稽察欽奉上諭事件處。○以工部尚書敬徵。充文淵閣提舉閣事。○緩徵直隸大興。宛平。固安。東安。永清。武清。霸。大城。涿。新城。雄。獻。天津。寧。晉。保定。良鄉。房山。清苑。安肅。唐。博。野。容。城。蠡。祁。安。高陽。河間。肅。寧。任。邱。景。故。城。青。滄。靜。海。南。

皮鹽山。正定藁城。南和。平鄉。鉅鹿。任。永年。雞澤。大名。赤城。冀。南宮。新河。武邑。衡水。趙。隆平。深。饒陽。安平。定。深澤。五十八州縣。上年被水。村莊新舊額賦。○緩徵。山東。歷城。章邱。鄒平。齊東。齊河。濟陽。禹城。臨邑。德平。平原。惠民。商河。館陶。博興。高苑。樂安。臨清。魚臺。十八州縣。並德州。衛。上年被災。莊屯新舊額賦。○展賑。奉天。牛莊。遼陽。鳳凰城。三處。上年被災。旗戶一月。○貸。山西。太原。五臺。保德。三州縣。上年被

水災民倉穀。○丁卯。

世祖章皇帝忌辰。遣官祭

孝陵。○諭內閣。林則徐奏。江浙同空漕船。埽數進開。行走安靜一摺。上年同空漕船。南下較遲。因鎮江運河。潮枯水淺。京口沙灘涸露。難以通舟。改由橫開行走。經該撫遵委文武各員。往來策應。每當阻淺。阻潮。阻風。阻凍之際。該員等皆能設法籌催。不遺餘力。截至十二月十九日。全行進開。並無一船疏失。統計江

浙兩省同空。共六十二幫。計船二千二百零四隻。埽數由橫開跟蹤南下。各歸水次。修艙均在歲前。可期速為開兌。且較歷屆由橫開進口船數。多至兩三倍。與常年催趲微有不。同。著該撫擇其尤為出力者。酌保數人。奏請鼓勵。惟本係該員等分內應辦之事。不准人數過多。稍滋冒濫。○諭軍機大臣等。本日據林則徐奏。江浙同空漕船。全數進開。派兵彈壓。均極安靜一摺。已明降諭旨。酌保數員。奏

請鼓勵矣。據稱此次漕船在橫開內外。及金山鮎魚套一帶。節節停泊。經所派將備帶兵彈壓。均尚安靜。迨鎮江前後兩幫。最後進口。其水手尤為强悍。該撫復商派京口駐防滿洲兵。一體彈壓。乃該兩幫桀驁之水手。聞有添兵。恐被查拏。率已潛行逃竄。不敢過江。遺有刀械在船。現已逐件搜獲。撥營配用。並換雇水手。駕船赴次等語。漕船在內地江河行走。並非外洋可比。何以膽敢攜帶刀械。甚至

帶有火器。擅行施放。致滋事端。若不嚴行飭禁。該水手等曠悍性成。又復恃有器械。難保不偶因口角細故。輒敢逞強械鬪。釀成鉅案。即如上年廬州二幫水手。行抵清平縣地方。王汶舉等糾眾殺斃多命。其兇橫情形。已可概見。此次鎮江前後兩幫水手。竟敢藏匿刀械在船。此外各幫。恐亦不免有此惡習。著該撫等嚴飭各糧道及地方文武各員弁。於各幫船未開之前。即認真查察。隨時曉諭飭禁。一經查出。即行嚴拏務獲。按律懲辦。毋稍寬縱。以挽積習而肅漕政。將此各諭令知之。○又諭。本日據瑚松額等由驛馳奏。裁邊廳雅扎等支夷滋事。已將被擄人口全數追回。擒獲兇夷。委員就近審辦一摺。此次裁邊廳屬十三支赤夷內雅扎等支。夤夜潛出。復在雙溪卡等處。擄去男婦大小六十餘丁口。經該將軍等派委參將唐永清馳詣查辦。當即追出漢民二十四口。茲復據該廳徐久道親帶

兵弁夷目。直入夷巢。該夷匪先期聞風竄散。其守法良夷。已將被擄漢民三十八丁口全數獻還。各夷匪因查拏嚴緊。竄聚黃草坪一帶。唐永清等偵探蹤跡。於上年十二月初五日黎明。各帶兵勇分路圍截。立即殲斃十餘人。黎雅營千總何青擒獲滋事正犯木勒等三名。餘皆竄入老林。現仍分投追捕。該將軍等飭令嚴加梭勘。務將兇夷全數擒獲。不使一名漏網。並派委道員李宗傳前往。將現獲各犯訊明。即就地傳集眾夷。環視正法。以儆兇頑。其前議移駐汛防。圍練鄉勇。建築礮堡各事宜。即令該道就近查勘等情。該支夷犬羊性成。反覆無定。兵至則投誠乞命。兵撤復出巢滋擾。若不嚴加懲辦。無以懾兇夷而安良善。著該將軍等詳加體察。如果各支夷輸誠投服。捆獻兇夷。各具永不滋事木刻。尚可寬其一線。儻敢仍前玩視。即著於春融之時。酌量情形。妥為辦理。斷不可因目前安靜。不

思一勞永逸之計。若將就完結。致貽後患。朕惟該將軍等是問。勿謂言之不豫也。將此諭令知之。○調湖南提督余步雲為四川提督。直隸古北口提督薛陞為湖南提督。以直隸大名鎮總兵官周悅勝為古北口提督。調四川建昌鎮總兵官萬榮為廣東高州鎮總兵官。高州鎮總兵官張必祿為建昌鎮總兵官。以直隸河間協副將岳興阿為大名鎮總兵官。○以大學士潘世恩充日講起居注官。○

濬江蘇丹徒丹陽二縣運河。從巡撫林則徐請也。○展緩江蘇上元。江寧。句容。高淳。江浦。六合。山陽。阜寧。清河。桃源。鹽城。高郵。泰東。臺。江都。甘泉。儀徵。興化。寶應。銅山。豐沛。蕭。碭山。邳。宿遷。睢寧。海。沐陽。贛榆。泰興。三十一州縣。並揚州。淮安。大河。徐州。四衛。節年舊欠額賦。○貸江西南昌新建豐城進賢清江新喻新淦。峽江。廬陵。吉水。泰和。萬安。都陽。餘干。萬年。星子。都昌。建昌。安義。德化。德安。瑞昌。湖口。彭

澤。上猶。崇義。二十六縣上年被水災民籽種。給南昌新建進賢清江峽江星子德化湖口。建昌九縣災民一月口糧。○貸湖南安鄉華容武陵澧州四州縣上年被水災民籽種。○貸甘肅靖遠秦三州縣上年災民籽種。靖遠平涼隆德鹽茶秦鎮原六廳州縣災民兩月口糧。○是日立春。順天府進土牛春山寶座。○戊辰。諭內閣稽查崇文門稅務給事中薩霖等奏外國貢物及貢使行李應詳細開載印

單。護送人員。按例支應車馬。以便查驗而昭體制。一摺。外國貢使抵境。各該督撫自應遵照定例。揀員伴送。填給勘合。沿途查照。到京時。禮部轉行崇文門免稅驗放。惟知照文內未將貢物與護送行李分晰開載。各關無從稽覈。沿途車馬亦不免濫支。應嗣後著沿途各督撫於貢使到境。務將所有貢物及貢使行李。詳細開載印單。到京時。禮部轉行崇文門隨即驗放。不准稍有稽留。至護送人員。

應用夫馬舟車。務須遵照品秩。嚴飭首站。轉傳各驛。不得逾額濫支。儻各該督撫填給勘合。護送行李。並不分別裝載。令該貢使等守候稽延。或致有影射夾帶等弊。即著該稽查稅務御史據實奏。至貢物到京。應行免稅驗放。如稅務人等有心抑勒需索。並責成稽查稅務御史隨時查察。據實嚴叅。以示體恤。而杜冒濫。

上以次辛祈穀於

上帝。自是日始。齋戒三日。○庚午。享

太廟。遣惠郡王綿愉恭代行禮。○

上詣

南郊齋宮齋宿。○遣官祭

太歲之神。○緩浙江幫丁應扣餘米變價銀。並杭州等幫積欠。失風曬颺米石。○辛未。祈穀於

上帝。

上親詣行禮。○詣

大高殿行禮。○幸圓明園。○奉

皇太后居綺春園。○詣

安佑宮行禮。○諭內閣。每遇朕致祭

壇

廟大典。維時過早。而人數眾多。難於稽察。是以派乾清門侍衛四員。大門侍衛十員。控弦隨扈。當初定制。其意殊深。不僅為壯觀瞻而已。近來由乾清門所派侍衛。尚屬可觀。其由大門所派侍衛。內有朕平日深知其人庸懦。步

射生疏。馬上平常者居多。有名無實。大違當初定制本意。嗣後著三旗領侍衛內大臣。擬派此項控弦侍衛。先由東三省侍衛內。將人才出眾。步射純熟者出派。儻人數不敷。再由京城侍衛內。將馬上便捷。步射熟練者出派。斷不可仍前草率塞責。○又諭。賽尚阿奏查明通判知縣被叅各款。分別定擬一摺。此案湖南湘潭縣知縣靈秀。於署龍陽縣時。輒向捕役周順威嚇。設法將伊女周氏勒買為妾。

嗣復計圖掩飾。賣與王國磐為繼妻。強娶部內有夫婦女。輾轉售賣。實屬行止鄙劣。已革通判葉起鵬。前在署攸縣任內。收受紳民餽送壽禮錢文。又誣指余湖譚章。煒為鬬漕兇棍。實屬居心貪詐。該侍郎原擬將靈秀著起鵬發往軍臺效力贖罪。不足蔽辜。靈秀著發往伊犁充當苦差。葉起鵬著發往烏魯木齊充當苦差。○諭軍機大臣等。本日據賽尚阿奏。湖南湘潭縣知縣靈秀。於署龍陽縣時。先

後到捕役周順家。見伊已嫁與傅元為妻之。女周氏。起意欲買為妾。遂向周順威嚇。令其設法安置。周順找出甘傅氏及子甘庭孝為媒。往勸傅元未允。因向挾制。傅元只得允從。靈秀送給周順財禮錢文。令周順詭稱王姓出名婚娶。當給傅元錢十八千。甘庭孝並扶著傅元手寫賣與王姓為妻字據。家人馬三將傅周氏接回。交靈秀作妾。嗣因醜聲四布。慮恐破案。適值通道縣王國寶之弟王國磐

到伊署內。談及正妻早故。靈秀即勸王國磐出錢三十三千。將該氏娶為繼室。仍付給原買契紙。欲令王國磐認作原買出名之王姓。掩飾前非。王國磐照依契內七月日期。寫寄周順一信。告知該氏及女妹兒。均於七月帶回河南長葛縣同度。迨經傅元控告。據王國寶覆稱。伊弟王國磐係於十二年八月由署回籍。與周順呈驗七月信函。弊竇顯然。復經常德府知府王鳴球。斷令媒說之甘庭孝添

給傅元財禮五千錢完案等語。王國磐現已回河南原籍。著桂良即親提王國磐傅周氏到案。確切訊明。仍將王國磐傅周氏解往湖南。省歸案辦理。其傅周氏及幼女妹兒。著俟完案後。照例發給傅元領回完聚。將此諭令知之。○壬申。

上詣綺春園問

皇太后安。○諭內閣。朕勤求上理。惟日孜孜。用入行政。總求一實字。各直省督撫。皆係朕特

加簡擢大員。察吏安民。是其專責。非徒潔己奉公。遂云稱職也。為大吏者。果能振刷精神。以整飭官方為己任。遇有不肖屬員。劣跡昭著。一經訪聞。即當隨時叅劾。立予重懲。若徒博寬厚之名。見好屬員。多方徇隱。必致該屬員等積久生玩。相率效尤。於吏治官常。大有關繫。況同護一不肖屬員。市惠甚小。而一方隱受其害。何可勝言。該督撫等深受國恩。所司何事。問心能無愧乎。即如湖南湘潭縣知縣靈秀。謀娶捕役之女為妾。又復輾轉售賣。已革通判葉起鵬。收受部民壽禮。並誣指紳民為鬧漕兇棍。前經御史劉誼叅奏。經朕特派賽尚阿等前往查辦。現已審明屬實。已將靈秀葉起鵬分別發往伊犁烏魯木齊充當苦差矣。該二員一則行止鄙劣。一則居心貪詐。既已遠播京師。該省大吏。若謂毫無聞見。則是形同木偶。若竟有心容隱。更屬深負委任。且該撫保薦靈秀。旋因訪有劣跡。將該員

奏叅。而於謀娶民婦重情。未經查明具奏。葉起鵬雖經另案叅革。而於誣稟鬧漕。既經委查明確。並不從嚴懲辦。祇知代為彌縫。不肯據實叅覈。其自為謀則善矣。豈以實心行實政者之所為耶。湖廣總督。統轄兩省。湖南巡撫。及藩臬兩司。為本省大吏。均有統率之責。何以於該二員種種貪劣款跡。漫無覺察。湖南一省如此。恐他省亦所不免。積習相沿。殊堪痛恨。所有此案失察之湖廣總督湖南巡撫。及藩臬兩司。俱著交部查取職名。分別照例議處。以示薄懲。因思天下之大。兆民之眾。一人耳目。豈能周徧。儻事事必待朕訪聞。或經科道糾叅。始能水落石出。則此外未經訪聞。未經糾叅之事。各督撫置之不辦者。正不知凡幾。國家設官分職。各有攸司。若外省事件。動煩派員查辦。不特無此政體。又安用爾督撫為耶。嗣後各直省大吏。務當激發天良。不避嫌怨。於屬員之賢否。認真訪察。一有貪

劣款跡。立即指參。重治其罪。庶可懲一儆百。俾不肖各員。不至肆無忌憚。貽害地方。方為不負委任。儻經此次諄諭之後。仍復狃於錮習。輒存官官相護之見。不能破除情面。有犯必懲。一經發覺。朕惟知執法從事。定將該督撫等嚴行懲處。決不寬貸。勿謂誥誡之不豫也。懍之慎之。將此通諭知之。○又諭。訥爾經額等奏甄別同知知縣請分別勒休改補。學習一摺。湖北德安府同知莫樹蕃年近七旬。精力就衰。難期振作。著即勒令休致。鍾祥縣知縣張從鼎。前因不諳水利。隄工撤任。現已年屆六旬。於繁劇之區。修防諸務。經理難周。著留該省以相當簡缺知縣酌量改補。仍照例送部引見。公安縣新選知縣韓樹椿。初登仕版。事欠閱歷。遽令到任。難期辦理妥協。著飭赴該管之荊州府聽候差遣。果能諳練。再令赴任。至實缺人員。歷任在半年外者。才不勝任。即概予休致。不得因其正途出身。率請

改教。前曾降旨通諭遵行。恩施縣知縣耿錫嘏。既係辦事迂拘。難勝民社之任。自應遵奉前旨。予以休致。該督等率因該員係進士出身。請以教職改補。著不准行。耿錫嘏著即勒令休致。○癸酉。諭內閣。朕親政之初。見大學士曹振鏞。人品端方。學問優長。特授為軍機大臣。用資啓沃。十四年餘。靖共正直。歷久不渝。雖身躋崇要。小心謹恪。動循矩法。從未稍蹈愆尤。凡所陳奏。均得大體。老成持重。懋著忠勤。實朕股肱心膂之臣。從前乾隆年間大學士劉統勳。嘉慶年間大學士朱珪。仰蒙皇祖高宗純皇帝。皇考仁宗睿皇帝鑒其品節。賜謚文正。易名之典。備極優隆。曹振鏞實心任事。體用兼優。外貌訥然。而獻替不避嫌怨。朕深倚賴。而人不知。揆諸謚法。實足以當正字。而無愧。茲據該衙門奏請予謚。著加恩賜謚文正。用示朕眷懷良輔寵錫嘉名至意。○又

諭前據給事中富彰奏參太平倉監督等住宿曠誤。當交倉場侍郎查奏。茲據奏稱該倉署監督興成。初五日輪應值班。是日早起暫時回家等語。倉儲重地。值班人員。豈容一時曠誤。查倉科道。本有稽查之責。理應據實糾參。此次該署監督雖係暫時回家。究屬有曠職守。與成著交部議處。嗣後各倉稽查科道。暨該侍郎等。總當認真查察。如有曠班等弊。隨時參奏。毋稍徇隱。○以修建貴州松桃廳

廟宇書院。予候補知府胡先達等議敘。有差。

○甲戌。

上御奉三無私殿。賜親藩等宴。○諭內閣。向來各直省學政。閱文幕友。不准延請。視學省分之人。至該學政。延請本籍幕友。原屬例所不禁。本日據鄂山將四川學政王篤聞文幕友姓名籍貫。照例開單呈覽。朕詳加披閱。該學政幕友六人。均係陝西籍貫。而籍隸韓城者。居其五。實向來所未有。學政有教育人材之

責。校閱自宜公明。而防弊尤須周密。若幕友盡係同鄉。不但易滋物議。設遇有通同舞弊情事。稽察更恐難周。不可不防其漸。著王篤即將現在幕友。酌量更易數人。並隨時嚴加查察。以肅關防。嗣後各直省學政。務擇品學兼優之士。襄校文字。不得專用本籍之人。致滋流弊。○乙亥。

上詣

安佑宮行禮。○御正大光明殿。賜朝正外藩等

宴。作樂賜酒。如除夕儀。○御山高水長。賜王

公大臣蒙古王貝勒貝子公台吉及外藩使

臣章嘉呼圖克圖等食。○命三等侍衛慶成。

在乾清門行走。○丙子。

上御正大光明殿。賜大學士尚書等宴。○戊寅。

上詣綺春園問

皇太后安。○諭內閣。前據理藩院奏稱霍罕夷

使。在該衙門呈遞稟詞。懇求奏請恩施。該衙

門撰給駁飭諭帖。一併進呈。辦理尚屬得體。

昨日召見大學士長齡。奏稱該夷使曾到伊寓所。餽以土物。僅收受葡萄一盤。該夷使復向長齡呈遞稟詞。經長齡接受。繕寫呈覽。人臣義無外交。長齡身為大臣。自當深知國體。該夷使餽送土物時。長齡即當諭以天朝體制。概行拒絕。至所遞稟詞。亦應當即駁飭。令其向理藩院衙門自行呈遞。乃長齡並不正詞曉諭。絕其妄瀆。率行收受葡萄。並將原呈代奏。殊屬不合。長齡著交部議處。○諭軍機

大臣等寄諭葉爾羌參贊大臣興德。昨據理藩院奏稱。霍罕來使愛連巴依。在該衙門投遞呈詞。懇將從前發遣安集延同犯男女十名。奏請釋放。俾得順便帶回。經該衙門撰給諭帖。以此項人犯。非據該伯克之意。懇求祇係各犯親友情託。且各犯緣事發遣。均未敘明。語涉含混。奏明駁飭。嗣據長齡復將該夷使向伊呈遞稟詞呈覽。人臣義無外交。長齡接受稟詞。不即諭令向理藩院衙門投遞。

率行呈覽。實屬不合。已降旨交部議處矣。至該夷使愛連巴依稟詞內稱。赦同發遣犯人下賸一半。懇求施恩。上年據該大臣查明。除釋回外。現存同犯三十六名。均經奏明該犯等情願告存該處。永遠為奴。已飭該大臣無庸查辦。又稱入官同子地畝。懇求施恩。此項抄獲驅逐安集延田地。早經變價給還。其六年從逆案內抄獲叛產。不在其內。不應給還。又稱各處免納稅銀。下賸二處。一巴達克山。

一克什米爾。懇求施恩。十二年間業經降旨。准令葉爾羌等卡外各部落暨布魯特等一體免稅。此二處現在如何辦理。著該大臣查明具奏。又稱發遣安集延同犯四名。懇求施恩。業據理藩院駁飭。亦著無庸查辦。又稱喀什噶爾同婦被漢人娶去。懇恩赦回。上年據該大臣查明實無其事。嗣後遠近各莊。仍飭隨時嚴查。有犯必懲。該夷使情詞詭詐。瀆請邀恩。即如巴達克山克什米爾免稅與否。與

霍罕毫無干涉。尤為多事。天朝統馭外夷。總須於體恤之中。申明例禁。絕其攜貳之念。堅其向化之心。如該夷使回抵該城。另有稟求事件。該大臣當正詞曉諭。酌量駁飭。宣布國威。誠心開導。俾該夷無虞無詐。歷久相安。以示羈縻。而崇國體。將此諭令知之。○又諭。浙江督糧道竇欲峻前以病痊引見。朕見其人頗去得。特交軍機處記名。簡放浙江糧道。繼思浙江漕務。素稱難辦。現在開兌督運。一切均關緊要。該員初任糧道。於漕務恐不甚相宜。著烏爾恭額於通省道員內。遴選堪勝糧道之任者。奏請對調。一轉移間。庶可各盡所長。於漕務地方兩有裨益。將此諭令知之。○閩浙總督程祖洛奏。本年查開營伍。徧歷浙江全省。及福建延平建寧福寧等府。並察看兩省文武各員。亦僅能挽住狂瀾。猶未能納民於軌物。得肯廢弛。易而整理。難。此乃一定之理。即朕十數年來。諸事以誠以實。猶未大

見起色。亦僅能或挽狂瀾耳。朕之冰兢。朕自知之。無非孜孜慎勉。以期終始如一。又奏。臣惟有置嫌怨於不問。竭盡心力。振刷精神。力圖整頓。批。果能始終如一。有加無已。雖目前不能立見功效。所謂日計不足。月計有餘。日久必有益處也。勉又加勉。○己卯。

上御山高水長。賜王公大臣蒙古王貝勒貝子公台吉及外藩使臣。章嘉呼圖克圖等食。○諭內閣。昨因長齡收受霍罕夷使葡萄。並將原呈代奏。業經降旨。將長齡交部議處矣。人臣義無外交。在廷各大臣。遇有外藩使臣向其餽送。自當正詞曉諭。絕其妄瀆。方為得體。惟新疆西北兩路各城。向有夷使致送該將軍大臣等馬匹等物。原准其量為收受。加倍賞賚。所以厚往薄來。用示懷柔之意。至該夷使等年班來京。本不准與內地官民私相餽問。各大臣職有攸司。尤不應與屬國陪臣互相酬酢。此理甚明。各宜懍遵。至我朝與蒙古

世聯姻好。其王公台吉等。多係公主格格瓜葛之親。因事來京。向內地王公等餽送土物。彼此酬答。原屬例所不禁。此外在廷諸臣。與該王公台吉等既非姻親。自應概絕餽遺。以避嫌疑。嗣後同城伯克。外藩夷使。及蒙古王公台吉等。如有違例候問及投贈等事。該大臣等務即申明禁例。力斥其非。概行辭卻。以杜請託夤緣之弊。儻不能破除情面。違例收受。一經發覺。定將該大臣等從重治罪。決不寬貸。勿謂言之不早也。懷之慎之。將此通諭知之。○賞湖北宜昌鎮總兵官珠爾杭阿。花翎。○庚辰。以都察院左都御史恩銘兼署兵部尚書。吏部右侍郎文慶兼署工部右侍郎。管錢法堂事務。科爾沁扎薩克郡王僧格林沁署鑲紅旗蒙古都統。正紅旗滿洲副都統達哈布署正藍旗護軍統領。○辛巳。

孝穆皇后忌辰。遣官祭

殯宮。○諭內閣。哈豐阿等奏訓練備戰弁兵。並

考驗旗員一摺。漢軍正藍旗防禦鍾承武。現在患病。難望就痊。著即勒令休致。至所稱挑出備戰弁兵二千名。分為擡礮鳥槍弓箭。如期操演。技藝俱屬嫻習。其長矛一項。果能訓練嫻熟。不惟馬隊難施之地。可為利器。即臨陣時亦可與鳥槍互相接應。尤為得力。著該將軍等體察情形。若能於現挑長矛三百名外。再為挑備一二百名。以資訓練。更為有益。該將軍等惟當督飭所屬認真演習。務使一

兵有一兵之用。不得始勤終怠。有名無實。用副朕整飭戎行有備無患至意。○添派工部尚書敬徵恭辦奉移。

孝穆皇后梓宮至龍泉峪典禮。○以都察院左

副都御史惟勤。工部右侍郎程恩澤為會試知貢舉。○壬午。諭內閣。新疆西北兩路各城將軍大臣等鎮守地方。統馭夷眾。向遇有夷使致送馬匹等物。准其量為收受。加恩賞賚。原係於因時制宜之中。寓懷柔遠人之意。至

在京文武大臣等義無外交。自應深知大體。概絕餽遺。以避嫌疑。庶令各外夷羣知天朝法令森嚴。不容妄瀆。用以杜請託夤緣之弊。前因大學士長齡。於霍罕夷使餽送葡萄。並不正詞曉諭。率行收受。並將原呈代奏。殊屬不合。特降旨交部議處。茲據該部議以降三級調用。原屬咎所應得。姑念長齡前在喀什噶爾軍營。著有微勞。著加恩改為降四級留任。仍革退御前大臣。毋庸管理戶部事務。以

示薄懲而昭炯戒。○協辦大學士雲貴總督阮元覆奏越南國土州情形。得旨嚴密防守。不可稍有懈弛。○命前任雲南布政使潘恭長。以三品京堂候補。○修南河

惠濟祠。從署河道總督麟慶請也。○癸未

孝聖憲皇后忌辰。遣官祭

泰東陵。○

上詣

恩慕寺。

恩佑寺行禮。○諭內閣本年輪應查閱直隸山西陝西甘肅四川營伍之期。山西陝西著派哈琅阿祥康。馳驛前往。直隸著派琦善。甘肅著派楊遇春。四川著派瑚松額查閱。務各認真簡校。如查有訓練不精。軍實不齊者。即將廢弛之將弁。據實參劾。毋得視為具文。○諭軍機大臣等。前據御史許球奏兩淮鹽務辦理支飾情形。經戶部查覈具奏。當降旨交陶澍認真查辦。實力疏銷。毋許稍存回護。茲據

陶澍將歷年辦理鹽務實在情形。據實具奏。朕詳加披閱。自係前降諭旨。該督尚未奉到。此次所奏。尚無支飾強辯情詞。惟兩淮鹽務當積疲之後。必應竭力整頓。以期日有起色。漸次挽復舊章。且以總督兼轄鹽政。呼應較靈。正宜清釐積欠。剔除弊端。年清年款。提歸每年奏銷原限。從前曾燠張青選福珠隆阿福森辦理不善。立予罷斥。即係前車之鑒。該督當振刷精神。勉圖自效。無稍貽誤。致蹈覆

轍甲午新引。現已開綱。該督即督飭運司趕緊督運。以符奏銷期限。務歸年清年款。方為不負委任。將此諭令知之。○以都察院左都御史恩銘署經筵講官。○以辦理兩淮災賑出力。予鹽大使白佩珩等議敘有差。○甲申。諭內閣。綿清等奏。請將贊讀等官裁撤兼辦部務。

東陵禮部贊讀等官。與

西陵事同一律。著將該衙門幫辦並學習各員

一體裁撤。以昭畫一而專責成。○又諭陶澍奏。請變通巡江章程一摺。兩淮商鹽船隻。每多夾私盜賣。捏報淹消等弊。前經降旨。每屆半年。酌委參遊守備。或文職二員。自儀徵大江溯流巡緝。至湖口縣分路。一往江西。一往漢口。仍由原路查回。儀徵。換委委員。前往接巡。遇有夾私捏報之案。隨時懲辦。茲據該督查明。安慶府屬之華陽鎮。彭澤縣屬之沙灣馬當二處。均係楚西船隻失事被搶積慣盜

賣之地。該三處均著各調撥鹽務紅船兩隻。雇用小船兩隻。遴委都守千把一員。帶兵十名。並遴委鹽務候補運判經歷知事大使一員。雇募巡役十名。各駕坐紅船一隻。小船一隻。分段護送催趲。上下會巡交替。如遇鹽船擱淺難行。即為隨時起剝。儻有匪徒搶劫。暨船戶盜賣情事。會同協力查拏。交地方官嚴辦。並責成訪查。夾帶賣私。捏報淹消等弊。仍按半年一換。以均勞逸。其所需紅船舵水工

食小船價銀。及員弁兵役薪飯。著照巡江章程給發。每年於商捐緝私經費內動支。○又諭楊遇春奏。覆審匪徒滋事。分別定擬一摺。此案甘肅皋蘭縣匪徒鄭曼年等。挾都司袁貴不令攬造麻繩。及出征未得保舉私憤。並藉口裁汰老兵。及川民充補兵額為詞。膽敢於省垣重地。糾眾滋事。焚署傷官。實屬罪大惡極。鄭曼年著即凌遲處死。鄭曼得業經槍斃。仍著剝屍梟示。佛大善即馬壯懷。朱金槍

狗兒陳棋娃子即陳玉娃子。晏乃小黑子四犯均屬同惡相濟。著照所擬斬立決。即行正法。楊遇春著交部議處。其失察之地方文武各官。著一併查取職名。交部議處。阜蘭縣知縣黃璟。於匪徒滋事時。巡夜聞知。立即稟報。旋即會營帶同差役。將案犯分投全獲。辦理尚屬迅速。惟未能先事覺察。究有不合。仍著交部察議。○以安徽蕪湖縣捐賑修隄。並建義倉鄉塾。予在籍戶部尚書黃鉞等議敘。加銜有差。○乙酉。

上詣綺春園問

皇太后安。○諭內閣。朱為弼奏查禁糧船水手滋事。酌議章程一摺。糧船水手沿途恃眾滋事。必應迅速查拏。嚴行懲辦。茲據該漕督奏稱。押運北上。例隨尾幫。其在前各幫。難於遙制。所有在前各幫水手滋事。著責成押運官弁。會同地方文武官嚴拏務獲。不獲分別嚴議。拏獲之犯。即交地方官訊明。按律從嚴速

辦。本船照舊開行前進。無誤限期。所犯之罪。除重應正法。輕應枷號外。其應發遣並軍流以下罪名。訊明後。著先於犯事地方枷號示眾。俟漕竣後再行覈辦。地方官儻有疏縱情弊。即著該省督撫嚴行叅辦。毋稍寬貸。至投充水手。定例責成頭舵。分別雇用。確知姓名籍貫保結。又有前後船十家保結。有犯連坐。嗣後水手有犯。頭舵能查明稟報者。著酌給獎賞。十家保稟報。免其連坐。仍給獎賞。其頭

舵十家保能將重犯縛送運官究辦者。優加獎賞。若知情徇隱。亦著加倍治罪。幫弁於雇募水手到幫。及停泊時。按船查驗腰牌。如敢仍前虛應故事。並不認真稽查。即著該漕督從嚴懲辦。以儆奸徒而肅漕政。○又諭保昌奏職官被叅後潛行逃走。請飭嚴緝一摺。此案吉林佐領巴彥保任性刁健。前經該將軍奏叅。茲據查明該佐領於被叅後潛行逃走。赴京實屬膽大目無法紀。著步軍統領衙門

順天府五城迅速嚴緝。並著山海關副都統一體緝拏務獲。送部審訊。按律懲辦。○工部尚書兼管順天府府尹事何凌漢等奏。參職官被控。請旨先行解任質審。得旨。此案順天府照磨湯謙。被民人張起呈控。誑騙多贓。並呈出私給印封書信各件。經何凌漢等傳訊。該照磨堅不承認。難保非恃無質證。任意狡辯。必應徹底根究。湯謙著先行解任。交刑部審辦。案內要證姜四著嚴拏務獲。送部歸案。

質訊。尋奏張起因案央姜四求情取保。湯謙家人李二。輒與姜四誑騙得贓。並私用印封書信。囑託公事。依律擬杖徒。湯謙訊無聽囑情事。惟失察家人得贓。請交部議處。從之。○廣州將軍哈豐阿等奏。遵旨查澳門礮臺番梢。係西洋夷人設立。起自前明。並非哄咭喇夷商建設等語。得旨。所奏甚屬明晰。京師傳言。原難憑信。第有人陳奏。豈能不降旨查詢。且揀查舊存圖籍。造辦處現存乾隆初年洋

畫澳門圖一幅。朕詳加披閱。其門戶牆垣。宛然在目。並有高臺數處。俱設有礮具。其三巴門等名目。俱係清書標識。與卿等所奏大同小異。自可毋庸查辦。仍循其舊。惟諸夷貨船。暨澳門居住夷人。均當隨時留心。照例妥辦。天朝體制。斷不可失。外夷釁端。斷不可啓。為此特諭卿等知之。勿忽。○以塔爾巴哈台領隊大臣奕山。為鑲藍旗漢軍副都統。○以雲南按察使錢寶琛。為浙江布政使。安徽廬鳳

潁道周天爵。為江西按察使。調江西按察使程懷璟。為雲南按察使。○賞內閣侍讀學士岳良。頭等侍衛。為烏什辦事大臣。○以訓練懈弛。降廣東碣石鎮總兵官譚安。為副將。○蠲緩烏魯木齊宜禾縣上年被旱村莊新舊額賦有差。貸災民半年口糧。○丙戌。諭內閣。楊遇春奏精力漸衰。舊疾復發。懇情懇恩開缺。回籍調理一摺。楊遇春起自行間。歷事三朝。自少壯從戎。每遇軍書旁午。無不在事。馳

驅忠勇嚴明。深嫺韜略。功勳懋著。游邀五等之封。朕御極後。特加簡擢。畀以陝甘總督重任。復能盡心職守。於邊省事務。控制得宜。訓練軍實。整肅官方。實力實心。不避嫌怨。老成威望。中外皆知。實朕股肱心膂之臣。茲因年近八旬。舊疾舉發。懇情籲懇。開缺調理。若重違所請。朕心實有不忍。楊遇春著准其開缺。俟瑚松額到任交代後。即緩程來京。陞見。親加慰勞。量為施恩。以榮其行。且俾伊得伸瞻

戀之忱。屆時再令同籍。息心頤養。優游林泉。以示優待。勳臣眷念無已。至意。○又諭寶興奏已革頂帶之宗室。酗酒滋事。請旨懲辦。一摺。此案已革頂帶宗室。豐厚於園禁期滿。移駐宗室營。自應安分守法。乃復酗酒攪鬧。衙署實屬怙惡不悛。豐厚著發吉林。交該將軍嚴加管束。以為罔知法紀者戒。○又諭鍾祥奏試用佐雜。擅自離省。及告假久未回銷。請分別革職。註銷分發一摺。所奏是。各省分發

試用佐雜人員。理應常在省城學習。當差不得私行他往。其因事暫請給假。原有定限。亦不容延不同銷。茲據該撫查明。山東試用縣丞汪之楹。未入流陳廷鑪。俱未經稟明。擅自他往。著即革職。試用縣丞姚德恩。從九品譚有章。未入流漆圻。盛請假多年。俱未回省銷假。均著註銷分發。以肅政體。而飭官方。○朝鮮國王李琿遣使表賀

萬壽冬至元旦三大節。並貢方物。賞賚筵宴如例。○琉球國王世子尚育。暹羅國王鄭福均遣使表貢方物。賞賚筵宴如例。○以正白旗漢軍都統奕繪。署鑲紅旗蒙古都統。正紅旗滿洲副都統博多歡。署鑲黃旗滿洲副都統。○以內閣學士恩桂為盛京工部侍郎。盛京戶部侍郎德興。兼管奉天府府尹事。○以成都將軍瑚松額為陝甘總督。四川總督鄂山。兼署成都將軍。○調盛京將軍寶興為成都將軍。黑龍江將軍奕經為盛京將軍。吉林將

軍保昌為黑龍江將軍。以伊犁參贊大臣蘇清阿為吉林將軍。塔爾巴哈台領隊大臣奕山。為伊犁參贊大臣。調庫爾喀喇烏蘇領隊大臣華山泰。為塔爾巴哈台領隊大臣。以正白旗漢軍副都統哈當阿。為庫爾喀喇烏蘇領隊大臣。○命科布多參贊大臣長明來京。賞盛京工部侍郎富呢揚阿。副都統銜。為科布多參贊大臣。○改派四川總督鄂山查閱四川營伍。陝甘總督瑚松額。查閱甘肅營伍。

○以拏獲糧船滋事首要各犯。予山東知府祝慶穀等加銜升補有差。○丁亥。諭內閣。與德等奏。同戶積欠布棉。籲懇豁免一摺。葉爾羌每年折交布棉。陸續運送伊犁。茲據該參贊查明。該地方連年棉花收成歉薄。布價昂貴。若飭令將積欠全數交納。同戶力有未逮。加恩著照所請。所有葉爾羌同戶欠交道光二十三十四等年布共十四萬七千四百二十六匹。棉花共三萬斤。著概行豁免。以紓

同力。此項布棉。係運送伊犁備用。現因連年歉收。特准豁免。以示體恤。嗣後不得援以為例。所有該同戶應交布棉。著自道光十五年。起。照舊按年交納運送。務須年清年款。毋再拖欠。○又諭。訥爾經額奏。請將經管錢糧不。清疏懈。捕務之守備革職審辦一摺。湖南兼護洞庭營遊擊之中軍守備武步蟾。於額設公差等費。不敷支放。派令弁兵公攤。辦理已屬錯謬。至巡湖經費。既有應存銀兩。何以並

不隨時給發。其於兵餉等銀。又訪有借債湊款。及以錢作銀之事。難保無侵那漁利情弊。自應徹底根究。武步蟾著即行革職。交該督提同兵目人等嚴審確情。照例按擬著追。以儆官邪。而肅法紀。尋奏武步蟾任內。實無借債湊放兵餉。並侵那漁利情弊。惟洞庭湖額設巡湖經費。向由漢岸鹽商捐繳。嗣商捐未。經解到。該營公費差費。支放不敷。派令弁兵公攤。辦理究屬錯謬。武步蟾應照例開復。仍

降為千總。留於漢陽水師營差遣。下部議從之。○又諭。訥爾經額等奏請動項分別培修緊要隄工一摺。湖北嘉魚等縣境內隄塍屢被浸溢。掣坍。民力拮据。未能攤修。據該督等勘估緊要各工。自應動給銀兩。分別加培修復。所有咸寧蒲圻嘉魚漢川沔陽五州縣估需土方夫工銀共四萬五千餘兩。著准其在於該省司庫存積撫卹餘銀項下動支給發。照估興修。勒限春汛以前。一律完竣。該督當親往覈實驗收。如有草率偷減。即行叅辦。沔陽漢川二處民人。疊被水災。逃亡甚眾。該督設法招徠。並咨會鄰省截留資送回籍。現在估修各工。即著以工代賑。俾新歸貧民得以傭趁糊口。至該省逃荒民人。尚有逗留在外者。該督務須認真妥辦。現雖派員攜資分投迎提。押令回籍。其如何安插之處。務令各該州縣暨委員等。加結申報。以憑稽覈。斷不准奉文了事。仍致有名無實也。○諭軍機大臣

等前據興德奏查明六年間逆回滋事案內發遣伊犁等處為奴男婦各回犯。除釋回外。現存回犯三十六名。均係情願告存該處。永遠為奴。已飭該大臣無庸查辦。茲據興德等奏遵旨查明分給各城伯克為奴回婦子女。請援案概予釋回。開單呈覽。此項回婦子女。據稱於九年間分給各城伯克為奴。統計一百九十八名口。除情願告存及脫逃病故外。其餘一百五十一名口。現據詢問均屬願回。此項回犯。是否即霍罕夷使所稱一半未回。懇求釋回之犯。著該大臣等詳查原案。其內果有奏准釋回。未經放回各犯。俟該夷使愛連巴依回抵該城。著興德等即將恩旨傳知。並將詢問願回本處男婦各回犯。交該夷使自行帶回。儻非該夷使所求放回之犯。既經援案概予釋回。著照所議。俟各城回婦子女解到時。查照舊案。分給各伯克管束安置。均係緣坐回犯。毋庸資送出卡。亦著照議辦理。

將此諭令知之。尋奏查明此項同犯均係喀什噶爾英吉沙爾等城回子。道光六年逆同滋事案內緣坐之犯並非卡外霍罕安集延回子。毋庸交霍罕夷使帶同報聞。○以伊犁將軍特依順保為鑲藍旗漢軍都統。未到任前以刑部尚書成格署理。○以鑲紅旗漢軍參領孔廣安為鑲白旗漢軍副都統。正白旗蒙古副都統盛貴署正白旗漢軍副都統。○修湖北潛江縣護城隄。從總督訥爾經額等請也。○戊子。停止本年仲春經筵。○諭內閣。本月二十九日賜奠大學士曹振鏞著惠郡王去。○又諭。大學士曹振鏞。先朝耆舊。久直內廷。端謹老成。靖共正直。十四年餘。嘉謨嘉猷。深資倚賴。前因溘逝。特崇祿典。用獎前勳。業加恩賜諡文正。並准其入祀賢良祠。伊子曹恩濤服闋後以四品京堂補用。朕追維良輔。疊沛隆施。茲復派令惠郡王前往賜奠。伊孫曹紹桐著賞給舉人。准其一

體會試。將來靈柩回籍時著沿途地方官照料。妥為護送。用示朕篤念耆舊有加無已至意。○又諭。吳椿等奏請將運料未竣及遺漏錯報各員摘去頂帶一摺。浙江署湖州府同知馬兆椿所購塊石尚未運工。即行註單開報。候補運副吳臣敬於摺報時不以實在到工之數為準。遺漏率轉。馬兆椿吳臣敬均著摘去頂帶。仍勒限將塊石埽數運工。併將拋失之數賠運齊全。如逾限不足。即行嚴叅。○福建巡撫魏元烺密奏司道各員賢否得旨。鄧傳安人雖可靠。究屬年老。隨時查看。斷不可曲為將就。致令誤事也。○貴州巡撫裕泰密奏司道各員居官政績得旨。谷善耜如有操守不謹之處。斷不准姑容。即據實奏。○賞河南省等甲午科鄉試年老諸生任峻峰等五十二名舉人副榜有差。○修山東運河。加河上河。三廳隄閘各工。從河道總督吳邦慶請也。○修浙江仁和海寧二州縣海塘。從

巡撫烏爾恭額請也。○己丑。

孝儀純皇后忌辰遣官祭

裕陵○

孝慎皇后殯宮月祭。遣官行禮。

大清宣宗效天符運立中體正至丈聖武智勇
仁慈儉勤孝敏成皇帝實錄卷之二百六十二

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十三

監修禮部官曠庭日旗越居注官太子太保體仁閣大學士文淵閣領閣事管理戶部事務上書房總辦傳翰林院掌院學士兼管順

天府府尹事務隨帶加五級紀錄十八次臣曾補總兵官經筵講官吏部尚書領蓋旗漢軍都統管理新營房城內官房大臣稽察內

七倉大臣稽察會同四譯館事再加一級隨帶加六級軍功加三級紀錄五次花抄納輝庭諸官文淵閣提舉閣事兵部尚書總管

內務府大臣鑲黃旗滿洲都統稽察內七倉大臣管理宗人府銀庫左翼幼官學 宣惠宮閣明園等處稽覈管御各膳房御藥房主

醫院遷到皮事務隨帶加十八級。阿靈阿副總兵官經筵講官兵部尚書隨帶加六級。統緒二十次。周祖培等奉

救修

道光十五年乙未二月庚寅朔裁安徽鳳陽

關符離稅口。從巡撫鄧廷楨請也。○壬辰遣

官祭

文昌帝君廟。○遣官祭黑龍潭。

昭靈沛澤龍王之神。玉泉山

惠濟慈佑靈瀨龍王之神。昆明湖

安佑普濟沛澤廣生龍王之神。密雲縣白龍

潭

昭靈廣濟普澤龍王之神。○遣官祭圓明園

惠濟祠。

河神廟。○免雲南銅廠民欠無著工本銀。○
癸巳。濬熱河旱河。從都統嵩溥請也。○甲午。
遣官祭

先醫之神。○乙未。諭內閣。陶澍奏豫籌經費
銀兩。帶徵停止綱分。並遞年輪墊等語。此項
籌備銀兩。著仍留為外支。遞年輪墊。以應急
需。免致那動正款。俟挽正綱分。年清年款。此
項均屬有著之款。著該督即行奏明辦理。○
又諭。陶澍奏。加帶舊綱殘引。請仍照案停止。

俟積滯疏通。再行攤帶一摺。兩淮加帶已庚
殘引。前經戶部具題。飭令遵照前奏。照常帶
徵。茲據陶澍奏稱。新舊並運。實形喫重。且致
占礙正綱。請於甲午開綱時。仍照奏准原案
停止加帶。著准其將已庚未完殘引。暫予停
運。俟鹽引暢銷後。再行酌帶。以正綱分而利
疏銷。惟停止加帶舊綱殘引。原為疏通正綱
地步。甲午新引。現已開綱。該督即督飭趕緊
督運。以符奏銷期限。務歸年清年款。且停止

加帶。於本綱正額。既無占礙。該督更無所藉
口。正宜趁此疏銷。斷不准再有積壓。僅舊引
已停。而新綱又滯。是始終以虛詞搪塞。恐該
督不能當此重咎也。懍之。○禮部議准。江蘇
巡撫林則徐疏。報採訪無錫金匱二縣貞節
婦女張邵氏等一千八百七十六口。前護河
南巡撫栗毓美疏。報蘭儀睢二州縣卞陳氏
等一百四十口。湖南巡撫吳榮光疏。報沅陵
縣徐張氏等九十口。各請建總坊旌表。從之。

○修江蘇江寧府城

社稷壇

御碑亭。從總督陶澍請也。○丙申。

孝淑睿皇后忌辰。遣官祭

昌陵。○諭內閣。長清奏。試收茶稅展限。期滿一
摺。古城增設稅局。抽收茶稅。原議一年徵銀
八千兩。嗣因徵不足額。奏請展限三年。再行
定額。茲據該都統查明。現在三年期滿。每年
抽獲稅銀一萬一百至一萬五千餘兩不等。

較原定額數。有贏無絀。惟商販之往來。售銷之盈縮。難以豫定。若照前奏酌中定額。恐將來抽收不足。既難著賠。且遇茶販暢銷。易啓抽多報少之弊。不足以昭覈實。著照所請。仍責成奇臺縣知縣。儘收儘報。按季批解。該都統即督飭鎮迪道查照茶稅章程。務將正副稅票查驗覈對。以杜弊端而利商民。○兩廣總督盧坤等奏。遵查洋商實無私增稅銀。並現辦夷欠事務。仍遵奏定章程。每年夷人回帆時。將洋商有無欠帳未清。註明銀數商名。據實結報。即將商欠夷帳。勒催歸償。如不先行報明。即屬私借。一概不准追賠。庶夷人無拖欠之虞。眾商亦無攤賠之累。報聞。○賞戶部左侍郎奕紀。二等鎮國將軍。命在紫禁城內騎馬。○命廣東布政使吉恆。以三品頂帶休致。以廣西按察使阿勒清阿。為廣東布政使。浙江鹽運使宋其沅。為廣西按察使。○以捐修山西平陽府忻州城垣廟宇書院考棚。

予知府王茂松等獎敘有差。○丁酉祭先師孔子。遣大學士文孚行禮。○以捐修山東灘縣城垣。予捐職刑部司獄陳夔龍等議敘。○戊戌祭大社。大稷。遣定親王奕紹恭代行禮。○以科爾沁扎薩克郡王僧格林沁。禮部尚書載銓充總譜達。○以正黃旗護軍統領忠山。管善撲營事。科爾沁扎薩克郡王僧格林沁。禮部尚書載銓管虎槍營事。○己亥。以恭修福陵隆恩殿。遣官告祭。福陵及后土之神。○遣官祭闕帝廟。○命協辦大學士雲貴總督阮元。為大學士。管刑部事。戶部尚書王鼎協辦大學士。○以雲南巡撫伊里布。為雲貴總督。陝西布政使何煊。為雲南巡撫。順天府府尹牛鑑。

為陝西布政使。安徽按察使蔡世松為順天府府尹。調江西按察使周天爵為安徽按察使。以直隸通永道陳繼昌為江西按察使。○撥陝西司庫銀一萬五千兩。作為南北兩山州縣緝捕經費。從巡撫楊名聰請也。○庚子。孝康章皇后忌辰。遣官祭。

孝陵。○諭內閣。吳邦慶等奏籌議移築囊沙引渠沙壩。以減停淤等語。十字河西岸囊沙引渠內向有沙壩一道。長十九丈。底寬六丈。高

一丈一尺。距西河脣十九丈。該督等奏請量為變通。移築於三十五丈之外。高與原壩相平。俾壩外引渠展長。既能容沙。仍可蓄水。於舊制十字形勢。更屬相符。除新壩仍歸該廳兵夫撻築外。其壩外每年挑挖積淤。統歸搶修案內。與囊沙引渠一體疏濬。所有引渠沙壩。著准其移築。即自本年為始。趕緊辦理。俟一二年後。察看情形。如果有利無弊。再將修守章程。咨部立案。以期永遠遵循。其糧船緝

道。即著另造浮橋。以通往來。至十字河為微

山湖收水之路。今既移築沙壩收水。自應定以限制。著該督等督飭該廳隨時察看。如微山湖存水在一丈三尺以外。則沙壩無庸啓除。若消至一丈三尺以內。俟重運報完。即酌量挑啓。以資收蓄。速符定制。仍即堵築。以昭覈實。而利漕運。○以大學士文孚署戶部尚書。協辦大學士吏部尚書穆彰阿署步軍統領。定親王奕紹署鑲藍旗滿洲都統。禮部尚書載銓署管理戶部三庫事。理藩院尚書禧恩署管理奉宸苑事。○以錦州副都統奇明保署黑龍江將軍。盛京副都統察隆阿署錦州副都統。○以太常寺卿李振祜署順天府府尹。○改派理藩院尚書禧恩敬謹辦理泰東陵工程。○辛丑。遣官祭昭忠祠。○壬寅。諭軍機大臣等。本年十月恭逢

皇太后六旬萬壽聖節。和世泰理應進京同諸大臣祝嘏。和世泰接奉此旨。即自寧夏起程。

九月中旬。可以來京。其將軍印篆。著副都統存華署理。將此諭令知之。○癸卯。諭內閣。本年九月間。

孝穆皇后梓宮。由寶華峪奉移至龍泉峪。自京城迤北經過。屆時應行致祭。所有典禮。著軍機大臣會同禮部議奏。尋奏。本年九月初七日。

孝穆皇后梓宮。自寶華峪啓行。十一日至太平營第五宿。

蘆殿。請於十二日早。在太平營。

蘆殿內讀文致祭。所有致祭典禮。應請比照奉移禮。所有恭送。

孝穆皇后梓宮。並在京之王公大臣官員及福晉命婦等。豫先齊集抵俟。屆時。

皇上親臨奠酒。眾皆行禮。畢。

皇上目送。

孝穆皇后梓宮啓行。至致祭禮儀。禮部屆期另行具奏。從之。○修江西南昌縣。

文廟從巡撫周之琦請也。○甲辰。旌表守正捐軀四川安縣民婦唐王氏女黑女子。河南息縣民部萬年妹小女。○丙午。諭內閣。琦善奏。覈議領運奉天米豆章程一摺。前因直隸省領運奉天米豆海船。並不遵照奏定例限辦理。當降旨交琦善妥議章程具奏。茲據查明奉天兩運米豆。天津縣雇船領運十分之八。寧河縣領運十分之二。該二縣於接到奉天行知之日。統限一月內。將船隻雇齊。由藩

司派委候補佐雜二員。由天津道會同天津鎮派委武弁二員。各帶縣役二名。分別派令督押前往。限一月內齊抵牛莊口岸。將船隻點交該地方官。取具收到船隻日期回文。由陸路回省銷差。咨部查覈。如船隻出口遲延。即將承辦雇船之天津寧河二縣。分別叅處。在途遇有風水事故。該員弁即於所在地方報明詳咨。僮未呈報。無故逗留。即將員弁船戶分別叅究。船抵奉天之後。循照舊章於一

月內兌裝完竣。將起行日期。由該省咨報戶部及直隸省存案。仍委員押運。限一月內駛抵天津兌交。如船隻抵口。該地方官不將米豆即時開斛兌裝。或委員任意耽延。致令各船遲開遲到。即將奉天省印委各員分別叅處。儻開行後。在洋逗留。以致船到內河。已屆冰凍。即將押運委員詳叅。至直隸所派文武員弁。往還盤費。及自奉天由陸路回省。每員車價並跟役飯食所需銀兩。在於司庫地糧

銀內動撥。交各該縣領回轉發。事竣造冊報銷。均著照所議辦理。至奉天徵收米豆。例應完納本色。無待購買。著奉天府尹仍遵前旨。嚴飭經徵各地方官。每年務須儘數徵完。免致臨事周章。庶各船戶不得藉口守候。委員致遲回權。而滋延誤。○丁未

上詣綺春園問

皇太后安。○以大學士長齡管理藩院事。文孚管戶部事。潘世恩管工部事。阮元管兵部事。

協辦大學士戶部尚書王鼎。仍管刑部事。○以烏魯木齊協領多隆武。署巴里坤領隊大臣。○予故朝鮮國王李瑔。祭一次。諡宣恪。並追予故世子吳封爵。○旌表守正捐軀山西潞城縣民婦王王氏女郭王氏。○朝鮮國使臣朴宗薰等三人。於大紅橋瞻覲。○戊申。欽差都察院左都御史吳椿等。奏浙江海寧塘工。惟念里亭汛為最險。故自甲字號起。至石字號止。改築柴埽三千四百四十四丈。添建

盤頭七座。先經奏准辦理。嗣臣烏爾恭額來浙。因竹簍恐難經久。奏請仍修坦水。經收徵與臣吳椿詳加履勘。亦照修復坦水之議。其念里亭等汛。修築柴埽盤頭。仍照前奏興辦。現在臣等親往驗收。尚屬穩固。惟所辦柴埽面寬尺寸短缺。盤頭因雨邊俱有埽工坦水塊石亦須酌減。應將原估銀數覈實扣除。報可。○實授它克它布雲南開化鎮總兵官。○命散秩大臣奕興。內閣學士倭什訥。管圓明

團八旗內務府三旗官兵進班。○貸湖南華容龍陽沅江益陽武陵五縣修官民各垸銀。○己酉旌表守正捐軀江蘇華亭縣民沈坤姪女勝姑。○庚戌諭內閣文孚等奏議覆口外防差人員期滿酌予獎勵一摺。前據陝甘總督楊遇春奏。口外防差人員請於期滿後酌予儘先升用。以昭激勸。當交軍機大臣議奏。茲據奏稱甘肅口外換防人員遠在邊陲。道路既長。歷年亦久。似應酌加獎勵。請由葉

爾羌參贊大臣秉公確覈。奏請恩施。仍不得稍滋冒濫。自係為慎重邊防鼓勵人才起見。此項換防人員。近因逆回滋事以後。雖漸加增。惟自戡定回疆以來。節經派委更換。歷年既多。與伊犁烏里雅蘇台等處屯田官弁。事同一律。均有舊定章程。該營員等職司防守。自屬分所當然。若因其道遠年久。即予儘先升用。不特西北兩路辦理兩歧。且易啓該員等夤緣倖進之端。於營務有害無益。所有該

督奏請酌予差滿人員獎勵之處。著毋庸議。此後每逢更換之期。一經該督派出各員。不准藉詞推卸。希圖退避。儻派防之後。輒敢藉端推委。即著該督據實嚴叅。毋稍徇隱。以杜規避而重邊防。○又諭特依順保奏葉爾羌請豁回戶積欠布棉。有礙伊犁需用。據實奏聞一摺。葉爾羌每年折交布棉。陸續運送伊犁備用。前據興德等奏請將該回戶欠交道光三十四等年布棉。概行豁免。當經

降旨准行。並著嗣後不得援以為例。茲據特依順保奏葉爾羌等處每年額運布棉。係回子糧賦正供所折。除每年轉解塔爾巴哈台布二萬匹外。此項應用布棉。統抵錢糧正項。其動用數目。例應咨部覈銷。即與正項無異。數計三城。按歲折運布棉。抵帑金四萬餘兩。最為伊犁關繫緊要。因該處連年欠運積多。屢次行催。該參贊並未將歲數緣由咨覆。且關涉伊犁公事。並不會商。徑行具奏。將十二

三十四等年應交布棉。概請豁免。覈計抵款六萬餘兩。於伊犁塔爾巴哈台需用有礙。此次全數請豁。必致日後拖欠過多。另思設法。邀免等語。國家經費有常。偶遇水旱成災。疆臣奏請賑卹。蠲緩。從未稍靳恩施。前據興德等奏。回戶連年歉收。朕軫念民回。一視同仁。特恩准予全數豁免。茲據特依順保奏。該參贊並未會商。徑行具奏。冒濫乞恩。即回疆十年分二次用兵。經歷昌等奏。明將十年應

交糧布。分別豁免一半。何以歷今數年。猶稱元氣初復。且十二等年既經奏報豐收。忽又稱連年荒歉。是興德等有心隱匿。含混市恩。干譽。並不為國家通盤籌畫。殊屬有辜。職守興德。關福。均著交部嚴加議處。此項欠交二十三十四等年布棉。既經全數准予豁免。著仍遵前旨辦理。其十五年葉爾羌等城折交布棉。即著全數交納。分起趕緊運送伊犁。以資應用。如再拖欠遲誤。著特依順保即行

嚴叅治罪。尋議上。得旨。興德關福。經部議照例革職。本屬咎所應得。念係新疆駐劄之員。一經革職。轉可置身事外。興德關福均著革去副都統。賞給二等侍衛。仍帶革職留任。興德係該城參贊大臣。例應節制各城綠營官兵。著仍兼提督銜。以專責成。祇准戴用二等侍衛頂帶。○禮部議准。前護河南巡撫。栗毓美疏報。採訪許唐泌陽三州縣貞節婦女。楊慕氏等五百三十一口。請各建總坊旌表。從

之。○辛亥。諭內閣。惠郡王綿愉之嫡福晉薨逝。惠郡王現雖分府。尚屬年輕。著派總管內務府大臣克蒙額前往照料治喪。官為經理。一切喪儀。著照郡王福晉之例辦理。○又諭。訥爾經額奏。查明銷過淮鹽引數。請寬免鹽道考覈一摺。湖廣鹽務積滯已久。自經整頓之後。銷數逐漸加增。惟十三年未銷十萬餘引。委係因災滯銷。於十四年實銷數內劃補。致缺額二分以上。尚非督銷不力。湖北鹽法

道邵甲名著加恩免其議處該督仍當督飭該道設法疏銷以期年清年額毋許稍涉疏懈諭軍機大臣等本日據余步雲奏謝恩請訓一摺上年余步雲奏請來京陛見當經批示允准今該提督調任四川現在川省勦辦雅扎支夷尚未蕝事該提督業已起程來京無論行抵何處接奉此次諭旨即著前赴四川新任無庸來京請訓俟三年後再行奏請陛見將此諭令知之○以捐修浙江鎮海

縣城垣河道書院予前任知縣郭淳章等議敘有差修湖北荊州府萬城大隄從總督訥爾經額等請也○壬子春分朝

日於東郊遣禮親王全齡行禮○諭內閣上年後藏班禪額爾德尼遣使堪布噶沁羅桑班第彥來京呈遞貢物該堪布途遇果洛克生番被劫受傷現於本月初五日到京腿疾尚未痊愈著俟其醫治痊愈後再行示期令其呈遞丹書克其貢物即以現有物件呈遞毋

庸另行備辦至應給例折等賞仍照向例賞給諭軍機大臣等寄諭駐藏辦事大臣文蔚上年班禪額爾德尼等呈進丹書克遣使堪布經過穆魯烏蘇等處被果洛克番子劫奪受傷據西寧辦事大臣舒通阿具奏當經降旨即交四川總督鄂山等嚴緝正賊照數追出贓物茲該來使堪布於本年二月初五日業經到京其傷痕尚不甚重現在趕緊醫治俟平復呈進丹書克後再行照例遣回惟

該來使等回藏日期較遲達賴喇嘛班禪額爾德尼等不無懸念文蔚等接奉此旨即晚諭達賴喇嘛班禪額爾德尼等知之將此諭令知之○兩江總督陶澍奏詳陳兩淮鹽務現辦事宜並遵旨通盤籌畫得旨嗣後若果有成效年勝一年朕豈有不為卿作主之理無恤其他可也若歲歲空言搪塞部中不難稽覈前車未遠朕不能上下其手也噬臍二字懍之識之又奏遵查淮北票鹽試行有效

無須更易舊章。至地方搶案實因捻匪未靖並非因票鹽而起。已督飭各營縣從嚴緝捕。惟期有犯必懲。有功必賞。庶不致滋生事端。為地方之累。報聞。○朝鮮國王世孫李象表請襲封進貢方物。命留抵下次正貢。宴賚如例。○貸江蘇徐州府安徽宿州修濬減黃河堰銀。○癸丑。

上御勤政殿聽政。○遣官祭賢良祠。○諭軍機大臣等。上年十一月間。據長蘆鹽政祝麟奏。

稱署運司候補道海忠詳請調劑蘆商。通綱為之搖惑。當降旨飭令海忠來京。交吏部帶領引見。該員自應遵旨啓程赴部。何以遲至三月有餘。尚未到京。實屬遲緩。著琦善飭令該員即速赴部聽候帶領引見。不得任意逗留。將此諭令知之。○以太常寺少卿連貴為內閣學士。兼禮部侍郎銜。太常寺卿李振祜為宗人府府丞。通政使司副使穆馨阿為太僕寺卿。○甲寅。

上詣綺春園問

皇太后安。○吏部以大學士文孚潘世恩阮元應定何殿閣請。得旨。文孚著為文淵閣大學士。潘世恩著為東閣大學士。阮元著為體仁閣大學士。○以兵部左侍郎寶善署正紅旗漢軍副都統。○禮部議准河南巡撫桂良疏報採訪蘭儀縣貞節婦女郭侯氏等五十八口。請建總坊旌表。從之。○乙卯。

孝昭仁皇后忌辰遣官祭

景陵。○諭內閣。琦善奏官犯應繳官項請就近勒追等語。已革蘄永分司運判王世謨係擬發軍臺效力官犯。自應令其早赴戍所。其應繳入官餘贖銀錢數至二萬有奇。亦不容任其虛懸。無著既據該商吳寶具呈代為認繳。著交長蘆鹽政就近勒限。在於商人吳寶名下按數嚴追。解交藩庫。以清官項。○諭軍機大臣等。惠吉奏接據越南國王咨呈。內稱保樂土州農文雲現被該國官兵勒破賊巢。潛

逃不見蹤跡。據所獲匪黨許文泰等稱。農文雲挈眷潛竄內地。鎮安府之弄猛博炭等處。請嚴拏送辦。並願輸銀二千兩。充賞出力兵民。並請准該國將弁酌帶一二百人。或五六十人。於沿邊一帶分路追捕等語。並據該撫鈔錄照會該國王原文呈覽。朕詳加披閱。所見俱是農文雲詭譎異常。該匪黨等所稱農匪潛竄弄猛博炭地方。與國內既無此項地名。顯係逃東指西。詐言遁跡。即內地所探農

文雲藏匿夷地弄標地方。並前往老樸大墟歸附黎氏之說。亦難憑信。該撫惟當遵奉前旨。咨會提鎮。並嚴飭鎮安太平各府協廳州。督率員弁兵勇。不動聲色。嚴密偵緝。儻農文雲力窮勢蹙。潛行難髮。假冒民人竄匿內地。立即拏獲。縛交該國辦理。至該國願輸酬賞銀兩。自應正詞駁飭。諭以大體。其請帶人分路追捕。尤應諭以疆界攸分。雖尺寸之地。亦不能容其擅入。俾不致內地居民驚惶滋擾。

儻別生枝節。更不成事。至現在沿邊各村。辦理團練保甲。自係為慎重邊防起見。該撫務當督飭沿邊文武。隨時查察。認真防堵。毋許該兵民等一名私越邊卡。妄殺邀功。固不可擅助阮藩。尤不可為農匪煽惑。暗相勾結。致滋事端。將此諭令知之。○直隸總督琦善奏。保定省城。春雪優霑。得旨。京師雪澤亦與保定相同。朕以手加額。誠感誠欣。深為吾民慶幸也。○以故奉恩將軍文傑子祥瑞襲職。○

以鑲白旗漢軍副都統孔廣安署正白旗漢軍副都統。○丙辰裕泰奏。開河工竣。請捐廉歸還借款。邀免攤徵一摺。貴州桐梓縣戴家溝地方。前據嵩溥奏。請開河一道。藉資宣洩。所需工費。除官員紳士捐銀外。並准其在於該省司庫報部公費項下。借支銀九千兩。其四千兩。由該撫等酌量捐廉。分作五年扣還。其五千兩。歸於該縣民糧。分作十年勻攤。帶徵還款。茲據奏。桐梓縣河工所開明河暗洞。

俱已一律深通。其借動庫款九千兩。內五千兩。若於民糧內每年攤徵。該縣地瘠民貧。民力不無拮据。著俟借款四千兩。在於該撫與司道府廳州縣養廉內扣清後。所有原請在民糧內攤徵之五千兩。亦著於該撫等養廉內。自十六年冬季起。分作五年接扣還款。此項工程。係官民捐辦。併於養廉內扣還借款。著免其造冊報銷。○以吐魯番領隊大臣明訓為鑲藍旗蒙古副都統。正黃旗滿洲參領蘇隆阿為鑲白旗漢軍副都統。○准大通橋車戶承買黑豆二萬石。津貼車價。○丁巳皇后千秋節。宮內行禮如儀。停止筵宴。及在外福晉命婦進內行禮。○以吏部右侍郎張麟兼署戶部左侍郎。○戊午孝慎皇后殯宮月祭。遣官行禮。○諭內閣。何漢等奏請分派貢院門軌門兩處。撥檢一摺。此次會試。派出撥檢王大臣。及侍衛各員。即著該王大臣等酌量分派於貢院門軌門兩

處稽查撥檢。以昭嚴密。嗣後每科會試。著禮部於奏派撥檢時。即行分別開單。奏請分派。○調黑龍江將軍保昌為吉林將軍。以鑲黃旗滿洲副都統祥康為黑龍江將軍。○調鑲藍旗漢軍副都統奕山為鑲黃旗滿洲副都統。以鑲白旗蒙古參領海亮為鑲藍旗漢軍副都統。○以武備院卿鍾靈為長蘆鹽政上駟院郎中英誠。署武備院卿。○予故吉林將軍蘇清阿祭葬。謚剛愬。賞銀七百兩治喪。○己未。調兵部右侍郎廉敬為刑部右侍郎。盛京工部侍郎恩桂為兵部右侍郎。理藩院左侍郎奕澤為盛京工部侍郎。轉理藩院右侍郎。隆文為左侍郎。以內閣學士慶敏為理藩院右侍郎。○命保送河工翰林院編修徐經。山東道御史陶福恆。發往東河差遣。委用。吏部主事周際雲。刑部主事任為琦。發往南河差遣。委用。○以守禦甘肅省城出力。賞外委陳芝桂藍翎。餘升用有差。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十三

宣宗實錄

卷二六十三

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十四

恭額奏請將查拏滋事水手不力之幫弁革

職示懲一摺上年浙江糧船回空因徒陽運

河水涸改由橫間行走杭三幫水手袁永順

等輒敢藉口江路危險勒加辛工挨船勒索

復將舵工周永發毆傷兇橫已極自應嚴拏

究懲俾知儆畏該押空千總徐康超宋保等

並不直前追捕送交地方官懲治是臨時既

不能彈壓迨指名飭拏又不能擒獲解究實

屬有乖職守杭三幫押空千總徐康超等

道光十五年乙未三月庚申朔諭內閣烏爾

恭額奏請將查拏滋事水手不力之幫弁革

職示懲一摺上年浙江糧船回空因徒陽運

河水涸改由橫間行走杭三幫水手袁永順

等輒敢藉口江路危險勒加辛工挨船勒索

復將舵工周永發毆傷兇橫已極自應嚴拏

究懲俾知儆畏該押空千總徐康超宋保等

並不直前追捕送交地方官懲治是臨時既

不能彈壓迨指名飭拏又不能擒獲解究實

屬有乖職守杭三幫押空千總徐康超等

欽此

宣宗實錄

卷二六十四

幫押空千總宋保著即革職以示儆惕。總運署杭州府同知戴葆蓂於水手滋事時尚在後幫催趲。聞信趕往。犯先遠颺。與畏葸不拏者不同。惟事後究未獲犯。著交部議處。該撫等即各通飭所屬。不分畛域。購線密緝。務將袁永順等按名捕獲。究其首從。悉數擒拏。盡法處治。以儆兇頑而速漕運。○以前任杭州將軍富祥年老。命原品休致。○修浙江翁家汛塘工。從巡撫烏爾恭額請也。○辛酉。

上詣綺春園問

皇太后安。○諭內閣奕顥等奏遵吉敬修

永陵

福陵殿座等工。請選擇合龍吉期一摺。著欽天監於本年五月內。敬擇吉期二日。奏明後行。知該尚書等臨時酌量選用。○又諭桂良奏請將被控解任之知縣革職審訊一摺。河南解任原武縣知縣陳兆慶散放縣民被水撫卹口糧。擅將賑銀易錢。已非照例辦理。且折

給錢文。並不按照市價。覈實散放。車腳等費。又均出自卹銀款內。實屬有違定例。至移用外出戶口卹銀。撫卹貧生孤貧。辦理更屬錯誤。且未據稟報有案。顯係藉詞掩飾。其被控斂錢匿報升科。及詐贓釀命等款。亦恐供情尚多避就。必應逐款徹底根究。以期水落石出。陳兆慶著先行革職。交該撫提同應訊人證。秉公嚴行質審。務期無枉無縱。以成信讞。尋奏提訊陳兆慶領銀放賑。尚無侵捏情弊。

惟未經詳報。實屬錯謬。其審理王松華訟案。並無詐贓釀命之事。惟失察門丁索費。實屬昏憤不職。業已革職。應毋庸議。下部議。從之。○又諭桂良奏拏獲在逃首犯。審明定擬一摺。東河商虞廳被燒料垛案內。在逃之首犯劉鳳岐罪應斬候。惟河工料物。關係國帑民生。該犯燒燬稽料至五十六垛之多。且在逃三年之久。豈容再稽顯戮。劉鳳岐著即行正法。傳首通工料廠。仍梟示犯事地方。以昭炯

戒○以肅親王敬敏署管理樂部事○修山東清平博平堂邑聊城四縣運河民堰石閘等工從巡撫鍾祥請也○以山東濟南東昌武定等府歉收糧價增昂免奉天商販進口糧稅○壬戌諭內閣各省應解吏部飯銀自當按年批解以資辦公之用乃各該省節年拖欠愈積愈多經該部疊次行催延不批解現在江寧山東安徽山西貴州江西江蘇湖南湖北福建廣西等省共計積欠歷年應解飯銀至三萬六千二百兩之多殊屬延玩所有江寧等省應解屢年積欠並直隸等省應解本年吏部飯銀一萬四千七百兩均著該督撫藩司等迅速批解以資辦公嗣後應解飯銀著照例於春季解到毋得再有遲逾儻不能年清年款任意宕延即著該部嚴叅決不寬貸○修直隸涿州永濟橋從總督琦善請也○癸亥

上奉

皇太后幸慎德堂進膳○諭內閣朱為弼奏酌議糧船經過開壩章程並請添派道員稽察一摺各省漕船北上經過清江之惠濟通濟福興等三閘向皆設立開壩招夫拉挽其每船酌給人夫飯食錢文前經漕臣酌議條款榜示開壩本有定額近來積習相沿一切費用逐漸加多夫頭視為利藪員役藉以分肥頭伍尖丁影射漁利游手無賴藉端索詐種種弊端日甚一日自應嚴加查察以利漕行現經該漕督將舊定榜示條款酌量變通並每閘派漕委一員以專責成惟微末之弁難資得力著准其添派淮揚道李國瑞就近總司稽查彈壓儻有幫弁勒捐不給工價或漕委格外需索均由該道分別情罪輕則責懲重則揭叅俾知儆畏至夫工開壩銀兩即由各該糧道查照木榜條款酌給並交該總運各員眼同漕委分給人夫不准任意勒索亦不得拖欠短少用昭平允○以內閣學士連

貴仍兼管太常寺事。○乙丑遣官祭
 歷代帝王廟。○以協辦大學士吏部尚書穆
 彰阿為會試正考官。工部尚書何凌漢吏部
 右侍郎文慶張鑄為副考官。○以大學士文
 孚兼署吏部尚書。長齡署步軍統領。刑部左
 侍郎恩特亨額署京營左翼總兵。都察院左
 都御史恩銘署鑲白旗滿洲都統。鑲白旗漢
 軍副都統蘇隆阿署鑲藍旗蒙古副都統。○
 以吏部尚書湯金鉉兼署工部尚書。禮部尚
 書汪守和兼署都察院左都御史。兵部尚書
 王宗誠署管理順天府府尹事。○以兵部左
 侍郎沈岐兼署吏部右侍郎。內閣學士吳傑
 署戶部左侍郎。○陝西按察使其爾賡阿因
 病解任。調廣東按察使李恩繹為陝西按察
 使。以山西冀寧道王青蓮為廣東按察使。○
 貸江西南昌新建進賢建昌鄱陽德安星子
 德化八縣修築圩堤銀並緩徵節年積欠修
 費。○丁卯清明節。

上詣
 安佑宮行禮。○遣官祭
 永陵
 福陵
 昭陵
 昭西陵
 孝陵
 孝東陵
 景陵
 泰陵
 泰東陵
 裕陵
 昌陵。○遣官祭
 孝穆皇后殯宮。○
 上至田村
 孝慎皇后殯宮奠酒。○遣官祭
 端慧皇太子園寢。○諭內閣工部奏覆查庫
 貯鉛子虧短斤數。至七萬八千餘斤。該管監

督平。日收管不慎。咎無可辭。鉛子庫監督主事裕璫候補主事張沆度著撤去監督。與前次派查呈報不實之員外郎清壽主事曾斌一併交部分別議處。○又諭工部鉛子庫滿漢監督。向係一年更替。祇有交代冊籍。並無盤查甘結。嗣後著令交代之員。出具並無虧短甘結存案。並著工部堂官。每屆三年揀派委員。會同該管監督盤查一次。如有虧短。即著責令賠補。仍將該員等叅辦。儻派出會同盤查之員。並不認真查驗。扶同匿飾。經該堂官查出。亦著一併叅奏。○諭軍機大臣等。上年據蘇清阿等覆奏喀什噶爾屯田地畝係入官叛產。易換回田。與開荒者有間。現雖依界耕種。恐久後不無轉轉。應乘興辦之始。早為裁撤。現在屯民冬麥俱已播種。請自麥收後陸續遣散等語。業經降旨准行。惟念喀什噶爾屯民。甫經招徠墾種。旋即遣散。將地畝撥給同子認種。該屯民未免向隅。或以違散

失業。轉致滋擾同民。亦未可定。其無力貧民酌給口糧。遣至巴爾楚克撥給地畝。並屯民撤竣後。再將屯地給還原莊同子。辦理有無窒礙。著興德等體察情形。據實具奏。要使屯民不致失業。同民亦無滋擾。方為妥善。該大臣等接奉此旨。即體察該處情形。或可毋庸更張之處。據實妥議具奏。候旨遵行。不得拘泥前旨。遷就奉行。致有窒礙也。將此各諭令知之。○又諭本日據鄂順安由五百里馳奏趙城縣地方匪徒聚眾滋事。親督官兵前往勦捕。一摺。山西趙城縣。本月初四日突有匪徒聚眾滋事。放火燒燬監獄大堂。知縣楊廷亮不知存亡。又據靈石縣稟報探得霍州被圍。該撫聞信。即前往勦捕。並調省城滿漢官兵八百名。又調附近之孟壽潞澤汾州各營官兵五百五十名。並調大同鎮總兵清安帶領弁兵三千。馳往會勦。該縣匪徒滋事。一經調集兵丁。前往勦捕。諒不難即時撲滅。惟該

縣地當孔道。距山較近。匪徒易於逃竄。必須剋期蒞事。該撫到彼體察情形。如無須大員幫同勦捕。即迅速翦除。勿使蔓延。儻必須大員幫同勦捕。即一面奏聞。一面知照哈喇阿令其迅即會勦。並將因何起釁。匪徒約有若干。為首要犯是何姓名。該縣知縣是否存亡。平日有無激變情事。據實具奏。再山西官兵正需調派。此時能否校閱。一併知照哈喇阿等辦理。將此由五百里諭令知之。○又諭本

日據鄂順安由五百里馳奏趙城縣匪徒聚眾滋事。親督官兵前往勦捕。此等匪徒倉卒起事。不難立即翦除。現已諭令鄂順安迅速撲滅。勿使蔓延。並諭令察看情形。相度機宜。如須哈喇阿協同辦理。即著一面奏聞。一面飛咨哈喇阿前往會辦。前據哈喇阿等奏稱已由省城前赴大同一帶查開營伍。現在大同鎮弁兵業經鄂順安調往會勦。此時大同鎮營伍哈喇阿等如尚未經查開。自可暫緩

俟事竣撤兵歸伍後。再補行校閱。哈喇阿無論行抵何處。接到鄂順安咨文。即行馳往會同辦理勦捕事務。毋庸聽候諭旨。祥康即著在該處暫住。俟哈喇阿會勦事竣。再行偕往查開營伍。將此由五百里諭令知之。○以吏部左侍郎桂輪署鑲藍旗蒙古副都統。○修浙江海鹽縣塘工。從巡撫烏爾恭額請也。○戊辰。

上詣綺春園問

皇太后安。○諭內閣奕訢等奏勘明各工緣由一摺。據稱

福陵

隆恩殿原估揭瓦頭停挑換椽望二成。現在拆開後始見東西縫柁頭俱屬虧朽。木心空處探進尺許。尚無好木。情形誠為重大。細看兩明柱俱有屈壓走閃形勢。後檐西縫抱頭梁業經斷折。西角檐柱地腳沈陷。柱底微爛。難以久支。必酌量抽換拆葺。方可穩固。惟查大

柁兩架。各長四丈七尺五寸。高二尺。現備木植。並無如此大料。兩山柱高三丈七尺五寸。未經露明。不知木性何如。所有應換大木。均難立時採辦。即使採獲。而砍運風晾。尚須時日。難以懸工久待。請將大柁二架。改作三穿梁四架。原設頂格柱二根。即在五架梁下。作為中柱二根。加添抱柱四根。後檐柱抱頭梁椽標等木。酌量添換。即在備用木植內揀用。毋庸另行採辦。仍遵原估揭寔。敬謹修理。

永陵西配殿正脊壓陷。二步架以上。均有剝朽滲漏形跡。原估揭寔廊檐。恐頭停雨雪下滲。必致損傷大木。後檐明柱。亦俱有剝朽形跡。應請滿行揭寔。抽換大木。以期穩固。俱著照所請行。務當於大雨時行之。前敬謹辦理完竣。並著盛京將軍採辦大木。妥為風晾。俟木質堅固。再行奏明辦理。其所請派員勘估。及會修之處。著派德興普保德春就近勘估。夾經貴慶會同修辦。以免稽遲。而昭誠敬。○又

諭隆文等奏博窩逸犯自行投首。並妥議管束章程一摺。此案博窩投首逸犯果洛等。均著照該大臣等所擬辦理。該夷目札布汪魯帶領全部夷人。投歸商上。自應設立營官管束。俾得永遠相安。著照所請。准其於曲木多寺設立四品番目營官一員。宿四宗聶沃有姑寺三處。各設立六品番目一員。宿木宗寺普龍寺湯堆批批三處。各設立七品番目一員。均著選前藏番目中素能辦事之人升補。

並准將該夷目汪魯等親信之人。揀充東科爾數名。承當商上差使。該夷人等既有番目管束。該大臣前奏每年於該番出牧時。派委官兵彈壓。著即毋庸派往。此案夷務賞需銀兩。均係自行捐辦。著免其造冊報部覈銷。又另片奏。尤為出力之文武員弁。及番子台吉頭目等。請酌加鼓勵等語。駐防前藏四川督標中營藍翎把總涂占魁。加恩著遇有該省各標營千總缺出。儘先拔補。前藏糧務四川

候補同知王槐齡著遇有該省同知缺出不
論繁簡儘先補用。噶布倫敦珠布多爾濟前
因查辦商上案件賞給二等台吉。著准其子
嗣承襲二次。二品頂翎噶布倫策墊著結著
賞給二等台吉。無庸世襲。番目中譯比喜娃
三十九族上噶魯百戶彭錯丹增郎結之弟
四郎拉結均著賞給三品頂帶以示鼓勵。○
諭軍機大臣等瑚松額等奏添調官兵嚴辦
滋事支夷一摺。據稱裁邊廳雅扎支夷上年

復出搶擄人口。經該將軍等派員馳往查辦
並疊次追出漢民男婦共六十二丁口。擒獲
兇犯木勒等三名。仍嚴飭追獻兇夷。乃該夷
匪遲疑觀望。並不將兇夷交獻。因見防兵四
圍屯紮。膽敢潛匿在郭村子麻柳壩等處。恃
其山高箐密。吶喊放火。違作抗拒之勢。經參
將唐永清等帶同員弁兵勇分投攻擊。撲斃
賊匪數十餘人。擒同被擄民人袁永相等男
婦九人。又擒獲兇夷木格年各並漢奸簡干

等多名。現飭懋功協副將於新疆五屯內揀
選精練兵一千名。又派督標精兵三百名。合
之前派防兵。如有不敷。再於裁邊附近營分
酌量調派。令署提督馬騰龍親往督率。將所
有滋事支夷一鼓殲除。免貽後患。並派藩司
李羲文前往度支糧餉就近查辦善後章程
等語。該支夷等犬羊性成。反覆無定。現在防
兵四路圍集。其心猶未懾服。並不即將兇夷
捆獻投服輸誠。似此恃險跳梁。負固不服。若

再一味姑容。將就完結。必致兵退復出。再生
事端。且附近各廳縣所屬夷寨處處毗連。儻
敢相率效尤。咸無忌憚。更屬不成事體。自應
嚴加懲辦。以懾服該夷之心。此次兵力既厚。
馬騰龍正可乘此春融聚而殲旃。余步雲抵
蜀後。著即督飭將弁認真勦辦。以為一勞永
逸之計。將此諭令知之。○成都將軍瑚松額
等奏。勦辦裁邊廳夷匪所需官兵鹽菜口糧
等項。現與司道籌議。毋須動撥帑項。即由臣

等率同府廳州縣捐廉辦理。並有華陽縣紳士尹濟川等捐銀捐米。以佐軍實。足支供應。得旨所奏尚屬可行。須嚴防科派。一切妥為之。○命都察院左都御史恩銘。工部右侍郎賽尚阿。馳往察哈爾查辦事件。○以理藩院尚書禧恩。署兵部尚書。吏部左侍郎桂輪。署工部右侍郎。兼管錢法堂事務。○以克勤郡王承碩。署鑲紅旗漢軍都統。禮部尚書載銓。署鑲白旗滿洲都統。戶部左侍郎奕紀。署鑲

黃旗滿洲副都統。○以禮部右侍郎聯順。署理藩院左侍郎。戶部左侍郎奕紀。署對引大臣。○命新授順天府府尹前任安徽按察使蔡世松。暫留安徽。覈辦秋審事件。○己巳。祭先蠶之神。

皇后親詣行禮。○諭軍機大臣等。昨據奕顯等奏。

永陵應修工程。內草倉河入柳林內舊河身一道。經原估大臣等勘得水法。天造地設。自然

合局。其東首間段淤塞。應挑挖深通。該尚書等履勘情形。並檢查舊圖。詳加覈對。柳林之中。遇漲成河。水退成淤。嘉慶年間曾有辨過成案。惟現在挑挖柳林河道。則與舊圖不符。欲與舊圖相符。則須專挑草倉河。平墊柳林內水道。始還舊制。請派通曉堪輿之員。查勘明確。以便遵辦等語。現已降旨派戶部筆帖式阿鴻阿。馳驛前往。俟該員到彼。著奕顯等即帶領該員。敬謹相度。務臻妥善。將此諭令

知之。○又諭前據鄂順安。馳奏趙城縣地方匪徒聚眾滋事。並探得霍州被圍。親督官兵前往勦捕。當降旨諭令該撫到彼體察情形。如必須大員幫辦。即一面奏聞。一面知照哈喇阿。令其迅速會剿。並有旨諭令哈喇阿。俟接到鄂順安咨文。即行馳往會同辦理。勦捕事務。祥康即在該處暫住。俟哈喇阿會勦事竣。再行偕往查閱營伍。本日據哈喇阿等由五百里馳奏。據稱現將大同鎮四營官兵開

竣。行抵高山堡。接准鄂順安飛咨霍州被圍等情。即星夜兼程折回。與撫臣商同辦理。應否前赴軍營會同勦辦。奏明請旨等語。計此時哈喇阿等已行抵山西省城。哈喇阿著仍遵前旨。暫住省垣。靜候鄂順安來咨。再行前赴軍營。會同勦辦。祥康即暫住省城。儻該處現在情形。業經鄂順安查明。無須大員幫辦。哈喇阿即無庸前往。俟鄂順安勦捕完竣。再行查閱營伍。將此由五百里諭令知之。○又

諭寄諭直隸總督琦善。河南巡撫桂良。陝西巡撫楊名聰。山西趙城縣地方匪徒滋事。燒燬該縣衙署監獄。並有匪徒二千人圍住霍州城垣。節據鄂順安哈喇阿等先後由驛馳奏。已有旨諭令鄂順安親督官兵前往勦捕。此等匪徒倉卒滋事。既經該撫督兵往勦。自不難立時撲滅。惟念直隸河南陝西三省與山西地界毗連。該匪徒等現經官兵勦辦。勢窮逃竄。闖入各該省境內。在所不免。著各該

督撫等嚴飭與晉省接壤地方文武各官。小心防範。如有匪徒竄入。立即查拏究辦。無任隱匿遠颺。務當不動聲色。嚴密巡防。斷不可稍涉怠玩。亦不可過事張皇。將此各諭令知之。○又諭本日據孝順縣奏稱。科布多所屬阿勒台烏梁海卡倫。查有哈薩克潛越居住。歷次派員驅逐。現據總管塔爾巴稟報。右翼總管達賴坐卡時。曾受哈薩克等貨物。准令居住。哈薩克曾在德昌阿前稟過。德昌阿未

經稟報等情。事關收受外夷賄賂。佐領等隱匿不報。虛實均應徹底根究。著富呢揚阿秉公確查。達賴有無收受哈薩克貨物。哈薩克果否曾經稟報。並哈薩克係由何處偷入。應如何曉諭驅逐之處。據實奏聞懲辦。將此諭令知之。尋奏提訊哈薩克人等供稱。總管達賴坐卡時。並無收受禮物等事。查哈薩克自乾隆年間至今。屢次潛入烏梁海境。現在已經搬移者二千餘戶。惟依扎噶土帶領六百

餘戶遷延不去。應會同塔爾巴哈台參贊大臣委員驅逐。如再延宕。即嚴拏從重懲辦。報聞。○以內務府郎中文祥為奉宸苑卿。○賞前任伊犁鎮總兵官如柏頭等侍衛在大門上行走。○以湖南長沙協副將嵩齡為貴州鎮遠鎮總兵官。○旌表守正被戕直隸昌黎縣民趙德妻馮氏。○庚午。

孝賢純皇后忌辰遣官祭

裕陵。○諭軍機大臣等。本日據鄂順安由五百

里馳奏霍州圍解督兵進剿情形一摺。據稱該撫於本月初七日。途次祁縣。接據霍州知州稟報。初五日申刻。約有匪徒三百餘人。頭繫紅藍紬巾。放火攻打該州小南門。當經兵勇擊退。並拏獲匪徒十餘人。初八日行抵平遙縣地方。又據洪洞縣稟稱。初五日午刻。有賊匪四五百人。勢欲攻城。經文武各官督率兵役。施放鳥槍。匪眾退避。夜間復至。又經擊退。現經太原鎮總兵台費音派參將白鳳池

遊擊耿秉瓚帶兵五百名迎剿。該總兵續帶馬隊一百名。於初七日前往督剿。現在霍州一帶。文報已通。該撫星夜前進。與台費音分駐南北。合力兜剿。前調大同鎮官兵三千名。暫行停止等語。此等匪徒倉卒滋事。本係烏合之眾。現經該撫等分帶官兵。合力兜剿。諒無難剋期殲滅。哈喇阿自無庸前往會同剿捕。該撫所調大同鎮官兵。著即暫行停止。惟霍州趙城等處。為通衢要道。山谷叢錯。路徑

甚雜。該匪徒等一經官兵痛剿。勢窮力蹙。必至紛紛逃竄。該撫務當嚴飭毗連各州縣文武員弁。於各要隘處所。加意防範。嚴密堵截。儻有餘匪竄入境內。立即拏獲究辦。毋任逃匿遠颺。致有一名漏網。至此次匪徒究係因何起釁。首逆是何姓名。頭繫紅藍紬巾。有無習教情事。務即確切查明。無稍疏漏諱飾。將來拏獲首逆。該撫必須親提嚴訊確情。並究明此外有無餘黨。按律懲辦。以絕根株。再此

時哈琅阿計已行抵省城著即在彼暫駐體察情形與該撫相商所有未聞各營何時可以前往著即會同祥康偕往校閱將此由五百里諭知鄂順安並諭哈琅阿等知之○以內務府郎中豫萼署奉宸苑卿○辛未旌表守正捐軀直隸任邱縣民徐繼占女大姐○

壬申。

上詣綺春園問

皇太后安○諭內閣陶澍等奏蘇松等屬幫丁積欠天津道庫剝價等銀先行動項墊解分年扣歸一摺蘇松各幫自道光七年至十四年積欠天津道庫剝價等銀七萬七千三百九十餘兩自應於本屆新漕領項坐扣歸還惟近年丁力疲乏扣款滋多著准其於道庫支放項下先行按數動墊委員解還天津道庫以濟支用仍於各幫丁名下自道光十五年冬季為始分作四限將墊解剝價銀兩由道扣歸報撥又另片奏道庫應放款項繁多

恐庫貯轉輸不及所有應解天津剝價等銀道庫設有不敷准其於司庫附貯雜款內暫時籌借仍限三箇月內將所屬解交道庫銀兩由道解還司庫以清款項○諭軍機大臣等特依順保等奏會議改設辦事大臣一摺前因蘇清阿請將喀什噶爾領隊大臣改為辦事大臣是以交該將軍等悉心妥議具奏因思喀什噶爾自道光十一年將參贊大臣移駐葉爾羌設立辦事領隊大臣一員專管

滿洲營官兵雖綠營將備不歸統屬而該城辦事領隊大臣暨換防總兵均歸葉爾羌參贊大臣統轄官制相維事權畫一立法已為周密尋常無事時原應各司其事儻有緊要事件該大臣等既在同城定當相助為理勢不能推諉觀望坐失機宜數年來既已相安無事自不必多此一番更張該將軍等會議請將辦事領隊大臣改為辦事大臣著無庸議將此各諭令知之○以鑲白旗滿洲副都

統音登額署正藍旗漢軍副都統○以催趙
同空漕船出力。予江蘇道員李彥章等升敘
加銜有差○癸酉。

上詣

大高殿行禮

時應宮拈香○還宮○諭內閣程祖洛奏撥
赴臺灣換防弁兵。申明定例。概用水師營哨
船渡載。不准勒坐商船一摺。閩省內地各營
撥赴臺灣換防弁兵。例調水師營哨船赴廈

門蚶江五虎門三口配載東渡。順載年滿舊
兵歸營。嗣因乾隆年間臺匪蕩平之後。同時
互調班兵。船少兵多。不敷配載。權令附搭商
船東渡。後即援以為例。茲據該督奏稱。班兵
勒坐商船。既足累商。各營哨船。既不載渡。班
兵巡洋又屬虛名。水師營務亦就廢弛。著即
遵照定例。嗣後撥赴臺灣換防兵丁。務期嚴
飭水師各營。挑選大號堅固哨船。分駕三口
渡載班兵。不准一人一械附搭商船。並責成

興泉永道稽查。如有不遵紀律。勒坐商船。滋
生事端者。不論是兵是弁。輕則責革枷號。插
箭游示。重即以軍法從事。哨船到臺後。責令
臺灣鎮道嚴督各營將領。即日驗收新兵。換
回舊兵。統於十日內配坐原船內渡。經此次
申明定例之後。如敢有不遵定例。圖復舊習。
藉端勒索者。無論提鎮將弁。著該督一併嚴
參治罪。不准稍有姑容。以除積弊。而肅營務。
又諭盧坤奏審明已革知縣請託實情。從

嚴定擬一摺。此案廣東已革知縣何正機。於
該省前任學政李泰交考試廉州府屬。輒敢
向該學政懇求多取該縣前列童生。實屬玩
法。何正機著發往新疆效力贖罪。以示懲儆。
兩廣總督盧坤等奏。防範貿易夷人。酌增
章程八條。一。外夷護貨兵船。不准駛入內洋。
一。夷人偷運槍礮及私帶番婦人等至省。責
成行商一體稽查。一。夷船引水買辦。由澳門
同知給發牌照。不准私雇。一。夷館雇用民人。

應明定限制。嚴防勾串作奸等弊。夷人在內河應用無蓬小船。禁止閒游。夷人具稟事件。一律由洋商轉稟。以肅政體。洋商承保夷船。應認派兼用。以杜私弊。夷船在洋私賣稅貨。責成水師查拏。嚴禁偷漏。得旨所議俱妥。務須實力奉行。斷不可不久又成具文也。勉益加勉。以查拏鴉片煙販出力。賞廣東副將秦裕昌花翎。餘升用。拔補有差。○甲戌。諭軍機大臣等。瑚松額前經補授陝甘

總督。已有旨即赴新任。毋庸來京請訓。茲據奏稱。自道光十二年進京陛見。今逾兩載。請於到任後。將一切事宜。辦理稍有就緒。再行奏請陛見等語。陝甘總督統轄兩省。事務較繁。瑚松額著俟明歲冬間。察看地方情形。如無緊要事件。再行奏請來京陛見。將此諭令知之。○知貢舉都察院左副都御史惟勤等。奏查出代領試卷之湖南澧州舉人。請交刑部審訊。得旨。舉人王大相。交刑部審訊。此次

會試湖南省點名時。甄門御史及散卷御史。係屬何人。著知貢舉都察院堂官查明具奏。至受卷官。戶部候補主事劉鎔。短收甘肅舉人鮮新德試卷一本。雖據自行檢舉。究屬疏忽。著交部照例察議。○調荊州左翼副都統善英。為乍浦副都統。以福州協領特依順。為荊州左翼副都統。○展緩湖北黃陂應城蘄雲夢黃梅廣濟嘉魚漢陽漢川孝感沔陽鍾祥京山潛江天門江陵公安石首監利松滋

枝江荊門江夏黃岡二十四州縣並屯坐各衛帶徵舊賦。○乙亥。

上耕藉詣

先農壇行禮。更服至藉田所。

躬耕三推。復加一推。

御觀耕臺。命禮親王全齡。莊親王奕劻。成郡王載銳。各五推。吏部左侍郎桂齡。戶部右侍郎姚元之。禮部右侍郎陳嵩慶。兵部左侍郎寶善。刑部右侍郎趙盛奎。工部尚書敬徵。都察

院左副都御史受慶通政使司通政使溥治大理寺少卿關聖保各九推畢順天府府尹率農夫終畝賞賚農夫者老如例○啓鑒幸南苑詣

元靈宮

永慕寺行禮○諭軍機大臣等本日據鄂順安由五百里馳奏生擒贓斃賊匪多名查明起釁情形及該管知縣全家被害一摺此案山西趙城縣匪徒曹順傳習邪教因該縣知縣

楊廷亮訪聞查拏膽敢指令韓奇等糾眾竄夜滋事焚燒衙署監獄將該縣知縣楊廷亮殺斃楊廷亮之母及妻並四子二女暨幕友楊成鼎均同時被害又殺斃家丁二名婢女一口楊廷亮因訪拏教匪以致全家被害並無激變情事深堪憫惻著該部即照強克捷之例奏明給銜賜卹並賞給騎都尉世職著在該縣城建立專祠其母及妻四子二女幕友楊成鼎家丁婢女均著一併分別祀祀並

著查明楊廷亮原籍有無子孫奏明候旨首逆曹順務飭趕緊拏獲並訊明動手戕官之犯摘心致祭以慰忠魂至該犯等所習係屬何教平日傳授徒黨是否祇在趙城一縣抑或蔓延他處及直隸山東河南鄰近省分必須嚴訊夥黨切實根究不可稍有顛預以絕根株首逆曹順及在逃匪犯務飭分路追緝弋獲究辦不准稍有鬆懈哈琅阿祥康現在省垣已諭令先赴陝西校閱事竣再回山西

補開營伍將此由五百里諭令知之○又諭前據哈琅阿等奏校閱山西大同鎮四營官兵完竣行抵高山堡接准鄂順安飛咨霍州被圍即時折回省城當降旨令哈琅阿等暫住省垣靜候茲據鄂順安由五百里馳奏該撫帶兵進剿業將教犯贓斃生擒共三百餘名現在督率官兵嚴拏首犯想不難指日悉數剪除惟哈琅阿等現在應閱太原鎮標官兵而該鎮兵現有調赴趙城恐一時未能歸

伍。哈。喂。阿。祥。康。著。先。赴。陝。西。校。閱。事。竣。同。抵。平。陽。再。行。查。閱。太。原。鎮。營。伍。將。此。由。報。便。諭。令。知。之。○又。諭。彥。德。等。奏。揀。派。官。兵。分。起。前。往。山。西。趙。城。會。剿。一。摺。本。日。據。鄂。順。安。馳。奏。趙。城。匪。徒。滋。事。經。太。原。鎮。總。兵。台。費。音。督。率。兵。弁。已。於。初。八。日。擊。散。該。撫。於。初。十。日。到。彼。先。後。擒。獲。匪。徒。三。百。餘。名。現。在。分。路。搜。捕。等。語。此。次。匪。徒。滋。事。一。經。官。兵。掩。捕。即。紛。紛。逃。竄。計。窮。勢。蹙。毫。無。能。為。鄂。順。安。現。在。駐。彼。督。辦。諒。可。剋。期。歲。事。該。將。軍。等。接。奉。此。旨。即。將。所。派。官。兵。全。數。撤。回。無。庸。分。起。前。往。將。此。諭。令。知。之。○改。四。川。越。嵩。通。判。為。同。知。城。口。廳。同。知。為。通。判。改。鑄。關。防。從。總。督。鄂。山。請。也。○是。日。駐。蹕。舊。衙。門。行。宮。○丙。子。

上詣

開。帝。廟。拈。香。○行。圓。○諭。內。閣。高。喀。鼎。等。奏。參。揀。選。鑲。白。旗。蒙。古。副。參。領。時。有。印。務。章。京。成。棣。率。意。爭。執。一。摺。副。參。領。員。缺。該。都。統。擬。

定。正。陪。人。員。並。無。錯。誤。亦。與。該。御。史。所。奏。相。符。印。務。章。京。成。桂。因。伊。未。經。入。選。膽。敢。於。公。所。率。意。爭。執。殊。屬。非。是。此。風。斷。不。可。長。成。桂。著。即。照。高。喀。鼎。等。所。奏。解。任。交。兵。部。議。處。○是。日。駐。蹕。圓。河。行。宮。至。戊。寅。皆。如。之。○丁。丑。諭。內。閣。繳。庫。拜。唐。阿。德。齡。起。意。將。庫。貯。兩。繳。銀。頂。一。箇。偷。出。當。錢。花。用。情。節。較。重。著。即。發。往。新。疆。酌。撥。種。地。當。差。該。犯。盜。取。內。府。財。物。非。常。犯。可。比。雖。現。在。患。病。未。痊。著。交。兵。部。即。

行。起。解。其。偷。竊。繡。龍。織。頂。之。正。賊。著。步。軍。統領。衙。門。順。天。府。五。城。一。體。嚴。密。偵。訪。緝。獲。究。辦。○又。諭。此。次。會。試。湖。南。省。點。名。御。史。朱。達。吉。散。卷。給。事。中。祥。福。御。史。曾。望。顏。均。著。交。部。議。處。○以。工。部。尚。書。敬。徵。署。都。察。院。左。都。御。史。○賞。御。前。行。走。土。默。特。扎。薩。克。貝。子。德。勒。克。色。楞。黃。馬。褂。○賞。南。苑。苑。丞。等。緞。匹。有。差。看。守。行。宮。苑。戶。一。月。錢。糧。海。戶。銀。一。千。兩。○戊。寅。

上行圖○禮部以宗室會試中額請得旨取中三名○賞南苑管園總領章京等銀帶有差○己卯

上行圖○諭內閣琦善奏州縣營弁訪獲邪教請寬免歷任處分等語此案解諫與已故之張茂林孟長春輾轉傳習邪教收徒惑眾聞時數十餘年歷任文武各官例有失察處分惟現由密雲縣並通州順義縣三河縣各會營員自行訪獲究辦地方官果能如此認真

消患於未萌朕必施恩既往免究所有此案歷任失察之文武各官處分俱著准予寬免若一味因循姑息一經破敗斷不能稍寬一線也懷之○是日駐蹕新衙門行宮○庚辰上還圓明園○詣綺春園問

皇太后安○辛巳諭內閣山西趙城縣知縣籤升雲南南安州知州楊延亮因該縣匪徒曹順傳習邪教訪聞查拏該匪徒膽敢糾眾焚燒衙署監獄將該縣知縣楊延亮殺斃並其

母妻子及幕友家丁婢女同時被害該故員職膺民社訪聞習教匪徒立即查辦以身殉難閩署被害者十有三人深堪嘉憫前經降旨交該部即照強克捷之例奏明辦理茲據吏部查明具奏楊延亮著即照知府例給予卹典並著在該縣城建立專祠將家屬幕友等一併附祀並准其入祀京城昭忠祠照例賜諡以慰忠魂至所請賞給騎都尉世職罔替之處因思從前強克捷在河南滑縣任

內訪知李文成逆謀先期將該逆拏獲刑夾受傷以致林清在京不得遂其勾結奸謀立即破案同正刑誅厥功甚鉅此次楊延亮因訪拏曹順傳習邪教其全家被害之慘與強克捷同惟此案匪徒該故員雖經訪聞查拏尚未拏獲到案旋即被害與強克捷稍有不

同楊延亮著賞給騎都尉世職俟襲次完時以恩騎尉世襲罔替用獎忠蓋而示區別○又諭前因御史柏齡奏鑲白旗印務章京成

桂呈控該旗參領恭訥春患病不能當差並未開缺一款當降旨令長齡成格查明具奏茲據長齡等奏稱恭訥春現在實有痰疾勉強當差扶人行走等語參領辦理旗務差事較繁恭訥春進署行走當差俱須用人相扶豈能精神周到勤勉供職著即勒令休致該都統等平日不能留心查察致令應機實屬瞻徇姑容高喀鼐舒倫保均著交部議處○禮部以會試中額請得旨滿洲取中九名蒙

古取中五名漢軍取中六名直隸取中二十二名奉天取中二名山東取中十九名山西取中十二名河南取中十九名陝甘取中九名江蘇取中十九名安徽取中十五名浙江取中二十二名江西取中二十一名湖北取中十五名湖南取中十名福建取中十六名廣東取中九名廣西取中十名四川取中九名雲南取中十一名貴州取中九名○予故山西趙城縣知縣楊廷亮諡昭節○禮部議

准山東巡撫鍾祥疏報採訪清平縣貞節婦女高冉氏等一百一十四口河南巡撫桂良疏報浙川廳趙劉氏等四十三口各請建總坊旌表從之○壬午論內閣朱為弼奏重運將屆經臨請飭實力挑濬十字河淤沙以速漕行一摺所奏甚是十字河一帶積沙最深尤易淤淺該廳員等如果隨時認真撈挖何至受淤至一丈數尺之多若議令臨時漕河協撈淤沙是以專事駕駛之水手作為分任

撈淺之河夫限期緊迫辦理匆忙責以停泊協挑既恐逗留滋事且事非所習欲速反遲並恐河員等恃有此議挑工偷減以致噴沙愈厚疏挑難施即窮治水手之挑挖不力嚴參運弁以督率無方於事亦屬無濟著河東河道總督山東巡撫嚴飭河廳各員趁此春和水弱多集人夫竭力挑挖深通將來山水漲發仍著隨時疏濬並飭滕沛二縣照例豫備剝船一俟重運經臨即可暢行無滯不得

互相推諉觀望。以專責成。儻未能先事豫籌。以致漕船停泊待批。有誤船行期限。惟該河督等是問。至漕船例帶土宜喫水。自有定誌。著漕運總督屆時查照成案。酌量辦理。○又諭惠吉奏請將短解鉛斤逾限不完之已革知縣拏問究追一摺。廣西前署上林縣已革知縣游長齡領過採鉛腳價銀七千六百零欠解黑鉛七千餘斤。白鉛三十八萬二千二百餘斤。前任永淳縣另案叅革知縣劉築巖領過腳價銀二千四百一十一兩零。欠解白鉛十一萬九千五百餘斤。前經降旨將該員等扣留省城。勒限嚴追。茲據該撫奏稱叅限已逾。仍未完解。鉛斤為營操鼓鑄所需。豈容任意延宕。該革員等既不完解鉛斤。又不解繳腳價。顯有虧那情弊。游長齡劉築巖著即拏問。交該撫提同經管廠務丁書人等嚴行審訊。照例辦理。所有該革員等寓所及各原籍家產。著一併查封備抵。○又諭刑部奏查出

緩決絞婦。遺漏查辦。據實檢舉。甘肅省肅州緩決絞婦凍納奔格子一口。上年辦理秋審遺漏查辦。覈其情節。係屬尋常闕畝。著加恩寬免釋放。所有刑部承辦司員。著交部議處。該堂官等著一併交部察議。○大學士兼署吏部尚書文孚等奏。候選吏目高士英呈控吏部書吏隱匿丈卷。恐有情弊。請交刑部審訊。得旨。此案吏部文選司承收丈卷書吏。有無隱匿。著交刑部審訊。候選吏目高士英著聽候傳訊。所稱收閉不肯付出之科吏。著據實指明。徹底根究。其東城兵馬司吏目一缺。著俟刑部定案後。再行按班揀補。尋奏吏部管冊書吏余一鵬。經承王家棟因遺失丈卷。互相推諉。均應照律杖七十。折責發落。高士英懷疑妄控。亦屬非是。應照不應輕律。笞四十。照例收贖。從之。○癸未。諭內閣。鄂山奏官兵進剿雅扎等支夷匪。已將險要各路戡平。一摺。四川戡邊廳屬雅扎等支夷。前因辦理

未安心生玩視以致勾結各支。負隅抗拒。經鄂山等奏請添兵進剿。茲據鄂山奏稱。據署提督馬騰龍等督率將弁。分兵十隊。以五隊循迤西上路而進。以五隊由迤西下路環繞而出。於二月十九至二十七等日。連獲勝仗。六次險要處所。俱經攻克。夷目戶租等三十六名。積慣擄搶之著名兇夷。叻賊等十八名。兇夷自虎等六名。及連雞等四名。均已生擒。兩路夾攻。殲斃夷匪千餘名。賊勢已極窮蹙。勦辦甚屬可嘉。鄂山前因未能控制合宜。降一級留任處分。著即予開復。署提督馬騰龍著交部議敘。此次在事尤為出力員弁。著該督酌量保奏數員。毋許濫冒。傷亡兵丁。照例辦理。該督即督飭馬騰龍等。一鼓作氣。趁此破竹之勢。挖捕淨盡。務期一勞永逸。以伸天討而靖邊圉。○封閉甘肅玉門縣礮洞。從前任總督楊遇春請也。○甲申諭內閣。內務府奏。

雍和宮香燈地租銀兩。歷年拖欠數目。開單呈覽。此項銀兩。係供每年香燈之用。各該州縣積年拖欠。延未解清。實屬瞻玩。所有自道光元年至道光十四年。續欠銀錢。著直隸總督嚴飭各該州縣。實力催徵。迅速如數完解。如再遲延。即著嚴參懲處。決不寬貸。○諭軍機大臣等。寄諭山東巡撫鍾祥。河南巡撫桂良。河工之要。首在破除積習。經理得人。次在節省錢糧。工歸實用。吳邦慶接任以來。十二年以河南候補同知黎淦。候補通判沈廉。改撥河工。十三年以試用縣丞龔國良。改撥河工。上年又以河南候補通判羅傑。候補州同沈鏞。候補府經歷周昀。改撥河工。如果差委乏人。不難奏請分發。乃以地方候補人員。紛紛改撥。無非為屬員謀缺地步。歷年安瀾保舉。不過十餘員。上年保至二十五員之多。未免濫冒。東河南北廳屬動用銀兩。上年安瀾摺內。稱各員搏節錢糧。埽工碎石兩項。省銀三

十餘萬兩。而十月報銷摺內。則云比十三年省銀十二萬餘兩。其碎石留存。可值十五萬兩。前後所奏數目不符。且碎石乃例應籌備之項。今年仍應開銷。不得謂之節省。東河自道光元年至十年。每年動用正項錢糧。多至一百萬兩以內。其用至百萬以外者。不過三四年。惟十一年搶辦險工。用銀一百十四萬。今吳邦慶任內十二年十三年十四年。俱用至一百十萬兩以外。較之十年前。有多無

少。是所謂揮節錢糧一語。不過為屬員升官考語。按之實際。仍屬子虛。未免意存隱飾。河一正項動支之外。尚有找補不敷銀兩。此三年中多找銀二三十萬兩。即係多支銀兩之證。再聞吳邦慶年老重聽。自十二年到任。即調河南候補通判沈廉在署辦理摺奏。改撥河工。補用曹考廳通判。仍不時密商事件。該通判在外招搖。無所不至。又引沈鏞為心腹。亦得保舉。沈鏞係在河北道署二十餘年幕

友沈亦周之子。聲名極為平常。改撥縣丞龔國良。即下北河同知上年保舉道府龔慶祥之子。候補通判羅傑。係在京開張廣泰銀號。羅嶼之子。羅嶼往來工次。承辦東河奏銷。包攬一切。為河工之蠹。各等語。該撫與吳邦慶駐劄不遠。見聞必確。著詳晰查明。該河督保舉有無濫冒。其錢糧揮節數目。是否與原奏相符。現在果否重聽。通判沈廉。是否不時與該河督密商事件。在外招搖。以及沈鏞等各

員有無劣跡。一併詳查明確。即據實迅速具奏。不得遲延觀望。此係專交查辦事件。該撫自當破除情面。毋稍瞻徇。儻有不實不盡。經朕訪聞。或別經科道奏劾。該撫不能當此重咎也。將此諭令知之。○乙酉。諭內閣。御史袁文祥奏。請飭申明鴉片煙例禁。一摺。鴉片煙來自外洋。流毒內地。大為民害。前經降旨諭令各直省督撫嚴行查禁。並於年終將有無吸食及栽種之處。彙奏一次。茲據該御史奏

稱貴州風俗素為淳樸。近日漸有吸食鴉片煙之人。及栽種煙草。開設煙館之事。良民子弟。一為所誘。受毒不可復離。敝俗病民。莫此為甚。著貴州巡撫嚴飭各州縣。於所屬地方。申明例禁。責成保甲牌長人等。查緝糾察。隨時舉報。認真禁止。並約束胥役人等。不得徇隱包庇。尤不得藉端詐索。騷擾閭閻。以祛流弊。而正民風。○貸甘肅皋蘭隴西伏羌靜寧禮五州縣暨沙泥州判所屬上年災歉貧民

兩月口糧。○丙戌諭內閣奕勳等奏遵照吉期興工一摺。盛京大清門工程現已興工。其拆卸後查明估外之梁棟柱木。尚有損壞。並請添換甃瓦等項。俱著照所議妥慎辦理。至清寧宮大柁三架。後檐俱形沈墜。兼有腐朽。自應一律更換。惟原奏正用備用大柁二根。內一根有透木樹結。正當樁窠喫重之際。其一根通體蟲蝕。蛀孔深透。又未經奏明備用一根木心鬆浮。中有裂縫。均難應用。前項工

程著即暫行停緩。其頭停瓦片拆卸後。著交內務府妥為存貯。以備抵用。至朽壞椽望。即行找補整齊。抹飾灰縫。苫蓋蓆片。油飾彩畫。以肅觀瞻。仍著該將軍隨時察看。加意敬謹保護。奕經即遵派妥員。將此項工程應用柁料三件。趕緊採辦。務使體質堅實。風晾乾透。俟採有大木時。再行奏請興修。所有前存柁木三根。原係專為此項工程特採之物。何以均不堪用。甚至通體蟲蝕。蛀孔深透。亦未看

出。實屬辦理不善。著該將軍即將何年月採辦。何人任內之事。查明承辦堂司各官據實具奏。○又諭特依順保奏。換防官兵請仍由冰嶺行走一摺。伊犁換防南路滿洲營官兵。上年經該將軍奏明。派令領隊大臣。帶由伊犁哈布哈克出卡。送至南郭羅地方。其喀什噶爾旋回官兵。由烏什派員從貢古魯克出卡。至南郭羅互相更換。茲據查明烏什貢古魯克路徑。須由布魯特遊牧經行山溝狹徑。

行走較難。上年即未能如期交替。自應因時變通。俾臻妥善。著照所請。所有伊犁換防喀什噶爾官兵。著仍照舊章。由冰嶺行走。派委協領護送。至冰嶺之南塔木哈塔什台互相交替。其換班之期。每歲定於八月。並著知照阿克蘇。循照上屆章程。照料過境。其貢古魯克路徑。著即行封禁。仍照例派令領隊大臣於布魯特邊界按年巡察。以固邊圉。而歸舊制。○又諭吳邦慶奏儀雉曹河兩廳料垛被

燒。照例賠補足數一摺。河工料物。為修防根本。該管各官自當加意防範。豈容稍有疏虞。茲據該河督查明河南儀雉廳屬睢州上汛五堡料廠失火。被焚稽料十八垛。山東曹河廳屬曹中汛八堡料廠失火。焚燒稽料三十五垛。俱經該管廳營汛員分投買補。另廠存貯。該河督逐垛丈量拆驗。均係足額。尚無短少。捏飾情弊。所有巡查不力之儀雉通判鄭勛。曹河同知張鳳紀。儀雉營協備徐夢麟。曹

河營協備孟興業。應行交部議處之處。均著加恩寬免。其睢上汛千總吳懷恩。曹中汛分防外委楊德係。專管汛弁均著摘去頂帶。以示薄懲。該二廳看廠弁兵。著吳邦慶鍾祥桂良嚴飭該管河廳州縣提訊明確。務須究出起火根由。嚴密訪拏。以儆刁頑。至河工各料垛多係露積於隄壩之上。全在該管各員弁留心查察。隨時巡防。方免貽誤。近年河工料垛被焚之案。層見疊出。實屬漫不經心。不以

官物為重。除交該撫等嚴飭各屬將放火之犯認真訪拏。有犯必懲外。並著該河督查飭各廳營員弁實力巡查。毋稍疏懈。儻失於防範。再有焚燒料垛之事。定當從嚴懲處。決不寬貸。○丁亥。

上詣綺春園問

皇太后安。○戊子。

孝慎皇后殯。官月祭。遣官行禮。○旌表守正捐軀河南偃師縣民馬忙妻趙氏。○己丑。諭內

閩英紀等奏酌議鼓鑄卯額並請飭催途次銅鉛一摺寶泉局現存銅斤按每月六卯鼓鑄及閏月加鑄四卯可敷七箇月之用現存白鉛斤按每月六卯鼓鑄可敷兩箇月之用現存黑鉛斤可敷四十三箇月之用所有該局鼓鑄卯額著自本年三月分起每月仍按六卯鼓鑄其九月以後卯額屆期察看情形再行具奏至該局需用銅鉛必須嚴催在途各運迅速抵京銅鉛為鼓鑄攸關斷不容遲

延貽誤著湖北江蘇安徽各巡撫派委道員會同武職大員迎提催趨嚴飭所屬文武員弁及沿途地方官查明各運銅鉛現在行抵何處督令趕運統限五月內全數抵京儻該員等藉詞逗留地方官不實力督催該撫等即指名嚴叅並著直隸總督山東巡撫一俟各運銅鉛入境即派員上緊催提迅速解京以資鼓鑄又另片奏運員行抵清江浦後藉口讓漕尤多阻滯請照案插檔行走等語上

年運鉛委員嚴錫珍朱壽莊運銅委員張景沂等均於十月過壩自應行在首進幫船之前迄今未據東省咨報過境未必非藉口讓漕之故著漕運總督並沿河各督撫查照前案應隨何幫船後或臨時察看何幫可以插檔先行指明派定令其隨尾而進仍著嚴行催趨隨時奏聞務使依限抵通以免阻滯又諭嵩溥奏腿疾舉發懇請開缺調理嵩溥感受風寒腿疾舉發一經調養自可就痊熱

河都統衙門日行事件無多儘可照常辦理嵩溥著即在任調理不准開缺○又諭和世泰等奏叅積壓民人聚眾控告之步營協領一摺此案民人陳柱等以水利同知張東序及書役李緒淵等勒派加夫封水害民聚眾數百赴該將軍衙門控告該協領阿璽達富忠藉端壓擱並不即行呈明殊屬藐玩阿璽達富忠著交部嚴加議處和世泰等訪出後即行具奏其自請議處之處著加恩寬免所

[illegible]

道光十五年乙未夏四月庚寅朔享

太廟遣定親王奕紹恭代行禮○辛卯諭軍機大臣等寄諭綏遠城將軍彥德直隸總督琦善山東巡撫鍾祥河南巡撫桂良陝西巡撫楊名颺本日據鄂順安奏續經拏獲賊匪並審明動手戕官各犯一摺山西趙城縣匪徒曹順聚眾滋事經鄂順安帶兵前往督辦於三月初十日馳抵該處先後生擒戮斃賊匪多名道路肅清茲據該撫奏稱續獲匪犯數十名並訊明動手戕官之韓奇郭四杰靳來

芳狄拉子四犯凌遲處死並摘心致祭故員
楊廷亮戕官要犯不致倖逃顯戮實足以伸
國法而快人心惟首犯曹順先因斂錢哄誘
鄉愚以致輾轉傳徒聚眾滋事罪不容誅現
在尚無下落豈可任其倖逃法網著該將軍
等各飭所屬四路偵緝一體嚴拏務獲亦不
可因此轉滋擾累務期罪人斯得立正刑誅
是為至要將此各諭令知之○壬辰

上幸靜明園詣

龍神廟拈香奉

皇太后幸萬壽山詣

廣潤祠拈香。幸鑑遠堂。進膳。諭內閣。理藩院。奏遵旨查明布彥克什克。承襲扎薩克頭等台吉之世譜。可否令伊長子額林沁多爾濟承襲一摺。據稱乾隆四十七年。曾據該院查明杜爾伯特。土爾扈特。和碩特。扎薩克王公台吉之世譜。奏准世襲罔替等語。今布彥

克什克患病難以當差。其扎薩克頭等台吉著加恩即令伊子額林沁多爾濟承襲。作為世襲罔替。該院知道。○禮部議准江西巡撫周之琦疏報採訪泰和縣貞節婦女劉康氏等一千二十八口。河南巡撫桂良疏報商城縣陳程氏等六百二十九口。各請建總坊旌表。從之。○乙未。

上御含輝樓閱侍衛騎射。○諭內閣朱為弼等奏漕船不戒於火。分別叅賠一摺。此案劉長清船上舵工解泳志因炊飯起火。延燒各船至三十九隻之多。並焚斃多命。自應分別叅賠。以示懲儆。所有劉長清一船燒燬米石。即著代辦伍丁許冠賢賠補。其餘各船燒燬米石一體著賠。惟為數較多。著自明年冬季起。各按原船米數。分年買補搭運。其被燒各船應如何賠造。或雇募接運之處。該漕督即飭該管糧道查案速辦。長淮三幫領運千總鄭芳蘭疏於防範。厥咎較重。著即革職。其該幫

運務另行委員接辦。並將該革弁交淮揚道李國瑞提同該船伍丁等確切訊明。有無懷挾私嫌虧短掩飾情弊。從嚴覈辦。毋稍徇隱。此外五幫領運千總。雖因別舟延燒。究屬疏於防護。所有廬州頭幫千總沈世城常白幫千總李清楨。淮安二幫千總胡定海鳳中常幫千總萬元衛鳳常幫千總蕭漢卿並清河縣知縣王國佑舊城汛把總石有山均著交部分別照例議處。朱為弼麟慶未能先事豫防。著一併交部議處。○丙申。禮部議准江蘇巡撫林則徐疏報採訪實應縣貞節婦女繆氏等四百九十二口。江西巡撫周之琦疏報吉水縣郭歐陽氏等二百二十一口。河南巡撫桂良疏報林縣蔡楊氏等二十四口。各請建總坊旌表。從之。○丁酉。

上詣綺春園問皇太后安。○諭軍機大臣等本日據興德奏查明喀什噶爾庫貯軍械虧短。並開單呈覽。一

摺據稱新任總兵劉允忠到任後查點庫貯內鐸鍋帳房鈹鏢鏢斧鳥槍腰刀角弓撒袋等項均皆虧短當經該大臣派員詣庫按照道光八年各營交存底冊逐件查點實有虧短並查出前任中營副將賴允貴於造具保題冊籍時將實存軍械刪減報部以後均照刪減之數造報其舊帳房改做虎衣鳥槍截改藤牌小槍係前任總兵周悅勝前任參將馬連升商同改做又庫貯鉛丸封口內有八

千餘斤均係鉛鐵包皮內裝鐵渣瓦石又右營都司顧忠藉製做虎衣為名在鋪面房租錢內提出普爾錢七十餘千文以為總兵周悅勝獎賞城工出力官兵及修理車輛等項之用並豫備新任總兵劉允忠尖站及鋪墊等項旋經劉允忠將原製鋪墊發還又經備送劉允忠銀二百兩而劉允忠則稱署內鋪墊原係前任交留因查出房租虧短顧忠即言製辦鋪墊各物動用迨經退給今其呈繳

錢文該都司抗不交納至顧忠備送盤費銀二百兩劉允忠並未收受取有兵丁馬安士等供結等語邊疆重地庫貯軍械攸關緊要理應加謹收貯覈實造報何得任意刪減歷任各員均未查出且藉稱庫貯有餘擅自拆毀改做以致虧短實屬任意廢弛著興德等確切查明即將歷任總兵等官分別據實奏參交部議處其虧短軍械內有口外地方不能製造者著即開單移咨陝甘總督照數如

式補製運送以補缺額所有製造工料價值及運費即著落歷任各員賠繳至包皮鉛丸是否係道光十年改造有無情弊著向前任遊擊馬天錫等查詢明確照例覈辦並將現在包皮鉛丸趕緊燬造實在鉛丸貯庫其顧忠提出房租錢文是否實係豫備周悅勝獎賞修理車輛之用暨劉允忠曾否發還鋪墊並所致送銀兩是否當交原去之人帶回均須徹底根究都司顧忠著暫行革職交興德

等提同兵丁馬安古及見證把總馬殿輔等
秉公審訊按律辦理斷不准稍有輕縱將此
諭令知之○葉爾羌參贊大臣興德覆奏道
光十二年准令霍罕通商並免納稅所有克
什米爾巴達克山以及布魯特諸外夷進卡
貿易均經免稅該夷等安分貿易從不多事
茲霍罕夷使愛連巴依捏款瀆請免稅實屬
貪詐俟愛連巴依回至葉爾羌即行開導曉
諭以杜其無厭之求報聞○戊戌

上詣

時應宮

昭顯廟拈香○還宮○諭內閣麟慶奏南河
學習河工之侍講朱襄中書黃世銘現俱丁
憂回籍將來服闋後請旨辦理等語朱襄黃
世銘著俟服闋後即由該河督出具切實考
語送部引見毋庸扣滿學習年限○鑄給安
徽鳳廬二府捕盜水利同知兼管鳳泗漕務
關防從巡撫鄧廷楨請也○禮部議准前任

河南巡撫楊國楨疏報採訪遂平縣節烈婦
女蕭趙氏等一百九十九口武安縣郭韓氏
等一百四十五口陳留縣劉杜氏等三十口
上蔡縣安司氏等四十五口光山縣孔李氏
等六百七口請各建總坊旌表從之○以常
雩祀

天於

園丘自是日始齋戒三日○己亥河南巡撫桂
良奏酌留兵役堵緝山西趙城縣滋事匪徒

報聞○庚子

上詣

南郊齋宮齋宿○命大學士文孚馳往山東會

同巡撫鍾祥查辦事件○辛丑常雩祀

天於

園丘

上親詣行禮○幸圓明園○詣綺春園問

皇太后安○以刑部尚書成格為滿洲繙譯會
試正考官吏部左侍郎桂輪為副考官工部

右侍郎賽尚阿。為蒙古考官。○壬寅諭軍機大臣等。前據興德奏。查明喀什噶爾庫貯軍械虧短一摺。據稱前任總兵周悅勝。從庫內提出白布單帳房十一頂。拆毀改做虎衣。並提出烏槍一百桿。截改藤牌小槍。明係以舊充新。又提使房課普爾錢七十四千零。侵吞肥己。並訊據都司顧忠。供稱該員管理房租。曾藉製造虎衣為名。提出錢七十餘千文。以為周悅勝起程時獎賞。城工出力官兵。及修理車輛之用。周悅勝曾經吩咐派兵迎接新任總兵劉允忠。備送銀二百兩。當降旨著周悅勝據實明白回奏。茲據周悅勝奏稱喀什噶爾庫貯軍械。有額設堪用。額外不堪用各數目。歷年題報造冊送部備查。因虎衣間有破爛不堪適用者。將歷次出師各營凱撤留遺破爛。鈔朽不堪支搭白布單帳房內。拆毀十一頂。改做虎衣。以備操練。並將歷次各處出師凱撤遺留損壞炸裂烏槍。改做藤牌小

槍。以久遺之廢物。改為有用之器械。並未動用冊報。額設軍械。改造。其提出房租錢七十四千零。係製造虎衣。截改小槍。零星工料。並鼓勵城工出力官兵。及修理營車需用。至派兵迎接總兵劉允忠。備送盤費銀二百兩。並未吩咐。亦無將備稟明。不知此銀出於何項。遣派何員齎送。劉允忠有無收受。周悅勝與劉允忠晤面。並未提及。周悅勝實不知情。不敢諱飾。各等語。周悅勝改做虎衣小槍。以久遺之廢物。改為有用之器械。所提房租。係歷年營中賞賚出力兵丁之項。尚無錯謬。至派兵迎接總兵劉允忠。備送盤費銀兩。周悅勝奏稱並無其事。著興德等親提。暫革都司顧忠。嚴訊確情。毋任狡展。牽混。以期水落石出。將此諭令知之。○調戶部左侍郎龔守正。為吏部右侍郎。仍留江蘇學政任。以兵部左侍郎沈岐。仍署吏部右侍郎。轉戶部右侍郎。姚元之。為左侍郎。調工部右侍郎程恩澤。為戶

部右侍郎兼管錢法堂事務。以內閣學士吳傑為工部右侍郎兼管錢法堂事務。○禮部議准雲南巡撫伊里布疏報採訪定遠縣節婦宋夏氏等一百三十四口。請建總坊旌表從之。○癸卯。諭內閣陶澍等奏查議游墅關各口徵稅事宜一摺。前據給事中瞿溶奏近年各關課稅虧短。實因偷漏過多。當降旨交該督等確切查明。妥議具奏。茲據奏太湖周圍數萬頃。港汊七十餘處。若於烏溪港地方照大關一律收稅。是貨船皆可徑渡太湖。藉辭繞漏。與定例所設太湖東西兩灘及蘭山嘴巡船稽查之處。殊相徑庭。轉不足以嚴防偷漏。所有烏溪港收稅一節。著毋庸議。惟四安一帶。界屬浙省。或有奸商行埠。勾串偷越等弊。著浙江巡撫一體飭查。嚴禁偷越。無稍疏懈。○又諭盧坤等奏查勘虎門海口礮臺。籌議增建修改。添鑄礮位。分別興辦一摺。廣東沿海各處礮臺。前降旨著盧坤於查閱營

伍時。親往查勘。並將營務海防各事宜。會同關天培籌議整飭。茲據該督等奏稱。遵赴虎門一帶。逐加查勘。並於潮汐長落時。演試礮位。請添鑄六千斤以上大礮四十位。酌派各臺應用。並將南山礮臺前面餘地。添築石基。建設月臺。移置礮位。橫檔背面山麓。及對岸蘆灣山脚。各添建礮臺一座。其沙角大角兩處。為瞭望報信之臺。其南山礮臺起至大虎礮臺。分作三段。遇有應行防堵之時。一聞信。礮即將較準上中下三路礮位。齊發轟擊。所議周妥之至。著照所請辦理。其添鑄六千斤大礮二十位。八千斤大礮二十位。准其募雇工匠承造。責限保固。除舊礮折抵外。實共應給價銀一萬四千八百兩。並增建礮臺。修理牆垛。鑄造礮子。約共需銀五萬二千兩。有奇。均准令粵海關商人捐辦。先於司庫雜款內陸續動支。給領興工。仍俟收繳捐項。按分三年解還歸款。惟設守固宜扼要。防禦尤貴得

人。平日操練有方。則臨時施放自能得力。該督等總當諄飭派委各員。將各礮臺聯絡轟擊之法。教導水師弁兵。務須練習精熟。方能得力。震懾羣夷也。又另片奏。請於省城東十五里中流沙地方。建設礮臺。以為省城保障等語。所辦甚好。著俟虎門海口礮臺工竣後。即行興辦。所估需工料銀七千兩零。亦准眾商一律捐辦。此案工程。均係商捐商辦。著免其造冊報銷。○又諭。鄂山奏官兵進剿義邊

廳屬雅扎等十三支夷匪。全境肅清。一摺。四川義邊廳屬雅扎等十三支赤夷。頻年勾結滋事。罪在不赦。此次經該督調兵進剿。連次克捷。節據委署提督馬騰龍。藩司李羲文等陸續稟報。分路攻克。於二月二十八日至三月十九等日。焚毀賊巢。殺斃夷匪多名。巨魁悉數殲擒。其夷賊年兒等二名。格租一名。黑夷阿租等八名。巨克馬日等六名。月立等八名。雅扎首兇我我蠻和尚等八名。均已生擒。

自衣巫哈曲殺蠻溪。至大小木瓜等處。十三支夷地已盡。而月以來。無險不克。並附和夷匪之小烏拋。悉已蕩平。其奔逃零星餘匪。及該夷家屬等。現在投誠乞命。已據馬騰龍等察看真誠。傳具木刻。永不滋事。又另片奏。馬邊廳屬之大烏拋及阿車家。越嵩廳屬之沈啞家。均與十三支毗連。應乘得勝之師。示以兵威。俾附近各夷。咸知震疊。所見是。所辦可嘉之至。鄂山著加恩。晉加太子太保銜。賞戴

雙眼花翎。發去雙眼花翎一枝。白玉翎管一箇。交鄂山祇領。馬騰龍著賞加提督銜。李羲文著賞戴花翎。馬騰龍。李羲文。仍均著交部從優議敘。所有擒獲兇夷。著即就地正法。以儆兇頑。其在事尤為出力員弁。著仍遵前旨酌量保奏。毋許冒濫。傷亡兵丁。查明照例辦理。○以廣東澄海協副將賴英揚。署碣石鎮總兵官。○以辦理賑務。並勸捐出力。予江蘇同知趙廷熙等升敘有差。○修建湖南錦田

所楊家鋪新田縣城垣從總督訥爾經額等請也。甲辰諭內閣訥爾經額等奏徵收錢漕禁革書役墊完等語。湖南清泉縣書吏於經徵錢漕包徵包解。遞年加收。現經該督等徹究明確。將官吏懲處。著即通行道府將包徵包解及書役墊完名目全行禁革。嗣後徵收錢漕均由百姓循照舊章自行完納。不准稍有加增。並責成道府隨時稽察。儻仍蹈因循積弊。該督等一經訪聞除將州縣官照例懲辦外。所有該管道府著一併嚴叅示儆。該督等務當認真稽查。破除舊習。不得日久視為具文。以致有名無實。諭軍機大臣等。朕前聞東河河道總督吳邦慶年老重聽。保舉冒濫錢糧摺節數目與原奏不符。通判沈廉不時與該河督密商事件。在外招搖。沈鏞等各員有無劣跡。當降旨著桂良鍾祥查訪明確。據實具奏。茲據桂良奏稱。檢查歷任河督報銷豫省黃河工程總數不出百萬兩者居

多。吳邦慶任內二十三十等年報銷均在一百十萬兩以外。較之十年前有多無少。未見摺節。其十四年安瀾摺內所稱約可省銀三十餘萬兩。查覈原奏係連是年節省埽工碎石及上年節省碎石並下年緩辦碎石併計在內。本屬勉強湊集。而十月間報銷摺內祇稱比十三年省銀十二萬餘兩。未將節省碎石銀十五萬兩及下年緩辦碎石銀五萬兩併計。以致不符。至通判沈廉在署辦理奏摺屬實。以屬員而司幕務以致物議叢滋。沈鏞係河北道幕友沈亦周之子。龔國良係下北河同知上年保舉道府龔慶祥之子。羅傑係在京開張廣泰銀號羅喚之子。各該員等雖查無在外招搖劣跡及包攬一切確據。惟多係年少未經歷練。並非河工必不可少之人。該河督率行保舉改撥實屬冒濫。至吳邦慶年老重聽亦有所聞。因出省閱兵未及面晤詢之藩司栗毓美據稱與之談論公

事尚不覺其重聽。河督責任綦重。吳邦慶年近七旬。精神年力。是否尚能勝任。仍當密為訪查等語。著文孚即將桂良所奏各情節。會同鍾祥詳晰查明。據實具奏。毋得稍事瞻徇。將此諭令知之。○以故奉恩將軍文傑子祥瑞襲職。乙巳。河東河道總督吳邦慶因病賞假。以河南布政使栗毓美署河道總督。○以捐修浙江湯溪縣城垣。予知縣楊鶴書等議敘有差。○丙午。

孝端文皇后忌辰。遣官祭。

昭陵。

上詣綺春園問。

皇太后安。○諭軍機大臣等。據琦善奏訪獲直隸鉅鹿縣民傅邦凝。係從前嘉慶年間在山西趙城縣傳授先天教。為首正法教犯傅濟之子。先經該督派員訪拏到案。旋據鄂順安信稱曹順等所習之教。傳自傅邦凝。該犯有姑表弟兄楊堂。即楊溥。在平定州柏井驛地。

方居住。時相往來。應向傅邦凝根究曹順等下落等語。奸民習教傳徒。最為地方之害。現在拏獲之傅邦凝。並其次子傅好義。及該犯家屬。該督即飭屬確切審訊。務令究出在山西傳徒實情。並此外直隸有無徒黨。以便就近查拏。其未獲之傅邦太。傳好禮。著一併嚴緝務獲。毋任遠颺。該督於審訊明確後。即派委委員。將該犯等解往山西歸案辦理。至山東觀城縣會同直隸差役。拏獲形跡可疑三

人。訊係曹順。張文炳。李五堯。三犯既據該督咨交山東巡撫就近嚴訊。儻究出直隸另有傳習勾結之人。該督即按名緝拏。務淨根株。以懲邪惡。又另片奏。直隸省南一帶。入春以來雨水稀少。恐人心難免惶惑。現已通飭地方文武各員弁。協力稽巡。嚴拏匪犯。如有習教斂錢等事。即行提省審辦。並派委河屯協副將王一鳳。保定營參將馬殿甲。喜峰口遊擊石生玉。督標前營遊擊向榮等。分往大名。

順德廣平正寔各府復派委署務關路參將王國輔前往天津河間所屬各營汛認真查驗兵丁器械分別應修應製捐廉辦理剋期集事等語所辦甚好邪教蔓延由來已久全在地方文武各官隨時查拏有犯必懲庶不至養癰貽患該員弁等果能不分畛域消患未萌自可寬其既往之咎儻意存觀望不能實力稽查以致該匪徒等故智復萌恣意煽惑尹老須之案是其前鑒定當從嚴懲辦決

不寬貸至各營軍械尤當隨時修製務使全省營分兵丁足額器械銛利處處有可用之兵人人有適用之器方為有備無患將此諭令知之○丁未諭軍機大臣等本日鍾祥覆奏查明河督吳邦慶歷年奏保防汛出力各員名數比之前任河臣所保尚非獨多未聞有掛名冒保等弊其地方人員改撥河工不請分發係為駕輕就熟起見尚無專為得缺事跡可指惟從前嚴琅奏請改撥部較有案

即前數年附保改撥亦間年而有吳邦慶連年均有改撥未免易滋口實又黃運兩河另案土埽碎石等工一年所用例有比較吳邦慶任內十二年用銀一百六十九萬十三年用銀一百七十九萬此兩年比前有增無減十四年用銀一百四十八萬實較十三年減省三十餘萬較十一二年亦有撙節覈與上年安瀾原奏節省銀數相符惟比較案內未將所存碎石抵除聲敘不同而省銀實屬無

錯其十月報銷摺內所稱省銀十二萬兩專就埽工一項而言自與安瀾摺內總計數目不能符合報銷原奏亦未以碎石牽混現在查覈案據十數年來實無止用百萬以內及正項外找補二三十萬之案又該河督年力未衰兩耳微沈於尋常語言聲氣聽聞並不費力至該衙門緊要奏稿均係自作初到時未延幕友遇有照例奏事曾令通判沈廉查卷起草迨沈廉得署曹考通判即不復在河

臣左右聽差。未聞有遇事密商。在外招搖之事。又改撥縣丞龔國良係現任河南同知龔慶祥之子。州同沈鏞係幕友沈亦周之子。通判羅傑係在京開鋪羅與之子。內龔國良一員人尚循謹。沈鏞羅傑多在河南差委。不能深知。亦未聞有別項劣跡。即羅傑在豫候補其父羅與是否往來包攬。東省實無所聞等語。以上各條著文孚馳抵山東。悉心體訪。該河督於在工人員改撥保舉。有無瞻徇冒濫。

樽節錢糧。是否與原奏相符。通判沈廉是否有與河督密商事件等弊。沈鏞等各員有無劣跡。再行逐一確查。據實具奏。不得因鍾祥業經覆奏。稍事遷就。方為不負委任。將此諭令知之。○又諭有人奏湖南苗疆自辰永沅靖道崔聲煥到任以來。擅違舊章。私設委員。偏任新進佐雜。迎合舞弊。苛斂多端。鳳凰廳有候補未入流高以蔭乾州廳有河溪巡檢林德耀永綏廳有候補從九品劉正章均經

該道私給鈴記。作為管理屯苗委員。該委員等公然直用管理屯苗事務銜名。移文屯備札調苗官。甚至屯長聽其舉劾。倉穀得以侵那。盤踞營私。毫無忌憚等語。此等佐雜微員。行同市儈。若稍假以事權。即多擅行擾索。況苗疆要地。曾經降旨查辦。將委員名目。永行裁撤。豈容任意私設。該道崔聲煥業於本年勒令休致。惟該處積弊相沿。不可不嚴行申禁。該督撫即將該員等撤回。嚴切查究。並申

明前旨。永行禁革。嗣後如再違例私設委員。從中滋擾。即將該道一併嚴叅示懲。並責成新任道員隨時稽查。無蹈從前積弊。以肅屯防而符定制。將此諭令知之。○又諭有人奏湖南寶慶府屬之邵陽縣。除監獄外。私立卡房三所。一名外班房。一名自新所。一名中公所。外班房凌虐最酷。往往有尋常訟案。差役傳到人證。即行押入。私用鑊鑕束縛。甚至以長繩繫其右手足大指。懸於空際。名為鈞半

邊猪勒出錢文。差役門丁均分。始將其人押入自新所。照樣勒索。再撥中公所。又索取上竈攤襍等錢。方許其做飯就寢。每年三卡內。痠斃及受刑磨斃者。不可數計。凡垂斃之人。差役投一病狀。官即據以存案卸責。且有訟家離主。重許差役錢文。用好漢架對面笑。魁點斗等酷刑。凌磨至斃。此等慘酷情事。係該縣問罪逃歸之已革蠹役謝定作俑。名為竊盜閭羅關。近則各役人人效尤。大為民害。有

周捷蕭斌蕭祥李連等。名為四大寇。有魯賓魯文蕭文劉吉陳俊廖弄李文何易許發李繼等十八人。名為十八路諸侯。該縣差役當官有名者千餘人。白役散役至二千餘人。每遇一案。執票差七八人。十餘人不等。倚差肆虐。任意騷擾。門丁得錢包庇。串同舞弊。鄉民畏其聲勢。不敢控告等語。向來內外問刑衙門。不許設立班館。私置刑具。例禁禁嚴。該縣私立卡房。至三所之多。無非為差役嚇詐逼

索之地。甚至酷刑凌虐。痠斃多人。該差役中復有四大寇等名目。貽害閭閻。所關匪細。邵陽一縣如此。其餘各府州縣類此者。想亦不少。不可不嚴行查禁。著訥爾經額吳榮光。確切查明。嚴行禁革。如有似此私設班館。縱差虐民等弊。即著據實參辦。毋稍輕縱。以除積蠹而衛良民。儻徇庇諱飾。陽奉陰違。別經發覺。或被入指參。該督撫恐不能當此重咎也。將此諭令知之。尋奏查明邵陽縣實無私立

卡房縱差虐民等弊。惟周捷等曾經前任知縣甘慶增派充總差。都差下鄉催徵。需索輻錢。殊屬違例。除甘慶增已故。毋庸議外。周捷等應按律問擬杖徒。下部議從之。兩廣總督盧坤等覆奏。遵旨查辦。粵海關欠餉酌定追繳章程。查粵商完納餉銀。多屬那新掩舊。現在通盤籌議。餉項固無分新舊。而催徵宜衡量重輕。此時若責令全完舊欠。勢不能不那移新餉。與其移新補舊。舊欠甫完。新欠復

積。不若將新餉加緊催徵。舊欠分限帶繳。應請將各商未完正雜等款銀三十九萬四千四百六十四兩零。自此次奏奉諭旨之日起。分限五年帶徵全完。其各行代賠商人等欠項銀三十一萬六千六百兩零。俟前項五年限滿徵完後。再行分限三年攤賠歸款。下部議從之。○禮部議准。河南巡撫桂良疏。報採訪夏邑縣節烈婦司楊氏等六十四口。請建總坊旌表從之。○戊申。諭軍機大臣等。鄂順

安由五百里馳奏。據稱現在拏獲謀逆匪僧道洪一名。並起獲九蓮等荒誕經卷。據供與曹順習教謀逆。在城內本廟接應。入署指揮戕官劫獄。商同韓奇等分派人馬。攻打霍州洪洞縣城池。並捕獲偽軍師苗贊庭。據供曹順逃往山東。投奔素好之李幅林。又稱裏府裏。追問住址。則或稱濟寧州。或稱臺兒莊。其李幅林裏府裏是否人名。抑係地名。均不能指實。又另片奏。曹順所習之教。係傅邦凝傳

授。傅邦凝與平定州習教之楊潭係姑表弟。兄時相往來。現已將楊潭拏獲。訊係傅邦凝之徒。傅邦凝前寄居平定州。已回原籍直隸鉅鹿縣馬房村地方各等語。曹順為此案謀逆渠魁。必應迅速嚴拏。追究餘黨。以正刑誅。而彰國憲。昨據琦善奏稱三月二十二日。直隸清豐縣差役。躡至山東觀城縣。會同拏獲山西口音形跡可疑三人。訊係曹順、張文炳、李五堯三犯。已咨明山東巡撫切實嚴訊。其

傅邦凝一犯。已由直隸訪拏到案。並將其次子傅好義一併拏獲。現仍飭拏傅邦太。傅好禮務獲。已有旨令琦善於審訊明確後。即派委委員。將傅邦凝等解往山西。交該撫歸案辦理矣。至曹順等已在山東觀城縣就獲。鍾祥審明後。亦必解往山西。著該撫於曹順、傅邦凝等各要犯解到時。提同僧人道洪、偽軍師苗贊庭。並楊潭等各犯。親加審究。務令該犯等將在山西習教傳徒實情。並此外有無

潛匿餘黨。據實供吐。以便逐一根究。按律懲辦。毋任一名漏網。至本日所奏之件。該撫率用五百里馳遞。殊屬不知重輕。鄂順安著傳旨申飭。將此諭令知之。○賞會試年老舉人周兆熊等十四人編修檢討學正銜有差。○己酉。

上御勤政殿聽政。○諭內閣本年恭逢

聖母皇太后六旬萬壽。普天同慶。王公百官著自十月初一日至十五日。俱穿蟒袍補褂。○

諭軍機大臣等。鍾祥奏拏獲山西趙城縣滋事首從各要犯。審訊大概情形。據稱匪徒曹順等三犯。由觀城縣境內偵獲。當即提省研鞫。究出曹順實係習教滋事首犯。張文炳即張汶斌。李五堯係詭捏之名。實名李吉星。均各供認聽從。滋事同謀不諱。查驗各犯年貌均符。其曹順供出家存佛像九蓮經銅印等物。亦與晉省起獲各件脗合。惟該犯如何倡教傳徒。起意滋事。張汶斌等如何隨同起事。

各等情。各供尚多含混。須徹底嚴究等語。曹順等係逆案正犯罪不容諱。著鍾祥親提各該犯嚴行審究。務令該犯等將習教傳徒起意滋事各實情。並此外有無同教黨羽。現逃東省。欲往何處藏匿。有何投奔勾結之人。據實供吐。逐一根究。於審訊明確後。一面奏聞。一面派委明幹妥員。將曹順等三犯解往山西交鄂順安歸案辦理。飭令該委員等沿途小心押解。毋稍疏虞。鄂順安著俟曹順等解到後。即提同各要犯。逐加研訊。習教滋事各實情。並此外有無匪黨暗相勾結。務須徹底究明。分別查拏懲辦。以淨根株。毋得稍有不實不盡。致留後患。是為至要。將此各諭令知之。○以大學士長齡。潘世恩。刑部尚書史致儼。吏部右侍郎文慶。戶部左侍郎姚元之。工部右侍郎吳傑。內閣學士陳官俊。卓秉恬。為殿試讀卷官。○以詹事府詹事桂森。為內閣學士。兼禮部侍郎銜。太僕寺卿吳孝銘。為太

常寺卿仍留福建學政任○庚戌

上奉

皇太后幸同樂園進膳○策試天下貢士張景
星等二百七十二人於保和殿制曰朕寅紹
丕基撫綏方夏仰荷

昊穹篤祐

列聖垂庥函夏鏡清黎民康乂庶幾上理克臻
躋羣倫於仁壽之域兢兢業業彌切疇咨惟
恐敬德之未昭戎律之未嫻民俗之未醇轉

輸之未利宵旰講求冀聞謏論爾多士對揚
伊始庶明化道以贊大猷咨汝昌言其敬聽
朕命治法莫盛於唐虞典謨所載一則曰惟
危惟微一則曰無怠無荒自古帝王未有不
謹小慎微允迪厥德而能底久安長治之庥
者也三代而下如漢之文景唐之文皇稱極
盛矣而治終不及古將世變不同抑所尚各
異耶大學之教統內聖外王而歸於修身真
德秀衍義一書略外而詳內豈有說歟保泰

之道在於謹幾論語寬信敏公之旨有與經

義相發明者歟清淨可以致治而高談名理
者或長浮華兢業所以揆幾而衡石傳餐者
難言政體治忽之故固當辨之於微歟禹貢
揆文必兼奮武周官立政特訓詰戎兵可百
年不用不可一日無備古有蒐苗獮狩之法
所以嫺步伐習威儀也漢有都試都肄都講
樞劉諸制果名異而實同歟唐太宗親臨閱
射於顯德殿賞勞有差不誠以訓練諸政為

亟亟歟府兵曠騎沿革若何宋沈括論九軍
政法臧景陳馬射六事明于謙創團操之議
王驥定練兵之制皆可參酌用之歟朕嚴飭
武備鼓勵戎行直省督撫提鎮宜如何隨時
操演加意稽查老羸之必汰惰窳之必懲器
械之必精伍兩之必協以期一兵有一兵之
用歟狼莠不去嘉禾不生王制所以嚴左道
之誅周禮所以設奇袤之禁也夫愚民莫不
自重其利自愛其生一惑於邪說而金錢取

以奉人身家置之不顧豈非守土之吏化導之不先歟其初視為無害姑息養奸其後懼干嚴譴隱匿不報為長吏者其何以糾察之漢之亭長嗇夫唐之里正坊正皆以里閭相習之人察耳目至近之事猶有閭胥比長遺意故詰奸之法莫善於保甲然王安石行之於宋而民不勝擾王守仁行之於明而盜無所容其故安在張敞之治京兆尹翁歸之治東海枹鼓稀鳴姦邪震懼所以發奸摘伏者果何道之從歟漕運之法其來尚矣禹貢州末繫河即唐裴耀卿節級轉輸之所由昉而法至漢唐而大備漢仰漕於山東唐仰漕於江淮顧引渭穿渠之謀不見於高文之時而見於武帝之世汴河入渭之說不見於太宗之日而見於代宗之後者何歟漕糧為天庾正供輓粟飛艚歲有常額顧踰江淮而達京師南則患河身之高昂清水不能敵黃北則患河流之微弱湖水不能濟運治河先於治

漕啓閉之節疏濬之宜儲蓄之利可不講與夫慎德所以圖治講武所以衛民除莠所以安良治河所以利運皆經國之遠猷立政之要圖也多士學古通今蘊懷有素其勉悉乃心臚列見聞詳著於篇毋泛毋隱朕將親覽焉○諭內閣周之琦奏審明糧船閘關實情一摺上年九江關監督德順奏湖北漕船不候查驗閘關直下當降旨著江西巡撫確切查明據實具奏茲據周之琦查明此次湖北糧船路經九江幫弁等赴關投冊因水大溜急難以停泊順流直下尚非有心闖越惟既在蕪湖關完納例外跨帶木植則偷漏九江關稅屬實所議應完九江關稅銀一萬一千四百九十餘兩著湖北督撫如數飭追補解九江關歸款該幫千總何世昇王作仁常福失察幫丁例外跨帶木植前經奏請革去頂帶著仍交部議處糧道李源押運尾船在後又因幫船過關未驗飭追停泊尚非無故逗

留惟先未審出幫丁漏稅實情。著交部察議。
○旌表守正捐軀山西寧遠廳民藍成仔女
梅娃。○辛亥。諭內閣前據奕訢等奏

永陵各工內草倉河工程。請派通曉堪輿之員。
查勘明確。當降旨派戶部筆帖式阿鴻阿馳
驛前往。茲據奏稱。帶同該員。敬謹相度。請將
柳林內衝刷水道墊平。培補堅固。並將草倉
河上游東鹿角木口外。歸入蘇子河河口。挑
挖深通。自東下馬牌東南小橋至河口邊岸

一道。用荆國石子排椿修築。自蘇子河河口。
至西下馬牌小橋。迤西泊岸一道。俱用荆芭
排椿鑲護。濬洄貫注。全復舊規。所奏自屬正
論。俱著照所請辦理。並著德興普保德春前
往查估。造具做法清冊。移交奕訢等。敬謹興
修。將原冊咨送工部覈算。其開工日期。著欽
天監於五月初旬。敬謹選擇吉日具奏。所需
工料銀兩。在緩修清寧宮工程銀內那用。如
有盈餘。即交盛京將軍衙門存貯。儻有不敷

著先由盛京戶部支領。俟工部覈有確數。再
行移咨照數提撥歸款。工竣查驗後。一併造
冊送部覈銷。嗣後著照成案。所有新舊泊岸。
隨時保護。補栽樹株。務期茂密。統歸盛京工
部歲修辦理。歷任將軍府尹。入於交代。每屆
年終。具奏一次。以昭覈實。○又諭奕訢奏遵
旨查明採辦大木緣由一摺。盛京清寧宮緊
要工程。因前存柁木三根。均不堪用。降旨著
該將軍將何年月採辦。何人任內之事。查明

承辦堂司各官。據實具奏。茲據奏稱。查明此
項木植。皆係寶興國祥任內。會同奏辦之案。
所有原奏正用備用大木二根。係協領果興
阿城守尉博銘通判多勤採獲報勘。至未經
奏明備用大木一根。亦係城守尉博銘報明
採獲。未經勘驗。佐領吉勒彰阿。續行選擇。趕
運。此項採辦應用木植。辦理不善之寶興國
祥。果興阿。博銘。多勤。吉勒彰阿。俱著交部議
處。又另片奏採辦大木。既不堪用。砍工運腳

銀兩。應不准開銷等語。除未經奏明備用一根不報銷外。所有大木二根。砍工運腳銀兩。即飭令承辦堂司各員分賠。著該部即於銷冊內刪除。以昭覈實。○修山東運河捕河上河三廳官隄。從河道總督吳邦慶請也。○壬子。諭內閣。盧坤等奏越南內訌平定。防兵分別撤回。邊地照常安靜一摺。越南國內訌以來。將及兩年。太平鎮安二府所屬。均與越南邊界毗連。其三關百隘。亦處處有路可通。節

經降旨。諭令該督等嚴飭沿邊文武員弁。加意防範。茲據該督等奏。越南渠魁殄滅。夷地悉平。邊境又安。毫無驚擾。內地陸續拏獲該國夷匪共八十八名。均已解交該國辦理。添防弁兵。業經分別撤回。以及雇募鄉勇。調集土兵。均著照所議辦理。其防邊文武員弁。兩年以來。悉臻妥協。尚有微勞。著該督等擇其尤為出力者。酌保數員。斷不准人數過多。稍滋冒濫。○引見癸巳科散館人員。得旨。修撰

汪鳴相編修。曹履泰。蔣元溥。業經授職。其清書二甲庶吉士。陳文翥。劉溥。漢書二甲庶吉士。汪元方。蕭良城。車克慎。葉觀儀。黃贊。湯黎光。曙。鄧爾恆。史佩瑤。福濟。何元杰。武新。亨。李恩慶。王芳。焦友麟。蔡宗茂。許前。軫。胡正仁。黃鍾音。夏廷楨。曾克敬。孔繼勳。楊培。俱著授為編修。清書三甲庶吉士。夏廷樞。漢書三甲庶吉士。博迪。蘇喬邦。憲徐耀。溫子巽。黃廷璠。俱著授為檢討。譚廷襄。朱麗。宮韓椿。宋廷春。花

讌。春。許本。壩。唐潮。郭璋。周有尊。王兆松。邱景湘。黃慶昌。俱著以部屬用。陳鼎雲。何家駒。程維善。黃炳光。胡嵩年。張邦倫。俱著以知縣即用。劉德熙。著歸班銓選。○癸丑

上詣

大高殿行禮。○還宮。○御乾清宮。召讀卷官。○親閱定進呈十卷甲第。○諭內閣。舒通。阿泰。土爾扈特。哈屯。喇什。丕勒等。上年秋間。赴藏熬茶。因病折回。調養。茲已全愈。呈懇代奏等

語該哈屯喇什丕勒及伊孫汗策林旺扎勒等既經病愈著准其在青海地方等候哲布尊丹巴呼圖克圖親身赴藏之便一同前赴西藏其隨同該哈屯赴藏之各旗王貝勒扎薩克等均著准其仍回原牧○甲寅

上御太和殿傳臚賜一甲劉鐸曹聯桂喬晉芳三人進士及第二甲張蒂等一百十七人進士出身三甲吳逢甲等一百五十二人同進士出身○辛圓明園○乙卯改鑄河南分防

夏商永縣丞管理彈壓捕務條記睢州州判兼司捕務關防從巡撫桂良請也○禮部議准山東巡撫鍾祥疏報採訪棲霞縣節烈婦范柳氏等一百九十七口請建總坊旌表從之○丙辰

上詣綺春園問

皇太后安○諭內閣吏部將各省查取職名屢催未覆各案開單具奏計有七百八十四件之多此內應議職名事關實降實革者固不

可任其遷延規避即降留罰俸處分亦豈容任意久延該管上司並不實力督催送部議結經該部節次行催總未按限咨覆實屬延玩著盛京刑部侍郎各該府尹直省各督撫江南河道總督漕運總督盛京將軍熱河都統烏魯木齊都統長蘆鹽政查照吏部單開件數迅即查明咨覆並將開報遲延各員及歷任不行飭催之各該管上司均按在任月日開揭送部一併照例議處毋許再有延宕

○以捐置義倉田畝予江蘇捐職光祿寺署正韓範議敘○修直隸永定河土石各工從總督琦善請也○丁巳

黑龍潭

覺生寺設壇祈雨

上詣

黑龍潭神祠拈香遣定親王奕紹詣

覺生寺拈香○諭內閣程祖洛奏拏獲匪犯

曾阿保等審明辦理現飭延建邵道祥璽仍

嚴飭所屬將究出有名夥犯一百七十名勒限查拏務獲究辦並請將緝捕勤奮之知縣懇恩鼓勵等語所辦是福建南平縣知縣王庚甫由沙縣調任南平即於三箇月限內首先將曹阿保拏獲又續獲陳沅亮等二十一名緝捕尚屬勤能玉庚著加恩以同知直隸州知州儘先補用以昭激勸○齊齊哈爾副都統文溥因病解任以正紅旗護軍統領舒倫保為齊齊哈爾副都統○修浙江西塘柴

埽各工從巡撫烏爾恭額請也○撥江南上元江寧潛山寧國太平南陵蕪湖廬江定遠建平興化東臺十二縣漕米一萬一千九百四十五石有奇濟放江安道倉災缺南撫米石及各幫丁行月等米○戊午

孝慎皇后再週年忌辰

上至田村

殯宮奠酒○諭軍機大臣等鍾祥奏參撤任陽信縣知縣恩福前因下鄉催徵被鄉民控指

作踐逼命等情經該撫奏明將該員撤任提案研鞫覈實定讞該鄉民藉端妄控業將劉東彰照例問徒該縣恩福雖無逼毆別情而下鄉催徵輒摘花戶門扇並包取糧食備驗辦理不合業將該縣聲請議處該縣於被撤後以此案定擬參處未經輸服恐有不實不盡疊次在該撫與兩司前呈請批示極言劉東彰有應得重罪自辨則謂無疵經該撫批飭新任臬司按照呈詞訊問明確逐層研詰

如何偏於民而嚴於官之處該縣不能明白供指徒以恐有不實不盡含混狡執該撫以原審之員未便自行斷結飭交審辦等語此案既據該撫批飭新任臬司審訊經臬司明晰覈駁並無偏抑該縣徒以不能指定之詞含混狡執必應查訊明確折服其心著文孚提集案證秉公研究確情務期水落石出以成信讞不可稍事遷就含混了結如該縣並無屈抑逞刁狡展即著據實參辦以儆官邪

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十五

道光十五年乙未五月己未朔命協辦大學

士吏部尚書穆彭阿。戶部尚書何淩漢。教習
庶吉士。庚申。以吏部右侍郎文慶署正紅
旗護軍統領。旌表守正捐軀河南浞池縣
民張百智妻趙氏。辛酉。
孝誠仁皇后忌辰。遣官祭
景陵。旌表守正捐軀安徽阜陽縣民李盈選
女羣姐。壬戌。
上詣綺春園問
皇太后安。諭內閣琦善奏查明逾限控案。尚

非審辦遲延。並請定承審起限日期。一摺。前據都察院彙叅各省逾限未結京控咨案。當令查取職名。分別議處。茲據該督查明直隸省博冲武等四案。均係咨部查檔未覆。尚非承審遲延。著准其將前四案應行議處職名。暫免開送。統俟部文到日。催令依限完結。嗣後該省遇有咨查冊檔之案。著統以准到部覆之日為始。起扣承審委審限期。其現審八旗地畝必須勘丈之案。著以勘定之日為始。再行起限。仍先咨明戶部暨都察院查照。該督務當嚴行督催。依限訊斷。儻稍涉遲延。即行照例叅處。該部知道。○緩徵陝西西安同州乾三府州歉收村莊額賦十分之五。○癸亥諭軍機大臣等。鄂順安奏審辦逆犯情形。一摺。趙城縣逆犯曹順等率眾進城。戕官焚署。若非豫謀不軌。何以驟能起事。現據該撫訊明曹順習教傳徒。始則僅圖斂錢。繼而漸生逆志。捏稱其教可避火器。因該故縣楊廷

亮訪聞飭拏。縣差內狄思亮趙法玉。即係習教之人。潛通信息。遂起意先行動手。三月初四日夜。曹順派令韓奇率眾滋事。時趙法玉偕同狄思亮在署接應。執火引路。其徒楊潮法素充驛站馬夫。膽敢在距城五里之窰子鎮地方。搶劫驛馬。分給賊眾乘騎。該三逆罪大惡極。可恨之至。狄思亮先已殲斃。該撫現將趙法玉、楊潮法並審定供詞之李廷標等八十二名。先後凌遲斬決戮屍。傳首梟示。所辦大快人心。至現在續獲之靳恆倡等二十餘名。並據平定州獲解之楊澤供出趙城縣人吉甫清衛習倡。洪洞縣人鄭立德等。著該撫督飭各員。嚴切根究。並遴員迎提曹順傳邦疑等犯。一俟解到。即提同各要犯逐加研訊。並此外有無餘黨。務須徹底究明。密速查拏。按律懲辦。毋使一名漏網。以淨根株。不得草率完結。致貽後患。是為至要。將此諭令知之。○以大理寺少卿王植為內閣學士。兼禮

部侍郎銜。仍留廣東學政任。○貸山西太平。曲沃。汾西。渾源。大同。廣靈。陽城。陵川。解垣。曲。十州縣上年歉收。貧民倉穀。緩右。玉靈。邱。山。陰。寧武。定襄。渾源。大同。朔平。魯。五臺。繁峙。保德。和林。格爾。清水。河。偏關。臨。汾。垣。曲。霍。靈石。二十一廳州縣買補倉穀。○甲子。引見。新科進士。得旨。一甲三名。劉繹。曹聯桂。喬晉。芳業。經授職外。張芾。徐慶典。陶慶增。彭崧毓。張廷選。龍元。僊。喻增。高葉。琚。金。源。陶恩。培。余。

春。照。廖朝翼。鄭敦謹。呂賢基。周恩綬。胡應泰。葉名琛。瑞徵。崇祀。林趙振。祚。春。熙。何裕承。黃宗漢。陳壇。陳鶴年。吳式芬。賈瑜。宗室英淳。何桂清。張雲藻。春輅。陳寶禾。張景星。朱琦。羅惇衍。秦淳熙。李佐賢。陳嵩。杜翹。劉源濬。張鐸。蘇廷魁。咸維禮。徐資乾。孫銘恩。舒文。袁溥。許乃釗。錫祉。何慶元。黃銘。先景霖。江泰來。邱建猷。俱著改為翰林院庶吉士。蔣德福。畢至。方培之。鄭存紓。張銓。蔡燾。上官懋本。李維醇。丁寶。

綸。陳慶偕。梁熙。周顥。嚴文瀚。陶汝。彭。蘊。章。朱龍光。諫。福。陳績。劉廷檢。伍輔祥。費蔭章。張敬修。劉德鈞。單興。詩莊。志謙。吉祥。楊三。珠。饒。應。坤。程錫蕃。賈仲山。宗室英繼。黃輔辰。李訓。劉。武陵。雲倪。應觀。汪觀光。宋子昌。黃守訓。袁甲三。張耀胡。超。龍宗室英綬。隋藏珠。姚近寶。李國榛。丁守存。林映棠。吳德清。張錦帆。張緒。王家勳。慶瑞。俱著分部學習。易炳。晁。葉。為。珪。葉朝果。李貞木。徐奏鈞。張積勳。范中行。涂文光。

汪紹曾。陳祚康。許虎。拜。閻慶元。劉潛之。晏淳一。王清熙。孫慧。惇。曾世儀。張堂。李鍾泰。陳錫麟。劉銘本。朱珊元。姜申璠。孟毓勳。李漢章。德俊。孔傳。藤葉承。昌。周人龍。劉誠倬。黃廷範。馬秀儒。宋嘉禾。陳墉。陳彥泳。張元杰。吳達甲。陳金鑑。魏文瀚。曹笏。蕭淦。高殿臣。劉建康。李謀沈湘。周振之。毛鴻順。胡禮。戴。楊。豐。驊。沈雲驤。杜。詹。齊。秉。震。駱奎祺。周貽。纓。顏子。鎬。徐。鉉。庚。古韻。趙德。轍。錢。斂。和。郭永錫。錢文偉。銘岳。楊。

銜。何丙勳。范渠坊。戴澤長。錢世瑞。劉建韶。黃松年。陳椿冠。王仲選。何咸亨。侯瑩光。莫蒼。李浩周。若棠。陳玉麒。王希旦。王毓濂。郭望。劉嘉嗣。王思引。李大融。王會極。康象書。任。李柏。何鳴章。金謂鏐。德稜。額。孫玉麒。劉克邁。張姚。錫。辛。本。蔡。陳。崑。玉。樊。爵。五。胡。廷。槐。徐。樹。楠。朱。思。敬。王。恂。邵。宗。渭。長。結。陳。貽。樞。陳。世。榕。黃。家。聲。王。武。曾。左。乾。春。張。維。模。鄧。煊。李。懷。康。許。夢。蘭。李。景。椿。祁。爾。誠。李。登。張。元。鈞。馬。德。昭。余。士。璫。伊。鏗。額。覺。羅。祥。慶。羅。遵。殿。何。鍾。蘭。丁。芳。蘭。王。嘉。麟。陳。廷。揚。周。應。祖。周。秉。讓。何。增。筠。李。道。融。王。義。樟。趙。紹。武。李。汝。璿。張。錢。陳。鏞。歐。陽。時。王。政。林。春。溶。王。以。潔。俱。著。交。吏。部。掣。籤。分。發。各。省。以。知。縣。即。用。戶。部。學。習。郎。中。蔣。爵。遠。著。以。戶。部。郎。中。遇。缺。即。補。兵。部。候。補。員。外。郎。沈。鵬。著。以。兵。部。員。外。郎。遇。缺。即。補。刑。部。候。補。主。事。韓。綬。著。以。刑。部。主。事。遇。缺。即。補。餘。著。歸。班。銓。選。○乙丑。旌。表。守。正。捐。軀。河。南。輝。縣。

民徐澤母郝氏。○丙寅。旌表守正捐軀山東榮成縣民龍三。汝妻鞠氏。○修浙江象山縣破臺。從巡撫烏爾恭額請也。○丁卯。諭內閣。本年正月間。楊遇春。因年近八旬。舊疾舉發。懇恩開缺。回籍調理。朕不忍重違所請。降旨。准其開缺。諭令。緩程來京。陛見。親加慰勞。俾伸瞻戀之忱。茲到京陛見。朕於召對時。見其康強。矍鑠。神明不衰。篤念功勳。倍深嘉悅。楊遇春。自乾隆年間。以武舉效力戎行。每遇軍務。無不在事。馳驅身經百戰。歷事三朝。懋著勳勤。渥承恩眷。前於嘉慶年間。平定滑城賊匪。仰蒙皇考仁宗睿皇帝賞給二等男爵。紫禁城騎馬。旋晉一等男爵。朕御極後。賞加太子少保銜。並賞戴雙眼花翎。嗣因克復回疆四城。晉加太子太保銜。旋加恩賞用紫韁。特擢陝甘總督重任。八年以來。於邊疆事務。控制得宜。訓練軍實。整肅官方。盡心職守。老成威望。中外

皆知恪共忠。蓋實國家股肱心膂之臣。允宜特沛恩施。以昭殊眷。著加恩晉封一等侯爵。在籍支食全俸。俾得頤養林泉。以示朕優待勳臣。寵眷有加至意。○又諭烏爾恭額奏請暫行試辦票鹽等語。浙江温州府所屬永嘉雙穗。長林。肥艚。廢。四處。丁力疲乏。自當量為變通。據該撫奏請票引兼行。除商人納課請引聽其照舊捆運外。如有殷實貨殖之人。許其領票運銷。庶竈丁煎熬成鹽。即可變價。轉運較易。不致透酒售私。使有鹽俱屬官銷。商販悉為良賈。係為因地制宜起見。著准其先行試辦。如果著有成效。該省處州府所屬麗水等八縣。同在溫所配鹽。即著該撫酌量改行。將應辦一切事宜。悉心妥議具奏。儻試行票鹽。不無窒礙。該撫即飭停止。另籌辦理之法。以慎鹽務。○以服閣侍郎中啓賢署都察院左都御史。○戊辰。以京畿得雨。遣惠郡王綿愉詣

黑龍潭。定親王奕紹詣覺生寺報謝。○諭內閣。鄧廷楨奏督飭所屬緝獲匪犯多名。分別辦理一摺。此等積慣匪徒。擾累閭閻。致良善不能安業。最為地方之害。經該撫督飭所屬。明定賞罰。上緊查拏。節據潁州鳳陽等府先後報獲各項匪犯徐長秧孜等七十七名。安慶廬州六安。滁州。泗州等府州。先後報獲各項匪犯管大五孜等六十三名。均各起獲違禁器械。並管大五孜夥犯馮東來等五名。亦隨即拏獲。又阜陽縣拏獲盜犯王大狗一名。命案正兇楊牛等八名。匪徒董三禿孜等六名。積慣惡棍牛若欽一名。又盱眙縣續獲盜犯周矮孜等十六名。並起獲違禁器械。又宿州拏獲私梟夥犯陳萬容等八名。並起獲私鹽一萬餘斤。所有地方文武各員弁。查拏甚屬認真。可嘉之至。其獲犯最多之同知銜阜陽縣知縣朱獲盱眙縣知縣余君壽。緝獲大夥私梟之宿州知州張

應雲著該撫即將該三員勤奮出力之處據實保奏再降諭旨除暴安良實為政之要務祇緣地方有司因循日久不能實力巡緝以致匪類潛蹤奸梟漏網甚至橫行鄉曲欺壓善良少年游手被其漸染鮮不習於為非人心風俗大有關係茲據鄧廷楨奏安徽一省緝獲匪犯至一百數十名之多現經嚴審究辦以儆兇頑各直省文武若皆能如此認真辦理不分畛域盡力查拏何患匪徒不斂跡

梟犯不就獲不但目前可安良善即日後不知消滅幾許禍害矣特此通諭各督撫務須督飭所屬實力偵緝嚴密查拏隨時申徹有犯必懲即查辦得力不得因匪犯稍知微懼轉為鬆勁總期奸兇畏法地方肅清莠民改行良民安堵斷不准仍前怠玩視緝捕為具文儻漫不經心任令各該州縣諱飾廢弛養癰貽患惟各該督撫是問將此通諭知之○諭軍機大臣等本日據都察院奏安徽宿松

縣生員李炳奎具控朦徵病民以災作熟一案已明降諭旨交鄧廷楨親提審訊定擬具奏矣此案該生員所控該縣知縣藍棣朦徵病民等情據稱曾在藩司衙門呈控四次批府查報藩司為錢糧總匯一切稽查徵收等事是其專責該生員所控各情無論虛實不難迅速確查隨時訊結何致令該生員遠道來京具控著該撫即行親提審訊將所控各情是否屬實悉心研鞫並將該藩司批府查

報何以不為迅速詳結之處一併查明據實具奏將此諭令知之尋奏查宿松縣除災區應緩外熟田照例徵收藍桂並無不合李炳奎赴藩司控告二次並非四次該司飭府查覈後即於第二次呈催時明白批結李炳奎因疑致誤砌詞越訴應按律杖一百徒三年下部議從之○己巳

上詣綺春園問

皇太后安○諭內閣本日定親王奕紹六十生

辰。朕篤念宗親。優加賞賚。奕紹在內廷行走。有年。小心勤慎。辦理旗務。諸臻妥協。伊子載銓。經朕簡用。御前大臣。擢任尚書。於部旗等務。辦事實心。載銓本係不入八分鎮國公。著加恩封為奉恩輔國公。以示朕錫類推恩。有加無已至意。○添改順天貢院考官及同考官房屋。從戶部尚書兼管府尹事何凌漢等請也。○庚午。旌表守正捐軀河南襄城縣民史潛修女甄妮。○辛未。遣官祭

關帝廟。○諭軍機大臣等。據鍾祥奏稱。審明趙城縣滋事首犯各要犯。派委遊擊朱紹榮署通判茅濟之酌帶兵役。將首逆曹順及戕官攜印之張汶斌二犯。先行押解赴晉。歸案審辦等語。此案逆犯曹順學習先天邪教。輾轉傳徒。並捏稱係釋迦佛轉世。謀為不軌。定期起事。一聞該縣知縣查拏。膽敢糾眾放火焚署。戕官劫獄。按取縣印。迫經官兵擊散。逃至山東觀城縣。旋經拏獲。該犯等行蹤詭秘。

既經前來山東。必有投奔之人。以為藏身之地。前據苗贊庭在山西供出曹順逃往山東。投奔素好之李幅林。其住址或稱濟寧州。或稱臺兒莊。今據曹順供稱。曾聞韓鑑告知同教中有李幅林者。係彌勒佛轉世。曾在東省前來找尋。追詰以李幅林住址。張汶斌始終諉為不知。曹順李吉星隨口供指。各犯又稱並無李幅林其人。顯係因李幅林現未查拏到案。故意混供。恣其狡獪。該撫惟當嚴飭所屬密速躡訪。濟寧州臺兒莊等處。如實有李幅林其人。立行拏獲根追。即無其人。亦須訊有確據。毫無疑義。方可了案。斷不可率聽地方各官以偵緝無蹤。遽置不問。致令要犯漏網。將此諭令知之。尋奏嚴訊李吉星。供認與曹順謀逆不諱。至窮問投奔之人。堅稱原籍離東甚遠。並無夥黨。前供李幅林實係畏刑妄供。現接山西巡撫咨會。訊明曹順苗贊庭等。供稱東省與直隸交界各府州土語均稱

為裏府裏前供李幅林係聲音之訛其濟寧州臺兒莊亦緣畏刑混供最與該犯現在供詞無異是李幅林並無其人似屬可信請將該犯即在東省正法報聞○以緝獲逆犯曹順等予山東知縣陳光緒等升敘有差○壬申福建布政使鄭祖琛賞假回籍省親以糧儲道托渾布兼署布政使○以辦理福建臺灣軍需予知縣顧教忠等升選加銜有差○甲戌諭內閣長清奏孽生馬匹倒斃過多請

將管廠遊擊及牧長各員弁解任訊究一摺巴里坤東廠孽生馬匹考成攸關據該都統查明倒斃之由實因上年入夏以來天氣亢旱所致惟一年之內倒斃至一千四百七十餘匹之多雖據委員等查報染癘情形尚無捏飾是否偏災抑係該廠員等經牧不善所致不可不嚴行查辦總理廠務之巴里坤左營遊擊王璦及牧長等各員弁著先行解任交長清提集嚴行訊究覈實具奏儻另有情

弊即著據實嚴參究辦毋稍寬縱尋奏訊明前項馬匹實係因災染癘人力難施並無情弊請照從前變殘四等馬價例每匹作銀二兩著落牧長等賠補二成提督總兵遊擊分賠八成勒限一年完繳下部議尋議查中樞政考內載廠馬短少著落牧長等賠交馬匹仍歸原羣扣限取孽此次烏嚕木齊應照例將倒缺馬匹分別賠交勒限一年歸羣取孽不得率請變價以符定制從之○以本年鄉

試考試應開列試差人員於圓明園正大光明殿○乙亥諭內閣鐵麟等奏南糧幫船行走遲滯請旨飭催一摺本年全漕起運軍船糧數較多南糧首進大河等幫已於四月中旬陸續挽入山東境內迄今已逾一月尚未據報入直隸境日期行走實屬遲滯著直隸山東督撫嚴飭沿河文武員弁實力催趲不准片刻停留並不准一幫脫空儻河道間有淤淺處所即著加夫趕緊刨挖添雇剝船妥

為籌備以速漕行。○丙子。

上詣綺春園問

皇太后安。○丁丑。以京畿得雨尚未深透。

上詣

黑龍潭神祠祈雨。遣惇親王綿愷詣

天神壇。惠郡王綿愉詣

地祇壇。慶郡王綿懋詣

太歲壇。行禮。定親王奕紹詣清漪園靜明園

龍神廟。成郡王載銳詣

宣仁廟。

凝和廟。睿親王仁壽詣

昭顯廟。

時應宮拈香。○諭軍機大臣等。據孟魁奏。山

海關外八里鋪地方臨榆縣屬農民。於本月

初十日午後。聚集二千餘人。執旗鳴鑼擊鼓

禱雨。直入該副都統署內大堂。堅請拈香。否

則就討錢文。當經開導撫慰而散。請旨查禁

等語。農民因旱禱雨。原屬例所不禁。但何以

聚集至二千餘人之多。於雨後擅入衙署。討

錢拈香。殊非情理。著琦善即將該副都統所

奏情形。確切查明。據實具奏。原摺鈔給閱看。

將此諭令知之。○戊寅。諭內閣。前據給事中

金應麟奏。吳邦慶保舉過濫。動撥較多等

語。並據吳邦慶奏。嚴煥查工時。收受各廳紅

封銀兩。告病回籍。需索盤費各等情。當降旨

派文孚馳赴山東。會同鍾祥查辦。茲據文孚

等查明。東河歷年安瀾保舉。亦有多至二十

餘員者。吳邦慶上年所保人數。尚非獨多。地

方人員。前經吏部奏准不得改撥河工。吳邦

慶前請將同知黎淦等六員改撥。俱在部議

以後。其報銷案內所稱省銀十二萬餘兩。係

專指節省埽工而言。安瀾摺內所稱約省銀

三十餘萬兩。係將節省埽工。並存贖碎石。及

下年緩辦碎石合計而言。前後牽湊。錢糧尚

無浮冒。通判沈康未補缺時。曾擬過湖水例

摺。寫過書啓稿二次。其密商何語。招搖何事。

如何引沈鏞為心腹。均無確據。又沈鏞集團良羅傑亦查無聲名。平常及包攬奏銷實跡。至吳邦慶所奏嚴娘所用碎石。虛拋埽前。所查埽工。未經雖試。丈量既無存記。無從查勘。又同知吳拱辰所收張崇鼎碎石三百方。當經稟明充公。並未給價。其嚴娘需索盤費一款。據吳邦慶稱得自風聞。並無憑據。又紅封始於嚴娘一款。訊之前充巡捕前站之河弁三員。據稱吳總河初次查工。曾經廳員錢熙陳翔家人。送銀備賞。均經吳總河中斥退還。並訊據守備楊廷標稱跟隨嚴總河查工時。各廳俱未聞有送銀之事等語。河道總督統轄全河。責任綦重。自應正己率屬。破除情面。力杜夤緣積習。其每年所用錢糧。尤應加意撙節。以歸覈實。吳邦慶違例奏撥河工人員。又以屬官辦理幕事。於廳員送給銀兩。不即叅處。遲至三年之久。始行具奏。又叅奏嚴娘收受紅封盤費銀兩。俱不能指出實據。殊屬

錯謬冒昧。吳邦慶著交部嚴加議處。即來京聽候部議。嚴娘雖訊無收受紅封盤費之事。惟於吏部甫經議駁。改撥河員之後。即以從九品金觀業吏入安瀾摺內。奏請改撥。嚴娘開端於前。以致吳邦慶效尤於後。實屬朦混取巧。嚴娘著交部議處。通判沈廉及歷次敘入安瀾摺內。奏請改撥河工之從九品今升縣丞金觀業候補同知黎淦。試用縣丞龔國良。候補通判羅傑。州同沈鏞。府經歷周鈞等七員。俱著仍改歸地方。照各該員等現任官階補用。通判陳翔。於家人致送備賞銀兩。不得諉為不知。著交部議處。嗣後南河東河道總督等。於各該省地方人員。概不准藉稱駕輕就熟。修防有裨。率行敘入安瀾摺內。奏請改撥河工。並不准以該員等堪膺河工之選。專摺具奏。以杜隱混。而昭覈實。該部知道。○實授臬毓美。河東河道總督。○旌表守正捐軀安徽銅陵縣職員張書常。妻蘇氏。○己

卯諭內閣吳榮光奏查明濱湖各州縣完糧私垸照案更正一摺湖南長沙等州縣私垸湖田從前雖經免毀仍禁加修若一概改為民垸勢必有礙水道惟究有應完錢糧儻遇災歉自未便與官民各垸辦理歧異據該撫查明成案奏請一律查辦蠲緩加恩著照所請所有免毀禁修之長沙縣順口湖等私垸三十七處益陽縣楊家坪等私垸十處華容縣金家垸等私垸十一處武陵縣太平隄等私垸二處龍陽縣太極垸等私垸十四處沅江縣周家坪垸等私垸二處澧州添園隄等私垸四十二處及已經創毀照案應歸入低窪湖田之長沙縣方家洲埂等私垸二處益陽縣湖肚塘等私垸二處武陵縣盤陀障等私垸十一處龍陽縣六合障等私垸十三處澧州淘金湖私垸一處遇有災歉之年著准其統將私垸湖田查照道光八年以前成案應完錢漕一律查辦蠲緩以紓民力該撫仍

飭將各垸埂遵照從前奏案免毀者嚴禁加修已毀者不准復築以利水道其澧州益陽二州縣上年被水私垸既據查明均經補種有秋錢糧著照常徵收毋庸蠲緩該部知道○諭軍機大臣等有人奏山海關近有報滿稅書曹姓在本城內開設商店包納關稅本年三月間復遣鋪夥馳赴海口向監稅書吏那取課銀六千餘兩徑進關門被官兵盤阻並起獲私信已由副都統衙門審出那用實情移交該監督自行辦理等語各關徵收稅銀攸關帑項豈容奸胥猾吏包攬那移若如所奏山海關報滿稅書曹姓包納關稅已屬大干法紀復遣鋪夥前往海口私相那用課銀至六千餘兩之多尤屬不成事體且恐此外侵吞掩取者尚不止此一次不可不嚴行查辦著該副都統確切查明該監督於移交辦理後曾否訊出實情照例懲辦據實具奏將此諭令知之尋奏此案先經關門盤獲億

合店夥朱耀武。夾帶稅銀六千五百兩。當訊取大概供詞。並拆閱書吏曹良玉私信。因稅務係監督專責。且舞弊書吏。遠在海口。遂將人犯銀兩。移交監督查辦。據監督奕毓覆稱。已將曹良玉斥革。俟由牛莊提到。質訊懲究。嗣該監督循例起程。查閱所屬沿海各口。現尚未回。應即飛咨令其迅速查明。曾否究辦。再行具奏。得旨。著解交刑部審訊。○命翰林院侍讀詹事府庶子以下。自六月初一日起。每日二員。豫備召見。○以湖北按察使朱樹為河南布政使。福建汀漳龍道程銓。為湖北按察使。○庚辰。以甘霖渥沛。遣定親王奕紹詣黑龍潭。惇親王綿愷。詣天神壇。惠郡王綿愉。詣地祇壇。慶郡王綿懋。詣太歲壇。工部尚書敬徵。詣清漪園龍神廟。理藩院尚書禧恩。詣靜明園。

龍神廟。成郡王載銳。詣宣仁廟。凝和廟。審親王仁壽。詣昭顯廟。時應宮報謝。○辛巳。孝恭仁皇后忌辰。遣官祭景陵。○諭軍機大臣等。有人奏。原任甘肅蘭州道呂嘉言。前因在任聲名平常。降為通判。休致。該員自應回安徽旌德原籍。乃逗留陝西。省城。出入地方官衙門。招搖撞騙。曾經前任巡撫鄂山。訪聞驅逐出省。嗣復潛回。開設賭局。引誘候補州縣佐雜人員。并大商巨賈。朝夕聚賭。銀錢勝負。累百盈千。勝者誘入倡家。花銷。負者令其資本復賭。該員從中重利。盤剝等語。降休人員。盤踞外省。窩賭漁利。實屬為害地方。該員劣跡昭彰。前經驅逐。何以復潛回省城。設局誑誘。著該撫嚴查訊究。據實具奏。即有失察處分。定予寬免。儻稍有回護。

徇隱。經朕訪聞。或別經發覺。該撫不能當此重咎也。將此諭令知之。○直隸總督琦善奏。報保定府得有陣雨一寸。得旨京師於本月十八日。得雨寸餘。十九日申刻。雷電交作。大雨滂沱。入土三寸有餘。廿日申刻。又得傾盆陣雨二次。已覺深透。朕曷勝欣感。惟念畿南尚未霑足。實深盼切。一得透雨。即行奏來。○贈故都統銜休致工部侍郎前任大學士松筠。太子太保。予祭葬。諡文清。○壬午。

上詣

大高殿行禮。○還宮。○以夏至祭

地於

方澤。自是日始齋戒三日。○癸未。諭內閣吏部。將吳邦慶等照例嚴議處。吳邦慶身任河道總督。於到任後。訪知前任總河嚴烺有虛拋碎石。收受紅封。需索盤費銀兩各款。即應查明確據。指實嚴參。何以遲至三年之久。忽為此奏。殊屬意存取巧。又違例改撥河工人

員。以屬員辦理幕事。於廳員送給銀兩。參奏遲延。經該部議以革職。本屬咎所應得。念其在任三年。河工安瀾。辦理尚妥。著加恩降為編修。嚴烺既經訊明。並無收受紅封盤費。惟違例改撥河員。著加恩改為降二級調用。不准抵銷。糧河通判陳翔著即照部議革職。○又諭裕泰奏。特參失火燒斃管押人犯多名。之知縣。請旨革職一摺。貴州天柱縣因修葺監獄。所有例應禁押之犯。暫行寄押該縣署

土地祠內。三月初七日夜間。失火燒斃押犯楊再耀等八名。看役程謾一名。土地祠近在署內。既經寄押人犯。自應加意防範。且一經火起。亦應立時撲救。何致該犯與看役全行燒斃。至九命之多。難保非玩視火災。任意延緩所致。天柱縣知縣趙縉。著即革職。交該撫提同全案人證。徹底根究。務得確情。按律懲辦。以為玩視監獄者戒。尋奏提訊趙縉及全案人證。實係看役程謾失火。該革員迅即撲

救。因風勢甚大。火已封門。致押犯與程謾均被焚斃。調查該縣原卷。楊再耀等例應禁押。委無別情。惟不能先事豫防。致傷九命。非尋常疏忽可比。業已革職。應毋庸議。看役鄧源等。應按律杖八十。折責革役。下部議從之。○考試應開列試差二品以下京堂各官於上書房。○乙酉夏至祭

地於

方澤

上親詣行禮。○幸圓明園。○詣綺春園問

皇太后安。○諭軍機大臣等。樂善等奏夷船闖入閩省。駛斗洋面。並用小船竄入內港。妄遞呈稟。業已驅逐出洋一摺。據稱本年四月初九日。閩省洋面有夷船一隻。徑由五虎門之偏東。乘潮駛入。駛斗內洋停泊。當經該將軍等調派文武員弁。馳往驅逐。稽查彈壓。該夷船乘兵船未集之時。於初九日夜。用小船剝載夷人十四名。欲圖闖入內港。經調集會堵

之鎮將等寫帖曉諭。飭令回棹。藐抗不遵。當即施放槍礮攔阻。該夷船始知畏懼。竄入小港。經該把總林朝江等駕船趕及。宣示國威。隨將該夷船牽引出港。該夷人復向督署妄遞呈稟。求在閩省貿易。並稱願運米百萬來閩銷售。查其船內實無米石。並據該副將等呈到該夷人送給夷書。荒誕不經。該將軍等公同商酌。繕發印札。曉以大義。隨將該夷船驅逐出洋等語。夷人遠涉重洋。自為牟利而來。但鬼蜮情形。種種莫測。既不可以理諭。且屢易其詞。希圖誘惑。難保非內地奸民勾引所致。該將軍等奏稱該夷言詞狡黠。宛似內地訟師逞刁挾制之詞。所見不差。該夷船在洋面遊奕。如果去而復來。不遵法度。不服曉諭。即不能不懾以兵威。總在該將軍等察看情形。認真防範。固不可妄希邀功。致滋事端。亦不得以驅逐了事。遂爾廢弛。務當嚴飭文武水陸各員弁。防守口岸。杜絕接濟。俾該夷

不能逞其伎倆。以懲奸詐而靖海隅。至該夷船呈到夷書。辭句荒誕。殊屬可惡。是否係內地刊印之書。著即嚴密飭查。閩省各州縣。有無代刊夷書鋪戶。密拏辦理。已另諭盧坤等。在粵省一體密查。從嚴究辦。此次夷船竄入內港。督標水師把總林朝江駕船趕問。頗有膽識。著加恩以千總遇缺儘先拔補。其不能嚴守口岸實力堵逐之海壇鎮總兵程恩高。署閩安左營守備事金門鎮標左營千總顏

鳴亮著交部分別議處。將此各諭令知之。○又諭本日據樂善等奏。喚咭喇夷船闖入閩省雙斗洋面。並用小船竄入內港。妄遞呈稟。業經該將軍等派委員弁嚴行驅逐出洋。並據副將文通等呈到夷人所遞夷書。確係內地刊印之本。業諭樂善等嚴密飭查。閩省各州縣。有無代刊夷書鋪戶。密拏辦理。並據樂善等奏稱。咨明粵省一體飭查。著盧坤等於廣東各屬嚴飭稽查。有無此項夷書。並著查

出代刊夷書鋪戶。嚴拏究辦。至此次夷船已由閩省驅逐出境。難保其不駛入粵洋。盧坤等務當嚴飭沿海文武員弁。加意防範。稽查彈壓。勿令滋生事端。將此各諭令知之。○又諭本日御史陳功奏。請申嚴閩省海禁。以裕民食一摺。據稱福建省城地狹人稠。產米不敷民食。全賴臺米接濟。向例臺灣客米不准販運。浙江廣東各省原所以籌備民食。自道光四年前任總督孫爾準招商採買臺米。販

運天津。海禁一開。雖奏明事竣仍照舊停止。而數年以來。臺米散出。犯禁圖利。來省甚少。閩中深受其害。推原其故。皆由海口奉行不力。文武員弁利其偷漏。以為分肥之地。等語。臺米不准越口販運。例禁甚嚴。著程祖洛等通飭各海口申明例禁。實力稽查。如文武員弁奉行不力。即著嚴參懲辦。不得有名無實。日久生玩。將此諭令知之。○以方澤大祀。禮節嫻熟。賞太常寺寺丞卓麟五品

頂帶花翎○朝鮮國使臣洪命周等三人於三旗營箭亭瞻覲○丁亥

孝慎皇后殯官月祭遣官行禮○諭內閣前據鍾祥奏參撤任陽信縣知縣恩福逞刁呈訴含混狡執等款當降旨交文孚秉公審訊明確據實具奏茲據奏稱查明此案情節並無隱漏提集案證訊與該省卷案相符當將恩福傳至公堂按款指問據供前因未見全案懷疑請示今見案情疑釋心服等語此案既

據覆數明確並無偏抑該縣恩福輒以不能指定之詞妄憑胸臆逞刁瀆訴挾制上司此風斷不可長著即革職以懲刁詐而儆官邪該部知道○以右春坊右庶子花沙納為雲南鄉試正考官翰林院編修朱其鎮為副考官京畿道御史劉諱為貴州鄉試正考官刑部郎中狄聽為副考官○以病痊侍郎廖鴻荃署工部左侍郎○戊子諭內閣昨據文孚奏查訊山東撤任知縣恩福逞刁瀆訴一案

覆覈案情實無偏抑是鍾祥將該縣恩福奏參撤任聲請議處確覈定讞並無不實不盡恩福於被參後以不能指定之詞妄憑胸臆逞刁瀆訴挾制上司此風斷不可長當經降旨斥革以示懲儆文孚身為大學士於此等案情既查無偏抑則劣員刁詐之風自應按律定擬奏參懲辦以儆官邪乃因恩福業經該撫原參議處即將懷疑呈訴處分聲請應否免議殊非大臣任怨之道文孚著交部議處○展緩山東歷城章邱新城齊東齊河陵平原禹城濟陽臨邑長清德德平長山聊城堂邑博平茌平莘冠館陶高唐恩平陰東阿陽信樂陵商河濱臨清夏津武城邱陽殺壽張鄆城三十六州縣及德州東昌臨清三衛被旱莊屯舊欠額賦○貸山西鳳臺沁水二縣被旱災民籽種口糧

人送交該鋪刊刻。確切指明。以憑查辦。不准稍有諱飾。致干重戾。將此諭知盧坤祁項並傳諭彭年知之。夷書二本。著一併發給閱看。尋總督鄧廷楨等奏。擊獲刻字匠屈亞熙。供稱。喫咕喇國住粵夷人雇伊父屈亞昂並梁亞發與伊三人刊刻夷書。其底本不知來歷。伊並無勾串夷人傳教情事。復據該夷商供稱。此書由來已久。該國刊刻漢字不能工。綴故攜至澳門刊板。並非內地編造。至外洋駛

風。瞬息千里。故此書刊自上年夏間。今春即可傳到閩省。屈亞昂梁亞發聞擊逃匿。獲日另辦。屈亞熙按律擬杖徒下部知之。又諭前據樂善等奏。喫咕喇夷船闖入閩省外洋。當即驅逐。並將該夷人所遞夷書咨送軍機處。當經呈覽。朕詳加披閱。其書首頁標明道光甲午年夏鑄字樣。何以今春即由該國傳至閩省。該國在廣東貿易來往。其書自係廣東內地代為刊刻。業經諭盧坤等密速訪查

矣。惟該夷人等鬼蜮情形。種種莫測。難保無閩省內地奸民互相勾引之事。該將軍等惟當嚴飭各地方官密速訪查。儻查明實係閩省鋪戶所刊。即行嚴拏究辦。並訊明其書底本係由內地何人交鋪代刊。逐一根究。務期水落石出。不得因該夷人等業經驅逐出境。將就了事。致有不實不盡。將此諭令知之。尋奏閩省刻字宋體居多。皆不似夷書工整。逐細確查。並無代刊夷書之人。得旨現在雖已查明。並非閩省刊刻。然沿海州縣仍應嚴飭訪查。不可一奏了事。雖閩省坊刻類多宋體。而夷書則小楷工緻。焉知非鬼蜮伎倆。有意為之耶。大學士軍機大臣遵旨議奏。喀喇沙爾辦事大臣額勒錦奏。喀喇沙爾鋪戶商民情願自備資斧。搬接眷口等語。前因回疆甫經戡定。恐民回交涉生事。是以不准商民攜眷安家。現在西四城之巴爾楚克等處。既經奏明。准令攜眷。東西城事同一體。事屬便

民似無流弊。應如該大臣所奏辦理。從之。○
庚寅諭內閣。各直省調署實缺州縣佐雜員
數。向例按季報部。以備查覈。茲據吏部查明
道光十四年。山東省春夏秋冬四季分。廣西
省秋冬二季分。調署各員。現未造冊報部。廣
西距京較遠。山東本係近省。何以上年四季
分調署員數。迄今均未造報。殊屬延玩。此係
照例事件。有無調署。不難立即查明。似此任
意積壓數年後。必至部中無從稽覈。所有該

二省未造各冊。著各該撫迅即造報。毋再延
緩。其遲延各職名。著查明一併送部查議。嗣
後各直省仍著照例按季報部。以符定制。不
准再有稽延。○辛卯展緩江蘇豐沛蕭陽山
四縣及徐州衛積歉莊屯新舊額賦。○壬辰
上詣綺春園問

皇太后安。○諭內閣。本年恭逢
皇太后萬壽慶典。所有八旗及在京文武大臣
官員內有坐扣公項罰俸著加恩展限一季。

○又諭前因文孚查訊山東撤任知縣恩福
逞刁瀆訴一案。既經查明鍾祥原劾實無偏
抑。並不按律定擬。以懲劣員刁詐之風。僅將
該員懷疑呈訴處分。聲請應否免議。殊非大
臣任怨之道。特降旨將恩福革職。並將文孚
交部議處。茲據吏部議以降三級調用。自係
照例辦理。姑念其事屬因公。著加恩改為降
四級留任。近來內外各大臣。公正無私。不偏
不倚者。固有其人。然僅能謹慎自守。遇事瞻

顧不前。以沽名邀譽。置身於無過之地。為得
計。罔顧實心敬事之道。因循推諉。不肯任勞
任怨者。頗有其人。積習相沿。深為寒心。朕綜
理庶務。於內外大小臣工一切功過。無不準
情酌理。照例覈定。從不稍存成見。畸重畸輕。
嗣後各大臣等。惟當善體朕意。振刷精神。前
除積習。不避嫌怨。以歸覈實。而免委靡。用副
朕諄諄誥誡之至意。將此通諭知之。○癸巳
諭內閣。戶部奏請飭催欠解飯銀。以資辦公

各直省應解飯食銀兩。係該部辦公必需之用。乃積欠累年。動逾鉅萬。雖屢經飭催。仍復延宕。實屬不成事體。著安徽江寧江蘇貴州甘肅湖南湖北浙江山東兩淮兩浙福建廣東山西直隸江西河南雲南四川廣西各督撫鹽政。即將歷年積欠飯銀十五萬四千餘兩。及本年應解飯食銀兩。迅速委員解部。以備支放。嗣後務令年清年款。毋再任意拖延。致干咎戾。○又諭朱為弼奏審明長淮三幫。

不戒於火一案。並無懷挾私嫌。虧短掩飾情弊。一摺。本年三月間。長淮三幫。在河口塘內失火。延燒當降旨交該漕運總督督飭准揚道確切查訊。茲據奏稱。實係火起倉猝。因風延燒。並無懷挾私嫌。虧短掩飾情弊。所有各幫運弁沈世城等。均有降調處分。不准抵銷。除沈世城並未隨船北上。即著先行離任外。其常白幫千總李清楨。淮安二幫千總胡定海。鳳中常幫千總萬元衡。鳳常幫千總蕭漢

卿等四弁。現在押運遄行。著毋庸派員接運。即飭令該弁等一手經理。戴罪押運。前抵通州。俟交倉完竣後。再行照例辦理。○甲午新授河東河道總督栗毓美奏謝升授恩。得旨。諸凡實力為之。河工積習。若能一絲不染。方為不負委任。勉益加勉。○朝鮮國王李奭遣使表賀冊立。

皇后並加上

皇太后徽號。進貢方物。命留抵下次正貢宴賚。

如例。○修改江西永寧縣城垣。添開城門一座。從巡撫周之琦請也。○乙未

上御勤政殿聽政。○諭內閣孟魁等奏查辦書吏偷漏課銀情形。並報滿稅書開設商店。包納關稅。各摺。山海關已滿稅書曹際昌等前已降旨交刑部審訊。著該副都統即將已革牛莊海口經書曹盛之。即曹良玉店夥朱老耀。即朱耀武。跟役郭敏。曹良玉之姪曹際昌。即曹開文。一併飭交臨榆縣派役迅速解交。

刑部嚴審定擬具奏。○以翰林院侍讀學士功普為詹事府詹事。候補三品京堂桂齡為太僕寺卿。○丙申。諭內閣吳椿等奏查明塘工條石。實不敷用。請將范公塘工程。仍改條塊。石塘一摺。浙江范公塘一帶埽工。前經奏明改築鱗塘。並援案由江蘇採辦條石。協濟工用。茲據吳椿等查明。現在塘坦應用條石不敷。採辦斷難驟集。若將鱗塘接續建築。必致停工待料。輟作無時。因查勘添字等號石工。已歷五十餘年。尚屬完整。依照成案。請將范公塘埽工建築鱗塘之處。仍改為條塊石塘。以資捍衛。計節省銀十二萬餘兩。少用條石六萬六千餘丈。著照所請。所有該工自鳴字號東第三丈起。迤西至長字號東第三丈止。計長四百六十一丈。工難再緩。准其先行建築。其自常字號東第四丈起。迤西至能字號止。計長四百一十七丈。仍暫為推緩。以便趕辦石料。運濟各工之用。俾經費可期節省。工

作亦免遲誤。其江蘇省協濟條石四萬丈。五月內既可埽數運工。並著准其將范公塘應用條石。即於蘇石內如數劃留。餘俱飭運東塘以濟要工。其節省銀十二萬兩。並著仍存原款。一俟通塘續有必不可緩之工。即於此內奏請動用。○以捐修安徽鳳陽縣文廟。予候選訓導萬汝淵等議敘有差。○丁酉。以浙江溫處道王惟誠為雲南按察使。○貸湖北提標左營兵丁倉穀。○戊戌。以翰林

院編修趙德澐為廣東鄉試正考官。內閣中書何桂馨為副考官。翰林院修撰汪鳴相為廣西鄉試正考官。編修賈臻為副考官。侍講學士李煌為福建鄉試正考官。禮科給事中金應麟為副考官。○己亥。

上請綺春園問

皇太后安。○諭內閣。奕經奏緝獲偷入園場拒捕兇犯。請交部嚴審一摺。此案賊匪張惲才等結夥越邊。偷入園場。膽敢施放鳥槍拒捕。

傷斃官兵實屬目無法紀著交該將軍會同盛京刑部嚴審按律定擬具奏領催德精阿馬甲達春布因捕賊受傷身死著交部照例賜卹在逃賊犯著嚴飭沿邊內外地方各官一體上緊嚴密訪拏務獲歸案審辦毋任一名漏網至民間私藏鳥槍例禁甚嚴並經前任將軍奏明嚴定章程此次拒捕賊匪何以復有火器顯係查禁未能淨盡嗣後務當實力稽察認真辦理其沿邊圍場應如何嚴加防範勿致賊匪偷入之處著該將軍等一併妥議章程具奏○諭軍機大臣等寄諭山西巡撫鄂順安有人奏山西趙城縣首逆曹順滋事後匪黨聞拏竄逸署平定州知州張循儀疊奉指拏各逆匪偵緝不力致令傳邦擬逃竄直隸僅獲楊潭兄弟數人搪塞了事其挖出邪書等件又復串囑胥役諱匿不報等語匪徒傳習邪教煽惑鄉愚為害滋甚該地方官果能隨時留心認真拏究何至蔓延各

處釀成禍端若如所奏該署知州張循儀奉文指拏逆匪意存規避並不實力挖拏挖出邪書等件膽敢諱匿自應嚴行查辦著該撫確切查明如果實有其事即行據實叅辦毋稍瞻徇至此案習教匪徒除現已拏獲各犯外恐仍有聞風逃竄尚未拏獲並現獲各犯未經供出餘黨尤應嚴行究詰務淨根株現在曹順如尚未正法該撫即親提該逆惡心根究務令將各餘匪姓名一一供吐嚴飭所屬迅速查拏毋任一名漏網不得將就了事稍留餘孽致滋後患將此諭令知之○庚子江西南贛鎮總兵官張佑漢因病解任以浙江杭州城守營副將長春為南贛鎮總兵官○辛丑以直隸督標副將劉允孝為天津鎮總兵官○壬寅諭內閣朕於本年七月初一日起閱看左右兩翼前鋒營八旗護軍營兵丁步射著該管大臣等每營由護軍校藍翎長前鋒護軍內各豫備一百名每日帶領二

十名。候朕閱看步射。仍舊每人射箭兩枝。至此次朕看過步射之兵。下次毋庸豫備。○浙江學政史評奏報歲考五郡事竣。報聞。又批。巡撫烏爾恭額。自蒞任以來。操守如何。辦事如何。伊同吳椿。辦理塘工。能否和衷。工程能否妥善。委員有無鑽營。錢糧有無糜費。汝出入省垣。必有見聞。順便據實密奏。不可稍存諱飾之見。密之。○癸卯。諭內閣。滿洲蒙古文職。二品以下。及五六品京堂各員。著自本

月十九日起。各按單開。輪日在圓明園宮門伺候考試。俱不准託故不考。○諭軍機大臣等。有人奏。參現任湖南永州府知府林倬奎。年近七旬。精神衰邁。自道光十二年到任。凡事因循。不能振作。且操守卑汙。惟利是圖。任縱家丁。需索州縣。其門丁計姓。嘗乘小轎到屬員署中。索要節禮。門包十四年間。經吳榮光訪拏懲辦。該府屬永明縣塘下源地方。有唐義楊王四姓。與瑤人爭山一案。彼此械鬪。

毆斃數命。業經數年之久。該撫吳榮光屢飭查辦。該府並不查驗連結。以致民謠互爭。連年控告。現有生員唐稽古羈押該縣禁內。又道州士民立碑州署一案。緣該州差役擾累閭閻。該民人疊次上控。該府意存袒護。十三年間。該州士民四五百人。擁至州署立碑二門外。該州知州密稟本府。該府委署縣趙樹寅。將碑毀碎。並不詳稟督撫。嚴行究辦。至今三年。案尚未結等語。永州府係民謠雜處之

區。人情刁悍。案牘滋繁。若地方官因循廢弛。不能潔己奉公。整躬率屬。地方何由整頓。於吏治大有關係。著訥爾經額。吳榮光。務將所參各情節。確切查明。據實具奏。毋稍含混。斷不可存徇庇屬員之見。隱匿諱飾。曲為開脫。如不認真查訪。別經發覺。惟該督撫是問。將此各諭令知之。○甲辰

上幸靜明園詣

龍神廟拈香。○諭內閣。御史成觀宣奏請飭

禁河工浮耗積習以重修防一摺。河工要務。首慎修防。欲重修防。先去浮耗。全在總河大員。潔己奉公。正色率屬。不時稽察。在工廳弁。務須力革浮華。敦崇節儉。於各員辦工購料。勤覈驗收。一切費用。擇節裁減。俾有用之帑。項不至糜費於無用之地。工料無虧。則修防自固。若如該御史所奏。近日奢靡之風。河員為甚。往往私資不足。輒取給於公帑。竟有將河庫發給歲修銀兩。填補私債之事。以致草率辦公。猝遇緊要工程。措手不及。實於河防大有關係。凡河員之車服飲食。宴會供應。無不窮奢極欲。踵事增華。至藝術之流。向皆仰食鹽務。自淮鹽澈而浮費絀。近皆移害於河工。此等積弊。不能保其必無。該御史係為整頓河務起見。東南兩河事同一律。儻有前項積習。自應一體剔除。麟慶臬毓美均係朕特加擢用之人。不知能否各矢天良。著將所奏各情節。隨時飭禁。申諭在工員弁。奉公守法。

有則改之。無則加勉。不可相率因循。罔顧國是。如有仍前陋習。即著據實嚴參。儻不認真查禁。別經發覺。朕惟執法懲辦。不能稍寬一線也。懷之慎之。○貸烏里雅蘇台科布多二處銀一萬九千兩。發商生息。備歲修城垣衙署監獄倉庫及津貼辦公之用。從將軍武忠額等請也。○乙巳。諭軍機大臣等。本日據步軍統領衙門奏。四川三臺縣民婦陳楊氏。控稱。道光九年間。本縣吉姓被竊。射洪縣役朱明兒等。誣賴伊子陳玉先行竊。將伊子毆死。擲棄屍身。控經縣府不為究辦。歷控總督批委射洪縣。賴伊係有瘋疾。看押四載。始行釋放。案懸未結等情。已明降諭旨。派隆文前赴四川。會同鄂山。督同臬司蘇廷玉審訊矣。隆文現由西藏來京供職。如此時尚未行抵四川。接奉此旨。著即馳赴該省。儻已過四川省城。無論行抵何處。即行折回該處。會同審辦。案關誣竊斃命。擱案不辦。虛實均應確究。該

侍郎等務將所控各情。提到人證卷宗。悉心研鞫。該民婦是否實有瘋疾。務要切實根究。按律定擬具奏。不准稍事含混。顛預了事。致有不實不盡。原摺著鈔給閱看。將此諭令知之。尋奏原告民婦陳楊氏。未經解到。在途病故。提訊伊夫陳仕才及全案人證。據供陳玉先實係行竊被押。患病保出身死。該民婦挾嫌圖累。在本省各衙門屢次控告。情節屢易。均以訊係虛誣。照例監禁。今又砌詞京控。本

應治罪。業已病故。免議。朱明兒等訊無誣害情事。應予省釋。下部議。從之。旌表守正捐軀直隸深州民張大雪妻潘氏。○丙午

上詣綺春園問

皇太后安。○諭軍機大臣等。本日據陶澍等馳奏。黃河盛漲。中運河水發洶湧。設法搶護。並請將江廣各幫船稍緩放渡。一摺。據稱黃河尚未入伏。盛漲異常。中運河奇險疊生。該署河督麟慶。馳往中河。乘舟查看。南岸緯隄。均

已平漫。與夾塘相連。汪洋一片。水面約寬三百丈。全恃黃河雙隄攔束。現將桃北。外北。二廳各大隄後身。加高子堰。酌鑲防風。至北岸脫坡。寄潮之處。業經遊擊李承章等分赴上游督率汛弁。搶築子堰。隨長隨加。紮枕樓護。本月初九日。開放劉老澗過水。而來源旺。盛黃流頂托。楊家莊雙金閘。劉老澗三處全開。是日僅消水一尺二寸。黃水於十一日亦消落二寸。險工藉以保護。獲安。其尾幫江廣

各船。俟水勢消落。相機放渡等語。黃河及中運兩河。未交伏汛。同時並漲。以致險工林立。現在水勢長落未定。自應趕緊堵禦。設法保護。藉以化險為平。免致釀成鉅患。著陶澍。麟慶。迅飭道將廳營分投各處。竭力防堵。務將喫重各工。一律均臻平穩。不得稍有疏虞。其尾進江廣各幫船。業經埽數在塘。自應催趲北上。無誤限期。惟現在黃高於清。未便遽行放渡。著朱為弼體察情形。通盤籌畫。一俟水

勢稍落清黃不甚懸殊。即行相機設法。啓壩放渡。並飭沿途認真催趨。俾得連檣前進。剋日抵通。以重漕運。而免貽誤。將此各諭令知之。減江蘇丹徒縣濱江被水蘆田十五頃。二十一畝。有奇。科則銀。○戊申。以翰林院修撰吳鍾駿為湖南鄉試正考官。刑部郎中王庭蘭為副考官。翰林院編修羅繞典為四川鄉試正考官。步際桐為副考官。○己酉。諭內閣御史許球奏請嚴澄敘以重部務。所奏甚

是六部為綱紀庶務之地。責任匪輕。欲剔弊釐奸。必勸勤懲惰。豈容年力衰邁。才具平庸者。濶跡其間。無所區別。既不足以淬勵人才。尤非所以整飭部務。近年各部書吏舞弊之案層見疊出。皆由各該司員不能認真辦事所致。朕思司員之賢否勤惰。總在各該堂官之留心考覈。不獎賢能。何以理庶務。不去衰庸。何以拔真才。各該堂官專示優容。不肯以直任怨。隨時嚴加甄別。以致衰庸者既可藏

身。賢能者轉生退阻。殊非澄敘官方之道。所有該御史指出之禮部郎中羅宸戶部郎中嵩峻均係精力就衰。著該堂官查明具奏。六部中似此者恐復不少。正須力加甄別。以示懲勸。著各該堂官查明所管部院中。如有衰庸戀棧。不堪供職者。秉公據實叅劾。一經查出。即行具奏。以副朕用人行政黜陟公明之至意。若心存奉有此旨。即叅劾司員。跡涉迎合。則轉非朕勤求治理整飭官常之意也。將

此通諭各部院知之。○諭軍機大臣等。興德等奏查明葉爾羌所屬卡外色呼庫勒地方安靜一摺。據稱色呼庫勒為葉爾羌咽喉要地。克什米爾巴達克山諸外夷進卡貿易所必經由。霍罕時有人來藉稱拏賊實欲占踞該處。堵截諸外夷來路。希圖勒索抽稅。本年二月間。霍罕又有人來指稱拏賊。在該莊滋擾。搶擄牛羊。均經該伯克庫爾察克率領回眾擊退。仍將牛羊奪回。各等語。色呼庫勒阿

奇木伯克庫爾察克本係五品伯克前於道光十年打仗出力賞給四品頂翎茲霍罕連次滋擾該伯克率領回眾竭力抵禦實屬可嘉著加恩賞加三品頂帶興德等即傳諭該伯克已將各情節奏明大皇帝大皇帝甚為嘉悅特沛殊恩該伯克當益矢勤奮盡心保守所管地方無負委任亦不可與外夷構釁致滋事端將此諭令知之○又諭興德等奏覆查喀什噶爾屯田情形請照舊裁撤一摺

前因辦理喀什噶爾屯田事務降旨令興德等查明覆奏該處屯田原係以叛產入官地畝易換回田與巴爾楚克開荒者有間現雖依界耕種並未侵占恐久後不無輾轉現在該處屯民已遣散大半其餘播種冬麥之民有願赴巴爾楚克認墾者再行酌給口糧撥往妥為安置不致失業所有該處屯田請照舊裁撤等語邊疆屯田事務總須計及久遠籌畫方能妥協前降諭旨以裁撤屯田辦理

有無窒礙或可無庸更張令該大臣等體察情形不必拘泥辦理並非專為屯民遣散失業諭令酌撥安置且原招屯民如果依界耕種日久相安該處屯田地畝既免荒廢該屯民等室家聚處安為世業即有緩急究屬內地人民各顧田廬自知捍衛於邊務亦大有裨益較之撥給回民自更妥協著興德等接奉此旨悉心體察趁此原招屯民尚未全行遣散之時如可無庸更張著即妥議奏明辦

理斷不可拘泥前奏稍事遷就有負委任將此各諭令知之○又諭有人奏江蘇潁甯關為通商要道向有標禮並查船謝儀及上派下派押差渡夫拔單交稱接籌等項名目疊經降旨飭禁並未革除近有丈量科蠹吏沈培本係該關附近著名地棍前在眾丈量名下身後辦事迨既充丈量遂勾通內外無弊不作因該關向有罰料一項其所罰銀兩向以一半分給丈量等為貼補飯食之需一半

留為織造辦公之用。此例原為偷漏商人而設。近來商船到關。眾丈量悉聽沈培主持。無論果否漏稅。任意丈量。指為以多報少。無船不罰。無罰不多。有不服者。輒行鎖繫。往來莫可如何。因罰料一項。並無印票。僅有大關籤單。不過以微末委員。標明所罰數目。籤單又隨發隨繳。在官而不在商。商人無憑控訴。且以少罰多。並無底冊。不畏稽查。遂至恣其勒索。其商賈之狡黠者。多給使費。不但可免重

罰。即應完之正課。亦可以多報少。其善良者。不但貨物少而丈量多。而重罰且隨其後。商情畏罰貪利。善良者無不習為狡黠。偷漏不可勝言。虧額稅之課銀。肥吏胥之囊橐。似此蠹吏把持。誤公肥己。必應嚴行究辦。著林則徐會同松桂嚴密訪查。如有前項劣跡。即將沈培按律嚴懲。毋稍寬縱。至商船偷漏。自應照例罰料。其應如何給與印票。另立簿據。隨同親填堂簿。一併報部。著妥議章程奏明辦

理以杜弊端。而昭覈實。又據奏。淮關管理宿遷分口之書吏康景山。張紹盤踞多年。每遇監督派往家人。勾串一氣。即例有一定之額。徵船料。亦必加三倍徵收。且吸食鴉片。俾晝作夜。商旅船隻到口。即日多不驗收。守至次日。又須未刻方能查驗。並有守至二三日者。著林則徐會同那崑查明究辦。不得稍事顛預。經此次飭查之後。兩關積弊。儘不能實力剔除。別經發覺。或科道糾參。惟該撫暨該關

監督是問。將此諭知林則徐。並傳諭松桂。那崑知之。尋奏查訊。許墅關丈量沈培甫於前年承充。在諸丈量中。名次最後。委無把持舞弊等情。其標禮各名目。久奉裁革。不敢違例需索。至印票一節。查商船到關完納正稅。已給印票。若因籤多罰料。再給印票。是一船兩票。既與定例不符。且恐啓奸商訐訟之端。殊於權務有礙。應毋庸議。此項罰料銀兩。除各項公用外。餘交內務府照例支銷。戶部均無

例案可稽。即另立簿據報部。亦無從查覈。請嗣後添備印簿一分。逐一填明。於滿關時隨冊咨送內務府。以昭覈實。而符定制。從之。又奏查宿遷關內康景山張紹均係差役。並非書吏。尚無盤踞加收。及吸食鴉片煙情事。惟於無貨船隻。討取查艙飯錢。即屬違例需索。照例擬杖革役。報聞。○命陝甘總督瑚松額撥銀八千兩。解赴庫車。備道光十六年經費。○庚戌諭內閣。奎照奏遵旨敬擬龍泉峪添

設弁兵一摺。本年九月內舉行。

孝穆皇后梓宮

孝慎皇后梓宮奉安典禮。所有應添守護弁兵。自應豫為籌備。著照所請。准其添設千總一員。把總一員。經制外委二員。額外外委四員。馬兵四十名。守兵一百名。分隸左右兩營。按照管轄地面。分布巡防。所添弁兵各缺。即在鎮屬各營弁兵內選拔。下餘糧缺。另行招募補額。所需官署兵房。歲支俸餉。俱著照左

右兩營弁兵之例。一體建造支給。該部知道。

○以湖北省錢價賤。暫停寶武局鼓鑄。從總督訥爾經額等請也。○辛亥遣官祭

火神廟。○諭內閣。宗人府奏。已故鎮國公綿疆之妻汪佳氏。前於道光九年。呈送伊繼子奕奎。不服教訓。當經奕奎等訓飭。不許再有違悖。茲復據汪佳氏以奕奎不知悔改。呈請令其歸宗。奏摺內並未聲敘緣由。著交宗人府查明具奏。再降諭旨。○又諭前據御史許

球奏。參禮部郎中羅宸精力就衰。當降旨飭部查明具奏。茲據奏參該郎中羅宸。實係精力就衰。不能辦事。並據查出郎中福申。選補一年有餘。並不常川入署。亦不實心辦事。員外郎佛楞額。目力昏眊。才具平庸。堂主事張景泗。心地糊塗。不堪供職。羅宸。福申。佛楞額。張景泗。俱著勒令休致。試思禮部司員。本不眾多。而其中闕茸之人。不一而足。其餘五部及理藩院司官。人數眾多。豈能盡皆盡職之

人各該堂官若仍不肯秉公甄別則是甘為因循疲玩祇知取悅於人置公事於度外捫心自問能無愧乎贊襄庶政有是理乎諸臣當懷之勉之以副朕望焉○又諭楊名颺奏遵旨查訊降休人員被叅款跡大概情形請革職嚴審一摺原任甘肅蘭州道降休通判呂嘉言前在陝西省城涉訟被逐出省並不回安徽原籍輒復潛匿該省放債漁利窩留軍犯開設小押行止實屬卑鄙茲據該撫查

訊各劣跡仍將帳簿隱匿不呈顯係暗中串通盤剝分肥務當嚴行追出徹底根究呂嘉言著先行革職交該撫提同全案人證逐款嚴訊務得確情按律懲辦斷不准回護徇隱稍涉輕縱尋奏審明呂嘉言在省放債賃給軍犯房屋借本開設小押違法圖利行同市儈照律加等擬杖徒下部議從之○以緝捕勤奮予安徽知州張應雲等升用○壬子諭內閣前因外省咨送引見各員步射平常特

降旨將該大臣等交部議處並著該大臣等妥為訓練乃昨日鑲紅旗蒙古都統將密雲縣應放佐領人員帶領引見其擬正之烏隆阿弓力過輒而擬陪之德克德布箭太無準該副都統平日並未留心訓練所致除將烏隆阿等駁回本處著該副都統另揀人員再行咨送引見外佈勒亨著交部議處○又諭阮元奏遵旨查明現任知府分別勒休調補改簡一摺貴州都勻府知府劉紹綰年近七旬難期振作著即勒令休致鎮遠府知府呂紹賢於本缺不甚相宜惟年力強壯尚堪策勵著調補都勻府知府雲南大理府知府張志廉於邊缺事務辦理支絀著即送部引見以簡缺知府歸部選用○以越南國內訌防堵邊界出力予雲南知府魏襄等先補議敘有差○癸丑

上詣綺春園問

皇太后安○甲寅諭內閣前據孟魁奏臨榆縣

屬農民鳴鑼擊鼓。聚眾禱雨。請旨查禁。當降旨交琦善查明具奏。茲據奏稱本年五月初十日臨榆縣東關外村民數百人。循照舊俗。肩擡神牌。並邀天齊廟住持通順護送進城祈雨。是日得雨僅止三寸。並未深透。亦非得雨之後鄉民方始進城。又查明八里堡戶口清冊。該處三十四村莊。男丁大小口共一千一百餘名。即婦數同行。尚不敷二千餘人之眾等語。鄉民迎神禱雨。係田家望歲之恆情。

本屬例所不禁。若創設科條。通行示禁。轉恐強拂輿情。致滋疑懼。孟魁前奏大雨滂沱。是日僅得雨三寸。且該民人進關。係在未雨之前。亦無聚眾至二千餘人之事。該副都統既未以實查明。又復率請示禁。遽行入奏。實屬冒昧不曉事體。孟魁著傳旨嚴行申飭。○禮部議准。河南巡撫桂良疏報採訪南召縣節烈婦秦王氏等一百七口。閩鄉縣王燕氏等六口。新野縣王鮑氏等二十八口。永寧縣宋

邢氏等四十四口。鹿邑縣王朱氏等四十一口。請各建總坊旌表。從之。○丙辰諭內閣。朕因滿洲侍郎以下至五品京堂人數眾多。其能否通曉清文。未能概知。是以特命分日進內考試。其中繙譯通順。及能繙而有錯誤者。不過十之三四。竟不能落筆者過半焉。此則甚屬非是。清語乃滿洲根本。並非分外之事。無論何項出身。俱應熟習。况辦理部旗諸務。皆有清文事件。若不通曉。將何異於漢官。豈

止為人所笑。不有忝於乃祖乃父耶。嗣後我宗室覺羅暨八旗臣僕。務勤修本業。勉紹家聲。斷不可不曉清語。不識清字。以副朕務本成全諄諄誥誡之意。將此通諭知之。慎勉毋忽。○又諭御史岳鎮南奏請飭禁濫委佐貳佐雜等員署理州縣一摺。州縣為親民之官。蒞民行政均關緊要。豈容佐貳佐雜人員濫行署理。致滋流弊。茲據該御史奏稱。近來各省代理知縣。每委府經歷縣丞及州判等官。

甚至終年累月並不更換鄉試年分例准佐雜代理簾缺惟此項人員非正途出身向少懷芳履潔之人委以重任往往巧取民財任縱家丁差役弊端百出至同知通判在省候補多謀營好缺署理州縣剝民利己且有已補本班因缺分瘠苦暗求調劑該上司曲徇人情動謂人地相需俾署州縣之缺嘗有部選知縣到省該上司令其在省學習不肯遽使到任實為調劑他人起見等語若如所奏

是該督撫府尹等瞻徇情面不拘資格致啓夤緣奔競之風於吏治官常大有關係嗣後各直省督撫府尹等務當破除積習一秉至公遇有州縣缺出惟慎選正印中賢能之員俾往署理不得濫用佐貳佐雜等官署理州縣即間有州縣出差之缺正印中乏人委署不得不暫令佐貳佐雜人員前往代理亦當慎加遴選概不准以操守卑污聲名平常者濫竽充數以致貽害地方尤不可設法調劑

見好屬員一經代理輒至累月經年並不更換至部選知縣到省後該督撫府尹等惟當留心察看如果才堪造就即飭令該員接印任事不得概稱留省學習暗為調劑他人之計經此次諄諭之後該督撫府尹等儻仍徇於積習不知悔改復有前項弊端經朕查出或經科道糾參定將該督撫府尹等嚴懲不貸勿謂誥誡之不豫也將此通諭知之○又諭御史岳鎮南奏請嚴禁科場謄錄積弊一

摺鄉會試為掄才大典糊名易書立法極為周密乾隆五十二年嚴定謄錄所防弊端責成知貢舉監臨隨時查察理宜永遠遵行以除弊竇若如該御史所奏近來科場多有包攬謄錄之人場前議定記號擇其書寫精工者給銀修卷甚至私帶黑墨代改詩文於科名大有關係不可不嚴加防範嗣後鄉會試著遵照舊章責成知貢舉監臨實力奉行嚴飭謄錄各所官員加意查覈但有夾帶黑

墨代改文字諸弊。立即嚴拏究辦。儻不認真查察。一經發覺。定將知貢舉監臨一併懲處。決不寬貸。○又諭御史俞焜奏嚴覈優劣。以端士習一摺。從來民風之醇樸。由於士習之端謹。凡有教士之責者。不徒課以文藝。務在敦崇實行。嚴為旌別。以樹風聲。若如該御史所奏。近來各地方官於貢監生員。並不隨時稽察。教官舉報優行人數日增。不無冒濫。其有素行不端者。類皆徇隱不報。刁劣之徒。肆

無顧忌。往往出入公庭。勾串胥吏。或以他人漕糧出名包攬。或以不干己事。聯名訟託。逞筆舌以玩法。恃衣頂為護符。甚至欺壓鄉閭。挾制官長。犯法滋事。日積愈多。於風俗人心大有關繫。不可不嚴行甄覈。著各直省督撫。府尹學政。嚴飭該地方官暨各教職。務須隨時訓誡。認真稽查。舉優者勿徇虛名。報劣者毋許姑息。儻仍瞻徇隱匿。致釀事端。即將各該地方官及教職從嚴叅辦。決不寬貸。將此

通諭知之。○丁巳

孝慎皇后殯宮月祭。遣官行禮。○禮部議准。河南巡撫桂良疏報採訪安陽縣貞節婦女祖高氏等一百九十三口。請建總坊旌表。從之。○戊午。以鑾儀衛冠軍使錫霖為鑾儀使。○以四川勦夷出力。賞按察使蘇廷玉。道員李宗傳。參將唐永清。千總馬麟花翎。千總桂鳳鳴等藍翎。守備姚鵬程。屯守備阿朗。思達朋。巴圖魯名號。餘升補加銜議敘有差。

大清宣宗效天符運立中體正至文聖武智勇仁慈儉勤孝敏成皇帝實錄卷之二百六十七

大清宣宗效天符運立中體正至文聖武智勇
仁慈儉勤孝敏成皇帝實錄卷之二百六十八

監修 我官昭庭日講起居注官太子太保體仁閣大學士文淵閣領閣事管理戶部事務上書房總辦翰林院掌院學士兼管明

天府府外官路總帶加五級紀錄十八次。出。貴州總督官。題。廷議。官吏部尚書。鎮。監。捐。漢。軍。都。統。管。理。新。營。房。城。內。官。房。大。臣。梅。寧。內。

七、於人臣侍奉會同，詳館事務加一級，隨帶加六級，軍功加三級，記錄五次，臣花少納經選指官文淵閣提舉閣事兵部尚書總管。

內務府大臣鑲白旗滿洲都統福霖內七倉大臣管理字人府銀庫左監幼官學 安壽宮園明等處稽使管御茶膳房御藥房太

新授直隸布政使加十八級陞阿靈阿副總兵官經筵講官兵部尚書禮部加六級紀錄二十次臣周祖培等奉

較修

道光十五年乙未閏六月己未朔諭內閣陶

澍等奏黃河盛漲停積不消現在籌濟放渡並搶護險工備防大汛各情形一摺據稱黃河盛漲異常萬錦灘沁河兩處漲水同時下注兼以東省山水驟發均由中運河流出以致江境各廳水勢久積不消其在塘軍船以及銅鉛等船帆檣林立現在黃高於清未便遽行放渡請將臨黃堰涵洞試行啓放引水入塘以為擎托如果黃水見消即可起機辦理等語軍船埽數渡黃現在久逾定限節交

大暑伏汎經臨河水盛漲不消長落未定必
應及時設法籌濟並分投搶護險工備防伏
汎著陶澍等體察情形相機辦理如黃水漸
次暢消即乘機啓壩放渡俾各軍船得以連
檣前進上緊催趲無誤重運不得藉口遇閘
稍有遲延至海口一帶本年潮汎頂托有無
阻滯並外南山安交界地方河身微覺高仰
統俟軍船渡竣著麟慶親往查看相度情形
設法妥為籌辦不准稍有疏虞○頒賞

皇四子皇五子皇六子暨王公大臣內廷翰林各省督撫平定回疆銅版戰圖各一分○禮部議准河南巡撫桂良疏報採訪固始縣節烈婦女汪何氏等四十口請建總坊旌表從之
庚申

上詣綺春園問

皇太后安○諭內閣蒙古繙譯進士舉人出身之六部理藩院太僕寺郎中員外郎及御史併內閣侍讀各員著於本月十三日在圓明

園考試其不由進士舉人出身有報名願考者准其一體考試○又諭文蔚等奏查明達賴喇嘛班禪額爾德尼請換金冊一摺前因理藩院修辦喇嘛事例奏請飭查呼圖克圖印信冊教事宜茲據該大臣等奏稱達賴喇嘛現已及歲受戒坐牀與早經受戒坐牀之班禪額爾德尼均祇有金印未經賞給金冊達賴喇嘛班禪額爾德尼俱著賞給金冊該衙門照例頒給○諭軍機大臣等有人奏湖

南寶慶府經歷周繼芬未到本任歷署瀏陽湘陰等縣永州府經歷王璋現署沅陵縣知縣在任已經數年該二員操守卑污聲名平常等語佐雜人員署理州縣豈容經年累月並不更換該二員果係操守卑污聲名平常尤應隨時查察據實叅辦何得意存容隱致令貽害地方著訥爾經額吳榮光查明周繼芬是否歷署縣缺王璋是否署事數年現在該二員曾否卸事其操守聲名有無卑污狼

籍款跡務當破除情面確切查明據實具奏斷不准稍存徇隱致干咎戾將此諭令知之尋奏查周繼芬兩次代理縣事為日無多該員已調補乾州廳經歷早回本任王璋係俸滿保薦之員例准署理州縣該員前署沅陵縣因本任知縣運木進京事竣別署要缺且以該員在沅陵辦理妥協是以仍留署任並非無故久署該二員歷過各任操守聲名委無卑污狼籍款跡報聞○壬戌

上幸萬壽山詩

廣潤祠拈香○諭內閣鄂順安奏趙城縣匪徒滋事勦捕肅清一摺此案山西趙城縣匪徒曹順等聚眾滋事焚署戕官經該撫帶兵前往督辦先後擒獲首從各逆犯並究明餘黨盡法懲治及分別按律辦理甫逾三月勦捕賊事辦理尚屬妥速該撫自請交部議處之處著加恩寬免其在事文武員弁並本地紳士人等守禦殲擒著有微勞著該撫據實

確查擇其尤為出力者酌保數員奏請鼓勵
斷不准稍有冒濫至此次所調官兵需用行
裝口糧業在該省藩庫籌款墊發其輪助軍
餉如不敷用准其捐攤歸補並免造冊報銷
○癸亥諭內閣盧坤等奏籌議防黎善後章
程一摺廣東儋崖二州接壤黎疆自應酌設
兵勇籌備經費以資防範所有每年約需經
費銀一千兩著准其在司庫武職空缺養廉
項下借動銀八千兩支存公費項下借動銀
六千兩奏留充公項下借動銀六千兩共銀
二萬兩發交南海番禺兩縣典商按年生息
以作防黎費用所得息銀仍分別按年動用
歸款餘著照所議辦理該部知道○旌表守
正被戕貴州龍泉縣民周沅俸妻陳氏○甲
子諭內閣昨因安徽舉人朱鳳鳴呈遞封章
業有旨交兵部遞籍管束茲細閱所遞尚書
題各論既無違悖字句且引用經史文義尚
通著該部毋庸遞解即飭令該舉人自行回

籍安分讀書勉圖上進仍准其一體會試○
命刑部右侍郎廉敬趙盛奎馳往山西查辦
事件○旌表守正捐軀山東滕縣民王興獻
姪女王氏○乙丑諭內閣戶部奏請飭催各
省延未起解報撥及徵存屬庫銀兩並將各
款銀數分晰開單呈覽國家賦入歲有常經
度支所繫必應綜覈出納以昭慎重近年以
來各省地丁稅課積欠頻仍於每歲額徵已
不能年清年款即至徵存報部之項亦不隨
時解撥經該部節次嚴催仍復日久宕延似
此年復一年尚復成何事體茲據該部將各
項銀數逐款鉤稽查明現在各省實存關稅
雜款應行解部者共四十六案共銀二百五
十六萬九千餘兩久逾定限延未報解並有
已報起程日久尚未到部者著各省督撫監
督等迅速委員分批起解其各省完繳關稅
盈餘及應行解部各款均於部文到日勒限
半年埽數解交部庫如有遲逾即將延不報

解各職各嚴參議處。至各省司道庫收存餘存銀久未造入撥冊者共三十四案。共入撥銀三百九十五萬五千餘兩。經該部節次行催總未造入季撥冊內。著各省督撫迅即按款查明。因何歷年延不報撥之故。據實覆奏。一面轉飭將各項實存銀數造入季撥冊內。備撥無稍遺漏。至外省徵存州縣屬庫銀兩。例應隨時提解司庫。以杜侵那虧缺情弊。乃各省現在冊報留存屬庫銀兩共十六案。共

銀一百九十萬四千餘兩。京錢五百餘千。實屬有違定例。著各該督撫確切查明。立即設法嚴提解交司庫。報部酌撥。如再延宕。立予嚴參。儻該管上司仍復有意徇隱。即由該部據實參辦。並著嗣後州縣徵存銀兩。照例按限解司。無得留存屬庫。以符定制。再各省留存雜款如鼓鑄耗羨等項。實存銀一百萬六千九百餘兩。歷年報銷。均有餘騰。著照該部所議酌提銀三十五萬兩。除留備各該省應

用外。悉令報撥。即著各該督撫按照該部指撥之數。造入季撥冊內。以昭覈實。經此次飭催之後。各該督撫等務按照該部指提各款實力嚴催。迅速趕辦。斷不准仍前因循。致干咎戾。至各省額徵錢糧。全在各該上司認真考覈。應解部者。按限解部。應入撥者。趕今入撥。遇有州縣交代。覈實盤查。一有徵存。剋期提解。儻有彌縫掩飾等弊。即著嚴參治罪。該督撫等不力為整頓。以致庫項久懸。朕惟執

法從事。決不寬貸。○旌表守正捐軀陝西華陰縣民梁庭金妻鞠氏。○濟江蘇通泰三州鹽河從總督陶澍請也。○丙寅諭內閣。給事中鮑文淳奏。申明舊例。請飭部嚴謹關防。以肅刑名。一摺。刑部為刑名總匯。理宜關防嚴密。門禁肅清。方足以昭慎重。定例不准閒雜人等擅自出入。及跟隨聽審人犯私入窺探。並守門領催。派巡番役查禁。嚴防範本。極周密。若如該給事中所奏。近有慣走衙門之

徒交通卑役。直入監禁重地。傳遞語言。潛伏附近地方。等候部中小馬探聽案情。以致赴質之人。教供避就。飭拏之犯。聞信潛逃。於刑名甚有關係。嗣後務遵照定例。由步軍統領衙門輪派番役。在刑部外左近。分日稽查。遇有閒人。立拏懲治。仍責成刑部堂官。通飭各司不時查察。如有門禁懈弛。小馬探聽等弊。一經查出。即從嚴懲辦。不得視為具文。日久懈生。仍致有名無實。○丁卯。

上詣綺春園問

皇太后安。○諭內閣。國家設立欽天監。掌測候推步之政令。及凡占驗選擇之事。遇有應行典禮。先期諏吉。向俱恪遵。

欽定協紀辨方書。考其宜忌。敬謹選擇。奏明辦理。本年舉行。

孝穆皇后

孝慎皇后梓宮奉安典禮。由欽天監擇吉。奏聞。經敬徵等於九月內選擇二十一。二十八。

兩日。開列請旨。朕因二十八日。係屬平日。是以取用二十一日。舉行奉安典禮。朕於幾暇。偶閱。

欽定協紀辨方書。將是日干支。合其宜忌。殊覺未協。當將是書發交軍機大臣。會同敬徵。循其義例。詳細推求。有無妨礙。旋經軍機大臣。及敬徵。將忌用各條。於書內夾籤進呈。朕覆加披閱。是日舉行奉安典禮。實不相宜。敬徵經朕疊加任使。擢至尚書。管理欽天監事務。有年。於諏日宜忌。素為熟諳。宜如何慎重揀選。此次所擇奉安日期。純繆至此。如知其不宜。勉強湊合。則居心直不可問。如於是日忌用之處。並不遵照協紀辨方。敬謹詳查選擇。反藉諸不經外傳。此係何等重大之事。乃如此漫不經心。將就草率。莫此為甚。且經朕指出。責令會同詳查。敬徵亦知其忌用。並不具摺請罪。喪心病狂。種種荒謬。實屬辜恩溺職。敬徵著革去尚書都統及一切差使。拔去花。

翎賞給三品頂帶仍留內務府大臣其內務府應管事務准其照常管理並仍著管理欽天監事務以觀後效其隨同具奏之欽天監堂官著查取職名交部嚴加議處所有奉安日期著軍機大臣會同禮部欽天監敬謹選擇另行具奏○調禮部尚書戴銓為工部尚書以都察院左都御史恩銘為禮部尚書烏里雅蘇台將軍武忠額為都察院左都御史○以左翼前鋒統領奕紀為鑲黃旗漢軍都

統○調吉林將軍保昌為烏里雅蘇台將軍黑龍江將軍祥康為吉林將軍廣州將軍哈豐阿為黑龍江將軍哈豐阿未到任前仍以錦州副都統奇明保署理○以廣西右江鎮總兵官蘇勒當阿為廣州將軍○修直隸獨石口協左右營坍塌營房從總督琦善請也○戊辰以國子監祭酒翁心存為浙江鄉試正考官江南道御史張琴為副考官戶部左侍郎姚元之為江西鄉試正考官刑部員外

郎王治為副考官京畿道御史許球為湖北鄉試正考官翰林院編修周銘恩為副考官○以鑲黃旗護軍統領安福為左翼前鋒統領調正黃旗護軍統領忠山為鑲黃旗護軍統領正藍旗護軍統領裕誠為正黃旗護軍統領以喀什噶爾領隊大臣西琅阿為正藍旗護軍統領○調正黃旗漢軍副都統廉敬為正黃旗滿洲副都統以內閣學士連貴兼正黃旗漢軍副都統○己巳諭內閣前據已

故奉恩鎮國公綿疆之妻汪佳氏在宗人府呈送繼子奕奎不服教訓並請飭令歸宗旋據奕奎以惡奴不法等詞自赴都察院具呈節經降旨交軍機大臣會同宗人府審訊茲據奏稱傳到奕奎訊據情甘認罪奕奎繼為人後不能孝養其母致被呈送雖於伊母所指各款不敢分辯究屬子道有虧奕奎著即飭令歸宗所遺公爵著宗人府照例辦理至奕奎即因家奴不法亦應照例備文呈送乃

竟臚列多款自赴都察院控告實屬不知體制有玷宗室著交宗人府嚴加議處○停本年各省情實罪犯勾決○調右翼前鋒統領桂輪為左翼前鋒統領左翼前鋒統領安福為右翼前鋒統領○以戶部尚書耆英總理工程處○以理藩院尚書禧恩充文淵閣提舉閣事戶部左侍郎奕紀管上駟院事○庚午諭軍機大臣等前據陶澍等奏黃運兩河同時異漲籌計防禦伏秋大汛請撥發銀兩以資修守業經降旨允行矣南河歲撥防汛銀一百五十萬兩原以寬備各處緊要工程之用其數不為不多本年六月初旬黃河壘經盛漲中運兩河又因東省山水漲發下注險工林立亟籌防禦請再撥銀五十萬兩以為大汛備防之需朕因此次盛漲停積旬餘現距伏秋大汛為日正長不可不寬為籌備是以姑從所請飭部議撥惟念國家經費有常豈容稍滋糜費即間有新生險工亦應於

歲撥銀內撙節支用覈實辦理總不得於一百五十萬兩之外再請添撥以符定制該督等務當嚴飭工員將此項銀兩認真稽覈實用實銷得省且省嗣後並不得援此為例任意加增僅偶遇盛漲即藉口要工率行請撥亦斷不能再邀允准也將此諭令知之○以惠郡王綿愉管武英殿御書處○以禮部右侍郎陳嵩慶署戶部左侍郎○正白旗漢軍都統奕繪因病解任以都察院左都御史武忠額兼正白旗漢軍都統○辛未諭內閣御史帥方蔚奏南漕米色不純請飭嚴行查覈一摺漕糧為天庾正供米質必應乾潔方免積久微變之虞近年漕米未能一律純淨不堪久貯往往奏請先行搭放於倉儲積貯大有關繫現屆南漕陸續抵通著倉場侍郎嚴行查覈各幫米色果能一律乾潔方准驗收運倉僅查有灰暗夾雜等弊即行飭令賠補並將該幫總運運弁等照例叅處不得稍為

徇隱率請先行搭放以除積弊而重倉儲○士申諭內閣前據盧坤等奏請以佛岡同知潘尚楫升補廣州府知府當經降旨允准茲據吏部查明潘尚楫係以知府應升之員祇准於告病病故休致等項選缺內升補其餘各項選缺尚不准補該督等遽請將該員升補請旨之缺實屬與例不符潘尚楫著不准其升補廣州府知府仍撤回佛岡同知本任其廣州府知府一缺著該督等仍遵前旨另

選合例人員調補以符定制所有該督等違例奏請著該部照例議處○諭軍機大臣等本日據陶澍等由驛馳奏重運漕船全數渡黃一摺覽奏均悉各省漕船北上屢經降旨飭令早兌早開限於四月初十日以前全數趲至清江剋期抵壩跟接渡黃前進果能如期趕辦何至臨事周章茲據該督等奏稱本年未交伏汛以前黃水盛漲自六月初四日尾幫入塘停泊一月有餘經該督等設法籌

辦本月初七日甫得埽數出塘是較歷年完竣日期更形遲滯儻非本年遇閏則全數渡黃已在七月初旬實屬從來所未有向來黃河一入夏至汎水長發無常溜過沙停最易淤墊此次江浙幫船在徒陽運河淺滯江西幫船在吳城一帶剝淺江廣各幫復在九江等關守候盤查多日迨經抵壩已屆黃水將漲之期以致洩水涵洞屢堵屢開臨黃壩堰三啓三閉辦理動形棘手似此臨期竭蹶何

如先事豫籌將來趕辦新漕儻再如此遲滯尚復成何事體著該督等於本年軍船回空完竣以後通盤籌畫熟計妥商其沿途淺滯處所及洩水涵洞並臨黃壩堰總須豫為體察情形設法辦理仍遵前旨趕於黃水未漲以前全行抵壩守候放渡庶有備無患免致因循貽誤方為不負委任又另片奏本年銅鉛船隻隨漕插檔行走該船水手較少提溜打聞在後軍船不無停待請嗣後非遇京局

守待之時。仍令照例讓漕等語。所奏非是。本年因京局有需接濟。諭令銅鉛船隻。插漕行走。原以鼓鑄攸關。期於迅抵通壩。其提溜打關與漕船俱屬公事。既知該船水手較少。自當不分畛域。撥夫幫辦。俾得迅速進行。無誤鼓鑄。嗣後僅有必須插漕行走之時。總在該督等設法籌措。不得藉口軍船因之停泊。稍存觀望。以致漕務銅運兩有妨礙。將此各諭令知之。○癸酉。諭內閣。御史陳功奏請飭各

直省學政。嚴肅關防。以除積習。一摺。學政有振興文教之責。考試嚴肅。則衆論允孚。去取公平。則人心翕服。必須諸弊肅清。真才乃出不特家丁幕友。防範宜嚴。且士習文風。關繫綦重。稍有不慎。則倖進者遂其夤緣。而實學因之淪棄。各直省設立學政。經朕特加簡用。每遇歲科考試。為士子進身之階。宜如何矢慎矢公。以期無忝厥職。若如該御史所奏。學政所到之省。世交舊好。求情請託。其府州縣

所錄案首。及考取前列。該學政周全情面。遷就取進等語。積習相沿。此等弊竇。不能保其必無。不可不力加剔除。著通諭各直省學政。嗣後於案臨考試。務須潑慮洗心。嚴密關防。破除情面。即有世交舊好。與試膠庠。俱宜秉實秉公。不得徇私以圖見好。僅有廣通聲援。託故私謁。斷不准附會取進。以杜干請而絕夤緣。其府州縣所錄案首。及前列各卷。一例公平校閱。不得瞻徇情面。濫行拔取。如有府

州縣各官。違例干求者。該學政即指名奏。僅該學政不能正己律人。有意徇情。經朕訪聞。或別經發覺。必將執法嚴懲。決不寬貸。懍之慎之。○命內閣學士廣東學政王植來京供職。翰林院編修李星沅。提督廣東學政。○甲戌。

上詣綺春園問

皇太后安。○諭內閣。國家分設部院大臣。紀綱庶務。全在振興人才。欲剔弊釐奸。必勸勤懲

情舉錯公允則英俊既資造就而中材亦可奮興賢否混淆則庸碌藉可藏身而才能亦生退阻各部院司員人數衆多豈能盡皆稱職之人全在各該堂官留心考覈隨事試其能否勉迪兼施僅有哀庸不職者涸跡其間自應隨時甄別不得稍事優容前據御史許球奏請澄汰司員以重部務當降旨飭令各該堂官秉公察覈隨據各部院將哀庸不職者或一二員或三四員陸續查明據實叅劾均經照議准行嗣後遇京察之年固當考其勤惰第其賢否舉劾並行以昭激勸即在平日於各司員之賢否勤惰秉公覈實隨時察看其有闕茸無能怠惰自安者一經查出即行據實叅劾斷不可因此次甫加甄別遽示姑容又蹈因循故轍以副朕勤求治理整飭官常之至意○乙亥命戶部右侍郎程恩澤毋庸在上書房行走翰林院編修蔡錦泉在上書房行走○丙子諭內閣鐵麟等奏籌議

疏通倉儲以速轉運一摺朝陽門外太平儲濟萬安裕豐四倉現貯米石較之城內七倉多至一兩倍新糧抵通難於照例撥派著照所請所有道光十五年秋季十六年春季八旗文職四品以下武職三品以下官員俸米准其援照舊案改由城外四倉支放並著戶部自本年七月起將八旗甲米於外四倉應行輪放之外接續多放兩輪俾得疏通舊貯即可撥進新漕以速轉運而利回空○又諭

訥爾經額等奏籌議禁戢銅鉛船夾帶私鹽以肅釐政一摺湖廣省每年額銷官引為淮網最重口岸祇以界連數省水陸交衝私販每多浸灌官引輒致滯銷必應隨時整飭設法禁戢茲據該督等查明銅鉛船隻自四川裝運北上一路收買私鹽入楚售賣經由卡隘並不聽候查驗自非督飭嚴查不足以資鎮壓嗣後銅鉛船經由宜昌府所屬地方著即飭令該鎮總兵親督卡運各員查驗催趨

僮有水手抗拒。及逃散挾制等事。即拏交地方官究辦。一面代為雇覓水手。迅速開行。以副例限。並著雲貴四川各督撫嚴飭運員。務將船價水腳照數給發。不准稍有剋扣。運船過境。飭令沿途各州縣加意稽查。如有私行售給該船戶鹽斤。即行嚴拏懲治。僮不認真查辦。一經楚省察出夾私情事。即著行知川省嚴實查叅。惟銅鉛船隻聽候稽查。不無停待。仍應嚴飭卡員查無夾私等弊。立即趕緊放行。斷不准藉端勒措。稍有稽遲。致誤鼓鑄。務俾鹽務銅運兩有裨益。○改鑄廣東大鵬營右營守備條記前山營內河水師都司僉書關防。從總督盧坤請也。○旌表守正被戕河南泌陽縣弓女席禿妮。守正捐軀山西聞喜縣民張世花女蔣娃。○丁丑諭內閣御史岳鎮南奏。地方官積壓案件。廢弛捕務積弊一摺。州縣為親民之官。聽訟緝捕。是其專責。果能勤慎奉職。何至有積壓廢弛之弊。若如

該御史所奏。近來各省州縣於詞訟案件。類多審結遲延。以致兩造上控。連年不結。矜棍逞其刁健。良民受其拖累。家丁差役。彼此勾通舞弊。婪贓勢所不免。甚至案內人證。半多物故。而官經屢任。案結無期。種種弊端。皆由積壓案件所致。又各省地方官。每多縱容捕役。姑息養奸。於民間竊盜等案。往往為規避處分起見。威嚇事主。使之改重就輕。始接呈詞。並不速緝嚴辦。各衙門捕役。類多與賊通氣窩賊之家。按月供給捕役錢文。名為月錢。而典史門丁及刑書差役。又暗與捕役分肥。以致賊有所恃。肆行無忌。此等積弊。大足為害閭閻。不可不嚴加整飭。著各直省督撫府尹等。嚴飭所屬州縣。於一切詞訟案件。速行審結。遇有竊盜等案。即應嚴為懲辦。並稽查捕役人等。勒限緝拏。毋任索取規費。致滋包庇。僮有不肖州縣。狃於因循疲玩。積習不肯力加振作。致有前項弊端。該督撫府尹等一

經查出。即著指名嚴叅。毋稍姑息。如意存徇。隱朕必將各該管上司從嚴懲處。決不寬貸。勿謂誥誡之不豫也。將此通諭知之。○諭軍機大臣等。有人奏。河南商城縣知縣張敦緒。才具平庸。操守卑污。私債甚多。虧空亦復不少。稅契一款。虧至四萬有餘。詞訟案件。皆聽信家丁書吏之言。其門丁孫姓。勾通差役。要結衿棍。嚇詐鄉愚。勒索財賄。該處有周熊楊王四大族。俱係紳衿。不安本分者頗多。其前

捐知縣在籍候選之周姓。武斷鄉曲。眾衿棍聽其指揮。人皆畏之如虎。且出入公署。遇事把持。稅契等事。皆包攬分肥。並主唆民間詞訟。就中漁利。凡土田錢債等案。先與該縣門丁書役說明規費。該縣即照樣訊斷。內外勾串。平分贓私。是以聲名狼籍。有內知縣外知縣之稱等語。州縣為親民之官。地方一切案件。皆宜破除情面。秉公審訊。不得任聽門丁書役從中舞弊。至在籍紳衿大族。尤不應結

交官長欺壓平民。若如所奏。是該知縣徇利營私。縱丁差而結紳士。該衿棍指官詐騙。藉威勢以嚇愚民。朋比為奸。均屬大干例禁。著桂良接奉此旨。即將所指各款逐一確查。毋稍徇隱。果能不避嫌怨。立將該知縣及衿棍門丁差役等種種劣跡。據實查明。從嚴叅辦。其從前失察之咎。尚可加恩寬免。儻仍意存回護。不肯認真查辦。將來別經發覺。或經科道糾叅。該撫恐不能當此重咎也。懍之慎之。

將此諭令知之。○戊寅。以浙江道御史李儒郊為陝西鄉試正考官。陝西道御史成觀宣為副考官。內閣學士卓秉恬為江南鄉試正考官。翰林院編修單懋謙為副考官。○命翰林院編修陸建瀛在南書房行走。○旌表守正被戕四川鄧都縣民趙玉伸妻周氏。○己卯。諭內閣。朕於八月二十八日啟鑾恭謁西陵。禮畢。俟孝穆皇后

孝慎皇后。安奉饗殿禮成致祭後。於九月初七日旋蹕圓明園。所有應行典禮。著各該衙門敬謹豫備。○又諭本年應行

孝穆皇后梓宮

孝慎皇后梓宮。奉安典禮。著於八月二十日。奉移

孝穆皇后梓宮。八月二十八日。奉移

孝慎皇后梓宮。於九月初三日。同至龍泉峪安奉饗殿。所有奉安典禮。著改於十二月十

一日舉行。其一切應行事宜。暨經過橋梁道路。著各該衙門敬謹豫備。毋得遲誤。○兩廣總督盧坤等覆奏。遵查禁止洋銀出口。諸多窒礙。請仍照舊章辦理。至紋銀出口。應嚴行查禁。得旨。隨時認真查禁。若奉文了事。不肯著實。豈公忠體國封疆大臣之所為耶。諒卿等自必知之也。○庚辰。諭內閣。各直省分發試用人員。將來俱有地方之責。才具之優絀。人品之賢否。全在該上司認真察覈。分別勸

懲。方能收指臂之助。本年由部分發各省人員。為數較多。該督撫等惟當隨時接見。細心體察。不特此日差委。期無誤用之虞。即他日補有實缺。亦可為地方收得人之效。其有庸懦無能。不堪任事。及小有才具。遇事推諉。並喜事干進。漸染習氣。各員務須秉公甄別。固不可屈抑人才。尤不可稍事優容。致聞革不職各員。藉得混跡。庶於民生吏治。兩有裨益。將此通諭知之。○又諭。本日據隆文等由驛

馳奏摺件。朕意必有緊要事務。及行披閱。乃係隆文行抵四川德陽縣。接奉前交審案。諭令折回四川省日期。暨請留臬司蘇廷玉審訊此案。此等事件。並非緊要。儘可由該省摺差奏事之便。隨同具奏。何必專摺具奏。徒勞驛站。殊屬不曉事體。隆文鄂山均著傳旨嚴行申飭。○理藩院右侍郎慶敏。以不勝任開缺。命仍以散秩大臣副都統在乾清門行走。以都察院左副都御史惟勤。為理藩院右侍

郎○辛巳

上詣綺春園問

皇太后安○諭軍機大臣等程祖洛奏監禁投誠逆犯一摺據稱臺匪張丙等滋事案內陳平即陳得平一犯本係逆案夥匪罪犯應死因其投誠立功奏明免予治罪發營充役該犯留伊子陳洸顯在省私自偷渡回臺旋被差人尋獲請將該犯暫禁省監俟數年後察看是否安靜分別辦理等語該犯係逆案內

投誠免死之犯既經偷渡回臺旋被尋獲著即將該犯暫禁省監俟數年後察看情形酌量辦理儻仍不安靜著即永遠監禁犯子陳洸顯聽其自便將此諭令知之○壬午添派工部右侍郎賽尚阿恭辦奉移

孝穆皇后梓宮至龍泉峪事宜○以理藩院右侍郎惟勤順天府府尹蔡世松監臨順天鄉試○癸未諭內閣御史陸堯松奏請飭各直省認真甄別初任捐納人員以肅吏治一摺

向例分發人員試用期滿由該督撫等甄別去留茲據該御史奏稱外省方面大員由捐納得選者未經歷練難遽信其勝任甚或聞茸不職無以表率屬員等語此項捐納人員無論選得實缺及分發試用之道府州縣著各直省督撫等留心察看如有有限於才識實難稱職者務須覈實秉公嚴加甄別道府係方面大員有整飭屬員詳覈稿案之責固不得以庶務未諳者濫膺斯職州縣為親民之

官亦應一律隨時甄別不可稍示姑容致滋冗濫總期於民生吏治兩有裨益將此通諭知之○甲申諭軍機大臣等本日據鍾祥奏訪查東昌府莘縣民人從建道士吳連如等學習離卦邪教收藏經卷輾轉傳徒斂錢惑眾經該地方各官先後將從建吳連如等拏獲訊據該犯等供出從黨在本省者現經拏獲靳咸宜等十八名其在河南等省者現亦知會查拏解審並究出已革武生靳宗泰亦

曾習教於數年前。出赴口外。上年回籍。旋即出口。並堂弟靳同泰與姪靳廣居。靳澤馬。一同出口。俱在豐寧縣屬土城子林家營子大閭兒。二號小河等處居住。靳宗泰係已獲正法教犯靳青湖之子。本屬邪教遺孽。該犯弟姪同在口外居住。皆係習教之犯等語。該犯靳宗泰既在口外居住。其弟姪又相繼前往。現據該撫訊係習教徒黨。口外民風樸淳。恐被誘惑。不可不嚴拏究辦。以杜蔓延。著嵩溥

迅即密飭豐寧縣緝拏各犯。務獲妥速解往山東省歸案究辦。毋任聞風遠颺。致令漏網。將此諭令知之。尋奏拏獲靳宗泰解往山東歸案審辦。報聞。○以通政使司通政使溥治為都察院左副都御史。○乙酉。

上諭

大高殿行禮。○還宮。○諭內閣。前已有旨。閱看八旗兩翼兵丁步射。朕思滿洲兵丁。首重技藝。衣服樸素。方稱本分。斷不可徒尚虛文。著

曉諭該營。此次駕前步射人等。俱著穿用布袍布靴。僅仍有任意穿用綢緞者。惟該管之前鋒統領。護軍統領等是問。○以孟秋時享太廟。自是日始。齋戒三日。○丙戌。諭內閣。御史蔡慶鵬奏。外省州縣虧空過多。請旨飭禁一摺。州縣為親民之官。理宜潔己奉公。廉隅自勵。況倉庫錢糧。關係重大。尤不可絲毫虧短。若如該御史所奏。近來各省州縣。虧缺被叅之案層見疊出。總由積習相沿。不知振作。聞

茸之員。性耽安逸。倉庫等項。一任官親門丁涉手。書吏因得通同舞弊。又或在京需次。通負累。一經部選到任。輒行那移官項。償抵私虧。更有不肖。佐貳賁緣署事。因得肆吞公項。捏作虧空。貽累後任。至若各州縣交代。往往豫先造作虛冊。以少報多。私圖入己。迨新任結算。查出虧空。不肯分釐交出。或立空頭借契。搪塞一時。或將無用什物。昂價作抵。限期已迫。接任人員。不得不隱忍結報。其實公

項仍歸無著。甚至虧項盈千累萬。即籍其家貲不足抵數。監追之後。無款可償。必至以緊要之正項。變為寬緩之攤捐。此等積弊。深堪痛恨。國家帑項有常。地丁錢糧。既須報部撥解。倉穀積貯。亦藉以豫備不虞。豈容劣員任意侵蝕。今各省所參虧缺之案。如此之多。其未經發覺者。又不知凡幾。若不亟加整頓。勢將何所底止。著各直省督撫。嚴飭所屬州縣。務須振刷精神。敦崇節儉。約束親丁胥吏。毋

得任意侵漁。交代之際。必當秉公盤查。覈實結報。並責成該管道府。不時稽察。如有不知悔改劣員。仍蹈前項積弊。著即據實嚴參懲辦。毋稍姑容。儻敢徇於積習。意存徇隱。將來別經發覺。或被入參奏。定將各該管上司從重懲處。決不寬貸。將此通諭知之。○諭軍機大臣等。有人奏山西逆匪曹順滋事。戕官是夜典史章際清。夾懇丁役護送逃走。外委李大法等逃至汾河之西藏匿。時有趙城貢生

衛皋颺於三月初五日。督率子姪多人。砍斃賊匪十餘人。先後擒獲二十餘人。賊匪即由趙城行抵洪洞。該縣施放鳥槍。賊不敢前。又至霍州小北門。引火燒城。城上流犯褚清躍出城外。殺賊四五人。乃散至新鎮等處。肆意擄掠。靈石與霍州毗連。該縣知縣祥玉。賊未臨境。先將自己眷屬。逃匿蒜峪村。百姓聞知。惶恐拋擲子女。失落財物者百十餘家。又趙城距平陽府僅九十里。總兵台斐音於初五

日已刻。已得滋事確信。乃推諉不前。疊經知府王茂松催促。始派參將白鳳池。遊擊耿秉瓚帶兵先行。該參將等探知賊匪漸散。始於初六日緩轡而至。該總兵行至韓家等村。誤認四鄉趕會。以為賊勢浩大。仍退回平陽。趕會人等因見官兵退回。料賊至萬無可逃。投河溺死者不可勝數。該總兵初八日行抵趙城。賊已四散。首逆潛逃。遂將現獲匪犯留守營中。據為己功。再該撫由省至趙城。四百餘

里何以至四日之久。路經靈石。確見該縣逃散景況。未據叅奏。該總兵等種種耽延。亦未詳叅等語。該撫節制全省軍務。猝值趙城逆匪糾眾滋事。焚署戕官。自應整飭戎行。妥速勦辦。其所屬文武各官內。果有先行逃匿。及畏縮不前。以致小民疑懼。遽爾輕生等弊。尤應確切查明。據實叅奏。除晉省距趙城四百餘里。該撫行至四日。按程計算。並不為遲。無庸查辦外。其餘各款。著廉敬、趙盛奎行抵該

省。逐一嚴密訪查。即將所指各情節。認真體察。務得確情。儘果有前項情事。斷不准以事已辦竣。稍存遷就之見。務即按名指叅。據實具奏。毋稍徇隱。方為不負委任。原摺著鈔給閱看。將此諭令知之。○旌表守正捐軀河南濬縣民郝士成妻韓氏。汝陽縣民洪保住妻海氏。丁亥。

孝慎皇后殯宮月祭。遣官行禮。○修築浙江仁和海寧二州縣海塘柴埽盤頭石壩工程。從

巡撫烏爾恭額請也。

大清宣宗效天符運立中體正至文聖武智勇仁慈儉勤孝敏成皇帝實錄卷之二百六十八

噶爾屯田全行裁撤。此項糧石。係未裁屯田



二二九

1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----

孝慎皇后梓宮至龍泉峪。所有在京文武各

衙門堂官。除有執事各員。仍照例奏請派往外。其無執事者。無庸奏派恭送。至各衙門應有執事之司員章京等。仍照例派往。餘俱著無庸派送。○添派禮部尚書恩銘恭辦奉移孝穆皇后梓宮典禮。○庚寅。諭軍機大臣等。寄諭湖廣總督訥爾經額。湖北巡撫尹濟源。有人奏湖北咸寧縣地方。有屢犯軍罪曾經越獄之逃軍萬四寶。於該縣石竹嶺搭棚聚聚。各分支派。令往咸寧蒲圻。大冶武昌。通山嘉魚等縣。肆行搶竊。該犯有時乘轎假冒官員。誑騙愚民。並點燒悶香。搶掠民家。及姦污婦女之事。貧苦村民。往往入黨分肥。富厚之家。懼其擾累。相與認為戚好。各該縣差役與之聯絡勾通。地方官畏其桀黠。即有報案。不為准理。甚至所得贓物。勒令被累之家。定價取贖。該犯恃其險僻。窩藏積猾匪盜。遠近戒心等語。匪徒橫行鄉曲。欺壓善良。最為地方之害。若不嚴行拏究。何以懲奸暴而靖閭閻。著

該督撫選派明幹之員。密速查明。設法擒治。毋任脫逃。務將所指各款。確切根究。按律定擬具奏。儻能獲案究辦。所有各該上司及地方官失察處分。尚可加恩寬免。如意存消弭。仍復因循怠玩。不肯認真查拏。致令該匪徒等日久盤踞。擾害良民。將來別經發覺。或經科道糾參。定將該督撫等從重懲處。決不寬貸。將此諭令知之。尋奏拏獲萬四寶。提省究辦。訊明搶竊姦拐窩賭各案。以糾竊嘉魚縣白湖寺臨時行強之案。為最重。應照強盜已行。而但得財者。不分首從。皆斬律。擬斬立決。下部議。從之。○宗人府右宗人綿譽因病解任。以貝子綿岫為宗人府右宗人。順承郡王春山為正藍旗漢軍都統。○辛卯。諭內閣。御史常大淳奏。匪徒煽誘。動成巨案。請飭地方官巡查化導一摺。州縣為親民之官。必須認真巡查。實心化導。方足以除邪惡而正民心。若如該御史所奏。直隸河南山東各省教匪。

輾轉傳習。惑眾斂錢。一遇荒歉之時。恃眾強橫。白晝夥搶。名曰均糧。南中則湖南之永郴桂。江西之南贛。與兩廣接壤處所。會匪充斥。結黨成羣。掖刀持械。施放鳥槍。包送私鹽私錢鴉片等物。該處良民及商旅。經由者亦多出錢掛名入會。藉免搶劫之害等語。民生之休戚。視乎吏治之勤否。各該地方官果能親歷鄉村。問民疾苦。於一切應興應革事宜。次第修舉。小民亦欲自保身家。何至為匪徒之

所煽誘。著各直省督撫。嚴飭各該州縣。務須輕騎減從。隨時巡歷鄉村。體察情形。實心化導。鄉約保甲諸法。必當遴選得人。認真董勸。其有山僻險遠。壤界毗連。為匪類逋逃聚集之所。一經訪確。立即移知鄰封。會同營汛密速掩捕。勿使為害閭閻。致釀巨案。並著該管道府不時巡察。躬為督率。該督撫遇考察牧令之時。必當以能否認真巡查實心化導為衡。不得徒以催科聽斷為盡職。尤不可以迎

合奔競為賢能。庶於吏治民生兩有裨益。將此通諭知之。○壬辰諭內閣。東毓美奏。例撥防險銀兩。支用已完。請照近年酌減銀數。循例添撥一摺。東河於每年例撥防險銀兩外。遇有不敷。向准酌量情形。奏請添撥。以備搶險之用。本年大河來源甚旺。秋汛方長。據該河督查看情形。豫省十三廳埽壩如林。工需緊要。所有防險銀兩。支用已完。自應豫籌儲備。著准其照酌減銀數。循例於河南藩庫添

撥銀二十五萬兩。以資備防。俟霜降後。如有餘存。仍奏明歸還原款。並將先後撥過司庫銀兩。及搶辦大汛各工。用銀總數。覈實報銷。此項添撥銀兩。雖係循例請撥。該河督務須督率工員。認真估辦。逐細親查。無任稍有絲毫浮費。加意撙節。可省則省。不得動援成案。歲以為常。務期實用實銷。毋稍浮冒。至東南兩河另案工程。近年動用帑項滋多。國家經費有常。總須力求裁減。以杜虛糜。嗣後兩河

另案工程奏銷銀數。著工部按照開報銷冊逐款鉤稽。將每年動用各款。開具簡明總數。於年終彙奏一次。以重度支而昭覈實。○又諭御史袁文祥奏釐正錢法以絕弊端一摺。各直省設局鼓鑄錢文。並嚴禁匪徒私鑄。釐正錢法。原所以使兵民之用。若如該御史所奏貴州之貴陽大定兩府錢局。於鑄餉錢之餘。皆另鑄有小錢。號為底火錢。每千約重四五斤不等。民間因其出自官局。公然與餉錢並用。實與私錢混淆莫辨等語。錢局另鑄小錢。直與私錢無異。私鑄之弊。何能禁止。貴州錢局如此。他省恐亦難免此弊。著各直省督撫嚴飭該管錢局各員。嚴禁鑪頭工匠人等。不准另鑄底火小錢。如查有此弊。即照私鑄例治罪。不得日久視為具文。將此通諭知之。○又諭嗣後題奏事件。於寶華峪字樣。均著毋用擡寫。○諭軍機大臣等。有人奏貴州所屬各地方。往往聚有匪徒。為首者其黨謂之

帽頂。其次謂之大五。又其次謂之大滿。成羣合夥。欺壓平民。又時分出偏僻小路。肆行劫掠。往來行旅。非合數十人。不敢出於其途。搶劫之案。時時有之。而興義黎平古州與都勻之獨山。荔波。為尤甚。該匪徒等聚黨既多。又與衙門捕役。聲息相通。恃為已庇。益肆行無所顧忌。地方官遇有以搶劫案報者。多為規避處分。起見。必使之改劫為竊。改多人為數人。所劫之贓。亦必改多為少。然後收呈。票遣捕役追緝。該捕役藉以需索。事主規費。臥票不緝。朦混銷差。十案九空。良民受害無窮等語。貴州為民苗雜處之區。奸邪易匿。該匪徒等膽敢結夥欺壓平民。肆行劫掠。實為地方之害。若不嚴行懲辦。何以靖奸宄而安善良。著伊里布。裕泰。嚴飭各府州縣。認真整頓捕務。遇地方內有帽頂大五大滿匪徒名號者。務即按名緝拏獲案。嚴行究辦。毋任捕役朦混包庇。務使匪徒斂跡。閭閻安靜。儻地方官

仍前怠玩。不肯認真查拏。該督撫一經查出。即行據實嚴叅。勿稍徇隱。將此各諭令知之。尋奏先後拏獲匪犯一千三百五十七名。捕役尚無玩延。地方均屬安靜。報聞。○准浙江湖北江西漕船遭風漂失米石。分限買補。○癸巳。以左春坊左中允龍元任為河南鄉試正考官。翰林院編修張集馨為副考官。編修陸建瀛為山東鄉試正考官。高樹勳為副考官。編修鄧瀛為山西鄉試正考官。刑部員外

郎許融為副考官。○命鑲白旗蒙古都統高喀鄂往奠故吉林將軍蘇清阿茶酒。○旌表守正被戕蒙古什爾漫女毛口肯。○甲午。諭內閣。禮部奏請借支養廉銀兩。以資辦公。著准其借支養廉銀五千兩。自道光十六年起。攤扣歸款。○乙未。

上詣綺春園問

皇太后安。○賞捕賊被戕山西知縣楊延亮父世懷四品頂帶。嗣子澤萬襲騎都尉世職。○

旌表守正捐軀河南上蔡縣民張正光女凡姐。○加給陝西沔畧陽二縣被水災民一月口糧。○丙申。諭內閣。本年八月。孝穆皇后梓宮。孝慎皇后梓宮奉移至龍泉峪。所有沿途蘆殿內。步軍統領衙門。應行豫備激桶差使。著派賽尚阿。奕興。督率照料。○展緩甘肅茶商未完課銀。○丁酉。孝懿仁皇后忌辰。遣官祭

景陵。○諭軍機大臣等。據禮部奏本年八月二十五日。奉移

孝穆皇后神牌。九月初五日。至龍泉峪暫安。東配殿內供奉。所有應用龕座帷幄供器。並接搭祭臺等項。請交

西陵大臣同內務府查照寶華峪供奉陳設之例。趕緊豫備等語。著敬徵。特登額。即將現在寶華峪陳設之龕座帷幄供器。屆期派員趕緊運往龍泉峪東配殿內應用。無稍遲誤。其

接搭祭臺等項。即由敬徵等知照。

西陵大臣等照例豫備。將此諭令知之。○戊戌上御勤政殿聽政。○諭內閣御史岳鎮南奏。近聞通州東關沿河一帶。有鳳中鎮江等幫糧船。於本年閏六月初旬。彼此互毆。傷斃數命。並有砍斷肢體。漂流水面之事。又閏六月二十八日。武清縣河西務地方。有身背衣包不知姓名二人。在河岸同行。被水手五六人攔路搶劫銀錢布匹等物。各省糧船北上。自應

安靜通行。各該糧道及總運運弁並沿河文武官員。果能認真查察。有犯必懲。何至水手人等。膽敢有互鬪斃命。及白晝搶奪之案。著倉場侍郎直隸總督。即將該御史所稱通州及武清縣水手滋事二案。確切查明。並將現在如何審辦之處。據實具奏。務嚴飭地方各官。及該幫運弁。迅將滋事水手。嚴拏究辦。至各船水手。私帶兵器鳥槍。該旗丁運弁豈得諉為不知。嗣後著漕運總督倉場侍郎各飭

以恭修

所屬於清江通州等處軍船來往之時。密查嚴按。剴切曉諭。並飭沿河地方官隨時巡查。如有水手滋事。即行據實詳報。照例重辦。其運弁旗丁及水手總頭。亦著一併治罪。毋稍隱匿。以懲兇頑而肅漕政。○命司經局洗馬山西學政杜受田來京。翰林院編修汪振基提督山西學政。○己亥。旌表守正捐軀陝西華陽縣民郝房兒妻張氏。○修直隸清苑縣閭旺壁瀕河土岸。從總督琦善請也。○庚子。

福陵

隆恩殿成。遣官告祭如儀。○諭內閣御史豫泰奏。請整飭學校。以勵人材一摺。學校為培養人材之地。士品克端。斯民風日茂。亦惟訓迪有術。斯士習益淳。定例每於朔望敬謹宣講聖諭廣訓。並派教官親赴四鄉宣讀。俾城鄉士民共知遵守。各省府州縣設立書院。置田收息以資膏火。並建義學以教鄉僻童蒙。書院

院長必須延請品端學裕之人以資教導。教官季課月課分定甲乙以示激勸。立法已為周密。若如該御史所奏。近來奉行日久。視若具文。教官懈於訓誨。士風習於浮夸。允宜亟加整頓。振起人材。著直省各督撫嚴飭地方官遵照成例。敬謹宣講。

聖諭廣訓務須實力奉行。不得日久生懈。其書院房宇租田。隨時妥為修理查辦。不得任聽傾圮。及斗胥人等朦混侵蝕。捐建義學。以資

倡率。書院肄業生童必須嚴加甄別。不得瞻徇情面。濫行去取。延請院長必須精擇品學兼優之士。不得徇情濫薦。教官考校季課月課務宜精詳。舉報優劣務歸覈實。民間呈報忠孝節義等事。務飭隨時詳請旌表。不得任聽需索規費。致多延擱。以期士習民風蒸蒸日上。用副朕作養人材至意。將此通諭知之。○又諭奕湘等奏籌畫辦公銀兩。請旨辦理一摺。廣恩庫發給各項銀兩。向由直隸藩司

於徵收地租銀兩內按照奏定額數。每年以五千兩解交貯庫備用。茲據奏近年支發之項較前倍增。不敷應用。援案奏請增添。經奕湘等悉心籌辦。該庫有長蘆另款銀兩。特備昌陵澆灌樹株。每年動用不過千兩。現在積存銀五千一百餘兩。請將每年由藩司解庫銀內應發黏修行宮一項撥歸長蘆解庫餘銀項下支發。無虧澆灌樹株正用。並請由藩司地租餘銀一千四百兩按年添解。統計定

額。每年共銀六千四百兩。著准其仍由該藩司於每年徵收租銀內按照此次奏定額數解交貯庫。以備發給各項應用銀兩。無誤辦公而歸覈實。○又諭奕湘等奏委署龍泉峪總管開單請派一摺。龍泉峪總管著巴圖魯善兼署。新任總管補放到任時一切事務未能熟悉。仍令該員協同辦理。俟奉安典禮事畢再行撤回。以專責成。○又諭奕湘等奏新設兵丁借支庫項。請照例歸款等語。前經奕

綺等奏准將長蘆鹽政解庫餘存銀五千四十兩。賞給八旗兵丁。按一分生息。每年於息銀內。提出二百五十二兩。分作二十年歸款。茲據秦龍泉峪添設驍騎校三員。領催六名。馬甲一百十四名。共應借支庫銀一千八百九十兩。著自道光十六年正月。起將原存及歸款銀。一併添借發給。其每月坐扣本利之處。均照前定章程辦理。並著嗣後每年於息銀內。提出三百六十兩。至道光二十九年。歸

足原款五千四十兩。仍符原奏二十年之限。○諭軍機大臣等。據奕湘等奏。廣恩庫有長蘆另款一項。由鹽政每年解交銀一千六百兩。遇閏加增三百兩。此項銀兩。特備

昌陵澆灌樹株。每年動用不過千兩內。現在歷年積存銀五千一百兩零等語。此項銀兩。原因新栽樹木。未經長成。必資澆灌。若閱年既久。樹已長成。自可無須澆灌。即有陸續添種者。為數較少。澆灌之用。亦必無多。不得視

為成例。任聽開銷。著奕湘等逐細查明。據實具奏。或裁或減。即將此項銀兩貯庫。以備另項動支可也。將此諭令知之。尋奏九龍山九鳳山樹已叢茂。無須澆灌補種。此項銀兩。請即裁撤。貯庫備用。從之。○調福建漳州鎮總兵官達洪阿。為臺灣鎮總兵官。以兩廣督標中軍副將恆安。為漳州鎮總兵官。○辛丑。上詣綺春園問

皇太后安。○諭內閣。近年以來。因各省城咨送引見人員。步射平常。屢降諭旨。昨日正白旗滿洲都統將江寧將軍巴哈布等咨送。應放佐領人員。帶領引見。其擬正之佛爾洪阿。步射無準。當即將擬陪人員補放矣。各省城駐防官兵。技藝最為緊要。平日訓練騎射。是該將軍等專責。乃將此等步射生疏人員。揀選擬正。殊屬非是。巴哈布。春陞。均著交部議處。○故大學士曹振鏞。靈柩回籍。命御前侍衛道慶。往奠茶酒。安徽巡撫鄧廷楨。於靈柩到

籍後派員奠醊○壬寅中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后殯宮

孝慎皇后殯宮○遣官祭

端慧皇太子園寢○諭軍機大臣等寄諭閩

浙總督程祖洛昨因臺灣鎮總兵出缺已降

旨將達洪阿調補矣。朕看該總兵明白精壯人尚去得。惟臺灣地方四面環海。兵番雜處。民情浮動。該處平定未久。操防訓練。稽查彈壓。一切均關緊要。該總兵於該處事宜。辦理能否勝任。著該督留心察看。據實具奏。不得因係特旨簡調之員。稍存遷就。並著察看汀州鎮總兵王錫朋。建寧鎮總兵王忠貴。該二員於臺灣要缺。是否相宜。如均不相宜。該省總兵內。何人可勝此任。著一併據實具奏。將

此諭令知之。尋奏達洪阿有猷有為。就現在閩浙兩省總兵而論。除達洪阿外。臺灣要缺無人可以勝任。報聞。○賞甲午科福建鄉試年老諸生連標副榜。○甲辰。諭內閣。大學士文孚在軍機大臣上行走有年。謹慎小心。前歲因年近七旬。奏請解職。朕察其精神尚健。未經允准。昨日召見時。面稱近年兩耳重聽。間復健忘。據實陳懇。情詞剴切。朕不忍再違所請。文孚著以大學士管理吏部事務。無庸

在軍機大臣上行走。以節勞動而示體恤。○
以大學士潘世恩管戶部事。協辦大學士吏
部尚書穆彰阿管工部事。○命刑部右侍郎
趙盛奎工部右侍郎賽尚阿在軍機大臣上
學習行走。○乙巳改派工部尚書何凌漢恭
辦奉移

孝穆皇后梓宮典禮。○丙午諭內閣鍾祥奏請
將已革鹽場大使押解回籍一摺。山東候補
鹽場大使王丹桂前據該撫以該員具稟爭
缺。奏參革職。復敢為運甓委員說合車輶。並
向車戶索借銀兩。經刑部審訊擬徒。自應遞
解原籍浙江。照擬辦理。乃該革員先則希圖
在東省定地。繼又聲請赴部完贖。疊次具呈。
藉詞逗留。實屬任意妄為。著該撫即飭臬司
委員將該革員王丹桂押解起程。將來到浙
後。或徒限年滿。或完贖免罪。著浙江巡撫飭
令原籍地方官嚴加管束。不准藉詞遊幕。出
外滋事。○又諭昨日據張琴等由驛馳奏。阜

稻收成分數。臺灣奏事。向係馳遞。惟此等尋
常摺件。儘可隨時附報。何必專為此摺。致勞
驛站。嗣後應奏收成分數時。如無別項事件。
不妨稍遲。隨後附報具奏。○又諭奇明保奏
叅卡倫值班曠誤之各員一摺。俄羅斯邊設
立卡倫。專為防守俄羅斯。關繫綏要。乃佐領
那丹察接受派班文書。並不趕緊往送。遲至
四日。殊屬懶惰糊塗。其原住班之驍騎校多
爾濟奔博諾依。不候換班人員。遽行藉口下
班。亦屬非是。佐領那丹察驍騎校多爾濟奔
博諾依。均著交部分別嚴加議處。○以翰林
院侍讀學士功普為通政使司通政使。○戊
申。

上詣綺春園問

皇太后安。○諭軍機大臣等。有人奏四川布政
使李義文素性乖謬。遇事把持。總督鄂山。因
上年趙岳蘭謀缺之案。經李義文審辦。後事
事被其挾制。此次勦辦夷匪。鄂山頗有認真

辦理之意。無如李義文聽憑各武弁指揮裝點。所稱殺斃賊匪。焚燒賊巢。多非營陣實事。所有一切保舉軍功。皆李義文一人私見。如候補知府呂廷慶。巴州知州薛濟清。宜賓典史史敬程等。均材質平庸。聲名狼籍。祇以善於逢迎。遂不顧其冒濫。其餘地方文武。凡有遷調。皆由李義文高下其手。鄂山毫無主張。眾人稱為跋扈將軍。再四川順慶府知府金齊賢。阿辦事糊塗。年力衰頹。官聲狼籍。其子吸食鴉片。不能約束。似此劣員。未便任其戀棧等語。李義文由微員出身。朕擢用至布政使。宜如何小心謹慎。以圖報效。況四川地方尤關緊要。若該藩司意在挾制該省總督。不顧是非曲直。於通省吏治。甚有關係。至知府有表率之責。金齊賢阿果係劣員。該督等何以不據實參辦。著寶興、隆文、王篤嚴密確查。該藩司李義文如何挾制總督。勤辦夷匪一案。如何聽憑各武弁指揮裝點。保舉軍功。如

何冒濫。地方文武遷調。如何高下其手。至順慶府金齊賢、阿辦事年力如何。官聲是否狼籍。如果實有前項情事。據實密奏。不可稍涉含混。顯預。此係特旨交查之件。不准瞻徇回護。致有不實不盡。儻或稍有洩漏。令外間知覺。惟寶興、隆文、王篤是問。懷之慎之。將此諭令知之。○旌表守正捐軀山西猗氏縣民王年兒妻張氏。湖北棗陽縣民蕭小妻張氏。○乙酉。以科爾沁郡王僧格林沁工部尚書載銓為總理行營大臣。○庚戌。諭內閣。河工定例。另案工程。應於霜降水落歸槽後。將一年新工丈尺銀數。通共覈計若干。彙奏清單。以憑考覈。節經降旨嚴催。茲據工部查明。東南兩河。道光十三、四兩年修辦之工。尚未奏報齊全。著麟慶、栗毓美。即將道光十三、十四兩年未奏清單各案工程。迅速查明。開單具奏。造冊送部。具題估銷。其十五年修辦另案各工丈尺銀數。即著於本年霜降後。覈明通共

若干。速行開單具奏。並照例依限造冊送部具題估銷。該部即於年終將十五年另案用銀總數彙奏一次。以清年款而重度支。經此次嚴催後。儻仍前相率遲延。致誤年終奏限。著該部即將該河督等照例叅處。○以防邊出力。予廣西知府恆梧等升敘有差。○旌表守正捐軀山東蘭山縣民彭景倫妻劉氏。○辛亥。諭內閣潘世恩等奏遵旨籌議查禁烏槍。並沿邊圍場防範章程一摺。奉天圍場。屢有奸民偷越。並敢私放烏槍拒捕。前據盛京將軍奕經等會同籌議嚴定章程。開單呈覽。當交軍機大臣議奏。茲據奏稱沿邊圍場地面廣闊。向設有邊柵卡倫。稽查巡察。立法已為周密。近來奸匪偷越之案層見疊出。請照該將軍等所議各條嚴定章程。以除積弊。此等匪徒私攜烏槍偷入圍場。毫無忌憚。必應嚴密周防。令行禁止。庶圍場日就肅清。著將民間私藏烏槍例禁嚴切申明。諭令界內正

項旗人家有無字號烏槍者。報明該管官給予執照。整刻旗分佐領花名。其民人並雜項壯丁家有收藏烏槍者。給限三箇月。自首繳官。免其治罪。限外不繳。一經查出。均著照例加等治罪。並著各該界官按季加具並無私藏烏槍查繳淨盡印結。呈報備覈。如有失察私打烏槍賊犯。即將邊門章京該管旗民地方官一併叅處勿貸。至奸匪口米。必應嚴禁供給。絕其來路。著示諭東邊一帶殷實人家以及大小鋪戶。出買口米。必須查有腰牌者方准賣給。儻有貪圖昂價取利。勾結賊匪。私行供給口米。即著照例治罪。並將失察之旗民地方官叅處。其卡倫十二處。向設官一員。兵十二名。按段巡查圍界。著再發給木籌十二隻。每卡輪派兵五名。按卡循環遞送。往來巡邏。仍不時派員前往密查。將圍段有無賊匪偷入及遞籌兵丁等是否按卡循環遞送之處。加結呈報。該各卡倫官亦將委員到卡

過境日期隨時詳報並飭各邊門章京在沿邊一帶不時往返巡查緝拏仍著管圍協領等。於每年四五月間帶領兵丁等周查一次。餘俱著照所議辦理。至吉林圍場有與奉天圍場地界毗連之處奉天圍場現在查出積弊嚴密防範其與吉林毗連要隘處所著吉林將軍一併嚴行查禁該將軍等總當實力奉行毋得視為具文或致日久生懈仍屬有名無實○又諭朱為弼奏遵旨籌議剔弊速

漕各事宜酌擬條款請旨辦理一摺漕務積弊已久本年重運漕船全數渡黃較歷年完竣日期更形遲滯前經降旨飭令陶澍等於本年運船回空完竣後通盤籌畫設法辦理免致因循貽誤茲據朱為弼稽覈舊案體察情形奏請量為變通以重漕糧而杜流弊如所稱新漕兌開宜竭盡人力趕早等語著有漕各督撫通飭各該糧道及所屬州縣先事豫籌提前趲辦至所稱飭提浙江江廣船隻

無分省分幫次先到先進瓜洲口趕趲來淮盤驗等語著陶澍林則徐妥議具奏至糧艘交卸後必須趕緊回空庶辦理新漕可期及早受兌著沿途各督撫於回空糧幫趕緊催趲不准藉詞停泊庶幾以速補遲剋期歸次無得任令延逾致誤例限又稱各幫應食新丁須早為辦理減歇軍船認真修飭領運千總加意揀選各等語著朱為弼按照此次奏定章程分別辦理至所稱各幫失風船隻須

定運弁處分等語著兵部議奏又稱各衛屯田應妥為清理等語著有漕各督撫妥議具奏又稱淮塘幫船應酌減數目並加寬塘河等語著陶澍麟慶妥議具奏又稱江蘇總運丞倅應管押幫船過淮渡黃等語著林則徐妥議具奏又稱江廣各幫經過九江蕪湖等關迅速查驗等語著陶澍酌定章程具奏○諭軍機大臣等前據凱音布等奏察哈爾總管缺出請將張家口蒙古協領一體揀選一

摺據稱張家口向設蒙古協領一員專辦駐防蒙古官兵事務。遇有明白諳練之員派在印房及左右兩司行走兼辦察哈爾八旗事務。辦事既久一切情形自能諳習。請嗣後察哈爾總管缺出一體揀選。自係為總管得人起見。但思張家口是否尚有滿洲協領派在印房行走之員。如察哈爾總管缺出揀選張家口蒙古協領。是否蒙古協領多一升轉之途。滿洲協領人員轉致向隅。不足以昭平允。

著凱音布等再行查明具奏。將此諭令知之。

○壬子。

仁宗睿皇帝忌辰遣官祭

昌陵○

上詣

安佑宮行禮○諭內閣。訥爾經額等奏典史買食鴉片煙復列款訐告代辦知縣請分別革職撤任一摺。湖北保康縣典史楊幹春買食鴉片煙復於任內擅受民詞。因該縣代辦知

縣暢際泰欲請撤叅自行檢舉並訐告該代辦知縣浮勒侵蝕門丁訛索暨挪改月日案犯違例收卡等款。案關職官訐告必應據實嚴辦。保康縣典史楊幹春著先行革職拏問。代辦保康縣事襄陽縣縣丞暢際泰著撤任。交該督等提同應訊人證將該典史指訐各款秉公研審務得確情並究明鴉片煙來歷。按例定擬無稍枉縱。尋奏訊明楊幹春以買食鴉片恐為暢際泰揭叅乃先列款誣訐應

按照以姦賊事污人名節例發近邊充軍下部議從之○又諭前據御史蔡子璧奏泰山西趙城逆匪滋事文武各官畏縮不前當降旨交廉敬趙盛奎嚴密訪查據實具奏茲據查明分別定擬所有此案已革趙城縣經制外委李大法協防外委李萬幅於賊匪昏夜越入之時往捕受傷隨赴附近村莊糾人擒捕與棄城失陷者不同惟該革弁等平日既疏於防範臨時又不能捕擒情節較重李大

法。李萬幅均著發往新疆充當苦差。以示懲儆。撤任趙城縣典史章際清。職司緝捕。不能先事豫防。致賊匪戕官劫獄。本應科以守備不設之罪。惟因趕護受傷。復招集紳士。擒獲要犯多名。賊匪旋即逃散。情尚可原。章際清著即行革職。杖一百。徒三年。即在犯事地方定地充徒。到配折責安置。據供親老丁單。無庸查辦。留養。參將白鳳池。經該鎮派赴趙城勦捕。輒在洪洞縣幫同守城。又藉詞沿路捕

賊行走遲緩。實屬輕重失宜。耿秉璣帶兵較多。啓程稍晚。惟不迅速督兵進發。亦屬遲緩。白鳳池著交部嚴加議處。耿秉璣著交部議處。靈石縣知縣祥玉。於防守事宜。尚無貽誤。其縣屬婦女。畏懼潛逃。訊非因伊眷屬暫避所致。亦無拋擲子女之事。惟於伊子將眷屬送往暫避。未及查禁。亦殊不合。祥玉著交部議處。太原鎮總兵台費音。雖無帶兵退回平陽。致趕會人畏懼投河情事。惟不權衡事體。

之緩急。自行提兵速往。又於所派之參將白鳳池等。行走遲緩。未即查明究辦。咎實難辭。台費音著交部議處。巡撫鄂順安。辦理逆案。尚為妥速認真。惟於典史章際清畏賊逃匿。外委李大法等受傷敗走。僅止先行撤任收禁。未即查訊參辦。且於白鳳池等兵行遲緩。亦未詳察。鄂順安著一併交部議處。○給湖南華容安鄉二縣並岳州衛被旱軍民一月口糧。○癸丑。

上詰綺春園問

皇太后安。○諭內閣。前據巡城御史承光等奏。被竊事主家人章二供詞不符。當交刑部驗訊。茲據李振祐奏。該城原奏內。稱章二並無刀傷情形。刑部驗明。傷係鐵片。該坊官顯有規避朦詳情事等語。京師為輦轂重地。理宜一律肅清。偶有竊盜之案。該巡城御史自應嚴飭司坊各官。一面驗訊明確。一面嚴緝正賊。務獲究辦。乃近來外城地面。盜賊頗多。有

報無獲。是該司坊官捕務廢弛已可概見。甚至案情稍重。關繫處分者。一經事主呈報。並不緝拏賊犯。追究贓物下落。輒指為裝點捏報。舍賊匪而專究事主。鋪戶居民。往往畏累隱忍。被竊不報。無怪盜風日熾。肆行無忌。著通飭五城御史。各宜勤明奉職。所屬司坊各官。務須振刷精神。認真緝捕。遇有竊盜案件。迅即究明。據實詳報。總期有案必獲。庶奸宄斂戢。不致擾累閭閻。儻查有規避處分。朦混

具詳。專向事主根求。竟置正賊於不問。即著都察院堂官據實嚴叅。毋稍徇縱。以儆怠玩。而肅捕務。○除直隸涿州水衝沙壓田二十四畝額賦。○諭軍機大臣等。祥康奏佐領揭控副都統並協領等官通同舞弊一摺。此案佐領博卿阿所控各款。如果實有其事。均屬大干法紀。不可不徹底根究。世襲佐領博卿阿副都統倭楞奏。協領伊勒當阿叅領伊凌阿。拉林罷職廢員岳凌阿。現改名復充本處

驍騎校之烏永阿。已滿監督忠輔現改名補放筆帖式幫辦主事之永輔。俱著解任。交祥康親提人證卷宗。秉公審訊。按律定擬具奏。該將軍甫經到任。無所用其回護。既經朕特旨派令查辦。即與欽差無異。惟當破除情面。一秉至公。將該佐領所指各款。督率隨帶司員。逐一確查。認真根究。務期水落石出。以成信讞。不准稍有徇隱。致滋枉縱。方為不負委任。將此諭令知之。尋奏。訊明博卿阿所控倭

楞泰等收受變賣駝頭漫銀等款屬實。倭楞泰伊凌阿。請發往伊犁效力贖罪。博卿阿稔知倭楞泰等一切弊端。扶同徇隱。挾嫌列控各款。多係事不干己。居心狡詐。革職不足示懲。請發往烏魯木齊效力贖罪。餘分別定擬下部議從之。○浙江巡撫烏爾恭額覆奏。紋銀出洋。本干例禁。近奉部議。黃金白銀。概定出洋治罪之例。惟洋銀一項。未便一併禁絕。客商攜帶從之。○禮部左侍郎陳用光因病

解任。調吏部左侍郎杜垆。為禮部左侍郎。以服闋侍郎申啓賢。為吏部左侍郎。仍兼署都察院左都御史。○雲南騰越鎮總兵官懷唐阿。因病解任。以江南江寧城守協副將長喜。為騰越鎮總兵官。○撥安徽司庫銀一萬兩。發商生息。為下塘集移駐同知衙門緝捕經費。從巡撫鄧廷楨請也。○修浙江海鹽縣石塘。從巡撫烏爾恭額請也。○修安徽當塗縣圩隄。從巡撫鄧廷楨請也。○乙卯。

上諸

大高殿行禮。○還宮。○以山西趙城縣捐助剿匪軍餉。予候選縣丞王敬烈等議敘有差。○除江蘇婁縣捐置義冢田四十一畝有奇額賦。○以祭社稷壇。自是日始。齋戒三日。○丙辰。孝慎皇后殯宮。月祭。遣官行禮。

大清宣宗效天符運立中體正至大聖武智勇仁慈儉勤孝敏成皇帝實錄卷之二百六十九

許一摺。已有旨派趙盛奎馳驛前往會同伊里布審訊矣。此案已革同知王應模前在署黎平府任內交代。據接任署知府黎靖查出短交銀六千五百六十餘兩。倉穀四千五百三十石。乃不將所短之銀係何款項分晰開報。迨經調省會算。惟稱交收清楚。屢飭提銀。亦未報解。因恐有私議通融情弊。續行奏參。乃該參員經改收司監。復臚列稟詞親供。向該督遞申。所稱短交銀穀二款先交銀五千

七百餘兩。在省結算。又陸續交張鏌轉交清楚。取有收信。黎靖亦造冊結報。藩司不能分晰款項。格外苛求。延宕含混。將其詳揭。稟內復又許及黔省倉穀有絀無贏。大路州縣價穀全無。並永寧等屬交代短缺。設法彌縫。派及津貼。而於署開泰縣候補知州劉椿交代一案。指稱巡撫裕泰與該牧之祖最稱莫逆。是以照應等語。案關虧短倉庫錢糧。交代轉轄。並各州縣倉穀短缺虛懸。該參員王應模

復於被劾後列款許控。且牽指該省巡撫藩司大員瞻徇偏袒。虛實均應徹底根究。著趙盛奎接奉此旨。無論行抵何處。即馳赴貴州會同伊里布秉公審訊。其現在隨帶司員三人內。著酌帶二人前往。餘著交廉敬帶同回京。該侍郎等務將此案人證卷宗提集省垣。逐加審訊。務得確情。其王應模所短銀穀。是侵是那。各係何款。黎靖有無造報冊結。王應模所稱前後交清。及張鏌給與收信。是否實

有其銀抑係互相私議通融。張鏌有無從中偏袒。黔省倉儲。是否有絀無贏。價穀有無虛懸。各屬州縣交代有無實虧彌縫等事。均應破除情面。逐加體訪。務得實據。不得因王應模業經參革。遷就了事。方為不負委任。將此各諭令知之。尋奏逐倉盤查。並皆實貯。穀價亦未虛懸。王應模以虧空被參。肆行抵飾。訊明自認虛誣。擬發往新疆效力贖罪。下部議。從之。○福建布政使鄭祖琛。以親老乞養。允

之。以前任江寧布政使賀長齡為福建布政使。○福建金門鎮總兵官寶振彪因病賞假。以福寧鎮總兵官陳步雲署金門鎮總兵官。○戊午祭

大社

大稷

上親詣行禮。○幸圓明園。○詣綺春園問

皇太后安。○以正紅旗漢軍副都統常德兼署鑲黃旗滿洲副都統。○己未秋分夕

月於西郊遣定親王奕紹恭代行禮。○遣官祭

文昌帝君廟。○諭內閣本年八月

孝穆皇后梓宮

孝慎皇后梓宮奉移至龍泉峪。所有沿途蘆

殿內步軍統領衙門應行豫備激桶差使前

派賽尚阿督率照料著改派禮部尚書恩銘

○又諭前據凱音布等奏察哈爾總管缺出

請將張家口蒙古協領一體揀選當交兵部
叢議經該部議准具奏復降旨著凱音布等

查明張家口是否尚有滿洲協領派在印房行走之員再行具奏茲據奏稱張家口駐防向設滿洲協領二員歷經派在印房等處行走辦事請嗣後將察哈爾總管專用蒙古人員之例略為變通等語察哈爾總管專辦察哈爾八旗蒙古事務向例遇有缺出由該都統於該處蒙古人員內揀選保送其在京八旗蒙古人員由該管大臣保送值年旗揀選帶領引見候旨補放舊例相沿辦理已久若

將張家口滿洲蒙古協領人員一體揀選則察哈爾應選人員未免向隅殊失撫馭蒙古之道嗣後遇有察哈爾總管缺出著仍遵舊例辦理○庚申諭內閣升授江西九江府知府宣麟前在山西平定州任內於該撫發回批解該省紳士等捐銀並不即時給還輒將銀兩那用遲至數年之久始行歸款且於該州楊都二姓案内交官錢文未經即時給領以致卸事之後伊姪宣惟繁私行借用致招

物議實屬咎無可辭。宣麟著降四級調用。毋庸查級議抵。考職吏目周中規。代宣惟繁轉借錢文。以紳士交結地方官。亦屬不應。著即革職。至鄂順安於宣麟保舉不實。著交部議處。○諭軍機大臣等。河南河北道劉體重。經朕由知府簡用道員。因思該員初任河員。於河工機宜。未經歷練。著栗毓美詳加察看。該員是否勝河道之任。據實具奏。不得因係特簡之員。稍事瞻徇。將此諭令知之。尋奏該員

辦事實心。可期習練。報聞。○辛酉。諭內閣。鍾祥奏訪獲教犯。究出鄰省夥黨。移咨緝拏。請由各本省自行審辦。以免拖累等語。所奏是。此次直隸。河南。江南等省。凡有山東省咨緝已獲未解各犯。即著各該省督撫認真訊辦。究出夥黨。就近查拏。務淨根株。其有妄供株連。立時省釋。毋許拖延滋累。至各匪犯中。究出緊要人犯。必應解赴東省質訊者。著各該省督撫。仍將該犯解往山東。交鍾祥歸案審

辦。所有東省訪獲及各省解交各犯。著鍾祥督率承審之員。嚴切根究。務令逐一供吐實情。毋令稍有支飾狡展。固不可株累無辜。尤不可遷就了結。不實不盡。致令奸徒漏網。日後再有蔓延。○壬戌。遣官祭

關帝廟。○以吏部尚書湯金釗為順天鄉試正考官。吏部左侍郎申啓賢。工部右侍郎吳傑。大理寺少卿毛樹棠為副考官。○以刑部尚書史致儼兼署吏部尚書。○以捐修江蘇

上海縣城垣。予道員吳其泰等。加銜升敘有差。○癸亥。諭內閣。奕經奏請賞借開款。添設操演馬匹一摺。盛京八旗兵丁。操演攸關緊要。所需馬匹。若動項購買。需用實屬浩繁。自應籌款辦理。著照所請。准其在於庫貯閒款制錢三十七萬七千餘串內。賞借制錢三十萬串。分交各城殷實當商。每年按一分生息。計得利錢三萬六千串。先儘內城六十六佐領。每佐領下添設馬十匹。共計六百六十匹。

分交各旗兵丁。妥為拴養。每馬一匹。月支馬乾制錢三串。即先儘半年馬乾。作為馬價。統限半年。置買齊全。歸槽支乾餵養。如有倒斃。亦照此例買補。至每年所得利息。除支馬乾外。餘錢一萬二千二百四十串。暫緩歸款。仍作本生息。每年計得利息制錢一千四百餘串。每年添馬四十匹。仍照內城之例。陸續分撥各外城。以備兵丁演習之用。仍俟五六年後。察看情形。再行奏明分別歸款。至此項動

借三十萬串外。各城仍現存七萬餘串。再遞加以每年搭放所餘。數年後著該將軍通盤合計。如果敷用。應否酌添兵丁差馬。再行奏明辦理。○調刑部右侍郎趙盛奎為戶部左侍郎。戶部左侍郎姚元之為刑部右侍郎。○甲子。

上奉

皇太后幸同樂園進膳。賜內廷王公大臣蒙古王公等食。○諭內閣。朕寅承丕緒。撫馭萬方。

肝食宵衣。無日不以勤恤民依為念。十五年中。劬農重穀。減賦停徵。疊沛恩綸。覃敷闡澤。所願四海烝黎。家給人足。共享昇平之福。因思各省民欠錢糧。自嘉慶年間蠲免以後。迄今又閱十餘年矣。比歲以來。仰蒙

慈佑。慶協綏豐。民氣和樂。本年恭逢

聖母皇太后六旬萬壽。欽惟

慈禧光被。歡洽敷天。允宜申錫無疆。普蠲通賦。所有各省節年正耗民欠錢糧。及因災緩徵

帶徵銀穀。並借給籽種口糧牛具。及漕項蘆課學租雜稅等項。即著各該督撫將軍府尹等。將道光十年以前實欠在民者。詳悉查明。按照該省所屬之某州某縣銀數若干。連行開單具奏。候朕以次降旨。全行豁免。並著先將此旨。謄黃宣示城鄉村鎮。咸使聞知。俾官吏胥役。無從影射侵欺。以期膏澤下究。用副朕錫美延

釐。普惠寰區至意。該部即遵諭行。○又諭據御

史富爾洪阿奏近來各城報竊之案層見疊出日久不聞弋獲並有偷竊驟馬遺失幼孩之事又有搬演高蹠及女金斗扒桿躑索等人於街市聚集演唱外來婦女三五成羣以算卦為名入人家室等語京師為輦轂重地不特內城理宜肅清即外城地面亦不容無業游民肆行涇跡儻竟有誘拐與販用藥迷人等事尤屬大干法紀不可不嚴行查禁著步軍統領順天府五城各坊隨時查察嚴行驅逐遇有前項形迹可疑之人立即拏獲究辦儻不實力查禁別經發覺或有人叅奏定予重處決不寬貸○乙丑

太宗文皇帝忌辰遣官祭

昭陵○諭軍機大臣等據耆英等奏東西兩路行宮自道光十年清查以來至道光十五年已屆五年之期請派內務府大臣二員分往清查並將各該大臣銜名開單呈覽東西兩路行宮陳設等項此次毋庸派員前往查驗

著特登額奎照即將各行宮內陳設等件遣派安員於明年二三月運送來京交總管內務府大臣查驗呈覽其鋪墊桌椅等項著仍照常收貯備用將此各諭令知之○又諭前據嵩溥奏京控案件究出串謀囑託各犯請飭拏歸案審辦當有旨交步軍統領衙門順天府即將回民李學公葉會川查拏並訊明將逸雲住址一併拏解熱河歸案審訊茲據耆英等奏稱拏獲李學公之姪李萬喜據供

去年五月李學公第五子李萬玉在赤峯縣因娶有夫之婦涉訟伊曾向素識之葉會川告知葉會川因說伊母舅蔣姓認識赤峯縣書吏劉姓李姓我隨懇其寫信二封說合照應又據葉會川供稱因伊母舅蔣逸雲在保定府貢院前居住一時難以託情遂代蔣逸雲寫信託書吏劉姓李姓照應等語蔣逸雲既與赤峯縣書吏認識難保無寫信囑託之事葉會川所供代伊寫信之處殊難憑信著

琦善即將在保定府貢院前居住之蔣逸雲	迅即查拏解往熱河交該都統歸案審辦毋	任違颺將此諭令知之尋嵩溥奏經步軍統	領直隸總督先後解到李萬喜葉會川蔣逸	雲訊明李萬喜李萬玉李萬和俱李汶忠子	李萬玉在赤峯縣涉訟被押李萬和詭名李	振清冒認已故族叔李學公為嗣父捏款誣	控李萬喜復求葉會川捏寫蔣逸雲信向赤	峯縣書吏劉堯章李十二囑託李萬玉訟案	應分別充軍枷杖下部議從之○命陝甘總	督瑚松額撥銀五萬兩解赴塔爾巴哈台八	千四百七十一兩解赴和闐備道光十六年	經費○丙寅	萬壽節遣官祭	太廟後殿○遣官祭	福陵	昭陵	昭西陵
-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------------------	-------	--------	----------	----	----	-----

孝陵	孝東陵	景陵	泰陵	泰東陵	裕陵	昌陵○遣官祭	孝穆皇后殯宮	孝慎皇后殯宮○遣官祭	顯佑宮	東嶽廟	城隍廟○	上詣	安佑宮行禮○詣綺春園	皇太后前行禮○御正大光明殿王以下文武	大臣官員蒙古王公等行慶賀禮○御同樂	園賜內廷王公大臣及蒙古王公等食○以	大學士長齡兼署禮部尚書兵部尚書奕顯
----	-----	----	----	-----	----	--------	--------	------------	-----	-----	------	----	------------	--------------------	-------------------	-------------------	-------------------

兼署都察院左都御史兵部右侍郎史譜署
管理順天府府尹事○丁卯

太祖高皇帝忌辰遣官祭

福陵○諭內閣朕此次恭謁

西陵啓鑾後著派肅親王敬敏定親王奕紹大學士長齡尚書耆英留京辦事○諭軍機大臣等本日據都察院奏四川大竹縣民人胡澤裕冷希燕赴該衙門控稱該縣知縣徵收丁糧銀兩不分上下兩忙責令一季輸納每

兩徵錢一千六百八十文至該省前因勸辦裁邊夷匪經該督等勸諭各屬士民一體捐輸該縣藉端勒派出示每糧一斗派銀四錢四分等情已明降諭旨派隆文會同寶興嚴審矣案關知縣違例催科藉端勒派虛實均應徹底根究該侍郎等即將該民人所控各情提齊人證卷宗悉心研鞫務得確情據實具奏不准稍事含混致有不實不盡將此各諭令知之尋奏大竹縣知縣郭夢熊訊無違

例催科藉端勒捐情事並究出起意誣告之張世介與聽糾斂錢出名控告之胡澤裕擬發邊遠充軍冷希燕以為從論擬杖徒下部議從之○戊辰遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○已巳

上詣

安佑宮行禮○庚午

上詣綺春園問

皇太后安○遣官祭昭忠祠○壬申諭內閣理藩院轉奏喀喇沁王布呢雅巴拉貝子瑪哈

巴拉呈請於本年十月

皇太后六旬萬壽聖節來京慶賀行禮等語具

見伊等誠悃。朕深嘉悅。惟是布呢雅巴拉瑪哈巴拉。俱在御前行走。每年年終。均有來京差使。若因十月

皇太后萬壽來京行禮。甫回牧所。又值年班之候。未免往返徒勞。布呢雅巴拉瑪哈巴拉。本年十月間。著停止來京。以節糜費。用示朕軫念蒙古臣僕至意。○予故休致杭州將軍福祥祭葬。○癸酉上奉

皇太后幸如園進膳。○以

孝穆皇后梓宮奉移龍泉峪

陵寢。前期遣官告祭

天

地

太廟

社稷。○遣官告祭

奉先殿。○諭內閣。鍾祥奏夷船駛至山東洋面。現飭候風南回一摺。此次喫咭喇夷船。駛入

東省劉公島洋面。經鍾祥派委員弁巡堵驅逐。不准進口。所辦俱妥。該夷人麥發達。始則欲求通商。繼又欲散布夷書。雖據稱未入閩浙江蘇內洋寄旋。殊難憑信。著鍾祥即嚴飭所屬各員弁。一俟風發。驅令啓校南還。並將各島口嚴加防範。毋許內地奸民交易接濟。東省洋面。界連直隸奉天。江南。甚為遼闊。海洋風信靡常。其沿海各處。均當一律防辦。著直隸奉天。江南。山東。福建。浙江。各督撫府尹

等。嚴飭沿海文武各員弁。巡防堵截。不准該夷船越進隘口。並嚴禁內地奸民交易接濟。甚至受其誑惑。無得稍有疏懈。○又諭前據廬坤奏。請將原任廣東龍川縣病痊知縣保淳。留省差委。當交吏部議奏。茲據該部查明。病痊人員。例應送部引見。該督遽請留省差委。實與定例不符。所駁甚是。保淳著照例送部引見。不准留於該省差委。嗣後各直省遇有此等人員。即應照例辦理。不得率行奏請。

留補以昭畫一。○甲戌。緩徵陝西府谷縣被
雹村莊下忙額賦給災民一月口糧。○乙亥
以

孝穆皇后梓宮奉移龍泉峪

陵寢前期遣官行祖奠禮。○順天府以宗室鄉

試中額請得旨取中七名。○命乾清門侍衛

吉凌阿慶興恭詣

西陵查看紅椿。○丙子。

上詣綺春園問

皇太后安。○

孝穆皇后梓宮由寶華峪啓行遣官奠酒行禮

○諭內閣本日據工部奏覈議東南兩河另

案工程銀數不能覈實請飭令各該河督分

晰具奏並嚴定章程以杜浮冒兩河工程不

外歲修另案及興舉大工三項除歲修工程

銀有定額興舉大工事非常有均照舊不入

比較外其另案工程銀無定額工無定處影

射浮開及事後增添情弊不可不防是以向

來辦理例案有興工之段落而後可以彙奏
清單有清單之數目而後可以比較多寡茲
據該部查覈南河十三年分比較單內無案
可覈之銀三十二萬七千餘兩又專案辦理
業經撥帑未據分晰之銀五十二萬四千九
百餘兩東河十四年分未奏清單先入比較
之銀二十七萬三千餘兩前後數目不符奏
報不遵例限已辦之工部中無案已動之帑
估銷無期比較單內不過虛名節省其豫報

浮數未奏清單及專案數目已出比較之外
者更不難事後增添巧為湊合且搶險防汛
已完之工易於覈計尤非懸估未辦者可比
所有此次查出指明各數著各該河督逐款
分晰速行具奏以憑查覈嗣後每年彙奏清
單務遵奏定限期無論奏咨各案彙為一冊
其比較上三年之數原從清單而出毋庸分
為兩事致滋歧異著各該河督附摺聲明比
較另列一單具奏後飭部查覈覆奏如有遺

漏續報之案。或藉詞延玩。先入比較。後補清單。即照搶修工程估銷。逾限著落賠還之例。不准開銷。其專案名目。永遠革除。以歸畫一。而杜浮冒。○又諭陶澍奏。請將原任兩淮人員。留淮差委一摺。前任兩淮鹽經歷裴挺。係丁憂服滿。例應歸於補班。赴選。不得照題署未經實授之員。仍歸原省。所有該督奏請。以該員留於兩淮差委之處。著不准行。○以大學士文孚兼署工部尚書。兵部左侍郎寶善兼署工部右侍郎。刑部尚書成格署翰林院掌院學士。○以大學士長齡署鑲白旗滿洲都統。刑部右侍郎廉敬署戶部右侍郎。○丁丑。諭軍機大臣等。有人奏湖南布政使惠豐。人本平庸。自升任藩司以來。志滿器盈。祇知養尊處優。於吏治民生。概不置問。專事臺池鳥獸之娛。賓朋宴饗之樂。一切公事。無不廢弛。署中所蓄之鳥。有名洋八哥者。盛其文采。教之語言。每值讌客。則令跳叫為樂。甚至

酣嬉終日。習以為常。以致民間稱之曰惠頑。有與藩署毗連之皇倉。內有太湖石數塊。因而拆牆。將石擡入署中。以為亭臺之飾。致被紳士呈控等語。藩司為通省之領袖。有表率下僚。通達民情之責。豈容侈意玩好。致令公事廢弛。著趙盛奎於路過湖南時。確切訪查。據實具奏。毋得稍有瞻徇。將此諭令知之。○以翰林院侍講學士麟魁為詹事府詹事。○漕運總督朱為弼。因病賞假。以刑部左侍郎恩特亨額署漕運總督。○禮部議准。江西巡撫周之琦疏報。採訪永豐縣貞節婦女游婁氏等一百四十二口。請建總坊旌表從之。○旌表守正捐軀直隸唐縣民間狗兒妻呂氏。○追旌明遇賊殉難河南舞陽縣烈婦陳段氏。暨媳黃氏。馬氏。○戊寅。諭內閣。朕啓鑒後著派哈琅阿。同領侍衛內大臣輪流進班。○

己卯。
世宗憲皇帝忌辰。遣官祭。

泰陵○

上詣

安佑宮行禮。○諭內閣給事中富彰奏查有回漕實跡請杜弊端一摺據稱東直門出米甚多均由各糧店發給陸續運至長營村地方再遞運至通州城大斗鋪以便上船交納又有以羊骨銼灰拌合粗米朦混出城等語漕糧為積貯攸關粗米出城本干例禁若如所奏紛紛四出難保非南糧輸運之初早經短缺到通以後串通奸商赴京收買以為回漕地步不可不嚴行查禁著步軍統領五城各衙門認真查察遇有回漕弊端即行嚴密查拏交部審辦○又諭鄧廷楨奏請將捕蝗盡力病故之知縣飭部議卹一摺安徽署懷寧縣事候補知縣楊曉春捕蝗出力染病身故經該撫查明屬實撲捕蝗蝻係地方官分內應辦之事惟該署縣以初任人員即能竭力辦理不辭勞瘁以致染病身故殊堪矜憫楊

曉春著交部議卹以為公事認真者勸○以江蘇市錢價賤暫停寶蘇局鼓鑄從巡撫林則徐請也○修浙江西塘柴埭工程從巡撫烏爾恭額請也○庚辰諭內閣科道為朝廷耳目之官責任至重凡政治利弊攸關如有真知灼見俱應據實上陳直言無隱近來科道中馮贊勳金應麟黃爵滋曾望顏等平日遇事均屬敢言間有指陳亦皆明白曉事其有關繫國是切中時宜者無不量加採納立

見施行是以將該員等擢任京卿所以風勵言官即是廣開忠諫之路該員等益當仰體朕意遇事敢言一切毀譽榮辱之念俱不應存於中惟於國計民生實有裨益或除奸剔弊確有見聞均當剴切直陳毋有隱諱儻謂既非言官遂甘緘默則是以建言為梯榮之具驟得升階即圖保位似此沽直聲於前而思絀口於後不幾與朕用人圖治之意大相刺謬耶嗣後務當屏除私見盡心盡職不避

嫌怨。力矢公忠。不特政務關繫民生國計。及牽涉內外臣工者。仍應據實指陳。不可妄生疑懼。即朕用人行政之際。稍有闕失。亦當隨時進言。以資採納。朕總理庶政。一秉大公。即聽言一節。深望諸臣切實敷陳。不憚再三。諫期以察天下之治忽。非徒博納諫之虛名。其有徇隱姑容。前後易轍者。尤當深以為戒。言行相顧。始終不渝。朝廷收謙言之益。國家著直臣之效。朕實有厚望焉。將此通諭知之。

○諭軍機大臣等。前據鍾祥奏。喫咭喇夷船駛至山東洋面。當降旨著直隸奉天江南山東福建浙江各督撫府尹嚴飭文武員弁。巡防堵截。毋得稍有疏懈。茲據馮贊勳奏。喫咭喇夷船肆行無忌。請飭廣東大吏。嚴諭該夷目。俾永遠約束。以肅國體。而杜後患等語。喫咭喇夷人在粵通商。素稱强悍狡黠。歷來督撫大吏。每存寬厚。過於優容。是以近年有占踞馬頭。擅遞稟詞。及私攜夷婦至省。乘坐四

輪之事。道光十二年間。遂敢將夷船駛入福建。徧歷浙江山東奉天等處。上年秋間。又將兵船闖入廣東之黃埔內地。距省僅四十里。膽敢施放槍礮。轟擊礮臺。種種藐法殊屬不成事體。此次夷船復行駛入山東洋面。並欲散布夷書。意圖誑惑。尤堪駭異。該夷船駛入各省洋面。往來遊奕。若非夷目為之主使。何敢肆無忌憚。著祁埏等即明白曉諭該夷目等。天朝制度。准其在粵通商。即是格外天恩。嗣後當與各夷同遵約束。不可駛入各省。妄思冀倖。僥再任意妄為。即行驅逐出口。不准通商。憲典難干。毋自取罪戾。以貽後悔也。將此諭知祁埏。並傳諭彭年知之。尋奏已飭澳門西洋夷目。派兵巡查。勿任登岸滋事。儻有不遵。即驅逐回國。報聞。○以安徽巡撫鄧廷楨為兩廣總督。甘肅布政使色卜星額為安徽巡撫。病痊布政使梁章鉅為甘肅布政使。○以緝捕擒匪得力。予湖北參將蘇清阿等。

升補有差○晉贈故太子少保兩廣總督盧坤太子太師。予祭葬。諡敏肅。並予其子員外郎端黼服闋後即補。辛巳。

上至太平營

孝穆皇后梓宮前奠酒目送王以下文武大臣

官員行禮○以

孝慎皇后梓宮奉移龍泉峪

陵寢前期遣官告祭

天

地

太廟

社稷○遣官告祭

奉先殿○遣官祭賢良祠○諭內閣此次奉移

孝穆皇后梓宮。派出奕綸代領侍衛內大臣

及帶豹尾槍散秩大臣差務。自應逐日敬謹

佩刀騎馬扈從。沿途統率侍衛。小心彈壓。茲

據博親王綿愷等奏。數日內未見奕綸帶

豹尾槍隨行。據實奏聞。所奏甚是。奕綸前經

加恩賞給散秩大臣。不必在乾清門行走。原以示體恤。茲簡派差使。並不勤慎盡職。任意玩誤。非尋常疏忽可比。奕綸著交宗人府嚴加議處。仍責令沿途扈從。前詰。

西陵無誤。差使僅仍不敬謹將事。隨時查出。即著綿愷等據實嚴奏。又另片奏。該侍衛等應行前引及後扈各員。並不小心扈從。恪共厥職。著即確查侍衛處。詢係何人曠誤。一併指名據實奏。尋奏上。得旨。貝勒奕綸著降為

貝子。仍罰貝子俸五年。侍衛崇興。祥緒。李桂揚。交部嚴加議處。○又諭。漕糧為天庾正供。節經降旨。令有漕各省督撫。早覓早開。剋期渡黃。不許稍有遲滯。乃本年重運。漕船抵壩。有逾例限。復因黃水盛漲。停泊待渡。遲至閏六月初七日。甫得埽數出塘。以致回空尾幫。延至八月初九日。始經催過天津關。疲玩已極。現在節氣將屆霜降。水勢漸消。若再遲延。必誤回空定限。明年新漕。又安望及早受兌。

耶。著該漕督及沿途督撫嚴行催趲。無分晝夜。銜尾南下。不准藉詞停泊。庶可以速補遲。如期歸次。至來年辦理新漕。必須迅速兌開。趙黃水未漲之前。趕早完渡。著有漕各省督撫。嚴飭各該糧道。早兌早開。總令於四月初十日以前。全數趲至清江。剋期抵壩。以便渡黃北上。無許稍有延誤。償再因循疲玩。漫不經心。仍致臨事周章。有逾期限。定將該漕督及各督撫。嚴行懲處。決不寬貸。將此通諭。知

之。○頒發湖北八分山

龍神廟

御書扁額曰澤敷江漢。壬午。

上詣綺春園問

皇太后安。○諭內閣。御史郭鳴高奏。請飭禁選拔積弊一摺。國家廣育人才。於鄉會試正科而外。增設選拔一科。所以旁掇俊彥。拔取真才。各直省學政。經朕特簡。俾司其事。宜如何秉公遴選。克盡厥職。不特衡校試藝。細心研

求。即按臨時約束教官。稽查槍代。亦應振刷精神。力祛諸弊。方為不負委任。若如該御史所奏。向來閩省每逢選拔之時。教官辦理冊卷。輒向殷富之家。需索多費。復有正拔幫拔名目。正拔倩人代作文字。而幫拔之人。則以草率完卷。學政見與試人少。恐難充數。每不認真考察。所拔多係豪富鄉紳子弟等語。閩省積習如此。恐他省亦所不免。著通諭各直省學政。務於考試按臨時。嚴禁教官。毋得縱容書斗需索卷費。其有文行出眾者。照例舉優。並嚴查槍代各弊。革除正拔幫拔名目。償該教官等。仍前疲玩。因循不悛。著該學政據實嚴參。毋稍寬縱。若該學政不能認真甄取人才。釐剔各種積弊。經朕訪聞。或別經發覺。必將該學政懲處不貸。將此通諭知之。○又諭鄂順安奏。查明承緝教犯之員。請旨交議一摺。山西另案降調之前任平定州知州升任江西九江府知府宣麟。前署平定州沁州

直隸州知州張循儀於境內習教各犯前後訪獲多名解省審辦尚無串囑諱匿情事惟宣麟於掇獲各書未能即時申解張循儀亦未查察均屬率忽宣麟張循儀著一併交部議處不准查加級紀錄議抵○諭軍機大臣等本日據都察院奏湖南澧州民人李萬忠等控告該州知州謝希閔於應徵錢糧任意浮收勒索採買倉穀苛累窮民並擅將倉穀那用兌漕正項侵吞入己派令民間代辦署

中自用物件甚至應理詞訟任聽胥役苛索私設班館濫押無辜動至數百人佐雜擅理民事藉索規禮署該州知州王元鳳嚴刑吏甚民不聊生等語案關地方種種情弊若不逐款究辦何以肅法紀而儆官邪著趙盛奎由貴州審案完結回過湖南澧州時即提齊全案人證將該民人等指稱各款悉心研鞫嚴行懲辦不可稍涉寬縱其連名具控之陳善道吳執中章守正雖據李萬忠供稱因病

在途未能到案有無虛捏著於訊案時一併查提究辦將此諭令知之○又諭朕聞積盜曾武在閩浙洋面聚集多船出沒伺劫大為民害前經諭令該督等將該犯曾武務期必獲嗣因數月以來未據報獲復降旨諭令該督等督飭閩浙兩省水陸文武員弁不分畛域設法誘緝協力堵拏近有人奏福建廈門金門及惠安縣濱海一帶有盜船三十餘號往來洋面肆劫商船是否係曾武夥黨抑係

另夥盜船總須將積盜曾武拏獲盜首既除盜風自息否則愈集愈多不特為害商旅洋面地方遼闊任令該匪等出沒往來肆行無忌若不及時拏辦必致釀成巨案著程祖洛等督飭閩浙兩省水陸文武員弁嚴密巡邏設法購線跟蹤躡緝務俾該盜首曾武遁跡無所期在必獲其往來洋面之盜船隨時巡緝實力堵拏斷不可再有遲延以致養癰貽患儻再逾時無獲致令該匪等日益滋蔓肆

無忌憚。必將該督從重懲處。決不寬貸。將此各諭令知之。○旌表守正捐軀河南虞城縣民孫新椿妻耿氏。○癸未。以

孝慎皇后梓宮奉移龍泉峪。

陵寢前期行祖奠禮。並豫行月祭禮。

上至田村。

殯宮奠酒。諭內閣。栗毓美奏豫省黃河北岸。

原武分溜成河。搶護平穩。並籌防來年大汛事宜一摺。本年豫省黃河北岸。黃沁衝糧。兩

廳。因原武分溜刷成支河。隄工喫重。據該河督奏稱。督率在工各員。築做軌壩溜勢外移。隄根藉資保護。辦理均臻安速。其來年大汛防守事宜。著該河督詳細查勘。通盤籌畫。應需工料。及早趕辦。總當寬為儲備。以免臨時周章。斷不可稍疏防護。貽誤要工。○又諭。興德等奏。覆查喀什噶爾屯田情形。請照舊興辦一摺。喀什噶爾屯田地畝。據興德等通盤籌畫。悉心體察。無礙回民生計。於邊防實有

裨益。著即照舊辦理。毋庸更張。其原招屯民未回籍者。尚有二百三十餘名。俱准照常耕種。其餘屯地。陸續招民認墾。口外地方。率多游民。良莠不一。著興德等督率辦理。各員稽查約束。務俾各安本業。經久無弊。以收屯田實效。其原換入官叛產地畝。著准其撥給回民耕種。以昭體恤。○又諭。興德等奏。請撤回葉爾羌額外多派換防兵丁。以符額數一摺。葉爾羌應派換防兵丁。據興德等查明內有

西安鎮派撥兵丁二百六十四名。不知接奉何處咨文。緣何派撥。實係額外多派。自應仍令撤回。以符防額。著瑚松額查明前項多派防兵。究係何處錯誤。據實叅辦。所有該官兵等往返多支路行鹽糧。一併著落賠繳。以重帑項。○調荊州將軍蘇勒芳。阿。為廣州將軍。以烏魯木齊提督德克金布。為荊州將軍。甘肅寧夏鎮總兵官中福。為烏魯木齊提督。湖南永順協副將祥福。署寧夏鎮總兵官。○予

故廣州將軍蘇勒當阿祭葬。○命陝甘總督瑚松額撥銀七萬四千六百六十四兩解赴葉爾羌巴爾楚克備道光十六年經費。○以山東歷城章邱齊河齊東濟陽禹城長清陵德平原聊城堂邑博平茌平清平莘冠高唐夏津陽信樂陵商河濱二十三州縣麥收歉薄改徵粟米。○展緩江西上高皇子都昌建昌東鄉進賢清江新淦新喻峽江蓮花廬陵吉水永豐泰和萬安安福永新都陽樂平浮梁安仁德興萬年安義德化德安瑞昌湖口彭澤南昌新建豐城高安宜春分宜萍鄉萬載永寧餘干四十廳縣被旱災區新舊額賦及借欠銀穀。○甲申。

上啓鑒恭謁
西陵並臨視
孝穆皇后梓宮
孝慎皇后梓宮奉移龍泉峪。○至盧溝橋詣龍神廟拈香。○

清 實 錄 道光十五年八月

孝慎皇后梓宮由田村啓行遣官奠酒行禮。○遣官祭
歷代帝王廟。○免蹕路及
孝穆皇后梓宮
孝慎皇后梓宮經過地方本年額賦十分之五。○是日駐蹕黃新莊行宮 乙酉諭內閣惠吉奏請將玩視命案不將門丁交出之知縣革職嚴審一摺此案廣西解任平樂縣知縣林縉光於捐職州同吳鴻宗私和爭毆釀命重情延不驗詳迨經吳鴻宗之妻蕭氏指控該縣門丁衛五等將伊夫及伊子吳之賢藉案索詐鎖押致伊子在押病斃是該縣於門丁索詐毫無覺察撤任後幾及一年僅據該管知府先後將伊門丁張春張全拏獲解省而該員並不將要犯衛五交出率以不知去向空言具稟顯有授意婪索故縱情弊林縉光著即革職勒令該革員迅將衛五交出提同全案人證嚴審確情按律定擬具奏。○督撫

大員。察吏安民。是其專責。若能於疲玩屬員。隨時懲辦。則令行禁止。羣知敬畏。何至提一門丁。延至一年之久。不能到案。設遇緊要重案。經年累月。一任玩延。致令要犯遠颺。案懸莫結。尚復成何事體。嗣後各直省督撫。務當實力整頓。遇有此等事件。立即嚴提訊辦。儻有抗違。立即奏參。毋得任其玩延。將此通諭知之。尋巡撫梁章鉅奏。訊得職員吳鴻宗父子。勸和命案被革。賄求門丁衛五。開復頂帶。

衛五得銀潛逃。應俟拏獲後。照律擬軍。張全張春。因吳之賢在押取保。向索銀兩。尚未入手。張全照律擬杖流。張春擬杖徒。已革知縣林紹光懸案不辦。復失察門丁索詐。請從重發往軍臺效力贖罪。下部議從之。○是日駐蹕半壁店行宮。○丙戌。諭內閣。給事中周開麒奏。江浙糧船水手習教滋事。請飭查禁一摺。糧船水手。向有老安潘安二教。並老管師父名目。編號傳徒。分黨滋事。屢次有人陳奏。

均經降旨嚴拏懲辦。果能認真查禁。自必驅除淨盡。何致再生事端。若如該給事中所奏。糧船水手外。又有無籍游匪。借短繙為名。食宿船內。此等游匪。多至各船水手數倍。均係鹽梟劫盜。因犯案逃入教內。藉其庇護。因而沿途搶奪鬪毆。肆行不法。旗丁受其挾制。即該管官弁。亦並不能管束。惟老管師父得加責罰。不敢違犯。游匪聽水手之指麾。水手之聚眾。無不藉助於游匪等語。此項匪徒。獷悍

性成。以糧船為通逃淵藪。膽敢於經過地方。往來劫奪。文武各官。因其人數眾多。恐激成拒捕重案。相率容隱。不敢查拏。遂致該匪徒益逞兇頑。略無畏忌。實為東南漕務之憂。不可不痛加整頓。以便行旅而安居。民著兩江漕運各總督。江浙浙江各巡撫。嚴飭各該糧道悉心妥議。務當絕游匪之涸跡。戢水手之兇頑。禁其習教斂錢。化其分黨構釁。示以勸懲。使幫弁旗丁易加管束。明定章程。詳明該

督撫等會議具奏。○諭軍機大臣等。據給事中周開麒奏。浙江糧船水手內有破面王七及蕭老者。均經屢次殺人犯案。未獲。王七現在鎮海幫船上。蕭老現在金衢幫船上。並非毫無蹤跡之犯。而各該省嚴拏無獲者。總緣該犯等同教徒黨眾多。數至千百。一呼麇集。且與各衙門書役聲息相通。一聞查拏。即行逃匿。迨經躡實確蹤。密往掩捕。又恐該匪徒等恃眾拒捕。因而苟安姑息。以致略無畏忌。竟有白晝搶奪。闖毆殺傷等事。等語。糧船水手。容留無藉游匪。在船藏匿。經過地方。行旅居民。均受其害。不可不嚴行拏究。著兩江漕運各總督。江蘇浙江各巡撫。即行派委妥員。迅將王七。蕭老。嚴密查拏。務獲究辦。不得因該匪等徒黨眾多。稍存畏難之見。並不得任令書役人等透漏消息。以致要犯聞風遠颺。是為至要。將此各諭令知之。○是日駐蹕秋澗行宮。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七十

昌陵恭代行禮。奉安於

饗殿。

上親臨奠酒。王以下文武大臣官員行禮。○閱

視

寶城。○遣官告祭

泰陵。

泰東陵。

昌陵。○遣官告祭

后土之神。

實錄卷一百七十一

三

永寧山神。○諭內閣此次恭送

孝穆皇后梓宮

孝慎皇后梓宮之三品以下文武各員。初三

日送到後。並無執事者。著即於是日回京。其

無差事之兵丁夫役人等。著原帶之員。即行

帶回。王大臣及派有執事之官員等。俱著於

初四日饗奠禮畢。即行回京。不必隨扈行走。

○以

孝穆皇后梓宮

孝慎皇后梓宮奉移。予恭理事務。王大臣等優

敘。文武各員。分別議敘。有差。○以辦差妥協。

賞直隸總督琦善花翎。予文武各員議敘。有

差。○庚寅。

孝穆皇后梓宮

孝慎皇后梓宮前行饗奠禮。

上親臨奠酒。皇子及王以下文武大臣官員行

禮。○是日。回鑾。駐蹕秋瀾行宮。○辛卯。諭內

閣瑚松額奏。請將驗審命案不實。並失察書

役得賄匿報之知縣革職。質訊一摺。甘肅靖

遠縣知縣永銓。相驗李添榮屍身。既不詳慎。

細驗。致刑件得以乘間舞弊。隱匿多傷。迨經

研訊。復不虛衷推鞫。輒據蔡如蘭捏飾供詞。

輕率具詳。且於書役藉案得贓。以及王萬有

等營求賄囑各情。漫無覺察。直同聾瞶。永銓

著先行革職。交該督提同全案犯證。嚴訊確

情。按律定擬具奏。尋奏永銓失察刑件舞弊。

書役得贓。輕率具詳。雖訊無聽。受懲過故。縱

捏詳情事。究屬粗率無能。業已革職。應毋庸議。下部議從之。○以直隸永定河防汛出力。予同知馮李曾等加銜升敘有差。○是日。駐蹕半壁店行宮。○壬辰。諭軍機大臣等。程祖洛等覆奏。查禁臺灣米石越口販運一摺。據稱臺灣產米。素稱饒裕。漳泉地方。賴以接濟民食。本年據各口報稱。運到臺米二十萬石。有奇。覈計該郡民食。所餘不過此數。並查明沿海鄰省米價。與臺灣不相上下。客販無利。

可圖。自不舍近行遠。似無違禁偷漏之事等語。菽粟為民食攸關。有無相通。原屬酌盈劑虛之義。臺灣米石。除本地食用外。如有贏餘。不特運往本省漳泉各郡。在所不禁。即鄰近之江浙各省。偶值米價昂貴。該商等運往販賣。藉以平減時價。亦所時有。且以此地之有餘。補彼處之不足。同係內地民人。原可准其通融辦理。惟近來沿海各省。屢有喫咕喇夷船往來遊奕。兼之盜匪曾武。歷久未獲。搶劫

之案。層見疊出。難保無商販等越口販運。資其食用。以致夷船恃以無恐。盜犯日久稽誅。不可不嚴行查禁。著程祖洛等嚴飭沿海員弁。實力稽查。並飭知臺灣鎮道等認真查察。儻有奸商偷漏漁利。暨兵役澳甲人等得規故縱等弊。一經查出。立即從嚴懲辦。毋稍姑息。不得日久生玩。視為具文。方為不負委任。將此諭令知之。○是日。駐蹕黃新莊行宮。○癸巳。

上御盧溝橋行幄。閱視演礮。○還圓明園。○詣

綺春園。問

皇太后安。○遣官祭

都城隍之神。○諭內閣。國家設立火器。原係準備征戰防守之意。當日何其精捷威武。況滿洲火器營礮位。尤宜靈便有準。每出必中。此次朕回鑾之便。在盧溝橋閱看滿洲火器營演礮。令其連放兩次。固有中牌者。亦有未中而能致遠者。亦有放出鉛丸半道落地。未

能到牌者。殊屬不成事體。即云礮位年久。間有損壞之處。亦應隨時早為修理。何至朕親閱之時。尚復任意點放。致鉛丸落地。竟未到牌。總由平日該管王大臣並不盡心督飭官兵演放所致。殊屬非是。嗣後務須嚴加訓練。務使一兵即有一兵之用。勉力演放。俱臻精銳。斷不可再致如此玩懈。視為具文。除將此次演礮之馬甲。交該管王大臣等重懲外。奕紹僧格林沁。綿岫。哈琅阿。均著交部察議。內

火器營翼長等著交部議處。○甲午。諭內閣。給事中汪報原奏本年辦理鄉場於士子亂號之弊。既經查出。仍復含糊不辦。請旨飭查一摺。著監臨監試御史明白回奏。此等亂號之弊。既經查出。自應照例辦理。若仍照舊將試卷發騰。則亂號者益無顧忌。辦理殊屬輕縱。查弊係該監臨等專責。儻經此次飭查。仍復回護徇隱。則其咎益重。將來別經發覺。惟該監臨等是問。○以鑲白旗蒙古副都統巴

清德管御槍處事。○河東河道總督栗毓美奏報秋汛安瀾。命詣

河神廟祀謝。並下部議敘。出力員弁。升敘有差。○賞故御前頭等侍衛德克莫銀二百兩。○乙未。諭內閣。御史章煒奏外省兵丁缺額。請飭嚴查一摺。國家設兵衛民。各省俱有定額。據該御史奏外省不肖營弁。於應有兵數內。虛捏姓名。冒支月餉。或遇兵丁事故。並不將冊內姓名開除。任聽缺久虛懸。隱為侵蝕

地步。迨操演時。雇人代替。該管將弁。明知其故。不肯認真查覈。以致營伍廢弛。一切守衛緝捕。不得實用。尚復成何事體。著通諭各直省督撫提鎮。統計標下兵丁。轉飭該管將弁。於有無缺額之處。逐層稽查。千總把總所管兵丁。責成都司守備稽查。都司守備所管兵丁。責成副將參遊稽查。每屆操演之時。其技藝生疏。不諳紀律者。立即指出追究。儻有臨時代替。冒支月餉等弊。該管將弁稟明督撫

提鎮據實嚴叅。如該管將弁徇私容隱。不肯稟報。即著該督撫提鎮查明叅辦。至各直省督撫提鎮。於整飭武備。尤宜留意。若任令兵不符額。儻有徵調。何以供折衝禦侮之用。嗣後務當嚴飭將弁。認真稽查。庶幾兵皆足額。餉不虛糜。用副朕訓飭戎行之至意。將此通諭知之。○又諭御史章煒奏。外省控案。牽涉胥役。請飭該管上司親提審辦一摺。奸胥蠹役。為害地方。遇有訟案到官。留難勒索。無弊

不為。地方官倚為腹心。藉通線索。間有具控上司衙門。仍發交該州縣自行審問。該州縣等回護胥役。自顧考成。勢必曲為開脫。胥役之弊不除。則訟端不息。如該御史所奏。外省京控之案。牽涉胥役得贓舞弊者。不可勝計。地方官如果留心訪察。何難立破奸私。儻徇庇不肖胥役。有意姑容。自必任性妄為。益無忌憚。著通諭各直省督撫。嗣後外省控案。有牽涉州縣胥役得贓之事。由該管知府親提

審辦。其牽涉知府胥役者。責成司道。牽涉司道胥役者。責成督撫。均各親提審辦。儻牽涉督撫胥役者。著各該督撫酌量事之大小輕重。分別奏咨辦理。儻具控後並不親提。輒仍發交各該屬自為彌縫者。經督撫查出。即將該管上司叅辦。各督撫務須認真察覈。遇有不肖胥役。作奸犯科。一經告發。不准稍事姑容。總期剔弊釐奸。痛加懲創。儻因牽涉屬員。徇隱回護。別經發覺。或被糾叅。定將該管上

司重懲不貸。將此通諭知之。○頒江南清江

浦

海神廟

御書扁額曰保障功巍。○兩江總督陶澍等奏報秋汛安瀾。命署河道總督麟慶詣

河神廟祀謝。予陶澍麟慶議敘。出力員弁。升敘有差。○緩徵陝西榆林縣被雹村莊下忙額賦。○丙申。諭內閣。據鴻臚寺卿黃爵滋條陳各事宜。朕詳加披閱。內謹天戒一條。請飭

欽天監嗣後將天象簿與晴雨錄一同進呈。並請飭各省地方官。凡地面所有災異。無論大小。據實奏報等語。欽天監掌測候推步之政。天道無言。視人事以為徵應。其有天象昭垂。均經該衙門據實奏聞。自可隨時省察。至各省間有水旱災祲。本屬隨時奏報。所奏著毋庸議。又廣賢路一條。請飭令中外大臣。各舉所知。以備試用。或特開一科。或兼設數科等語。國家設科取士。原以廣開賢路。上以實

求。下以實應。登明選公。真才自出。正不在別開科目。轉致言行罔顧。名實難符。所奏著毋庸議。又整戎政一條。請飭中外大臣。無論文職武職。文科武科。儻有洞明韜略。嫻習技藝者。據實保奏等語。戎行要務。惟在勤於練兵。慎於擇將。各直省督撫提鎮大員。誠能隨時申明紀律。訓練操防。不特兵皆勁旅。即可遴拔將材。若責令紛紛保奏。無此政體。所奏亦毋庸議。又立控制一條。請飭督撫大吏。於各

該省地方著名匪徒。實力查捕。除已犯重案治罪外。餘皆著名於冊。取其可用者。補編營伍。次充捕差。次充城署散役等語。此項匪民。自係失業為非。犯案較重者。既經懲治。至情節較輕者。量予開釋。原以冀其遷善改過。若取其智力可用者。補編營伍。次充捕差散役。此等匪民。儻故智復萌。與兵丁衙役聯為一氣。其弊更不可勝言。所奏亦毋庸議。又飭堆撥一條。稱近來京營各堆撥兵役日久偷懈。

百弊叢生。兵役名為捕賊。潛且恭賊。而番子為尤甚。著步軍統領衙門認真查察。至翼尉以下。如有吞餉包班。玩巡曠守等情。徹底清查。嚴叅治罪。其各處堆房柵欄。查有坍塌傾圮。一律修理。至城上堆撥兵丁。並不照例輪直。多有曠班雇替者。著查城都統等一併嚴查。儻有弊端。從重懲治。如該營弁徇隱故縱。立即嚴加叅處。又肅夷禁一條。請飭兩廣總督責成水師提督。嚴查大興山之屯船。及轉

運之快蟹。交易之審口。不准攜帶鴉片煙土等語。沿海水師。原以肅邊威而資抵禦。著該管督撫提鎮大員。認真操練水師。修理軍器戰船。以期警戒不虞。有備無患。至所稱廣東關口。江西等處河面。以搭查鴉片煙為名。需索客商。搶劫財物等語。著該督撫查明。如有似此擾累商民者。嚴行懲辦。毋許輕縱。總之有治人無治法。國家用人行政。規制大備。內外臣工。果能實力實心。奉行匪懈。將見綱紀

肅清。吏治民風。自可蒸蒸日上。正無庸多設科條。紛更成例為也。○諭軍機大臣等。有人奏直隸永清縣。有巨盜田名望。一號賽雄信。又號小孟嘗。與東安縣葛兒城之劉玉。一號天王劉玉。天津縣楊村之趙振邦。其父名狗雄。東安縣渚河港之陳二禿子。天津縣之高一桂。穆四。穆五等。歆血訂盟。共有二十餘人。南八縣地方。皆有窩子聚處。坐地分贓。地方官不敢往拏。故多諱盜改竊。劉玉係縣捕頭。

為田名望之走線。趙狗雄父子多錢。為田名望之保家。與京中番役交通。番子所養之賊。名土番子。皆田名望等之徒。田名望頗有技勇。時常身帶截手刀。潛入京城。蹤跡詭秘。即有知者。不敢聲張。恐被其報復。從前直隸總督那彥成。曾訪得田名望。因無顯著案跡。其人請以緝匪自效。後那彥成去官。田名望更無畏懼。其徒愈聚愈眾。且彼既與番子交通。查拏非易。又聞其習有邪術。善熬刑審等語。

著琦善密速查拏。務獲到案究辦。並嚴審劉玉。趙振邦等。確切根究。有無不法實情。按律懲辦。以儆兇邪。而杜後患。將此諭令知之。尋奏嚴訊各犯人。各一類。事不相侔。妄無歆血訂盟。邪術熬刑情事。惟田名望於兩次軍徒之後。復藉幫捕為名。招匪肆竊。聚賭包倡。種種不法。擬從重發往新疆。給官兵為奴。到配枷號刺字。餘犯分別擬以軍流。下部議。從之。○丁酉。諭內閣。向來頒詔。俱派中書筆帖式

等員齋赴各省。嗣後著由驛頒發。毋庸派員前往。○又諭。前據給事中汪報原奏。本年鄉場士子亂號。既經查出。仍復含糊不辨。當降旨交該監臨監試御史明白回奏。茲據奏稱。士子領卷歸號。逐一挨查。惟二場餘字號監生楊世淇亂號。當即照例扶出。其餘均屬安靜等語。場中士子眾多。亂號之弊。不能保其必無。該給事中既未將亂號名姓據實指參。無從究辦。惟嚴查弊端。係該監臨等專責。嗣

後務當遵照定例。實心查察。遇有亂號士子。即當認真嚴辦。不准託詞以人數眾多。意存姑息。將來別經發覺。或被科道糾參。惟該監臨等是問。○又諭。御史況澄奏。山西趙城縣邪匪滋事。請將歷任失察文武各官議處一摺。據稱邪匪曹順。自道光二年習教。延至本年三月。謀逆戕官。該地方歷任文武各官。均有失察之咎。且人數眾多。其籍隸地方。斷不止二三州縣。該撫僅將承緝教犯之前任知

州宣麟。張循儀。二員奏參塞責等語。此案曹順聚眾滋事。經該撫帶兵前往督辦。甫逾三月。勦捕戡事。辦理尚屬妥速。前經降旨將該撫應得處分。加恩寬免。至曹順等習教十有餘年。各該地方官。果能平時留心查察。認真懲辦。何至釀成巨案。若不將該管官並專汛兼轄統轄各員。分別議處。無以懲怠玩而儆將來。所有此案失察邪教之文武各員及該管上司。著該撫即查取職名。奏明交部議處。

○又諭。御史韓榮光奏。請飭各省認真查辦匪黨一摺。會匪邪教。最為地方之害。該管員弁。果能於未經發覺之先。妥速緝辦。自能消禍未萌。除惡務盡。儻因循諱飾。姑息養奸。其貽害地方。實非淺鮮。各省大吏。更當先事豫防。豈容任其多方隱諱。以致釀成巨案。嗣後直省各督撫。務當認真率屬。嚴飭文武員弁。等破除積習。實力整頓。稽查保甲。勤修軍實。仍時時留心訪察。一遇有會匪邪教。立將首

從各犯拏獲分別治罪。固不得縱任差役。擾累良民。亦不得規避處分。養癰貽患。該員升等果係豫為偵緝。妥速辦理。其從前失察處分。或可加恩寬免。儻仍消弭不辦。即將該員升等嚴叅究辦。毋稍姑容。該管上司若竟視為具文。並不督屬力加懲治。亦即一併從重治罪。決不寬貸。將此通諭知之。○諭軍機大臣等。御史況澄奏。山西各州縣地方富戶。每年有交官陋規銀兩。按節按季呈送。為數動逾鉅萬。地方官遇有該富戶交涉事件。勢必曲為瞻徇。又該省富民。於控告案件。不惜財費。賄囑官吏。以致聽斷未能平允等語。州縣為牧民之官。理宜潔己奉公。清白自矢。若如所奏。平時收受富民陋規。動逾鉅萬。是該地方官不知自愛。與部民私相往來。偶有交涉事件。尚安望其破除情面。秉公審訊耶。至富民控案。以財行求。尤屬大干法紀。不可不嚴行查究。著該撫認真查察。如所屬州縣各官

內。敢有收受陋規。遇事徇庇。及大小詞訟。賄託舞弊。一經查出。即行指名嚴叅。按律懲辦。儻仍狃於積習。一味姑容。再有前項弊端。別經發覺。惟該撫是問。將此諭令知之。○以兵部右侍郎史譜。知武舉。禮部右侍郎陳嵩慶。為武會試正考官。都察院左副都御史潘錫恩。為副考官。○戊戌。調鑲白旗漢軍副都統蘇隆阿。為京口副都統。以太常寺少卿毓書。為鑲白旗漢軍副都統。○實授麟慶江南河道總督。○己亥。諭內閣。麟慶奏請申禁占種湖河灘地。並酌定啟放水誌一摺。駱馬湖蓄水濟運。為邳宿運河扼要之區。據該河督履勘。淤淺現經過半。設遇上游水小。重運經臨。已屬可慮。若再任意侵占。必致淤蓄無地。可容其下游之六塘河。近來又漸私種。去路不暢。宣洩亦難。自應及早嚴禁。著該管督撫等。嚴飭地方官隨時查勘。申明舊章。將湖內私築圩堰。並道光二年定案後越占淤灘。概行

禁除其六塘河灘地如有私墾占種等弊著一體禁止。僮有生監藉詞阻撓胥吏扶同弊混即行按律治罪。或該地方官查禁不力及營弁惟利是圖即著該河督等會同嚴叅示懲。至舊河尾啓放水誌著定為一丈五尺仍責成該管道廳相機啓放以昭限制。○又諭程祖洛等奏請將捕盜不力之鎮將員弁分別議處革職一摺。閩浙水師鎮將員弁巡緝洋盜是其專責。果能實力追捕何至匪徒乘

時竊發。茲據該督等查明浙江洋面竟有盜船五隻。遊奕多時。一月之間盜劫及拒捕殺人案件至九起之多。甚至哨船軍器被劫。弁兵受傷。捕務廢弛已極。黃巖鎮標中營遊擊張思銘左營遊擊胡得耀護右營遊擊事左營守備邱廷章著一併革職。暫行留任。邱廷章尚有疏防拒捕之案。著革去頂帶。黃巖鎮總兵湯攀龍督率無方。著交部議處。定海鎮標右營守備林昇平抗違節制調度乖方。外

委張玉恩巡防疏懈著一併革職。在海濱加號三箇月示眾。外委周學鵬雖失機宜業已受傷著與應援遲誤之額外嚴承榮一併斥革。仍各棍責四十。定海鎮總兵莊芳機護定海右營遊擊事寧海左營守備孫鼎鼐失察林昇平擅調汛地著交部察議。該督等仍責令湯攀龍莊芳機督飭各將備員弁勒限三箇月查拏行劫拒捕各犯務獲究辦。僮限滿無獲即行據實嚴叅毋稍姑息。又另片奏。此

紫盜船五隻。經莊芳機擊沈一船。海壇鎮營牽獲一船。又聞遭風擊碎二船。其曾武一犯現據所獲夥盜供稱只賸一船潛匿浙洋等語。曾武為著名巨盜日久未獲。既經潛匿浙洋何難追蹤捕獲。該督即咨會浙江福建各巡撫委員購線會同地方官嚴密躡緝。務與在洋行劫之逸盜陳沅一併弋獲。按律懲辦。毋任聞風遠颺。至所稱曾武僅賸一船。又遭風擊破二船之處既無確據仍著詳晰查明

實在下落。毋稍含混。○又諭瑚松額奏請將誤派防兵之署總兵暨失察之提督分別議處。並著賠支項一摺。陝甘各營本年應派葉爾羌咨調換防官兵。其西安鎮有應撤官兵等員名。毋庸派換。署總兵任貴邦於原行文檄。並不小心查明。率行誤派前往。迨行抵肅州。甫經覺察具報。實屬粗率。提督胡超於該署總兵咨詢領兵參遊大員。當時未能查照。派撤原文。分晰指駁。即以已派慶陽營參將

吉昌咨覆。亦屬疏忽。署西安鎮總兵任貴邦固原提督胡超。著交部分別議處。此項誤派防兵。業經撤回。所有往返支領行裝車價。及應付鹽糧等項。著該署總兵任貴邦賠繳六成。提督胡超賠繳四成。歸還原款。以重帑項。○禮部奏十月初十日。

皇太后六旬萬壽聖節。應行禮儀。得旨是。照例行禮筵宴。○庚子。

上詣綺春園問

皇太后安。○諭內閣朕近日閒看兩翼前鋒八旗護軍等步射。各旗俱有中箭之人。惟正藍旗護軍等步射雖可。而弓力過輟。總由該管護軍統領等平日並未嚴加管束。妥為訓練所致。殊屬非是。裕誠前在正藍旗護軍統領任內有年。似此輟弱兵丁。皆係伊挑缺時並不留心弓力。草率挑取之所致。裕誠著交部議處。達哈布署理將近一年。朕所看步射之護軍等。皆係伊所挑取。亦屬不合。達哈布著

交部察議。嗣後管理旗營大臣。各將所轄兵丁。妥為管束訓練。務期一律挽強。命中。悉成勁旅。斷不可疏懈。○又諭臬毓英等奏會勘支河。詳籌妥議一摺。東河原陽雨汛。隄工攸關緊要。前經該河督奏請於兩岸土工碎石項下。通融支應。茲據查明。現在支河分溜。已有六分。而王屋莊口寬勢順。現有之甄土各壩。未可深恃。原武十五六堡。坐當王屋莊河口頂衝。並有秦家廠鹽店莊各路灘水。串溝

匯注其十八堡至陽武四堡及十三堡。又皆切近河身。十六堡為舊日口門。十七堡當支河尾閘。皆係險要之區。亟須貯料防備。所估稽麻碎石三項。估需銀九萬餘兩。著准其在於藩庫籌款發辦。分貯原陽兩汛。以資備防。勒限年內全數貯工。與歲添各料一體覈實查驗。儻有虛鬆短少。即著將承辦廳員嚴行叅處。其原陽兩汛備防夫工銀兩。著該河督於各廳來年例支項下。隨時那用。不准另行

請撥。此項料物來年如可不用。或用有餘存。著即抵撥下年歲添各料。斷不准稍有虛糜。○以內閣學士倭什訥署鑾儀衛鑾儀使。○辛丑諭內閣。前據敬敏等奏。工部郎中嵩曜呈請代奏一摺。當降旨著載銓明白回奏。並派大學士。軍機大臣。傳集嵩曜等訊明具奏。茲據大學士。軍機大臣將傳訊嵩曜等各供詞呈覽。與載銓所奏情節相符。嵩曜等係工部派充總辦奉移事宜司員。載銓身任工部

堂官。其於各員沿途差務。自當備細查詢。係為慎重公事起見。並無不合。至嵩曜係定親王奕紹哈琅阿。並非包衣可比。載銓在官言官。與屬員講論公事。不應牽引及此。措詞過當。實屬粗率。載銓著交宗人府議處。嵩曜於載銓稱為家裏人之語。當以是哈琅阿明白登覆。尚無不合。惟於差竣後具呈轉請代奏。恐開屬員訐告之漸。此風斷不可長。嵩曜著交部議處。○又諭給事中常大淳奏請通飭

各省滿洲駐防並水陸營伍。覈實整頓一摺。國家修明武備。設立營伍。蒐簡軍實。操防訓練。必申儆於無事之時。務期紀律嚴明。器械堅利。一有緩急。備禦足恃。方能為國宣力。足稱干城之用。內而八旗勁旅。外而駐防綠營。有將軍都統督撫提鎮以資統轄。陸路水師。各歸專轄。所以扼重鎮而壯軍威。自應常川練習。覈實整頓。毋任稍有曠廢。俾有一兵即收一兵之用。若如該給事中所奏近來各省

滿洲營則生齒日繁。習尚日漓。往往競繁文而薄騎射。廢棄本業。別圖進身之階。風聲氣習。迥非古風。漢營則糧額多虛。老弱復濫行充數。秦盜窩倡。恃為生計。甚或因悍逞驕。其漸更不可長。陸路則捕務廢弛。護解疏忽。水師則江防海防。類多疏縱。盜船夷船。肆無畏忌等語。兵之強弱。視乎練兵之勤惰。若平日不能隨時整飭。認真操演。怠玩從事。相率效尤。遂致該兵丁等隸名營伍。步伐茫然。一旦有事徵調。其能知紀律者。寥寥無多。我朝以武功開國。法制周詳。承平既久。積弊日深。不可不大加整飭。著通諭各直省將軍都統督撫提鎮等。務各振刷精神。破除積習。嚴飭各營員弁。於所轄兵丁。認真訓練。俾成節制之師。勿應虛文。勿徇情面。各省駐防。則革除浮靡。勤習騎射。綠營則嚴覈糧額。重懲遊惰。陸汛則整頓緝捕。以獲犯之多少為功罪。水師則嚴行巡邏。以汛防之安靜為責成。加之以

體恤。申之以紀律。務使兵皆有用。餉不虛糜。如有仍前弊混。不知悔改者。著即據實嚴參懲辦。以簡軍實而肅戎行。又另片奏。州縣額設民壯。請簡募充補。勤加訓練等語。民壯一項。以守護倉庫監獄護送過境餉鞘人犯為事。若徒令坐糜工食。為蠹閭閻。名實不符。殊乖立制之意。著各省督撫嚴飭各該地方官。於額設民壯。簡募壯丁充補。勤加訓練。如有不知技勇。及老弱充數者。責成該管知府照例揭參示懲。以戢奸頑而資捍衛。○兩江總督陶澍等奏。驅逐喫咕喇夷船出境。得旨。辦理甚好。仍須嚴飭沿海文武。不時稽查。小心防範。斷不准稍涉大意。尤當嚴禁內地無知圖利之人。暗中接濟勾通。是為至要。毋忽。○給兩淮板浦中正兩場被淹竈丁一月口糧。○壬寅。諭內閣。昨因載銓查詢該部司員嵩曜沿途差務。措詞過當。並嵩曜負氣具呈。當降旨將載銓交宗人府嵩曜交部議處。因思

雍正嘉慶年間曾經奉有

諭旨疊加

訓飭當著軍機大臣恭錄進呈朕恭閱雍正四年間

諭旨內載從前下五旗之人其心只知有君上不知有管主朕事事效法

祖宗願爾等亦效法爾之祖父忠誠自矢一念不移又嘉慶二十年間

諭旨內載景安係一品大臣被昭梈指稱係其

屬下隱忍不行參奏殊屬非是

聖訓煌煌所以垂誠臣工者至為詳備允宜永遠遵守著通諭各該旗王公等嗣後當懷遵訓諭益矢恪恭不可稍存自大之意從前下五旗佐領分與諸王等令其管轄作為哈喇阿並非包衣可比國家承平日久各旗人員均屬滿洲臣僕朕一律看視望其為國宣力各摠忠誠該王公等當知哈喇阿人等為國信任使之不得盛氣凌轡率意指摘該哈喇

阿人等亦不得曲意逢迎顯違定制其各懷

遵毋忽○癸卯諭內閣本年順天鄉試取中

舉人著於本月二十一日在圓明園正大光

明殿覆試並著國子監順天學政查明各該

生科試錄科原卷封送軍機處以備派出閱

卷之大臣查對筆跡其磨勘籤出應議之卷

仍著該部照例辦理嗣後每遇鄉試應否舉

行覆試於揭曉後臨時請旨○又諭前據給

事中汪報原奏本年鄉場士子亂號既經查

出仍復含糊不辦當降旨交該監臨監試御

史明白回奏旋據該監臨等聯銜具奏入閣

後查出二場餘字號監生楊世淇亂號當即

照例辦理茲據光祿寺少卿曾望顏奏參監

臨覆奏不實請旨嚴飭查辦著監試給事中

佛恩多德成御史宗慶多斌帥方蔚馮元錫

袁文祥劉夢蘭各自具摺據實覆奏不准彼

此商同含混隱飾稍有不實不盡如果據實

陳奏尚可量加寬宥儻仍含混諱飾則是有

心蒙蔽。甘蹈欺隱之習。即不得為大清國臣子矣。朕言出法隨。該監試等具有天良。其各力漸積習。直陳無隱。勿貽後悔。○以大學士文孚為滿洲繙譯鄉試正考官。大理寺少卿關聖保為副考官。內閣侍讀學士文德和。理藩院員外郎福謙為蒙古考官。○以步軍統領衙門郎中咸齡為吉林副都統。○賞廣安門外普濟堂煮賑小米三百石。○甲辰諭內閣。本年順天鄉試取中舉人。昨降旨著於本

月二十一日。在圓明園正大光明殿覆試。著該部即做照會試覆試例趕緊辦理。並著傳知該取中舉人等。取具同鄉京官臨場識認印結。送部覈辦。聽候覆試。其未經奉旨之先。如有出京回籍者。一時未能趕到。著該部查明人數。奏明請旨。酌予期限。行知各該省飭令赴部齊集。聽候示期覆試。其實有患病等項事故。不能赴考。取結報部。仍著照乾隆年間舊例。以下三科為限。補行覆試。如有託故

不到。此三科內並未覆試者。顯係意存規避。著永遠不准赴會場考試。亦不准赴吏部截取銓選。○又諭奇明保等。詢明派委卡倫班次糊塗輕率之人員。參奏一摺。俄羅斯交界卡倫。甚為緊要。不容一日曠誤。該總管沙克都爾車稜。副總管車稜多爾濟。率行派傳卡倫官員。致曠緊要卡倫之班。甚屬不曉輕重。沙克都爾車稜。車稜多爾濟。均著交部議處。○乙巳諭內閣。昨據光祿寺少卿曾望顏參

奏。監臨等覆奏不實。請旨飭查。當降旨令監試給事中佛恩等多據實覆奏。本日據佛恩等多等各自具摺明白回奏。所稱情節大略相同。此次順天鄉試。既將號單逐號散給。令各該生親書姓名年貌籍貫。自應與號戳底簿逐細覈對。方可得其亂號實據。即因為時甚促。未及逐一覈對。遽經有旨飭查。該監臨監試等。自當將實在情形。據實覆奏。並將從前未經奏明之處。自請交部議處。乃該監臨等

聯銜具奏。僅稱查出二場餘字號。監生楊世淇亂號。當即照例辦理。其於填寫號單。未及與號戳底簿詳晰覈對。並不據實聲明。實屬含混。監臨惟勤蔡世松。監試給事中佛恩。多德威。御史宗賡。多斌。帥方蔚。馮元錫。袁文祥。劉夢蘭。俱著交部嚴加議處。嗣後鄉會試號單底簿。互相覈對。有無窒礙難行之處。著禮部查覈具奏。至前交刑部收管聽訊之至公堂當差書吏。尚無弊竇。著即釋放。○又諭本

年鄉試宗室中式舉人。著於本月二十一日一體覆試。○旌表守正被戕直隸東光縣民婦徐孫氏外孫女張大姐。○丙午

上詣綺春園問

皇太后安。○命大學士文孚。馳往熱河。會同都統嵩溥審案。○漕運總督朱為弼。因病解任。實授恩特亨額。漕運總督。○丁未。諭內閣。前據黃爵滋奏。參四川布政使李義文。素性乖謬。遇事把持各款。又順慶府知府金齊賢。阿

年力衰頹。官聲狼籍。當有旨諭令寶興隆文。王篤嚴密確查。據實覆奏。茲據寶興等將所查情節。各行具摺奏到。朕詳加披閱。內如黃爵滋所參李義文。挾制總督鄂山。此次勦辦夷匪。聽憑武弁指揮裝點。所稱殺賊焚巢。多非實事。一節。據寶興查明。詢之回省將弁。均稱此次官兵。由冷磧關分兩路攻破石門坎。深入夷巢。追殺直至涼山。並面詢提督余步雲。所言亦大略相同。隆文則稱各處番夷。甚

知畏懼。王篤又稱嘉眉等處地方官。僉稱此番焚賊巢穴。奪出米糧。地方賴以安靜等語。是殺賊焚巢。尚無裝點情弊。至保舉軍功一節。據寶興等查明。該藩司原保文職五十六員。武職三百五十餘員名。經該督以其過優。裁去文員三十餘人。武弁等二百餘人。是鄂山於該藩司所保軍功人員。從嚴駁減。並無冒濫。即此一端。鄂山之不為該藩司挾制。已可概見。又所參候補知府呂延慶等聲名狼

籍。善於逢迎一節。據王篤訪之。未得保舉之人。僉稱呂延慶辦理糧餉。極為撙節。巴州知州薛濟清撫卹流民。辦理合宜。寶興復稱呂延慶薛濟清典史史敬程三人。並無逢迎實據。呂延慶薛濟清。此次辦理糧臺。尚為得力。又地方文武遷調。李義文高下其手一節。據寶興等查明武職遷調。向由各鎮詳稟。寶興藩司無涉。文員遷調。係由兩司會詳。與總督商酌辦理。隆文奏在省時。即見有兩司詳請調繁。經總督批駁不准之案。是各員遷調。李義文不能高下其手。惟該藩司往往先委後詳。致招物議。嗣後著鄂山嚴行禁止。毋許於未經上詳之前。先懸委牌。以符定制。惟所叅知府金齊賢阿一節。既據寶興等均稱該員性好安逸。年力就衰。金齊賢阿著即勒令休致。○諭軍機大臣等。本日據富呢揚阿奏。越境潛居之哈薩克。現在已經搬移者二千餘戶。惟伊扎噶土帶領六百餘戶。藉稱懼怕額

爾格呢克等處哈薩克搶奪。不敢西去。轉向東移。至花額爾齊斯烏蘭胡素地方。其已搬之哈薩克。亦俱停留觀望等語。向來哈薩克潛入烏梁海境。均係科布多會同塔爾巴哈台委員驅逐。今伊扎噶土託詞延宕。科布多官員無從折辦。其誣伊扎噶土係哈薩克公阿濟屬下之人。著棍楚克策楞速派幹員。前往科布多。將該哈薩克帶回查訊明確。妥為辦理。並飭土爾扈特盟長烏梁海散秩大臣。出派官兵。就近跟隨科布多派出委員。前往彈壓。以杜哈薩克深入。而安烏梁海眾蒙古之心。如果伊扎噶土仍復遷延不移。即著該委員等嚴拿從重懲辦。以免輟轉煽惑。務俾遊牧之地。迅就肅清。方為不負委任。將此各諭令知之。尋富呢揚阿奏。伊扎噶土延抗玩法。應照不應重律。鞭八十。枷號三箇月。並派兵行查。隨時驅逐。報可。○轉刑部右侍郎康敬為左侍郎。以馬蘭鎮總兵官特登額為刑

部右侍郎。都察院左副都御史容照。為馬蘭鎮總兵官兼總管內務府大臣。○調正紅旗漢軍副都統常德為鑲紅旗滿洲副都統。以兵部右侍郎恩桂兼正紅旗漢軍副都統。○戊申。諭內閣。前據岳鎮南奏。參湖南永州府知府林倬奎精神衰邁。操守卑污。各款。當有旨交訥爾經額。吳榮光確切查明。據實具奏。茲據該督等奏。稱林倬奎於命盜未結雜案。實因犯供翻異。人證未齊。並非任意耽延。其

任縱家丁需索一節。查明該員家丁計姓即紀三。曾因騙借祁陽縣門丁馬大錢文。經巡撫訪聞飭拏。審擬滿流。該府自行檢舉。例得免議。此外並無需索州縣節禮門包情事。其爭山斃命。並不查驗。速結一節。據稱該員因審轉遲延。業經附參。其案內生員唐稽古被曹良書誤控主毆。亦經質明省釋。實未濫行羈押。至所參道州士民立碑州署。該員袒護書差。並不詳稟。據稱該州刁民蔣燦等因該

府所出示內。有書役空缺。由里甲選舉之語。增改告示。立碑州署。欲將現充書役。概行另舉更換。圖索謝錢。該府業將石碑毀碎。曾經具稟。並非匿不詳報。其擡碑及聚觀者。僅數十人。實無四五百人之多等語。永州為犄角重地。政務殷繁。在在均關緊要。該員林倬奎。雖據查明。並無貪婪劣跡。惟年近六旬。心力漸形遲鈍。難勝知府之任。著即勒令休致。○諭軍機大臣等。朕聞糧船水手。類皆無籍匪

徒。性成獷悍。均由習教之老管師父招雇上船。各分黨羽。恃眾逞強。以致在途互鬪殺傷。劫奪行旅之案。層見疊出。即如上年山東清平縣地方。有廬州二幫水手王汶舉等鬪殺多命。今春鎮江前後兩幫水手復敢藏匿刀械。施放火器。各案。是水手逞兇滋事。江浙幫船為尤甚。而此外各省。恐亦有此惡習。朕因科道陳奏。屢經降旨。諭令有漕省分及沿途各督撫。漕運總督。嚴行查察。隨時懲辦。不啻

至再至三。乃兇悍之風。至今愈熾。推原其故。總由此等匪徒。愍不畏法。即遇有重案。審明後。正法數人。該匪徒等亦祇視為故常。毫無警畏。幾成積重難返之勢。現在辦理新漕。若不乘此痛加振作。力清其源。年復一年。伊於何底。儻釀成巨案。尚復成何事體。因思各省幫船。為數眾多。糧道總運各員。稽查容有未周。且運弁既慮生事端。旗丁復受其挾制。其沿途州縣營汛各員弁。又因漕船行走。不准

停泊。即有械鬪搶劫各案。只得將就了事。無誤漕行。因而化大為小。化有為無。雖奉嚴旨飭查。輒以並無案據為詞。一奏塞責。而居民商旅。隱受其害者。實不知凡幾矣。又何怪該匪徒等肆行不法。有時而無恐耶。似此積習相沿。深堪痛恨。與其懲治於事後。不若防患於未然。嗣後各幫漕船受兌之先。如何責成旗丁。募雇確有籍貫之人。充當水手。不由老管師父盤踞把持。私相庇護。至所過地方。如

何令幫弁旗丁。認真管束。毋許滋事。儻有鬪毆搶劫等案。州縣營汛。立即捕拏治罪。不得因屍身拋棄。首告無人。輒為諱匿不究。其一種竊賊。名為放散風者。如何設法稽查。不許隨船行走。著有漕省分各督撫。漕運總督。接奉此旨。即將近來所有弊端。虛衷商榷。實力講求。得其致患之源。破其久沿之習。通盤籌畫。因地因時。毋畏難而苟安。毋因噎而廢食。所有一切章程。總期提綱挈領。簡便易行。俾

匪徒毋敢溷跡。而漕政永保肅清。方為妥善。有治人而後有治法。該督撫等均有兼轄漕務之責。其各體察情形。悉心妥議。據實詳晰具奏。至江廣各幫。向募本籍之人充當水手。惟浙江幫船。係雇他省水手。類多無賴之徒。把持盤踞。沿途往往滋事。嗣後水手。應如何責成。該旗丁等。招雇本籍之人充當。著該撫一併查明。妥議具奏。將此各諭令知之。○緩徵陝西葭州被雹村莊下忙額賦。○己酉。諭

內閣此次繕譯鄉試中式舉子。著於本月二十八日。在乾清宮覆試。○庚戌諭內閣。前降旨。將本年辦理鄉試之監臨監試等。交部嚴加議處。茲據吏部遵旨嚴議具奏。此次順天鄉試。特派惟勤蔡世松。入閣監臨。整肅場規。稽查弊竇。是其專責。如果實力稽察。嚴密防閑。遇有弊端。立即懲辦。俾場中積弊肅清。庶足以甄別人材。振興士習。該監臨等於士子有無亂號。既未認真詳查。迨經給事中汪報

原劾。參特旨查詢。又不將實在情形。據實覆奏。含混隱飾。其咎更重。惟勤蔡世松俱著照部議降二級調用。以示懲儆。監試給事中佛恩等多於場中亂號之弊。未經查出。咎亦難辭。姑念前此聯銜覆奏。係隨同監臨具摺。經朕降旨覆詢。該監試等據實直陳。尚無隱飾。自應量加寬宥。給事中佛恩多德成。御史宗賡師方蔚多斌。袁文祥。劉夢蘭。馮元錫俱著加恩改為降四級留任。不准抵銷。六年無過。

方准開復。○以內閣學士吉倫泰為理藩院右侍郎。○以宗人府府丞李振祐署順天府府尹。○辛亥。以大學士長齡署正白旗滿洲都統。○以奉天府府丞田嵩年為順天府府尹。國子監祭酒翁心存為奉天府府丞。兼提督學政。○禮部議准。湖南巡撫吳榮光疏報。採訪醴陵縣貞節婦女鄒蘇氏等三百九十口。請建總坊旌表。從之。○戶部議准。江西巡撫周之琦疏報。豐城縣開墾水田十畝。有

奇。廣豐縣九十五畝。有奇。照例升科。從之。○壬子。

上詣綺春園問

皇太后安。○諭內閣。昨於正大光明殿覆試本年順天鄉試。取中舉人。特派大臣嚴行校閱。分別等第進呈。並派令將原卷逐細磨對。朕親加披覽。其列八等之徐榮等十一名。列八二等之靈桂等二十五名。列八三等之何殿慶等七十八名。俱著准其中式舉人。照例

會試。其列入四等之王敬承等五名俱著罰停會試三科。列入四等末之章昇槐及不入等之伊昌阿。孫謙俱著革去舉人。其筆跡不符之葉卓桂。文理不符之戴頤承恩。文理筆跡均不符之珠隆阿俱著革去舉人。派大學士。軍機大臣。會同宗人府刑部嚴行審訊。○又諭陶澍等奏勘明封禁山場。請仍照舊封禁。並籌議稽查辦理章程一摺。封禁山界連江西。福建。浙江三省。山高路險。可墾之地無多。且恐奸徒牟利。闖入其中。聚眾滋事。著仍照舊封禁。所有江西舊設卡汛二十處。福建舊設卡汛六處。並定有會查稽察章程。俱著照舊辦理。惟游民入山。汛兵失防。每易推諉。必應嚴分界限。以專責成。所有上饒廣豐所屬禁山內口八汛。如有私種之人一經拿獲。訊由何口進山。即將該口汛兵照例懲辦。若未經獲犯。查明私墾之地與何口附近。亦將該口汛兵照例懲辦。其閩省所設六汛俱在

外口。皆與入山路徑相去不遠。如有前項入山偷種情事。守口汛兵亦著照上饒廣豐一律查究。該督等務須嚴飭地方官實力奉行。嚴密稽察。不得日久視為具文。仍致有名無實。○修湖北潛江鍾祥京山天門沔陽漢川六州縣臨江隄岸。從總督訥爾經額等請也。○修浙江西塘柴埭各工。從巡撫烏爾恭額請也。○癸丑。

孝慈高皇后忌辰。遣官祭。

福陵。

上詣

大高殿行禮。○還宮。○以孟冬時享

太廟。自是日始齋戒三日。○甲寅。遣官祭

歷代帝王廟。○諭內閣給事中周開麒奏請整頓營汛。夜巡一摺。據稱京城前三門外。設有巡捕南營。原以盤詰奸宄。綏靖居民。近來營汛堆撥。夜間寂無柝鐸。暗無燈火。竟有僅存空屋。並無兵丁守夜之處。請責成巡城各

科道親出巡查。並稽察曠誤將弁等語。京師外城密邇重地。設有營汛堆撥。募布星羅。全在步軍統領衙門實力整頓。該營將弁等不分晝夜。梭織巡查。宵小自無從涸跡。乃僅派筆帖式於關城時出城抽查。各汛兵丁多係雇替。何怪夜巡曠廢。有名無實。嗣後前三門以外地面。著責成步軍統領及左右翼總兵。嚴飭南營各將備督率弁兵。認真夜巡。儻查有仍前曠誤情弊。即行從嚴叅處。毋稍姑息。

並著巡城各科道一併周歷查察。如有將弁曠誤夜巡者。即據實叅奏。以肅營務而靖閭閻。○又諭前經降旨將覆試筆跡不符之葉卓桂革去舉人。交大學士等嚴行審訊。並令步軍統領衙門。速將歸案辦理。昨據耆英等奏。遴派營弁番役等。前往肇慶會館查傳。業經尋見葉卓桂。因未有傳票。回署稟覆。及至持票往傳。葉卓桂已不在館中等語。當即召見耆英。尚稱葉卓桂定在館中。不至遠颺。本

日復據奏稱葉卓桂現在查傳無蹤者。英既稱遴派番役等前往查傳。已經尋見。自當即時拿獲。乃始則任其抗傳。繼則藏匿無蹤。實屬不成事體。耆英著先行交部議處。仍著嚴飭汛弁番役等跟蹤迅即查緝。予限五日。儻致遠颺。惟耆英是問。至所奏看館之孔幅。白玉有無知情故縱。著交刑部根究。○乙卯。

孝敬憲皇后忌辰。遣官祭泰陵。○

孝慎皇后殯宮月祭。遣官行禮。○諭內閣。郭順安自簡任山西巡撫。諸事疲輒。不能實力整頓。即如本年三月。趙城縣逆匪糾眾滋事。焚署戕官。該匪等不過烏合之眾。一經官兵進剿。即紛紛逃竄。立就肅清。其失察習教傳徒各員。無難迅速查明。奏請處分。該省距京甚近。遲至半年。尚未入奏。河東道但明倫。霍州直隸州知州惠馨。於所屬匪徒滋事。未能先事覺察。轉為奏請寬免處分。流犯褚勤。係擬

斬滅流之犯。即使奮勇出力。該撫不過自行酌量給獎。乃遽行入奏。均屬非是。至此大保奏各員。文職多至十餘人。武職僅止二員。流犯尚請予釋罪。而弁兵竟無出力可保之人。該撫兼提督銜。節制各鎮。營務皆其所轄。乃一遇地方不靖。竟似全藉文員料理賊事。而行伍出力者轉少。則是武備廢弛。平日不能認真訓練。已可概見。山西事務較簡。辦理尚如此竭蹶。鄂順安實不勝巡撫之任。著降為

三品頂帶。補授盛京禮部侍郎。○兩江總督陶澍等覆奏。灌塘漕船。若豫定數目。守前待後。多有格礙。至塘河業已展挑。本年並將新替二河。啓壩相通。現難再展。惟西南隅略有隙地。俟明年重運過竣。再行察看辦理。從之。○以吏部左侍郎申啓賢為山西巡撫。調禮部右侍郎陳嵩慶為吏部左侍郎。以內閣學士卓秉恬為禮部右侍郎。調盛京刑部侍郎貴慶為刑部右侍郎。刑部右侍郎特登額為

盛京刑部侍郎。○命盛京禮部侍郎普保。來京。○命山西布政使徐鏞來京。調雲南布政使經額布。為山西布政使。以甘肅按察使伍長華。為雲南布政使。河南開歸陳許道慶林。為甘肅按察使。○以捐修江西清江縣圩隄。予縣丞李世康等升敘有差。○以勦辦山西趙城縣逆匪出力。並捐輸軍餉。予知府王茂松等升補議敘有差。○予殉難捐軀山西趙城縣兵丁王俊等三名賞卹有差。旌表監生

衛厥貴等十一名。婦女衛王氏等十二口。○修直隸保定府城垣橋座。從總督琦善請也。○修江蘇寶山縣海塘土石各工。並添建石壩。從總督陶澍等請也。○戶部議准廣西巡撫惠吉疏報。天保縣開墾水田五埧一伯一什有奇。照例升科。從之。○緩徵江西金谿崇仁。樂安武寧臨川宜黃南城弋陽貴溪九縣被旱歉區額賦。

[illegible]

大清宣宗效天符運立中體正至文聖武智勇 仁慈儉勤孝敏成皇帝實錄卷之二百七十二	<small>臣等謹將宣宗憲皇帝實錄卷之二百七十二條開列於左宣宗憲皇帝實錄卷之二百七十二條開列於左宣宗憲皇帝實錄卷之二百七十二條開列於左</small>	<small>天府府官孫德壽加五級紀錄八次賞補總管官孫德壽加五級紀錄八次賞補總管官孫德壽加五級紀錄八次</small>	<small>七倉大臣得察會同得體事務加一級道事加六級掌功加二級紀錄五次自北沙勒止順寧天門開張開寧北都而當總管內務府大臣鍾和孫滿洲副統精泰內七倉大臣管理宗人府總管尤其如官學監庫官衛明恩等處行校實加各級唐加奉主</small>	<small>學院進修處事務理事加八級口阿重阿副統官總署官部高書匯帶加六級紀錄二十次用世塔等奉</small>	教修	道光十五年乙未冬十月丙辰朔享	實錄卷一百五十一	太廟	上親詣行禮○遣官祭	永陵	福陵	昭陵	昭西陵	孝陵	孝東陵	景陵
--	--	---	--	---	----	----------------	----------	----	-----------	----	----	----	-----	----	-----	----

泰陵

泰東陵

裕陵

昌陵○遣官祭

孝穆皇后

孝慎皇后殯宮○遣官祭

端慧皇太子園寢○頒道光十六年時憲書

○諭內閣興德等奏覆查喀什噶爾庫貯軍械虧短緣由審明定擬一摺此案古城領隊

實錄卷一百三十一

二

大臣多隆武前在喀什噶爾換防總兵任內於前任中營副將賴允貴造報保題冊任意刪減未能查出即據報轉咨並將庫存鉛丸廢鐵改作包皮封口雖係因時變通惟事後並未銷燬交代時亦未向後任告知實屬疏忽多隆武著交部議處古北口提督周悅勝前經在防三年於庫貯軍械虧短等弊皆未能查辦並於臨行時擅提房租公項賞給私人殊屬不合周悅勝著交部議處巴爾楚克

實錄卷一百三十一

三

副將馬連陞前在該城中營遊擊任內三年之久庫貯軍械是其專責乃並未認真查點以致虧短實屬疏懈馬連陞著交部議處印房章京三音布會同查點未能查出虧短亦屬疏懈三音布著交部察議總兵劉允忠於都司顧忠致送銀兩並未收受惟未能立時駁斥叅辦且修函致謝實屬不合劉允忠著交部議處暫革都司顧忠署理中營事務失察庫貯軍械虧短其經營房租公項雖查無侵蝕惟於周悅勝提用時未能攔阻又因新任總兵到任派人往接豫備尖站鋪墊並備送銀兩雖無請託別情實屬有干例禁顧忠著即革職其補製軍械並公項房租等款著落分賠之處均著照所議辦理諭軍機大臣等本日據程祖洛等覆奏追拏積盜曾武情形一摺據稱曾武一犯躡訪數月尚無端倪適惠安營縣報獲周校一犯訊明實係曾武夥黨先據供稱曾武同其弟曾紀曾馬養

均改易姓名現在浙江太平縣石塘地方潛匿又供係曾代曾武銷贓探信之顏文顏珠二人向伊告知並非得自眼見等語曾武為洋面積盜形蹤詭譎其在浙在閩自應確切查明嚴密偵緝庶不至日久稽誅周校所供虛實均未可定該督等惟當就周校所供情節密委妥員帶同眼線分投前往務將曾武及顏文等迅即拏獲認真究辦其周校一犯著暫行留禁待質不准稍為鬆動致該犯等

曾武等

四

聞風兔脫留為後患至該督等所稱已將曾武之妻陳氏監禁請將其母留為誘引該犯地步真其前來省視設法擒拏但我能如此計算該犯豈肯自入樊籠莫如將伊母一併收監或該犯另有動作亦未可知如不然即將伊母監斃又何足惜其陳沅一犯雖據已獲盜犯劉叔丰等供稱被轟受傷現在究竟潛匿何處亦應訪查明確與逸盜蕭圖等一併嚴飭閩浙兩省水陸各文武員弁協力兜

捕務期必獲以戢盜風而肅洋面將此各諭令知之○又諭據祁墳奏越南國捕弁拏獲內地搶掠商船匪犯梁開發等三名遣使由水路解粵審辦並帶有壓艙土物懇准銷售遵例報稅又據該國王咨呈內有南來米船入口及停泊海岸各加盤詰之語似欲藉詞來粵貿易現在酌循舊章已令先行開艙起貨應否免稅請旨遵行等語越南毗連兩廣向有陸路交易處所非若他國遠隔重洋必

曾武等

五

須航海載運若該國偶有攙越混入必致滋生事端前據該國於道光九年懇請貨船由海道往來通市曾令該國王恪守舊章未經允准嗣後仍應遵照辦理至此該國王解送內地匪犯來粵尚屬恭順其咨呈內雖未明言欲行來粵貿易而藉詞入口停泊亦難保無覬覦之心自應杜漸防微妥為晚諭著祁墳等傳諭該國王現據爾國解送匪犯來粵業經奏明大皇帝以爾國王久列藩封素

為恭順爾國地界毗連兩廣向來入貢貿易等事均由陸路行走嗣後獲解內地人犯若航海而來既與定例不符又冒風濤之險爾國王務須恪遵舊例就近解交內地欽州地方由陸路轉解毋再遣使涉海解送以示體恤爾國王其善體此意敬謹遵循為要如此明白宣諭於撫慰外夷之中仍寓申明限制之意祁墳等接奉此旨即行妥為照辦所有該夷使隨帶壓艙貨物及將來出口攜回之

中書奏

六

貨均著查照成案辦理將此諭知祁墳並傳諭彭年知之○閩浙總督程祖洛等覆奏沿海各口貨值貴賤不能相伴必須攜資往置若將洋銀概禁出洋於交易事宜實多窒礙從之○以大學士阮元兼署都察院左都御史○予巡洋淹斃浙江千總王大成等祭葬卹廕○丁巳

上幸圓明園○詣綺春園問

皇太后安○戊午諭內閣本月初十日

皇太后六旬萬壽內廷行走親郡王御前大臣軍機大臣內務府大臣俱准呈遞如意○以拏獲哈薩克竊馬拒捕賊犯賞哈薩克阿哈拉克齊堆遜拜等六品頂翎予故伊犁將軍松筠入祀惠遠城祠從將軍特依順保等請也○蠲緩山西陽曲太原保德興臨解汾陽七州縣被水被雹村莊額賦有差給災民一月口糧並給陽曲太原二縣民房修費○緩徵文水縣災民前貸倉穀○己未諭軍機大

中書奏

七

臣等有人奏湖南湘河之靖江口係長沙縣所轄距省城僅六十里本年八月初旬有客商李乘時彙寄銀兩信船行經該處被盜匪多人搶去紋銀五千餘兩並拒傷船戶水手該省水道由湘河而下即為洞庭湖出湖即為大江素為積匪出沒之區近來客商必連幫多船始敢行走等語地方匪徒搶劫最為商民之害全在該管官平日巡緝認真方足以懲奸頑似此附近省城之內河亦有匪徒

搶劫傷人實屬不成事體若不嚴行懲辦蔓延日廣為害滋深著訥爾經額吳榮光迅即查明此案首夥各要犯現在曾否拏獲並嚴飭該地方文武員弁勒限緝拏務獲究辦毋任一名漏網其沿湖沿江一帶著責成該管地方各員弁認真巡緝毋稍疏懈儻再有似此重案立即嚴叅懲辦以儆怠玩而靖地方將此各諭令知之尋奏李乘時現在省城開店傳訊並無在靖江口被搶銀兩之事取具

甘結存案報聞○又諭有人奏河南歸德府有匪徒陳方係山東曹州府人約年三十餘歲在該府地方搶劫屢次犯案未獲曾經州訪拏該犯將捕役劉鎮海挖眼傷斃有徒黨一二百人之多又有匪徒梁魁元及其子梁金榜係寧陵縣人在趙兒莊居住搶人勒贖劫掠滋擾曾在該縣犯案潛逃未獲亦有徒黨百餘人等語匪徒聚眾搶掠最為地方之害若如所奏拒斃捕役搶劫勒贖尤不可

不嚴行拏究著桂良密飭地方文武各員弁即將陳方梁魁元梁金榜迅速查拏認真懲辦不得任其遠颺以致貽害又聞睢州吏目孫聯輝聲名狼籍於署外懸牌大書落地稅局字樣肆行訛索該吏目之父亦曾任睢州吏目該員生長任所與紳商慣識現在放債重利盤剝遇事貪婪似此種種不法豈該撫等毫無聞見耶並著桂良督同藩臬兩司嚴密訪查據實叅辦毋稍回護將此諭知桂良

並傳諭朱樹楊振麟知之○庚申諭內閣著英等奏正黃鑲紅二旗錢糧散放未竣並稽查銀庫之給事中祥福等請予飭查各一摺著派長齡阮元前往戶部銀庫查明具奏尋奏向來各旗營每月領餉從無攜帶砵碼之事此次該章京等遵照戶部俸餉處來文辦理其原稿內稱嗣後須照本部定例令承領章京等赴庫持平彈兌等語查持平二字上有粘補痕跡向來支領錢糧無持平彈兌之

例。詢係俸餉處司員承慶善奎添寫得旨。戶部俸餉處書吏著交刑部審訊。郎中承慶善奎著聽候傳訊。○諭軍機大臣等。本日據耆英等奏。盤獲欲行來京告狀之江西崇仁縣人鄒起鳳。並按出黃布二塊。上書開花會名目。據供向在福建寧化縣生理。該省各府州縣多有起立開花會之人。近來江西亦有此會。從前白蓮教滋事時。就是起會所致。因用黃布託葉姓寫成三十六箇開花會名目。豫備來京告狀等語。已有旨解交江西聽候查辦矣。花會名目。本干例禁。自應隨時查察。認真飭禁。著陶澍。周之琦。即向鄒起鳳詳切根究。務將會內各犯按名查拏。無稍疏縱。並著程祖洛。魏元烺。查明福建各府州縣。現在是否仍有此會名目。並起於何年。會內各犯共有若干人。詳細確查。按律懲辦。將此各諭令知之。尋奏崇仁縣境內查無鄒起鳳其人。原供在福建寧化縣生理。即咨福建撫臣飭令

該縣訪查。亦無其人。鄒起鳳又已中途病故。無從根究。江西省現無匪徒起立花會。報聞。○漕運總督恩特亨額謝實授恩得旨。應辦諸務。自須竭力認真。不待言矣。尤緊要者。江浙幫水手。而浙為尤甚。現已不成事體。若再畏難苟且。何所底止。汝當勉之又勉。俾兇頑知所懲戒。而又無礙漕政。方為妥善。○駐藏大臣文蔚奏本年皇太后六旬萬壽聖節。達賴喇嘛等請在大昭寺傳集喇嘛。唸經祝嘏。得旨嘉獎。並賞銀二百兩。○辛酉。上詣安佑宮行禮。○淮河東河道總督栗毓美來京。陛見。以山東巡撫鍾祥兼署河道總督。○壬戌。上詣大高殿行禮。○奉皇太后還宮。○命惇親王綿悫仍在內廷行走。

並免扣罰王俸。賞惠郡王綿愉於邸第額官外。加二等三等護衛各一員。瑞郡王奕誌三眼花翎。○盛京刑部侍郎特登額母老。命留京。以科布多參贊大臣富呢揚阿為盛京刑部侍郎。鑲白旗漢軍副都統毓書為科布多參贊大臣。○緩徵山東鄒平長清長山新城齊河濟陽臨邑海豐商河濱利津霑化蒲臺壽張濮范平度昌邑濰膠高密即墨濟寧金鄉魚臺博興高苑樂安陽信汶上荷澤鉅野聊城茌平邱嘉祥壽光三十七州縣及濟寧東昌臨清德州四衛被水被蟲莊屯新舊額賦。○朝鮮國使臣金鏐等三人於神武門外瞻覲。○癸亥。以加上	皇太后徽號。遣官告祭	天。	地。	太廟。	社稷。
---	------------	----	----	-----	-----

清 實 錄 道光十五年十月上

上禮服御中和殿恭閱奏書畢。	上升輿。由右翼門至永康左門降輿。大學士捧奏書。由中路前行。至	慈寧門。	上由東階升。至門下東旁立。	皇太后禮服升慈寧宮座。儀駕全設。中和樂作。	上詣正中拜位。跪。大學士捧奏書。在左旁跪進。	上受奏書。恭獻。授右旁大學士跪接。置正中黃案。宣讀官捧起跪宣奏書曰。	懿範昭宣。福履彰重。熙之運。	徽音光被。尊親合萬國之歡。	輝寶冊於彤廷。	藹春暉於紫極。欽惟	聖母皇太后。	道隆矩地。	德備倪天。	景福川臻。茂鉅典以延鶴算。	嘉祥渥至。奉
---------------	--------------------------------	------	---------------	-----------------------	------------------------	------------------------------------	----------------	---------------	---------	-----------	--------	-------	-------	---------------	--------

一九五

隆稱以煥鴻規。臣用將率土之瞻。同效萬年之祝。伏冀

聖慈俞鑒。俾展微忱。登

聖壽於無疆。玉食調延年之膳。介

慈禧於有永。金甌鞏奕禩之符。臣不勝惓惓之至。謹奏。

上率王大臣官員行禮。禮成。

皇太后還宮。○詣

皇太后宮問安侍膳。至乙丑。皆如之。○諭內閣。

御史沉澄奏。豁免錢糧。請嚴剔弊端。一摺。本年恭逢

皇太后六旬萬壽。前經降旨。普免道光十年以前民欠銀糧。該將軍督撫府尹等。自應仰體朕意。嚴飭所屬。覈實辦理。若如該御史所奏。各省於應行豁免各款。或先期徵存。不行流抵。或既奉蠲免。不為扣除。或以官虧捏報。民欠吏胥等。又復從中侵漁。是實惠不能及民。徒飽官吏之橐。著各直省督撫等。認真查察。

務將應豁各款。覈實清釐。分別在官在民。將來開單具奏。奉旨豁免後。即照單開豁。免各數。分晰條款。刊刻謄黃。俾小民共見共知。並照例按戶付給免單。儻有官吏影射。及蠹役奸胥把持。需索等弊。一經發覺。定將該管官及該管各上司。一併從嚴懲處。決不寬貸。將此通諭知之。○以通政使司通政使功普為都察院左副都御史。○甲子。恭上

皇太后徽號冊寶。

上禮服御太和殿。恭閱

冊。

寶畢。奉安於綵亭前行。

上升輿。隨後由右翼門至永康左門。

上升輿行。至

慈寧門外東旁立。

冊。

寶陳設於正中黃案。

皇太后禮服。升慈寧宮座。儀駕全設中和樂作。

冊	上詣正中拜位跪左旁大學士捧	寶依次跪進	上受恭獻授右旁大學士跪接置正中黃案宣	讀官捧起跪宣	冊文曰	聖慈垂裕萬方蒙樂利之庥	顯號加崇四海效尊親之戴帑震瀛而喜溢瞻	宮掖以歡騰欽惟	聖母恭慈康豫安成莊惠皇太后陛下	德協乾元	功符坤載	九重之宵旰敦禮教而範著安貞備百順之	尊榮沛仁施而恩周徧覆	六旬初度	萬福攸同序啓陽春荷	春暉之普照籌徵益壽欣	壽宇之宏開嵩嶽齊呼捧霞觴而跪進瑤池申
---	---------------	-------	--------------------	--------	-----	-------------	--------------------	---------	-----------------	------	------	-------------------	------------	------	-----------	------------	--------------------

祝侍	翠輦以扶趨總百祿以承	歡太平有象合九州而致養	盛德難名祇上	崇徽肅稽經禮謹告	天	地	宗廟	社稷率諸王貝勒文武羣臣恭奉	冊	寶上	徽號曰	恭慈康豫安成莊惠壽禧皇太后伏願	琅函永煥	寶牒常輝	萬壽無疆本	茂德而膺多福	重禧有慶衍
----	------------	-------------	--------	----------	---	---	----	---------------	---	----	-----	-----------------	------	------	-------	--------	-------

萱齡而集殊祥

錫美延洪億萬年升恒獻祝

承天體撰千百國舞蹈輸忱臣誠懼誠忤稽首

頓首謹言

上率王大臣官員行禮禮成

皇太后還宮○諭內閣御史阿林保奏嚴禁奸

民夜間售賣雜貨以清市肆一摺此等晚市

相沿成習不過希圖牟利惟於天尚未明即

擺攤售賣難保無奸匪盜竊藏匿消贓自應

申明例禁以靖閭閻嗣後著步軍統領衙門

及巡城御史出示曉諭各街市擺攤者日出

後方准售賣毋任竄竊匪徒伺隙藏奸儻有

來歷不明之物犯案後查出即將知情售賣

之人一併按律治罪○又諭御史阿林保奏

請嚴密稽查八旗繙譯考試一摺向來考取

繙譯文童先由順天府行文八旗都統由八

旗都統考取造冊咨送再行考試定例極為

周密若果認真遵行何至有槍冒等弊嗣後

八旗都統考送繙譯生童時著先令各該旗

佐領領催出具並無槍冒圖結定期赴本旗

都統衙門考試至期即令該佐領領催帶同

赴考該都統副都統親自監試錄取清漢文

理精通者再咨順天府考試俟奏派考試時

仍飭令該佐領出具圖結同派出參領領催

當場識認方准入場儻該佐領等知情通同

舞弊即奏請從嚴議處其鄉會繙譯場亦著

遵照辦理至考試場內應如何嚴密稽察及

中式後應如何覆試覈對筆跡著禮部順天

府妥議章程具奏尋議考試場內例有稽察

彈壓大臣全在任事者實心經理無庸再增

科條至鄉會試取中後其覆試卷向不與墨

卷覈對筆跡嗣後請將場內中卷封送軍機

處交覆試閱卷大臣覈對從之乙丑

皇太后六旬聖壽節遣官祭

太廟後殿

奉先殿

上率王公大臣詣

壽康宮行慶賀禮。眾官及朝鮮國使臣於午門

外行禮○

御製

聖母皇太后六旬萬壽恭頌十章并序曰。臣聞
撫原駿命。基文定於倪天。華渚虹光。紀殊徵
於繞電。緬鳩汭塗山之懿。茵藹瑤編。逮和熹
明德之型。蔚彪銅史。兩儀合撰。資始原儷。於
資生。萬福攸同。得名更符乎得壽。欽惟

聖母恭慈康豫安成莊惠壽禧皇太后陛下。

承乾合德。

履泰啓祥。雲牖引恬。蘿圖援瑞。受方物敷天之

奉撫

重熙累洽之期。溯嗣服之初元。欽崇

鴻號。洎教功於邊堦。重晉

徽稱。幸逢

壽寓之延洪。式體

慈懷而錫祉。絳廷鵲跼升蘭芷以舒翹。紫誥鸞

回。賁絨珩而拜命。蠲租庸之逋貸。倉慶扈農
載脂稻以嚶咻。堵安鴻澤。門楣旌善。彤管煒
煌。糜粥引年。華封歡忭。是

彝是

訓。敎福錫厥庶民。教孝教慈。推恩及於四海。茲
者亥該紀月。甲英啓辰。積算遠駕。夫泰鳩肇
開。節首。侑觴脰。斟夫錢。維欣祝介眉。至敬無
文。期奉

瑤池於億載。臚言紀實。用錫玉券之十華。敬作

頌曰。箕疇敬用作肅曰恭。

思齊

聖母含和執沖。璇題神穆。藻繡儀充。

豐鎬祇謁

宮廟肅雍

九天雲日。萬寓朝宗。猶珍綿綵。

申誠濯龍。恆德之固。儉德之共。

徵音載播。福祿來崇。右恭頌第一章至哉坤元。光大

無私。湛湛羣生。惟

聖之慈惟

聖之慈錫類是司。蠲除租挈。存恤膠耆。革筌槐序。重以爵縻。龍繖鳳綵。聿以榮推。湛膏汪濊。薄海熙熙。薄海熙熙。以祝

聖釐。右第二章慈頌其祝維何。

第祿且康。既多受祉。

身其康彊。

彤闈迺吉。

金妃履祥。以天下養。玉食萬方。降康維天。瀛壖

豐穰。用康維民。秉云輪將。於萬斯年。化日舒

長。康衢擊壤。臚我樂章。右第三章康頌

豫順以動。

天之所助。愷愉欣般。

聖情所注。馨

膳宴衍。

含飴覆瓿。園籞晴融。蓬萊星曙。掖

省春秋。冀紓

勤劬。鳳甸麟畿。雲翬義馭。駐我

春暉。光照黎庶。

一人以懌。百昌茂豫。右第四章豫頌泰階承

訓。頤席佐

歡。仰惟

峻德。文思安安。瓊闈澹定。黼座鞏虔。

心以靜契。

體以仁全。其靜維何。貞固如山。其仁維何。怙冒

如

天愷祥悌。悅緊

化所宣。

徽儀宙合。億祗紀年。右第五章安頌繹思求定。屢奏

武成。龍沙振旆。烏泔揚旌。上廛

祁幄。遂盪裔城。蠢茲瓠種。亦有鯨瀛。禽獮草薶。

陬靖淑平。南車重譯。西極編氓。黃支丹徼。雲

棧雪程。奔走偕來。同獻

壽觥。右第六章成頌

巍巍天臨。至誠齊莊。禮有禕揄。節有珩璜。稱絲

分繭。曲植蓮筐。勛勤暨敏。黼黻文章。昔尊長

信今奉

壽康金鋪耽遽玉城琳瑯

徵柔淵懿規茂德洋何以昭德莊敬日強右頌

第七 踐阼

尊親典明章備慶詔有司行慶施惠律茲

洪庥寅紹

前制大賚豐錫困穀縛幣綽楔顯彰科條曲貫

枉倚用成軌涂載易膏澤覃敷哀舉以次仰

覲

惠心於馬推暨右惠頌

无疆惟德

无量惟壽甲錄環周丙躔朗宿策衍乾元貲倖

地富

洪算京垓

慈雲燾覆霽忭高呼絲區浹宙曰民四生惟

聖人祐惟

聖人祐施於耄幼翹頌九如為

聖壽脩右壽頌說說緝緝既

提攜之芸芸總總又

保釐之龐碩京假

聖德之丕履社戩紱

聖福之綏維台小子實賴

鴻祺率茲臣庶虔舉

上儀茗華

寶冊曷罄頌辭惟億萬祺垓垓均禧右禧頌

○以恭上

皇太后徽號禮成

上御太和殿王公大臣文武官員及朝鮮國使

臣等行慶賀禮禮成頒詔天下詔曰朕惟瑤

圖篤祐萬年迓昌熾之庥璆冊勝輝六幕仰

尊親之戴矧純嘏方延夫景福宮壺承歡斯

上儀式煥乎彝章家邦錫慶必禮文之賅備

庶尊養之兼隆欽惟

恭慈康豫安成莊惠皇太后陛下

德配乾元

功符坤厚

椒塗佐化常調玉燭之辰

萱殿垂型肇啓珠囊之治播

徽音於禁掖燕翼謀貽數

厚澤於垓埏

鴻慈光被瑞凝長樂欣依

愛日之安舒慶集恆春永駐

恩暉之和煦茲以乙未孟冬之月恭逢六旬

聖壽之期昌辰乍啓韶華先兆夫陽和綺甲初

周曼美益增夫袞福瞻

璿闌而介祉景貺頻臻環瑤海以臚愉

隆稱載晉祇告

天

地

宗廟

社稷於道光十五年十月初九日率王公文武

羣臣恭奉

冊

寶加上

恭慈康豫安成莊惠皇太后徽號曰

恭慈康豫安成莊惠壽禧皇太后喜洽

瑤墀申錫上無疆之祝祥開

玉檢維祺衍有道之長慶典斯成洪恩特沛所

有應行事宜開列於後

歷代帝王陵寢

先師孔子闕里應遣官致祭著察例舉行

五嶽四瀆等祀應遣官致祭著照舊例舉行

王妃以下奉恩將軍之妻以上俱加恩賜

公主以下鄉君以上俱加恩賜滿漢大

臣命婦年六十以上者俱加恩賜外藩王

妃以下公妻以上俱加恩賜在京滿漢文

武大小官員俱各加一級內外大小各官

除各以現在品級已得封贈外凡升級及改

任者著照新銜封贈內外官員有因公註

誤革職留任者該部查明奏請開復凡試

職各官俱准實授在京八旗兵丁俱著賞

給一月錢糧滿洲兵丁原係披甲效力行

間。因疾病年老。間住者。著察加恩賜。一八旗滿洲蒙古漢軍兵丁。及內扎薩克喀爾喀等蒙古。年七十八九十以上者。分別賞資。至百歲者。題明給與建坊銀兩。一軍民年七十以上者。許一丁侍養。免其雜派差役。八十以上者。給與絹一匹。綿一斤。米一石。肉十斤。九十以上者。倍之。至百歲者。題明給與建坊銀兩。一滿漢孝子順孫義夫節婦。該管官細加諮訪。確具事實。奏聞。禮部覈實。以憑旌表。

實錄卷一百一

七

各省儒學。以正貢作恩貢。次貢作歲貢。一國子監監生。免坐監一月。一凡嶽鎮海濱廟宇。有傾頽者。該地方官估計價值。具奏修葺。以昭敬誠。

歷代帝王陵寢。有毀壞者。該督撫察明具奏修葺。一各省道路橋梁。間有損壞者。著地方官查明修理。以利行旅。於戲宣

聖善以延釐。式符日月升恆之頌。播宸慈而錫類。允洽整軒鼓舞之忱。布告天下。咸

使聞知。○貸齊齊哈爾黑龍江呼蘭打牲烏拉墨爾根城災戶口糧。並展緩應繳前借銀穀。○丙寅

上奉

皇太后幸圓明園同樂園進膳侍送

皇太后還綺春園。○山西巡撫申啓賢奏前赴太原大同兩鎮查閱營伍得旨校閱時務要認真。斷不准稍存姑息。自兩鎮而下。必當從實甄別。任勞任怨。服膺勿失。勉之又勉。毋負

實錄卷一百一

七

特簡之至意。○以戶部右侍郎程恩澤為順天武鄉試正考官。翰林院侍講學士周祖培為副考官。○命湖南布政使惠豐來京。以山西按察使龔鵬為湖南布政使。調甘肅按察使慶林為山西按察使。以山東鹽運使程德潤為甘肅按察使。○以捐修吐魯番城垣等工予同知寶鏐等加銜升敘有差。賞回子郡王阿克拉克依都土撒拉克齊邁瑪特沙底扎齊魯克齊阿哈滿提花翎。○以吐魯番屯田

豐收予員弁議敘賞兵丁一月鹽菜銀○丁卯

上詣綺春園問

皇太后安○諭內閣本年順天武闈鄉試取中武舉著兵部即倣照武會試覆試例具奏辦理著為例○緩徵河南鄭榮澤中牟安陽湯陰內黃延津濟封邱輝原武陽武武陟十三州縣被水村莊新舊額賦○戊辰諭軍機大臣等有人奏湖南學政龔維琳信用門丁顧

書

卡

四隨棚索贓該學政每考一棚索加棚規發給自刻詩賦勒繳價錢歲試前列諸生傳署進見藉索贄儀銀兩士子賄打連號致多槍替等語學政為士林表率似此關防不密約束不嚴風教攸關不可不從嚴懲辦著趙盛奎於貴州審案完竣由湖南澧州還至湖南省城將該學政現在考試情形一路明查暗訪有無前項情弊並飭提門丁顧四到案嚴行訊究務期水落石出按律懲辦據實具奏

斷不可稍有含混將此諭令知之○又諭有人奏湖南學政龔維琳信用門丁顧四等語已降旨令趙盛奎查辦其門丁顧四著該撫派員密速查拏於省監嚴行看管聽候提訊毋得稍有洩漏致令遠颺將此諭令知之○以荊州左翼副都統特依順為雲南騰越鎮總兵官騰越鎮總兵官長喜為荊州左翼副都統○己巳旌表守正捐軀安徽宿州民余成月媳楊氏○庚午

宣宗實錄

長

上詣

安佑宮行禮○試中式武舉波啓善等五十九人於太和殿前

三

二〇五

軍統領奏稱拏獲王元鳳家人楊幅供稱王

元鳳已將應緝之陳。稟明河南巡撫委員解赴湖南。歸案審辦。王元鳳曾否將門丁陳二稟請遞解。該撫是否據稟解往湖南。並陳二有無訊取確供。迅即查明覆奏。將此諭令知之。○貸江蘇邵宿遷三州縣修濬沂河隄埝及王翻湖等工銀。○壬申。

上詣

皇太后宮問安。○諭內閣吉林長春廳理事通判常存著即革職。交該將軍提調至省。歸案

實錄卷二百七十三

二

審訊。有無聽囑故出情弊。按律定擬具奏。尋奏。金斌因李元魁硬占荒地。糾張亮等將其毆打身死。金斌之兄金煥頂兇投首。通判常存帶件作相驗傷痕。辨認不清。取結存卷。嗣因屍父李瑞赴訴。開棺覆檢。審係張亮正兇。金斌因李瑞曾私開李元魁屍棺。即以李瑞私造假傷翻供。常存復調吉林。件作開棺三檢。因屍腐飭令蒸檢。審訊仍係張亮正兇。因規避處分。具詳時將二次驗傷捏稱未檢。三

次蒸檢。捏稱刷驗。並無聽囑故出情弊。業經革職。應毋庸議。張亮擬絞監候。秋後處決。金斌擬杖流。金煥擬杖徒。下部議。從之。○諭軍機大臣等。奕經等奏山東登萊青三府民人因本處年歲歉收。攜眷赴奉天依親就食。前後約有八九千人。其各海口停泊處所。查有下船流民五百六十二名口。現經設法撫卹。俟春融再令回籍等語。所辦尚屬妥協。流民就食他方。時屆隆冬。天氣嚴寒。易致流離失所。該將軍等既經分飭各地方官。量為助資。並加撫卹。自不至有凍餒之虞。來歲春融。即妥為曉諭。飭令回籍。免致久留盛京。藉滋事端。將此各諭令知之。○又諭本日據奕經等奏山東登萊青三府民人。因年歲歉收。紛紛赴奉天就食。約有八九千人。該將軍等設法撫卹。俟春融飭令回籍等語。地方偶遇偏災。乏食窮民。全在該地方官隨時查明戶口。妥為撫卹。似此扶老攜幼。奔走遠方。至數千人

實錄卷二百七十三

五

之多。不特流離可憫。且恐隨處停聚。難保無匪徒溷跡。易滋事端。所有此次就食奉天民人。俟明春回籍後。該撫即體察情形。妥為安置。至此後該省地方。如遇水旱不齊。民食雖艱。總當先事豫籌。俾資餬口。無令小民輕去其鄉。方為不負委任。將此諭令知之。○製造盛京金州水師營遭風擊碎戰船。並沈失軍械。從將軍奕經請也。○貸盛京金州水師營駐劄歉區兵丁粟米。○癸酉。

上諭

時應宮拈香。○御紫光閣閱中式武舉馬步射。諭內閣鍾祥奏。省城捐建義倉。覈實存貯。以備緩急一摺。山東省常平倉穀。早年動缺已多。近年通計實貯。尚多絀於原額。一時驟難買補。欲期有備無患。自應先事豫籌。茲據該撫督同司道等倡率捐廉。於省城添建義倉。以輔常平之所不足。現已修造完竣。議立章程。自道光十四年為始。按年捐輸。計共

捐存穀八百石。穀價銀一萬八千餘兩。俟省垣捐至五萬石。足備災賑借糶之需。再於兗州曹州繁要之地。以次酌量建倉。一律捐貯。如行之有常。即可遍及通省。府州等語。此舉甚好。義倉穀石。係為接濟民食。必得圖匱於豐。隨時採買。覈實存貯。務期辦理妥協。不滋流弊。以期擴充推廣。儲蓄有資。並將稽查出納各事宜。專有責成。妥立章程條款。實力奉行。俾資經久。至建倉需用銀兩。均係官捐。其

收捐銀穀及動用採買。俱著免其造冊報銷。○山東道御史況澄奏。江南江安糧道所屬節年應徵緩漕米石。積欠過多。請立考成題報。下部議。尋議。歷年帶徵漕項銀米。與緩漕米石。事同一律。緩漕米石。至應徵之年。俱由各該督撫造報考成。題報戶部。會同吏部覈議。惟安徽省未據題報。應令該撫飭查道光十一年起。經徵經催督催各員完欠分數。迅速造報考成。據實嚴叅。並令漕運總督將十

一年起。歷年應徵緩漕銀米完欠細數造冊題參吏部照例議處。所有該道各屬未完銀米。自道光十一年起。應令該撫一併造報考成。並令漕運總督先行專案送部覈辦。再江蘇糧道所屬。歷年未完緩漕米石向係咨參未完。緩徵漕項錢糧。又係題參其巡撫督催未完。應行復參。亦係咨報辦理均覺參差。請嗣後統令題參。以歸畫一。從之。○湖北巡撫尹濟源因病賞假。以布政使張岳崧護巡撫。

宣宗實錄卷七三

六

○以捐修湖南常德府城隍。並辦賑出力。予知府多瑛等議敘有差。○修湖北武昌府沿江石岸。從總督訥爾經額等請也。○蠲緩湖南華容。安鄉。湘鄉。茶陵。臨湘。湘陰。平江。衡陽。清泉。耒陽。常寧。巴陵。澧州。三州縣及岳州衛被水被旱莊屯新舊額賦有差。給華容。安鄉。湘鄉。三縣及岳州衛軍民一月口糧。緩徵乾州。保靖。麻陽。瀘溪。永綏。五廳縣歉收屯田租穀。○甲戌。

上御箭亭。閱中式武舉技勇。○御乾清宮。引見中式武舉親定甲乙。○諭內閣。御史劉夢蘭奏大計屆期。請飭嚴加考覈一摺。為政首重官人。安民必先察吏。各直省官員。每屆三年大計。由該督撫詳加考覈。舉得其人。則中材咸知嚮風。黜得其實。則不肖羣知畏罪。是溢敘官方之中。實寓選拔真才之意。各省大吏身膺重任。為朕耳目所寄。宜何如精白乃心。秉公甄別。以風示羣僚。若如該御史所奏。牧

宣宗實錄卷七三

七

令之勤恤民隱者。類多樸訥拙誠。不工容媚。而不肖者。專事迎合取巧。並無實心任事之意。該上司受其朦蔽。轉予卓異。此等風氣。近來各省。或亦不免。現值辦理大計之時。各督撫等務當破除情面。公正居心。隨事隨時。認真體察。於所屬各吏。人品心術。政跡事實。詳加考覈。分別激揚。斷不准賢否混淆。濫登薦剡。庶仕路澄清。吏治蒸蒸日上。朕實有厚望焉。將此通諭知之。○以阿克蘇屯田豐收。予

員弁議敘。賞兵丁一月鹽菜銀。○乙亥

上御太和殿傳臚。賜殿試武舉一甲波啓善。奚應龍。鞠殿華。三人武進士及第。二甲通安等八人武進士出身。三甲宋煜等四十八人同武進士出身。○諭內閣。鄉會試為掄才大典。士子讀書。當知自愛。其有因人數眾多。傲幸亂號。以身試法者。雖設有號單底簿。互相覈對。誠恐稽查未清。轉不無遺漏舛錯。其亂號士子。或託人代填。或捏寫號名。即欲杜絕弊端。無從查對。事屬有名無實。自無容稍存遷就。茲據禮部將查號之法。遵旨覈議具奏。於認真辦理之中。立法仍歸簡易。嗣後著仍照定例辦理。其士子進號。既經看冊官役認明卷面字號相符。如號數已滿。即將號冊鎖閉。封門後監臨監試等。仍分段入號親查。如監臨查號不力。責成監試。監試查號不力。責成監臨。互相指參。毋許稍有徇庇姑容。致滋弊混。其八旗號舍。即著彈壓副都統親身巡查。

實錄卷一百三十三

八

以專責成。士子如有亂號。即行扶出。設為時

已晚。未便開門。即將試卷扣除。並將該士子交至公堂派員看守。俟放牌時扶出。其有挺身肆鬧者。照例治罪。○又諭禮部奏鄉試親供解部。酌定校對章程。各直省鄉試揭曉後。中式舉人例應填寫親供。與試卷一併送部。交磨勘大臣細加校對。此次順天鄉試親供。已由該部剴催順天府尹迅速解部。惟各直省程途遠近不一。著按照例限上緊嚴催。其

實錄卷一百三十三

九

業經填寫者。全行送部。以憑送覆。勘大臣覈對。其實有程途較遠者。著迅速飭催。填寫送部。以次歸入下屆校對。如第四次磨勘時。仍未送到。著該學政聲明情節。統於會試前期。咨送禮部。轉送覆勘大臣補行校對。至遇有事故。不克填寫親供者。迨經補填解部。往往先後不齊。所有各直省陸續補送親供。屆時毋庸交覆勘大臣。即著禮部隨時詳細覈對。又諭御史易鏡清奏請飭查兵丁書役潛

習教會一摺。匪徒私立教會名目。煽惑愚民。勾引入夥。甚至兵丁書役。潛附交通。平素則為之庇護。包容。阻止首告。無從舉發。及地方官認真訪拏。則又透漏消息。俾得聞風遠颺。或竟恃眾蠢動。誠不可不防其漸。著通諭各直省督撫提鎮。嚴飭所屬各員弁。除編查保甲實力奉行外。於所隸兵丁書役。務當隨時稽察防範。儻有潛入教會之人。立即嚴密拏獲。盡法懲治。不准稍事姑容。意存回護。含混

消弭。該員弁等。如果從實舉發。俾知儆戒。即可寬其失察之咎。儻仍前諱飾。不肯認真查辦。別經發覺。該督撫提鎮。即行據實嚴參。勿稍寬貸。○丙子。諭內閣。琦善奏副將稟報重案遲延。知州往拏。惑眾奸民。未能立時按名獲究。據實參辦等語。通州協副將太平保。知州史渭綸。俱著先行摘去頂帶。俟此案訊明後。果係該州訪拏破獲。再行奏請開復。儻係失察於前。復捏飾規避於後。即行從重懲辦。

其張七。王六等犯。著仍遵前旨。就近交刑部審訊。○又諭。德勒克色楞額。現有應行質訊之處。著迅即前赴熱河。其護衛德吉特。達瑪林。扎布。丹巴林。扎布。富英阿。扎蘭阿勒坦。都布。齊章。京圖。克濟。蒙古。旺金保。前據該貝子呈稱。均已飭令回旗。現據該旗申稱。委係跟隨該貝子在京服役。並著德勒克色楞額親身帶侍衛。在大門上行走。○以陝西陝安鎮總兵

官祝廷彪為貴州提督。調陝西河州鎮總兵

官唐倬為陝安鎮總兵官。以潼關協副將任

貴邦為河州鎮總兵官。○添備直隸永定河豫防稽料。仍增歲料運腳銀。從總督琦善請也。○貸直隸大城縣潘百家窪溝河銀。○丁

上詣

皇太后宮問安。○刑部奏審明戶部俸餉處郎中承慶等辦稿含混。應照例議處。得旨。此案

戶部俸餉處郎中承慶善奎於月支旗餉文稿內增添持平二字黏補鈐印經刑部訊明尚無弊竇惟因本例有彈允字樣誤會例意既經添入持平二字即應於呈堂畫稿時將添改情由指出回堂以憑覈定乃僅以申明舊例辦稿通行八旗等語稟說未將酌添黏補情由詳細回明實屬含混承慶善奎俱著交部議處該部堂官於該司員等呈堂畫稿時未經看出亦屬疏忽著交部察議○以國

史館纂輯武職大臣年表等書告成予提調等官優敘議敘有差○展緩湖北江夏武昌嘉魚興國漢陽黃陂孝感黃岡廣濟鍾祥京山天門雲夢應城江陵公安石首監利松滋漢川沔陽潛江枝江荊門黃梅蒲圻咸寧蘄崇陽安陸大冶蘄水三十二州縣及屯坐各衛被水被旱村莊新舊額賦○戊寅諭內閣本日據耆英等暨稽查甲米御史鄂爾端等具奏支放俸米甲米查驗覈對並無售賣偷

漏各一招復據給事中富彰陳奏現屆支領俸甲米石之時出米較多何以米價增長顯有回漕積弊等語米石為民食根本京師戶口繁多小民升斗之需原應流通若囤積舞弊則例禁甚嚴著步軍統領五城一體嚴密稽查認真辦理僅有倉役包攬招票轉售奸商勾串囤積居奇即行嚴拏懲辦斷不准稍事因循以平市價而裕民食○諭軍機大臣等前因有人奏福建廈門金門及惠安縣濱

海一帶盜船三十餘號在洋肆劫當有旨諭令程祖洛等查明是否曾武夥黨抑係另夥盜船務即設法嚴拏茲據奏稱廈門金門乃海中島嶼為水師提鎮駐劄之所盜匪尚少其對岸沿海之潘塗等鄉為同安縣管轄向有匪徒私造草鳥船隻出洋伺劫又惠安縣濱海一帶民無恆產窮即造船入海為盜甚至私藏軍火私築礮臺備禦官兵近經該道將等數次懲辦同安已略知畏懼而惠安

之頑風。尚未能改等語。福建洋面著名積盜。曾武陳沅等。皆係惠安縣人。且歷次拏辦。各犯亦多係該縣籍貫。可見該處窮民。習於為盜。若非將曾武等。迅行拏獲。從重懲治。則盜風一日不息。地方一日不靖。難保無零星匪徒。假託名號。附和恐嚇。日久滋蔓。釀成巨案。著程祖洛。魏元娘。陳化成。馬濟勝。分飭水陸文武。嚴密巡邏。設法購線。跟蹤躡緝。務俾盜首曾武等。遁跡無所。期在必獲。不准任其竄逸稽誅。至惠安縣沿海地方。既為盜匪出沒之區。尤應嚴飭所屬員弁。隨地隨時。認真堵緝。務使匪徒淨盡。洋面肅清。方為不負委任。儻藉稱寬猛兩無所施。稍存怠玩。以致養癰貽患。朕惟該督等是問。將此各諭令知之。○又諭。有人奏。廣東潮州府沿海地方。民情犷悍。所屬之海陽。揭陽。潮陽。普寧等縣。每因口角細故。鬪毆成隙。互擄逼贖。名曰贖身錢。其不贖者。則戕斃之。更有一種爛匪。土棍。竟將

外來羈客。肆行劫奪。並斃其身。以滅口。甚至黃昏之時。即直入城市。搶劫錢鋪典鋪。文武衙門。規避處分。扶同捏飾。那改失事地方。在城垣數十里外。諱劫為竊。本年春間。該府屬之饒平縣。柘林。黃岡等處。澄海縣之東湖南。洋汕頭。樟林。外埔等處。旬月之間。搶劫數十起。海港賊匪。亦紛紛四出。擄劫民船。又另片奏。該省嘉應州屬之平遠縣。與江西贛州府屬之長寧縣交界。至城岡軍門嶺五百里內。近日土匪烏合成羣。白日攔搶貨物行李。湯覽人命。各等語。匪徒搶劫。擾害閭閻。地方官辦理不善。一味徇隱。以致兇徒肆無忌憚。此等弊竇。自難保其必無。不可不嚴行查辦。著鄧廷楨。於到任後。即嚴飭所屬文武各員弁。力加振作。認真查究。遇有搶劫之案。務須密速掩捕。從重懲辦。儻有因循諱飾。縱盜殃民者。即著嚴行叅處。毋稍姑容。將此諭令知之。○以翰林院侍講溫葆淳。署日講起居注官。

○改建福建福州興化泉州漳州福寧五府寨城礮臺營房從總督程祖洛等請也○緩徵安徽懷寧桐城潛山宣城南陵貴池青陽銅陵建德當塗蕪湖繁昌無為巢壽宿鳳陽懷遠定遠靈璧鳳臺泗盱眙天長五河和含山太湖東流宿松望江合肥舒城潁上霍邱亳三十六州縣並屯坐各衛被水被旱村莊新舊額賦及雜項銀米○己卯以故奉恩將軍萬祥子恆麟襲職○調盛京禮部侍郎鄂

順安為盛京刑部侍郎以吐魯番領隊大臣明訓為盛京禮部侍郎賞降調理藩院右侍郎惟勤頭等侍衛為吐魯番領隊大臣○命烏魯木齊都統長清喀什噶爾領隊大臣西朗阿喀喇沙爾辦事大臣額勒錦哈密辦事大臣薩迎阿庫車辦事大臣國椿烏里雅蘇台參贊大臣祿普來京以盛京刑部侍郎富呢揚阿為烏魯木齊都統調伊犁領隊大臣壽昌為喀什噶爾領隊大臣以乾清門頭等

侍衛豐紳為伊犁領隊大臣鑲藍旗漢軍副都統海亮為喀什噶爾辦事大臣哈密幫辦大臣那當阿為辦事大臣賞藍翎侍衛佛麟三等侍衛為哈密幫辦大臣通政使司副使多歡頭等侍衛為庫車辦事大臣四等侍衛常明頭等侍衛為烏里雅蘇台參贊大臣○以烏魯木齊都統長清署鑲藍旗漢軍都統未到京前仍以刑部尚書成格署理○蠲緩浙江海寧金華蘭谿東陽義烏永康湯溪龍

游麗水縉雲青田雲和龍泉長興德清武康建德淳安壽昌桐廬遂昌錢塘富陽新城武義浦江西安江山常山宣平仁和烏程歸安三十三州縣並杭嚴衛衢州所被水被旱莊屯新舊額賦有差給海寧金華蘭谿東陽義烏永康湯溪龍游麗水縉雲青田雲和龍泉十三州縣災民一月口糧○庚辰

上詣時應宮拈香○諭內閣御史豫泰奏請嚴禁

接壤地方互相推諉一摺各直省州縣水陸接壤之區犬牙相錯奸匪最易潛蹤該地方官果能不分畛域平時既嚴行查察一有竊劫暨習教等案立即嚴密查拏何至該匪徒等此拏彼竄日久無獲若如該御史所奏近來州縣官遇有應緝案犯彼此互推如三縣交界即有三不管之名四縣交界即有四不管之名往往賊匪一經出境本境官置身事外鄰境官又以案為別縣之案人為別縣之人事非己責不肯任勞並慮及捕獲後反致同寅得有處分於是互相推諉竟置盜賊於不問甚至捕役私行賣放是各省接壤之區反為奸匪藏身之所何怪案懸無獲蠹害良民著各省督撫等嚴飭所屬州縣營弁務當破除積習有犯必懲儻仍有以越境差捕意存畏難或回護同寅巧為推卸並捕役藉端滋擾受贓賣放等弊一經查出立即指名嚴叅毋稍姑息以戢奸宄而靖閭閻將此通諭

知之○以署工部左侍郎廖鴻荃為兵部左侍郎仍兼署工部左侍郎服闋侍郎李宗昉署吏部右侍郎○以駐藏大臣文蔚為鑲藍旗蒙古副都統○調塔爾巴哈台領隊大臣華山泰為伊犁領隊大臣伊犁領隊大臣豐紳為塔爾巴哈台領隊大臣○以拏獲糧船水手兇犯蕭老予浙江道員桂萼等議敘加銜有差○撥直隸司庫銀採買古北口駐防八旗及提標城守各營來年兵糧從熱河都統嵩溥請也○貸山海關八旗兵丁修葺官房餉銀○辛巳上御乾清門聽政○諭內閣八旗月支錢糧例應較准砵碼彈兌平允毋許絲毫短少嗣後各該旗錢糧應如何支領彈兌之處著戶部堂官管理戶部三庫事務大臣八旗都統會同妥議章程具奏尋奏請飭工部製造彈兌一千兩大平一架四百兩小平二架照戶部祖砵較准交與戶部印庫嗣後每月開放各

旗營兵餉時監放官會同鑲黃正黃二旗參佐領等到庫將平砵領出承領之參領等按照應領銀數抽查較兌具結領回如有短少會同稽查御史及監放官三面兌准補足仍將庫官照例叅處再各旗營既挨次抽查未免稍延時刻並請嗣後支放八旗錢糧三月至八月定於卯刻九月至二月定於辰刻開庫從之○朝鮮國王李龜遣使表謝賜祭葬諡並封王恩進獻方物命留抵下次正貢賞

賚如例○以大理寺少卿關聖保為太僕寺卿○命黑龍江將軍哈豐阿在紫禁城內騎馬○展緩八旗兵丁扣還庫銀限期兩月○

緩徵烏魯木齊宜禾縣歉收鄉戶糧石○壬午

上詣

皇太后宮問安○吏部右侍郎管國子監事文慶等奏各省副榜貢生請一律呈驗貢單收考下部議尋議副榜貢生與恩拔歲優各貢

不同例不給與貢單惟山東浙江均由學政給與未免兩歧請照例一律毋庸給與貢單從之○以江南太湖協副將鮑起豹為廣東瓊州鎮總兵官○旌表逼嫁捐軀陝西盤屋縣民馬杰妻管氏○癸未諭內閣本年九月間舉行奉安

孝穆皇后

孝慎皇后梓宮典禮嵩曜等係工部派充總辦事宜司員載銓於事畢後在梁格莊行營

查詢沿途差務率指嵩曜為家裏人嵩曜當以哈琅阿明白登覆差旋後復向敬敏等呈請代奏當降旨令載銓明白回奏並派大學士軍機大臣傳集嵩曜等訊明具奏隨據將傳訊各供詞呈覽與載銓所奏情節相符朕因載銓措詞過當並嵩曜負氣具呈恐開屬員訐告之漸復降旨將載銓交宗人府嵩曜交部議處旋經宗人府將載銓照例議罰職任俸一年吏部將嵩曜照例議罰俸九箇月

朕酌覈情節均屬允協業經降旨准行此案載銓以堂官查詢司員差務係為慎重公事起見本無不合使非載銓措詞過當嵩曜敢於負氣具呈朕必將載銓處分寬免重治嵩曜計告長官之罪公是公非權衡至當本無畸輕畸重於其間茲事隔兩月之久御史湯鵬率行奏稱載銓處分過輕請再交宗人府量加議處並請將嵩曜處分寬免等語朕綜理庶政一秉大公從不設以成見遇有應行處分事件或特旨施行或交部覈議總期情理悉協眾論允符若事經數月於奏定准行事件紛紛瀆請妄議改更無此政體且賞罰為朝廷大權豈容臣下妄行干預湯鵬此奏率意瀆陳實屬不知事體輕重不勝御史之任著仍回原衙門行走○太子太傅予告大學士托津卒晉贈太子太師命慶郡王綿懋帶同侍衛十員往奠茶酒賞銀一千五百兩治喪入祀賢良祠予祭葬諡文定○緩徵兩

淮富安安豐梁垛東臺何垛丁溪草堰劉莊伍祐新興廟灣板浦中正臨興十四場被水歉區新舊額賦○甲申孝慎皇后殯宮月祭遣官行禮○諭內閣楊名勳奏查明倉貯兵糧年久酌籌出糶一摺陝西潼關廳節年舊存儲備倉斗兵糧碗豆一萬三千八百石折合京斗糧一萬九千七百餘石積貯年久黴朽堪虞自應量為變通著照所請准其將此項備貯供兵糧石照依市估折合京斗陸續出糶價銀隨時解司報撥並自道光十五年起以每年餘賸兵糧儘數撥補以符原額○諭軍機大臣等御史章燁奏東河黃沁廳原武汛分溜進水處所近已塌寬三百餘丈因本年閏六月內南岸廣武山北老灘塌去一千餘丈河溜向東北下移中流旋生淤灘河分兩股側向北趨向日串溝今成支河既無高屋可以築壩攔截又不能拋船逼溜編掛柳笆原武陽武兩汛隄工

逐節喫緊。極為險要等語。著栗毓美、桂良即將該御史所指情形。確加查勘。悉心妥議。趙此冬令水澇。豫為籌畫。務使河流順軌。原陽兩汛隄工不至喫重。方為妥善。將此各諭令知之。○浙江道御史易鏡清奏。三場試策。請改用律例一道。下部議。尋議國家設科取士。責以報稱者甚多。不獨在理刑一端。若於進身之始。先責以名法之學。無論勸說雷同。無裨實用。即真心講貫者。亦必荒其本業。旁及

實錄卷七十三

高

專家。以法律為詩書。更恐揣摩求合之士。承迎風旨。因緣為奸。士習之不端。關防之不密。多由於此。不可不防其流弊。該御史所奏。應毋庸議。從之。○以故車臣汗扎薩克貝子蘊端巴雅爾子銘珠爾多爾濟襲爵。○命前任山西布政使徐鏞以三四品京堂補用。○乙酉。諭內閣。普保奏。津貼官田。水衝沙壓。請飭查採開荒撥補一摺。盛京供奉

陵寢祭品。向由壯丁採辦。前因丁力竭蹶。降旨

將該衙門所管遼陽州界內二台子等處閒曠地畝。賞給壯丁等領種。以資津貼。茲據普保奏稱。該處地畝濱臨河邊。現經勘明浸牛湖河東等處。水衝沙壓地一千七百十九畝。零。若仍令該丁按年照數交納採辦之項。丁力未免支絀。著奕經詳細查明。妥為辦理。○又諭鍾祥奏。德州民堰漫口。堵築完竣。請將原冊續冊各工段分別借項攤徵。並著落賠辦一摺。山東省本年秋汛。衛河漫溢。據該撫

實錄卷七十三

完

查明。德州第二屯漫缺民堰業已趕緊堵築。惟需用較繁。該州又已捐辦折給屯戶口糧。並倒房修理之費。所有二屯漫工原冊二十五丈。需用工料例幫價銀二千七百六十三兩。著准其循例借帑辦理。攤徵還款。其續冊之十七丈。需用工料。不准估報。即著責令該州賠辦。○又諭鄂順安奏。查明失察邪教。歷任文武職名。開單請交部議處。此次山西趙城縣匪徒滋事。據鄂順安查明該犯等習教

傳徒始於道光二年。著自道光二年起。至十五年三月止。所有歷任失察邪教文武各員。交吏兵二部照例議處。○修浙江東塘共汛各工。從欽差戶部右侍郎吳椿等請也。○上以冬至祀天於圜丘。自是日始齋戒三日。

宣宗實錄卷二七四

末

大清宣宗效天符運立中體正至文聖武智勇仁慈儉勤孝敏成皇帝實錄卷之二百七十三

教修

大清宣宗效天符運立中體正至文聖武智勇仁慈儉勤孝敏成皇帝實錄卷之二百七十四

宣宗實錄卷二七四

善奏州縣額設民壯有名無實。請飭另募充補等語。州縣地方額設民壯。本為保衛倉庫而設。該地方官果能認真操演。原可補兵力之不足。近來視為具文。不能實心訓練。甚至視同阜快賤役。所募之人。類皆遊手好閒。濫竽充數。又安望其調用得力耶。著該督通飭各州縣。即將額設民壯。另募身家清白之人充補入卯。其應用器械。並責成該州縣自行籌款製備。隨時演習。儻一時教練乏人。准其

於營伍中遴選熟諳技藝兵丁。咨明營員。飭令傳授。仍由該管道府勤加查察。勿令日久廢弛。嗣後該督仍當遇便抽查。如有仍前怠玩。不能實力奉行。即行據實叅辦。毋稍姑息。○命古城領隊大臣多隆武來京。賞直隸正定鎮總兵官海凌二等侍衛為古城領隊大臣。調陝西陝安鎮總兵官唐倬為正定鎮總兵官。○以捐修福建泉州府城垣各工。予提督馬濟勝等議敘升賞有差。○緩徵直隸霸保定大城清苑安肅博野容城蠡雄祁安高陽河間獻肅肅寧任邱景吳橋東光靜海青滄南皮鹽山南和。大名鉅鹿任冀南宮新河武邑衡水隆平寧晉深武強饒陽安平定深澤四十一州縣被水被雹村莊新舊額賦及前貸銀穀。○丁亥。
上詣
南郊齋宮齋宿。○戊子冬至祀
天於

園丘	上親詣行禮。○遣官祭
永陵	
福陵	
昭陵	
昭西陵	
孝陵	
孝東陵	
景陵	
泰陵	
泰東陵	
裕陵	
昌陵	○遣官祭
孝穆皇后	
孝慎皇后	○遣官祭
端慧皇太子	○停次日朝賀。○詣
皇太后宮	問安。○己丑諭內閣戶部奏查覈常
平倉穀	額貯虧短現存未買各數目按各省

冊報開單呈覽。朕詳加披閱。各省現存穀僅止二千四百餘萬石。歷年動缺穀一千二百五十餘萬石。虧缺徵變穀二百七十餘萬石。糶缺借缺穀三百十餘萬石。雖尚存有糶價銀一百十餘萬兩。並未隨時買補。統計缺短穀一千八百餘萬石之多。幾及額貯之半。節經該部逐案逐年行催。並不詳細登覆。實屬疲玩。積貯為民食所關。國家設立常平倉。為有備無患之計。各該省遇有動用。必須隨時

宣宗實錄卷二七四

買補。顆粒無虧。以期緩急有恃。近年各省倉穀動缺如此之多。總由各州縣玩視倉儲。既不慎重出納。該管上司復不實力稽查。若不亟加整頓。已缺者永無歸補。現存者任意侵移。尚復成何事體。除因公動缺穀石較多。一時全行買補。恐於民食有妨。責成各督撫另籌陸續歸補外。其存貯穀價銀一百十餘萬兩。著各該省督撫迅飭各該屬察看情形。即行買補還倉。如有藉端勒派剋扣等弊。惟該

督撫是問。至各員虧缺徵變穀石。著查明按限追繳。如仍前延宕。即指名嚴叅治罪。毋稍寬縱。糶缺借缺等項穀石。除現存糶價外。借缺穀石。有無徵還。糶價銀兩有無存貯。曾否提解司庫。著即逐細查明。報部備覈。現存穀石。著飭屬加謹收貯。遇有因公動用及出陳易新之處。詳明該管上司。即專案報部查覈。仍飭隨時籌買歸倉。儻有虧缺。即嚴叅示儆。若扶同徇隱。查出一併治罪。如動用後不專

宣宗實錄卷二七四

案報部查出。即著落擅動之員賠補。以歸覈實。所有各省倉糧奏銷案內動缺虧缺。未據造冊報部。及歷年倉糧奏銷未經題報者。著速行分別造報。毋再延宕。併查取造報遲延職名送部覈辦。以儆玩延。而重積貯。將此通諭知之。○命翰林院侍講徐士芬溫葆淳檢討。譔厚光編修徐繼畬徐廣紱汪元方司經局洗馬杜受田每日一員。以次豫備召見。○賞八旗兵丁一月錢糧。○庚寅諭軍機大臣

等本日據都察院奏廣東東莞縣命婦盧尹氏遣抱告具控供奏兩歧始終串陷等情已降旨交鄧廷楨秉公審訊矣此案已革刑部郎中盧應翔前經欽差尚書昇寅等訊出教唆誣告各情奏請革職解交廣東巡撫審辦未據該撫覆奏茲據革員之母復遣抱告來京控告翻異前案虛實均應徹底根究著該督即將所控各情節逐加體訪秉公審訊務得確情以成信讞將此諭令知之○修江蘇

清江浦

禹王臺頌

御書扁額曰會同砥績○緩徵江蘇上元江寧句容江浦六合長洲吳常熟昭文崑山新陽陽湖江陰宜興荆溪丹陽金壇溧陽山陽阜寧清河桃源安東鹽城高郵泰東臺江都甘泉儀徵興化寶應銅山豐沛蕭碭山宿遷睢寧鎮洋寶山元和吳江震澤華亭奉賢婁金山上海南匯青浦川沙武進無錫金匱靖江

丹徒太倉五十八廳州縣並淮安大河揚州徐州蘇州太倉鎮海金山八衛被旱被水莊屯新舊正雜額賦○辛卯諭軍機大臣等據文蔚等奏博窩不服查辦酌籌添兵勦捕一招此次博夷出巢滋擾前據該大臣等奏請酌派番兵並飭噶布倫等慎重妥辦茲據奏博番出沒無常分擾番寨漢塘恃強抵拒現經噶布倫帶兵查辦尚敢負固不服肆無忌憚實屬目無法紀必應痛加懲創該大臣等

奏請酌添前後藏屬番兵三百名與前此調派及添派各番兵會合歸併飭令策墊奪結比喜等酌量分帶東西並進總須相機攻剿隨時體察賊情示以兵威俾知悔罪輸誠以期迅速藏事綏靖邊圉其與博番界連處所仍嚴飭各番目營官迅撥土兵嚴密防堵暨各漢塘汛弁兵人等隨時巡查防範毋令闖入其官弁經過及駐劄地方務須約束目兵人等毋得擾累百姓該大臣等迅飭所派員

升妥速辦理毋再觀望耽延坐費時日尤不得恃有兵眾輕率債事將此諭令知之○又諭據禮部等衙門奏此次平貴人睦答應同日安葬園寢應各給莊園頭地五十一畝五分以供祭品等語平貴人於道光七年安葬寶華峪園寢此數年供品如何備辦曾否撥給莊園頭地畝再責人答應向例如何辦理即查明

裕陵成案有無撥給莊園頭地畝之處著容照

一併詳晰查明迅速具奏將此諭令知之○添辦東河來年備防稽石從河道總督栗毓美請也○壬辰諭內閣訥爾經額等奏訪獲大夥積窩會匪多名嚴審究辦一摺湖廣為各省通衢盜賊最易溷跡茲據該督等查明鄭老鼠段么等糾集夥黨至八十餘人及三十餘人結會分派歟血訂盟窩頓匪徒肆行搶竊密飭該管道員督飭文武員弁慎速拏獲究辦其江陵潛江等縣雖失察於先一奉

札飭趕緊緝獲匪犯已逾十分之九功過尚足相抵著加恩免其叅處至盜賊會匪最為商民之害欲清盜源必先嚴辦窩戶該督等惟當嚴飭地方文武隨地隨時認真巡緝實力查拏儻有聚眾結會情事務當不分畛域彼此關查總期有犯必獲以戢奸宄而安閭閻○又諭瑚松額奏籌撥附近倉糧運貯省城一摺甘肅皋蘭縣為省會之區倉儲最關緊要據該督查明現在該縣倉儲匱乏請以

附近倉糧運貯省城以資儲備著照所請准其動撥西寧縣常平倉斗豌豆三萬石碾伯縣常平倉斗小麥一萬石運送省城另廢存貯責成蘭州道府加封稽查妥慎經理如遇賑濟平糶方准奏明動用儻有短缺即照盤查例計石著追仍將虧那之員嚴叅治罪所有水運腳銀一萬六千兩著准其先於司庫朋合款內暫行墊發即在應攤各官養廉銀內分作三年扣收歸款此案既係攤捐辦理

著免其造冊報銷。○以內閣侍讀學士文德和為內閣學士兼禮部侍郎銜。○命禮部尚書恩銘在紫禁城內騎馬。○癸巳。

上詣

皇太后宮問安。○諭總管內務府大臣等三公主年甫十一歲資質敏慧性情和順今於本月初八日薨逝甚為悼惜著加恩封為端順固倫公主並派總管內務府大臣禧恩經理事宜一切均照固倫公主例辦理。○甲午。

上詣

皇太后宮問安。○遣官祭

先醫之神。○諭內閣果毓美等奏請加挑運河淤淺工段一摺山東運河為漕船經由要道必須一律深通方資濟運茲據該河督等查明南自臺莊北至臨清計程八百里零山河之水挾沙帶泥多有淤墊每年估計冬挑例津二價不出五萬兩不能全行挑完自道光三年大挑以後十餘年來河底未能處處

通暢是以本年首進漕船節節磨淺自應分別輕重緩急酌加挑濬以利漕行所有上捕運加四廳塘長各河共估挑工三百一十九段共長三萬九千四百一十五丈除兵淺泉開額夫挑土不計外通計例津二價銀六萬二千九百九十三兩零內需例價器具銀二萬五千七百三十三兩零准其照例即在司庫正項內如數動撥其津貼銀三萬七千二百六十兩零准其動支東商生息銀兩一併發交沿河各州縣衛置備器具集夫趲挑並責成運河道督同各該廳營岸水籤樁埋記灰印以杜弊混該河督統俟各工挑有分數親身查驗如有偷減草率不能照估一律深平依限完竣即行指名嚴叅毋稍姑息至此項加挑工程全為籌濟新漕起見儻來年幫船入境時仍有淺滯致費周章惟該河督是問。○修河南山東黃河兩岸隄堰壩餞從河道總督果毓美請也。○乙未。

上詣

宣仁廟

凝和廟拈香○丙申

大高殿設壇祈雪

上親詣行禮○諭內閣吳椿等奏請將海寧石塘各工分別停緩一摺浙江海寧州繞城石塘及三層坦水各工據吳椿等查明本年伏秋旺汛塘工足資抵禦毋須再行加高其繞城三層坦水原為捍衛兩坦而設現在頭坦

二坦均已修築鞏固堪以護塘三坦亦可緩辦著照所請所有前議加高塘工著即停止並著將三層坦水暫行推緩以重經費而歸節省○以失察山西趙城縣教匪滋事前護總兵官馬維衍等降革有差○以捐修浙江歸安縣城垣予知縣王德寬等議敘旌獎有差○添築浙江東塘尖汛坦水從欽差都察院左都御史吳椿等請也○緩徵浙江仁成長亭二場歉收蕩田新舊額課○丁酉諭內

閣前據禮部等衙門奏稱本年

孝穆皇后

孝慎皇后梓宮奉安後請照例移撥添撥莊園頭地畝以供祭品並據稱此次平貴人睦答應同日安葬園寢似應各給莊園頭地畝等語當降旨諭令容照將辦理成案查明具奏茲據奏查明平貴人於道光七年在寶華峪園寢奉安後係遵照道光三年間

晉太妃奉安時辦理成案備辦供品並未添

撥地畝並據查明乾隆八年至嘉慶十八年

景陵

裕陵陸續奉安各主位俱未撥給莊園頭地畝於嘉慶十八年奏准自乾隆八年以後奉安之主位每位照向例減半撥給地畝等語此次

孝穆皇后

孝慎皇后梓宮奉安後所有應行移撥添撥各地畝俱著查照成案如數撥給其平貴人

睦答應應辦供品。即著照案在於應撥

孝穆皇后

孝慎皇后位前地畝內備辦。毋庸另行添撥。本年睦答應與平貴人同日安葬園寢。該內務府大臣並不查明例案。於奉移時將向來答應均在曹八里屯安葬奏明請旨。又禮部內務府會奏並未將平貴人在寶華峪園寢未經添撥地畝之處詳晰查明率行具奏。俱屬疏忽。內務府大臣禮部堂官俱著交部議處。○又諭據容照奏稱查明

晉太妃位前現無供應祭品地畝請照案酌

半添給等語。

晉太妃於道光三年奉安後未經撥給莊園頭地畝與嘉慶十八年奏准酌半添給成案辦理殊未盡。著即照案減半添給莊園頭地畝以辦供品。該衙門知道。○又諭琦善奏請將訪拏惑取奸民之副將知州開復頂帶等語。前因直隸通州民人張七等假治病為

名。斂錢惑眾。該州協副將太平保稟報遲延。

該州知州史渭綸未能立時按名獲究。當經降旨將太平保史渭綸一併摘去頂帶。茲據琦善奏此案先經刑部訊明僅止誣錢修廟並無學習邪術設立教會重情。並查明為首之張七等及張其祥等犯均係由該州先後拏獲解部。其步軍統領衙門番役所拏王六等亦係州役首先拏獲尚無捏飾規避情事。太平保史渭綸俱著賞還頂帶。○修直隸通

州溫榆河上游果渠村壩埽各工從總督琦

善請也。○戊戌以京師得雪遣惇親王綿愷

詣

大高殿報謝。○

聖祖仁皇帝忌辰遣官祭

景陵。○

上詣

壽皇殿行禮。○詣

關帝廟拈香。○臨端順固倫公主殯所酌酒。

○臨故大學士托津第賜奠。○諭內閣。

孝慎皇后神牌著派禮部侍郎色克精額工部侍郎裕誠帶同中書翰林官各一員於本年十一月二十四日恭詣供奉處敬謹書寫並著大學士文學阮元屆時上香行禮敬視書寫埽青。○予故大學士托津孫太僕寺員外郎慶端服闋後以郎中升用。○乙亥。

上詣

皇太后宮問安。○以失察山西趙城縣教匪滋

事前護巡撫蘇成額等降革有差。○補鑄山西趙城縣知縣印信。從巡撫鄂順安請也。○旌表守正被戕江蘇江陰縣民匡玉麟妻耿氏。○庚子諭內閣陶澍奏幫丁陳欠賞借銀兩懇准籌款生息抵還一摺。據奏江興二衛丁情疲困由於盤壩接運所致覈查各該幫共未扣節年賞借本息銀三萬四千五百八十六兩零著照所請准其將盤運餘賸及扣存平餘共銀二萬三千七百八十一兩零撥

出生息以抵補各幫未扣賞借銀兩一俟抵補足數即將原本提還歸款報部撥用。○諭軍機大臣等與德奏前赴巴爾楚克順查渾河情形上年經委員周廷芬築壩開渠共開地四千餘畝本年已有收成此外可開之地尚多試種二三年後均可升科現招徠眷民二十八戶已借給牛具籽種撥地耕種等語回疆屯田之設創自近年原所以備官兵俸餉之用而省內地撥運之煩是以道光十一

十二年屢經降旨諭令該將軍等通盤籌畫務為久遠之計迄今試墾數載業報升科每年徵糧七百餘石其於該處歲支經費節省若干曾未計及儻歷年開墾以後回疆物產不足供回疆兵食於歲調錢糧仍不能量為節省是此項屯田不過敷衍目前究屬有名無實於邊儲又奚裨耶著該將軍等確切查明務使屯田所入足敷兵食兵丁得養贍之益而內地無饋餉之煩方為實效其外來

眷民招徠之初。不能不借給牛具籽種。俾資耕作。惟此類閒民。究非防兵可比。無須按年借給。以昭覈實。至從前各城新增兵額。原係因時制宜。慎重邊防之意。前有旨令該將軍隨時酌量奏請抽撤。現計回疆戡定。已越數年。而各處防兵。均未議及裁撤。著該將軍等一併酌覈情形。悉心籌畫。妥議具奏。將此各諭令知之。○辛丑旌表守正捐軀河南息縣民杜春祥妻李氏。○壬寅諭內閣鄂山奏參

將辦理夷務因病回省出缺。懇恩議卹一摺。四川越嵩營參將王進忠著賞加副將銜。毋庸照立功後病故官員之例議卹。以示限制。而免冒濫。○諭軍機大臣等鍾祥覆奏山東省沿海各處毗連奉天居民依親就族。視同鄉里。今秋登萊青三府秋成較歉。紛紛前往謀食。現已委員會同地方官平糶出借。並酌發口糧接濟。明春回籍後。妥為安置等語。盛京為我朝根本之地。風俗醇樸。原不容流民

涸跡。其附近之山東居民往來營運。固屬例所不禁。惟近來該處商賈輻湊。人已眾多。若再任乏食窮民前往覓食。甚至視同鄉里。生聚滋繁。究屬不成事體。著該撫酌量情形。除明春由奉天回籍各民。妥為安置外。嗣後該省偶遇歉歲。務當隨時體察。設法撫卹。毋令各處貧民附搭便舟。乘用小車。藉稱依親就族。挈眷同行。以致陪都重地。流民雜處。即尋常貿易客民。亦當示以限制。不得輕去其鄉。

往來營趨以肅地方。而昭慎重。將此諭令知之。○癸卯。以塔爾巴哈台參贊大臣棍楚克策楞為內閣學士。兼禮部侍郎銜。○蠲緩吉林寧古塔三姓被水歉區新舊銀穀有差。並給兵丁口糧。○甲辰

上詣

皇太后宮問安。○諭內閣陶澍等奏購設義倉一摺。江南省連年被水。撫賑兼施。茲據該督等奏於江寧省會。籌設豐備義倉。積貯穀石。

以防荒歉共計捐穀三萬六千三百餘石此項建倉備貯係官民捐輸承辦著免其造冊報銷該部知道○又諭嵩溥奏緝獲首從各犯並副領催捕賊受傷身死請酌加賞卹一摺此案偷圍賊犯同夥十三人業經緝獲過半兼獲兇首餘犯仍著勒限嚴拏母任一漏網金頂副領催德恆安奉派緝賊奮不顧身以致受傷殞命情殊可憫著賞給銀三十兩伊子鄂漠年甫十齡癯獨無依著加恩挑

補馬甲錢糧以資養贍○命貝勒奕綱在乾清門行走○烏什幫辦大臣業布鏗額因病解任賞伊犁協領法福禮副都統銜為烏什幫辦大臣○以阿克蘇屯田豐收予員弁議敘賞兵丁一月鹽菜銀○撫卹琉球國遭風難夷如例○乙巳

上臨端順固倫公主殯所酌酒○諭內閣本年十二月十一日

孝穆皇后

孝慎皇后梓宮奉安地宮所有應行遷奠及大饗等禮著派載銓承祭恭捧冊寶著派恩銘文慶禧恩敬敬宣讀祭文即著該處讀祝官敬謹宣讀其隨入地宮即著恭理王大臣惇親王綿愷恩銘何淩漢禧恩文慶裕誠敬敬敬視奉安毋庸另行添派○諭軍機大臣等周之琦奏知縣等員被人編造歌詞請旨革審一摺此案新城縣知縣席伊炳詳革職員黃簡思等與生員孔廣璉夥詭禁米出境

前經該撫將席伊炳奏參撤任審辦茲據奏該員等被人編造歌詞查覈黃簡思所呈歌詞專為阻米之事編造其餘所指各款均關地方各官貪縱虐民非尋常匿名揭帖可比必應徹底嚴究著周之琦提集應訊人證細心研鞫秉公審辦如席伊炳等被指各款屬實即應照例治罪儻被汙讎此風斷不可長揭帖係黃簡思呈出原與呈控無異應向究出編造之人嚴行懲辦如實不能指出即將

黃簡思照誣告律坐罪。斷不可徇庇姑容。任其狡展。將此諭令知之。○又諭本日據都察院奏四川我邊廳民人徐幗林等控稱四川我邊廳兇夷屢肆焚搶。官兵每以賞賜息事。本年四月間。該處官兵凱撤。後閏六月二十一日以後。該夷復出巢滋事。焚搶團包山麻柳壩大板房等處。殺掠一百餘人。並將修理營房之木匠擄去。又嘉眉雅三屬州縣。派令津貼夫價。接運軍米。自十三年以後。我眉縣五次。每糧一兩。派完銀十三兩五錢等語。本年四月間。據鄂山奏我邊廳屬雅扎等十三支夷。全境肅清。該夷家屬投誠乞命。已據馬騰龍察看真誠。傳具木刻永不滋事。何以凱撤未逾兩月。該夷匪復敢出巢焚搶。肆行殺掠。若如該民人等所控。已被焚擄者。流離失所。未被焚搶者。添派糧銀。是該省辦理此案。總未妥善。且數月以來。並未一字奏及。殊不可解。著寶興鄂山余步雲即將該民人所控

各情。是否屬實。如何辦理之處。確切查明。據實明白覆奏。毋許稍有含混隱飾。將此各諭令知之。○以回疆軍營出力。予守備索文。以都司升補。並賞緞匹。○以江西捐建義倉。置田貯穀。予候選員外郎李宗泌等。選補加銜有差。○賞山東等省鄉試年老諸生曹宗湘等四十一名。舉人副榜有差。○緩徵江西玉山餘干二縣被旱被水歉區額賦。○展緩陝西西安同州乾三府州被雨歉區應徵道倉夏糧。○丙午。旌表守正捐軀直隸天津縣民劉俊妻柴氏。陝西商州民南三。盈聘妻張氏。○撥大青山後馬廠地租銀二萬兩。發商生息。協濟綏遠城官兵紅白賞項。從將軍彥德等請也。○撥湖南永州府庫銀二千兩。交錦田所江藍同知收貯。一千兩。交楊家鋪永桂通判收貯。以備徭疆要需。從巡撫吳榮光請也。○丁未。諭內閣工部。硝磺庫管庫郎中福謙。候補主事武興。緒於行取。硝磺並未將庫

貯數目。覈實呈明。著先行交部議處。仍著該部堂官派委妥員。詳細盤查。有無虧短。據實具奏。毋庸會同現在管庫司員。尋奏自道光七年盤查後。現較冊存數目。短硝一萬九千斤零。礦二萬八千斤零。得旨書吏孫懷清等。著交刑部審訊。郎中福謙。主事武興緒。著聽候傳訊。○諭軍機大臣等。英經等奏金州等城旗丁。私赴吉林雙城堡地方耕作。請明定稽覈章程一摺。吉林雙城堡地方。開墾屯田。

於嘉慶年間。奏准由盛京挑撥旗丁。前往耕作。其由金州等處派撥前往者。歷經該將軍等籌議章程。遇有該屯正丁退故等缺。即以續往現在之幫丁頂補。並取具該丁三代戶口冊檔。入籍收管。奏明辦理有案。茲據該將軍等查明。近年金州等處旗丁。有由本籍私往充丁幫作者。奏請明定章程。約束稽查。以免該丁等戶籍牽混。自為覈實起見。著照所奏辦理。惟念雙城堡地方。向經移駐京旗閒

散。茲各該城丁口。私往耕作。有無占礙移駐京旗地步。不可不計及久遠。以期行之無弊。並著該將軍等查明具奏。將此諭令知之。尋奏金州旗丁充作幫丁。與移駐京旗閒散。不相占礙。報聞。○兵部奏本年八月份。應用漢軍參將。侍衛處現無保送人員。此缺應如何補用。例無明文。亦無辦過成案。請扣歸別項人員銓補。並募入則例。從之。○以伊犁屯田豐收。予總兵官錫霖等議敘。賞兵丁一月鹽

菜銀。○戊申。諭內閣。琦善奏請寬免失察邪教各員弁處分等語。此案失察李如陵等習教各員弁。或協同鄰省拏獲。或奉文即行拏解。辦理妥速。功過尚足相抵。所有應得處分。著加恩概予寬免。○己酉。以捐修貴州貞豐州。

文廟書院等工。予知州袁敏升等議敘。有差。

○庚戌。

上詣

壽康宮前殿行禮。後殿問。

皇太后安。○諭內閣。嗣後欽差大臣查辦事件。其隨帶司員。不准以現任大員子弟派往。○諭軍機大臣等。前據都察院奏。廣東莞縣命婦盧尹氏。遣抱具控。伊子已革刑部郎中盧應翔。被叅革職解審一案。上年欽差尚書昇寅等。供奏兩歧。隨帶司員。挾嫌陷害等情。當降旨交鄧廷楨審訊。並諭令逐加體訪。務得確情。近有人奏查覈案內疑竇多端。請密飭逐層確訊。毋稍瞻徇等語。此案已革郎中盧應翔。尚未奏提到案。並未訊供。何以遽照取供確鑿問擬。吳毓鈞係現任直隸州。何以充當巡捕。有無跟進至省。復跟送出省。如何窺探串囑。是否該上司差委。不難據實確查。盧應翔之弟盧應運。於道光十年六月內身故。呈繳貢照。自有案據可查。昇寅等原奏內稱。盧應運等糾毆酒館。係十三年事。各供內並無其名。奏摺憑何敘入。盧應翔以教唆被

叅革職。係憑葉利氏口供。而本年葉利氏首呈。又稱盧尹氏誣控伊受賄。妄供伊子教唆。與上年具供之葉利氏先後判若兩人。葉利氏供內。既稱盧應翔薦羅姓作呈。則羅姓為此案要證。何以並不提質。而奏摺內指稱盧應翔教唆上控。薦羅姓作呈。葉利氏即找在逃之羅姓。代作呈詞。是羅姓並未查拏到案。葉利氏之夫。於十三年六月在押身故。據盧尹氏呈稱。伊子於是年四月領咨赴京。無從教唆。何不將盧應翔起程到部日期。確查定案。李兆泰供盧應翔於八年正月致書李鴻賓。將伊等拏辦。李鴻賓身任總督。豈能憑一私函。拏辦多人。既已訊誣。何故容隱。李兆泰等又何以甘心遲至數年。並不告發。種種疑竇。供奏不免歧異。情節亦屬支離。若非徹底根究。不足以成信讞。著鄧廷楨。祁墳提集案證。悉心研鞫。秉公審辦。鄧廷楨甫經到任。祁墳交審在先。案未奏結。均無所用其回護。如

係盧尹氏飾詞強辯。則應將盧應翔加等治罪。儻係吳毓鈞希圖消弭叅款。捏構疑獄。即應據實平反。總須破除情面。確切訊究。並嚴飭承審官員。毋許將要證任意拖斃。致無質對。其前經派審各官。不准復派。不得以案關欽差大員意。存瞻顧。尤不得以案內牽涉之員。或係同年同鄉世好。有意瞻徇。儻沿外省積習。因係甫經查辦之案。翻異前奏。事屬難辦。遂致顛預遷就。草率了結。含混入奏。不實

不盡。將來別經發覺。惟該督撫是問。懍之慎之。將此諭令知之。○緩徵甘肅皋蘭河狄道。渭源金隴。西寧遠安定。會寧平涼。靜寧固原。永昌平番。寧夏寧朔。靈中衛平羅。碾伯泰湟。崇信靈臺。鎮原二十五州縣。並鹽茶同知。沙泥州判。東樂縣丞。所屬歉區。新舊錢糧草束。○辛亥。禮部議准。江西巡撫周之琦疏。報採訪永寧縣貞節婦女。劉氏等一百七十七口。請建總坊旌表從之。○癸丑。諭內閣。前據

多爾濟喇布坦等奏。請將喀爾喀從前成熟續經拋荒地畝。照舊墾復一摺。當降旨交該衙門議奏。經理藩院議。請飭令該大臣等詳查。妥定章程。咨報該衙門。再行覈辦。茲據理藩院奏。將該處招民墾復情形。據咨復覈酌定章程。請准照舊墾復。以裕民食等語。蒙古地方遼闊。以騎射遊牧為本務。向例不准口內居住旗民。在蒙古地方開墾。其種地貿易民人。前經各該旗呈報驅逐。歷經辦理有案。

此項地畝。若仍令招民墾種。行之日久。難保不多開私墾。有礙遊牧。致妨蒙古生計。轉非覈實體恤之意。所請照舊墾復之處。著不准行。○禮部議准。湖南巡撫吳榮光疏。報採訪桂陽縣貞節婦女朱胡氏等四百三口。請建總坊旌表從之。○甲寅。

孝慎皇后殯宮月祭。遣官行禮。○諭內閣。兵部奏。叅總兵父子同營。有意朦混一摺。調任廣東高州鎮總兵。萬榮前在四川建昌鎮任內。

將伊子萬嵩齡更換四川籍貫收入本標。歷拔外委。殊屬有心。朦蔽著交部嚴加議處。尋議上得旨。萬榮著照部議降四級調用。其子萬嵩齡著即斥革。所有從前收標歷任考拔之該管官。及未經查出之將軍提督著四川總督查取職名送部覈議。該督未能詳查出咨著交吏部照例議處。○又諭前據給事中覺羅明奎等奏筆帖式出缺日期呈報不符。當降旨交該旗都統查明具奏。茲據鑲白旗滿洲都統奏稱。兵科筆帖式西凌阿係九月十五日病故。伊子勝保因患傷寒。痛父情切。誤稱十六日出缺。交筆帖式台斐英阿呈報。查明尚無弊竇。惟呈報日期前後不符。究屬錯誤。西凌阿之子領催勝保著俟服闋後交該旗責懲。○命熱河總管倭楞額副總管榮桂覆勘挑挖旱河工程。○禮部議准山東巡撫鍾祥疏報採訪蓬萊縣貞節婦女白趙氏等三百六十二口。請建總坊旌表從之。○旌

表守正被戕雲南阿迷州民王應女王氏

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七十四

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七十五

王作總裁官總處日講起居注官太子太保體仁閣大學士文淵閣領閣事管理戶部審格七書月朔時傳翰林院掌院學士兼管閣

天府府尹事歸隱居加五級勳錄十八次臣實積懋誠官題茲謨宣部而重鎮藍旗漢軍都統管理新營房城內官房六相察的

上食大臣楊塞會同四譯館事每加一級隨帶加六級軍功如三級紀錄五次及花沙納總攝官文烈間提舉閣事兵部尚書趙雲

內務府大臣鍾國棟滿洲副都統稽察司七倉大臣管理宗人府銀庫左翼總管學
監每宮圖明園等處打邊營知茶膳房藥房太

阿靈阿副總裁官經筵講官兵部尚書通帶六級紀錄二十次

教学

道光十五年乙未十二月乙卯朔諭內閣奇

寶林卷二百七十五

—

明保等奏請將任意疏縱驗訊失實之刑司協領等官解任質審一摺。此案黑龍江永遠鎖禁之宗室圖克坦在外滋事被馬三伏等挾嫌毆斃實屬目無法紀。馬三伏富明阿朱志興木克登布哈當阿及案內干連之廣修于四張自信等均著交哈豐阿嚴訊確情分別定擬該處刑司協領拉爾桑阿等既看管弛懈於前復錯驗漏供於後難保無交往賄託情弊。協領拉爾桑阿佐領木通阿防禦瑚

一
二
三
四

遜布驍騎校富興阿均著解任歸案研審。務期水落石出。以成信讞。無稍寬縱。尋奏。富明阿與馬三伏等設賭。屢被圖克坦欺侮。富明阿忿恨。邀同馬三伏等將圖克坦毆傷殞命。富明阿依律擬絞監候。馬三伏木克登布。朱志興哈當阿擬發近邊充軍。協領拉爾桑阿請革職。枷號三箇月。佐領木通阿防禦瑚遜布驍騎校富興阿請交部議處。下部議從之。

○禮部奏明年元旦應行禮儀得旨是照例

寶錄卷二百七十五

11

行禮奉

皇太后懿旨。停止筵宴。其在外福晉命婦進內行禮之處。並著停止。山西巡撫申啓賢奏設法稽查積案。事。事務求覈實。不敢忘當年為學之初心。得旨。欲挽疲緩之積習。非力求振作不可。雖不能急見功效。持之以久。必有日計不足。月計有餘之驗。勉之勿懈。罔恤其他。昔日朕至上書房。曾有勤乎學。莫負初心之句。題九洲清晏。則有勿為誘化固初心之

句。與卿之不敢忘初心同一意也。我君臣其共勉之。○以二品頂帶內務府大臣敬徵為鑲紅旗滿洲副都統。○杭州副都統伊星阿因病解任。調廣州漢軍副都統左廷桐為杭州副都統。山海關副都統孟魁為廣州漢軍副都統。以鑲紅旗滿洲副都統常德為山海關副都統。○以失察屬員營務廢弛。命廣東南韶連鎮總兵官薩齡阿來京。尋降調調福建漳州鎮總兵官恆安為南韶連鎮總兵官。

實錄卷二百五十五

三

以湖南長沙協副將黃其漢為漳州鎮總兵官。○以緝獲鄰省匪徒陳方等。山東知府王澐等下部議敘。○戶部議准浙江巡撫烏爾恭額疏報奉化縣開墾蕩田十四頃十畝有奇。照例升科。從之。○丙辰

上詣

皇太后宮問安。○諭內閣前據文孚等奏會同審明土默特貝子旗台吉那遜巴圖等列款呈控該扎薩克貝子德勒克色楞一案。當降

旨交部議奏。此案貝子德勒克色楞於打圍時乘坐椅轎。該處有何打圍之處亦從無乘坐椅轎打圍之理。其飾詞遮掩已屬顯然。復於途次任聽色巴拉將烏爾庫木濟之女接至廟內。並於旺金保分產之案不能妥辦。又將扣布特阿勒坦都布齊揀派扎蘭兼管印務致招物議。經理藩院議將該扎薩克貝子德勒克色楞照不應重律杖八十。私罪降三級。調用上蒙古官員無級可降。折罰扎薩克

實錄卷二百五十五

四

俸二年。尚覺過輕。德勒克色楞著退出御前。在乾清門行走。仍罰扎薩克俸五年。不准抵銷。以示薄懲。○諭軍機大臣等。前據桂良奏升任湖南澧州知州王元鳳門丁陳二一犯。係由該撫密飭截留。並非王元鳳稟留等語。本日令軍機大臣傳王元鳳訊問。據供九月二十一日在河南見京鈔知李萬忠等控案。牽涉該員。恐門丁陳二在外作弊。二十二日晤祥符縣李令。託其代回巡撫。將陳二委員

解楚。次早李令來寓云。巡撫適接欽差來文。令其將陳二帶去等語。陳二一犯是否該撫密飭截留。抑實係王元鳳先行告知祥符縣李令之處。著該撫確切查明據實具奏。將此諭令知之。尋奏陳二一犯經祥符縣於王元鳳自河南北上後趕至北關外截留。王元鳳前並無託該縣稟明解楚之語。得旨王元鳳前次所供情節不實。著交部議處。命刑部左侍郎廉敬馳往綏遠城會同將軍彥德查辦。

宣宗實錄卷二百七十五

五

事件○丁巳諭內閣。昨據理藩院會同刑部將文孚等審明。扎薩克貝子德勒克色楞一案。遵旨覈議具奏。因處分過輕。業經降旨示懲。此案前經朕特派文孚會同嵩溥查辦。所奏各情節多有不實。不盡即如該貝子因墜馬傷足不能騎馬。曾坐椅轎打圍等語。文孚等任其狡飾。即據供入奏。至該貝子回旗演戲。自屬相沿陋習。文孚等奏請旨飭禁。經理藩院覆查道光八年間有禁止演戲一案。僅

於摺尾聲敘至克興額。彼時如何懲處並未敘入。該貝子於奉諭通飭禁止後復敢蹈此惡習。應如何定擬示懲。亦未議及外省案件。既欽派大員前往審讞。自應實心敬事。不避嫌怨。其覈議衙門亦應秉公執法。無稍瞻顧。若俱顛預了事。必待朕細心看出分別功過。覈實持平。朕日理萬幾。儻稍不經意。則各案畸輕畸重在所不免。諸臣受恩深重。於古大。臣善則歸君過。則歸己之義。豈茫乎未之聞。

宣宗實錄卷二百七十六

六

耶。乃相率因循。以置身無過之地為得計。所謂任勞任怨者。安在嗣後務各振刷精神。漸除積習。事歸切實。政賴匡襄。毋負朕諄諄誥誡之至意。將此通諭知之。又諭琦善奏請借動倉米散放口糧等語。直隸天津地方本年秋收中稔。糧價增昂。窮黎乏食。經長蘆鹽政鍾靈督同運司道府勸諭紳商捐銀三萬二千兩。擬為散給臘正兩月口糧之用。惟採買米石較多。必致糧價愈增。且恐緩不濟急。

著照所請准其將道光十三年分山東協濟存貯天津倉米九千石暫行借給散放每米一石作價銀二兩二錢即以捐項解存道庫俟豐收買穀還倉以重倉儲而裕民食○又諭陶澍等奏籌議趕辦新漕各事宜一摺新漕開兌著責成糧道臨倉親驗並委各屬總運廳員逐廠察看一經驗定米色幫丁即不得混挑妄稟少一分挾制即早一日開行各幫旗丁仍著加意體恤毋令致負重累又浙

實錄卷一百七十五

七

江江廣船隻無分幫次先到先進瓜洲口一條如浙江暨江廣各幫先行停泊江口者無論何省何幫即行趨挽徑進瓜洲口俟全數渡黃後於邳宿一帶按照原定省分次序順幫前進著臨時酌量情形妥為辦理儻有水手人等爭競擁擠即著該處文武營汛及該幫運弁嚴拏究辦又各衛屯田妥為清理一條即著分飭各府州縣衛確查有無屯丁私行典賣速籌妥辦又江蘇總運丞倅應管押

幫船過淮渡黃一條總運廳員有彈壓水手稽查盜賣之責近因州縣措解存公銀兩未能即時起解總運廳員未免羈留不克隨幫起程嗣後著辦漕州縣將扣存帶北存公銀兩務於幫船開行十日內按數解總運廳員收存儻所屬幫船全行渡江尚未清解即著總運廳員迅速起程督運一面稟明除勒令該州縣將銀兩專差趕解總運舟次外仍著將誤公之州縣照例叅辦以儆疲玩直隸

實錄卷一百七十五

八

總督琦善奏請借項興修唐縣護城隄壩得旨允行又批雖係借項興修分年歸款然地丁正項非閒款可比屢如是亦屬不成事體嗣後務當斟酌○濬江蘇太倉州七浦河道及太湖以下泖澱等處修元和縣南塘寶帶橋從總督陶澍等請也○戊午諭內閣文孚奏會同嵩溥審辦扎薩克貝子德勒克色楞一案據供入奏致有不實不盡請交都察院議處又據長齡等奏議處此案拘執擬議聲

敘疏漏請交部議處各一摺。文孚嵩溥長齡禧恩聯順。吉倫泰著交都察院吏部議處。尋議文孚嵩溥應罰俸六箇月。長齡禧恩聯順吉倫泰俱應罰俸一年。不准抵銷。得旨。文孚嵩溥俱著改為罰俸一年。不准抵銷。○又諭總兵為專閫大員。訓練操防是其專責。歷因簡用需人。令各該督撫於所屬副將內保舉備用。該督撫自應嚴加考覈。擇其平日實能正己率屬整頓營伍者。登諸薦章。方可收得人之效。近來各省保舉各員內。如直隸正定鎮總兵海凌性耽安逸。難望振作。廣東南韶連鎮總兵薩齡阿。不能整飭營務。高州鎮總兵萬榮前在四川建昌鎮任內。將伊子萬嵩齡更換四川籍貫。收入本標。歷拔外委。可見各省保舉。不能認真遴選。濫竽充數。以致該副將等升任後。不能稱職。甚且自滋咎戾。殊失慎重。閫寄之意。海凌係琦善保舉。旋經自行查出。叅奏。是以將伊處分。姑從寬免。薩齡

阿升任總兵後。諸事廢弛。已不勝專閫之任。萬榮父子同營。有心蒙蔽。更屬私罪。其原保之訥爾經額鄂山。俱著交部照例議處。尋議上得旨。訥爾經額著改為降三級留任。鄂山著改為降四級留任。均不准其抵銷。其鄂山於萬嵩齡更換籍貫。未經查出。咎止失察。著照部議降一級留任。准其抵銷。○以兵部尚書奕額兼署禮部尚書。○以山東膠州協副將張青雲為廣東高州鎮總兵官。○己未。再於

大高殿設壇祈雪

上親詣行禮。庚申。

孝惠章皇后忌辰遣官祭

孝東陵。○諭軍機大臣等。寄諭直隸總督琦善。有人奏直隸安平縣城內。十月下旬。有竊盜數十人。乘夜糾搶鋪戶。鋪眾被傷。官兵追捕未獲一犯。又在饒陽縣張剛村。搶去鹽店錢物。賊眾叫罵。似山東口音。直隸與山東毗連。

處素有篋匪。東光縣捕役關培基往拏。被刃去一目。又搶去民間一女。當有東光薛家廟王姓拏獲送官。篋匪人帶一篋。以為認識之具。凡有此篋。雖素不謀面。立即引為腹心等語。匪徒聚眾搶劫。最為地方之害。若如所奏。篋匪以篋為標識。借以廣集徒黨。肆行劫奪。尤不可不嚴行拏究。著該督即查明安平饒陽東光各案。現在作何辦理。並嚴飭各該縣文武員弁。密速查拏。按律懲辦。儻究明安平

饒陽兩案賊匪。即係此項篋匪黨類。務當設法捕獲。無使滋蔓。以戢奸暴。而安閭閻。將此諭令知之。尋奏安平縣城內有孫體仁雜貨鋪被竊京錢五千餘文一案。饒陽縣鹽店被竊一案。均無強劫情形。東光縣馬可良案內有搶奪倡婦孫二丫頭之事。已由外擬結。現又飭該縣密加偵緝。如有篋匪。立即獲究。報聞。○辛酉

上詣

皇太后宮問安。諭內閣向例滿洲蒙古武進士。挑取侍衛。一切升級得項行走差使。俱照滿洲侍衛辦理。朕思滿洲蒙古武進士。挑取侍衛與漢侍衛一體當差。其行走年限升遷選法若照滿洲侍衛辦理未免兩歧。嗣後應如何畫一之處。著領侍衛內大臣會同兵部妥議具奏。尋議嗣後滿洲蒙古人員由武進士出身者。請悉照漢侍衛之例。期滿按俸次科分銓選。如遇旗缺月缺。概不准保送。以杜

歧出從之。○壬戌

上詣

大高殿行禮

時應宮拈香。○以

孝穆皇后梓宮

孝慎皇后梓宮。奉安地宮。前期遣官告祭

天

地

太廟

社稷○遣官告祭

奉先殿○以拏獲匪徒多名福建道員祥璽下
部議敘○以故雲南雲龍州屬箭桿場土巡
檢字恩隆子經朝襲職○旌表未婚守節喀
喇沁扎薩克郡王布呢雅巴拉繼祖母瑪佳
氏○科爾沁扎薩克卓哩克圖親王巴圖喀
爾喀賽因諾顏扎薩克親王車林多爾濟阿
拉善扎薩克親王囊都布蘇囉巴林扎薩克
郡王那木濟勒旺楚克等三人奈曼扎薩克
郡王阿宛都瓦第扎布敖漢郡王幹咱巴拉
阿巴噶扎薩克郡王阿爾塔什第蘇尼特扎
薩克郡王布爾呢錫哩翁牛特扎薩克貝勒
寶拜喀喇沁扎薩克貝子額外侍郎瑪哈巴
拉等二人阿巴哈納爾扎薩克貝子伊達木
扎布於隆宗門內瞻觀○歸化城土默特輔
國公齊魯布阿巴噶扎薩克頭等台吉都噶
爾布木鄂爾多斯扎薩克頭等台吉色楞德
濟特於西苑門外瞻觀○癸亥

上御乾清門聽政○諭內閣御史張琴奏請飭
禁濫派委員勒薦幕友以除積弊一摺各省
候補佐雜人員原資差遣然流品既多賢否
不一若濫行委用則弊竇叢生至幕友幫辦
稿件必須妥實練達方克有濟斷不准屬託
長官倚勢勒薦以致誤公若如該御史所奏
近來各省差委名目甚繁名曰冬差未委以
前候補者百計鑽營得委後不過遣家丁走
收規禮即可銷差甚有貪婪之輩包帶貨物
偷漏關稅以所帶之物昂價託銷至新選州
縣到省即有盤踞該省之幕友屬託長官倚
勢勒薦州縣慎重公事另延幕友其長官所
薦者空給束脩名曰乾館等語似此濫派勒
薦於地方吏治殊有關係不可不大加整飭
著通諭各直省督撫凡委員必須擇審無得
營私濫派其有輕忽公事偷漏關稅者一經
查明即行撤委叅辦至各該州縣延請幕友
聽其自信擇取無得倚勢勒薦其有包攬滋

弊遷延誤公者。嚴行叅處。以清吏治而肅官常。將此通諭知之。○諭總管內務府大臣等。前派令總管太監劉進禮等清查寧壽宮陳設物件。茲據查明多與印冊不符。其平日所造冊帳。並不詳加覈對。以致有多有少。甚屬非是。此次姑免深究。所有管理寧壽宮之總管太監梁保。李景雲。著各罰月銀三箇月。該處司員等亦著各罰俸三箇月。以示薄懲。應存冊帳。均著照此次清查更改鈐印存貯。嗣

後每年不准另行造具新冊。如再查有舛錯之處。定將內外管理人員。暨該處首領太監等一併嚴究。決不寬恕。○刑部奏審擬印喜在莊親王府聚賭一案。得旨。此案印喜在莊親王府內聚賭。至一月有餘。莊親王奕劻毫無覺察。非尋常失察可比。著交宗人府嚴加議處。尋議莊親王奕劻應革爵。得旨。著加恩改為罰親王俸五年。○以詹事府詹事朱巘為內閣學士。兼禮部侍郎銜。麟魁為通政使

司通政使。命喀爾喀扎薩克貝子德勒克多爾濟在庫倫幫辦大臣上學習行走。賞兩江總督陶澍

御書印心石屋扁額。○除玉舒格爾吉等十一族被災番戶應徵銀兩。○甲子以

孝穆皇后梓宮

孝慎皇后梓宮奉安地宮遣官行遷奠禮。○諭內閣周之琦奏幫丁抗繳關稅懇請飭追一摺。上年湖北省幫丁起運道光十三年漕糧

例外跨帶木植偷漏九江關稅。曾降旨令湖北督撫如數飭追補解歸款。茲據周之琦奏稱。該糧道李源以幫丁等心疑引例未確。為詞率請咨部查例藉圖延緩。並據查明例案科則。及十三年兩關徵收稅銀。九江關實多於蕪湖關十一倍。是原奏該幫船應補完九江關十四年漏稅銀一萬一千四百九十餘兩。毫無舛錯。著湖北督撫暨漕運總督。仍飭該糧道勒限半年。如數追補歸款。儻逾限追

不及數。即著落該糧道李源照數賠解。○又諭佟景文奏參縣署門丁被控撞騙請革職究辦一摺。此案安徽建德縣知縣費開榮門丁錢三被該縣監生鄭衍炤指控勾串出入衙門之監生金萃熙文生洪綸如監生徐漢奇囑伊控縣。包管將劉德謙虧欠店錢如數斷還。並稱縣署要錢一千串。洪綸如即代作呈詞交給門丁金四轉投及該縣提訊並未斷還錢文。迨飭提錢三等到省訊辦。該縣並不及時批解。復經委員守提仍未解省。費開榮於門丁錢三等指官撞騙。如果僅止失察。何難即時批解聽審。乃屢經飭提延不解省。難保無知情縱容情弊。案涉贓私。虛實均應徹底根究。費開榮著先行革職。交色卜星額到任後親提人證卷宗。確切審訊。並勒令將門丁錢三等即行交出以便逐一究詰。有無知情縱容等弊。按律定擬具奏尋奏。訊明鄭衍炤許財行求。徐漢奇等並不即時阻止。應

分別擬杖笞如律。錢三等乘機誣騙。應俟緝獲後照例擬軍。費開榮雖非縱容究屬急玩業經革職。應毋庸議。下部議從之。○諭軍機大臣等。前據都察院奏廣東莞縣命婦盧尹氏遣抱告具控伊子已革刑部郎中盧應翔被參革職解審一案。當降旨交鄧廷楨審訊。嗣有人奏查覈案內疑竇多端。請密飭確訊。復經降旨令鄧廷楨會同祁埴提案研鞫。本日據祁埴奏審辦此案將盧應翔發近邊充軍。因其肆意狡展。堅不承招。仍照例取具眾證情狀。請旨定奪等語。此案情節支離。本多疑竇。祁埴所奏恐尚有不實不盡之處。著鄧廷楨仍遵前旨提集案證。秉公確覈。務得實情。無庸會同祁埴審辦。該督甫經到任。自無所用其回護也。將此諭令知之。○刑部奏堂印被竊。請派大臣會同審辦。得旨此案著派長齡著英會同刑部嚴審。當月司員郎中九齡主事譚顯相著即革職。刑部堂官著先

交部嚴加議處尋議王鼎成格史致儼劉彬士姚元之俱應照例革職得旨俱著加恩改為革職留任○以翰林院侍講徐士芬充日講起居注官許應藻署日講起居注官○以殲擒逆匪出力予山西趙城縣紳士劉毓楠等加銜議敘有差○乙丑

孝穆皇后梓宮

孝慎皇后梓宮奉安地宮王以下文武大臣官員行禮○遣官告祭

泰陵

泰東陵

昌陵○遣官告祭

后土之神

永寧山神○奉安

神牌於

饗殿遣官行禮○諭內閣前據給事中富彰奏順天府屬仍有佐雜人員署理州縣當降旨飭查茲據何凌漢等查明覆奏順天府差委

人員除現署密雲縣知縣李澎等俱係正印委署固安縣知縣係以輪委到班之准升沿河知縣鄭啓新往署並無不合外其武清縣一缺係以良鄉縣縣丞陳述之代理據稱該員勤奮素著記功拔委且暫行代理並非署任姑免置議嗣後著仍遵前旨遇有州縣缺出當於正印中慎加遴選不得濫用佐貳佐雜等官即正印乏人不得不暫令佐貳代理亦當察其才具臨時酌委不准以操守卑污

上詣

皇太后宮問安○諭內閣容照奏後龍全局地面酌籌分段環查章程風水要地必須分段巡查方為周到據容照奏擬將內外火道地界全局分為四大段製造木牌編寫號頭識認加之印信逐日發給各段巡兵遞送限定

日期扣算發完後復逐日收回以此為每日有人巡查之據其傳牌收回至鎮署呈繳掛號仍照一周之法相接再查經過有千把總之營汛俱各掛號以備稽覈儻逾限一日立即查出懲辦又擬製合縫牌六面加之印信發交各汛適中之地差弁往查循環換驗如是則分緝與總查不至有名無實所議甚屬詳明周到俱著照擬辦理於風水重地自屬有益嗣後務當認真巡查有犯立懲斷不可

日久又成具文也○移建安徽靈璧縣新馬橋驛於黃家渡從護巡撫佟景文請也○丁卯諭內閣吳椿等奏請停辦石工一摺浙江范公塘應築條塊石工現將竣事此外推緩工段據吳椿等察看埽外新沙漲起埽根得有擁護埽身自能結實堪資抵禦所有前請築辦條塊石塘四百七丈著即停辦以歸節省如將來潮勢遷移應須添築著該撫隨時查看再行奏請辦理所有節省銀七萬三

千八百餘兩著妥為存貯如通塘續有必不可緩之工即於此內奏請動用○賞休致副都統伊星阿全俸○修浙江東塘念鎮兩汛埽工從欽差都察院左都御史吳椿等請也○戊辰命禮部尚書恩銘馳往湖南會同刑部右侍郎趙盛奎查辦事件以江南江安蘇松兩道屬糧價未平暫緩收買幫丁行月等米○予奉差淹斃江西知縣劉有慶祭葬卹廕贈知府銜捕蝗病故安徽知縣楊曉春

祭葬贈同知銜湖南軍營傷亡馬兵劉俊賞卹廣東軍營病故參將富倫布守備官忠千總沈承勲把總劉天錫祭葬奉差淹斃廣西外委李三元遇賊被戕熱河馬兵朱克明賞卹各如例○己巳

上以

孝慎皇后升祔

奉先殿親詣祭告遣成郡王載銳詣

孝穆皇后案前拈香○諭內閣前據陶澍援案

奏請將乙未綱引課分年帶運當降旨交戶部議奏。茲據該部奏稱查明該督所奏一綱之課分帶十年並奏銷逐年提前一月是否確有把握不致有名無實其乙未綱支發雜款並道光十年以後應解各部院帑利及內務府淺斤皮張變價等項積欠屢經飭催並未按年徵解究竟作何籌畫俾國課不致虛懸。雜款帑利均歸有著原奏內均未議及著陶澍逐款確覈明白覆奏。○諭軍機大臣等

有人奏直隸天津府滄州鹽山各屬瀕海回民多以扒賣私鹽為事其始不過數十人在天津東西兩岸鹽水沽楊家岑子鄧家岑子及貫兒莊等處招邀匪類結隊販鹽迨後愈聚愈多每幫自三四百人至六七百人不等南路直至河間獻縣交河阜城一帶東路直至寶坻武清香河一帶各用驢頭馱載鹽斤名曰鹽驢動以百計並攜帶火槍器械以防兵役緝拏前月初旬有滄州梟匪劉三李二

李三孫六等率領二三百人並鹽驢四五百頭手持兵器至河間縣屬之崇仙鎮當經巡役查拏該梟即放槍拒捕巡役受傷及斃命者共十餘人之多緝犯至今未獲此外各處經過鹽驢一日數起前起未去後起復來該梟等皆係積慣巨盜晝則賣鹽夜則劫竊是以直隸各州縣盜竊頻仍案多無獲鹽驢即為遁逃之藪捕役畏其人眾不敢緝拏且所過村莊勒派居民出錢買鹽並令供給餵驢

草料等語梟匪販賣私鹽聚眾逞兇必應嚴行懲辦以靖閭閻況天津河間附近京畿豈容梟匪騷擾居民拒捕傷差肆行無忌自總督而下地方文武豈不形同木偶所司何事著琦善查明此等梟匪如果屬實必當盡力緝拏並著督飭天津鎮道大員迅即遴委員弁分駐天津東西兩岸各處村莊嚴行驅逐勿令糾合成幫並嚴飭各營汛遇有鹽驢過境實力截拏遇有鹽梟拒捕傷人之案從嚴

究辦。務當振刷精神。力加整頓。儻奉行不力。或致釀成巨案。該督不能當此重咎也。將此諭令知之。尋奏天津靜海滄州鹽山南皮五州縣及河間永清等縣。先後拏獲鹽匪一百餘名。起獲鹽斤及烏槍器械車驢等物。嚴行審辦。得旨查緝甚屬認真。○命山東兗州鎮總兵官尚政華來京。以陝甘督標中軍副將富興阿為兗州鎮總兵官。○以拏獲匪犯多名。予廣東同知易長華等加銜升用有差。○減免直隸文安縣歉收窪地糧銀有差。

宣宗實錄

十一

宣宗實錄

十一

大清宣宗效天符運立中體正文聖武智勇
仁慈儉勤孝敏成皇帝實錄卷之二百七十五

[illegible]

道光十五年乙未十二月庚午。

奉先殿遣定親王奕紹行禮○諭內閣從前京

外大員子弟每屆五年查閱一次挑在侍衛
拜唐阿上行走原為嫻習清語騎射用資差
委自道光十一年查辦以來迄今又屆查辦
之時該大員子弟或身軀單薄馬上平常或
自幼讀書驟難學習弓馬自應酌量變通嗣
後在京文職三品以上武職二品以上在外
文職由總督至臬司武職由將軍提督至總

實錄卷二百七十六

成等語。兩淮鹽務。既有轉機。自須因時因勢。持以久遠。俾國課日見充裕。陶澍來京。陛見。朕連日召對。見其精神才具。結實周到。正當乘此時實力整頓。悉心經理。方不愧為國宣力之大臣。況兩淮鹽政。裁撤未久。若如所奏。復還舊制。忽撤忽設。國家亦無此政體。所奏著不准行。○又諭本日據申啓賢奏。查閱省城營伍。請將參將守備等員。分別降調留任。已降旨允行矣。巡撫職兼提督。校閱營伍。據

實考覈分別示懲。本屬分內應辦之事。申啓賢甫膺外任。營務素未諳習。一切操防訓練諸事。猶恐未必盡滿朕意。然如所奏虛報弓力。烏槍擡礮。竟有全未中靶者。撫標係巡撫專轄。城守近在省垣。果能留心訓練。其強弱更易周知。前任巡撫鄂順安在任數年。營務如此廢弛。實屬辜恩溺職。至本年山西省輪應較閱之期。哈琅阿祥康皆係朕親信大臣。特派前往。宜何如實心甄別。不避嫌怨。今省城滿漢營伍。若此各營。似此者尚不知凡幾。是其校閱時一味顛預。搪塞了事。全不以公事為重。殊失朕特簡大臣整飭營伍之至意。哈琅阿祥康鄂順安著一併交部嚴加議處。嗣後各督撫平日務當認真訓練。加意剔釐。其有經朕特派查閱之大臣。各宜破除情面。一秉大公。甄覈嚴明。無異朕親臨閱視。方為不負委任。將此通諭知之。○以故三等襄勇侯恩昌弟恩崇襲爵。○以

李穆皇后

孝慎皇后奉安地宮禮成。予恭理事務及隨入地宮之王大臣。並執事各官。加級有差。○予江蘇明御史林應訓。安徽故寧國縣知縣李鳳丹。入祀名宦祠。安徽故翰林院編修董桂敷。滁州訓導趙紹祖。陝西故湖北施南府知府楊毓。江朝邑縣職員劉大受。湖北故甘肅隴西縣知縣劉崑雲。南故山西洪洞縣知縣寶晟。阿迷州學正倪端。福建故侯官縣孝廉方正陳蘭泰。四川故陝西懷遠縣知縣雷元福。蓬溪縣貢生張昌澤。入祀鄉賢祠。從總督陶澍楊遇春。阮元。巡撫林則徐。伊里布。尹濟源。魏元烺等請也。○辛未

上詣

皇太后宮問安。○諭內閣。耆英等奏請飭催兩淮新欠。以應支發。此項應解內務府廣儲司銀兩。向由兩淮正款籌墊。經費有常。豈容任意延宕。茲據查明。自道光十年起至十五年

止兩淮新欠未解火器等營公費銀十萬九千六百五十兩。利銀七十五萬六千五百兩。淺斤變價等款銀一百六十一萬八千三百十七兩零。共銀二百四十八萬四千四百六十餘兩。著陶澍迅即照數籌解。以濟辦公。毋得再有延宕。致干咎戾。○宗人府會同刑部奏審明已革舉人葉卓桂等科場舞弊。得旨。珠隆阿著發往盛京。交該將軍嚴加管束。葉卓桂著發往近邊充軍。白幅王二俱不准其

查辦留養。其在逃之盛翹戈廷本。著步軍統領衙門順天府五城直隸總督江西巡撫一體嚴拏。務獲究辦。已革生員戈廷本。前經降旨飭拏。直隸河間地方。距京不遠。該督曾否將該犯上緊緝拏。何以至今未據覆奏。殊屬延玩。著該督飭屬迅即查拏。解京審辦。其失察葉卓桂。換卷。珠隆阿傳遞之監臨。監試。巡牆御史及失察儒麟頂名進場之族長學長。著交宗人府及各該部議處。○湖南巡撫吳

榮光奏。叅安鄉縣知縣李慶孫。辦理賑務。不能妥協。請革職。拏問。得旨。李慶孫著暫行革職。交恩銘趙盛奎嚴行審訊。又批。國家惠愛百姓。可謂至矣。此等官吏。因災肥己。若不懲一儆百。從嚴究辦。是大吏亦喪天良矣。懷之。○以廣西省城劉猛將軍廟。驅蝗靈應。頒給御書扁額。曰。方社效靈。○以故。察哈爾一等子旺當呢瑪。子喇什達爾吉。襲爵。○旌表守正捐軀江蘇宿遷縣民蔡若芳女蔡氏。○壬申。

實錄卷三十五

六

諭軍機大臣等。與京鳳凰城所屬邊門以外。每年拏獲奸匪偷砍偷運官山樹木。前經降旨。不准擅行變賣。嗣因奸商影射圖利。於道光七年間。復經降旨嚴禁。並著嗣後仍遵前旨。不准招商變價。任其在山存放。每年年終。將拏獲私砍木植起數。並審辦偷木案內。報復若干。彙奏一次。此項偷砍私木賊匪。屢經降旨嚴緝。即應查拏淨盡。以期官山肅清。昨據奕經等奏。本年拏獲私木賊匪四十八起。

查獲私木二千二百五十餘件是奸匪偷砍並未查拏淨盡且歷年拏獲私木在山存放日久若何稽查其私木作何辦理儻竟任其微爛虧朽貨棄於地豈不可惜其影射夾帶等弊應如何禁絕覈實辦理之處著該將軍妥議章程具奏將此諭令知之○又諭本日據瑚松額奏通省各提鎮操演尚屬認真兵丁性多驕縱應加意訓練妥為駕馭等語陝甘營制最大總督有統轄專責兵馬錢糧軍裝器械均關緊要惟因承平日久兵丁習於驕縱最為營伍之弊著瑚松額於所屬各提鎮時加訓飭務令各標營制一律整齊其兵丁尤當嚴加約束儻有驕縱不法者立即隨時懲辦仍著該督密加察訪如有營務廢弛不善駕馭兵丁及弓馬平常各將弁立予參革示懲不可稍存姑息以肅戎政而飭武備儻不實力整頓仍前玩泄以致營伍竟成虛設惟該督及提督是問將此諭知瑚松額並

諭令胡超齊慎知之○又諭本日據瑚松額密陳吏治設法整頓一摺甘肅為邊陲重地倉庫銀糧關繫緊要不容絲毫虧缺無如近來州縣等官往往罔知法紀任意侵那該管道府直隸州與州縣最為切近聲氣相通又不能隨時查察甚且官官相護代為徇庇積習相沿殊堪痛恨該督由將軍簡任總督受恩深重惟應認真稽覈力挽頹風於所屬倉庫銀糧無令絲毫虧短朕於庶政惟求一實字該督既有此奏自當悉心籌辦期有實濟俾倉庫均歸實貯若僅以空言了事仍蹈前轍將來別經發覺或由科道糾參朕惟該督是問恐不能當此重咎也將此諭令知之○以故鄂爾多斯郡王巴保多爾濟子圖們濟爾噶勒襲爵○癸酉諭內閣向來各直省咨報有無永遠枷號人犯均於十月內到齊統歸大理寺於年底彙奏茲據該寺奏稱本年山西雲貴浙閩江蘇歸化城莊浪城等處至

今未據咨報實屬遲延。嗣後著該督撫等扣算程限。務於十月內咨報到齊。由該寺查覈具奏。以符定制。○又諭奕經等奏籌辦買補內倉米石一摺。盛京戶部內倉額貯米石。不敷動用。據該將軍等查明該兵丁等原借米一萬四千六百五十石。請由船規開款項下墊放銀三萬九千一百十五兩零買補歸倉。著准其動項發交委員趕緊乘時採買。務於明年二月俸米以前如數交倉。毋誤支放。此

項墊放銀兩。著即由借米各兵餉銀自明年春季起。分為四季扣還。以紓兵力。至所借開款銀兩。係由兵丁餉銀按季扣繳。並非動用正項。著免其報銷。○命前任盛京禮部侍郎普保。以原品休致。○阿勒楚喀副都統張仲敬緣事降調。以正白旗漢軍印務參領和倫為阿勒楚喀副都統。○予故四川提督桂沅子雲南候補知州文奎儘先選用。千總銜文錄。以千總用。賞生員文籍副榜。○以故雲南

定遠縣屬土主簿李本善姪春生襲職。○蠲緩貴州松桃廳被水災區額賦有差。○是日丙申年立春。順天府進土牛春山寶座。○甲戌諭軍機大臣等有人奏直隸永平府千總白鳳儀不帶纓頂閒遊街市。與樂亭縣文童口角。將該文童打傷。時值府考。該文童約會多人。往向理論。白鳳儀縱兵持械互相鬪毆。彼此成傷。以致同考之人喧呶觀望。竟無一人入場。該府另日補行覆試等語。著琦善確

切查明。按律究辦。毋稍徇隱。輕縱。將此諭令知之。○命四川布政使李義文來京。以按察使蘇廷玉為布政使。通政使司副使多歡為四川按察使。○調盛京副都統察隆阿為阿勒楚喀副都統。阿勒楚喀副都統和倫為盛京副都統。尋命和倫留京。署正白旗漢軍副都統。○乙亥諭內閣國家設立營制。修明武備。原為折衝禦侮之用。全在平日實力整飭。勤加訓練。從前立定章程。分年分省。每遇輪

應查閱之期。或專派大臣前往。或即令本省督撫查閱。期於戎政實有裨益。營伍不致廢弛。總督統轄戎政。巡撫職兼提督。簡稽軍實。具有責成。均屬分內應辦之事。必須不時考覈。方有實效。各省營伍。經朕特派查閱之大臣。即無異親臨閱視。其有派該省督撫查閱者。原所以示體恤。免該省供應之煩。各督撫等稍有天良。當知實心任事。豈可漫無查察。怠忽因循。陋習相沿。罔思設兵衛民之意。其

閱兵大臣特派前往。即當以公事為重。與派往各省審案事同一律。均應破除情面。一秉大公。甄覈嚴明。不避嫌怨。若一味顛頑。搪塞草率了事。是簡派大臣。全不足信。所謂實心任事者安在。今山西營伍如此廢弛。前降旨將哈琅阿。祥康。鄂順安。交部嚴加議處。茲據各該部分別降調革職。嚴議具奏。均屬允當。哈琅阿著革去都統。退出御前侍衛。降為二等侍衛。在乾清門行走。照部議罰世職半俸。

十二年。免其降調世職。仍留管理上虞備用處火器營虎槍營差使。其餘一切管項。概行革退。祥康著降為四品頂帶。補授盛京副都統。仍帶降三級留任處分。鄂順安著降為藍翎侍衛。作為駐藏幫辦大臣。到京後不准請訓。以示懲儆。○烏魯木齊都統長清奏廢員王承慶。經理鐵廠。妥慎請給知縣銜。以示鼓勵。得旨。事非軍營。動輒代廢員。乞恩殊失。遣成本義。斷難允准。○以惇親王綿愷為鑲紅

旗蒙古都統。科爾沁扎薩克郡王僧格林沁。為閱兵大臣。工部尚書載銓。管善撲營事。協辦大學士吏部尚書穆彭。阿。管總理行營大臣事。○以駐藏辦事大臣文蔚為盛京刑部侍郎。賞陝西潼商道慶祿副都統銜。為駐藏辦事大臣。○調福州將軍樂善為吉林將軍。以烏魯木齊都統長清為福州將軍。○貸江蘇撫標左右。蘇州。瀏河四營。駐劄歉區兵丁一季銀米。○以烏魯木齊屯田豐收。予員弁

議敘賞兵丁一月鹽菜銀○丙子

上詣

皇太后宮問安○諭內閣馮贊勳奏本年南省多被蝗災請及時挖捕一摺蝗蝻萌生最為田禾之害近年南省間有蝗害小民未知輔治之方及至遍野飛揚束手無策以致收成歉薄民鮮蓋藏如果地方官思患豫防何至貽害若此據馮贊勳奏方今節交春令南方地暖蝗蝻易於萌孽若趁此極力挖捕為費

無多而銷患甚鉅等語蝗蝻之患原可以人力驅除總當乘其未萌設法捕治若稍遲緩便難撲滅著各省督撫等嚴飭所屬於所轄境內設法挖捕實力奉行毋使稍遺餘孽如查有虛文塞責漫不經心者立即從嚴叅處以為玩視民瘼者戒將此通諭知之○又諭廣東東莞縣命婦盧尹氏前遣抱告赴都察院具控伊子已革刑部郎中盧應翔被叅革職解審一案呈內所指供奉不符之處著賽

尚阿逐款明白回奏尋奏盧應耀等假作官船窺探案情係有確據並非無故牽扯盧應翔與葉蔭芝戚好係黎兆霖原供非憑空敘入葉利氏之案雖在盧應翔進京之後而葉利氏供稱盧應翔知情唆訟是以奏交祁墳訊辦惟各供內無盧應翔之名摺內據黎兆霖供敘入而原供內未經補錄實屬疏漏請交部議處得旨著將原摺並葉利氏盧應耀黎沛霖彭錫爵原供四件交恩銘等仍遵前

旨秉公確查據實具奏○太僕寺少卿馮贊勳奏廣東南雄直隸州知州吳毓鈞被叅各款經欽差大臣昇寅等訊明在案然其中情弊多端如鄧亞明係東莞縣巨盜經紳士呈送該員竟將該犯釋放又將並未欠糧之監生葉省之令為族人代納欠項拷打致死經屍妻葉利氏具控並控臬司該員囑託委員並不開棺檢驗並與訟棍黎沛霖土棍李兆泰交結營私昇寅等抵粵時該員送至省城

又送至肇慶府探知查辦該員事件。即潛回省城各處囑託抽卷換供。稱係盧應翔教唆。又傳到之老陳鄧氏少陳鄧氏俱係該員雇人頂替。請逐款查辦。得旨著恩銘趙盛奎秉公確查。據實具奏。○戶部右侍郎阿爾邦阿因病解任。調吏部右侍郎文慶為戶部右侍郎。兼管錢法堂事務。兵部右侍郎恩桂為吏部右侍郎。以都察院左副都御史溥治為兵部右侍郎。○以奉宸苑卿彭年為總管內務

府大臣。○以詹事府少詹事蔣立鏞充文淵閣直閣事。○以正白旗滿洲參領福瑛為正藍旗漢軍副都統。理藩院右侍郎吉倫泰兼鑲藍旗蒙古副都統。○以二等侍衛賡福為庫車辦事大臣。○緩扣大通橋車戶應賠運額掣欠銀。○撫卹琉球國遭風難夷如例。○丁丑。

上幸瀛臺。御勤政殿。賜蒙古王貝勒貝子。公額駙。台吉。及朝鮮國使臣。呼圖克圖等宴。並賞

賚有差。○閱水技。○諭軍機大臣等。據倭楞額等奏。查明園內外各處殿宇房間。牆垣。閘座。屢被雨水浸淋。洶汕。實與儲貯棲止有關等語。此項房間。暫且毋庸修理。所有滲漏等處。恐妨儲貯。著即查明。寬大完整處所。歸併儲貯。其有兵丁看管。難以棲止者。該處物件。既經歸併。即著毋庸看管。著傳諭倭楞額。榮桂知之。○命乾清門行走阿拉善親王囊都布蘇龍。科爾沁郡王多克默特。在御前行走。

賞扎賚特扎薩克貝勒拉木棍布扎布烏珠穆沁扎薩克貝勒達克丹喀爾喀貝子銘珠爾多爾濟。雙眼花翎。喀爾喀輔國公桑都布多爾濟。阿巴噶扎薩克頭等台吉。都噶爾布木喀爾喀扎薩克台吉。吹貢楚克達什。額林多爾濟。青海扎薩克台吉。達勒瑪錫哩。花翎。○賞科爾沁郡王多克默特子頭等台吉。濟克默特。朗布。敦漢郡王達爾瑪濟爾第子頭等台吉。達旺。多克丹蘇尼特郡王布爾呢錫

哩子頭等台吉布達莽噶拉喀爾喀郡王多爾濟喇布坦子頭等台吉那遜巴圖花翎在乾清門行走○庫爾勒三品阿奇木伯克托胡塔等二人和闡策勒四品阿奇木伯克邁瑪斯底克等四人庫車五品噶雜納齊伯克邁瑪底敏等二人阿克蘇五品噶雜納齊伯克薩木薩克等二人喀什噶爾五品阿奇木伯克愛吉布拉等二人葉爾羌五品喀喇都觀伯克二等台吉巴克依等二人伊犁六品

哈資伯克托克托呢雅斯等二人鄂克什安撫司哲郎桑爾嘉斯嘉等三十七人朝鮮國使臣朴晦壽等三人於西苑門外瞻覲○戊寅以故賽因諾顏輔國公達錫喇布坦子珠爾密特旺濟勒襲爵○旌表守正被戕直隸寧河縣民王幅全妻楊氏守正捐軀河南鄭州民鄭顯女鄭氏○己卯孝莊文皇后忌辰遣官祭昭西陵○

上詣

壽康宮前殿行禮後殿問

皇太后安○諭內閣祁項奏請將貽誤運務之升署運同革職一摺廣東潮州運同陳道坦在任四年有餘歲銷不能足額又不早為稟明覈實辦理雖無侵虧情弊究屬辦理不善著即革職以為含混貽誤者戒至此次徹底清查新舊欠項詳稽庫款分別籌補融銷等語著戶部查議具奏尋議潮橋引課僅止十

四萬餘兩果能實力疏銷自不難年清年款自十三年清查之後甫及兩載又復積欠累疊若徒設法籌墊專顧目前恐各埠終無起色請飭該督悉心經理實力督催所有應徵正雜及帶徵各款務期年清年額按限報銷斷不准再有那墊推展以重引課而肅疆綱從之○諭軍機大臣等前據吳榮光奏辦理賑務不能妥協之撤任安鄉縣知縣李慶孫當降旨著暫行革職交恩銘等徹底嚴訊

本日據訥爾經額奏補叅監放撫卹未能覈實散放之委員候補知州陳同治著一併革職交恩銘等歸案審辦此案李慶孫於撫卹災民口糧僅在縣署發給以致災民遠道赴領嘖有煩言其查造草冊書役人等既有需索冊費之事該縣即難保無侵漁剋扣情弊至監放委員陳同治原為稽察弊竇乃目擊李慶孫辦理乖方默無一言迨差竣回省稟稱該縣連年被水四鄉廟宇倒壞無從設廠

該縣四鄉之中何至無一可設廠之處顯係官官相護情詞支飾其胥役指索輒稱無從查悉難保非扶同隱飾不可不從實覈辦著恩銘趙盛奎提集全案人證徹底嚴究務得確情毋任該員等掩飾支吾致滋疏縱仍嚴飭該地方官切實確查出示曉諭如有剋扣短缺許災民據實呈告從重究辦事關災賑地方官辦理不協致啓流言委員復通同匿飾總須悉心研鞫俾水落石出以成信讞斷

不准開脫一二劣員致壞國法如審辦不實汝二人自問可知矣將此諭令知之○又諭據祁墳奏請將與夷人交結案犯入官家產器物估變作為防夷經費等語此案逸犯姚九區寬曉習夷字夷語與夷人通信交結開設窯口販煙圖利與私通外國無異自應照例辦理將該犯等家產器物估變入官至所奏籌備虎門海口增建礮臺每年練習礮兵歲需礮子火藥及調操水師加賞口糧等項

即將此項入官家產估變作為防夷經費著鄧廷楨到任後查明妥議具奏將此諭令知之○以湖北鹽法道邵甲名為浙江按察使○修浙江上虞縣柴土塘工從巡撫烏爾恭額請也○緩扣浙江幫丁應還縣庫銀並展緩曬颺三限米石○庚辰諭內閣曾望顏奏請飭禁廣東學政考試陋規一摺各直省學政經朕特簡具有振興文教之責宜如何秉公遴選拔取真材其一切陋規尤應嚴行禁

革方為無忝厥職。從前嘉慶年間奉有

諭旨。貴州紅案陋規。永行禁止。不得收受分文。

其餘各省向無紅案陋規者。不得違例索取。

聖訓煌煌。自應永遠恪遵。近來此風不能淨絕。

新進文童覆試。生員考列一等及新中舉人。

赴學政衙門填寫親供。往往索取陋規。書吏

遂藉端肆行勒索。讀書人士大半貧寒。馬有

如許餘資。供其重索。此等積習。日久愈甚。勢

必無所底止。廣東一省如此。恐他省亦所不

免。著各省學政認真查覈。即將前項弊端。全

行禁革。不准再有紅案陋規。及各項名目。儻

書斗人等。仍前滋弊。擾累寒儒。立即嚴拿懲

辦。無稍姑息。至鄉會試正科而外。又有選拔

一科。原所以旁掇俊彥。儲蓄人材。現屆應行

選拔年分。該學政等尤當潔己奉公。認真考

校。一切陋規。概行革除。經此次諄諭之後。如

敢陽奉陰違。不能實力禁革。將來別經發覺。

該學政等不能當此重咎也。將此通諭知之。

又諭前因有人奏河南商城縣知縣張敦

緒虧空不少。縱容丁差等情。當降旨令桂良

查明具奏。茲據該撫奏稱。張敦緒虧缺稅契

銀三萬八千一百五十五兩零。倉穀九千三

百十六石零。實屬大干法紀。其平日既與紳

士往來。所供別無勾串滋弊之處。殊難憑信。

必須徹底根究。以成信讞。張敦緒著革職。拏

問。交該撫提同丁書人等。嚴行審訊。按律定

擬具奏。該革員任所寓所資財。暨原籍家產。

一併查封備抵。該撫於所屬知縣虧缺銀穀

未能先事覺察。本有應得之咎。惟一經奉旨

飭查。即行據實奏。尚不瞻徇回護。所有該

撫自請交部議處之處。著加恩寬免。尋奏。張

敦緒並無勾串紳士滋弊。虧短倉穀。已全數

繳價。其那移稅契銀。除完繳外。尚短一萬九

千六百四十三兩。應照例發近邊充軍。勒限

一年監追。下部議從之。○又諭容照奏訪獲

營兵喫齋念經。請解部審辦一摺。此案黃崖

關守兵王蚊虧同伊叔民人王憫辛平日喫齋念經。經容照派員訪拏。訊明有傳習教會情事。著交刑部審明辦理。王蚊虧等供出東安縣劉姓。並過繼之司姓。以及究出之廖廣得等十六名。著琦善一體嚴拏。歸案審辦。失察此案之黃崖關專汛千總白景祥著先行革職。署右營守備鄭文浩有兼轄之責。著交部嚴加議處。中軍遊擊色普興額有統轄之責。惟王蚊虧習教情事。係由該員訪出。著交

部察議。千總王永把總李贊亨訪獲積年教首。俱著以應升之缺升用。以示鼓勵。尋奏。訊明王蚊虧習教屬實。合依各項教會名目加一等發極邊足四千里充軍。廖廣得等照收藏經卷例。發邊遠充軍。王憫立照為從例。問擬杖徒。劉姓並無後嗣。其過繼之司姓即司泳興。經直隸省先行拏獲。另案從重擬結。從之。○以喀喇沙爾屯田豐收。予員升議敘。賞兵丁一月鹽菜銀。

上以歲暮禋祭

太廟自是日始齋戒三日。○辛巳諭內閣。琦善奏請將前次摺查印信不力之知縣。把總。分別降補一摺。所奏甚是。此案刑部堂印被劉四竊逃。匿回直隸完縣原籍。既據刑部咨照該督。派委把總葛鳴彪會同該縣知縣李昉。將該犯獲解送部。自應在該犯家內逐細搜查。人印並獲。乃延至刑部訊明藏匿情節。始會同番役等起出印信。實屬遲鈍。本應將該

員弁等降調示懲。姑念劉四究係該員等拏獲。復又會同起出印信。李昉葛鳴彪均著加恩改為革職留任。○又諭本年順天鄉試進場槍替之已革江西舉人盛嗣。在逃未獲。前經降旨飭拏。茲據周之琦奏稱。訪查該犯並未回籍。難保非即在京城附近一帶地方藏匿。著步軍統領衙門順天府五城直隸總督一體嚴密查拏務獲。歸案審辦。毋任漏網。○又諭前據陶澍覆奏。乙未綱引課分年帶運

各情形。當降旨著戶部議奏。茲據戶部奏稱。兩淮大局。課項商情。兩有關繫。必須通盤籌畫。方不致顧此失彼。奏銷限制。尤屬全綱要務。定例完納一綱。於次年二月題報。兩淮自奏請展限之後。迄今尚未復歸原制。現在鹽務日有起色。著自丙申綱起。務於次年二月造報奏銷。以後著確遵定限。不准再有推展。以清綱分。至所稱陳鹽愈積。商力益疲。請將乙未綱引。分作十年帶運。無虞壅滯。著即照所請辦理。惟分綱帶運。正雜銀兩。必須按限徵完。課項方歸有著。該督覆奏。雖逆計將來。謂可無虧課項。而屆時作何辦法。尚未縷悉。數陳著陶澍先事熟籌。認真妥辦。務將舊積岸鹽。及時趕運。新綱引目。豫計疏銷。至乙未綱支發各項。著籌款解清。其辛卯以後欠解帑利等銀。著按綱完繳。儼既經分帶。復蹈從前故轍。丙申奏銷。仍未能提歸原限。各綱欠解之款。尚復拖延。乙未綱應支之項。不能設

法撥解。致誤要需。或將庫款借墊。那移。又滋套搭。卒致引宕。課懸均歸無著。該督自問能當此重咎耶。嗣後務須通盤籌畫。不准動以緩帶為詞。即再有懇恩展緩。亦斷不能仰邀允准也。懷之慎之。○諭軍機大臣等。有人奏兩江總督與湖廣總督具奏。釐務情形。互相歧異。請旨飭查等語。前據陶澍奏請展緩乙未新綱。摺內聲稱疏銷之責。在於江廣。現在鹽多滯銷。並非籌運本綱之不力。又據覆奏。摺內聲稱江廣各口岸。目前銷路難通。課運因而阻滯。昨據訥爾經額片奏。楚岸僅止存鹽一萬八千二十七引。鹽斤短缺。現在趕催接濟。江廣各岸情形。向係隨時申報。鹽政陶澍諒所深知。何以陶澍奏稱江廣銷路難通。訥爾經額又奏稱楚岸鹽斤短缺。兩省同時具奏。彼此情形。互相歧異。兩淮鹽務疏銷。在於江廣各口岸。既係鹽斤短缺。即暢銷而非滯銷。如果銷路難通。何至趕催接濟。著陶澍

即將江廣各口岸實在情形如何陳奏兩歧之處查明據實覆奏不准稍有欺飾將此諭令知之○以失察邪教山西知縣劉廷璠等降級調用○壬午以歲暮祫祭遣官祭

太廟中殿

後殿○諭軍機大臣等有人奏請籌備災區民食一摺山東省登萊青三府所屬地方本年秋收稍歉前據該撫奏明分別糶借捐資妥為籌計復降旨飭查來春應否接濟業經該

撫遵旨覆奏矣因念該處青黃不接為日方長小民口食維艱亟應妥為設法著該撫再行體察情形悉心籌畫或量加賑濟或借給常平倉穀務當先事豫籌總期民食有資各安本業無使一夫失所將此諭令知之○命喀爾喀扎薩克貝子德勒克多爾濟在御前行走賞科爾沁和碩額駙多布沁喇布齋花翎在乾清門行走○調陝西河州鎮總兵官任貴邦為陝安鎮總兵官以甘肅永固協副

將徐華清為河州鎮總兵官○旌表守正捐軀陝西商州民郭秀理妻冀氏○展緩陝西綏德米脂清澗吳堡四州縣被旱歉區帶徵額賦○癸未祫祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○遣官祭

太歲之神。○諭內閣每遇朝祭大典。唱樂各官均應敬謹將事。本日祭祀。唱樂官柏林因感冒先期告病。經該堂官另派普光唱樂。該員於儀節雖無錯誤。惟聲音不甚洪亮。自屬平日未經練習。嗣後著該堂官認真督飭。各該員務令隨時練習。均臻嫻熟。俾接替有人。以隆祀典。而昭慎重。○又諭御史豫泰奏請

飭禁奸商買空賣空積弊一摺。各直省於每月奏報糧價。稽查有無增減。原以防奸商市儈。罔利居奇。道光十二年間。因直隸玉田遵化等州縣。有奸商買空賣空諸弊。曾經降旨通行飭禁。茲據該御史奏稱。奉天錦州等處。復有奸商開設太和恆盛各字號。邀羣結夥。買空賣空。懸擬價值。轉相招引。空有錢期米期。循環互易。行中藉以抽分。價隨意長。以致糧價日貴。民食愈艱。產穀之區。商販開

風不前。鄰省市價亦因之昂貴。此等惡習。於窮黎大有關係。著盛京將軍奉天府尹確查嚴辦。因思奉天省如此。他省恐亦不免。並著各直省督撫等。嚴飭所屬州縣。實力查拏。並於各村鎮商賈輻輳之處。剴切出示曉諭。如查有此項情弊。立即懲辦。俾奸商咸知儆懼。以裕民食。而平糧價。將此通諭知之。○給事中寅德奏。京城巡捕五營兵米。中營坐劉豐益倉。餘四營多不劄倉。請飭部覈辦。下部議。

尋議以後五營兵米。除中營外。其南北左右四營。請自十六年夏季起。照祿米等十一倉次序。專劄一倉輪放。以歸畫一。從之。○甲申。上御保和殿筵宴。朝正外藩。科爾沁喀爾喀。巴林喀喇沁。奈曼浩齊特。敖漢鄂爾多斯。阿巴噶烏喇特。翁牛特。郭爾羅斯。蘇尼特。青海。克什克騰。土爾扈特。烏珠穆沁。阿巴哈納爾。土默特。扎魯特。賽因諾爾。阿拉善。綽羅斯。和碩特。額魯特。王。貝勒。貝子。公。額駙。台吉。及朝鮮。

暹羅國使臣等隨文武大臣依次就坐。諸樂並作。

上進酒。召左翼科爾沁卓哩克圖親王巴圖科爾沁郡王多克默特巴林扎薩克郡王那木濟勒旺楚克奈曼扎薩克郡王阿宛都瓦第扎布教漢扎薩克郡王達爾瑪濟爾第蘇尼特扎薩克郡王布爾呢錫里阿巴噶扎薩克郡王阿爾塔什第教漢郡王幹咱巴拉科爾沁扎薩克貝子濟克默特右翼喀爾喀賽因

諾顏扎薩克親王車林多爾濟喀爾喀扎薩克親王車登巴咱爾阿拉善扎薩克親王囊都布蘇隴青海扎薩克郡王棍楚克濟克默特翁牛特扎薩克貝勒寶拜喀爾喀扎薩克貝勒那木濟勒多爾濟喀喇沁扎薩克貝子瑪哈巴拉喀爾喀扎薩克貝子德勒克多爾濟至

御座前賜酒成禮。○命青海扎薩克郡王棍楚克濟克默特在乾清門行走賞土司哲郎桑

爾嘉斯嘉花翎。○是年旌表孝子江蘇等省附貢生錢震文等十七名。孝友福建生員連位三等二名。孝義山西等省李本誠等三名。孝女浙江等省梁氏等十口。孝婦江蘇錢盧氏一口。守節合例。宗室廣魁妻白雅拉氏等十一口。滿洲佛保妻烏爾古陳氏等一百六十三口。蒙古雲騎尉春祥妻趙氏等四十三口。漢軍陸和福妻陳氏等九十一口。內務府員外郎吉拉敏妻葉氏等十八口。各省駐防領催烏爾興額妻關氏等二百四十五口。奉天等省范顯榮妻李氏等一千八百八十九口。夫亡殉節江蘇等省許世芳聘妻左氏等五十九口。未婚守志滿洲領催烏爾棍泰聘妻伊爾根覺羅氏等二口。江蘇等省黃廷相聘妻吳氏等二十五口。百歲壽民婦江蘇等省韓介眉等六十六名口。五世同堂山東等省官際盛等五十四家。各給銀建坊如例。○一產三男直隸等省李祿等八家。○會計

十一

清實錄
道光十六年正月

二六三

上御紫光閣賜蒙古手貝勒貝子公台吉等宴並賞賚有差○緩徵山東鄒平長清長山新城齊河濟陽海豐商河濱利津霑化蒲臺濮范平度昌邑濰膠高密即墨濟寧高苑博興樂安汶上荷澤鉅野聊城茌平邱壽光三十州縣並濟寧東昌臨清德州四衛上年被水被蟲莊屯本年上忙額賦及各項銀米○展緩直隸霸保定大城清苑安肅博野容城蠡雄祁安高陽河間獻肅寧任邱景吳橋東光靜海青滄南皮鹽山南和大名鉅鹿任冀南宮新河武邑衡水隆平寧晉深武強饒陽安平定深澤四十一州縣上年被水被雹村莊舊欠額賦○展賑奉天廣寧等處上年被水旗民一月○丁亥

高宗純皇帝忌辰遣官祭裕陵○

上詣

奉先殿

壽皇殿行禮○貸甘肅皋蘭金隴西寧遠安定通渭西和平涼安化清水涇崇信靈臺鎮原十四州縣上年被雹被水被旱災民口糧籽種○貸陝西沔畧陽洋南鄭府谷榆林葭神木孝義九廳州縣上年被水被雹災民口糧○貸山西陽曲太原保德興臨汾陽文水交城寧武武鄉河曲定襄陽城陵川沁水十五州縣上年被水被雹災民倉穀○戊子給浙江義烏麗水縉雲三縣上年被水被旱災民一月口糧○貸江西南昌新建豐城進賢上高清江新喻新淦峽江廬陵吉水泰和萬安東鄉鄱陽餘干萬年皇子都昌建昌安義德化德安瑞昌湖口彭澤武寧高安宜春分宜萍鄉萬載蓮花永豐安福永新永寧臨川金谿崇仁宜黃樂安南城玉山貴溪弋陽樂平浮梁安仁德興新城五十一廳縣上年被旱被雹災民籽種口糧○貸湖南華容安鄉澧臨湘四州縣上年被水被旱災民籽種○

上以上辛祈穀於

上帝。自是日始齋戒三日。○庚寅。

上詣

南郊齋宮齋宿。○辛卯。祈穀於

上帝。

上親詣行禮。○

世祖章皇帝忌辰。遣官祭

孝陵。○詣

皇太后宮問安。○諭軍機大臣等。前據陶澍奏。

江廣鹽多滯銷。又據訥爾經額奏。楚岸鹽斤短缺。兩省同時具奏。情形互異。當降旨著陶澍將江廣各口岸實在情形查明據實覆奏。茲據陶澍奏稱。查明湖廣全省年額。應銷七十七萬九千九百餘引。春夏二季。僅銷過三十萬四千四百十四引。尚未及年額之半。秋冬二季。未據報到。該省奏稱該岸祇贖鹽一萬八千二十七引。未將已銷之數提及。無從覈算。此時漢岸之鹽。似因場運偶稽而不繼。

未必盡因多銷而見缺等語。鹽務以轉運疏銷為要。若銷路不暢。轉運為之不靈。據陶澍奏稱。上年江廣口岸額銷引數。查春夏二季。尚未銷及年額之半。訥爾經額則稱截至十一月二十日止。除銷過鹽六十三萬五千五百五十六引。現祇贖一萬八千二十七引。此項引鹽所銷。究係何綱。著陶澍。訥爾經額查明據實具奏。至口岸銷鹽。各有定數。兩淮總司全局。必應趕催接濟。無誤轉運。嗣後趕運不逮。

著陶澍實力催提。至口岸疏銷。責成訥爾經額認真經理。隨銷隨覈。總期岸銷大暢。以資轉輸。務須不分畛域。覈實辦理。以期鹽務日有起色。方為不負委任。陶澍行抵該省。將鹽務應辦事件。與訥爾經額悉心妥籌。實力趕辦。無誤釐網全局。僅辦理不善。惟該督等是問。咎有攸歸。懍之慎之。將此各諭令知之。○以捐辦賑務出力。予安徽訓導雷俊等升敘有差。○癸巳。諭內閣。本月十五日保和殿筵

宴所有應行入宴之王大臣俱著穿蟒袍補褂執事王大臣官員等俱穿蟒袍貂褂○又諭本月十五日保和殿筵宴所有呼圖克圖喇嘛等均著毋庸入宴應賞食物著由內務府照例賞給○甲午享

太廟遣定親王奕紹恭代行禮○

上詣

大高殿行禮○幸圓明園○奉

皇太后居綺春園○詣

安佑宮行禮○遣官祭

太歲之神○乙未

上詣綺春園問

皇太后安○還宮○諭軍機大臣等前據都察院奏四川裁邊廳民人徐惲林等具控兇夷焚搶兵撤復來等情當降旨交鄂山提案審訊並著寶興等查明據實覆奏茲據奏裁邊廳十三支夷自戡定後並未出巢焚搶地方實屬安靜其嘉眉雅三屬內凡遇兵差州縣

本未派令津貼等語上年勦辦裁邊十三支夷匪甫經戡定凱撤未逾兩月即據該民人等具控兇夷復出焚搶豈得全無影響故為此虛詞聳聽此案著添派寶興會同鄂山俟徐惲林等解到秉公研訊務得確情斷不可因覆奏在先稍存回護之見至該民人所控嘉眉雅三屬州縣派銀津貼雖據該將軍等奏稱由該處紳耆公議辦理官吏並不涉手但恐該地方經過兵差所應夫馬徭役名為

紳耆辦理實則官吏借端苛派上司受其朦蔽亦難保其必無該將軍等審理此案務期水落石出以成信讞斷不准稍涉含混官官相護文過飾非自取咎戾將此諭令知之○濬江蘇丹徒丹陽二縣運河從護巡撫陳鑒請也○展緩江蘇上元江寧句容高淳江浦六合山陽阜寧清河安東鹽城高郵泰江都甘泉儀徵興化寶應銅山豐沛蕭陽山邳宿遷睢寧海沭陽上海川沙陽湖江陰靖江金

壇。漢陽太倉三十六廳州縣並淮安大河徐州三衛積歉莊屯舊欠額賦。○丙申直隸布政使光聰諧因病解任調福建布政使賀長齡為直隸布政使以福建按察使鳳來為布政使直隸大順廣道張澧中為福建按察使。○丁酉大學士會同刑部奏審明刑部堂印被竊一案定擬請旨得旨刑部堂印於被竊後未及一月即將人印並獲辦理尚為迅速所有刑部堂官王鼎成格史致儼劉彬士姚

元之革職留任處分均著加恩改為降三級留任當月司員郎中九齡等前經降旨革職現在人印業俱就獲當月官並無守庫之責惟究屬疏於防範已革郎中九齡主事譚顯相俱著加恩開復原官仍交部嚴加議處尋議革職留任得旨降一級調用。○湖南巡撫吳榮光奏參查出辦理賑務庇縱保甲需索冊費之知縣請旨革職拏問得旨湖南安鄉縣知縣李慶孫於災賑重務既經查出保甲

人等需索災民冊費僅以責革了事並不具報懲辦難保無串通染指情事著革職拏問交恩銘趙盛奎提同已革委員陳同治及書差人等嚴行究審務得確情據實懲辦其分役查造戶冊之委員有無得受冊費著一併歸案研訊無枉無縱尋奏李慶孫訊無浮冒情事惟失察書差潘錫江等收受災戶冊費陳同治飾詞具稟咎有應得業經革職均無庸議下部議從之。○命前任湖南布政使惠

豐以三四品京堂候補。○以起獲刑部堂印賞七品銜番子頭目聞勇藍翎番子陳裕趙升八品頂帶。○戊戌

上御乾清宮賜親藩等宴。○諭內閣刑部及鑲藍旗滿洲都統參奏守庫官曠班不到各一摺刑部大庫向由各該旗輪派官一員兵丁十名巡查支更原為慎重庫貯起見茲據奏稱本年正月初六至初十等日輪應鑲藍旗滿洲派委官兵赴庫乃該旗驍騎校格綢額

並不赴庫該班。屢經片催。抗傳不到。實屬怠玩。格綑額著即革職。以示懲儆。各部院衙門庫貯重地。該班官兵。理應按期上班。實力巡查。不得稍有曠誤。嗣後著各該旗嚴飭所派官兵。毋得怠玩。如有曠班不到。及頂名替班等弊。各該堂官隨時查明。據實嚴叅懲辦。毋稍徇隱。儻不能認真稽查。致有疏失。或別經發覺。定將該堂司各官。一併懲處不貸。○大學士長齡等議奏。塔爾巴哈台參贊大臣等

奏。該處鋪戶商民。情願自備資斧。搬接眷口。商民貿易。與兵民墾種。其營生本屬同情。現在南路各城。准令攜眷。則塔爾巴哈台與伊犁回疆。亦屬事同一體。應如所奏。該處商民。查係開鋪種地。立有產業者。准令攜接眷口。俾得就近養家。以順商情而濟生業。從之。○己亥。

上詣

壽皇殿行禮。○御保和殿。賜朝正外藩等宴。作

樂賜酒。如除夕儀。○庚子。

上幸圓明園。○詣綺春園問

皇太后安。○御正大光明殿。賜大學士尚書等

宴。○以太常寺少卿曾望顏為順天府府尹。

○辛丑。諭內閣。前因御史鄭世任叅奏湖南

學政龔維琳。信用門丁顧四。隨棚索賄。並索

加棚規。勒繳自刻詩賦。價銀等情。當降旨交

趙盛奎查訊究辦。茲據該侍郎審訊明確。定

擬具奏。學政為士林表率。自應公正廉明。關

防嚴密。方為無忝厥職。此案湖南學政龔維

琳。雖訊無加索棚規等項情弊。惟該學政衙

門丁役無多。何難稽查約束。乃於門丁顧四

到處挑斥需索。毫無覺察。並將自作詩賦。刊

刻板片。存留書鋪。任其刷印售賣。大屬非是。

龔維琳著交部嚴加議處。湖廣總督訥爾經

額。前奏該學政考試公明。士論翕服。並未聞

有幕友家丁。不自檢束之語。現據訊明。顧四

有到處挑斥需索情弊。尚得謂該學政家丁

能自檢束乎。訥爾經額未能查明。所奏不實。著交部議處。湖南巡撫吳榮光既知該學政有刊書售賣情事。並不據實奏聞。及知有人叅奏。始以飭查未覆為辭。先占地步。殊屬巧詐。且吳榮光為本省巡撫。其咎較重。吳榮光著交部嚴加議處。○又諭前據都察院奏。湖南澧州民人李萬忠等呈控該州積弊貽害等情一案。當降旨交趙盛奎親提審訊。本日據該侍郎奏提集審訊。按律擬結。此案前署

澧州知州王元鳳。雖訊無浮收勒折。那用倉穀各情事。惟於家人藉案勒詐等情。毫無覺察。並於該州署需用物件。輒以官價勒派商民承辦。已屬大干例禁。又私設班館。濫鎖無辜。動至經旬累月。致丁役人等乘機索詐多贓。僅予革職。不足蔽辜。王元鳳著發往軍臺效力贖罪。以為違制殃民者戒。○諭軍機大臣等。本日據陶澍奏。途次聞運司出缺。折回江省一摺。上年陶澍來京。陛見奏懇賞假。回

籍修墓。當經加恩允准。茲行抵河南鄭州。知鹽運使俞德淵因病出缺。兩淮驛務疏新導滯。現當喫緊之時。主持乏人。關繫緊要。陶澍接奉此旨。著即折回江寧府城。督同新任運司劉萬程籌商料理。務期睦政。日有起色。統俟鹽務得人。並催送全漕渡黃後。再赴江西及安徽南路閱兵。將來江西事竣。即將兩江總督印務交林則徐暫行兼署。該督即順道回籍省墓。再由水路旋抵本任。將此諭令知

之。○壬寅諭內閣。鍾祥奏。地方官訪獲邪教。請寬免處分等語。此案教犯宋思賢等俱係該管各官自行訪拏破案。併關會鄰境緝獲。究辦功過尚足相抵。所有濮州夏津縣高唐州東阿縣莘縣。歷任文武各官失察處分。俱著加恩寬免。該部知道。○又諭鍾祥奏。釋回教犯在籍仍不安分。請照舊發遣枷號等語。所辦甚是。孫自道著仍發回城為奴。在配永遠枷號。○以承辦軍需報銷。予福建候補同

知沈汝瀚等加銜升補有差○貸山東緝捕生息銀五萬兩接濟登州萊州青州三府上年歉收貧民○癸卯

上御山高水長賜王公大臣蒙古王貝勒貝子公台吉等食○諭軍機大臣等前因廣東東莞縣命婦盧尹氏遣抱告具控伊子已革刑部郎中盧應翔被叅革職一案供奏兩歧等情當降旨令林則徐迅飭蘇松太道陽金城將何以供奏不符之故以及何人起意主稿

據實登覆並摘錄原呈令其逐條登答茲據該署督覆奏並將陽金城登覆各條照錄清單呈覽著恩銘等即將單開各條逐一秉公研訊務得確情毋許稍有不實不盡之處摺單著鈔給閱看將此諭令知之○甲辰撥湖南餘存生息銀四千五百兩有奇發商生息資各營津貼從總督訥爾經額請也○乙巳

孝穆皇后忌辰遣官祭

陵寢○諭內閣湖南學政龔維琳於門丁顧四

到處批斥需索毫無覺察並將自作詩賦刊刻板片存留書鋪任其刷印售賣實屬溺職卑鄙著即照部議革職湖廣總督訥爾經額於該學政門丁顧四到處批斥需索情弊未能查明具奏著降二級留任不准抵銷湖南巡撫吳榮光既知該學政有刊書售賣情事並不據實具奏及至有人叅奏始以飭查未覆為辭先占地步其咎較重著降為四品京堂來京候補○命翰林院編修陸建瀛在上

書房行走○命翰林院編修蔡錦泉提督湖南學政○以吏部左侍郎桂輪署步軍統領○調貴州巡撫裕泰為湖南巡撫以直隸布政使賀長齡為貴州巡撫調甘肅布政使梁章鉅為直隸布政使以湖南按察使趙炳言為甘肅布政使安徽寧池太廣道楊慶琛為湖南按察使○丙午

上詣綺春園問

皇太后安○諭內閣御史許球奏請申門禁以

嚴宿衛一摺。紫禁城內。向例自前鋒護軍統領參領以及軍校分班輪值。珣衛森嚴。官員有門籍。匠役有腰牌。跟隨有定數。既不准濫行出入。亦不得攪雜混淆。隆宗門。景運門外。復有內務府派出番役頭目專司稽查。圓明園大宮門內。奏事門外。各處門禁。俱照乾清門外一體辦理。且禁城五更啓鑰時。官員人等有事進內。祇准放進。不准放出。天明後始准放行。定例周詳。至為嚴密。若如該御史所

奏。該班人等。日久視為具文。漸至稽查懈弛。竟有竊匪溷跡其間。該班軍校所司何事。相率因循。毫無覺察。實屬不成事體。嗣後著該管大臣等認真督飭該班人等。遵照舊定章程。嚴密稽查。俾禁廷重地。益加嚴肅。以昭慎重。斷不准日久視為具文。稍形懈弛。○諭軍機大臣等。有人奏甘肅省吏治近多廢弛。即如平涼府知府繆廷槐。操守卑污。每遇詞訟。藉端勒索。考試各屬文童。案首及前十名。全

行賄賣。該處士民有細大不捐之號。又秦州直隸州知州李清傑。在任十年。性耽安逸。吸食鴉片。署中時常演戲。任聽家人小秦。在外招搖。曾有罷市之事。通省皆知。又該省兵丁向稱得力。近來日益驕悍。罔知畏憚。上年四月間。因皋蘭縣給發兵糧。不能潔淨。兵丁聚眾挾制。蘭州府知府出而彈壓。許為換給淨糧。始行解散。該督甫經到任。顛預了事。既不將滋事兵丁嚴拏究辦。又不將辦理不善之

皋蘭縣一併叅處。兵心輕視。各營難免效尤。又固原提督胡超。不自檢束。剋扣兵餉。置辦戲裝。裁汰老弱名糧。為膏養優伶之用。眾兵不服。十四年間。幾至鼓譟。幸楊遇春閱兵到。彼彈壓無事。該提督至今不知悔改。該督節制固原。豈得毫無聞見。又該省於道光十年間。辦理盤查。計通省短缺倉糧六十餘萬石。因所存糧價與市價不敷。發商生息。分十二年採買歸補。現在駐劄重兵之區。倉貯空虛。

糧皆不足。請將該省司庫備貯銀兩酌撥數十萬。豫為採買。以實倉儲等語。甘肅省為西陲門戶。控制新疆。幅員極廣。番回雜處。撫馭綦難。全在該省總督實力整頓。認真經理。吏治不可不肅。捍衛不可不嚴。倉儲不可不實。若劣員稍事姑容。僚屬何知儆惕。著該督即將所指出者。確訪嚴叅。未指出者。秉公甄劾。至兵丁桀驁不馴。提鎮大員漫無表率。何以申明紀律。訓練操防。該提督駐劄固原。該督

有節制之責。著將該提督不自檢束情形。嚴密確查。據實具奏。至該省倉糧。是否缺額。可否將備貯銀兩酌撥買補。著該督通盤籌畫。悉心妥議。以為有備無患。該省情形。雖不始於今日。惟邊疆緊要。豈容玩視不辦。相率因循。瑚松額到任未久。如能將該省吏治廢弛。兵丁驕悍。倉貯空虛。實在情形。並指出各員劣跡。確查具奏。尚可寬其未經嚴叅查辦之咎。儻意存徇隱。含混搪塞。則是該督甘心自

蹈欺飾。其咎更重。懷之慎之。將此諭令知之。

（丁未）

孝聖憲皇后忌辰。遣官祭。

泰東陵。

上詣

恩慕寺。

恩佑寺行禮。○諭內閣。御史況澄奏。上年科場失察。士子換卷。請將稽察接談換卷大臣。一律議處一摺。著交原派之大臣。俟盛颺訊明。

定案時。一併具奏。○河南巡撫桂良奏。謝寬免失察商城縣知縣張敦緒。虧缺倉庫銀穀處分恩。得旨。官官相護。朕所惡也。文過飾非。朕所惡也。舞文取巧。朕所惡也。言行不實。朕所惡也。至用人行政。偶有小失。審度未能周妥。一經發覺。立即秉公辦理。不稍回護。是無私心也。朕必寬其既往。仍望其將來。識之。○以吏部右侍郎恩桂。內閣學士陳官俊。知貢舉。○命前任和闐辦事大臣常豐。以三品京

堂候補○戊申諭內閣本年輪應查閱湖北湖南雲南貴州營伍之期湖北湖南著即派訥爾經額雲南貴州著即派伊里布逐一查閱務各認真簡校如查有訓練不精軍實不齊者即將廢弛之將弁據實參劾毋得視為具文○又諭前因桓格奏乍浦協領缺出請不論滿洲蒙古通行揀選當降旨交兵部議奏本日據該部奏請嗣後乍浦蒙古協領佐領缺出如蒙古官員內足數揀選仍照舊章

辦理若一時揀選乏人准於滿洲官員內通行揀選隨時奏明辦理等語乍浦駐防原設蒙古協領一員佐領三員防禦二員協領缺出即由佐領三員內揀選佐領缺出由防禦二員內揀選該員等各有管轄操演之責必須慎選人材方於營伍有裨其應行揀選人員臨時偶然患病尚屬事之所有若久病不痊及弓馬輟弱者早應隨時甄覈何得任聽衰庸聽候以至缺出時不敷揀選嗣後蒙古

官員遞有病呈著該將軍隨時咨明部旗遇有蒙古缺出先儘蒙古人員揀選僅有必須滿洲人員通行揀選之處即將因何不敷揀選緣由聲明覈實辦理○又諭吳文鎔奏選拔屆期請嚴禁弊端一摺直隸省每遇選拔之年各學學書門斗各府州縣書吏及學政衙門書吏門丁均有卷費冊費考費各項陋規名目且當學政局門校閱之時更有不肯之徒在外招搖撞騙不可不嚴行飭禁現屆

丁酉科選拔之期所有學政衙門書吏家丁著責成該學政嚴為稽查加意約束並先期剴切出示申明例禁至局門校閱時著直隸總督通飭所屬各府州縣及充當提調各員認真嚴密察訪如有匪徒在外招搖撞騙立即嚴拏按律懲辦其卷冊考費一切陋規著概行禁革並著該督出示曉諭各屬應試選拔生員僅仍有書斗門丁等需索抑勒情事准該生赴提調官衙門稟訴從重懲治各直

省考試拔貢俱著照此辦理經此次諄諭之後各該學政衙門書吏人等如仍有需索陋規情弊惟該學政是問至局門校閱時該提調官不能隨時查察杜絕弊源致不肖匪徒仍敢在外招搖撞騙一經發覺定將該提調官懲處不貸將此通諭知之○又諭祁墳等奏會勘各礮臺工程及查驗礮位情形一摺廣東虎門地方修造各礮臺及添鑄礮位各工完竣經祁墳等查明新鑄大礮五十九位

炸裂至十位之多實屬辦理不善所有監鑄委員推升遊擊留署廣州協左營都司黃廷彪著革去頂帶責令督匠加工提鍊如數賠造儻再不能妥善即著嚴行叅處署東莞縣知縣李繩先承修礮臺工程完固著加恩交部議敘至所奏應行加添各項經費十三款著俟鄧廷楨到任後會同關天培籌議具奏該部知道○貸山西河東道屬修濬姚退渠銀○緩徵山西太原縣上年被水村莊新舊

額賦○己酉諭內閣昨兵部帶領引見人員內豫行保舉福建詔安營千總鄭步衡箭枝脫落未能射出著不准其豫保閩浙總督程祖洛輒以該員弓馬可觀出考送部著交部照例議處○庚戌諭內閣琦善奏地方官訪獲邪教請寬免處分等語此案直隸南和等縣教犯宋廷玉等俱係該管地方各官或先自訪知跟蹤掩捕或一經飭拏即時按名獲解緝辦均屬認真功過尚足相抵所有南和

雞澤永年邯鄲密雲平谷三河東安宣化赤城威縣任縣鉅鹿清河隆平邢臺唐山平鄉廣平東明長垣元城磁州南宮平山廣宗曲周深州山東臨清等州縣歷任文武各官失察處分俱著加恩寬免該部知道○又諭河工每年豫辦歲料及備防料物銀兩例應按年將動存各料造冊報部近來南河及直隸山東多有漏報之案國家經費有常必須工歸實用若豫辦料物既已撥銀分案開銷復

行添購其動存數目任意延不造報部中無冊可稽何從銷算殊非覈實辦公之道著直隸山東河南江南等省經管河工各督撫嗣後豫辦料物須遵照奏定章程每年造具動存四柱清冊報部備查毋得延玩其從前未報年分著速行補報並於冊內將某年某工段落數目動用何項料物分晰開載以除積弊○諭軍機大臣等特依順保等覆奏派員查勘屯田並酌撤防兵各事宜一摺回疆屯

田創自近年原所以備官兵俸餉之用而省內地撥運之煩各城新增防兵勘定後亦應隨時抽撤前經降旨令該將軍等通盤籌畫悉心妥議具奏茲據奏稱屯田之設必使回疆物產足供兵食方足副屯田本意若徒敷衍目前究恐有名無實現派員前往確查以歸覈實等語不料爾等有此見識可嘉之至著即派奕山率同協領法福哩先赴巴爾楚克與該處委員周廷芬逐細詳查務將先後

所開地畝勘查清楚統計若干畝招募人戶先後若干戶渾河引水築壩各工是否得法與玉河舊開地畝遠近是否相連並將已未升科各地逐一查明此外堪以開墾者尚有若干將來續行開墾均報升科統計每歲所入實可抵各該處餉項若干並可省內地調撥經費若干現在徵收糧七百石作何節省所借民人牛具籽種曾否當年歸款以後應否按年借給之處並喀什噶爾所招屯種情

形一併逐款確查務使墾地民人各有恆產日久即為土著庶寓兵於農無事則咸安耕鑿有事則盡屬干城方為實有裨益至酌撤添駐防兵一節從前奏定善後章程後僅據長清奏撤巴爾楚克移駐葉爾羌喀什噶爾防兵二千名其餘額設防兵迄今未經議撤並著奕山等查勘地畝事畢前赴葉爾羌與興德等熟商妥議何城何處應裁何城應緩或體察現在情形有全須緩撤之處務須熟

籌全局。確有把握。目前可收實效。日久並無流弊。奕山等即與德面籌商定。並詳晰告知。特依順保。再行妥議具奏。將此諭知。特依順保。奕山並諭令興德知之。○又諭本日據祁墳等奏。上年十一月洋商伍紹榮等轉據啖咭喇國夷商稟稱。夷人來粵貿易。必須傳遞書信。今有港脚煙船。能行逆風。欲行進省。遞信恐沿途礮臺關口。疑慮驅逐。信達轉稟。飭行知照等情。該督等飭令洋商傳諭該夷人。不准進口。並訪聞此船係為包攬各夷商送信而造。此次到來。欲將船賣給澳夷。因無人承買。是以尚未回國。亦不敢進口等語。外夷遞送書信。向有章程。自應循照辦理。何可以詭異不經之船。擅入海口。啖夷素性詭詐。雖現據查明煙船。並無滋事情形。惟既已飭禁不准進口。乃仍欲駛入內洋。實屬藐玩著鄧廷楨等嚴飭各營縣及虎門各礮臺。隨時查察。嚴行禁阻防範。並諭飭澳門西洋夷目

派撥夷兵。在南灣一帶巡查。勿使煙船水手人等登岸滋事。仍即驅逐開行回國。毋令久泊外洋。儻該夷人不遵法度。竟肆桀驁。立即懾之以威。俾知儆懼。該督等務當熟籌妥辦。循照舊章。不得稍有疏懈。將此諭知鄧廷楨。祁墳關天培。並傳諭新任粵海關監督文祥知之。○又諭林則徐等奏。請將被控牽涉之守備遊擊。分別革職。解任一摺。此案潛山營革兵王泳。即王樹滋。控告該營守備張贊。剋扣九十兩月兵餉。供應該守備盤費公館。並製備鋪墊。修飾衙署等項。又藉修廟宇。串通隊目。勒扣十一月分兵餉。每名至二錢之多。並該守備私那兵餉。及家人食糧。私役兵丁。發賣營馬等款。復據該守備供稱。攤扣兵餉。俱屬因公。其廟工一款。係回明遊擊袁夢熊辦理。案關將備。欺法營私。不可不嚴行懲辦。潛山營遊擊袁夢熊著解任。守備張贊著革職。交色卜星額親提全案人證卷宗。東公嚴

審將稟揭各款逐一根究實情分別按例懲辦。斷不可因革兵挾嫌控告豫存成見致有不實不盡。將此諭令知之。尋奏訊明。張贊私役兵丁扣餉修廟屬實。業已革職。應毋庸議。袁夢熊那用錢糧事屬違例。併請革職。下部議。從之。朝鮮國王李昶遣使表賀。

萬壽冬至元旦三大節及歲貢方物賞賚筵宴如例。辛亥諭內閣四阿哥五阿哥著於四月初三日入學讀書。杜受田著充四阿哥師傅。

徐士芬著充五阿哥師傅。潘世恩穆彰阿著充上書房總師傅。瑞郡王奕誌著在上書房伴讀。又諭前據御史鄂爾端奏刑部堂印被竊。應議人員處分。尚有遺漏。當降旨交刑部堂官查明具奏。茲據奏稱部中稽察閒雜及賭博等事日間歸司務廳首領官專管。夜間歸當月官專管。該部既有奏定章程吏部則例內又有專條。遇有失察處分自應分別日夜查送職名。此案劉四等在署聚賭訊

係夜間隨來隨散並無晝日任意出入之事。該部業將上年十二月初三日至初八日當月司員按日查取職名送部議處。其司務廳各員夜間並無值宿之責。例不咨送處分。是該部辦理此案尚無遺漏。惟當月官與首領官分司晝夜易啓推諉之漸。嗣後各該部一切稽察閒雜及賭博等事除當月司員照例值宿外。每日仍派司務廳一員在署住宿。俾得周歷巡查互相稽察。以杜推諉而昭嚴密。

命協辦大學士戶部尚書王鼎在南書房行走。壬子

上詣綺春園問

皇太后安。諭內閣著派綿清管理圓明園八旗內務府三旗官兵進班慶敏毋庸管理。達賴喇嘛遣使謝恩呈進貢物賜敕褒獎。以四川督標中軍副將張作功為福建汀州鎮總兵官。癸丑
孝儀純皇后忌辰遣官祭

裕陵○

上詣

大高殿行禮○還宮○以大學士阮元充經筵

講官○禮部議准廣西巡撫惠吉疏報採訪

博白縣貞節婦女朱林氏等七十八口陸川

縣呂謝氏等三十八口請各建總坊旌表從

之

宣宗實錄卷之二百七十七

未

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七十七

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七十八

監修鴻臚寺卿臣等謹將宣宗實錄卷之二百七十八次
天曆府尹書奏准加敘紀載十八次
七倉大臣指奏會同四庫館纂修加一級隨帶加六級軍功加三級紀載五次
內閣大臣奏准將前據廣西巡撫惠吉奏報採訪博白縣貞節婦女朱林氏等七十八口
縣呂謝氏等三十八口請各建總坊旌表從之
欽修

道光十六年丙申二月甲寅朔遣官祭

先醫之神○諭內閣此次恭謁

東陵著派安福聯順綿岫管理大營事務○又
諭程祖洛奏苦養回京之都司潛走無蹤請
旨革拏一摺浙江衢州鎮標右營都司伊成
額前因親老准其回京交兵部帶領引見茲
據該督奏稱該員於未經奉旨之先因病告
假赴省就醫旋即走失無蹤實屬有玷官方
伊成額著即革職嚴行緝拏至該革員曾否
私自回京著步軍統領衙門順天府五城一

體嚴拏務獲。並著該旗都統查明據實參辦。尋正黃旗滿洲都統禧恩等奏。查明伊成額並未回京。現仍派員不時前往伊家查訪。得有蹤跡。即行解送刑部審辦。報聞。○又諭程祖洛等奏。臺灣各縣徵解兵穀。全數運清。請開復頂帶一摺。福建臺灣所屬鳳山縣知縣徐必觀。嘉義縣知縣熊飛彰。彰化縣知縣李廷璧。前因徵解道光十三年分兵穀情誤。降旨摘去頂帶。茲據該督等查明。嘉義彰化二縣

實錄卷三六

徵解道光十三年分兵米兵穀。並非有心延欠。且於被參後自行捐資雇船。於三箇月限內載運內渡。其十四年兵穀亦無貽誤。尚知愧奮。嘉義縣知縣熊飛。前任彰化縣知縣。准升鹿仔港同知李廷璧。原摘頂帶著一併開復。李廷璧著飭調內渡。於俸滿案內送部引見。再赴鹿仔港同知之任。至臺灣縣前經運存澳倉之十三年穀石與應解十四年兵穀均已掃數內渡。該四縣應運十五年分兵米

兵穀。現亦配運。著該督等督飭臺灣道府嚴行催趲。務於明年奏銷前一律運竣。嗣後著永以為例。不准顆粒帶欠。如稍遲延。著即嚴參。以儆玩誤。○諭軍機大臣等。程祖洛等奏拏獲盜首蕭圖。訊據該犯為盜時船上曾插有不得已三字白布旗一面。與陳沅往來認識。各自為首。糾劫曾武先曾為盜。與伊亦不同幫。後來久已不在海上。該犯鄙薄曾武為無足重輕。現在設法熬訊。並跟追曾武蕭烏

實錄卷三六

鳥。下落嚴緝。務獲等語。該犯蕭圖。頗指同夥口出狂言。確係巨盜無疑。查拏自屬認真。惟積盜曾武。該犯既鄙為無足重輕。自更不難就獲。何以疊經降旨飭拏。迄今躡緝尚無端倪。總之曾武務在必獲。斷不能因該犯狡供無足重輕。遂可置之不問。致令倖逃法網。其咎尤重。至不得已三字旗號。前據該督等訪聞係曾武盜船上之物。茲訊據該犯蕭圖供認。於船上設立此旗。以便招集夥黨。愚哄商

船所供尚有不實不盡其因何設此三字旗號著確切訊明不得顛頂了事且既與曾武同一旗號若非即係幫夥亦必確知曾武蹤跡此等兇惡最著之犯斷不容倖逃顯戮日久稽誅著程祖洛等就現獲之蕭圖一犯設法研訊務得確情仍嚴究曾武蕭烏鳥下落究竟潛匿何處嚴飭文武員弁協力兜捕務期必獲毋得將現獲之犯訊取供詞率行搪塞總期將該犯曾武及早拏辦免留後患不

宣宗實錄

四

准稍為鬆懈將此各諭令知之○以配運兵穀出力予福建通判陳盛韶升用○乙卯諭軍機大臣等寄諭閩浙總督程祖洛各省營制之設自總兵以至備弁均有訓練兵丁之責平日習勞肄武自當講求騎射實力操防俾士卒悉成勁旅方為無忝厥職至筆墨書畫等事本非武弁所重若專心肄習轉至荒其營務是重其所輕必至輕其所重於所轄營伍一切校閱操防尚安望其認真經理耶

黃巖鎮總兵湯攀龍向來粗知文義好弄筆墨雖據該督查明該鎮近知愧悔是否能頗改前轍屏除一切其平日訓練士卒能否認真堪勝總兵之任著該督再加體察據實具奏至所稱近來各營員內亦有好弄文墨稟牘每多浮詞究係何人狃於積習涉獵藝文不能實意操防著一併確查指名奏參毋稍徇隱將此諭令知之尋奏黃巖鎮總兵湯攀龍材具頗長人亦體面惟於一切稟牘每多

宣宗實錄

五

冗泛之詞且聞其旁通字畫是以每就該鎮稟報事件隨時批飭近年以來深知愧悔專心辦理營務於總兵一官尚堪勝任其餘各營員之好弄筆墨者則有前任浙江撫標中軍參將湯貽汾工於繪事現已告病回籍前任建寧鎮總兵徐慶超喜寫大字業已病故前任海壇鎮總兵萬超喜弄筆墨業經因案叅革現任浙江湖州協副將鄭國鴻明白幹練督率有方惟該員從前於公事稟牘好為

空論見長。節次批飭。漸知消改。尚須加以磨練。此外尚有前任建寧鎮總兵現調雲南昭通鎮總兵普陀保。現任福建延平協副將文通。聞皆能詩。而平日皆不喜談詩。普陀保在任時。營務認真。并能親自辦理文稟。告示誠實。通達。不事文飾。文通亦能專心營務。實力講求。公事並無貽誤。報聞。○賞陝西等省乙未恩科鄉試年老諸生原午等三十九名舉人副榜有差。○禮部議准。山東巡撫鍾祥疏報。採訪黃縣貞節婦女戰劉氏等六百二十六口。文登縣畢王氏等一千九百七十二口。請各建總坊旌表。從之。○

上以祭社稷壇。自是日始。齋戒三日。○丙辰。遣官祭文昌帝君廟。○遣官祭黑龍潭昭靈沛澤龍王之神。玉泉山惠濟慈佑靈護龍王之神。昆明湖安佑普濟沛澤廣生龍王之神。密雲縣白龍潭。

潭 昭靈廣濟普澤龍王之神。○遣官祭圓明園惠濟祠。

河神廟。○以通政使司通政使麟魁為都察院左副都御史。○湖北巡撫尹濟源因病解任。調江西巡撫周之琦為湖北巡撫。以江蘇布政使陳鑾為江西巡撫。調江西布政使怡良署江蘇布政使。以陝西按察使李恩鐸為江西布政使。廣東鹽運使李振肅為陝西按察使。○丁巳春分朝日於東郊。

上親詣行禮。○祭先師孔子。遣大學士阮元行禮。○諭內閣。果毓美奏冬挑津貼商息不敷。請借款撥發等語。運河冬挑津貼一款。例支東商生息銀兩。如遇解不足數。向係借撥墊發。據該河督奏運河道庫現無可墊之款。應挑工段。漕運攸關。自應及時興工。著照所請。准其在於挑河

生息項下。動撥銀二千二百四十六兩零。再於工程市平項下。借支銀七千八百八十九兩零。發交承挑各員領辦。以濟要需。再據該河督奏。東商生息銀兩。積欠過多。現經奏准停緩。運河道庫存款。遇有支發別項工程。甚形短絀。所有道光二十三年墊發銀四萬四千餘兩。著准其先於山東藩庫暫行籌項借撥歸款。以濟工需。○以大理寺少卿琦琛。為詹事府詹事。○修山東運河。加河捕河。

上河。四廳開墾。從河道總督粟毓美請也。○

戊午祭

大社。

大稷。

上親詣行禮。○以舉行仲春經筵。遣官告祭

奉先殿。

傳心殿。

上御文華殿經筵。直講官耆英。王鼎。進講論語。君使臣以禮。臣事君以忠。講畢。

上宣御論曰。自乾坤定位以來。道莫重於君臣。

臣者所使也。君者所事也。君臣相與之際。亦各盡其當然而已。此夫子因魯定公之問。而對之。使以禮事以忠也。人臣策名委質。出而為國家用。惟君命是從。夫豈智取術取之為哉。爵祿以厚之。體貌以崇之。笙簧酒醴。享之以多儀。竹帛旂常。旌之以懋賞。明尊卑之分。即以通上下之情。亦謂名以制義。義以出禮。而可不納於軌物乎。至於為人臣者。進思盡忠。不負所學。而啓乃心者。為最真。不知其身而根於心者。為尤摯。其責愈重。則恪恭匪懈。而務竭其誠。其任愈隆。則鞠躬盡瘁。而不屈其節。伸之以無隱。矢之以勿欺。故曰。事其君者。不擇事而安之。忠之盛也。若是者。為國以禮。君不必責臣之忠。而恩誼交孚。為下克忠。臣不敢望君之禮。而明良相契。天下有不治者哉。直講官桂輪。何浚漢。進講易經。君子以衷多益寡。稱物平施。講畢。

上宣御論曰。謙也者。致恭以存其位者也。易卦地中有山。謙君子觀謙之象。山在地下。見抑高舉下。損過益不及之義。故以施於事。則裒多益寡。即以卑蘊高之意。謙之象也。天下莫不有物。方以類聚。物以羣分。而不得其平。則由多寡之不同。以致參差不一。此非損益之不為功。禮時為大。稱亦次之。又曰。先王之制禮也。不可多也。不可寡也。惟其稱也。損益盈虛。與時偕行。有分無多。分寡不愚。寡而愚不均。不均則不平也。人情自高之心常多。下人之心常寡。不裒而益之。則輕世傲物者。自處過高。處人過卑。而物我不得其平。惟多者裒之。寡者益之。則自視不見其有餘。而視人不見其不足。易所謂稱物平施者。稱此物之多寡。均平而施。物之先多者。得其施。物之先寡者。亦得其施也。多者用謙。以為裒。寡者用謙。以為益。謙豈易言乎。必也平其氣。清其心。而與人無競。與物無爭。則人欲去。天理全。夫物

之不齊。物之情也。有大物者。不可以物。物明乎物。物者之非物也。亦曰平而已矣。謙尊而光。信矣哉。禮成。
上幸文淵閣。賜講官及聽講諸臣茶。復賜宴於本仁殿。○幸圓明園。○詣綺春園。問皇太后安。○己未。遣官祭關帝廟。○遣官祭昭忠祠。○諭內閣。朕此次恭謁東陵。啓鑾後。著派肅親王敬敏。定親王奕紹。大學士長齡。文學。留京辦事。○又諭。本年正月。據倉場衙門。協同步軍統領衙門。拏獲偷米賊匪。當交刑部。嚴行審訊。各該倉地方。違闕。廩座眾多。倉役人等。值班上宿。人數無多。查察難期周密。著城內巡倉旗分。城外巡倉營汛。於撥派堆撥兵丁。務使足額。嚴密巡邏。隨時稽察。無得視為具文。此案竊米賊匪。著該部嚴訊究辦。該倉人役。及旗營巡察兵丁。即著隨案懲處。○大學士長齡等。奏會同審擬

續復代槍案內已革生員戈廷本得受珠隆阿錢文在場外代作詩文傳遞計贓京錢五十五兩按例發近邊充軍戈廷本所得京錢業已花用無力完繳應免著追從之○改江蘇安東縣選缺知縣為繁疲難三字沿河沿海要缺在外揀補句容縣要缺知縣為衝難中缺歸部銓選從署總督林則徐請也○庚申

孝淑睿皇后忌辰遣官祭

昌陵○諭內閣近日外間傳聞私鈔多有未經發鈔之件如本日某衙門值日召見某人科道某遞封奏一件此等探事惡習本干例禁朝廷政事具有體制其由內閣鈔出各件例得宣示朕綜理庶政無事不可布告臣民至事關嚴密本非外間所得與聞豈容任意訛傳概行宣播且刊刻私鈔纖悉畢登不但洩漏滋弊甚非所以崇政體而昭嚴肅嗣後著御前大臣飭令奏事處值班章京等嚴行查

禁毋許再有訛傳私鈔以昭慎密儻查禁不力仍蹈前弊惟該大臣等是問經此次飭禁後如再有私行刊刻者著步軍統領衙門嚴拏究辦毋得視為具文○諭軍機大臣等有人奏江西廣信府屬之上饒廣豐等縣福建建寧府屬之崇安浦城松溪等縣浙江處州府屬之龍泉慶元等縣三省毗連之區封禁山內近有一種丐匪盤踞號稱花子會俱係各處無賴之徒成羣結黨擾害居民受其索詐否則尋釁戕害勒捐不休其會有大會首副會首散頭目等名大會首潛住浙江金華府義烏永康二縣一帶地方行蹤詭秘四鄉村鎮窮民每多被其誘脅每年五月十三日於僻野古廟聚會一次蒸搗糯米為食又名為養巴會欲糾眾訛詐則以竹篋纏紮雞毛上繫銅錢一枚分頭傳示會中人一見立即趕往其錢分紅黑白三色以紅者為最急百里外聞信一日必至又有喫水放水之稱以

會人有私為官差作眼往拏者立斃其命無敢控訴。又此會轉入彼教有鑽圈跳圈之號居民畏其人眾報復不敢告發。地保鄉約得規包庇。地方官因流丐強索不甚置意。且散處各境。此拏彼竄。查辦每多掣肘等語。此等匪徒糾人結會。挨戶斂錢。肆害閭閻。毫無忌憚。不獨善良受其魚肉。愈聚愈眾。難保日久不滋生事端。著陶澍程祖洛等嚴飭所屬各該地方官確訪該匪等姓名住址。會同鄰境

員弁不分畛域協力按拏認真查辦務俾淨絕根株毋滋擾害。除莠所以安良但不得縱容差役藉端生事波及無辜。將此各諭令知之。尋江西巡撫陳鑒奏查明封禁山內各口並無丐匪盤踞滋擾報聞。署閩浙總督魏元烺奏拏獲花子會老周等二十五犯供指傳授暗號情形雖與原奏互異而糾眾入會屬實。除會首老熊業已畏罪自盡無庸議外餘分別擬發回城為奴及杖徒下部議從之。

修陝西洛川縣常平倉廩從巡撫楊名聰請也。○辛酉諭內閣琦善奏查明文童武弁口角爭毆及知府改期覆試一摺此案直隸永平府千總白鳳儀於府考之時例應彈壓乃不戴頂帽赴集閒游已屬不合。又將童生張廷柏毆打及兵丁張桐等向童生張朝英等爭毆並不喝阻更屬倚勢妄為。白鳳儀著即革職交琦善歸案審辦。至永平府覆試改期據該督查明該府因急需驗訊張廷柏等是

以牌示改期並非該童生等臨點不到。惟該府等未將改期緣由明晰稟報殊屬含混。永平府知府朱壬林山永協副將興文泰盧龍縣知縣成章瓚俱著交部議處。童生張朝英等於張廷柏被毆儘可令其赴官呈訴乃事不干己糾眾滋事此風斷不可長著俟質訊明確按律懲辦以儆刁玩。○修直隸永定河隄壩從總督琦善請也。○壬戌諭軍機大臣等本日據特依順保奏到任已歷三年懇請

入覲伊犁地處極邊統轄南北兩城責任最關重大特依順保自簡任將軍以來辦理諸務均臻妥善該將軍前於道光十年曾經陛見迄今已歷六載不特伊懋主之心出於惇誠即朕亦甚思見伊之面惟伊犁地方緊要一時更替乏人著該將軍暫緩來京俟明歲再降諭旨將此諭令知之○又諭寄諭兩廣總督鄧廷楨等有人奏上年十二月初旬廣東順德縣屬之龍江鄉旬日間被匪徒紛紛

發冢各家未及稟官先赴鄉約登報冊簿共計一百四十餘起此外未經赴報者尚多被害之處以佛堂岡為最平松園鎮頭岡次之槎涌鋪種地蚌蛇臂又次之其餘鷓鴣岡狐狸臂耿公圍茶地殼各處皆有內生員彭偉一家被掘七棺蔡鳳華一家被掘四棺陸恆其生母一棺亦被掘發該鄉紳士出賞捕賊獲犯七名該署縣知縣章鴻往勘將犯帶署聞赴縣呈告者祇有十三家廣東州縣惡習

民間獲賊呈送將賊釋放反將事主羈押拖累無窮是以各懷疑懼不敢赴訴又前年韓榮光奏歸善縣被掘之五百餘家並未查拏一賊懲辦一案道光十二年歸善縣民容有興被容有霖糾黨容亞扁等將其父嫂兩棺掘發並將骸骨擊碎拋棄山野該縣反將已獲夥犯容東興等釋放歷控督撫司道均以飭縣緝訊一批了事又上年九月十三夜生員陶贊丁李炳初江際時童生李植等在該

縣東門外三象岡緝獲匪犯劉亞養廖亞六卓亞三等三名兇具二件被掘之處係提標右營兵丁黃拔龍之母墓並挖出劉亞養當票十四張俱係婦女裝殮首飾是其掘發不止一次不止一家為首之萬林保改名陳亞二傳授兇術據供自道光元年從花縣人學得此術同夥三十餘人徧傳各縣該縣知縣並不關會花縣將為首傳徒之犯嚴拏以致流毒愈遠被害愈多等語匪徒掘發墳墓最

為地方之害。州縣等官果能實力查拏。有犯必懲。該匪徒等何至肆無忌憚。一鄉之內旬日之間。竟敢明目張膽。盜發至數百起之多。可見該地方官玩視民瘼。一味欺飾。全不以公事為重。著該督撫迅委幹員。前赴龍江鄉查取鄉約冊內所報各起。嚴行查辦。其未經報冊者。即在該鄉出示招告。按名查拏。並提訊現獲七犯。追究巢穴。即將首從各犯嚴拏務獲。從重懲治。僅查明該署縣知縣章鴻寶。

有諱匿不辦情弊。即應先行革職。嚴叅辦理。至歸善縣被掘五百餘家。著委員前赴該縣分別查拏。招告並責令花縣知縣迅將為首傳徒之犯密拏究辦。此外各府屬州縣遇有此等案件。如能認真查辦。該地方官失察處分尚可寬免。儻竟容忍貽害。別經發覺。及委員查辦不實。著一併從嚴叅處。以肅吏治。而靖地方。將此諭令知之。○命協辦大學士吏部尚書穆彰阿。步軍統領著英。工部尚書戴

銓。勘估京城內外應修河道溝渠。○癸亥

上詣

黑龍潭神祠拈香。○諭內閣。御史章煒奏。辦賑流弊日多。請飭釐剔一摺。國家惠愛黎元。偶遇水旱偏災。一經該督撫奏到。無不立發帑金。迅加賑卹。原期實惠及民。無使一夫失所。若如該御史所奏。鄉保里地開報飢口。多有使費。州縣胥吏又復勒索票錢冊費。災黎無力出錢。即為刪減口數。州縣因倉庫虧空。

藉辦賑之名。為開銷之地。捏報說名。多開戶口。竟取盈餘飽其私橐。又勘災委員並不親赴鄉莊察看。而供給程儀均取資於賑款之內。迨至造冊報銷。督撫藩司各衙門書吏得費。則為之彌縫。無費則多方苛駁。以致廉吏因賠累而掣肘。不肖州縣轉得勾通一局。恣意侵吞。種種弊端。皆由各省大吏不能實心經理所致。官侵吏蝕。百弊叢生。玩視民瘼。莫此為甚。嗣後各直省遇有偏災。各督撫務當

破除積習認真查察。僅有前項情弊。即將該州縣委員指名嚴叅。毋稍姑息。胥吏鄉保按名查拏。重治其罪。庶懲一儆百。俾恩澤可以下究。而官吏不敢因緣為奸。用副朕軫念災黎之意。將此通諭知之。○甲子

孝康章皇后忌辰遣官祭

孝陵○諭內閣朕啓鑒後著派穆彰阿同領侍

衛內大臣輪流進班○又諭葉紹本奏保甲事宜請責成地方官以收實效保甲一法著

之令甲立法本極周密最為弭盜良規地方官果能實力奉行原可使風移俗易無如法立弊生檢防難及以致編查徒為具文未能徧收實效如所稱委員弊混需索供億騷擾地方州縣勒派浮費書吏需索規禮差保隱匿遺漏牌甲保長任意妄為無籍流民姑息容留恣為不法種種弊端不可不嚴行查禁嗣後著各直省督撫責成各道府慎選委員會同地方正佐各官親歷編查不准攜帶多

人致滋紛擾。僅虛行故事。或不安本分。地方官據實稟詳。該上司即嚴行叅辦。如徇隱不報。亦著一併嚴叅。至一切紙張冊籍。俱令地方官自行捐給。不准絲毫擾累。其領牌繳冊及丁役規禮。概行革除。違者從重究辦。甲長牌頭以及里正保正。並著地方官慎重點派。隨時稽查。如有訛索包庇等弊。立即嚴懲。更替其小心供役者。酌加獎勵。外來行蹤詭異之流民。嚴行驅逐。不准編入保甲。查有習教窩匪實跡。嚴行懲辦。務絕根株。並將牌甲保長分別失察知情。按律懲治。其山村遠僻戶口畸零者。著做十家總牌之法。俾令簡便。易行其風俗頑梗。素稱難治者。酌復四鄉講約之制。總之有治人無治法。惟在地方官實心經理。該管上司認真查察。破除情面。勿尚虛文。務使閭閻安業。宵小潛蹤。以維風俗。而飭吏治。將此通諭知之。○又諭前據御史黃仲容奏請整頓廣東潮商鹽務。當交戶部議奏。

茲據查明該御史所稱官埠運鹽無本每藉私鹽接續請將每月銷引多寡由地方官行文交鹽埠呈遞運同查覈是否可行有無輻輳應行詳加查察至所稱潮橋運務請責令知府協同管理誠恐事無專屬易啓推諉之漸惟該省高州廉州配鹽均由各該府兼管應否仿照辦理之處著鄧廷楨和碩一併體察情形通盤籌畫妥議章程具奏○諭軍機大臣等有人奏蘇松太道陽金城曉諭各口

告示概不用印稿不存案寵用家丁三十餘人以查船為名任意騷擾訛索往來商旅非格外賄求即留難不放甚至將已經輸稅起貨之船拏究嚴訊調取關東沙船原票比較并多則就并科稅并少則就票科稅各船偶遇颶風業將貨物拋棄該道惟以發票為憑勒令將拋棄之貨一概輸稅又分派官親家丁前駐吳淞口以覆查進出船為名勒取看艙錢文給則免驗放行否則扣留以致商船

不能及時貿易視海關為畏途眾怨沸騰半將歇業幕友江西王春浦算命為生現在盤踞大樓恣情需索吳淞口剝廣船隻每船餽伊洋錢四圓方許出口又廣西秦姓派赴小海口頭戴白頂身佩寶劍自製竹板二根恐嚇商船無人不畏其強橫家丁中郭四張乾輅二人倚勢訛索尤為不法等語關津以通行旅按貨輸稅自有定例若縱容幕友家丁多方勒索延不放行必致商旅裹足不前既

慮病商兼恐有妨國課若如所奏種種不法殊出情理之外不可不嚴行查辦著陶澍林則徐即將所指各款秉公嚴密確查如果實有其事著將該道即行叅處其幕友家丁一併按名查拏從重懲辦不許稍有徇縱將此諭令知之○又諭寄諭兩江總督兼管兩淮鹽政陶澍每年正月內山高水長所用煙盒花爆等項向由兩淮鹽政豫備解京應用嗣後著永行停止將此諭令知之○命兵部左

侍郎寶善乾清門侍衛文燾常安恭詣

東陵查看紅椿○修山西河東石馬道隄堰並

東禁牆等處從巡撫申啓賢請也○乙丑

上詣綺春園問

皇太后安○諭軍機大臣等○諭盛京將軍奕

經前因興京鳳凰城所屬邊門以外每年拏

獲偷砍木植賊匪飭令妥議章程具奏茲據

該將軍籌議章程內惟嚴拏賊匪之財東窩

主一條為扼要務須認真辦理奸民罔知法

紀惟利是圖惟在邊卡各處嚴密防守巡查

各官實力緝拏但經偷越入山務期有犯必

獲而尤在邊內地地方杜其銷售之源嚴查財

東窩主更於山河要隘扼其挽運之路使賊

匪咸知儆畏官山日就肅清其餘所擬章程

均著照議妥為辦理不得日久又成具文其

邊外木植著仍照前存放此內如有成材之

料可以通內河挽運者如遇盛京工部歲修

等項工程即可隨時揀選以資工用至邊內

木植著該將軍派員詳查有可以變價者飭

令招商估變再行覈實具奏將此諭令知之

○達賴喇嘛班禪額爾德尼帕克巴拉呼圖

克圖遣使呈進貢物賜敕褒獎賞賚如例○

丙寅諭內閣理藩院奏請援案賞給格格地

畝教漢旗輔國公烏爾占扎布之母履端親

王之女固山格格孀居子幼生計維艱著於

該旗開墾熟地內賞給地五百頃即著熱河

都統嵩溥轉飭教漢扎薩克郡王達爾瑪濟

爾第會同塔子溝理事司員奎英妥為籌辦

俾資養贍○又諭給事中富彰奏京通兩處

奸商囤積包買等弊一摺京倉米石不准出

城例禁甚嚴若如該給事中所奏竟有奸商

將存貯之米由廣安等門乘便混出實屬大

干法紀著步軍統領嚴密查訪按律懲辦又

通州馬頭鎮武清縣北蔡村為南糧糴糶之

區大斗案犯包買旗丁餘米前經降旨懲辦

著倉場侍郎順天府府尹直隸總督查明現

在有無奸商暗中仍蹈大斗行故轍一體嚴
拏懲禁至招募石礮事甚煩瑣窒礙難行著
無庸議○又諭前因陶澍訥爾經額所奏江
廣口岸額銷鹽引情形互異當降旨著該督
等查明具奏茲據陶澍奏稱鹽法納課請引
向以綱計及至分運各岸止按年計額而不
按綱鹽既隨到隨銷是綱分雖有新舊而銷
售並無後先等語鹽務以轉運疏銷為要若
銷路不暢轉運為之不靈該督統轄三省固

應成算在胥至江西安徽各撫臣亦有專責
嗣後著一體認真就近督辦同心併力畛域
不分兼與湖廣督臣悉心妥籌實力趕辦其
口岸疏銷責成各省督撫認真經理隨銷隨
覈其起運迅速則責成陶澍實力催提以資
輪轉務使岸銷大暢俾鹽務日有起色儻仍
復稽遲滯銷有誤礙綱全局惟該督撫等是
問懍之○又諭訥爾經額奏楚省行銷准鹽
一年期滿查明銷過引數及缺額緣由一摺

湖北湖南兩省道光十五年分行銷准鹽缺
銷在三分以上據該督查明實因岸鹽短缺
無鹽可銷委非該鹽道督銷不力所有前任
湖北鹽法道邵甲名應得處分著加恩寬免
○諭軍機大臣等據江西已革舉人盛翹供
稱道光十四年順天鄉試曾頂江西副榜夏
錫璜之名進場亂號為廣東順德縣監生馬
德貞代作文字榜發未經中式並提到說合
之已革副榜馮士偉供與盛翹情節相符該

生馬德貞於上年十月已回廣東原籍著鄧
廷楨等密飭該地方官查明該生是否回籍
迅即拏獲派員妥速解京歸案審辦將此諭
令知之尋奏查得馬德貞現已回籍據其父
馬應姚以伊子馬德貞患病未痊乞寬限醫
治俟病愈即行解部得旨斷不准藉詞推延
一俟稍可即速起解○江南道御史黃仲容
奏各省恩貢優貢原卷例無解部明文歲貢
原卷印封解部由部磨勘拔貢正覆原卷解

部磨勘副貢硃墨卷解部貯庫而不磨勘請飭禮部將例內詳加增改以歸畫一下部議尋議拔貢卷解送到部由禮部會同禮科磨勘籤出應議者請派大臣覆勘其恩貢優貢歲貢試卷到部日期先後不齊嗣後如在歲試卷以前送部者即歸入歲試卷一體磨勘覆勘在科試卷以前送部者即歸入科試卷一體磨勘覆勘至副榜一項有因文字不及正榜取中副榜者亦有文字甚佳或因二三場偶犯小疵抑置副榜者若再加以磨勘是既經抑置於前又復被議於後自應仍遵現行定例辦理以昭平允從之○鑄給湖北房縣三岔口巡檢印信從護巡撫張岳崧請也○丁卯諭內閣昨日值年旗將乍浦應行補放協領官員帶領引見擬正之該哈蘇箭射擦地竟未到靶武職步射乃其本業即有步射生疏者理應隨時懲飭該管將軍副都統平日所司何事桓格善英均著交部議處佐

領該哈蘇著罰俸六箇月以示儆戒尋議桓格善英降一級調用得旨改為降一級留任不准抵銷○又諭前據彥德等奏稱烏里雅蘇台科布多二處保舉額外驍騎校請仍循舊例與本城應升人等相間補用當交兵部議奏茲據該部查明該二處保舉人員若遇本城缺出即行補用未免過優且本城兵丁不能得缺曾經奏准辦理嗣後該將軍大臣等如保舉該二處換防兵丁作為額外驍騎校者差便送部引見後遇有本城驍騎校缺出著按記名先後日期與本城應升之人一體相間補用此項換防兵丁與出兵著有勞績者迥不相同不准保舉先行補用所有從前科布多參贊大臣孝順岱奏請先行補用之額外驍騎校布楞一員著即更正○諭軍機大臣等鄧廷楨奏廣東東莞縣命婦盧尹氏遺抱告具控伊子已革刑部郎中盧應翔被叅革職解審一案查案內牽涉之員不但

吳毓鈞係鄉榜同年吳廷瓚之子。即司員白讓卿之父。白谿與伊子係屬師生。亦有世誼。一面催提人卷。先行研訊。固不敢引嫌迴避。惟道路之詞。最多歧異。請旨添派大臣一員。赴粵會審等語。此案已有旨派恩銘等前赴該省會同審辦。該督甫經到任。自無所用其回護。至年家故舊。本無事引嫌迴避。祇須破除情面。毋稍瞻徇。如案情果堪自信。正不必以傳聞歧異為慮。著鄧廷楨仍遵旨提集案證。俟恩銘等到粵後。會同秉公研訊。務得確情。執法持平。認真覈實。俾水落石出。以成信讞。斷不准稍有不實不盡。將此諭令知之。○復引見京察一等未經記名人員。得旨富通。祝春熙。鄭紹謙。文禧。承志。慶倫。蘇彭。阿毓。衡圖。明阿。鮑文淳。郭鳴高。帥方。蔚靈秀。俱著交軍機處記名以道府用。○兩廣總督鄧廷楨奏。遵旨密查海陽揭陽饒平澄海平遠等縣地方盜賊情形。嚴督所屬文武各員。力加振

作認真查究。得旨。斷不可再事因循。致負信任。勉力振作為之。毋忽。○庫倫辦事大臣科布通武。因病解任。以正藍旗漢軍副都統福璘為庫倫辦事大臣。○以福建臺灣水師協副將黃貴為廣東碭石鎮總兵官。○以拏獲盜犯。予福建候補從九品張伯藩儘先補用。○旌耒守正捐軀陝西清澗縣民郝張鎖兒妻康氏。○戊辰。以刑部右侍郎貴慶兼正紅旗蒙古副都統。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七十九

監修總裁官總纂官編纂官汪大燮王士儔徐仁閣大學士文淵閣侍讀學士理學士郭事恭書寫總裁翰林院侍讀學士袁家驊
天庠府尹事務處總辦加三級紀錄十八次直隸總督袁世凱奏請宣統二年而書錄上禮運掌郭崇熙政新學務處府尹官房文員稽察司
七倉大臣稽察司同知稽修事務加一級隨帶加六級軍功加三級紀錄五次直隸沙州總巡撫曹文淵閣學堂開辦事務而書總管
內務府大臣稽察司總辦稽修事務七倉大臣管崇宏人府庫庫主夏加官等 宣統元年開辦開辦處稽修事務加六級府尹卿等奏
學院進修處事務隨帶加十八級直隸阿副都統袁官提擬進官兵部而書隨帶加六級紀錄十二次直隸巡撫等奉

道光十六年丙申二月己巳

上御閱武樓閱火器營操○諭內閣御史劉誼奏密飭查辦事件請嚴禁漏洩傳播以肅政體一摺朝廷日行政事具有體制朕綜理庶政無事不可布告臣民其由內閣傳鈔宣示中外者眾見共聞原不祕密至密飭查辦事件及九卿科道等條陳章奏本不容漏洩滋弊朕於事關緊要者俱封交軍機大臣閱看密令章京一二員敬謹繕寫此外章京概不與聞並有陳奏事件留中未發外間無從得

知不應有人傳播而有時揣度附會指作新聞暗與脗合則又何說若非有人探聽漏言即係原奏之人自行洩漏已往之事姑免深究嗣後在廷大小臣工務當各矢小心倍加慎默事無鉅細總須慎絕窺探嚴防洩漏其言事諸臣陳奏事件不避嫌怨亦當自行秘密毋許任意談論以致漏言傳播動人聽聞臣不密則失身勿謂朕誥誡之不早也經此次訓飭之後如再有漏洩傳播等項情弊一

經察出必當追究根原查明何處漏洩定即從嚴懲辦決不輕恕懷之慎之將此通諭知之○諭軍機大臣等有人奏風聞山西現調太原府知府史夢蛟前在汾州府任內因介休縣富戶李鎮五及李鍾峨等互控家產一案該府得受李鍾嶂李鍾峨贓銀八千兩過付則有介休民人梁永照寄頓則有長春當舖白起孔運送則有刑書李如貴迨李鎮五赴省控告發交首府審訊多由礙於情面以

致遷延未結。近聞李鎮五以該府調任首府。若往投審。必無生理。赴巡撫衙門呈訴。經該撫批發臬司。飭委候補知縣黃旭承審。竊思此案該府如果得贓屬實。豈一候補縣令所能審結。且聞現有久踞省城未赴本任之陽曲縣主簿邱戟士。從中串合。以為消弭地步。等語。知府為方面大員。自應清白自矢。以為屬員表率。若果因案得贓。實屬大干法紀。必當嚴行懲辦。著申慈賢督同慶林親提人證。秉公研訊。務期水落石出。以成信讞。該撫等均係甫經到任。無所用其回護。不准因該員甫調首府。稍事瞻徇。儻有不實不盡。日後別經發覺。或經科道糾參。該撫等不能當欺飾重咎也。將此諭知申慈賢。並傳諭慶林知之。尋奏訊據已革知府史夢蛟審理李鍾嶂李鍾峨。控告家產一案。並未偏袒得贓。應請開復。惟失察書役得多贓。請交部嚴議。分駐蘭村水利主簿邱戟士。時因修防至省。並非

久踞。實無串合消弭情事。應毋庸議。下部議從之。旌表守正捐軀直隸香河縣民武泊然妻王氏。陝西渭南縣民魏欣枝妻鄭氏。雲南祿豐縣民章淙塘妻韓氏。庚午諭內閣。御史朱成烈奏。胥役藉差浮派。請旨飭禁。一摺。畿輔近地各項差徭。間資民力。是以每次踴躍。經行各州縣地方。量予蠲免。錢糧用示體恤。惟各項差使。一經出票傳差。假手吏役。鄉保科派。侵吞種種滋弊。不可不嚴行飭禁。著琦善嚴飭所屬地方官。遇有差使。務當先期明示曉諭。概不准經吏役之手。以致重重剝削。不均不平。儻查有前項弊端。即行嚴拏究辦。並將該州縣指名奏參。以紓民力而安閭閻。諭軍機大臣等。據御史朱成烈奏。稱道光九年東巡大差。有在京匪徒方四糾集多人。假冒黃檔之名。沿途詐索規費。名曰戳黑。事發經內務府審辦。擬以遣戍。去年秋間大差。又有方姓假名騷擾。州縣官意圖差使

安靜。不得不隱忍任其需索等語。本月朕祇謁

東陵。經過地方。難保無前項匪徒。假名索詐。著禧恩。奕紀。聯順。琦善。嚴密訪查。如所稱方姓。實有其人。即行嚴拏懲辦。並查明此外有無不法匪徒。假稱各項差使名目。沿途訛索規費。一併密速查拏。毋稍疏縱。將此各諭。令知之。○貸張家口駐防官兵修理房屋俸餉銀。辛未遣官祭

歷代帝王廟。○諭軍機大臣等。據琦善奏。稱現據拏獲習教之戴洛占等。供出山東商河縣董家村居住之董吉升。倡興教會。傳派蔓延。閱時二百餘年。世代踵習。戴洛占等皆其支派內遞傳之人。又董吉升之後人董坦。已被山東拏獲。董坦前曾常來直隸傳教。其各支相傳。直隸尚有何人。董坦在直隸所傳何人。該犯等恃無董姓質證。不肯吐實等語。著鍾祥即將現獲之商河縣人董坦。即董平

心。詳細研究。令其將直隸傳習伊家教會究有若干。迅即咨明直隸總督。以便按名拏辦。如東省無應訊之處。即派委妥員。迅將該犯董坦。解交直隸。歸案審辦。毋稍遲誤。將此諭令知之。尋奏訊據董坦供稱。七世祖董士海。即董吉升。創立一炷香教。該犯傳習祖教。曾到過直隸。有故城縣人張路安。拜認為師。張路安復收德州人孫禮羅。興為徒。至直隸傳習董士海教。究有若干。堅稱閱時二百餘年。

委未知悉。與戴洛占亦不認識。取供後。該犯在監病故。茲將所獲孫禮羅。興二犯。咨解直隸。歸案審辦。報聞。○山東巡撫鍾祥奏。登州鎮水師營戰船。船隻久逾固限。必須大修。方堪駕駛。原用竹蓬。不如布蓬。掛放輕快。而隨地購布。修補較為速便。下部議從之。○以催趲回空漕船出力。予江蘇道員李彥章等加銜升敘有差。壬申

上詣綺春園問

皇太后安○諭內閣英經奏員勒翻控前案一摺科爾沁貝勒達爾瑪扎布向副盟長卓哩克圖親王巴圖前具呈稱冤翻控前案原控正盟長土謝圖親王諾爾布林沁索取旗下眾丁銀兩攢湊兵丁牲畜銀兩台吉喇嘛冒領錢糧三款未經質對等情當降旨交英經提案審擬具奏茲據該將軍奏提訊達爾瑪扎布所具供詞於已辦完結之案牽涉近族台吉補控台吉喇嘛冒領錢糧數十餘名並求拘傳審辦固執申訴非詳查確數無以折服其心惟哲哩木地方遙遠自未便傳提滋累著理藩院轉飭隔旗之副盟長就近前往會同正盟長諾爾布林沁照依現控情節詳細查明秉公審辦詳報理藩院覈擬辦理尋盛京將軍耆英奏訊得諾爾布林沁扣取旗下各丁銀兩係因供應各官寺喇嘛及旗下一切差徭使用差派各丁駝馬差竣仍交原主領回並無侵使至應行銷檔之喇嘛仍充

台吉名目頂替年班未經查出咎止失察惟續控呈報公主子孫台吉增入年班將未受職者含混呈報雖尚未輪派亦無盜領銀兩究屬不合諾爾布林沁依律擬杖降三級調用折罰扎薩克俸二年達爾瑪扎布雖所控有因究未得實且屢次翻控不候傳提率行赴案實屬健訟謬妄請革去貝勒下理藩院議從之○浙江巡撫烏爾恭額奏溫郡試辦票鹽不無窒礙應即飭令停止擬將舊日乏

商概行革退督飭甲商等遴選殷實商人每縣或一名或二名請引承辦於該處要隘處所設卡稽查飭溫州府分飭縣場並移處州府督縣會營嚴密緝私至官商人等收買竈鹽向有重秤加斤日久掛欠之弊應嚴飭嗣後痛除積習務須公平給與現價不得再有加斤延欠竈戶如有餘鹽亦准商人現錢平買如縣場商竈稍有懈弛即行分別嚴懲究辦從之○賞前任山東兗州鎮總兵官尚政

華頭等侍衛在大門上行走。舉行道光十五年大計。直隸卓異官十八員。才力不及官一員。罷輟官二員。不謹官一員。年老官一員。有疾官二員。奉天年老官一員。罷輟官一員。江西卓異官十一員。浮躁官一員。不謹官二員。年老官三員。有疾官二員。浙江卓異官十員。不謹官三員。才力不及官八員。年老官六員。湖南卓異官九員。才力不及官三員。年老官二員。有疾官二員。浮躁官一員。不謹官二員。河南卓異官十二員。年老官四員。才力不及官二員。山東卓異官十四員。才力不及官四員。有疾官一員。年老官四員。陝西卓異官九員。才力不及官一員。有疾官二員。年老官一員。浮躁官三員。四川卓異官十五員。年老官四員。有疾官四員。不謹官四員。浮躁官一員。廣西卓異官七員。才力不及官三員。不謹官二員。年老官一員。有疾官二員。雲南卓異官九員。才力不及官一員。年老官四員。有

疾官一員。貴州卓異官七員。年老官四員。有疾官一員。才力不及官二員。浮躁官一員。罷輟官一員。南河卓異官二員。年老官一員。東河卓異官一員。年老官一員。有疾官一員。分別議敘處分如例。癸酉清明節遣官祭永陵。福陵。昭陵。昭西陵。孝陵。孝東陵。景陵。泰陵。泰東陵。裕陵。昌陵。遣官祭孝穆皇后。孝慎皇后陵寢。遣官祭。

端慧皇太子園寢○

上啓鑒恭謁

東陵○前任湖南巡撫吳榮光奏查辦永明縣塘下源雷洞源白雲沖上木源四處種山民徭已先後赴縣請領批價盤費依限埽數搬遷押送回籍其無籍可歸者於鄰近另佃耕種均可無虞失業惟各該處地廣土肥封禁之後難保無奸民復生覬覦私墾滋事應請嗣後每月派委該縣所屬之周棠司巡檢暨

專汛把總外委赴山巡查一次每季仲月該縣會同城守營守備赴山會哨一次每年春季該府會同永州鎮標左營遊擊赴山查勘一次如無私墾情事即出具切實印結通報查考儻有奸民私佃批種立即嚴拏照強占官山律治罪保甲人等容隱不報一併究懲儻文武各員巡查不力即行嚴叅並嚴切出示於各該山內勒石諭禁俾知遵守報聞以湖南民徭遷移妥善予通判唐鳳德議敘

免蹕路經過地方額賦十分之三○是日

駐蹕煙郊行宮○甲戌遣官祭賢良祠諭軍機大臣等吳榮光奏訪查已故祁陽縣知縣崔偲門丁王五及現任祁陽縣國慶門丁陳青劣於陳姓在該縣地方盤踞招搖並與丁憂典史潘鰲夥開煤壠之事現將陳青拏獲審辦並飭拏王五陳書田務獲提同該典史潘鰲及陳青嚴行究辦等語此等不法門丁與地方劣紳及卸事佐雜往來潛匿播弄是非牟利壟斷深堪痛恨著裕泰到任後提集案證秉公嚴審並飭該管道府嚴密查拏王五陳書田務獲提同已革典史潘鰲及陳青徹底嚴究毋稍輕縱將此諭令知之尋奏訊據丁憂典史潘鰲並不在籍守制任意外遊委員詰問復敢出言頂撞應照律擬杖納贖遞解回籍王五雖無招搖不法別情惟夥同縣民開挖煤壠陳書田倚恃王五聲勢邀同入夥均非安分照律擬枷杖陳青訊無招

擢牟利情事應免置議下部議從之○是日駐蹕白澗行宮○乙亥諭內閣本日蹕路所經薊州以西二十里許道路修墊甚不平實著琦善查明承辦之員據實叅奏尋奉寧津縣知縣楊士昕墊道不平請革職並自請議處得旨楊士昕著革職琦善著加恩改為察議○又諭

端慧皇太子園寢貝勒永璫園寢著派奕綺端嬭固倫公主園寢著派奕綱原任公爵佟

國維佟國綱墳墓著派盛福分往賜奠其原任大學士傅恆原任大學士貝子福康安墳墓嗣後著不必奏請賜奠○以故廣西恩府屬白山土司巡檢王言紀子建和襲職○是日駐蹕隆福寺行宮○丙子

上恭謁

昭西陵

孝陵

孝東陵

景陵

裕陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員均隨行禮○諭軍機大臣等據吳榮光由驛馳奏武岡州匪犯聚眾滋事於本月十一日接據該府州縣營先後稟報初五日盤獲匪徒吳立鵠一名按出黃布旗及逆書一本據供新寧縣之圳源尚有匪徒聚集又擊獲鄒

元佐一名按出逆詞據供藍正樽係滋事首犯該逆匪等已於初六日酉刻聚至武岡州撲城現經吳榮光帶兵親往督辦一面函致湖廣總督訥爾經額及新任巡撫裕泰藩司冀綬迅赴湖南一面酌調衡州等各協營兵丁八百名馳往應援並飭綏靖鎮就近馳往寶應府城暫行駐劄督飭在城文武員弁實力防守復飛調永州鎮就近派兵三百名馳往堵截東竄要路並於該州交界地方分兵

堵截該賊匪等二三千人驟至武岡撲城經千總張大宏等開放槍礮打斃三十餘人餘賊落水淹斃無數至各該賊匪巢穴或稱圳源崗或稱九龍山或稱麻林崗地名不一均在新寧縣境等語此等賊匪不過一時烏合當此起釁之始人心未定急應散其黨羽以免搖惑現經吳榮光剴切出示曉諭被脅各犯及早解散赴官投首准其減免罪名如將首犯捆縛送官者予以重賞以期及早殲除

剋期藏事著訥爾經額迅即前往吳榮光交卸後毋庸來京著留於湖南會同勦辦裕泰接印後著留省彈壓督飭藩司調撥糧餉訥爾經額吳榮光到彼查明賊匪現經千總張大宏等槍斃並淹斃無數此外尚有若干迅即探明巢穴帶兵兜合窮搜全獲以淨根株斷不可遷延時日此等賊匪致令賊勢蔓延現在酌調之兵是否足敷應用此時薛陞查辦鎮算練勇諒已竣事如需添撥弁兵即著

薛陞帶往勦辦至新寧縣界連廣西貴州兩省僅兵力齊集難保賊匪不乘間竄逸著惠吉陳階平額騰伊松青於各該省界連緊要隘口酌派文武員弁調集兵役協力兜拏嚴密防堵一體稽查彈壓無稍疏虞其賊匪巢穴與猺崗相距道路遠近是否不致被其脅惑並著訥爾經額等確查具奏相機妥辦無令鬼域伎倆從中構煽另起釁端又另片奏上年十一月訪獲武岡州習教傳徒匪犯潘

明德等十九名並起獲經卷坎卦圖章一塊訊據程恆忠之父程孔固經四川人王又名傳教並付給經卷圖章程孔固傳授李明德等入教於去年往廣西未回王又名現在四川等語此次聚眾滋事之逆首藍正樽既據李明德等供係入教之犯是該逆等確係助逆黨羽藍正樽罪大惡極必應迅速捕獲明正典刑以申國法其程孔固上年潛往廣西王又名現在四川著鄂山惠吉密飭幹員於

各該犯潛匿地方迅速訪拏務獲押解湖南交訥爾經額等提同各犯徹底嚴行究辦無任聞風遠颺漏網將此由五百里各諭令知之○又諭本日據吳榮光奏接據沅州府協稟報風聞鎮筵練勇因借銀不允起釁於本年正月十九日聚集多人在於辰沅道署鼓譟打毀房屋當已妥為安撫並據辰州永順綏靖各府協營先後稟報情形大略相同經吳榮光札委衡永道張晉熙撫標中軍參將

張元直前往嚴查懲辦去後旋據辰沅道常慶稟稱鎮筵兵勇有道光十二年出師羊泉及調赴廣東征剿猺匪借領行裝銀兩接奉部文應行扣歸原款兵勇因貧乏無力於本年正月十八日赴該道及鎮筵總兵兩處跪求緩款該道面諭聽候酌辦各兵勇始行退出復接鎮筵總兵向尊化函致前由嚴與沅州等府協營所稟情節輕重懸殊又據鎮筵鎮向尊化另文咨會鎮署於本年正月

十九日子刻住屋後耳房失火延燒房屋十一間並未傷人該鎮道函稟情形顯屬不實不盡其中必有起釁別故及事後消弭諱飾情事各等語訥爾經額本年應赴湖南查閱營伍著即會同吳榮光查明此事實在因何起釁首從係何姓名人數共有若干各犯曾否被獲總兵衙署實係如何被燒該鎮道所稟情節因何與各屬互異現在兵勇是否安靜該督等務當破除情面確切嚴查據實具

奏毋得稍事顛預自取欺飾之咎將此各諭令知之○賞蹕路經過看守各行宮弁兵半月錢糧○是日回鑾駐蹕桃花寺行宮○丁丑總管內務府大臣禧恩等覆奏拏獲隨營撞騙之民人馮二楊利兒邵九彭八到案得旨著解京交刑部審訊尋奏訊明馮二楊利兒邵九撞騙屬實應照律分別問擬流徒彭八出京索欠未遇輒向差局素識書吏告貸亦屬不合應照律擬杖至所供素識之方三

即房銀住傳案訊明曾經歷次隨營藉差需索未便因此次未往率行寬貸應照律革去馬甲銷除旗檔問擬杖徒從之○是日駐蹕白澗行宮○戊寅諭軍機大臣等著英等奏稱訊據畫匠為生之張四供稱近京東南地方有傳習邪教之總甲張秀等在通州泳樂店東尖村居住有李八家工人高三○可以質對訊據高三供稱李八是紅陽教會首會內有總甲張秀民人徐得等所供雖係一面之

詞案關傳習邪教虛實均應徹底根究著琦善即將張四高三供出各犯姓名住址密速掩拏隔別嚴訊有無為匪不法情事按律究辦無任聞風遠颺漏網原摺著鈔給閱看將此諭令知之尋奏拏獲李八張秀徐得等犯按查各家並無經卷圖像均供並未習教自係飾詞狡展現咨步軍統領衙門將張四高三犯飭發直隸提同質證按律究辦報聞○以太常寺卿隆勛為通政使司通政使○

以緝犯出力予巴爾魯克額魯特副總管毛哈喇遇缺升用○修浙江西塘柴埭各工從巡撫烏爾恭額請也○免四川義邊廳上年被夷滋擾地方額賦○是日駐蹕煙郊行宮○己卯

孝昭仁皇后忌辰遣官祭

景陵○

上還圓明園○詣綺春園問

皇太后安○庚辰諭內閣長齡等奏拏獲漏稅

淺斤人犯一摺此案夾帶淺斤人犯李大即李叔澄攜帶人淺至九百餘兩之多指稱會試希圖漏稅實屬膽大且據該犯供稱原買人淺係一千八百餘兩何以呈出帳單開載二千二百餘兩其現存又止九百八十兩數目迥不相符所攜道光十三年路引又係填寫張泳寶之名張泳寶現在吉林果否與該犯同夥均須徹底根究李叔澄一犯著兵部解往吉林交該將軍嚴行質訊此項淺斤是

否該犯與張泳寶夥同認買官票餘濩押係偷創私濩確切訊明分別辦理其現獲濩斤著長齡等開明斤兩黏貼印封一併解往查驗尋奏查攬頭內並無張泳寶同夥領票李大之名訊據李大先後借給攬頭張恆錢銀屢討未還張恆因將交官不堪入選餘濩九百餘兩給其赴蘇售賣抵欠復商令李廷棟將濩潛送關裏再令接收迨張大就獲李廷棟業已逃逸一千八百餘兩之數係一時說供至二千二百兩之濩單係李廷棟每年赴蘇售賣官濩之店所給並非本年給付李大之單除將李廷棟嚴緝外張恆李大均按律擬杖徒下部議從之○辛巳

皇后千秋節宮內行禮如儀停止筵宴及在外公主福晉命婦行禮○諭內閣朕於本年三月初十日起閱看左右兩翼前鋒及八旗護軍兵丁步射著該管大臣於前鋒營每翼豫備前鋒校藍翎長前鋒二十名八旗護軍營

每旗豫備護軍校藍翎長護軍五十名每日二十名候朕閱看前次經朕閱過者著毋庸豫備○改河南考城營守備為選缺從巡撫桂良請也○壬午諭內閣奕經奏兵丁被控案涉佐領請解任審辦一摺此案監生吉寬等呈控中從所兵丁等借端詐索挾嫌誣賭該處佐領佛爾通額勒取規費等情如果吉寬因伊父吳珣聚賭被獲挾制妄控刁風固不可長惟查拏賭匪原係地方專責但人犯已就拘執何至驗有鐵器毆傷情形若該管佐領縱令兵丁挾嫌誣賭索要規費尤屬大千功令必須徹底根究以成信讞中從所佐領佛爾通額著解任同原告被告人等一併交盛京刑部審訊按律定擬具奏尋奏領催恩錫因向吳珣索詐未遂挾嫌誣告窩賭將吳珣鎖毆照律擬徒銷除旗檔吳珣失察工人聚賭擬杖折責佛爾通額既失察於前迨經提訊復行申辯請交部嚴加議處下部議

從之○諭軍機大臣等據訥爾經額薛陞馳奏武岡州教匪滋事情形各一摺訥爾經額奏稱接據武岡州營稟報二月初六日酉刻賊匪約二三千人各持器械分三路而來勢欲撲城經千總張大宏首先開槍打斃一賊隨經署守備趙昇泰開放擡礮先後殲斃二十餘人賊眾退落水中淹斃無數餘匪始行漸退迨初七日帶兵追捕並得紳士張謙等聞聲來助該匪等竟敢迎拒復經槍斃殺死賊匪約數十人拏獲巨文舉等二十二名並生擒首逆家屬藍正大藍正監二名起有黃布令字旗等件審明後業將在场攻城之彭先耀等十一犯梟示城上賊眾始分途逃竄初八日復於山巖竹木內按獲逆犯六十四名即將應行立決之楊猪富等六十名登時梟示並拏獲主謀助逆要犯張和尚陳仲潮及夥匪多名根究逆首下落均稱藍正樽即藍沅曠係新寧縣強生並據該縣稟報拏獲

該逆家屬老藍雷氏藍雷氏藍幅王併夥犯陳汶蔭等九名按獲軍器四件歸案審辦又解陞奏稱現帶沅州協官兵二百名前赴靖州綏寧一帶察看情形分別勦撫各等語該匪等習教傳徒聞拏起事節經該州營勦捕擒獲已及數百人餘匪窮迫奔竄似此么麼小醜不值多煩兵力現經吳榮光帶兵二百五十名督同署臬司梁恩照馳往查辦薛陞復帶兵二百名前往勦捕自可立就肅清所

有前調苗疆各營兵丁著即撤回歸伍總兵李約文即回本任以重職守訥爾經額馳抵該處著會同吳榮光薛陞悉心體察現在情形督飭各營縣嚴拏首逆藍正樽迅速就獲追捕餘匪務使淨盡並提同現獲各犯嚴行審訊該匪等是否習教傳徒勾結強匪滋事總當詳細推鞫務得確情按律懲辦以除餘孽而淨根株至千總張大宏署守備趙昇泰著該督查明該弁等當賊匪驟至如果實係

開放槍礮。斃多人。賊眾因而解散。著即據實保奏。吳榮光此時自己馳抵武岡。著仍遵前旨。毋庸來京。暫留該處。會同該督等商辦剿捕事宜。又訥爾經額片稱。鎮軍兵勇聚眾滋鬧。聞已安靜。如常。請俟查辦武岡事竣後。再赴該處確查等語。該督此時自應先其所急。統俟馳抵武岡。將剿捕事務辦理完竣。再赴鎮軍親提犯證。秉公研鞠。務將起釁根由確加體訪。據實具奏。不得意存回護。稍有不

實不盡。將此各諭令知之。○戶部議覆御史耆綱等奏。近來各項文批。仍有不徑報江南道者。未免遺漏等語。查該道既有稽查戶部之責。一切解部文批。自應統歸查驗。應如所奏。飭下各省督撫。將軍府尹鹽政。織造各關監督。嗣後凡解部庫銀物。概飭出具文批。徑赴該道衙門投遞。俟戶部兌收後。該解官吏即持戶部收批。赴道查驗。由道鈐印給照。以專責成。而昭畫一。仍令都察院轉飭該道於

收批查驗後。即行當堂給發。毋得假手書吏。致啟延擱需索之弊。從之。○吏部左侍郎陳嵩慶因病解任。以署吏部右侍郎李宗坊為左侍郎。○以捐修山西榆次縣考棚書院等工。予知縣文光等議敘。旌表有差。○築河南原武陽武兩汛支河土石隄壩。從河道總督栗毓美請也。○貸福建布政使修理衙署養廉銀。○以山西汾西鄉寧左雲永濟榮河遼榆社和順平定壽陽忻芮城靈石永和寧鄉

十五州縣上年歉收。命借糶常平倉穀。並緩右玉靈邱山陰寧武定襄渾源大同朔平魯代五臺繁峙保德偏關隰陽城臨汾霍靈石和林格爾清水河二十一廳州縣買補倉穀。○癸未諭內閣。御史趙先祖奏。糧艘過境。請禁胥役勒索一摺。直隸沿河州縣向設剝船二千餘隻。為南漕接運之用。必實係不敷接運。方准添雇民船。以資協濟。若如該御史所奏。近日天津三河武清等州縣。每遇糧船北

上。無論剝船足用與否。一有過往船隻。胥役即任意扣留。以豫備剝運為名。擅貼封條。百端需索。行旅不堪其苦。似此藉端勒索。不可不嚴行查辦。著直隸總督嚴飭地方官。務於糧船未到以前。先行查禁。儻有前項情弊。立即從嚴懲辦。以安行旅。○又諭。刑部主事白讓卿。著暫行解任。交順天府派委妥員迅速伴送廣東省城備質。○諭。軍機大臣等。寄諭欽差禮部尚書恩銘等。本日已有旨將刑部

主事白讓卿暫行解任。交順天府派員伴送廣東備質。並令陶澍林則徐派員伴送陽金城赴粵候質。該尚書等行抵廣東時。務將盧尹氏一案。詳細研鞫。儻該二員有應行質訊之處。著即提同質訊。將此諭令知之。○又諭。有人奏。上年山東被災。登萊青三府情形最重。該撫奏請緩徵。惟登州一屬不在其內。查訪登州被災。係上年七月間海風陡作。一日一夜。秋禾全行偃折。竟係顆粒無收。與萊青

不分輕重。該州縣諱匿不報。上年下忙錢糧照舊開徵。災民竭蹶完納。現在青黃不接。本年上忙錢糧。又復開徵。該府英文親赴各州縣勸捐。蓬萊捐得制錢一萬餘千。黃縣捐得制錢三萬餘千。其餘各州縣亦俱捐有成數。等語。國家愛養黎元。偶遇地方偏災。該督撫一經奏聞。無不立沛膏澤。若如所奏。該府屬被災情形如此之重。何以上年秋間。竟爾諱匿不報。既不報災。照常開徵。何以又復紛紛

勸捐。與催科並行。尚復成何政體。著鍾祥即將該府屬被災情形。及地方官諱災不報之處。確切查明。如果屬實。務當從嚴叅辦。儻再意存消弭。將來別經發覺。惟該撫是問。將此諭令知之。尋奏。登州所屬。上年七月被風。麥禾受傷。雜糧尚俱成熟。上忙錢糧已完。至七八九分。下忙所賸尾欠。輸將較易。故未請緩。尚非地方官敢於諱匿。至公捐之舉。原以補在官借糶之不足。其所濟助者。率皆無地無

業貧民而所捐者多係殷實之家自卹鄰里
惠濟窮黎所有本年上忙錢糧應視麥收豐
歉分別徵緩報聞○又諭前因有人奏蘇
松太道陽金城縱容幕友家丁在海關需索
各款曾降旨令陶澍等確查辦理著俟此案
完竣後即將該道暫行解任派委妥員迅速
伴送到廣東省城備質將此諭令知之○又
諭有人奏上年山西省祭告差使特派平陽
鎮總兵台費音前往

商湯王陵在蒲州府屬之榮河縣界內該縣
知縣武履中奉文後在署內設席徧請書差
告以努力張羅大家沾光隨傳喚值年里長
逐日在縣聽候辦差城內設公館七處
湯陵附近設公館七處科派乾菜鋪墊銀一
千五百兩修理棧棚器皿鑲籠彩紬紅氍夫
馬一切雜派又五千餘兩其餘無名之費不
可勝數該縣分十三里半每里按地丁一兩
攤銀六七八錢不等合計該縣地丁三萬餘

兩竟須攤銀二萬餘兩吏胥四出追呼民不
聊生等語官祭品物例有支銷該總兵台費
音身為致祭大臣自應潔已奉公減從前往
不得絲毫擾累民間若如所奏張皇數月腹
削一方一切科派至二萬餘兩之多是藉端
科斂以致閭境騷然殊出情理之外該縣知
縣起意狼吞飽其私橐該總兵亦難保無藉
差需索情事山西祭告不止一處榮河如此
恐他處亦所不免不可不嚴行查究著該撫
即將所指各情節嚴密訪查如果實有其事
務當破除情面據實參奏儻意存消弭不能
認真查辦將來別經發覺惟該撫是問將此
諭令知之○禮部議奏朝鮮貢使來京隨帶
從人例無定額自一百七十八名至三百名
不等向無稽查約束明文請嗣後設立門禁
各專責成朝鮮人到館即責成該使臣揀派
妥實從人分別開具出館緣由酌定出館人
數及出入時刻由書狀官造冊送交監督由

監督於按冊給發腰牌照驗外另繕二本分送稽查會同四譯館大臣察覈仍由該使臣嚴飭從人不得在外貿易違禁滋事並按日輪派大通官一員在門會同按冊稽查至內地商民照舊責成該監督取具連環保結給發腰牌方准進館交易仍按日輪派通官大使一員在門按冊稽查該使臣及監督幫辦監督仍不時親自查察並各約束所屬該館人役不得藉端勒索該國從人亦不得藉詞生事如有違禁及滋事之處查係該館人役應議者由禮部分別覈辦如係朝鮮從人應議者案經交該使臣即行酌辦案重由禮部行知該國王自行辦理至內地誘民誑騙外國擬請照內地誑騙之案加等嚴辦嗣後朝鮮使臣到京時由禮部將加等嚴辦事宜出示剴切曉諭俾共知儆畏從之○巡視西城御史清平等奏西城所屬廣安門內向有勉善堂一所堂內前設義學六齋以訓寒家子

弟後建六堂收養窮獨老民又旁建二堂收養老婦每年冬季施捨棉衣煤米並自十月起至次年三月止開設粥廠施濟無食貧民係已故民人蔡永清於嘉慶初年自行捐貲並偕眾姓募捐建置嗣後陸續增置產業添設規條益臻妥備應請飭將該堂現在產業及辦理規條詳晰註冊由本城呈送都察院存案每屆年終造具出入清冊由巡城御史覈轉呈明都察院以備查覈此後如有續行捐添之產仍飭隨時報明巡城御史轉呈都察院歸案註冊庶杜覬覦侵蝕之弊而善事可垂永久從之

大清宣宗效天符運立中體正至文聖武智勇
仁慈儉勤孝敏成皇帝實錄卷之二百七十九

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十

[illegible]

救修

道光十六年丙申三月甲申朔修河南武陟

縣沁河南北兩岸隄工從巡撫桂良請也○
撫卹琉球國遭風難夷如例 乙酉

上
詣

大高殿行禮

時應宮拈香○還宮○諭內閣瑚松額奏特
叅濫刑斃命之署州判一摺甘肅前署階州
白馬關州判候補縣丞吳士敏於地方賭匪
游棍既已獲案擅用非刑濫行拷責致斃四
命之多實屬殘忍其張石保子等四名是否

確係匪棍抑該署州判竟有懷挾私仇任意故勘情弊必須徹底根究以成信讞吳士敏著革職拏問交該督提同全案人證嚴行審究按律定擬具奏尋奏吳士敏因賭匪張石保子奪犯毆差兇棍和二娃侯陞爵並袒子為匪之和孝不服訊問咆哮罵輒用木棒敲責致斃實屬任性濫刑擬發往烏魯木齊充當苦差下部議從之以前任盛京刑部侍郎特登額署正藍旗漢軍副都統○丙戌

諭軍機大臣等據文蔚等奏分兵勦捕博番奪據要隘嚴催迅辦一摺此次博夷出巢滋擾經該大臣等派撥兵丁分作東西兩路剋期進勦現據策墊奪結比喜稟報進兵甫及月餘或殲敵焚壘奪其險要或拓地占寨據賊戶庭雖扎布現仍負固而前後受敵烏棲納沃僅為遠竄自斃之計是賊勢現已窮蹙自應相機攻勦迅速蕞功著該大臣等即飭策墊奪結分兵駐守魯郎以固運道其餘全

隊迅赴納沃頂一帶設法擒捕毋任扎布竄匿其東路所請礮位著即飛咨薩瑪第巴克什揀選運往交比喜收用以資攻擊至現訊所獲博番既有扎布事急欲竄野人國之供務即密飭比喜豫調土兵先將野人國界口紮斷防其奔逸並出示曉諭解散賊黨仍嚴諭策墊奪結比喜等現在深入賊境一切行兵運糧尤宜小心持重不得因我兵屢勝遂生驕逸現當春融雪消進兵較易該大臣等

惟當督飭所屬一鼓作氣乘勝進攻俟礮位解到時即行擇便轟擊務期得手毋得耽延時日坐失機宜策墊奪結比喜等現在帶兵分路前進連獲勝仗甚屬勇往儻能始終奮勉俾扎布指日授首番眾悔罪輸誠邊圉得以綏靖該大臣等擇其尤為出力者覈實保奏候朕施恩將此諭令知之○丁亥上耕藉詣

先農壇行禮更服至藉田所

躬耕三推復加一推

御觀耕臺命禮親王全齡睿親王仁壽怡親王載垣各五推吏部右侍郎恩桂戶部右侍郎程思澤禮部右侍郎卓秉恬兵部右侍郎溥治刑部左侍郎廉敬工部左侍郎裕誠都察院左副都御史功普通政使司通政使帥承瀚大理寺少卿毛樹棠各九推畢順天府尹率農夫終畝賞耆農夫耆老如例○詩關帝廟拈香○幸圓明園○詣綺春園問

皇太后安○戊子諭內閣多爾濟喇布坦等奏德勒克多爾濟養廉及屬下烏拉齊等拴養馬匹可否賞給之處請旨等語德勒克多爾濟業令協同駐劄庫倫大臣學習幫辦事務若僅予以鹽菜銀兩當差未免拮据德勒克多爾濟著加恩每年賞給養廉銀五百二十兩屬下烏拉齊等拴養馬匹亦照駐劄庫倫大臣一體賞給該部知道○諭軍機大臣等裕泰奏武岡州教匪滋事節據該道府稟報

逆匪藍正樽於二月初六日由新寧縣徑赴該州圍城勢甚緊急該撫行至龍里縣屬之新安途次得信後兼程馳往勦辦等語此案前據吳榮光等馳奏當經降旨令訥爾經額馳抵該處會同吳榮光薛陞督飭嚴拏首逆務盡根株此等烏合匪徒自可立就肅清裕泰著仍遵前旨即在湖南省城接印任事督同藩司調撥糧餉妥籌辦理無庸前往勦辦又據另片奏近聞署辰沅道常慶鎮草鎮總兵向尊化於調劑鈴束之道未能講求眾兵每多不服誠恐日久滋生事端不可不防其漸等語所奏是苗疆地方全在文武各官認真整頓庶幾閭閻安堵邊隅綏靖著該撫於到任後留心密查如果該鎮道撫馭失宜養成驕悍以致激生事端即行據實嚴參毋稍徇隱將此諭令知之○己丑諭軍機大臣等有人奏風聞安徽鳳陽關包攬客商納稅之人名曰鈔戶有張來安李振興張統望牛祥

集牛允盛李鼎盛等名號並不知姓名者共十餘家鈔戶勾通監督家丁書役無論何項貨物並不按照稅例分別科則一概丈量任意高下既不令商人親填印簿並不給發印單有不投鈔戶納稅者輒行多方勒索百計留難商人之狡黠者暗與勾通巧為偷漏謹厚者受其箝制莫可如何近年來鳳陽關稅課亦有虧賠但知歸咎於年成歉薄商販不前不知半由於鈔戶把持奸徒中飽印簿既

不親填稅單又不給發徵多報少無可稽查書差鈔戶包庇分肥互相固結年復一年必至虧賠益鉅等語各關稅課定例綦嚴原以裕課通商若如所奏種種弊端以致商旅裹足稅課短絀必應嚴行查禁著色卜星額密委幹員將所指之鈔戶嚴密查拏如有不法之處即行究辦並飭令該關照例懸掛木榜商人自行投稅親填印簿給與收稅印單收執如有鈔戶包納書役不給印單等弊立即

嚴拏究辦不許稍有徇縱以裕稅課而懲奸蠹將此諭令知之尋奏拏獲張來安等訊無串通家丁書役偷稅累商情事惟代客商交完稅課應照違制例杖一百並究出攬挑客貨多索腳錢之劉辣孜等按律問擬枷杖鎖繫鐵桿一年下部議從之○以大學士潘世恩為會試正考官協辦大學士戶部尚書王鼎工部右侍郎吳傑內閣學士王植為副考官○命吏部尚書湯金釗戶部右侍郎文慶

馳往四川查辦事件○移建江蘇鎮江府正開越開從總督陶澍等請也○修山東運河○加河捕河上河泉河五廳閘壩引渠從河道總督栗毓美請也○庚寅

上御勤政殿聽政○以大學士文孚兼署戶部尚書京營左翼總兵桂輪護步軍統領○以工部尚書何凌漢兼署吏部尚書總管內務府大臣敬徵署戶部右侍郎兼管錢法堂事務○以禮部右侍郎卓秉恬兼署吏部右侍

郎○以兵部右侍郎史譜兼署工部右侍郎兼管錢法堂事務○以翰林院侍讀學士吳文鎔為詹事府詹事仍留順天學政任○以前任烏里雅蘇台參贊大臣祿普署正紅旗護軍統領○辛卯諭軍機大臣等訥爾經額奏湖南衡陽縣丞朱起豫因負欠被控不守官箴經該督撫等於大計案內填註不謹彙同題參茲據該員稟稱負欠之由實因巡撫短發解費所致並臚列巡撫應撤不撤應叅不叅等十款呈請奏辦等語朱起豫以佐雜微員膽敢於被叅後挾恨架詞臚列多款訐控封疆大吏迨經提訊又復牽扯多人難保非意圖挾制惟既經列控虛實均應確切查明據實叅辦著訥爾經額裕泰親提人證卷宗將該叅員所指各情節逐一確查秉公研鞫務得切實憑據不得存官官相護之見稍事含混尤不得因吳榮光業經另案降調意存消弭致有不實不盡將此諭令知之○

旌表守正被戕四川大邑縣民姜添喜妻牟氏○壬辰諭內閣嗣後凡遇應書

昌陵

恕妃衙門著書作

和裕皇貴妃園寢龍泉峪平貴人園寢著書作龍泉峪妃園寢並著禮部通行各該處一體遵行○命翰林院修撰吳鍾駿在上書房行走授瑞郡王奕誌讀○禮部左侍郎杜壻因病解任轉右侍郎卓秉恬為左侍郎以內閣學士陳官俊為禮部右侍郎○癸巳

上詣綺春園問

皇太后安○祭

先蠶之神

皇后親詣行禮○諭內閣御史王藻奏教會銅蔽已深請設法採訪稽查一摺會匪創立名目習教傳徒斂錢惑眾迨至聚集既久密相構煽往往滋生事端屢經隨案查拏從嚴懲辦而根株未斷萌蘖潛滋總由地方官不能

先事豫防。留心稽察。甚或訪有蹤跡。復任令奸胥蠹役。挨戶搜查。攫取財物。不遂所欲。即以邪教指拏治罪。而正犯轉得聞風脫逃。不可不熟籌善法。以戢邪慝。而安善良。著直省各督撫等。嚴飭所屬地方官。實力奉行保甲之法。認真編查。分別良莠。其衙門胥役。派令按鄉輪查者。務當嚴加約束。儻敢藉端嚇索。濫及無辜。立即重治其罪。同城佐貳各官。如有公事認真者。准其帶同胥役。隨時採訪一

有匪徒蹤跡。立即密稟訪拏。庶汎兵地保。不致畏累諱匿。而查訪可收實效。至所稱各學諸生。訪有匪徒萌動。准令密稟教官。隨時查拏等語。諸生散處鄉莊。果能確有見聞。據實稟告。原可從此根究。消患未萌。但該生等賢否不一。儻有刁生劣監。挾嫌誣陷等弊。該教官一經輕聽。轉遂其藉端滋擾之私。亦不可不防其漸。至地方紳耆。各知保護身家。如有匪徒原許密稟州縣。訪查妥辦。惟不得任令

該紳耆等藉此干預公事。地方官亦不准動以公事傳喚。致滋擾累。庶查察愈周。而匪徒無所隱遁。於除莠安良之道。方有裨益。將此通諭知之。又諭吳椿等奏海塘大工全行完竣一摺。浙江海塘。捍禦潮汐。為下游七郡田廬保障。前因南沙中互。逼潮北趨。險工疊出。經富呢揚阿奏請興修。朕先後簡派趙盛奎。嚴烺。烏爾恭額。敬徵。吳椿等前往會勘。並令吳椿留於該省。會同烏爾恭額督辦各工。

茲據吳椿等奏稱。自道光十四年八月開工。至道光十六年二月工程完竣。統計修築各工。共一萬七千餘丈。動用工料銀共一百五十七萬二千餘兩。吳椿等親往驗收。俱係整齊鞏固。並無草率偷減情弊。數十年來未修之工。得以同時竣事。辦理尚為迅速。所有承辦督催各員。著吳椿等擇其尤為出力者。酌量保奏。候朕施恩。毋許冒濫。此項工需共計撥銀一百九十一萬八千六百餘兩。除動用

外尚餘銀七萬二千餘兩著報部撥用又節省存銀二十七萬四千餘兩著准其留為改修坦水及發商生息豫備修塘之用該部知道○諭軍機大臣等裕泰奏行抵沅州探聞武岡滋事首逆藍正樽甫經起事即被官兵斬獲多人餘即退散並未致傷官兵亦未搶掠村莊擾及百姓現既被追逃散不難按名搜捕立就肅清所調官兵足資勦堵其鎮草兵丁一千名練勇四百名除前起五百名業

經起行外未經起行者已飭該道暫令停留等語所見是此等烏合匪徒一經官兵搜捕立即蕙事不值重煩兵力裕泰著仍遵前旨即在湖南省城接印任事督同藩司調撥糧餉妥籌辦理無庸前往勦辦又另片奏鎮草鎮總兵向尊化聲名平常眾兵積怨先行嚴叅以服眾心等語該鎮兵練聚眾滋鬧前經訥爾經額等奏明派員前往確查已有旨諭令訥爾經額俟武岡勦捕竣事後再赴該處

查辦該撫即會同該督將向尊化如何辦理不善並此項兵練因何起釁之處確切體訪分別曲直無論在官在兵一併嚴行叅辦毋稍寬縱將此各諭令知之○欽差都察院左都御史吳椿等奏酌議浙江塘工善後事宜五條一修塘費用覈實籌計以免支絀一新建塊石限期保固並豫備歲修料物隨時修補以免延誤一南沙淤岸按年查勘禁止圈占一塘後備塘河按年挑挖培餵一各官責

成嚴加考察以警怠忽下部議從之○甲午

孝賢純皇后忌辰遣官祭

裕陵○諭軍機大臣等據鍾祥奏山東登萊等府糧食不敷向賴奉天接濟現准奉天省咨稱因商販出口較多糧價增昂奏明止准販運粳稗等項雜糧至高梁粟米包米三項均暫停運惟查山東上秋歉收麥熟尚遠若將粟米三項停運民間實虞乏食請查照道光二年成案於所停三項內將高粱一項免其

停運以資接濟等語山東歉收各區待食孔亟著該將軍等體察現在情形應否如該撫所請將高粱一項准其照常販運俾該省青黃不接之時無虞乏食如事若可行即一面速飭販運一面據實具奏將此諭令知之○先是四川總督鄂山奏寧遠府江北廳廩增附生有一百餘名之多請各添設拔貢一名下部議至是禮部議叢對寧遠府存部學冊人數相符應准其增設拔貢定額一名江北

廳存部學冊僅有八十餘名俟實有百餘名時再行議設以昭慎重從之○乙未諭內閣本日據吏部題請將失察傳習道教之直隸前署獻縣知縣歐聲振前任獻縣知縣候選知州張翔均照例議以降一級調用該員等任內俱無級紀抵銷均應於補官日降級調用朕詳閱案由張翔前在獻縣任內拏獲首逆馮克善著有微勞其失察尹老須倡立邪教及王賢等傳習道教僅止二案張翔著該

部帶領引見再降諭旨至歐聲振前在直隸州縣任內兩次那移庫銀委審案件未能究出實情且失察趙思名等習教斂錢李士功等茹素誦經非止一案屢經獲咎今復因前署獻縣任內失察民人王賢等傳習道教部議降一級調用實屬咎所應得歐聲振著即照所降之級調用○丙申

上奉

皇太后幸慎德堂進膳○諭內閣前據給事中

富彰等奏棘牆官弁兵役玩延不到當降旨交都察院步軍統領衙門查明據實奏茲據各該衙門查明輪值之正指揮及巡牆弁兵等曠誤屬實科場大典例派員弁兵役晝夜巡查所以防傳遞而昭慎重况上年甫經嚴定章程之後尤宜倍加勤慎以杜弊端乃該員弁等並不實力巡查致有曠誤實屬怠玩北城正指揮孫德涵著交部嚴加議處曠誤弁兵業經由該衙門分別責革所有僉差

不慎各營員俱著交部議處以示懲儆○又諭刑部現行律例並無旗民結姻作何辦理專條戶部則例載有民人之女准與旗人聯姻一體給與恩賞銀兩旗人之女不准與民人為妻亦並無違者作何治罪明文此案陳陳氏將次女許給高緯保為妻業經聘定著准其完配嗣後應如何明定條例著戶部妥議具奏尋議請嗣後八旗內務府三旗旗人內如將未經挑選之女許字民人者主婚之人照違制律治罪若將已挑選及例不入選之女許字民人者主婚之人照違令例治罪民人聘娶旗人之女者亦一例科斷至已嫁暨已受聘之女俱遵此次恩旨准其配合仍將旗女開除戶冊以示區別俟命下纂入則例從之○又諭程祖洛等奏請暫留藩司覈辦計典一摺福建藩司賀長齡於本年正月調任直隸之後旋經升授貴州巡撫著於交卸後即行來京陛見再赴新任鳳來由臬司

升授本省藩司所有該省應辦計典即著鳳來接辦以專責成○諭軍機大臣等光祿寺少卿梁萼涵奏山東登州府地居海濱山多田少上年秋收歉薄現當青黃不接之時無業貧民率皆乞食於外兼有萊州府屬逃荒流民攪雜其中以無限之窮民待哺於有限之富戶其勢斷不能給自去冬以來各屬平糶勸捐同時並舉但平糶之利祇及次貧若極貧饑民仍不能霑被實惠至勸捐數目各屬多少懸殊其捐輸較少者錢粟不充賑卹實難得力請飭下該撫轉飭登州府屬各州縣酌量饑民多少或每縣發倉穀一千石或數百石速開飯廠妥施賑濟並飭設法諄勸紳衿富戶等竭力捐輸錢粟以助官賑務期惠及窮黎等語上年登州府屬歉收節經降旨飭令該撫妥為籌計茲據該少卿奏此時麥收尚遠仍須設法接濟著該撫再行體察情形悉心籌畫總期民食有資各安本業無

使一夫失所。以副朕軫懷民瘼之意。又據另片奏山東登萊二府向賴奉天高粱粟米包米三項糧石。以為接濟。除復州海口現停販運外。其金州蓋州牛莊各海口高粱粟米包米三項。請仍准照常販運等語。奉天省暫停糧運之後。旋因鍾祥奏請將高粱一項免其停運。當降旨飭令盛京將軍奕經等體察該處情形。如事屬可行。即一面將高粱一項速飭照常販運。一面據實具奏。應俟該將軍等奏報到時。酌定辦理。將此諭令知之。尋奕經奏現已籌撥高粱十二萬石。並各海口雜糧共約計一百萬石。准令商人運赴山東接濟。報聞。○以浙江海塘大工屢邀神貺。頒海神廟御書扁額曰朝宗效祉。潮神廟曰靈源符候。觀音廟曰法雲照海。

天后廟曰恬波昭貺。英濟侯廟曰長塘砥柱。○旌卹隨任殉難故山西趙城縣知縣楊延亮母吳氏妻傅氏。子滋萬等四名。女少嫻等二口。僕婢郭榮等四名。口如例。○丁酉諭軍機大臣等。本日吳榮光由驛馳奏。接奉諭旨。留楚會辦逆匪。及鎮草兵勇滋事各案。前因武岡州賊匪聚眾滋事。曾降旨留吳榮光會同訥爾經額勦辦。現已掃除巢穴。解散羽黨。自可即日肅清。著訥爾經額嚴飭。撥拏首逆藍正樽。務獲斷不容倖逃。法網其鎮草鎮兵勇滋事一案。亦著該督於查辦武岡餘匪事竣後。前赴該處徹底嚴查。秉公懲辦。毋稍顛預。吳榮光接奉此旨。即行來京候補。無庸會同辦理。將此諭令知之。○戊戌諭軍機大臣等。本日訥爾經額由驛馳奏。拏獲武岡州滋事匪犯。研審逆情。並現在辦理情形。此案上年十一月有武岡州監生潘明德等習教為匪。經該督與前任巡

撫吳榮光訪聞督飭拏獲潘明德等十九名解省審辦旋據該州盤獲匪犯夏有恆等訊知逆情並撥出逆啓得以先事防禦固守城垣該督等既於上年十一月間先有訪聞早應設法查拏消患未萌何以直至二月初六日賊匪臨城始為嬰城自守之計其中情節顯屬可疑著訥爾經額再行訪查據實具奏毋許一詞支飾現在該處是否實無從逆餘匪著一併查明具奏拏獲革兵王連三串通賊匪情尤可惡著即盡法懲治以彰國憲逆書內有指斥地方官役之語訊因該首逆藍正樽平素好訟曾有與伊族人藍年餘等控案官斷未遂其意是以指斥洩忿等語著訥爾經額確切訪查如果該地方官實係不公以致釀成事端即著從嚴叅辦該督不得瞻顧情面有意為地方官開脫處分如稍涉徇隱將來別經發覺朕惟該督是問將此諭令知之○又諭本日據訥爾經額奏拏獲武岡

州滋事匪徒訊據案犯僧自松等供稱同習青蓮教喫齋拜龍華懺詰其青蓮教係何人倡立據稱係四川傳來不知傳自何人又訊據投遞逆啓要犯鄒沅佐供稱係湖南新化縣人於嘉慶十二年間因其叔鄒鳳舉寄居四川內江縣貿易該犯即前往同居由寄籍應試取進文生十二年二月告游學回至新化此後未曾赴四川歲考各等語邪教輾轉煽惑最為風俗人心之害該犯等既供稱傳自四川是否果有習教黨羽匿跡潛形自應按捕以淨根株要犯鄒沅佐既在四川入學其叔鄒鳳舉寄居內江縣貿易現在是否實有其人其平日有無黨羽及不法情事著鄒山迅速嚴密查明一併據實具奏將此諭令知之尋奏委員前赴內江督同該縣嚴密查拏並無鄒鳳舉蹤跡其在該縣住居之鄒姓人等經該委員等提驗族譜亦無由湖南新化縣遷居字樣據稱或自明季或自康熙初

年遷徙人經數代原籍久已無人往還現在
丁男並未習教不法復弔閱儒學紅冊文武
生員內均無鄒沅佐之名得旨慎勿貽害將
來勉之○己亥

上幸靜明園詣

龍神廟拈香○諭軍機大臣等寄諭閩浙總
督程祖洛有人奏兩浙鹽務日久滋弊近有
松所總商祝逢吉即祝德風串通引商周朗
夫汪大鏞等把持鹽務始於松所八地巧立

名目如甲商酬應並掣接掣停及不提引不
報多斤不計子鹽等項勒派眾商自一二百
兩至七八百兩不等以致商力日疲該總商
串通庫丁領庫銀六萬兩託名開銷前經奉
旨駁斥仍復侵吞入己勒令眾商扣還道光
十四年浙江省奏運蘆鹽該總商浮開各費
數萬兩經運司查駁嚴追至今僅繳銀數千
兩其解運京餉統計逐年所領庫款不下數
十萬兩之多現立籌補名目勒令眾商名下

每引扣銀三錢以為彌補地步運解京餉另

立章程串通書吏朦混換稿經該撫查出僅

將書吏革役仍未究辦上年有商人金肇新

等呈控各弊該撫懸牌批示飭司按款確查

詳奪復於次日改批駁斥等語案關總商翫

法營私通同作弊如果屬實於釐務大有關

繫不可不嚴行查辦著該督遴派妥幹道府

大員前赴該處將所指各款逐加體訪確切

根究按律嚴行懲辦不得意存消弭致有不

實不盡將此諭令知之尋署總督魏元烺奏

查明祝逢吉因貼掣一款經費不敷率行科

派雖未入己實屬違制應革去舉人斥退甲

商並請將失察之嘉松運判鍾秀革職前任

鹽運使多容安署鹽運使吳其泰交部議處

下部議從之○庚子

上詣綺春園問

皇太后安○諭內閣容照奏拏獲盜砍紅椿界

內樹株賊犯請解部審辦一摺此案賊犯索

坤等膽敢疊次偷砍紅椿界內樹株實屬藐法索坤等八犯同買贓之從回子即從安均著解交刑部審辦該管鎮羅關把總王鈞兼轄都司呈祥失察所管地方樹株被竊惟一經查見即據實稟報又隨同獲賊過半兼獲盜首及買贓人犯功過尚足相抵所有王鈞呈祥應得失察處分著加恩寬免把總徐林派委緝拏賊犯勤能出力著賞加千總銜以示獎勵逸犯張添得等仍著嚴拏務獲歸案

審辦○除江蘇靖江縣新坍平田一頃三十畝有奇額賦○緩徵山西山陰朔定襄河曲鳳臺高平陽城沁水解夏十州縣舊貸倉穀○貸太原駐防兵丁修理房屋餉銀○辛丑

上詣

安佑宮行禮○以右春坊右中允丁善慶署日講起居注官○旌表守正捐軀江蘇丹徒縣民趙星彩妻王氏○壬寅諭內閣朕本日恭

閱乾隆三十七年

皇祖高宗純皇帝實錄內載內外各衙門題奏咨行事件凡遇滿洲蒙古人地名應譯對漢字者往往任意書寫並不合清文蒙古文本音因而舛誤鄙俚之字不一而足於體制殊為未協著交軍機大臣依國書十二字頭酌定對音兼寫清漢字樣刊成簡明篇目頒行中外大小衙門俾各遵守欽此

聖訓煌煌允宜永遠恪遵近來內外各衙門疏章案牘於滿洲蒙古人地名清漢對音之字間有參差未能畫一自係奉行日久講習漸疏以致臨文書寫多有謬誤著武英殿即將清漢對音字式一書再行刷印頒發中外大小衙門嗣後遇有滿洲蒙古人地名對音之字一體懷遵定式查照譯寫不得仍前舛誤以歸畫一而昭法守○癸卯禮部以宗室會試中額請得旨取中二名○以甘肅西寧鎮總兵官德楞額為西寧辦事大臣調山東兗

州鎮總兵官富興阿為西寧鎮總兵官以江南安慶協副將永孔阿為兗州鎮總兵官○裁江南潁州營艾亭集把總缺添設守備一員移駐兵一百名從總督陶澍請也○甲辰實授和倫正白旗漢軍副都統○乙巳

上御含輝樓閱侍衛騎射翼日如之○諭內閣前據潘錫恩奏考試策題錯誤當降旨著禮部查明具奏茲據該部查明本年會試策題第一問內鄭康成說詩景員維河河之為何

本釋文一條係屬錯誤朕詳閱本年進呈策題此外尚有舛錯之處該考官等引據未能精當實屬粗心潘世恩王鼎吳傑王植均著交部議處○又諭今日閱看馬箭德勒克色楞中箭六支著加恩在御前行走○又諭訥爾經額奏鎮道駕馭無方請革職審辦一摺所奏甚是據奏前據鎮軍鎮總兵向尊化辰沅永靖道常慶稟稱兵勇人等因求豁緩前借行裝銀兩已經諭令聽候酌辦何以並不

詳稟輒將已未出師兵勇一併借給銀兩數至盈千累萬明係該鎮道平日駕馭無方以致兵勇聚眾挾制事後飾詞稟報所給銀兩自未必盡出己資顯有那移庫項情事必應徹底嚴查據實懲辦至該道常慶先經該督密飭確查嗣據稟稱向尊化氣性暴烈兵丁遇有小過責革甚多人心不服等語該道如果能得兵心何以聚眾挾借轉由道標練勇而起乃先既不善約束繼則畏葸苟安復又

諱飾捏稟是其庸劣不職厥咎維均向尊化常慶俱著先行革職交該督確查起釁滋事實情並飭嚴拏首從各犯務獲秉公究辦按律定擬具奏○諭軍機大臣等前據訥爾經額奏湖南衡陽縣縣丞朱起豫因大計案內被劾臚列前任巡撫十款呈請奏辦當降旨交訥爾經額裕泰將該參員所指各情節逐一確查秉公研鞫吳榮光著暫緩來京俟此案辦理完竣再行回京候補將此諭令知之

尋奏訊明朱起豫所控全誣請從重發往新疆效力贖罪下部議從之○禮部以會試中額請得旨滿洲取中七名蒙古取中三名漢軍取中六名直隸取中十九名奉天取中一名山東取中十六名山西取中七名河南取中七名陝甘取中六名江蘇取中十五名安徽取中七名浙江取中十七名江西取中十六名湖北取中六名湖南取中五名福建取中七名廣東取中七名廣西取中五名四川取中六名雲南取中六名貴州取中五名○賞西寧辦事大臣德楞額副都統銜○以候補總兵官楊芳為湖南鎮寧鎮總兵官○禮部議准山東巡撫鍾祥疏報採訪寧陽縣貞節婦女謝程氏等一百五十口請建總坊旌表從之○丙午以捐辦安徽亳州城垣河渠予知州龔裕等升敘有差○旌表逼嫁捐軀山東定陶縣民婦黃李氏孫女潤姐○丁未上詣綺春園問

皇太后安○諭內閣前據御史黃仲容奏廣東嘉應州屬平遠縣與江西長寧縣交界軍門嶺聞有澄海縣令之裁衣工人李姓經過其處被搶斃命當有旨諭令鄧廷楨查拏究辦茲據奏稱該縣境內並無李姓被殺之案查有由澄海縣署轉至平遠縣在途被害之余姓等語匪徒搶劫貨財傷斃人命最為地方之害一經報案該地方官自應嚴緝正兇按律懲辦此案在途被害無論李姓余姓何以緝拏兇犯延及年餘尚未弋獲著該督嚴飭平遠澄海二縣勒限三箇月上緊訪緝務獲正兇解究儻敢仍前玩泄限滿無獲即著指名嚴叅毋稍姑息○以國子監祭酒善燾署大理寺卿○命乾清門侍衛都爾通阿在御前侍衛上行走○戊申以詹事府少詹事蔣立鏞為內閣學士兼禮部侍郎銜○以承修伊犁惠遠城垣等工予盛京工部員外郎前署伊犁同知富昌等升敘選補有差釋廢

員周彭齡罪賞五品商伯克薩底克花翎六品都觀伯克巴哈雜特五品頂翎○禮部議准江蘇巡撫林則徐疏報採訪崑山新陽二縣貞節婦女包管氏等二千七十六口請各建總坊旌表從之○旌表逼嫁捐軀湖南宜章縣民葉人慈妻李氏○己酉大學士長齡等會同戶部議奏約束糧船水手章程○嚴查藏匿兇器○嚴責頭舵保結○嚴定兇徒罪名○嚴治游幫匪類○酌寬地方處分○

沿途派兵防緝得肯漕船水手人等類皆無業游民獷悍性成劫奪是其故技全在漕河及地方文武員弁認真查察嚴行懲治庶兇頑羣知斂戢而漕政得以肅清此次會議各條俱臻詳備惟是防弊之法不患立法之不善而患行法之無人果能實力奉行不致日久生懈則懲一警百自可立挽頽風著有漕各省督撫漕運總督及沿河各督撫務當遵照奏定章程嚴飭各該糧道遇案即辦有犯

必懲並隨時查察押運員弁及地方文武催趲各員等儻敢仍前玩泄虛應故事不能認真查拏即指名嚴叅從重懲處不得稍存姑息致日久又成具文經此次諄諭後各該督撫等如再狃於積習不能從嚴從實講求整頓將來積久生玩該水手等再滋事端別經發覺惟該督撫等是問恐不能當此重咎也將此通諭知之○黑龍江將軍哈豐阿等奏閱看本城春操情形得肯正藍旗公中佐領

謨爾賡額因病不能彈壓兵丁著以原品休致該員曾經出師打仗著有微勞著該部查明照例辦理鑲白旗驍騎校額楞額鑲藍旗世襲騎都尉百歲俱年逾六旬精力就衰正白旗驍騎校西林保馬步箭平常均著勒令休致至各該城官兵向係春秋二季操演初冬打圍據該將軍等查明該處屢被歉收數年以來兵丁馬力不足未免拮据著照所請嗣後除春季照例操演一至初冬該將軍等

即帶領官兵出野圍獵以資練習餘俱著照所議辦理該部知道○庚戌

上御含輝樓閱侍衛騎射○諭內閣鄂山奏查閱夷地安靜情形請增改善後事宜一摺四川清溪越嵩各處夷人前經大兵戡定籌議善後章程茲據該督查明原議抽添兵數尚覺不敷分布著與該鎮總兵張必祿悉心籌議酌量情形再於鎮標所屬增撥一二百名以資巡緝至寧越營都司駐劄之海棠地方

亦宜建築土堡著即督飭該府廳等妥為勘辦所有前項各工既未動用正項錢糧著免其造冊報銷○辛亥諭軍機大臣等據烏爾恭額奏稱浙江温州府知府劉煜承辦票鹽於奉文停辦之後延不遵辦轉以招商接運為詞具稟請示應行撤任清查等語温州試行票鹽諸多窒礙既經該撫奏明停止自應改復引鹽飭令各官商照舊行銷庶免影射售私諸弊若似此任意違延是業經停辦之

鹽尚有續行之票必致漫無稽考弊竇日滋不可不嚴行查究劉煜著先行撤任交該撫確切查明有無聽囑遷延情弊同知鄧廷彩著即迅往接署至該員能否秉公查辦抑或另派公正大員前往確查之處著該撫酌量情形據實具奏該省鹺務亟需整頓該撫惟當破除情面嚴飭查辦之員務將該府因何奉文不停藉詞延宕是否另有別情確加根究嚴行叅辦不得蹈官官相護陋習稍事含

混方為不負委任將此諭令知之○壬子

上詣

時應宮

昭顯廟拈香○還宮○以常雩祀

天於

圓丘自是日始齋戒三日

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十

寶錄卷之五

毒

大清宣宗效天符運立中體正至文聖武智勇
仁慈儉勤考敏成皇帝實錄卷之二百八十一

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務隨帶加五級紀錄十八次臣曹植總裁官經筵講官吏部尚書鎮撫總漢軍都統管理新營房內官房大臣稽察內

七倉大臣稽奉會同四譯館事務加一級隨帶加六級軍功加三級紀錄五次臣花沙納鑾遵請官文淵閣提舉閣事共部尚書總

內務府大臣儀、白旗滿洲都統積慶、內七倉大臣管理宗人府銀庫左翼幼官學、寧壽宮圓明園等處精使管御膳房御樂房、

醫院、辦處事務隨帶加十八級、臣阿靈阿副總裁官經筵講官兵部尚書隨帶加六級紀錄二十次、臣國祖塔等奉

敕修

道光十六年丙申夏四月癸丑朔享

太廟遣惇親王綿愷恭代行禮。○諭內閣前據潘錫恩奏考試策題錯誤當降旨交禮部查明具奏嗣據該部查明景員維河一條係屬錯誤朕因策題內此外尚有舛錯之處是以將該考官等交部議處茲據潘世恩等復行檢舉策題第五問內第五訪原稿本係訪字謄寫時誤書倫字請再行交部議處等語該考官等於謄寫錯誤之處未經查改殊屬草率潘世恩王鼎吳傑王植均著再行交部議

處嗣後鄉會試考官出題試士務須引據精當覆校詳明不得稍有謬誤致令該士子等難於著筆外間得肆譏評以便遵循而昭慎重掄才大典其各欽承毋忽○又諭御史沈鏞奏中式捐納部員選補過優請量為限制一摺著吏部議奏尋奏查捐納部員俟捐納到班方准按掣籤名次銓選即分部學習亦不准補題缺一經中式進士奉旨即用其投供候選者則歸雙單月即用盡壓銓選之班

其指定部分者則以題選缺統補概占升補之路自屬過優請嗣後由捐納郎中員外主事中式進士者如奉旨歸部即選祇准歸於捐納本班儘先選用不得統壓別班奉旨以本衙門員缺即補祇准以本項選缺儘先補用不得奏補題缺以示限制從之○以惇親王綿愷充總諸達○以工部右侍郎賽尚阿署鑲白旗漢軍副都統○甲寅

上詣

南郊齋宮齋宿○諭內閣申啓賢奏查閱太原鎮屬各營情形分別勸懲一摺向來各營員弁賞罰止論本身弓馬其操兵優劣每略而不問據該撫奏稱兵丁技藝之嫻否全在平日操練之勤惰各項兵丁既有專管教演員弁自應詳覈功過著照所請嗣後查閱營伍各營員弁本人弓馬固當講求其所管兵丁技藝何項嫻熟何項生疏著隨時覈實分別激揚並著專營將備將派令操兵之千總把

總等弁操兵等第按季稟報提鎮一次仍責成該鎮總兵於春秋二季前往查閱之時詳加考察東公甄別總期一日有一日之功一兵得一兵之用毋得日久視為具文以專責成而肅營伍○撥江南潛山南陵涇當塗蕪湖合肥巢定遠泗寶應東臺興化六合十三州縣漕米一萬八千一百一十七石有奇協濟江安道倉災缺幫丁行月等米○乙卯常雩祀

天於

園丘

上親詣行禮○幸圓明園○詣綺春園問

皇太后安○諭內閣御史劉誼奏請遵照舊章

以知府揀補道缺一摺湖南辰永沅靖道係

苗疆要缺彈壓撫綏均關緊要久經定為題

缺於本省知府內揀員升補自應循照定例

永遠遵行嗣後辰永沅靖道缺著湖廣總督

湖南巡撫仍於該省知府內揀選諳練之員

奏請升補不得輒以同知請升○貸甘肅渭

源伏羌會寧靜寧隆德寧泰兩當八州縣上

年災歉貧民口糧○丙辰以駐藏辦事大臣

慶祿為正黃旗蒙古副都統○以捐修陝西

同官南鄭富平三縣城垣等工予知縣劉用

霖等議敘○以捐修陝西潼關城垣堤工予

前任道員慶祿等議敘加銜有差○丁巳

上御含輝樓閱侍衛騎射○戊午諭內閣順天

府奏懷柔縣屬髻髻山廟宇被火延燒著派

禧恩前往迅即估修督辦○諭軍機大臣等

有人奏道光十四年冬間山東文登縣柎裏

村民于二在同縣堡子壩村與村人王楓因

事口角被王楓率眾攢毆斃命將屍身移掛

樹上捏作自縊情形報官後賄囑刑書件作

匿傷不報該縣歐文並未眼同屍親解衣細

驗傷痕率據刑件之言勒令該屍嗣父子振

逢領屍因其不肯具領當即板責三十該縣

回署後于振逢復赴縣呈訴又被掌責逐出

上年夏間該屍嗣父子振逢率領該族人于

吉安等赴登州府控告經該府飭委海陽縣

知縣鄧肇嘉提審該縣並不審訊被告反將

原告等鎖押掌責逼問何人唆訟並不問于

二致死緣由以致該屍嗣父子振逢在押自

縊身死該縣因釀出事端始將原告餘人釋

放嗣該屍本生胞兄子成又赴府控告經該

府委署棲霞縣知縣狄廷颺審訊該縣將王

楓等責懲勒令原告息訟該原告因貧窮無

力上控。故隱忍具息訟甘結等語。此案于二與王楓口角。是否攢毆致斃。細驗傷痕。無難立辨。該屍嗣父子振達。若非實有冤抑。何至在押自縊。遽爾輕生。案懸二載。兩命含冤。該縣距省千有餘里。地方官遇案捏報。朦詳在所不免。著鍾祥提集此案卷宗人證。嚴訊確情。務期水落石出。無枉無縱。以成信讞。儆有不實不盡。稍事瞻徇。日後或別經發覺。或經科道糾參。是該撫玩視民命。咎有攸歸也。將

此諭令知之。尋奏檢驗于二屍骨。實係自縊。並無傷痕。該屍嗣父子振達。實因追問訟師。畏累自盡。刑書仵作。並無受賄匿傷。地方官亦無捏報朦詳。惟王楓因失竊逼問于二。致令自盡。應按律問擬杖徒。下部議從之。○己未。諭軍機大臣等。有人奏太平倉現有王三麻子。即南新倉己革花戶王銳。約會胎膊張七。嘴子王四。並道光十三年在太平倉犯案之李經武之父李六。即李文通。漏網之白二。

祿米倉己退之花戶陳元隆。即陳二。王三麻子。令其表弟張玉充當花戶。胎膊張七。令其子張瑞恆充當花戶。嘴子王四。令其胞弟王炯用充當花戶。伊等俱在身後辦事。王三麻子。嘴子王四。胎膊張七。現在朝陽門內豆辨胡同。設立三合永字號下處。太平倉花戶周興。及居斌等。在該倉廩下執掌領解。辦子王大小。婁馬五。靈官王十。總管帳目。以上各犯。著耆英等。按名嚴密查拏。送交刑部審訊。毋

任遠颺。將此諭令知之。尋刑部奏。趙車張七。王四。向關米人索詐得贓。擬杖徒。花戶張玉。張瑞恆。王炯用。知情容隱。擬杖革。餘分別問擬省釋。王三麻子等。俟緝獲另結。從之。○修山東恩縣四女寺支河壩工。從巡撫鍾祥請也。○庚申。諭內閣。惇親王綿愷等奏。此次大員子弟內。有上虞備用處藍翎侍衛舒隆阿。可否帶領引見之處。請旨一摺。舒隆阿業經挑取上虞備用處藍翎侍衛。毋庸豫備引見。

嗣後凡有此等人員。著免其入選。○又諭。前據御史許球奏甘肅省吏治營伍倉儲各款。當降旨交瑚松額查明具奏。茲據該督奏稱。平涼府知府繆廷槐操守卑污。雖無確據。惟才具平庸。操守亦不可恃。既經該督列入計典。著照所議辦理。至秦州直隸州知州李清傑。任聽家丁小秦在外招搖。地方罷市一節。現經查明小秦早經驅逐。並無被控之案。該員吸食鴉片煙。亦未能得其虛實。著該督再行確加體訪。儻實有前項情事。即行據實嚴參。不得因該員業經告養。稍存寬貸。又固原提督胡超剋扣兵餉。置辦戲裝。裁汰名糧。畜養優伶一節。查明該提督初到固原。不時唱戲。讌客。並曾給銀兩添補戲裝。近亦深自斂抑。無復前項情弊。其裁汰老兵。本屬應辦事件。並無以名糧畜養優伶之事。該督仍當留心查察。如該提督再有不自檢束之處。即行據實具奏。又臯蘭縣支放兵糧。兵丁滋事一

節。查明上年五月。督標右營兵丁曹得福等。因放糧口角。並無聚眾挾制之事。業經該管將官將滋事兵丁責革。並將本管千把總責斥。足示懲儆。至該省地處邊陲。倉儲最關緊要。所有應行買補短缺糧石。著該督督飭所屬。一遇年歲豐稔。即行買補足額。以實倉儲。毋得稍有延誤。○旌表守正捐軀四川梁山縣民唐學鵬妻陳氏。廣西宜山縣民藍水流妻余氏。浙江東陽縣民單木妻胡氏。江蘇銅

山縣民何瑞女云姐。○辛酉。

上奉

皇太后幸慎德堂進膳。○諭內閣。鄧廷楨等奏。請籌備生息。以資防夷經費。一摺。廣東虎門各礮臺防夷兵丁。據該督查明。每年操練。應用火藥鐵彈。及加賞口糧等項。共需銀六千七百餘兩。自應及早豫籌。以備支應。著照所請。准其將查抄逸犯姚九區寬等入官家產銀五萬餘兩。發典生息。一年所得息銀五千

餘兩作為經費。其不敷銀一千餘兩。著准其於內河裁撤巡船節省項下撥給。該督等仍當按年按款。撙節動支。務必費歸實用。以垂永久。至單開會議。操防需費十三款。所議俱受。要在實力行之。切勿日久生懈。懷之。○又諭。鄧廷楨等奏。請將失察匪徒發冢之知縣革職。示懲一摺。廣東順德縣龍江鄉地方。半年之間。被掘棺柩至一百四十餘具之多。該署縣章鴻平日於此等重案。漫無覺察。實屬

溺職。著先行革職。以為廢弛公務者戒。該督等仍當督飭所屬。提到現獲匪徒蔡亞勝等。嚴行審訊。確切根究。務將供出夥犯跟蹤緝拏。按律懲辦。毋任一名漏網。○又諭。前據御史馮元錫奏。江蘇蘇松太道陽金城信任幕友家丁。查船訛索各款。當降旨交陶澍等查明具奏。茲據該督等奏稱。陽金城到任以後。因各關口舍人徵收錢糧。提解不前。另派官親幕友家丁三十餘人。分住各口徵收。所有

截記櫃鑰。俱不准舍人經管。此等人役一經改立章程。無從侵漁。難免怨讟。其各告示概不用印一節。查明各口所貼告示。皆有蓋印。又已經輸稅之船。拏究嚴訊一節。查明上年有豆船五隻。甫經杆量納稅。該道訪知以多報少。親往覆查。果有漏報擔數。當提船戶訊究。照數議罰完案。其驗票比較。杆多就杆。杆少就票一節。查明各口告示開載。底單多於杆驗者。以底單為憑。如底單數目過少。即以

杆驗為憑。又該道幕友家丁等。尚無訛索商船確據等語。關津稅務。固應覈實認真。而章程亦不宜朝更夕改。該道陽金城辦理關務。是否有縱容勒索情弊。著林則徐於查驗工程之便。親往吳淞口大關一帶訪查。傳令客商船戶及報稅各行。與王春浦等逐一質訊。徹底究辦。至各關口胥役人等挾私怨讟。此風斷不可長。並著確切查明。照例懲辦。以資整頓。該道陽金城現在因案赴粵備質。所有

蘇松太道著該督等遴委妥員署理尋奏王春浦等查無訛索但於關口應用錢文刪減裁扣已驅逐回籍舍人王承祉余在中雖無挾私誣謗確據而那用稅錢隨後措繳應革役枷杖下部議從之○又諭前據馮贊勳奏廣東順德縣之龍江鄉匪徒發冢鑿棺當降旨交鄧廷楨等查明究辦據實具奏茲據該督等奏請將漫無覺察之署縣章鴻革職示懲並將歸善縣民容有興父嫁兩棺被掘毀棄一案提省審辦又據該縣先後拏獲冢匪犯劉亞養等三名及為首之萬亞保即萬林保並夥犯曾火先提同審究等語匪徒發冢鑿棺殘忍已極自應按名查拏從嚴懲治以慰幽魂而戢兇暴該督等惟當督飭所屬提到糾搶被獲之容觀得等並萬亞保曾火先各犯確切根究此外有無未獲夥犯一經供出即行跟蹤拏究無任狡展至萬林保所供從花縣人學得兇術尤當究明係何兇術

傳自何人並責令花縣即將傳術之人設法緝獲歸案質審按律懲辦其餘被掘各家或因畏累隱忍不言亦屬事所時有著該督等遴委妥員前赴該縣剴切出示招告並檄飭該管知府督同查緝不得稍存回護致有不實不盡○又諭前據林則徐奏江寧蘇州兩藩庫耗羨銀兩不敷支放循例請於地丁封貯等款內撥銀協濟當交戶部議奏茲據查明該撫所指係正項錢糧未便抵撥耗羨支

用請照成案動撥鄰省閒款抵撥等語此次江寧蘇州兩藩庫耗羨銀兩著准其由山東耗羨冊報實存銀內撥六萬兩解交江寧藩庫再撥五萬兩解交蘇州藩庫又河南冊報實存平糶盈餘銀三萬兩平糶溢額穀價銀二萬兩俱著解交蘇州藩庫協濟耗羨支用該部即飭山東河南各巡撫委員解交以資接濟嗣後不得援以為例此項銀兩向有運關各庫額解鹽規盈餘等款抵放近年總不

照額解清。以致請撥動援成案。殊屬玩延。況兩淮鹽務匪費。曾經該督奏明十一年後。年清年款。何以又共欠解銀至二十餘萬兩之多。著兩江總督。江蘇巡撫。即將耗羨項下額解各款。認真催提。務須年清年款。毋得恃有請撥成案。反滋拖欠。其前項欠解銀兩。著該督即遵照原奏。迅速如數完解。毋再延宕。○以大學士文孚為滿洲繙譯會試正考官。工部左侍郎裕誠為副考官。○除江蘇丹徒縣

湖水衝坍地二十九頃九十七畝。有奇額賦。

○壬戌。命於十四日在

黑龍潭

覺生寺設壇祈雨。○遣睿親王仁壽詣密雲縣

白龍潭祈雨。○諭內閣。陶澍等奏銅鉛船隻插漕行走。請歸糧道總運各員一體催趲。一摺。前因銅運稽遲。令其插入漕檔行走。茲據該督等查明銅鉛重運。易於阻壓。漕船非歸

漕員稽查彈壓。不足以資約束。著照所請。嗣後插漕行走之銅鉛船隻。覈其跟接何幫何船。即歸該幫船之押運總運糧道一體彈壓催趲。如有無故停留。以致漕船稽阻。即由漕運員弁將該船頭舵水手嚴提責懲。並將該運員照催趲不力例叅處。以專責成。而速運行。○諭軍機大臣等。給事中朱達吉奏。四川省攤派津貼。州縣藉端毒民一摺。據稱該省上年夷匪滋事。兩次用兵。一切軍需。攤派通

省州縣糧戶。聞有貪污不法。顯背官常。各州縣按照地丁加徵銀兩。並苛派勒借。肆行無忌。民不聊生。上年大竹縣民人冷希晏等京控之詞。均係實在情形。本省審辦。多方回護。並賄囑劣紳出名翻案。遂將原告坐誣治罪等語。案關州縣藉差殃民。不可不嚴行查究。著湯金釗。文慶。於查辦陝西事竣後。馳赴四川。務將摺內所指各員貪墨劣跡。密加體訪。秉公查辦。毋得稍有不實不盡。又另片奏該

省州縣於分內案件。不肯親為審訊。輒委典史等官。令其藉案需索。以致無賴差役。見事生風。朋比為奸。並著該尚書等查明懲辦。不准稍事姑容。以肅官常。而除積弊。該給事中。原摺片。俱著發給閱看。將此諭令知之。尋奏。四川省軍需攤派津貼。各州縣多倣照達州成案。按糧銀一兩。捐輸津貼銀二兩。尚無苛派勒借。冷希晏等訊明實係誣控。請仍照原審擬結。惟大竹縣知縣郭夢熊。於差役龍潮。

推跌王申氏。因傷身死一案。刑減傷痕。故出人罪。請革職。發往軍臺效力贖罪。巴縣知縣楊得質。於職員涂文經服中演戲一案。斷令罰銀修廟。雖經批准免繳。究屬違例科罰。請交部嚴議。昭化縣知縣夏文臻。不洽輿情。請勒令休致。資州知州高學濂。薛濟清。先後辦理軍需津貼。以餘錢作為夫馬差局攤項。訊無侵蝕。惟未報明上司。均請交部議處。下部議從之。○癸亥。修浙江山陰蕭山。上虞。三縣。

海塘。從巡撫烏爾恭額請也。○甲子。

上御閱武樓。閱大員子弟馬步射。○諭內閣。前據太僕寺少卿馮贊勳奏。參廣西署宣化縣知縣楊時行。署任月餘。責斃數命。當交恩銘。趙盛奎。秉公確查具奏。茲據覆奏。查明該員到任後。辦結之案。或係匪犯監斃。或薄責滿杖發落。並無濫刑斃命情事。楊時行著毋庸議。○又諭。前據給事中朱達吉奏。廣西省閩茸營私各員。並幕友款跡。當降旨著恩銘。

趙盛奎。前往嚴密查辦。茲據恩銘等查明。南寧府同知慶吉。訊無收受土司銀兩。及與該撫家丁李四換帖各情事。惟藉採辦官鹽。接濟民食。輒遣人於附近地方。收買私鹽一萬餘斤。裝運售賣。究係無引私鹽。該員以職官販私。又復捏稟朦詳。情殊狡詐。慶吉著即革職。發往軍臺效力贖罪。潯州府知府孫世昌。於稅廠失火。燒斃人命。焚毀牌廠。不即詳報。輒自行撫卹賠修完結。又於護左江道任內。

將所屬盤獲私鹽之案並不照例究辦。輒據捏稟轉請銷案。辦事顛預。步履又復艱澀。著即勒令休致。鎮安府知府恆梧。訊明尚無劣跡。惟彈兌庫項。輒令伊子監兌。究屬不合。著交部議處。廣西巡撫惠吉。於家人李四。僦居署外吸食鴉片煙。未能覺察。著交部議處。前任巡撫祁項藩。司鄭祖琛。前署鹽法道卞斌。於慶吉稟獲私鹽。擅行給價免究。並不明白指斥。率行批發。前任臬司向勒清。阿輒據慶

吉捏稟。率准銷案。均著交部分別議處。○諭軍機大臣等。前閱裕泰年終密考摺內。有貴州黎平府知府張鳳翽。人尚平穩。從前亦知奮勉。自調任黎平後。以缺苦事繁。請務顛預。毫無振作。苗疆重地。未便任其惰誤。應請勒令休致等語。朕意該撫自當另摺具奏。或列入計典甄別。乃事閱數月。既未據專摺奏。參大計本內。亦未列入。未便據密考數語。即將該員降旨勒令休致。著裕泰將該員如何不

能勝任之處。據實覆奏。將此諭令知之。○命廣西巡撫惠吉來京。以直隸布政使梁章鉅為廣西巡撫。直隸按察使陳崇禮為布政使。福建督糧道托渾布為直隸按察使。○命太常寺少卿那斯洪阿。光祿寺少卿梁萼。馮前往直隸楊村。查驗續增剝船。○旌表守正被戕山西祁縣民李濤妻王氏。○朝鮮國使臣權敦仁等三人。於馬廠東門外瞻覲。○乙丑諭軍機大臣等。昨據琦善奏永定河道文冲

患病。請回旗調理。已明降諭旨准行。朕思永定河道專司河務。修防機宜。最關緊要。必須熟諳河工之員。方能勝任。著琦善於直隸現任道員內。何人堪以調補。或現任知府內。何人堪以升補。據實保奏。候朕簡放。再原任雲南迤東道張範。東前在直隸有年。該員是否諳練河務。著一併據實覆奏。將此諭令知之。尋奏直隸現任道府。於河工防守。俱未涉厯。原任雲南迤東道張範。東。由直隸知縣。升

知府亦未歷河員。報聞。○禮部議准山東巡撫鍾祥疏報。採訪鄒縣貞節婦孟楊氏等二十三口。請建總坊旌表。從之。○修東河黃沁下南二廳堰壩。從河道總督栗毓美請也。○丙寅。以京畿得雨。

上詣

黑龍潭神祠。改祈為報。○諭內閣。向來武職引見。遇有弓箭平常之員。朕必停其升階。或酌予處分。其有緝捕勤奮。亦必量加甄敘。昨

兵部將升署安徽泗州營都司王夢熊帶領引見。該員箭無準頭。本應駁斥。但念該員前在守備任內。拏獲鹽梟二十餘名。私鹽十五萬餘斤。著有微勞。是以降旨仍准其升署都司。其緝捕之案。不復加恩甄敘。朕準情酌理。一秉大公。務昭平允。嗣後武職各員。盡心職守。固當以緝捕為先。尤應以弓馬為重。其各勤加練習。以副朕整飭戎行至意。○以浙江海塘大工完竣。予道員竇欲峻等升敘有差。

○以捐備浙江海塘工需。予捐職知府瞿世瑛等議敘。○緩徵山東益都臨淄諸城安邱臨朐昌樂高苑博興樂安壽光博山掖平度昌邑濰膠高密即墨蓬萊黃福山棲霞招遠萊陽寧海文登榮成海陽二十八州縣歉收村莊新舊正雜額賦及舊貸倉穀籽種。○緩徵陝西西安同州乾三府州歉區舊欠額賦。○丁卯。遣定親王奕紹詣黑龍潭。惇親王綿愷詣

覺生寺。貝勒奕綺詣清漪園

龍神廟。貝勒奕綱詣靜明園

龍神廟。慶郡王綿懋詣

宣仁廟

凝和廟。惠郡王綿愉詣

昭顯廟

時應宮。密雲副都統佈勒亨詣

白龍潭。謝雨。○諭內閣。程祖洛等奏現獲蕭

烏烏曾武等犯。提省審辦一摺。曾武一犯。糾

夥劫竊實為洋面盜首。前因聞拏竄匿。屢經降旨。飭令該督等設法殲緝。務期必獲。茲據奏稱。先後拏獲蕭烏烏。並陳沅之弟陳烏陳蚊等三犯。並向曾紀之妻康氏。究出曾武曾紀下落。旋據該縣營文武員弁。將曾武曾紀認明。指拏到案。除此海洋巨盜。甚屬可嘉。曾馬養一犯。雖據曾武供稱業經病故。究難憑信。該督等仍當密飭查訪。務得實據。不得遽憑曾武一面之詞。致令該犯漏網。並向各該犯確切究明。此外夥黨。共有若干人。現在竄匿何處。務即按名查拏。毋稍疏縱。以安商旅。而肅洋面。所有拏獲著名巨盜文武各員弁著該督等擇其尤為出力者。酌量保奏。毋許冒濫。○又諭。祥康等奏查明金州等城旗丁私赴雙城堡地方耕作。並無占礙一摺。前因金州等處旗丁私往雙城堡地方耕作。有無占礙。移駐京旗之處。令該將軍等查明具奏。茲據祥康等奏稱。雙城堡京旗房地各有分

定準數。均有界限。此項旗丁由金州等城私行來堡謀食。其充丁者係項本地丁缺未充丁者。幫同耕作。於將來移駐京旗並無占礙。著照該將軍等所議。每年由熊岳副都統飭諭金州等城該管各官。分晰造具細冊。咨報各該衙門。隨時稽查。如覈與冊造相符。仍將一年移來丁口內充補正丁者若干。現作幫丁者若干。分別咨覆。以杜牽混。惟是金州等處同係旗丁。既不占礙。移駐京旗生業。自可照議辦理。至行之既久。難保無內地民人潛往該堡影射牽混。應嚴查禁止。儻有如此等弊。一經查出。定將該將軍及該管官員治以應得之咎。決不寬貸。○諭軍機大臣等。本日據都察院奏通州民人陳錦榮具控中倉甲斗倪亮等影射朋充把持倉務一案。已有旨交刑部審訊矣。此案據該民人在都察院結稱。曾於本年春間在倉場衙門兩次具呈控告。案關胥役朦充舞弊。無論虛實。總應確切

查明該衙門何以俱未經准理著鐵麟王楚堂明白回奏將此諭令知之尋奏本年正月陳錦榮赴倉場衙門呈控中倉甲斗劉幅孔寶齊舍阜張德並宋二黃大即飭發監督訊明係挾嫌捏告且宋二黃大倉中並無其人己據批結是以復控未經准理報聞○以詹事府詹事琦琛為大理寺卿○以督辦浙江海塘工竣欽差都察院左都御史吳椿巡撫烏爾恭額下部議欽○旌表守正捐軀山東陽穀縣民張興安媳蔣氏

大清宣宗效天符運立中體正至文聖武智勇仁慈儉勤孝敏成皇帝實錄卷之二百八十一

開無弊不作。該河督等惟當留心體訪。倘該員弁等仍有前項弊端。及幕友盤踞各庫貯。即行參革驅逐。俾知儆畏。沿河舊有淤灘。節經各該省查丈報部。惟歷年久遠。近河一帶。不無新漲淤灘。自應實力查勘。分別報部升科。採辦交工。不准稍有隱匿。至專管蕩營。設有守備等官。向歸淮海道統轄。著即飭該道實力整頓。如有弁兵影射欺蔽。任民墾種收租。並屯留匪類等弊。務即從嚴懲辦。不得徂於積習。一味姑容。總之有治人而後有治法。所有現議章程。該督撫等總當講求振作。實力奉行。儻經此次諄諭之後。仍不能破除情面。痛改錮習。但經發覺。事隸漕務者。惟漕臣是問。事隸河工者。惟河臣是問。事隸經過地方者。惟各督撫是問。朕惟知執法從事。不能倖邀寬典也。懍之慎之。將此通諭知之。○諭軍機大臣等。有人奏。淮揚道屬山清外河。同知于頤發。久患風痺。不能赴工。淮徐道屬宿

南通判程國梁老耄昏病。公事廢弛。淮海道屬山安南岸。同知熊增縱子營私。坐廢要工等語。河防重地。豈容衰劣之員濫竽充數。致滋貽誤。著恩銘、趙盛奎於查辦廣東事竣後。馳赴清江浦。即將所參各員嚴密查訪。倘實係衰庸不職者。即據實參奏。毋稍隱飾。將此諭令知之。○以司經局洗馬杜受田署日講起居注官。○己巳。

孝端文皇后忌辰。遣官祭。

昭陵。○庚午。諭內閣。恩特亨額奏。查獲漕船私帶違禁器械等語。本年首二兩進幫船到淮。經該漕督派員會同該管廳弁。按船按獲違禁器械多件。將各水手分別究辦。可見各幫船私藏器械。動輒逞兇。係必有之事。總由向來廢弛。是以肆行無忌。此次一遇按查。即能起獲無數。辦理甚屬認真。恩特亨額著交部議敘。旗丁水手私帶烏槍。該管運官例有失察處分。此次會同按獲。尚無回護。所有該管

廳升以前失察處分著加恩寬免嗣後各幫船務當督令隨時稽查從嚴懲辦儻稍弛縱即行據實叅處以肅漕政○諭軍機大臣等有人奏廣東普寧縣知縣湯聘三徵收錢糧始需規費洋銀一千餘圓繼聽紳士莊姓通知門丁慫恿本官要洋銀五千圓該處民人習性獷悍因派費不均互相爭鬪是以本年巡撫祁項親往查辦又澄海縣知縣張文化縱酒廢事到任未及半載搶劫之案至四十餘起之多內有陳文忠家被劫報縣該知縣醉不能起僅委典史查勘反勒事主改劫為竊又歲貢生蔡姓家被劫已被賊鳥槍打傷案懸無獲此外各案俱置不問以致劫匪愈滋蹂躪等語地方官藉徵收名色任意索費若累閭閻釀成巨案嗜酒廢公積案不辦如果屬實自應嚴行叅究以儆官邪著恩銘趙盛奎即將所指各情節嚴密訪查一經得實務即提同各案人證卷宗秉公查究據實奏

叅毋稍疏縱將此諭令知之○又諭據申啓賢奏山西介休縣革員李鎮五與李鍾峨等互控家產一案所有案內最要之李鍾嶂一名現據該縣稟報聞赴河南中牟縣大義當舖躲匿等語著桂良即派委妥員前往中牟縣地方密速查拏緝獲後一面奏聞一面解往山西歸案審辦毋任聞風遠颺將此諭令知之尋奏按查中牟縣大義當舖及分出之恒義當舖均無李鍾嶂提訊典夥保鄰堅稱並未來豫得旨雖查無蹤跡仍應密行偵緝不可一奏了事也○禮部以繙譯會試中額請得旨取中三名○旌表守正捐軀湖南益陽縣民姚德美妻卜氏○辛未引見乙未科散館及補行散館人員得旨修撰劉鐸編修錢福昌業經授職其清書二甲庶吉士陳寶禾杜翻漢書二甲庶吉士陶慶增羅惇衍孫銘恩張雲藻喻增高許乃釗張芾吳式芬朱琦錫祉呂賢基賈瑜舒文王清選陳瑩陶恩

培周思鰲葉琚劉源濬張廷選何桂清陳壇
何裕承趙振祚葉名琛張鏐俱著授為編修
清書三甲庶吉士江泰來黃銘先漢書三甲
庶吉士邱建猷景霽俱著授為檢討戚維禮
喬晉芳余春熙陳鶴年春熙徐資乾鄭敦謹
春輅朱憲曾徐夢典宗室英淳黃宗漢俱著
以部屬用崇祀林泰淳熙張景星劉用賓孔
昭慈廖朝翼司徒煦俱著以知縣即用○補
行道光十五年大計甘肅卓異官九員罷輒

官二員年老官三員才力不及官四員浮躁
官一員分別議敘處分如例○壬申諭內閣
耆英等奏八旗幽僻地面情形一摺左右翼
正副翼尉為步營表率之員八旗地面事無
大小皆由該員等督辦現在八旗二十四固
山幽僻處所安設更房兵額各情形各旗辦
理未能一律妥協左右翼正翼尉興泰圖薩
布副翼尉秋前保蘇魯禮著各降頂帶一級
予限一年飭令將一切廢弛之處迅速整頓

果能於限內辦理妥協即奏請開復頂帶僅
仍因循疲玩著即將該員等嚴叅懲辦又另
片奏嗣後步營官員過失酌議摘去頂帶以
觀後效等語均著照所議辦理○命大學士
長齡阮元刑部尚書成格戶部右侍郎程恩
澤禮部左侍郎卓秉恬兵部左侍郎廖鴻荃
右侍郎史譜內閣學士王植為殿試讀卷官
○賞會試年老舉人彭友林等十名檢討學
正職銜有差○癸酉策試天下貢士夏子齡

等一百七十二人於保和殿制曰朕撫綏寰
宇敬紹丕基宵旰健勤不敢暇逸仰荷
昊蒼眷佑四海乂安惟益延集嘉謨冀熙庶績
臨軒策問其敬聽之士以行誼為重而科目
先憑文學文學多端首重經史九經為聖賢
彝訓帝學官箴皆從此出故未言漢宋之講
孔孟當先求孔孟之說詩書詩書內名言至
論最補身心治道為孔孟所引證推明者何
在漢晉唐宋傳註疏義孰為醇正易之費虞

書之歐夏詩之三家何所考見賈公彥二禮孰精儀禮經傳通解朱子晚年立意若何史以春秋為最先三傳科例何殊荀袁兩漢紀繼為編年之體司馬光通鑑重在資治後世資為金鑑皆不刊之書也多士治經學史先器識而後文藝所以裨朕治理者也其臚敘之考績始自唐虞詢事考言既已察之平時而三載五載九載何以加密尚書大傳謂積善至於明五福以類升積不善至於幽六極

以類降其說何如周官六計以廉為本或訓廉為察厥義孰優漢以六條察二千石晉以五條考郡縣唐敘以四善分以二十七最差以九等宋因唐之四善分為三等詳略得失可縷析之歟漢書言綜覈名實故吏稱其職然或上求實效下循虛名將操何道而使之皆實心以任事乎虞廷欽恤刑期無刑周官五刑之屬各五百呂刑何以言五刑之屬三千所增減者安在魏文侯時李悝著法經六

篇為後世律例所自始然楚之僕區鄭之刑書晉之刑鼎不俱在李悝之前歟漢初約法三章厥後蕭何定律令於李悝所造凡益若干篇叔孫通復益者何律唐之律令格式宋之刑統元之至元新格大元通制明之大明律令其輕其重其沿其革能詳陳歟朕哀矜庶獄每閱讞牘再三審慎期於無枉無縱司憲之吏宜如何持平協中以共泯刻覈姑息之見乎自昔除莠安良之法莫善於保甲漢之亭長番夫游徼唐之里正耆老所轄之地甚近所聯之戶無多里巷之中互相糾察最為切近後世幅員日廣戶口日繁生計之絀盜賊易生惟有編查勤密摘發精明庶使閭閻相安奸慝斂跡夫以一州一縣四境非遠果能視一邑如一家何至藏伏盜奸傳習邪術趙廣漢張敞固甚嚴明然能消患於初萌戢亂於未發如龔遂至郡盜賊皆散不更善乎盜之所以重乎弭者在此也多士來自田

間。見聞較切。其各陳之。凡此四端。皆經國之大猷。為政之本務。其稽古有年。講求有素者。所宜悉抒謫論。毋有所隱。朕將親覽。虛衷聽納焉。○諭內閣。鴻臚寺卿黃爵滋。奏請查究州縣弊。敕命盜一摺。州縣為親民之官。於命盜重案。務獲正兇。正賊。按律究辦。方足以服民心。而伸國法。若如所奏。近年以來。命盜大案。層見疊出。除京控各案外。其未及上陳。狡展稽遲者。每省多或千餘。少亦數百。牽引多人。拖累多載。命案則百計宕延。盜案則公然賣放。尚復成何政體。其各省州縣逃軍。擾累地方。勾通差役。結連匪黨。開繫命盜案件。尤為緊要。著各直省督撫。遇有命盜之案。必先明查暗訪。如所屬州縣得贓縱兇。飾詞延擱。即據實嚴參。其逃軍人犯。除加等治罪外。配所及本籍印官疏縱容留。亦著分別參處。庶命盜理而刑政肅。吏治日有起色矣。將此通諭知之。○甲戌。

上詣綺春園問

皇太后安。○諭軍機大臣等。本日總管內務府奏稱。交商變價。淺斤。計自道光十二年起。至十五年止。共交去淺二百七十三斤十三兩六錢二分。該督僅解到廣儲司銀五萬兩。尚欠銀八十一萬七千餘兩等語。此項淺斤。變價銀兩。應支各款。勢所必須。兩淮自十二年。至十四年以來。並無統引之案。淺斤係交商變價之物。非生息利銀歸綱徵解可比。四等淺斤。無論何處。均易行銷。何得延宕不即交價。著陶澍詳查。交去淺斤若干。應解淺價若干。迅速照數起解。無誤支發。而清積欠。將此諭令知之。○命吉林將軍樂善。留京。以盛京副都統祥康。署吉林將軍。調正黃旗漢軍副都統祿普。為盛京副都統。以西寧辦事大臣德楞額。為正黃旗漢軍副都統。○旌耒守正。被戕直隸河間縣民楊繼法女云姐。○乙亥。以前任吉林將軍樂善。署鑲藍旗漢軍都統。

鑲白旗蒙古副都統巴清德署正紅旗護軍統領○補行道光十五年大計山西卓異官十二員。年老官三員。不謹官一員。才力不及官二員。有疾官三員。分別議敘處分如例。○丙子。

上詣

大高殿行禮。○還宮。○御乾清宮召讀卷官入。親閱定進呈十卷甲第。○諭內閣御史況澄奏。請飭禁降革人員違例逗留。藉端保奏一摺。各省革職降調人員。例應分別飭令回籍。及給咨赴部。豈容任其遷延觀望。藉事夤緣。是以屢經降旨。諭令該督撫等於此項人員。不得瞻徇情面。為見好乞恩地步。若如該御史所奏。近年各省降革之員。並不回籍赴部。往往逗留省垣。覬覦差使。或干謁上司。妄希委署。或囑託僚友。遇事吹噓。雖經離任。仍復干預公事。藉圖開復。又或勸助勒幫。求飽囊橐。甚或放債漁利。窩留軍犯。行止卑鄙。紛紛

效尤。是該督撫等但知徇庇屬員。罔顧政體。縱謂該省要務需人。儘可於現任候補內遴選差遣。豈通省竟乏賢能。專藉茲降革人員。始能藏事耶。似此藉端取巧。致開奔競之風。於吏治官方。大有關係。嗣後各督撫等務當破除錮習。一秉至公。遇有屬員因案革職者。飭令回籍。降調者給咨赴部候補。即有交代經手事件。亦應照例勒限咨部辦理。不得任意遷延。妄生希冀。經此次諄諭之後。各督撫等如敢視為具文。仍將此項人員留省差委。甚至登諸薦牘。吏部即行指參。並將此旨載入則例。將此通諭知之。○禮部議准。福建巡撫魏元烺疏報採訪上杭縣貞節婦女一千二百三十四口。請建總坊旌表。從之。○丁丑。上御太和殿傳臚。賜一甲林鴻年。何冠英。蘇敬衡。三人進士及第。二甲張錫庚等七十二人進士出身。三甲孔繼鏞等九十七人同進士出身。○辛酉。○諭內閣。本日據納爾經

額由驛馳奏。勦捕武岡州滋事匪徒。已就肅清一摺。此案湖南新寧縣逆匪藍正樽。即藍沅曠。膽敢聚眾倡亂。圍撲武岡州城。先經該州營率領兵勇。殲擒潰散。復經該督撫督率地方文武員弁。嚴行按捕。節次勦擒匪犯千有餘名。並究明餘黨。盡法懲治。及分別按律辦理。惟首逆藍沅曠。尚未弋獲。著該督等嚴飭所屬。並咨會鄰省一體嚴拏。務獲明正刑誅。以快人心。而彰國法。該地方文武於上年

十一月間。既將習教傳徒之潘明德等犯拏獲。本年正月間。復經得有風聞。並續獲逆犯吳立鵠等。彼時若能細心根究。先事豫防。即可消患未萌。何至釀成巨案。是該地方官失察之咎。本無可逭。姑念此次逆謀甫著。即行殲除。現已一律肅清。不至重煩兵力。辦理尚為迅速。此時若即將首逆拏獲。立正典刑。所有該管地方文武失察處分。自可量予末減。儻不能實力按查。致該首逆日久稽誅。仍當

重治其罪。其現獲各犯。除業經正法外。餘著刑部連議具奏。又另片奏。此案軍需。由該省籌款給發。著照所議辦理。免其造冊報銷。○諭軍機大臣等。本日據訥爾經額由驛馳奏。勦捕逆匪情形一摺。覽奏均悉。逆犯藍正樽。即藍沅曠。糾眾滋事。經該督等督飭文武員弁。先後殲勦。按擒千有餘名。其餘各犯。多已解散。現在一律肅清。惟訊據張和尚。陳仲潮等供稱。是日夜間打敗。道路昏黑。實不知藍

沅曠逃往何處。其所供藍沅曠素日熟游之地。如廣西全州所屬地方之壽福寺。苦鍊奔貓兒山等處。現已派委員弁兵役前往。知會該處協同跟拏。尚未報獲。逆首藍沅曠。膽敢造作逆書。聚眾倡亂。實屬罪大惡極。應按拏務獲。立正刑誅。以彰國憲。而快人心。本日已有旨諭令江西湖北廣東廣西四川貴州各督撫一體嚴拏。無任竄匿。惟念該逆未經被創以前。恃有匪黨多人。因敢負隅抗拒。此時

黨羽殲擒殆盡。若竟逃往鄰近各省。則勢孤力絀。不難即日就擒。該逆詭譎多端。未必不計及於此。設或恃有峒深林密。冀可潛蹤。因而逃入峒中。妄希免脫。亦屬事所或有。該督惟當剴切曉諭。並懸賞購線。勸令附近軍民及各峒瑤人。僅有該逆潛逃蹤跡。即行縛獻到官。立予重賞。惟不可擅用兵力。致滋擾累。別生事端。總期罪人斯得不致倖逃。法網方為妥善。又另片奏參將蘇清阿前往鎮算。密訪滋事首犯。突於三月十九日黎明。有賊匪數人。持刀進寓。將該參將兇砍多傷。並將靖州千總段芝蘭一併砍傷等語。著該督即行確切查明。是否因該參將等查辦認真。不肯遷就。匪徒恐致被獲。因而乘間謀害。似此肆意逞兇。傷及官弁。殊堪髮指。不可不嚴行懲辦。以儆兇頑。該督即明白曉諭。務令安分兵勇。將此次行兇要犯。按名首出。庶可寬減前次被惑附和之罪。斷不准意存消弭。致

首犯日久稽誅。至蘇清阿段芝蘭。如果查辦認真。並非激變。現在傷痕曾否平復。著一併查明據實具奏。候朕施恩。將此諭令知之。○又諭寄諭兩廣總督鄧廷楨。四川總督鄂山。江西巡撫陳鑒。湖北巡撫周之琦。廣東巡撫祁墳。廣西巡撫梁章鉅。貴州巡撫賀長齡。本日據訥爾經額由驛馳奏武岡州滋事首逆藍正樽。即藍沅曠。尚未弋獲。訊據從逆夥犯張和尚等。供出藍沅曠素日熟游之地。內如廣西全州所屬地方之壽福寺。苦鍊菴。貓兒山等處等語。此案首逆藍沅曠。糾眾倡亂。罪大惡極。自應迅速拏獲。立正刑誅。豈容倖逃法網。著各該督撫等。嚴飭所屬文武員弁。務當不分畛域。實力訪查。僅有該逆潛匿境內。立即設法捕擒。解往湖南。交訥爾經額訊明懲辦。以彰國法。而快人心。將此各諭令知之。○以槍斃湖南武岡州賊匪。賞千總張大宏花翎。以守備升補。予署守備趙昇泰。即補。○

戊寅。諭內閣。蘇勒芳阿等奏。派員操練兵丁情形一摺。廣東駐防八旗官兵內。挑出備戰兵二千二百名。經該將軍等派委協領喀勒春等。專管操練各項技藝。並製造雙手帶刀一百把。即於擡礮一項兵丁內。挑出一百名。令其演習。以為護礮之用。所見甚好。俱著照所議辦理。國家訓練兵丁。全在紀律精嚴。技藝嫻熟。方足以收實用。倫忠於臨陣事宜。未能諳練。蘇勒芳阿辦事向來認真。又久歷戎行。此項練習兵丁。即著交該將軍專司訓練。務須按期操演。一律精能。俾得成成勁旅。毋致有名無實。方為不負委任。○諭軍機大臣等。烏爾恭額奏稱。浙江省各屬民欠數內。有先經官為墊完之項。現奉恩旨豁免。不能再徵原墊各款。請覈實查辦等語。此項豁免道光十年以前民欠銀米穀數。普蠲積逋。原期實惠及民。儻不能認真稽覈。徹底清查。難保無更蝕官虧。從中影射等弊。著該撫嚴飭所屬。務將官墊民欠兩項。逐加釐剔。據實劃清。斷不准稍有遷就牽混。致州縣各官。藉此墊完之名。掩其虧空之實。以重倉庫而杜欺隱。將此諭令知之。○己卯。諭內閣。戶部奏請飭催各省延未起解報撥。及徵存屬庫銀兩等語。國家賦入。歲有常經。度支攸關。豈容任意延宕。是以上年曾經降旨飭催。自應遵照趕緊辦理。茲據該部查明奏催各款銀數共八百七十餘萬兩。現據各該省陸續起解入撥。到部。截至本年三月底止。僅止報撥解部共銀二百六十七萬。內解部項下。已解到銀一百六十二萬餘兩。未解到銀九十餘萬兩。已逾半年之限。又解司及提撥項下。已報撥銀三十九萬餘兩。未報撥銀一百九十四萬餘兩。著各督撫。暨政監督等。嚴飭所屬。迅速撥解報部。不准再有延緩。其實存司道等庫。應行入撥項下。祇報撥銀六十四萬餘兩。仍未報撥銀三百二十八萬餘兩。此項銀兩。係據

各該司道報明實存在庫。久應造入季冊備撥。自上年奏催後。各該督撫等查明覆奏者。僅有一二。其餘未經覆奏各省。著該督撫等務遵前降諭旨。迅速覆奏。並將應撥銀數。造入季撥冊內報撥。毋得仍前因循。致干咎戾。○賞還故貝子奕綸貝勒。○庚辰。

上詣綺春園問

皇太后安。○以京畿得雨未透。遣惇親王綿愷。惠郡王綿愉。定親王奕紹。分詣

天神壇。

地祇壇。

太歲壇祈雨。○以捐修山西榆社縣城垣。永濟和順二縣書院。予知縣潘名魁等升敘有差。○賞乙未科湖南鄉試年老諸生蕭學顏等四名副榜。○緩徵山東長清禹城齊東。濟陽德新城。恩泰安。新泰商河。濱。利津。霑化。樂陵。青城。蒲臺。蒙陰。沂水。平原。臨邑。章邱惠民。二十二州縣並德州衛被旱莊屯新舊額賦。

○辛巳。

孝慎皇后三週年忌辰。遣官祭

陵寢。○諭內閣御史許球奏。請除外省審斷顓預積習一摺。國家科條之設。原以除莠安良。如果聽斷公平。獄訟自然止息。若如該御史所奏。近年以來。外省咨結控案。審實平反。及審虛將原告照誣告辦理者。十不得一。大半皆係調停了事。一案之中。重款則大率消弭。輕款則略與更張。既不審實。又不辨誣。或稱控出有因。或謂懷疑誤控。至無可解說。則又以到案即行供明為詞。曲為原減。皆因問官將實作虛。無以服原告之心。而杜其口。懼其復控。故不敢援誣告加等之律以治其罪。每遇審虛之案。原告祇擬不應重杖罪。又不敢決。所擬僅屬虛名。藉以調停完案。甚至壓擱控案。待其串和。然後訊供取結。兩造均不重辦。含糊了事。冤抑者無由昭雪。刁健者得肆譎張。似此顓預積習。於吏治大有關係。著各

直省督撫遇有上控案件。審實者。屈必為伸。審虛者。誣必加等。不得概以控出有因。懷疑誤控等項。俗套顛預了結。至近來京控案件。往往有原告竊取文書。中途逃走。或解省後取保。旋即匿不到案。此皆刁健之徒。希圖拖累。著照例銷案。又越訴本有專條。近來多不照辦。如直隸山東等省。有本省上司並未呈控。即行來京越訴者。其冒上亡等之風。更不可長。嗣後無論咨奏控案。定案時由承審官

查明。如係越訴者。分別所控虛實。按律懲治。仍隨案聲明。毋得遺漏。庶善良屈抑可伸。刁健伎倆難逞。政平訟理。吏治日有起色。經此次飭諭之後。如仍有以控出有因。懷疑誤控。顛預結案者。著刑部隨案奏明駁飭。將此通諭知之。○諭軍機大臣等。有人奏上年二月初二日。隨帶司員白讓卿。陽金城回京。攜帶行李。例應由崇文門查驗。除白讓卿行李未經到門外。陽金城行李大車四輛。箱十七隻。

夾板一副。匣二件。包捲二十七件。輸納稅銀三十餘兩。有崇文門稽查行李簿可據。查向來審案司員回京。從無攜帶貨物報稅之事。即遇有土宜輸稅。亦屬無多。乃陽金城連車重載。竟至輸納稅銀三十餘兩之多。如謂親友附帶。審案司員行蹤莫定。眾所習知。不至附其攜帶。且馳驛過行。斷無為人攜帶多箱之理。其為苞苴餽賂。似無可疑。至白讓卿聞有大箱二隻。由廣東省城同和銀號司事之

石綸亭代為寄京。是其箱篋之多。不能盡帶。已可概見。且石綸亭而外。尚難保無另有寄頓等語。石綸亭現在廣東。著恩銘等親提研審。所有白讓卿託寄大箱二隻。是否實有其事。並寄至何處交代。及此外有無託寄之處。陽金城回京。因何攜帶箱篋如許之多。即將該司員等前在廣東。如何得受苞苴之處。詳細審明。一面密加訪查。據實叅辦。務期水落石出。毋稍顛預。如稍有瞻顧。是汝二人甘作

喪天良之事也。慄之。將此諭令知之。○又諭。有人奏。廣東現署香山縣知縣葉承基。行止卑污。聲名狼籍。前在高要縣任內。虧空五六萬兩之多。該員到香山縣任後。縱容官親家人二百餘人。散居縣城內外招搖。向舊充衙役。朦朧監生。曾經犯案。擬徒之林昌緒。即林居三。借住房屋。勾串交結。吸食鴉片。挾倡飲。聞。並將林居三之屋改名賓賓館。又添蓋停雲館一所。極其宏敞。且招引倡婦大姑。二姑。

亞清。亞滿。鹹水三妹進署。親攜亞清到省。避債。該員之子葉老六。門丁張貴。呂德。把持公事。張貴等並為倡婦亞滿。鹹水三妹贖身。該縣盜賊縱橫。置之不理。任聽書差勒索規銀。以致盜風愈熾。現在虧空累累。不知其數。是以民間有霜降遭風。天下難容老葉。元宵遇雨。萬民皆怨。初春之聯。種種劣跡。請飭查辦等語。著恩銘。趙盛奎。嚴密訪查。如果屬實。著即從嚴參辦。以儆官邪。毋得稍有不實不盡。

將此諭令知之。○又諭。有人奏。浙江湖州府孝豐縣施姓屍棺被盜一案。事主施錦心係拔貢生。其子舉人施元禧娶妻王氏。於道光十四年十一月間病故。停柩於堂屋石廂房門關鎖。該舉人因請會試。咨文赴省。至次年正月。開屋入柩。忽見棺已撬開。失去衣飾等件。當經報明本縣驗勘通詳。嗣於三月間。有婢女瑞春露有手帕二方。係屬棺內之物。經該生施錦心將該婢盤問。始知有村人施四。

毛。起意約同素來求乞之周阿五。向該婢誘出鑰匙。偕不識姓名二人。同至停棺處所。開棺夥竊等情。隨將人賊並送。經該縣孫天樞差拏周阿五到案。供認不諱。旋即卸事。接任知縣翟文錦。先後審獲施四毛。施以高等。亦供認如前。並於萬順典內起出衣服四件。施以高家內起出開棺鑿子一箇。其首飾餘賊。據賊匪施四毛等。歷供窩在施步禮等家內。未經起獲。詎有捕役郭榮。向該生索取盤費。

該生不允。因此懷恨。捏稱施步禮等並未窩賊。串賊翻異。該縣意在拖延銷案。該生屢次呈催。措詞激烈。該縣遂以先認後翻。稟府審辦。旋委烏程縣周榮會審。自夏徂秋。延未訊結。烏程縣病故。署縣王鼎勳到任。與翟文錦同鄉。一味回護。將原贓概置不問。反指真贓為棺外之物。縣書徐起鳳又從中教供。囑婢女瑞春誣主。捏為拷逼妄扳。大合官意。遂縱各犯狡翻。前此供詞。概行改換。不數日間。賊斃三人。該縣至樞所覆勘。不察撬竊形跡。竟決為開棺是假。贓據係事主裝點。遂拘入殮時木匠人等。加以刑拷。逼使供誣。該府凌泰封。聽信該縣等一面之詞。遽將該生坐誣。盛氣下堂。摘其頂帶。痛加掌責。收禁刑求。十二月間。該生胞兄施全。心赴巡撫衙門控告。以該府等朦詳在先。不為准理。再赴臬司衙門呈訴。始委員會同覆勘。嗣於本年二月內。經委員金華府通判方東勘得開棺屬實。而該

府等回護前詳。忽又誣為該生自行撬開。竟欲鍛鍊成獄等語。此案施錦心控告後。既經前縣孫天樞與該縣翟文錦先後獲賊。審供不諱。並起有真贓。自應將餘贓上緊起出。迅連定案。乃該縣任意拖延。致捕役庇窩捏報。縣書從中教供。且於數日內。猝斃賊匪三人。安知非該縣暗中指使。明恃死無對證。藉為逼誣地步。該府任聽該員等一面之詞。將該生摘頂刑逼。虛實均應徹底根究。著恩銘趙盛奎。於查辦廣東案後。即赴浙江提集此案人證卷宗。悉心研鞠。務期水落石出。以成信讞。毋得稍有不實不盡。將此諭令知之。○又諭。據太常寺少卿許乃濟奏。鴉片煙例禁愈嚴。流弊愈大。近年以來。夷商不敢公然易貨。皆用銀私售。每歲計耗內地銀一千萬餘兩之多。請變通辦理。仍准其以貨易貨等語。著鄧廷楨等會同妥議具奏。原摺鈔給閱看。將此諭令鄧廷楨。祁墳。並傳諭文祥知之。○壬

午諭內閣。御史王藻奏。請將沿海港汊村莊。設法編查履勘。以絕窩線。而清盜源。一摺。各省沿海地方文武員弁。平日認真稽查。盜匪與奸民不能暗相勾通。根株淨絕。洋面自可肅清。如該御史所奏。沿海地方港汊村落。距海遠近不等。盜船不敢入港。總由奸民為之窩線。代銷贓物。添雇舵工水手。或稔知村內殷實之家。勾通入劫。盜去而人不取過問。沿海一帶。雖設有水師總巡分巡各名目。往來會哨。多屬虛應故事。潛匿港口。僅令微末弁兵。代巡捏報。無怪海洋劫案。竊發時聞。不可不嚴加防範。惟各省近海處所。情形不同。應如何稽查周密。自當因地制宜。著直隸山東江蘇浙江福建廣東沿海各督撫。妥議章程。據實具奏。○又諭。昨據訥爾經額奏報。勦捕湖南武岡州滋事匪徒。已就肅清。惟首逆藍正樽。即藍沅曠。尚未弋獲。當降旨。飭令該督等嚴飭所屬。拏務獲。朕思奸宄之潛蹤。總

由於緝捕之弛懈。向使勦捕方施。趁其窮蹙。分路兜拏。何至任令免脫。即如曾武為閩省巨盜。貽害地方。經朕屢次嚴飭該省督撫。上緊拏辦。意在必獲。果據該督等奏稱。先後拏獲曾武等要犯。按律懲辦。以靖閭閻。可見實力奉行。不難擒渠除莠。閩省洋面寬廣。海嶼迷茫。盜賊出沒。尚易潛匿。若楚省則平地空曠。間有山洞林木。亦易於追躡攀躋。何至數月之間。罪人未得。著訥爾經額。裕泰。即督飭該省文武員弁。設法購線。上緊躡緝。毋得遷延月日。致令久稽顯戮。至該犯詭計秘藏。恐或潛逃他省。藉希涸跡。亦著江西湖北廣東廣西四川貴州各督撫。不分畛域。一體嚴拏。不得任其遠颺漏網。經朕飭諭之後。儻仍緝拏不力。竟致該犯日久未獲。惟訥爾經額。裕泰。是問。恐不能當此重咎也。懍之。○諭軍機大臣等。昨因有人叅奏。上年陽金城由廣東回京。攜帶行李。連車重載。白讓卿有大箱二

隻。託廣東省城銀號司事之石綸亭代為寄京。其箱篋之多。不能盡帶。已可概見。其為苞苴餽賂。似屬無疑。當降旨著恩銘等查訪審訊。即密查崇文門收稅號簿。上年二月初二日。陽金城行李進城。果係大車四輛。箱十七隻。夾板一副。匣二件。包捲二十七件。輸納稅銀三十一兩三錢七分。與原奏數目相符。毫無疑竇。陽金城係隨帶司員回京。何以箱篋如此之多。顯有貪婪蹤跡。著恩銘等切實研

實錄卷一百八十一

奏

究。毋任狡賴。如該員再敢強詞支飾。則是罪上加罪矣。陽金城已顯有貪婪蹤跡。則所叅白讓卿之事。斷非無因。且其託銀號寄箱。尤為巧詐。著恩銘等於石綸亭到案時。嚴加審訊。並此外有無寄頓。及該員等前在廣東。如何得受苞苴之處。仍遵昨降諭旨。密加訪查。如得有實據。即傳旨將該員等革職。一面據實具奏。毋許稍有瞻顧。以副朕懲儆官邪之至意。將此諭令知之。○旌表守正捐軀江蘇

山陽縣民陶萬順妻韓氏。

實錄卷一百八十一

奏

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十二

兵萬榮因將伊子更換籍貫收入本標部議降調係屬私罪該督輒藉曉暢營伍為詞奏請留省差遣實屬冒昧兩廣水陸各營人材不乏如果該督留心訓練足資差委何必以獲咎之員違例奏留鄧廷楨著嚴行申飭所請不准行○又諭蘇勒芳阿等奏參協領虧空庫項畏罪逃匿並現已自行投回各一摺此案廣州駐防掌理右司關防協領海明虧短庫項至一萬七千六百餘兩之多及聞知

委員盤查又復畏罪逃匿實屬目無法紀現已自行投回著先行革職銷除旗檔交蘇勒芳阿鄧廷楨提同應質人等悉心研鞫確切究辦正白旗滿洲佐領訥爾金正紅旗滿洲佐領阿青阿正紅旗滿洲防禦廣太鑲白旗滿洲防禦達凌阿正紅旗漢軍防禦朱元鑑有無通同分盜情弊俱著暫行解任交蘇勒芳阿鄧廷楨逐加研訊務得確情分別定擬具奏至蘇勒芳阿倫忠自請嚴議之處著俟

定案時再降諭旨該部知道○諭軍機大臣等本日據毓書奏現在查辦哈薩克伊扎噶土帶領多戶復入烏梁海情形一摺哈薩克私越開齊入烏梁海潛居上年經富呢揚阿派員會同塔爾巴哈台委員及烏梁海官兵前往驅逐伊扎噶土帶領六百餘戶藉詞推諉不肯搬移復經富呢揚阿調取土爾扈特烏梁海三處官兵彈壓催逐出境茲據毓書奏稱伊扎噶土帶領數百餘戶哈薩克於本

年三月二十二日夜間復渡博爾濟河在烏爾圖布拉克地方潛居抗拒不移伊扎噶土不過一梗頑哈薩克即所帶數百餘戶人數無多毓書惟當嚴切曉諭驅逐出境一面知會塔爾巴哈台烏梁海會同彈壓儻仍抗拒不遵自當示之以威但須體察情形妥為辦理如控制失宜或致激成事變惟毓書是問將此諭令知之○又諭據內務府奏稱本年淺斤應照例發交兩淮等處變價此項銀兩

支應各款協濟辦公。歷年俱有成案。斷不容稍有短絀。查雨淮變價。淺斤。自嘉慶十二年起。每兩遞有加增。惟釐務情形。今昔不同。自應量加體恤。著該督體察酌量。儘准其仍照嘉慶十二年以前交價。該商等是否。能照數交納。年清年款。不致延宕遲逾。有誤例限。著陶澍即行查明。據實具奏。將此諭令知之。以貴州大定協副將趙浩為廣東韶連鎮總兵官。○乙酉。

孝誠仁皇后忌辰遣官祭

景陵。○諭內閣。嵩溥奏研訊控案。查出賄囑各情。請暫行革審一摺。翁牛特旗鎮國公桑噶巴拉著暫行革去公爵。交嵩溥提同案內人證。徹底根究。該衙門知道。尋奏賄囑承審司員係護衛濟克默特起意。桑噶巴拉詢不知情。所控扎薩克郡王二十八款。研審皆虛。惟係聽從濟克默特教誘。且被畢什勒圖詐索不甘。可否開復公爵。交理藩院嚴加議處。翁

牛特扎薩克郡王喇特納濟哩第失察梅楞畢什勒圖乘機詐取。應請一併交理藩院嚴加議處。已革護衛濟克默特誘主犯法。請發往烏里雅蘇台充當苦差。畢什勒圖婪贓舞弊。請革去梅楞發往烏魯木齊充當苦差。下理藩院議。尋議桑噶巴拉請革去公爵。毋庸開復。喇特納濟哩第應罰扎薩克俸四年。餘均如所議。從之。○丙戌。

上詣綺春園問

皇太后安。○諭內閣。前據給事中常大淳奏。河南睢州吏目孫聯輝聲名狼籍。貪婪不法。各款。當降旨交桂良查明。叅辦。茲據該撫奏稱。該州額徵活稅。向俱飭委吏目代徵。相沿已久。並無落地稅名目。其懸掛木牌。係為貿易人等便於投稅起見。惟以現任吏目。輒與鹽商霍均選交易往來。實屬不知檢束。孫聯輝著即革職。該部知道。○河南巡撫桂良覆奏。歸德府捻匪陳方等逞兇擾害情形。並請

嗣後嚴立科條從重問擬得旨桂良奏審明
擒匪結夥訛搶謀殺差役各確情按例定擬
一摺著刑部速議具奏至該省歸德府屬嗣
後遇有兇徒結夥持械之案該撫請嚴定科
條照南陽等府州定例懲辦著該部覈議具
奏尋奏陳方搶奪婦女起意謀殺捕役例應
斬決傳首犯事地方示眾以昭炯戒再該撫
奏稱歸德府民情獷悍請照南陽汝寧陳州
光州棍徒例一體懲辦應如所請嗣後歸德

府兇徒結夥三人以上但有一人持械傷人
除實犯死罪外其餘不分首從改發極邊足
四千里充軍如聚眾至十人以上執持器械
無論曾否傷人應不分首從改發雲貴兩廣
極邊煙瘴充軍俟下屆修例時纂入例冊永
遠遵行從之○以四川蘆山縣漢平裏侯姜
維祠祈禱靈應列入祀典從總督鄂山請也
○除甘肅平羅縣水衝地三項三十八畝有
奇額賦○丁亥

上詣

大高殿行禮○還宮○授一甲一名進士林鴻
年為翰林院修撰二名何冠英三名蘇敬衡
為翰林院編修○命大學士阮元協辦大學
士吏部尚書穆彰阿教習庶吉士○以夏至
祭

地於

方澤自是日始齋戒三日○戊子諭內閣本日
引見新進士內正白旗滿洲進士慶廉一名

形同殘廢步履甚艱因思我朝錄用旗員首
重騎射八旗士子應試必先試以騎射合式
者方准入場此乃一定之例不可廢者也慶
廉既有殘疾豈能考試馬步箭適據御史永
桐奏請飭查覈實等語著兵部查明派出監
射之王大臣如何定為合式准其會試之處
秉公據實具奏並著監試王大臣及咨送考
試之正白旗滿洲都統等明白回奏○又諭
御史劉夢蘭奏州縣經徵錢糧請責成道府

嚴飭隨徵隨解以杜虧那一摺各直省州縣屬庫向無封貯銀款其上下忙徵收錢糧除存留俸工役食外例應儘徵儘解不准絲毫存貯若如該御史所奏近年外省叅追銀款動至盈千累萬總由差務供應繁多加以平日不知節省那墊應用該上司冀其彌補不即舉發迨至萬難彌縫乃成叅案雖查封備抵而所抄者在寓不過破舊衣服在籍不過零星房產其以官為家者房產全無祇取族鄰甘結一紙了事等語各省錢糧銀款國帑攸關豈容州縣官任意虧缺與其懲之於既事之後不若防之於未事之先著各督撫轉飭各該道府於所屬州縣錢糧啓徵以後按限親提串根紅簿查明已徵若干內應存留若干起運若干先儘起運後儘存留催令陸續具批隨徵隨解不准絲毫存貯屬庫其不作分數錢糧州縣無考成可顧更當嚴催批解該上司等尤應以儉率屬公事過境務須

嚴束家丁毋任挑斥供應更不得強薦幕友輕派委員及並非樂輸勒派攤捐等弊至常平倉穀出陳易新糶價例應即行解司俟買補日赴司請領尤當遴委妥員會同本管府州盤查結報毋得通同徇隱上司因公過境仍當不時抽查儻有前弊嚴叅懲辦庶倉儲充裕不至有名無實也將此通諭知之○諭軍機大臣等前據訥爾經額奏鎮算兵丁挾借滋事派往查辦之叅將蘇清阿千總段芝蘭被賊兇砍多傷本日據裕泰奏稱蘇清阿已於四月初四日身死殊堪駭異蘇清阿係武職大員奉差在外寓所自必嚴肅何致有賊匪突入將其砍傷現據附近各屬稟報風聞蘇清阿係被該處兵丁砍傷顯有因該叅將查辦認真逞兇戕害情事亟應嚴行懲治以儆兇暴而靖邊隅著該督仍遵前旨迅即查明該叅將慘遭毒害是否因訪拏首犯不肯遷就並無激變情節其受傷致死係何部

位行兇要犯的條何人務即確切訪查一面據實具奏一面嚴飭所屬將此次逞兇各犯密速查拏按律從嚴懲辦若任其逃匿惟該督是問不可視為泛常懔之將此諭令知之○以翰林院侍講學士德誠為詹事府詹事○己丑諭內閣凱音布等奏兩淮應交牧羣息銀請飭催解一摺兩淮生息銀兩係充察哈爾三旗牧羣之用刻不可緩該處無款可籌尤當按期解交以符定限乃屢經飭令清

款仍未按年解交實屬延玩著陶澍迅將道光十四十五兩年應解息銀照數迅速解交其本年應解十七年之款仍著於本年冬季解到以資辦公不准再有延宕○引見新科進士得旨一甲三名林鴻年何冠英蘇敬衡業經授職外張錫庚李汝嶠王發桂彭以竺翁祖烈梁敬事徐士穀何紹基徐文藻趙楫梁同新李道生劉澆丁楚玉孔慶鏞楊能格沈兆霖路慎莊胡林翼莊俊元呂佺孫劉映

丹樊肇新謝榮琛徐之銘宗室和淳郭世亨李本仁蔡振武方俊徐瀛毓檢江紹儀王通昭翟松楊天柱蘇學健慧成梁瀚俱著改為翰林院庶吉士趙坦周源緒彭久餘溫文禾江健林懋勳朱德澄莊縉度夏子齡高熊夢黃玉階翁孝濬路璋馮志沂伍濬祥朱城李清鳳黃紹芳梅崇孔繼鏢王啓曾唐李杜曹興仁黃孟鴻祝祐韋坦張春育孫瑞齡朱為霖宗室榮榮周毓桂承齡韋杰生斌桐喬松

年俱著分部學習熊浦雲徐榮劉維禧許師喜羅洪賡羅鳳儀李學殖徐廉鈺詹景鍾吳步韓陸以湉王允灌溫鵬翀蔡五辰董用威陳模孫曰庠嚴圻謝雲華徐方杰黃士箕姚祿齡陳守中胡馨朱文漣潘政舉張舒翹梁述孔謝本嵩羅源一李藻陳信民許源沈衍慶許暉藻劉澐李延福音德布陳昂陳寬牟衍騄周沐潤何名儒韓象鼎孫家良黃鵬奮楊廷寬吳文藻郭紹曾張棟石鳳揚鄭鳳鳴

余思詔丁雲章余遂生盛元李光鉞史樸盧昌輔教右賢韋逢甲陳汝鉦張兆熊楊迺實張樹德崔敬修李毓馨俞汝本吳華淳謝克一朱懋勳唐盛張雨田張枚李鏐周潞蕭秀崇俱著交吏部掣籤分發各省以知縣即用餘著歸班銓選○庚寅夏至祭

地於

方澤

上親詣行禮○幸圓明園○詣綺春園問

皇太后安○辛卯諭內閣前因正白旗滿洲進士慶廉形同殘廢步履甚艱當降旨著兵部查明准其會試之處據實具奏並著監射王大臣及咨送考試之都統等明白回奏茲據兵部及該旗都統監射王大臣等奏中樞政考內載凡遇考試進士舉人生員人等其有手拐者免考馬步箭等語並准兵部呈送大清會典暨中樞政考經軍機大臣開單進呈朕詳加披閱會典內載係手疾字樣中樞政

考內載係手拐字樣著兵部即遵照會典改正以歸畫一該監射王大臣及咨送考試之都統等於慶廉會試雖屬遵例免其考試馬步箭但慶廉形同殘廢尚不止於手疾該都統等不行駁斥率准送考自係瞻徇情面不肯認真該監射王大臣按照原冊不復行查依樣葫蘆不能實心任事於此可見睿親王仁壽綿恩及正白旗滿洲都統文孚等俱著交各該衙門嚴加議處慶廉著仍照前旨歸

班銓選○又諭色卜星額奏試用人員較多請暫停分發一摺安徽試用人員據該撫查明現在需次者均已入浮於缺著照所請即將報捐知縣同知通判布政司經歷庫大使按察司照磨府屬州同直隸州州判府經歷縣丞主簿州吏目從九品未入流十四項人員暫停分發俟何項人數較少再請照常分發至所請本年新進士班以知縣即用人員暫停分發之處著吏部議奏尋奏查進士即

用知縣無論題調選缺俱准補用並不遲滯
向來並無各省請停即用進士分發成案該
撫所請應毋庸議從之○以光祿寺少卿梁
芾為浙江按察使○以籌辦福建闖屬義
倉及修省城鼓樓予候選員外郎梁逢辰等
加銜升補有差○修庫車沿河隄壩從辦事
大臣國椿請也○壬辰諭內閣現在內閣考
班中書將次補竣著吏部於新科即用知縣
內揀選帶領引見候朕錄用所有該部奏准

歸班進士帶領引見之處著毋庸議○又諭
前據御史許球奏陝西巡撫楊名颺各款
當降旨著湯金釗文慶前往查辦茲據湯金
釗等查明楊名颺被叅各款或事出有因或
風聞未確逐一研求俱無贓私情節惟失察
家人與鋪戶交結往來並在門房邀飲又不
能禁絕屬員眷屬出入衙署實屬關防不嚴
復於一家四命重案並不上緊督辦兇犯日
久未獲緝捕又復鬆懈楊名颺著交部嚴加

議處安康縣知縣汪平均雖與該撫素係戚
誼究有統屬乃不自引嫌聽憑伊妻與上司
眷屬拜往致招物議汪平均著交部議處咸
寧縣典史倪柱於伊妻至藩司署中探望親
戚不知禁止雖訊無與上司內眷往來亦有
不合倪柱著交部察議延長縣知縣郭思儀
前在紫陽縣任內於鄒周氏等一家四命重
案正兇未有著落乃於初叅限內調任轉得
置身事外郭思儀著即撤任並摘去頂帶飭

赴紫陽縣地方協緝勒限三箇月務獲正兇
如逾限無獲著即嚴行叅辦○又諭前因回
子郡王伊薩克在京當差習水土當降旨
加恩飭令即回本處調養茲據國椿奏稱該
郡王病已痊愈懇請代奏籲求賞給差使朕
心甚為欣慰但念該郡王年逾六旬若使遠
道來京依舊不習水土轉增勞勩伊薩克著
無庸來京隨時加意調攝以示朕體恤有功
回臣至意○又諭多爾濟喇布坦等奏喀爾

喀土謝圖汗部落各旗遊牧迭次被災不能相助應如何接濟貧民將一切公務移於別旗辦理之處請旨一摺喀爾喀土謝圖汗部落迭次被災牲畜受傷以致度日維艱殊堪軫惻著照多爾濟喇布坦等所奏將四部落正盟長副將軍等傳集庫倫查照上屆扎薩克圖汗等部落被災成案應如何接濟貧乏蒙古以及分辨一切公務之處著詳覈妥議辦理尋奏土謝圖汗部落赤貧蒙古一萬八

千一百七十一名請由本部落富戶喇嘛攢給牲畜養贍應派兵差三百九十五戶請攤派車臣汗部落二百四十四戶扎薩克圖汗部落四十二戶賽因諾顏部落九十三戶其餘十六戶由本部落有力之旗添派仍照舊例限三年俟土謝圖汗部落稍足即將攤派之差撤回從之○命前任四川布政使李義文以三四品京堂候補○癸巳諭內閣奕經奏查明部丁官田被衝缺額請以閒荒地畝

撥補一摺前因盛京浸牛湖河東等處官田水衝沙壓經普保奏請飭查閒荒撥補當降旨交奕經詳查妥辦茲據查明該處被衝地畝除於窪荒內開墾抵補外仍虧津貼額地二百二十二畝五分著准其以浸牛湖河東廢林至內荒熟地畝照數撥補以符原額其原勘不實之委員及擅令壯丁開墾閒荒之該管官均著查取職名送部分別議處該部知道○貸浙江海鹽縣濬白洋河銀○貸涼

州莊浪駐防官兵修衙署兵房俸餉銀○甲午諭軍機大臣等有人奏晉省吏治廢弛地方各官操守不講重案不辦幾成牢不可破積習請飭整頓等語該撫初膺外任於該省向來弊端無難秉公查詢藩司經額布甫經到任臬司慶林到任未久均無所用其回護著該撫即督飭藩臬兩司破除情面將摺內所指各款認真查究儻州縣中有簞簋不飭及隱匿要案者立即指名叅奏嚴行懲辦務

期和衷共濟力挽頽風毋得稍存諱飾方為不負委任原摺著鈔給閱看將此諭知申啓賢並傳諭經額布慶林知之尋奏不職各員均經歸入大計及專摺奏參至命盜重案皆發首府審辦當於試用牧令擇令幫同審理責成首府督率儋州縣中有簠簋不飭及隱匿要案者定當嚴行懲辦力挽頽風得旨所見皆是督同兩司黽勉而行以副委任日久毋忽○又諭寄諭兩廣總督鄧廷楨廣東巡

撫祁墳前任直隸布政使顏伯燾丁憂回籍久經服闋迄今尚未到京著該督等查明該員現在何處曾否啓程來京如尚在該省原籍著即飭知該員令其迅速來京聽候簡用將此諭令知之○乙未

上御勤政殿聽政○遣官祭

關帝廟○諭內閣御史趙光祖奏請嚴禁冒濫保題一摺各省三年大計黜陟攸關豈容以素有劣跡之員濫登薦牘上年廣西省大

計曾將潯州府知府孫世昌南寧府同知慶吉均行保舉卓異該員等旋被科臣糾參經朕特派大員往查分別予以懲辦孫世昌辦事顛預步履艱澀尚無別項劣跡是以僅予休致至慶吉以職官販私行同市僧又復捏稟朦詳現經審明發往軍臺效力贖罪似此劣員早應據實參劾該省何竟列入卓異員內濫行保舉殊非覈實激揚之道所有原保之各上司著交部查取職名分別照例議處

○又諭御史袁文祥奏請將湖南失察習教謀逆各地方官交部議處一摺前因湖南逆匪藍沅曠聚聚眾滋事一案勒辦完竣據該督請將各該地方官失察處分懇恩寬免當經降旨該管地方文武員弁若能將首逆立行拏獲尚可量予末減儻日久稽誅仍當重治其罪該省地方平曠即間有山峒林木亦易攀躋果能實力訪查跟蹤追捕何至數月之久罪人未得該地方官於上年得有風聞既

不能先事豫防致釀巨案迨至勒捕竣事又不能將首逆拏獲立正典刑遷延至今迄未弋獲尚復成何事體著該督等遵奉前旨迅將首逆藍沅曠設法拏獲毋任遠颺漏網致干咎戾至藍沅曠謀逆始自何時傳習青蓮教起自何人始於何年何月著湖廣四川各督撫等確切查明據實具奏尋奏據節次拏獲之逆犯楊再合等僉供藍沅曠於道光十五年六月間起意謀逆其青蓮教係四川成

都府人王又名輟轉傳習得旨歷任失察文武各官著交吏兵二部照例分別議處○又諭申啓賢奏紳民請代典史贖罪一摺山西已革趙城縣典史章際清以現任職官於逆匪戕官劫獄既已疏防又復潛匿予以革職杖徒本在不准援赦寬免之例所有該縣紳民呈請捐資代為贖罪之處著不准行○諭軍機大臣等山西榮河縣知縣武履中藉端科斂一案前經降旨交該撫嚴行查辦矣茲

復有人奏稱該撫委員查訊該縣武履中得信之後俛人向本地紳民說合退出原贓令各里長出結完案該撫現在委員覆查等語州縣因差科派藉飽私橐最為地方之害若如所奏該縣武履中既經科斂於前迨被叅以後復敢脅誘紳民出結了事良民畏累不得不為之隱忍聽其消弭即派員覆查亦難保無官官相護輟轉欺朦之事著該撫仍遵前旨嚴密訪查認真究辦即將該縣及經手

書差提省嚴究並摘傳紳民里長明切曉諭務將退贓誘結實情逐一審訊明確按律懲辦總期水落石出慎勿受其朦蔽將此諭令知之尋奏武履中訊無擾累行戶並餽送太原鎮總兵台費音禮物各情惟藉端科派收受銀一千三百兩迨奉旨查辦始將原銀退還復令里正倒填月日補具交銀代辦懇呈捏寫無庸里正備銀批示存卷是既科斂於前又復消弭於後請革職發往新疆效力贖

罪。總兵台費音訊無藉。差需索。收受餽送。惟失察。隨弁柏占魁。得受榮河縣辦差家丁茶資銀兩。請交部照例議處。下部議從之。○以前任和闡辦事大臣常豐。為太常寺卿。○貸直隸寶坻縣歉收貧民口糧。○丙申。

上詣

黑龍潭神祠祈雨。遣惇親王綿愷詣

天神壇。惠郡王綿愉詣

地祇壇。定親王奕紹詣

太歲壇。慶郡王綿懋詣清漪園

龍神廟。成郡王載銳詣靜明園

龍神廟祈雨。○諭內閣陶澍等奏請將幫丁應賠船米。分年辦理一摺。上年三月間。長淮三幫已革旗丁劉長清船隻不戒於火。延燒各船。焚燬米石。當經朱為弼等奏請分別賠。以示懲儆。茲據該督等查明各該幫丁苦累情形。懇請多分年限。照數賠補。朕思此項漕船被焚。事起倉卒。人力難施。且被別幫延

燒。與本船失事者有間。所有該旗丁等應行買補米二萬五千二百十三石零。著加恩全行寬免。其賠造船數較多之廬州頭淮安二揚州頭等三幫。著准其援照分年帶造成案。從本年冬季起。分限四年辦理。以示體恤。該部知道。○諭軍機大臣等。寄諭直隸總督琦善。京師上年冬雪稀少。本年自春徂夏。雖經疊次得雨。入土均未深透。現在節逾夏至。農田望澤尤殷。朕宵旰焦思。虔誠默禱。屢經降

旨設壇祈雨。並親詣

黑龍潭拈香。以冀速霈甘霖。該督於直隸通省得雨分寸。總未奏到。朕心實深廛念。著即查明保定省城一帶。曾否得有透雨。此外各府所屬地方情形如何。據實具奏。儻有應行撫卹接濟之處。務當妥為籌畫。未雨綢繆。庶免臨事周章。致有一夫失所。將此諭令知之。尋奏本月十四日自未至酉。省城及附近州縣得雨二三四寸不等。各屬尚未報到。民情

極為安靜尚無災歉之形亦無呈懇撫卹之事。報聞。○予福建臺灣軍營受傷副將溫兆鳳千總陳榮標劉英把總潘高陞謝大吉尤連高外委盧明生暨被戕營書民壯義民謝雲臺等一百八十三名分別賞卹如例。○丁酉諭內閣朕於本月十三日御門辦事兵部司員陳宗疇輪班引見傾跌失儀本日據炳輝等奏請將該員交部議處並將吏部押班司員交都察院察議陳宗疇是否偶爾失足

抑係年力衰老所致著兵部堂官查明據實具奏至吏部押班司員無從防範所請察議之處著無庸議該給事中等侍班糾儀目擊情形理應即行具摺奏參且此事無待商酌何以遲至本日始行具奏炳輝等著傳旨申飭○又諭御史朱成烈奏請禁州縣抵解錢糧折收倉穀一摺州縣錢糧倉穀絲粒宜歸實貯豈容以抵解折收致滋虧短若如該御史所奏州縣於應解錢糧往往以應領雜款

朦混抵解至領項應用則又輾轉那移以致正雜兩短及任滿交代又復折算抵交愈滋牽混積至虧短重重雖嚴切咨追終成懸款至倉穀一項州縣利於折價收取銀既入手亦復輾轉那移以至實貯皆成虛款種種弊端不可不防其漸著各省督撫藩司於州縣錢糧務令實徵實解不准以雜款坐抵其各屬倉穀務令該管道府實力盤查如有抵解折收等事立即叅劾以除積弊而重國帑將

此通諭知之○以京師雨澤愆期命刑部清理庶獄○戊戌

上詣綺春園問

皇太后安○諭內閣前因文孚上年四月間派審山東撤任知縣恩福一案並不按律懲辦九月間派審土默特貝子德勒克色楞一案不實不盡降旨訓飭並予以處分各大臣等自應振刷精神消除積習乃近日正白旗滿洲都統等於咨送慶廉考試之件瞻徇情面

濫行考送。派出監射王大臣。亦即按照原冊。不復行查。實屬不能實心任事。經兵部照例。嚴議具奏。文孚雖在出差期內。未幾即已回任。且係一旗之都統。推諉摸稜。不知悔改。並不檢查案卷。秉公駁斥。竟爾緘默不言。且於明白回奏時。並未將出差原由聲敘。安福拘泥例文。於慶廉形同殘廢。並不止於手疾。率准咨送。監射王大臣。鑲白旗漢軍都統睿親王。仁壽鑲藍旗蒙古都統綿偲。依照原冊免

考。不行據實查辦。朕綜理庶政十六年矣。諸王大臣尚不知朕惟求一實字耶。文孚著革去都統。安福著革去副都統。仍各罰俸二年。仁壽綿偲均著革去都統。仍各罰職任俸二年。俱不准其抵銷。此係朕格外從寬辦理。諸王大臣等惟當益矢慎勤。不避嫌怨。無負諄諄訓誡之意。○以都察院左都御史吳椿為禮部尚書。吏部左侍郎李宗昉為都察院左都御史。轉吏部右侍郎龔守正為左侍郎。調

禮部左侍郎卓秉恬為吏部右侍郎。轉禮部右侍郎陳官俊為左侍郎。以內閣學士史評為禮部右侍郎。仍留浙江學政任。○調鑲紅旗蒙古都統綿愷為正白旗滿洲都統。以鑲紅旗滿洲副都統敬徵為鑲紅旗蒙古都統。鑲藍旗滿洲副都統桂輪為鑲白旗漢軍都統。前任吉林將軍樂善為鑲藍旗蒙古都統。調正紅旗蒙古副都統貴慶為正白旗滿洲副都統。以兵部右侍郎溥治兼正紅旗蒙古

副都統。○以翰林院侍講福濟充日講起居注官。○以廣西布政使花杰護巡撫。○贈故禮部尚書汪守和太子太保。予祭葬。○旌表守正捐軀直隸衡水縣民李安母韓氏。○己亥諭內閣。鐵麟等奏請飭催漕船迅速抵關等語。南漕首進大河前幫。趨入天津關。已有數日。後幫未據續報入關。經該侍郎等查係山東開河水淺。又有木筏銅船插檔行走。以致軍船節節阻滯。後幫現在脫空。尚無到關

之信著直隸總督山東巡撫河東河道總督迅速籌水濟運嚴飭沿河文武員弁加緊催趨並飭地方官多雇船隻以備軍船起剝務令銜尾北來不准再有遲延致誤重運○轉刑部右侍郎貴慶為左侍郎調盛京禮部侍郎明訓為刑部右侍郎以哈密辦事大臣薩迎阿為盛京禮部侍郎○轉京營右翼總兵聯順為左翼總兵以泰寧鎮總兵官奎照為京營右翼總兵未到京前仍以吏部左侍郎桂輪署理以刑部左侍郎廉敬為泰寧鎮總兵官兼總管內務府大臣○以貝子濟克默特為左翼前鋒統領調鑲紅旗漢軍副都統隆文為鑲紅旗滿洲副都統以鎮國公奕興為鑲紅旗漢軍副都統調鑲白旗蒙古副都統棍楚克策楞為鑲藍旗滿洲副都統以前任烏魯木齊領隊大臣阿保為鑲白旗蒙古副都統○庚子

上幸萬壽山詣

廣潤祠拈香○諭內閣御史黃仲容奏請禁佐貳佐雜人員委署簾缺一摺各直省每屆鄉試之年現任州縣調充內外簾官所出調簾之缺例應於候補人員內慎選派委以重職守若如該御史所奏外省竟以委署簾缺為調劑如布政按察二司經歷及通判州同州判府經歷縣丞各項人員或因本任缺苦百計鑽營希圖需潤上司瞻徇情面委牌一下本任官即送與薪水銀兩此輩佐貳等官視為利藪到任之日戶婚田土事件或受賄消弭或縱差株累至於命盜巨案則又置之不問俟本任官回任自行購線緝捕需時既久兇犯必致遠颺案情必致積壓是委署不得其人貽誤地方不淺嗣後各省州縣調簾之缺著該督撫先於候補人員內慎選委署如無候補人員方准於佐貳等官內擇其老成端謹者酌委以重地方而杜冒濫將此通諭知之○又諭給事中那瑪善等奏解庫零

款積久延宕。請飭部查辦。一摺。各處應交銀庫銀兩。於具文批解時。即應持銀到部。該部即出具劄付。赴庫交納。豈容任意宕延。茲據奏稱。左翼鐵匠營應解道光十五年節省鑪座銀兩。批文到部後。遲至數月。始行交納。其右翼節省鑪座銀兩。迄今尚未交庫。著戶部查明此項銀兩。因何遲延。是否別有情弊。分別辦理。嗣後如何妥立章程。使庫項不致延宕。著一併覈議具奏。尋奏查節省鑪座銀兩。係傳各匠役面交。人數眾多。一時難以湊齊。向於年底奏銷。次年赴部交納。尚無別項情弊。惟庫項攸關。請仍照向定章程辦理。三日付庫。五日驗收。儻有遲逾。即行叅辦。從之。○又諭給事中那瑪善等奏各省批解部庫銀兩。請先咨都察院一摺。各省銀鞘到京。向由該管官結報。汎地再由步軍統領衙門知照。部庫立法已屬周詳。惟於未至京之先。難保無截留勾串。私出劄付。批回等弊。著各督撫

監督鹽政。嗣後批解部庫銀兩。即將款項數目及領解職名。起解日期。程限具文。飛咨都察院衙門。由都察院堂官劄知稽查銀庫科道。設檔登記。彈收後註銷。並著於年終彙造批解總冊。咨交都察院查覈。至在京各衙門零款。及各省搭解畸零款項。著一體遵照辦理。以杜弊混。而重庫務。○又諭佐貳擅受呈詞。久干例禁。曾經屢次降旨嚴禁。陋習各直省督撫。自應一體恪遵。乃本年據瑚松額叅

奏白馬州州判吳士敏濫刑拷斃四命。烏爾恭額叅署嘉興府通判丁廷鈺濫刑枷責民人錢同甫。惠吉叅賀縣典史田承澍杖責龍克瓊斃命。申啓賢叅岳陽縣典史周紹宗刑訊程滿桂斃命。兩月之間。層見疊出。其未經發覺者。更不知凡幾。是各督撫等以朕諄諄告誡之詞。視為具文。並不實力奉行。挽回積習。已可概見。近聞各省吏目典史署內。捕役拏鎖鄉民。設立差館。土地祠二處。地方以為

拘押之所。縱差勒索。筭楚不堪。此等以酷濟貪。玩視民命之員。皆因該管上司約束不嚴。以至肆行無忌。與其參處於濫刑之後。孰若禁止於擅受之先。著通諭各督撫嚴飭所屬印官。密行查訪。如有擅受。不待濫刑。即稟知嚴叅。儻徇情隱飾。一經破案。將印官一併叅處。以恤民命而專責成。○諭軍機大臣等。本日據御史沈鐸奏。外省行用洋錢。請量為裁制。一摺。據稱洋錢來自外洋。雖係用銀鑄造。

成色甚屬低潮。外夷攜來內地。換回足色紋銀。每年難以數計。內地商民多以洋錢便於使用。更可多換錢文。甚至元寶銀兩亦須換作洋錢。再換制錢。方為得利。其荒僻之區。則但知有洋錢而不知有銀兩。數年以後。到處俱以洋錢交易。關繫非淺等語。洋錢流布東南。已非一日。前於道光十二三年間。曾經地方官曉諭商民人等。不能驟行禁止。勢所必然。朕思洋錢來自外洋。流布廣東。徧及他省。

若外洋來粵貿易。以貨易貨。實力稽查。銀兩不准出洋。洋錢價值自可不至昂貴。著鄧廷楨等體察情形。酌定章程。據實具奏。要在日久遵行。毫無窒礙。方為至妥。不得以空言塞責。致日久仍屬具文也。將此諭知鄧廷楨。祁墳並傳諭文祥知之。○又諭有人奏。江西藩司署內劣幕吳雷門。盤踞數十年之久。不肖州縣慕其勢力。拜為老座。各屬幕友分授小戳。明薦館地。暗串分肥。其子姪兄弟親戚朋友多開紹酒南貨錢店。凡賄商要案。悉由此路關通。州縣間有不與交結。其申詳文案。動遭駁飭。近復使其子進署代辦一切案件。以致外間嘖有煩言等語。幕友襄辦稿案。不過分任檢查。原所不禁。若如所奏。把持官府。勾串招搖。無所不至。大為地方之害。著陳鑾嚴密查明。該幕係何年月日。廁名藩署。其子弟果否出入衙署。干預公事。如查有種種劣跡。即當按律懲辦。毋稍寬貸。並將勾串各劣幕。

一一查明即時驅逐出境不准暗地藏匿改名溷跡以肅官常而禁奸蠹將此諭令知之○調鑲藍旗蒙古副都統吉倫泰為正黃旗滿洲副都統以金州城守尉成凱為鑲藍旗蒙古副都統○辛丑諭內閣近來外省咨奏案件諸多顛預半係調停了事故詞每抑揚語涉朦混前曾降旨如有以控出有因懷疑誤控字樣結案者著刑部隨案奏明駁斥本日據寶興等覆奏審明四川義邊廳夷匪擄

掠一案既經訊出與十三支夷並無干涉該民人徐惻林所控多有未實何以又云該民人因被擄家口情急赴控尚屬有因可見外省辦理案件類多兩可之詞毫無定見朕綜理庶政總求一實字嗣後各直省無論咨奏控案務當秉公研鞠虛則虛實則實不得含混摸稜力除從前積習四川距京稍遠想尚未奉到昨降諭旨姑免置議署義邊廳安岳縣知縣濮瑗於漢民被擄雖經稟報藩司並

未通詳前任四川布政使候補京堂李義文署義邊廳參將唐永清於該夷滋事僅止會同彈壓並未稟報均著交部議處成都將軍寶興四川總督鄂山提督余步雲未經查明該夷滋事僅以安靜具奏亦有不合均著交部察議該部知道○諭軍機大臣等本日有人奏廣東候補通判朱澐初本遊幕粵東在臬司幕內多年致富遵酌增常例捐納通判仍掣廣東連州徭匪滋事時該員懇求上官

隨營辦理軍需大功告竣奏請賞戴花翎以同知升用經部議駁仍歸本班儘先並賞戴藍翎近在廣東省城狀元橋街買地建置大宅聲勢赫然又有臬幕李廷泰楊尚文係該通判幕學弟子因此夤緣交通復將該通判親弟捐納府經歷分發四川之朱果薦入臬幕該通判朱樑常在臬司衙門辦理發審案件內外朋比招搖市權致粵東一省官場幕友旦夕奔走該通判之門一時遂有瘟朱及

朱七大王名目該通判自遊幕及分發在粵多年凡廣東省會各幕大半皆與有瓜葛肇慶府幕朱樹亦其兄弟親屬門徒布滿粵東不知謹慎遠嫌反使兄弟夤緣臬幕誇張聲勢威福自專已可概見該省現有瓊州府富爾崇阿幕友李中杰向所屬會同縣知縣趙榮勅薦乾館不遂遇事苛求以致縣府互揭提省叅辦李中杰畏罪自盡該通判朱樑承審百般恐嚇趙榮該縣堅不輸承尚未定案

各等語臬司為通省刑名總匯豈可令職官兄弟盤踞把持以致百弊叢生該通判之弟朱果業以府經歷分發四川若非夤緣交通豈肯舍官就幕至瓊州府知府富爾崇阿與會同縣知縣趙榮互揭之案何以久未定讞該幕李中杰是否因勒薦乾館畏罪自盡及通判朱樑承審恐嚇等情均應徹底根究著恩銘趙盛奎迅即查明嚴加懲辦以端幕習而儆官邪毋得稍有實不實將此諭令知

之○又諭御史李紹昉奏稽查三省毗連地界匪徒以靖地方一摺據稱廣西泗城府屬之西隆州百隘地方與雲南廣南府貴州興義府連界三省通衢距城窺遠匪徒易於叢集近日廣東會匪犯案後多竄匿於此勾通土惡結黨成羣名為大貨手大為鄉里過客之害其山谿僻處時有不全屍骸地方官既失於查拏百姓又不敢首告甚至被擾之家逼脅入夥等語此等匪徒聚眾擾害閭閻若不早為懲治愈聚愈多必致釀成巨案著鄧廷楨等確查懲辦並著酌定章程或州縣設法查拏或營員定期會哨以期盜藪肅清至所稱調撥內地文武員弁額設兵役改移建置俾聲勢聯絡緝捕得力之處均著該督撫會同悉心妥議具奏將此各諭令知之○以

惇親王綿愷為閔兵大臣○以京師雨澤愆期命步軍統領五城順天府直隸清理庶獄○壬寅修山東魚臺汛運河緯道從河道總

督粟毓美請也○癸卯諭內閣葉紹本奏陳外省審案積習一摺各省州縣審理詞訟成招後詳解各上司覈轉遇有供情翻異及控訴原審不實者不得不委員覆審該委員等自應秉公研鞫以期案確情真若如所奏近來委審之員不能實心勘訊非迎合上司意指即瞻徇同官情面往往含糊草率甚或懷私挾詐變亂是非上司受其朦蔽照詳定案無怪屢審屢翻率行來京控告著各該督撫

臬司等嗣後遇有發審案件務選廉明公正幹練老成者派令覆審不准以心術不端浮華巧詐之員濫行充數該督撫等仍隨時加意查察儻有執法舞弊曲直混淆者即行據實嚴叅毋得稍有徇隱以歸覈實而免冤濫將此通諭知之○甲辰

上詣綺春園問

皇太后安○修浙江西塘李家汛等處柴埽盤頭並錢塘縣江塘從巡撫烏爾恭額請也○

乙巳

孝恭仁皇后忌辰遣官祭

景陵○諭軍機大臣等有人奏江西省貪劣各員聲名狼籍劣款昭著等語事關官吏飭法營私貪婪不職閭閻苦累取怨沸騰如果屬實必應嚴行查辦以儆官邪著恩銘趙盛奎於查辦廣東事竣後先赴江西會同巡撫陳鑾將摺內所指各該員款跡逐一確查秉公訊究務得實情按律懲辦方為不負委任原

摺著鈔給閱看將此諭令知之○調兵部左侍郎廖鴻荃為工部右侍郎兼管錢法堂事務轉兵部右侍郎史譜為左侍郎以前任內閣學士祁寯藻為兵部右侍郎○命四川松潘鎮總兵官世泰來京調福建汀州鎮總兵官張作功為松潘鎮總兵官以湖北竹山協副將陶飛熊為汀州鎮總兵官○以按查三進各幫私帶器械予漕標千總謝有桂等升敘加銜有差○丙午宗人府奏惠郡王綿愉

失察護衛梅世英謀占地畝請罰郡王俸半年毋庸查級議抵得旨著照頭品職任罰俸半年不准抵銷○丁未

上幸靜明園詣

龍神廟祈雨遣惇親王綿愷詣

關帝廟惠郡王綿愉詣

城隍廟定親王奕紹詣密雲縣

白龍潭祈雨○諭軍機大臣等本日據通政使司參議劉誼奏請飭算川省捐輸軍需銀

款並將餘存銀兩生息以資邊防一摺著湯金釗文慶調取簿冊徹底清查如前任藩司李義文實有侵冒情弊立即從嚴叅奏毋稍徇隱原摺著發給閱看再本年二月內四川民人陳姓來京具控行抵直隸涿州被竊報案經該州飭委吏目查驗撥出呈詞一紙係列款控告該省軍需稟知直隸總督委員將該民人解回四川原籍著湯金釗文慶即查明本年直隸解回人犯如果有陳姓其人嚴

密提省是否帶有呈詞經該州地方官撥出所列各款情節虛實務須逐一查明秉公叢辨據實具奏將此密諭知之○又諭有人奏本年二月內四川民人陳姓來京具控行抵涿州被竊報案經該州飭委吏目赴該民人歇店查驗撥出呈詞一紙係列款控告該省軍需稟知琦善委員將該民人解回四川原籍等語民人赴京控告無論虛實均應究辦如四川民人陳姓果有控告軍需呈詞該督果否於該州稟報後將該民人解回原籍著據實覆奏毋稍諱飾將此諭令知之○乙酉旌表守正捐軀四川太平縣民劉惻潤童養媳康么女○庚戌

上詣

大高殿行禮○還宮○以祈雨

三壇齋戒一日○辛亥

上詣

天神壇祈雨遣惇親王綿愷詣

地祇壇惠郡王綿愉詣

太歲壇祈雨○幸圓明園○詣綺春園問

皇太后安○壬子諭內閣向來親祀

天神壇降輿升輿俱有一定處所各該執事人員理宜遵照儀注敬謹將事本日據太常寺參奏並鑾儀衛奏請處分各一摺此次朕親詣

天神壇祈雨各該員等並未細心詳查致降輿處與儀注不符實屬錯誤鑾儀衛掌衛事

大臣載銓鑾儀使聯順錫霖冠軍使裕瑞俱著交部嚴加議處贊引官廣昌對引大臣裕誠並不即時阻止著交部議處前引十大臣均著交部察議尋議上得旨載銓聯順俱著於職任內降一級留任錫霖裕瑞俱著降一級留任廣昌裕誠俱著罰俸六箇月奕興盛桂成山道慶法克興阿樂英綿性阿玉璽俱著罰職任俸三箇月均准其抵銷所有盛福崇恩各罰職任俸三箇月之處亦著准其抵

銷○又諭前據御史陳功奏兵部司員辦理

考試朦混當派耆英武忠額查奏茲據奏稱慶廉於道光十一年送考時曾經監射大臣覈駁扣除十一年監射大臣係奕繪那清安辦理其屬認真本年將慶廉送試之監射王大臣等業經量予處分奕繪等秉公持正自應酌量加恩以示平允奕繪現因病開缺著加恩賞食半俸那清安現已身故伊子全慶著賞加二級此案兵部司員容恩伊齡安俱

著解任交大學士軍機大臣訊明具奏○諭軍機大臣等據恩銘等奏廣東莞縣命婦盧尹氏具控伊子已革刑部郎中盧應翔被叅革職一案現已審訊完竣白讓卿陽金城尚未到粵無須質訊已行文沿途截留飭令該員等回京回省其暫行解任之案應請查銷聽候部議等語該尚書等自係未經接奉續降諭旨故有此奏此時白讓卿等想已陸續抵粵該尚書等務須破除情面秉公查辦

如該員等奉文截回該尚書等即迅速行文沿途催令該員等無論行抵何處仍著前赴粵東聽候質訊此次摺件著暫留俟訊明白讓卿陽金城奏到時再降諭旨將此諭令知之○補行道光十五年大計福建卓異官九員年老官二員有疾官二員才力不及官三員浮躁官一員不謹官四員分別議敘處分如例○展緩江蘇蕭海沔陽贛榆四州縣歉收村莊新舊額賦

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十三

大清宣宗效天符運立中體正至丈聖武智勇
仁慈儉勤孝敏成皇帝實錄卷之二百八十四

監院總辦時常護理臣日講起居注官太子太保體仁閣大學士文淵閣領侍衛內大臣等管理六部事務上書房總辦翰林院庶吉士等學政順天府尹事務禮部增加五級紀錄十八次。戶部管理鹽課司提議官吏新舊錢監并海軍都統等處新舊營城內百有六戶督察內
七倉大臣稽察會同四譯館事務和二級隨帶加三級原功加三級紀錄五次。日北分納理廷議官文淵閣學士閣學兼管六部事務管理
內務府大臣鑲黃旗滿洲副都統稽察西七倉大臣管理宗人府銀庫左翼右翼官署寧壽宮圓明園等處稽察官員及御膳房均屬其大
醫院總辦處事務禮部加十八級阿靈阿副理奏官總理漢官兵部事務禮部加九級紀錄二十次。日圖額略等奉

敕修

道光十六年丙申六月癸丑朔諭內閣據琦

善奏鳳中二幫糧船水手孟學思康氏能閨
皮臉即閨衣傳三人手執刀械在故城縣南
關外訛詐鹽船錢文經該縣知縣等會營查
拏該犯用刀將河兵拒傷現將孟學思康氏
能拏獲閨皮臉查已逃逸等語糧船水手各
給腰牌原以防滋事而杜冒濶乃本年甫經
奏定章程旋有孟學思等藏匿兇器解棄腰
牌登岸訛詐拒捕傷差可見該管官弁並不
能實力奉行仍前玩泄且前據漕運總督奏

稱首二進各幫船行抵淮安。業經派員按船
挖起違禁器械。何以現獲之孟學思等。又復
持有順刀。此項兇器。置自何處。是否原來藏
帶。抑途中另有造賣接濟之處。著該督徹底
追究。盡法懲治。並著該漕督將逸犯閔皮臉
即勒令原保之頭舵迅行交出。移解直隸。歸
案審辦。毋許藉詞支延。所有鳳中二幫弁丁
及總運廳員。著該漕督查明分別叅處。○又
諭。前據劉誼奏。本年二月內四川民人陳姓。

實錄卷之六

上

來京具控該省軍需。行至涿州。被竊報案。該
督即將該民人解回原籍。當降旨令琦善據
實覆奏。茲據該督奏稱。查明本年二月。並無
四川民人陳姓在涿州被獲。列款控告該省
軍需之事。惟上年十二月間。良鄉縣有四川
民人蘇應勳報稱。伊在琉璃河遺失銀錢。該
縣當堂查訊。並挖獲呈底一紙。稟經該督派
員訊明。該民人因伊業師于獲勤父子。於道
光十二年被夷匪搶去。總未放出。欲赴京呈

控。請動兵征剿夷匪。其呈內鋪敘滋擾各情。
皆在未經勦辦以前。且該民人並未在本省
各衙門呈控。遽欲赴京越訴。該督將該民人
咨同四川總督查辦。並無不合。所有劉誼原
奏。著毋庸議。○除直隸寧河縣被水衝塌地
一十七頃七十五畝有奇額賦。○甲寅。諭內
閣。惠郡王綿愉福晉園寢。著官為經理。派克
蒙額專司其事。其撥換地畝。著於近年會計
司革退莊頭退交各州縣官地內。由內務府

實錄卷之六

上

數計租數。就近撥換。○又諭。陶澍等奏。本年
漕船渡黃日期。比較上三年。計早數十餘日
不等。請將尤為出力各員。分別鼓勵等語。
漕糧為天庾正供。例應早兌早開。於四月初
十日以前。全數趨至清江。剋期抵壩。渡黃北
上。近年以來。逐漸遲緩。並未見該督等將玩
誤之員指名叅奏。本年渡黃日期。不過比遲
緩之年較早。該督等遽請鼓勵。是該督等祇
知賞而不知罰。不足以昭激勵。且所請將印

委各員弁加銜及儘先升補之處亦未免過優姑念此次全漕渡竣尚在大汛以前該員弁等亦有微勞自應酌予獎勵山陽縣知縣張用熙署清河縣知縣陳廷連長淮衛守備張貽桂東昌衛守備劉大有清河縣外河縣丞張嘉琳安東縣縣丞沈樹基試用布政司理問陳丙候補衛千總楊懋和廖壽彭均著加恩交部議敘該部知道○乙卯諭內閣嵩溥奏京控案内卷證延不解審請將該旗員

分別議處一摺土默特貝子旗蒙古步達扎布赴步軍統領衙門呈控田廣生等霸地抗租等情一案事閱五年之久該旗員等並不將案卷人證解交審辦疊經降旨飭催仍復玩泄非尋常遲延可比土默特貝子旗署理扎薩克印務協理台吉索都巴扎木素協理台吉旺沁巴拉色巴拉俱著交理藩院嚴加議處貝子德勒克色楞雖在京當差亦難諉為不知著交理藩院照例議處至此案控聞

地畝必須就近勘訊以昭覈實著嚴飭該旗將台吉彭保等及檔案地圖一併移交三座塔理事司員會同朝陽縣傳集田廣生等勘訊明確照例辦理如該司員等於該旗移交卷證後仍不能依限完結即將該司員等叅處以清積案而儆玩延○以祈禱靈應頒江蘇吳縣鄧尉山光福寺

御書扁額日慈雲佑護○命兵部右侍郎祁寯藻仍在南書房行走○丙辰諭內閣嗣後凡

緣事革職降調應行離省之員該督撫於交代清楚後不給咨令其回籍及回籍候補赴部候選轉將該員留省差委藉端保奏者著照委署別缺之例定為降一級調用私罪該部即載入則例通行各直省著為令○諭軍機大臣等有人奏四川涪州知州楊上容賦性貪酷惟利是營勒索鹽店規禮鎖押店商再復旦向煒索勒贖銀至一萬六千兩之多該處士民編刻歌謠到處張貼又江津縣知

縣郭彬圖。任性驕橫。輿情不洽。該員於升任後。戀缺鑽營。逗留江津。不赴新任。又升任資州華陽縣知縣。舒翼蘭。茸糊塗。每遇訊案。奄然鼾睡。物議紛騰。有舒翼子之號。各等語。州縣為親民之官。如有戕法營私。即應隨時叅辦。楊上容賄賂刑求。致士民編刻歌謠。該管上司何竟漫無覺察。至郭彬圖是否逗留盤踞。並有無餽送情事。舒翼何以轉得升階。著湯金釗等嚴密查訪。如得確情。據實叅辦。毋

欽此

下

得稍存瞻徇。自蹈欺隱之咎。原摺著鈔給閱看。將此諭令知之。○以拏獲漕船滋事要犯。予河標遊擊馮萬青等升補有差。○丁巳。

上詣綺春園問

皇太后安。○諭內閣貴州黎平府知府張鳳翽。於地方應辦公事。多不經心。毫無振作。既據該管道面稟前任巡撫裕泰。即應專摺叅奏。或列入計典甄別。乃該撫僅於年終密摺內。註明請旨休致。及至降旨詢問。始據實覆奏。

督撫大員。於此等闕茸之員。既有灼見。即當不避嫌怨。明列奏章。庶所屬共見共聞。咸知儆惕。裕泰於調任後。並不補行叅劾。實屬顛預了事。裕泰著交部議處。張鳳翽著勒令休致。○戊午。諭內閣。前因御史黃仲容奏。廣東普寧縣知縣湯聘三。徵收錢糧。需索規費。致釀械鬪巨案。澄海縣知縣張文化。嗜酒廢公。積案不辦等情。當經降旨著恩銘等秉公查辦。茲據查明。上年普寧縣大壩等鄉與橫

欽此

上

山等鄉械鬪一案。係在湯聘三卸事之後。因陳張二姓彼此挾嫌互鬪。並非因需索規費起釁。業經該撫審明奏結。張文化在澄海縣任內。據報被劫被竊各案。並無四十餘起之多。被劫各案。俱經獲犯。被竊各案。亦已獲犯多起。其蔡芳家被劫一案。並非該員任內之事。該員接緝後。又經獲犯一名。尚非懸案不辦。亦無縱酒廢公情事。惟陳文忠家被劫一案。並未具報。是否有改劫為竊情弊。著都廷

積遠委誠安之員前往該縣確切查明據實具奏尋奏遵旨查明並無陳文忠家被竊一案報聞○又諭恩銘等奏請飭查遲延摺件之州縣指名參奏等語恩銘等前在廣西拜發摺件已於五月初十日奏到查沿途各驛站均係按程遞送尚無遲誤惟查四月三十日已至廣西平樂縣由平樂至蒼梧計程不過五百四十里何以遲至八日始行遞至蒼梧且將兵部火牌內填寫程站之處塗改模糊實屬玩延著鄧廷楨查明係何州縣遲延指名參奏尋奏蒼梧縣差役李裕因水漲不能過渡將排單內申字塗改酉字希圖朦混其遲誤各縣均請交部議處從之○諭軍機大臣等有人奏湖南鎮軍兵勇起釁逞兇及戕官挾制該省辦理觀望遷延情形一摺據稱本年正月十八日兵勇因土俗祭神該道常慶使人彈壓不服乘勢鬧至道署該道平日信用之吳立恐伊平日所為被眾當堂說

出力主該道踰垣逃匿吳立夤夜奔往乾州搭船遠遁充當該鎮巡捕之滕千總承領上年緝匪案內兵勇卹賞銀兩該千總與藩司書吏通同折扣每名應領五十兩者七扣發銀三十五兩應領三十兩者發銀二十一兩總督訥爾經額因武岡會匪滋事前往查辦事竣儘可就近馳往鎮軍彈壓乃自該處正月滋事後遲延二三月之久復又久住寶慶府城及得該處戕官信息猶不趕緊馳往查辦尚藉開兵為名各處逗留遷延時日各等語本年正月鎮軍兵勇滋事之時該道常慶踰垣逃匿所信用之吳立夤夜奔往乾州搭船遠遁滕千總與藩司書吏通同剋扣是否屬實著訥爾經額等查明具奏並將吳立等密速緝拏嚴切根究至訥爾經額因何各處逗留遷延時日之處著該督明白回奏又酌擬苗疆善後章程一摺著訥爾經額裕泰楊芳會同詳悉妥議具奏原摺鈔給閱看將此

諭知訥爾經額。裕泰。並傳諭楊芳知之。○又諭前據程祖洛等奏請獎勵福建省捐辦義倉官紳摺內。聲稱梁章鉅先自勸捐。並相地建倉。嗣因奉旨進京。其子候選員外郎梁逢辰。接手勸捐竣事。並自捐銀四千兩。請旨歸部儘先選用等語。當降旨允准。茲有人奏。梁逢辰於上年八月。隨同伊父進京。九月復隨任甘肅。該員現在京中。飭查屬實。何以該督等奏稱梁逢辰於梁章鉅進京之後。接手勸捐。請予儘先選用。著程祖洛魏元愷。明白回奏。將此各諭令知之。○以故廣西思恩府屬舊城司土巡檢黃中炯子域襲職。○己未諭內閣。前據琦善奏請將道光十年以前旗租積欠一體豁免。當降旨交部議奏。經該部以承領官地與民人自置田畝不同。駁令嚴飭催徵。已依議行矣。朕思民人佃種旗地向來遇有偏災。亦與民田一律蠲緩。道光元年四年。曾將嘉慶六年起至二十五年實欠在民

實錄卷一百八十四

十

之旗租銀穀。降旨豁免。其道光元年至四年積欠銀穀。分年帶徵。今據該督查明元年至十年。尚有旗租銀十五萬餘兩。穀一千三百餘石。未能徵起。此項佃種旗地之民。近隸畿疆。同深望澤。著加恩一體豁免。以普仁施。該督即刊刻謄黃。徧行曉諭。並照例按戶付給免單。嚴禁吏胥影射需索等弊。務令實惠及民。用副朕推恩布聞至意。○庚申。諭內閣。御史成觀宣奏。三庫解物。請一體咨報都察院一摺。前據給事中那瑪善等奏。各省批解庫銀。請先咨都察院。當經降旨准行。茲據該御史奏稱。三庫解物。情形相同。請飭一體咨報外省解庫銀物。絲毫皆關緊要。查覈弊竇。均宜周密。著各省督撫監督鹽政。嗣後批解三庫銀物。於委員起解之時。將所解銀物數目。及領解職名。起程日期。一體具文咨報都察院衙門。以憑劄知查庫科道。一體遵辦。以杜弊混而重庫務。○又諭前據耆英等查明御

實錄卷二百六

十二

史陳功奏。兵部司員辦理考試。朦混一案。當降旨交大學士軍機大臣訊明具奏。茲據長齡等奏稱。本科進士慶廉。係兵部員外郎容恩胞姪。容恩以該部掌印司員。於胞姪應試。輒與伊齡安會同辦理。通行。伊齡安以向無通行之例。輒因檢查慶廉圖片。改換例文。通行八旗。實屬有心舞弊。容恩、伊齡安。不必交部議處。著即行革職。以示懲儆。兵部堂官於該員等同堂辦理。並無覺察。著查取職名。交部議處。現任兵部各堂官。未能將此案溯查。亦屬疏忽。著交部察議。慶廉會試。自係內場憑文取中。然非容恩等朦混行文。該監射大臣等濫行咨送。豈能倖邀入場。且此次覆試殿試。俱名次在後。朝考又未經入選。即以文理而論。亦屬平常。著革去進士。以為朦混倖進者戒。嗣後八旗士子。必實係有手疾者。方准遵照定例。免其考試騎射。不得以有疾朦混。概行免考。以符定制而拔真才。○諭軍

機大臣等。本日據都察院奏。湖南桂陽州民人曾家敬。以掘冢匿骸賄延不究等詞具控。已明降諭旨。交裕泰審訊矣。此案民人曾家敬。呈控劉昌鳳等掘伊遠祖墳墓。藏匿棺骸。業經歷任地方官勘明屬實。又將各犯監追繳骸。迨俟知州到任。輒被衿棍賄串。丁書抽換供卷。將各犯釋放。案懸四載。疊控未究等情。案關掘冢匿骸。官吏換卷舞弊。不可不嚴行究辦。著裕泰即親提人證卷宗。將案內所指各情。秉公嚴審。以期水落石出。按律定擬具奏。將此諭令知之。尋奏。訊明劉昌鳳等挖掘曾家敬祖墳。實係年遠骸骨。朽化無存。並非藏匿。官吏亦無受賄換卷情事。按律擬結下部議。從之。○辛酉。諭內閣。朕於本年七月十六日起。閱看圓明園八旗兵丁步射。著該管大臣等。每旗由護軍校委護軍校護軍內。各揀選五十名。每日帶領二十名。候朕閱看。仍著照舊。每人射箭兩枝。此次豫備步射之

兵丁等。下次俱著毋庸豫備。朕閱看之後。將
射箭兵丁花名。造冊咨報軍機處。以備查覈。
○又諭國家營制之設。原以校閱操防。習勞
肄武。自提鎮以至備弁。莫不有訓練兵丁之
責。必須平日講求騎射。操演認真。俾士卒悉
成勁旅。方為無忝厥職。至筆墨文藝。本非武
弁所重。若留心肄習。轉致荒廢營務。則是重
其所輕。必至輕其所重。於一切校閱操防。安
望其實力經理耶。近來各省武弁。盡知文義。

實錄卷一百四

十四

好弄筆墨。以致營伍廢弛者。頗不乏人。著各
直省督撫於大小營員。隨時訓誡。俾知前除
舊習。專心操練。如有仍蹈前轍。不知悔改者。
立即指名叅奏。至文職人員。科甲出身者多。
文藝本其素習。一經出膺外任。自當以地方
公事為重。實力講求。尚恐民隱未及周知。政
務或有貽誤。若更分心筆墨。必致公事拋荒。
殊非恪共盡職之義。並著各督撫隨事隨時。
悉心察看。儻有專耽文事。不以公務為重之

員。務須嚴加甄覈。無稍瞻徇。用副朕黜華崇
實之至意。將此通諭知之。○壬戌。諭內閣。御
史黃仲容奏。軍流人犯在配逃回。請飭認真
管束一摺。各省軍流發遣人犯。交地方官嚴
加管束。按時查點。立法本為周密。本年四月
因黃爵滋條奏。曾經降旨通諭各直省督撫。
遇有逃軍案件。即將配所及本籍印官疏縱
容留。分別叅處。近來軍流人犯。由配所逃回
原籍。復行犯案者甚多。並有捏報病故情弊。

實錄卷一百四

十五

此等發配人犯。由本籍註明犯罪事由。遞解
配所。原屬法所難寬。似此任意脫逃。王法竟
成虛設。著各直省督撫督飭所屬府州縣官
嚴行管束。如有脫逃滋事。一經破案。即查明
配所逃回年月。並歷任官員職名。有無朦詳
捏報之處。分別從嚴叅處。以肅法紀。而杜奸
萌。○又諭。前據恩特亨額奏。各省幫船由天
津回空時。請飭天津鎮道稽查水手器械。當
降旨交軍機大臣等議奏。茲據奏稱該漕督

每年督押三進糧船北行。約計首進回空時。該漕督尚在山東開河一帶。若必責令該漕督督屬檢查。實有鞭長莫及之勢。著直隸總督飭令天津鎮道督率地方文武運委員弁。於該處就近河面寬闊處所。認真查辦。儻各該幫船內。仍有私藏刀械鳥槍等器。一經查出。立即從嚴究辦。如差役兵目人等得規徇庇。即行從重治罪。其派出各員弁。有不實力檢查者。著該管各上司指名叅處。自此次明定章程之後。務須認真查察。挖淨盡。儻再有水手人等沿途滋事。執持器械者。定將該管各上司從嚴懲處。決不寬貸。○癸亥。

上詣

大高殿行禮。○還宮。○諭內閣。太僕寺少卿馮贊勳奏。八旗士子考試騎射。請添派滿洲御史監射。並大員各省獻案。請添派御史隨往糾察一摺。向例文闈各場考試。及武闈外場。均有滿漢御史監試。該少卿所奏。嗣後八旗

實錄卷二百十四

上

士子考試騎射。添派滿洲御史一員。隨同監射。王大臣一同考校。事屬可行。著兵部每屆考試之期。開單請旨簡派。至外省查辦事件。偶經簡派大員前往。由來已久。若添派御史同行。事多窒礙。且行之日久。徒成具文。易滋流弊。所奏著毋庸議。○以京營右翼總兵奎照署正黃旗漢軍副都統。○以故四川建昌道屬中村土百戶馬成鵬孫敬龍。古柏樹土千戶郎廷芳子應陞各襲職。○旌表守正捐

實錄卷二百十四

上

軀直隸易州民王進美媳邢氏。○以謝雨三壇齋戒一日。○甲子。以甘霖普被。

上詣

天神壇報謝。遣惇親王綿懌。惠郡王綿愉。定親王奕紹。慶郡王綿懋。分詣地祇壇。太歲壇。關帝廟。城隍廟。行禮。○辛圓明園。○詣綺春園。問

皇太后安。○旌表守正被戕直隸阜城縣民萬三妻顧氏。○乙丑鑄給四川裁邊營改設參將關防。守備二員條記。從總督鄂山請也。○丙寅以前任四川布政使劉重麟。為安徽布政使。○丁卯。命新授安徽布政使劉重麟。以三四品京堂候補。○以山東按察使程楙采。為安徽布政使。調山西按察使慶林。為山東按察使。以江南江安糧道唐鑑。為山西按察使。○戊辰。諭內閣。州縣為親民之官。豈容擅

實錄卷二百六十四

十六

離職守。致曠地方公事。本日據御史徐繼畬奏。山西省州縣往往託故進省。為營求升調之計。如史夢蛟任忻州時。一年之中。在署不過三四月。其餘八九月。常住省城。林樹雲任保德州。亦復如是等語。該員等是否擅離職守。其終年在省。究竟所為何事。著申啟賢查明據實具奏。嗣後直省各督撫務當嚴飭各州縣。非奉檄調。不得無故進省。其因公進省者。事畢即飭令回任。毋許任意耽延。營求調

刺。儻有經旬累月。逗留省垣者。即著嚴叅懲辦。以杜奔競而重職守。○又諭琦善奏請將各營兵丁。量為變通鼓勵等語。直隸原設兵額。係弓箭六成。鳥槍四成。與川陝等省鳥槍六成。弓箭四成者不同。槍礮兵丁既少。而各營又不准其支食馬糧。與督標槍礮兵丁。並准拔補外委千把者。辦理兩歧。茲據該督奏稱。本年三月間。已通行提鎮及各協營。令將馬步箭兵丁。擇其弓硬力強者。酌留四成。督

實錄卷二百六十四

十九

令勤習弓箭。其餘二成。皆令添習步下鳥槍。中靶有準。更習馬槍。至於刀矛兩項。令藤牌兵丁盡皆習練。其馬步箭兵丁。有願兼習者。聽遇有馬糧缺額。槍礮兵丁。亦准支食。其外委額外缺出。無論槍礮刀矛。准與弓箭兵丁一體較拔。如此酌量變通。鳥槍兵丁。數既增添。長矛單刀。亦多講習。又復進身有路。人思自奮。名曰變通。於營制錢糧。並無損益更改。由是認真操練。兵技日增。兵威日壯。必成精

銳得力之師。該督務當飭屬隨時演習。不可日久視為具文也。○諭軍機大臣等。據琦善奏。拏獲無腰牌上岸水手張澤林等共四十四名。分別開查。提省研審。並究出應行緝拏糧船水手費大漢等三十餘人。開單呈覽。此等匪徒。大半係盜劫重犯。散處各幫。均有根落。著恩特亨額即責令該幫弁嚴飭頭舵。迅速按名交出。移解直隸歸案究辦。勿使聞風縱逸。以靖匪蹤。又據該督奏稱。回空南下幫

實錄卷二百八十四

三

船。經天津鎮道於過關時。在泗州後幫揚州二幫船內。檢獲舊線槍並腰刀鐵矛頭等件。必須從重懲治等語。前經該漕督派委員弁將各進幫船違禁器械。全行查出。何以此次回空軍船。復有藏帶火器刀械。是否原來藏帶。未經擦拏淨盡。抑係途中另有造賣接濟之人。著該漕督嚴飭各該糧道及運委員弁。確切查明。此項兇器。究由何處得來。徹底根追。從嚴懲辦。此外有無藏帶軍械。並著隨時

隨地嚴密檢查。勿任稍有隱匿。致滋事端。所有該督原開應緝各犯名單。著鈔給閱看。將此諭令知之。○又諭有人奏。山西省陽曲。孟縣。代州。崞縣。五臺。忻州。定襄。一帶。與直隸相近。有傳習邪教者。土人因其燒香念經。不戒葷酒。稱為五葷道。實即白蓮教之別名。此等愚民受人煽惑。拜師傳徒。夜聚曉散。假名偽號。暗相封授。請密飭查辦。杜絕禍源等語。晉省邪教。向由直隸傳染。現在直隸辦理教案。

實錄卷二百八十四

三

各處檢查。難保該匪徒等不聞風遁逃。潛匿晉省。著該撫密飭各州縣。勿露風聲。細心查訪。一經得有端倪。即行嚴拏到案。按律懲辦。惟不得誤信讎陷。株連無辜。致滋擾累。各該地方官果能留心查察。隨時破案。失察處分。尚可加恩寬免。儻敢意存消弭。僅以查訪無蹤。率行詳覆。將來別經發覺。或致釀成事端。定將各該員從嚴懲處。重治其罪。決不寬貸。將此諭令知之。○旌表守正被戕四川鹽亭

縣民孫癸林童養妻馬女子。守正捐軀山東邱縣民趙復成妻田氏。○己巳諭內閣。訥爾經額等奏。新築隄工。被水漫漬等語。湖北沔陽等州縣隄垸各工。甫於本年三月修築完竣。其沔陽隄工。兼係由司籌項協濟。至八千餘兩之多。何以一遇汎漲。即行漫漬。承修各員。顯有辦理草率情弊。著該督等確切查明。據實奏。尋奏。承修係署沔陽州知州張寶榮。請摘去頂帶。責令賠修。從之。○庚午。

實錄卷二百八十四

主

上詣綺春園問

皇太后安。○賞前任古城領隊大臣多隆武。三等侍衛。在大門上行走。○戶部議准。浙江巡撫烏爾恭額疏報。開墾蘆瀝場蕩地五畝有奇。照例升科。從之。○辛未。戶部議准。福建巡撫魏元烺疏報。侯官。古田。福安。三縣開墾地一項二十畝有奇。照例升科。從之。○補行江蘇安徽廣東道光十五年大計。卓異官八員。才力不及官五員。不謹官一員。罷輟官一員。

年老官十四員。有疾官二員。浮躁官二員。分別議敘處分如例。○壬申。諭內閣。御史萬超奏。漕糧正額不足。買米回漕。請覈實兌收。並嚴禁私運囤積一摺。漕糧為天庾正供。不容稍有虧缺。向來漕糧起運時。由各糧道驗明米色乾潔。查明額數。載船起運。抵通時。由坐糧廳驗明米色。查明額數。詳明倉場侍郎查驗明確。劄倉分貯。立法極為周備。若如該御史所奏。各省漕糧開徵時。各州縣不親身赴

實錄卷二百八十四

主

倉收漕。任聽倉書積壓。漕糧抵通時。坐糧廳未能親至漕船卸米處所。眼同撥運。更有奸商自漕船回空以後。雇覓貧民男婦。升斗肩負。零運出城。於于家衛以南及楊村一帶沿途僻靜村莊。灑散囤積。各種情弊。大為漕務之害。著有漕各督撫。嚴飭各州縣。務須親身赴倉收漕。隨到隨收。以免擾累。並著倉場侍郎於漕船抵壩時。嚴飭坐糧廳親赴卸運處所。眼同撥運。以杜朦混。至于家衛及楊村一

帶奸商囤積。著順天府府尹直隸總督各派文武幹員前往查拏。有犯必懲。毋得視為具文。以清積弊。○又諭鄧廷楨等奏拏獲形跡可疑之遊僧。提堂認有首逆藍正禪在內。解省審辦一摺。廣西懷遠縣桃子隘地方。拏獲遊僧吳本林。吳元林。挑夫楊洗明三名。據該縣知縣世綸等查驗該僧吳本林。曩與開緝武岡州首逆藍正禪年貌相符。業經究詰吳元林等。並提前獲之李和尚質認屬實。惟訊

實錄卷二百八十四

五

以謀逆確情。忽認忽翻。情殊狡展。從前捕獲逃匪。留粵自尚有人。細心研鞫。無難得實。現在自己解往湖南辦理。如該犯訊係藍正禪屬實。著將此次首先拏獲之員。據實保奏。所有在逃餘匪。著該督等仍飭所屬兩省文武。無分畛域。實力嚴拏。毋得稍涉疏懈。○諭軍機大臣等。據給事中周開麒奏。四川辦理夷匪一案。諸多欺飾。並軍需支銷。均有朦混浮冒等弊。著湯金創文慶。即將該給事中摺內

所奏各情節。逐一查明。據實具奏。原摺著發給閱看。將此諭令知之。○又諭。有人奏。四川省川南一帶。盜賊公行。囑匪百十為羣。劫取財物。晚間設有帳棚歇宿。若該地方約保報知該州縣。必受刑責。民間呈報。劫殺拒傷之案。官多諱盜為竊等語。匪徒劫掠肆行。最為地方之害。不能除莠。焉能安良。況該匪等居然設立帳棚。毫無忌憚。始而擾害閭閻。繼且糾眾滋事。不可不豫為防範。著鄂山即派委

實錄卷二百八十四

三五

明幹妥員。查明此項匪徒。係由何處糾會。果否有數百人之多。切實查明。按律嚴辦。以儆兇頑。至州縣為親民之官。鋤暴安良。是其專責。何得於約保報知之後。任意刑責。甚且消弭諱飾。置民隱於不問。祇圖為寬免處分地步。著該督細心察訪。如果有此種劣員。即據實指參。毋稍姑容。以肅官常而靖地方。將此諭令知之。尋奏。川省並無囑匪。晚間設有帳棚歇宿之事。已派道府遊擊等分往上川下

川訪緝。僅有諱飾盜匪劫案州縣。定行指叅。得旨認真查辦。慎防諱飾欺朦之弊。○以緝匪出力。予貴州通判李蕃等加銜升補有差。○甲戌。諭內閣。嗣後九門門甲。如因病出缺。或挑補別項差使者。仍照向例於門軍挑補。其緣事革退及駁旗之缺。即著於步軍統領衙門教練步甲內挑補。其回旗門甲。該旗一有馬甲缺出。著准其儘先生補。○又諭琦善奏京控咨交案件牽涉大員。請飭交刑部審

實錄卷一百一十四

主

辦一摺。此案直隸臨榆縣監生王械。呈控山海關經書張煒。具稟挾制官長。捏報稅課。妄追伊子虧空。並拖欠公用銀兩不還。書役姚善權。即姚思瑞之子。為案中要證。該監督並不將伊解送等語。案關丁書翫法營私。虛實均應徹底根究。王械。張煒。即著委員解京。交刑部提集人證審明辦理。其臨榆縣民人周永清。呈控山海關經書姚光夫等把持盤踞一案。著刑部一併訊辦。尋奏。王械挾嫌越訴。

清 實 錄 道光十六年六月

誣輕為重。張煒訊無挾制捏報等情。惟詐欺取財。致令王械情迫上控。擬杖徒。前任監督奕毓任內稅課。並無虧短。惟餘銀三千三百兩。未經解交。請勒限措繳。姚光夫訊無把持盤踞等情。另案擬結。從之。○又諭琦善奏。解員擅索驛站夫車。請旨飭查等語。廣東合浦縣珠場司巡檢蔣繼炳。領解海關加平節存銀三萬四千二百兩。查對勘合傳牌相符。自係例應撥送。至其餘搭解銀四十鞘。究係何

實錄卷一百一十四

主

項銀兩。解交何處。若非例應撥送。何得擅索驛站夫車。該委員現在自己到京。著戶部及步軍統領衙門查明具奏。尋內務府奏。搭解銀四十鞘。係交廣儲司造辦處。向無勘合。該員行至涿州。託該州代雇車輛。付給價值。雖無擅索驛站情事。究屬不合。請交部議處。從之。○旌表守正捐軀河南鄧州民余成妻李氏。○乙亥。遣官祭火神廟。○諭內閣。戶部奏請飭催銅鉛廠運

三九一

案內應追各款銀兩。向來廠運各員借支銀兩。係動支正款。運員於差竣報銷後。覈計長支銀數。分案追繳。廠員應繳銀兩。往往於該員離任調任之時。始行報部請追。以致欠款累累。帑項久懸。若將應追各款。隨案追繳。何至新陳相積。日漸加增。據該部節年飭催。各該旗省並未追繳十分之一。自嘉慶二十五年以前。各員積欠。均經豁免外。迄今覈計實欠銀數。又積至三十四萬二千八百餘兩之多。年復一年。伊於胡底。且廠店各員應賠逾折等銀。俱屬豫撥銅本項下之款。銅鉛各運應繳水腳撈費銀兩。均係沿途借支。各該省作正開銷之項。更非尋常借動閒款可比。尤應按名嚴追。以杜積弊。國帑攸關。豈容任其延宕。著各該督撫府尹八旗都統等。嚴飭承追督催各員。趕緊勒追完繳。不得仍前延玩。以昭覈實而重帑項。○又諭奕經奏請將私自違違回家之邊外坐卡官員。照例革職一

實錄卷一百八十四

天

摺。此案馳騎校德陞因卡房燒燬。帶領兵丁等擅離卡所。進違存住。既屬非是。又准兵丁等告假回家。德陞復私自進省存住數日。冀圖安逸。實屬謬妄。德陞著照例革職。加枷號三箇月。其失察之總查委協領等。著查取職名。送部議處。○諭軍機大臣等。鴉片煙來自外洋。流傳內地。為患甚鉅。前經太常寺少卿許乃濟具奏。當降旨著鄧廷楨等會同妥議。本日據姚元之奏稱。現今銀貴錢賤。推其致匯之由。大抵為販賣鴉片煙土出洋之故。並聞有伍姓洋行。暗與交通。立有照票。包攬買賣等語。著該督等將摺內所指各情節。逐款悉心妥議。務當通盤籌畫。力塞弊端。毋令奸商翫法營私。於民生國計。兩有裨益。方為盡善。鄧廷楨經朕特簡總督大員。品學素優。前在巡撫任內。頗能辦事。若能將夷商現在情形。立法周密。期於久遠無弊。庶不愧為國出力大臣。儼爾預了事。但願目前。日後更滋流

實錄卷一百八十四

天

弊該督不能當辜恩溺職重咎也原摺著鈔給閱看將此諭知鄧廷楨祁項並傳諭文祥知之○丙子諭內閣黃爵滋奏請嚴定章程永杜回漕銅弊一摺所稱查明畿輔各處水陸要途繪圖貼說分段設法巡緝並酌定賞罰等語著順天府府尹直隸總督查明議奏至所稱刑部遇有回漕案件往往以僅止囤販並無回漕實據從寬了結嗣後凡遇此等案件一經到部總當確切根究按律懲辦不得顯預擬結稍涉含混以昭覈實而杜積弊

實錄卷三百八十四

三

○又諭御史趙光祖奏稅關遺失部頒印冊請查明究辦一摺各關徵收稅課俱係部頒印冊令該商親填數目分送部科磨對以杜影射那移之弊若如該御史所奏山海關稅務衙門本年二月間失去戶部頒發牛莊稅口商填印簿現用該關印冊填寫難保無該書吏等任意抽換隱匿關稅情弊著戶部即行查明該監督如何將部頒印冊遺失照例

叅處○賞乙未科江蘇鄉試年老諸生薛交泰副榜○丁丑

上御勤政殿聽政○詣綺春園問

皇太后安○諭內閣本日據恩銘等奏審擬廣

東香山縣知縣葉承基被叅各款一案拜摺

後即帶同司員起程等語恩銘等審訊此案

顯有不實不盡之處且此次交辦事件甚多

尚有應行質訊之件該尚書等徑行起程輒

云迎至前途提訊實屬錯謬恩銘趙盛奎俱

實錄卷三百八十四

三

著即行回京○諭軍機大臣等本日已有旨令朱士彥署理吏部尚書並派同耆英馳赴廣東查辦事件該尚書已經服闋起程北上現在無論行抵何處接奉此旨即行迅速來京請訓後再行前往將此諭令知之○又諭本日據恩銘等奏審明署香山縣知縣葉承基被叅各款一摺此案葉承基於該縣城外既經設有停雲館以備差員居住是原叅該縣官親家人借住林昌緒房屋一節難保必

無其事。且於伊子葉祖勳挾妓飲酒。門丁張貴呂德得受規費。姦宿倡寮。豈得諉為不知。所訊各供。顯有不實不盡之處。又另片奏。刑部主事白讓卿由粵差旋時。曾將木箱二隻。託監生石綸亭即石騰芳代為寄京。既已訊明屬實。其有無寄頓。及如何得受苞苴。正可從此根究。以期水落石出。乃不守候白讓卿。陽金城伴送到粵。秉公質訊。徑於拜摺後即行起程。並稱迎去前途。就近提訊。不知此案。

實錄卷一百八十四

三

一切人證卷宗。均在廣東省城。若在中途查辦。並無實證。是欲僅就該員等一面之詞。遽行定案。所見實屬錯誤。已有旨派朱士彥。著其前往廣東查辦事件。該尚書等接奉此旨。無論行抵何處。即行回京。所有疊次所交各案。均著面交朱士彥等接收辦理。將此諭令知之。○又諭。現已有旨派朱士彥。著其馳赴廣東查辦事件矣。該尚書等行抵廣東。務將葉承基被參一案。再行確切查究。無稍徇隱。

至陽金城。白讓卿到粵後。總須將此案虛衷研鞫。提到該員等認真質對。務得確情。按律懲辦。據實具奏。再此二案外。疊次所交恩銘等查辦事件。業經寄諭恩銘等於途次會晤時。一併查明。均交該尚書等接收審辦。該尚書等惟當破除情面。一秉至公。將各案情節逐一體訪。悉心研訊。虛則虛。實則實。不可受人欺朦。顛預了事。致負委任。將此諭令知之。○以服闋尚書朱士彥。署吏部尚書。未到任。

實錄卷一百八十四

三

前。仍以工部尚書何凌漢署理。○以署禮部尚書奕額。署戶部尚書。理藩院尚書禧恩。署禮部尚書。○以協辦大學士吏部尚書穆彰阿。署步軍統領。正白旗漢軍都統武忠額。署鑲藍旗滿洲都統。○以詹事府詹事吳文鎔為內閣學士。兼禮部侍郎銜。○命順天學政吳文鎔來京。都察院左副都御史潘錫恩。提督順天學政。○命署吏部尚書朱士彥。戶部尚書者。著其馳往廣東查辦事件。○戶部議准。

陝甘總督瑚松額疏報。徵縣開墾地一項六十三畝有奇。照例升科。從之。○戊寅。旌表守正捐軀安徽亳州民馬永增女從姐。○己卯。上詣。

大高殿行禮。○還宮。○諭內閣。恩特亨額奏。審約束水手不嚴之員。弁一摺。糧船水手逞兇滋事。甫經議定章程。嚴加禁約。茲鳳中二幫水手孟學思等。並不繫掛腰牌。攜刀上岸。訛詐鹽船。拒傷河役。是該弁等不能實力奉行。

實錄卷一百八十四

三十四

已可概見。委運鳳中二幫千總李天鵬。著先摘去頂帶。仍交部嚴加議處。勒限兩月。迅將逸犯閭皮臉。即閭衣傳。拿解直隸。歸案審辦。儻逾限無獲。即行叅革。總運試用通判陳延恩。亦有失察之咎。著交部議處。○以大學士長齡。署管理戶部三庫事。○以孟秋時享太廟。自是日始。齋戒三日。○庚辰。諭內閣。訥爾經額奏。審擬兵勇聚眾扶借滋事。復謀害查辦委員一摺。此案鍾潮棟身充兵丁。輒敢起

意商同兵勇滕加明等。先後赴鎮道兩署。挾借銀兩。迨委員查拏。復又主謀糾同原夥多人。持刀戕害。一死一傷。兇惡已極。鍾潮棟一犯。著即凌遲處死。查明犯屬。照例緣坐。田應泰。由涼賓滕加茂。田應隴。傅煌恩。滕加明。即田淙雲。六犯。聽從挾借銀兩。戕害委員。著即斬立決。兵丁李加得。楊本雲。革兵田保。保。隨同附和。迨出示曉諭。復不畏罪。投首。實屬玩法。均著發往新疆充當苦差。遇赦不赦。已革

實錄卷一百八十四

三十五

鎮軍鎮總兵向尊化。辰永沅靖道常慶。係專閫監司大員。約束兵勇。是其專責。平日既駕馭失當。事後復失察戕害委員。除向尊化已另案擬結。俟部議上時。另行降旨外。常慶僅擬革職。不足蔽辜。著發往軍臺效力贖罪。湖北撫標中軍叅將蘇清阿。奉委訪拏滋事首犯。慘遭毒害。實堪憫惻。著照陣亡例賜卹。靖州藍翎千總已升長安營守備段芝蘭。聞聲救護。致受多傷。著以都司即行升用。鎮標把

總李大能失察主謀首從各犯玩縱已極著即革去把總發往軍臺效力贖罪失察兵勇聚眾挾借復戕害委員之鎮標中營專管把總符加武外委包安寔額外梁永清道標專管千總金光華陳宗興署千總把總滕貴把總關祖發署把總外委劉朝柱外委吳大經林興富額外楊光明又失察兵勇聚眾挾借不能彈壓之道標專管守備鄭大元前任中營外委現拔前營把總王玉陞失察戕害委

實錄卷一百八十四

三

員之中營外委田有秋著一併革職內陳宗興滕貴林興富楊光明該督請各給馬糧一分以觀後效著不准行以上十四員名俱著永不敘用其餘失察兵丁聚眾挾借之該管員弁著開列職名交部照例議處署道標守備田宗准到任在後著加恩寬免處分至蘇清阿段芝蘭等奉委該鎮訪拏人犯豈無兵役隨同前往何以窩內僅止丁役三名彼時又值外出情節殊難憑信是否該兵丁等遇

事脫逃或恐防護不嚴致干重咎故為開脫著該督將實在情形查明具奏毋稍含混餘俱著照所議完結○以勦辦湖南武岡州賊匪賞遊擊馬辰守備武慶靖安泰李惟上周三友花翎千總方世儒等藍翎餘加銜升敘有差○命陝甘總督瑚松額撥銀一萬四千三百七十兩解赴喀喇沙爾備道光十八年經費○辛巳以捐修山東高唐長清二州縣文廟予紳士郝廷模等議敘有差

實錄卷一百八十五

三

大清宣宗效天符運立中體正至文聖武智勇仁慈儉勤孝敏成皇帝實錄卷之二百八十四

此外聘劉君如道員赴京居住太子太傅體仁閣大學士文淵閣領事管理二部事務二書房總辦翰林院庶吉士等項
天時酌量停學第一版紀錄十一次日曹錕總裁官擬定講堂之新舊議主權漢軍駐紮管理新營務處之官房及監獄署均
六倉大臣特設會同辦理再將一版應事和二版軍功三版紀錄五次是次沙納泥爾薩王天淵閣領事開其事務由該管
內得於大田陳自稱滿洲都督蘇丹金文日管理宋府銀庫各長知官李宜海宮圖開國等處特提官等其路各款義文
署內過城步路連和十八版日阿塞門副總理大臣經商譯官兵部的書應事四六版紀錄二十次且周瑞璋等奉
教修

太廟

皇太后安○諭內閣鄂山奏四川戡邊廳左營

駐守分防新舊兵丁及馬邊分駐油榨坪等處卡兵請酌加米折並派駐邊防之千把外委均請酌增薪水等語該處地屬蠻荒極為瘠苦自應量加體恤著照所請所有裁邊左營駐守大堡城以及分防各隘兵丁又裁撥馬邊分駐油榨坪等處卡隘兵丁俱著每名

清實錄
道光十六年七月上

至聖先師孔子與佛老同廟供奉積習相沿與祀典不符著申啓賢通飭各屬即行更正無得同廟供奉其各直省如有似此同廟供奉之處著各該督撫轉飭各州縣一律更正以崇正學而昭定制○癸未諭內閣朱士彥等奏隨帶司員前往廣東查辦事件內戶部主事齊斌達一員係原任大員子弟著不准其隨帶○諭軍機大臣等前有人叅奏江西省貪劣各員當降旨著恩銘等會同陳鑾秉

公辦理本日據陳鑾奏接奉諭旨即將臨江府知府于公槐等先行撤任所見可嘉現在恩銘趙盛奎已有旨飭令即行回京所有應行查辦各件另派朱士彥著英前往計朱士彥等由京赴江西尚需時日該撫即將現在撤任各員並應訊各人證一併咨提到省俟朱士彥等到時會同辦理毋稍疏縱將此諭令知之○兩江總督陶澍等奏查明兩淮應解羨斤銀兩懇照舊價交納其道光十年以前積欠羨價併請一體辦理下內務府議尋議此後將四等羨分發兩淮粵海變價本年應發兩淮之四等羨即照所議每兩仍為四百換其內廷交出五等羨及由茶庫奏交五等羨均照盛京領回換數每兩作為一百八十換減去嘉慶十九年以後所加價銀四十換渣末泡丁均照嘉慶十二年以前准商估變之價渣末每兩二十七換泡丁每兩二十五換將十二年以後所加價銀全數減去從

之○以山東巡撫鍾祥為閩浙總督山西布政使經額布為山東巡撫○甲申諭內閣御史富隆額奏請認真考試繙譯一摺科場條例內載繙譯鄉會試俱照文鄉會試之例辦理立法防弊已極周密該御史所奏添派分校各條著毋庸議其正副考官如有隨帶通曉繙譯之人暗中襄事著監試御史叅奏○諭軍機大臣等寄諭漕運總督恩特亨額等糧船水手人等類皆無業遊民犷悍性成啓不畏法漕河及地方文武員弁如果認真稽察有犯必懲該水手人等自必聞風斂跡乃本年甫經議定章程之後屢有起獲器械及水手滋事之案此時重運經過地方沿河文武員弁節節催提嚴密彈壓水手人等尚知斂跡日後卸運回空稽查稍懈更恐不肖之徒逞兇玩法尤應先事豫防漕運總督約束水手是其專責其漕船經過地方各督撫亦責無旁貸著不分畛域一體通飭所屬於漕

船回空。加意稽查。小心防範。僅稍涉寬。縱或至別釀事端。惟該督撫等是問。將此各諭令知之。○又諭。湖北鹽法道辦理全省釐務。最關緊要。新任道員于克襄。年力才具。是否堪勝此任。著訥爾經額。周之琦。公同察看。據實具奏。不得因係特簡之員。稍存回護。將此諭令知之。尋奏道員于克襄。悃悃無華。到任數月。督銷有贏無絀。堪勝鹽道之任。報聞。○以貴州按察使楊殿邦。為山西布政使。調山西

按察使。唐鑑。為貴州按察使。山東按察使。慶林。為山西按察使。陝西按察使。李振翥。為山東按察使。以甘肅蘭州道。劉鴻翱。為陝西按察使。○以辦理甘肅軍需報銷出力。予縣丞徐敬等升敘有差。○撥甘肅鹽茶撫彝狄道岷鎮番渭源六廳州縣倉穀十二萬石。解赴固原肅河武威隴西平番皋蘭七州縣。以備兵糈。○乙酉。諭內閣。哈豐阿奏。參在京大員。干預本地公事。並將原給書信條議一併呈

覽。一摺。御前侍衛都統高喀鼐。負恩膽大。自取罪戾。著即革職。交御前大臣軍機大臣會同審訊具奏。○又諭。本日據哈豐阿奏。高喀鼐以在京大員。干預地方公事。據實直陳。可嘉之至。哈豐阿以武職出身人員。乃能秉公持正。不避嫌怨。誠不愧為滿洲大臣。著賞加太子太保銜。授為內大臣。所有應賠款項。加恩全行寬免。以示嘉獎。朕綜理庶政。十六年來。訓誡臣工。惟求實心實政。力挽瞻顧。徇

庇之風。使內外臣工。皆能振刷精神。破除情面。勉副朕意。何患不紀綱肅清。日臻上理耶。嗣後內外文武大臣。皆當以哈豐阿為法。祇知尊君親上。各矢公忠。屏卻私情。而挽積習。朕有厚望焉。將此通諭知之。○江蘇布政使。怡良奏。報到任謝恩。得旨。修己辦公。毋忘清慎公勤。若外任不久。即染虛浮習氣。不思為國出力。是汝自棄也。懷之。○禮部議准。江蘇巡撫林則徐疏。報採訪金山縣貞節婦女沈

姚氏等五百十八口。請建總坊旌表。從之。○
貸乍浦駐防兵丁修理住房餉銀。○丙戌。諭
內閣。前據御史王藻奏。運河官剝船隻。請覈
實查驗。當交琦善覈議具奏。茲據該督查明
直隸舊設官剝船一千五百隻。添造船一千
隻。均於漕船未到之先。調集楊村。驗明備用。
各省軍船。果能按限早來。此項船隻。原足敷
撥運之需。近年因渡黃逾限。以致沿途阻滯。
首進前幫。既因運河水小。全行起撥。其二三

進幫船。又因行走脫空。河水未長。不得不豫
籌添雇民船。是剝船之不敷。不在船數之短
少。而在撥運之擁擠等語。各省漕船北上。屢
經降旨飭令。冬兌冬開。限於四月初十日以
前。全數趲至清江。剋期抵壩。跟接渡黃前進。
如果依限趲行。則沿途不致稽延。入關可期。
迅速。又何至抵津逾限。迫欲回空。在後各幫。
全數起撥。致令船數不敷。勢須添雇。其臨事
周章。均由渡黃遲延所致。著有漕各省督撫

暨漕運總督。通飭各該糧道等。本年回空以
後。趕辦新漕。務當欽遵定限。冬兌冬開。總於
四月初十日以前。全數抵壩候渡。不得節節
耽延。稍逾例限。致天津以北。屆期擁擠。起運
專賴剝船。兼有封雇民船。別滋擾累之事。經
此次諄諭之後。毋得仍前玩愒。不能迅速。造
行致誤。全漕期限。自干咎戾。將此通諭知之。
○又諭琦善奏。運弁違例自雇民船。並擅離
幫所等語。起剝漕糧。向有官設剝船。其因不

敷輪轉。應用民船。亦係地方官早為雇備。本
年蘇州白糧幫運弁。輒遣水手自行雇覓。殊
屬違例。難保無剝卸私貨別情。其興武六幫
運弁。曠職擅離幫所。尤屬膽玩。著漕運總督
嚴查分別叅處。○諭軍機大臣等。據琦善奏
盤獲形跡可疑之趙延樂。趙延穀。趙尚武等
三名。訊係山東曹州府鉅野縣人。因同族趙
忙頭。即趙延松。與張泳言結拜弟兄。素習邪
教。本年二月。伊等聯名呈首。旋被趙忙頭亦

控伊等習教。經鉅野縣審係誣告保釋。茲聞趙忙頭復赴府具控。恐受拖累。欲至口外暫避等語。此案趙延樂等在籍互控習教。果已訊明省釋。何以一聞續控。即行結伴遠避。該縣知縣於趙忙頭被人以邪教重情呈首到案。曾否審訊虛實。何以兩造均未治罪。趙延樂難保非實有習教情事。畏罪潛逃。不可不徹底根究。現據直隸將趙延樂等解回原籍收審。該護撫著即督飭所屬提同案內人證。

卷宗認真審訊。務得確情。查有習教情弊。即行按律懲辦。儻敢意存消弭。顛預了事。將來別經發覺。惟該護撫是問。將此諭令知之。尋山東巡撫經額布奏。訊明趙延松等俱無習教情事。委係趙延穀等挾嫌誣告。例應反坐。惟趙延穀趙延樂業經身故。應毋庸議。餘按律問擬。下部議從之。○以直隸緝獲私販網鐵出海各犯。予知縣玉鎮等升用有差。○以勦辦博窩軍務出力。賞噶布倫索諾木結布。

等花翎同知王槐齡等藍翎餘升賞選補承襲有差。○丁亥。諭內閣。昨據著英檢舉高喀鼎前向索看戶部議覆黑龍江調劑牲丁摺底。曾經將手招給看等語。部院辦理事務各有專司。即如戶部所辦議覆摺件。惟應該衙門堂官互相商榷。外此不得與聞。即事已奏定。亦不應將摺底交給外人。致滋干預。著英於高喀鼎向伊要摺底閱看。輒將摺底交給高喀鼎殊屬疏率。著英著交部議處。○又諭。

前據御史趙光祖奏。山海關稅務衙門遺失部頒印冊。當交戶部查叅。並著將樞書姚姓等解交刑部審訊。茲據戶部查明該監督重豫本年曾經呈報。於二月間失去部頒牛莊口親填簿一本。現仍未據究明情形。報部該監督既已失察於前。又未能查明於後。咎實難辭。重豫著先行交部議處。○又諭。琦善奏保舉失當。據實檢舉一摺。已革湖南鎮軍鎮總兵向尊化前在直隸河間協副將任內。經

該督保舉堪勝陸路總兵該員現因駕馭無方先行革職該督將前此冒昧保奏之處自行檢舉琦善著交部照例議處○諭軍機大臣等本日據琦善奏接據宣化鎮宣化府及蔚州西寧懷安等州縣稟報飛蝗自山西界內漫天蔽日而來傷食田禾數十餘頃等語本年山西省蝻孽萌生前已有旨將撲捕不力之大同縣知縣王聯堂懷仁縣知縣蔡汝懋山陰縣知縣李恩綸摘去頂帶勒令收捕

茲據琦善奏毗連直隸各州縣飛蝗越境去來無定可見山西有蝗處所不止大同等三縣若不認真早為撲滅儘力撙除不特該省成災即鄰境亦多受害著中啓賢速委大員前往嚴督撲除收買務當剋期淨盡以衛民田儻該地方官玩忽從事再有蔓延著即嚴行叅處以為玩視民瘼者戒毋稍姑息將此諭令知之○以鑲藍旗護軍統領綿岫為鑲白旗蒙古都統署正紅旗護軍統領巴清德

為鑲藍旗護軍統領內閣學士倭什訥著正紅旗護軍統領調鑲紅旗漢軍副都統西朗阿為鑲藍旗滿洲副都統以京營右翼總兵奎照兼鑲紅旗漢軍副都統○旌表守正捐軀河南汝陽縣民韓愷賢妻孫氏○戊子諭內閣奉

皇太后懿旨彤妃著晉封為彤貴妃貴人郭佳氏著封為佳嬪所有應行事宜各該衙門照例辦理○己丑

上詣綺春園問

皇太后安○諭內閣前據御史況澄奏獲咎武弁盧必沅舉劾互異部議參差當降旨交兵部查明具奏茲據該部查明盧必沅降調後因拏獲匪犯多名經祁墳奏請鼓勵功過本不相掩並非違例濫保至伊子盧良弼係由總督會同提督因獲盜勞績拔補外委把總實非盧必沅所得徇私舞弊與萬榮將親子收入本標希圖徇庇者不同該部於此二案

處分均係照例辦理本無不協該御史所稱父為副將何難藉獲盜之績為伊子升擢之階又盧良弼自幼出繼係事後彌縫避重就輕等語該御史不過懸揣空論並不能指出實據各部院衙門辦理一切事件全以奏摺案據為憑摺外情節豈容懸揣指駁該御史所奏應毋庸議至所稱嗣後文武官員於應行迴避之缺不行申報者請比照科場之例將上司屬員一併議處等語著吏部會同兵

部叢議具奏尋奏請嗣後文職官員遇應行迴避之缺不行呈明到任後別經發覺者將扶同捏報之上司屬員一併議處至應選應升人員於過堂時不行呈明及補行呈明在未經到任以前仍止將本員照例議處武職官員遇有應迴避之缺其捏飾假借有意擇缺者將上司屬員一律革職如僅止未經申報到任後別經發覺者將上司屬員一併降調從之○又諭高喀鼐以一品大員於黑龍

江歷久遵辦公事輒因私意妄託該將軍更改章程慫恿奏辦國家設官分職內外文武衙門各有專司一應公事俱不得越俎干預高喀鼐身受殊恩在內廷行走有年宜何如小心謹慎飭已奉公乃敢私致書函囑託公事員恩膽大自取罪戾現經御前大臣等審訊將高喀鼐擬發軍臺效力贖罪不足蔽辜高喀鼐著改發熱河充當苦差伊子安興阿克陞阿俱著即行革職一併發往熱河充當

苦差以示懲儆已革藍翎侍衛那提順代高喀鼐書寫信函係聽從主使並無干預別情惟未能阻止亦有不合著開復原官仍交部照例議處○又諭申啓賢奏請將折扣放債之知縣革職並牽控之吏目解任質審一摺此案候選知縣晏象和呈控已革山西沁源縣知縣王廷桂欠銀不償被沁州吏目劉振璧從中舞弊並牽告王廷桂做壽收禮攤派軍需等情據該撫查明晏象和以候選知縣

輒用短票折扣違禁取息已屬有玷官箴且因索欠不遂牽告不干已事意圖挾制尤為玩法晏象和著即革職吏目劉振壁並著解任交該撫提同已革沁源縣知縣王廷桂並全案人證到省研訊斷不可顛預了事務須嚴審確情按律定擬具奏以儆官邪○大學士長齡等議覆御史章煒奏請議處司員章程嗣後各衙門辦理事件如有案情重大錯誤太甚者請仍遵乾隆年間欽奉

諭旨將該司主稿及隨同畫稿各員一併聲明咨送分別議處若祇係尋常錯誤之案應由本衙門堂官秉公覈實各按掌印主稿管股司員應得處分開具職名咨送吏部覈其公私情罪分別議處至掌印主稿及隨同畫稿司員處分現經片查吏部覆稱例內並無一體議處及分別議處明文嗣後應作何分別輕重等差之處應由吏部覈議下部議尋議嗣後各部院衙門辦理錯誤事件如事歸掌

印主稿專責者其幫印幫稿之員即由掌印主稿應得處分上減議如事歸承辦之員及管股司員專責者其掌印主稿及幫印幫稿之員即由承辦管股之員應得分處上減議從之○命陝甘總督瑚松額撥銀八千兩解赴庫車備道光十八年經費○添撥東河防險銀二十五萬兩從河道總督栗毓美請也○庚寅諭軍機大臣等前有人奏廣東候補通判朱樸兄弟盤踞把持並會同縣知縣趙

榮與瓊州府知府富爾崇阿互揭之案久未定讞當降旨令恩銘等嚴加懲辦茲據該尚書等查明具奏僅止大概情形未經結案且尚有應提人證恩銘等現已有旨飭令回京朱士彥著英到粵後計人證早已提集著即按照摺內所指各情秉公徹底根究不得以恩銘等審辦在先稍存回護原摺著鈔給閱看將此諭令知之○以修築庫車隄壩等工予同知文瑞等升敘賞回子郡王伊薩克孫

阿密特等翎頂有差。○禮部議准四川總督鄂山疏報採訪各屬州縣貞節婦女傳張氏等一百八十八口請各建總坊旌表從之。○

辛卯

孝懿仁皇后忌辰遣官祭

景陵○諭內閣前據給事中富彰回奏兵部保題漢缺遴選正陪不盡允協當交長齡穆彰阿查明具奏茲據長齡等查明兵部保題漢缺遴選正陪歷屆並無不合朕詳加披閱所

敘原委均屬有案可憑是兵部遴選正陪於題選兩途毫無歧視科道職司言責外省事件尚可以風聞未確為詞至如部院大臣如果有不公不法舞弊營私情節見聞確實自應據實指參朕方為之嘉許被劾之員必當審明重治其罪若指摘一二案件不問是非虛實有意吹求及至降旨令其明白回奏仍復堅執前說以懷疑不解等詞嘵嘵置辯似此攻訐不已尚復成何事體富彰不勝給事

中之任著以員外郎降補以示薄懲嗣後各科道遇有事關國計民瘼惟當據實敷陳不得以捕風捉影之談遽形奏牘經此次訓誡之後如再有似此劾奏各項事件查無實據者即將言事之人懲處不貸○又諭烏爾恭額奏參審辦盜棺案件全屬錯謬之承審委審各員請解任備質一摺此案浙江孝豐縣職員施錦心故媳王氏棺蓋撬縫被竊該署縣孫天樞並不親往勘驗遽委典史會勘已

屬違例迨施錦心查獲賊贓先認後翻該府凌泰封等並不平情覈訊輒向施錦心一味刑求審為誣詐茲據該撫查明被竊屬實並非施錦心裝點圖詐是承審委審各官於審辦此案全屬錯謬湖州府知府凌泰封前署孝豐縣現任武義縣知縣孫天樞孝豐縣知縣翟文錦署烏程縣知縣王鼎勳著一併解任提同候補同知方秉並未到犯證交該撫飭令司道切實督審如有故縱故勘等情著

即據實查叅從嚴懲辦不准稍有遷就○旌表守正捐軀四川巫山縣民黃文才妻馮氏○壬辰

上幸萬壽山詣

廣潤祠拈香○諭內閣御史劉夢蘭奏糧船積慣匪徒號為青皮偶值汛丁捕役查拏本幫運丁運弁輒向該丁役等飾詞容庇往往已獲之犯仍行釋放等語嗣後幫船過境沿河州縣應如何親身帶領捕役協同汛弁上

船確查之處著漕運總督有漕督撫會議具奏○禮部奏八月初十日

萬壽節應行禮儀得旨照例行禮停止筵宴○癸巳諭內閣前因高喀爾以在京一品大員內廷行走多年輒以私信囑託公事且有牽涉九卿戶兵二部代為通融等語負恩膽大自取罪戾業經將伊並其二子一同革職發往熱河充當苦差以示懲儆因思東三省暨西北兩路以及各直省大員與在廷諸臣書

信往來亦所時有其間干預公事私相囑託未經舉發者實不能保其必無在廷諸臣於地方應辦緊要公事如果確有把握不妨據實奏聞儘可採納朕必立見施行若以私書囑託公事挾持地方官意在必行玩法辜恩莫此為甚封疆大吏均經朕特加擢用自當各矢公忠不避嫌怨方為不負委任嗣後儻有似此干預囑託一經舉發高喀爾即其前車之鑒地方大吏儻受其囑託或代為徇隱

不即據實奏別經發覺一併執法嚴懲決不寬貸將此通諭中外知之○又諭前據鄧廷楨等奏拏獲形跡可疑之遊僧認有首逆藍正樽在內當降旨交該督等嚴訊實情茲據花杰奏稱再三研鞫並非藍正樽正犯是該犯匿跡潛逃稽誅已久不特楚省著深林密之處易於潛藏即各直省地方遼廓亦難保無改換姓名詭秘潛跡之所著訥爾經額裕泰周之琦並各直省督撫不分畛域一體

嚴拏務當認真躡緝罪人斯得不准遽延月日任其遠颺漏網致稽顯戮○又諭琦善奏部駁豁免民欠存留一款據案仍請豁免一摺所有直隸省嘉慶二十三年起至道光十年止實在民欠未完存留地糧銀七萬三千七百八十六兩零既據該督查明乾隆嘉慶年間有兩次豁免成案著加恩准其豁免至嘉慶二十四年之案尚未按限詳題除藩司陳崇禮到任未久免其議處外所有歷任正

署藩司著查取職名咨部分別議處○又諭琦善奏請將運弁先行革職解交直隸歸案質訊等語松江白糧幫運弁豫升於滋事水手高立強搶婦女一案該運弁聽其匿跡幫船咎已難辭迨經被拏猶復出為阻撓實屬有意庇護著先行革職並著恩特亨額委員解交直隸一面責令淮安二幫弁丁交出候棒及倡妓李張氏等一併移解歸案質訊分別究辦○諭軍機大臣等有人奏河南武陟

縣知縣新升廣西西隆州知州趙銘彝貪酷性成肆行無忌莅任以來聲名狼籍遠近咸知該縣士民編其劣跡十條赴河北道衙門呈控有案可查著湯金釗文慶於陝西審案完竣後行抵河南查訪確實即提該員並各案要證逐款研訊以儆官邪無稍疏縱原摺著鈔給閱看將此諭令知之○又諭本日據花杰奏稱研訊遊僧劉才修改名吳本林實非藍正樽並訊明前獲賀六昌供認係程孔

固現已解楚審辦等語該撫接到該護撫咨文所有各犯供詞並起獲各種違例經卷物件務當悉心嚴究訊出實情該省現有逆犯家屬監禁解到提訊真贋立分該僧人既非藍正樽是否知情同逃或另有不法黨羽其藍正樽藏匿之處該僧人或有所聞至賀六昌供詞與楚省咨開情節不甚相符是否即係教匪程孔固著裕泰即提監候之程恆忠細心質訊無難得實該犯既認習青蓮教自

必輟轉傳徒。總當究詰根原。不得任其支飾。至藍正構一犯。罪大惡極。豈容日久稽誅。務要督飭文武員弁。認真追蹤。嚴拏並移會鄰省。一體緝獲。毋任漏網。將此諭令知之。○又諭琦善奏。訊據現獲之鎮江幫水手李鳳陽。陳玉堂等供稱。江蘇江都縣人楊成。向充河路捕快。在邵伯一帶往來。與水手素相交好。本年重運抵淮。鎮江前後兩幫。均將器械交給楊成代藏。俟探查之後。仍復取回等語。楊成以在官人役。膽敢將糧船私帶器械。代為隱匿。過淮甚屬藐法。可惡可恨。著林則徐即將該犯密速查拏。務獲交恩。特亨額嚴行究辦。將此各諭令知之。○甲午。諭內閣。御史董宗遠奏。請飭禁各省班館一摺。州縣為親民之官。辦理詞訟。務宜速審速結。小民庶免拖累。即地方園圍之設。所以待有罪尋常案件。原不准其私押。近來外省州縣。竟有設立班館。羈押人證。甚至經年累月。隨意拖延。以致

胥役勒索。民冤莫伸。不可不嚴行查禁。以靖閭閻。著直省各督撫。督飭各州縣。毋得設立班館。審理詞訟。務須遵照定限。即行審結。儻仍有久羈未結案件。即將該州縣據實嚴叅。本管道府扶同捏飾。即由該上司一併叅處決。不寬貸。將此通諭知之。○又諭鍾祥奏。河南拏獲教犯夥黨。請解東質審一摺。此案鄆城縣教犯黃上選之師首犯李芳春。潛回東省。業經曹州府知府訪獲。解省審辦。其夥黨朱洪宗等。已由河南拏獲。著桂良即將該犯等解往山東。交經額布提同現獲之李芳春等。確切質究。務盡根株。至山東習教之風。曹州東昌等府為尤。此外各府所屬。亦難保無傳習煽惑情事。不可不密訪查。期無漏網。現據萊州府屬之即墨膠州等處。訪獲教犯魯文燦等。經額布抵任後。著即將該犯等提省審訊。實力根追。毋稍疏縱。以免蔓延。尋奏訊明李芳春等妖言惑眾。將李芳春處斬梟

示黃上選等擬斬監候秋後處決下部議從之○又諭已革鎮軍鎮總兵向尊化徇庇屬員那移公項平日馭兵不能約束甚至聚眾滋事釀成戕官重案鎮軍中營遊擊陳存泰失察書識得贓那用變價銀兩其於所轄兵丁毫無約束以致聚眾挾借滋事戕官該部僅擬將陳存泰革職與向尊化發往軍臺效力贖罪不足蔽辜向尊化陳存泰俱著發往烏魯木齊效力贖罪以示懲儆○乙未

上詣綺春園問

皇太后安○諭內閣訥爾經額等奏籌議添設卡座堵緝私販一摺楚省行銷官引為淮網最重口岸惟界連數省水陸交衝向多鄰私浸灌據該督等查明湖北襄陽府屬均州之小江口湖南永州府屬之老埠頭湘潭縣之朱亭等處實為鄰私透漏門戶現議酌添卡巡以資扼要又衡州府通判專駐郡城離下游各卡較遠議令該通判往駐衡山縣要隘

處所就近督飭巡緝自係為緝私疏引起見著照所議辦理該督等惟當認真查察並嚴飭鎮將道府督同州縣及各卡員弁併力緝捕不得日久生懈儻查有得規縱放情弊著即指名撤叅毋稍姑息○又諭奕經等奏請將緝兇未獲之知縣佐領摘去頂帶勒限嚴緝一摺此案逃兇燕成曾經雇給盛京刑部員外郎吉泰家傭工輒敢行兇將吉泰殺斃復另斃一命並砍傷多人兇惡已極該管署

承德縣知縣徵良旗界佐領慶恩於此等重犯未能立時拏獲非尋常疏玩可比徵良慶恩俱著先行摘去頂帶勒限三箇月嚴緝務獲儻逾限無獲即嚴叅懲辦兇犯燕成罪不容誅豈容倖逃法網著直隸熱河山東各督撫都統飭屬不分畛域一體緝拏務獲解案審辦○丙申中元節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○諭內閣本日據大學士
文孚具摺遞請開缺。文孚在軍機大臣上行
走有年。簡擢綸扉。謹慎供職。道光十三年間。
因年近七旬。奏請解職。朕察其精神尚健。未
經允准。上年召見時。面稱重聽健忘。據實陳

懇因其情辭剴切。特降旨令其管理吏部事務。無庸在軍機大臣上行走。以節勞勩。昨因
感受暑熱。賞假調攝。本日復據奏稱耳聾頭
暈。恐致誤公。懇解退職。任若不允。所請伊心
轉有未安。文孚著以大學士致仕。賞食半俸。
用示朕眷念勤勞優禮耆臣至意。○又諭。祥
康等奏查禁內地民人潛往雙城堡影射牽
混一摺。雙城堡地方移駐京旗。據該將軍等
查明自道光二年起。京旗及屯丁等陸續招
留有眷流民二百五十二戶。並查明道光四
年奏定小封堆內准雇攜眷人夫傭工。與道
光二年原奏不准容留民人章程不符。是以
十有餘年。漸次招集有眷民人如此之多。若
不早為查禁。必致占礙旗人生計。嗣後著仍
遵照道光二年奏定章程。小封堆裏各旗屯
界內除雇覓隻身民人工作不禁外。如有攜
眷居住者。立即妥為驅逐。其內地隻身民人
亦必查係實在雇與旗人傭作者。方准容留。

僕係潛往該堡。影射牽混著。即隨時驅逐。並責成阿勒楚喀副都統暨雙城堡協領。每屆年終加結具報。該將軍等具奏一次。僕仍容留內地民人潛住。一經查出著。即隨時叅辦。至現在查出有眷民人。據稱該協領業經稟報驅逐。究竟作何驅逐之法。有無安頓。能否不致流離失所。仍著該將軍等查明據實具奏。尋奏遵旨查明。均各就食有方。不致失所報聞。○又諭莊親王奕劻宗室綿評。互控一案。著軍機大臣刑部堂官會同宗人府審訊。○以協辦大學士吏部尚書穆彰阿為國史館總裁官。○以兵部尚書奕穎管戶部三庫事。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十五

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十六

聖母慈禧端佑康頤昭豫莊誠壽恭欽獻崇熙皇太后

太后聖母慈禧端佑康頤昭豫莊誠壽恭欽獻崇熙皇太后

七倉大臣稽察倉司四詳實錄加一級隨帶加六級實錄加三級

內務府大臣稽察倉司四詳實錄加一級隨帶加六級實錄加三級

醫院通判處各詳實錄加一級隨帶加六級實錄加三級

教修

道光十六年丙申七月丁酉諭內閣前據御

史況澄奏

十

史況澄奏犯罪蠹役倉場徇情容隱仍留辦
運當令倉場侍郎明白回奏茲據奏稱經紀
盧敬等被控一案前經訊明尚無別項劣跡
因係更名重役將盧敬張瀛張廷琨擬杖革
役疊經催令坐糧廳照案發落該廳因運務
喫緊領銀復恐虛懸是以稟請暫行扣留現
已嚴飭將盧敬等三名即行革役另選承充
等語此等蠹役既經該侍郎等斥革仍當隨
時查察毋令更名復充身後辦事此外經紀

銘等奏

十

有無似此情弊並著該侍郎等嚴飭確查懲
辦如有因循容留別經發覺惟該侍郎等是
問○戊戌諭內閣前因有人叅奏上年廣東
隨帶司員白讓卿陽金城等有得受苞苴之
處當降旨將白讓卿等解任飭往廣東交恩
銘趙盛奎等密加訪查據實嚴訊恩銘等既
提訊石綸亭實有託寄箱隻情事自應俟白
讓卿等到案質訊乃遽奏稱自粵起程迎至
前途提訊已有不肯認真問訊之意本日恩
銘等奏查審情形輒據白讓卿陽金城一面
之詞遂謂所供並無收受苞苴賄賂情事尚
屬可信審理案件於案情無可依據之處尚
須逐細研求究出端倪方成信讞此案既有
寄託箱隻之石綸亭代寄通州之知縣趙桐
無難三面質對至陽金城所帶衣箱如許之
多已出情理之外又有家丁可究即使現在
未盡隨至廣東查傳提訊不過稍淹時日何
得顛預將就豫存和事之見據其所具親供

信以為實乎。朕非謂白讓卿。陽金城必有得受苞苴情事。然查辦事件。總須得一實字。似此查奏。豈非有意草率支吾。跡近欺罔。殊失朕以誠委任之義。恩銘趙盛奎俱著交部議處。○又諭。前據劉誼奏請飭查川省捐輸軍需銀款一摺。當降旨交湯金釗。文慶查辦。茲據該尚書等調取冊簿文卷。查明各款。覈與鄂山奏報開支及實存銀數相符。又上年由直隸遞回之蘇應勳提訊供詞。亦與琦善覆奏無異。前任藩司李義本並無侵冒情弊。著無庸議。○又諭。前據琦善奏宣化鎮宣化府及蔚州。西寧懷安等州縣稟報飛蝗自山西界來。當經降旨著山西巡撫申啓賢派委大員前往。嚴督撲除收買。務當剋期淨盡。茲據該撫奏稱。前據各州縣稟報飛蝗從外藩草地而來。向東南飛去。直隸之蝗或即係此。該撫已委道員督飭各屬撲捕收買。將次淨盡等語。蝻蝗為民田之害。地方官但當上緊集

夫撲滅。不得以起自鄰封。互相推諉。乾隆三十五年。奉有

諭旨。通飭各督撫。煌煌

聖訓。洞鑒各州縣藉詞推諉之弊。著琦善申啓賢各飭所屬實力捕除。如查有捕蝗不力之地方官。但就現有飛蝗之處。指名叅奏。不必更問起自何方。致生推諉而無實跡。○諭軍機大臣等。本日據湯金釗等奏稱。梁章鉅路過陝西。該尚書等曾經接見。並無關說請託

情事。所有該撫楊名颺。有無餽送梁章鉅厚贐之處。著該尚書等於回至陝西時。明查暗訪。務得實據。不准稍有疑似含混。將此諭令知之。尋奏。明查暗訪。楊名颺實無餽送梁章鉅贐儀情事。報聞。○旌表守正捐軀廣東乳源縣民蕭乾昌妻劉氏。○己亥。諭內閣。工部奏應繳工程賠項已未完數目。未經奏報齊全。請旨嚴行飭催。各直省應完覈減分賠代賠等款銀兩。前經該部奏定章程。令各督撫

將應追各款分別已完未完各數目。年終彙奏一次。茲據該部查明。道光十五年。年終。各直省應奏已未完各數。遲至於今。始據東河江西浙江福建湖南河南等省陸續奏報。其餘各省。仍未奏到。殊屬玩延。著各該督撫等。即將各該員應賠各款。查明某員應繳若干。已完若干。未完若干。現在又有續經逾限者。一力催追完繳。分晰開單奏報。仍著造冊送部。以憑稽覈。其奏報遲延及督催不力各職名。一併隨案附奏。以示懲儆。又另片奏請飭追東南兩河辦理一切工程各員辦料未足。領銀易錢未交。並辦公溢領及領銀未辦各款等語。此等欠項。係支領庫帑入己。與分賠代賠因公覈減者。尤屬有間。著各該河督查明此項未完銀兩。其現任河工者。立飭追繳。如再宕延。即行叅處。其業經去任者。即著落該管上司攤賠繳庫。不得列入分賠款內。致有懸宕。嗣後東南兩河。遇有工員支領未交

銀兩。著即嚴追歸款。不得復立溢領名目。以除積弊。而重庫款。○又諭程祖洛等奏。查辦洋盜各案內。起獲槍礮器械。業經分別銷燬配用。所有失察員弁處分。著加恩寬免。至所稱向來辦理洋盜案內。起獲軍火器械。非隨手撩棄。即藏於私家。復為匪徒所得。積習相沿。亟應嚴禁。著鍾祥於到任後。仍督飭所屬按島搜查。按戶收繳淨盡。分別銷燬配用。不准稍有藏匿諱飾。經此次寬免處分之後。儻仍有製造藏匿等弊。定將失察之員嚴加懲處。決不寬貸。○諭軍機大臣等。昨據恩銘等奏查審情形。據稱白讓卿所帶箱隻。實係自買物件。陽金城所帶箱隻。實祇家用什物及煙茶之類。就全案而論。案內實無可行賄之人。是該員等供無得受苞苴賄賂情事。尚屬可信等語。此案白讓卿陽金城。有無賄私。朕原無成見。然必須提集應質人證。逐細研求。水落石出。方成信讞。若僅據一面之詞。草率

了事。如此問案。誰不能之。已將恩銘等交部議處矣。著朱士彥著蔡即提集此案。細心研訊。白讓卿等實有贓私。即從重嚴辦。如無贓私。亦須質訊明確。毋得顛預了事。再原摺所稱調查崇文門底單一節。明係故為開脫。且現查崇文門稅簿止記總數。其浮記紙單。彙集燒燬。無憑檢查。應毋庸議。原摺著鈔給閱看。將此諭令知之。○福州將軍長清因病賞假。仍以副都統張仙保暫署。俟閩浙總督鍾祥到任後。以鍾祥兼署福州將軍。○以福建拏獲洋面巨盜。開復總兵官莊芳機等處分。予知州沈汝瀚等升敘有差。○庚子。諭內閣。潘錫恩奏請飭催籌辦公署。以便考試一摺。順天學政向無公署。前經御史帥方蔚奏請建設。當交禮部議准。茲據該學政查明。現在順天府轉咨內務府。量撥官房。作為公署。尚無定所。若不上緊趲辦。來年羅試屆期。仍未能遵照新定章程。殊不足以昭慎重。著

工部內務府查明舊有廢署。作何修復。或將寬敞官房。調取存貯舊料。添修改造。務於明年四五月內趕辦完竣。不得再有遲延。至該學政請扣養廉之處。著無庸議。○命協辦大學士吏部尚書穆彰阿為大學士。管工部事。直隸總督琦善協辦大學士。仍留總督任。調戶部尚書耆英為吏部尚書。兵部尚書奕訢為戶部尚書。理藩院尚書禧恩為兵部尚書。以都察院左都御史武忠額為理藩院尚書。

○調鑲藍旗蒙古都統樂善為察哈爾都統。以察哈爾都統凱音布為都察院左都御史。兼鑲藍旗蒙古都統。肅親王敬敏署鑲藍旗漢軍都統。○免雲南銅廠民欠無著工本銀。○辛丑。大學士長齡等議覆伊犁將軍特依順保等奏。巴爾楚克等城屯田情形。並酌撤防兵事宜。一。巴爾楚克等處曠土本多。應廣招春民。盡力開墾。一。巴爾楚克歲需兵糧。向由喀什噶爾等四城撥運。今請自十六年為

始將該處所徵搭放兵糧抵作喀什噶爾應撥之七百餘石以節運費查喀什噶爾屯田每歲例徵六百餘石今又減運巴爾楚克七百餘石應請統歸備貯款內以免採買再巴爾楚克初墾屯田每畝僅徵糧三升將來屯田日闢應視土之肥瘠按上中下三則分別徵收以十餘萬畝計之每歲可得糧三四千石即可以該處屯糧供該處兵食其喀什噶爾屯田將來逐漸開墾亦可接續徵糧多抵銀款於經費大有裨益○南疆八城共駐滿漢防兵一萬三千六百二十四員名今邊氛久靖自應於官兵換防時陸續減調所有葉爾羌應調烏魯木齊滿營官兵請自十七年為始少調一百二員名十八年少調一百一員名裁撤領隊大臣一員其烏什原駐烏魯木齊滿營官兵一百四十三員名應於十七十八兩年全行裁撤並於十七年咨明陝甘總督少調綠營官兵一千六百九十七員名

在葉爾羌等城防兵內均勻抽減所有巴爾楚克原設副將一員應令裁撤改設遊擊一員管帶○巴爾楚克開墾曠地應照伊犁烏魯木齊廢員效力之例准該廢員等捐資報效招致眷民呈明該將軍都統自行捐辦如辦及百戶由該管大臣等奏請鼓勵○巴爾楚克人煙日眾雖有城守營員不足以資治理應准添設文職彈壓撫綏並准以葉爾羌印房章京達里善作為該處糧員管理屯田及地方兵民交涉詞訟事件並每年徵收屯糧○葉爾羌領隊大臣烏珍奏前在喀什噶爾打仗出力今葉爾羌領隊大臣之缺業經裁撤應請以各城領隊大臣改補奏入諭軍機大臣等前據特依順保等奏查明巴爾楚克等城屯田情形並酌撤防兵事宜當交大學士軍機大臣議奏茲據該大臣等列款覈議朕詳加披閱均屬可行已降旨依議矣惟伊犁烏魯木齊等處廢員捐資招致眷民一

節。現在該處廢員內能否得人。必須辦理妥善。方不致有名無實。著該將軍等確切查明。據實具奏。原摺著鈔給閱看。將此各諭令知之。○以大學士穆彰阿稽察欽奉上諭事件處。○展緩河南原武縣積水村莊新舊額賦。○壬寅。

上詣綺春園問

皇太后安。○諭內閣本日吏部奏恩銘趙盛奎處分。議以革職。係屬照例辦理。恩銘趙盛奎

前經派往廣東查辦事件。並諭令將白讓卿陽金城等。前在廣東有無得受苞苴之處。據實查明。恩銘等自應在廣東省城守候。白讓卿等伴送到粵。提同應訊人證。確切質究。方成信讞。乃恩銘等並不在粵守候。提證質訊。輒行迎至中途。錄供具奏。顯係豫存和事之見。顯預結案。是以降旨將恩銘趙盛奎交部議處。朕非謂白讓卿等必有贓私。亦非謂恩銘等未能審出贓款。予以處分。惟始則奏稱

自粵起程中途提訊。已有不肯認真查辦之意。繼則僅據白讓卿陽金城一面之詞。遂謂所供並無收受苞苴。餽賂情事。尚屬可信。草率支吾。跡近欺罔。殊失朕以誠委任之義。恩銘著革去尚書都統。降為三品頂帶。仍帶革職留任。趙盛奎著革去侍郎。並軍機大臣上學習行走。降為四品頂帶。以三品京堂候補。仍帶革職留任。○湖南巡撫裕泰奏。知縣岳逢陽等疏防搶案。摘頂勒緝。得旨盜匪搶

劫。必當嚴加整頓。以靖地方。而挽積習。勉之又勉。方不愧封疆重寄也。○以刑部左侍郎貴慶為禮部尚書。三品頂帶。已革禮部尚書恩銘為刑部左侍郎。調吏部左侍郎龔守正為戶部左侍郎。轉吏部右侍郎卓秉恬為左侍郎。調禮部左侍郎陳官俊為吏部右侍郎。轉禮部右侍郎史評為左侍郎。以內閣學士王植為禮部右侍郎。○以禮部尚書貴慶兼鑲紅旗漢軍都統。調正紅旗漢軍副都統恩

桂為正白旗滿洲副都統。以正紅旗漢軍參領恆興為正紅旗漢軍副都統。○癸卯。諭內閣。陶澍奏請將被控主令行兇之都司革職審辦一摺。此案安徽亳州民人杜雨恩具控崔占元構同亳州營都司之子張二麻等。將伊兩眼挖瞎。經該督提訊崔占元復供指係都司張曰瑚。令杜朝恩等將杜雨恩兩眼挖瞎等情。該都司以現任職官。拜認杜許氏為義母。干預杜許氏家事。實屬有玷官方。亳州營都司張曰瑚著革職。交該督提同案內人證徹底研究。從嚴懲辦。以儆官邪。尋奏訊明崔占元。杜朝恩等將杜雨恩兩眼挖瞎屬實。崔占元應發極邊充軍。杜朝恩係杜雨恩小功堂兄。應依尊長毆卑幼至折傷以上律杖八十。徒二年。張曰瑚訊無主使情事。惟以現任職官。認杜許氏為義母。有玷官方。業已革職。應無庸議。下部議從之。○諭軍機大臣等。寄諭欽差吏部尚書耆英等。前據恩銘等奏

查明廣東東莞縣命婦盧尹氏具控伊子盧應翔被叅革職一案。當將原摺暫留。俟訊明白讓卿陽金城。有無收受苞苴。奏到時再降諭旨。該尚書等行抵粵東。著仍遵前旨。提到白讓卿陽金城確切質訊。其盧應翔案內各情。並著覆查具奏。原摺著鈔給閱看。將此諭令知之。○貴州學政賈克慎奏。黎平府屬之古州廳。於道光十三年設立專學。現逢考試拔貢之期。可否一律考取。下部議。尋議准照例拔取一名。從之。○以拏獲命案正犯。賞阿奇木伯克愛瑪特緞匹。○除江蘇丹徒縣水衝沙塌地五頃三十九畝。有奇額賦。○甲辰上幸靜明園。詣龍神廟拈香。○諭內閣。揀選知縣舉人倪應謙。現經緣案降調。著照例不准會試。嗣後刑部遇有關涉揀選舉人案件。著遵照奏定章程。會同禮部覈辦。○予故貝子祥瑞祭葬。○旌表守正捐軀山東膠州民紀泳青妻趙氏。

○乙巳諭內閣御史萬超奏本年正月二十三日黃村車夫孫大刀兒在田村以南地方受傷身死並搶去贏車一輛半年之久正兇未獲著步軍統領衙門順天府五城一體嚴拏務獲究辦至所稱京控各案擇其情節較重省分較近曾在該省各上司衙門呈控冤抑未伸者請將要證卷宗提解刑部審訊等語京控案件總以冤抑為詞其間實在冤抑者原不能保其必無而架詞聳聽希圖拖累

者亦復不少國家設官分職各有攸司直省督撫司道及地方各官伸冤理枉是其專責其有不能秉公審斷致有屈抑者朕必隨時予以懲處儻一切案件必待紛紛提解刑部審訊則外省問刑各衙門不幾成虛設耶若謂近省控案尚易提解來京則遠省控案又將如何辦理該御史所奏事屬難行著毋庸議○丙午

仁宗睿皇帝忌辰遣官祭

昌陵○

上詣

安佑宮行禮○諭內閣盛京為根本重地風俗素稱淳樸前因有演戲賭博等惡習屢經降旨飭令該將軍等實力嚴禁力挽頹風因思陪都地方近因五方輻輳難免漸染紛華演戲雖經禁革難保必無賭博之習尤為人心風俗之害甚至服飾競為新奇耳濡目染勢所必至著該將軍府尹等隨時整頓實力稽

查戲班賭棍驅逐嚴拏其有服飾新奇不合舊式者立即嚴行禁止以期還淳返樸力挽頹風○又諭都察院奏查明各省京控咨文案件逾限未結並上次展限已逾仍未審結各案各省州縣審斷不公致令屬民來京具控經各衙門咨交之後各該管上司自應勒限嚴催將未結各案迅速審辦以免懸宕茲據都察院查明該衙門咨交各省逾限未結統計十六案之多步軍統領衙門咨交各省

逾限未結。統計九案之多。似此任意積壓。玩泄已極。著吏部即將承審逾限各督撫都統將軍及委審各員。應得處分。查取職名。分別議處。並著各督撫都統將軍將咨交各案逾限未結。並上次展限已逾。仍未審結各案。迅速審辦完結。毋再任意宕延。致干咎戾。○又諭烏爾恭額奏。請將任聽丁書辦鹽滋弊之知府革審一摺。此案浙江溫州府撤任知府劉煜。於承辦票鹽。任令家丁私自收費。已屬

有違成法。復經該撫查出經書開報發票之數。較永嘉場出鹽之數。計短七百六十八引。其未經納課鹽斤。即屬借官行私。難保無知情故縱等弊。劉煜著暫行革職。交該撫提同經書人等。併該革員家丁。逐層根究。嚴審確情。按律定擬。斷不可任其狡卸。以肅鹺政而儆官邪。○旌表守正捐軀四川碁江縣民唐維舉妻王氏。○修浙江西塘柴埭各工。從巡撫烏爾恭額請也。○丁未。吏部以太學士穆

彰阿應定何殿閣請。得旨。著為武英殿大學士。○戊申。諭內閣。正白旗漢軍都統奏。本年致祭明陵。侯朱貽坦出缺。該族中並無品級較大之員。惟有候補通判書桂。請即派書桂代為致祭等語。書桂品級尚小。未便致祭。此次著派委散秩大臣樂英致祭。嗣後春秋二季致祭明陵。著仍照舊派承襲侯爵之人前往致祭。如無襲爵之人。或另有事故。不能前往。即派伊族中品級較大之員。代為致祭。若

該族亦無品級較大之員。即由該旗請旨。派散秩大臣致祭。著為令。用示朕加禮前朝之意。○又諭。給事中許球奏。請實力稽查保甲一摺。弭盜詰奸。保甲實為良法。京師市廛雲連。居民稠雜。奸匪最易潛藏。向來編次門牌。設立循環號簿。附近圓明園一帶。復派令揀發司坊官分駐查察。立法本極周密。乃行之日久。奉行故事。視為具文。不可不嚴加整頓。著步軍統領衙門。順天府五城各按地界。挨

戶周查。務將牌內填註姓名之人。覈對年貌。不得含混了事。其客店寓所。仍照舊例。按月點卯。酌量分定日期。俾得逐一查照。循環號簿。詳細詰問。毋許容留來歷不明之人。所有內外城偏僻巷觀寺院。查有面生可疑者。嚴加盤詰。鄉莊村鎮。由順天府派委委員。五城派委揀發司坊官。各按界址。勒限逐一清查。其附近圓明園一帶村莊。責成分駐司坊認真查察。並著該城御史前往抽查。總期不擾不漏。俾奸匪無託足之區。庶地方益臻安謐。經此次飭諭之後。勿視為申明舊例之舉。仍前玩弛。不能實力奉行。則責有攸歸。一經破露。必照溺職例從重懲處。決不寬貸。○諭軍機大臣等。有人奏安徽來安縣知縣周之錦貪劣不職各款。著色卜星額督同程樹采東公據實查明。如該員實有擾害善良之事。即行嚴叅懲辦。毋稍徇隱。再該縣雁塘公田。自應認真經理。以清弊端。棚民開種山地最易

藏奸。亦應驅除。嚴行封禁。著色卜星額妥議具奏。原摺著鈔給閱看。將此諭知色卜星額。並傳諭程樹采知之。尋奏查該縣雁塘等項四處公田。本係民捐民管。立法頗為周備。未便輕議更張。至棚民七百餘戶。並無藏奸不法情弊。若遽行驅除。誠恐失業人眾。另滋事端。應請查照徽州府屬棚民之例。以十年為率。遣令回籍。現在未滿年限各棚民。與置有田產各戶。一體按戶編排。註明佃種棚居年分。按十戶設立牌長。十牌設立棚長。合一山設立棚頭。責令稽查。並飭該管知州抽查。以昭覈實。知縣周之錦。訊無婪贓。飢法重情。惟辦事顛預。致招物議。應即革職。以肅官方。下部議從之。○除江蘇丹徒縣水衝沙壓地八頃六十四畝有奇額賦。○己酉。上詣綺春園問皇太后安。○諭軍機大臣等。有人奏廣東省連山廳同知姚東之。挾案嚇勒多贓。辦理地方

未能允協等語。該同知姚東之辦理。普寧一案。如果有嚇勒多贓。辦理不善之處。自應嚴行懲辦。著著英、朱、壽、迅即查明據實奏辦。毋得稍事徇隱。致有不實不盡。又另片奏。番禺縣役楊超。包庇賭館。窩宿倡妓。蓄養賊匪。各等語。如果屬實。尤為大千法紀。著一併嚴查究辦。原摺片俱著鈔給閱看。將此諭令知之。○命右春坊右中允丁善慶提督廣西學政。○庚戌諭內閣。前據御史翔鳳奏。各

省案件。上司未經親提。請旨嚴定處分。當令軍機大臣會同該部議奏。茲據查明歷控案件。上司不行親提者。作何處分。例內已有明文。本年三月間。復經吏部奏明酌增條例。更為周備。嗣後各省督撫於民間上控之案。惟當振刷精神。盡心庶獄。一切事關重大。案涉疑難。應行親提者。立予親提。秉公審斷。不得率委屬員。致小民冤抑莫伸。紛紛來京控訴。儻敢仍前玩愒。一經查出。定將該督撫等照

例議處。其藩臬道府等官。於接收呈詞後。有無轉委發審等弊。著該督撫等嚴行查察。統於結案時。將曾否親提之處。據實聲明。聽候部議。所有該御史請嚴定處分之處。著無庸議。○又諭祥康等奏。雙城堡京旗拆毀官房。請將失察之該管各官。分別議處一摺。雙城堡移駐京旗。予以地畝房間。以裕生計。茲據祥康等查明。該京旗將原房拆改至一百九十四所之多。實屬不安本分。該管各官。果能實力稽查。隨時禁誡。自可懲一儆百。不致紛紛效尤。乃前任副都統張仲敬等。既經查出。並不認真辦理。輒行捐廉修補。草草完結。以致該京旗罔識顧畏。習為故常。將來調劑京旗一事。必致有名無實。所有失察之歷任該管各官。著查取職名。交部分別議處。嗣後該京旗如再有拆毀房間者。著照該署將軍等所議。分別枷責。遊屯示眾。以示懲儆。該管各員。如能隨時查出報明。免其議處。儻有隱飾。

即交部議處。仍責令賠修。並著責成雙城堡協領。每季周查一次。具報阿勒楚喀副都統衙門。統於年終加結具報。該將軍衙門派員查勘。以昭覈實。至現在查報之拆毀房間。所需工料價銀。著即由備存樽節項下動給。趕緊修補完竣。俾各京旗得資棲止。該衙門知道。○以翰林院侍講博迪蘇。充日講起居注官。○湖南綏靖鎮總兵官李約。年老休致。以福建福州城守營副將明海。為綏靖鎮總

書

書

兵官。○辛亥。諭內閣。莊親王奕劻。因口角細故。喝令包衣人訥海等。將宗室奕岳捆毆掌責。迨宗室綿評等。赴府理論。輒復輕聽護衛德勝口稟。並不確查虛實。率行具控。實屬不知恪守禮法。經宗人府等擬以革去王爵。原係照例辦理。惟念奕劻與奕岳雖係近族兄弟。久不往來。犯時不知。一聞奕岳稱係宗室。即令雇工人富通。將其釋放。尚無挾嫌藉端尋毆情事。莊親王奕劻著加恩改為罰親王

俸十年。並裁去頭等護衛二名。二等護衛二名。以示薄懲。綿評聞伊子奕岳被毆。並不赴官陳訴。輒於深夜赴王府嚷鬧。並毆傷護衛德勝等三人。亦有不合。姑念綿評係奕劻族叔。且訊無率眾持械情事。著從寬照例折罰錢糧。免其責打。頭等護衛德勝。於被毆後。妄以身受刀傷。隨口混稟。以致奕劻誤聽伊言。具呈控訴。實屬謬妄。德勝著即革職。○旌表守正捐軀廣東封川縣民梁傑。覆妄韋氏。

書

書

大清宣宗效天符運立中體正至文聖武智勇仁慈儉勤孝敏成皇帝實錄卷之二百八十六

大清宣宗效天符運立中體正至丈聖武智勇
仁慈儉勤孝敏成皇帝實錄卷之二百八十七

[illegible]

道光十六年丙申八月壬子朔○癸丑遣官

祭

文昌帝君廟。論內閣前據給事中朱達吉奏。川省佐雜擅受民詞。差役唆訟勒索。當降旨交湯金釗等查明懲辦。茲據奏稱四川廣元縣民人黃大貴因賭博被控。該縣典史董秉義接受呈詞。致差役詐贓釀命。該縣知縣春明已有失察之咎。嗣經屍親受財私和。又復率准攔驗實屬溺職。春明著即革職。董秉義擅受濫差致釀人命。著即革職。該管各上

司於此等命案。漫無覺察。現經湯金釗等飭查復有三臺縣等州縣佐雜擅受被控三案之多。可見該省積弊相沿。未能盡除。所有失察之總督藩臬及該管各上司。均著查取職名。交部照例議處。各省佐雜人員。官職較小。流品不一。例不准擅受民詞。致開藉案訛詐之漸。其所設差役。例有定額。不准掛名濫充。原以防見事生風。藉端勒索。今四川一省如此。恐他省亦所不免。著各直省督撫通飭所屬地方官。凡有詞訟。概不准批發佐雜衙門審訊。佐雜微員。亦不准私行擅受。儻有前項弊端。由該管道府認真查察。有犯必懲。從嚴叅辦。至州縣及佐貳等官。於額設差役外。如有濫設掛名差役。即行查明裁汰。免滋擾累。經此次諄諭之後。儻再有佐雜擅受差役。索詐各案。一經查出。或有人叅奏。定將該省督撫藩臬各上司一併嚴懲。決不寬貸。○又諭前據御史黃仲容奏。廣東潮橋鹽務。請飭令

潮州府知府協同運同辦理經戶部議以事
無專屬易啓推諉之漸當降旨令鄧廷楨等
體察情形妥議章程具奏茲據該督等奏稱
查明潮商拆引向由運同給發水程該商照
運到埠即將水程投繳地方官查驗及至銷
竣地方官將程截角送赴運同覆覈定例極
為詳備現在該處鹽務自上年徹底籌辦以
後已能將十三年分滯銷積引依限奏銷並
無遲誤自不必另議更張致滋弊竇所有潮

橋鹽務著仍照定制辦理該御史所奏著毋
庸議○以光祿寺卿元祿為太常寺卿○以
捐修浙江麗水縣城垣予知縣蔣士麒等議
敘有差○甲寅

上詣綺春園問

皇太后安○乙卯

上詣

大高殿行禮○還宮○改鑄四川成都城守營
遊擊關防從總督鄂山請也○以捐修江蘇

奉賢縣

丈廟並建立義學予知縣楊本初等議敘有
差以祭

社稷壇自是日始齋戒三日○丙辰遣官祭黑

龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園

惠濟祠

河神廟○諭軍機大臣等御史朱成烈奏直

隸奸民有教匪竊匪賭匪三種上年直隸查

拏教匪聞各州縣差役有得賄故縱者有詐

索不遂坐以習教者教匪各有頭目各有私

冊頭目既得即可追究私冊按名查拏此等

匪徒散在州縣村莊或十數戶或數十戶不

等必有頭目為之主謀居民斷無不知不難

向公正紳耆密探大略。竊匪則滄州向有窩巢。今聞各處俱有窩藏。包庇之家。竊衣物者。質諸典庫。事主尋覓給予當票。令其自贖。竊牛馬者。繫在窩家。令其持價往贖。鄉民憚於稟官。不得不飲恨相就。地方官即留心緝捕。奈窩家賄通捕役。先期報信。此拏彼匿。其窩巢往往在兩州縣接壤之處。賭匪則窩賭之家。賄通官役。以掩州縣之耳目。遇有查拏。令其暫避。各州縣四季皆有會廠。此輩賄通吏目典史城守。以及書役人等。或搭蘆棚。或租寓。所謂之明賭。有紳衿富戶之局。有鄉民之局。有棍徒之局。有僕隸下賤之局等語。無業貧民習為游惰。其流為賭博習教及竊賊者。均足為閭閻之害。不可不嚴行查辦。著直隸總督順天府尹等嚴飭所屬地方官。破除積習。認真稽查。如有各項匪徒。立即嚴密訪查。按名拏究。僮胥役人等有得規庇縱情弊。務當從嚴究辦。斷不准意存徇庇。致匪徒聞

風遠颺。以戢邪慝而安良善。將此各諭令知之。以駐藏大臣正黃旗蒙古副都統慶祿為貴州布政使。太僕寺卿關聖保為駐藏大臣。兼正黃旗蒙古副都統。○戶部議准陝甘總督瑚松額疏。報靖遠縣開墾地九十六畝。有奇。正寧縣一頃六十畝。照例升科從之。○丁巳祭先師孔子。遣大學士穆彰阿行禮。○諭軍機大臣等。本日據琦善奏。鄭重畿輔糧食思裕。蓋藏舒國用以厚民生等語。國家計安黎元。首以足食為先。務琦善因本年直隸秋收豐稔。恐境外奸商收買興販出省。豫思防範。自係為閭閻蓋藏起見。朕思各直省地界毗連。如連遇豐收之年。有無相通。原所不禁。直隸省自夏秋以來。連獲甘霖。轉歉為豐。實為萬幸。現在將次百穀登場。市集豐盈。糧價自必漸減。但愚民罔識蓋藏。祇圖目前之利。售與外來奸商。必致糧少價昂。雖遇豐年。仍不免

食貴之慮。因時制宜。自不可不豫為籌範。著照所議。妥協辦理。將此諭令知之。○協辦大學士直隸總督琦善等奏。遵議御史王藻請定稽查運丁盜賣虧短。剝船攬和偷漏章程。應請於抵通後。除失風失火折耗米石外。查有掛欠。立即嚴究。短少之由。徹底懲辦。至剝船攬和偷漏。最為倉儲之害。查道光十三年奏辦章程。派漢生糧廳駐劄起剝處所。查明剝船有可作弊之處。全行釘固。及米石上船。復將重席苫蓋。上用竹片釘實。黏貼印封。以杜偷竊。剝船到壩。由滿生糧廳逐船親驗。啓封現咨會倉場侍郎。即照舊章辦理。並飭天津鎮道通永道。於地方文武查催不力者。即行指名揭叅從之。○戊午祭	大社	大稷	上親詣行禮。○幸圓明園。○詣綺春園問皇太后安。○己未
---	----	----	----------------------------

上奉	皇太后幸同樂園。進膳。賜內廷王大臣蒙古王公等食。○遣官祭	關帝廟。○遣官祭昭忠祠。○庚申。	太宗文皇帝忌辰。遣官祭	昭陵。○諭軍機大臣等。據內閣學士朱嶠奏。申嚴鴉片例禁。並給事中許球奏。敬陳管見。各一摺。又另片奏。嚴治漢奸等語。鴉片煙來自外夷。流毒內地。例禁綦嚴。近日言者不一。或請量為變通。或請仍嚴例禁。必須體察情形。通盤籌畫。行之久遠。無弊方為妥善。著鄧廷楨等將摺內所奏。如販賣之奸民。說合之行商。包買之窩口。護送之艇。賄縱之兵丁。嚴密查拏。各情節悉心妥議。力塞弊端。據實具奏。至許球另片所稱。洋夷情形。是否實有其事。亦著一併議奏。原摺片俱著鈔給閱看。將此諭知鄧廷楨。祁墳。並傳諭文祥知之。○辛酉
----	------------------------------	------------------	-------------	--

萬壽節遣官祭	太廟後殿○遣官祭	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后	孝慎皇后陵寢○遣官祭	顯佑宮	東嶽廟	城隍廟○	上詣
--------	----------	----	----	-----	----	-----	----	----	-----	----	--------	------	------------	-----	-----	------	----

安佑宮行禮○詣綺春園	皇太后前行禮○御正大光明殿皇子及王以下文武大臣官員蒙古王公外藩使臣等行慶賀禮○御同樂園賜內廷王大臣蒙古王公等食○諭軍機大臣等有人奏河南南陽府與湖北襄陽府交界棍河地方有巨盜張開運開設大窩子聚黨千餘其手下大頭目趙文德住雙溝兒地方又有老虎爺結三兒住金線掛葫蘆地方謂之小窩子共有數處多者數百人少亦數十人分布州縣勾串捕役劫奪良民遇有巨案上司限拏解交者州縣則勒限捕役捕役知是某窩子某人做此一案即向其頭目商量要人承案該頭目稔知某窩近日生意不旺謂之短少錢糧邀同捕役前往彼處與其頭目面議此案要斬犯幾名絞犯幾名該價若干正犯情願幫費若干捕役幫費若干若幫費不能如數又料某窩現有某案未銷商令湊足即將其未銷之
------------	--

案一併代承。幫費既足。然後交出人數頂替。此等頂犯。皆各窩子頭目。平日收養乞丐之人。先後挨次售用。既經頂犯到案。如有改供。逃逸等情。張開運必能致之死地。其死更有慘於絞斬者。故皆至死不變。張開運所住窩子路徑深邃。兵器極多。役難掩捕。該犯於湖北官員。但畏提督羅思舉。河南官員。但畏守備劉天保。此二人所在。不敢恣肆等語。兇惡棍徒。最為地方之害。著桂良即將該犯張開運等。按名迅速嚴密查拏。從重究辦。毋得稍有漏洩。致令遠颺。如有差役包庇故縱等情。惟該撫是問。將此諭令知之。○又論有人奏河南南陽府與湖北襄陽府交界棍河地方。有巨盜張開運。開設窩子。聚黨千餘。分布州縣。勾串捕役。劫奪良民等語。已另降旨著桂良嚴密查拏。從重究辦矣。但南陽與襄陽接壤。恐該犯此拏彼竄。乘間脫逃。著訥爾經額等。遴委明幹妥員。嚴密協拏。毋令倖漏。法網

是為至要。將此諭令知之。尋奏拏獲張開運等。訊無私藏軍器及窩夥搶劫重情。惟因販私鹽數在三千斤以上。請將張開運趙文德結三兒等。發附近充軍。餘分別問擬杖徒。下部議從之。○又論有人奏江蘇徐州府邳州地方。有兇棍吳當運。向在洪澤湖清江浦河口一帶地方。聚眾為匪。曾經睢寧縣拏獲起解。被其夥黨要截。劈開木籠毆差劫去。近將十年。疊經該督撫飭令地方官捕拏。無獲。上年十一月間。該犯在舊邳州鎮。砍廢任三大漢。又於睢南廳衙門前。支解田二田三。拋入黃河。現在盤踞邳州境內窩灣鎮。其謀主有訟師姚宣信。係山西太谷人。其爪牙有草上飛徐可宗。白面宋三。天不怕王同。並現充邳州捕役魏大漢等。其器械有擡槍數桿。重二百餘斤。鳥槍數十桿。長槍數十桿。勾結亡命數百人。出沒於阜河堰頭泡車龍池等鎮。有薛佩玉被訛大錢一百五十千。羊皮襖三十

件。王名載被訛大錢二百千。又閭姓丁姓楊姓張姓莊姓等家道稍為殷實。皆被訛索。不敢呈控。惟王森一案。吳當運欺其孤寡。於上年十二月夜間。帶領天不怕王同將王森捆至窩灣鎮。勒贖大錢三百千。王森但敢呈控。王同並不敢指控。吳當運等語。此等兇犯。膽敢擾害良民。實屬大干法紀。必應嚴行懲辦。著林則徐遴委明幹妥員。按名嚴密查拏。務獲究辦。毋令聞風遠颺。是為至要。將此諭令

知之。尋奏拏獲吳當運。審明正法。並將從犯二十四名分別定擬如律。下部議從之。○兵科給事中許球奏。工部鉛子硝磺二庫。請改設專員經理。下部議行。○壬戌。

太祖高皇帝忌辰遣官祭

福陵。○諭內閣。前因御史阿林保等奏。甲米開放遲延。當經降旨。令倉場侍郎查明具奏。茲據鐵麟等奏。稱查明萬安倉本年七月輪放。鑲黃正黃兩旗包衣大檔甲米。均係隨到隨

放。其米車趕不入城。並非開放遲延所致。該監督等此次辦理放米事宜。尚無錯誤。著免其議處。嗣後城外四倉。開放甲米。著先期移知該旗都統。嚴飭領米之人。趕押車輛。毋許次日進城。以杜弊端。○以通政使司副使吳其濬為內閣學士。兼禮部侍郎銜。○癸亥。諭內閣。嗣後萬壽慶節。若遇雨。皇子王公等。著在正大光明殿檐下行禮。文三品武二品以上官。著在出入賢良門內外檐下左右行禮。

文四品武三品以下各官。著在大宮門內外檐下左右行禮。其丹陛樂著移於正大光明殿東西廂檐下。○甲子。秋分。夕

月於西郊。遣怡親王載垣行禮。○

上詣

安佑宮行禮。○乙丑。

上詣綺春園問

皇太后安。○丁卯。旌表守正捐軀順天宛平縣民王仁妻周氏。○戊辰。諭內閣。琦善奏。請將

副將解任質審等語。此案直隸開州協副將王連元。於所管都司千總等查拏私硝。受賄匿報。被控後並不據實揭參。輒任和息了事。迨經二次告發。始行移縣究辦。現據已革千總程連供稱。該副將之子。事後曾受餽送。無論虛實。均應徹底根究。王連元著解任歸案。質審務期水落石出。以成信讞。而儆官邪。○諭軍機大臣等。本日據奇明保奏稱。錦州府屬莊糧衙門催長福珠隆阿。於該處莊頭名下。應交道光十三年分餘租銀四千三百餘兩。並不照數催齊。解送交庫。已降旨將該員革去催長。解交奕經會同盛京刑部嚴審。究辦此項錢糧。逐年清款。該催長輪年承催。歷久從無貽誤。何以該員膽敢侵那掩飾。遲至數月之久。經該副都統傳詢。託故避匿。顯有侵蝕等情。已飭將該員家產資財。查封備抵。矣著奕經嚴密查察。不得任其寄頓藏匿。俟該員解到時。務當秉公審訊。廉得實情。按律

懲辦。以重帑項。而儆官邪。將此諭令知之。尋盛京將軍奕額等奏。訊明福珠隆阿將承解交庫餘租銀四千三百餘兩。私行侵用屬實。按律擬斬監候。下部議從之。○調直隸布政使陳崇禮為福建布政使。以前任直隸布政使顏伯燾為直隸布政使。○己巳諭內閣。前據黃爵滋奏。請嚴定章程。永杜回漕錮弊。並酌定賞罰等語。當降旨著順天府尹。直隸總督查明議奏。茲據琦善查明天津南北兩岸

各處現無鋪戶囤積回漕之弊。並酌議章程。以防未然。俱著照所議辦理。惟囤積回漕。雖係奸商舞弊。其源總由於漕船之額米不敷。若額米盡數。該旗丁等方有餘米在通變價。又何用私買回漕為耶。嗣後著有漕各督撫。轉飭各該管糧道。於幫船受兌時。如有旗丁需索折色等弊。立即拏究。並嚴飭押運員弁沿途加意防範。毋任稍有偷漏。攙雜幫船過淮時。著漕運總督認真盤驗。不許顆粒短少。

僅到通後仍有虧欠。除照例發南追比。勒限完交外。仍將旗丁從重治罪。並將總運押運各員據實嚴叅。其因積接濟要隘地方。仍當嚴密稽查。毋稍疏縱。以肅漕政而清弊源。○又諭前據程祖洛等奏福建捐辦義倉。梁章鉅進京後。其子梁逢辰接手勸捐。請旨獎勵。嗣經御史鄂爾端奏。梁逢辰上年隨同伊父進京飭查屬實。當降旨交程祖洛等明白回奏。茲據奏稱。該省設立義倉。係告病藩司梁章鉅先自勸捐。嗣因奉旨飭令進京。不克一手辦竣。其子梁逢辰本係隨同經理。即令接手勸捐。並自捐銀四千兩。旋即竣事。隨同伊父進京等語。梁逢辰雖勸捐出力。究係大員子弟。著交部從優議敘。毋庸給予儘先選用。該督等於梁逢辰隨父進京。未能明晰聲敘。俱著交部議處。○庚午。予浙江出洋淹斃外委蔡洪龍。祭葬卹廕兵丁張殿邦等三名賞卹如例。○除江蘇長洲縣義冢地一頃十五

畝有奇額賦。○辛未。諭軍機大臣等。有人奏江浙等省錢法敝壞。私錢之源。一為局私。一為民私。江省之寶蘇局。鑄頭工匠。向以私積制錢五萬餘串。分存附近質庫。每屆開鑄。運局點驗。驗後仍分藏質庫。所有官銅。盡鑄私錢。其價較民私稍昂。浙省局私。攬和沙土墮地。即碎。不若民私之便用。民間私鑄處。處有之。有司衙門得規包庇。其大夥鼓鑄。藏於附近海口島嶼之中。由商船夾帶進口。船底有夾板油飾嚴密。查之無跡。抵岸卸貨。挾板出錢一船。所帶八百千之多等語。國法為經國重務。私錢充斥。百物騰貴。最為閭閻之害。不可不嚴行拏究。著兩江閩浙各督撫。通飭所屬於開鑄時。嚴密查察。認真究辦。民間所用私錢。務究其販自何人。鑄自何處。其島嶼私鑄。著責成巡洋水師各將。備實力挖緝。儻查有得贖庇縱情弊。即行從嚴懲處。其夾板商船。如敢夾帶他項違禁物件。尤當一律挖查。

母許疏懈。此皆係地方大吏應辦之事。原不應有此弊端。若再因循不加振作。自問於心能無愧乎。懷之。將此各諭令知之。○雲貴總督伊里布奏。遼羅與南掌爭訐。旋經議和息事。南掌逃入邊界難夷。現已遣回。邊地靜謐。報聞。○壬申。

上詣綺春園問

皇太后安。○遣官祭賢良祠。○諭內閣。前據給事中許球奏。請實力稽查保甲。當降旨令步

軍統領衙門。順天府五城各按地界。按戶周查。茲據禧恩等奏。請將南苑旗弁民役。佃戶居民一體周查等語。南苑地界遼闊。官房民居農戶村莊錯雜其間。人數眾多。良莠不一。必須嚴加查察。以杜奸萌。著照所請。嗣後除八旗內務府上駟院慶豐司當差人役。由該管衙門督率稽覈外。著嚴飭各門章京三旗苑丞苑副等。無論旗民。逐一嚴行訪查。比戶曉諭。毋許容隱。分別功過。以示勸懲。並派內

務府司官。不拘時日。前往各莊抽查。並取具查員切實甘結。至海戶並武甸等四處。東紅等三門內村莊居民佃戶。八圍草夫均係民籍人役。除由該衙門出入稽察外。著順天府督飭大宛二縣各按地界。查明造冊。按戶懸掛門牌。一體編查保甲。揀充里長保長。隨時豫行照門進苑覆覈。並將戶口清冊另造一分。咨行該衙門。以備互相稽查。自此次明定章程之後。務當認真查察。實力奉行。不得日

久生懈。視為具文。○又諭。訥爾經額奏首逆日久未獲。自請嚴議一摺。此案逆匪藍正樽即藍沅曠聚眾倡亂。罪大惡極。自應嚴拏務獲。明正刑誅。以彰國法。乃屢經降旨飭催。事閱半年之久。仍以訪緝無蹤為詞。是該督於此等謀逆重案。事前既毫無覺察。事後復不能趕緊弋獲。實屬延玩。訥爾經額著先行交部嚴加議處。仍著督率地方文武員弁趕緊查拏務獲。○又諭。毓書奏。請將互相揭控之

侍衛台吉暫行革職審訊一摺。此案科布多屬霍呢邁拉胡卡倫駐班協理台吉巴噶土爾與護軍校克特什布及四等台吉喇克巴以縱放賊犯私取羊馬等情。互相揭控。經該大臣提訊。供情仍各狡展。必應徹底根究。以成信讞。巴噶土爾克特什布喇克巴均著暫行革職。交保昌帶同明幹司員前赴科布多會同該大臣親提人證卷宗。詳細研訊。按律定擬具奏。事關外夷。該將軍等務當秉公審

辦。毋稍含混。尋奏訊明巴噶土爾扣留羊馬牛隻合計一百四十餘匹之多。又誣取哈薩克騎馬將哈薩克交納租馬抵換。又自行縱放賊犯誣指克特什布縱放種種不法。擬革去協理台吉。發新疆效力。克特什布不能嚴防邊界。轉與哈薩克婦女通姦。實屬卑鄙無恥。擬革職枷號三箇月。滿日發伊犁充當苦差。喇克巴所控並無虛誣。應請開復原職。下部議從之。○命御前行走貝子德勒克色楞

往奠故喀喇沁扎薩克郡王布呢雅巴拉茶酒賞銀四百兩治喪。○癸酉。

上御洞明堂。勾到新疆雲南貴州廣東廣西上年情實罪犯。停決新疆絞犯二人。雲南斬犯一人。絞犯一人。貴州斬犯二人。絞犯一人。廣東斬犯三人。廣西斬犯三人。絞犯一人。餘八十二人予勾。○諭內閣。向來投遞匿名文書。告言人罪。拾獲者照例銷燬。原所以戢奸究而防傾陷。近來各省士民習染漸深。往往編

造歌謠。妄將該管各官肆行詆毀。冀圖洩忿。迨經簡派大臣前往。或交督撫大吏秉公查訪。所指各款。多屬子虛。而為所指斥者。不但聲名頓減。且牽涉多人。紛紛提究。受累已不待言。揆厥由來。大率懷挾私讎。妄希拖累。又慮出名控告。一經審虛。即照誣捏治罪。是以情變百出。作為歌詞。隱匿姓名。巧相誣讎。即審明實無其事。全係捕風捉影之談。亦得置身局外。無從究治其罪。是此等鬼蜮伎倆。實

與匿名揭帖無異。於風俗人心大有關繫。不可不嚴行查禁。嗣後各直省大吏遇有傳播歌謠指斥公事者。惟當虛衷體訪。嚴密根追。並究明編自何人。一經得有捏寫主名。即行密拏到案。訊明平日有何讎怨。照例嚴行懲治。無稍寬縱。以省株累而挽頹風。將此通諭知之。○又諭。前據給事中周開麒奏四川辦理夷匪一案。諸多欺飾等情。當經降旨令湯金釗等查明具奏。茲據該尚書等奏稱該給事中。將軍寶興等甫經覆奏各處番夷甚知畏懼。旋有義邊民人來京控告一節。現據署我邊通判濮瑗先後申報。該夷送出難民一百餘名。該民人徐幗林一子三女。亦經交出。是該夷於戡定後。甚知畏懼。尚屬可信。又所奏通判徐久道欲將誘出夷人八九十名。換出難民。李義文即將該員撤任。並李義文因道路險峻。不敢前進。遂與馬騰龍裝點情形。捏報戰勝各一節。夷匪犬羊性成。不加

痛勦。罔知畏懼。徐久道與將弁意見不合。是以將其撤任。迨進兵後。前後連獲勝仗十餘次。勒焚夷匪巢甚多。賊勢窮蹙。投誠乞命。始行撤兵。其賞給夷目頂帶袍褂。係在撤兵之後。並無以賞息事。捏飾軍功情弊。至李義文保舉原單。文武員弁四百餘人。經該督鄂山駿減入奏。尚無冒濫。其給發軍餉。據各該兵丁僉稱。並無每兩折錢八百文之事。該督閱兵時。必技藝嫺熟者。方有獎賞。亦無一到校場。即放賞項之事。上年七月間。甘落三溪夷人與十二地夷人。蠻觸相爭。實與十三支夷無涉。李義文未經據稟申詳。業已奏參。是該將軍等所奏。並非託詞支飾。至該省辦理軍需。均屬紳士踴躍輸將。其無力完繳者。俱經准其免捐。是該督等所辦。並無不合。所有該給事中所奏。著毋庸議。惟前任藩司李義文。剛愎自用。素性奢侈。前在我邊軍營。每日遣人遠道取水。供給食用。至凱撤回省。意存

自滿致招物議。其濫保多人。經該督鄂山駁減。李義文對眾輒出怨言。以市己恩。實屬乖張。任性。著交部嚴加議處。尋議上。得旨。李義文著照部議革職。○又諭。前據御史沈鏞奏。四川涪州知州楊上容等。賦性貪酷。及戀缺鑽營。物議紛騰。各款當降旨。交湯金釗等嚴密查訪。據實叅辦。茲據查明。楊上容並無肆求鹽規。及藉案需索情事。其士民所造歌謠。逐款研訊。實無傳案派差多至數十人。及更換市斗鄉約。得受使費。並米船過境。扣買轉售。凌辱士子各情。惟伊子楊世偉。與涪州周姓結婚。定聘在未到任以前。與為子娶部民女者不同。但在任內時迎娶。究有不合。楊上容著交部議處。前任江津縣知縣告病之天全州知州郭彬圖。於升任後。因接任之員出差未回。以致交代卸事稍遲。並非戀缺逗留。亦無任性驕橫等弊。華陽縣知縣現升資州知州舒翼。地方公事尚無貽誤。審理案件時。

亦無奄然鼾睡之事。郭彬圖舒翼均無不合。著無庸議。至此項歌謠。編自何人。既經訊明。楊上容並無其事。是有心傾陷。情同鬼蜮。最為風俗人心之害。不可不嚴行拏究。著鄂山留心體訪。飭拏務獲。按律懲辦。以肅吏治。而戢刁風。○又諭。前據花杰奏。拏獲遊僧劉才修等。解楚審辦。當降旨。交裕泰細心嚴究。茲據奏訊。明劉才修實非武岡滋事。首逆藍正樽。其前在廣西質認之李和尚。即李自雲。結伴之僧印洪。即吳元林。受雇之楊洗明等。亦俱非從逆夥黨。惟該犯等行蹤詭詐。著俱照擬杖責遞籍。交各該地方官嚴加管束。毋許復出為匪。首犯藍正樽。即藍沅曠。著仍遵前旨嚴飭各屬。並移會鄰省。一體趕緊緝拏。務獲毋任日久稽誅。至賀六昌一犯。雖據訊非在逃之程孔固。惟該犯既供有曾學青蓮教一語。其所稱並未輟轉傳徒。即難憑信。該犯習教之師陳販聚現未獲案。更難保非狡供。

避就著該撫嚴行根究並速飭該管新化縣查拏陳販聚務獲親提究辦毋稍輕縱致貽後患尋奏查陳販聚業已病故賀六昌曾經習教實未輟轉傳徒依律擬發回城為奴下部議從之○甲戌

世宗憲皇帝忌辰遣官祭

秦陵○

上詣

安佑宮行禮○論內閣漕糧為天庾正供節經

降旨令有漕各省督撫嚴飭所屬早兌早開剋期渡黃不許稍有遲滯原期抵通迅速則回空可按例限不至貽誤新漕乃近年重運漕船往往藉詞耽延不能如期抵壩以致歸次與受兌俱遲又安望其及早解纜耶現在節交寒露水勢漸消所有回空各省幫船連檣南下著該漕督及沿途各督撫嚴行催趲無分晝夜銜尾前行不准片刻停泊庶幾以速補遲至來年辦理新漕尤當依限兌開統

於黃水未漲之先趕早完渡著有漕各省督撫嚴飭各該糧道早兌早開總令於四月初十日以前全數趲至清江剋期抵壩以便渡黃北上毋許稍有延誤儻敢意存玩泄漫不經心仍致臨時周章有逾期限定將該漕督及各督撫嚴行懲處決不寬貸將此通諭知之○諭軍機大臣等有人奏山西現署太原府知府珠瀾前在大同府任內縱容家人在署外起蓋房屋於太平樓東串同粟米等店齊行霸市買空賣空民心公憤徧貼告白有該府得贓一萬五千兩若累百姓之語該處有民至痛心喚鬼王石獅頭上貼三張之謠當經大同鎮總兵收得一張該府自收去一張委府經歷李翔麟訪查實有其事幸該府調護雁平道不至發作又十四年十一月間赴豐鎮路踏勘開墾地畝得五雲店邊姓攤派各地戶銀一千六百兩又十五年夏間歲考廣靈縣文童得銀四百兩賣給案首覆試

文雖錄舊。仍然上取。又十三年署歸綏道任內娶部民子女為妾。被京中債主代州人張姓藉端挾制。又十四年三月間。遣人至直隸蔚州買得一妾。未及半月。鞭責幾死。誘妾父至郡。壓令領回。又十五年六月間。囑管廚家人陳姓到廣靈縣買部民子女為妾。偶不合意。令原買之家人領回。計三年內共娶七妾。皆不久即遣去。又愛養貓狗。冬日為製五色紬衣。派奴專管。公出必令牽狗出接街巷環

視共相喧譁。又自署首府後。頗指氣使。諸事高興。發審局委員登時散盡。所存者祇坐補安邑縣劉應昌一人。自三月二十一起。至今未能審結一案。積壓七八十起。又太原府委員飯食。向係首府捐廉自備。前任知府滕蔽署藩司。於各府州縣攤派一千二百金。在養廉內坐扣。今審案無人而攤扣如故。各等語。知府為方面大員。如果性情乖僻。聲名平常。自應從嚴叅辦。以儆官邪。著申啓賢破除

情面。認真查明。據實嚴叅。儻稍徇隱。或別經發覺。該撫不能當欺飾重咎也。將此諭令知之。○乙亥

上御洞明堂。勾到四川上年情實罪犯。停決斬犯十七人。絞犯五人。餘一百人予勾。諭內閣。綿崧等奏

陵寢殿座。亟應修理一摺。並另片奏請估修園寢饗堂各工等語

孝陵

隆恩殿。及多羅貝勒園寢內饗堂等處各項工程。著派奕額裕誠前往敬謹查估。奏明辦理。○又諭。戶部奏請飭催粵省雜款銀兩。各直省徵收正雜錢糧。通限次年造報。例應儘收儘解。不得徵存屬庫。致啓虧那。茲據戶部查明廣東省田房稅羨。自道光十年起至十五年止。欠解銀三十七萬八千一百六十一兩零。落地稅羨。自十一年起至十五年止。欠解銀三萬七千九百一兩零。關鹽盈餘。自六年

起至十五年止欠解銀十萬六千六十三兩零耗米變價及變價盈餘自嘉慶十九年起至道光四年止徵存屬庫欠解銀八萬一千四十六兩零又自六年起至十四年止徵完未報約欠解銀十六萬零以上各款均應按限解交乃歷時已久積款累累成何事體且恐稽延日久愈開那移虧短之漸著兩廣總督廣東巡撫嚴飭該藩司連將徵存屬庫欠解銀七十六萬餘兩一律勒限催提分別題

奏案全覽卷一百一十五

五

咨報部覈辦聽候撥用僅經此次嚴催之後仍復延不報解即將經手之員據實嚴叅以儆延玩又該省南澳等鎮裁汰外海船兵馬匹及裁汰軍標官兵截存米石應變價銀自道光十二年暨四年以後各有未經變價之款又籌備回疆經費案內裁兵截存米石自道光十二年起總未變解覈計截至上年共應變糶米四萬一百四十五石零業於每年兵馬奏銷案內開除約計變價入撥銀八萬

餘兩著該督撫嚴飭各屬變解造報覈銷仍查取變解遲延及督催不力職名送部覈議以故四川大羊腸嚕喀土百戶木租第五止襲職○丙子旌表守正捐軀山東滕縣民吳淙思女田姐○丁丑

上奉

上御洞明堂勾到福建奉天陝甘上年情實罪犯一人餘九十八人予勾○戊寅

奏案全覽卷一百一十五

五

皇太后幸如園進膳○諭內閣此案山東已革知縣恩福之子監生德春以代父鳴冤等詞赴都察院列款控告著交經額布親提人證卷宗秉公查辦即將呈內所指各款逐一研訊務得確情按律定擬具奏德春著該部照例解往備質至恩福逞刁瀆訴一案上年五月間業經奏結迄今一年有餘該革員尚未回旗其因何逗留該省之處著該撫先行查明具奏尋奏恩福因交代未結尚未回旗報

聞○已卯

上詣綺春園問

皇太后安○御洞明堂勾到湖廣浙江上年情

實罪犯○停決湖廣斬犯八人○浙江斬犯四人○

絞犯二人○餘五十七人予勾○論內閣據御

史和豐等奏○在京各部院大小衙門○凡有關

繫錢穀○以及動支交納庫項○一應卷宗定例

俱於每年八月內送河南道照刷○現屆刷卷

之期○各衙門送刷者甚屬寥寥等語○著各該

重慶府志

卷

衙門迅將應刷稿卷○逐案檢齊○移送河南道

以便磨對○至明年二月按期領卷○亦不得逾

限○遲延致有積壓○予四川勦辦裁邊夷匪

傷亡把總張東來○祭葬世職○立功病故把總

達貫明○祭葬卹廕○庚辰諭內閣○鄧廷楨等

奏請將被控之千總○並捏稟之署守備革職

審辦一摺○此案廣西永寧營兵丁劉日坤等

以該營千總沈正剛考糧放糧勒索錢文等

情列款具控○復據署守備麻榮慶○於糧書王

守臣等稟請補印○並不查明○遽信兵丁蔣源

捏稟之詞○即以沈正剛舞弊盜印等情○率行

稟報虛實均應徹底根究○以成信讞○署永寧

營守備撫標左營千總麻榮慶○永寧營城守

汛千總沈正剛俱著革職○交鄧廷楨等親提

全案人證卷宗○並飭拏在逃之朱名到案○逐

款研訊○務得確情○分別按律定擬懲辦○毋稍

徇縱○尋奏訊明沈正剛被控各款○係屬虛誣

劉日坤照胥役誣告本管官律○發近邊充軍

重慶府志

卷

沈正剛失察糧書侵用扣存行糧銀兩○麻榮

慶輕信捏稟之詞○率行稟報均已革職○應毋

庸議下部議從之

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十七

實錄卷之二百八十七

七

清 實 錄 道光十六年九月上

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十八

○諭軍機大臣等本日據鄧廷楨等奏議覆
內務府帶領引見驍騎參領一缺郎中烏明
阿景福箭未到靶本日據禧恩等請將該員
等交部議處並自請察議內務府郎中等員
向以差事為重與各項營員究屬有間其引
見時偶爾步射生疏尚可從寬免議所有烏
明阿景福並禧恩等應得處分俱著加恩寬
免至各項營員挑送差使總須慎加揀選儻
有似此步射生疏必行照例懲處決不寬貸
○諭軍機大臣等本日據鄧廷楨等奏議覆

道光十六年丙申九月辛巳朔諭內閣昨日

載修

四四一

姚元之所奏紋銀出洋一摺。據稱傳到怡和行商伍紹榮等八家。及代製木箱各匠人。隔別嚴訊。並查起帳簿。逐加覈對。每年每店所造大小木箱。自數千隻至一二萬隻不等。不止伍姓一行爲然。所造木箱。大約係裝貯茶葉湖絲等貨之用。裝銀之箱。均係分往閩浙安徽採買貨物。並非運銀出洋。其夷人餘臘花銀。例准帶三成回國。亦用木箱裝貯。皆係木匠代製。伍紹榮查無勾串包攬情弊等語。

紋銀出洋。久干例禁。全在地方文武各官認真查察。方能杜絕偷漏。現在雖據該督等查明木匠代製箱隻。係爲裝貯貨物。並採買各貨及夷人自帶餘銀之用。惟每年每店所造既有盈千累萬之多。難保無不法奸徒。從中影射。巧爲裝點情形。暗中偷漏。紋銀情事。該督等惟當隨時隨地。實力稽查。儻有前項弊端。一經訪有蹤跡。立即嚴拏重懲。不得日久視爲具文。致滋寬縱。以肅功令。而杜弊端。將

此諭知鄧廷楨祁項。並傳諭文祥知之。○又諭本日據鄧廷楨等奏議覆御史沈鏞所奏外省行用洋錢一摺。據稱洋錢一項。江浙閩粵之間。輾轉貿易。行使最便。流布已久。一旦驟行禁止。實亦勢所不能。惟洋錢之弊。在不計分兩之輕重。不較成色之高低。廣東現在通行謂之爛板。以之兌換銀。每百兩必補足銀水三四兩及五六兩不等。至江浙行使。則全用鏡光新面洋錢。以爛板兌換鏡面。每

百兩竟須補水六七兩之多。審勢揆時。當立鈐制之法。以平遠邇之情等語。洋錢流布東南。已非一日。雖未能遽行禁止。若任其價值增昂。不爲平減。或致內地紋銀偷漏出洋。實屬不成事體。該督等惟當申嚴厲禁。遇有商夷交易。取具洋行總保各商並無偷漏紋銀甘結備案。儻有私用紋銀購買夷貨。及向夷商兌換洋錢者。將總保各商及交易之商。從重治罪。按數倍罰充公。鋪戶居民有犯。加等

問擬並嚴飭守口員弁實力稽查毋許包庇故縱並著該督等即行文移知沿海行使洋錢各省督撫務須嚴飭所屬曉諭商民人等嗣後行使洋錢必以成色分兩為憑不得計枚定價其以洋錢易換紋銀或以紋銀易換洋錢無論爛板鏡面每百兩止准洋錢補紋銀之水不准紋銀轉補洋錢之水如此明定限制惟當實力奉行認真查察以平市價而杜弊端將此諭知鄧廷楨祁墳並傳諭文祥

知之○壬午遣官祭

都城隍之神○諭內閣楊名鵬奏叅道員署理臬司任性挾制一摺陝西督糧道李廷錫著即革職交湯金釗文慶查明審訊如另有別項款跡即行從嚴叅辦○癸未

上御洞明堂勾到江西安徽江蘇上年情實罪犯停決江西斬犯二人安徽斬犯二人絞犯三人江蘇斬犯一人絞犯三人餘五十九人予勾○諭內閣二等護衛保碩步軍統領衙

門委署主事筆帖式英林均著解任交刑部歸案審訊此案肅親王府轎夫葛三等開局聚賭業經拏獲該護衛保碩既有管束之責自應按名送出以憑懲辦乃於奉文指拏之犯輒藉誤差革退無從查傳為詞顯係有心捏飾搪塞仍著肅親王敬敏先將葛三等交出再跟蹤按名指拏償復隱匿推卸定行從重懲治其餘未獲各犯著步軍統領衙門順天府五城一體嚴拏務獲至案內供出太監

張進忠有同賭情弊著內務府即將該太監送交刑部歸案審辦○諭軍機大臣等據御史陶士霖奏棚民開山種植病農藏奸請飭查禁一摺江南地方素稱沃壤若棚民開山種植日漸加增土鬆石碎大雨衝刷盡納於下游河港之中年復一年必至淤塞河道且棚民俱係外籍蹤跡難測匿奸窩盜難保不滋生事端著陶澍等嚴飭所屬各州縣於棚民墾種處所設法嚴密管束或寬予限期令

其漸回本鄉。其未經開墾之山。著即嚴行查禁。務當通盤籌畫。毋令日久滋弊。是為至要。原摺著鈔給閱看。將此各諭令知之。○修浙江魚鱗石塘。從巡撫烏爾恭額請也。○甲申上御洞明堂。勾到河南山西上年情實罪犯。停決河南斬犯五人。絞犯三人。山西斬犯三人。餘八十三人予勾。○諭內閣。朕於明年三月十三日。由圓明園啓鑾恭奉

皇太后詣髻髻山拈香。禮成後。朕閱視明陵。十

九日回圓明園。所有應行事宜。著各該衙門照例敬謹豫備。○諭軍機大臣等。據嵩溥奏。蒙古民人互控重案。請將辦理不善事後捏報之扎薩克嚴議一摺。已明降諭旨。將該扎薩克先行交理藩院嚴加議處矣。此案土默特扎薩克貝勒那遜鄂勒哲依於蒙古民人交涉事件。不將滋事旗員呈送嚴懲。輒以程雲等自行燒燬房屋等情捏報。實屬荒謬。既據嵩溥查明。審訊犯證。供認明確。著嚴飭該

員勒將從中構釁。懲慝之旗員查明呈送。歸案審辦。分別按律嚴加治罪。毋稍輕縱。至程雲自稱綽號一節。是否屬實。再行確切查明。不許將就了事。將此諭令知之。尋奏訊據扎蘭托布丹凝保堅供貝勒於二月十四日。派委章京屯魯布等往拏程雲。伊先期於十二日赴廟燒香。並未與屯魯布等晤面。無從構釁。程雲尚無自稱綽號及不法重情。惟素行強橫。致附近蒙古稱為程汗。其為稔惡匪徒。

實無疑義。且該犯以內地民人在蒙古地方滋事肇釁。幾成巨案。若不將該犯嚴加治罪。不足以服外藩之心。合依兇惡棍徒屢次行兇。擾害良人。確有定據者。發極邊足四千里安置例問擬下部議。尋議上得旨。此案程雲以內地民人在蒙古地界滋事肇釁。幾釀巨案。著於犯事地方枷號兩箇月。滿日發極邊足四千里充軍。餘依議。○乙酉諭內閣。奕經等奏請將承放漢票遲延之旗民地方官交

部議處一摺盛京防守尉伊克精額署廣寧縣事義州知州成惠於額放淺票短放至七十九張之多已屬辦理不善又逾奏放之期始行呈報尤屬遲延伊克精額成惠均著先行交部議處仍著嚴飭該尉縣勒限於九月以內趕緊設法籌放務令埽數全完以符定額儻仍有拖欠即行據實嚴叅辦理○又諭伊犁鎮總兵著任貴邦調補三年屆期即著兵部具奏嗣後該總兵一缺仍照舊例於五

年俸滿時請旨簡調○又諭江西南城縣知縣黃宗憲著先行革職交著英朱士彥會同陳慶提同各案人證嚴訊確情定擬具奏南昌府經歷宋良輔於案內要證並不小心防範致令該革生鄧允元自盡非尋常疏忽可比難保無看役人等凌虐情弊宋良輔著即革職一併嚴審務得實情毋稍寬縱尋奏查明鄧允元實係畏罪自盡黃宗憲訊無貪婪實跡惟於此案辦理錯誤又將漏稅罰款那

移修葺城垣照例問擬杖徒宋良輔業經革職應毋庸議下部議從之○諭軍機大臣等本日據特依順保等奏前任喀什噶爾糧餉章京福奎交代虧短銀糧一摺已另降諭旨交興德壽昌嚴行審辦矣邊疆備貯實款絲毫不得擅動該章京福奎任內何至虧短竟有四五萬之多著興德會同壽昌提同經手書吏人等嚴行審辦再屯民王得倉等先後具呈喀什噶爾總兵劉允忠縱兵殃民等情

事關邊鎮干預民事虛實皆應嚴究著一併查明據實辦理毋得稍有瞻徇致有不實不盡將此各諭令知之○予捕賊被戕湖北參將蘇清阿祭葬世職○丙戌

上御洞明堂勾到山東直隸熱河上年情實罪犯停決山東斬犯四人絞犯三人直隸斬犯八人絞犯二人熱河斬犯一人餘八十一人予勾○諭內閣刑部議奏御史成觀宣奏佐雜擅受被劾反噬圖報請分別另案辦理一

摺佐雜微員。因案被劾。捏情控告。冀圖挾制。最為官常之害。道光十年三月間。曾經降旨。官民人等告訐之案。如係懷挾私讎。以圖報復者。不問虛實。立案不行。原所以防奸偽而肅官方。近來此風猶未盡泯。著通諭各直省督撫。府尹等。嗣後凡計典甄別及一切緣事。被劾人員。除所告之事。即係被劾之事。准其呈明辦理外。其有被劾之後。懷挾私忿。撓拾察覈官員別項款跡控告。以圖報復者。仍照

定例。不問虛實。立案不行。即所控之事。關繫重大。不容寢置。該督撫亦止可於立案不行後。嚴密察訪。另行究辦。毋得同時叅處。致啓挾制瞻徇之漸。○丁亥

上詣綺春園問

皇太后安。○御勤政殿聽政。○諭內閣。前據御史鄭世任奏。餉銀到京。守候半年。未據提交。當交順天府查明具奏。茲據何凌漢等奏稱。廣東解餉委員李盛華。中途病故。由直隸派

員代解到京。分貯大興宛平縣庫。俟原省接解官來京。一同赴部交納。係屬照例辦理等語。各省解餉委員。如遇中途事故。應如何妥速辦理之處。著戶部妥議章程具奏。尋奏查向來解員遇有事故。因原省程途遙遠。即由代解官赴部交納。曾經辦理在案。應請嗣後解員遇有事故。即由經過地方官詳請督撫委員代解。當堂劈兌。改貼印花。徑行赴部交納。批回。即交代解官齎回。呈繳本省督撫。封

發原省銷案。以歸簡易。而臻妥速。俟命下。纂入則例。遵行從之。○以大理寺少卿毛樹棠為詹事府詹事。國子監祭酒善燾為光祿寺卿。通政使司副使成剛為太僕寺卿。○戊子。諭內閣。奕湘等奏。請添設官員一摺。龍泉峪妃園寢祭祀事宜。該處官役不能兼顧。著添設內務府主事一員。副內管領一員。以專責成。諭軍機大臣等。據鄧廷楨奏。廣東東莞縣盧尹氏遣抱赴京呈控一案。現經前次隨

帶司員解任江蘇蘇松太道陽金城稟伊等訊問此案案情毫無錯誤今聞葉利氏投遞悔呈將前供盧二老爺改作盧大老爺又聞盧應翔設法向書吏將欽差面交肇慶府珠爾杭阿附卷備查之字另行更換附在卷內以致隨帶司員援以為證旋經該府珠爾杭阿稟稱道光十四年九月內欽差審案完竣隨將文卷包封堅固發交該府點明委員解省投收並無欽差面交書函附卷備查之事

等語該道陽金城前於案結之後即經起程回京現亦未到粵省何由查知信經抽換既據稟稱此案之平反由於換信所致自應徹底查辦以期水落石出著耆英等到粵後即將該道所稟各情及該督行查互異之處秉公查辦逐一訊問明確據實具奏毋稍諱飾以成信讞而副委任原摺著鈔給閱看將此諭令知之○又諭有人奏福建省城本年六月二十九日津門樓地方民人麵館內突有

駐防兵丁數人乘醉肆鬧因訛詐不遂將傢伙全行毀碎痛打而去該兵丁等回轉旗界又率十餘人持械繼至該民人揪住兵丁一人送縣該兵丁又糾集數十百人手持刀槍蜂擁而來將鄰近店夥捆縛擄去當時人心畏懼上至仙塔街下至法海寺西至柏姬廟東至高節里鋪戶全行罷市居民避匿路絕行人聞縣知縣遽將所送兵丁開釋該駐防始將所擄無辜民人放出次日百姓仍不敢

開鋪經該縣再三勸諭始得照常開設等語省會重地文武衙門星羅密布果能隨時防範何至有械鬪重案且津門樓地方與巡撫衙門最近又與將軍都統各署相去咫尺何以白晝之間駐防兵丁三次糾眾持械該管各官既不能嚴行彈壓又將所送之人不問曲直互相釋放儻實有其事殊屬不成事體鍾祥甫經到任自無所用其回護著即親提此案人證卷宗確切查明秉公究辦如果該

署將軍張仙保於兵丁私出旗界騷擾鋪民之案有心袒護不肯認真查究閩縣知縣意存畏葸含混了事巡撫魏元烺於兵民互鬪重情不能嚴拏懲治一味姑容著即據實分別叅奏毋稍諱飾將此諭令知之尋奏訊係駐防步甲來保伴與開設麵店之民人口角爭毆並無械鬪及居民罷市等事張仙保魏元烺先後聞知均經飭查究辦現將來保住等按律問擬杖枷下部議從之○旌表逼嫁

捐軀湖北鄖縣民高月蘭妻宋氏○貸江蘇鹽城豐二縣濬河築隄銀○己丑諭內閣御史董宗遠奏請禁各省私鑄一摺民間私鑄銅錢十千以上為首即入死罪情實該地方官不加意緝拏者處分最嚴立法本極周密若如該御史所奏近來各省奸民私行牟利竟有銷燬制錢攬和砂土私鑄小錢肆行無忌著各省督撫嚴飭各道府州縣實力稽查儻仍有私鑄攬和者即行緝拏照例治罪並

將該地方官照例叅處以禁私鑄而除弊端○又諭黃爵滋奏請永杜漕船弊端一摺漕船水手沿途滋事幾成積習本年新定章程嚴行查辦自江南以至山東天津等處所過地方尚為安靜其回空幫船復經降旨飭令漕督及經過地方各督撫嚴加查察有犯必懲惟奉行稍有不力日久又成具文現在趕辦新漕著有漕各省督撫及漕運總督統於每年二月內將奏定章程逐一開單嚴切申

明並札飭沿河州縣文武及派委員弁一體凜遵認真辦理儻敢始勤終怠即著據實指叅毋稍姑息以肅漕政而垂久遠又另片奏漕船撥運到通水手偷竊無弊不作請嚴禁剝船攜帶婦女等語此等船戶類多以船為家若概行禁止不准攜帶家口事屬難行著無庸議至所稱剝船盜米各弊務當責成押運各員弁實力稽查嚴拏懲辦毋許稍有寬縱○以杭州副都統左廷桐署將軍○庚寅

諭內閣琦善奏牧羣成本銀兩請仍照舊章辦理一摺。察哈爾牧羣生息銀兩前據戶部議准擬將成本轉交直隸就近生息。茲據琦善奏稱直隸發商生息銀兩每歲息銀尚有拖欠。若將此項銀兩籌發生息設使稍有拖欠而藩運兩庫又不能籌款墊解轉致該牧羣刻不可緩之需更形支絀。著兩江總督陶澍仍循舊章由兩淮鹽務生息以備支用而免延誤。○又諭廉敬奏公主園寢栽種樹株

章程一摺。端順固倫公主園寢應種松檜樹四百餘株。即著前經派出之文連廣亮承辦。毋庸開銷。所有一切移栽灌漑及保固年限悉照廉敬所奏章程辦理。○兵部左侍郎史譜因病解任。轉右侍郎祁寯藻為左侍郎。以都察院左副都御史潘錫恩為右侍郎。仍留順天學政任。○緩徵陝西葭神木榆林府谷四州縣被雹村莊新舊額賦加賑神木縣災民一月。○辛卯遣官祭

歷代帝王廟。○諭內閣敬徵等奏酌議鼓鑄卯額並請飭催途次銅鉛一摺。寶泉局現存銅斤及現在應收銅斤按每月六卯鼓鑄可數六箇月之用。現存白鉛可數十箇月之用。現存黑鉛可數六十四箇月之用。所有該局鼓鑄卯額著自本年九月起每月仍按六卯鼓鑄。其次年三月以後卯額屆期察看情形再行具奏。至該局需用銅鉛必須嚴催在途各運迅速抵京。俾資接濟。著兩江總督及沿

途各督撫嚴飭所屬文武員弁及沿途地方官查明各運銅鉛行抵何處督令趕運抵京。儻該運員等藉詞逗留地方官不實力督催該督撫即指名奏參以示懲儆。並著直隸總督山東巡撫一俟各運銅鉛入境即派員上緊提催迅速解京以資鼓鑄。毋任延誤。○陝西巡撫楊名驥緣事解任以欽差吏部尚書湯金釗暫署陝西巡撫。○以刑部右侍郎姚元之知武舉吏部右侍郎卓秉恬為武會試

正考官內閣學士吳文鎔為副考官。○壬辰諭軍機大臣等昨據湯金釗等奏參揚名颺業經降旨解任交辦矣。揚名颺歷任陝西多年如果查有簠簋不飭等事著即一面革職查封任所資財不准偷漏隱匿一面具奏嚴辦其袒護同鄉一節亦著逐細查明具奏。至李廷錫既署臬司於地方重案自應覈實辦理何以被該撫指參撤任之後始赴湯金釗等處呈遞稟詞難保非挾嫌訐告亦應徹底

根究以成信讞而昭平允。湯金釗等俱係朕特簡著破除情面無枉無縱。免副朕覈實辦公至意將此諭令知之。○禮部奏十月初十日

皇太后聖壽節應行禮儀得旨是照例行禮奉皇太后懿旨停止筵宴。其在外福晉命婦進內行禮之處並著停止。○江西巡撫陳慶春奏擊獲匪犯張西洲等從嚴究辦得旨此等匪徒必當隨時嚴辦斷不可畏難也。又奏擊獲盜

犯張貴生等分別辦理批。勉力振作以副朕簡任毋忽。○以戶部右侍郎文慶兼總管內務府大臣。○以烏魯木齊都統富呢揚阿為陝西巡撫。秦寧鎮總兵官廉敬為烏魯木齊都統。盛京戶部侍郎德興為秦寧鎮總兵官。兼總管內務府大臣。調盛京兵部侍郎德春為戶部侍郎。以前任廣西巡撫惠吉為盛京兵部侍郎。○以盛京禮部侍郎薩迎阿管奉天府府尹事。○癸巳

上詣綺春園問

皇太后安。○御洞明堂勾到新疆雲南貴州廣東本年情實罪犯停決雲南斬犯一人貴州斬犯十一人絞犯一人廣東斬犯二人餘九十八人予勾。○諭軍機大臣等前有人奏奏調任太原府知府珠瀾各款當交申啓賢嚴密訪查茲據該撫查明發審各案並該府審訊詳結之案俱無違例積壓等弊惟前在大同府及署歸綏道雁平道任內種種劣款俱

係該撫未經到任以前之事。著即密飭派委各員認真訪查。不准彌縫掩飾。致有不實不盡。該撫經朕簡畀封圻重任。惟當遇事秉公覈辦。不得因奏調該府首郡。意存回護。亦不必因有人彈劾。遂存附會之見。總須破除情面。一秉大公。以歸覈實。而昭平允。將此諭令知之。○以捐資平糶。賑予山西知州慶霖。議敘。○旌表守正捐軀河南固始縣民岳士榮妻梁氏。○撫卹朝鮮國遭風難夷如例。○

甲午旌表守正捐軀湖北公安縣民張起林妻楊氏。○乙未月食。○諭內閣。朕於明年三月十三日。由圓明園啓鑾。恭奉

皇太后詣髻髻山拈香。禮成後。於十七日回園。十八日朕仍由圓明園啓鑾。至工部廠閱視。明陵於二十日回園。其由三家店至湯山。由湯山至工部廠等處橋梁道路。著毋庸豫備。○又諭。此次晉封彤貴妃。佳嬪製造金冊金寶。應用各色金兩。著照舊給發。其成造儀仗

等項。著改用黃銅。毋庸鍍金。嗣後著該部於具奏時。將此次諭旨夾片聲明。○又諭。前據鄧廷楨奏。請以都司升署參將。曾經降旨允准。茲據兵部查明。都司越級升署參將。與例不符。惟外海水師人材難得。李賢著仍准其升署廣東大鵬營參將。俟扣滿年限。另請實授。嗣後不得援以為例。○賞京城廣安門外普濟堂。賑米三百石。

大清宣宗效天符運立中體正至文聖武智勇仁慈儉勤孝敏成皇帝實錄卷之二百八十八

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十九

監修建武官燈庭日講起居注官太子太保體仁閣大學士文淵閣領閣事管理戶部事務工部書總辦翰林院掌院學士兼管

天府府尹事務隨等如五級紀錄十八次。賈植堉官經巡撫官吏部尚書總纂修軍都統管理新營片城內官房大臣稽察內

七、食大臣稽察會同四譯館事務加一級隨帶加六級軍功加五級紀錄五次。臣托沙納總巡撫官文淵副提學閩省大興府知府等官

內務府大臣錄白旗滿洲都統稽察內七倉大臣管理宗人府銀庫左翼總管等 聖旨王國明等處所提督御茶膳房御膳房

醫院連辦處事務隨事加十八級。日。阿靈阿副理職官經建議官兵部尚書隨事加六級紀錄二十次。日。周祖培等奉

教修

道光十六年。丙申。九月。丙申。諭軍機大臣等

御史黃仲容奏請將地方私用外國錢文一律嚴行查禁。據稱廣東潮州府一帶洋面海船到日，攜帶外國景興光中二樣錢文，錢質薄小，每一千文計重不過三斤，較之制錢分兩輕至一半。廣東省紋銀一兩，市價換制錢一千四百餘文。在外國換景興光中錢，每兩可換二千餘文。鄉愚貪其多換，相沿成風，始則攙雜制錢並用，今則止用景興光中暨私鑄小錢，並有將制錢銷燬，攙和沙泥私鑄景

興光中小錢各等語。外省私鑄屢經降旨嚴飭地方官查拏懲辦。其銷燬制錢私鑄小錢者已屬大干例禁。如該御史所奏廣東省有私鑄景興光中小錢者。更為目無法紀。著鄧廷楨等嚴飭所屬務須明定章程。設立官局計值收買。將外國錢文盡行銷燬。明切曉諭。俾小民共知悞導。儻有仍蹈前愆。即行從嚴懲辦。並轉飭文武員弁。在南澳大汕頭庵埠一帶地面。海船到日。實力稽查。如有偷帶景

興光中錢文立即緝拏究辦。儻敢奉行不力。或受賄縱容。並藉端需索。即著指名嚴參懲處。以絕弊源。而清錢法。將此諭令知之。○又諭。有人奏福建臺灣匪徒。自道光十二三年間。勦辦之後。至道光十四年春間。復有彰化縣犁頭店地方賊匪林坤等。糾集匪黨。潛謀滋事。經該鎮等趕到彈壓。始行潰散。並未聞作何究辦。又道光十五年十月間。嘉義縣知縣遣家丁到店仔口解犯。回至八槩溪蔗園。

地方。竟有賊匪六百餘眾。攢毆奪犯。該家丁身受重傷。而賊匪反聲言若本官到此。定要殺害。又聞斗六門及鹽水港水沙連各等處。未獲餘匪。紛紛劫殺。毫無顧忌。地方官不敢過問等語。此項匪徒。是否係逆匪張丙等餘黨。抑係另有聚眾不法之人。該處人多獷悍。勦辦未久。仍有此等餘匪。不時竊發。若不及早懲辦。必至釀成巨案。著鍾祥嚴密確查。據實奏辦。並著嚴飭臺灣鎮道等不時查察。如

有聚眾為匪之案。即行嚴拿懲辦。毋稍姑息。以戢奸暴而淨根株。又殉難守備馬步衝與縣丞方振聲。把總陳玉威。前經降旨。今在斗六門地方建立專祠。設牌致祭。今聞馬步衝等牌位。僅置於故兵車賢等私祠之內。建祠之事。並未舉行。著鍾祥一併確切查明。據實具奏。將此諭令知之。○兵部以武會試中額請。得旨。滿洲蒙古取中四名。漢軍取中六名。奉天取中一名。直隸取中八名。陝甘取中三

名。廣東取中四名。河南取中四名。山東取中八名。江蘇取中一名。安徽取中一名。山西取中五名。湖北取中一名。湖南取中一名。四川取中三名。廣西取中一名。福建取中二名。浙江取中二名。江西取中三名。雲南取中一名。貴州取中一名。○丁酉。諭軍機大臣等。有人奏。邊省倉貯。請覈實稽查一摺。甘肅為邊陲重地。倉貯最關緊要。上年據該督密陳倉庫情形。當有旨諭令悉心籌辦。期有實濟。本年

因該督議覆御史許球所請撥銀採買倉穀各款。復降旨諭將短缺糧石。買補足額。該督疊奉諭旨。自應通盤籌畫。設法辦理。其現在如何籌辦之處。未據奏到。茲復有人奏稱武威縣地方。上年荒歉。向鎮番採買。而鎮番偏處一隅。無處買補。任其缺額。上司查問。恃有穀價備抵。仍不免那移動用。倉額幾至空懸。武威鎮番如此。其他州縣可知。該省大吏意存遷就。不肯認真查辦。又該省風俗向來儉

樓。近則州縣等官。酒食燕會。服飾器用。踵事增華等語。倉貯為民食兵糈所關。不容顆粒短少。儻竟空虛虧短。設遇緩急。一無可恃。尚復成何事體。著該督督同藩司趙炳言。即將各州縣倉穀實貯數目。確切詳查。如有短少。務即勒限賠補完足。不准稍有拖欠。亦不得以銀作抵。致滋弊端。儻該州縣有意因循。仍不設法彌補。即著指名據實嚴參。毋稍姑息。至甘肅素稱淳樸。聞近來地方官員。爭尚奢靡。非剝削民間。即侵挪官項。於吏治民風大有關係。該督等惟當隨時查察。嚴行飭禁。以正習俗。而挽頹風。將此諭知瑚松額。並傳諭趙炳言知之。尋奏查明倉庫實貯數目。取具並無虧短切結。惟倉穀一項。交銀作抵。實難保其必無現擬。以交代為盤查。嚴飭各州縣銀歸銀款。糧歸糧款。不准以糧價抵交。再鎮番縣僻處偏隅。倉貯甚裕。近年令鎮番縣運送武威縣倉糧五六千石。以給兵糈。係屬報

部開除。無須買補。此外並無武威向鎮番採買之事。至現在地方官吏。尚無奢華習氣。報聞。○又諭有人奏貴州省古州同知張鏞。前任貴筑縣時。在省城六洞橋地方。買房一所。價值千餘金。該員大加改造。不時邀集僚友宴會其中。並署其樓曰煙花三月。又時於城外扶風山寺。及觀音寺等處。徵歌宴集。一嚮之供。動誇珍異。在官靡費。為下效尤。又聞該員現將所買房屋。增加價值。抵作交代等語。從來民俗之轉移。視乎吏治之得失。黔省地處邊陲。民風素稱淳樸。豈宜導以侈靡。又况倉庫儲積。關係國帑。尤不得任其將置買房屋。增價作抵。致帑項稍有短絀。著賀長齡。即行確切查明。催令該員趕緊變價。歸還倉庫原款。儻有不敷。仍著嚴追。毋任支飾。並著嚴飭所屬。禁止奢靡。力崇節儉。以肅吏治。而正民風。將此諭令知之。○河東河道總督秉毓。奏奏報秋汛安瀾。命詣

河神廟祀謝。並下部議敘。出力員弁。升敘有差。○戊戌。

上御洞明堂。勾到四川本年情實罪犯。停決斬犯十一人。絞犯四人。餘一百三人。予勾。○諭軍機大臣等。本日據林則徐等奏訪聞蘇州城外山塘地方。開茶館之山東人郭蘊得等。習教傳徒。當將為首之郭蘊得及夥犯陳廣得。張惲萬。三名拏獲。並起獲經卷等語。此等習教匪犯。意圖斂錢作會。最為風俗人心之害。郭蘊得曾隨糧船販賣生理。陳廣得張惲萬。均曾充糧船水手。此外有無黨羽及不法情事。該署督等務當從嚴訊究。按名嚴拏。懲辦。以絕根株。將此各諭令知之。尋總督陶澍等奏。訊明郭蘊得等習教斂錢。尚無不法別情。請將郭蘊得。陳廣得。張惲萬。發往烏嚕木齊為奴。餘分別問擬軍徒。下部議。從之。○庚子。

上御演武廳。閱健銳營操。○諭軍機大臣等有

人奏湖南鎮軍鎮練勇兵丁聚眾滋事一案。訥爾經額辦理率多不實。風聞歆血聚眾為首之練勇羅名成。黃在忠。田宗慶。滕宏遠。秦興貴。包安煥。滕成玉。張正科。滕加烈。李奉良。田祖典等多名。現在或仍充巡捕。或仍食名糧。總由該督並未親身赴彼督飭嚴拏。僅就捆送各犯含混奏結。致令為首要犯。得以脫身事外。倖逃法網等語。鎮軍鎮練勇兵丁聚眾滋事。前經訥爾經額奏結。如羅名成等實係為首之犯。倖逃法網。自應按名緝拏。嚴訊究辦。著裕泰會同楊芳。不動聲色。認真查辦。以儆兇頑。而肅營伍。如該督辦理此案。果有草率疏縱等情。著一併查明據實具奏。毋稍徇隱。將此諭知裕泰。並傳諭楊芳知之。○浙江巡撫烏爾恭額奏遵旨拏獲金華府丐匪方鵬飛等。訊明止係各自強討。並無糾眾結黨情事。照棍徒擾害良民發極邊足四千里安置例。減等問擬杖徒。下部議。從之。○署兩

江總督林則徐江南河道總督麟慶奏報秋汛安瀾命麟慶詣

河神廟祀謝陶澍林則徐麟慶均下部議敘

出力員弁升敘有差○旌表守正捐軀山東

觀城縣民王世宣媳王氏河南永寧縣民楊

敦榮媳杜氏陝西漢陰廳民翁秀山妻王氏

○辛丑

上詣綺春園問

皇太后安○諭內閣奕經等奏

中書省

九

陵寢應修各工一摺

永陵

福陵

昭陵應修各項工程著派奕額裕誠敬謹查估

辦理○又諭前據佈勒亨奏請添設虛銜委

銜長五員當交兵部議奏茲據該部查明密

雲營員除原設額缺外已於嘉慶十九年添

設委署驍騎校十六員合計有九十餘員之

多足資領隊操演無庸添設部駁甚是營務

整飭全在訓練有方若紛紛添設官員於營務有何裨益佈勒亨著傳旨申飭所奏不准行○兵部奏遵議閩浙二省巡洋弁兵處分酌改章程○洋面巡弁以千把為專巡外委為協巡都守為分巡副參遊擊為總巡總兵為統巡遇有失事初參限滿不獲將專巡協巡分巡各官均降一級留任賊犯限一年緝拏二參不獲各降一級調用賊犯交接巡官照案緝拏○內河內洋附近汛口地方失事

即照陸路例將專汛兼轄統轄官分別開參亦以二參完結初參不獲專汛官降一級留任二參不獲降一級調用兼轄官初參罰俸一年二參降一級留任統轄官初參罰俸六箇月二參罰俸一年如專汛兼轄各官限內有輪派出洋事故均照陸路例扣除公出日期遇有調臺之差仍准照離任官罰俸一年完結○總巡係周巡一營洋面統巡係按期分路會哨情勢不同舊例一律議處未免無

所區別。嗣後初參限滿不獲。將總巡官罰俸一年。統巡官罰俸六箇月。俱限一年。緝拏二叅不獲。總巡官降一級留任。統巡官罰俸一年。隨巡官按各省開報冊內。有隨統巡者。有隨總巡者。有隨分巡者。償遇失事。各按所隨之人處分。一律議處。委巡今改為協巡。應將委巡一項名目刪除。海洋失事。該督撫查明失事地方界址。據實開奏。如有統巡而無總巡。或有分巡而無隨巡者。准其疏內聲明。以免駁查。得旨。所議尚屬周妥。著即纂入則例。頒發通行。○壬寅。諭內閣。昨兵部帶領引見人員內。題補遊擊之福建閩安水師協右營都司陳顯生。箭無準頭。著仍撤回都司本任。不准題補遊擊。程祖洛出考送部。著交部照例議處。○又諭。鄭廷楨奏酌增協濟臺操及汨水各兵口糧一摺。廣東虎門海口礮臺。操演水軍。據該督等查明原派防兵。俱經增給口糧。尚有協濟各臺操兵五百一十

八名。汨水鳧水爬桅兵一百三十名。應增口糧。未經議及。該兵丁等與專防臺兵一同演習。自應加恩增給口糧。以示體恤。著照所請。所有需用口糧銀五百十八兩零。准其於前項籌定經費項下。按次發營。照數散給。○兩廣總督鄧廷楨奏。各府州屬續獲匪犯一千一百十八名。解省嚴審定擬。仍飭各屬文武加意偵捕。毋稍縱漏。得旨。查拏甚屬認真。必須有加無已。若半途而懈。則非封圻大吏體

國安民之道也。勉益加勉。又奏。考較各營弁兵。閱看馬步箭及擡礮刀牌。分別賞責降革。批。此事尤關緊要。若有名無實。被外夷輕視。而招訛笑。勉之慎之。○廣州將軍蘇勒芳阿等奏。遵旨會議駐防漢軍八旗開散改補練營糧缺。推廣舊案。酌定章程。查挑補兵缺。向以每輪第四缺。無論滿洲漢軍。挑補開散一人。滿漢既無區分。而候挑亦稍形濡滯。今擬嗣後每輪第三缺挑補。併先補漢軍二人。後

再補滿洲一人。周而復始。如值滿洲無人赴挑。亦即以漢軍送補。將來挑取漸多。合計馬戰守三項。總以十缺得二為率。不得過各該營十分之二。至部議漢軍八旗改補綠營之閒散壯丁。以挑補入營之日起。即扣除旗檔。歸註民籍。查漢軍八旗駐省日久。宗族親朋。均有守望相助之誼。且子弟專務騎射操防。於農賈工商。都非素習。若一入綠營。即除旗檔。則日後或因老病閒缺。營既不留。旗復難

歸。必致流離失所。應請准其仍留旗檔。在營則有糧可食。離營則有旗可歸。其有自願出旗者聽。再請借動藩庫扣存八旗兵丁馬價銀一萬兩。發商生息。添設滿洲餘兵二十名。漢軍餘兵八十名。每月各支給銀一兩。俾閒散窮丁。於改補綠營之外。生養益形寬裕。下部議行。○以江西吉南贛寧道李象鵬。為江蘇按察使。○以故四川建昌道屬迷易土千戶安國泰子天祐襲職。○添購直隸永定河

備防稽料。仍增歲料運腳銀。從總督琦善請也。○癸卯。諭內閣。恩特亨額奏請將輝拏逸犯逾限未獲之運弁革職一摺。前因委運鳳中二幫千總李天鵬失察水手孟學思等攜刀上岸訛詐。拒傷河役一案。曾經降旨將該運弁摘去頂帶。勒限兩月。令其迅將逸犯聞皮臉即聞衣傳拏解直隸。歸案審辦。茲據該漕督查明該運弁輝拏逸犯迄今兩月有餘。已逾例限。尚未報獲。實屬怠玩。李天鵬著即

行革職。以示懲儆。○甲辰。

上御洞明堂。勾到廣西福建奉天陝甘本年情實罪犯。停決廣西斬犯六人。福建斬犯一人。奉天斬犯三人。陝甘斬犯八人。絞犯四人。餘一百人予勾。○諭內閣。本日據刑部奏審擬太監張爾漢等囑託公事一摺。已依議行矣。此案太監張進忠。因賭博被獲。自有應得之罪。總管太監張爾漢。輒向者英懇求釋放。首領太監許福喜。從旁幫說。均屬不合。此等小

人。不知事體輕重。冒昧干求。者英身為一品大臣。如其事關重大。自應據實奏聞。即使情節較輕。亦當正色拒絕。面斥其非。乃輕聽張爾漢等懇求之詞。遽令所屬員弁留供取保。解回當差。殊非公正辦事之道。此案情節本屬細微。惟太監人等於外廷事件。妄有干預。者英既不能嚴行拒絕。又復聽其請託。如此瞻徇卑鄙。尚安望其秉公持正。為國宣力耶。者英著交都察院嚴加議處。即來京聽候諭旨。所有前交查辦江西事件。如尚未完結。即著朱士彥會同陳鑒辦理。其廣東應查各案。著朱士彥會同廣州將軍蘇勒芳阿秉公查辦。○諭軍機大臣等。據步軍統領衙門奏。福建古田縣民人林德春赴京呈控。有西洋人煽惑傳教一案。已明降諭旨交鍾祥親提審訊矣。此案據該民人呈稱。福安縣屬建昌地方。有西洋人傳習天主教。教首名三不怕。聚眾做錢。設立銅鐵鑪。打造器械。並與江西廣

東浙江各省匪徒。時相往來。伊與伊母舅董姓等率眾將三不怕拏獲。解送延建邵道衙門收押病斃。餘黨未究。又有不知姓名浙江人。改名五不怕。復在建安縣秋嶺橫坑地方。接續前教。招聚匪徒。打劫行旅。又稱文生員葉大華。因伊呈禁教匪買食米穀。串出監生林利茂等。於道光十三年三月間。捏詞赴縣將伊控告。囑託捕廳責押。詐去伊錢二吊四百文等語。匪徒習教做錢。聚眾行劫。最為地方之害。如果屬實。不可不嚴行懲辦。著鍾祥即行確切查明。據實訊究。是否該地方實有習教行劫匪徒。該管官不肯拏究。並該生監有無袒護教匪別情。務須秉公查辦。毋枉毋縱。以除奸慝。而靖地方。將此諭令知之。尋奏遵旨拏獲五不怕即彭庚興。訊係與在押病斃之三不怕即郭若汝。均在橫坑一帶。挖鐵恃強騷擾。尚無習教行劫情事。應照充惡棍。徒屢次生事擾害。例發極邊。足四千里充軍。

林德春所控責押索詐。係屬誣捏。業已病故。應無庸議。從之。○予山東出洋淹斃馬兵王魁五。水手楊得時賞卹如例。○以故雲南順寧府屬耿馬宣撫土司罕恩保弟恩沛襲職。○乙巳諭內閣。哈豐阿奏。巡閱呼蘭城官兵一摺。鑲黃旗驍騎校隆全保。正黃旗驍騎校富興阿。馬步均屬生疏。難期振作。俱著革職。城守尉富英額。前經該將軍代奏請旨。降見曾降旨。令其再緩三年奏請。茲據該將軍奏稱。才識拘謹。難勝專城之任。著即飭令來京。交值年旗帶領引見。後再降諭旨。呼蘭一城。雖係屯田之地。弓馬是其根本。嗣後該將軍每屆三年。查閱一次。以棚步伐。而成勁旅。又另片奏。齊齊哈爾等四城。除原設委官外。歷任將軍等。浮額委放。至一百餘名之多。實屬冒濫。取悅於人。所有歷任浮放委官之將軍。副都統。城守尉。俱著交兵部分別議處。○諭軍機大臣等。本日據興德等奏。壽昌到任遲

延。又奏。叅章京福奎。虧短銀兩。擅用六百里催牌。並總兵劉允忠。稟揭壽昌任意妄為各情。復據壽昌鈔錄屯民原呈。據情具奏。各摺已明降諭旨。派廉敬。奕山。馳赴葉爾羌。會同興德。秉公查辦。並將壽昌。劉允忠。解任歸案。審訊矣。廉敬接奉此旨。毋庸來京請訓。著即馳驛迅速前往。與奕山。興德。提同全案人證。卷宗。將各摺內所指各情節。逐一查明。秉公審辦。務得確情。據實具奏。至案內各員。如有應行革職。解任。審訊者。著一面奏聞。一面將各該員革職。解任。歸案究辦。又前任喀什噶爾領隊大臣西朗阿。現已啓程來京。無論行抵何處。廉敬於途次會晤時。著即帶同前赴葉爾羌。以備質訊。各原摺俱著鈔給閱看。將此由四百里各諭令知之。○又諭。本日召見廣東南韶連鎮總兵趙浩。據稱現年五十九歲。察其面貌。似覺就衰。該鎮地方緊要。操防訓練。必須得人。著該督侯趙浩到任後。留心

察看該總兵才具精力。能否勝任。據實具奏。將此諭令知之。○黑龍江將軍哈豐阿等奏。旗員差務紛煩。不敷差遣。請於原設委官外。酌添委員。下部議。尋議准其倣照盛京之例。除原設委官七十員外。添設三十員。給與七品虛銜。仍食本身糧餉。隨同驍騎校等當差。以期練習。至委官缺出。仍令該將軍等照例。於前鋒領催內。揀選差使勤慎弓馬嫻熟者。出考報部委署。其各城分派名數。並現在酌留各員職名。亦即造冊報部。以備稽覈。從之。○正藍旗蒙古副都統喀什噶爾領隊大臣壽昌。喀什噶爾。換防總兵官劉允忠。緣事解任。以甘肅西寧鎮總兵官富興阿。為正藍旗蒙古副都統。喀什噶爾。領隊大臣。調伊犁。換防總兵官任貴邦。為喀什噶爾。換防總兵官。○貴州東碣石鎮總兵官黃貴南。韶連鎮總兵官趙浩。花翎。○以修葺烏什城垣兵房。賞都司汪大成。花翎。六品明伯克。色勒克等。藍

翎。餘加銜升補有差。○撫卹朝鮮國遭風難夷如例。○丙午。諭內閣。刑部侍郎明訓。經朕由內閣學士游擢卿貳。昨日到京召見。並未叩首謝恩。何以粗率至此。明訓著降為內閣學士候補。○又諭。湯金釗等奏。遵旨確查據實具奏一摺。陝西巡撫楊名颺。辦理工程。並未將軍陝等五十七廳州縣。應領墊辦兵差銀兩。捐輸修建緣由。明白聲敘。輒以率同城司道府縣各官捐廉督辦等詞。含混入奏。實屬巧飾。且於臨潼富平等缺。輒將同鄉謝長年。謝長清。調補。並因謝長年調補時。出差未回。復令謝長清前往署理。弟兄先後接任。顯係為人擇缺。意存袒護。楊名颺著交部嚴加議處。定遠廳同知謝長年。富平縣知縣謝長清。因與該撫同鄉。均得調補。並以同胞兄弟接任交代。跡涉夤緣。著交部議處。至各直省州縣等官。弟兄同在一省。照例應否迴避。著吏部查明具奏。○調理藩院左侍郎隆。奏。為

刑部右侍郎。轉理藩院右侍郎。吉倫泰。為左侍郎。以都察院左副都御史功普。為理藩院右侍郎。○以福建興化城守營副將馬麟輝。為甘肅西寧鎮總兵官。湖南沅州協副將福珠洪阿。為伊犁換防總兵官。○丁未。孝慈高皇后忌辰。遣官祭福陵。○

上詣綺春園問

皇太后安。○諭內閣。梁章鉅奏。責使進關日期

一摺。越南國於明歲例屆貢期。所有該國齎貢使臣。著准其於明年七月到京。該部知道。○貸寧夏駐防官兵修理營房俸餉銀。○戊申。

上詣

大高殿。

壽皇殿。行禮。○奉

皇太后還宮。○詣

皇太后宮問安。○諭內閣。奕經等奏。旗民地方

各官。失察屬界演戲。請交部議處一摺。盛京遼陽屬界劉二堡。有匪徒設賭演戲。派錢擾害。該旗民地方各官。並不認真將戲班驅逐。實屬玩公。所有失察之遼陽城守尉明琇。知州胡枚。界官防禦札桑阿。俱著交部議處。奕經。德興。圖明。額。未能先事覺察。著一併交部議處。○又諭。奕經等奏。請將失察賊匪各官分別交議。並酌添稽查鹿害章程一摺。此案賊匪尹文升等。自道光十一年起。在稅口等

卡界內偷窰窖坑。堵截鹿隻。所有歷次失察之統巡總巡及臺卡邊門各官。著即查取職名。交部分別議處。該處稅口輝發霍吞二卡倫地勢遼闊。稽查難周。著准其將珠魯蟒喀卡倫移向柳河身以東。揀擇扼要處所安設。其各卡界內。嗣後著添派熟悉山廠協領一員。隨時前往專查鹿害。一經查出。立即將該統巡等官嚴參懲辦。至派出專員鹽菜銀兩。著准其由船規項下照數給發。○諭軍機大

臣等有人奏浙江仙居縣學署被竊計賊遁貫一案先據該縣審係張阿義為首迨詳解到府又訊係沈阿李為首駁委臨海縣知縣會同該縣審辦旋究出連夜行竊學署范沛沈供認道光十三年十一月初一夜糾竊一次張阿義供認十二月初一夜糾竊一次要與原案不符該訓導吳楷旋以原報未經分晰本係兩次被竊移覆該縣等通詳文內將前夜糾竊改為張阿義起意次夜改為

范沛沈起意與移查訓導原文又復互異該府縣本年將張阿義擬軍解省旋據訓導吳楷具稟被竊實係一次該府陳大溶面諭改作二次並有委員王祖望幕友俞蕙芳再三相勸加以恐嚇逼勒遵改迨臬司發委杭州府審明實係張阿義起意行竊一次並非二次等語學署被竊計賊遁貫罪名較重何以招解到府訊係在逃之沈阿李為首迨發縣會審既究出連夜行竊前夜係范沛沈為首

次夜係張阿義為首何以通詳文內改為前夜係張阿義為首次夜係范沛沈為首又何以經杭州府覆審仍係張阿義一人為首行竊仍止一次是該府縣於張阿義罪名難保非有意開脫至逼勒該訓導更改被竊次數如果屬實尤出情理之外著該撫親提人證卷宗逐加研鞫務將此案被竊究係何人為首並一次二次之處確切查明按律懲辦至原審委審各官有無有意開脫聽囑別情尤

當秉公確查據實奏奏以戢盜風而肅吏治將此諭令知之尋奏訊明委係張阿義為首實止一次按律擬絞監候知府陳大溶等並無開脫勒改情節惟將絞犯錯擬軍罪後雖審正已屬失出訓導吳楷因誤聽家丁之言遽以二次移覆實屬輕率請一併交部議處下部議從之○以宗人府府丞李振祐為都察院左副都御史○以圓明園救火出力予王大臣官員議敘兵丁賞賚有差○旌表守

正捐軀河南汝陽縣民姚繼新妻殷氏西華縣民石道生妻劉氏○貸盛京大白旗堡等處被水旗民站丁一月口糧○以孟冬時享太廟自是日始齋戒三日○己酉

孝敬憲皇后忌辰遣官祭

泰陵○諭內閣著英以一品大員於太監人等懇求之詞不行拒絕經都察院遵旨將著英議以革職自屬咎所應得姑念其平日辦事無誤此案情節尚輕惟履霜堅冰不可不防

其漸者英著革去尚書都統步軍統領內務府大臣加恩以侍郎降補以示薄懲朕綜理庶政一秉大公議過之條務期允協在廷諸臣其各體朕心勿事瞻徇勉副朕諄諄誥誡至意○又諭申啓賢奏查勘被災情形並請將稟報不實各員分別撤任留質一摺被災不實之署渾源州知州試用知縣葉菁華著即撤任前任渾源州推升山東青州府同知方熙著留於山西交該撫傳同委員即用知

縣杜詹質訊明確如有諱飾情弊據實叅辦○以盛京將軍奕經為吏部尚書兼步軍統領正紅旗漢軍都統調成都將軍寶興為盛京將軍以都察院左都御史凱音布為成都將軍戶部右侍郎敬徵為都察院左都御史京營右翼總兵奎照兼總管內務府大臣調正紅旗漢軍都統載銓為鑲藍旗滿洲都統○旌表守正捐軀廣東番禺縣民鄔才達妻李氏○蠲緩山西河曲山陰懷仁朔定襄大同應五臺岢嵐清水河渾源十一廳州縣被災村莊額賦有差並賑災民○撫卹貴州松桃廳被水災民○庚戌諭內閣前因有人叅奏江西宜黃縣知縣陳繼思貪縱各款有旨令著英朱士彥會同陳鑒查辦茲據著英等審明具奏此案陳繼思被叅各款既經提到人證卷宗訊無婪贓縱役確據丁憂與史姜文挺亦訊無過付贓銀及串同索賄情事所有原叅之處著毋庸議陳繼思姜文挺著分

別飭令回任回籍○又諭前因有人奏泰江
西省貪劣各員聲名狼藉有旨交著英朱士
彥會同陳鑒查辦茲據著英等審明定擬具
奏此案清江縣知縣孫慧焯訊無貪婪實跡
惟因接徵民欠未完慮干叅處軌今庫書簡
紹基等措銀墊解已屬不合且積欠所部書
吏錢文即屬挾勢借貸孫慧焯著即革職照
例杖徒追贓給主仍俟限滿有無全完分別
辦理臨江府知府于公槐於屬員孫慧焯借
貸部內財物失於覺察又率行詳請丁憂署
照磨李世康暫緩起程亦屬非是于公槐著
交部議處前署樟樹鎮照磨丁憂候補縣丞
李世康訊無主持播弄等弊惟於張紹佗捐
輸錢文辦理不善著交部議處清江縣典史
蔡中和和被叅各款訊無其事著毋庸議即飭
令回任○諭軍機大臣等據陳鑒奏稱江西
新昌縣知縣邊壽寓在署自縊身死雖據該
故員家屬人等供稱平日憂鬱觸起疾所

致惟適有鄉民赴縣喧嚷求辦災賑應行提
省確審等語此案故員邊壽寓到任甫及一
月即因缺苦費用不敷常生憂鬱何至遽爾
輕生現據該撫查明該故員自縊適在鄉民
喧鬧之後且遺筆內既有民情刁蠻愈出愈
奇之句難保無另有別情不可不嚴行查究
著該撫親提現獲各犯悉心研鞫務得確情
按律究辦其陶疋等七名是否係在場滋鬧
正犯有無不法情事並嚴飭所屬迅將在逃
各犯按名弋獲歸案審辦據實具奏將此諭
令知之尋奏訊明邊壽寓實因疾疾自盡鄉
民陶疋等偶值天旱糾眾赴縣喧嚷挾制辦
災實屬藐法按律擬發近邊充軍各逸犯現
飭嚴拏務獲另結下部議從之○又諭據善
英奏伊於本年八月間接據監生耆民顧菊
廷王天奇等呈稱上年六月間風潮陡作衝
壞平湖縣海塘約計一百餘丈本年六月間
潮又衝進內地花木俱被潑損懇請趕修又

去歲新修未完石塘中間即有坍塌倒塌三大有餘等語著烏爾恭額即將該副都統所奏各情確切查明是否該地方官不肯據呈詳報及新修塘工有無坍塌情弊據實覆奏毋稍含混將此諭令知之○以惠郡王綿愉為鑲藍旗蒙古都統○以大學士長齡管戶部三庫事○以戶部左侍郎奕紀總理工程處○修浙江海塘柴埽各工從巡撫烏爾恭額請也

大清宣宗效天符運立中體正至文聖武智勇
仁慈儉勤孝敏成皇帝實錄卷之二百八十九

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十

監丞楊鼎年事落職等語如十八日臣等會同總督臣魏廷樞臣孫元臣黃國書等會同六科臣魏廷樞等奉
天府府事係應中加五級紀錄十八日臣等會議總督臣魏廷樞官是浙江布政使臣孫元臣等奉
六倉大臣情奏會同四譯館事務加一級紀錄加六級軍功加三級紀錄五次在沙洲辦理蘇州文淵閣書院等共計的著照所
內保府人臣陳白田湖州知府魏廷樞內六倉大臣管理宗人府銀庫在吏部官學 監丞黃國書等奉
監丞楊鼎年事落職等語如十八日臣等會同總督臣魏廷樞臣孫元臣黃國書等會同六科臣魏廷樞等奉

救修

道光十六年丙申冬十月辛亥朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○頒道光十七年時憲書

○以惇親王綿愷署鑲紅旗滿洲都統○壬子諭內閣揚名颺於辦理工程含混入奏已

屬巧飾又於臨潼富平等缺輒將同鄉謝長年謝長清調補並因謝長年調補臨潼時出差未回復令謝長清前往署理弟兄先後接任顯係為人擇缺意存袒護揚名颺著即革職定遠廳同知謝長年富平縣知縣謝長清因與該撫同鄉均得調補並以同胞弟兄接任交代跡涉賣緣謝長年謝長清均著降三級調用毋庸查叙議抵再直省調署各缺例由兩司具詳不得以巡撫意存袒護一味迎

合所有謝長年謝長清調署具詳之布政使

按察使著陝西巡撫查取職名送部加等議

處至州縣中兄弟同在一省例不迴避其同

在一府者例文本未明晰向經該督撫咨請

到部均照鹽場與地方官員父子同官一府

之例今其迴避以別府所屬之缺調補嗣後

州縣官兄弟同在一府者著以別府所屬之

缺調補該部即纂入則例通行遵辦○以故

貝勒奕綸子載鈐降襲貝子○以鄭親王烏

爾恭阿署鑲紅旗漢軍都統正紅旗漢軍副

都統道慶兼署正黃旗護軍統領鑲藍旗蒙

古副都統連貴兼署鑲藍旗滿洲副都統○

以工部尚書載銓兼署禮部尚書○癸丑

上詣

皇太后宮問安○詣

宣仁廟

火神廟拈香○諭內閣肅親王府轎夫葛三

等開設賭局於六月二十四日被中營兵役

拏獲既據護衛保碩供稱肅親王敬敏令伊回明者著懇求從嚴懲辦何以二十五日甫求嚴辦二十六日反將葛三等放出二十七日仍用伊等擡轎細覈案情前後不符著肅親王敬敏明白回奏○命陝甘總督瑚松額撥銀七萬八千八百兩解往烏魯木齊備道先十八年經費○甲寅諭內閣昨因肅親王府轎夫葛三等開設賭局一案情節前後不符降旨令敬敏明白回奏茲據奏稱聞知

葛三被兵役拏獲後即將護衛保碩痛斥並恐葛三到案供係包衣人令保碩到耆英處說明係雇工人懇求嚴辦至步軍統領衙門因何將葛三放出實不得知等語著刑部即提訊葛三是否係包衣人抑係雇工人確切究明據實具奏○又諭瑚松額奏副將將屈服閣請仍令赴甘肅委用一摺前任甘肅永固協副將段永福准其於服闋後仍赴甘肅委用俟有副將缺出即行奏請補用此係因

段永福前在軍營著有微勞邊疆營伍藉資熟手是以特允所請他省不得援以為例○總管內務府大臣禧恩等奏遵審失火延燒九洲清晏等處之首領太監黃喜等按律定擬得旨園庭重地該太監等應何等小心謹慎乃平日疏懈以致失火延燒獲罪甚重本應照原擬辦理量予從寬所有太監韓進玉著改為絞監候秋後處決與原擬絞監候之太監袁進喜一併趕入本年朝審情實已革

首領太監黃喜劉文得俱著發往打牲烏拉給官員為奴遇赦不赦內殿八品首領太監王得太著革去首領仍罰月銀十年圓明園六品總管太監趙喜七品總管太監王進朝均著革去頂帶仍罰月銀六年已革圓明園六品總管太監張二漢統轄日久失於查管亦難辭咎著罰月銀三年內殿總管太監王常清革去頂帶仍罰月銀六年以示懲儆尋以太監袁進喜當差年分較淺情節尚輕命

免死發給打牲烏拉官員為奴遇赦不赦○
命惠郡王綿愉帶領侍衛十員往奠故慶郡
王綿懋茶酒賞銀四千兩治喪予祭葬諡曰
良○乙卯

上臨故慶良郡王綿懋第賜奠○諭內閣慶郡
王綿懋為朕親叔慶僖親王之子秉性樸醇
持躬謹飭自秋間遘疾輟轉增劇竟爾溘逝
本日朕親賜奠悲悅實深敬仰體

皇考友于之誼著加恩再承襲郡王一次綿懋

現無子嗣其應行立嗣承襲之處著宗人府
照例辦理綿悌綿性俱著賞假兩箇月辦理
喪事○又諭楊名颺身任巡撫乃於所屬紫
陽縣命案經署臬司究出府縣捏詳刑求情
弊並不秉公查辦輒敢因司道稟見向囑設
法周全復三次親往李廷錫公署拜會業經
湯金釗等查明屬實尚復任意抵賴辜恩溺
職殊出情理之外楊名颺業經革職著毋庸
議儻尚不知自反噍噍續辦則咎由自取朕

必當重治其罪李廷錫於命案重情悉心究
出具稟詳報尚無不合惟於楊名颺奏參後
跪求免參實屬卑鄙業經革職亦毋庸議○
又諭前經吏部將月選官帶領引見其河南
柘城縣知縣楊鳳翰一員朕已覺其目力不
及特命軍機大臣傳到該員再行察看本日
據奏該員實係兩目昏眊試以字畫不能辨
識難勝民社之任楊鳳翰著以原品休致其
柘城縣缺著吏部即將是日備班之員帶領

引見所有過堂時未經看出之吏部堂官驗
看月官之九卿科道著交吏部都察院分別
議處○又諭容照奏查禁歷年陋習一摺馬
蘭鎮地方鎮將以至千把總向遇公出均役
使兵丁挑負行李名為挑夫該兵丁等常充
此項差使槍箭技藝自不能望其合法國家
費帑養兵操防是其本務若徒供官弁役使
之用必至營伍廢弛有名無實不可不嚴行
飭禁著即隨時查察儻所屬員弁內嗣後仍

有役使兵丁之事。即行據實叅處。毋稍姑息。至該鎮每年應進鹿隻。除小鹿六十隻。仍照舊捕。捉餵養外。所有圈內舊養大鹿。即著全數放出。不准餵養。其所占官兵。悉令歸伍。以節糜費。而重差操。○又諭。昨因敬敏回奏。摺內有葛三被獲。恐到案供係包衣人等語。降旨。令刑部提訊。葛三是否包衣人。確實具奏。茲據訊明。該犯實係民人。受雇在府。葛三既係民人。即非包衣人。本無庸慮其混供。敬敏何以恐其到案。供係包衣人。令保碩到耆英處說。係雇工。懇求嚴辦。是何意見。著敬敏仍行明白回奏。○諭軍機大臣等。本日據容照奏。請查革歷年陋習一摺。破除一切。可嘉之至。馬蘭鎮屬十三營。汎向年採取各種藥草。呈交鎮署。並各該管上司衙門。均有餽送。汎兵既以採藥致誤差操。甚至雇覓居民人等。進內採取。難保無匪徒混入。藉此砍樹創獲。不可不防其漸。至金蓮花鹿銜草二種。所產

之地尤關緊要。何以令人擅入採取。餽送殊出情理之外。著容照即將此項陋習。詳細查明。始自何年。據實具奏。毋稍含混。又每年派割火道兵丁內。向以二十名專為打草。繳鎮署二萬束。以備修補房間之用。每名攤派錢文。其置買鐮刀草爬。即用此項該兵丁等難保無指差為名。任意滋擾情事。著照所議。即動用該處庫存廢鐵。製造鐮刀。分給應用。其價值及草爬一項。均由營中公費支用。儻再有攤派等弊。立即查叅。該總兵務將此項兵丁供給鎮署草束一節。查明始自何人任內。一併據實覆奏。將此諭令知之。○以惠郡王綿愉管雍和宮事。○以睿親王仁壽為正紅旗蒙古都統。○命欽差戶部右侍郎文慶由陝西馳赴河南查辦事件。○以東河堵築支河試拋執壩予道員張坦等議敘升補有差。○丙辰上詣

壽皇殿行禮○諭軍機大臣等有人奏山西省地方官貪劣不職罔顧物議者不一而足等語山西吏治廢弛屢經降旨查詢申啓賢簡任巡撫未久自無所用其回護著將摺內所指各員款跡逐細查明據實具奏儻稍事瞻徇不實不盡日後別經發覺該撫不能當欺飾重咎也原摺著鈔給閱看將此諭令知之○諭內務府大臣等養心殿差務重大現設首領一名難以照管再添八品官職首領一

名著載入宮中現行則例○加福州將軍長清太子太保命在紫禁城內騎馬○命惠郡王綿愉於故慶良郡王綿懋發引日往奠茶酒並送至暫安處○旌表守正捐軀江蘇海州民李文林童養妻孫氏河南鹿邑縣民張金堂媳孫氏○緩徵河南安陽內黃臨漳夏邑杞蘭儀湯陰濬封邱武陟十縣被水村莊新舊額賦○丁巳諭內閣陳階平奏加工製造火藥試有成效並開列條款請飭永遠遵

行等語軍儲利器槍礮為先全在提煉硝磺精造火藥方能致遠摧堅據該提督奏稱自到任以來督率將備講求加工製造之法火藥較前猛利現在該省各營槍兵打靶均已一律加遠但恐將來短少力作藥力仍有減縮之弊著兩廣總督廣西巡撫督飭各營查照該提督所奏條款實力辦理毋得日久懈弛以儲軍實而重邊防○諭軍機大臣等有

人奏江蘇省新漲沙地官產民業膠轕不清該省大吏先後查辦互異以致續經新漲之地概未升科等語此項新漲沙地如果有礙水道或即鑿除如實於水道無礙即應照例准人承買何以懸宕數年尚無一定辦理章程著陶澍林則徐體察情形籌畫盡善務使民有樂利國課無虧不必因有人陳奏遂存附會之見亦不可畏難不辦互存觀望之心原摺著鈔給閱看將此各諭令知之○除江蘇鎮洋縣捐置義冢田畝額賦○戊午

上詣

皇太后宮問安○諭軍機大臣等有人奏江寧府知府善慶負欠京債累至五萬餘兩本年陶澍據控咨行順天府提取京城恆太成帳局之王允恭張克昌等赴江質訊應從重究辦等語奸商重利盤剝久干例禁知府有表率之責負債既多又安望其潔己奉公蘆蘆自飭著陶澍林則徐確切查明善慶所欠京債共有若干兩其王允恭張克昌等曾否提

到嚴加審訊治以應得之罪至該府任內如有侵剝民情事著該督等即確查嚴叅毋稍容隱並將現在審辦情形據實具奏將此諭令知之尋奏審明知府善慶不善經理所派家人復被帳局滾剝雖據自行檢舉仍請交部議處該府已經開缺應否回京另選下部議尋議善慶照約未不嚴例降一級調用查該員有捐加二級應銷一級免其降調赴部候補從之○又諭有人奏雲南地方違闕

深山密菁未經開墾之區多有湖南湖北四川貴州窮民往搭寮棚居住砍樹燒山藝種包穀之類此等流民於開化廣南普洱三府為最多請做照保甲之例一體編查等語雲南地處邊陲開化等三府又係該省極邊之境異鄉流民紛紛雜處若不設法稽查或致奸匪潛跡滋生事端著伊里布等細加查訪嚴飭所屬府廳州縣實力稽查凡遇流民入山種地如查有面生可疑行蹤詭秘者即著

嚴拏懲辦並著體察情形應如何按察給牌編立保甲之處妥議章程具奏將此諭令知之尋奏開化廣南二府曠土較多流民墾種漸眾道光三年清查以後貿易客戶由家長稽查其種地流民歸各里鄉約附入保甲分冊給牌隨時稽查惟搭棚棲止砍樹燒山之戶在於僻遠林谷未能依戶編排應按棚給予門牌以昭周密至普洱府屬流民墾種本少即搭棚墾種之戶亦併入保甲編查得旨

依議妥辦養奸貽患刻不可忘萬勿視為泛泛也○己未

上詣

皇太后宮問安侍膳○諭內閣向來科道等官於京外各省事件如有風聞原許據實陳奏請旨查辦至應如何辦理之處豈容妄逞臆見率行瀆請茲據給事中寅德奏江西廩生陳泰來前因呈報開採銅鉛致被斥革請開復廩生飭令前往採辦實屬糊塗冒昧寅德

不勝給事中之任著回原衙門行走○諭軍機大臣等寄諭雲貴總督伊里布等有人奏雲南永北廳地方向有銀廠廠中有匪徒綽號孫霸王素不安靜聚集多匪該省上司委永善縣知縣劉斯增往辦該員不能整頓廠務又復勒索眾鑪人多不服將孫霸王收為頭人益無忌憚該知縣將伊拏解行至中途被伊夥黨劫去該知縣動練緝拏該匪等糾約千餘人持械擁至官署將知縣並一課長

砍傷搶去課銀八千餘兩並行李等物課長遣子具控該知縣始行稟請動兵該匪等復敢倚仗多人抗拒該省上司僅將知縣撤委其廠中滋事緣由並未據實陳奏各等語匪徒聚眾滋生事端地方官果能先事查拏嚴行懲辦何至釀成巨案若如所奏各情該省並未據實奏明作何辦理難保地方官無化大為小情事著該督等迅即查明廠中滋事緣由嚴飭所屬務將孫霸王等趕緊設法嚴

拏按律懲辦以安良善而儆兇頑將此諭令知之尋奏孫和順霸占旺礦綽號孫霸王是以傳言霸王並未曾拒捕傷官搶課廠員劉斯增亦無勒索眾鑪之事得旨嚴行訊究務要得一實字毋忽○又諭給事中寅德奏江西上高縣已革廩生陳泰來於道光八年間呈報開採袁州府宜春縣登埔裏等處銅鉛經委員勘明無礙田廬前任巡撫韓文綺不願辦理坐以呈詞不實革去廩生以致宜春

等縣諸山所產銅鉛鐵錫。臣不具報等語。著陳鑒詳查原案所稱開井取砂。煎出銅鉛。解存藩庫。是否有案。前任巡撫何以不願辦理。或有窒礙難行之處。確切查明。據實具奏。將此諭令知之。○命荊州將軍德克金布在紫禁城內騎馬。○戶部議准廣西巡撫惠吉疏報。天保縣開墾水田十璋一伯一伍。照例升科。從之。○庚申。

皇太后聖壽節。遣官祭

太廟後殿。

奉先殿。

上詣

壽康宮行慶賀禮。王公大臣於

慈寧門。眾官於午門外行禮。○詣

皇太后前侍膳。○諭軍機大臣等。有人奏廣東

地方積弊。請飭查辦一摺。著鄧廷楨等將摺

內所指十條。會同逐細妥議。據實具奏。務須

認真查辦。毋得因循怠玩。視為具文。原摺著

鈔給閱看。將此諭知鄧廷楨。並傳諭文祥知之。○又諭。有人奏廣東會試舉人水腳銀兩書吏需索領費。並偷換銀色。據稱該省舉人每名應領水腳銀二十兩。零各衙門書吏朋比侵蝕。縣府出詳。藩署領咨。該舉人所費約十六七洋圓。及二十餘洋圓不等。此項向在藩署發給紋銀。自改議由各州縣地丁項下存留就近給發。遂啓洋銀碎片撓雜。抽換之弊等語。各省會試屆期。發給水腳銀兩。

原所以示體恤。若書吏等勒索使費於前。又復抽換銀色於後。是國家培植士類之資。徒飽胥役竊壑之欲。不可不嚴行查禁。著鄧廷楨。祁項體察情形。或由藩司派委委員。於該舉人投文時。當堂收受。領咨時。當堂驗給。其外府去省稍遠者。或另立章程。俾得具呈承領。總之。此項銀兩。務須辦理嚴實。不經胥吏之手。自無勒索之弊。該省大小官員衙門。各將所轄書吏自行嚴查。則弊實漸塞。弊源自

清勉副朕體恤寒畯至意將此各諭令知之
尋奏水脚銀兩由舉人當堂面領取具領狀
繳案備查仍飭各所轄書吏毋稍索擾得旨
認真稽查不可日久又視為具文也○以惠
郡王綿愉管中正殿事○壬戌諭軍機大臣
等本日據哈豐阿等奏布特哈無餉牲丁每
歲交納皮張生計疲累定額既無可裁減亟
應量為調劑請由盛京戶部備存銀兩內借
銀十萬兩交奉天府府尹自明年正月起發

商每月一分生息每年生息銀一萬二千兩
遇閏加徵銀一千兩布特哈無餉牲丁自道
光十八年起每名歲給銀六兩每年共需銀
七千二百兩於年終該處領取俸餉之便領
回給發其餘息銀由奉天解交盛京戶部歸
補原款計二十年即可全完俟前項歸足後
即將所餘之息一併領回留為該處一切公
用及各項工程之需等語借款生息調劑牲
丁原為體恤邊軍藉資訓練起見惟所借銀

兩至十萬之多奉天各商領取起息是否不
至苦累其每歲所徵銀兩能否按期交納著
吏部體察情形據實具奏將此諭令知之○
癸亥以太常寺卿吳孝銘為宗人府府丞仍
留福建學政任○以翰林院侍講學士柏蔭
充日講起居注官○甲子以禮部尚書吳椿
兼署戶部尚書○禮部議准浙江巡撫烏爾
恭額疏報採訪諸暨縣貞節婦女傅錢氏等
三千四十六口請建總坊旌表從之○乙丑

試中式武舉劉建綱等六十人於太和殿前
○諭內閣給事中陳功奏驛站積弊一摺據
稱上屆越南國貢使人關所過廣西廣東湖
南湖北各省每站人夫用至四五千名推原
其故皆由各員弁任聽家丁私帶貨物箱隻
且有赴補赴選佐雜武弁等員及幕友長隨
人等附搭同行名為搭差又曰搭貢附搭者
圖其便安私帶者利其津貼以致沿途備辦
行館地方不勝擾累等語各直省設立驛站

原以備傳遞公文。及奉旨馳驛辦公之用。應需夫馬。自有定例。豈容任意濫派。假公濟私。明年係越南國例貢之期。積習相沿。恐不免仍有前項情弊。著梁章鉅於該國使臣起行之日。酌定護送各官應用人夫多寡。沿途牌飭總期無誤行期。不准再有私帶附搭之弊。並著知會各該省督撫一體嚴查。毋任隨違附搭。以免擾累。至上屆越南貢使入關經過廣西。所有人夫。是否有四五千名之多。著梁章鉅查明據實具奏。因思驛傳積弊。不獨貢使為然。即欽差大臣查辦事件。督撫大吏出巡閱兵。應用夫馬。亦有一定。不准稍有逾額。苛派致州縣官以驛站賠累。動至侵虧國帑。迨經發覺。該管上司平日受其供應。輒以因公挪移為之設法調劑。日久仍歸無著。此等情弊。尤應嚴行查禁。著各直省督撫嚴飭管理驛傳大員。儻有違例需索及濫應等弊。一經查出。惟該督撫是問。將此通諭知之。○諭

軍機大臣等。有人奏畿輔一帶。如南西門及黃村各處。有無業遊民三五成羣。演放鳥槍。犯事到官。多藉口於打獵防夜。地方官含混未肯深究。順天府直隸所屬各州縣。私藏鳥槍鐵槍。凡有闖毆命案。起獲兇械。承審官規避處分。竟諱烏槍為竹銃等語。軍器火器例禁甚嚴。即環山濱海居民。應需守禦。亦祇准照式製造。上刻姓名。編號輪查。安得私製私用。大抵硝磺火藥之偷竊。總由於烏槍之未盡掃除。欲除陋習。先清弊源。著琦善何凌漢曾望顏各飭所屬申明例禁。認真稽查。其應如何出示曉諭。限以月日。概令呈官銷毀。並於按季更換門牌之時。留心查訪。儻地方官奉行不力。一併叅處。並著琦善等悉心妥議章程具奏。固不可視為具文。虛應故事。亦不得任聽胥吏藉端張皇擾累。是為至要。將此各諭令知之。○丙寅

上詔

皇太后宮問安○閩浙總督鍾祥奏報到任日期得旨諸凡認真以副朕之厚望勉之○以直隸永定河防汛出力予同知馮季曾等升補有差○旌表守正捐軀廣西臨桂縣民李尚義妻莫氏○蠲緩直隸西寧景蔚阜城宣化懷安天津滄南皮鹽山大名寧河十二州縣被旱被水村莊新舊額賦有差○展緩兩淮板浦中正臨興三場被水歉區新舊額賦○緩徵陝西榆林懷遠神木府谷葭五州縣

被霜被雹村莊新舊額賦○丁卯刑部奏審擬步軍統領衙門咨送差役故縱賭犯葛三等一案得旨肅親王敬敏之轎夫葛三開設賭局現經刑部訊明敬敏於葛三被獲後尚無請託情弊惟葛三開場誘賭累月經旬敬敏既失於覺察及至案已到官輒令護衛保碩往見耆耄懇求嚴辦殊屬不合著交宗人府議處總兵聯順奎照失察司員審案草率均著交部議處花子王二及未獲之梁大等

仍著嚴拏務獲按例懲辦○以大理寺卿琦琛為都察院左副都御史○以吐魯番屯田豐收予員弁議敘賞兵丁一月鹽菜銀○緩徵湖北漢陽漢川沔陽鍾祥潛江天門應城監利枝江江夏武昌興國孝感十三州縣及屯坐各衛被水村莊新舊額賦○戊辰上詣

時應宮拈香○御紫光閣閱中式武舉馬步射○命吏部左侍郎桂輪工部右侍郎賽尚阿敬謹查勘泰陵工程○頒發江蘇清江浦斗姥宮御書扁額曰斟元垂佑○己巳上御箭亭閱中式武舉技勇○御乾清宮引見中式武舉親定甲乙○諭內閣樂善等奏請飭催兩淮應交牧羣生息銀兩並暫借庫項墊發一摺此項息銀係充察哈爾三旗牧羣之用自應按期解交以符定限所有道光十

六年息銀九千兩十七年半年息銀四千五百兩前據陶澍奏稱業經派員解送直隸藩庫著琦善迅速解交該處以資辦公其十七年下半年應解息銀並著兩江總督於本年冬季如數解送毋再延玩嗣後每年應解息銀務於歲前豫交以符定限至此項息銀未經解到之前著准其於該處八旗初次賞借生息項下積存銀內暫借銀七千兩以備墊放俟前項息銀解到即行歸款○諭軍機大

臣等有人奏伊犁將軍門丁縱恣不法廢員因緣為奸一摺伊犁為嚴疆重鎮將軍有統轄控馭之責必嚴明法紀杜絕瞻徇方為不負委任特依順保任將軍有年奕山與之同城見聞較切著將摺內所指各情節逐細查明據實具奏儻瞻徇情面稍有不實不盡日後別經發覺奕山不能當此重咎也原摺著鈔給閱看將此諭令知之○庚午
上御太和殿傳臚賜中式武舉一甲王瑞方臺

金連元三人武進士及第二甲王廷獻等八人武進士出身三甲馬富等四十九人同武進士出身○諭內閣前因給事中周開麒奏奏前任江西蓮花廳同知程國觀貪酷各款有旨令朱士彥等會同陳鑒查辦茲據朱士彥等審明具奏此案程國觀被參各款既經查訊明確並無夥開錢鋪濫用非刑暨勒詐賄賣拜師冒賑各情事所有原參之處著毋庸議該員業已丁憂却事著即飭令回籍○

又諭前據給事中沈鐸奏參河南武陟縣知縣新升廣西西隆州知州趙銘彝貪酷各款當降旨交湯金釗文慶查辦茲據文慶逐款查明該縣尚無貪婪劣跡惟於書吏何慶奎偷減橋工王光業虧欠錢糧各案將應訊之犯均因濫刑致令病斃復於童生張玉輝誤買官地之案違例科罰錢文其由修武調任武陟曾將差役常廣德等帶赴新任隔屬充役亦屬不合趙銘彝著即革職以示懲儆○

又諭此次湖南武岡州逆匪藍沅曠習教滋事該地方官得有風聞既不能先事豫防致釀巨案又不能將首逆迅速拿獲立正刑誅均有應得之咎所有失察之該管官寶慶府理彊通判德慶武岡州知州徐璿前署新寧縣事長沙府同知朱士錦署新寧縣事試用知縣王廷璦新寧縣教諭劉鉅麟訓導彭士印俱著革職寶慶府知府惠體廉著降二級調用前任湖南鹽法長寶道今升廣東鹽運

使梁恩照著降一級調用前任湖南按察使今升甘肅布政使趙炳言前任湖南布政使現任大理寺少卿惠豐均著於現任內各降二級留任前任湖南巡撫吳榮光湖廣總督訥爾經額均著各降一級留任吳榮光現以四品京堂候補著於補官日降一級留任趙炳言又於署布政使任內失察梁恩照又於署按察使任內失察著於現任內各再降二級留任以上各員所得處分均不准其抵銷

至該犯程孔國於道光十五年正月拜四川人王又名為師傳授雷倡和等四十餘人雷倡和轉傳於藍沅曠等十餘人著訥爾經額即將自十五年正月初一日起歷任失察習教之該管官查取職名交部議處並著四川總督查明該犯王又名習教起自何人始於何年何月一併將歷任失察各職名交部議處○兩廣總督鄧廷楨奏履勘海口礮臺演試礮位會閱虎門秋操情形得旨操演準備

均屬妥協但日久萬不可廢弛也勉益加勉○展緩黑龍江齊齊哈爾墨爾根城三處積歉旗丁舊欠糧銀○辛未

上詣

皇太后宮問安○諭內閣此次湖南武岡州逆匪藍沅曠等謀逆滋事該地方歷任武職各官漫無覺察以致釀成不法均屬咎有難辭所有失察之湖南武岡營外委游加喜寶慶協左哨千總胡永春俱著革職武岡營千總

張大宏寶慶協外委方玉勝經部議革職本屬咎所應得惟念張大宏當賊眾圍城之日首先槍斃一賊餘匪解散著有微勞曾有旨以守備即行升補並賞戴花翎著加恩免其革職於升補守備後仍帶革職留任八年無過方准開復方玉勝隨同提鎮將備勦捕勤奮前經賞戴藍翎著加恩免其革職拔去藍翎武岡營遊擊楊昌泰寶慶協副將托精阿俱著降二級調用永州鎮總兵崇福湖南提督薛陞俱著降一級留任以上各員所得處分均不准其抵銷至失察奸民程恆忠等習教之地方武職各官著訥爾經額查取職名送部議處其王又名前在四川習教該地方失察各武職即著四川總督查取職名一併送部議處○旌表守正捐軀湖北枝江縣民黃本順妻吳氏○壬申諭內閣馬成金著准其以文生員兼襲騎都尉世職嗣後承襲一二三等輕車都尉及騎都尉世職比照雲騎

尉恩騎尉之例准其以文武生員兼襲應試支食世職俸銀該部仍於帶領引見時將應否兼襲之處聲明請旨其捐貢捐監人員概不准其兼襲亦不准以本非文武生員將輕車都尉騎都尉世職改作生員應試以示限制該部即纂入則例永遠遵行○以失察馬蘭鎮屬營兵王蛟虧習教前任提督徐銳等降留革職有差○以協擊山西趙城縣逆匪予知縣費公彥等升補議敘有差○撥熱河司庫銀採買古北口兵糧從都統嵩溥請也○以山西山陰縣旱災命撥大同縣倉穀平糶並備來春貸給籽種○癸酉上御懋勤殿勾到湖廣浙江江西本年情實罪犯停決湖廣斬犯十四人絞犯二人浙江斬犯五人絞犯一人江西斬犯八人餘七十人予勾○諭內閣前據給事中常大淳奏各省藩庫額設封貯銀兩動缺甚多請飭部酌定籌補章程一摺當交戶部查覈具奏茲據查

明該部歷次奏定將捐監銀兩彌補封貯各省於十萬兩解部後以五萬兩歸補陝西河南山東山西湖北等省以五萬兩解甘肅後以五萬兩歸補原以輪流間補則部庫與邊儲既可充裕而各省缺額亦可漸次彌補必須通盤籌畫庶不致顧此失彼現在各省封貯銀兩除直隸江西原額無虧直隸分貯銀兩因公借動歸於攤廉追解外其江蘇安徽福建湖南廣西四川雲南貴州陝西河南山

西山東湖北甘肅等省應仍照歷次奏定章程以捐監銀兩除解部解甘肅之外按次歸補惟旋補旋撥於封貯仍屬無益嗣後各直省非有要需該督撫等不得將此項銀兩遽請動用庶有補無撥而原額自可漸復所有該給事中請將捐監銀兩儘數歸補各省封貯之處著毋庸議至江寧省因公借動封貯銀四十餘萬兩浙江省因公借動封貯銀二十餘萬兩廣東省因公借動封貯銀二十萬

兩均應由該省自行歸補著各該督撫上緊督催按年歸款毋任延宕以重庫儲而歸覈實○又諭裕泰奏已革問遣道員交代倉庫各款膠轕不清請旨留禁查辦一摺湖南已革問遣道員常慶應交倉穀銀兩各款既係歷任借放及佃欠盤缺未經詳明有案即屬虧那該革員接任時何以不即揭報遽肯接收出結而接收後何又不行上緊追繳完款及至叅革後始行移交後任作抵難保非因

有虧空捏詞搪抵常慶著暫行留禁交該撫徹底嚴查審訊務期水落石出以清款項如有虧短捏抵情弊或係歷任私自那缺著即據實叅辦不准因業經問遣之人顛預將就致令倖免也尋總督林則徐等奏該革員常慶應交銀穀據升署辰永沅靖道王簡稟稱交抵清楚其應追兵勇挾借案內分賠銀兩亦經全數完繳請仍將該革員解赴配所效力贖罪下部知之○湖南巡撫裕泰奏查明

苗疆情形並酌擬屯防得旨經國遠猷必當隨時整飭汝能見及其屬可嘉○安徽巡撫色卜星額覆奏糧船青皮匪徒往來無定緝捕亦無定法有隨幫上下為水手售私者則宜緝於糧船既到以後有盤踞村鎮馬頭勾結為匪者則宜緝於糧船未到以前現已訪獲王大本等二十八名分別懲辦仍飭於空船到境時加意稽查防範報聞○以故貝子祥瑞子繼善降襲鎮國公三等鎮國將軍奕聰子載安降襲三等輔國將軍○緩徵安徽五河潛山壽宿鳳陽懷遠定遠靈璧鳳臺泗盱眙天長懷寧桐城太湖宿松望江南陵貴池青陽銅陵建德東流當塗蕪湖繁昌無為巢潁上霍邱亳和三十二州縣及屯坐各衛被水被旱歉區新舊正雜額賦○展緩湖南華容安鄉湘鄉茶陵常寧衡陽清泉耒陽巴陵九州縣及岳州衛上年被水被旱災區帶徵額賦○甲戌命大學士穆彰阿仍在南書

房行走○除湖南澧州沅縣田畝額賦並免舊欠額賦及籽種銀○乙亥上詣時應宮拈香○諭內閣前據容照奏馬蘭鎮屬營汛向採各種藥草呈交鎮署打草兵丁每年繳鎮署二萬束以備修補房間當有旨令容照查明各項陋習始自何年何人據實覆奏茲據奏稱打草繳署一節始於乾隆四十六年保寧任內傳採藥草一節惟道光六年慶惠任內有傳帖一紙以前查無案據等語國家養育兵丁原以備操防之用該管各官何得私行役使致曠差操此項採藥打草陋習實屬不合本應將歷任各員查明懲處惟念歷年久遠官非一任所有歷任沿襲陋規及未經查出各員姑從寬免究嗣後該總兵務當將前項陋習實力稽查永遠禁革儻日久生懈再有餽送攤派等弊一經發覺定將該總兵等懲處不貸○丙子

上詣

皇太后宮問安○御乾清門聽政○諭內閣給事中鮑文淳奏陶澍違禁私刊奏疏一摺併將原刊奏疏呈覽朕詳加披閱其所刊刻俱係發鈔事件惟封疆大吏身膺重任所奉硃批理當慎密方為不負委任陶澍輒行刊布跡近沽名殊失公爾忘私之義陶澍著交部議處○至另片奏准北票鹽辦理不善等語准北改行票鹽總期於國課民食兩有裨益如

該督於每年奏銷鹽課短絀該部自能參奏即令民食不便其所行票鹽各省該督撫亦必具陳利弊候朕施行鮑文淳此奏摺據瑣屑意涉挾嫌此風斷不可長鮑文淳著一併交部議處○尋議兩江總督陶澍給事中鮑文淳均擬以降三級調用得旨陶澍改為降四級留任鮑文淳著回編修任○又諭多爾濟喇布坦等奏本年西寧喀什密爾回民應販大黃至恰克圖與俄羅斯交易逾限未到懇

請飭催一摺每年西寧販運大黃至恰克圖與俄羅斯交易向有定限自應依限運至恰克圖與俄羅斯交易乃此項大黃並未運到上年復有虧欠殊屬非是著交陝甘總督瑚松額西寧辦事大臣德楞額將本年應販大黃務須飭催迅速販往嗣後務令揀購精良於每年七八月間運至恰克圖以備交易不得稍有虧欠○又諭賀長齡奏請揀發知府等語據稱前任四川夔州府知府孔繼君現

在丁憂服闋在部候補請發往黔省差委孔繼尹前在山東官聲雖好然地方情形不同該撫何以知其於苗疆要地相宜即令該省差委之人不妨照例奏請揀發此端斷不可開所請著不准行賀長齡著交部察議○禮部議准湖南巡撫裕祿奏疏報採訪巴陵縣貞節婦女李三姑等三百六十二口護廣西巡撫布政使花杰疏報興業縣節婦何譚氏等八口各請建總坊旌表從之○除甘肅平羅

縣修改惠農昌潤二渠占用民地額賦○貸
甘肅皋蘭安定平涼寧泰稷涇崇信八州縣
歉收貧民口糧○丁丑

上御懋勤殿勾到安徽江蘇本年情實罪犯停
決安徽新犯六人江蘇新犯七人絞犯二人
餘八十一人予勾○諭內閣票毓美奏請添
辦來年備防稽石並酌撥辦甄一摺現屆東
河添購來年防料之時據該河督查明河南
省黃河南北兩岸十三廳向應添辦備防稽

二千垛現有本年用騰稽三百八十垛值銀
二萬六千六百兩山東省曹河糧河兩廳向
應添辦備防稽五百垛現有本年用騰稽一
百垛值銀七千兩除將此項減辦銀兩即在
此次添備項下照數劃還司庫外統計河南
省十三廳實應辦四成稽料六成碎石共銀
十一萬三千四百兩山東省兩廳實應辦四
成稽料六成碎石共銀二萬八千兩據稱試
拋甄塊著有成效著准其將河南省北岸稽

料碎石例幫價銀四萬六千九百兩山東省
曹河廳碎石及糧河廳稽料碎石例幫價銀
二萬一千兩改辦甄塊所有此項添備稽石
及改撥辦甄銀兩著即在河南山東各司庫
籌項撥發該河督即督飭各廳分別趕購稽
料限年內全完另廠存貯甄限挑汛以前石
限伏汛以前照數辦足該河督親往驗收儻
查有遲延短少等弊著即指名嚴叅至本年
原陽支河攔黃堰梓符黑堰等處購備碎石

甄塊借用銀共六萬四百九十二兩著即在
六成碎石項下全數扣還司庫以清帑項○
又諭票毓美奏請豫撥購甄銀兩等語據稱
原陽支河拋築甄壩挑溜澄淤確有成效所
撥甄價除攔黃堰及支河等處豫辦外所存
無多不敷兩岸甄壩備防加足之用現在舊
甄漸少收買頗難亟應多置窯座燒造大甄
以備工用著照所請准其於來年例撥防險
銀內豫提銀十萬兩發交開歸河北兩道按

用甄各廳分飭領辦勒限枕汎以前照數辦足該河督仍親往驗收如有短少遲延著即嚴叅懲辦○又諭稟毓美奏估辦來年土工一摺豫東黃河兩岸隄堰截壩等工據該河督親勘減准覈實確估應於次年春間趕辦所有河南省兩岸十三廳連黃衛下南豫辦工段估需用例價銀二十萬六千九百餘兩津貼銀二萬一千八百餘兩共例津二價銀二十二萬八千七百餘兩山東省曹河糧河

二廳及曹考廳屬之曹上汎估需例價銀二萬一千七百餘兩著准其於豫東兩省藩庫分別照數撥發各該道轉給工員先期雇定夫車交春興工照估趨築勒限完報仍著該河督於來春查料上隄時挨工勘驗儻有草率偷減立即指名嚴叅不得稍事姑容工竣覈實驗收○以鎮國公奕湘為鑲黃旗漢軍副都統○戊寅諭軍機大臣等據工部等部奏查明南河道庫統計水利各款應實存銀

一百五十萬餘兩而該河督前奏河庫並無水利備發之款及平飯銀兩動用無存何以懸殊若此著麟慶即將庫存備撥水利平飯一款截至道光十二年止應存銀兩因何動用無存究於何案工程濫用歷年支發作何開除詳晰查明據實覆奏其自十三年起歲報河道錢糧並公項清冊又十年及十一二等年辦運葦柴用項並著速行題報毋再遲延又另片奏歲報錢糧清冊應將收除實在

分年剔清如估銷時有覈減追賠銀兩即於完繳之年作為新收等語著該河督即將道光八年以後發辦各工按年造報以免輾轉而杜弊混原摺片著鈔給閱看將此諭令知之尋奏平飯一款向來收以款計支以案計十一十二十三等年湊支早已無存祇因上次查造歲報時各該年另案尚未報竣是以未曾入冊開除現在督飭道廳趕覈至公項清冊及十年十一二年辦運葦柴用項亦遵

即飭速題報。又奏。部議謂七年以前之案清查案內早已支銷。竟可無庸開造。今將八年以後收除實在。今年剔清造報。則是八年歲報。須照清查存銀八十二萬餘兩之數。作為舊管。不特與七年歲報存銀八百七十萬數目不符。而七年以前收用平飯銀四百十九萬餘兩。及未經造銷各案。均不能再入歲報冊內。將來更無憑稽覈。下部知之。○又諭有人奏。湖北監利縣隄工。向係官徵民修。每年

歲修土方六十餘萬。派徵制錢六萬餘串。由該縣籤點董事。發給印單。收取土費。糧書工書等。輒用墨券私收。致董事賠累不足完工。又有庫總六人。狼狽為奸。被控未結。前經訥爾經額派員前往會議章程。設立總局收土。並公舉誠正首士八人。及領修數十人分修一切事宜。不假吏胥。士民踴躍而盡書等。遂把持花戶。不許赴局完土。首士屢經稟究。藐玩如故。一年所收土費。不及三萬串。餘皆盡

飽蠹橐。本年四月庫總龔紹緒勾通糧書蕭之桐糾眾抗土。鬧局毆辱首士秦祖恩等。縣令不為究辦。從前吏胥包攬徵收。縣令與汛員每年得陋規數千串。今改總局收土。不能遂其需索。蠹書尤不利於總局。百計尋釁。本年七月十五日。乘該縣公出。連夜聚眾千餘人。拆毀總局。劫奪冊券。局中衣物銀錢。搶掠一空。並毆首士周超伯等多人。報驗勘辦。該縣鄧蘭薰僅挈糧書張良佐一名。略加懲

戒其餘首從各犯置之不問。又本年荆江水未大漲。該蠹書等潛往創毀潰決二十餘丈。致淹毛老等一百四十餘垸。下及沔陽漢陽等處。皆受其害。等語。收土修隄。改設總局。行之一年。士民稱便。該地方官自應實力奉行。用收實效。何以該蠹書等輒因無從漁利。膽敢糾眾毀局。搶劫肆毆。如果屬實。大干法紀。該縣知縣亟應將首從各犯按名嚴拏。從重懲辦。儆戒徇庇蠹書一味姑容。必致益無忌

憚首士畏其凌虐不敢承管局事於民命要
工大有關係不可不嚴行查究著訥爾經額
周之琦親提現獲糧書張良佐並飭該縣嚴
拏首從各犯務獲秉公審訊認真研究務即
查明潰隄毀局各確情依律究辦並追出抗
繳土費以杜包攬而清積弊至該縣鄧蘭薰
僅查有徇縱情事著即據實嚴劾毋稍姑息
將此諭令知之尋總督林則徐等奏監利縣
設立總局散局收土仍令糧書幫收散局首
士秦祖恩因糧書蕭之桐舊欠不繳令工人
縣役將蕭之桐鎖拏赴局以致爭鬧至江隄
潰決實因滲漏所致糧書張良佐等聲稱田
墓被淹赴局吵鬧將總局首士周超伯等毆
傷被人乘間竊去錢文衣物張良佐按律擬
杖又糧書龔紹緒於十四年擅用墨券私收
土費至六十串之多擬發近邊充軍餘俱照
律定擬監利縣知縣鄧蘭薰查無私得陋規
情事其審辦蕭之桐張良佐二案亦尚非徇

縱惟失察縣書龔紹緒等侵收土費又該縣
賠修隄工而搶險用費仍於土費內開銷殊
屬非是應請革職以示懲儆下部議從之○
以故一等鎮國將軍蘇藩子成瑞奉恩將軍
永楞子綿成各襲職○以翰林院侍講學士
侯桐為奉天府府丞兼提督學政○己卯
上詣
壽皇殿行禮○諭內閣步軍統領衙門設立左
右翼總兵與各部院尚書侍郎無異一切公
事均應彼此酌商不得意存推諉方稱同寅
協恭之義前因該衙門司員承審賭犯葛三
等辦理草率當降旨將失察之該管總兵聯
順奎照交部議處茲據該部議以罰俸一年
具奏聯順等失察此案情節尚輕原可准其
照例抵銷但該總兵等與步軍統領均有統
轄屬員之責乃於該司員等審辦草率漫無
覺察雖經事後自行查出參奏究屬失察於
前所有聯順奎照罰俸一年之處著不准其

抵銷以杜推諉之漸○又諭戶部奏京餉起解遲延請飭催解交等語廣東省上年秋撥案內應交部庫地丁銀一十五萬兩經戶部於本年六月內行催迄今仍未起解現已久逾例限著廣東巡撫迅即派委妥員解部交納並查取該藩司委解遲延職名送部議處其本年春撥案內奏撥廣東地丁銀二十萬兩並著該撫速即委員解部毋任遲延○諭軍機大臣等據御史董宗遠奏稱接到天元差局送來書信一封係浙江嘉興府人錢洪等七人妄呈地方公事求為密奏呈內訴及嘉興等縣浮收縱盜並有縉團教大被教者鼠黨尖刀黨名目等語浮收勒折縱盜殃民最為地方之害至愚民妄設教黨煽惑閭閻尤干例禁若不隨時認真查辦必致釀成巨案著烏爾恭額即將呈內所指各情節密加根體訪如果實有其事即提到錢洪等確加根究毋稍諱飾其列名具呈之錢洪等七人著

一併確切訪查是否實有其人或係挾嫌誣指冀累無辜亦未可定如係詭捏姓名即與匿名揭帖無異尤當密拏照例懲治毋得意存消弭原呈著發給閱看將此諭令知之尋奏應訊詞內有名之錢洪等俱供並未呈控即開載之萬隆信局亦早已閉歇顯係另有其人匿名捏冒妄肆揭告當密拏懲治以儆險詐報聞○緩徵甘肅皋蘭河靖遠安定平涼靜寧固原寧武威古浪平番中衛涇崇信十四州縣暨沙泥州判所屬數區新舊正借錢糧草束○緩徵陝西綏德清澗米脂吳堡四川縣被旱歉區額賦之半○緩徵三姓被旱被溺數區銀數

果

四八九

紫禁城內騎馬。○緩徵山東齊河德濟陽濮濟寧魚臺聊城清平商河長清冠館陶堂邑。

在平華邱東阿鉅野泰安高唐夏津臨邑歷城陽信海豐范臨清萊陽榮成寧海文登掖平度昌邑濰膠高密即墨益都臨淄諸城安邱臨朐昌樂高苑博興樂安壽光博山齊東新城恩濱霑化樂陵章邱惠民五十七州縣並德州臨清東昌濟寧四衛被水被旱村莊新舊額賦○辛巳

上詣

皇太后宮問安○壬午

上御懋勤殿勾到河南山東本年情實罪犯停決河南斬犯二人絞犯五人山東斬犯八人絞犯二人餘八十四人予勾○諭內閣前因御史王藻奏請將沿海汊港村莊設法編查履勘富降旨令直隸等省各督撫妥議章程具奏茲據琦善奏稱查明直隸濱海十二州縣內豐潤等八處雖濱海而不能通海其口港通海者惟天津寧河臨榆樂亭四處天津海口夾岸有礮臺兩座大沽北塘兩處俱設

有營汛等語該省海口密邇京師稽察最宜周密其稽察之要固當嚴詰外盜之乘機入口尤須訪拏內奸之違禁出洋嗣後著責成天津鎮總兵於夏秋潮大之際嚴飭該駐劄之都司守備等督率兵丁實力巡防按月查報其各本地商捕船隻所雇水手人等並飭該地方官確切查明實係土著良民取具船戶連環保結方准充當有犯連船戶並究仍令海口營汛並寧河縣之蘆臺巡檢天津縣之葛沽巡檢於出口時逐細詳查如有私藏貨物並夾帶人口即行扣留送縣究辦各該處捕魚小船並令查明如確係土著民人即取具地鄰保結由縣發給腰牌以憑查驗如有更替漁丁及新造船隻俱隨時報明換給新牌每年編審一次其近海村莊無論戶口多少俱飭該府州縣編查保甲以杜奸萌自此次明定章程之後該督務當嚴飭所屬認真查察實力奉行毋得日久生懈視為具文

○諭軍機大臣等。前據陶澍奏。兩淮應交牧羣生息銀兩。業經派員解送直隸藩庫。當諭琦善迅速解交察哈爾。以資辦公。茲據琦善奏稱。此項息銀。道光十六年一年。並十七年半年。共應交銀一萬三千五百兩。迄今並未解到。又接據林則徐咨文。內稱本年息銀。飭司籌墊。是此項息銀。該省原未起解等語。察哈爾牧羣生息銀兩。現既仍照舊章。由兩淮生息。自應按期解交。以備該處三旗牧羣之用。何以陶澍既稱十六年一年及十七年半年息銀。業經委員解送。而林則徐又稱本年息銀。尚須飭司籌墊。此項銀兩。曾否如數起解。著陶澍林則徐。迅即查明。解送直隸藩庫。以便發交察哈爾領回支用。毋再任意延宕。致誤要需。將此諭令知之。尋林則徐奏遵查前項銀在兩淮生息。督臣陶澍因輾轉解送口外。緩不濟急。擬請將本銀五萬。籌交直隸藩庫。就近轉發生息。並恐兩淮還本之後。扣

至直隸起息之時。中間不免空缺。是以議將道光十六年連十七年上半年息銀一併籌墊。派員解送。本係候旨遵行。迨九月二十日。奉旨仍照舊章。由兩淮鹽務生息。惟時已在陶澍交卸之後。現即飭運司仍將息銀籌墊詳解。且尚有十七年下半年息銀。亦應隔年豫解之項。全行墊解。計十二月內。必到直隸。交察哈爾濟用。報聞。○以宗人府右宗人綿岫。都察院左都御史敬徵。戶部左侍郎奕紀。為內大臣。○以拏獲鄰境盜犯吉林佐領雙福等。下部議敘。○旌表守正捐軀直隸束鹿縣民孫思學妻吳氏。○癸未諭內閣。宗人府奏。現屆恭修玉牒之年。宗支蕃衍。篇頁每次遞增。較從前多至一倍。請將在館人員。分別賞加議敘。一摺。現在甫將開館。應俟一年後。全書依限告成。如果辦理妥速。准其循照成案。由該總裁等擇其尤為出力者。酌量保奏。請旨賞給班次。

其一二三等人員分別咨部覈議毋許冒濫

○又諭桂輪等奏查勘

泰陵寶城等工應修情形一摺著工部奏派大

臣敬謹承修並著欽天監於明春擇吉奏明

興工○甲申遣官祭

先醫之神○以右春坊右庶子王炳瀛充日

講起居注官司經局洗馬杜受田署日講起

居注官○以寶華峪拆卸完竣賞已革郎中

慶玉四品頂帶以

東陵內務府郎中補用○乙酉

上御懋勤殿勾到山西直隸熱河本年情實罪

犯停決山西斬犯三人絞犯四人直隸斬犯

四人絞犯八人餘六十九人予勾○以定親

王奕紹審親王仁壽充

玉牒館總裁官大學士長齡充督催官禮部尚

書吳椿禮部右侍郎聯順內閣學士倭什訥

吳其濬充副總裁官○以詹事府詹事毛樹

棠署宗人府府丞○命吏部尚書奕經禮部

尚書貴慶吳椿在紫禁城內騎馬○以拏獲
鄰境要犯予兵馬司副指揮呂榮祺等升敘
有差○丙戌

上詣

皇太后宮問安○諭內閣前據馮贊勳奏參廣

西宣化縣知縣楊時行署任月餘責斃數命

當交恩銘趙盛奎秉公確查具奏嗣據查明

該員實無濫刑斃命情事復據馮贊勳將楊

時行責斃各犯姓名案由月日開單呈覽並

奏請密飭覆查適因新任廣西巡撫梁章鉅

來京陛見當將原摺清單交該撫帶往嚴密

訪查務得確據茲據該撫奏稱檢查案卷覈

對各犯被押月日並無將卷宗抽換消滅之

弊其用小竹板笞訊賊犯亦無杖以百計之

事且各犯發保病故相距自一二十日至數

月不等現經查明民人馮大學開場誘賭經

楊時行訪聞拏獲該犯口稱伊姪現居京職

求全顏面該員仍照例責懲毫無瞻徇可稱

不畏強禦。甚屬難得。著該撫察其才具。如果始終奮勉。遇有應升之缺。酌量保奏。以為州縣各官實能除暴安良者勸。梁章鉅甫經升任巡撫。於交查之案。即能悉心體訪。據實奏聞。使賢能之員。不致屈抑。甚屬可嘉。著加恩交部議敘。至言官風聞奏事。當為國計民生起見。馮贊勳兩次陳奏。俱云得自家書。並將責斃各犯開具姓名月日。乃一經查訪。全不相符。且其所奏。竟係一片私心。輕信族人。無

據之辭。意圖報復。似此紳士書役扶制地方官。其風斷不可長。馮贊勳著交部嚴加議處。○又諭。本日據裕泰奏。特參妄肆干求之知府等官。請旨革職提問。並據蔡錦泉奏。官員違例干求。據實陳明各一摺。湖南永順府知府王鳴球。於該學政蔡錦泉考試該府屬時。充當提調。不知剔弊防奸。輒於進見時。以屬員馮茂勳缺苦。為其門生張慶雲面遞名條。懇求取錄。巡捕官張運陞。牟培源亦以當差

甚苦。同向該學政門役。懇為代求。各進武童一名。考試鉅典。輒敢肆意干求。膽大妄為。實出情理之外。該府王鳴球。及署永順縣知縣馮茂勳。永順縣典史張運陞。桑植縣典史牟培源。著一併革職。交該撫提同文童張慶雲。並查明求進之各武童。係何姓名。拘解來省。嚴行訊究。斷不准顛預了事。以儆官邪。而肅吏治。○伯都訥副都統吉勒通阿。因病解任。以黑龍江協領富勒洪額。為伯都訥副都統。

○旌表守正捐軀山東單縣民焦運周妻李氏。○撥興京鳳凰城木植變價銀一萬八千兩。有奇。發商生息。添給閒散學演鳥槍公費。從將軍奕經等請也。○除江蘇吳縣捐置義冢田二十一畝。有奇。額賦。○丁亥。上御懋勤殿。勾到朝審情實罪犯。停決斬犯三人。絞犯一人。餘十九人予勾。○諭軍機大臣等。寄諭雲貴總督伊里布。雲南巡撫何煊。據御史袁文祥奏。雲南銅務。每年正運四起。由

運員領銀辦船。直送天津。加運二起。運員領銀辦船。止到漢口。由漢口更換站船二十隻。湖北委佐貳一員。彈壓回空。及至江南。更換站船二十隻。俗名馬包子船。此項船隻船丁頭工。勾串各船。招集匪徒。沿途滋擾。江南委試用佐雜一員。彈壓。該委員得此。以為美差。包庇匪徒。任其訛詐。或串同船丁。向運員惡借銀兩。是銅船水手。擾害地方。由於地棍之插入。實由於協運委員之包庇。若將加運改

照正運一體。由運員直辦船隻。送至天津。則諸弊可免。且查漢口站船二十隻。應領水腳銀一千餘兩。江南站船二十隻。應領各費銀四千餘兩。又湖北委員幫費銀三百餘兩。江南委員幫費銀一千餘兩。並站船修造各項所費更鉅。加運一改。則站船可裁。繁費既可節省。銅運自必迅速等語。銅船水手。沿途訛詐。最為地方之害。不可不設法辦理。著該督等體察情形。將加運二起。改照正運辦理之

處。是否可行。確切查明。據實具奏。將此諭令知之。○又諭寄諭貴州巡撫賀長齡。據御史袁文祥奏貴州省到配軍流人犯。專為平民殯殮埋葬。該犯等挾制訛索。不許喪家雇工埋葬。輒於夜中行竊。甚則撥土開棺。剝取衣物。以致有喪之家。多以香火炷燬衣衾等物。然後入殮。是以本年秋審情實內。該省它墳之案甚多等語。各省軍流人犯。一經到配。該地方官自應妥為安置。嚴加管束。毋許滋生

事端。若如該御史所奏。挾制訛詐。開棺棄屍。殘忍已極。不可不嚴行拏究。著該撫確切查明。如果實有其事。即嚴飭各府州縣。出示明白曉諭。嗣後民間殯殮之事。一聽喪家自便。不准軍流人等任意把持。藉端勒索。儻該犯等再有盜竊及發冢各案。即行嚴拏務獲。從重加等治罪。毋許稍有玩縱。以除兇暴而靖閭閻。將此諭令知之。尋奏。遵即確查。據各屬稟覆民間殯殮埋葬。向係自雇人夫。並無軍

流入犯訛索把持情事。惟道光十四年二月。安順府軍犯鍾老牛馬金德。挖墳冢業經照例歸入秋審辦理。此後無軍犯創墳之案。現出示曉諭民間殮葬。不准軍流人等干預。儻有藉端把持。及盜竊發冢等事。立即嚴拏。加重治罪。查黔省向來軍流到配。除自有資財並手藝生理外。其少壯可任使者。用為驛站夫役。並充當各衙署水火夫。按名給與工食。其年老有疾者。各府廳州縣均照黔省舊章。捐給口糧。應令照舊酌量妥辦。仍按期點查。嚴加管束。以免別滋事端。得旨。妥行辦理。○山東巡撫經額布奏查閱營伍情形。得旨。隨時認真訓練。務期緩急可恃。斷不准稍有懈弛。勉之。○改製青州滿洲營糧礮二十四位。分撥德州滿洲營八位。從副都統英隆請也。○戊子諭內閣。予告陝甘總督楊遇春。數歷中外宣力。三朝朕每軫念勲勞。渥存眷注。本月四川總督

鄂山來京陛見。經朕詢問。楊遇春在籍頤養安和。精神強固。甚為欣慰。朕特親書福壽二字。並頒發內府人蔭十兩。著鄂山帶回。賞給楊遇春祇領。以迓麻祥。其子前任河南巡撫楊國楨。因丁母憂在籍。著於服闋後。迅即來京。候朕簡用。以示優待。蓋臣有加無已至意。○又諭惠郡王綿愉等奏筆帖式列款妄控。請旨革職懲辦。武英殿筆帖式慶頤。以揀選主事等缺不公等情。列款呈訴。經惠郡王綿愉等查明。該筆帖式所控各款。並無確據。實屬不安本分。著革去筆帖式。以為妄誕逞刁者戒。○又諭潘錫恩奏請飭拏槍手及傳遞人犯一摺。直隸高邑縣童生宋殿元。廣平府童生姜春泰。槍替入場。擲題傳遞。經該學政查出懲辦。尚屬認真。惟向來學政考試。遇有舞弊人犯。俱係移咨該省地方官。照例緝拏。無庸請旨辦理。著潘錫恩即將訊出槍手及傳遞各犯姓名。移咨直隸總督。飭屬嚴拏。務

獲歸案審辦。以符定制。○又諭鄧廷楨等奏演放礮位炸裂一摺。據稱會閱該省虎門秋操。前赴各臺履勘。演放礮位。其威遠臺賠造八千斤大礮一位。復行炸裂。所有監鑄委員。推升遊擊現署廣東撫標右營遊擊黃廷彪。著交部議處。仍飭實力督匠加工賠造。以觀後效。鄧廷楨。關天培督率不善。均著交部議處。至此項礮位。原為武備要需。從容試演。已至炸裂。又安望其禦侮得力耶。經此次飭令賠造之後。儻再演試無準。或仍有炸裂等情。惟鄧廷楨。關天培是問。懍之。○諭軍機大臣等。前據興德等奏壽昌到任遲延各款。並劉允忠稟揭壽昌任意妄為各情。暨壽昌鈔錄屯民原呈。據情具奏各摺。已降旨將壽昌。劉允忠解任。交廉敬。奕山會同興德秉公查辦。茲據興德等奏參壽昌任性乖張。不遵定制。並收受餽送銀兩。及主使屯民控告各緣由。壽昌亦以興德等徇庇稽留摺報。舞權欺公。

等情。奏參興德等與壽昌彼此各執一詞。秉公查辦。是非無難立剖。著廉敬。奕山。即將興德等所奏各摺片。逐細詳查。認真覈實辦理。毋得稍事瞻徇。少有偏倚。以成信讞。興德著無庸會同查辦。至壽昌另片奏請撥銀三萬兩之處。著一併妥議具奏。原摺片七件。著鈔給閱看。將此諭令知之。○頒發

御書南河

靈佑觀對聯曰。轉漕連檣徵利涉。恬流順軌

導靈源。

風神廟曰。應候宣仁和玉燭。回瀾助順固金隄。○以都拉特鄂托克哈薩克台吉鄂洛斯塔木恭順內附。賞二品頂翎。○己丑。

上詣

宣仁廟。

凝和廟拈香。○庚寅。諭內閣。各省辦理秋審人犯。經刑部由緩改實者。道光十五年分奉天四川各五起。十六年分貴州七起。陝西

六起。奉天安徽各五起。秋讞大典。務宜虛衷研鞫。詳審覈定。毋枉毋縱。各得其平。固不可有心刻覈。過於嚴厲。尤不可惑於救生不救死之說。故從輕減。蓋生者倖逃法網。則死者必致含冤。所謂明允弼教者安在。各該將軍府尹督撫及臬司等。於秋審未能慎重詳覈。致有失出多案。俱著交部查明分別議處。用示朕執法用中至意。○又諭。本日據吏部遵旨將馮贊勳嚴議具奏。言官為朝廷耳目所寄。責任綦重。凡所敷陳。當為國計民生起見。其有閭閻繫國是。切中時宜者。朕必量加採納。立見施行。即或偶爾失實。而所奏尚屬因公。亦必曲為寬恕。從不遽加譴責。朕於大小臣工。賞功罰罪。一秉大公。斷不稍存私見。即如本年高喀鼎於黑龍江歷久遵辦之事。輒因私意妄託該將軍更改章程。憑憑具奏。尚係為地方公事。惟不自行據實陳奏。膽敢私致書函。囑其奏辦。即屬有心干預。是以於訊明

後。立予重懲。不稍寬貸。馮贊勳前任言官時。遇事敢言。間有指陳。尚堪採取。經朕加恩擢至四品京堂。宜何如屏除私念。力圖報效。以慰朕用人求治之意。乃逞其一片私心。於署宣化縣知縣楊時行杖責竊匪。本無濫刑斃命情事。輕聽族人無據之詞。兩次嘖嘖。奏意圖誣陷地方官。隱遂其報復之計。其居心實不可問。此端一開。在京大員。藉端扶制地方官。必至每事掣肘。吏治尚可問耶。馮贊勳著即照部議革職。以為徇私忘公者戒。○除甘肅狄道州水衝地四十二頃有奇額賦。○辛卯。諭內閣。奕額等奏查勘盛京陵寢應修各工一摺。著工部照例奏派大臣敬謹承修。其永陵東配殿應修處所。明歲方向不宜著欽天監即於今冬選擇吉期。奏明後。交該將軍先行揭動數處。隨同各工。明歲一律辦理。○旌表守正捐軀湖南湘陰縣民劉思禮妻李氏。

○緩徵江蘇江寧句容山陽阜寧清河桃源
安東鹽城高郵泰江都甘泉寶應銅山豐沛
蕭陽山邳宿遷睢寧海沐陽贛榆長洲元和
吳吳江震澤常熟昭文崑山新陽華亭奉賢
婁青浦江陰宜興荆溪丹徒丹陽太倉鎮洋
無錫四十五州縣並淮安大河揚州徐州蘇
州太倉鎮海七衛被水歉區新舊額賦○緩
徵江西豐城進賢奉新建昌安義南昌新建
武寧高安上高萬載清江新淦新喻峽江蓮
花廬陵吉水永豐泰和萬安安福永新臨川
金谿崇仁樂安東鄉南城鄱陽餘干樂平浮
梁安仁德興萬年皇子都昌德化德安瑞昌
湖口彭澤四十三廳縣被旱歉區新舊額賦
及舊貸銀穀○

上以冬至祀

天於

圓丘自是日始齋戒三日○壬辰

聖祖仁皇帝忌辰遣官祭

景陵○諭內閣多爾濟喇布坦等奏喀爾喀賽
因諾顏部落之庫克多羅該卡倫人等與扎
薩克圖汗王曼達爾瓦所屬烏梁海人等互
爭遊牧請旨派員查辦一摺邊外遊牧該蒙
古等生計攸關自應畫清邊界著派多爾濟
納木凱馳驛前往辦理並由烏里雅蘇台將
軍揀派司員一人統俟來歲春融雪化時著
多爾濟納木凱約期帶赴卡倫會同該王曼
達爾瓦貝子察克都爾扎勒公衛多布多爾
濟等查辦○又諭御史富隆額奏請究查捏
造浮言一摺國家設立科道等官廣開言路
原期興利除弊摘伏懲奸於國計民生兩有
裨益數年來科道中每有陳奏朕無不虛衷
採納其建言得體有裨政治者或加恩外擢
或簡畀京卿其或事涉瑣屑指陳無據亦不
予以嚴譴所以獎勵激勸俾令知無不言言
無不盡乃近來妄肆譏彈捕風捉影甚且扶
嫌誣陷報復逞私尚復成何事體經朕將該

員等分別懲處。實朕萬不得已之苦心。在廷臣工。有言事之責者。宜何如仰體朕心。靖共獻納。勉副朕孜孜求治之意。若如該御史所奏。言官奏事。應究問風之所自起。聞之所由來。是使進言之人。心存畏蒞。瞻顧不前。必至民生疾苦。吏治廢弛。悉壅上聞。豈不於朝廷設立言官之意。與朕達聰明目之心。大相逕庭耶。所奏著毋庸議。○以河南河北鎮總兵官謝金章。為福建提督。江西南昌城守營副將趙其楨。為河北鎮總兵官。○晉贈故福建提督馬濟勝。太子太保。賞銀五百兩治喪。予祭葬。謚昭武。○癸巳。

上詣

南郊齋宮齋宿。○諭內閣。管理新舊營房都統副都統。遇朕出入。俱應按門跪接。嗣後惇親王綿慎。惠郡王綿愉。遇有此項差使。均著毋庸跪接。○甲午。冬至。祀天於

園立。

上親詣行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后

孝慎皇后陵寢。○遣官祭

瑞慧皇太子園寢。○停次日朝賀。○詣

皇太后宮問安。○諭內閣。申啓賢奏恭刊

御製人臣儆心錄

欽定訓飭州縣規條。頒布通省官員一摺。所見甚是。州縣為親民之官。果能各盡其職。則天下自無不治。膺是職者。宜何如精白乃心。勤求民事。以副朕愛養元元之意。若如該撫所奏。州縣莅任之始。不問地方之利病。先問缺分之肥瘠。凡前人所不敢存諸寤寐者。今則直言諸大廷。廣眾之中。而無忤容。一切公事。委之幕友。任之書役。以故營私作偽。徇利曠官。積習相沿。恬不為怪。夫吏治之廢弛。全在該管各大員。設法化導。多方振作。使知奮愧。思勉。自可力挽頹風。該撫刊刻書函。俾各該州縣實力講求。消除痼習。洵為正本清源之論。著照所奏辦理。因思晉省吏治如此。各直省想亦不免。所有雍正八年

欽定訓飭州縣規條一書。其中條列州縣事宜。允為牧令法守。著各該督撫。即遵照原書。敬謹刊刻。頒發所屬各該州縣。俾得細心究習。實力奉行。有所據依。以為準則。儻有陽奉陰

違。執迷不悟者。即著該督撫。據實叅劾。毋得稍事姑容。務使民咸樂業。此戶可封。大法小廉。吏治蒸蒸日上。朕實有厚望焉。將此通諭知之。○諭軍機大臣等。前據善英奏。平湖縣海塘連年衝壞。潑損花禾。並新修石塘。間有坍塌。懇請趕緊修築。當有旨諭令烏爾恭額。確切查明。據實覆奏。茲據該撫奏稱。平湖境內塘工。偶被風潮衝卸。向由該縣營自行捐辦。並無歲修銀兩。上年六七月間。石土各塘。被潮潑損。已據該前縣鄭錦聲稟報會修。尚未報竣。現據該管道員勘明。理砌各工。並無坍塌。本年花禾亦未潑傷。該縣並非匿報。訊據具呈。生者顧菊廷。王天奇等。同稱今年潮水溢入。係由塘河分流。花禾實未受傷。前呈係得自傳聞。並非目見。其新修坍塌處所。令其指出。該生者等俱屬茫然。稱無其事。並稱兩次具呈。本無此說。該撫詳覈呈底。實無理砌石塘倒塌字樣等語。浙江海塘原為保障

民田而設。遇有坍塌。自應乘時趕築。儻該地方官不肯據實詳報。玩視民瘼。莫此為甚。至新修海塘甫經完工。尤不應即有坍塌。何以善英原奏內稱。接據呈詞。兩次親詣履勘。沿海居民被災情形。眼見屬實。而該撫則稱近塘地內麥苗勃發。並無洩跡沙痕。至該生耆等籍隸該縣。若非目覩情形。何敢妄行呈訴。何以一經傳訊。輒以得自傳聞。飾詞狡卸。其新工坍塌。既不能確指其處。且稱並無其事。

又稱前赴該撫及副都統衙門具呈時。並無此說。迨將呈底送覈。亦無理砌石塘倒塌字樣。是善英所奏。不特與該撫現查情形。迥不相符。即與該生耆等現供情節。亦多互異之處。著朱士彥於查辦廣東事竣後。馳赴浙江。親詣平湖縣境內。將善英摺內所指各情。秉公確查。是否屬實。並查明烏爾恭額覆奏所稱各節。有無諱飾情弊。務當悉心體訪。破除情面。虛則虛。實則實。詳細具奏。毋得稍有含

混。以副委任。善英烏爾恭額原摺。俱著鈔給閱看。將此諭令知之。○山西巡撫申啓賢奏。查開省城營伍。得旨訓練查閱。認真可嘉。由近及遠。通省若皆能如是。卿可謂盡心職守。不愧簡任矣。朕心甚悅。一力勉之。○閩浙總督鍾祥奏。操練閩省官兵。得旨承平日久。武備自多廢弛。若不及時修明訓練。緩急何所恃耶。勉益加勉。○以捐修山西太原府城垣。知州林樹雲等下部議敘。○賞八旗兵丁一

月錢糧。○未諭軍機大臣等。本日據興德等由四百里馳奏。色呼庫勒地方。被賊滋擾。一摺。據稱十月初三日。霍罕列什格爾胡什伯克帶領賊人到色呼庫勒地方。將城垣用礮打開。阿奇木伯克庫爾察克。率眾抵禦。互有殺傷。庫爾察克帶傷被擒。其餘伯克被傷身死逃亡者。尚復不少。伊什罕伯克邁熱木等家眷。均被搶去。大約賊有二千餘人。現籌防禦等語。霍罕夷人犬羊性成。貪黷無厭。現

在胡什伯克既將色呼庫勒地方占據難保不由彼進卡肆行滋擾計廉敬到彼尚需時日。奕山接奉此旨著即迅速馳赴葉爾羌並與特依順保妥商於領隊大臣內酌派一二員隨同前往將興德等摺內所稱各情節詳細確查先行知照喀什噶爾辦事領隊大臣等將胡什伯克差來之阿布都爾滿等六人嚴行看守毋許放令出卡務當體察現在情形儻該夷人等膽敢肆意擾亂勢須調兵該大臣即一面調派官兵一面據實奏聞並嚴諭各城一體防範如該夷人等進卡滋事自當實力勦捕惟不准擅行出卡致開邊釁並著該大臣馳抵葉爾羌後即書寫諭帖曉諭霍罕伯克以該伯克素稱恭順並能約束卡外夷人具臻安靜是以大皇帝加恩准予通商並免納稅色呼庫勒係屬天朝地方今聞胡什伯克帶領多人在彼滋事該伯克諒不知情是以屬下之人敢於擾我邊陲妄行抗

拒該伯克深受天朝浩蕩之恩務即查明此次進卡滋事之人自行懲辦並嚴諭所屬嗣後務當各守藩籬永遠約束儻再擅入邊界致生事端恐大皇帝聞之天威震怒絕其貿易不准通商是該伯克不能承受天恩自貽伊戚也如此剴切宣諭該伯克果能悔罪輸誠自可不煩兵力儻竟執迷不悟該大臣即行通盤籌畫將應如何辦理之處據實具奏固不可示之以弱亦不可過事張皇是為至要至前交查辦各件著俟廉敬到葉爾羌時再行會商辦理興德等原摺著鈔給閱看將此由五百里諭令知之○又諭據興德奏現因色呼庫勒地方被賊滋擾派人出卡偵探俟探有確信再行前赴喀什噶爾會辦福奎虧短庫項一案等語此案前已有旨令廉敬奕山馳往查辦興德毋庸會同辦理該大臣想係未經奉到前旨故有此奏興德著不必前往喀什噶爾即在葉爾羌鎮靜防守差派

員弁嚴巡各卡倫。並行知各城一體防範。仍令阿奇木伯克伊斯瑪依爾。揀派妥靠伯克分投出卡偵探。一有確信。即行據實奏聞。將此諭令知之。○又諭有人奏。福建延建邵道祥璽。於本年五六月在省逗留。據該道以患疥就醫為名。傳聞實係染患惡瘡。在省醫治。中秋節前始行回署等語。如果屬實。監司大員擅離職守。至於三月之久。何以表率屬員。且其所患之瘡。若果由於狎邪傳染。更屬有玷官箴。著鍾祥嚴密查訪。據實具奏。毋得稍有諱飾。將此諭令知之。尋奏。祥璽上年五月。因赴所屬建寧府地方。會查封禁山事。感冒喘病。因公赴省。稟明就便醫調。旋因胃經火燥。復發熱瘡。調治漸痊。於八月起身回署。查延建邵道一缺。山河環錯。盜匪甚多。該道祥璽身體素弱。人地不甚相宜。應請將該道開缺。給咨送部。從之。○命吏部尚書奕經。毋庸在乾清門行走。○丙申。諭內閣。鐵麟等奏。

經紀續有長支銀兩。著落經放廳員分賠。並請將經紀應賠之項。展限扣還一摺。坐糧廳經紀承辦通壩運務。每年所領腳價銀兩。歷有長支。據該侍郎等查明道光十二年奏准八年勾扣之案。尚有四年未曾扣完。茲復續有長支。年復一年。何所底止。所有十四十六年長支銀二萬三千二百九十餘兩。著查照成案。按任著賠。廳員分賠四成。經紀賠交六成。以示懲儆。其經紀應賠銀一萬三千九百餘兩。准於前案扣完後展限二年。仍於應領腳價內勾扣清款。○又諭。哈豐阿等奏。請借款添設旗兵馬匹一摺。黑龍江兵丁向未設立馬匹。茲據該將軍等查明黑龍江分駐八旗。遇有調遣。皆以馬隊取勝。請借銀設立馬匹。著照所請。准其在於本年扣還積欠糧銀內。動支銀一萬六千兩。分撥齊齊哈爾黑龍江墨爾根呼蘭希特哈五處。查明無馬兵丁。每名借給銀八兩。自行置備馬匹。官驗烙。

印責令各旗佐領實力稽查此項借銀齊齊哈爾等四處分限四年布特哈分限八年按季扣還以清款項仍著每年造冊咨部查覈○諭軍機大臣等本日據湯金釗奏調補喀什噶爾換防總兵任貴邦行抵陝西省患病委頓非數日所能痊愈現在調理等語著瑚松額察看情形如任貴邦已經就痊即飭令馳驛前往或一時未能就痊及病痊後精神不能照常該督即一面奏聞一面派寶德馳驛前往更換方不致懸缺待人○有曠職守將此諭令知之尋奏任貴邦病勢甚重難望即痊即令寶德馳驛前往接辦報聞○展緩湖北京山江陵公安石首松滋荊門黃陂七州縣暨屯生各衛被水村莊新舊額賦○貸陝西府谷榆林神木懷遠四縣被霜災民口糧加賑府谷縣被雹災民一月○丁酉諭內閣御史王藻奏請嚴禁渡口訛詐並沿途卡汛認真巡緝一摺各省衝要渡口每屆冬令水

涸之時非照常擺渡即搭蓋浮橋並派河夫常川應役所以便驛遞而利行人若如該御史所奏地方官每以渡口為瑣屑漫不經心夫役盤踞凡車輛馱載過輒訛錢並有於河淺處所暗掘深坑逼令傾陷不行乘機訛詐且山東德州河次歷年俱搭浮橋近因領造不敷所用該州遂停止搭橋通年擺渡任令夫役訛詐不休又蒲臺縣運鹽河係登萊青三府往來孔道兩岸擺渡較他處勒索更多似此擾害行旅肆無忌憚必應嚴行查禁山東如此他省應亦不免著各直省督撫嚴飭該地方官於所屬渡口認真稽察如有夫役任意訛詐即行懲辦以儆刁風至沿途營汛卡房原為盤詰奸宄護送行旅而設著各直省督撫責成地方文武各官實力整頓房間隨時修葺兵役挑選精壯加意巡防以弭盜賊而安行旅儻日久視為具文以致有名無實著即嚴叅懲辦將此通諭知之○命伊犁

領隊大臣華山泰塔爾巴哈台領隊大臣扎勒罕奏。來京以二等侍衛巴里善為伊犁領隊大臣。賞吐魯番協領朝善副都統銜。為塔爾巴哈台領隊大臣。○濬山東上河捕河。運河。加河。四廳塘長各河。從河道總督栗毓美請也。○戊戌。諭軍機大臣等。本日據烏爾恭額馳奏。浙江提督戴雄因病出缺。朕意將正定鎮總兵唐倬升補提督。惟念直隸為畿輔重地。全在提鎮得人。方足以肅營務而重操

防。唐倬周悅勝何人最為得力。如以周悅勝調補他省。唐倬於直隸能否獨當一面。著琦善悉心體察。於該二員內。擇其尤為得力者。酌留一人。該督接奉此旨。務即詳慎查明。迅速具奏。將此諭令知之。○又諭。有人奏。查拏糧船滋事水手。宜先清其巢穴。其巢穴所在。水次則有經堂。供奉神牌。設立老官師傅之位。在幫中則據漕船為經堂。號召徒眾。又有所謂老安幫。潘安幫者。霸占幫船。視同己業。

並有所謂泰子船者。其兇橫與老安潘安無異。沿途則多於濱河曠僻處所。開設茶酒等鋪。約集匪徒。寄存贓物等語。此等匪徒聚眾誦經。蠱惑公私。自應掃除巢穴。以淨根株。著漕運總督及有漕各省督撫。即將摺內所指各情弊。確切查明。如何辦理之處。妥議具奏。原摺著鈔給閱看。將此各諭令知之。○以惇親王綿愷署宗人府宗令。大學士穆彰阿署鑲黃旗滿洲都統。○調盛京兵部侍郎惠吉

為刑部侍郎。盛京刑部侍郎文蔚為兵部侍郎。○予故浙江提督戴雄祭葬。謚果毅。○己亥。

上詣

皇太后宮問安。○旌表守正被戕吉林蘇爾哈屯氏王德觀妻趙氏。廣西上林縣民韋起羣孫媳李氏。守正捐軀山西陽曲縣民于倉妻趙氏。○禮部議准。江西巡撫陳鑾疏報。採訪南城縣貞節婦女崔吳氏等一百四十六口。

萬年縣鄭朱氏等三十一口。河南巡撫桂良疏報。睢州王傅氏等十六口。各請建總坊旌表。從之。○貸山西大同鎮駐劄災區兵丁穀石。○庚子。諭內閣。林則徐等奏請禁州縣折給旗丁洋錢。以平市價一摺。洋錢行用內地。勢難驟禁。要當於便民之中。予以限制。其價值總以紋銀為準。庶市儈不得售奸。據該署督等查明江蘇省近年洋錢價昂。皆因鋪戶計析錙銖。往往於糧船受兌之前。先將洋價擡高。以困州縣。及至幫船開行之日。又將銀價擡高。以困旗丁。輾轉低昂。以致縣幫交累。漕務愈難辦理。欲絕市儈之居奇。必先於辦漕禁用洋錢。方可以同積習。現在新漕受兌。期於重運早開。所有縣幫交涉一切費用。著概禁折給洋錢。即照該署督等所奏向需洋錢一圓者。以紋銀七錢三分覈實給發。庶市儈無高擡之價。縣幫無爭較之繁。而漕行亦得迅速。是在該署督等飭屬妥辦。務使行無

窒礙。方為盡善。○實授惇親王綿愷宗人府宗令。以大學士穆彰阿署管理戶部三庫事。都察院左都御史敬徵為工部尚書理藩院尚書武忠額為都察院左都御史戶部左侍郎奕紀為理藩院尚書轉戶部右侍郎文慶為左侍郎。調工部右侍郎賽尚阿為戶部右侍郎兼管錢法堂事務。以京營左翼總兵奎照為工部右侍郎兼管錢法堂事務。○以大學士長齡為鑲黃旗領侍衛內大臣署鑲藍旗滿洲都統。睿親王仁壽為正黃旗領侍衛內大臣。大學士穆彰阿兼鑲黃旗滿洲都統。署正黃旗領侍衛內大臣。科爾沁扎薩克郡王僧格林沁為鑲白旗滿洲都統。宗人府左宗人綿恩兼正藍旗蒙古都統。○命惠郡王綿愉帶領侍衛十員往奠故定親王奕紹茶酒。賞銀五千兩治喪。予祭葬。謚曰端。命其子工部尚書載銓。百日孝滿後。承襲郡王。賞三眼花翎。○成都將軍寶興。六十生辰。賞

御書扁額。並珍玩文綺。○禮部議准河南巡撫桂良疏報。採訪息縣節婦謝范氏等五十一口。請建總坊旌表從之。○辛丑

上臨故定端親王奕紹第賜奠。○以惠郡王綿愉管樂部事。工部尚書載銓為閩兵大臣。管武備院事。兵部尚書禧恩署管理鑾儀衛事。鑲白旗滿洲都統僧格林沁為領燾大臣。理藩院尚書奕紀署後扈大臣。鑲黃旗護軍統領中山管火器營事。吏部左侍郎桂輪管嚮

導處事。○壬寅諭內閣。本日據阮元等將廣東省承修督修礮位各員議處具奏。署遊擊黃岡協左營都司黃廷彪著即照部議革職。仍留雲騎尉世職。其炸裂礮位著責令賠造。鄧廷楨關天培部議降二級留任。本係公罪。原可准抵。惟督率不善。以致演放傷人。非尋常失察可比。俱著降二級留任。不准抵銷。○諭軍機大臣等。前據哈豐阿等奏布特哈無餉牲丁。生計疲累。請借銀十萬兩。交奉天生

息。以資調劑。當降旨交署盛京將軍奕顯體察情形。據實具奏。茲據奏稱奉天所屬商賈多係流寓民人。殷實之家較少。從未責令領項生息。各城富商已領過生息三款。每年應交息銀息錢統計東錢不下二十四五萬千之多。除正項開銷外所餘之項仍係交商生息。遞年疊加有增無減。若再發十萬兩之數生息。各商未免苦累。不敢令其承領等語。布特哈無餉牲丁。每歲交納皮張。生計未免疲

累。亟應量為調劑。既據奕顯查明奉天各城富商領項已多。其未經承領生息銀兩各商殷實者無幾。儼概行發給不但息銀未能按期交納。難保不虧缺本銀。自係實在情形。所有布特哈牲丁應如何調劑之處著哈豐阿等另行籌畫妥議具奏。將此諭令知之。尋奏查布特哈有原設牛馬銀六千兩。歷年借給無力耕種之戶。置立牛具。請於六千兩內酌撥二千兩。津貼無力牲丁置馬之資。復查該

處有出借官兵出差銀四千兩。僅據領銀二千兩。尚有未領銀二千兩。又呼倫貝爾有出借官兵出差銀三千兩。僅據領銀二千兩。尚有未領銀一千兩。共銀三千兩。應請一體抽撥。作為置馬專款。分限八年坐扣。下部議從之。○命

皇四子



皇五子奕詝。往故定端親王奕紹

第賜奠。○以惇親王綿懌充

玉牒館總裁官。○以戶部左侍郎文慶署管理

武備院事。內閣學士倭什納署正紅旗護軍

統領。○旌表守正被戕雲南巧家廳民任開

憫女公姑。○禮部議准湖南巡撫裕泰疏報

採訪桃源縣貞節婦女子黃氏等四百四十

二口。請建總坊旌表從之。○癸卯

大高殿設壇祈雪

上親詣行禮。署吉林將軍祥康奏遵查卡外

並無流氓民居。得旨隨時實力稽查。斷不准

一奏了事。漸復因循也。懍之。○命理藩院尚

書奕紀在御前大臣上學習行走。○旌表守正捐軀河南原武縣民苗狗妮妻張氏。○甲辰

上詣

壽康宮前殿行禮。後殿問

皇太后安。○諭內閣給事中鄭世任奏請查禁

徒流遇赦及逃回人犯潛匿京師一摺。輦轂

重地理應肅清。豈容曾經犯罪之人潛蹤滋

事。若如該給事中所奏。近來各處徒流遇赦

及曾經刺肘刺面之犯。往往潛匿京師。結成

黨羽。其在配徒流人犯。地方官並不認真查

察。每致逃逸來京。恣行不法。此等人在直

隸省為最多。必當嚴行查禁。以靖地方。著順

天府直隸總督嚴飭各州縣。嗣後徒流在配

人犯。務須實力稽查。造冊按月點卯。不得僅

憑胥役捏報。如有逃逸。立即根究。其軍流遇

赦人犯。籍隸直隸各府州縣。有籍可歸者。由

配所知照該犯原籍地方官查明到籍日期。

嚴加管束。仍詳報該上司立案。不准流寓京師。其籍隸大興宛平二縣者。一經赦回。亦由配所知照。即交該二縣嚴加管束。詢明該犯下落。造冊登記。知照五城。著巡城御史五城司坊官。各按所轄地面。於編查門牌之便。嚴飭鋪甲捕頭稽查約束。遇有此等赦回人犯出外滋事。立即稟報懲治。儻有徇隱。即治該甲捕以約束不嚴之罪。如該城御史及司坊各官。並不認真稽查。別經發覺。即著一併議處。以示懲儆。

諭軍機大臣等。有人奏安徽布政司經歷劉寅陞。貌似樸誠。心實狡黠。前任藩司佟景文。倚為腹心。以致該員詭計鑽營。恣其貪黷。歷次謀署各缺。並辦災報銷。剋扣不下十餘萬兩。及盜案久懸。監犯自戕。積貴放債各款。又署合肥縣。知縣張清元。積壓多案。開檢遲延。挾私杖斃長隨。並有白石山窩取首犯沙左繩槍傷捕役十餘名。及該撫聞知。始行查拏等語。劉寅陞貪劣不職。張清

元廢弛民事。虛實均應徹底根究。著色卜星額督同藩司程楸。采臬司周天爵。逐款嚴查。從實究辦。毋許稍有含混。以儆官邪。原摺著鈔給閱看。將此諭知色卜星額。並傳諭程楸。采。周天爵知之。○又諭有人奏湖南長沙府屬之湘鄉縣。鎮石垸花明樓茶園地一帶地方。與衡陽邵陽等縣毗連。住居之戶多習為竊。竟成窩藪。復有惡棍陳連五父子等。包庇縱容。拒捕毆差等語。著裕泰即按照摺內所

指姓名。嚴密訪拏。並遴選幹員。潛赴白泥灣大拖裏等處。查訪該監生等各項劣跡。按律懲辦。以儆兇頑。至該處距縣僻遠。其應如何設立保甲門牌。並責成各姓族長稽查管束之處。著該撫即飭地方官妥議規條。覈實辦理。原摺著鈔給閱看。將此諭令知之。○新授喀什噶爾辦事領隊大臣富興阿。具摺謝恩。並陳明喀什噶爾向歸伊犁統轄。胞兄特依順保。現任伊犁將軍。應否迴避。得旨伊犁將

軍雖有統轄之責。南北遼遠。可毋庸迴避。迅速前往無滯。○以理藩院尚書奕紀署正黃旗領侍衛內大臣。○調雲南提督李國棟為浙江提督。四川提督余步雲為雲南提督。甘肅提督齊慎為四川提督。直隸提督周悅勝為甘肅提督。以直隸正定鎮總兵官唐倬為提督。服關總兵官曾大觀為正定鎮總兵官。○旌表守正捐軀河南武安縣民祁亮妻劉氏。○乙巳諭內閣恩特亨額奏查訊捕役代

藏器械供情一摺。此案楊泳即楊成。現據該漕督查訊大概供情。惟案內鎮江幫水手李瀾陽等既有三命四傷重案。業經林則徐咨提質訊。著俟李瀾陽等解到時。即將楊成一併解交兩江總督就近質訊。明確照例懲辦。尋總督陶澍奏先經署督臣林則徐訊明楊成緝捕勤能屢獲盜犯水手李瀾陽係所獲盜犯史盤五姻戚扶仇誣扳實無代藏器械情事。解交漕臣覆審無異。現復詳加詰訊。要

係誣扳。案無遁飾。李瀾陽應照糧船水手私藏火槍擡槍雖未傷人發遣例擬發新疆給官兵為奴。餘犯按律定擬。楊成先行省釋。至李瀾陽等在桃源縣殺傷丁克順等三命四傷之案。情罪較重。應即發回淮安府飭令究訊另結。下部議從之。○調直隸正定鎮總兵官曾大觀為福建建寧鎮總兵官。建寧鎮總兵官王忠貴為正定鎮總兵官。○以拏獲匪犯于江蘇知州伍家榕等加銜升用有差。○

丙午諭軍機大臣等。據瑚松額奏野番圍搶廐馬聚集二百餘人。騎馬持械直撲野馬川。經署提標右營遊擊周進保率領弁兵奮力堵禦。該賊番施放連槍。敢行抗拒。迨官兵開槍轟擊。傷斃賊番多名。始各畏懼逃逸。廐馬並未被害。搶查點官兵亦有傷斃等語。野馬川地方與大通河迤南邊外野番插帳之區。較近防守不可不嚴。此次該賊番圍搶廐馬。膽敢聚眾肆劫。迨經官兵擒捕。復敢放槍傷斃

兵丁情殊可惡。必應懲辦以儆克頑。周悅勝現已調補甘肅提督。其應如何挑挖溝濠。偵緝正賊之處。著瑚松額於該提督赴任時。詳悉告知。會商妥辦。並著嚴飭沿邊各營。務將各要隘加意防範。勿任野番再行闖入。致有馬廠被擾情事。所有傷亡兵丁陳九林等。著該督查明咨部照例辦理。該署遊擊周進保。把總潘國祥。被傷輕重情形。亦著查明據實具奏。將此諭令知之。○又諭有人奏河工積

習。廳員出息厚薄。但問辦料若干。其到工折數之多寡。視歷年河工之平險。河患一年較平。則辦料餘息較寬。而河工之料堆漸偽。各州縣遊幕之徒。藉署內熟識之人。出入招搖。無所不為。內幕樂與往還。州縣莫敢禁制。其在河工者。名為外工。類皆盤踞有年。購料必經其手。交收如何朦蔽。查驗如何朦蔽。又復最為熟諳。故能久為河工之害等語。河工備料。關係至重。向來河患。往往生於無事之時。

在事大員。不可不早為慮及。若如所奏廳員購辦料堆交收查驗。任聽外工巧相朦蔽。亟應從嚴查究。著陶澍麟慶。即將河工向有積弊。悉心體訪。實力禁革。其廳員所購料堆。如何驗收。如何抽查。務歸覈實之處。著即酌議章程。據實具奏。至遊幕人等。一經訪有實跡。即行嚴加懲辦。毋稍姑息。將此各諭令知之。尋陶澍奏從前弊實。原有外工家丁河兵料戶堆夫人等勾串虛堆之事。現已革除。並向

河員切實諄飭。力求撙節。惟工員究難深靠。仍應隨時查察。一有浮冒等弊。即會同河道總督參懲。報聞。○以內閣學士文德和充國史館清文總校官。○以捐修甘肅隴西縣文廟及護城河隄子捐職都司郭峻等。加銜議敘有差。○旌表守正捐軀湖南安化縣民劉恢緒妻陶氏。○修直隸通州果渠村壩工。從總督琦善請也。○減免直隸隆平寧晉安三州縣積水地畝額賦有差。○丁未諭內閣

奕顯現署盛京將軍。所有阜成門角樓等工著添派奕紀會同禧恩承修。其拆卸後續有情形著即交原估大臣復行查勘具奏。○命內務府三旗冰技照例豫備。停閱八旗冰技。仍給半賞。○戊申諭內閣。前據給事中常大淳奏稱。江西藩司署內劣幕吳雷門。盤踞多年。干預公事。並縷陳種種劣跡。當交陳慶嚴密查辦。茲據該撫奏稱。迭款訪查實無干預等情。著無庸議。惟吳雷門年已就衰。早經辭幕。著即飭令回籍。不准逗留。○旌表守正捐軀江西奉新縣民萬綸楷妻鄧氏。○己酉諭內閣。據鍾靈奏請。緩引目奏銷。並懇將督銷州縣免衆一摺。當交戶部覈覆。茲據查明具奏。所有山東省十五年分應徵引目。准其緩至十七年二月內全數題銷。其應完正雜課項及加價銀兩。著該鹽政即督飭該商等迅即照數完交。仍於本年照例依限題報。至本年正課奏銷。仍著陳嘉樹暫留辦理。以專責

成俟奏銷完竣再行交卸。○禮部議准。護江蘇巡撫怡良疏報。採訪武進縣貞節婦女談氏等一百五十口。請建總坊旌表從之。

大清宣宗效天符運立中體正至文聖武智勇仁慈儉勤孝敏成皇帝實錄卷之二百九十一

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十二

欽定四庫全書

宣宗成皇帝實錄卷之二百九十二

宣宗成皇帝實錄卷之二百九十二

宣宗成皇帝實錄卷之二百九十二

宣宗成皇帝實錄卷之二百九十二

宣宗成皇帝實錄卷之二百九十二

道光十六年丙申十二月庚戌朔諭內閣昨

宣宗成皇帝實錄卷之二百九十二

日召見新欽察哈爾總管穆精額既不通曉
蒙古文義並不能解蒙古語難勝總管之任
著即撤回本任所遺察哈爾總管著桑旺扎
木蘇補授各該處總管有統轄一旗之責道
光十年十四年兩次降旨令各該旗營揀選
總管務須通曉滿洲蒙古文義或能蒙古語
者帶領引見此次仍復濫行保送殊屬不合
所有值年旗及該旗保送大臣俱著交部議
處○禮部奏道光十七年元旦應行禮儀得

旨是照例行禮奉

皇太后懿旨停止筵宴其在外福晉命婦進內
行禮之處並著停止○辛亥

上詣

皇太后宮問安○諭內閣向來秋審朝審人犯
內緩決三次以上者人數積多每屆數年諭
令刑部查明奏請分別減等以示法外之仁
今自道光九年查辦之後至本年秋讞入緩
決者又積有一萬二千三百餘名著刑部將

本年秋審朝審緩決三次以上各犯照節次
查辦之例逐一查明所犯情節奏明分別減
等發落以昭矜恤該部即遵諭行○命翰林
院侍講賈楨在上書房行走○壬子諭內閣
梁章鉅奏參知府玩視民事狂妄無知一摺
廣西平樂府知府張楠著來京交吏部帶領
引見再降諭旨此係尋常應奏事件該撫輒
稱係密奏未及與督臣會銜實屬不曉事體
著傳旨申飭○諭軍機大臣等本日陶澍訥

爾經額等奏會籌楚省鹽務並請嚴禁鍋口一摺據稱湖南郴州所屬之永興縣係粵鹽引地粵商開設子店行銷生鹽乃近來多設熬鍋將生鹽煎熟浸灌淮界以致楚省引額短絀等語粵楚毗連辦理鹽務各思踴躍急公但必須兩無妨礙方為盡善若如該督等所奏多留熬鍋為奸商開偷漏之門陷愚民蹈販私之網不可不嚴行禁止著鄧廷楨即出示曉諭所有永興子店六十五家每家只

准存鍋一口永為定額不准私自加增及添設子店鍋口尺寸亦不准稍有寬大總期於粵引淮綱兩無妨礙是為至要將此諭令知之又諭據興德等奏查探卡外色呼庫勒地方被賊占據情形並籌畫辦理一摺據稱胡什伯克在色呼庫勒地方滋擾伊什罕伯克帶領回子堵截山口庫爾察克在山南塔什霍罕莊抵禦殺賊十數名因胸間中槍身死伊次孫英提巴哈沙在山北本莊防守亦

被槍傷身死其眷屬皆被擄去該處回莊十四處已被搶占大半現在胡什伯克差人分赴達爾瓦斯什克南幹竺特幹罕各部落招搖煽惑胡什伯克又差人至葉爾羌投遞稟帖內稱庫爾察克傷害布魯特甚多伊已將庫爾察克殺死占據地方仍欲向克什米爾已達克山諸外夷索稅各等語霍罕遠在邊隅趨利若鶩道光十年以後業經准其通商免稅貪心不足屢次懇求向克什米爾已達

克山抽稅甚至遣使入覲仍復瀆求屢經駁斥尚敢連年在卡外滋擾今復藉稱與庫爾察克有隙率領多人傷害伯克占據地方欲向各外夷抽稅其情本屬可惡但控馭外夷總當不動聲色鎮靜防範既以通商免稅安其貪利之心尤當加意操防懾以天威俾知有備無患不敢狡焉思啓覬覦潛消方為妥善現據該夷供稱與庫爾察克有隙非敢抗違天朝等語此事業經差人告知霍罕伯克

自應俟接得回信是否悔罪輸誠再行酌辦
著奕山等因時制宜會同相機妥辦據實具
奏總不得輕舉妄動致啓邊釁至色呼庫勒
阿奇木伯克庫爾察克屢次抵禦中槍身死
伊孫同時陣亡情殊可憫亦著查明奏請恩
施以示體恤將此各諭令知之○宗人府會
同刑部奏遵審貝勒永珠毆斃側室吳氏一
案訊係太監王得祿聽從下手傷重致命保
祥宋石頭王照芳等幫毆侍妾靈兒挑唆同

謀分別按律定擬得旨王得祿著照所擬即
行正法靈兒著管理宗人府王等監視重責
四十板交刑部監禁十年具奏請旨保祥宋
石頭王照芳均著枷號兩箇月折責發落永
珠著照所議革去貝勒○以葉爾羌領隊大
臣烏珍泰署喀什噶爾領隊大臣甘肅金塔
寺營副將哈勒吉那護喀什噶爾換防總兵
官撥廣東運庫銀十二萬兩添補修造米
艇經費從總督鄧廷楨請也○癸丑旌表守

正被戕直隸開州民梁如成妻趙氏○甲寅
上御乾清門聽政○以內閣學士倭什訥署鑾
儀衛鑾儀使○以詹事府詹事德誠為大理
寺卿候補三品京堂趙盛奎為太常寺卿○
乙卯

孝惠章皇后忌辰遣官祭

孝東陵諭軍機大臣等有人奏浙江寧波府
知府呂子班辦事顛頑毫無振作不能約束
子弟本年九月間伊子婚娶至署勒令鄞縣

備辦燈彩鋪墊等項該縣以不及趕辦回覆
該府之弟擅令府役將該縣辦差家人鎖押
多日該縣情急當將鄞縣印信面繳寧紹台
道情願告病該府近在同城並不查問等語
知府為方面大員必須潔己奉公約束嚴密
方足以資表率似此縱容子弟擾累屬縣如
果屬實自應查辦以肅官方著朱士彥行抵
浙江即將所奏各情確切查明據實具奏毋
稍徇隱將此諭令知之○又諭本日據鍾祥

等奏十月十八日夜臺灣嘉義縣下加冬匪徒沈知等數百人豎旗聚眾焚搶糧館把總柯青山帶兵奮擊致被戕害賊匪隨即他竄該鎮總兵達洪阿帶自練精兵六百名並挑選安平等標營兵丁六百名派員管帶前往捕辦先據該縣陳文起將動手戕弁之股首偽大元帥沈基即沈知拏獲並獲另股匪犯楊享等多名八水溪一帶亦有藏匿之犯現飭該鎮等上緊按捕等語臺灣地方獷悍浮動焚搶劫殺習為故常此輩匪徒沈知等膽敢聚眾搶糧戕害官弁自應密速按捕嚴行懲辦現在業已就擒並獲另股匪犯楊享等多名沈知是否確係為首之犯其竄散餘匪烏合之眾諒不難剋日殲除該鎮管帶及派調各兵共有一千二百名如已足數調遣即飭該鎮分投按剿務將供出之股首張榮等按名弋獲無使一名漏網以淨根株該督等仍當體察情形儻必需內地兵力即挑選精

銳兵丁並遴派前在臺灣打仗出力各員弁管帶前往相機捷發務使妥速肅清不可草率了事亦不可過事張皇將此由四百里諭令知之○浙江温州鎮總兵官邵永福以捕務廢弛撤任調定海鎮總兵官莊芳機為温州鎮總兵官○丙辰

上詣

皇太后宮問安○諭內閣禧恩等奏請動項墊發圓明園八旗班費並請飭催兩淮生息銀兩以資接濟此項銀兩係充八旗修理房間印房公費及八旗班費之用現在兩淮連年欠解急需籌款墊發著准其先由廣儲司暫支墊放俟兩淮解到息銀即行歸款陶澍於此項息銀既以年清年款咨覆該衙門何得復有拖欠至十一萬四千兩之多似此因循疲玩年復一年必至旗營應放各款及各旗班費均須臨時籌墊尚復成何事體所有道光十四十五兩年並本年應交銀兩著陶澍

速即如數解交該衙門以資支放並將舊欠銀兩分年帶徵交納毋得再有延玩自干咎戾○又諭前據給事中鮑文淳奏江浙等省錢法敝壞當降旨著該督撫等嚴密查察認真究辦茲據林則徐等查明江蘇實蘇局驗收之時由藩臬兩司及委員人等抽提揀擲並無破碎其尚無攪和沙土偷竊銅斤私鑄小錢似屬可信惟該鑪頭等前於道光元年借款津貼有發商生息之項難保不藉端舞弊至附近海口島嶼一帶雖查無私鑄及夾板商船攜帶違禁他物進口之事其海洋島嶼及人跡罕到之處小民趨利若鶩亦難保無私行鼓鑄等弊著該督撫等督飭所屬認真稽察有犯必懲以絕弊端儻有得賄徇庇著即從嚴叅辦○又諭永珠所襲之貝勒著准其將伊本支有分之人承襲永珠之子不准帶領引見○丁巳再於

大高殿設壇祈雪

上親詣行禮○詣

時應宮拈香○諭軍機大臣等據鴻臚寺少卿葉紹本奏閩廣械鬪之風未戢推求源本嚴除弊端以靖地方而安黎庶一摺閩廣漳泉惠潮一帶居民每以田土微嫌睚眦細故持械爭鬪輒釀巨案雖嚴立科條力求整頓此風總未止息著鍾祥鄧廷楨等將摺內所陳悉心妥議具奏原摺著鈔給閱看將此各諭令知之○以故喀喇沁扎薩克都楞郡王布呢雅巴拉子色伯克多爾濟襲爵命在御前行走○命二等塔布囊三扎錫哩在乾清門行走○禮部議准護江蘇巡撫怡良疏報續訪江陰縣貞節婦女張氏等五百三十三口請附前建總坊旌表從之○科爾沁扎薩克卓哩克圖親王巴圖等三人喀爾喀賽因諾顏扎薩克親王車林多爾濟等六人巴林扎薩克郡王那木濟勒旺楚克奈曼扎薩克郡王阿宛都瓦第扎布敦漢郡王幹咱巴拉

翁牛特扎薩克郡王喇特納濟哩第蘇尼特扎薩克郡王齊旺扎布喀喇沁扎薩克貝子額外侍郎瑪哈巴拉等三人郭爾羅斯扎薩克鎮國公揚贊巴拉於神武門內瞻覲○戊午賞御前行走喀喇沁郡王色伯克多爾濟三眼花翎乾清門行走二等塔布囊三扎錫哩花翎○旌表守正被戕河南淇縣民朱重明妻王氏守正捐軀山東沂水縣民趙重祥弟婦吳氏○己未諭內閣喀喇沁扎薩克郡

王色伯克多爾濟著與瑪哈巴拉輪流稽查哨內圍場嗣後瑪哈巴拉如遇稽查之時即將伊子錫林達瓦帶往稽查如瑪哈巴拉不能親往即著伊子錫林達瓦自行前往稽查○又諭前因常恆奏請豫調經費摺內散數與總數銀兩不符當經降旨令陝甘總督瑚松額照數撥解仍飭令常恆將摺內銀數因何舛錯之處查明具奏茲據奏稱前摺內舊額官兵估需銀兩散數實係印房書識錯寫

致與總數不符其實調銀數並無短少等語所有承辦印房事務章京即選通判惠信未能詳細覈對實屬疏忽著交部照例議處常恆著一併交部議處至所調阿克蘇官兵經費銀兩著瑚松額仍遵前旨照數撥解○又諭吏部將各省查取職名屢催未覆各案開單具奏共計有一千二百十三件之多此內應議職名事關實降實革者固不可任其遷延規避即降留罰俸處分亦豈容任意久延

該管上司並不實力督催送部議結經該部節次行催總未按限咨覆實屬延玩著盛京戶部刑部侍郎暨各該府尹直省各督撫兩河河道總督漕運總督盛京吉林綏遠城將軍熱河察哈爾都統查照吏部單開件數迅即查明咨覆並將開報遲延各員及歷任不行飭催之各該管上司均按在任月日開揭送部一併照例議處毋許再有延宕○諭軍機大臣等前因烏爾恭額覆奏浙江平湖縣

海塘情形與善英所奏迥不相符。當有旨交朱士彥於查辦廣東事竣後馳赴浙江確查具奏。本日復據善英奏稱該撫派員覆勘時伊曾差人暗隨聞得以威嚇民所稱坍塌作為歪斜。今年被衝不許供訴並將土石塘被衝情形繪圖呈覽等語。著該尚書馳抵該省時親詣平湖縣境內將善英所指坍塌各工逐一詳細履勘是否屬實。並傳提該縣具呈生耆顧菊庭等秉公研訊。如果所呈得實何

以一經該撫傳訊輒稱得自傳聞有無朦蔽威嚇情事。務將烏爾恭額善英前後所奏情節互異之處破除情面確切查明據實具奏毋得稍有含混。以副委任。善英摺著鈔給閱看。同知吳芳文稟稿及生耆顧菊庭等原呈均著發閱。將此諭令知之。○先是巡視中城給事中明奎等拏獲江蘇青浦縣已革監生陸鼎京控案內牽涉之章芝亭即何芝亭又名章清奏交刑部咨解江蘇審訊。遞至宿遷

縣脫逃回京復經宛平縣拏獲奏奉諭旨交署兩江總督林則徐審辦。至是奏訊明章芝亭曾為陸鼎京代寫呈詞指引控告脫逃後別無不法情事。應照捏寫本狀扛幫赴京告重事不實發近邊充軍例加逃罪二等發極邊充軍下部議從之。○以拏獲沙爾雅斯卡倫賊犯賞布魯特阿哈拉克齊布庫付六品頂翎。○禮部議准護江蘇巡撫怡良疏報採訪清河縣貞節婦女李陳氏等三百九十二口

河南巡撫桂良疏報滎陽縣李秦氏等八十口商邱縣黨孫氏等八口息縣夏盧氏等五十一口各請建總坊旌表從之。○以江南江安道屬糧價未平暫緩收買幫丁行月等米。○庚申諭軍機大臣等熱河園場係秋獮講武之所例應嚴肅申禁俾樹木葱鬱物類蕃滋朕聞近來頗有偷砍木植私打牲畜之事並聞該處車跡縱橫可見例禁廢弛怠玩已極著嵩溥嚴行申禁非園場內當差之人不

得擅入肆行踐踏。所有該園場內樹木牲畜。毋得私自牧伐獵取。以昭慎重。儻該總管等查禁不嚴。致滋各弊。著嵩溥即行叅奏懲處。毋稍瞻徇。將此諭令知之。○旌表守正捐軀直隸遵化州民趙景得妻劉氏。○辛酉。

上詣

皇太后宮問安。○諭內閣。經額布奏革員逞刁瀆訴。審明定擬一摺。恩福以革任職官。輒敢遣子逃呈。曉曉瀆辯。妄憑胸臆。挾制逞刁。此

風斷不可長。恩福著照所擬。發往新疆效力贖罪。以昭炯戒。○諭軍機大臣等。御史朱成烈奏請疏築河道隄工一摺。據稱直隸保定府蠡縣之豬龍河。歲修向係民間折價入官雇工修濬。近二十年來。竟交書役估辦。兩隄之上。舊土翻新。其實未加一簣。豬龍河經由蠡縣。不過數十里。該縣每年修隄折價一次。斂錢六千串。如果工歸實用。何至水患頻仍。獻縣之子牙河及任邱之十二連橋。或隄勢

低微。或淤成平地。又聞海河之口。近亦填淤。故東西淀之水。不能暢出。以致低窪處所。積水不消。請責成地方官。商用民力。設法疏通。等語。直隸省興辦水利。本有奏定章程。如地方官實心經理。則水患可去。水利可興。著琦善將該御史所奏情形。悉心體察。填淤之處。設法疏通。殘缺隄工。趕緊修復。無論歲修。本有公項。及借用民力者。均須覈實辦理。毋任吏胥侵漁。如有浮冒各情。即將該地方官從

嚴叅處。以防旱潦而衛民田。原摺著鈔給閱看。將此諭令知之。尋奏該御史所奏河道均係民工。本無歲修錢糧。歷年擇要加培。並無衝決。本年雪澤未霑。民虞乏食。未便責令辦公。容俟相機籌辦。從之。○又諭有人奏鳳中幫水手孟學思等。並不繫帶腰牌。持刀上岸。訛詐鹽船。拒傷河役。經該漕督將委運千總李天鵬奏叅。勒限兩月。緝拏逸犯。閭皮臉務獲。並請將總運通判交部議處。嗣因該犯日

久脫逃該漕督已奏請將該幫千總革職惟該管總運官不復據實附參請查照本年奏定條款責成該幫總運官緝拏務獲等語糧船水手擾害商船拒傷捕役實屬目無法紀若不上緊緝獲何以肅漕務而儆兇頑著恩特亨額嚴飭該幫總運官將逸犯閔皮臉勒限緝拏務獲歸案審辦如逾限不獲即將該幫總運官叅辦將此諭令知之尋奏該總運官失察之咎先經准部議結是以限滿逸犯

無獲止將該幫弁李天鵬奏請革職現復嚴飭該總運官陳延恩緝拏逸犯閔皮臉歸案懲辦旋以限滿無獲奏請交部嚴議從之○命乾清門侍衛陝西固原提督胡超在御前侍衛上行走○禮部議准護江蘇巡撫怡良疏報採訪太倉鎮洋二州縣貞節婦女湯胡氏等八百二十二口貞烈尼周鳳一口請建總坊旌表從之○壬戌上臨故定端親王奕紹第賜奠○以理藩院右

侍郎功普兼鑲紅旗蒙古副都統轉兵部右侍郎溥治為左侍郎以降補侍郎耆英為兵部右侍郎○以喀喇沙爾三屯豐收予員弁議敘賞兵丁一月鹽菜銀○癸亥以雪澤優霑遣惠郡王綿愉詣

大高殿報謝○以拏獲賊犯賞土爾扈特台吉策賚棟囉布緞匹○予四川故成都縣知縣張人龍閩中縣知縣戴本義署儀隴縣知縣陳嗣虞熱河故巡檢夏熙入祀名宦祠江蘇

故通政使司副使顧毓湖南故順天府府丞彭浚工部主事陳運鎮山東故湖北石首縣知縣張杰廣西故副貢生張映軫雲南故教諭司國英入祀鄉賢祠從都統嵩溥總督鄂山訥爾經額琦善鄧廷楨伊里布巡撫林則徐鍾祥請也○甲子

上詣大高殿謝雪○諭內閣前據給事中寅德奏江西上高縣已革廩生陳泰來呈報開採宜春

縣登埔裏等處銅鉛前任巡撫不願辦理以致宜春等縣諸山所產銅鉛鐵錫匿不具報當降旨著陳鑒據實覆奏茲據該撫查明登埔裏等處山場鉛砂並不暢旺有礙居民田廬且屢次呈報開採俱經降旨概行永遠封禁著陳鑒仍遵前旨曉諭居民毋得妄冀開採以致聚眾耗食滋生事端仍著遵照原定巡防章程嚴行稽查結報如該管員弁巡察不力結報不實著即嚴叅不貸○以四川成

綿龍茂道李宗傳為山東按察使○旌表守正捐軀河南汝陽縣民曾玉聰童養媳張氏○鄂爾多斯貝子端多布色楞等二人科爾沁額駙齊默特多布端於神武門內瞻觀○乙丑諭內閣前據御史劉夢蘭奏貴州古州同知張鏌前任貴筑縣時在省城置買房屋徵歌宴集旋將屋價加增抵作交代等語當交賀長齡據實查明茲據該撫奏稱張鏌素無奢靡等事其任內交代倉穀業經後任照

數接收依限結報並未將房屋抵作交代所奏著毋庸議○以故一等延恩侯朱貽坦族叔書桂襲爵○定端親王奕紹發引命惠郡王綿愉前往奠送○丙寅

上詣

皇太后宮問安○諭內閣上年因四川學政王篤閣文幕友六人均係陝西籍貫曾經降旨令該學政酌量更易數人以肅關防並通諭各直省學政嗣後不得專用本籍之人致滋流弊該督撫學政等自當共見共聞恪加遵守本日據梁章鉅將廣西學政丁善慶幕友姓名籍貫照例開單呈覽該學政幕友五人均係湖南籍貫前降諭旨甚明該學政豈未之見耶丁善慶著交部議處仍著更易數人以肅關防梁章鉅於該學政延請同籍幕友並未阻止亦有不合著交部察議○又諭訥爾經額等奏遵旨會議章程一摺前給事中常大淳陳奏湖南鎮草鎮善後章程當降旨

令訥爾經額裕泰楊芳會同妥議茲據該督等詳悉會覈按款臚列具奏朕詳加披閱據奏鎮草練勇土著貧苦應扣借款尚多且當甫經懲辦之後著暫行循照舊章俟一二年後丁力稍紓察看情形籌議辦理其該處兵丁練勇嗣後不准以外來游民充當如有混行保送及率准充補情事即著分別叅處至散放兵勇餉米現據該督等查無情弊其例支本色米石或願領米或願折錢應從其便至豫借銀穀雖係體恤丁情但頻年借貸愈積愈多究屬濫支著該督等於清查案內將如何酌定限制之處另籌辦理至練勇額設教習加賞銀兩既經該督等查明並非虛造名冊亦無短扣情形著飭該道務照舊章毋任日久滋弊其該營買備屯穀價銀連運費並計嗣後總以八錢為率儻有不敷即由該道自行籌補其巡閱苗寨著定於每年秋收後令該道巡閱一次不准再有藉延仍將啓

程回署日期詳報查考並令各廳縣將該道入境出境日期通報至辰永沅靖道著仍遵前旨於通省知府內揀員升補不得以同知請升所屬各同知如有貪劣之員即著嚴加甄別其拔補苗備弁及屯長等缺務須嚴絕行賄打幹情弊經此次議定之後該督等務宜諄飭該道會同該鎮督率廳弁等實心經理加意撫馭期於經久無弊用副朕慎重苗疆籌計安全至意○諭軍機大臣等據裕泰奏稱湖南叅革知府王鳴球稟揭學政蔡錦泉考試該府各屬生童該學政吩示新進童生每名出錢六千四百文以三千文繳入內署餘作當差人等火食之用傳詢各學教職並巡捕官均稱實有其事並據典史張運陞稟稱此項係各學門斗等收受過付經該撫備文咨詢該學政覆稱內署菜蔬均係發價飭縣備辦有結可憑其當差人等工食向由府縣經理並無需索童生錢文之事等語著

該撫親提應訊人證並傳到該府所屬各學教職及巡捕官並門斗人等確切根究認真查辦如果實有其事即行奏參不許稍有諱飾。僕係王鳴球因妄求一事恐被劾參捏情妄揭該學政實無收受童生錢文之事即將該參員從重懲治以儆官邪該撫惟當破除情面一秉至公虛則虛實則實毋得意存消弭如敢將就了事致有不實不盡將來別經發覺惟該撫是問將此諭令知之○兩廣總

督鄧廷楨等奏遵查三省毗連地界並無匪徒竄匿現酌擬巡緝章程廣西西隆州之古漳汛與雲南廣南府之長洪汛及剝隘一帶均相距二百餘里舊設懷岩卡僅有兵二名今議於隆林營添撥兵四名西隆州撥壯丁六名在彼巡防其與黔省接界之八渡塘地方向有汛官一員兵三十名距黔省之八渡汛二十里亦應於適中之壠江村添建卡房由隆林營撥兵五名西隆州撥壯丁五名以

資巡緝又西隆各營汛向偕滇黔兩省營汛每月會哨一次現議每月朔望會哨兩次又查思恩府百色地方所屬之陽萬土州西通剝隘該處有邏村汛其距該汛一百七十里之法村為扼要之地舊設卡房僅有兵二名今擬以邏村汛外委一員移駐法村卡並撥鎮標兵八名陽萬土州兵十名在卡巡查庶足益壯聲威得旨依議妥辦不可日久視為具文也○丁卯諭內閣宗人府奏御史永桐

因揀選貝勒未經入選具稟瀆辯永桐係弘昨之子乾隆年間弘昨因莊頭事件使人至通永道囑託革去貝子都統治罪是弘昨所犯本係私罪何得謂為無罪之人即嘉慶年間

賞給奉恩將軍准其隨班入朝係屬

特恩棄瑕錄用此次宗人府揀選承襲貝勒未將該員入選辦理本無錯誤乃永桐率行具稟曉曉陳訴實屬不合著交部議處○又諭

樂善等奏軍臺駝馬被災請暫行調劑辦理一摺軍臺差務最關緊要現在布魯圖所屬十一臺駝馬因遭風沙被災不敷充差即著照樂善等奏所有報匣夾板事務照常馳驛外其出差大臣官員等著由烏爾噶江行走其由烏里雅蘇台科布多庫倫等處解部人犯著由扎薩克各旗護送遞解○戊辰諭內閣前據伊里布奏請將甄劾步箭全空之該省提標雲騎尉劉國寶革退世職當交兵部

議奏茲據該部查明世職人員學習期滿弓馬稍有可觀而營伍未能諳練准其再學習三年照例考驗如仍不堪造就或平日不用心學習勒令回籍若行止卑污即行革退等語劉國寶著仍留世職是否尚堪造就抑勒令回籍之處著該督照例辦理○理藩院奏定擬冰圖王旗台吉官員招留蒙古民人復開荒場處分罪名並通飭蒙古人等不准以漢義命名得旨依議此案蒙古人名率多漢

義實屬不合嗣後著各扎薩克通飭蒙古人等止准以滿洲蒙古字義命名不得取用漢人字義以符定制○授順承簡郡王倫柱子春益三等鎮國將軍貝勒綿譽子奕斌一等輔國將軍鄭親王烏爾恭阿子肅順怡恪親王奕勳子載圻載圻載增鎮國將軍敬敷子瑞莊瑞荃三等輔國將軍輔國將軍綿崙子奕權故輔國將軍綿命子奕秀倫政子春修春和子碩成三等奉國將軍奉國將軍綿鸞

子奕昌奉恩將軍○賞肅順載圻載增委散秩大臣奕斌三等侍衛瑞莊春修奕昌四等侍衛○己巳諭軍機大臣等本日據鄧廷楨等奏籌議杜絕鴉片流弊一摺鴉片流傳內地以致紋銀日耗今欲力塞弊源惟杜絕紋銀出洋最為要著若能於從出之地必出之途實力稽查俾漢奸夷人兩無所施其伎倆自可漸塞漏卮該督等所奏能見及此著即同心協力認真巡察懲漢奸之勾串杜夷商

之貪饕總期銀不出洋行之有效毋得徒託空言將此諭知鄧廷楨祁項並傳諭文祥知之○命大學士阮元為正使禮部右侍郎聯順為副使持節齎冊寶晉封

彤妃舒穆魯氏為

彤貴妃冊文曰嫔睢麟而化起二南端賴贊襄之職輝綸翟而品崇九御允資淑慎之儀式考彝章宜申綸誥咨爾彤妃舒穆魯氏醇和蘊性端謹持躬早選掖庭聿嫺壺範侍

聖母而親承

懿訓夙夜無違佐中宮而克秉徽音溫恭有恪茲仰奉

皇太后慈諭以冊寶封爾為彤貴妃爾其鴻禧疊迓荷異命而永副庥稱象服載膺助坤元而克宣雅化欽哉○命禮部尚書貴慶為正使內閣學士諉什訥為副使持節齎冊晉封貴人郭佳氏為

佳嬪冊文曰鞠衣起化六宮佐中間之勤蘭

殷分猷九御重內官之選徽章克協寵命攸頒咨爾貴人郭佳氏淑慎性成柔嘉質秉理蠶桑而襄事椒館揚芬備翟第以叨榮管闈錫慶茲仰承

皇太后懿旨晉封爾為佳嬪申之冊命爾其思承綸綽迓蕃祉以長膺度式珩璜勵芳型而益懋欽哉○庚午諭內閣朱士彥等奏查訊盧尹氏控案大概情形一摺此案盧應翔是否囑令盧應耀探聽案情信函賽尚阿曾

否面交珠爾杭阿附卷著賽尚阿明白回奏

諭軍機大臣等據郭順安奏廓爾喀國人呈遞表章譯係該國王因哲孟雄部落侵占該國疆界請示辦理又夷人熱拉雜阿幫里表章內稱該國王聽信謠言將伊祖官職革去伊父無辜被殺求照伊祖官職賞伊承充並將該國王苦累百姓現有頭目人等私議將地土交與披楞掌管等語撫馭外夷之道惟在慎守邊防持以鎮靜即偶有夷人控訴

之案祇可曉諭以天朝法度爾外國之事從不過問遣人送出卡外況既無該國王印記正好駁斥乃輒稱該夷人以平民擅遞封章妄希官職本應鈔錄原稟札飭該國王治以應得之罪又恐該國王斥其赴訴再加凌虐等語是鄂順安欲以內地例文科斷外夷太不曉事著交部嚴加議處關聖保接奉此旨無論行抵何處迅即兼程前進親赴邊界體察情形並隨時派人密加探聽儻該夷人等

蠻觸相爭該大臣等惟當嚴飭所屬漢番官兵慎守卡倫嚴密防範不准一人擅出邊界致釀事端是為至要將此諭令知之尋吏部奏鄂順安照例降調得旨著照部議降四級調用帶所降之級仍留該處效力暫停開缺○又諭興德等奏巴爾楚克協兵丁散放火藥猝被燒斃一摺已明降諭旨將該管副將馬連陞遊擊王太交部分別議處矣據該大臣等奏稱額外外委方廉等領出火藥三篋

因火藥結塊未能取出兵丁劉吉義用刀挖取不料篋內火藥然著燒斃外委兵丁三十九名又有受傷者十三名等情火藥結塊事所常有何以用刀挖取便至然著即使火藥偶爾被然該兵等何以攢聚一處遂至傷斃如許之多情節支離殊難憑信著廉敬奕山確加查勘是否該兵丁等實因散放火藥猝被傷斃抑或另有別故據實查明具奏毋得稍有諱飾將此諭令知之尋奏散放中營等

營火藥經本管官傳喚槍礮手兵丁圍站篋旁按名散給因火藥年久堅結兵丁劉吉義用刀挖戳不料藥性暴發致傷多命該管官未能先事豫防請照例議處仍罰賠被燒火藥以示懲儆報聞○辛未

上諭

皇太后宮問安○諭內閣前因御史朱成烈奏查拏糧船滋事水手宜先清其巢穴當降旨交漕運總督及有漕各省督撫妥議具奏茲

據恩特亨額奏稱糧船水手沿途滋事皆由沿河集鎮捕役河快素與水手聲氣相通其間亦有老安潘安等教之人涸跡充當為之巢穴地方官查拏匪徒不能不責成河快捕役本年各省拏獲匪類數百人該營汛兵丁等緝獲者居多而捕役河快報獲者甚少等語此項快捕既充在官人役又復窩匪護奸私相勾結實為幫中隱患不可不嚴行查辦著直隸山東江蘇浙江各督撫嚴飭沿河所屬河廳州縣嚴密訪查如有此等習教之人充當快捕以及偏僻地方之廟宇坊肆有設立經堂窩留匪類之處一經訪實即著嚴拏究辦並慎選誠實妥練之人充當沿河保甲快捕仍取具保甲人等不敢容留匪類切結地方官加具印結申送該省督撫及該漕督衙門備案並著該漕督於督運經過時留心查察儻該地方文武員弁查辦不力致有前項情弊即著該漕督會同該督撫嚴行叅辦

餘著照所議辦理自此次明定章程務當實力稽查奉行無懈不可日久視為具文以肅漕務而杜奸萌○諭軍機大臣等昨據朱士彥等將盧尹氏控案大概情形查訊具奏當降旨令賽尚阿明白回奏本日據奏稱盧應翔囑令伊兄盧應耀探聽葉利氏案情一函似當日閱看信函呈底包內曾有此件等語此案陽金城稟訴換信翻案據稱賽尚阿當日曾將此字面交珠爾杭阿附卷備案今聞盧應翔設法向書吏另換一字附在卷內以致隨帶司員援以為證不可不徹底根究著該尚書等提同陽金城白讓卿及珠爾杭阿等悉心研鞠務得確據儻訊明實有抽換卷宗等弊即行據實叅辦毋稍寬縱至羅應魁即羅星垣為葉利氏案內最要人證現既拏獲到案並經葉勝當堂認明正可從此追究以期水落石出陽金城白讓卿家丁現經隨赴粵省並咨解到案著該尚書等親提嚴訊

並檄調該員等前次審案時文武巡捕各官及案內應訊人證仍遵前旨秉公嚴究有無得受苞苴情事據實具奏至此案如有應行革職研訊人員著該尚書等一面具奏一面即將該員等革職嚴究賽尚阿原摺著鈔給閱看將此諭令知之○以吏部尚書奕經禮部尚書吳椿理藩院尚書奕紀禮部左侍郎色克精額充經筵講官○壬申

上幸瀛臺閱冰技○御勤政殿賜蒙古王貝勒

貝子公琉球國使臣章嘉呼圖克圖等宴並賞賚有差○諭軍機大臣等昨日召見湖南綏靖鎮總兵明海詢其年歲現已六十五歲綏靖鎮總兵員缺緊要該員是否尚能勝任著訥爾經額詳細察看裕泰近在同省耳目較近該員是否精神尚能照料著隨時查看據實具奏毋稍徇隱將此各諭令知之尋奏接晤明海詢以營務甚為熟悉精神尚屬強固實堪勝任報聞○賞科爾沁郡王索特納

木倫布木三眼花翎命在乾清門行走○命土爾扈特扎薩克親王翰克濟爾噶勒和碩特扎薩克貝子車登多爾濟在乾清門行走賞鄂爾多斯扎薩克郡王圖們濟爾噶勒青海扎薩克郡王車凌端多布喀爾喀扎薩克郡王拉蘇龍巴咱爾三眼花翎土默特扎薩克貝勒那遜鄂勒哲依敦漢貝子諾爾布桑雙眼花翎科爾沁輔國公巴圖伊克明安輔國公烏爾圖納遜花翎○賞御前行走扎

薩克圖汗瑪呢巴咱爾黃韁科爾沁郡王多克默特紫韁○賞乾清門行走翁牛特扎薩克郡王喇特納濟哩第子頭等台吉布爾納巴達喇郭爾羅斯扎薩克鎮國公揚贊巴拉子二等台吉喇錫巴勒巴爾花翎○阿克蘇賽哩木三品阿奇木伯克阿里依等二人喀喇沙爾布古爾四品伊什罕伯克托胡達等二人庫車沙雅爾四品伊什罕伯克阿克伯克等二人和闐五品採鉛伯克愛拜都拉等

二人喀什噶爾塔什密里克五品阿奇木伯克阿布都爾錫特等二人葉爾羌五品帕提沙布伯克伊布喇依木等四人伊犁五品頂帶六品都觀伯克巴克咱特朝鮮國使臣申在植等三人琉球國使臣向大杰等二人於西苑門外瞻覲○緩扣浙江幫丁留南餘米變價抵還縣庫銀○癸酉諭內閣各省遇有請旨簡放之缺不准將在省候補人員開單具奏所降諭旨早經吏部通行各省自應遵

照辦理魏元烺前於泉州府知府出缺輒以海疆緊要開單請簡既違定例又與前降諭旨不符陳鳳翰著即撤回仍留該省遇有應補缺出照例補用魏元烺著交部議處○以山西按察使慶林為奉天府府尹奉天府府尹圖明額為山西按察使安徽按察使周天爵為陝西布政使廣西石江道徐寶森為安徽按察使○賞阿克蘇賽哩木三品阿奇木伯克阿里依葉爾羌五品帕提沙布伯克伊

布喇依木花翎喀什噶爾塔什密里克五品阿奇木伯克阿布都爾錫特四品頂帶○甲戌

孝莊文皇后忌辰遣官祭

昭西陵

上詣

壽康宮前殿行禮後殿問

皇太后安○諭內閣鍾祥等奏請將擅受民詞之典史及不行即時揭報之知縣分別革職

解任等語此案福建連江縣典史楊應元於民人黃締慶被控吞欠錢文輒敢違例擅受濫行拘押該縣知縣龍光輔並不即時揭報迨舉人黃廣居與該典史稟控互毆又不確切查明且該知縣典史原稟所稱暨福州府等現在查訊情形彼此互異自應徹底根究楊應元著革職龍光輔著解任並將舉人黃廣居斥革交該督等親提全案人證嚴訊確情分別按律辦理尋奏訊明黃廣居並無率

眾毆毀亦無被丁役喝毆受傷情事該典史擅受濫押知縣龍光輔時值下鄉回署不即揭報嗣又誤信縣役稟詞實屬率混請分別革職議處黃廣居恃符藐玩業已斥革應毋庸議下部議從之○又諭鍾祥等奏請將被控勒索當商之知縣典史革職審問一摺典鋪所以便民該地方官理宜禁絕棍徒索詐滋擾乃朱維翰等身為縣令輒敢遣丁強當勒借以致典史效尤不可不嚴行究辦現署

福建永定縣事試用通判熊道鈴永定縣典史沈成著一併先行革職交該督等提同叅革知縣朱維翰並案內應訊人證徹底質究從嚴懲辦尋奏訊明朱維翰及熊道鈴各因批解錢糧緊急無銀墊解先後用印封書箱向部民謝元泰當舖押借銀兩朱維翰兼受程儀番銀六十圓已革典史沈成因購線拏犯亦向謝元泰強索番銀四十圓均請按律問擬杖流下部議從之○以伊犁屯田豐收

予員弁議敘賞兵丁一月鹽菜銀以經理賑糶出力予山東同知易煥暄等升敘有差緩徵福建臺灣縣被旱村莊額賦以歲暮裕祭

太廟自是日始齋戒三日乙亥諭內閣御史黃樂之奏請整飭捕務嚴緝匪徒一摺京師城廂內外理宜肅清營兵坊捕果能認真巡防互相查緝何至有匪徒竊賊擾害地方若如該御史所奏近日官民住宅竊案疊出時

屆歲暮正陽門外及菜市口一帶地方多有沿街搶奪之事即東城內之大市街隆福寺等處買賣商民亦多被掠其附近之堆撥弁兵並不過問殊屬不成事體著步軍統領衙門巡城科道責成營員坊官督率兵役不分晝夜迭為巡緝所有城廂內外地方通行巡察遇有宵小盜竊及白晝搶掠匪徒隨時拏究從嚴懲辦不得以現值封印稍耽安逸致滋疏縱以戢奸宄而靖閭閻又諭容照奏

寶華峪拆下之銅管扇應交何處等語寶華峪工程現經全行拆竣所有拆下銅管扇九件著交總理工程處運送來京○丙子以歲暮裕祭遣官祭

太廟中殿

後殿○諭內閣德楞額奏幫辦台吉那噶克噶布藏等呈稟訪出察罕諾們汗呼畢勒罕呈請具奏一摺番子確錫錫勇之子桑濟阿勒巴圖額爾克完布之子班第既經那噶克噶

布藏等訪出著將伊等名送藏歸入金奔巴瓶內掣定一名作為呼畢勒罕○命青海扎薩克郡王車凌端多布在乾清門行走○賞舊土爾扈特扎薩克貝勒巴雅爾莽鼐雙眼花翎喀爾喀扎薩克輔國公索諾木達爾濟花翎 丁丑裕祭

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○遣官祭

太歲之神○以告祭

太廟獻帛獻爵遲誤奉恩將軍奎樂等下宗人

府嚴議○戊寅

上御保和殿筵宴朝正外藩科爾沁巴林喀喇沁奈曼教漢翁牛特蘇尼特鄂爾多斯土默

特扎噶特郭爾羅斯喀爾喀羅羅斯回部土
爾扈特青海伊克明安和碩特察哈爾王貝
勒貝子公額駙台吉及朝鮮琉球國使臣隨
文武大臣依次就坐諸樂並作

上進酒召左翼科爾沁扎薩克和碩土謝圖親
王諾爾布林沁卓哩克圖親王巴圖扎薩克
圖郡王索特納木倫布木郡王多克默特扎
薩克貝子濟克默特巴林扎薩克郡王那木
濟勒旺楚克喀喇沁扎薩克都楞郡王色伯

克多爾濟布呢雅巴拉扎薩克貝子額外侍
郎瑪哈巴拉奈曼扎薩克郡王阿宛都瓦第
扎布敦漢郡王幹咱巴拉翁牛特扎薩克郡
王喇特納濟哩第蘇尼特扎薩克郡王齊旺
扎布土默特扎薩克貝子德勒克色楞右翼
喀爾喀車臣汗阿爾塔什達扎薩克圖汗瑪
呢巴咱爾賽因諾顏扎薩克親王車林多爾
濟扎薩克親王車登巴咱爾扎薩克郡王托
克托瑚圖噶車凌棍布圖克濟扎布拉蘇龍

巴咱爾土爾扈特親王幹克濟爾噶勒鄂爾
多斯扎薩克郡王圖們濟爾噶勒青海扎薩
克郡王車凌端多布至

御座前賜酒成禮○是日丁酉年立春順天府
進土牛春山寶座○是年旌表孝子江蘇等
省屠文林等十六名孝女江蘇等省李氏等
九口孝婦江蘇等省顧宣氏等三口孝友福
建等省高廷儉等九名孝義山西等省王學
曾等四名義夫四川高從恕一名守節合例

滿洲奇車布妻烏爾古陳氏等一百二十三
口蒙古成志妻劉佳氏等二十六口漢軍雙
喜妻吳氏等二十五口內務府立柱妻李氏
等十口各省駐防劉長春妻何氏等二百四
口奉天等省韓李氏等一千三百七十四口
夫亡殉節蒙古瑞祥未婚妻阿勒霍屯氏一
口直隸等省安培妻楊氏等四十口未婚守
志蒙古祁佳氏等二口內務府孫氏一口江
蘇等省顧周氏等三十口百歲壽民婦直隸

等省董光宗等三十七名口五世同堂直隸
等省閭聯奎等三十九家均給銀建坊如例
○一產三男江蘇等省周起川等十一家○
會計天下民數穀數除福建湖南冊報未到
外直隸等省通共大小男婦四萬四百九十
萬一千四百四十八名口存倉米穀二千九
百六十七萬六千七十四石二斗五升九合
七勺

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十二

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十三

[illegible]

教修

道光十七年丁酉春正月己卯朔

上
詣

奉先殿行禮○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成御太和殿受朝作樂宣表如儀○

詣

大高殿。

壽皇殿行禮。○御乾清宮。賜親藩等宴。○以理

藩院尚書奕紀為御前大臣○賞大學士長齡○西開襖袍○加大學士潘世恩太子太保○賞喀爾喀親王車林多爾濟科爾沁郡王僧格林沁黃韁○命鄂爾多斯郡王圖們濟爾噶勒在乾清門行走○庚辰
上御紫光閣賜蒙古王貝勒貝子公額駙台吉及外藩使臣等宴並賞賚有差○辛巳
高宗純皇帝忌辰遣官祭裕陵○
上詣
奉先殿
壽皇殿行禮○諭內閣告祭
太廟遲誤應獻帛爵之宗室奎樂連喜承福均著革去奉恩將軍之職以為遲誤供獻者戒○壬午
上詣
大高殿行禮○幸圓明園○奉
皇太后居綺春園○詣

安佑宮行禮○緩徵直隸西寧景蔚阜城宣化懷安天津滄南皮鹽山大名寧河十二州縣上年被水被旱村莊新舊額賦○緩徵山東齊河德濟陽濮濟寧魚臺聊城清平商河長清冠館陶堂邑茌平莘邱東阿高唐夏津臨清三十州縣並德州東昌臨清三衛上年被水被旱村莊額賦○癸未貸山西河曲山陰懷仁朔定襄大同應渾源五臺岢嵐清水河十一廳州縣上年被旱被蝗被雹被霜災民倉穀○貸陝西葭榆林神木府谷懷遠綏德米脂清澗吳堡九州縣上年被雹被霜災民籽種口糧○貸甘肅皋蘭渭源金靖遠伏羌通渭西和固原安化永昌古浪碾伯泰安十三州縣並莊浪縣丞所屬上年被水被旱被雹災民籽種口糧○甲申
上詣綺春園問
皇太后安○乙酉
世祖章皇帝忌辰遣官祭

孝陵○諭內閣。道慶奏。參查出圓明園曠班官兵一摺。圓明園附近堆撥最關緊要。所有值班官兵。自應無分晝夜。敬謹看守。本年朕甫經臨幸圓明園。該官兵等。即有曠班。總由該管章京等。平日並不嚴加約束。委護軍參領齊克坦布。著交兵部議處。副護軍校阿揚阿。委護軍校烏能依成志。三音布。護軍如泰等十六名。著交該印房重懲斥革。嗣後該管大臣等。務當隨時稽查。儻有似此曠班者。即行

嚴叅。斷不可稍事姑容。○丙戌。享

太廟。遣惇親王綿愷。恭代行禮。○遣官祭

太歲之神。○諭內閣。盛京

三陵工程。著改派恩銘。隆文。敬謹承修。○又諭。國家設立營伍。訓練操防。原期有備無患。而兵丁之能。否得力。實當慎之。於挑缺之先。茲據孟魁奏稱。廣州每年彙報部旗挑選兵丁缺冊。僅用姓名。頂補字樣。並不註明年歲。易啓遷就之弊等語。兵丁冊報部旗。原所以資

考覈。僅以姓名更換。其弊不可勝言。廣州如此。他省恐亦不免。嗣後各直省彙報部旗缺冊。著即註明年歲。無許含混。儻仍用姓名頂補字樣。並不註明年歲。著該部旗。即行駁斥更換。以昭覈實。而肅戎行。將此通諭知之。○又諭孟魁奏。請挽駐防積習一摺。我朝修明武備。以騎射為先。該管大臣。平日勤加訓練。挑選差使。破除情面。方足以成勁旅。而資捍衛。茲據孟魁奏。上年四月間。前赴教場挑缺。

該協領佐領等。以計較家口養贍為重。不論騎射之強弱。積習相沿。牢不可破。且查明未及成丁。而食錢糧者。有九十餘名。甚至勝那底缺。弊竇滋多。實屬喪良違例。蘇勒芳阿。孟魁。俱到任未久。自無所用。其回護。更不准稍事隱飾。知而不言。協領海俊。佐領色勒敏。如何含糊蒙混。著即查明。嚴叅懲辦。嗣後凡遇挑缺。總當以人材精壯。箭射有準者充選。不得以養贍戶口。藉詞調劑。以致有名無實。儻

因循姑息。仍蹈前轍。惟該將軍副都統是問。決不寬貸也。○又諭。孟魁奏演放銅礮無準。請勤演子母礮等語。據稱銅礮本係船用。在營施放不穩。難期有準。惟子母礮最能及遠。實為利器。但每年祇隨大礮施放一次。未能熟練。礮位為海疆要需。自宜勤加訓練。以資捍衛。銅礮既演放無準。著存貯軍庫備用。無庸隨時演放。其子母礮著准其與擡礮隨常一體操演。即將現貯備操擡礮火藥。為操演

子母礮之用。以期熟習而收實效。○以故慶良郡王綿懿嗣子奕綵襲爵。○丁亥。諭內閣。六阿哥於二月十七日入學讀書。翁心存著在上書房行走。授六阿哥讀。○又諭。烏爾恭額奏籌議查拏糧船匪徒一摺。此等匪徒。或隱匿在船。假充水手。或散遊在岸。託名短絳。著該地方官屆期點齊水手短絳各名。散給腰牌竹籌。飭令每人繫帶。每年糧船開行時。即責成該管府協。督同沿河各州縣。及管幫

各運弁帶同兵役實力巡查。如有與水手短絳為伍。而無腰牌竹籌者。立即拏交地方官嚴審。據實究辦。糧船出境以後。即責成該糧道督同總運幫弁。並沿途各州縣兵役。隨時隨地留心稽察。儻幫弁旗丁有支飾容隱等弊。或承審各官並不究明。遽行釋放。一經發覺。即由該道稟揭參究。以肅漕政而靖奸宄。○命廣州滿洲副都統倫忠來京。調密雲副都統佈勒亨。為廣州滿洲副都統。以二等侍

衛世泰為密雲副都統。○戊子。

上詣

時應宮。

昭顯廟拈香。○還宮。○諭內閣。前據御史王藻奏。伊犁將軍門丁縱恣不法。廢員因緣為奸各情。當有旨交奕山查明具奏。茲據逐款詳查。據實覆奏。此案鄭天佑身充伊犁將軍特依順保家人。輒因乏用。思向各官求助。以致外招物議。又因補放各缺。藉索喜錢。實屬

不安本分。鄭天佑著即照所擬杖徒。解赴陝甘。定地發配。折責安置。巡檢胡椿。派買軍糧。如數交倉。訊無唱以重利情弊。著毋庸議。八旗佐領及撫民理事兩同知等。訊無齊集酒館。為鄭天佑拜壽之事。惟與鄭天佑一同起坐。殊屬不合。協領德克登布。舒昌阿。富蘭布。吉魯木圖。伊昌阿。佐領錫喇布。瑚圖哩防禦。扎拉豐阿。印房章京文德。駝馬處章京色普珍。德齡阿。署理事同知音登額。糧員德克精阿。都司嚴武。守備王世榮。均著交部察議。至補放八旗之缺。均係該將軍當堂公定。並無鑽營。鄭天佑情弊。廢員周彭齡。辦理文案摺奏。均係奉派擬稿。畫定具奏。與鄭天佑素不交涉。均無庸議。特依順保。於家人鄭天佑藉端需索喜錢。失於覺察。奕山。近在同城。未能先事查辦。均有不合。特依順保著交部議處。奕山著交部察議。餘著照所擬完結。該部知道。○緩徵江蘇上元。江寧。句容。高淳。江浦。六

合。山陽。阜寧。清河。鹽城。江都。甘泉。儀徵。高郵。興化。寶應。泰東。臺。銅山。沛。豐。蕭。碭山。邳。宿遷。海。沐。陽。贛。榆。二十八州縣及淮安。大河。揚州。徐州。四衛舊欠額賦。○以次辛祈穀於上帝。自是日始。齋戒三日。○己丑。諭內閣。東南兩河。每歲另案。工程奏銷銀數。曾降旨飭工部按照開報銷冊。逐款勾稽。開具簡明總數。於年終彙奏一次。該河督自應遵照辦理。茲據該部查明。東河原陽雨汛。動用本款銀四萬四千三百八十八兩零。未曾列入比較。辦理殊未盡一。嗣後無論動用何款。著一律歸入比較。其餘賸防料。如來年本工動用。即行報部查覈。毋得含混參差。以昭覈實。至南河比較清單。遲至上年封印時。始行奏到。致今年內未能覈辦。殊屬延玩。嗣後務照定例。於霜降後迅速具奏。無再遲逾。以符定限。○以新授密雲副都統世泰為雲南騰越鎮總兵官。騰越鎮總兵官特依順為密雲副都統。○

庚寅。

上詣

南郊齋宮齋宿。○修湖北武昌府沿江石岸。鍾

祥縣劉公庵何家潭二處老隄。潛江縣城外

土隄。從總督訥爾經額等請也。○辛卯。祈穀

於

上帝。

上親詣行禮。○幸圓明園。○詣綺春園問

皇太后安。○壬辰。

上御正大光明殿。賜親藩等宴。○諭內閣。前據

御史黃仲容奏。廣東署普寧縣知縣湯聘

三等勒索肇釁等款。當交恩銘等查辦。嗣據

該御史以讞案不實。續行奏。復交朱士彥

等前往查辦。茲據奏稱。查明前辦塗洋原卷

內。該鄉匪徒方阿太糾同方阿荇等搶奪陳

順利牛隻被控。拒捕傷差。非因械鬪起釁。此

案。續經官兵拏獲匪犯多名。已經正法。及被

格殺監斃。應擬死罪人犯至一百八十一名。

之多。所謂真兇者。又係何人。湯聘三代理普

寧任內。並未赴省查無辭署之事。是所叅該

員釀釁推卸之處。均屬子虛。其澄海縣知縣

張文化縱酒廢公一案。所云半年之內。搶劫

四十餘起。查張文化任內被劫六案。俱經獲

犯。竊案獲犯九起。未獲十起。俱經申報有案。

該御史所稱四十餘起。案未申報。又未指明

各事主姓名。無憑訊究。至貢生蔡芳家被劫

一案。現在承緝接緝。按限處分。並有續獲之

犯。豈能謂之懸案不辦。又余姓在途被害一

案。並非張文化任內之事。現已將正兇緝獲

解省審辦。陳文思家被劫一案。業經該督等

查明獲犯審辦。所有該御史原叅各款。著毋

庸議。○又諭。前因御史李紹昉奏。廣東候

補通判朱樞兄弟盤踞把持各款。曾有旨令

恩銘等查辦。嗣據恩銘等將大概情形奏。

未經結案。復降旨令朱士彥到粵。後將摺內

所指各情。秉公徹底根究。茲據該尚書等查

明朱棣初本遊幕粵東。報捐通判。仍分發該省試用。當徭匪滋事。隨營辦理軍需。實非懇求上官。並無奏請升官經部議駁之事。其兄弟等實無盤踞把持。朋比招搖。亦無誇張聲勢。威福自專實跡。所有朱棣等被叅各款。著毋庸議。○以署吏部尚書朱士彥為兵部尚書。未到京前。以吏部左侍郎卓秉恬署理。○賞和碩特貝子車丹多爾濟雙眼花翎。○予故兵部尚書王宗誠祭葬。○癸巳。

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○御山高水長。賜王公大臣蒙古王貝勒貝子公額駙台吉及外藩使臣等食。○諭內閣。奕絲已承嗣慶郡王綿慤。前有旨加恩。令其承襲郡王。毋庸帶領引見。因念綿悌。綿悌係朕叔慶僖親王之子。朕敬仰體。

皇考友于之誼。允宜渥沛恩施。晉加一等綿悌。

著加恩封為不入八分鎮國公。綿悌著加恩封為不入八分輔國公。綿悌。綿悌。務當仰體朕意。慎勉趨公。以副朕篤念懿親。成全造就至意。毋忽。○緩扣湖廣荊州。荊左。荊右。沔陽。岳州。五衛積歉。幫丁借造剝船銀。○甲午。上御正大光明殿。賜大學士尚書等宴。○乙未。諭軍機大臣等。本日據經額布奏。匪徒倡立邪教。聚眾赴縣營典史衙署滋鬧。戕斃委官。開監放犯。聞捕竄逃。已獲犯二十餘名。現委署臬司馳往督捕。此案教匪馬剛在灘縣境內徐忻家窩藏。既經該縣林士駿訪聞查拏。何以並不小心防範。致令匪犯男女三四十人。各持刀械。至千總縣丞典史並縣署滋鬧。扎傷數人。並將委員候補從九品呂文山戕斃。並擅開監門。放犯逸出。究竟其教始自何年。教首何人。起意滋事之犯。是否已在現獲馬剛等之內。受傷實有幾人。所放監犯若干名數。是否均已拏獲。著經額布據實查明。嚴

切審究。務盡根株。毋令一人漏網。以伸國法而快人心。其被戕委員候補從九品呂文山。著查明咨部照例賜卹。將此諭令知之。○命慶郡王奕綏。在御前行走。○命山西布政使楊殿邦留京。以三四品京堂候補。以江西按察使陳繼昌為山西布政使。長蘆鹽運使管通羣為江西按察使。○丙申。諭軍機大臣等。據鄧廷楨奏稱。喚咭喇國公司散局以後。大班不來。上年十一月內。該國特派遠職來粵。

總管本國前來貿易之商賈水手等語。該國來船絡繹。自應鈐束得人。以期綏靜。今該夷既領有公書文憑。派令經管商稍事務。雖與向派大班名目不同。其為鈐束則一。著准其依照從前大班來粵章程。至省照料。並飭令粵海關監督。給領紅牌進省。以後住澳住省。一切循照舊章。不准逾期逗留。致開盤踞之漸。該督等正可藉此責成。該夷小心彈壓。不准干預滋事。仍應密飭該管文武及洋商等。

隨時認真訪察。儻該夷越分妄為。或有勾結漢奸。營私翫法情事。立即驅逐回國。以絕弊端。將此諭令知之。○修江西豐城縣土石隄工。並建閘埽。從巡撫陳鑾請也。○丁酉。

上御山高水長。賜王公大臣蒙古王貝勒貝子公額駙台吉及外藩使臣等食。○諭內閣。經額布奏。叅失察邪教之文武員弁。請旨革職。並將該管知府摘去頂帶勒緝一摺。山東濰縣教匪馬剛等聚眾滋事。直入縣營各署。戕

斃委官。開監放犯。傷斃多人。該地方文武各員。實屬溺職無能。雖據該撫奏稱。先後拏獲馬剛等三十四名。殲斃及自戕者六名。而在逃匪犯尚多。難容此等劣員。因循貽誤。濰縣知縣林士駿。專汛千總王英魁。濰縣縣丞陳葆清。典史董璜。書俱著革職。萊州府知府何輝綬。著摘去頂帶。仍嚴飭緝拏匪犯。以示懲儆。○又諭。經額布奏。請將知州交部嚴議等語。膠州逼近濰境。現雖匪犯拏獲多名。本境

亦應設法堵緝。該知州戴吧。徑自進省。並無緊要事件。實屬玩視公務。著交部嚴加議處。○諭軍機大臣等。經額布奏續獲濰縣教匪滋事案內匪犯多名。並查明殺傷人數。親往督辦一摺。濰縣匪徒滋事。當經經額布派委署臬司寶清。會同登萊青道吳振斌。來州營參將張璣。帶領馬步兵一百名。圍捕訊辦。復飭參將福陞。帶領馬步兵五十名。隨後進發。並撰告示張貼。安撫居民。兼恐該匪等於滋

事畏拏之後。在附近各處遊奕窺伺。飛札防堵緝拏。沿海各處設有渡船漁船之處。加意伺察。使匪徒不能浮海竄逃。以期跟蹤按名獲辦。該撫布置甚好。且因濰縣距省較遠。輕騎減從。親自馳往督辦。所見是。當濰縣匪徒起事之初。該縣稟報含糊。現既據萊州府知府何輝綬稟報。查明地方安靜。倉庫亦未損失。續獲匪犯王卓等十二名。女犯王劉氏等五名。並在王劉氏家起獲腰刀三十四把。並

查明被戕被傷名數。匪徒滋事時。並有穿戴黃紅衣帽者。所創係添柱教各等語。此案匪徒倡立邪教。穿戴黃紅衣帽。直入縣營各署。戕斃委員。開監放犯。究竟因何起意。何人下手。戕官殺傷多人。創教始自何年。何人為首。所獲之馬剛。是否即係此案首犯。腰刀何處打造。何以地方官毫無覺察。著詳晰查明。此外有無黨羽。匿跡潛蹤。及私造兵器。務即掃除淨盡。以絕根株。無得任其蔓延。致貽後患。

是為至要。將此諭令知之。○直隸總督琦善等奏查禁畿輔私藏烏槍章程四條。一。發價收買。每桿給銀二兩。令民間按限繳呈。一。嚴禁私造。查明製造幾家。令匠人出具甘結。一。編列字號。以便稽查。直隸環山濱海。或所必需。惟每户止許一桿。報官呈驗。鑿刻姓名。編號立冊。一。明定功過。以昭勸懲。州縣收繳烏槍。以多寡定功過。限內收存三十桿以上者。記功一次。不及十桿者。記過二次。得旨著照

所議辦理遵行。琦善等仍當督飭所屬認真妥辦。不可日久視為具文。尤當嚴禁胥役藉端擾累。總期弊端漸除。地方安謐。默化兇徒。强悍之氣。潛消愚民玩法之心。至口北道所屬之張家口等三廳。多係蒙古。著毋庸查禁。其民間削木鑲鐵。藉圖防暴。並非渾鐵鑄成。亦著毋庸查繳。以免滋擾。而靖閭閻。○修直隸永定河兩岸隄工。從總督琦善請也。○戊戌。

上詣綺春園問

皇太后安。○己亥。

孝穆皇后忌辰。遣官祭

陵寢。○湖南巡撫裕祿奏。遵旨訪拏湘鄉縣惡棍陳連五父子等。嚴行審訊。得旨除莠安良。地方大吏之急務。原不待條奏飭行。然後辦理。今既奉旨查緝。若再因循苟且。回護屬員。或一任劣員朦蔽。自問能無愧乎。懍之。○調甘肅肅州鎮總兵官竇德為喀什噶爾換

防總兵官。以二等待衛珠克登為肅州鎮總兵官。○庚子。諭內閣。三載考績。乃激揚大典。滿漢諸臣。有能實心實力。克稱厥職者。自當甄敘。平庸不能勝任者。亦難姑容。茲屆京察之期。吏部將京外諸臣開單題奏。朕詳加酌覈。大學士長齡宣力多年。年登八十。而精神強健。大學士潘世恩。穆彰阿。協辦大學士王鼎。克勤克敬。不愧贊襄。吏部尚書湯金釗。品學醇正。奉使公明。刑部尚書史致儼。精力如

常。刑名詳慎。協辦大學士直隸總督琦善。辦事認真。營伍整飭。陝甘總督瑚松額。不露鋒銑。細心任事。雲貴總督伊里布。熟習邊務。鎮撫得宜。江南河道總督麟慶。修防無誤。獲保安瀾。俱著加恩。交部議敘。內閣學士桂森。粗率無能。不堪造就。著以二等待衛降補。盛京工部侍郎奕澤。才具平庸。不勝侍郎之任。著以頭等侍衛降補。湖廣總督訥爾經額。兩省文武。是其統轄。乃么庸小醜。日久不獲。既失

察於前復玩泄於後實屬無能著降補湖南巡撫再予限一年緝拏藍正樽務獲以觀後效餘著照舊供職至兩江總督陶澍辦事勇敢但鹽務尚未大見起色閩浙總督鍾祥精明沈細兩廣總督鄧廷楨才學俱可山西巡撫申啓賢辦事實心皆履任未久諸臣務當清慎持躬公勤莅事朕有厚望焉○以鑾儀衛冠軍使祥厚為鑾紅旗蒙古副都統○以江蘇巡撫林則徐為湖廣總督調江西巡撫陳鑾為江蘇巡撫湖南巡撫裕泰為江西巡撫○調理藩院右侍郎功普為盛京工部侍郎以內閣學士文德和為理藩院右侍郎○雲南開化鎮總兵官它克它布以才具平庸休致調臨元鎮總兵官成玉為開化鎮總兵官以京營副將李霖為臨元鎮總兵官○辛丑

孝聖憲皇后忌辰遣官祭

泰東陵○

上詣

恩慕寺

恩佑寺行禮○命兩廣總督鄧廷楨查閱廣東廣西營伍閩浙總督鍾祥查閱浙江福建營伍○以烏魯木齊屯田豐收予員弁議敘賞兵丁一月鹽菜銀○壬寅諭內閣鄧廷楨等奏甄劾知府知縣請分別降補勒休一摺廣東廉州府知府厲同勳詞訟案件諸多遲誤屬員賢否短於辨別著以同知降補歸部銓選新寧縣知縣胡大復辦事延誤不洽輿情該員年力尚強著以府經歷縣丞降補留於本省補用龍川縣知縣黃賓體衰多病難望振作著勒令休致至各省遇有請旨簡放之缺不准將在省候補人員開單具奏前降諭旨甚明該督等於廉州府知府出缺輒將候補人員片奏請簡既違定例又與前降諭旨不符鄧廷楨祁瑱俱著交部議處○命保送河工翰林院編修俞東枝吏部員外郎樊師

仲發往南河差遣委用戶部主事周鎬工部主事黃慶安發往東河差遣委用○癸卯諭內閣鍾祥奏籌議合巡洋面覈實稽考等語閩浙洋面遼闊雖有會哨舊章恐稽考難周必須設法整頓以歸覈實據該督等籌議應立合巡箱制之法使官弁不能畏險偷安而稽察易周亦不能捏飾混報所議井井有條用心周到可嘉之至著照所請所有閩省南洋九營除提標中營毋庸添撥船隻外其餘

欽此

主

提標左右等八營准其添撥哨船八隻北洋四營准其添撥哨船五隻每船俱配兵載械派員統帶各按南北逐營會合來往梭巡無論南北巡船行至閩安鎮海口俱令稟報該督其南境哨船巡回之時必過廈門即令就近稟報該提督北境哨船巡回之時必過福寧鎮即令就近稟報該鎮總兵以憑稽察庶足以杜偷安而壯聲勢其每營分段巡查仍照舊章辦理至此項合巡船隻仍隨時換派

官兵俾均勞逸所需口糧等費查照常例一體支發毋庸另籌浙江洋面亦著該督咨行該撫及提鎮等一體辦理該督仍督飭鎮將實力整頓隨時分別勤惰以示勸懲如該營員弁等再有畏險偷安巡緝不力等弊即著嚴叅懲辦○甲辰諭內閣刑部郎中善年翰林院編修徐寶善此次經各該衙門將該二員列入京察一等茲據吏部奏稱該員等係由御史緣事改補回任可否准其列入聲明

欽此

主

請旨該二員係由御史改補與不勝外任仍回原衙門者有間且與汪如淵成案相符善年徐寶善均著准其列入京察一等嗣後應行列入一等及不應列入之員作何分別辦理著吏部明定章程具奏○諭軍機大臣等興德等奏查探霍罕賊目列什格爾胡什伯克業經旋回並現在卡外色喀庫勒地方仍有賊人占據情形一摺據稱霍罕伯克已將胡什伯克調回胡什伯克於回去之便沿途

逗留。在喀什噶爾英吉沙爾卡外一帶。各布魯特。愛曼。妄肆煽惑。復遣人致信於西皮察克。愛曼。布魯特。比。愛里雅爾。亦係勾引之詞。該布魯特。比。愛里雅爾。素稱恭順。未肯聽從。現在胡什伯克。率領賊眾。旋回霍罕。仍留賊目阿達那。帶領二百餘人。在塔什霍罕塔哈爾瑪莊等處居住。勾結布魯特。在附近地方往來騷擾。色喀庫勒。伊什罕伯克。仍在通莊防堵。各等語。控制外夷。總以不動聲色。慎守邊防。俾外夷震懾天威。潛消覬覦。方為有備無患。上年所降諭旨。甚為明晰。著奕山等仍遵前旨。鎮靜防守。一面差派員弁。嚴巡各卡倫。一體防範。總不得輕舉妄動。出卡滋事。是為至要。將此各諭令知之。○又諭御史朱成烈奏。山東曹州德州東昌等處。俱有教匪誦經傳徒。私立名號。各項目分掌教旗。或管百人。或數百人。一經掌旗。數口之家。可得飽暖。因有無賴生監。為之掌旗者。即如濰縣馬剛

宣宗實錄卷一九三

宣

一案。竟至戕官劫獄。總因地方官平日不行保甲。不練民壯。一經小醜跳梁。便至張皇失措。當此勦辦逆匪之時。正可究極黨羽。以淨根株等語。邪教煽惑。貽害良民。如果該地方官隨時覺察。實力懲治。何至令其滋蔓。現在山東省既有濰縣馬剛習教一案。恐他處亦難保其必無。著經額布。即將該御史所奏曹州等府各屬地方。嚴密訪查。如有此等匪徒。私立名號。分掌教旗等事。即著嚴行懲辦。務絕根株。俾奸宄不得潛藏。而閭閻悉臻靜謐。將此諭令知之。○引見京察三品以下京堂各官。得旨。通政使司參議富琇。國子監蒙古司業嵩安。年力就衰。太醫院院使張新。右院判張永清。醫道中平。年力就衰。俱著以原品休致。餘俱照舊供職。○朝鮮國王李昶遣使表賀。萬壽冬至元旦三大節。並歲貢方物。賞賚筵宴如例。○琉球國王世子尚育。遣使表請襲封。

宣宗實錄卷一九三

宣

呈進方物賞賚如例○乙巳

上詣綺春園問

皇太后安○以故土謝圖扎薩克輔國公喇布坦多爾濟弟濟克濟特多爾濟襲爵○旌表守正捐軀河南西平縣民桂滴溜妻劉氏○禮部議准河南巡撫桂良疏報採訪長葛縣節孝婦女張程氏等一百四十四口臨潁縣朱趙氏等一百三十四口請各建總坊旌表從之○丙午

上詣

大高殿行禮○還宮○諭內閣昨日正藍旗都統帶領應放杭州佐領人員引見其擬正之防禦林春步射無準該署將軍左廷桐著交部議處林春著罰俸六箇月以示懲儆○以兵部左侍郎祁寯藻兼署戶部左侍郎都察院左副都御史麟魁署刑部右侍郎○實授祥康吉林將軍○以二等侍衛哈琅阿署正黃旗蒙古副都統○丁未

孝儀純皇后忌辰遣官祭

裕陵○以刑部尚書成格吏部左侍郎卓秉恬署經筵講官戶部右侍郎程恩澤充經筵講官○戊申諭內閣前據濟克默特等奏護軍等傳說神武門官兵攔阻酒簍驗係火藥一案當降旨著僧格林沁審訊茲據該大臣等審明實係市井遊談全無確據分別定擬著照所擬完結紫禁城門禁森嚴該旗護軍等輪流值班前鋒統領等職司統轄責有攸歸濟克默特等既有風聞自應據實具奏以憑究辦其安福等五人職同管轄並未列銜自係查無確據未敢冒昧具奏亦無不合嗣後該統領等務當嚴飭所屬一切出入人等隨時隨地嚴密稽查固不得以遊談無據之詞任令輾轉傳播其有事關重大形跡可疑應呈明者立即呈明應入奏者據實具奏不得稍存諱飾儻知而不言獲咎更重懍之慎之○又諭鹽引暢銷總期裕課便民各該督撫

奉公盡職。原應不分畛域。而所轄引地。亦宜劃清界限。以杜侵越。方為辦理妥協。茲據陶澍奏稱。安徽之徽州府。與江西之廣信府。例食浙鹽。均在兩省腹地。私鹽由浙灌入。以致安徽江西各府均被侵占。在浙商總以便民食為詞。每於徽州廣信等府界。開設私店。而淮鹽受害。漸有侵占之虞。著烏爾恭額嚴查奸商。禁止偷販。除假公濟私之弊。杜越境售私之習。整頓自為得力。各省一體照辦。俾行鹽則各依疆界。緝私則無分彼此。庶釐務日有起色。而轉銷各有責成矣。

實錄卷一百九十三

三

大清宣宗效天符運立中體正至文聖武智勇仁慈儉勤孝敏成皇帝實錄卷之二百九十三

實錄卷一百九十三

三

[illegible]

道光十七年。丁酉二月。己酉朔。○庚戌。以舉

行仲春經筵遣官告祭

奉先殿。

傳心殿。

上御文華殿經筵直講官奕經阮元進講論語
舉善而教不能則勸講畢

上宣御論曰。帝王之政。莫大於知人。能知人。則能官人。能官人。則能治天下。蓋本聰明聖智之德。著為發強剛毅之才。旌別淑慝。治化於以昭焉。政事於以懋焉。所謂舉之教之者得。

其宜耳。民有善則舉之。以忠信者培養民氣。以智勇者宏濟時宜。以正直者維持道義。以醇謹者從容帷幄。則善者咸立於朝廷之上矣。民有不能則教之。短於識者使之諳練。短於才者使之勤勞。短於氣者使之振作。短於守者使之廉潔。則不能者咸在陶鑄之中矣。當斯時也。一人辨才建官於上。百姓式化從風於下。舉一善而民知為善之足樂。則皆洗滌其不善以進於善。教一不能而民知不能。

之可羞。則皆砥礪其不能以進於能。舉之愈當。勸之愈深。教之愈嚴。勸之愈切。書曰。彰善瘅惡。樹之風聲。禮曰。爵不瀆而民作愿。刑不試而民咸服。胥是道也。直講官桂輪。何淩漢進講書經德惟善政政在養民講畢。

上宣御論曰。天生民而樹之君。君代天而治其民。內之不可無剛健篤實之德。而外之不可無委曲詳明之政。蓋粹然而存於夙夜者。惟精惟一之真傳。燦然而著於日星者。無黨無

偏之大道。故德與政相為表裏。政與民相為響應也。夫張皇補苴。此小其政者也。而非以德為政。智取術馭。此愚其民者也。而非以政養民。惟以簡治繁。政乃不紛。以靜治動。政乃不勞。此德與政所以相為表裏也。故勸農桑。則民有飽煖。而無饑寒。興學校。則民有俊秀。而無頑梗。簡徭役。則民有寬閒。而無勞苦。慎刑罰。則民有約束。而無桎梏。於是六合之內。八方之外。俯仰隆平。沐浴德澤。其始也熙熙。

然而莫之違。其終也渾渾。然而與之化。此政與民所以相為響應也。天下不見帝王之德。而見帝王之政。則知其德之蘊蓄者深。帝王非有牢籠萬民之術。而有整飭萬民之政。則知其民之鼓舞者神。一道德而同風俗。被潤澤而大豐美。豈不盛與。禮成。

上御文淵閣。賜講官及聽講諸臣茶。復賜宴於本仁殿。○幸圓明園。○詣綺春園。問。

皇太后安。○辛亥。遣官祭。

文昌帝君廟。○諭內閣。嵩溥奏。查明園場樹木被砍情形。請將翼長防禦等據實嚴叅一摺。此案防禦穆棟阿。於前任總管德勒格爾桑等私砍樹木。漫無覺察。又復聽伊主使。將樹株燒燬滅跡。實屬扶同弊混。穆棟阿著即行革職。本管左翼翼長伍爾圖。既經失察於前。又復回護於後。右翼翼長德官。雖無本管之責。惟總理印務。於該總管等種種弊混之處。並不稟阻。均屬不合。著一併革職。以示懲儆。欽此。

○又諭。瑪哈巴拉本年班陞見。即將園場情形具奏。茲據嵩溥奏。查明園場內實有偷砍樹株之事。瑪哈巴拉從前所奏。俱甚確實。殊屬可嘉。著加恩賞給貝勒銜。以為據實陳奏者勸。○協辦大學士戶部尚書王鼎。七十生辰。賜御書扁聯福壽字。並珍玩文綺。○壬子。諭內閣。前因御史朱成烈奏。查拏糧船滋事水手。宜先清其巢穴。當降旨令漕運總督及有漕各

省督撫妥議具奏。茲據訥爾經額等奏稱。湖北糧船水手。向照保甲之法。取具連環保結。各給腰牌。不准將外來游民。混行收雇。水次途中。尚無設立經堂。聚眾搶掠等事。亦無老官師傅及老安潘安泰子船等項名目。現在明定章程。嚴密稽查等語。水手人數眾多。最易煽惑。嗣後該省漕船歸次時。責成糧道按照花名清冊。逐一點驗。按查。並嚴飭各地方官於幫船停泊處所。及各水次。密為查訪。如有設立經堂。勾結外來匪徒者。立即嚴拏究辦。並多派兵役。於附近水次之庵堂廟宇。密行查緝。開行以後。由該糧道督同廳員運弁逐船查點。需用繙夫。由旗丁覓雇。如有匪徒勒捐把持。稟明拏究。其濱河曠僻處所。開設茶酒等鋪。儻敢容留匪類。勾結水手。即行嚴拏。從重懲治。毋稍疏懈。經此次籌議章程之後。押運廳弁及地方官。儻再奉行不力。日久視為具文。仍有前項弊端。該督撫一經查出。

務即從嚴叅處。不得稍事姑容。以戢奸萌。而肅漕政。○又諭。本日據經額布由驛馳奏。審辦灘縣教匪馬剛等謀逆情形。並拏獲首夥各犯一摺。此案逆犯馬剛聚眾滋事。直入縣營各署。戕斃委官。開監放犯。傷斃多人。情罪重大。經該撫馳往審辦。已將首逆馬剛於訊明後凌遲處死。梟首示眾。並將先後拏獲匪犯王得亮等。及隨同習教男女各犯一百五十二名。督同司道等嚴行審訊。均各供認不諱。並究明馬剛習教。係由安邱縣逃犯馬俊輾轉傳授。現將續獲各犯解省審究。該逆匪等習教傳徒。膽敢糾集多人。戕官謀逆。自應窮究黨羽。務淨根株。著該撫即回省城。督率各員。隔別詳細推鞫。並向現獲各犯確切根究。此外是否尚有匿不供吐聽從習教之犯。其現在供出有名在逃者。務即設法擒捕。按名弋獲。從嚴懲辦。以正國法。而快人心。斷不許一名漏網。致貽後患。○癸丑。遣官祭

闕帝廟。○引見各衙門保送京察一等人員。得旨。此次京察一等。圈出人員。著各該堂官再行出具切實考語。交吏部帶領引見。圈出之滿洲蒙古中書筆帖式等官。著歸入理事同知通判內。遇有缺出。與舊記名人員一體帶領引見。漢軍漢人著交部以撫民同知通判等官分別選用。宗人府副理事官宗室國盛。主事龔翬。吏部主事圖璧。戶部三庫檔房主事宗室保極。工部主事崇源。理藩院主

事法豐阿。大理寺寺丞朱百順。太常寺寺丞卓麟。光祿寺署正成文。欽天監冬官正何良奎。內閣典籍周春祺。戶部寶泉局南廠大使伍爾莫斯特依。北廠大使穆隆額。通政司經歷陳鼎治。太常寺贊禮郎戶部員外郎廣昌贊禮郎書勳。國子監助教富明阿。蘇楞額。著交部照例以應升之缺升用。翰林院侍讀邢福山。侍講許應藻。賈楨。司經局洗馬杜受田。左中允重謙。俱著准其一等。其餘內閣侍讀

恩長等二百六十七員。俱准其一等加一級。○甲寅。遣官祭

先醫之神。○以署正黃旗蒙古副都統哈琅阿。為正紅旗漢軍副都統。○命杭州副都統左廷桐來京。以正紅旗漢軍副都統恆興。為杭州副都統。○乙卯。

孝淑睿皇后忌辰。遣官祭

昌陵。○

上詣

大高殿行禮。○還宮。○諭內閣。鍾祥等奏捕辦嘉義匪類全案。歲事一摺。此案嘉義縣匪徒沈知等。藉歉搶糧。戕傷弁兵。經臺灣鎮道等將勾結各匪殲斃。正法二百六十餘名。其在逃之劉藍石大山二犯。著查明是否係著名要犯。即飭該鎮道等嚴拏務獲。至此次勦捕出力文武各員。著俟逸犯全獲。地方一律肅清。查明據實奏請鼓勵。以昭激勸而歸覈實。○以祭

社稷壇自是日始齋戒三日○丙辰遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○命翰林院編修李品芳提督雲南

學政○丁巳祭

先師孔子遣大學士阮元行禮○諭內閣給事中黎攀鏐奏直省捕務亟須整頓一摺近來各省匪徒強劫之案到處皆有地方官如果認真查辦不存諱飾之見盜風自可漸息若如該給事中所奏外省州縣於截搶之案怠玩因循其經事主上控者該督撫尚可查究鄉僻小民於報案時該管官即多方恐嚇指為捏飾裝點案情愈大諱匿愈深愚民心

存畏累隱忍不報者十常七八且各省奸民多有設立教會名目煽惑愚頑此等強暴兇匪犯案累累必多匿跡藏形於其內若不從此根究必致養癰貽患似此捕務廢弛尚復成何事體著各該督撫嚴飭所屬文武員弁認真整頓不分畛域協力緝拏以靖奸宄儻有心消弭諱盜為竊祇顧一己之處分置國事民瘼於不問著即從重叅辦如該管道府扶同隱飾一併嚴叅或因循徇隱別經發覺

惟該督撫是問懍之慎之○又諭給事中黎攀鏐奏各省帑息作為緝捕經費請妥定章程一摺各省借帑生息豫籌緝捕經費原期除暴安良各該地方官果能經理覈實不致浮那濫支則懸賞有資躡緝倍形踴躍若如該給事中所奏近來劫掠之案層見疊出徒有經費之名終無緝捕之效不可不覈實查明著各直省督撫凡有借帑生息作為緝捕經費務當飭司逐款覈明即有應行變通之

處亦應隨時具奏請旨辦理不得擅自支給其每年動用銀數獲犯案由自應於年終由該司詳報督撫備查。儻該州縣督率無方以致捕役人等坐糜工食及有捏報浮銷情弊立即嚴叅示懲毋稍寬縱。○戊午祭

大社

大稷

上親詣行禮。○幸圓明園。○詣綺春園門

皇太后安。○遣官祭昭忠祠。○諭內閣前據御

史黃仲容奏廣東連山廳同知姚東之挾案嚇勒多贓辦理地方未能允協等款。當降旨著朱士彥等查明據實奏。茲據朱士彥等查明姚東之於奉委辦理普寧一案該縣八鄉均係務農度日並非殷實大戶。馬有銀兩輸送且查辦案件獲犯多名。隨同日夜審訊尚屬出力並無辦理不善其題升連山同知於上年四月接印並無不願到任之事。揭陽交代亦並無虧短。至省城住房均係該員

租賃並非自置其子姚世恩捐納府經歷分發江西因告假赴粵省視並無授意勒贓之事。所查均屬明晰。姚東之並其子姚世恩均著無庸議。○又諭前據御史黃仲容奏廣東番禺縣悍差楊超不法各款。當交朱士彥等查辦。茲據奏稱提訊該差並無包賭窩倡縱賊擾害及因案株連私押交結各衙門差役倚勢虐民各情節。復經該尚書等各行各衙門查案送覈並飭臬司委員密查。所有牽控

楊超已未結案共十起均係控告該差拘傳不力並無不法款跡。惟該革役被控多案未便寬縱著交鄧廷楨祁墳提集未結各案人證另行審擬具奏。○諭軍機大臣等前降旨派蘇勒芳阿會同朱士彥審辦廣東各案。蘇勒芳阿曾攜帶佐領印房章京劉士英在貢院辦公該佐領是否僅係監視用印抑曾干預審案等事。再廣州副都統孟魁於該處營伍訓練一切事宜果否實力整頓抑係因循

玩視。朱士彥在粵兩月有餘。聞見自確。接奉此旨。或已在途。即行據實具奏。毋稍徇隱。將此諭令知之。○修山東運河。加河捕河上河。下河。泉河。六廳土石埽壩隄工。從河道總督栗毓美請也。○己未。

孝康章皇后忌辰遣官祭

孝陵。○浙江衢州鎮總兵官孫掄元因病解任。以廣東廣州協副將郭宏升為衢州鎮總兵官。○庚申。諭內閣。前因御史劉夢蘭奏糧船

積慣匪徒。運丁運弁。每多容庇。當降旨令漕運總督及有漕各督撫會議具奏。茲據陳璠奏稱。江西糧艘。向由新建豐城鄱陽水次受兌。路經都昌等縣。渡湖出境。著自今春為始。凡糧船受兌之處。責令各該縣嚴密查拏。其經過地方。亦責令各該縣親身帶領捕役。協同汛弁。會同各幫弁按船確查。如有匪徒潛匿。即時擒拏懲辦。其丁舵人等有能指出稟報者。重加獎賞。儻有容庇。即將該弁及幫丁

分別叅處究治。若地方官徇隱寬縱。亦著嚴叅示懲。不得稍事姑容。以戢奸萌而肅漕政。○引見內務府京察保送一等人員。得旨。此次內務府三院等處京察一等圈出人員。著各該堂官再行出具切實考語。帶領引見。圈出之主事恆善。文霖。六品庫掌伊明。阿常。經委署庫掌常維。筆帖式景昌。明善。文勳。福瑞。福新。穆翰。全祐。志恆。四保。全善。瑞長。富壽。壽昌。廷瑞。瑞齡。廣善。福恩。經文。圖。六品苑承德。

奎。委署苑副富明。八品司匠海安。無品級司庫福隆。阿俱著交吏部記名。照例選用。所有一等官員筆帖式達他等。俱著准其一等加一級。其年已逾歲之員。外郎長清。主事福珠隆。阿。六品苑丞萬慶。善保。七品苑副希蘭。泰年力就衰。俱著以原品休致。○命山西按察使圖明額留京。以四五品京堂候補。以福建督糧道瑞元為山西按察使。○辛酉。復引見各衙門京察圈出一等人員。得旨。此次京察

一等復帶引見各員。除高樹勳、多齡、沈拱辰、嵩岫、胡長庚、德祿、龔滿達、德山、文翰、德全、圖明、阿蘇芳阿、重豫、羅禮蘭、無庸記名外。恩長、福興、文俊、牛鎮、鄭瑞、許應藻、高枚、徐思莊、李光涵、張星燦、福瑞、覺羅崇恩、王有樹、雙寶、朱鳴英、興存、方宗鈞、費庚吉、恆泰、麟翔、方用儀、周祖植、王庭蘭、吉昌、閻慶福、忠阿、陸元煥、王治、岳齡、嵩曜、鄭喬林、恆奎、福謙、常大淳、俞焜、李紹昉、王藻俱著交軍機處記名。以道府用。○壬戌復引見內務府京察圈出一等人員。得育。此次內務府三院等處京察一等復帶引見各員內。除文芳、慶瑞、無庸記名外。克明、額蘇章、安普、琳那、揚阿、琰珠、英敏、基溥、延祥俱著交軍機處記名。○班禪額爾德尼呈進丹書克。賜敕褒獎。賞賚如例。○癸亥春分朝。

日於東郊遣肅親王敬敏行禮。○諭軍機大臣等。寄諭兩江總督陶澍。江蘇巡撫陳鑒有人

奏。江蘇揚州府地方有一包姓。隱匿名字。混名包打滾。自謂精通風水。代人看視塋地。祇在地上仰卧片時。即知塋中是男是女。且人家數十代之祖宗面目。皆能繪出真像。每繪一像。取洋錢十圓。又復神奇其說。謂人一月內所為之事。可以豫先按日算定。人在數千里外所為之事。可以盡悉。其他奇異之談。駭人聽聞。竟有包神仙之名等語。匪徒詭託異術。煽惑愚民。最為地方之害。著該督撫等遴派委員。前赴江都縣地方密加查訪。有無包姓其人。假託邪說。蠱惑鄉民。誑取財物。是否創立教名。輾轉傳授。如果密訪得實。即行查拏究辦。毋稍姑容。將此諭令知之。尋奏。委拏審訊。實係貧民看地鬻畫。誇口騙錢。無傳徒習教情事。照例枷杖。交地方官管束。下部議從之。○以御前大臣奕紀總理行營事。○以司經局洗馬杜受田充日講起居注官。翰林院侍講賈楨署日講起居注官。○甲子。

上詣綺春園問

皇太后安。○諭內閣。前據御史黃仲容奏。廣東地方私用夷錢等情。當降旨令鄧廷楨等查辦。茲據該督等奏稱。查明潮州府屬。尚無私鑄夷錢小錢等弊。惟南澳潮陽等處口岸。皆可寄泊海船。其店鋪攬用夷錢。實所不免。現在籌議章程。設法收買。著該督等即通飭所屬。於城鄉設局收買。予限一年。責成保甲。令將市間行使小錢夷錢。一併繳出。由該地方

官每斤給制錢一百文。依限繳銷淨盡。取具甘結存案。並出示曉諭。儻再有私藏行使等弊。一經查出。即從嚴懲辦。併將鋪屋查封入官。並著粵海關監督嚴飭各洋商。於夷船進口。詳細驗明。設有偷帶夷錢來粵。即曉以天朝禁令。不准開艙。飭令帶回。該國如違。惟洋商是問。並諭令各海口管關經書。於驗貨收稅之便。一體嚴查。每月將查過海船。有無偷帶夷錢情事通報。其潮州府屬之南澳潮陽

等處海口。責成該管道府。就近督飭地方文武各官。每遇海船到日。務須認真稽查。儻有夾帶各項夷錢。立即嚴拏解究。如該地方文武奉行不力。日後查出。即著該道府指名揭參。儻敢受賄縱容。藉端需索。著照例嚴行究辦。自此次明定章程之後。該督等惟當嚴飭所屬。實力奉行。持之以久。毋得稍存玩泄。視為具文。○又諭。前因廣東南韶連鎮總兵趙浩來京陛見。察其才力。恐難勝任。當諭令鄧

廷楨察看具奏。茲據奏稱。該鎮所轄。係通省最要之區。該總兵年力雖未就衰。惟於繁難要缺。不足以資整頓。實屬人地未宜。趙浩著即撤任。留於該省另行酌量補用。該督仍當隨時留心察看。據實具奏。毋稍遷就。該部知道。○諭軍機大臣等。前據嵩溥奏。審明蒙古民人互控一案。當交該部議奏。本日據刑部會同理藩院覈議具奏。已有旨將程雲加枷號兩箇月。發極邊足四千里充軍矣。該處界

連奉天。豈容匪徒恃強盤踞。此案程雲、胡強以內地民人。膽敢在彼滋事。已照例將該犯等分別治罪。若仍令該犯等家屬逗留該處。日久恐生事端。著嵩溥即嚴飭該縣務將該犯等家屬確切查明。實力驅逐。毋許逗留。不准私自潛回。以靖地方。仍將驅逐淨盡緣由。據實具奏。將此諭令知之。○大學士潘世恩等議覆馬蘭鎮總兵官容照奏。請派兵分汛專管。

東陵寶山後內火道地方。以專責成。陵寢地面。關繫緊要。向祇輪派千把總巡查。並不常川駐劄。殊不足以昭慎重。嗣後天台山迤北內火道迤南。由分水嶺至昌瑞山梁。內左營分為八段。右營分為七段。請派千把總等官十五員。督率弁兵。巡防看守。認真稽查。儻有曠汛誤差。巡防懶惰等弊。即由該總兵奏明究辦。從之。○兩廣總督鄧廷楨奏。擊獲匪犯多名。得肯承平日久。生齒必繁。為匪之

徒。日見其多。緝捕一事。海疆尤當亟講。否則必致貽患將來。勉之又勉。○以湖南常德協副將穆克登保為廣東南韶連鎮總兵官。○乙丑。以恭修

孝陵

隆恩殿。先期遣官告祭

孝陵。及

后土之神。○諭內閣。惇親王綿愷等奏。此次恭修

玉牒。懇請展限。著准其展限一年。限二年辦竣。該總裁等仍當督催在館人員。敬謹纂辦。妥速告成。○又諭御史萬超奏。命盜重案。請責成官弁。認真巡察。一摺。京師為輦轂重地。豈容匪徒涇跡。因緣為奸。城內設立兩翼翼尉步軍校等官。城外設立司坊營汛等官。專司巡察。果能隨時認真稽查。何至命盜賭博各案。層見疊出。若如所奏該管地面官弁。或畏勢徇隱。或需索包庇。積習相沿。任意怠玩。殊

不足以戢奸暴而安善良。著步軍統領衙門順天府五城嚴飭所屬各就所管地面實力查察。儻有無業棍徒假冒宗室。或引誘誘惑。設局詐騙。一經訪聞。即時呈報各上司衙門。嚴行查辦。無稍容隱。至命盜重案。及一切賭博不法情事。尤當留心盤詰。隨案懲究。夜間柵欄。務宜按時啓閉。嚴詰匪徒。庶宵小無所潛藏。而地面益昭嚴肅。將此通諭知之。○撫卹越南國遭風難夷如例。○丙寅諭內閣前

因御史劉夢蘭奏。糧船積慣匪徒。運丁運弁。每多容庇。當降旨令漕運總督及有漕各督撫會議具奏。茲據裕泰奏稱。嗣後該省糧船未開以前。由糧道督同廳弁。於各船嚴密按查。並著飭令沿途州縣派役按段巡緝。仍責成該道督同押運廳員。加意巡察。如查有匪徒不法情弊。即著密飭所在州縣親帶捕役。協同汛弁。按名嚴拏。從重懲辦。儻運弁旗丁飾詞庇護。兵役人等聽囑釋放。該州縣等辦

理各犯從輕了結。均著該道據實稟報。分別嚴參究治。以肅漕政而儆兇頑。○濬山東運河廳濟城塘河。從河道總督果毓英請也。○貨湖北荊州。荊左荊右沔陽四衛幫丁災缺。辦運銀。○丁卯諭內閣本日軍機大臣議覆。嵩溥奏圍場章程一摺。熱河查圍兵丁添置長槍。著准其籌款開銷。○諭軍機大臣等。本日據訥爾經額奏稱。上年楚省行銷淮鹽。共銷引七十三萬有奇。較之銷數最暢之十四

年分。尚多六千餘引。且自辛卯綱每引加斤。計算已逾額銷之數。實屬大有起色。林則徐到任以後。自必稽覈舊章。因勢利導。仍當嚴飭各屬設法疏銷。不可因甫有起色。稍形疏懈。至楚省行銷淮南鹽引。本屬一氣相通。各該省大吏經朕委任。必應熟籌情勢。於劃清界限之中。仍有並行不悖之意。方稱辦理妥善。林則徐曾兩署兩江總督印務。於鹽務素所熟悉。其楚省應銷淮南鹽引。早應成竹在

督現當接任之初。尤宜盡心籌畫。不分畛域。督飭文武員弁巡商。實力整頓。堵緝鄰私。查夾帶。庶官引日形疏暢。而國課益見充盈矣。將此諭令知之。○禮部議准。江西巡撫陳鏐疏報。採訪贛縣貞節婦女張謝氏等九百三十口。廣西巡撫梁章鉅疏報。鬱林州蘇文氏等三十三口。各請建總坊旌表。從之。○戊辰。諭內閣。前據通政司參議劉誼奏。湖南鎮筄鎮練勇兵丁聚眾滋事。該督並未親身赴

彼。督飭嚴拏。僅就捆送各犯。含混奏結。致令為首要犯。脫身事外。倖逃法網。當降旨著裕泰。楊芳。查明據實具奏。茲據該撫等查明練勇花名冊內。並無田宗慶。滕宏遠。包安燠。張正科。滕加烈。五人名目。其羅名成。黃在忠。秦興貴。滕成玉。田祖典。五名。或訪獲首夥各犯。或先期奉差赴省。均未在場滋事。其李奉良一名。亦據保鄰人等供無聚眾為首實跡。該督訥爾經額辦理此案。尚無草率疏縱。著無

庸議。○又諭。鍾靈奏請清查運庫懸款一摺。山東運庫錢糧款目。據新任運司馬光瀾稟稱。查前任交冊內。有累年那墊實欠在商之款。自應盤查辦理。著經額布就近派委妥員。前赴運庫。檢齊各冊。按款詳查。俟鍾靈辦理長蘆加價完竣後。前赴山東。會同該撫切實嚴查。因何懸欠。究係何款。實欠何商。查明後。或勒限參追。或封產變抵。分別妥議。嚴定章程。奏明辦理。○撫卹朝鮮國遭風難夷如例。

○己巳遣官祭

歷代帝王廟。○諭軍機大臣等。據奕山等奏。體察葉爾羌所屬卡外色呼庫勒地方被賊占據情形。並會同籌畫辦理緣由。暨續探卡外情形。又奕山奏。發給霍罕諭帖各摺。覽奏均悉。天朝控制外夷。總當慎守邊防。不可輕舉妄動。致啓釁端。疊次所降諭旨。該參贊等自當懍遵。況色呼庫勒地方。距葉爾羌八百餘里。係屬卡外。現既探得列什格爾胡什伯

克業經旋回霍罕。所留僅止二百餘人。應即諭知該回子等設法抵禦。亟圖收復。自固藩籬。該參贊等惟有操練兵丁。遙作聲援。尤不宜輕議出兵。昧以逸待勞之義。設卡外回眾不勝蹂躪。情願將家眷人口。搬在卡內居住者。著妥為安插。以示體恤。至霍罕明巴什邁瑪薩依特與呼岱達之信。及作霍爾敦差派回子偵探之信。傳聞異詞。虛實難料。即該參贊等上年十月內傳諭霍罕。未見回音。彼虜

遠在外夷。非比內地有期限可查。是否接到傳諭。均難豫定。該參贊等此時祇宜嚴加防範。以備不虞。儻該夷膽敢進卡。肆意滋擾。勢須調兵。即著體察情形。一面奏聞。一面調集各城兵丁。合力勦捕。以壯國威。而靖邊圉。將此由四百里各諭令知之。○庚午。宗人府會同刑部審明莊親王奕劻與典賈玉之子演唱姦宿屬實。得旨。莊親王奕劻擬以折罰親王半俸九年。自係照例辦理。惟情節甚屬卑

鄙。奕劻著實罰親王俸五年。以示懲儆。○山東登州鎮總兵官周志林。以親老乞養。允之。以陝西靖遠協副將富桑阿。為登州鎮總兵官。○辛未。

上詣綺春園問

皇太后安。○御勤政殿聽政。○遣官祭賢良祠。○諭內閣。前因御史和豐奏。抽查漕糧。御史請另挑書役。頒給關防等情。降旨。令都察院議奏。茲據奏稱。御史抽查漕糧。所用書役。向

由坐糧廳及順天府所屬揀派。惟在抽查御史嚴密防範。有犯必懲。俾知斂戢。若稍涉疏縱。無論何處揀派吏役。皆可作奸犯科。所有奏請另挑書役之處。著無庸議。至查倉查庫稽查甲米各科道。遇有文移。向俱鈐蓋本任印信。抽查事同一例。毋庸特頒關防。惟大通橋地方。係在城外。抽查為期較久。鈐用本任印信。有無窒礙。著都察院再行查明具奏。○以翰林院侍講學士柏葰為詹事府詹事。○

貸山西吉寧鄉陽高左雲五寨保德和順七州縣上年歉收貧民倉穀並緩買右玉靈邱山陰寧武定襄渾源大同朔平魯代五臺繁峙保德和林格爾清水河偏關隰文水介休寧鄉懷仁寧遠沁水武鄉河曲臨汾霍靈石垣曲二十九廳州縣運倉穀石。○壬申諭內閣戶部奏覈議賀長齡代臬司唐鑑奏請扣廉完繳官項一摺唐鑑前在安徽寧池太廣道任內應賠蕪湖關少收盈餘稅銀既經該部奏明予限三年完繳自應遵照例限辦理何得率行稟請將伊現任養廉按年分半扣抵殊與部限不符著賀長齡嚴飭該臬司唐鑑即將前項未完銀兩仍照該部奏定限期全數完繳以清官項如再有遲逾即照定例辦理。○又諭戶部覈議銅船行走遲滯弊端一摺銅鉛攸關鼓鑄自應迅速趨運無誤期限遇有在途守風阻水等事例由地方官取結詳明督撫咨部備查近來咨報遲延部中

漫無稽察殊非慎重辦公之道嗣後銅鉛各運如有風水阻滯情節著沿途各督撫即將該運員因何耽延日期之處確切查明務於各運抵京以前聲明到部以憑考察倘有徇隱捏報情弊著即指名嚴叅毋稍姑息。○又諭琦善奏現辦擬徒水手人數眾多均遞回原籍充徒等語此等匪徒犷悍性成自未便於近畿重地安置既經該督於審結後遞解原籍充徒著即妥速護解沿途地方官一體查察毋許逗留復滋事端其外遣軍流各犯仍照例由直隸發配該部知道。○旌表守正被戕四川西昌縣民方如剛女小鳳。○癸酉諭軍機大臣等前據鍾靈奏請清查山東運庫懸款當有旨令鍾靈前赴山東會同該撫切實嚴查矣本日復據經額布奏正署運司催徵不力將商欠銀兩虛報全完應行逐細確查勒限追比等語此案運庫課款現據該撫查明程德潤任內以商欠作完並綱首以

領作繳。共虛懸銀十二萬二千四百三十一兩零。陳嘉樹任內。以商欠作完銀八萬一千四百七十二兩零。均因奏銷屆限。徵不足數。率行具報全完。以致虛懸庫款。愈積愈多。自應徹底清查。以歸覈實。著鍾靈仍遵前旨。前赴山東。會同經額布。將運庫存貯銀兩。逐加彈兌。即行查明。此項虛報情弊。是否起於程德潤。抑從前各任運司。亦有似此虛報之款。務即確加查覈。是何款目。此外有無不實不

盡之處。據實奏。斷不准稍有含混。並即飭提欠課各商。勒限嚴追。總期庫帑有著。毋得再有懸宕。至該撫自請議處之處。著俟定案時再降諭旨。將此諭知經額布。並傳諭鍾靈知之。○又諭。經額布奏。請將捕務廢弛之知縣革職。並將督緝接緝之知府等交部議處一摺。已明降諭旨。分別解任議處矣。此案前署山東莘縣知縣楊時泰。在署睡宿。被賊撥開屋門。用槍扎劃傷右臂等處。該員大聲叫

喊。賊即逃逸。失去衣服四件。經該撫勒限緝拿正犯。迄今未獲。該員楊時泰身在衙署內。外應有防範。賊匪何能直抵卧榻逞兇。情形甚屬可疑。自應迅將該犯拏獲。訊明是讐。是盜。按律懲辦。如果實係盜賊。該員等捕務廢弛。自有應得之咎。儻該犯竟係挾讐謀害。進署傷官。該員楊時泰既經受傷。又復革職。是該犯轉得售其奸計。而楊時泰反受屈抑。殊非情法之平。所有前署莘縣知縣楊時泰著

解任留於地方。協同現署莘縣知縣杜丕謨。勒限緝拏。務獲正犯究辦。俟訊明後再行分別辦理。該撫即飭各該員上緊緝捕。務於限內弋獲。毋任遲延。致干咎戾。將此諭令知之。

○甲戌。

孝昭仁皇后忌辰。遣官祭。

景陵。○諭內閣。嗣後凡京堂御史。緣案降補。以及原係京職。降調補官。指明以何官降補。或仍回本任。並廢員起用。捐復降捐人員。如係

一體升轉。其原案內並無不勝外任。及奉特旨停升者。計俸合例。俱著准其保送京察一等。並著吏部於本內將該員等原案情節。詳晰聲敘。吏部即纂入則例。通行各該衙門遵照辦理。○又諭。給事中鄭世任奏。請飭各直省操練民壯等語。各直省州縣設立民壯。以衛庫獄。例應與兵丁一體操演。庶無事則可供差遣。有事則藉資保護。若如該給事中所奏。近來各州縣民壯。僅止解犯送差。平時並不認真操練。以致緝捕不能得力。似此積習相沿。必當力加整頓。除直隸一省。前因琦善具奏條款。業經降旨准行外。著各直省督撫嚴飭各屬。遵照定例。招補足額。責成州縣官勤加訓練。造冊移送營員。每月隨營操演。分班在署值宿。其不住宿者。授以紀律。令其與營兵相為聯絡。一聞傳呼。立即會集。其民壯器械。亦即存貯住宿之處。以資捍衛。該督撫等務當董率文武員弁。實力奉行。隨時查覈。

不得虛應故事。仍致有名無實。將此通諭知之。○諭軍機大臣等。本日據給事中鄭世任奏。湖南營伍廢弛。請飭整頓一摺。據稱該省撫標左右兩營。及長沙協左右兩營。馬步守兵。平時雖按期操演。而技藝未能優嫻。且澆薄成風。不耐勞苦。往往酗酒恣肆。吸食鴉片。並不恪守營規。其中老弱殘廢之兵。遇有差操。倩人頂替。其缺額者。既未能招募如數充補。而各將領衙署。復以兵丁服役。恬不為怪。至各鄉村塘汛。碉堡傾圮。煙墩坍塌。平時並無守汛之兵。即有在汛者。俱係罷輟無能之卒。見有匪徒。並不盤詰。難望其擒拏盜賊。保護行旅等語。湖南省城兵額不少。如果該省文武大員。勤加整頓。何至營規廢弛。兵額虛浮。著林則徐。訥爾經額。薛陞等。嚴飭各將弁。嗣後認真操演。汰孱弱之卒。除頂冒之風。補缺額之兵。嚴服役之禁。其塘汛地方。擇兵丁技勇精強者。駐守巡緝。如仍前疏懈。即將該

將弁據實嚴叅。庶幾兵成勁旅。餉不虛糜。而一兵收一兵之用矣。將此各諭令知之。尋奏遵查湖南省城標營。尚無廢弛。現飭嚴加整頓。以重操防。得旨。隨時整飭。有廢必興。勿致積重難返。是為至要。勉之。○釋遣戍己革都統高喀爾。回京。以頭等侍衛休致。賞其子己革三等侍衛安興。阿克興。阿藍翎侍衛。○旌表守正捐軀江蘇銅山縣民李碧倉妻陳氏。○乙亥。諭內閣。給事中清長奏。請責令筆帖

式繕寫清文一摺。各部院所設筆帖式。職司繕寫清文。原不應假手於供事書吏。若如該給事中所奏。近來各部院衙門。難保無供事書吏代寫清文之事。恭查嘉慶二十四年。奉有永遠禁止

諭旨。自應欽遵辦理。嗣後凡有清文事件。應責成筆帖式繕寫。以符體制。並著各衙門查明。此後如再有代寫等弊。該堂官據實叅奏。將失察之該管官員。並雇倩供事書吏繕寫清

文之筆帖式。一併交部分別議處。○又諭都察院。奏查明各省京控咨交案件。逾限未結。並上次展限已逾。仍未審結各案。開具清單。呈覽。各省州縣審斷不公。致令屬民來京具控。經各衙門咨交之後。各該管上司。自應勒限嚴催。將未結各案。迅速審辦。以免懸宕。茲據都察院查明該衙門咨交各省逾限未結。統計十三案之多。步軍統領衙門咨交各省逾限未結。統計十案之多。似此任意積壓。玩

泄已極。著吏部即將承審逾限各督撫將軍府尹。及委審各員。應得處分。查取職名。分別議處。並著各督撫將軍府尹。將咨交各案逾限未結。並上次展限已逾。仍未審結各案。迅速審辦完結。毋再任意宕延。致干咎戾。○諭軍機大臣等。本日都察院奏。廣東東莞縣命婦盧尹氏。遭抱告盧光。以已結圖翻故勘。故禁等詞一摺。已明降諭旨。交朱士彥。蘇勒芳。阿審辦矣。此案前經交朱士彥等審辦。尚未

據奏結何以該氏復遭抱告來京具控。著朱士彥等將案內情節逐細研究。毋得稍有不實不盡。以成信讞。原呈著發給閱看。將此諭令知之。○刑部覆奏貝子德勒克色楞府內護衛富年阿以誑騙台吉三達拉西里等銀兩。經府中頭等護衛呢瑪枷號。富年阿負枷私逃。經汛兵盤獲。送部鞠究。富年阿應革去護衛。照誑騙人財物計贓。依竊盜律杖八十。徒二年。餘分別擬結。得旨。德勒克色楞三達

拉西里均著交理藩院議處。枷具係屬官刑。非府第所應有。嗣後該府僕再有私藏私造擅用刑具等情。一經查出。定當重治其罪。決不寬貸。○丙子。

皇后千秋節。宮內行禮如儀。停止筵宴。及在外福晉命婦行禮。○諭內閣。向來抽查漕糧御史往來文移等件。是否俱係本道印信。豫印空白備用。抑係用硃筆書寫印字。翔鳳那瑪善。承光。况澄。近年均曾派抽查漕糧差使。著

各據實具奏。○兩江總督陶澍等奏嚴禁河工遊幕人等盤踞招搖。得旨。以公以實。復能任怨。方為不負委任。諒卿等自有良心也。懍之勉之。勿欺二字。尤不可忽。○修浙江東西海塘柴埽各工。從巡撫烏爾恭額請也。○丁丑。諭內閣。御史雙壽奏請飭旗營弁兵足額實力巡防京倉一摺。京城倉儲米石。為軍糧民食所關。必應認真巡查。以杜宵小偷竊。若如該御史所奏。近年防範廢弛。兵丁雇替該

班並未值宿。以致賊匪越牆盜米。復在堆撥空房寄贓。殊屬不成事體。著八旗都統步軍統領各衙門。遴派章京營弁。稽查兵丁。務當足額。不得冒名雇替。各按該管地面。常川梭織。實力巡邏。至附倉堆撥房間。為兵丁所棲止。著該管衙門查明。如有實在坍塌應行修補之處。即報明咨部修葺。儻該章京等仍前怠玩。該兵丁等復有雇替曠班情弊。著即查明嚴參懲辦。毋稍寬縱。○又諭。御史蔡瓊奏

驛馬缺額。貽累地方一摺。各直省設立驛站。支應差務。馬匹數目。馬乾銀兩。俱有定額。其有倒斃者。例准支價買補。原不准苛派民間。藉端滋擾。若如該御史所奏。有驛州縣馬匹缺額者居多。每遇差務。先期四出。將民間馬匹。牽留公所。得錢者賣放。餘則應役。並有連打過站。牽涉長途者。該御史前於道光十五年間。出差貴州湖南等省。曾經目覩。自係實在情形。著各直省督撫嚴飭有驛州縣。將缺

額馬匹。買補足額。以符定制。各省臬司。郵政是其專責。著實力稽察。遇有馬匹缺額。延不買補。藉差滋擾民間。即行嚴叅。如稍事徇隱。別經發覺。定將該臬司一併懲處不貸。將此通諭知之。○又諭。朱士彥等奏。查明隨帶司員並無贓私一摺。此案解任刑部主事白讓卿。於隨帶廣東審案時。曾託銀號代寄箱隻。解任江蘇蘇松太道陽金城。攜帶箱隻至十七隻之多。經朱士彥等提同該員家丁等。反

覆研究。俱係置買物件。委無婪索情弊。復檄調巡捕殷輔等質訊。僉稱實無私謁餽送等情。至南雄州知州吳毓鈞。奉委進省與白讓卿等素不相識。無從進謁。查白讓卿等尚無得受包苴。餽賂實跡。惟以隨帶審案司員。不知遠嫌。致滋物議。均有應得之咎。白讓卿陽金城。俱著交部議處。○又諭。解任道員陽金城。稟計廣東盧尹氏控案。該省書吏。有換信之事。茲據朱士彥等查明。委係該書吏等黏

卷舛漏。復因移交卷宗。漏黏呈批。該地方官失於覺察。實屬疏忽。廣州府知府珠爾杭阿。佛岡同知潘尚楫。均著交部議處。陽金城記憶不真。率行具稟。亦屬冒昧。著一併交部議處。○又諭。色卜星額奏。知縣勸捐。恐有科派情弊。請旨暫行革訊一摺。安徽蒙城縣知縣陳觀理。勸辦義倉。詳冊草率。既經該撫飭查。該縣有刊刷收錢執照之事。復經被控戶書藉端科派。是否該員知情故縱。必應確切根

究。陳觀理著暫行革職。交色卜星額提同被控戶書王彩芹等徹底研訊。務得實情。定擬具奏。尋奏。查陳觀理並無故縱書吏藉端科派情弊。應請開復。蒙城縣冊書誣控戶書王彩芹。藉端科派。坐如律。下部議。從之。○諭軍機大臣等。本日據朱士彥等奏。審明已革刑部郎中盧應翔實有挾嫌唆訟情事。據眾證定擬一摺。已明降諭旨。著大學士、軍機大臣會同刑部覈議具奏矣。此案昨據都察院奏。盧尹氏遺抱告盧光具控。因朱士彥等尚未奏結。是以降旨飭令審辦。茲據奏盧應翔實有挾嫌唆訟情事。據證定擬。案已完結。所有盧尹氏遺抱告所控。著無庸覆審。朱士彥接奉此旨。著即馳赴浙江查辦事件。抱告盧光著蘇勒芳。阿交地方官照例辦理。將此由四百里各諭令知之。○安徽巡撫色卜星額奏。查明前署合肥縣知縣張清元。委無廢弛民事。惟長隨傅明因公被責。旋即病故。得旨。張

清元於長隨傅明奉差解犯。匪不上路。致犯脫逃。既經訊責。復行決杖。究有不合。著交部察議。○改鑄湖南永興縣高亭巡檢移駐桂陽縣文明市地方印信。從巡撫裕泰請也。

大清宣宗效天符運立中體正至文聖武智勇仁慈儉勤孝敏成皇帝實錄卷之二百九十四

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十五

監修總裁官禮部尚書太子太保體仁閣大學士文淵閣領事官理戶部事務上書房總辦清翰林院掌院學士奉直

天府府尹事務總辦加五級紀錄十八次日費振德載官監修纂修官吏部尚書錢寶琮兵部尚書那桐禮部尚書內務府大臣稽察

七倉大臣稽察會同四譯館事務錄加一級隨帶加六級奉功三級紀錄五次日費沙阿監修纂修官吏部尚書錢寶琮兵部尚書那桐

內務府大臣稽察會同四譯館事務錄加七倉大臣稽察會同四譯館事務錄加六級隨帶加六級奉功三級紀錄五次日費沙阿監修纂修官吏部尚書錢寶琮兵部尚書那桐

留風道副及事務總辦加十八級日阿查阿副監修纂修官吏部尚書錢寶琮兵部尚書那桐加六級紀錄二十次日費沙阿監修纂修官

載修

道光十七年丁酉三月戊寅朔清明節

上詣

安佑宮行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○諭內閣朕此次恭奉

皇太后安輿詣髻髻山拈香啓鑾後著派惇親

王綿愷大學士長齡阮元吏部尚書湯金釗

留京辦事○又諭怡良奏前任給事中瞿溶

呈控漕務等語瞿溶以丁憂在籍人員干預

地方公事著交部議處○又諭鍾靈奏失察

庫款虛懸自請議處一摺鍾靈著仍遵前旨

前赴山東會同經額布將庫存款項逐細盤

查其自請議處之處俟定案時再降諭旨○

諭軍機大臣等據怡良奏丁憂在籍給事中

瞿溶呈控常州各縣收漕積弊已明降諭旨

將該員交部議處矣蘇省漕糧額數甲於他

省。現當徵收趕緊兌開之際。若紛紛查辦。必致小民觀望。抗玩不前。自當持以鎮靜。趕辦正供。該護撫所見甚是。著陳鑾怡良即飭該糧道督令各州縣趕緊交兌。無誤漕行。統俟各縣漕務完竣。幫船全數渡江之後。即將該給事中所指各情。確切查明。據實覈辦。總之天庾正供。在所宜急。而不肖州縣浮收勒折之弊。不可不懲。該撫等惟當勤恤民隱。率由舊章。以裕國計而厚民生。是為至要。將此諭令知之。○己卯。

上詣綺春園問

皇太后安。○命定郡王載銓在御前行走。○旌表守正捐軀山東德州民郭和妻李氏。○庚辰以御前大臣奕紀為後扈大臣。○以右春坊右庶子廣林翰林院侍講賈楨充日講起居注官。侍講學士馮芝署日講起居注官。○辛巳諭內閣琦善奏請將副將革職等語。直隸開州協副將王連元於屬弁婪贓重案。率

信捏稟了事。實屬昏憤。王連元著即革職。大名鎮總兵岳興阿一接呈詞。即稟請查辦。尚無回護惡習。所有失察處分。著加恩寬免。○諭軍機大臣等。有人奏南河劣幕沈廉沈英鑽營庫貯。盤踞把持。兄弟子姪與廳員等勾結一氣。朋比為奸等情。復有人奏南河庫貯出入支銷。前後牽混。應修各工。虛開丈尺。為開銷地步。購備料垛。虛鬆攪雜。工員劣幕。翫法營私。牢不可破等語。著朱士彥於查辦浙江事竣後。馳赴清江浦。將摺內所指各情節。逐一加體訪。並將歷年庫存出入徹底盤查。有無牽混。其本年新收及現報明歲應修各工。務即前往勘驗。有無各項情弊。僅有劣幕盤踞把持。著一併據實具奏。嚴行懲辦。毋稍徇隱。二摺俱著鈔給閱看。又安徽池州府知府吳琪惟利是趨。屬員厚送贊敬。投拜門生。該屬員等倚勢撞騙。並捏報捐銀。妄圖議敘。復將族人親友勒薦屬員。及侵那穀價。並於所

屬開設鹽店。種種弊端。如果屬實。均干法紀。不可不嚴行查究。著該尚書馳赴該處認真查訪。按律究辦。毋得受人欺朦。致有不實不盡。原摺著發給閱看。將此諭令知之。○以拏獲糧船滋事水手。予直隸知縣蔡廷熊等升敘有差。○壬午。撥福建鹽務每年生息銀二萬兩有奇。為漳泉等處緝捕招解經費。從總督鍾祥等請也。○癸未。諭內閣。前據御史和豐奏。抽查漕糧往來文移。均係硃標印字。請

頒給關防。以杜書吏假冒之弊。當交都察院議奏。嗣因都察院覆奏。抽查各科道。遇有文移。俱鈐蓋本任印信。毋庸特頒關防。復降旨令該衙門再行查明。旋據奏稱。向來派出御史。俱用本道印信。豫印空白片十數紙。攜往備用。並稱面詢曾任抽查各科道。所言僉同等語。因思抽查漕糧各員。輪年更換。其果否用印。或用硃標。不難查考得實。降旨令翔鳳等各據實具奏。該員等覆奏摺內。均稱祇用

硃筆標寫印字。並無豫用空白之事。復飭取倉場及坐糧廳文移等件檢閱。凡係該御史抵大通橋抽查。所有文移。均係硃標印字。並非豫用空白。該都察院憑何覆奏之處。著該堂官再行明白回奏。○諭軍機大臣等。御史劉夢蘭奏。山東鹽務敝壞。舊商久經革退。新商未據認充。請飭妥議章程一摺。據奏上年四月內。長蘆鹽政鍾靈因東商疲敝。奏請革退安壽長等六十餘商。另招新商接辦。迄今

一年之久。未據奏報接充有人。並奏山東省鹽務疲敝已久。恐有相沿陋規。裁汰未盡。以致商人受累。抑或有引地情形。今昔不同。辦理窒礙。宜加變通各等語。山東鹽務。現有商欠虛報全完之案。前經降旨著該鹽政會同該撫盤查。上年革退安壽長等六十餘商。是否接充有人。相沿陋規。有無裁汰未盡。引地情形。今昔辦理有無窒礙。或宜量加變通。著經額布等通盤籌畫。妥議章程。務期弊絕風

清可行久遠。方為盡善。僅含糊辦理。敷衍一時。日後或至虧帑滯銷。該撫等不能辭咎也。將此諭知經額布。並傳諭鍾靈知之。尋奏鹽務疲敝。由今昔引地情形不同。兼之銀價日增。商本日耗。接充認引之商。尚少六家。已嚴飭運司迅速妥辦。至浮費陋規。久經裁汰。報聞。○甲申。禮部議准安徽巡撫色卜星額疏。報採訪青陽縣貞節婦女施葉氏等一千四百五十三口。請建總坊旌表。從之。○乙酉。

上詣

大高殿行禮。

時應宮拈香。○還宮。○以緝捕出力。予江西知縣李世琦等議敘有差。○丙戌。諭內閣。御史清平等奏。各省應投公文。多有遺漏一摺。陝西道御史專司稽查工部事務。向來各直省。凡遇修造工程。動用錢糧。俱備具文移冊結投送。以憑查覈。茲據該御史等奏。近年各省。送到工程冊結。並委解物料等項文批。參

差不齊。遺漏甚多。殊不足以昭慎重。嗣後著各直省督撫。鹽關織造。凡事關工程支銷錢糧。及解交工部銀兩物料等項。均著遵照向例。備具冊結。簽填批文。一體赴陝西道投遞。俾隨時稽查。以重帑項。而防浮冒。○又諭。賽尚阿等奏。酌議鼓鑄卯額。並請飭催途次銅鉛。寶泉局庫現存銅斤。按每月六卯鼓鑄。可敷本年九月分之用。現存白鉛。可敷次年正月分之用。現存黑鉛。可敷六十五箇月之用。著自本年三月起。至九月止。每月仍按六卯鼓鑄。其本年九月以後卯額。屆期察看情形。再行具奏。至寶泉局在途各運銅鉛。必須依限抵京。方資接濟。著各該督撫。嚴行催趲。毋令稍事遲延。其行抵清江過壩後。仍責成沿途各督撫。漕運總督查照前案。相機隨漕插檔行走。務期遵照例限。迅速抵京。以資鼓鑄。○又諭。都察院堂官。於降旨飭令查明抽查御史所用文移。是否蓋印。抑係硃標印字。未

能詳細查明。即行覆奏。殊屬草率。武忠額李
宗昉麟魁。琦琛毛式邵。李振祐。均著交部議
處。所有抽查御史關防。著禮部另鑄。發交都
察院。屆時飭令派出御史領赴大通橋。於一
切文移。照例蓋用。差竣仍繳存都察院。嚴密
存貯。以昭慎重而專責成。○引見各衙門保
送御史人員。得旨。張灝尋步月。胡長庚杜彥
士。王庭蘭張秉德鄭瑞麟。俱著記名。以御史
用。○丁亥。

上耕藉詣

先農壇行禮。更服至藉田所。

躬耕三推。復加一推。

御觀耕臺。命禮親王全齡莊親王奕劻順承郡
王春山。各五推。吏部右侍郎恩桂。戶部右侍
郎賽尚阿。禮部右侍郎王植。兵部右侍郎耆
英。刑部左侍郎劉彬士。工部右侍郎廖鴻荃。
都察院左副都御史琦琛。通政使司副使那
斯洪阿。大理寺卿德誠。各九推畢。順天府府

尹。率農夫終畝。賞賚農夫耆老如例。○詣
關帝廟拈香。○幸圓明園。○詣綺春園問
皇太后安。○以大學士穆彰阿署直隸總督。○
以耕藉禮成。春膏渥沛。予御前大臣。從耕王
大臣暨執事人員。加級紀錄有差。賞校尉銀
鐲。○戊子。

孝賢純皇后忌辰。遣官祭。

裕陵。○諭內閣。前因御史朱成烈奏查拏糧船
滋事水手。宜先清其巢穴。當降旨令漕運總
督及有漕各督撫妥議具奏。茲據烏爾恭額
奏稱。浙江糧船水手。自歷次奉旨查辦後。皆
知儆懼。濱河一帶。並無搶奪兇鬪案件。亦不
敢仍復老堂經堂名號。現在明定章程。層層
稽查。使故智不得復萌等語。該省水手習教
逞兇。已非一日。雖疊經整頓之後。其桀驁不
馴之氣。已覺斂戢。但恐約束不嚴。復滋弊竇。
著照該撫所議章程。嗣後投充水手。統由旗
丁主持。不准年久水手私自收留。如遇新船

雇令撐駕。各由弁丁選擇。不准結夥強占。每年各幫歸次時。先由旗丁頭舵。出具並無老堂經堂各項名目切結。由幫弁覆覈。移送州縣。並責令總運會同印委各官。復加確查。有則立時拏究。盡法處治。無則加結申送備查。仍循照舊章。由該撫派委文武員弁。彈壓管束。開行後。責成糧道督飭總運幫弁。隨地稽查。不得鬆勁。其沿河茶酒等鋪。如有寄贓等弊。責成該地方官察訪嚴懲。儻旗丁頭舵敢於容隱包庇。或幫弁總運及地方文武各官。查辦不力。一經察出。分別懲辦嚴叅。以儆玩愒。庶使宵小無所容身。幫丁共遵約束。而習教逞兇惡習。得以斷絕根株矣。至泰子船一項。據該撫查明。現在並無此項名目船隻。以後如再有滋事。及老堂經堂名目。別經發覺。惟該撫是問。毋得視為具文也。○諭軍機大臣等。瑚松額等奏上年西藏貢使堪布等行至通天河岐米加納。並托遜諾爾地方。被四

川所屬格爾次暨果洛克番賊。兩次搶劫。本年二月初八日。經派出之扎薩克等於通天河腦曲麻爾地方。探明蹤跡。殲斃番賊數十人。捉獲活賊六名。割獲首級二顆。耳記二十五片。番婦小孩六名。口起獲堪布原贓已啓未啓皮包三十箇。牛一百六十五隻。羊一千六百七十四隻。馬二匹。槍十桿。並投出擄去西藏番民尼莫一戶。男婦大小十四名。口餘賊盡皆遠竄。無蹤等語。通天河岐米加納並托遜諾爾。係堪布入貢往來必經之路。四川所屬格爾次暨果洛克番賊。膽敢搶劫包物。經瑚松額等派扎薩克等嚴加懲創。自可斂跡。惟野番愚頑性成。此等彼竄。著凱音布鄂山嚴飭所屬協力緝拏。如有竄逸番賊。立即查辦。俾聞風生畏。道路肅清。以柔遠人而安行旅。是為至要。將此各諭。令知之。○以吏部尚書奕經署鑲黃旗滿洲都統。○以緝捕番賊出力。賞扎薩克台吉集克默特旺舒克等

花翎蒙古兵丁阿立達爾等藍翎青海衙門金頂頭目何士攸六品頂帶。○己丑諭內閣本日據連貴色清德奏查出曠誤文職六班大臣各一摺。本月十一日進六班之連貴接到進班單內係吉倫泰名字。乃巴清德接到進班單內又係恩桂名字。究係輪應何人進班。因何曠誤之處著恩桂吉倫泰明白回奏。○又諭鄧廷楨等奏越南國遣使尋訪被風船隻請照會該國俾循定例一摺。向來各國

夷船來粵均有該國王咨呈為憑如遇難夷船隻即由該省分別覈辦咨送回國天朝體恤外藩之意至為詳備越南國久列藩封素稱恭順所有航海來使自必恪遵定例乃上年七月間有該國夷船駛至澳門外難頸洋面灣泊據該使李文馥等稱因傳聞該國水師平字等號船隻洋面遇風流入粵省瓊崖等處經該管商舶官派出伊等來粵尋訪等語當經廣州府海防同知馬士龍會同營員

查詢祇據呈出管理商舶官所給憑照一張並無該國王咨呈雖查驗該船尚無夾帶貨物究與定例不符既據該督等飭屬查覆並無該國被風船隻漂泊到境並派舟師護送該夷船出境仍著鄧廷楨等傳諭該國王申明舊章嗣後或有遭風船隻漂入粵洋定必護送回國斷不令其失所該國王務當恪遵定例不得仍前遣使航海遠來僅與內地別有交涉事件俱由該國王備具咨呈遞交內

地欽州陸路轉遞到省以符定制○諭軍機大臣等特依順奏添設擡礮慎重操防一摺據稱該副都統前在福州協領任內教演擡礮倣照西安滿洲營式樣製造施放有準遠至二百餘弓較子母礮速捷便利密雲地屬衝繁隘口若照福州滿洲營擡礮式樣添設二十位教演熟習甚於操防有益現由京召匠加工製造每位價銀十五兩共需銀三百兩請於該副都統養廉銀內賞借三百兩以

便製造。並請將此項銀兩。在於應支養廉銀內。作三年分為六季扣留歸款各等語。該副都統既稱臺礮施放有準。於操防有益。自應准其添設。該副都統養廉無多。此項添設礮位。本係因公。朕無難全行賞給。但恐各處紛紛濫請。轉多窒礙。著穆彰阿飭令藩司顏伯燾於庫貯閒款內撥給銀三百兩。俟覆奏到時。再降諭旨。將此諭知穆彰阿。並傳諭顏伯燾知之。○又諭。本日據蘇勒芳阿奏官兵攤

墊庫項。暨孟魁奏任意妄行剋扣兵餉各一摺。又孟魁附摺奏請察議各等語。朕詳加披閱。該將軍等所奏各執一詞。是非難以懸定。亦斷不可不嚴行懲究。著寶興接奉此旨。無論行至何處。即馳驛前赴廣東省城。會同鄧廷楨揀派中正明幹道府州縣三四員。將該將軍等摺內所奏各情節。孰是孰非。逐一詳細查明。務期水落石出。以成信讞。若含糊了事。祇知和息調停。則深負委任。自外生成矣。

其海明虧空之案。亦著寶興鄧廷楨提集查明究辦。無庸蘇勒芳阿會審。原摺片三件。並蘇勒芳阿等奏奏海明摺二件。協領文達等印票一件。著發給閱看。將此由四百里諭知寶興。俟抵廣東。即面交鄧廷楨一併閱看。○軍機大臣潘世恩等議覆盛京將軍奕劻奏派員請領官兵俸餉章程。盛京戶部每年豫領東三省官兵俸餉。向係出派庫關防一員。協領一員。前赴部庫關領。惟吉林黑龍江二

省應領俸餉。由該省出派協領佐領等官各五六員。豫赴盛京守候。俟領員押解銀兩到奉天時。再行照數發給領回。該二省領員。除例支行糧外。仍日支坐食。歷年應領銀兩。多至一百四五十萬兩。所需拉運車輛。多至五十輛。長途防護。僅有二員。車多路遠。難以兼顧。請嗣後每年東三省應領俸餉等銀。於吉林黑龍江派出領員到奉天時。由該將軍等覈計各該省應領銀若干兩。即在該二省

派出委員內酌撥數員。隨同奉天委員赴部領取照數分撥。公同防護。其未經派出之員。仍照舊章在盛京守候。統俟領解到奉天後。會同解回。從之。○准大通橋車戶承買黑豆二萬石。津貼車價。○庚寅。

上奉

皇太后啓鑒。幸髻髻山。○詣

皇太后行宮問安。○諭內閣。昨據巴清德連貴

奏。恩桂等曠誤文職六班。當降旨令恩桂。

吉倫泰。明白回奏。茲據恩桂。吉倫泰。各具摺

覆奏。恩桂派署鑲黃旗護軍統領。係啓鑒以

後差使。本月十一日。尚在未經啓鑒之先。自

應照常進班。即如巴清德亦係隨扈之人。是

日仍進護軍統領班。恩桂所署係中山本缺。

設使是日適遇班期。自有中山進班。恩桂何

得輒以不能兼顧為詞。致曠文職本班。恩桂

著交部嚴加議處。吉倫泰接到恩桂知會。並

不查明是否應推。斟酌確實。以致曠班。亦屬

不合。吉倫泰著交部議處。尋議上。得旨恩桂

著實降一級。補授內閣學士。仍帶降二級留

任。不准抵銷。吉倫泰著降三級留任。不准抵

銷。○賞後扈大臣奕紀。黃馬褂。○禮部議准。

江蘇巡撫怡良疏報採訪安東縣貞節婦女

秦楊氏等一百七十八口。請建總坊旌表。從

之。○免蹕路經過地方本年額賦十分之三。

○是日駐蹕三家店行宮。○辛卯。

上詣

皇太后行宮問安。○賞蹕路經過地方看守行

宮弁兵半月錢糧。○是日駐蹕髻髻山行宮。

翼日如之。○壬辰。

上奉

皇太后詣髻髻山拈香。○詣

皇太后行宮問安。○癸巳。

上詣

皇太后行宮問安。○祭

先蠶之神。遣妃行禮。○諭內閣。前因給事中

陳功奏。上屆越南貢使入關。經過廣西等省。每站人夫。用至四五千名。並有搭差搭貢等弊。當有旨令梁章鉅查明具奏。茲據奏稱。該國貢使。向係查給勘合傳牌。由各州縣應付。上屆所稟夫船數目。均與向定章程相符。並無赴補赴選佐雜武弁等員。及幕友長隨裝載私貨。搭貢搭差各名目。實無濫派人夫等語。越南貢使進京。廣西省向俱派委文武大員稽查彈壓。沿途應付人夫船隻。自應照例付給。不得假公濟私。致滋擾累。現雖據該撫查明。並無前項情弊。惟文武委員。均有隨從家丁人等。難保無藉差滋擾情事。本年該國貢使進京。現已開關。該撫惟當於該使臣起行之日。酌定護送各官應用人夫數目。妥為伴送。不得稍有浮冒。仍隨時嚴密查察。儻護送文武官員。並該家丁人等。仍有私帶貨物。及間雜人等。隨途附搭等事。即著梁章鉅嚴叅懲辦。其經過各省督撫。亦著一體認真稽

查。照例辦理。以肅驛政。而杜弊端。○是日回鑾。駐蹕三家店行宮。○甲午。月食。○上奉

皇太后還綺春園。○還圓明園。○諭內閣。鍾祥奏各營火藥額貯不敷。請照例籌補一摺。閩省水陸各營。例應額貯三年火藥。出陳易新。輪轉購用。該督統計該省現存火藥。較之額貯。所短甚多。自應分次採購。著於山東山西河南廣東向產硝磺之處。酌量分別購辦。統於三四年間。照額補足。所需價腳銀兩。著即於各營公費暨棚馬扣存款內籌支。該部知道。○又諭。鍾祥奏請將鳥槍弁兵拔補營弁等語。各省武備。火器為先。水陸各員弁。均當精習鳥槍。方足以資教練。茲據該督查明閩浙兩省。向來拔補把總外委。並無選取鳥槍弁兵升拔之案。其馬兵缺出。亦無將鳥槍戰守各兵拔補者。與二缺後選拔一人之例不符。殊不足以昭覈實。嗣後閩浙兩省。凡遇把

總外委馬兵等項。輪應選拔鳥槍缺次。即以精熟鳥槍弁兵。考校拔補。務使各營員弁。於火器均能熟習。鳥槍兵丁。咸知奮勉。以重操防。而昭激勸。○以熱河都統嵩溥。為福州將軍。兵部右侍郎者英。為熱河都統。內閣學士倭什訥。為兵部右侍郎。候補內閣學士明訓。為內閣學士。兼禮部侍郎銜。○福建布政使陳崇禮。因病解任。以候補四品京堂吳榮光。為福建布政使。○贈故福州將軍長清太子太傅。賞銀五百兩治喪。予祭葬。諡勤毅。○乙未。

上啟鑒。詣明陵。○以乾清門頭等侍衛培成。為奉宸苑卿。○是日駐蹕工部廠大營。翼日如之。○丙申。

上詣明長陵。獻陵。泰陵。景陵。永陵奠酒。○諭內閣。本日朕親至明成祖等五陵酌奠。並遣大臣分詣諸陵行禮。憑眺山林。松楸無恙。敬念皇祖高宗純皇帝。特諭重修。規模煥若。

皇考仁宗睿皇帝兩次

親臨酌奠。朕仰紹

前謨。特行親祀。凡茲林木蔥鬱。殿宇巍峩。皆由

我朝

列聖德侔天地。以時培護所致。朕鑒輅經臨。再

申禁例。著該地方官飭令守陵人戶。敬司灑

掃。嚴禁砍伐樹木。永遠無懈。用副朕祇守

前徽。加護勝國陵寢至意。○諭軍機大臣等。本

日據朱士彥奏。稱遵旨查明蘇勒芳阿會審

各案時。所帶佐領印房章京劉士英。並未干

預公事。惟蘇勒芳阿常言孟魁於操演時。曾

稱病數日未到。挑備戰兵。副都統等不能幫

助。又鄧廷楨言及該處旗營公項虧短一案。

會審尚未定讞。孟魁疑有扣餉彌補之弊。出

示懸賞招告等語。著寶興於行抵廣東時。密

訪確查。其中懸賞招告一節。務得實據。秉公

具奏。原摺著鈔給閱看。將此諭令知之。○實

授明後裔延恩侯書桂。散秩大臣。賞花翎。○

以戶部左侍郎文慶兼署吏部右侍郎。○賞看守明陵陵戶四十四人銀錄。○旌表守正捐軀直隸平山縣民張進幅媳冀氏。○丁酉上還圓明園。○詣綺春園問

皇太后安。○戊戌以刑部尚書成格署翰林院掌院學士。○己亥諭內閣前因御史朱成烈奏查拏糧船滋事水手宜先清巢穴當降旨令漕運總督及有漕各省督撫妥議具奏。茲據李恩繹奏稱江西糧船水手向來不准收雇外來游民充當水次途中並無設立經堂聚眾搶掠等事亦無老官師傅及老安潘安泰子船名目現在明定章程嚴密稽察等語水手人數眾多易染惡習嗣後該省漕船歸次時責成該糧道督同總運丞倅按照年貌籍貫花名清冊逐一點驗探查每五船取具連環保結如有不法情事即將本犯查辦並將結保各船治罪頭舵人等各發給腰牌其附搭糧船人等均令造具清冊門牌懸掛艙

門嚴飭該弁按船稽查加結詳明糧道。○糧稽查不力別經查出即將該弁叅處並將總運附叅仍責成沿河地方文武各官於糧船行走停泊之處嚴密訪查如有水手開設店鋪暨坊肆廟宇設立經堂容留丁舵匪徒者立即查拏嚴辦如無前項弊端亦令加結詳明糧道。○糧稽查不力別經發覺即將該管地方官嚴行叅處。○經此次籌議章程之後該督撫務當嚴飭押運廳弁及地方官實力奉行毋得日久視為具文以杜奸萌而肅漕政。○又諭前據御史王藻等奏山西太原府知府珠瀾各款降旨交申啓賢查明具奏。茲據該撫督同司道各員逐一根究尚無被叅職私各款惟在大同府任內考試文童於所取案首鈔錄舊文未能看出並家人李八在大同府買房居家該員於護道任內派管宅門迨回大同本任不知避嫌仍今在署服役又失察李八添建高樓續置房產太原府知府珠

瀾著交部議處○調四川重慶鎮總兵官馬騰龍為松潘鎮總兵官。松潘鎮總兵官張作功為重慶鎮總兵官。○庚子。命工部左侍郎裕誠。右侍郎廖鴻荃。敬謹續估

孝陵

隆恩殿工程○命刑部左侍郎恩銘。右侍郎隆文。敬謹承修盛京

崇謨閣等工○辛丑。諭內閣。予告陝甘總督楊遇春。自乾隆年間。以武舉效力戎行。每遇軍

務。無不在事馳驅。身經百戰。歷事

三朝。懋著勳績。前於嘉慶年間。平定滑縣賊匪。仰蒙

皇考仁宗睿皇帝賞給二等男爵。紫禁城騎馬。旋晉一等男爵。朕御極後。賞加太子少保銜。並賞戴雙眼花翎。嗣因克復回疆四城。晉加太子太保銜。賞用紫韁。由提督擢任陝甘總督。於邊疆事務。控制得宜。老成威望。中外皆知。恪共忠蓋。實為國家股肱心膂之臣。前年

因年近八旬。舊疾舉發。懇請開缺回籍調理。朕不忍重違所請。特命來京。陛見。追念勳勞。加恩晉封一等侯爵。准其回籍。支食全俸。用昭優眷。上年冬間。四川總督鄂山來京。陛見。朕特親書福壽二字。頒發內府人。護十兩。今鄂山帶回。賞給祇領。方冀頤養林泉。永膺祉福。茲聞溘逝。悼惜難堪。披覽遺章。不禁垂泪。楊遇春著加恩晉贈太子太傅銜。兵部尚書。照尚書例。賜卹。入祀賢良祠。賞給銀二千兩。

在四川藩庫給發。俾得經理喪事。任內一切處分。悉予開復。應得卹典。該衙門察例具奏。伊子楊國佑。著賞加副將銜。所有應襲侯爵。著楊國楨承襲。服闋後。即來京陛見。以示朕優卹勳臣。有加無已之至意。尋予祭葬。諡忠武。○壬寅。諭內閣。栗毓美奏捐製軍械。請演速戰陣勢一摺。東河所屬黃運兩河。共兵二千餘名。專習樁埽。例不操防。其河標中左右守

四營專駐濟寧州城內額設副將等官馬步戰守各兵除分撥各汛地外實存城內兵一千一百七十八名每年由該河督校閱一次惟濟寧州城介兗州曹州二府之間操防尤關緊要該河督奏請由存城兵內挑選六百三十六名分別槍礮刀矛弓箭藤牌各隊於尋常操演之外兼演速戰陣勢由河南巡撫派委熟諳武弁教習責成將備督率弁兵認真操演所辦甚好著即照所議辦理仍著該河督於修防閒空之時親身校閱分別勸懲務期習練精熟無致日久懈弛仍復有名無實○癸卯

上詣綺春園問

皇太后安○諭軍機大臣等本日據步軍統領衙門奏四川廣元縣民趙執中等呈控該縣辦理差務勒折浮派等情已明降諭旨交鄂山督同臬司多歡審訊矣各省驛站支應差務自應遵照成例辦理如州縣不能約束家

丁書役以致勒折浮派擾累閭閻全在該管上司嚴查懲辦以杜弊端茲據該民人控稱該縣係入川首站向來將闔邑糧銀三千二百兩閬中縣協濟銀一千三百兩並藩庫撥銀五百兩俱存該縣作為差務夫馬料豆使費俱刻有碑碣嘉慶十七年曾知縣莅任被門丁伍敏等朦混每銀一兩勒折制錢十餘串及六七串不等夫馬料豆任意浮派去年六月民人李登科等赴藩司衙門控訴經川

北道轉委儀隴縣訊辦至八月間民人黃越等又赴欽差湯金釗前控訴諭令現任知縣照舊辦理復經儀隴縣知縣訊明李登科黃越等所控得實當堂釋放又被廣元縣門丁書役朦混將已放之人鎖押赴縣用竹條各責一千餘下俱帶鎖鑰收入木籠仍設堡差在各家勒催俱交總櫃楊枝收存有不遂意即嚴刑責比李登科等十四人現在俱被看押等語該縣支應差務既有鐫刻碑碣自應

循照舊章辦理。何以自嘉慶年間勒折浮派等弊。歷任上司。毫無聞見。此次李登科等業經釋放。該縣復加鎖押刑責。仍設堡差勒催。如果所控屬實。是該縣藉差擾累。情殊可惡。著該督等徹底研究。務得確情。據實參辦。毋許稍有含混。將此諭知鄂山。並傳諭多歡知之。尋奏趙執中因先與李登科以告免採買馬料。希圖斂騙錢文。經該縣將李登科拘獲。輒捏詞砌款。訊屬全虛。應於驀越赴京告重

事不實。誣十人以上者。發邊遠充軍。例上量減一等。擬杖一百。徒三年。餘分別定擬。下部議從之。○甲辰諭內閣。王鼎等奏。司員將次銓選。請留部補用。以資熟手。刑部候補主事吳廷鈐。趙鏞。方寶慶。均由庶吉士散館。改部現在銓選。將次到班。姑念該部為刑名總匯。事務較繁。該員等在部行走有年。辦事均臻妥協。准其留於刑部。遇有主事缺出。照例挨次奏補。俾資熟手。此外各衙門不得援以為

例。紛紛漬請。○又諭。前因班禪額爾德尼來使。堪布羅布桑嘉勒。在朕前呈遞控詞。當交軍機大臣會同理藩院審辦。茲據訊明。該使因在託遜諾爾地方被番賊搶劫。既經理藩院行知各該處嚴行查拏。該使並不聽候辦理。輒以賊賊未獲。令人代寫呈詞。於請安時呈遞。實屬膽大糊塗。請照衝突儀仗妄行奏訴例。發近邊充軍。本屬罪所應得。惟念前後藏分年納貢。呈進丹書克。悃款篤誠。朕心

甚為喜悅。此次呈遞控詞之堪布羅布桑嘉勒。係屬無知。念其為班禪額爾德尼來使。加恩著免其按律懲處。即交班禪額爾德尼嚴加管束。以示朕恩施格外之至意。○諭軍機大臣等。前因雨淮鹽運使劉萬程在署自縊。當降旨令朱士彥於浙江審案事竣。馳赴揚州查訊。本日據陶澍奏。稱該運使實係因公積勞。痰發心迷。遽爾輕生。並詢明該故員親屬等均係目覩。委無別情。現在該故員眷

口人等俱飭令暫緩回籍。著朱士彥到揚州後。即遵前旨詳細查明。該員因何輕生自盡。有無疑竇。據實具奏。原摺著鈔給閱看。將此諭令知之。○大學士長齡等覆奏。訊明刑部郎中盧應翔挾嫌咬訟。捏控廣東東莞縣民葉省之身死不明一案。得旨。此案盧應翔以在籍刑部司員。挾嫌屢次找尋屍親。商添情節。教令上控。數其情罪。即與積慣教唆無異。迨案經發覺。輒敢疊次狡執。現在眾證確鑿。

尚復抗不招承。並於欽差審訊時。當堂呵斥佐證。種種刁健。實屬藐法。盧應翔著即發往新疆效力贖罪。賽尚阿。祁項於糧差盧萬歡等詐贓一節。未能審出實情。俱著交部議處。恩錫。趙盛奎。鄧廷楨。於盧應翔干預訟事。未能審出實情。遽請開復原官。俱著交部嚴加議處。至盧應翔等狡詐健訟。現據眾證完結。如再翻控。即將原呈立案不行。以杜刁健而息訟端。○江寧副都統春生因病休致。調山

海關副都統常德為江寧副都統。鑲紅旗蒙古副都統祥厚為山海關副都統。○乙巳。

上詣

大高殿行禮。○還宮。○以內閣學士文德和兼鑲紅旗蒙古副都統。○旌表守正捐軀湖南長沙縣民梁汝房女蕭梁氏。○以孟夏時享太廟。自是日始。齋戒三日。○丙午。諭內閣。英隆奏。擇派佐領管理烏槍營。以資整頓等語。烏槍為營中利器。全在管理得人。庶幾紀律嚴

明。兵皆熟練。茲據該副都統奏稱。青州駐防烏槍兵。原設總管八旗協領一員。每二旗佐領一員。每旗無論防禦驍騎校。揀派一員管理。但左翼鑲白。正藍。右翼正黃。正紅。四旗俱係實管佐領二缺。協領兼管佐領二缺。遇有缺出。均在實管佐領內揀派管理。人數較少。不足以備挑選。嗣後遇有管理烏槍營佐領缺出。著無論旗翼。俱擇其年力富強。管轄嚴肅。熟習烏槍之佐領。派委管理。以重操防而

資整頓。○丁未諭內閣。朕本日閱視祝版。禮部尚書貴慶。包裹祝版。顛倒錯誤。著交部嚴加議處。○軍機大臣潘世恩等。議覆山東巡撫經額布奏沿海各處情形。酌議章程六條。一。沿海汊港。及島嶼居民。編查保甲。一。商漁船隻。將姓名標書桅蓬。以便認識。一。出產柴薪淡水之區。應嚴密防範。以防接濟。一。巡洋弁兵。責成水師總兵。揀派參遊大員督緝。一。商漁船隻進口。嚴加盤察。一。海口兵役。應令守口員弁親身督查。以杜賄放等弊。俱應如該撫所奏辦理。從之。○江蘇巡撫陳鑾奏報到任謝恩。得旨朕非因駕輕就熟而有是命。自古得人則治。當今更覺為難。朕看汝精力才具。深愜朕懷。江蘇治理不易。務宜振刷精神。實力整頓。勿苟安畏難。朕有厚望於汝。勉之又勉。

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十五

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十六

監修總裁監製延日講起屋注官太子太保體仁閣大學士文淵閣領閣事管理戶部事務上書房總辦傅翰林院掌院學士兼管順

天府府尹董福隨帝加五級紀錄十八次。自賈積嚙殺官經廷議擢官吏部尚書錄其張漢軍都統管理新營庫城內官房大臣播容內

七倉大臣稽察會同四庫館事務加一級隨帶加六級軍功加三級紀錄五次
日花沙納理達據官文開提業開事兵部尚書列等

內務府大臣錢謙益、孫承澤、七倉大臣管理宗人府銀庫左翼總管等、宣壽宮周明等、遺族北堂御各膳房御藥房才

醫院進辦處事務隨帶四十八員由阿塞阿刺題職官經廷鎮官兵部尚書隨帶四十六戰死銀二十次臣周祖培等奉

教修

道光十七年丁酉夏四月戊申朔享

太廟

上親詣行禮。○諭內閣。本日朕親詣

太廟致祭。所有前引大臣。應由南門引行。乃盛

福崇恩淳壽等誤由北門引行甚屬疏忽盛

福崇恩淳壽等俱著交部議處○緩徵山西

陽曲。太原。榆次。交城。文水。大同。山陰。靈邱。朔。

左雲平魯陵川定襄五臺河曲隰托克托城

十七廳州縣上年災歉貧民節欠常平倉穀

貸寧武縣貧民倉穀。○己酉。

上詣

南郊齋宮齋宿○諭內閣御史金光杰奏請嚴

禁州縣到任得受卯規一摺直省州縣之有

房書役隸藉以承管稿件供給差使即古府

史胥徒之制而馭之無方。每易作奸舞弊。全

在該管官廉明勤慎隨時懲治俾得有所儆

畏不敢為非。若如該御史所奏。州縣到任。有

點卯陋規房書即於點卯之日先行繳入各

役則俟有差遣之事。陸續繳完。又有經承註

案差役買票等費。並新選之官。甫經到省。該

書役等即挾銀錢先為借用等情以本官取

諸書役其流弊不可勝言。而書役等既有所

挾無弊不作。州縣官即不能不為之庇護。於

吏治大有關係著各直省督撫飭令該管道

府嚴行禁止密為稽查儻有不肖州縣不知

自愛有此等情弊。即著嚴行叅處。毋稍姑息。

以飭吏治而肅官方。將此通諭知之。○又諭

前因禮部尚書貴慶包裹祝版顛倒錯誤降

五八六

旨交部嚴加議處。茲據吏部奏請將該尚書照溺職例革職。實屬咎所應得。姑念其升任禮部尚書。當差未久。貴慶著加恩降為二品頂帶。革職留任。八年無過。方准開復。○諭軍機大臣等。有人奏浙江孝豐縣職員施錦心呈控伊故媳王氏棺蓋縫縫行竊一案。前經該撫查明屬實。奏請將知府凌泰封等解任審訊。嗣經臬司提棺開驗。原報贓物具在。並無被竊情形。該撫因礙原奏。迄今半載。延不

實錄卷之六

三

奏明更正。又署瑞安營副將胡紹錦等在洋盤獲江勉普漁船。查驗船照與現獲人數人名均不相符。起獲皮衣。更非漁船應有之物。杭州府知府胡元熙等審辦此案。延及一載。拖斃五命。輒行勒令該將弁供認詐贓。誣良並掌責把總。熬審兵丁。復將該營將備等官全行提省。合營為之一空。又石浦同知鄧廷彩自題升後。十餘年盤踞省垣。夤緣鑽刺。屢署府篆。即卸署亦不回任。久曠職守。以致南

田雖係禁山。居人不啻閨闥。恐匪徒溷跡。滋生事端。該員在各署任內。聲名俱屬平常等語。著朱士彦到浙後。即親提孝豐瑞安二案內人證卷宗。秉公審訊。務得確情。不准稍有諱飾。至該省南田地方禁山。是否照例封禁。鄧廷彩平日官聲。究竟何如。因何逗留省垣。著即明查暗訪。一併據實具奏。原摺著鈔給閱看。將此諭令知之。○福建臺灣道周凱奏報調任謝恩。並陳地方情形。得旨。民情犷悍。

實錄卷之六

四

斷不可失。於寬厚苟且。先發制人。用之臺灣。尤屬相宜。若養成禍害。徒費周章。而難治矣。懍之勉之。○修浙江東塘尖山汛石塘。從巡撫烏爾恭額請也。○貸杭州乍浦駐防營員修理衙署俸銀。○庚戌。常雩。祀

天於

圓丘

上親詣行禮。○幸圓明園。○詣綺春園。問

皇太后安。○以陝西葭榆林懷遠膚施。甘泉。宜

川。延川。延長。安定。安塞。保安。定邊。十二州縣糧價增昂。命平糶倉穀。○辛亥。諭內閣。前因三等侍衛男爵克興額考驗不到。經仁壽等奏。叅交部議處。茲據兵部奏。請將克興額照違制私罪革職例議以革職。援引上年湖北提標雲騎尉李紹西案。請仍留世職等語。滿洲世僕與綠營官弁不同。此次克興額於軍政之年。經該管大臣考驗未到。甚屬不堪。克興額著革去三等侍衛。所兼一等男爵。照例

實錄卷二百九十六

五

一併革退。由該旗另行請襲。兵部堂官援引不當。著傳旨申飭。○又諭。本日據吏部將賽尚阿等分別議以罰俸降留。賽尚阿。祁項。審辦盧應翔本案。尚無錯誤。惟於糧差詐贓一節。未經審出。著即照議罰俸一年。不准抵銷。恩銘。趙威。奎。鄧廷楨。於盧應翔干預訟事。未能審出實情。遽請開復原官。以致該革員瀆控不休。實屬錯誤。該部加等議以降三級留任。尚覺過輕。恩銘。趙威。奎。鄧廷楨。俱著改為

實錄卷二百九十六

六

革職留任。六年無過。方准開復。以示懲儆。○諭軍機大臣等。據嵩溥奏。遵旨驅逐程雲胡強。二犯家屬一摺。程雲。胡強。以內地民人。膽敢在土默特蒙古地方滋事。已照例分別治罪。該犯等家屬。並著查明驅逐。毋許逗留。茲據嵩溥奏。稱現將程雲之母王氏等五名口拏獲到案。程雲之妻畢氏等三名口。尚未獲案。又胡強之子胡士元等二名。遷往奉天。現已咨提。未經解到。該二犯出口已久。自必置有產業家具。若僅驅逐出境。必致復有潛回之事。著著英到任後。即飭該縣將已獲各犯屬造具年貌清冊。先行遞籍交地方官管束。並取具收管印文存案。以備稽查。仍令該縣隨時訪拏。儻有潛回隱匿之犯。一經查出。立即究辦。其關提奉天省各犯屬。俟解到時。再行遞籍辦理。將此諭令知之。○又諭。據特依順保等奏。體察南路各城現駐滿漢防兵。請暫為緩撤一摺。南路各城駐防官兵。現屆應

行咨調之期本應遵照前奏酌加減調惟葉爾羌卡外色呼庫勒地方上年屢報不靖該夷因各城駐兵較多僅於卡外滋擾未敢窺伺卡內前經曉諭霍罕伯克該夷是否悔罪輸誠現在尚難逆料是此時各城防範正宜加嚴未便拘泥原奏遽議裁減所有南路各城防兵道光十七十八等年應行分別裁減之處著暫為緩撤該將軍等仍當隨時體察情形統俟邊疆靜謐毫無可疑再行會商酌

減兵數以符原議將此各諭令知之○禮部議准護江蘇巡撫怡良疏報採訪鹽城縣貞節婦女蔣氏等九百二十六口請建總坊旌表從之○壬子修築東河黃沁衛糧兩廳隄工從河道總督栗毓美請也○癸丑諭內閣

孝陵

隆恩殿等工著改派奎照會同何淩漢敬謹辦理貴慶著毋庸承修○又諭前據御史黎攀鏐奏各省解部銀兩應責成年清年款積年

賠項分別追賠地丁正項禁止借動抵墊八旗漢軍閒散兵丁酌量疏通農田水利及時疏濬積貯虧額籌設義倉各款當降旨交大學士軍機大臣會同該衙門覈議具奏本日據大學士等分別准駁會同具奏朕詳加披閱所議甚為明晰各省解部入撥銀兩逾限不行批解者例有處分積欠雜稅亦應催徵報撥其積年分賠代賠銀兩例應按限嚴追豈容率准扣廉轉滋觀望藩庫地丁正項本

不准擅行借墊至農田水利關繫民生該地方官原當督飭疏通無有壅塞各省義倉向由殷實商民捐穀存貯既應量予獎勵尤當嚴禁那移著通飭各直省督撫等遵照此次所議章程實力奉行其有應行飭催者即著嚴飭所屬認真督催其有應行辦理者即著查照定例迅速經理有治人而後有治法惟當體之以實持之以恆不得日久視為具文以致有名無實仍蹈因循怠玩積習將此通

諭知之○諭軍機大臣等本日據樂善等奏察哈爾八旗蒙古官兵近因生計日艱亟應量為調劑請將該處庫貯初次奏借官兵銀三萬兩生息項下積存銀一萬一千五百餘兩內撥出銀一萬兩交口北道發商按月一分生息每年所得息銀一千二百兩遇閏加增一百兩作為差使盤費及歲修房間之用等語動款生息調劑官兵原為體恤蒙古八旗起見惟口北道所屬是否有殷實可靠之

商發交生息能否按期交納著穆彰阿飭知該道體察情形妥議具奏奏到時再降諭旨將此諭令知之○甲寅諭內閣前據御史陶士霖奏棚民開山種植病農藏奸請飭查禁一摺當降旨著陶澍等嚴飭所屬各州縣嚴密管束查禁毋令日久滋弊茲據該督等查明棚民開山其應行寬限回籍稽察匪類並嚴禁開墾均已立有章程自上年收成豐稔以來流民漸次回籍其搭棚居住各戶均照

屢次章程辦理不致滋生事端惟棚民來自遠方資本無多若無本境之人招引租留豈能自行開墾嗣後無論公山私產概不准其違例召租開墾如有違犯即查照舊定章程問擬重辦其向無棚民地方著責成該地方官嚴行禁止年終出具並無棚民印結通送查考以昭覈實仍著該督等嚴飭所屬認真稽察隨時妥辦如日久弊生以致有名無實惟該督等是問○諭軍機大臣等御史雙壽

奏請禁冒充官紀私稅害民一摺向來額設牙行官為給帖其有新開集場必應設立牙行者確查結報轉詳覈給例禁甚嚴奉天省幅員式廓沿海市場不少其原無額設斗秤之處自應酌設牙行以杜弊端若如該御史所奏竟有土棍勾串胥役冒充官紀私徵課稅屢經滋事即如廣寧之新民屯向無額設斗秤現在商賈輻輳綿延十餘里似此殷盛市場任聽土棍壟斷居奇算斂股分其擾累

閭閻實甚。且奸商蠹役。隨在皆有。如新民屯者。尚恐不止一處。著奕顯等查明各屬場集處所。酌量增設牙行。募民選充。照例給帖輸課。以歸畫一。儻仍有土棍冒充官紀。及互毆構訟之案。著隨時嚴辦。以惠商賈。而儆刁風。將此各諭令知之。○旌表守正捐軀山東日照縣民李莊妻韓氏。○貸安徽靈璧縣濬減黃河道銀。○乙卯諭內閣奕顯等奏會勘

福陵

東西配殿等工。應行興修各情形一摺

福陵

東西配殿

壽康太妃園寢各工。據該署將軍等親詣查勘。均係情形較重。不能再緩。自應趕緊興修。以昭慎重。惟本年方向。東西不宜所有

福陵

東西配殿。東西配房及

壽康太妃園寢內東西配房。著暫行設法保

護。俟明春方向合宜。再行修理。其

壽康太妃園寢大殿宮門等工。著照估先行辦理。並著欽天監選擇吉期。迅速知照。敬謹興修。○山東巡撫經額布等覆奏遵旨會同查辦山東運庫商欠各款。現完銀四萬兩。尚有未完銀十三萬三千九百四兩零。此項欠款。係自嘉慶十九年前任運司劉清任內起。至今歷官十任。先後動墊庫存雜項銀五萬五千三百九十三兩零。自道光八年新定年

清年款章程。不准絲毫帶欠。該運司程德潤等。以商力疲敝。措繳逾限。若遽行叅辦。一商革退。則一岸虛懸。於引課大有妨礙。是以未經叅辦。該運司等業將綱保名下引窩追繳存庫作抵。款項有著。與虛出通關及私自那移者有間。惟奏銷時並未附案聲明。咎有應得。請交部嚴加議處。臣等失於察覈。請一併交部議處。尋議上。得旨。程德潤陳嘉樹加恩。改為革職留任。八年無過。方准開復。鍾靈著

降二級留任。經額布著降一級留任。不准抵銷。○添設山東魚臺汛千總一員。兵八十名。南陽鎮經制外委一員。兵二十名。作為魚臺汛協防。移原設魚臺汛經制外委一員。兵二十名。並添兵十名。駐古村集。作為滕縣汛協防。統歸沙溝營都司管轄。從巡撫經額布請也。○丙辰。諭內閣鐵麟等奏請飭催南糧以速運務一摺。江浙等省漕船為天庾正供。最關緊要。如開兌渡黃。恪遵定限。及入山東境內。加緊趲行。不致節節耽延。方無貽誤。茲據該侍郎等查明山東河南漕糧業已起卸完竣。南糧抵壩需時。本年糧數較多。挽運若復稽遲。回空必逾定限。著兩江總督江南河道總督迅速設法。啓堰渡黃。並著山東巡撫河東河道總督即將開河水勢蓄足。俾資浮送。仍嚴飭沿河地方官多雇剝船。以備軍船隨時起卸。毋許一幫脫空。以速漕行。而符定制。○又諭嗣後頒賞達賴喇嘛班禪額爾德尼

金冊著仍照舊制辦理。其道光十四年新纂則例內。定於舊冊後添鑒第幾輩字樣一條。著即銷除。所有改纂新例未經查明舊制之理藩院堂司各員。均著交部查取職名。照例議處。○丁巳。

上詣綺春園問

皇太后安。○以本年鄉試考試應開列試差人

員於圓明園正大光明殿。○戊午。

上御勤政殿聽政。○諭內閣朕思為政之道。首

戒欺蒙。蓋欺則情理不能實。蒙則弊端所由作。故六部九卿各衙門之公務。無論鉅細。必當遵依例案而行。遵依例案。即所以防書吏舞文弄法之奸。庶可免其欺蒙也。即如日前兵部議奏三等侍衛男爵克興額一摺。既知按例應行革職。即當按例具奏。不應援引湖廣隨營效力雲騎尉李紹西仍留世職之事。比擬甚屬不倫。旗僕侍衛與綠營員弁已難並論。而情理又迥不相同。一則弓馬平常。一

則規避不到其輕重分明何憤憤若是耶此無他非任聽庸劣司員妄行援引即堂司俱受書吏欺蒙矣此事尚無甚緊要若動輒皆然堂官數人祇知依樣畫諾漫不經心其患豈可勝言總因不能實心之故也又如廣東盧應翔一案以尋常之案屢控不休欽差三命成何事體始而賽尚阿祁墳訛結雖無大錯而所辦甚不切實繼以恩銘趙盛奎鄧廷楨率意判斷致長刁風在賽尚阿等諒不敢

有別情而承審之員未必皆能清白乃心是賽尚阿等亦難免有被欺蒙之處奉使者不肯實心苟且從事莫怪乎人之欺蒙也試思萬幾綜理朕曷能纖悉無遺雖居九五之尊心神精力與人同耳念及此惟增愧增懼孜孜自勉厚望我諸卿奮發振作各盡乃心各揚其職誠實趨公佐臻上理勿貽後人有欺蒙之誚朕之至願諸卿其善體苦衷特諭○以詹事府詹事柏葰為內閣學士兼禮部侍

郎銜○准安徽泗州學正萬保廷重赴鹿鳴宴賞六品頂帶○已未諭內閣宗人府奏發遣宗室請給與車輛等語宗室發遣給與車輛例無明文若照尋常遣犯必有老幼男婦病廢者方給車輛易啓捏報偽飾之弊著照所議嗣後發遣宗室均著兵部給大車一輛勒令即日起解迅速到配斷不許託故逗留稍形遲滯並著該部載入則例遵行○又諭已故宗室圖克坦於獲罪發遣時途中任意

逗留與聘妻佟佳氏私婚佟佳氏著不准載入黃檔所生之子亦不准載入

玉牒該氏在途私婚本不應給與孀婦錢糧姑念究係圖克坦聘定之妻著賞給錢糧一分以資養贍所有率行援准之宗人府堂司各官應得處分俱著加恩寬免○庚申諭內閣宗人府本年屆應修

玉牒之期嗣後恭修

玉牒惟皇后無論有無所出俱著載入

玉牒以下有所出者著載入。無所出者概毋庸載入。著為例。○諭軍機大臣等。本日據陶澍奏淮鹺實在情形一摺。兩淮鹽務最為繁重。一切催徵催運各事宜。該督責無旁貸。已故運司劉萬程竭慮急公。本屬職分所當為。現因病發軔。該督正當督飭新任運司陸蔭奎認真經理。期於課額無虧。方為不負委任。何得因劉萬程一人。輒謂諸事掣肘。遽請欽派大臣前往查議籌辦。此奏殊出意外。太不成事。總之引課奏銷。原係該督專責。如果辦理得宜。自可日有起色。即謂兩淮責在督撫。其督銷之任。分寄諸湖廣江西安徽各督撫。獨不思江西安徽均係該督統轄省分。其應如何實力堵緝。趕緊疏銷。無難與兩省巡撫妥為籌辦。至湖廣分銷各口岸。與淮南本屬一氣相通。前已有旨令林則徐盡心籌畫。不分畛域。如有應行會議之處。儘可隨時咨商。從長計議。該督受恩深重。惟當實心籌辦。不

得以力單任重為詞。藉圖卸責。儻畏難觀望。以致鹺務不見起色。朕惟該督是問。將此諭令知之。○又諭寄諭閩浙總督鍾祥。據達洪阿等奏續獲嘉義下加冬戕弁滋事。並南路響應各匪犯。分別審辦一摺。此案嘉義逆犯沈知等及南路臺鳳交界豎旗響應各匪徒。聚眾滋事。經該鎮等帶兵勦捕。先後拏獲首要各犯。共計三百四十餘名。分別審辦。現在地方安靜。撤兵回營。該鎮等辦理此案。不煩內地兵力。能將首要各犯全數弋獲。尚為妥速。所有該鎮道府及在事實在出力人員。著該督詳細查明。據實保奏。候朕施恩。毋許冒濫。將此諭令知之。○辛酉。諭軍機大臣等。有人奏浙江溫州府前經倣照淮北票鹽之法。一律改票。奏准試行。該府試辦年餘。行過票鹽七萬四千九百餘引。較原額八百引。幾增百倍。惟票鹽一行。有鹽皆官。該商等無所牟利。競造浮言。以侵灌金衢引地為詞。屢控運

司。意圖阻撓。於國計民生。均有不便等語。浙江試行票鹽。是否著有成效。金衢綱地。溫私。有無侵灌。該商等是否借詞阻撓。均應詳細查明。著鍾祥酌量情形。或遴派明幹道府大員。前往確查。抑或俟一半年間。該督有赴浙之便。親往查辦。妥議具奏。原摺著鈔給閱看。將此諭令知之。○旌表守正捐軀安徽宿州民楊大朋女楊氏。○貸保定駐防兵丁修理房屋餉銀。○癸亥。

上詣綺春園問

皇太后安。○調刑部右侍郎隆文。為吏部右侍郎。盛京刑部侍郎惠吉。為刑部右侍郎。以都察院左副都御史麟魁。為盛京刑部侍郎。○甲子。

孝端文皇后忌辰。遣官祭

昭陵。○

上詣

黑龍潭神祠拈香。○諭軍機大臣等。本日據

訥爾經額奏。稱道庫鹽課短絀。援案借款支放一摺。已明降諭旨。准其在於司庫存貯留備項下。借撥應用矣。據稱此項匣費銀五萬九千餘兩。例由兩淮運庫解交湖北。轉解湖南。支放各項養廉公費等用。除從前奏明分別展緩帶徵。暨戊子己丑兩綱銀。應俟辛卯匣費徵有存銀。再行移解。庚寅綱銀。應俟辛卯等綱正課帶完後。再行接徵外。所有壬辰綱尚欠解銀九千五百餘兩。乙未又復停綱。

其陸續收貯解到前欠甲乙丙三綱。及各項銀兩。均已支放無存等語。匣費為辦公所需。例應逐年解交清款。其帶徵續解之款。亦應按限趕解。辦公庶不致竭蹶。現在湖南雖准其暫撥司庫銀兩支放。然庫項虛懸。更應迅速籌補。著陶澍即飭新任運司。務將各年匣費銀兩。按年移解。以濟公用。毋得再有延宕。將此諭令知之。○雲貴總督伊里布奏。遵議御史袁文祥奏。雲南銅務。每年正運四起。由

運員領銀辦船直送天津。加運二起運員領銀辦船止到漢口。由漢口更換站船至江南復換站船。將加運銅船改照正運辦理。庶該運員於船丁人等尤易稽查約束。從之。○雲南巡撫何煊因病解任。以直隸布政使顏伯燾為雲南巡撫。福建按察使張澧中為直隸布政使。光祿寺少卿常恆昌為福建按察使。○予捕賊被戕山東候補從九品呂文山祭葬卹廕。○乙丑。

上奉

皇太后幸同樂園進膳。○諭內閣。前因給事中陳功奏福建臺灣各事宜。當降旨飭令鍾祥查明具奏。茲據奏稱原摺內彰化縣犁頭店賊匪林坤等潛謀滋事。未聞作何究辦。一節。查林坤即係林崑業於該犯赴案投首後。照例擬軍辦結。此外查無另有林坤滋事未辦之案。又嘉義縣遣丁解犯回至八槳溪蔗園地方被匪毆奪一節。查該署縣獲盜江媽固

即江固解至蔗園歇息。該犯潛入蔗林藏匿。經丁役通知莊眾圍捕。即時拏獲。並無被匪毆奪情事。又斗六門鹽水港水沙連等處未獲餘匪。紛紛劫殺。毫無顧忌。一節。查該處地方山林叢雜。自勦辦張丙等後。已設立總董稽查。雖仍有攔搶拒傷一案。已將首夥拏獲。解郡訊辦。地方各官尚非畏葸消弭。又殉難之馬步衢方振聲陳玉威並未建祠一節。查建立專祠。估需工料。祇緣料物多需內地購

運。海洋風信靡常。未能克期。以致修竣稍遲。現已趕辦完工等語。該督所查各情節尚屬明晰。該前給事中所奏應毋庸議。惟前署嘉義縣知縣陳文起於盜犯江媽固脫逃被獲當時並未據實聲明。究屬疏漏。著交部照例議處。○又諭容照奏請於春令派兵前赴各處

陵寢附近地方打掃一摺。向來圍牆內外風水地方。每年於九月開採後。准令兵役樹戶人

等入內打掃。惟其中橡樹波羅樹。春夏之交。方始落葉。地面仍未潔淨。嗣後除照向例開採外。該總兵於春夏之交。酌派千總把總二員。帶領兵丁一百名進內。將此項樹株敗葉。打掃潔淨。所有入內兵丁。著派員稽查。不准攜帶違禁物件。並不許閒人混入。以昭慎重。而肅觀瞻。○又諭此案偷竊淳化軒物件之太監周三魁。業經審訊明確。係罪應立決重犯。何以驟報身斃。倖逃顯戮。著派戴銓賽尚

阿。會同總管內務府大臣。即日詳細查驗。究係因何身死。並訊明看守之人有無情弊。據實具奏。其審理此案之禧恩奕紀奎照克蒙額及內務府承審看管司員。均著一併交部議處。尋奏驗訊委係病故。報聞。○以失察已滿經紀復充。歷任坐糧廳監督汪鑑等降革有差。○丙寅。

上詣

大高殿行禮。○還宮。○諭軍機大臣等據梁章

鉅奏探明越南內訌情形。現飭嚴密巡防。緣由等語。越南夷地久村牧馬等處。與內地小鎮安歸順州邊隘處處毗連。該夷匪農洪仁於農文雲滅後。復出滋事。並邀約上下五郎州夷目。攻打久村牧馬。警殺頭目。該國動兵勦捕。難保不竄入內地。著該撫即嚴飭左右江兩鎮。並該管道府。沿邊文武員弁。督率守卡兵役。不動聲色。加意巡邏。儻越南兵力不充。或有叩關請助之舉。該撫即當曉以大義。

據理斥之。俾知中國之兵。不能為外藩輕動。方為控制得宜也。將此諭令知之。○旌表守正捐軀四川江津縣民楊文希妻胡氏。○丁卯。

上御太和殿視朝。王以下文武升轉各官謝恩。

○辛酉。○戊辰。

上幸萬壽山。詣

廣潤祠拈香。○御閱武樓。閱宗室挑選侍衛馬步射。○諭內閣。前據御史趙光祖奏。參浙

江寧波府知府呂子班辦事顛預毫無振作不能約束子弟等情。當經降旨交朱士彥查辦。茲據奏稱查明該府之子並非在署婚娶。無須鐙錄鋪墊。實無勒令鄞縣備辦鎖押家人。致前署鄞縣知縣冷煌情急面繳印信之事。又據該撫及該管司道切實聲明該府口訥心明。辦事勤慎。並無顛預不能振作之處。該御史所奏著毋庸議。○又諭前據烏爾恭額善英先後具奏乍浦塘工情形互異。節經降旨令朱士彥馳往履勘。據實具奏。茲據該尚書親詣該工。逐加勘驗。並提到人證卷宗。確加審訊。分別定擬具奏。浙江海塘原為保障民田而設。遇有坍塌。自應趕緊修築。所有乍浦塘工。向由縣營捐資修理。並無承修保固限期。工程難期鞏固。且該處接壤之海鹽各塘。既經奏明借款生息。作為歲修。此項獨山一帶塘工。情形相似。遇有坍塌。若仍責令地方官自為捐辦。力有未逮。著烏爾恭額體

察情形。籌款生息。作為歲修經費。並明定承修保固限期。仍用灰漿以資堅固。又該塘自西而東。逐漸低矮。其石土塘交接處所。現用排樁竹片攔護。亦屬權宜之計。其東首天地等號石塘。應否加高。及東首接連之土塘。應否添建石塘。著該撫相度形勢。妥議具奏。至向來副都統衙門旗營事務。是其專責。例不管民間詞訟。嗣後除事關重大。仍准隨時具奏外。如有民人不諳例禁。輒以尋常事件向該衙門呈訴者。該副都統惟當發交地方官照例審訊。即有關涉地方官吏之件。亦應移咨該省督撫查辦。不得率行准理。以符定制。而杜侵越。○諭軍機大臣等。湖北提督羅思舉來京陛見。屢經召對。言語尚覺明晰。惟年已七十。有四。察其精力。迥不如前。現在各提鎮內。曾經出師之員較少。一時更換。實難得人。但念湖北營務攸關緊要。若精力稍有未充。即恐有廢弛之處。著該督留心察看。該提

督於一切營務事宜。精神能否照料周到。儻稍形衰頹。即著據實具奏。毋稍徇隱。將此諭令知之。尋奏。羅思舉在楚已十二年。各營員咸稱該提督訓練有方。習勞不倦。地方軍民似皆無間。報聞。○又諭。本日據英隆奏。山東青州德州滿洲營新設礮位。按期操演。所需火藥鉛丸銀兩。籌定於緝捕經費及緝捕生息銀內動支。應添製火藥鉛丸斤數較多。操演日期。自應加增次數。請將一年除六月十

二月停止操演外。其餘十箇月。仍按三六九日期操演。並按月加增二五八日打演準頭。以期精熟等語。朕思營中操演。既有定期。祇須按期認真練習。不在加增日期。技藝固當精熟。兵丁亦宜體恤。若因火藥較多。於常期之外更議加增。恐因煩生怠。轉致虛應故事。有名無實。著該撫體察情形。所籌款項。既有贏餘。不妨酌留銀兩。作為獎賞之用。俾兵丁等更踴躍勤操。以成勁旅。則事歸覈實。用不

虛糜矣。將此諭知。經額布並傳諭英隆知之。○以大理寺卿德誠。太僕寺卿善燾為都察院左副都御史。○以拏獲匪犯出力。予山東道員寶清等議敘。升補有差。○緩徵山東長山。齊河。禹城。長清。平原。泰安。惠民。陽信。海豐。鄒。泗。水。陽穀。壽張。濮。朝。城。觀。城。荷。澤。清。平。莘。聊城。萊陽。二十一州縣及德州。東昌。臨清。三衛。歉區舊欠額賦。並出借倉穀籽種。○已巳上御閱武樓。閱挑選侍衛馬步射。○緩徵山西

定襄。應懷。仁。三州縣。歉收村莊新舊額賦。○庚午。

上詣綺春園問

皇太后安。○以四川制錢壅滯。暫停寶川局丙申年後六卯正鑄錢文。從總督鄂山請也。○辛未。諭內閣。前據御史費庚吉奏。各直省書役擾害。請嚴定懲創章程。當交吏部議奏。茲據該部會同刑部奏稱。例載。司道府州縣等官。不時察訪衙蠹。申報該督撫究擬。若該管

官員不行察報該督撫不行訪叅均有處分立法已為盡善但恐日久因循奉行不力著各直省督撫嚴定章程認真查辦嗣後除本官失察衙蠹別經發覺從重議處外如前任有著名衙蠹後任查出或有能查辦鄰境衙蠹如罪應杖徒每名著准其紀錄一次罪應軍流每名准其紀錄二次罪應斬絞每名准其加一級各直省督撫務當嚴飭所屬實力奉行不得視為具文致干咎戾該部即纂入

則例遵行○壬申禮部議准護江蘇巡撫怡良疏報採訪桃源縣貞節婦女熊楊氏等二百一十五口江西巡撫裕泰疏報蓮花廳朱李氏等十二口福建巡撫魏元烺疏報閩縣等縣唐鄭氏等四千四百七十一口廣西巡撫梁章鉅疏報鬱林州文蘇氏等三十一口各請建總坊旌表從之○旌表守正被戕甘肅奇台縣民李長發弟媳伏蓮子金鎖女○癸酉修浙江西塘盤頭柴埭各工從巡撫烏

爾恭額請也○甲戌以貴州都勻協副將德興為雲南普洱鎮總兵官○乙亥

上御閱武樓閱挑選侍衛馬步射翼日如之○諭內閣前因綿慤修理慶僖親王園寢曾經賞借俸銀五萬兩以郡王半俸扣抵分作二十年完繳茲復據奕綵奏稱伊父綿慤園寢未備請借郡王全俸五年銀二萬五千兩即將每年應領半俸銀全行扣抵著准其支借惟念綿慤所借尚未扣完若因此次賞借銀兩將所得半俸全行扣抵殊不足以示體恤慶僖親王係朕親叔所有綿慤所借銀五萬兩著加恩免扣二萬兩其兩次賞借俸銀統於郡王俸銀內每年坐扣二千五百兩其餘一半俸銀仍賞給奕綵當差○以翰林院編修何裕承為雲南鄉試正考官張雲藻為副考官編修陳文翥為貴州鄉試正考官內閣中書王積順為副考官○丙子孝慎皇后忌辰遣官祭

陵寢○以拏獲私運紋銀出洋匪犯予廣東守
備戴文彪等升補有差

大清宣宗效天符運立中體正至文聖武智勇

仁慈儉勤孝敏成皇帝實錄卷之二百九十六

清 實 錄 道光十七年五月

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十七

蘇省新漲沙地官產民業膠輶不清大吏先
後查辦互異曾有旨令陶澍等查明具奏迄
今未據覆奏現復有人奏稱此項地畝如果
有礙水道自當時加疏濬禁止開墾如於水
道無礙應照例聽民承買若概行退價事屬
紛擾且入官發佃輾轉招租日久恐啟增租
奪佃之事等語著陶澍等體察情形悉心籌
辦

道光十七年丁酉五月丁丑朔

上諭

安佑宮行禮○諭軍機大臣等前因有人奏江

蘇省新漲沙地官產民業膠輶不清大吏先

後查辦互異曾有旨令陶澍等查明具奏迄

今未據覆奏現復有人奏稱此項地畝如果

有礙水道自當時加疏濬禁止開墾如於水

道無礙應照例聽民承買若概行退價事屬

紛擾且入官發佃輾轉招租日久恐啟增租

奪佃之事等語著陶澍等體察情形悉心籌

畫冊稍回護以清積業務使民生有益國課無虧迅即明定章程具奏將此諭令知之尋奏請將有礙水道各處禁止墾種其無礙水道者照舊聽民承買完課遇有爭競仍退價歸官佃變不許評訟之人承買下部議尋奏江河原不以開墾為利則沙洲不得以承買徇民請飭該督等遵照道光八年奏定章程新漲沙洲無礙水道者一律歸官召佃永杜爭訟壅塞從之 又諭有人奏四川廣元縣共有差役千餘人東鄉縣典史衙門設有廳役數百人直隸赤峯縣頭役張繼宗等每人俱養散役數十名至百餘名不等約計亦不下千餘人蒙蔽官長勾串丁書勒詐婪贓威逼釀命應請查禁等語各省州縣衙門壯快各役本有定額豈容違例濫增倚勢病民致滋擾累著鄂山耆英確切查明各該縣差役是否有如許之多所有額外白役著悉行裁汰毋任藉詞姑留嗣後遇有差役滋事之案

查係額外白役即將該州縣據實嚴參加等議處並將失察之該管上司一併議處以靖地方而安良善將此各諭令知之 戊寅上詣綺春園問皇太后安禮部尚書貴慶因病解任調理藩院尚書奕紀為禮部尚書以都察院左都御史武忠額為理藩院尚書工部右侍郎奎照為都察院左都御史調禮部右侍郎聯順為工部右侍郎兼管錢法堂事務以內閣學士道慶為禮部右侍郎以都察院左都御史奎照兼鑲紅旗漢軍都統刑部右侍郎惠吉兼鑲紅旗漢軍副都統戶部左侍郎文慶兼京營右翼總兵己卯孝誠仁皇后忌辰遣官祭景陵上御閱武樓閱挑選侍衛馬步射諭內閣廉敬等奏喀什噶爾改設辦事領隊大臣與總兵官階相等其體制非參贊可比前據參贊

大臣壁昌擬定章程咨部十三條立法本有參差辦理未能盡一應請量為變通等語著特依順保廉敬查明壁昌原定章程詳細妥議具奏○又諭廉敬等奏會同查辦興德壽昌互參各摺分別覈議一摺此案壽昌到任未及旬日查明福奎虧短銀數擅用六百里催牌駭人聽聞固屬冒昧然其意尚為慎重錢糧起見即興德所參各款其咎尚不至過重惟於屯民控告劉允忠勾串安集延一款

實錄卷九十七

四

並未覈實率行入奏試思叛逆重情所控若實應得何罪誣告律應反坐本朝一統寰區滿漢臣工皆我一體從無稍有嫌疑互相傾軋何得以此等重情漫不加察輒據屯民挾嫌之詞誣總兵大員以叛逆大罪錯謬已極僅予嚴議不足蔽辜壽昌著即革職發往烏魯木齊效力贖罪以示懲儆○又諭廉敬等奏查辦已革章京那移庫款一摺此案喀什噶爾已革糧餉章京福奎那移備貯銀兩除

糧石衣物馬匹變價抵款外實虧銀一萬九百八十餘兩之多著照擬發往近邊充軍仍將該革員解交陝甘總督勒限監追能否依限全完照例覈辦前任喀什噶爾領隊大臣西朗阿於虧那重案未即查明揭報著交部議處○又諭興德經朕簡任葉爾羌參贊大臣有統轄各城之責文武官員皆歸節制總兵劉允忠縱容兵丁擾累幾至釀成事端又砍伐圍城樹株種種錯謬豈竟茫無見聞乃

實錄卷九十七

五

並不覈實嚴參以致與壽昌互相攻訐至糧員福奎虧空庫項累萬設令早為查明據實參奏何至壽昌擅發六百里冒昧妄為是其平日辦事一味罷輒實屬無能興德著交部嚴加議處即來京聽候部議○又諭前據壽昌奏接收屯民呈詞三張列控各款當交廉敬等查明秉公審辦茲據廉敬等逐款查明劉允忠以統兵大員不知鎮撫兼施且於兵民良莠漫無區別肆意拆毀城外民房多間

復於夜間開城致弁兵以探查回婦為名藉端滋擾幾至釀成事端並將圍城樹株率行砍伐殆盡種種錯謬實辜委任僅歸誣揭餽送案內議以革職不足蔽辜劉允忠著革職發往伊犁效力贖罪以示懲儆諭軍機大臣等前因綿崧等奏請將

東陵禮部等衙門筆帖式二十四員撤回另補停止部選等語當交該部議奏業據吏部查明分別裁撤已有旨依議行矣因思

宣宗實錄

六

西陵事同一例該處各衙門筆帖式應否量加裁汰之處著德興查明具奏原摺著鈔給閱看將此諭令知之○又諭鍾祥奏山東省緝辦教匪前經議有章程請飭查遵辦等語山東習教之風相沿已久必當隨時查辦以淨根株鍾祥前在巡撫任內曾採集眾議設立分鄉日查之法所議章程是否可行著經額布覆加查覈具奏原片著鈔給閱看將此諭令知之尋奏前撫臣鍾祥設立章程立意未

嘗不周惟恐丁役等操縱由己滋擾堪虞似仍以編查保甲為善得旨一力認真辦理切勿日久懈生有名無實也勉之○調鑲白旗蒙古副都統巴清德為鑲藍旗滿洲副都統以署正藍旗漢軍副都統特登額為鑲白旗蒙古副都統調正紅旗護軍統領奕山為正藍旗護軍統領以兵部右侍郎倭什訥兼正紅旗護軍統領○賞漕運總督恩特亨額都統銜為葉爾羌參贊大臣以陝西布政使周

宣宗實錄

七

天爵署漕運總督○庚辰諭內閣戶部奏各省鹽務積欠課款並短徵加價銀兩延不造報請旨飭催各省奉部咨查事件例有定限況課款攸關尤應依限造冊咨覆以憑覈辦茲據該部查明各省鹽務項下有歷次行查逾限未覆各案內借動加價及參商欠交等款均係奏明分別歸補變抵其短徵加價銀兩該部各按行銷引目覈算兩淮計短徵銀二百五十餘萬兩兩浙計短徵銀二十餘萬

兩節經按年彙案行催總未據該管督撫鹽政查明咨覆實屬任意玩延倘再日久積壓必致應入撥者無憑撥解應覈銷者易涉牽混百弊叢生殊非慎重帑項之道著該管督撫鹽政迅即按款查明勒限一月據實分別造報不准再有延宕所有各案歷年登覆遲延職名著隨案送部覈議如經此次飭催之後仍復視為具文有逾例限定將該管督撫鹽政等重懲不貸○又諭昨日奎照謝恩召

實錄卷一百九十七

八

見據面奏與左副都御史德誠係屬姑表兄弟請旨應否迴避德誠著毋庸迴避○前任杭州副都統左廷桐以年老休致○以河南按察使楊振麟為陝西布政使山東督糧道張祥河為河南按察使○以雲南龍陵協副將台湧為陝西西安鎮總兵官展緩山西山陰縣歉收村莊新舊額賦○辛巳諭內閣禮部奏各省辦理重赴鹿鳴筵宴咨奏兩歧一摺恭查嘉慶二十一年奉有

清 實 錄 道光十七年五月

諭旨除三品以上大員仍准專摺奏請與宴外其四品以下者俱著該督撫咨報禮部准令與宴等因欽此業經該部纂入科場條例通行各省在案前據色卜星額奏安徽泗州學正萬保廷並非三品大員何以該撫仍專摺奏請色卜星額著交部察議嗣後各直省督撫著仍遵照舊定章程辦理以杜紛歧而昭畫一○諭軍機大臣等本日據孟魁奏巧援前例以飾己非一摺並將乾隆年間存例原

實錄卷一百九十七

稿另封呈覽前據蘇勒芳阿奏官兵攤墊庫項與孟魁奏任意妄行剋扣兵餉各摺當降旨著寶興會同鄧廷楨查明究辦此次孟魁所奏各情節著寶興等一併歸案查訊務期水落石出以成信讞原摺暨原稿著一併發給閱看將此各諭令知之○兩廣總督鄧廷楨奏越南沿邊情形得旨嚴密巡防斷不可貪功滋事○癸未諭軍機大臣等本日據都察院奏安徽泗州監生韓建旗以侵帑累民

六〇五

工程不實等詞具控已明降諭旨交朱士彥審訊矣。此案該監生所控該州興挑灘河借帑二萬七千餘兩被工房李萬青委員趙佩等偷減工程實用銀六千餘兩餘銀二萬餘兩概行侵蝕屢經上控並未訊明追繳現在仍係攤徵等語案關地方官吏侵帑累民如果屬實大干法紀不可不徹底根究著朱士彥到彼即親提李萬青等暨該故員家屬並全案人證卷宗秉公審訊務期水落石出以

宣宗實錄卷一百九十七

十

成信識原摺鈔給閱看將此諭令知之○又諭本日據南豐縣監生盧祖耀以誣財占妾等詞赴都察院衙門具控已明降諭旨交該撫親提審訊矣據該監生呈稱前署臨川縣知縣黃濬囑令門丁書吏等兩次誣借伊銀八千餘兩並強占伊妾張氏歷控各衙門案懸七載並未提齊人證質訊究辦等語案關地方官倚勢欺凌如果屬實大干法紀必應徹底根究以儆官邪裕泰甫經蒞任無所用

其回護該撫惟當虛衷確查秉公審訊並迅即移咨該革員原籍提解來江逐一質訊務得確情不得因黃濬業經另案叅革並盧祖耀控案業已奏結稍存諱飾遷就了事致有不實不盡原摺著鈔給閱看將此諭令知之○尋奏已革知縣黃濬借貸盧祖耀錢文九千餘串復收其婢女為妾雖無誣占情事實屬卑鄙不堪應請發往新疆充當苦差為不守官箴者戒盧祖耀誣輕為重任意污蔑應發

宣宗實錄卷一百九十七

十一

附近充軍下部議從之○又諭御史胡長庚奏請責成地方官勸課農桑一摺據稱山東省地瘠民貧宜開衣食之原以收樂利之效該省地宜蠶桑應行設局教勸鑿井灌田不減南方溝塘之利廣種雜糧蔬菜亦可備荒下游被水之區及山河岸坡等處可種蘆葦箕柳麻菜之類民無恆產者勸令大戶給田課租其登萊青各郡山多之處應令民間分別種植樹木等語著經額布即將摺內所指

各條確切查詢體察地方情形是否可行據實妥議具奏原摺著鈔給閱看將此諭令知之尋奏登萊青屬多山其平行處間有種桑而飼養野蠶別有一種梓櫟樹亦名櫟葉將蠶放置樹間收繭取絲獲利甚廣自應順俗所尚其餘各府州民向勤蠶桑現飭廣行栽植至鑿井灌田一條查濟水發源於沈東流為濟未能通省皆有即泉脈所經沙土鬆浮隨掘隨卸必用輓石圍砌方免堙塞一井需

實錄卷百九十七

十三

制錢數十千力難興舉請毋庸議又原奏廣種雜糧蔬菜查東省地土瘠弱除沙礮不毛外小民計及鎔銖並無曠閒之地即無曠閒之時未便改易舊章致涉勉強又原奏積水之處宜種蘆葦菱藕並可養魚查東郡登萊青濱海環山山水從下游入海無可蓄水之處西郡臨近運河工程緊要恐礙緯道他如汶水所經每虞漲溢方且設法疏洩無暇蓄水養魚凡有可以種植網釣處所久已爭先

恐後又原奏大戶酌給貧民地畝耕種查東省業田之戶或召佃承種或短雇耕鋤向皆自行揀擇應聽其便又原奏登萊青三府勸令種樹查東省山岡甚多類皆沙石樹根不能蟠固現勸諭廣為栽種即不能合抱成材亦可伐取代薪所有農田水利裨益民生者諄飭各屬實力奉行得旨認真辦理務收實效不可有名無實也 旌表守正捐軀直隸永年縣民教阜成妻侯氏 甲申調山西布政使陳繼昌為直隸布政使直隸布政使張澧中為山西布政使 乙酉

實錄卷百九十七

十四

上詣綺春園問

皇太后安○諭內閣鍾祥等奏籌議海防章程一摺均著照所議辦理閩浙洋面極為遼闊匪類最易潛藏向來外洋失事陸路文武恃無處分往往妄分畛域意存觀望嗣後著責成沿海鎮道督飭陸路員弁協同緝辦務期有犯必懲儻有洋匪在岸潛藏不能破獲即

將水陸各員升一體奏參分別議處至水師合巡原為箝制稽查起見如有藉口風潮不利隨處寄旋遷延者一經查出即酌按玩誤軍法之例從重參辦毋稍寬縱自此次明定章程以後該督等惟當嚴飭所屬實力實心認真巡緝不得日久生懈視為具文以靖海疆而戢兇暴○丙戌諭軍機大臣等有人奏福建上四府向有雙刀鐵尺等會名目近年復有三點會結黨聚眾其勢尤熾其習教傳

宣宗實錄卷二十九

五

徒有舉手不離三開口不離本暗號該省毗連之浙江江西廣東各省地方匪徒眾多肆無忌憚地方官欲行查拏奈各營兵役中多有匪黨先與通信以致頭目聞風遠遁等語匪徒聚眾結會煽惑愚民最為風俗人心之害全在地方文武各官隨時體訪有犯必懲庶可消患未萌不至釀成巨案著該督撫等將摺內所指各情節悉心妥議嚴飭各該地方官認真查察儻有前項匪徒立即嚴拏究

辦不得任其此拏彼竄日久蔓延亦不許徇縱胥役人等藉端滋擾以戢奸宄而靖閭閻原摺著鈔給閱看將此各諭令知之○以翰林院編修黃琮為廣東鄉試正考官戶部主事蘇應珂為副考官翰林院編修劉淶為廣西鄉試正考官史佩瑄為副考官侍讀學士倭仁為福建鄉試正考官編修張廷選為副考官○丁亥諭內閣德興奏查明

宣宗實錄卷二十九

五

西陵各衙門額設筆帖式請照吏部議覆

東陵之案裁撤二十六員仍留二員足資當差

著照所議辦理惟

東陵

西陵筆帖式繕寫祝版職司甚為緊要今各留二員自當責成敬謹辦理但該二員中或同時俱有事故是否不致草率貽誤著容照德興妥議章程具奏○又諭前降旨飭令陶澍實心籌辦鹽務茲據奏稱查明現在奏銷不誤庫內暫貯銀兩足供正撥之需商情罷勉

尚有起色等語。辦理鹽務全在轉運暢銷。杜絕漏私之弊。至楚省與兩淮本屬一氣相通。林則徐曾署兩江總督。其於驍務轉運交關之處。熟悉情形。現經酌定道里遠近限期。由水販交付鹽行。送局齎道。不准由州縣催繳。可免需索留難。辦理甚為合宜。其場岸鄰近梟私。仍著不分畛域。飭令文武員弁扼要巡查。該督隨時稽覈功過。以示勸懲。此外催徵催運各事宜。陶澍惟當督同運司實力整頓。

實錄卷一百九十七

六

以冀日有起色。方為不負委任。至前次奏摺內有誤寫字樣。自請交部察議之處。著加恩寬免。○以疏濬江蘇蘇州、松江、太倉三府州河道出力。予同知周岱齡等加銜升補議敘有差。○戊子。以陝西延綏鎮總兵官郭繼昌為廣東陸路提督。直隸三屯協副將趙龍田為延綏鎮總兵官。○予故廣東陸路提督曾勝祭葬。謚勤勇。○己丑。遣官祭

關帝廟。○庚寅。命前任駐藏幫辦大臣徐銀

以二品頂帶休致。○壬辰

上詣綺春園問

皇太后安。○癸巳

上詣

大高殿行禮。○還宮。○以夏至祭

地於

方澤。自是日始齋戒三日。○甲午。諭軍機大臣

等據御史黃樂之奏。山東利津縣鐵門關地

方為通津要地。向有稅關。現在船增稅長。率

實錄卷一百九十七

七

將稅額盈餘銀兩為官吏私規。殊非慎重錢糧之道。等語。著經額布即照摺內所指情形確切查明。據實具奏。原摺著鈔給閱看。將此諭令知之。尋奏查明鐵門關稅款並無官吏侵蝕。徵多報少情弊。報聞。○考試應開列試差二品以下京堂各官於上書房。乙未。諭內閣御史袁文祥奏。私鹽充斥。請設法清釐一摺。各省鹽引滯銷。由於私販日多。或弁兵遇有鹽梟。未能實力捕拏。或兵役得賄縱私

不行阻止鄰私由是充斥而官引因以難行又商人於正引外帶有私鹽先儘私鹽賣竣而後及正引私販私帶之鹽皆出於場窰緝私而不究私所自出則弊源未遏安望鹽務日有起色著管理鹽務各省督撫鹽政嚴飭所屬務於場窰所在設法認真稽查所出之鹽毋使以多報少通同隱漏庶餘鹽不致泛溢四出即正引之鹽亦不致為私帶所積壓其如何酌定章程實力奉行可收實效之處該督撫鹽政等著各就現在情形悉心妥議具奏將此通諭知之○丙申夏至祭地於方澤上親詣行禮○幸圓明園○詣綺春園問皇太后安○諭內閣票毓美奏試辦甄工確有成效請豫提銀款先事籌辦一摺河南省黃沁各工收買民甄拋壩攔護化險為平屢著成效該河督請撥銀兩先期籌辦著照所請

准其於戊戌年春伏兩汛例撥備防銀三十萬兩內由河南藩庫豫提銀十萬兩分派各廳多添窯座先時燒造惟甄料體質堅鬆迥異必須工料堅實方能經久該河督務當先期飭知廳員認真監造臨時該河督親往驗收儻有草率偷減等弊即行嚴叅懲辦其所提銀款著與歲稽麻石統歸來年報銷該部知道○丁酉諭軍機大臣等山東登州鎮總兵兼轄水師有稽查海口之責職司最關緊要前降旨著富桑阿補授該員到任後著經額布隨時留心察看該員訓練操防能否認真果否能勝總兵之任據實具奏毋稍徇隱將此諭令知之尋奏察看該鎮精神周到人亦練達聆其言論曉暢營務自係勵志戎政之員報聞○戊戌以翰林院編修喻增高為湖南鄉試正考官汪元方為副考官編修陶恩培為四川鄉試正考官吏部主事慶祺為副考官○己亥

孝恭仁皇后忌辰遣官祭

景陵○諭軍機大臣等本日已明降諭旨將劉耀椿調補安慶府知府所遺潁州府員缺即以徐思莊補授惟潁州民俗强悍地當衝繁治理頗為不易該員係翰林出身初膺外任著陶澍色卜星額於該員到任後察看情形是否能勝此任據實具奏將此各諭令知之尋奏徐思莊到任三月勤慎小心辦事具有條理察看現在情形於潁州地方足以勝任

實錄卷一百九十七

主

報聞○又諭本日步軍統領衙門奏山東德州民人王進忠控案已明降諭旨著經額布審辦矣愚民聚眾斂錢設立教會名目最為風俗人心之害且山東地方邪教之案屢經懲辦未淨根株尤不可不嚴加整頓此案王進忠所控劉錫元等設立白蓮教又名天理教是否屬實著經額布認真查辦毋得稍有不實不盡致貽後患原摺著鈔給閱看將此諭令知之尋奏劉錫元等並無設立邪教情

清 實 錄 道光十七年五月

事王進忠合依誣告律擬杖流下部議從之○禮部議准山東巡撫經額布疏報採訪高唐州節烈婦黃白氏等二百一十口請建總坊旌表從之○庚子諭內閣前據魏元烺奏應賠關稅銀兩因款項並集請展限完繳當交戶部議奏茲據該部查明該撫前代胞兄魏元煜賠繳銀兩已於道光十三年九月內扣清其本任關稅賠項係由十四年七月起限前後兩案並非同時著追該撫身任巡撫

實錄卷一百九十七

主

大員自應遵照奏定章程依限清繳何得率以兩項並集未能一時繳楚為詞遽請展限殊屬含混取巧魏元煜著交部議處所有該撫應賠銀兩著即遵照奏定限期全數完繳毋得延緩干咎○辛丑諭內閣考試為掄才大典無論何項考試總宜場規嚴肅方能遴拔真才遇有作奸犯科等弊一經查出自應密速拘拏嚴行懲辦此案提調官順天府治中資鎮衡於童生雯錦冒考經參領指出槍

六一

替未能立時拘拏以致乘間逃逸非尋常疏於防範可比資鎮衡著降一級留任不准抵銷嗣後關涉科場處分無論大小官員俱著吏部照例議處專摺具奏將應否准其抵銷之處聲明請旨毋庸具題以昭慎重○江西巡撫裕泰奏通飭各營精練弓刀火器得旨武備必當加意講求弓力當強火藥當烈乃是正本之論而準頭尤為要務認真訓練以收實用勉力行之○壬寅諭內閣林則徐奏

宣統元年八月

宣

銅鉛船隻夾帶私鹽請將運員總兵分別議處一摺所奏甚是滇黔銅鉛向由川船裝載藉差夾帶私鹽為弊滋甚前降諭旨飭令經由卡隘認真查驗有犯即懲原所以杜私衛引整飭緝網茲據該督查明雲南委員署大關同知彭衍輝領運銅船並不攏卡經兵役等追獲私鹽貴州委員龍泉縣知縣童翼船不泊岸順流直下追赴下游就彼驗放該運員於船戶冒越避查均有失察之咎彭衍輝

童翼俱著交部分別議處護宜昌鎮總兵倭仁布並不遵照前奉諭旨親督卡運各員實力查驗迨該船不聽探查僅以趕往截驗一語含糊具稟顯係意存遷就倭仁布著交部議處此次議處各員著該部專摺具奏至銅鉛船隻夾帶川省私鹽最為淮網之害著四川總督督飭夔州府於各船過關查稅之便務將所帶私鹽一併認真查起並嚴飭瀘州鄧都忠州雲陽巫山各州縣隨時隨地加意

宣統元年八月

宣

稽查儻該處場店膽敢將川鹽賣給船戶一經查出即行嚴拏按律懲治毋稍徇縱該督等惟當以公事為重不分畛域實力稽查務期買私諸弊一律肅清庶於鹽務銅運兩無妨礙如敢意存膜視任聽私販充斥再經楚省探獲除將失察透私之州縣及縱漏之夔關照例查參議處外定將該督一併懲處決不寬貸○旌表守正被戕奉天鐵嶺縣民任傑妻張氏○癸卯

上詣綺春園問

皇太后安○諭軍機大臣等據都察院奏河南光州職員陳玉書等以違例勒派舞弊浮收等詞赴該衙門具控已明降諭旨交該尚書審訊矣各省州縣於應行買補倉穀年分自應遵照定例發價採買何得任意勒派致令書吏人等串通需索若如該職員等所控光州倉總繆廷柱等串同蠹役按糧派買四年之內連派三次民不堪命且倉仍空虛不知

實錄卷二百九十七

高

穀歸何處是該州朘削病民虛實均應徹底根究著朱士彥於查辦江南安徽事件完竣後馳赴該省即將摺內所指各情節逐一確查秉公審辦毋得稍有諱飾以副委任原摺著鈔給閱看將此諭令知之尋奏訊明繆廷柱等並無匿災苛派情弊惟曾私收花戶餘穀地保等亦因代完倉穀折收錢文均按律問擬杖徒陳玉書等所控不盡無因應於告重事不實發邊遠充軍律上減等杖一百徒

三年下部議從之○修浙江東西兩塘柴埽各工從巡撫烏爾恭額請也○甲辰

上御勤政殿聽政○以通政使司副使那斯洪阿為內閣學士兼禮部侍郎銜光祿寺卿成剛為大理寺卿詹事府少詹事松峻為詹事候補三品京堂琦琛為太僕寺卿○賞借定郡王載銓俸銀三萬兩自置瑩地○乙巳諭內閣前據容照奏請賞銀兩生息以資書院膏火當交該衙門議奏茲據禧恩等查明議

實錄卷二百九十七

五

准具奏朕思

陵寢重地設立總兵所屬員弁人等總以守護陵寢承應一切差使為要務苟有餘暇自應練習弓馬毋忘本業至設立書院作養人才乃係地方官應辦之事無須該總兵越俎代籌致荒本職所請著不准行○又諭御史陶士霖奏州縣虧空叅案多近遮飾請旨及時清理一摺州縣為親民之官倉庫錢糧皆其專責定例於實存數目每三月申報一次由該

管道府查覈加結造冊彙詳一有虧空立即揭叅追補是立法已為周詳曾屢經降旨飭各省大吏認真稽查無如日久視為具文漸生弛懈該叅員等在任之日本管道府毫無見聞平時礙於面情臨時曲為掩飾其所揭各員非已物故之人即係該員業由另案降革甚至寄頓隱匿查抄既無抵產攤賠亦託空言似此積習相沿倉庫錢糧盡歸無著其於民食國課關繫匪輕因思與其叅揭追補

宣統元年九月

五

於事後何若詳慎稽查於事先各該州縣於所司錢糧儻皆盡心綜覈不使絲毫短少該管上司又復按例嚴查不容侵虧懸宕則凡在任之員稍有虧缺情形立即飭令彌補整頓既易為力而不肖之員亦不致盈千累萬售其貪私若至事發過遲則追補之數愈多清繳之員愈少徒有查辦之名究無歸款之實嗣後各直省督撫務當平時嚴飭該藩司道府認真整頓詳細盤查稍有缺額即時勒

限追繳或該員等因循疲玩亦即叅辦總當於未離任之前各款均有著落不得於業經離任或叅革物故之後始撫拾入奏草率了事經此次諄諄訓諭儻仍蹈前轍以致倉庫懸虛無著朕惟各該省督撫是問勿謂言之不豫也懍之慎之將此通諭知之○諭軍機大臣等有人奏安徽廬州府屬地方有巢湖亦名焦湖沿湖一帶多高山素為匪徒出沒之所近有鹽梟回匪聚集數百人居民俱被

宣統元年九月

五

騷擾等語安徽廬州等處匪徒為害地方肆無忌憚不可不嚴行懲辦著色卜星額即派明幹大員逐案按名查拏務淨根株以靖地方而儆頑梗儻稍涉顛頑或書役洩漏送信致令兇徒漏網貽患將來該撫不能辭咎也至民間私造軍器久干例禁著嚴行查禁毋得視為具文原摺著鈔給閱看將此諭令知之尋奏廬州府屬之巢湖匪徒易於匿跡密傳緝捕勤能之員按址查拏數月以來報獲

匪犯熊萬沅等十一名又據緝私委員報獲鹽犯李春揚等三十二名起獲私鹽一萬五千餘斤及雙刀苗刀等項器械已先後解省發審從嚴追究不使漏網貽患將來至民間製造軍器一面查禁一面給價收繳如此溯源截流嚴督屬吏行之以實持之以久則澆風可期漸息從之○又諭有人奏河南南陽府鄧州所屬黃岡等處地方各有匪頭開設窩子等語河南南汝光等處向有捻匪名目

實錄卷一百九十七

元

奕紀署工部尚書○丙午諭內閣本日申啟賢奏請將被控定襄縣知縣黃旭解任提省親訊已降旨令其審辦矣因思各直省設立州縣原期為民興利除弊果能勤恤民隱潔己奉公該民人等自必同深愛戴何至上控紛紛其間刁健訟亦所常有該督撫果能親提嚴訊查係民人誣控即從嚴懲辦以儆刁風或該州縣貪黷營私審斷失實亦即據實叅劾予以應得之罪以服衆心乃近來各省控案該督撫等每批飭屬員審訊甚或批回本府本州辦理並不親為審辦以致徇情枉斷將就了結羣疑衆謗京控不休殊非實心任事之道嗣後各直省督撫於民人控告官吏之案務當親提嚴鞫以申啟賢為法要使是非曲直昭然共曉並可於申冤理枉之中隱寓摘伏懲奸之意總之各該督撫深荷委任察吏安民是其本分若事事諉之屬員又安用此大吏為耶諸臣其各振刷精神盡

實錄卷一百九十七

元

心職守以無負朕諄諄訓誡至意將此通諭知之○又諭前因御史帥方蔚奏浙江石浦同知鄧廷彩盤踞省垣久曠職守以致南田禁山未能封禁當降旨交朱士彥查明據實具奏茲據查明南田禁山每年冬令燒荒並無數尺之樹無從搭蓋寮棚舊有廟宇亦已坍塌無存實無居人不啻闌閑之事即閒有偷割荒草民人近者枷責遠者遞籍查禁尚為嚴密石浦同知鄧廷彩由知縣題升於道光四年到任節經委署知府七次卸事後即回本任並無逗留省城夤緣鑽刺情事密訪各署任內聲名尚好均無物議石浦同知鄧廷彩著毋庸議○以睿親王仁壽署鑲紅旗蒙古都統○賞休致前任駐藏幫辦大臣徐錕二品全俸

實錄卷二百九十七

辛

實錄卷二百九十七

壬

大清宣宗效天符運立中體正至文聖武智勇仁慈儉勤孝敏成皇帝實錄卷之二百九十七

[illegible]

道光十七年丁酉六月丁未朔

上幸靜明園詣

龍神廟拈香。○諭內閣前因鐵麟等奏橋倉抽掣糧米與舊例不符等語當降旨交戶部議奏旋經戶部酌中定議茲據該侍郎等奏稱本年全漕米數較多抵通較晚回空例有定限若抽掣袋數加增恐致耽延貽誤部議二十五袋抽掣一袋之處仍屬礙難遵行自係實在情形嗣後橋倉運米著准其遵照會典每米五十袋抽掣一袋以速轉運而昭覈

並飭地方官多雇船隻以備軍船隨處起剝。務令銜尾前進。不准再有遲延。致誤重運。○以都察院左都御史奎照署管理欽天監事。○戶部左侍郎文慶署管理咸安宮官學事。○戊申旌表守正捐軀河南固始縣民周曰澄妹周氏。○己酉諭內閣。前據御史帥方蔚奏赤峯縣散役約計不下千餘人。勒詐婪贓。請行查禁。當降旨交耆英查明裁汰。茲據該都統派員赴縣密訪。縣役數目尚不至千餘名。

之多。亦無倚勢擾害情事。惟所設散役尚有
一百十三名。按照從前奏定章程。逾額三十
三名。現已飭行裁汰。並嚴飭留心稽查。不得
稍事姑容。嗣後熱河所屬州縣。務當查照奏
定章程。責成該管道府。嚴行飭查。無論地方
之大小。州縣之繁簡。散役總不得過八十名
之限。儻有逾額。悉行裁汰。仍於每年年終。造
具花名總冊。加具州縣印結。申送都統衙門
存案。以備稽查。經此次通飭之後。如再有濫

增散役者。一經查出。或別經發覺。即將該州
縣及失察之該管道府各員。一併據實嚴叅。
無許稍事瞻徇。自干咎戾。又諭耆英奏訪
查木蘭圍場情形。一摺。熱河圍場地方。安設
大小撥多處。原期聲勢聯絡。認真巡察。何以
偷牲砍木之案層見疊出。據該都統訪查。或
以為安設撥子甚屬得力。或以為徒滋流弊。
究竟有無裨益。著派色伯克多爾濟及瑪哈
巴拉之子錫林達瓦。於秋季會同該總管詳

細巡查。悉心妥議具奏。○諭軍機大臣等。鄧
廷楨等奏查明廣東地方積弊。籌議辦理章
程。開單呈覽。朕詳加披閱。所議各條。尚屬周
妥。俱著照所議辦理。惟紋銀出洋實為東南
一大漏卮。紋銀之出。即為鴉片之所從入。視
以銀易貨之害。為尤大。節經該督等派委員
弁先後拏獲匪犯陳亞二、丁亞三等。起獲走
私船隻。洋紋銀兩。奏明懲辦。可見奸徒詭秘
情偽百端。現在查拏認真。自覺暫為斂跡。若

稍形鬆懈。難保不肆行偷漏。仍蹈前轍。著該
督等乘此辦理。稍有頭緒之時。加意整頓。嚴
飭各該文武員弁。於關隘緊要地方。往來巡
查。嚴密購緝。有犯必懲。久而勿懈。務使中國
財力不致為外夷所耗。方為不負委任。將此
諭知鄧廷楨、祁頊。並傳諭文祥知之。○庚戌
諭內閣。御史張秉德奏。勤理詞訟。一摺。五城
步軍統領衙門。審理訟案。各有應盡之責。向
例徒罪以上。方准送部。近來送部各案。往往

係細故輕罪。飾詞咨送。以圖推却省事。及至部訊後。多係笞杖罪名。仍發回原衙門審辦。往返咨行。殊形拖累。嗣後著遵照定例。凡遇罪止笞杖案件。俱自行審理。速結不得違例。概行送部。以專責成。至五城御史坐城五日一次。為期過寬。其應如何酌定日期。俾案無積壓之處。著都察院堂官議奏。○又諭。前因野馬川地方。與大通河迤南邊外野番較近。防守宜嚴。降旨令瑚松額於周悅勝到任後。

會商妥辦。茲據該督議將河北坡岸立柵把守。並於山崖量設墩卡。酌派兵弁。及將各營廠馬歸併。牧兵分半護羣。均著照所議辦理。其緝捕受傷之署。遊擊周進保著以應升之缺升用。把總潘國祥著以千總升補。該督仍當飭屬設法偵緝正賊。務獲究辦。該部知道。○又諭。齊慎奏。腿傷復發。懇請賞假一摺。四川提督統轄全省營務。最關緊要。齊慎操守清廉。訓練認真。朕所深知。是以將伊調補四

川提督用。資委任。茲該提督因腿疾復發。懇請賞假數日。調治齊慎著毋庸限。以假期即於途次安心調理。准其緩程赴任。以示體恤。○諭。軍機大臣等。前因有人奏。浙江溫州改行票鹽。引增百倍。嗣因該商等意圖阻撓。競造浮言。該撫奏請將試辦之知府撤任革審。請旨查辦。當有旨諭令鍾祥妥議具奏。矣。本日復有人奏。兩浙鹽務辦理未盡妥善。恐致日益疲壞。並將該省現辦情形。臚陳各款。著

鍾祥即將摺內所指各情節。逐加體訪。是否屬實。仍遵前降諭旨。或遴派明幹道府大員前往確查。儻必須該督親往查辦。方能得實。著即俟一半年間。該督有赴浙之便。再行親往按款查察。據實具奏。原摺著鈔給閱看。將此諭令知之。○辛亥。

上詣綺春園問

皇太后安。○諭內閣。御史朱成烈奏。銀價昂貴。流弊日深。請飭查辦一摺。所奏甚是。銀錢價

值兩得其平方於國計民生均無窒礙近來錢價日賤自係紋銀不足所致推原其故固由於風俗奢侈耗於內地而禁煙一物貽害尤甚耗銀尤多若如所奏廣東海口每歲出銀至三千餘萬福建浙江江蘇各海口出銀不下千萬天津海口出銀亦二千餘萬一入外夷不與中國流通又何怪銀之日短錢之日賤也前據鄧廷楨奏拏獲出洋紋銀業有旨將出力各員弁量加鼓勵並准其將所獲

之銀全數充賞惟所拏之數尚不及百分之一且此等奸民情變百出難保不因廣東查拏甚緊遂暗與浙閩諸處交通巧為透漏是一處之撙拏不足戒眾奸之偷越著直隸山東江蘇浙江福建廣東各省督撫並海口各監督嚴飭所屬文武員弁統於沿海要隘處所隨時隨地認真稽查遇有出洋快蟹等船務當實力巡查儻敢裝載紋銀妄冀偷漏出洋立即設法截拏按律懲辦毋稍輕縱除將

探獲銀兩全數分別充賞外並著查明實在出力各員弁據實保奏請旨鼓勵如有疏縱亦即嚴叅懲辦該督撫受恩深重具有天良當思紋銀出洋於國計民生大有關係惟當同心協力不分畛域處處堵緝周密即有奸民何從施其伎倆若經此次諄諭之後仍復奉行不力致有奸民吏胥包庇私運出洋不行查拏者別經發覺不特將沿海各員弁從重治罪定將該督撫等嚴行懲處決不寬貸

勿謂誥誡之不豫也○又諭御史劉夢蘭奏外省綠營兵丁多染吸食鴉片習氣請飭查辦等語國家設立營伍訓練兵丁原期悉成勁旅巡防禦侮方能得力道光十二年間連州徭匪滋事一案因兵丁吸食鴉片煙臨事不能得力降旨將李鴻賓劉榮慶革職發遣用昭炯戒若如該御史所奏近來各省兵丁多染此習積重難返虛糜糧餉是此風尚未盡戢若不嚴行查禁何以肅營務而勵戎行

著各直省督撫提鎮振刷精神加意整飭申明律令嚴行訪拏該兵丁等有犯此弊者即著按名裁革照律懲辦各營員弁如有染此習氣者亦著嚴行叅辦毋稍徇縱務使營伍肅清一兵得一兵之用方為無忝厥職儻視為其文不肯認真查禁致兵丁疲弱不能得力李鴻賓等即其前車之鑒朕惟知執法從事不能曲為寬貸也將此通諭知之○又諭裕泰奏訪獲夾帶私鹽嚴審究辦一摺兩淮

鹽務疲敝總由鄰私侵占查緝未周各省督撫原當不分畛域一體嚴拏庶鹽務日有起色現據裕泰通飭各屬實力查辦訪獲浙江奸民藉販醃菜夾帶私鹽至十六萬一千餘斤之多查辦甚屬認真可嘉之至所有行戶謝元亨等著烏爾恭額飭屬嚴拘務獲解往江西歸案審辦無任脫逃至浙商販運醃菜所帶護鹽例由運司頒給聯票並著烏爾恭額轉飭運司嗣後務當遵照舊章頒給聯票

無任再有夾帶弊混以淨私梟而肅釅政○以訪拏私鹽出力予江西知府張寅等升敘有差○壬子諭內閣給事中沈鏞奏請嚴禁各門稅口藉端需索擾累一摺各城門稅口應稅貨物自有一定則例此外不准絲毫藉端需索若如該給事中所奏近來各門稅口於尋常行李任意勒索錢文更有不肖營兵及無賴匪徒冒充差役攔阻訛詐實為行旅之害而右安門為尤甚似此擾累不可不嚴

行查辦若僅交該監督及步軍統領衙門查究並責成該都司查拏恐層層蒙蔽仍不免有名無實崇文門總局本派有御史二員專司稽查其內外十三門稅口巡城各科道本有稽查之責嗣後著即責成該城科道分段認真密訪嚴查儻有前項情弊即時奏奏嚴加懲辦以肅門禁而安行旅○又諭昨因沿海各口岸紋銀出洋於國計民生關係匪細已降旨嚴飭沿海各督撫認真查辦該督撫

等均受朕厚恩自必共矢忠勤力加整頓但思錮習已久非破格示以勸懲驟難挽回嗣後如該督撫等仍視為具文並不實力查辦必當從嚴懲處其沿海文武員弁巡緝不力甚至書役包庇奸民勾串仍有偷漏即著該督撫嚴叅加等治罪如海口文武員弁果能實力堵緝或連獲數起或破除巨案即著該督撫據實保奏朕必施恩破格升用以示獎勵自此次諄諭之後該督撫等其各竭誠體

國務絕弊源勉副朕力挽頹風至意○貸江蘇淮安大河二衛上年被水屯丁籽種○癸丑諭內閣訥爾經額奏籌議查拏會匪飭行練團章程一摺朕詳加披閱所議尚屬周密惟立法貴行久遠不可漸形弛懈據該撫察訪永川桂陽等處與粵省接壤之區匪徒出沒現在立定練團章程人民稱便地方頗為安靜其餘州縣亦著督飭照辦該撫務當擇委緝捕認真之員分赴各州縣幫同實力練

團嚴拏著名匪眾務獲究辦該管官弁如果實力奉行能隨時獲犯所有歷任失察處分奏明量予寬免至拏獲會匪除罪應斬絞首犯解省審辦外餘犯罪應遣軍流徒者著由該管道府分別勘轉僅擬枷杖者即由本州縣發落均免解省並責成永川鎮衛永道於每年冬令會同親赴各該地方嚴密查訪該牧令等能否實力奉行認真緝捕民徭果否安靜據實詳報督撫分別勸懲儻查報不實

即將該鎮道一併叅處至該匪徒等聞拏竄匿難保不潛擾鄰境著該督撫即通飭各府州督同所屬各牧令一律遵照保甲章程實力編查事竣責成該管巡道周密稽察如有虛應故事查辦不力者即行揭叅該道儻扶同隱飾著一併叅處務使練團與保甲相輔而行均收實效該督撫仍當隨時留心整頓不得徒託空言以致有名無實○甲寅山東巡撫經額布奏拏獲教匪馬平並嚴緝在逃

餘犯得旨。上緊查拏。雖非首逆。亦不可仍留。餘孽斷不准視為海捕。以前任廣州滿洲副都統倫忠署正黃旗漢軍副都統。乙卯諭內閣。鐵麟等奏接運雲南銅斤委員張組。綬稟報沈溺銅斤與四川總督咨覆兩歧。一摺。著戶部查明具奏。嗣後該運員等如有沈溺銅斤。著於抵通後。將沈溺處所地方官印結。在坐糧廳呈驗。如無印結。即著倉場侍郎奏請飭部傳詢。以免輾轉咨查致稽時日。即

自本年為始。著雲貴總督雲南巡撫一體遵照辦理。又諭奕額等奏請酌量鼓勵司員等語。據稱盛京五部司員別無升途。著自本年為始。每屆京察之年。所有該處五部郎中員外郎主事內。有連次保舉一等者。題覆到日。准其由該將軍副都統五部侍郎會同揀選二三員。出具切實考語。專摺具奏。並咨送吏部帶領引見。其餘一等人員仍著照例辦理。○閩浙總督鍾祥等議覆鴻臚寺少卿葉

紹本奏禁止械鬪章程一宣講

聖諭廣訓應於公所朔望講解外。就便於坐堂理事書院月課。及因公下鄉之便。廣為教導。一民間投遞初呈。即當公勤詰訊。未結舊案。編順年月分期提審。一漳泉民風重財輕命。須嚴禁誣累據實反坐。一械鬪各犯多以祠租供其費用。吏胥圖利串唆。應嚴行懲辦。得旨依議。認真辦理。又奏緝獲洋盜已未辦結名數。批查緝甚屬認真。斷不可疏懈。此等匪

類。若稍姑息。必致貽患將來也。丙辰以內閣學士吳其濬為浙江鄉試正考官。翰林院編修蕭良城為副考官。內閣學士那斯洪阿為江西鄉試正考官。翰林院編修武新亨為副考官。侍講賈楨為湖北鄉試正考官。編修李思慶為副考官。○以噶勒丹錫呼圖薩瑪第巴克什總理藏內事務。賞賚如例。禮部議准貴州巡撫賀長齡疏。報採訪松桃廳節婦周向氏等四十五口。請建總坊旌表。從之。

○修浙江上虞縣王家壩柴塘從巡撫烏爾恭額請也○丁巳

上詣綺春園問

皇太后安○以故琉球國王尚灝世子育襲爵命翰林院修撰林鴻年為正使編修高人鑑為副使往封○撥江南南陵蕪湖東臺興化四縣漕米四千六十石有奇抵放幫丁行月等米○戊午諭軍機大臣等前因沿海各口岸紋銀出洋於國計民生大有關係疊經降

旨令各省督撫認真查辦矣本日復據給事中黎攀銀奏稱暎咭喇國有躉船十餘隻自道光元年起即入急水門至十三年遂由急水門改泊金星門鴉片之入口紋銀之出口特有躉船為通逃淵藪匪徒快蟹朝發夕至各處港汊可以偷越又審口奸商包兌包送該省洋貨鋪戶外假販買貨物為名陰以走私為業即與審戶無異等語外夷船隻停泊自有定所何以道光元年以前未聞私設躉

船近年則任其終歲在洋停泊以致奸民與之勾通任意偷漏著責成該督等嚴飭洋商傳諭該國坐地夷人勒令寄泊躉船盡行歸國無許託故逗留並確查審口巢穴所在悉數按治毋稍姑息以塞弊源而挽頽風原摺著鈔給閱看將此諭知鄧廷楨祁墳並傳諭文祥知之○己未以廣州滿洲副都統佈勒亨為江寧將軍調鑲黃旗漢軍副都統奕相為廣州滿洲副都統○予故江寧將軍巴哈布祭葬諡勤勇○庚申以正白旗參領于兆祥為鑲黃旗漢軍副都統○辛酉粵海關監督文祥奏謝期滿留任恩得旨禁止紋銀出洋一事雖非汝一人之力所能然既會議會辦亦當竭盡心力總以國計民生為念斷不可視作泛常也勉之○壬戌諭內閣宗人府奏申明舊例約束宗室一摺朕因宗室人等往往以不干己事藉端具控於道光九年間令軍機大臣會同宗人府刑部酌議條例永

遠遵行並由宗人府刊刷條例通傳遠近各族宗室覺羅及八旗滿洲旗分各行步軍統領衙門出示曉諭務令周知朕保全宗支教養兼施之意至為深切凡屬天潢自應皆知自愛無如日久因循未除積習茲據惇親王綿愷等公同覈議擇其簡明易曉者詳加酌定俾革非心著照所議嗣後凡遇宗室控告倉庫案件不論是否曲直有無情弊概置不問亦毋庸會部以免拖累該衙門即將該宗

室問以不應為而為遵照道光九年所定條例按律擬罪如有素不安分兼有綽號黃姓趙姓者該管親郡王等酌量責懲並究明引誘慫恿之人嚴行懲辦如係該宗室挾嫌妄供審明後加倍重責如審明實係引誘為非之人即將該宗室應行重責之處覈其情節輕重酌量辦理其賭博鬪毆地畝案件並被倉庫差役及商賈人等控告照例應會部者仍會部辦理應由該衙門自行查辦者照例

查辦若該宗室控告倉庫舞弊以及錢鋪小錢凡不干己事稍涉訛詐不遂藉端起釁等情無論何處控告但將該宗室送交宗人府按此次新定章程自行懲辦若罪應發遣亦由該衙門奏請奉旨後先行重責四十板再由兵部起解被告之人均毋庸傳訊以息訟端經此次新定簡明章程之後該管王等務當實力整頓挽回陋習並刊刷疊次所降諭旨及該衙門會議條例並現在新定章程每

年按季會同步軍統領衙門出示曉諭務令八旗各族宗室覺羅以及旗民人等家喻戶曉儻日久視為具文惟該管王等是問並著載入則例咨照刑部都察院步軍統領衙門一體遵行（命都察院左都御史奎熙戶部左侍郎文慶在軍機大臣上學習行走）癸亥諭內閣容照奏查明東陵各衙門額設筆帖式遵擬章程一摺著照所請嗣後繕寫祝版差使准其於實缺候補

筆帖式二十二員內擇其字畫端楷當差敬慎者揀選正副十員併與承辦衙門筆帖式二員一體責成遵辦屆時令該員等前赴各該禮部敬謹繕寫該大臣仍由禮部內閣防衙門揀派司官各一員敬謹監視前期並著該大臣等詳細查閱不准稍有草率如有錯誤之處隨時奏明懲處其五內閣防衙門派出之筆帖式僕遇有升調事故即將該本衙門之筆帖式選擇字樣端楷者公同挑選充補至

西陵各衙門揀選筆帖式章程即著照此辦理以昭慎重而歸畫一○甲子

上詣綺春園問

皇太后安○諭內閣前據容照奏請將籌備庫地租錢文酌定易銀價值當交穆彰阿查議具奏茲據查明豐潤縣徵解籌備庫地租錢文向係按照時價易銀解交該總兵擬照嘉慶九年所議以制錢一千易銀一兩報解若

如所奏按照現在價值每兩實不敷制錢五六百文事屬難行此項地租著仍循照舊章按時價易銀儘數報解以昭公允所有該總兵奏請酌定易銀價值之處應毋庸議○禮部議准廣西巡撫梁章鉅疏報採訪興業縣節婦譚鄭氏等四口請建總坊旌表從之○朝鮮國使臣金賢根等三人於大紅橋瞻覲○乙丑諭軍機大臣等前據鐵麟等奏山東湖水微弱北河水勢亦不充足以致軍船節

節淺阻當有旨令直隸山東東河各督撫等迅速籌水濟運昨據經額布奏稱五月中下雨旬連得透雨汶衛並長浮送裕如此後曾否續經得雨水勢是否充餘尚未據該撫奏報本年南糧幫船為數較多現在固無虞阻滯而先事豫籌人力亦不可稍懈著該撫嚴飭所屬沿河各員等隨時體察情形悉心籌畫應疏濬者趕緊疏濬應起剝者趕緊起剝務使河水充足軍船跟接遄行無誤期限儘

意存玩忽不能設法經營將來回空漕船稍有阻滯朕惟該撫是問懷之慎之將此諭令知之○以故奉恩將軍祥瑞子繼常襲職○以吏部右侍郎隆文兼京營右翼總兵○丙寅以翰林院編修彭舒萼為陝西鄉試正考官蘇敬衡為副考官禮部右侍郎王植為江南鄉試正考官內閣學士柏葰為副考官○以拏獲盜犯多名予山西千總吳勇等升敘有差○丁卯諭內閣前因御史張秉德奏請

酌定御史坐城日期當交都察院議奏茲據奏稱五日坐城一次為期過寬嗣後著巡城各科道除報緊要事件立即赴城審辦外遇有別項差使祇准間一二日即行坐城如無別項差使仍常川到署辦事以清案牘並著都察院堂官隨時稽查儻有疏懈即行叅處○以故雲南蒙化廳屬土知府左長泰子廕曾襲職○禮部議准河南巡撫桂良疏報採訪正陽縣節烈婦戴鍾氏等十口請建總坊

旌表從之○戊辰諭內閣前據御史陶澐奏指官撞騙一案當交軍機大臣會同刑部堂官審訊嗣復添派奕經湯金釗會審此案御史陶澐周銘恩編修王清選等均係應行質訊之員前經潘世恩王鼎面奏周銘恩係潘世恩門生陶澐王清選係王鼎門生朕思此案尚未定讞潘世恩等經朕特派斷不敢以私廢公惟究係師生將來定案時外間私心揣度難免物議潘世恩王鼎著毋庸會審

成格現署翰林院掌院學士亦著毋庸會審朕綜理庶獄從無成見虛則虛實則實務求至是以昭平允奕經等惟當仰體朕意秉公研訊務得確情無負委任以內閣學士吳文鎔署禮部左侍郎己巳遣官祭火神廟○諭內閣祥康等奏查明雙城堡界外圍禁餘荒並三屯公所私墾地畝酌擬章程一摺向例雙城堡三屯官兵由盛京吉林兩省額缺內裁撥派往定於大封堆外展圍

荒地一段。遇有退差兵丁。每名擬給荒地八晌。作為恆產。其大封堆外圍禁開荒。係留備將來接濟京旗及本地屯丁之用。相沿已久。何以歷年經手各員。少園多報私墾之弊。顯然。茲據祥康等查明實在情形。並將派查含混具報之員。據實奏。所有原任協領。現以佐領告休之圖薩。並歷任失察之協領。佐領驍騎校等。均著交部查取職名。分別議處。至私墾地畝之官兵民人等。本應計晌找追花利。惟念該處甫經成熟。尚未收穫。著加恩。只將地畝追出。拋棄其花利一概免追。以示體恤。所有侵墾官員。著查取職名。送部議處。該兵民仍照例分別懲辦。經此次查辦之後。如再有私墾禁荒者。無論由官查出。或別經告發。官則分別降革。兵則革退錢糧。分別枷責。民則無論新陳。俱行遞回原籍。嚴加管束。並責成該副都統。每年秋穫之後。親往該堡封堆內外確查。加結咨報。該將軍亦著遇便親

往查勘。以杜侵占。而清弊源。○又諭前據蘇勒芳阿孟魁所奏各摺。並續虧庫銀一案。當降旨交寶興會同鄧廷楨查明。究辦。茲據寶興等查明。覽奏均悉。蘇勒芳阿於續經查出短少庫銀八百餘兩。自應徹底根究。奏明辦理。乃以為數無多。遂令協領等自為籌畫。致將不能指定是虧是借之款。率行攤扣俸餉歸款。現在銀兩實貯存庫。雖非剋扣入己。辦理實屬錯誤。此項錯扣銀兩。著蘇勒芳阿自行賠出。按名散還。仍交部議處。協領文達等於續短之項。並不詳細查明。率以攤扣俸餉擬請。又不切實。回明該副都統。咎實難辭。協領文達董明文達與阿董朝臣喀勒春。注旬劉景祥均著交部議處。至孟魁並未詳查冊檔。輒指為虧空。欲坐蘇勒芳阿以違例犯禁。機械掩飾重情。又復懸賞出示。招告其叅奏。蘇勒芳阿會審海明一案。因孟魁不肯會銜。蘇勒芳阿倫忠親到孟魁署內。央及再三務

求會銜咨結了事一節現已查明亦並無其事。孟魁任性乖張著一併交部議處即行開缺來京聽候部議。○協辦大學士琦善百日孝滿命署直隸總督。○調青州副都統英隆為廣州漢軍副都統以甘肅永昌協副將德珠布為青州副都統。○庚午諭內閣穆彰阿奏查明當商難以發銀生息一摺前據察哈爾都統樂善奏請撥發庫銀交商生息當交穆彰阿妥議具奏茲據該署督奏稱直隸口

北道屬各州縣應實無殷實商人所有此項銀兩著毋庸發交生息。○予因公淹斃安徽從九品謝鍾英祭葬卹廕並其子汝賢及家丁三名賞卹如例。○辛未

上詣綺春園問

皇太后安。○以拏獲積匪予江蘇知縣易卓梅升用。○壬申諭內閣本日朕恭閱

皇祖高宗純皇帝實錄內載查辦浙省虧空諭旨仰見

聖謨丕煥炳若日星屬在臣工允宜永遠遵守朕御極以來用人行政總求一實字方今各直省督撫及方面大員內貪黷營私者尚無其人而真能剔弊釐奸事事覈實者亦不多見大約自守廉謹則有餘而率屬嚴明則不足即如各州縣虧缺倉庫一節原當隨時據實分別懲辦方足以儆奸貪近來虧空各案層見疊出甚至盈千累萬罔知顧忌其中豈無侵吞官帑私飽囊橐之人何以一經查辦

輒稱因公那移將就了事顯係該督撫司道等不能破除情面因而設法彌縫為劣員卸罪地步涓涓不塞將成江河日後釀成巨案咎將誰執該督撫等豈能置身局外耶督撫大吏受恩深重各宜激發天良嗣後遇有虧空之案總當一秉至公認真確查其有性近奢華任意揮霍甚或私債累累擅動倉庫者但經查訪得實即行指名嚴叅按律究辦庶懲一警百俾不肖州縣羣知炯戒有所憚而

不敢為經此次諄諭之後該督撫等儻仍狃於積習一味因循祇知見好屬員竟置國家倉庫錢糧於不問則是有心狗庇甘蹈欺蒙將來別經發覺朕惟知執法從事不能倖邀寬典也懍之慎之將此通諭知之。又諭前據給事中沈鐸奏酌議海塘善後事宜一摺當降旨交烏爾恭額覈議具奏茲據該撫督飭司道各員逐條詳議所稱編種柳株雖不足以備工料而於塘後空隙處所亦可種植使之盤根入土以固塘基現在塘後坑窪均已一律填好近塘高處現種桑樹近河低處尚屬空閒著該撫督飭廳備飭令塘兵分段栽種每兵每年限種一百株三年覈計果能如數種活即酌量獎賞儻有違誤責革示儆務須認真經理無致有名無實餘俱著毋庸議○諭軍機大臣等據凱音布等奏馬邊廳地方有夷匪糾眾至附近夷巢之大魚孔小溝等處搶掠財物人口該汛弁等率領兵勇

堵禦先後槍斃夷匪二十餘人經該將軍等派委署戡邊營參將督標中軍副將唐永清酌帶兵丁並派署成都府本任敘州府知府謝興曉馳往查辦旋據該副將等查稟因阿什子家黑夷三和挾嫌聚眾與大烏拋家黑夷熟果打冤家路過大魚孔等處順便搶擄並有乏食窮夷乘機附和現又飛飭建昌鎮總兵張必祿酌帶漢屯官兵迅往督辦等語該夷匪等犬羊成性膽敢四散搶掠擾害良民尤惡殊甚自應從嚴懲辦以靖邊防著該督等即將滋事夷匪係何支何夷有無起釁別故一面確查具奏一面飭令張必祿迅即督同唐永清等相機勦辦固不可稍涉張皇尤不可因循貽誤務使夷匪震懾聲威永遠不敢滋事是為至要將此諭令知之○四川總督鄂山代前任河南巡撫楊國楨奏謝襲侯爵恩得旨覽奏不覺追念先臣英安雙鑠猶在目前致朕悼惜彌深也。癸酉諭內閣

訥爾經額奏拏獲從逆各犯究出首逆藍正
樽被鄉勇毆斃情形等語首逆藍正樽糾眾
滋事罪大惡極自應窮搜偏索以正刑誅茲
據該撫督飭委員拏獲從逆人犯鍾順二等
七名又史組發等八名訊據鍾順二供稱上
年二月初七日藍正樽改換衣服逃至城步
縣漆家灣地方被鄉勇漆國良等毆斃質之
隨同該逆行走之夥犯史組發易方德亦供
稱親見藍正樽被人截住毆打復據漆國良

等供明該逆衣服年貌並用石塊木棍將該
逆毆斃其剝存未燬屍衣並火鏟等物業據
逆屬辨認明確案關首逆存亡屍骨既難識
認逆屬供亦難憑仍著該撫嚴飭藩臬兩司
提到現獲各犯及鄉勇人等詳細推求根追
確實不准稍留罅漏致滋疏縱審明後詳解
督臣林則徐再行會覈審辦據實具奏儻敢
意存消弭僅以疑似之詞遷就了事將來或
由鄰省拏獲或別經發覺朕惟該撫是問恐

不能當此重咎也○朝鮮國王李奐遣使請
封王妃進貢方物命留抵下次正貢宴賚如
例○以緝捕出力予廣西府經歷郁靜涵儘
先補用○甲戌諭內閣前據給事中常大淳
奏南河方幕沈廉沈英鑽營庫貯盤踞把持
與廳員等朋比為奸當降旨交朱士彥訪查
懲辦茲據該尚書密加訪察沈廉於道光十
年後與弟沈英及子姪人等均無在清江浦
遊幕之事沈中孚即沈仲甫亦回浙江原籍

並無鑽營盤踞各弊著無庸議惟沈廉等向
習河幕現雖查明回籍難保其不日後復來
著麟慶隨時飭查如沈廉等潛來作幕立即
飭逐出境以絕弊端而息浮議至原叅方員
方幕並未指明姓名無從根究亦著麟慶遇
事體察一經查出弊端即行據實叅辦○又
諭瑚松額奏換防總兵不敷辦公請給予建
曠銀兩等語竇德著遇有陝甘兩省總兵缺
出即行補授其未補缺以前准其暫行支給

建曠銀兩以資辦公。又諭前據黃爵滋奏
叅南河衰劣各員。當經降旨查辦。茲據朱士
彥奏。宿南通判程國樑。現已病故。外河同知
于頤發。舊有宿疾。不礙辦公。每年灌塘時。麟
慶目覩該員晝夜在壩。即上年臨清堰走漏。
該員在彼搶堵。並未暫離工次。著毋庸議。山
安南岸同知熊增。並無縱子營私。案據經手
要工。亦無貽誤。惟該員精力就衰。應對亦形
恍惚。熊增著即勒令休致。諭軍機大臣等。

前因霍罕胡什伯克在卡外色呼庫勒地方
滋擾。疊經降旨令奕山等妥為辦理。本日據
該參贊等由驛馳奏。拏獲色呼庫勒滋事賊
目審明正法一摺。據稱上年冬間。胡什伯克
在該地方擾亂。並留賊目阿達那帶領賊眾
在彼占據。茲有該處回子吐爾阿沙探得賊
目阿達那分派賊眾赴各處擄掠。城內僅賸
阿達那等八人。因糾約回眾潛入城內。將賊
目等全數拏獲。陸續解赴葉爾羌派員訊明。

分別正法等語。此次滋事賊目阿達那等經
該回眾設法拏獲。係色呼庫勒回子等遭其
荼毒。自報私讐。即其解至葉爾羌。該大臣等
自應奏明請旨辦理。何得輒行正法。致該夷
有以藉口。試思霍罕犬羊性成。既經該大臣
等屢次寄諭曉示。該伯克輒護為不知。令其
屬下人等狡強支飾。是該伯克悔罪輸誠之
處。殊難豫必。況該大臣等又稱各該回眾因
設法擒拏賊目。恐霍罕與彼為仇。不敢居住

卡外。紛紛逃避。若該夷藉詞復仇。因至卡外
滋擾。該大臣等又當如何辦理。設使該伯克
悔罪輸誠。尚可相安無事。儻因此啟釁。以至
兵連禍結。重煩區畫。是以國家有用之財力。
僅為色呼庫勒私忿之洩。尚復成何事體。朕
必先將奕山等三人重治其罪。至所奏邊卡
漸臻靜謐。究竟作何準備。及現在情形。應當
如何措置。著奕山等通盤籌畫。毋得稍有疏
虞。迅即據實具奏。將此由四百里諭令知之。

○以江南京口協副將張成龍為浙江黃巖鎮總兵官○乙亥諭內閣王鼎等奏議駁御史陶澐奏請添派司員覈看題奏案件等語所駁甚是刑部滿漢司員每司不下十餘人專覈一省案件如果悉心斟酌自不致有失出入之虞至秋審處司員綜覈各省秋讞是其專責若如該御史所奏將各司題奏案件定稿後彙交秋審處覆覈不特勢難兼顧且恐各司司員恃有覆覈之人轉致意存推諉於公事殊無裨益所有該御史奏請添派秋審處司員覆覈各省案件之處著無庸議惟刑部為刑名總匯各該司員中熟悉例案辦事勤敏者固不乏人而濫竽充數者恐亦不免嗣後仍著該部堂官督飭司員於應辦稿件詳細講求務臻允協如遇有不能稱職者立即隨時甄別不准瞻徇遷就用副朕明慎用刑至意○又諭本日據都察院奏江西鄱陽縣監生李大猷等違抱呈控該縣知縣

於賞借籽種口糧遲緩過時始將上諭謄黃貼出等語業有旨交裕泰親提審訊矣因思外省督撫接奉恩旨自應即時刊刻謄黃飭令州縣徧行曉諭若任其延緩冀圖朦混徵收遲之又久始行張貼曉示其中弊竇叢生在所不免著通諭各直省督撫嗣後奉有恩旨迅即刊刻謄黃飭屬徧行曉諭並留心查察如有前項弊端立即據實參辦用副朕矜恤黎元至意再此案據該監生等呈稱前於總督閱兵時曾經具控批府查辦該督前在江西接到呈詞控關官吏自應親提審訊如所控得實即應將地方官嚴行叅處審係虛証亦應按律懲辦乃該督仍復批交該府延不查辦以致復行來京具控此皆係不以實心辦事之處陶澐著傳旨嚴行申飭○諭軍機大臣等前因有人奏浙江溫州改行票鹽有效該撫因商人等浮言阻撓將試辦之知府撤任革審嗣復有人奏兩浙鹽務辦理未

盡妥善並將該省現辦情形臚陳各款曾經
兩次降旨令鍾祥查辦具奏矣本日據都察
院奏浙江已革温州府知府劉煜遺抱以屈
抑羈累等詞呈控著鍾祥於赴浙閱兵之便
將前奉諭旨並此次所控各情節秉公查辦
據實具奏原摺鈔給閱看將此諭令知之

欽此

奉

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十八

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十九

欽此
光緒十七年丁酉秋七月丙子朔享
太廟遣惇親王綿愷恭代行禮冊封朝鮮國
王妃命兵部右侍郎倭什訥為正使內閣學
士明訓為副使往封丁丑
上詣綺春園問
皇太后安諭內閣西朗阿前在伊犁領隊大
臣任內因奉差官員被劫未能嚴飭防範經
部議降二級調用復以在喀什噶爾領隊大
臣任內於總兵劉允忠肆意拆毀民房等款
未能據實參奏又經部議降三級調用是該

欽此

道

光緒十七年丁酉秋七月丙子朔享

欽此

奉

上詣綺春園問

皇太后安諭內閣西朗阿前在伊犁領隊大

臣任內因奉差官員被劫未能嚴飭防範經

部議降二級調用復以在喀什噶爾領隊大

臣任內於總兵劉允忠肆意拆毀民房等款

未能據實參奏又經部議降三級調用是該

員已無官可補著即革職退出乾清門行走
命已革葉爾羌參贊大臣興德仍留葉爾
羌聽參贊大臣恩特亨額差遣委用○旌表
守正捐軀河南光州民宋大沅妻何氏○戊
寅諭內閣鍾祥等奏請將辦理命案遲延之
知縣革職留任並鄰境知縣扣留給咨一摺
各省州縣疲玩之習深堪痛恨全在該督撫
隨時加意整飭此案福建漳平縣民人李尾
兒等命案各起多為爭山起釁情節兇暴不

實錄卷一百九

二

獨兇犯必應拏獲尤須將山場踏勘清楚方
免再起爭端該縣知縣趙邀因犯證多在龍
溪延不勘結實屬玩愒著革職暫行留任勒
限半年提集人證勘明山場並將逸犯設法
緝辦龍溪縣知縣張師孚現有應升請咨送
部引見之案甫經卸事著扣留該省勒令協
同現任各員傳提緝辦俟半年限滿是否出
力一併分別辦理尋奏李寶等先因占山被
控嗣與李尾兒等口角觸嫌致斃李尾兒等

九命應將擄捉李愾寶關禁斃之李孕擬
斬立決餘分別斬絞軍徒及發新疆給官兵
為奴所爭山地經知縣趙邀張師孚勘明立
界趙邀請予開復下部議從之○諭軍機大
臣等前已有旨令奕山等籌辦葉爾羌事宜
新任參贊恩特亨額到任尚需時日計廉敬
此時已到署任著奕山會同廉敬妥為商辦
廉敬著俟恩特亨額到時交代後回任奕山
著留葉爾羌俟奉有諭旨再行回任至色喀

實錄卷一百九

三

庫勒回子等業經報復私讎自應在本處慎
守防禦自固藩籬乃懼怕該夷紛紛逃避是
先示人以怯設使霍罕將色喀庫勒地方占
據又安望其恢復守禦耶奕山等務當詳細
開導俾該回子等仍回故土安其本業各為
自守之計方為長策至現在該處情形作何
準備之處著即悉心妥議具奏將此各諭令
知之○正紅旗蒙古都統仁壽等奏城內祿
米等七倉向係八旗驍騎營派撥官兵看守

並簡派都統每日輪流稽察聞該值班弁兵於每日呈遞報單後各堆撥或僅留一二人支應或並無一人其夜晚傳更送籌巡邏等事全行懈弛應請嗣後都統等每五日輪定一人早晚不拘時刻往各倉嚴察遇有別差遣派各該管旗下參領章京等前往代查有無空誤據實報辦僕弁兵仍前玩悞從嚴叅革從之 旌表守正捐軀廣東順德縣民麥亞旺妻蘇氏 改造荊州各營額設擡礮四

十位並添造十六位從將軍德克金布等請也 己卯諭內閣裕泰奏在籍知縣毆傷胞兄請旨革審一摺此案分發廣東試用知縣鄧文郁告假回籍省墓該員因胞兄鄧文燧將故父厝屋借人停棺以致爭論毆兄經鄧文燧報縣驗明事關倫紀必應徹底根究鄧文郁著即革職交該撫親提審訊務得確情按律懲辦尋奏遵訊鄧文燧所控被毆受傷等情實係爭論時自行磕擦所致鄧文郁委

止與兄互扭並無毆打情事應將鄧文郁擬杖納贖下部議尋議律載卑幼毆尊長但毆即坐鄧文郁於爭論時輒敢與伊兄互相扭結跌地即屬互毆應改依弟毆胞兄律杖九十徒二年半到配折責安置至鄧文燧將伊父厝屋借人停棺原屬不謹且於伊弟向論催遷自行磕傷捏控被毆亦屬乖謬請將鄧文燧捐納同知銜一併斥革以示懲戒從之

江西巡撫裕泰奏遵議飭拏會匪章程江西南安贛州二府毗連閩粵向多會匪潛入此外吉安寧都各府州間有蔓延除鐵尺三點等會外尚有天罡鐵叉及齋匪擔匪各名目現飭責成地保實力稽查遇有匪徒潛匿及聽從拜會之人立時赴官舉首其庵觀寺院窮鄉僻壤一體查報實則獎賞隱則連坐地方官一面示諭居民如有被脅入會者准自首免罪其與鄰省接壤各州縣不分畛域彼此關會查拏並責令各道府州及該管地

方官隨時認真偵訪妥辦稍有疏縱據實嚴叅至營兵胥役飭該管各官取具連環結存案如有交結匪黨往來通信及藉端滋擾情事嚴拏懲辦得旨立法何難總在行之以實持之以久汝其勉力整頓勿徒託諸空言也

庚辰諭內閣前據給事中孫善寶奏請將山東鹽課改歸地丁輸納當交軍機大臣會同戶部議奏茲據潘世恩等逐層覆覈該給事中所奏雖為鹽務疲敝起見惟援引河東

鹽務並倣照安邱等州縣辦理及歸入地丁抽納稅銀均有窒礙難行之處著毋庸議又諭遊擊張耀德馬萬春有彈壓地面管理門鎗之責其拆毀民房晝夜開城俱係劉允忠傳飭未能即時勸阻本日據兵部各議以降二級留任查級抵銷處分原不為過重惟該遊擊等祇係聽從總兵辦理若照部議處分恐武職糊塗遇有上司指揮或啓違抗之漸所關匪細張耀德馬萬春俱著改為罰俸

六箇月准其抵銷諭軍機大臣等前據御史黃樂之奏山東鹽務請改歸巡撫統轄以專責成當降旨交戶部議奏茲據該部奏稱該省運庫現當設法清釐之際非就近督催難期得力該鹽政駐劄天津鞭長莫及應將山東鹽務改歸巡撫管理等語各省鹽法事務或專設鹽政管理或由該省督撫就近兼轄均係因時制宜酌量辦理該省鹽務改歸巡撫兼理應如何明定章程及有無窒礙之處著該撫體察情形詳晰妥議具奏該御史暨戶部摺俱著鈔給閱看將此諭令知之○

辛巳

上幸靜明園詣

龍神廟拈香○幸萬壽山詣

廣潤祠拈香○以翰林院編修車克慎為河南鄉試正考官何桂清為副考官鴻臚寺卿黃爵滋為山東鄉試正考官翰林院編修朱鳳標為副考官檢討黃銘先為山西鄉試正

考官編修何冠英為副考官。禮部議准安徽巡撫色卜星額疏報採訪旌德縣貞節婦女程周氏等三十八口。滁州姚羅氏等四十口。請各建總坊旌表從之。壬午諭內閣大學士公長齡年登八秩。精力素健。茲因肝氣病症驟難復元。懇請開缺調理。長齡著毋庸開缺。亦不必限以假期。所管各項差使現已分別改派署理。俾得安心頤養。速就痊可。統俟精神照常後再行銷假。當差以示體恤。

浙江巡撫烏爾恭額奏遵旨察看新選溫州府知府那興阿堪以勝任。得旨應對明敏。內務府之長技斷不可墮入彀中。慎之。以吏部尚書奕經署管理戶部三庫事。禮部尚書奕紀署鑲黃旗領侍衛內大臣。鑲白旗滿洲都統僧格林沁兼署正紅旗滿洲都統。調工部左侍郎裕誠為戶部右侍郎。兼管錢法堂事務。轉工部右侍郎聯順為左侍郎。以內閣學士恩桂為工部右侍郎。兼管錢法堂事。

務。調正紅旗漢軍副都統哈琅阿為鑲黃旗滿洲副都統。以右翼前鋒參領伊清額為正紅旗漢軍副都統。廣州將軍蘇勒芳阿緣事降調。調荊州將軍德克金布為廣州將軍。以察哈爾都統樂善為荊州將軍。戶部右侍郎賽尚阿為察哈爾都統。賞已革廣州副都統孟魁二等侍衛。在大門上行走。以大學士穆彰阿充

玉牒館督催官。○癸未諭內閣已革御史周銘

恩因胡炳光代楊宗震夾伊條奏關稅事件許給酬謝銀錢。雖未接受。並不直言拒絕。復為覓人代奏。即與聽許財物無異。著從重發往軍臺效力贖罪。御史陶澐遇事封奏。理宜慎密。輒向周銘恩尋事條奏。致周銘恩得以乘間慫恿。其奏送慶芬摺內。又復意存回護。不將慶芬所致書信聲敘。迨經查取。復敢架詞支飾。實屬錯謬。陶澐著即照議革職。編修王清選明知賄囑情弊。輒因胡炳光被人挾

制欲為消弭。慙令陶澐陳奏。編修周恩綬於胡炳光許給伊兄周銘恩酬謝。先已與聞。其胡炳光願添錢文復向該員告知。並不攔阻。迨周銘恩令將摺底送還。輒聽從胡炳光央求。復行帶回。該二員不知檢束。妄行干預。實屬有玷清班。王清選周恩綬均著交部嚴加議處。○諭軍機大臣等。寄諭山西巡撫申啓賢。前據奏請將被控定襄縣知縣黃旭解任。質審業交該撫親提嚴審。本日據都察院奏

山西定襄縣民人趙存禮呈控該縣知縣侵漁剝削等情一案。已明降諭旨。仍交該撫歸案審訊矣。據該民人供稱。該縣門丁周二。曲二。糧書石可珍。喬恆珍。戶書樊錫祿。倉書韓現等串同舞弊。將上諭謄黃。匿不張貼等語。各直省接奉恩旨。該督撫等自應即時刊刻謄黃。飭屬徧行曉諭。若如所控。該縣膽敢將上諭謄黃。匿不張貼。殊屬大干法紀。著該撫即行確切查明。該縣是否任聽丁役。匿不張

貼。如果屬實。著即嚴行叅辦。毋稍徇縱。將此諭令知之。尋奏趙存禮所控未實。且在本省具控時業已叅奏提省。乃不靜候審辦。輒赴京呈控。擬杖六十。徒一年。倉書韓現於平糶倉穀受買穀人紙筆費除付給斗級等飯食各項外。入己錢十千有零。擬杖一百。徒三年。糧書喬恆珍散放恩賞老民銀得紙筆費錢每人二三十文。擬杖八十。折責革役解任。知縣黃旭雖無違例徵糧情事。惟既知民力拮

据未能體察輿情。先行詳請緩徵。且於平糶倉穀時。失察書役混行開銷。請交部嚴加議處。下部議從之。以故雲南廣通縣屬同登關土巡檢楊朝旺孫應貴襲職。貸盛京將軍副都統五部侍郎修理官房養廉銀。○甲申

上詣綺春園問
皇太后安。○乙酉
孝懿仁皇后忌辰遣官祭

景陵、丙戌以戶部左侍郎文慶為國史館副總裁官。○調廣東南韶連鎮總兵官穆克登保為陝西陝安鎮總兵官。陝安鎮總兵官錫麟為南韶連鎮總兵官。○命江西九江鎮總兵官施聯科來京陛見。○丁亥命翰林院修撰劉鐸編修單懋謙在南書房行走。○改湖廣督標中軍副將為題調缺。從總督林則徐請也。○禮部議准廣西巡撫梁章鉅疏報採訪北流縣節婦李林氏等二十七口請建總

坊旌表從之。○戊子諭內閣各省將軍副都統皆係朕特加簡用之人。於旗營一切利弊原當和衷商榷認真查辦。方為無忝厥職。近來該將軍副都統內固不乏遇事敢言之員。而求其實心任事同寅協恭者亦不多見。前因蘇勒芳阿孟魁互相攻訐各執一詞。曉曉不已。特派寶興馳赴廣東會同鄧廷楨秉公查究。嗣據寶興等逐款查明據實覆奏其短少庫銀一節本非蘇勒芳阿任內之事。惟既

經查出並不奏明辦理。輒以為數無多率行攤扣。辦理實屬錯誤。是以照部議降一級調用。孟魁所訐各款現經查明虛實參半。惟懸賞招告意圖傾陷居心險詐。不正原當重治其罪。非僅予革職所能蔽辜。姑念其平日於應辦公事尚能留心。是以部議上時加恩免其革職。仍賞給二等侍衛。在大門上行走。若並無懸賞招告一節。則遇事敢言雖未盡實。儘可不加深責。朕賞功罰罪一秉大公。各省

將軍副都統等惟當仰體朕意。前除積習遇有旗營緊要公事務當虛心商辦。期於共濟不得稍存成見。互相攻訐。尤不得因此案分別降調。遂爾扶同徇隱。緘默不言。致公事或有貽誤。儻經此次諄諭之後。仍有玩愒從事不肯認真經理者。別經發覺。必當加等治罪。決不寬貸。勿謂誥誡之不豫也。將此通諭知之。諭軍機大臣等寄諭協辦大學士署直隸總督琦善。有人奏直隸樂亭縣地方有匪

徒聚賭開設花會。而新寨一莊為尤甚。該匪徒等聚集數十人。開場誘賭。繪成圖樣。創立鬼名。如級品青雲上高等名色。每一會開。遠近村民趨之若鶩。甚至老幼在家安坐。即有匪徒往來傳信。輸贏無不畢悉。相距或五七里。或十數里。頃刻立至。名曰跑封。地方官欲行懲治。而差役弁兵往往從中包庇。等語。匪徒開場聚賭。煽惑愚民。最為風俗人心之害。若不認真查拏。儻日久蔓延。必致釀成巨案。

著該督密派明幹道府大員。前往該地方確加訪查。如有開設花會匪徒。即著嚴拏懲辦。務期毋枉毋縱。以杜奸萌。而安良善。將此諭令知之。尋奏緝獲石花楊連生等犯。據石花供稱。起意開設花會。旋糾邀楊連生等聚聚。誘賭。其賭法分為三十七門。每門選造二字名目。寫成紙捲。任人猜壓。以分輸贏。婦女幼孩不能親自到局。倩人代壓。以致愈聚愈多。石花擬發邊遠充軍。楊連生杖一百。流二千。

五百里餘犯。或在局共賭。或在外跑封。該村地保知情容隱。分別流徒枷杖。知縣陳炳常交部議處。下部議從之。雲貴總督伊里布奏越南夷匪內閣現飭巡防邊界得旨。慎密防範。嚴戒沿邊文武。斷不准貪功妄動。己丑諭內閣鍾祥等奏籌款留備公用一摺。福州駐防八旗兵丁月餉舊有因公攤款。據該署將軍等查明攤捐。雖係因公日久。恐滋流弊。自應分別刪免。另籌備用。著照所請。自本

年六月為始。每旗每月准領馬價息銀十二兩八旗每月共准領銀九十六兩。統計一年共准領銀一千一百五十二兩。作為學堂等項公用之費。不准再於兵餉攤扣。所用銀兩著隨時稽考支發。免其造冊報銷。又諭朕於本年八月初四日為始。閱看左右兩翼前鋒營八旗護軍營兵丁步射。著該前鋒統領護軍統領於前鋒營每翼豫備前鋒校藍翎長前鋒二十名。八旗護軍營每旗豫備護軍

校藍翎長護軍四十名。每日著十五名在朕前步射。此次在朕前步射除將上次步射人等毋庸豫備外。俟朕閱看後。仍將已經步射之該兵丁花名造冊呈報軍機處備查。○又諭特依順奏請分設鳥槍以固根本一摺。直隸玉田三河昌平順義等四州縣所設官兵。僅止操演馬步箭。俱未設有鳥槍。著准其於密雲駐防原設鑽把拉特烏槍四百八十桿內。挑選尺寸較長打靶有準者。每處撥給二十桿。發交各該防守尉等承領。令其專習準頭。至密雲操演大陣時。即由排槍內撥入八十桿。以符原數。其玉田等四處操演日期。次數。即照古北口舊章辦理。所需藥鉛火繩等項。著工部照數發給。自道光十八年起。即於密雲請領。春秋二季藥鉛之便。一併附領。年終照例報銷。該副都統惟當於每年前往較閱時。認真查看。儻竟不能得力。著即隨時確查奏明。勿稍回護。○又諭特依順奏豫籌

揀選驍騎校。以免遷就等語。著照所請。嗣後古北口驍騎校缺出。即照該處揀選防禦之例。不論旗翼。於八旗委驍騎校暨領催內。通行揀選補放。○改鑄山東鉅野營守備條記。從巡撫經額布請也。○禮部議准安徽巡撫色卜星額疏報採訪望江縣貞節婦女龍宋氏等一千三百七十八口。請建總坊旌表從之。旌表守正捐軀直隸交河縣民劉庭碌妻李氏。庚寅中元節。

上詣

安佑宮行禮。遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵 遣官祭

孝穆皇后

孝慎皇后陵寢 遣官祭

端慧皇太子園寢 諭軍機大臣等本日據
訥爾經額奏湖南衡永郴桂等處與粵東壤
地緊接鴉片煙最易偷越入境現飭府縣會

營先後緝獲廣東煙販九起人犯二十餘名
鴉片煙三千餘兩等語鴉片煙流毒最甚全
在地方文武隨時嚴密查拏庶不至蔓延各
省著鄧廷楨祁墳嚴飭出粵入楚所在地方
文武員弁一體實力截拏有犯即懲毋稍疏
縱將此諭令知之○湖南巡撫訥爾經額奏
酌擬巡防永明縣屬塘下源雷洞源上木源
白雲冲四處山場章程一永禁墾種以杜民
獍爭端一設兵駐守以防復聚俟奸民實無

私種再行議撤一責成各該管員弁親赴各
山稽查以防徇隱一籌給駐守弁兵口糧盤
費一責成附近居民團練協兵巡守並嚴禁
私批佃種從之○辛卯

上詣綺春園問

皇太后安 諭內閣前據御史李純奏請將東
河輓工暫停燒造當有旨派敬徵馳往查辦
並命李純隨同前往茲據該尚書查明具奏
所議甚是據稱道光十五年該河督栗毓美

因原陽一帶隄工喫重本係無工處所物料
不備即時收買民輓拋築攔護試有成效因
欲多辦輓工以期減埽節費該尚書周歷履
勘下北祥河等廳拋成墊定之工壓蓋碎石
跟澆土戲現在尚屬整齊並據各道廳密稟
水淺溜緩之處拋輓壓石以及保灘護厓均
堪得力其水深溜急之處有輓石並用放手
加拋始經站定者有屢拋屢塌改用埽工方
能穩固者用輓搶辦險工未可深恃等語治

河之法不外以土制水。取其柔能抵剛。碎石質重體堅。用以防風護埽。亦得剛以濟柔之義。輒本土成。原可濟料石之不足。於河工亦不無裨益。該河督前請沿隄立窯燒造新輒。本為搶辦要工起見。惟土性沙減。坯難堅實。且近隄例有取土之禁。近料宜防意外之虞。行之日久。流弊滋多。是燒輒不如採石之無弊。用輒不如用石之一勞永逸也。著栗毓美即將已拋輒工酌量壓石澆土。以期穩固。所

有未拋之輒。並嚴飭道廳員弁確切報明。存貯河干。以備應用。毋庸再行燒造。以符舊制。而杜弊端。又諭敬徵栗毓美奏酌議改辦碎石章程一摺。東河試辦輒工。現據敬徵查勘明確。議請分別存貯。暫停燒造。自應以豫辦碎石為急務。著照所請。所有本年五月間。奏准豫提戊戌年例撥防險銀十萬兩。准其儘數改辦碎石。其置窯燒輒。即行停止。並著酌定各廳用石多寡。分派及時開採。限於明

年挑汛前。先完一半。伏汛前。全數運工。由該河督覈實驗收。指示拋辦。僅有藉詞延緩。限內運不足數者。即行叅處。其例辦六成碎石。仍照常於霜降後。扣明添料存數。再行發辦。此後每年查勘情形。酌覈增減。於七月內。奏明豫提銀數。發廳備辦。以期源源接濟。工用不匱。又諭關聖保等奏請將疏防盜犯。辦理不善之守備革職一摺。乍汛守備徐自發。身為營員。弭盜安良。是其專責。乃不能先

事豫防。致把總彭友泉等中途被劫。已有應得之咎。及前往查拏時。復不能約束番民。以致互相殺傷。迨番目倉儲巴等解送阿隴等。到案。仍不察虛實。輒信為案內正賊。率行稟報。種種錯謬。實屬有乖職守。徐自發著即行革職。以示懲儆。守備龍啓驤。當徐自發查拏之時。並未同往。及聞倉儲巴等拏獲正賊。不行查明。冒昧稟報。亦有不合。著交部議處。其毆劫把總彭友泉案內正賊。著該大臣等飭

令接任之員。嚴密訪緝。務獲究辦。旌表守正捐軀直隸平山縣民習才妻王氏。壬辰以故土爾扈特扎薩克郡王散達克多爾濟子多諾囉布多爾濟襲爵。以土爾扈特扎薩克副盟長貝子車林多爾濟為盟長。戶部議准陝甘總督瑚松額疏報烏魯木齊撥給民戶地三十九頃。照例升科從之。癸巳重修圓明園三殿成。

御製記曰。予自踐阼以來。於今十有七年。兢兢

業業。惟慮政治之未修。民生之未裕。一切興作。概從簡略。非慕卑宮之名。惜露臺之費。蓋事必權其緩急。心必戒夫逸豫。惟懷永圖。不敢不慎也。若今者圓明園三殿之重修。蓋有說焉。三殿者。前曰圓明園。中曰奉三無私後曰九州清晏。湖自

聖祖賜額。

世宗定居。

皇祖。

皇考因淳守樸。不改成規。爰建藐躬。德輶任重。亦惟祇承。

基緒。曷敢不念負荷之艱。乃以丙申九月二十六日戌亥之交。融風告警。鬱攸從之。雖綆缶有備。而塗徹已多。予心怵惕。不遑啓處。惟茲三殿。乃

祖。

宗締構所詒。居御園之中。為寢興之所。非若山茨水檻。僅備游觀。若不及時修復。何以自安。

爰命內府諸臣。庀材鳩功。繕完補闕。惟期示儉於後。不敢增美於前。工未逾年。制已復舊。於以昭不彫不斷之風。亦以守不愆不忘之志。版築之興。洵不得已也。抑予之說。更有進焉。周書大誥梓材。兩言作室。既底法矣。繼之曰肯堂肯構。既勤垣墉矣。繼之曰塗墍茨自。古帝王肇造丕基。規模遠大。匪第令後世無以加也。亦謂數傳而後。其張弛損益。因乎時存乎人焉。故創業務期可繼。而守成亦貴有

為若因循訛泄有廢莫舉所謂堂構塗墍者安在耶然非值必不可緩之事有必不得已之心動輒更張矜言改作則前人底法之善必至紛然失其所守其弊更有不可勝言者是舉也惟願我後人念作室之不易則圖易而思艱睹寢成之孔安則居安而慮殆慎憲省成庶幾乎無廢事焉且知宮室之制度已備國家之經費有常工不可以祕興役不可以輕舉持盈保泰庶幾乎無侈心焉夫無廢

事勤也無侈心儉也勤者治之本儉者福之源也繼自今以引以翼攸半攸躋監

成憲以無愆鞏洪圖於勿替是則予之厚望也夫工既竣乃述顛末而為之記○諭軍機大臣等有人奏廣東省城包攬私販鴉片煙泥之處名曰窯口皆係積匪亡命之徒有赤沙廣一名姓徐番禺縣沙灣司人年五十左右高顴無鬚先曾私鑄小錢犯案現住省城韭菜欄興隆街尾暗開窯口又王振高一名亦

係沙灣司人走私起家曾捐都司職銜投香山營效力緣事告退道光十五年冬間與久慣走私之蘇魁大等夥開窯口一座在省城永清門外向北店名寶記又關清即信良一名係南海縣九江人曾犯盜案自首後掛名廣州府差役與莫姓夥開窯口一座在靖海門外城根利順行後樓店名仁記又梁忠一名廣州府佛山人曾充南海縣差役告退現住海珠礮臺左側紫洞艇專管窯口走私帳

目以上四名皆係多年走私起家鉅萬因恃兵差通同一氣久未破案等語此等匪徒蹤跡詭秘不惜重賄勾結兵差最為可惡著鄧廷楨祁墳即密派明幹大員嚴緝究辦以靖奸宄而塞弊源至查拏匪徒嚴禁紋銀出洋文職不能不假手胥役武職不能不假手兵丁若輩罔知顧忌惟利是圖往往擾累混拏乘機嚇詐種種弊端在所不免著鄧廷楨等嚴飭所屬認真查拏仍當嚴明約束儻兵役

藉端滋擾即著從重治罪其實在裝載紋銀偷漏出洋者務即設法截拏毋稍輕縱庶匪徒斂跡而良民亦不致拖累矣將此各諭令知之 禮部奏八月初十日

萬壽節應行禮儀得旨照例行禮停止筵宴○以重修圓明園殿等處工竣予兵部尚書禧恩等加級紀錄有差○甲午諭內閣鄂山奏四川馬邊營遊擊王殿元署三河口汛守備馬邊營右哨千總趙映從於夷匪搶擄之案

事前既無覺察事後復未能奮勇迎擊實屬無能均著革職馬邊廳同知祥善於所屬夷匪出巢滋事不能先事防範咎無可辭著先摘去頂帶均著飭令隨營效力差遣以觀後效○湖南巡撫訥爾經額覆奏訊明湘鄉縣匪徒陳連五因抗糧避匿被糧差同戶族陳聲德等拏獲送官其子陳細五央令同姓不宗之陳敏九糾人奪犯不遂毀燒陳聲德等房屋並夥搶牛隻棉花藥材勒贖得贓按律

均擬發極邊足四千里充軍陳連五杖一百流三千里至鎖石地等處鄉村距城僻遠應請於編查保甲外飭令各姓公舉老成為族長另於本支再舉端謹之人為戶首認真稽查如有為匪不法投保送縣訊究儻敢徇隱事發一併治罪下部議從之○乙未諭內閣奕穎等奏敬謹查勘

昭陵

園城外皮輒牆閃倒情形一摺此項工程近在

寶頂最關緊要亟應照估動項興修惟據查本年方向不宜著奕穎等設法妥為保護所有明春修理吉期著欽天監即行選擇迅速知照該署將軍等敬謹辦理○又諭特依順保等奏拏獲私進開齊偷竊馬牛布嚕特賊犯審明分別辦理一摺此次布嚕特私進開齊偷竊牲畜已據該將軍等拏獲首犯審明正法其沙爾雅斯坐卡錫伯營雲騎尉博勒霍蘇失察賊犯越境咎有應得惟帶領官兵幫

同弋獲賊犯功過尚足相抵著加恩免議布魯特比博鑾拜之弟薩爾塔伯克協力獲犯尚知奮勉向義著加恩賞給六品頂翎以示獎勵又諭翰林院應行保送御史現在歷俸三年以上合例應保者人數無多著將從前曾經保送未經記名各員與應行保送之員一體帶領引見禮部議准河南巡撫桂良疏報採訪汜水縣節烈婦女禹何氏等五百口請建總坊旌表從之○添撥東河防險

銀二十五萬兩從河道總督栗毓美請也○丙申諭軍機大臣等據鍾祥等奏稱喚咭喇國夷官名肱以小船三隻入口投稟請將遭風難夷交給自帶回國經該督等明白諭示飭令趕歸大船一齊起碇不准片刻停留該夷船開往東南大洋而去並無違抗等語所辦甚是喚咭喇夷性詭譎膽敢撥用小船進口遞稟以請給難夷為詞雖情形恭順一經諭飭遵照啓行而臨行復將原稟暗置廟內

桌下其鬼蜮伎倆已可概見難保其日後不再生希冀該督等惟當嚴飭沿海文武員弁隨時認真查察設該夷船復有似此藉詞入口者儻竟不服驅逐即當懾以兵威俾知天朝例禁暴嚴不容抗玩即或外託恭順卑詞懇求亦當以理拒之不得稍有遷就致釀事端是為至要將此各諭令知之鑲白旗滿洲都統僧格林沁因病賞假以惇親王綿愷署管理火器營事定郡王載銓署鑲白旗滿

洲都統禮部尚書奕紀署正紅旗滿洲都統以鑲黃旗滿洲副都統哈琅阿署正紅旗護軍統領○丁酉諭內閣前據御史黃樂之奏請將山東鹽務改歸巡撫統轄當降旨交戶部議奏嗣據該部議准請歸巡撫管理復諭令經額布妥議具奏本日據該撫奏稱該省鹽務現當設法清釐之際非就近督催難期得力鹽政駐劄天津相隔千里遇有籌議事件稟函往返動須月餘實屬鞭長莫及等

語山東鹽務著即改歸巡撫管理以歸簡易
其前經奏准章程各條務當實力奉行認真
經理如有應行損益之處著該撫隨時督同
藩臬運三司悉心講求總期裕課疏綱日有
起色仍符年清年款舊制其運庫出納尤宜
留心查察不准再有懸款僅經此次更定章
程之後辦理仍無成效朕惟該撫是問以
故鎮國將軍保齡無子命停襲世職戊戌
以審案詳慎廣東即用知縣張崇恪下部議

敘 己亥

上詣綺春園問

皇太后安諭內閣本日據刑部議奏福建嘉
義縣民羅言毆傷期親服叔身死一案此案
已死羅岱係羅言胞叔服屬期親如實係有
心逞兇律應問擬斬決若並非有心干犯例
得夾籤聲請該鎮道等先稱該犯情急抵格
並非有心干犯復稱該犯蔑倫逞兇實屬含
混著達洪阿等再行研訊確情將該犯或實

係有心逞兇抑或並非有心干犯之處詳細
分晰聲明不准稍有含混尋奏遵訊羅言之
父羅省與羅岱爭論田產彼此毆扭羅言上
前解勸羅岱斥其幫護拔刀劃傷羅言頂心
額顯羅言奪刀回戳致傷左乳立時倒地羅
言希圖輕罪狡供情急抵格並非有心干犯
覈其戳傷胞叔致死係屬有心逞兇應按律
問擬斬決下部議從之又諭載銓奏秦乾
清門行走多羅貝勒奕綺數日並未到班一

摺奕綺曠誤差使殊屬非是著拔去三眼花
翎以示懲儆又諭都察院奏查明各省京
控咨交逾限未結各案開具清單呈覽各省
州縣審斷不公致令屬民來京具控經各該
衙門咨交之後各該管上司自應勒限嚴催
將未結各案迅速審辦以免懸宕茲據都察
院查明該衙門咨交各省逾限未結統計十
八案之多步軍統領衙門咨交各省逾限未
結統計八案之多似此任意積壓玩愒已極

著吏部即將承審逾限各督撫府尹及委審各員應得處分查取職名分別議處並著各督撫府尹將咨交各案迅速審辦完結毋再任意宕延致干咎戾○旌表守正捐軀山西洪洞縣民柴慶春妻席氏○庚子

仁宗睿皇帝忌辰遣官祭

昌陵○

上詣

安佑宮行禮○諭內閣御史巫宜禊奏振興學

校一摺直省儒學書院之設所以教學造士培植人材立法極為周備若如該御史所奏近來教官大率不能振作竟有干預地方公事劣生莠士因之效尤以致包抗錢糧起滅詞訟士風人才日益汙下尚復成何政體著直省督撫學政嚴加整頓通飭教官務當敬教勸學無負乃職其不能砥礪士節扶持名教者即行嚴叅懲辦至各省書院延請院長原為激勵人材而設近日竟有薦而不到館

者有甫經到館旋取脩金以去者並有不到館而上司代取脩金轉付者殊屬有名無實著直省督撫各體察情形覈實整頓務使館無虛曠士有師承勉副朕崇重實學至意將此通諭知之○又諭載銳奏懇借俸修墓等語親王墓地即偶有修理處所亦何至動需銀五萬兩之多顯係載銳藉詞陳請所奏著不准行又諭奕綺著賞假十日調理仍著御前大臣隨時查看飭令該員勤於假滿後

即行銷假當差又諭昨據載銓等奏奕綺誤差數日當降旨拔去花翎示懲本日據奕綺奏稱實係患病告假並非有心曠誤奕綺在乾清門行走御前大臣有管轄之責查明曠誤理應據實叅奏若使奕綺果向載銓告假數日載銓等叅奏豈不慮伊具摺剖晰且原叅摺內並無久未當差之語顯係奕綺藉詞強辯殊屬膽大著罰職任俸半年以戶部左侍郎文慶署京營右翼總兵○辛丑

諭內閣鍾祥奏請將督緝案犯未能認真之員分別降補議處等語。福建漳州鎮所轄之同安等汛境內未獲案犯較多前經降旨將署同安營參將順德署漳州左營遊擊馬起鳳革去頂帶勒限防緝嗣因馬起鳳辦理無能復經撤署留緝茲勒限已滿據該督查明該營員等防緝仍未認真必當加以懲儆順德著以都司降補馬起鳳著以千總降補均著留營候補漳州鎮總兵黃其漢著先行交部議處仍再勒限半年責令督辦防緝事宜屆時著鍾祥查看如仍不竭力整頓即行嚴叅懲辦戶部議准浙江巡撫烏爾恭額疏報仁和場新墾竈蕩地四頃四畝有奇照例升科從之○壬寅諭內閣林則徐奏襄陽一帶緝私事宜一摺湖廣界連數省水陸交衝行銷引鹽必以堵緝鄰私為第一要務據該督查明河南與楚境附近村鎮皆有鋪戶囤積私鹽越界售賣侵占淮綱請將毗連淮界

三十里內之鹽店照例撤退著照所請所有河南毗連楚省三十里以內之鹽店即著襄陽營縣咨會南陽府屬文武一體差催撤退如抗不遵撤即將鹽包起到襄陽充公並將囤戶差拏究辦其河南唐河白河裝載鹽船順流而下係屬侵灌楚境私鹽尤為顯而易見著河南巡撫飭令南陽府屬縣汛各員毋得縱令裝鹽下船其中途被獲查明由何處下水即於審辦時隨案聲明將該處營縣

交部議處此外與德安黃州等屬連界之信陽羅山光山商城等縣越界票私著即一體撤退至單開河南各地名開設鹽店囤積販私處所著照例撤退以免侵灌又諭綿崧等奏查明回乾樹株並酌擬補栽章程一摺景陵五孔橋西北儀樹行內回乾樹株過多著欽天監即行諏吉趕緊伐除其補栽樹株即著綿崧等就近移栽並照所議每空二丈補栽一株不致過於稠密俾易臻榮茂以肅觀

瞻其應陸續補裁之處亦著照所議敬謹辦理。又諭容照奏拏獲偷窰人淺匪犯一摺。此案賊犯劉生等膽敢於紅椿以內漢溝地方偷窰人淺實屬藐法。劉生趙榮王付任相胡萬幅許添貴鄭發均著解交刑部嚴審懲辦。其失察該犯偷入地界各汛弁均有疏防之咎。惟該汛兵丁查見稟報且隨同千總將賊賊全數拏獲功過尚足相抵著加恩免議。千總王殿元奉派巡查能將潛入禁地偷淺七犯全數拏獲尚屬勤能所有該千總前因失察營兵王蛟虧習教應得降三級留任處分著加恩准其開復又另片奏已革千總王勻隨同王殿元巡緝拏獲賊賊尤為出力著加恩賞給外委以示獎勵。湖廣總督林則徐奏楚豫交界地方村莊名目彷彿相類小民無恆業者由彼村遷至此村即成隔省如本年襄陽縣所獲各犯多係籍隸河南是以兩省緝捕總宜不分畛域有犯即拏始免竄

逸得旨所見是認真督飭辦理。癸卯諭內閣鄧廷楨等奏暹羅國遣使入貢船已抵省著即派委妥員伴送使臣令其於本年封印前到京。又諭鍾祥等奏懲辦奸民以淨根株等語閩省奸民施猴等與粵匪串通販煙勾圖利遊奕洋面並於海汊搭蓋寮房因煙勾結實為地方之害現經該督緝獲究辦鄉民漸知畏懼惟煙船遊奕往來必應認真巡緝有犯必懲水師提督陳化成統轄全洋其駐劄地方亦與該匪出沒之處相近隨時偵緝整頓甚易著責成陳化成親率鎮將隨時巡查一經拏獲立即嚴辦其粵省連界處所儻有奸匪藉端越界販私務即從嚴杜絕毋許勾結滋事鍾祥仍當督飭文武員弁盡力擒拏不准鬆懈以靖海洋而除奸宄。諭軍機大臣等本日據鍾祥奏拏獲閩省奸民施猴等與粵省奸民王麻執等串通夷人販煙圖利並遊奕洋面勾結滋事已明降諭旨所有

閩省洋面責成提督陳化成巡緝妥辦矣惟
澳門地方多有各國夷官大班來往難保匪
徒不藉端涇跡勾販營私著鄧廷楨等即傳
諭該大班等加意查檢儻有朦混勾販之人
即飭令該夷等作速駛回自治以該國之法
並著該大班等從嚴稽查不准私行越界勾
販滋事至鍾祥咨開奸民王麻執等住址姓
名著該督等一體查拏辦理庶夷奸不致涇
雜而海洋漸臻安謐矣將此諭知鄧廷楨祁

廣東省志

卷七

項並傳諭文祥知之○直隸布政使陳繼昌
因病解任以按察使托渾布為布政使山西
冀寧道熊常鐸為直隸按察使○以捐辦直
隸永年縣隄工予知縣邊青恭升用○以濟
江蘇鹽城縣皮大河出力予候補同知伍家
榕等升敘有差○以捐濟江蘇淮北場河出
力予知縣謝元淮等升選有差○緩江蘇鹽
城縣本年應徵挑河借款○甲辰山西巡撫
申啓賢奏遵旨查明貪劣不職之員內有孟

清 實 錄 道光十七年七月

縣知縣俞啓桂負欠私債又於倉書將兵米
廢票押借錢文未經究出實情實屬不合該
員業於審明後病故應毋庸議下部知之
以拏獲鄰省越獄盜犯予河南知縣徐大鏞
等升用有差○禮部議准江蘇巡撫陳鑒疏
報採訪長洲元和吳三縣貞節婦女徐卓氏
等二千八百二十四口山東巡撫經額布疏
報昌樂縣秦董氏等三百七十一口各請建
總坊旌表從之○戶部議准陝西巡撫富呢

廣東省志

卷七

揚阿疏報興平武功二縣八旗馬廠灘出地
五十八頃五十六畝有奇餘地二十九頃五
十八畝有奇丈出水田七十畝正廠新改水
田一頃九十七畝有奇餘地新改水田四十
一畝正廠水田九頃六畝有奇照例升科從
之○除陝西興平武功二縣水衝八旗馬廠
地六十五頃九十八畝有奇額賦○乙巳
上詣
大高殿行禮

六五三

時應宮拈香還宮諭內閣鄧廷楨奏夷船被風寄碇外洋請將玩不自稟之汛弁未經轉報之將領分別斥革降補一摺所奏甚是廣東水師海門營所轄之溪東外洋夷船被風漂至寄碇旬日之久該管把總李英翹於該夷船寄碇之初既不稟報查辦事後又僅知會鄰汛代稟實屬庸劣懈弛該署參將譚龍光洋面是其統轄乃接據稟報輒以夷船已去不即轉報亦屬玩視海門營右哨頭

宣宗實錄

聖

司把總李英翹著即斥革以示懲儆署海門營參將碣石鎮右營都司譚龍光著降為守備留於廣東水師酌量補用以觀後效嗣後著該督通飭水師各營嚴督備弁於該管洋面一遇夷船駛至立即會同地方文武防範驅逐仍先稟報彙辦毋得稍有玩忽致干咎戾兩廣總督鄧廷楨等覆奏遵議鴻臚寺少卿葉紹本陳奏嚴除械鬪積弊所稱豫行教化推鞠繫由控兇宜禁誣累吏胥應懲弊

蠹四條現經諄飭各屬加意整頓得旨用心甄別屬員書差害民者嚴行究治土棍惡豪必抵諸法大端在是矣原不必多立科條或有名無實或轉滋弊竇也又奏續獲匪犯一千三百三十七名批隨時認真懲辦不可日久生懈勉益加勉○修浙江東西海塘柴埽潑損各工從巡撫烏爾恭額請也○越南國使臣范世忠等三人於神武門外瞻覲○以祭

宣宗實錄

聖

社稷壇自是日始齋戒三日

大清宣宗效天符運立中體正至文聖武智勇
仁慈儉勤孝敏成皇帝實錄卷之二百九十九

宣宗實錄卷之九十九

三

大清宣宗效天符運立中體正至文聖武智勇
仁慈儉勤孝敏成皇帝實錄卷之三百

宣宗實錄卷之三百

宣宗實錄卷之三百

宣宗實錄卷之三百

宣宗實錄卷之三百

宣宗實錄卷之三百

秋

道光十七年丁酉八月丙午朔旌表守正捐

宣宗實錄卷之三百

十

軀陝西乾州民陳士才妻孫氏丁未祭

先師孔子遣大學士阮元行禮論內閣給

事中黎攀鏐奏州縣命盜案件多不親往驗

勘請嚴行飭禁一摺州縣辦理案件以命盜

為最重該管地方一有命案即應馳往相驗

則受傷情形與罪名輕重無難立辦至境內

偶有盜竊重案亦應親馳勘視迅速躡緝庶

兇犯不致遠颺若如該給事中所奏近來外

省州縣泄沓成風往往擅委佐雜代驗代勘

間或親自前往。又復任意宕延。顛預了事。愚民無所申雪。以致紛紛上控。即如上年廣東前署東莞縣知縣吳毓鈞。於已完糧戶。葉省之橫被差役鎖禁索賕。在押病故。率委佐雜代驗。又捏稟已經親驗無異。含糊勒結。致釀鉅案。又如浙江孝豐縣已革職員施錦心。呈控伊媳屍棺被竊一案。該縣延不往驗。致令肆行誣賴。拖斃多命。似此尋常命盜之案。遷延日久。諸弊叢生。總由地方官積習相沿。不肯親自勘驗所致。此等惡習。不獨浙江廣東二省為然。若不亟行整頓。何以挽積弊而清訟源。嗣後著各該督撫通飭所屬州縣。凡遇命案。必當迅速親往驗看。即或因公出境。亦應照例交鄰封代驗。遇有盜案。亦應親自勘驗。儻敢濫委佐雜。或託故遲延。即行指名嚴叅。以儆疲玩。至州縣下鄉跟役書吏人等。勒派夫馬供應使費。小民既負冤抑。又遭橫索。尤為向來惡習。著一併嚴行申禁。嗣後州縣

因案下鄉。務須輕騎減從。約束胥役。不許向民間需索分毫。如敢有心徇庇。或失於覺察。即著該督撫據實叅處。其一應官員。因公過境。概不准多帶丁役。稍有需索滋擾。致干咎戾。將此通諭知之。諭軍機大臣等。有人奏粵東瀕海通洋。素多盜賊。常有匪徒百十成羣。公然擄人勒贖。平民畏其兇暴。出資求免。名曰打單。疊經奉旨查辦。總未盡絕。蓋緣地方官相率因循。既恐匪黨眾多。畏葸偷安。不敢窮詰。又復顧慮處分。意存消弭。以致該匪等益復肆行無忌。現聞該省有賊首陳亞三。賊夥牛筋。享牛筋二等。聚集羣匪。在新會縣屬之崖門。香山縣屬附近黃梁司之大虎等處。劫物擄人。而擄人之禍。為尤慘。每擄一人。必視其家之貧富。以定其價之低昂。自數十金至數百金不等。被擄之家。具銀收贖。始行釋回。其願贖而無銀者。則拘禁以待。日久不贖。則殺。該管州縣。悍然不顧。遇有民間報案。

必多方威嚇。百端抑勒。使其不敢呈報。各等語。廣東土匪聚黨擄劫。肆無忌憚。若不嚴行懲辦。何以戢強暴而靖閭閻。著鄧廷楨等即派委幹練員弁。前往香山新會之崖門大虎近海一帶地面。嚴密緝拏。務將該匪等按名悉數擒獲。無任遠颺。致貽後患。此外各屬州縣。稔惡積匪。正復不少。著即嚴飭該管文武隨時隨地留心訪緝。以淨根株。嗣後民間報案。儘意存諱飾。抑壓事主。及勒令改重就輕。

情弊。即著指名嚴叅。該督等務當破除情面。力挽頹風。如稍事瞻徇。顛預了事。日久毫無整頓。該督等不能當此重咎也。將此諭令知之。尋奏遵派幹練員弁。馳赴新會香山交界之崖門大虎地方。拏獲牛筋亭即牛筋二實名馮亞享。當飭解省審明。據該犯供認前因犯搶擬流。在配脫逃。復疊次聽從行劫。擄人拒捕打單嚇詐不諱。應按律擬斬立決。下部議從之。○調兵部左侍郎祁寯藻為戶部右

侍郎。兼管錢法堂事務。以內閣學士吳其濬為兵部左侍郎。○以禮部尚書吳椿兼署兵部尚書。吏部右侍郎陳官俊兼署戶部右侍郎。兼管錢法堂事務。工部右侍郎廖鴻荅兼署兵部左侍郎。○命戶部右侍郎祁寯藻提督江蘇學政。禮部右侍郎王植提督安徽學政。吏部左侍郎卓秉恬提督浙江學政。兵部左侍郎吳其濬提督江西學政。翰林院修撰吳鍾駿提督福建學政。編修方鎬提督湖北

學政。編修蕭良城提督湖南學政。江西道御史錢福昌提督河南學政。翰林院修撰劉鐸提督山東學政。工科給事中張琴提督山西學政。翰林院侍講學士周祖培提督陝甘學政。編修羅惇衍提督四川學政。刑科給事中蔡賡颺提督廣東學政。翰林院編修王慶雲提督貴州學政。順天學政潘錫恩。廣西學政丁善慶。雲南學政李品芳。奉天府府丞兼學政侯桐均留任。○賞故戶部右侍郎程恩澤

子德威舉人一體會試○戊申祭

大社

大稷

上親詣行禮○幸圓明園○詣綺春園問

皇太后安○乙酉諭內閣瑚松額奏請飭辦事

大臣暫緩陸見等語○西寧地方邊境遼闊現

值黃河水落之時一切巡防事宜均關緊要

總兵馬麟輝甫經到任尚未熟諳情形德楞

額著暫緩來京俟明年春間察看情形再行

奏請○命陝甘總督瑚松額撥銀三萬二千

兩解赴烏什八千兩解赴庫車備道光十九

年經費○庚戌協辦大學士署直隸總督琦

善奏新安縣歸併安州前經奏准將安州訓

導移駐新安學額循舊其貢生花紅旗扁鄉

會試盤費牌坊及春秋兩祭修理學宮行香

紙燭各項銀並新安舊額留養孤貧銀應仍

前支放保定府同知門子工食宛平縣縣丞

獻縣主簿二處民壯工食向在新安地糧內

留支應照額移解原設遞馬六匹應酌留二

匹其鋪司二名並應留用下部知之○貸滄

州駐防兵丁修理兵房軍器餉銀○辛亥諭

內閣本月初三日朕恭祭

社稷壇行禮時有人從左邊行動當交奕紀會

同太常寺堂官查奏茲據奏稱連日查察未

能究出等語奕紀即時未經攔阻查詢事後

又未查出著交部議處太常寺堂官著毋庸

議○又諭本日召見新放四川學政羅惇衍

人品學問均屬去得惟年紀過輕恐於一切

事宜未能周悉老到著仍留京供職○又諭

鐵麟等奏請將米色灰暗之南糧先行搭放

一摺本年南糧抵通江淮四幫太倉後幫米

色灰暗據該侍郎等查驗屬實久貯恐非所

宜著照所請准其照歷屆成案分派九十月

輪放甲米各倉另展收貯即咨明戶部先行

搭放至該幫運弁詢無攙和情弊究屬收貯

不慎所有江淮四幫運弁劉芳桂太倉後幫

運弁任大垣。並未能隨時稽查之。總運通判孫宗渭著一併交部照例議處。○諭軍機大臣等。本日據都察院奏。山東民人金塘以拏賊成讎。放火抄搶等情具控。已明降諭旨交經額布提訊矣。此案據該民人供稱。商河縣黃旺莊地方。有騎馬賊劉二鞍子。常在米家寨倡婦米金鋼鑽家住歇。有左泳清。周學顯。周六柱等。為賊匪眼目。道光十五年。歷城縣捕役。叫伊幫同緝賊。俱被越牆逃。賊雖恨

入骨。將伊住屋幾次焚燒。並用槍桿打傷頭顱。稟縣驗緝。久無一獲。並稱劉二鞍子擾害地方。不止一年。上年齊河縣左義五家。被賊燒斃一家四命。本縣張西庚家。一家被燒三次。又如禹城韓思虎一案。白晝放火。抗拒兵役。丁家莊一案。兵役四十餘人。俱被打跑。搶奪馬匹衣物等事。不一而足等語。案關賊匪恃眾逞兇。積案累累。如果屬實。大為地方之害。著該撫提集卷宗。按名嚴拏。逐案審訊。從

嚴懲辦。毋稍寬縱。以除兇暴而靖閭閻。將此諭令知之。○又諭。本日據都察院奏。直隸承德府建昌縣民人郭尚功。呈控誣良為盜。詐贓斃命一案。已明降諭旨交著英親提審訊矣。此案據該民人供稱。伊叔祖郭孝。被鄰村居住之范傳扶從前借貸不遂之嫌。向都司衙門捏控郭孝盜伊樹株。該都司派外委侯起富等將郭孝鎖拏看押。侯起富詐要東錢九百吊。郭孝許給東錢二百吊。侯起富即將

郭孝私刑拷逼殞命。該縣將侯起富等帶縣看押。侯起富賄串書役阮韻庵等從中舞弊。並未審訊。盡行釋放等語。案關奸徒誣良為盜。武弁藉案詐贓。刑逼斃命。如果屬實。大干法紀。不可不嚴行審辦。著著英親提全案人證卷宗。徹底根究。務得確情。按律懲辦。毋稍徇縱。以儆奸貪而安良善。將此諭令知之。○以協辦大學士戶部尚書王鼎為順天鄉試正考官。吏部右侍郎陳官俊戶部左侍郎

文慶為副考官。以刑部右侍郎姚元之兼署戶部左侍郎。以戶部右侍郎裕誠兼署京營右翼總兵。命內閣中書何桂馨提督四川學政。壬子。遣官祭

文昌帝君廟。以刑部左侍郎劉彬士兼署吏部右侍郎。刑部右侍郎姚元之署管理戶部錢法堂事務。癸丑。

上奉

皇太后幸同樂園。進膳。賜皇子及內廷王公大

臣蒙古王公越南國使臣等食。遣官祭

關帝廟。協辦大學士署直隸總督琦善奏湖北重運抵故城境內。間有淺阻。飭員先往籌辦。得旨。上緊妥速辦理。重運尚有寄剝迎剝之道。若回空不能連檣而返。所誤非淺。勉之。甲寅。

太宗文皇帝忌辰。遣官祭

昭陵。諭內閣。奕紀等奏奏值班大臣曠誤。道慶奕興既有值班差使。自應輪流值宿。以昭

慎重。據奕紀等查明誤班日期。道慶在先。其咎較重。奕興次之。道慶著革去禮部侍郎。退出御前侍衛。著在乾清門行走。毋庸管理圓明園。奕興著罰俸六箇月。以示懲儆。諭軍機大臣等。本日據琦善奏。故城淺滯軍船。現已設法挑挖通行。又據額爾布奏。湖北頭二等幫。在臨清州閘外。夏津武城等縣。及直隸故城縣。河道淺滯。各一摺。本年衛河水勢較弱。豫省各處泉源。雖經全行啓放。究未暢旺。

現在直隸故城縣及山東夏津武城等處。淺處極多。節節起剝。已虞棘手。且重運尚有十餘幫。在後正資浮送。此時若不設法趕緊催辦。必致有誤。回空。琦善現已飭委文武大員前往籌辦。所有應行挑挖起剝事宜。仍應妥為督辦。經額爾布已將監臨事務。派委藩司代辦。著即親駐河干。將起剝挖濬事宜。督同文武各員設法趕辦。仍飛咨河南巡撫。將各泉再行疏濬。並嚴禁居民攔截。務令衛源日裕。

重運可以暢行。回空不致遲誤。方為妥善。將此諭令知之。○以內閣學士連貴為禮部右侍郎。己革禮部右侍郎道慶為內閣學士。兼禮部侍郎銜。○以鑲黃旗漢軍副都統于兆祥署鑲藍旗蒙古副都統。○以正紅旗漢軍副都統伊清額管圓明園八旗內務府三旗官兵進班。○以青海郡王車凌端多布為左翼盟長。貝子喇特納什第為右翼副盟長。○命陝甘總督瑚松額撥銀七萬六十九兩。解赴烏嚕木齊備道。光十九年經費一萬一百六十九兩。解赴和闐備十八十九兩年經費。○乙卯									
萬壽節遣官祭									
太廟後殿遣官祭									
福陵									
昭陵									
昭西陵									
孝陵									

孝東陵									
景陵									
泰陵									
泰東陵									
裕陵									
昌陵遣官祭									
孝穆皇后									
孝慎皇后陵寢遣官祭									
顯佑宮									
東嶽廟									
城隍廟									
上詣									
安佑宮行禮詣綺春園									
皇太后前行禮御正大光明殿皇子及王以下文武大臣官員蒙古王公越南國使臣等行慶賀禮御同樂園賜皇子及內廷王公大臣蒙古王公越南國使臣等食戶部議准浙江巡撫烏爾恭額疏報穿長場開墾灘									

塗灘田一十二頃三畝有奇照例升科從之

丙辰

太祖高皇帝忌辰遣官祭

福陵遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神○遣官祭圓明園

惠濟祠

河神廟○丁巳遣官祭昭忠祠○諭內閣本

日召見荊州將軍樂善現患目疾視物不清

難勝將軍之任著開缺安心調理其侯爵仍

留本身無庸在本旗行走統俟病痊再行賞

給差使○以西寧辦事大臣德楞額為荊州

將軍賞降調廣州將軍蘇勤芳阿副都統銜

為西寧辦事大臣○戊午

上詣

安佑宮行禮○諭軍機大臣等前據琦善經額

布等奏運河水涸軍船淺滯已有旨諭令該

督等將應行挑挖起卸事宜妥為督辦並令

咨明河南巡撫迅將各泉再為疏濬矣本日

復據該署漕督奏稱臨清開截至八月初六

日未出閘者尚有八幫未出山東境者統計

二十一幫各處運河僅存底水二尺二三寸

不等難資浮送現在撈剝兼施晝夜趕催等

語本年衛河水勢較弱軍船淺阻若不及早

籌辦僅衛源仍然消落不但此二十一幫重

運之船淺滯難行且恐首二進回空船隻節

節擋阻必致有誤新漕所關更鉅該署漕督

惟當親赴河干體察情形悉心籌畫務使淺

滯各幫船隻迅速趕行無稍貽誤如需隨時

截卸尤當妥為籌議設法辦理總期重運全

數北上而於回空期限不致有誤方為妥善

將此諭令知之○己未

上詣綺春園問

皇太后安。○諭內閣禮部奏州印開用遲延請查明職名議處一摺。廣西上思州前因州印模糊題請換鑄。經該部於嘉慶二十五年頒發。何以遲至十五年之久。始將新印開用。該州歷任各官。實屬漠視公事。該省藩司並不早行詳參。任聽遲延。亦有不合。著廣西巡撫即查取嘉慶二十五年以後歷任藩司並歷任上思州各職名。送部議處。○實授倫忠正黃旗漢軍副都統。○辛酉。諭內閣。向來鄉會

試大典。場內有監臨知貢舉稽查。甄別貢院門。特派王大臣專司揀檢。立法本極周備。近來視為具文。漸形疏懈。以致士子紛紛懷挾。毫無顧忌。此次於士子懷挾。雖難保無遺漏。幸免。而每場均能揀出。辦理認真。尚屬可嘉。嗣後凡遇考試。務當認真揀檢。力除積弊。勉副朕拔取真才至意。儻意存姑息。仍涉因循。別經叅劾。必將派出之揀檢王大臣從重懲處。其三場揀出之江蘇監生慕承勳。攜帶書

策。並非無心誤帶。著照例辦理。○光祿寺卿王瑋慶乞假回籍省親。命毋庸開缺。以太僕寺卿桂齡兼署光祿寺卿。○壬戌。

上奉

皇太后幸奉三無私殿進膳。○以綏遠城軍政年逾六十。官十二員。精力未衰。命留任。○癸亥。諭軍機大臣等。本日烏爾恭額奏已革知府劉煜試行票鹽。種種弊端一摺。此案前曾疊降諭旨。著鍾祥秉公查辦矣。茲據烏爾恭

額奏稱。歷次查訊已革知府劉煜大概情形。直是借官行私。無弊不作等語。著鍾祥於閑兵之便。即將摺內究出各情節。逐細研訊。是否屬實。務期水落石出。以成信讞。如該革員實有借官行私等弊。著即一面奏聞。一面嚴密查抄。按律懲辦。不得稍有洩漏。致被掩飾。寄匿。原摺著鈔給閱看。將此諭令知之。○又諭。有人奏安徽鳳陽潁州等處匪徒聚眾械鬪。類多火器傷人。而河南開封府屬之朱仙

鎮陳州府屬之周家口出產硝磺每運至鳳
潁等處販賣獲利沿途匪徒護送越過正陽
大關從僻徑偷越各隘口兵丁復得受規禮
代為包庇安徽霍邱縣屬之三道冲湖口集
六安州屬之兩河口劉坡樟金家寨等處因
集售賣千百成羣安徽泗州洪澤湖梟匪出
沒亦多恃火藥為劫奪之資等語私販硝磺
施放火器久干例禁鳳潁一帶獷悍成風與
豫省毗連更恐捻匪等互相勾結擾害地方

況此販彼賣以趨利之徒售助虐之具營私
煽惑必致釀成事端著色卜星額桂良各於
所屬地方派員嚴密查訪如有前項情弊即
嚴行拏辦淨絕根株並著於交界隘口設法
巡查不准絲毫私販偷越如該兵丁等敢於
受規包庇即從重懲辦以肅禁令而靖地方
將此諭令知之尋色卜星額奏派員密訪據
舒城霍邱六安等州縣拏獲私硝匪犯多名
提省審辦因思嚴禁私硝惟官辦官煎庶幾

源清弊絕現飭壽甯亳阜陽鳳臺太和等州
縣各設官局民間帶得毛硝繳官給價責成
局員如法煎提按月具報其霍邱縣三道冲
六安州劉坡樟並非市集向無屯聚售私情
弊惟霍邱縣之湖口集六安州之兩河口金
家寨麻埠最為要隘此外阜陽等縣凡與河
南接壤可偷越正陽關處所均設卡駐緝至
洪澤湖自移設都司後梟匪頗知斂跡鳳陽
潁州泗州一帶近因年穀豐登地方安靜仍

飭屬隨時訪緝得旨認真查辦斷不可為日
不久仍歸有名無實也桂良奏派員分赴朱
仙鎮周家口等處查訪各官店僅存硝斤並
無硫磺其存硝確數與出入帳簿均屬相符
尚無私販濟匪情弊惟立法不厭精詳酌擬
禁止貧民私煎及交界隘口添設卡房各章
程以資巡緝從之○甲子順天鄉試監臨隆
文等奏查出科場舞弊得旨胡五即胡中鈞
壽立仁張佩琛即孫太瞿沅即王太韓泰樞

及頂替嚴明善之沈樹棠頂替孫得元之鍾子觀俱著交刑部嚴行審訊此案關繫科場書吏舞弊著定案時從重辦理○順天府以宗室鄉試中額請得旨取中五名○乙丑遣官祭賢良祠○諭軍機大臣等據色卜星額奏湖南頭二三幫漕船上年欠完蕪湖關木稅銀二萬三千一百十八兩零並本年欠我木稅銀五千七百七十五兩零延不交納請飭催追完繳又另片奏江廣重運漕船任意

包攬客木沿路耽延行走遲滯此弊江西湖北間或有之惟湖南幫為甚請飭該省嚴禁各船丁舵毋許包攬客木例外多帶各等語江廣重運漕船向准跨帶竹木原以禦風浪而資貼補近來幫丁惟利是圖每有逾額多帶或包攬客貨以致運行遲誤且於過關時並不照例納稅經前次明定章程之後此風尚未盡革若不嚴行查禁何以肅關務而利漕行著林則徐訥爾經額即嚴飭該管糧道

查明各該幫應交蕪湖關稅課銀兩照數催追完繳迅速解交該關以便隨同下屆錢糧補行解部以清年款毋再遲逾並嚴禁各船丁舵不得任意包攬客貨致誤運行如有例外多帶即著各關查照道光八年諭旨將客木解卸漕船放行令木商自行報稅總期漕運關務兩有裨益將此各諭令知之○又諭有人奏山東鹽務因商累另行招募該鹽政出示本云如願應募准自行到綱試辦不准

朦混保舉藉端撞騙建後運司出示則云無論土著坐賈行商如有家道殷實堪以應募之人立即稟送投充其意似欲勒派現在外間傳聞有謂地方官需索多贓並有富民畏累逃往外境等語招商原為行鹽豈容勒派滋弊該省鹽務既係奏准招募何以張貼告示前後互異致省外州縣藉端需索且致百姓畏逃尚復成何政體著經額布即行轉飭該運司恪遵原奏妥為辦理無許私自改動

稍滋弊端。其州縣官藉派索詐致富。民逃往境外。如果實有其事。尤屬大千法紀。著即確切查明。嚴行懲辦。毋稍徇隱。將此諭令知之。尋奏遵查該運司招商示稿。覈與長蘆鹽政奏案及飭發告示。俱屬一意相承。並無私自改動。前後互異之處。亦無州縣藉端需索各情。現仍督飭運司妥募殷商。設法行銷。總期國課民食。兩有裨益。得旨妥為之。○又諭有人奏山東莠民日眾。請密諭妥為查辦。據稱

山東匪徒習教。曹州府所屬較多。此種莠民人皆視為善良。不但同教之人信附。即尋常百姓亦鮮有知其為匪者。惑人愈眾。斂錢愈多。終歸不妥等語。匪徒傳習邪教為害地方。屢經查拏。總未盡絕。儻或辦理不密。必致聞風逃遁。且恐激成事端。著該撫即遴派善於訪緝之幹員。才具沈細。不致冒昧妄動者。俾令訪明會首何人。聚會何處。會中頭目幾人。是何姓名。分住何縣。密帶幹役。按名指拏。以

淨根株。原摺鈔給閱看。將此諭令知之。尋奏遵派委員改裝易服。分赴曹州等府密行訪緝。旋據稟自秋徂冬。周歷各處。並無習教之人。斂錢集眾等事。第玩法匪徒。奸詐百出。時刻須防。現擬每間一月。仍派員分赴各該處嚴查。俾地方官知有委員梭巡。亦不敢不認真訪緝。得旨隨時留心。不可一查了事。○又諭有人奏山東鹽務漸歸凋敝。每年應徵正雜課款。及加價幣利。共約銀五十六萬兩。現

在錢價過賤。須制錢八十餘萬千。方能易及此數。較嘉慶二十年以前。約多出制錢三十萬千。更兼南運各境。近為淮北票鹽浸灌。引皆不銷。每年賠課。又須制錢五六萬千。共賠制錢將及四十萬。此皆新增之累。該省曾經另請加價二文。以資津貼。經部議駁。仍恐辦課艱難。即另易新商。而來則虧折。亦必輟轉倒累等語。淮北票鹽浸灌山東引地。以致南運滯銷。前經該省將此項額引。暫為停領兩

年以銷往年積引設兩年之後票鹽仍復浸灌積引仍未暢銷又將作何辦理因思淮北票鹽既能浸灌其能多銷可知應否將山東南運不銷各引改歸淮北票鹽行銷著該撫體察今昔情形通盤籌畫從實覈議具奏至鹽斤加價一節業經該部議駁而各商因錢價過賤辦理艱難亦須妥為籌畫總期課款有著商民免累方為盡善將此諭令知之尋奏遵查南運各州縣距淮較近距東較遠起

運東鹽路遠費重鹽價亦不免較昂現當淮北改行票鹽鹽價極賤南運引地始則受灌滯銷繼則懸秤不賣該商等受累既重課絀引懸請將南岸受灌較重之商邱寧陵柘城鹿邑夏邑永城虞城睢銅山碭山蕭宿十二州縣引地歸於淮北一律改行票鹽按票抽稅庶課帑悉歸有著至北運引地每鹽一斤加制錢二文計每人每日食鹽二錢每年僅多費錢十二文既不至於病民該商等貼補

有資應繳課款亦必能年清年款下部議尋議各省行鹽如以境界毗連私販易於闖入即將沿邊引地改歸他省行銷則鄰私愈逼愈近必致逐步侵占無所底止該省南運各州縣距東雖遠而轉運實便距淮雖近而轉運實難且查蕭碭等縣為東運腹地之藩籬儻歸併淮北改行票鹽則外無攔隔該省北運引地反受私衝之害又將何以防禦況永阜場每年計少捆鹽十餘萬引積無所用勢

必偷賣橫行有礙官引更不可不防其漸至該省鹽價已加至三文統計每年共加銀二十七萬餘兩自未便再議增添專顧商情致妨民食業經奏駁在案該撫所稱不至病民並該商等能年清年款之處亦未能確有把握所奏均無庸議從之（丙寅）

上詣綺春園問

皇太后安（以詹事府詹事毛樹棠為內閣學士兼禮部侍郎銜）以翰林院侍講張日章

署日講起居注官。丁卯諭內閣給事中沈澄奏重犯脫逃請飭認真躡緝一摺。各省地方遇有命盜重案。承緝官果能上緊查拏。何至要犯遠颺日久無獲。若如所奏陝西紫陽縣民婦鄒周氏一家四命一案。又盛京刑部員外郎古春被雇工燕成殺死。並另斃二命。砍傷多人一案。又山東范縣民人郭庭訓等離殺郭明得等七命一案。要犯在逃。未能拏獲。此等情節重大。該地方官並不嚴緝正兇。按律懲辦。則尋常逸犯。尚安望其嚴密緝捕。不致漏網耶。總由該管上司意存徇庇。於畧限內設法遷調。以為規避處分地步。即循例覈辦。亦不過開叅了事。以致各州縣等官任意遷延。罔知愧奮。使民冤難雪。兇暴稽誅。玩泄成風。莫此為甚。著盛京將軍山東陝西各巡撫迅飭各該地方官。即將三案要犯勒限緝拏歸案完辦。並通飭所屬各州縣協力偵緝。俾正刑誅。儻敢玩視民瘼。仍前怠忽。著即

將承緝各官指名嚴叅。從重懲處。毋得稍存姑息。以重民命。並著步軍統領衙門順天府五城暨各省督撫嚴飭各屬。凡遇要犯在逃。緝獲另結之案。務即按名弋獲。隨案完結。如敢視為已結案件。不肯實力揅捕。或任聽捕役人等隱匿賣放。一經查出。即行據實奏。毋稍徇縱。庶兇徒不致倖逃。而閭閻亦可安堵矣。將此通諭知之。又諭吳清鵬奏造卷錯誤。請交部議處一摺。此次順天鄉試正藍旗應試諸生祥泰業經投卷。並未親赴衙門填寫卷面。因書吏代寫。致將同名異旗未經投卷之祥泰三代履歷誤填卷面。遂致無卷不能進場。該府丞業將書吏照例懲辦。其未能詳細覈對之治中資鎮衡著交部議處。吳清鵬未能先事覺察。著一併交部議處。又諭失察領催冒領恩賞之正白旗滿洲參領果勒炳阿副參領慶陞幫辦甲喇事務之興德誤出圖片之佐領宗室崇泰俱著交部分

別嚴加議處該都統等雖經據實檢舉究未能先事詳查著一併議處○署京營右翼總兵裕誠因病賞假以鑲白旗蒙古副都統特登額署京營右翼總兵○禮部議准前任河南巡撫楊國楨疏報採訪新蔡縣節烈婦女張氏等五十四口請建總坊旌表從之○修浙江東海塘淤損埽工從巡撫烏爾恭額請也 戊辰

世宗憲皇帝忌辰遣官祭

泰陵○

上詣

安佑宮行禮○諭內閣周天爵奏運船遇淺請添雇剝船等語據稱運河淺處甚多剝船實不敷用現在未過故城者尚有江西兩幫湖南三幫未出東境者統計十幫自應設法趕催著經額布即於現存例備及另行添雇船隻外再添雇剝船六百隻交該署督迅速起剝妥協辦理○又諭周天爵奏請將勒索丁

費之運弁革職審訊一摺湖南頭幫領運千總單繼善需索該幫旗丁王三盛規費銀兩實屬目無法紀且恐另有貪贓不法情事著先行革職交訥爾經額提集全案人證訊明該革弁確受數目及收存稅銀是否有意隱匿均應逐一嚴訊徹底根究按律懲辦以儆官邪尋奏單繼善病故其應繳關稅及得受贓銀現飭查追報聞○又諭前據御史帥方蔚奏稱四川廣元縣有差役千餘人東鄉縣

典史衙門設有廳役數百人勾串丁書勒詐婪贓應請查禁當降旨令鄂山據實查明茲據該督查稱廣元縣正役幫役額設一百數十名東鄉縣典史衙門現在實止額役六名均無可裁減並無濫設白役數千名及數百名之多所奏應毋庸議惟川省州縣地方連關詞訟繁多該地方官若不時加訪察難免白役濫充閭閻擾害著鄂山通飭各道府隨時認真稽查如有違例私設冗役即行據實

揭叅並嗣後儻有白役犯案一經查出即將該州縣及失察之該管上司一併從嚴叅辦毋得姑容寬縱以肅吏治而懲奸蠹又諭前因在籍給事中瞿溶呈控常州府各縣收漕浮勒折錢一案當降旨著陳馨怡良於漕務完竣後確切覈辦茲據該撫查明常州府所屬各縣上年漕務均照舊章辦理並無官吏浮收及民心不服情事漕糧為天庾正供在民不准稍有拖欠在官不得任意浮收自應遵照舊章無任絲毫增添滋弊以示限制如經徵各州縣違例浮勒入己及任聽漕記人等刁難勒捐苦累閭閻等事著即分別嚴叅提究其刁劣糧戶如不慎選好米強以低醜潮雜之米赴倉掇交甚至健訟把持抗糧多事著即從嚴懲辦無稍寬縱○諭軍機大臣等湖北正考官翰林院侍講賈楨係上書房行走之員著林則徐於該員出闈後即傳旨令該員迅速回京供職將此諭令知之○

成都將軍凱音布等奏遵查夷匪起釁緣由及飭辦情形查馬邊廳屬夷地與雷波屏山峨邊等廳縣接壤環繞涼山此次該夷等因阿什子家里夷三和與大烏拋家里夷熟果互打冤家起釁擾及內地遂有乏食夷乘機附和在此連老林居民場市肆行焚搶並有漢奸熟夷從中勾結該夷伎倆素恃山高箐密可以藏匿兵退復來習為故常現將沿邊匪患悉行捕滅仍嚴飭該鎮督同將弁等相機籌度實力窮搜以免後患報聞○免雲南銅廠民欠無著工本銀○准浙江湖南江西幫船遭風虧折米石分限買補○己巳秋分夕月於西郊遣睿親王仁壽行禮○諭軍機大臣等本日據琦善奏接據青縣知縣羅珍稟稱近日有外來窮黎扶老攜幼男女成羣肩挑背負每起自三五人至十餘人不等由南而北詢其原籍多係山東臨清樂陵德平等州

縣人。因本境被旱。欲赴京東一帶。投靠親友。各等語。此等窮黎。因原籍災歉。以致紛紛赴京東一帶覓食。琦善以畿輔重地。理宜肅清。業已截留。妥為資送回籍。所辦甚是。經額布身任巡撫。於地方被災窮黎。自應設法調劑。俾得就近謀食。不致轉徙他方。所有此次由直隸咨送回籍窮黎。著即派委大員。督飭所隸各州縣。妥為安撫。毋致流離失所。是為至要。將此諭令知之。○又諭本日據倉場侍郎

鐵麟等奏。南糧入關太遲。恐誤回空等語。本年山東直隸運河淺阻。節節耽延。江廣等幫軍船。尚在武城故城一帶起米。並有未出臨清閘者。前議添雇民剝一千隻。亦未能如數趕到。著琦善迅速催雇剝船。輪轉應用。總期不誤回空。方為妥善。至截卸因米原出下策。儘能辦理迅速。照例迎剝起剝。依限回空。不必遽議及此。琦善接奉此旨。務即體察情形。督飭文武員弁。認真催趲。其所須船隻。迅即

雇覓應用。若能輪轉起剝。不致另籌卸囤。則回空自可無誤。原摺片著鈔給閱看。將此諭令知之。○又諭據裕泰奏。查有前任江西學政福申。家人蕭三。在該省城窩賭放債。並置產等情。該犯前因跟隨福申考試。索詐得贓。發遣釋回。並不遵照路票回籍。聽官管束。輒敢潛至江西犯事。地方盤踞多年。窩賭放債。置有房屋。已屬玩法。且該犯自配釋回。馬有重資。恐其從前犯案時。寄頓贓款。漏未查出。

不可不徹底根究。即有牽涉福申之處。亦須嚴行查辦。不可因福申業已革職。有意開脫。則大負委任之意也。著裕泰即督同臬司悉心嚴審。據實具奏。將此諭令知之。○又諭本日據都察院奏。甘肅已革兩當縣知縣王大。千遣抱呈控。秦州知州楊鈺賄和張呂氏控案。已明降諭。旨著瑚松額秉公審辦矣。此案據該革員呈稱。秦州知州楊鈺賄和張呂氏控案。因畏伊呈明。央令縣丞張萬選候補府

經歷廉九皋。向伊賄寢。給銀二千五百兩。經伊將賄銀呈明學政。轉咨總督查辦。楊鈺復捏情節。賄串誣陷。致伊反被叅辦。各等語。案關被叅許告。且有因案賄和重情。虛實均應徹底根究。著瑚松額親提研訊。務得確情。毋得稍有實不盡。以成信讞。至楊鈺既有賄和等情。該革員曾將賄銀呈明學政。羅文俊何以不奏明請旨。徑行轉咨總督查辦。該督據咨如何辦理。並著明白據實回奏。將此各

諭令知之。尋羅文俊奏前任兩當縣知縣王大干遣丁遞稟。僅呈繳賄和張呂氏銀二十三兩。其賄和該叅員之二千五百兩。並未呈繳。據稱並未向總督及兩司衙門控告。祇求咨辦。是以轉咨督臣查辦。報聞。○前任閩浙總督程祖洛奏臺灣嘉義二縣劃勻疆界。及改撥戶口錢糧章程。一徵收正供。配運兵米春穀。分別勻撥。以專責成。一丁耗錢糧。解支起運。俸工養廉。分別劃扣。以便造報。一番社

七租分別改劃代徵解給。以備徵調。○大武隴巡檢歸兩縣管轄。更換印信。○新劃臺灣縣四里原設弁兵月米。循舊支放。修建汛署兵房。歸入修理兵房本案造辦。○新劃四里未結命盜等案。按年分歸兩縣審辦。○嘉義縣灣里溪迤南各莊。劃歸臺灣縣管轄。其取進文武生童。責成臺灣道通融酌拔。以杜爭端。下部議從之。○命翰林院編修孫瑞珍。在上書房行走。○庚午諭內閣。經額布奏。南糧

出境酌辦情形。一摺。本年直隸山東一帶運河阻淺。前據漕運總督周天爵奏明大概情形。昨復據倉場侍郎鐵麟等奏。稱起剝船隻。未能如數趕到。已降旨飭令琦善迅速將剝船陸續催齊應用。無誤回空。茲據經額布奏稱。漕臣奏請將山東剝船九百隻。趨入北河備用。現在山東正在喫緊之際。恐不敷轉運。自係實在情形。惟天庾正供。斷不可誤。疆臣盡心職守。無庸強分畛域。著經額布體察情

形如水勢足資浮送。即催趲前進。儻須起剝運送。亦即酌量辦理。至添雇剝船。節節輪轉挽運。自資得力。遞相接濟。無慮水勢日消。總期有裨漕行。軍船依限歸次。方稱妥善。○又諭貢院圍牆堆蓋棘茨。原以肅關防而昭慎重。本日據監試御史多斌等奏。圍牆棘茨。因風吹落。又據監臨隆文等奏。查明並無別項情弊。惟現當關防之際。不能即時補葺。著步軍統領衙門。順天府多派營員坊官。於牆外

嚴密巡查。所有吹落棘茨。並著確查下落。隨後添補。以昭慎重。○辛未。諭內閣。昨日禮部將伴送越南國貢使之廣西署梧州協副將新太協副將那齡。阿帶領引見。該員年逾七旬。精力衰頹。難期振作。該督撫早應甄別。或奏請勒休。或送部引見。請旨。即伴送貢使沿途照料。亦應派委精明強幹之員。何得以衰邁庸員充選。那齡阿著以原品休致。鄧廷楨。梁章鉅著傳旨嚴行申飭。所有越南國貢使。

著派郭繼昌伴送出京沿途小心照料。鄧廷楨接奉此旨。迅即遣派妥員。趲程迎出。無論行抵何處迎著。後郭繼昌即交與派出之員帶往。自行馳赴新任。○癸酉。

上詣綺春園問

皇太后安。○予故土爾扈特扎薩克郡王散達克多爾濟祭如例。○甲戌。諭內閣。御史文丕奏。

壇

廟祭祀宜嚴門禁一摺

壇

廟祭祀典禮攸關。門禁理宜嚴肅。以昭誠敬。嗣後著稽察之王大臣。於未經上祭之先。嚴密查察。無許一人混入。至行禮時。尤當認真稽察。無論何項差使人員。概不准擅自出入。儻仍前怠玩。別經查出。惟王大臣是問。○諭軍機大臣等。據關聖保等奏。稱博窩番賊。甫經投誠。現在宿凹宗曲木多兩處。來有番賊共

一千餘名聲言報讎。要將唐古特官民全行殺害。並向寨內搶取糧食。殺傷土兵。燒斷曲木多橋梁。使我兵不能相顧。又將官寨圍困。其邊壩巴里郎等處。復有番賊一百餘名。在大路搶劫。居民躲避。現派番兵前往查辦等語。番民犬羊性成。旋服旋擾。茲復膽敢糾眾搶糧。圍寨傷兵。種種情形。實屬目無法紀。自應嚴加懲辦。以靖地方。現經該大臣等酌派前後藏及江孜番兵。合之該處土兵。共有二千餘名。兵力不為不厚。足資制敵。著即飭令各該處番官戴琿等迅速帶往。相機勦辦。並飭噶布倫策墊等察看情形。儻該賊番等見我兵威。即知畏懼。務令將此次起意為首及助惡之人。速即全數獻出。痛加懲治。其未經隨同滋事者。妥為安置。如敢始終抗拒。負固不服。即著該大臣飭令噶布倫等悉心籌畫。整飭戎行。認真勦擒。務俾懾服。惟不得輕率前進。或致債事。至帶兵番官等尤當嚴

行飭諭。凡經過及駐劄地方。務即嚴加約束。毋令目兵人等稍滋擾累。其與博窩連界之江達拉里碩板多邊壩等處。並著飛飭漢番官弁。派撥兵丁實力防堵。毋令番賊勢窮逃竄。闖入卡內。以靖邊防。而杜後患。將此諭令知之。又諭關聖保等奏廓爾喀年貢到藏起程日期一摺。又另片奏該國王例進貢物逐一查點與上屆相符。惟另有小銅礮一尊。又洋鏡洋表珊瑚氈片等件共七箱。據該噶筭等稟稱。銅礮係該國王另外呈進。其洋鏡等物係該國王之妻呈進等語。此次該國王於例貢之外。另進貢物。自係倍加恭順。惟天朝撫馭外藩。具有定制。例進貢物應仍照舊章辦理。其額外進呈各件。著該大臣等妥為存貯。俟該噶筭等回國時。仍令將原物帶回。並著該大臣等向該噶筭等告以天朝制度。俱係照例辦理。爾國王之妻向無呈進貢物之例。業經代為奏明。大皇帝以爾國王恭順

可嘉。格外體恤。年例貢物。照舊賞收。是爾國王向化。惇誠已蒙洞鑒。所有另行呈進。及爾國王之妻。呈進各件。仍交爾等帶回。嗣後爾國王務當仰體大皇帝愛惜爾國民力之意。毋再額外貢獻。以符定制。至該國王求賞銀兩之處。俟該噶箕等到京進表時。再降諭旨。將此諭令知之。○又諭。關聖保等奏請暫緩查閱後藏營伍邊界。據稱後藏江孜。定日。三汛營伍邊界。每年秋季。例應駐藏大臣輪班

前往查閱一次。惟道光十三年查閱屆期。因籌辦博窩軍務。曾經奏准暫緩等語。現在博窩番民。又復滋事。該大臣等自應在藏會同籌辦。以期妥速。所有本年應行查閱伍。准其援照成案。緩至來年秋季。再行前往。至飭委該管將備。就近校閱。並赴各邊隘。周歷巡查。往返腳價盤費。暨例賞各等項。俱著照所議辦理。將此諭令知之。○陝甘總督瑚松額奏請入覲。得旨。本省實無可署督篆之人。若

由京派往。徒勞往返。交代卿祇可仍緩前來。俟朕遇便斟酌可也。○緩徵甘肅皋蘭金隴西古浪四縣暨東樂縣丞所屬被旱歉區。新舊額賦。○乙亥。諭內閣。前因南運河淺涸。軍船阻滯。有旨令琦善催雇剝船。迅速辦理。茲據該督奏稱。本年漳衛來源。水勢甚微。自臨清至南皮等處。節節淺露。袤延千里。挑濬撈泥。難期深遠。其淺處僅存二尺一二寸。加以挑挖束水。所增無多。現屆秋汛。水落。儻再消

耗。即空船亦難挽行。縱令尾幫軍船趕赴津關。截卸北倉。猶恐緩不濟急。惟有將在後各幫。遇有較大集鎮。借用民房。截卸囤貯。飭令原運弁丁。守候剝運。以便軍船南下。其已抵津關之江西等幫。即就近在北倉截卸。趕令回空等語。現在節過秋分。運河水勢。難期驟長。在後江廣軍船。自以趕緊回空。連檣南返為急。若再稍為延緩。必致有誤新漕。當此萬分喫緊之時。自應通籌熟計。務臻妥協。至借

用民房囤貯亦須妥為辦理勿致擾累著倉場侍郎直隸漕運各總督山東巡撫體察情形無分畛域妥速籌辦務使米石接續北來空船剋期南下毋得遷延觀望致有貽誤至截卸北倉著倉場侍郎查照成案酌派坐糧廳一員飭令前赴天津辦理○又諭戶部等衙門議覆吉林將軍祥康等奏承辦淺斤酌加勸懲一摺吉林等處承辦揀選官淺之員如遞至三年均能九成以上者著改為加三級無庸送部引見○諭軍機大臣等有人奏廣東地方日形疲弊敬陳六款懇請整飭一摺據稱該省盜案疊出會匪居多有添弟會三合會各名目聯結黨羽種種擾害一涉詞訟需索多端又該省州縣徵收糧米聞有每石折銀六七兩之多縱容書差受賄包庇至積貯便民莫如設立義倉以民捐充貯之穀備歲歉不時之需於官民均有裨益若巡船之設原為捕盜堵私近來各船只圖收受地

面陋規並未緝獲私匪水陸營汛漸至有名無實該省鹽務宜杜私侵必須隨時體察設法疏銷至權稅一節尤宜釐剔弊竇其坐省奸夷喧嚷等及零丁洋已造之躉船均須驅逐各等語著鄧廷楨等即將摺內所指各款逐加確查如有似此弊端務須破除情面認真懲辦總期吏治戎行均有實效方為妥善原摺著鈔給閱看將此諭知鄧廷楨祁項並傳諭文祥知之尋奏遵查各款○粵東負海依山向為匪類淵藪綜計兩年來前後獲犯幾及五千人其中間有結拜弟兄者然並無添弟三合名目至民間詞訟土音實屬難解但初到之員學習一半年後亦可漸通並不盡憑書吏傳達其有串供詐騙者一經查出即當據實嚴辦○粵省徵米係供兵糈之用從未折銀解司其自願折納小戶仍按照便民章程酌量妥辦儻書差土棍敢於浮收包攬立竿懲治州縣據實叅處一省城向無義

倉前值歲收中稔因偕司道等首先捐廉並紳商富戶。隨同踴躍樂捐。共建蓋東西兩倉。現已工竣。即令買穀存貯。其平糶賑卹一切章程。倣照社倉事例。妥議立案。似可經久無弊。通省水陸兵丁。按營覈計。兵數足額。並無減剋情事。且武職人員。缺無肥瘠。亦無所用其鑽謀。至考覈各營。老弱庸劣。沙汰殆盡。所有節次具奏。拏獲各匪。得自營弁者居多。尚無被控收受陋規得賄放行之案。現當遵拏紋銀出洋。鴉片入口之時。陸續獲解匪徒。均係本犯自認出洋。並無妄拏商船之案。惟潮州瓊州各府商民。每圖捷徑航海往來。應請查照原奏。通行曉諭。令各商船概走內河。不許出洋行走。如有必須經洋之處。須領有新給船照。及各關稅單。驗明放行。亦不得妄拏勒索。粵省鹽務。分別省潮引地。省河各埠。歷經嚴定緝私章程。潮橋各埠。或有埠無商。或有商無本。以致各路私侵。自應盡力

實錄卷一百一十五

四

查拏力籌補救。至潮鹽由海運至郡城。一路河道淤塞。前經該商捐資挑濬。輓運已通。或可漸期起色。一。躉船寄泊外洋。業經將驅逐情形具奏在案。其噓喚即噓噸並噸咆兩夷。因行商積欠未清。控經發司確審。俟審明後。即勒限回帆。以免久留滋弊。得旨。一切認真。勉力為之。一。直隸布政使托渾布奏。回任日期。得旨。看汝才具。深愜朕懷。但今人外任年久。或沾染時習。或因循苟且。或始勤終怠。皆非實心為國之道。汝其一力向上。協同督臣琦善。凡吏治武備倉庫弭盜安民諸大端。實心講求。實力辦理。以副朕得人望治之心。萬勿自棄。勉益加勉。

實錄卷一百一十五

四

大清宣宗效天符運立中體正至文聖武智勇
仁慈儉勤孝敏成皇帝實錄卷之三百

實錄卷之三百

四六

大清宣宗效天符運立中體正至文聖武智勇
仁慈儉勤孝敏成皇帝實錄卷之三百一

恭修明載官經廷月攝居注官太子太傅體仁閣大學士文淵閣領侍衛內大臣署理戶部事務上書房總辦翰林院掌院學士兼管
內府府務恭修明載官經廷月攝居注官太子太傅體仁閣大學士文淵閣領侍衛內大臣署理戶部事務上書房總辦翰林院掌院學士兼管
六倉大臣據奉會同四指辦事務加一級應事加六級軍功加三級乾隆五十六年臣沙納呼圖等奏請將該管內府府務恭修明載官經廷月攝居注官太子太傅體仁閣大學士文淵閣領侍衛內大臣署理戶部事務上書房總辦翰林院掌院學士兼管
內務府大臣據奉會同四指辦事務加一級應事加六級軍功加三級乾隆五十六年臣沙納呼圖等奏請將該管內府府務恭修明載官經廷月攝居注官太子太傅體仁閣大學士文淵閣領侍衛內大臣署理戶部事務上書房總辦翰林院掌院學士兼管
恭修明載官經廷月攝居注官太子太傅體仁閣大學士文淵閣領侍衛內大臣署理戶部事務上書房總辦翰林院掌院學士兼管

教修

道光十七年丁酉九月丙子朔諭內閣向來

實錄卷之三

鄉會試年分該部奏請派員磨勘試卷凡文
理紕繆筆跡不符均應簽出照例懲辦蓋欲
拔取真才必須嚴絕弊端故不得不加以詳
慎近來磨勘等官往往意存寬厚僅於字句
微疵略加指摘而於文理紕繆筆跡不符等
弊或致草率顛預例禁一弛倖進多而真才
屈甚非朕振興文教之意本年宗室鄉試順
天鄉試中式原卷及覆試各卷著派出之磨
勘官等公同校閱認真覈對如仍前玩泄視

為具文日後別經發覺。惟該磨勘官等是問。
○又諭鄧廷楨等奏請復承商舊例一摺。粵東洋商自嘉慶年間設立總商經理。其選充新商責令總散各商聯名保結。後因夷船日多。行戶日少。照料難周。易滋弊竇。是以量為變通。准以殷戶自請充商。暫行試辦。停止聯名保結之例。茲據該督等查明。現在招補缺商。已復舊額。足數辦公。自應仍復舊例。以示限制。嗣後該商遇有歇業。或緣事黜退者。方

有錄

二

准隨時招補。此外不得無故添設一商。亦不必限年試辦。以歸覈實。其承商之時。責令通關總散各商。公同慎選殷實公正之人。聯名保結。專案咨部著充。並著該督等隨時查察。毋許該總商等仍蹈從前推諉壟斷惡習。俾保充者務求覈實。而走私漏稅諸弊。亦責有攸歸。以裕課餉而杜奸私。該部知道。○又諭鄧廷楨等奏。粵商前捐東河工費銀兩。展限未繳等語。此項捐銀。自道光七年起限。嗣經

該督等復於道光九年奏請展限。分年完繳。該商等自應按限清款。茲據鄧廷楨等查明。截至上年。仍尚拖欠過半。實屬玩延。所有捐納訓導職銜。天寶行商梁承禧。即梁綸樞。捐納州同職銜。仁和行商潘文海。即潘寶書。均著將該商等職銜暫行斥革。與另案斥革之捐納同知職銜。興泰行商嚴啟昌。即嚴煥文。一併勒限一年。嚴追歸款。限滿果否完繳。再行分別覈辦。○又諭奕顯奏。請補栽樹株一

有錄

三

摺

昭陵

隆恩門外。前次補栽配樹一棵。現經黃姜。自應查照向例。如式補種。以昭慎重。所有本年十月內。取去舊樹。並栽補新樹。兩次吉期。著欽天監即行選擇。行知該署將軍。敬謹辦理。○盛京熊岳副都統國祥。因病解任。調福州副都統張仙保。為熊岳副都統。以二等侍衛額勒金。為福州副都統。○丁丑。

上御勤政殿聽政。○以詹事府詹事松峻為內閣學士兼禮部侍郎銜。○以內閣侍讀學士續齡為光祿寺卿。○戶部議准陝甘總督瑚松額疏報甘肅皋蘭縣開墾旱田二頃五十畝。照例升科。從之。○除江蘇泰興縣被水坍沒田三十頃五十五畝有奇額賦。○戊寅諭內閣宗人府奏請將揀選章京首領不到各員交部議處。所有揀選獻帛爵章京屢次抗傳不到之春筭碩威純玉純慶繼信載岱奕樸並揀選子女首領抗傳不到之工部員外郎覺羅鍾瑞三等侍衛覺羅恩長雲騎尉覺羅福英阿均著交部照例議處。仍著該員等聽候揀選。帶領引見。如揀選獻帛爵之世職章京再敢抗傳不到。即將該章京所襲世職革退。另行揀選承襲。以示懲儆。○又諭昨兵部將甘肅題補副將並保列一等之魯福山帶領引見。該員箭射無準。惟係鄉勇出身。究非營弁久於練習者可比。魯福山著准其

一等補授甘肅莊浪協副將。仍罰俸六箇月。瑚松額著加恩免其議處。○諭軍機大臣等本日據都察院奏捐職千總邢有恆違抱呈控冤枉未伸復遭凌逼一案。已明降諭旨著實興秉公審辦矣。此案前據該職員赴都察院呈控。伊領帖在牛莊開店生理。被鋪夥宋泳齡等侵吞鋪本。反捏以打搶重情。將伊誣控盛京刑部左司筆帖式宜鉅得受宋泳齡賄銀六百兩。將鋪夥劉德成刑逼誣證。該筆帖式旋令妻兄和尚定坤轉託宗室喜里根向伊索借銀兩。伊措現銀四百五十兩。票銀三百五十兩。經喜里根手交定坤轉付該筆帖式收受。嗣因伊索要借帖。該筆帖式遂抱贓出首。稱伊以財行求。將伊下獄等情。茲復違抱呈控該筆帖式提回案卷。將伊嚴刑勒供。並不令一人對質。各等語。該職員既稱上年九月蒙將軍衙門審訊。劉德成供明宋泳齡行賄屬實。何以該筆帖式復稱該職員以

財行求。此中顯有情弊。案關職官受賄逼供。裁贓陷害。虛實均應徹底根究。著寶興親提人證。逐細研鞠。務得確情。以成信讞。如該筆帖式實有受賄逼供等情。著即嚴叅懲辦。毋稍徇隱。將此諭令知之。○旌表守正被戕廣西臨桂縣民駱兆幅媳梁氏。廣東順德縣民林信文女引觀。○己卯。以江南江安糧道成世瑄為河南按察使。○庚辰。

上詣綺春園問

皇太后安。○諭內閣。色伯克多爾濟等奏。公同詳查圍場內所設隊伍。請旨略為變通辦理一摺。著照所請。仍留賽堪莫多地方所設一隊。其餘圍場以內大小九隊。著全行裁撤。除嚴交圍場以外周圍原設八十卡倫兵丁等協力同心。勤加巡查外。所有不關圍場地方之東哈勒哈濟圖。西努肯格爾等處。准其分設二隊治理。賽堪莫多。著每隊各派兵丁四十名。防駐稽查。其哈勒哈濟圖隊伍。著責成

左右兩翼翼長。常川輪流一人。在彼防駐。總統巡查。由努肯格爾賽堪莫多二隊內。各出派章京一員。驍騎校一員。一體常川輪流防駐稽查。該總管額勒亨額。仍當不時親身前往。嚴密巡查。務使盜賊咸知畏懼。斂跡。○又諭。前據琦善奏。本年南運河水勢淺涸。軍船阻滯。恐誤回空例限。已降旨截卸北倉。令倉場侍郎查明成案辦理。茲據王楚堂奏。稱查明北運河水勢現長尺餘。江西各幫船跟接

起卸。約計九月十五日以前。可期完竣。湖南各幫。已由故城長剝北來。楊村接剝。軍船歸幫南下。不致適達回空例限。至北倉截卸。緩不濟急等語。截卸囤米。原出下策。但能辦理迅速。依限回空。自毋庸籌議及此。所有北倉截卸之處。著即行停止。又另片奏。現飭坐糧廳帶同經紀回通。趕辦起卸。並咨署直隸總督撤回委員。天津縣無庸鋪墊廩座各等語。俱著照所議辦理。著倉場侍郎。漕運總督督

飭派各員弁趕緊催趲。迅速起卸完竣。務於例限內令各軍船埽數南回。方為妥善。至漕船往返。全資河水浮送。與其臨事周章。不若先為籌備。嗣後著山東河南各巡撫務當於重運未到之前。督飭所屬將各運河來源處所。設法疏濬。寬為儲蓄。總期水勢充足。無誤運行。不得稍涉怠玩。致有淺阻。如該道等辦理不善。即著據實叅奏。以速漕運而重倉儲。○諭軍機大臣等。本日據奕山關福馳奏。

查辦色呼庫勒情形。並霍罕遣使遞稟悔罪輸誠。及發給該伯克回諭。並將該伯克原稟譯漢呈覽。所奏俱悉。上年冬間。霍罕胡什伯克。在色呼庫勒地方滋擾占據。嗣經該處回子將賊目阿達那等八人。拏解葉爾羌。經該參贊等訊明正法。當有旨令奕山等將現辦情形。迅速具奏。茲據奏稱該參贊等前於四月二十八日。撰給諭帖一道。發交呼岱達派人送往。現據霍罕伯克差派夷使木拉特隨

同呼岱達阿布都烏舒爾來至葉爾羌投遞稟帖。譯出原稟。該伯克情詞甚屬恭順。並無狡強。且於阿達那被擒一事。未敢提及。稟內並稱再不准我們的人。往卡內騷擾地方等語。霍罕伯克遣使遞稟悔罪輸誠。現經該參贊等酌加賞賚。派送出卡。並發給諭帖一道。又據色呼庫勒回子邁瑪托胡達等四人由卡外逃回。據稱列什格爾說阿達那騷擾被拏。此係自取。並經該參贊等探明色呼庫勒

塔哈爾瑪瑪莊等處。並無賊人占據。地方現已空閒。此等回眾。犬羊性成。情多反覆。現在雖甚恭順。防範仍不可稍懈。著該參贊等隨時體察情形。嚴密防守。總期永臻安靜。無稍滋生事端。方為安邊長策。其色呼庫勒回眾。前有逃至通莊躲避。並遷往卡內者。著即悉心籌畫。妥為曉諭。飭令照舊遷回故土。復還本業。無得日久逗留卡內。嗣後發給霍罕諭帖時。祇須申明大義。杜其窺探之私。不必再用

大兵出卡字樣。奕山接奉此旨。如一切事件。俱已辦竣。著即旋回伊犁。參贊本任。恩特亨額抵任後。即將此旨交給閱看。務當通籌全局。揆度情形。使一應防邊要務。悉臻妥善。方為不負委任。將此諭令知之。○辛巳。諭軍機大臣等。此次派往朝鮮冊封使臣。經過直隸。盛京各地方。是否安靜行走。有無藉差騷擾情事。著該將軍等密加察訪。將來差竣回京時。並著一體訪查。如有需索供應擾累驛站

等弊。即著據實奏。毋稍徇隱。將此各諭令知之。○以江西九江鎮總兵官施聯科奏對不實。年力就衰。命原品休致。以山西蒲州協副將武齡阿為九江鎮總兵官。○旌表守正捐軀直隸任邱縣民武尚汶妹存姐。○以修理昇平署工程完竣。免承修前署奉宸苑卿豫堃候補主事文連。前任郎中廣亮舊欠銀各四萬兩。○壬午。諭內閣。前據給事中常大淳奏。南河庫貯出入支銷。前後牽混。當降旨

交朱士彥據實查覈。茲據該尚書奏稱。江南河庫款項繁多。道光七年以前。業經設局清查。奏明咨部。其道光八年以後。至十六年收支冊卷。調集盤查。庫存實數。與冊不符。按款駁飭。該道李湘蒞具呈登覆。前後矛盾。種種牽混。請將該道先行交部議處等語。庫貯錢糧。絲毫皆關國帑。出納支銷。理宜慎重。河庫道李湘蒞在任多年。錢糧出入。是其專責。乃一經查駁。輒行支吾牽混。膠轕不清。是該員

於庫貯收發冊籍。全不留心。糊塗不職。已可概見。李湘蒞無庸交部議處。著即行革職。留於河工聽候傳質。南河庫款繁多。現經該河督設局清查。著麟慶即將道光八年至十六年河庫收支卷冊。逐款嚴查。其有牽涉八年前情節。悉心查明更正。另行造冊報部。如該道等實有侵虧情弊。即著嚴叅治罪。毋稍徇庇。儆意存違。就顯預了事。是麟慶辜恩昧良。自

外生成。一經查出。惟麟慶是問。○又諭國家設官分職。大小相維。督撫職在封疆。責任綦重。凡屬員之賢否。自當隨時查察。無稍徇隱。至各省藩臬道府。人數無多。考覈尤易。從前乾隆年間。

特頒諭旨。令各督撫年終密封具奏一次。原以嚴考察而備簡用。該督撫等宜如何破除情面。於密註考語時。字字覈實。不稍假借。以副國家甄別淑慝之望。乃近年各督撫視為具

文。僅以一奏塞責。經朕留心察看。往往與所註密考。大不相符。即如江南河庫道李湘藍在任多年。庫款出入。是其專責。現經欽派尚書朱士彥馳往查辦。據稱款目牽混。轆轤不清。是該員才難勝任。已不待言。檢查道光十五年林則徐密封內。稱該員明練樸誠。辦事細緻。十六年陶澍密封內。又稱該員心地明白。謹飭安詳。似此支銷出入。種種錯誤。尚得謂之細緻明白乎。可見該督等平日非隱受

欺蒙。即意存瞻徇。於興賢去不肖之義。漠不關心。是上以誠求。下不以實應。殊失朕望。除將李湘藍革職。示懲外。陶澍林則徐均著交部議處。嗣後各省督撫。惟當仰體朕用人之苦心。事事求一實字。其考察屬吏。尤應就其所辦公事。認真稽覈。一秉至公。儻再徇於積習。虛應故事。不肯據實註考。則是有心欺罔。將來別經發覺。定將該督撫等嚴行懲處。不貸。毋謂誥誡之不豫也。將此通諭知之。○又

諭前據都察院奏。安徽泗州監生韓建旗以侵帑累民。工程不實等詞具控。當降旨交朱士彥查辦。茲據該尚書審擬具奏。此案已故泗州直隸州知州王毓芳承挑濉河工程。將未用餘銀一萬八百四十餘兩。朦混隱匿。實屬意存侵蝕。業已身故。應無庸議。所有侵蝕銀兩。除應准開銷。及伊族王仁芳情願呈繳外。餘銀五千三百三十餘兩。著經額布於王毓芳家屬名下。勒限嚴追。以清帑項。○又諭

滿洲官卷內愛字二卷。彌封互相錯誤。據監臨隆文查明。並無別項情弊。除將硃墨卷紅號一體更正外。所有錯誤之彌封所官。著交部議處。○刑部奏科場舞弊。牽涉職官。得旨。戶部候補員外郎龍士瀛。候選主事鄭福敏。俱著先行革職。歸案審訊。其尚未弋獲之監生秦度等。著步軍統領衙門。順天府五城一體嚴拏務獲。歸案究辦。○協辦大學士署直隸總督琦善。奏籌議截卸南糧。得旨。現已無

需北倉截卸。惟飭屬挑挖古淺。趕雇船隻。上緊催趲為要。○引見各衙門保送御史人員。得旨。陳書。曹花詠。秦周頊。劉最昌。狄聽韓綬。周春祺。俱著記名。以御史用。○以通政使司通政使帥承瀚。署宗人府府丞。○旌表守正被戕陝西咸寧縣民間泳庫妻吳氏。○癸未諭內閣。大學士公長齡。前因肝疾舉發。奏請開缺。當有旨諭令安心調理。不必限以假期。茲據奏稱病勢難望速痊。懇請開缺。察其情

詞懇切。實以職任公事為重。惟念長齡年登八秩。精力素健。若遽准致仕。朕心實有所不忍。長齡仍著無庸開缺。所管理藩院事務及閱兵大臣。現已派人署理。俾得靜加頤養。速就痊可。不必限以假期。統俟精神復元後。再行銷假當差。以示體恤。○以禮部尚書奕紀署閱兵大臣。兵部尚書禧恩。署管理藩院事。○甲申諭內閣。本科順天鄉試中式原卷及覆試各卷。前經降旨著派出之磨勘官等

覈對。其科試錄科各卷。著一併交磨勘官覈對筆跡。毋庸封送軍機處。所有上屆未經覆試之中式舉人。准其歸入此次一體覆試。○又諭隆文等。奏查出中式一百二十六名之江南監生戴煥文。頭場卷面塗改坐號形跡可疑。與前次查出卷面情弊無異。著刑部提傳書吏胡中銳等。嚴行查訊。歸案辦理。○又諭御史胡長庚。奏糧船多帶貨物致誤程限一摺。向來重運糧船。准帶土宜。例有定數。原

示格外體恤。而趨行迅速。自可無誤。回空。若如該御史所奏。帶貨過多。喫水過深。沿途脫幫。必致行走遲滯。設誤歸次。成何事體。著倉場各衙門。於糧船交卸後。趕緊勒令回空。不准沿途瞻顧貨物。再有稽延。並著漕運總督。於新漕起運時。嚴查各幫。不准額外多帶土宜。違者分別懲處。以速漕行。而符定制。○以兵部尚書禧恩。為滿洲繙譯鄉試正考官。內閣學士松峻。太僕寺卿琦琛。為副考官。內閣

學士定佳。國子監司業福謙。為蒙古考官。○乙酉。諭內閣。昨因陶澍林則徐。於河庫道李湘蒞註考不實。降旨交部議處。茲據吏部照例議以降二級調用。實屬咎所應得。朕不難即予降調。並非簡用乏人。惟念究係年終循例註考。與特保者尚屬有間。陶澍林則徐。均著加恩。改為降四級留任。不准抵銷。嗣後各直省督撫。務當振刷精神。各盡厥職。於興賢去不肖之道。尤宜細心講求。俾收得人之效。

儻年終註考。仍不能詳慎覈實。致涉朦混。掩飾。或意存瞻徇。一經發覺。朕必將該督撫等從重懲處。決不稍貸。懷之慎之。○又諭前據長齡等奏。顏料庫郎中覺羅博通阿等。袒護書吏一案。當降旨將博通阿等交部議處。經該部議以降二級調用。毋庸查級議抵。茲據奏該員等呈稱。在逃之書吏王岐陽業已到案。呈請代查。希冀開復。惟呈內所稱情節。與原參不符。不能以審擬奏明之案。據呈紛

紛行查。所有該員等降調之案。著不准其開復。○禮部奏。十月初十日。皇太后聖壽節。應行禮儀。得旨。是。照例行禮。奉皇太后懿旨。停止筵宴。其在外福晉命婦進內行禮之處。並著停止。○丙戌。陝西巡撫富呢揚阿奏。緝獲刀匪多名。得旨。此等匪徒。務須隨時嚴辦。斷不可姑息養奸。致貽後患。一力勉為之。○旌表守正捐軀廣西河池州民黎潮清妻黃氏。四川梁山縣民張潮仲妻姚氏。

○丁亥。

上詣綺春園問

皇太后安。○江蘇巡撫陳鑒奏鄉試士子安靜無弊得旨進場者一萬六千之多。統無弊竇。恐汝亦沾染外任不肯任勞任怨之惡習。果爾是汝自棄。朕為汝惜之。嗣後當如何存心辦事。何待朕言。看汝自為耳。○戊子。諭內閣。經額布奏。此次添雇剝運之山東歸次小米軍船。歷係冬兌冬開。現在該軍船剝運至津。

派委曹州府桃源同知貴格守備張天棟等前往守提回空交兌等語。著倉場侍郎於該軍船剝運至天津時。即飭令先行交兌。以便該委員等押令迅速歸次。毋誤兌期。○又諭。容照奏稱所管內務府拜唐阿及首領太監各圍。俱在圍牆以內。幼丁雇工人等。為數不少。請派員按日稽查等語。風水重地。理應倍加嚴肅。惟地方遼闊。耳目勢難周徧。著照所請。各圍內派郎中員外郎主事內管領內副

管領等官。按日輪流一員。在各圍內衙門值宿。報明承辦衙門。立冊存記。如幼丁內或有滋擾等事。查明何員之班。即惟該員是問。並派員將各圍內雇工人等清查明確。由該家長報明本處內務府衙門註冊。或因事故增減。均著報明存案。儻敢援引親族影射居住。一經查出。立即驅逐。並將該家長根究懲辦。如該雇工人等訊有不法情事。除犯事之人照例治罪外。並將該家長訊明究辦。其失察

之值宿各官。奏明懲處。以昭嚴肅而儆愚頑。○旌表守正捐軀直隸磁州民婦任殷氏女俊女。○己丑。諭內閣。御史董宗遠奏請飭各關監督認真稽查稅務一摺。權稅為國家經費所關。各監督理宜認真辦理。嚴絕弊端。以安商旅而裕稅課。若如所奏監督坐樓家人串通胥役。每逢商賈至關。百般需索。一不遂願。延擱多時。始肯驗放。甚至行旅往來。並無應行報稅之物。亦必強索喧呶。更有近關土

豪冒充巡攔於不應巡查地方擾民需索又聞蕪湖九江等關濱臨大江奸書蠹役勾通黠商私行賣放是各監督自耽安逸任聽家丁胥役人等朋比分肥通同一氣以致額徵銀兩往往虧缺不可不嚴行查辦以絕弊端著各關監督肅除積習實力稽查約束家人嚴防蠹役務將種種弊竇隨時杜絕毋受欺蒙並著各該督撫等嚴飭所屬地方官留心查察儻有近關土豪及無賴匪徒於不應巡

查之處假託巡攔名目藉滋擾累一經查出即行按名嚴拏從重懲處毋稍徇縱將此通諭知之○移四川駐防崇慶州汎城守右營左哨千總為卬州汎千總仍歸城守右營守備管轄駐防卬州汎城守右營右哨頭司外委為新都縣汎城守左營右哨二司外委把總改歸城守左營守備管轄新都縣汎城守左營右哨頭司把總為崇慶州汎城守右營左哨頭司把總歸城守右營守備管轄從總

督鄂山請也○賞休致江西九江鎮總兵官施聯科半俸○庚寅月食○諭內閣裕泰奏江西正考官內閣學士那斯洪阿病故等語那斯洪阿奉差入闈患病身故係屬歿於公事所有未領藩庫銀三百兩仍著加恩照例賞給○實授周天爵漕運總督○旌表守正捐軀江蘇太湖廳民趙雲高妻胡氏○命五城於冬春二季設廠煮賑○辛卯遣官祭都城隍之神○諭內閣漕糧為天庾正供節

經降旨令有漕各省督撫嚴飭所屬早兌早開剋期渡黃不許稍有遲滯原期抵通迅速則回空方可依限不致貽誤新漕乃近年重運漕船往往藉詞耽延或因河水淺涸節節起剋不能如期抵通以致歸次與受兌俱遲又安望其及早解纜耶現在節過寒露秋深水落著漕運總督及沿途各督撫分飭所屬嚴行催趲無分晝夜務使各省回空軍船連檣南下銜尾過行不准片刻停泊庶可以速

補遲如期歸次。至來年新漕。尤當趕緊辦理。按限兌開。統於黃水未漲之先。一律完渡。並著嚴飭各該糧道早兌早開。總令於四月初十日以前。全數趲至清江。剋期抵壩。以便跟蹤渡黃北上。無許稍有遲誤。儻敢意存怠玩。漫不經心。仍致臨事周章。有逾例限。定將該漕督及各督撫嚴行懲處不貸。至漕船經過南北各運河。淺阻地方。所在皆有。而山東境內為尤甚。自當先事豫籌。設法辦理。著直隸

總督山東巡撫。於回空軍船全數南下後。嚴飭各該地方官確加履勘。應疏濬者即行疏濬。應挑挖者即行挑挖。務使處處深通。足資浮送。儻一味因循。不能早為籌辦。明年新漕北上。再有淤淺處所。阻滯難行。朕惟該督撫是問。將此通諭知之。○貴州鎮遠鎮總兵官嵩齡。以才識疏略。降副將歸部選補。以服闋總兵官榮玉材。為鎮遠鎮總兵官。○定端親王奕紹發引。命惠郡王綿愉至暫安處奠醊。

○壬辰諭內閣。昨據給事中成觀宣奏。本科順天鄉試中式第六名童丙榮。係戶科書吏童瀚改名。膝考。當飭禮部查取童丙榮鄉試原卷。交軍機大臣查對。筆跡文理。俱與覆試卷相符。惟未曾呈明註銷書吏。究有不合。童丙榮著罰停會試一科。所有該給事中自請議處之處。著無庸議。○又諭成格奏鄉試滿洲官卷。紅號錯亂不符。有無情弊。著監臨外監試御史查明據實回奏。○癸巳。

上御洞明堂。勾到新疆雲南貴州廣東情實罪犯。停決新疆絞犯二人。雲南斬犯二人。絞犯一人。貴州斬犯二人。絞犯一人。廣東斬犯一人。絞犯一人。餘一百四人予勾。○遣官祭歷代帝王廟。○諭內閣。林則徐等奏。數審毆斃首逆情形一摺。前據訥爾經額奏。拏獲從逆各犯。供出首逆藍正。已被鄉勇漆國良等毆斃。當降旨著林則徐覈實研究。不准以疑似之詞。消弭遷就。茲據林則徐等奏。藍正

樽被鄉勇追趕。與兩賊同逃。該逆等同時殲斃。該二賊身上衣物。被取扯散。獨將藍逆屍身。剥取大衫小帽。並解其所帶火鑪煤管各一件。旋據逆妻逆子藍明玉。逆女藍秀蘭及從逆之鍾順。並鄉勇等均分別認明。實係該逆生前所用衣物。該逆彼時混入賊夥。鄉勇毆斃三賊時。藍逆在內等語。當鄉勇追賊時。搶取死賊衣物。俱已扯散。何以藍逆衫帽等件。尚復完全。留為日後證據。近於裝點。且火鑪等件。俱係尋常用物。到處皆有。破衣縫補。並非罕見。何以逆妻遽認係其縫補。逆子逆女。年僅八歲十二歲。何以一見遂認為其父之物。種種疑竇。欲益彌彰。且據奏稱。衣物在鄉勇處存留。直至拏獲鍾順二等供出毆斃情形。始取出呈驗。零星小物。已難為憑。況事隔年餘。遽以此為該逆毆斃實據。尤為不近情理。訥爾經額身任封疆。受恩深重。於此等要犯。日久稽誅。及予限查拏。又不能迅速

緝獲。明正典刑。在藍正樽么膺小醜。原屬無足重輕。今乃以被毆致斃。草率完案。僅日後他處拏獲。該撫自問當得何罪。訥爾經額疲輒無能。智窮詐生。不勝巡撫之任。著交部嚴加議處。即來京聽候部議。湖南巡撫著龔綏暫行護理。林則徐平日辦事尚屬認真。故將此案特交詳鞫。乃以事非本任。與己無干。遽隨同附和。遷就了事。甚非覈實辦公。以誠事君之道。蓋外任之惡習。沾染日深。不自知其為非。林則徐亦著交部議處。嗣後務當振刷精神。勉副委任。至另摺奏審擬逆案餘匪鍾順二一犯。既係從逆要犯。審明後即應正法。祇因係藍逆毆斃要證。尚留請旨。其意蓋以證據現存。並未殺之滅口。巧則巧矣。誠實二字安在。鍾順二著即正法。餘著刑部議奏。其該逆緣坐妻子。即著照例定擬完結。在逃之逆子藍琢玉著該地方官嚴密查拏。毋任漏網。○又諭林則徐奏稽查鹽務。拏獲私梟官

引漸見疏銷等語。湖廣私鹽充斥。大為淮網之害。該督委員巡緝。拏獲多起。私販既知斂跡。官引自可暢行。下游長沙一帶。可免侵灌。即至永寶一帶。久不銷引之地。亦可漸冀挽回。衡永郴桂道駐劄衡州。堵緝粵私。耳目較近。此次各屬拏獲私鹽。多由該道設法督拏。著即責成該道。就近督飭地方員弁。力堵粵私。使淮引得以暢銷。儻日久疏懈。致民間仍食鄰私。即將各該地方員弁分別撤叅。並將

該道嚴叅懲處。至衡永各處。路徑叢雜。雖設有水陸卡座。而私販繞越無常。該督議將卡巡改為遊巡。隨處探拏。較易得力。即著該督飭令該道張晉熙。督率委員暨各該州縣。勘明私販來路。何處最為扼要。何處最涉紛歧。遊巡員弁。應如何分合稽查。詳細籌議章程。由該督覈定試辦。仍察看是否得力。有無成效。據實奏聞。總期粵私不得侵灌。淮引不致滯銷。方為辦理有效。毋得空言塞責。日久視

為具文。○甲午。

上詣綺春園問

皇太后安。○諭內閣。此案科場舞弊。在逃之秦度。胡履貢。崔德培。戴煥文。戴鳴鑾。沈勳。董汾。聶紹中。由汝霖。孫爾康。吳錫懋。錢大。即錢子貞。劉會。王六等。或係賄囑聯號。或係經手說合。均屬案內要犯。經刑部屢次飭緝。並行知各犯原籍嚴拏。尚未弋獲。難保非聞拏遠颺。潛匿他省。著步軍統領衙門。順天府。五城。

直隸總督。江蘇安徽貴州各巡撫。及各省督撫。查照單開年貌籍貫。一體嚴緝務獲。派員解交刑部歸案訊辦。○以浙江布政使錢寶琛。為湖南巡撫。服闋。布政使程喬采。為浙江布政使。○旌表守正捐軀直隸房山縣民吳添成妻禹氏。○乙未。諭內閣。昨據成格奏。鄉試滿洲官卷。紅號錯亂不符。當降旨交監臨及內場監試御史等。查明據實回奏。茲據該監臨等。查明實係彌封官錯誤。吏部主事梁

卓英刑部主事車瀛俱著交吏部都察院照例議處。惟鄉會試卷繁多。每次祇派彌封官四員。果否足數辦理。其應如何責成。知貢舉監臨等稽查酌定處分之處。著軍機大臣會同該部議奏。○又諭琦善奏。拏獲滋事水手案內武職各員。懇恩免其開送失察職名。以符奏定章程等語。上年直隸東光縣拏獲浙江嘉興白糧幫水手李林貴等。習教傳徒。並藏帶私錢一案。內惟李林貴一犯係直隸

武邑縣人。該犯習教。並非由直隸傳往。且各犯均係直隸拏獲。王振業藏帶私錢。亦在直隸破案。是該地方官查拏尚屬認真。若仍科以失察。不惟與奏定章程不符。並恐地方文武。以獲犯轉致獲咎。各存畏縮之心。巡緝難期得力。所有失察此案之直隸歷任武職各員職名。著免其送部覈辦。以昭平允。該部知道。○又諭琦善奏。拏獲沿河滋事水手等語。糧船水手。歷來沿途滋事。經上年嚴定章程

之後。茲據該督飭屬實力巡緝。仍獲滋事各犯八十名之多。可見該犯等雖經懲辦。尚未能淨絕根株。著通諭各省有漕督撫暨漕運總督。於糧船開兌及經過地方。不分畛域。派委文武員弁認真巡查。有犯必懲。儻仍有搶劫毆差。拜師鬪殺及無故上岸滋事等弊。一經查出。從嚴究辦。務使漕行一律安靜。該水手等畏法奉公。匪徒漸皆斂跡。無得日久視為具文。又諭裕泰奏。鄉試考官出題錯誤。

自行檢舉。據情代奏一摺。此次江西鄉試。策題內錯誤三處。實屬漫不經心。有玷衡文之職。武新亨著交部照例議處。○又諭賽尚阿等奏。呼圖克圖干預公事等語。據稱章嘉呼圖克圖於該都統等飭提喇嘛濃衮呈控阿玉爾佈尼巴扎爾等一案。率行傳訊旗兵。取供畫招。備文咨行查辦。致該喇嘛藉詞狡執。實屬干預公事。著理藩院嚴諭該呼圖克圖。嗣後除喇嘛事務仍准其管理外。所有喇嘛

蒙古交涉事件。祇應將人證送旗轉解。不准傳訊取供。以符定制而杜侵越。○諭軍機大臣等。賽尚阿奏。伊因腿生瘡。力疾乘坐馱轎出口。查演官兵技藝一摺。著寄知賽尚阿。令伊緩行。妥為調理。認真查演官兵一切技藝。○旌表守正捐軀河南滑縣民張旺妻王氏。添購直隸永定河備防稽料。仍增歲料運腳銀。從協辦大學士署總督琦善請也。○丙申諭內閣。御史李熙齡奏。查出從前各省鄉

試錄舊倖中。並本年順天鄉試中式第十八名趙克昌。鈔錄舊文。請飭查覈等語。著禮部查明照例分別辦理。○丁酉。旌表守正捐軀直隸獲鹿縣民吳定生媳龐氏。○戊戌。諭內閣。鄧廷楨等奏。諭逐躉船。並籌議審口走私章程一摺。粵省紋銀出洋。必當弭躉船之來蹤。斷匪艇之去路。據該督等咨會提督關天培。督飭所屬認真巡查禁阻。無論內地何項艇隻。不許攏近躉船。亦不許無故在洋遊奕。

一遇走私匪艇。奮勇兜擒。解省嚴究。其審口巢穴所在。密速掩捕查抄。盡法懲辦。如在事人等玩不用命。致有縱漏。一經發覺。即究明開審。出洋經由處所。將該員弁兵役。分別叅劾治罪。儻敢得規包庇。受賄賣放。甚或比匪反為之用。俱照本犯罪名加等從重問擬。以昭炯戒。失察各上司。一併叅處。示儆。其有實在出力員弁。能源源報獲。或拏獲賊重大案。亦即據實保奏。量加鼓勵。如有關口丁役。勾

串扶同。著即拏解重懲。無許稍涉瞻徇。至粵洋四通八達。該躉船設因防逐較嚴。改由他途駕駛。不獨惠潮一帶洋面。恐其潛往。且難保不乘風徑入閩洋。著該督等嚴飭惠潮各營常川巡防驅逐。毋許片刻容留。並著閩浙總督福建巡撫。飭屬一體堵逐。毋稍疏縱。○又諭。前據訥爾經額奏。拏獲粵東透越入境煙販。當諭令鄧廷楨等嚴飭截拏。茲據奏稱廣東省接壤湖南之瀧河一道。實為楚粵咽喉。

喉現經飭行南韶連鎮道督屬緝拏。並查有北界江西之大庾嶺。尤為客商要路。亦應責成一體稽察等語。鴉片煙流毒最甚。果能於扼要各關隘。實力盤查。即有走私匪船。斷難飛渡。南韶連鎮道駐劄韶關。實為兩路扼要之所。著即責成該鎮道督率員弁。晝夜巡查。遇有奸徒販運。或商船夾帶。立即拏獲。從嚴辦理。仍飭禁藉端需索。僮員弁兵役得規包庇。即嚴行治罪。其經由之州縣營汛。亦著概予叅處。似此嚴定章程。儻再經他省拏獲煙販。定將該鎮道等懲處。○又諭前因訥爾經額於逆匪藍正樽日久稽誅。迨予限查拏。又不能迅速緝獲。明正典刑。乃以被毆致斃。支飾完案。林則徐隨同附和。遷就了事。當降旨交部分別嚴議議處。茲據該部奏請將訥爾經額照溺職例革職。林則徐降三級調用。均屬咎所應得。惟訥爾經額年力正強。若竟予罷斥。轉得置身安閒。著賞給三等侍衛。作為

駐藏幫辦大臣。換回鄂順安。訥爾經額接奉此旨。即由驛啓程前往。不准來京。林則徐著加恩改為降五級留任。不准抵銷。○又諭前據御史平宜稷奏。請酌定隨帶司員章程。當降旨令軍機大臣會同該部議奏。茲據潘世恩等逐款覈議。並將窒礙難行之處。詳晰聲明。朕詳加披閱。所議尚妥。各直省遇有重大案件。經朕特派大臣前往查辦。所帶司員。不過檢查文卷。審訊口供。其應如何定讞之處。全在該大臣秉公持平。無枉無縱。若就該司員等審案之妥協與否。分別議處保舉。不特向無此例。且易啓挾制奔競之端。至刑部司員。間准各部堂官奏請帶往。原為熟悉刑名起見。若謂概不可用。未免因噎廢食。總之大臣奉命查辦事件。惟當破除情面。事事務求覈實。則司員自知儆惕。何敢遇事徇私。嗣後隨帶司員。著責成欽差大臣隨時稽查。儻有與各該地方官私相往來。及得受苞苴者。著

即據實嚴叅。並著沿途地方官及該省督撫留心查察。遇有前項情弊。即行據實叅奏。如欽差大臣意存徇隱。經各督撫查明入奏。定將該大臣重處不貸。○又諭前據御史正宜稟奏。福建近有三點會。結黨聚眾。該省毗連之浙江江西廣東各省。亦有傳習匪徒等情。當降旨令該督撫等查辦。茲據鄧廷楨等奏稱。派員前赴嘉應州一帶。嚴密訪查。尚無拜會串匪情事。現在明定章程。實力巡防等語。

匪徒設立會名。聚眾習教。最為風俗人心之害。若不嚴行查禁。必致釀成巨案。著該督等即檄飭該司並通飭該管鎮道督率所屬文武加意訪查。一得匪蹤。立即帶領兵役。星馳圍捕。毋使一名漏網。各該衙門書吏兵役人等。均令連環保結。如有交通匪黨。入夥結拜。或潛通信息。致令渠魁遁逃。即行提省從重究治。保結人知情不首。一同坐罪。失察之本管官。究明有無故縱。分別叅處。仍嚴飭各屬

查察胥役兵丁。毋得藉端擾累良民。一面出示嚴禁城鄉各廟宇飯店。不許容留不法匪徒。取具連環保結存案。並諭紳耆族長。出具約束子弟切結。如有被匪勾引入會者。即據實稟送。准照罪人自首法。分別減免。儆敢徇隱。厥罪惟均。若能將會匪首報送官。酌予獎賞。被脅平民。准其自首免罪。該督等務當遵照新定章程。認真辦理。毋得日久生玩。視為具文。○諭軍機大臣等。鄧廷楨等奏。諭逐薈

船。並籌議拏辦。竄口走私章程。一摺。據奏。叻咭喇等國薈船貨船。近年藉詞避風。駛入內洋。現已諭飭洋商傳諭該國領事。將伶仃等處洋面寄泊薈船。概行遣令回國。毋許仍前寄泊逗遛。並飭總商等俟薈船開行回國。即行稟報查考。其快蟹一項。業已盡淨。而走私匪艇。名目尚多。實與竄口奸徒。均屬難容。已飭道府標鎮協營嚴督所屬巡邏查緝等語。夷船停泊內洋。勾結偷漏。為粵省之積弊。該

督等諭飭以後。該夷領事是否遵奉。現在楚船曾否開行。務須確實查明。令其全數回國。無稍逗留。如敢將就了事。日後經朕訪聞。或被入糾叅。朕惟該督等是問。至各項走私船隻。尤須設法嚴拏。期於根株盡絕。亦不得因偶有獲案。遂謂驅除已盡。仍貽弊竇也。將此諭知鄧廷楨。祁項並傳諭文祥知之。○己亥。上御洞明堂。勾到廣西四川情實罪犯。停決廣西斬犯一人。四川斬犯十五人。絞犯一人。餘

一百一人予勾。○庚子。諭內閣。琦善奏。首府審案出力。懇恩鼓勵一摺。直隸保定府知府姜梅。審結命盜重案。及京控省控各案三百八十二起。且能於關涉職官之案。認真執法。無所瞻徇。並於原審錯誤之案。據實平反。毫無回護。控係虛誣者。亦能究出實情。照例反坐。不肯顛預了事。洵屬審讞出力之員。姜梅著以道員用。交軍機處記名。其從前各省因審案出力。交部記名。以道府用之員。嗣後遇

有缺出。著軍機處一併開列請旨。○以吐魯番屯田豐收。予員弁議敘。賞兵丁一月鹽菜銀。○予故科爾沁達爾漢親王布彥溫都爾瑚。祭如例。○辛丑。

上詣綺春園問

皇太后安。○御洞明堂。勾到福建奉天陝甘情實罪犯。停決奉天斬犯三人。陝甘斬犯十一人。絞犯二十人。餘七十四人予勾。○諭軍機大臣等。善英奏。頂補戰船。朦蔽搪塞。臨時誤

操一摺。據稱杭州將軍桓格。本年八月赴乍浦閱視官兵馬步箭各項技藝。定於二十五日看演水操。旋據參將姜希佩面稟。將軍現因海沿風霧大作。礙難操演。求將軍討限。另日再操。桓格因杭州文武場必得彈壓。不能久待。當時起程回杭。善英隨後親至海口。查驗戰船五隻。俱已損壞。並究出該副都統前次看操之時。該將備等借用同安船頂補。該副都統曾面囑該參將不時查驗。稍有損壞。

即時修補。再三面屬。不以為事。各等語。乍浦設立水師。操演必須認真。戰船自應修補。桓格既已定期看操。何以因參將稟請改期。不能久待。遽爾回任。且於戰船損壞。該將備等借用同安船頂補等弊。該將軍何以並不會銜。奏著鍾祥於赴浙閱兵之便。詳細查明。如實有弊端。著即據實奏。毋稍徇隱。將此諭令知之。○又諭本日據善英奏。頂補戰船。朦蔽搪塞。臨時誤操一摺。內稱該將軍前赴

乍浦閱視官兵。後定於八月二十五日看演水操。旋因該參將姜希佩面稟。海沿風霧大作。懇請另日再看。該將軍不能久待。即起程回杭。又戰船損壞。該將備借用同安船頂補各等語。桓格身任將軍。有統轄水師之責。操演自應認真。何以因將備懇請改期。遂至中止。戰船修補。自有一定例限。將備等借用同安船頂補。自應據實參辦。善英專摺陳奏。桓格何以並不會銜。著桓格明白回奏。將此諭

令知之。○修浙江東塘石埭盤頭各工。從巡撫烏爾恭額請也。○壬寅。孝慈高皇后忌辰。遣官祭福陵。

上詣

大高殿行禮。○還宮。○河東河道總督栗毓美

奏報秋汛安瀾。命詣

河神廟祀謝。並下部議敘出力員弁。升敘有差。○以先賢端木子後裔繼敏。襲五經博士。

○禮部議准。江蘇巡撫陳鑒疏報。採訪泰興縣貞節婦女李張氏等六百五十八口。請建總坊旌表。從之。○以孟冬時享

太廟。自是日始齋戒三日。○癸卯。諭內閣。運河為漕船所經。前因各處淺阻。曾屢降旨飭令各該地方官分別疏濬挑挖。俾利漕行。茲據給事中黎攀鐸奏。稱運河例應於熬霸後挑濬。工員草率支銷。以致重運軍船。節節淺阻。沿途寄剝等語。每歲冬挑。原期河身通暢。蓄

水較多。來年足資浮送。其支銷帑金。盈千累萬。果使該地方官認真覈實督辦。則屆時漕行迅速。必無淺阻之虞。即如今年故城一帶。每多淺滯。竭力撈空。立行通暢。可見實力奉行。收效甚捷。至山東直隸兩省添雇民剝。共計一千五百三十餘隻之多。將來報銷。必至於例支之外復添經費。而民船亦受其累。總由向來承辦工員。全不以公事為重。地方大吏。亦視為故常。漫不經心。積習因循。所關匪細。著直隸山東督撫。河東河道總督。於軍船回空之後。嚴飭承辦工員。認真挑挖疏濬。俾河身一律深通。不得有名無實。草率了事。儻仍虛應故事。來歲新漕北上。再有阻滯。即將承辦各員指名嚴叅。無稍徇隱。○賞廣安門外普濟堂煮賑小米三百石。○甲辰。

孝敬憲皇后忌辰。遣官祭。

泰陵。○諭內閣。各省每屆軍政。奏請將逾歲各員留任。有將各員年歲開單呈覽者。亦有將

逾歲繕摺。並不開單者。所辦未能盡一。嗣後各省將軍副都統及新疆各大臣等。再遇軍政之年。務將逾歲精力未衰。應行留任各員年歲。明白開單。隨摺具奏。斷不可含混。○又諭。給事中況澄條陳銀庫事宜一摺。銀庫官員。有約束該班章京兵丁之責。自應輪班值宿。以備稽查。著管理三庫大臣嚴飭該庫司員。遵照嘉慶十四年奏准章程。郎中員外郎司庫等四人。分為四班。每日一員。在庫值宿。輪流更替。仍由該管大臣及查庫科道隨時稽察。儻查有曠班情事。即行指名叅奏。毋稍徇隱。○予故鄂爾多斯扎薩克郡王圖們濟爾噶勒。喀爾喀賽因諾顏扎薩克郡王車凌棍布。祭如例。○蠲緩直隸阜城。邢臺。交河。景故城。吳橋。東光。寧津。青靜海。滄鹽山。南皮。慶雲。平鄉。鉅鹿。內邱。任。永年。邯鄲。曲周。廣平。礪。大名。清豐。南宮。新河。棗強。武邑。柏鄉。隆平。寧晉。武強。安平。寶坻。薊。寧河。尉。宣化。懷安。西。察

四十一州縣被旱被水被雹村莊新舊正雜額賦有差。○以山東泰安肥城東平東阿平陰五州縣麥收歉薄。命改徵粟米。緩徵濟寧。歷城章邱齊河濟陽臨邑。長清德德平。平原泰安肥城東平。東阿惠民陽信樂陵濮。邱魚臺萊陽鄒平。禹城平陰海豐商河霑化鄒。泗水。滕汶。上陽穀壽張鉅野觀城。聊城堂邑任平。莘冠館陶恩。夏津陵臨清齊東濱利津蒲臺鄆城朝城。范博平。清平。益都臨淄掖。平度。高密即墨武城。六十一州縣暨屯坐各衛被旱被水被雹村莊新舊額賦。

實錄卷一百一

聖

大清宣宗效天符運立中體正至文聖武智勇仁慈儉勤孝敏成皇帝實錄卷之三百一

實錄卷一百一

聖

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二

宣宗實錄卷之三百二

宣宗實錄卷之三百二

宣宗實錄卷之三百二

宣宗實錄卷之三百二

宣宗實錄卷之三百二

宣宗實錄卷之三百二

道光十七年丁酉冬十月乙巳朔享

增修卷三

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵遣官祭

孝穆皇后

孝慎皇后陵寢遣官祭

端慧皇太子園寢頒道光十八年時憲書

諭內閣前因善英奏將軍桓格定期看操

輒因參將姜希佩稟請改期遽爾回省且於

增修卷三

戰船損壞該將備等借用同安船頂補等弊

該將軍並不與善英會銜奏奏當降旨著鍾

祥於赴浙閱兵之便詳查具奏並命桓格明

白回奏茲據桓格奏稱彼時實因該參將稟

報風勢不順是以未演水操復因省城正屆

文武鄉場並滿洲營軍政該將軍旋即回省

至該參將所稟情形是否確實抑另有別情

當經面囑善英查明咨覆旋據善英兩次函

覆先稱親驗戰船五隻俱已損壞後稱祇有

一隻損壞先後兩歧等語。桓格既至乍浦閱兵據該參將稟報海面風霧何難親往察看。輒即回省殊屬非是。至善英統轄水師於戰船損壞借用頂補等弊未能隨時查辦。直至該將軍閱兵之時始行查出。具奏時又不與桓格會銜著先行交部議處。至該副都統於戰船損壞因何咨覆先後兩歧並參將姜希佩稟報不實借船頂補之處仍著鍾祥查明據實叅辦。○諭軍機大臣等朱士彥奏安徽

貴錄卷五

三

池州府知府吳琪恃官狡供請旨革職嚴訊一摺據該尚書查明池州府所屬貴池建德青陽銅陵等縣開設鹽店現經到案之汪元方等及未到案之孫鑒等十六名多係吳琪弟姪親友疊次詰訊吳琪及汪元方等均藉詞支吾堅不吐實並據汪元方供建德等縣鹽店司事之吳煜盛際周吳筠曹係吳琪所薦各等語安徽池州府知府吳琪著即革職交朱士彥提同人證嚴行審訊至該革員於

屬員投拜門生倚勢擅騙捏報捐銀將親族薦與屬縣管理錢漕並侵那穀價等款及幕友徐幹通同舞弊著一併逐款嚴訊水落石出以成信讞不得因該員業經革職稍從寬縱任其狡展僥倖案情稍有不實不盡該尚書不能辭咎也將此諭令知之尋奏已革知府吳琪訊無開設鹽店及屬員投拜門生捏報捐銀並侵那穀價情事惟得受商店季規合依律問擬杖徒但該革員以方面大員私受

貴錄卷五

四

鹽規且屢向所屬商店借銀並託買桌椅不給價值又將堂弟吳煜等薦與商店司事實屬卑鄙應從重發往軍臺效力贖罪下部議從之又諭前有人奏廣東積弊當降旨飭令鄧廷楨等查辦旋據該督等查明並籌議章程逐條分晰開單呈覽茲復有人奏稱該省東莞縣差役濫設六總名目鄉曲小民無不受其擾累等語本年六月該督等覆奏章程單內已據聲稱該縣並無六總名目業經

出示曉諭嚴飭各道府通行查禁毋許州縣額設之差私帶白役藉端需索何以示禁已久該縣陋習仍未革除外間尚傳六總名號或係該督等受州縣朦蔽陽奉陰違以致該役等肆無忌憚紛紛擾累地方殊非覈實辦公之道著鄧廷楨等嚴密訪查務將六總等項名目永遠禁革其各州縣額外冗役悉數裁撤尋常詞訟案件不得多差傳審藉端訛索如查有各項情弊即行嚴叅懲辦以靖閭閻

實錄卷三

五

閭不得因覆奏在先稍存回護經此次訓諭之後儻仍視為具文任聽各州縣徇庇差役擾害良民並不革除從前名目將來別經叅奏惟該督等是問懍之將此諭令知之尋奏檄委署道董國華密赴該縣訪查委無六總名目近年官差下鄉催糧傳證並無侵擾現復大書永禁六總名目違者立斃杖下十二字簡明告示刻石豎立縣門永遠禁革以絕弊源並責成該管道府嚴飭州縣汰除冗役

尋常詞訟亦不得多差傳審儻敢陽奉陰違一併從嚴叅辦報聞○兩江總督陶澍江南河道總督麟慶奏報秋汛安瀾命麟慶詣河神廟祀謝陶澍麟慶並下部議敘出力員弁升敘有差○丙午

上臨大學士威勇公長齡第視疾○幸圓明園

○詣綺春園問

皇太后安○丁未諭內閣奕緒等奏緊要工程

請飭查勘一摺

實錄卷三

六

泰陵

隆恩殿外臺幫出角石現有傷折情形自應趕緊修整著本年派出工部查勘歲修大臣一併敬謹查勘○又諭向來科場內外簾書吏由六部等衙門經承內派送其謄錄書手係直隸各州縣冊送當差近來每有頂名冒混之弊著禮部會同順天府申明舊例妥議章程具奏尋議嗣後內外簾書吏屆期由各衙門添派司員二人管送入場如入場後查有

頂冒等弊。並將管送之員參處。其謄錄書手。應責令各該府州解官親至貢院門。逐名識認。其有雇倩頂冒。即時拏究。至大興宛平兩縣額設書手不敷。應免其派送謄錄。所缺名數即在順天府屬各州縣中均勻添派。以符定額從之。○又諭穆精阿等奏。請將失察捏報之該管各官。交部議處一摺。此案前署佐領防禦安清等。於該旗閒散祥魁之妻逃走。並不即時呈報。咨行查拏。及呈遞印稿日期。

又不相符。殊屬謬妄。安清及新任佐領全順。該翼協領斐星額。俱著交部議處。曉騎校景星亦有失察之咎。著交部議處。○刑部奏。訊明科場舞弊各情。先就現犯分案擬結。已革戶部候補員外郎龍士瀛。已革候選主事鄭福敏。先後賄囑書吏鍾子觀。胡中欽。代辦聯號。並雇倩廣東舉人楊懋建。直隸附生朱寶。槍替屬實。龍士瀛應發往新疆效力贖罪。楊懋建發邊充軍。鍾子觀發極邊充軍。鄭福

敏。朱寶。聯號槍替。已謀未成。量減一等。擬杖一百。流三千里。胡中欽。應另案擬結。從之。○以湖南衡州協副將文興。為福建漳州鎮總兵官。○緩徵江西建昌新建二縣被水村莊新舊額賦。○以江西錢價過賤。暫停寶昌局卯錢鼓鑄。從巡撫裕泰請也。○戊申。諭內閣。申啓賢奏。請將應徵丁銀攤入地糧一摺。山西各州縣丁徭銀兩。節經歸入地糧徵收。茲據該撫查明。平魯縣額徵丁徭正耗銀兩。

除豁免外。尚應徵銀九百四十五兩零。該縣情形。與從前辦理各處相同。著准其自道光十八年為始。攤入地糧徵收。○旌表守正捐軀江蘇沛縣民劉士喜妻張氏。安徽亳州民王蘭妻邢氏。阜陽縣民婦黃張氏女梅姐。○已酉。旌表守正捐軀湖南武岡州民蕭導學妻王氏。河南濬縣民馬明得妻劉氏。○庚戌。上詣安佑宮行禮。○諭內閣。各省駐防旗員。遇軍政

之期前曾降旨飭令該管大臣覈其年歲精力認真舉劾昨復降旨申諭乃近來各省於開列年歲及分別奏咨辦理總未畫一嗣後該將軍等於軍政屆期務當遵照前降諭旨認真察看除照例舉劾外其年齒雖老精力未衰者自協領至驍騎校均著該管大臣詳晰查驗該員等年歲若干逐一開列專摺具奏以昭覈實而符定制○辛亥諭內閣前據御史黃樂之奏疏通六部司員一摺當交吏

部覈議茲據該部奏稱截取郎中分發各省以知府補用之處礙難准行該御史所奏著無庸議至六部司員現形壅滯總由各該堂官平時未能將衰庸應裁之員嚴加淘汰以致濫竽充數部中多庸碌之員則勤能者必至壅滯嗣後各堂官務當於司員中隨時考覈如有才具平庸不能稱職或年力衰頹者即行劾罷不必待京察之年始加甄別其由外任改補京職難望振作者尤宜查明澄汰

庶庸劣之員不得應缺而明幹有為者不致滯於登進日久自見疏通正無庸於定例之外別籌調劑也○又諭桂良奏請將拏獲匪犯解赴楚省審辦等語前因河南南陽府所屬等處地方各有匪頭開設窩子降旨派員查拏茲據該撫奏稱黃岡等九處均係湖北襄陽縣所轄現在續獲陳幗元等四名訊有在官人役與販人口製造軍器惟所供並無另犯不法重情顯係恃無質證捏詞狡卸所

有該省前後拏獲匪犯著一併解赴楚省交林則徐提同全案人證歸案審辦尋奏此案呂興富等二十一犯親提研鞫堅供或止與販人口私鹽或係疊次行竊其陳幗元一犯先後充當櫃書地保均經責革訪無另案不法及製造軍器開設窩子情事應即照例分擬遣責完結下部議從之○以拏獲山東逆犯馬平予江蘇知縣王湘等升補有差○緩徵河南林武安涉新鄉輝獲嘉原武中牟蘭

儀商邱虞城睢安陽湯陰臨漳內黃延津濬
封邱考城武陟二十一州縣歉收村莊新舊
額賦○壬子

上詣綺春園問

皇太后安○命歸化城副都統惠顯來京以廣
東南韶連鎮總兵官錫麟為歸化城副都統
河東河標中軍副將穆奠邦為南韶連鎮總
兵官○癸丑

上奉

皇太后幸同樂園進膳賜皇子及內廷王大臣
食○命伊犁將軍特依順保來京陛見以參
贊大臣奕山署將軍○甲寅

皇太后聖壽節遣官祭

太廟後殿

奉先殿

上率皇子及王公大臣官員詣綺春園行慶賀
禮禮成奉

皇太后幸同樂園進膳賜皇子及內廷王大臣

食○頒江蘇洪澤湖

淮瀆廟

御書扁額曰星瀆昭靈○乙卯轉禮部右侍郎
王植為左侍郎以內閣學士吳文鎔為禮部
右侍郎○丙辰諭內閣前據宗人府奏戴銳
綿崧互控地畝一案當有旨交內務府確查
具奏茲據查明恆溫親王分府莊頭許瑞等
原領園地六十頃六十畝嗣由貝子永澤撤
出地畝時因地冊遺失無存經內務府咨據

錦州副都統衙門查出共地二萬五千六百
四十八畝內除原分給恆溫親王府地六十頃
六十畝其餘地一百九十五頃八十八畝係
覆丈討墾之地均在旗倉納糧載入紅冊又
據該大臣等逐案詳查嘉慶四年起並無撥
抵成哲親王分府莊頭地畝之案等語從前
恆溫親王分府時原撥地止六十頃六十畝
著仍賞還綿崧其餘地一百九十五頃八十
八畝本係業經查明入官覆丈討墾之地著

即照例入官。○又諭前因鄉會試試卷繁多。彌封官四員。果否足數辦理。並如何責成。知貢舉監臨等稽查酌定處分之處。降旨令軍機大臣會同該部議奏。茲據奏稱科場定例。本極周詳。彌封一所。關係甚重。祇在經理之得宜。不在人數之增設。至知貢舉監臨總理場務。例有稽查之責。向無處分。即該所官處分亦輕。請從重定議等語。嗣後鄉會試。仍照例用彌封官四員。即責成知貢舉監臨擇其

年力富強精明幹練者。先行派定彌封。毋須與各所官掣籤。以昭慎重。並著知貢舉監臨隨時稽查。務令遵照定例。親自印號。不准假手書吏。其有漏印條記。用印模糊。數與弊竇無關者。仍著照舊辦理。至錯印紅號。有關士子中式者。每卷該所官照遺漏舛錯例。罰俸一年。知貢舉監臨失於查察。照疏忽例。罰俸三箇月。三卷以上。該所官降一級留任。知貢舉監臨罰俸九箇月。如查有情弊。立即嚴叅。

僅知貢舉監臨不行叅處。別經舉發。除該所官照例究治外。知貢舉監臨照徇情例。降二級調用。以上各處分。俱不准其抵銷。其外簾受卷謄錄對讀。收掌各所官。著一併責成。知貢舉監臨認真稽查。以歸畫一。並著禮部纂入科場條例。永遠遵行。○又諭前據御史多斌等奏。識認無結冊註不明。漏未扣卷。當交禮部議奏。茲據奏稱投卷例有限期。而投結向無限期。以致先後參差。舛錯遺漏。自應嚴

定章程。以昭詳慎。嗣後順天鄉試。著順天府先期出示。諭令士子等卷結同時並投。納卷截止之期。即為投結截止之期。概不准於納卷後補行投結。其有截止後始行投結者。即予扣除。並於冊內逐一註明。另開名單。知照點名御史。以備查覈。如有遺漏舛錯。即將承辦官叅奏。照例議處。○丁巳。以廣西鎮安協副將滿承緒為右江鎮總兵官。○戊午。以戶部尚書奕額署正白旗領侍衛內大臣。○以

都察院左都御史奎照署鑲黃旗蒙古都統
○已未諭內閣鍾祥奏參水師營員督巡疏懈一摺浙江護理瑞安協副將事溫州左營遊擊朱麟標所管洋面經該鎮親率巡緝並未遇有該營兵船且該管將領亦未能身親督率顯係偷安疏懈朱麟標著先行撤任革去頂帶留於該營洋面予限三月實力緝捕如限滿未能報獲匪船即行革職以資整頓而肅洋政○諭軍機大臣等本日據鍾祥奏

明春赴浙校閱營伍溫州票鹽事宜已派妥員密往查訪原任溫州府知府劉煜控案已經提閱審訊等語其續交之乍浦戰船一案事關將軍副都統劾參水師尤應查訊明確著該督自行酌量明春或先赴浙查辦案件或先赴臺灣校閱營伍屆時辦理具奏將此諭令知之○以乾清門頭等侍衛培成為內閣學士兼禮部侍郎銜○以禮部右侍郎吳文鎔為順天武鄉試正考官翰林院侍讀學

士祝慶蕃為副考官○庚申

上詣綺春園問

皇太后安○御舍輝樓閱侍衛騎射○諭軍機

大臣等前因甘肅已革兩當縣知縣王大千

在都察院遣抱呈控秦州知州楊鈺賄和張

呂氏控案當降旨飭令瑚松額據實回奏茲

據奏稱該革員因在任內不愜輿情歸入計

典叅劾並非因案被議並查明此案業經擬

結由部覈覆等語劣員被叅往往摭拾舊案

牽涉翻控希圖脫罪惟此案據控有該州知

州捏改情節誣陷賄和等弊虛實俱應徹底

根究著瑚松額於都察院將呈詞知照到後

提集全案人證卷宗秉公覈實嚴訊定擬具

奏總期無枉無縱有以折服該革員之心是

為至要將此諭令知之尋奏王大千前因計

典被劾控計知州楊鈺意存挾制迨叅奏革

審問擬遣戍復捏砌賄求誣陷等情虛詞翻

控現提審質對既不能確指實據且復詆咎

乞憐反覆狡詐實為謫黠之尤現在眾供確鑿毫無屈抑應仍請照原議發往新疆效力贖罪下部議從之○辛酉諭內閣土默特貝勒那遜鄂勒哲依旗塔布囊西瓦桑保莽噶拉等在理藩院呈控該旗協理台吉巴布扎布等並塔布囊色伯克扎布將牧場寫給民人開種等情當經該衙門咨交熱河都統轉飭三座塔理事司員會同該盟長勘訊茲據該理事司員及盟長等會報查勘得該旗因

眾人攤差苦累開種各營村荒地收租充公係屬遵照道光五年原奏等語惟僅據該司員盟長等查報不足以折服西瓦桑保等之心著著英派員再行詳細查明酌覈於各營村留出餘地外所開開荒壓契租息等項應分作幾成歸公免去眾人差徭以幾成照科爾沁郡王旗例分給各戶窮苦蒙古以資養贍以幾成歸還該貝勒祖遺欠債歸完作為該貝勒當差之用按款酌覈辦理以期平允

至塔布囊色伯克扎布如無霸占營村牧場之事應查明仍歸管業其餘各塔布囊有向該貝勒討要之地有係自身產業亦須查明分晰應否准其管業蒙古等私招民人開種之地自應撩荒查明治罪西瓦桑保莽噶拉如訊無屈抑即治以應得之罪該貝勒那遜鄂勒哲依及協理台吉等以奏定准覓長工耕種之荒地擅自寫立租契收受銀兩均屬不合著於定案時查取各職名交理藩院議處尋奏查該旗檔房印冊積年開種荒地實收壓租銀二萬九千八百十八兩每年租息共收東錢三萬四百四十三千文嗣後應請將壓租銀兩退出四成作為公用以免差徭每年租息以四成分給無業蒙古以三成作為公用以三成歸還該貝勒欠債完後作為當差之用巴彥畢爾等處地畝實係塔布囊色伯克扎布祖遺產業三家子十三處地畝係塔布囊扎爾蘭薩賴等向貝勒討要耕種

該貝勒篤念族誼情願賞給過度並非霸占均請仍歸管業南三家子等處地畝係已革章京白林等私寫出種請飭朝陽縣暨該旗分別驅逐民人地歸原業或即撩荒仍將蒙古民人照例治罪西瓦桑保莽噶拉訊無屈抑輒敢捏飾越訴應照不應重律杖八十蒙古折罰三九牲畜該貝勒台吉等照內地不應重律杖八十降三級調用蒙古折罰扎薩克俸二年無俸折罰四九牲畜下理藩院議

從之○以都察院左副都御史李振祐兼署光祿寺卿○喀什噶爾換防總兵官竇德因病解任調陝西河州鎮總兵官徐華清為喀什噶爾換防總兵官○旌表守正捐軀山東武城縣民劉經科妻楊氏○壬戌諭內閣朝會大典理宜整齊嚴肅以崇體制嗣後著鴻臚寺遵照會典如有應到之員誤不到班者即指名參奏毋得視為具文○又諭刑部奏守備王致祥差傳案犯並不移文知照該管

地面以致弁兵被毀嗣後外營官弁差傳城內人證應如何明定章程之處著步軍統領衙門妥議具奏尋議嗣後五營各汛如有應緝緊要人證在城內居住該汛都司守備即辦移文蓋用鈐記派弁赴官廳投遞會同本旗地面官兵緝拏如非要案人證仍聽該衙門出票查傳無滋擾累從之○又諭本日御前大臣等奏乾清門二等侍衛開隆阿請回本處侍奉父母一摺東三省之人向無侍親

之例惟開隆阿曾經西路軍營效力賞給巴圖魯名號自選用乾清門侍衛以來當差甚好著加恩飭回本處遇有對品佐領缺出即行補用嗣後不得援以為例○諭軍機大臣等有人奏安徽省蕪湖關書吏僭用素金頂即在本管官當面執事相沿已久習為固然殊違定制等語各衙門應役之人並無頂帶若如所奏書吏紛紛僭用素金頂實於體制有關必當隨時禁革著該撫嚴密查訪如實

有其人一面懲辦一面據實奏聞將此諭令知之尋奏現在書吏並無僭用素金頂情事仍出示曉諭以禁將來報聞○以翰林院侍講學士馮芝充日講起居注官○癸亥

上詣

大高殿行禮○還宮○諭內閣訥爾經額奏擬遣總兵賠項未能全繳請即起解一摺已革鎮寧鎮總兵向尊化前有旨發往烏魯木齊效力贖罪因有追賠銀兩未經起解茲據訥

爾經額奏稱節次嚴追除田房變抵外別無財產可繳若再行監追轉得遂其遷延之計向尊化著即起解應繳賠項著落該革員原籍家屬賠繳無任延宕如再有不敷准俟伊姪候補千總向椿補官日扣廉抵繳至已革辰沅道常慶同案擬發軍臺前因交代未清賠項未繳暫行留禁現在三廳屯務已據分別查明交代牽涉各款亦可逐一清釐著俟定案後另行覈奏該部知道○賞烏里雅蘇

台修城兵丁銀○緩徵湖北漢川沔陽鍾祥京山潛江天門應城江陵公安石首監利松滋枝江荊門江夏嘉魚漢陽黃陂孝感蘄水黃岡二十一州縣並屯坐各衛被水村莊新舊額賦○甲子

上御太和殿視朝王以下文武升轉各官謝恩○幸圓明園○以捐修貴州都勻府書院大定府橋道知府呂紹賢等下部議敘○蠲緩湖南華容安鄉沅江湘鄉巴陵五縣並岳州衛被水被旱莊屯新舊額賦有差○除江蘇江寧縣水衝沙壓地一十四頃七十三畝有奇額賦○乙丑

上御洞明堂勾到湖廣江西浙江情實罪犯停決湖廣斬犯十一人絞犯二人江西斬犯三人浙江斬犯四人絞犯三人餘一百十三人予勾○丙寅諭內閣向來四五品京堂缺出輪應部屬升補到班該部院即應揀選京察一等人員保送引見如一等無人方准保送

二等。此次保送內閣侍讀學士。除戶部郎中實書係京察一等外。何以各衙門保送之員。皆係二等。嗣後應如何酌定章程。以歸畫一之處。著吏部妥議具奏。○諭軍機大臣等。有人奏直隸宣化府萬全縣知縣陳學源賦性貪酷。惟利是營。去年春間。向各鋪戶勒借銀二千兩。冬季又以添買兵米為名。勒派銀五百兩。並將民捐錢文。託言修理工程。復格外派借肥己。其門丁周四膽敢演戲慶壽。被人

赴省控告等語。如果屬實。有干法紀。著賽尚阿即將所指各款。密加察訪。據實具奏。不准意存消弭。稍有諱飾。以副委任。原摺著鈔給閱看。將此諭令知之。○蠲緩齊齊哈爾黑龍江墨爾根三城被災屯田新舊額賦有差。並貸旗丁口糧。○撫卹琉球國遭風難夷如例。○丁卯
上詣綺春園問
皇太后安。○諭軍機大臣等。本年山東濰縣教

匪馬剛等習教傳徒。聚眾滋事。經該撫嚴拏懲辦。其臨時從逆幫助各犯。尚多在逃。儻不及時搜捕淨盡。難保無案結潛回。復行興教情事。不可不認真訪察。淨絕根株。本年該省間有缺雨處所。糧價不無昂貴。務須嚴加防範。勿令滋生事端。著該撫通飭所屬。隨時留心查拏。按律懲治。斷不准日久玩生。致留餘孽。將此諭令知之。○緩徵安徽歙寧國績溪望江泗五河懷寧潛山無為壽宿鳳陽懷遠

定遠靈璧鳳臺盱眙天長桐城太湖宿松南陵貴池青陽銅陵石埭建德東流當塗蕪湖繁昌巢合肥潁上霍邱亳和三十七州縣及屯坐各衛被水被旱村莊新舊正雜額賦。○修黃新莊半壁店秋澗梁格莊四處行宮。從泰寧鎮總兵官德興請也。○戊辰。諭軍機大臣等。前據巡視南城御史清平等。在高碑店地方。查出偷米各犯。並起獲米石。知照順天府奏明。茲據該御史等奏稱。本月二十二日。

又搜獲米數十石。並訪知二開地方船戶。尚有偷竊之米。且各船戶家中。俱有地窖藏匿漕米。該御史等查勘屬實。漕米為天庾正供。豈容匪徒私竊藏匿。現據該御史查明高碑店。二開兩處情弊顯然。恐沿河村莊。似此匪徒尚夥。亟應嚴拏懲辦。著都察院堂官。即飭知抽查御史。順天府兼尹。府尹。即遴派妥員。分路飭差嚴密查訪。務將各匪犯按名弋獲。其所藏匿米石。陸續起出送倉。並嚴究各該

犯此外有無寄頓。按律懲辦。勿任漏網。將此各諭令知之。○內務府大臣奏。遵議逃走太監治罪章程。太監逃至河南。山東。山西。及東三省。枷號一年。發往黑龍江。給官員為奴。遇赦不赦。如逃至各省。即係越省遠颺。永遠枷號禁斃。另有案情。從重辦理。仍將容留之人治罪。如止逃回順天。直隸。本籍者。照舊例辦理。逃往別州縣。離本籍五百里以外。枷號六箇月。發往打牲烏拉。給官員為奴。三年釋回。

如復行逃走。即照逃往河南。山東。山西。東三省之例治罪。從之。○江西巡撫裕泰奏。訊明已革新城縣知縣席伊炳。被人編造貪縱各款歌詞。尚無實在劣跡。惟禁止米穀出境。殊失政體。且既經示禁於前。而於黃念訓影射搬運。又不查明。遽行飭差押放。實屬辦理錯誤。生員孔廣鍵等。聽從黃簡思藉禁阻穀。希圖訛詐。均應斥革。杖責發落。黃簡思揭告不實。應坐虛誣。業已在監病故。應免置議。下部

議從之。○以保定等五處軍政年逾六十官員精力未衰。命留任。○旌表守正捐軀江蘇豐縣民王立媳王氏。甘肅安定縣民石太妻曹氏。○禮部議准。江西巡撫裕泰疏報。採訪廬陵縣貞節婦女王歐陽氏等三百六十六口。請建總坊旌表。從之。○撥熱河司庫銀。採買古北口兵糧。從都統耆英請也。○己巳。協辦大學士署直隸總督琦善等覆奏。長蘆緝

私章程。自本年正月。奏准添設卡巡。勒令灘鹽歸圪。並借給運腳。收買荒鹽防範已周。毋庸另議。御史袁文祥所奏商人於正引之外。夾帶私鹽。先儘售賣。查長蘆尚無此弊。惟該商雇募巡役。用鹽折給工食。易滋弊混。現飭查禁。違者照私販科罪。得旨。依議。認真辦理。○命塔爾巴哈台參贊大臣棍楚克策楞。伊犁領隊大臣那桑阿來京。以葉爾羌幫辦大臣關福為塔爾巴哈台參贊大臣。賞福建延

平城守協副將金和。副都統銜。為葉爾羌幫辦大臣。乾清門三等侍衛賽什雅勒泰。二等侍衛。為伊犁領隊大臣。○旌表守正捐軀河南汜水縣民宋景淋媳許氏。庚午。諭軍機大臣等。伊犁布奏。川省馬邊廳等處夷匪滋事。於滇省邊界。撥兵巡防。以杜竄越。辦理尚屬周妥。四川官兵。現在馬邊雷波等處堵剿。雲南永善邊界。與川境雷波接壤。恐夷匪遇擊奔竄。自應撥兵防範。該督已飭昭通鎮普

陀保酌帶弁兵。前赴永善。在沿江要隘嚴密防堵。遙示聲勢。夷匪自不致竄越。儻有逸匪竄入滇境。著即嚴飭截擊。解往川省審辦。以慎邊防。而杜滋蔓。將此諭令知之。○又諭。前據凱音布等奏。馬邊廳屬夷匪滋事。委建昌鎮總兵張必祿帶兵往辦。嗣又奏張必祿勦捕情形。並該夷匪潛越老林。拒捕戕官。該處路徑叢歧。必得分頭夾擊。提督余步雲已酌帶精兵。徑赴雷波。先將竄匪挖剿。再與該鎮

在老林會合。直搗其巢。嚴功可期。迅速等語。窮夷小醜。出巢滋事。經官兵進剿。不難剋日殲擒。計余步雲帶兵前往。迄今已兩月有餘。齊慎到省後。亦即前往分路進剿。何以迄今未見續奏。朕聞該夷勢頗滋蔓。心甚懸系。現在會勘情形。若何。該將軍等接奉此旨。著即據實馳奏。毋許不實不盡。至進兵攻剿。務當相度機宜。冀得嚴功迅速。慎勿稍事遲延。致令滋蔓。懷之將此各諭令知之。○命哈密辦

事大臣那當阿幫辦大臣佛麟伊犁領隊大臣莫崇武來京賞刑部員外郎固慶頭等侍衛為哈密辦事大臣已革葉爾羌參贊大臣興德藍翎侍衛為哈密幫辦大臣吐魯番協領勒福副都統銜為伊犁領隊大臣○頒江蘇驅蝗神劉猛廟

御書扁額曰福佑康年○添造江寧滿洲營糧礮從副都統常德請也○辛未巡視南城御史清平等奏查獲官撥船戶偷竊運倉漕米得旨馮二即馮隆等均著交刑部嚴訊該犯偷米究竟起自何時所供並無難賣自係藉詞避重就輕難保無寄頓他處留為來年回漕之米且該船戶家中俱有空匿地窖顯係積年藏米之處種種情弊務須徹底根究按律定擬具奏至二開地方起獲米石甚少或係聞拏搬運仍著該御史嚴飭該司坊各官認真訪捕所有此次緝捕出力之南城兵馬司副指揮黃大楨著以應升之缺升用揀發

兵馬司吏目高桐業著以本班儘先補用以示鼓勵○命烏魯木齊領隊大臣烏雲阿來京以乾清門頭等侍衛烏勒恩培為烏魯木齊領隊大臣○命吉林將軍祥康等來年無庸採取珍珠呈貢○展緩陝西綏德米脂清澗吳堡神木五州縣被旱被雹村莊新舊額賦貸保安縣被霜災民籽種口糧○壬申諭內閣前據御史重豫奏請嚴定各部院額外貼寫書吏章程當交吏部會同各該衙門議

奏茲據奏稱各部院現行例案明晰周備毋須再事更張惟在實力奉行不可日久生懈嗣後著責令各部院該管司員遵照定例及道光十年奏定章程於所屬書吏隨時認真查點如有捏造姓名行止不端者即行斥革照例治罪其不入卯簿之貼寫概行驅逐不許一名混入並嚴飭該經承不得引用匪人將散行貼寫名目永遠禁止如再有匪徒影射入署辦事准該經承指名稟究加等治罪

若該經承濫行客隱收用。一經發覺。即將本犯與經承分別重懲。各司仍照例按月將該吏等年貌籍貫。詳細造冊。付送司務廳按名點卯。並按季知照都察院不時稽察。如查有前項情弊。除將該犯照例懲辦外。即將失察之該管各官。一併交部議處。以上各弊。果係該管各官自行查出。據實檢舉。尚可量予寬免。若因犯案別經發覺。定將該管各官加等議處。不准議抵。○又諭御史陶士霖奏請釐

剔漕船耗費一摺。漕糧為天庾正供。例應嚴絕弊端。以肅漕政。近年耗費日多。以致丁力拮据。如所奏漕船沿途有總押分押。及漕委督委撫委河委等官。陋規餽送。以及行河有量水之費。湖口有放水之費。淮上盤糧。有兵胥比對之費。通州卸米。有經紀驗收之費。又過壩過閘。在在需索。奸徒放帳。被誘百端。該幫丁等無計補累。勢必滿攬客貨。致誤程期。甚且挾制州縣勒增兌費。該地方官因而苛

取病民。任意剝削。種種弊竇。實為漕務之害。不可不嚴行禁絕。著漕運總督。倉場侍郎。及有漕各省督撫。務當破除積習。實力整頓。並通飭所屬文武各官。嚴密訪查。儻該員弁等。膽敢仗倚差委。肆意貪求。即行據實叅辦。其胥役匪徒。誘耗各端。尤當隨地隨時。訪拏究治。無稍疏縱。務使幫丁不至勒索州縣。州縣亦不至剝削閭閻。庶於漕政民生。兩有裨益。將此通諭知之。○修浙江西塘柴埭各工。從

巡撫烏爾恭額請也。○修直隸獻縣臧家橋。從協辦大學士署總督琦善請也。○蠲緩山西應太原洪洞。河曲。保德。寧縣。吉。襄陵。平定。十州縣被雹被水被旱村莊。新舊正雜額賦。並給貧民口糧有差。給應太原。洪洞。河曲。四州縣災民一月口糧。加賑河曲縣災民一月。○癸酉。

上御洞明堂。勾到安徽河南情實罪犯。停決安徽斬犯五人。絞犯一人。河南斬犯四人。絞犯

三人餘七十七人子勾○甲戌○

上詣

安佑宮行禮○兩江總督陶澍奏謝失察道員

李湘菴經理庫務款目糾纏並年終註考不

實○仍○免○降○調○恩○得○旨○任○勞○任○怨○事○君○以○誠○卿○

獨不之知耶蓋外任有年未免有所沾染也

厥後當如何認真又何待朕言○榮辱卿自擇

之○調廣西布政使花杰為江西布政使江

西布政使李恩繹為廣西布政使

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二

大清宣宗效天符運立中體正至文聖武智勇
仁慈儉勤孝敏成皇帝實錄卷之三百三

欽修總載官昭庭日講起居注官太子太傅權仁閣大學士文淵閣領事管理戶部事務上書房總辦傳輪林院會院學士兼管順

天府戶部等衙門知五城巡檢十八次臣貴領總典官經提調官吏部尚書錄蘇漢軍部統管理新營房城內官房大臣稽察內

七、余人是結聚會同四譯館事務加一級隨帶加六級軍功加三級紀錄五次。員花少納燈廳副官又潤閣提舉閣事兵部尚書總管

內務局大臣毓白旗滿洲都統稽察內七倉大臣管理宗人府銀庫左翼幼官學
宣善堂明國等處糧提督御茶膳房御藥房太

醫院注射及手術總帶加十八級臣何重阿喇德無官經選議官兵部內書關帶加六級統標二十次臣周祖培等奉

秋修

道光十七年丁酉十一月乙亥朔命吏部尚

書湯金釗。馳往直隸宣化府查辦事件。○以

工部尚書何淩漢兼署吏部尚書○丙子。

上詣綺春園問

皇太后安。○諭內閣前因各衙門保送內閣侍

讀學士除戶部郎中寶壽外皆非京察一等

人員當降旨著吏部妥議章程具奏茲據奏

稱查覈各條例內所載不一以致各衙門歷

次保送不無參差。嗣後內閣滿洲侍讀學士

通政使司參議光祿寺少卿鴻臚寺少卿並

內閣蒙古侍讀學士各項京堂缺出。輪應部員升用。著各衙門先儘一等人員揀選保送。如一等無人。或一等人員另有不合例事故。及出各項差使。方准保送二等人員。其應保舉二員者。如該衙門一等止有一員。先將一等保送外。仍准保送二等一員。以足二人之數。此項人員。於引見時有患病告假扣除者。著照侍班不到例議處。再遇京堂缺出。仍將該員保送。不得另行更換。如有保送後連次

書奏事

十

患病告假者。該部照例叅辦。以杜規避。其漢員內閣侍讀學士。鴻臚寺少卿。二項輪用郎中時。亦著照此次酌定滿洲人員章程。一律辦理。以歸畫一。○又諭。已革舊太倉監督楊廷棟。失察失火。延燒廩座。經軍機大臣刑部會審。擬以杖徒。自係照例辦理。惟該監督曠不值宿。致令救火官兵。因倉門封鎖。不能即時進倉撲滅。厥罪較重。著發往軍臺效力贖罪。以示懲儆。嗣後著倉場侍郎嚴飭各倉監

清 實 錄 道光十七年十一月

督每逢開倉日期。務當督同花戶。將進倉人等逐細檢查。毋許攜帶火種。仍於封倉時逐廩檢點。其該班監督如有值宿曠誤者。著隨時查明叅處。不得視為具文。日久生玩。○丁丑。諭內閣。凱音布。鄂山春。勦辦夷匪情形。一摺。此次兇夷滋事。係馬邊雷波所屬。且有涼山野夷勾結附和。必應兩路夾攻。再行進剿。茲據奏稱。總兵張必祿帶領將弁。由走馬坪進攻老林等處險要。斬獲無數。或分或合。計

書奏事

十

獲勝仗八次。提督余步雲。齊慎等。由那比汎油羅溝進攻千萬貫等處要隘。或分投夾擊。或併力攻剿。計獲勝仗五次。每股生擒夷目。及燒燬寨落。擒獲器械。不計其數。其餘槍斃跌巖者甚夥。並救出被擄民人男婦二百七十餘丁口。俱已妥為安撫。辦理甚為妥協。惟此時兩路官兵。已在天喜地方會合。逼近涼山。該夷匪前次膽敢猖獗。必當實力痛剿。方足以儆兇頑。此外尚有吉薩。大木干。西普康。

七 一 七

札易呼等支及起釁之烏拋並它黑等支亦應一併懲創俾該夷等知所震懾不致甫散復聚著鄂山等嚴飭將弁相機進剿迅速成功不可任其窮蹙逃竄致有滋蔓所有在事出力文武員弁著該督等於事竣後覈實保奏候朕施恩毋許冒濫○戊寅諭內閣祁墳等奏中式舉人查有頂冒代倩情弊請斥革究辦一摺本科廣東省鄉試中式第二十六名舉人張貽桂考遺文字與中卷筆跡不符

實錄卷三〇三

四

經該撫等訊出該生於考遺時倩生員張先甲冒名入場代作其鄉試文字又與同號之副貢生周全歲貢生蔡聯奎商量改作案關科場舞弊必當認真究辦張貽桂著即革去舉人交鄧廷楨祁墳提同應訊人證研審確情分別按律定擬祁墳李星沅未能豫為防範著交部照例議處尋奏已革新中舉人張貽桂中式文字訊係令同號貢生蔡聯奎等代為刪改雖非豫倩槍代惟於考遺時輒敢

況令張先甲頂名入場與已革生員張先甲合依例俱枷號三箇月發極邊煙瘴充軍張貽桂聞拏投首照例減等杖一百徒三年不准留養蔡聯奎因在同號臨時代為刪改與豫倩頂名入場之槍手有間應比例酌減杖徒在逃之副貢生周全應先行褫革仍嚴飭緝獲照例辦理下部議從之○諭軍機大臣等前因喀什噶爾改設辦事領隊大臣壁昌擬定官階章程參差未能畫一降旨令特依

實錄卷三〇三

十

順保等妥議具奏茲據擬奏數條朕已詳閱惟該處一切事宜均歸葉爾羌參贊大臣統轄著恩特亨額到任後將摺內所議各條或即照辦抑或無庸更張統俟半年後體察情形妥議具奏原摺著鈔給閱看將此諭令知之尋奏屯田招佃非營員事宜改歸印房糧餉章京管轄回民詞訟應令章京審理綠營不得干預倉庫管餉付辦事領隊大臣掌管遇有緝捕仍令綠營查拏送章京審辦營

員不得擅斷。葉爾羌參贊大臣。應於秋夏二季移駐喀什噶爾。以便接見進卡貿易外夷。英吉沙爾綠營兵一千。屬總兵管轄。而總兵常駐喀什噶爾。請改歸領隊大臣訓練。巴爾楚克屯民子弟。多願入伍。請挑選二百人。補換防兵丁糧缺。裁陝安漢中現應換防兵二百名。並把總一員。外委四員。下軍機大臣會兵部議從之。○以辦理庫車。沙雅爾開墾地畝出力。予章京文瑞等升敘有差。○展緩山

西定襄奇嵐。二州縣歉收。村莊帶徵額賦。○己卯諭軍機大臣等。本日據理藩院奏。科爾沁扎薩克郡王僧格林沁遣二等護衛絡保。赴該衙門呈稱。該郡王之姑母已故貝勒那蘇木扎布之妻身死不明。已明降諭旨將布彥特古斯及民人傳令解交耆英質訊矣。蒙古惡俗。每多用蠱毒傷人。據布彥特古斯供稱。該氏臨終時。手臉俱青。並該氏有毒物傷害之言。種種情節。疑竇甚多。著交耆英提集

人證。秉公嚴審。務期水落石出。以成信讞。理藩院原摺並譯出該圖薩拉克齊原呈。均著鈔給閱看。將此諭令知之。○以拏獲販私人犯。予兩淮運判許惇詩等升補議敘有差。○庚辰。湖廣總督林則徐奏。謝降級留任。恩得旨。嗣後諸事。毋忘誠實二字。萬毋自棄。以副朕得人難之苦衷。懷之慎之。又奏。前以會奏覈審毆斃首逆藍正樽一案。竊謂此案供證訊非捏飾。若奏駁而聽其海捕。在小醜雖無

開輕重。而中外恐不免傳疑。且苗獠雜處之區。更慮死灰復燃。乘機煽惑。批所見到。此尚屬有識。要知朕不肯含混了事者。亦恐不足倣效也。○甘肅布政使趙炳言緣事降調。以浙江按察使梁萼涵為甘肅布政使。調直隸按察使熊常鐸為浙江按察使。以直隸大順廣道陸費瓌為按察使。○旌表守正捐軀江蘇蕭縣民王元妻朱氏。守正被戕。直隸無極縣民婦成劉氏女順姐。○辛巳。諭內閣。前據

賀長齡奏。黔省歲運四起京鉛。酌擬歸併兩運。當有旨令戶部議奏。茲據該部奏稱。該撫係為鉛運迅速起見。請如所奏辦理。鉛斤為數鑄攸關。果能委用得人。自可剋期趨運。該省京鉛四起。改作兩起。運員等難保不以鉛數較多。藉詞延宕。入或以運費較繁。沿途濫行支借。不可不防其漸。著該撫遴委廉幹妥員。分起督押。依限趕運交局。以免貽誤。並著沿途各督撫。責成文武員弁。認真稽查。嚴防船戶偷盜裝點等弊。至此項鉛斤。改定章程以後。著自己亥年起。先行試辦一二年。其有無窒礙之處。該撫惟當隨時體察。覈實具奏。不得稍有遷就。以肅運務。而重局鑄。○旌表守正被戕廣東陽山縣民鄧富利妻陳氏。○展緩江西南昌新建豐城。進賢德化彭澤德安瑞昌崇仁東鄉上高建昌安義。十三縣災歉村莊帶徵額賦。及舊貸口糧籽種。○壬午上詣

安佑宮行禮。○詣綺春園問皇太后安。○御洞明堂。勾到江蘇山西情實罪犯。停決江蘇斬犯四人。山西斬犯三人。餘八十三人予勾。○諭內閣。前據御史朱淳條陳科場弊竇各款。當交禮部議奏。茲據該部查明鄉會試試卷戳印後。並無專員管理。著照所議。嗣後均准添派至公堂。委官二員。專司看守。以杜書吏偷改描摹之弊。所有該御史所請鄉試增添外收掌一員。管理收發試卷之處。著毋庸議。至會試外收掌事務。向由提調兼辦。並著照鄉試之例。設外收掌一員。以專責成。其受卷彌封兩所人役。承辦事件完竣時。由知貢舉監臨隨時查明。飭令隨同外簾官一併出闈。毋許逗留滋弊。至三場事竣。酌留委官書吏人等。概不准告假出闈。其業經出闈者。亦不准藉端復入。自此次明定章程之後。會試責成知貢舉。鄉試責成監臨。並監試各御史。認真查察。如委官書吏等仍蹈

前轍別滋事端。即行分別叅處責懲。毋稍寬縱。僕意存隱飾。別經發覺。定將該知貢舉監臨御史等嚴加懲處。決不寬貸。○緩徵甘肅河狄道。渭源。靖遠。安定。會寧。洮固。原。鹽。茶。寧。平。番。寧夏。寧朔。靈中。衛。平。羅。碾伯。十七廳州縣被雹被水被旱被霜災區新舊額賦貸。皋蘭。金。靖。遠。會寧。固原。安化。寧。平。番。秦。九。州。縣災民冬月口糧。○緩徵三姓歎收屯地新舊銀穀。○癸未。

上詣

大高殿

壽皇殿行禮。○奉

皇太后還宮。○命理藩院尚書武忠額都察院

左都御史奎照。在紫禁城內騎馬。○甲申。

上詣

皇太后宮問安。○遣官祭

先醫之神。○以審案出力。予河南候補知府

鄒鳴鶴即補。○以河南駐防軍政年逾六十

官五員精力未衰。命留任。○旌表守正捐軀山東嶧縣民丁起祥女六姐。○乙酉。上御懋勤殿。勾到山東直隸熱河情實罪犯。停決山東斬犯二人。絞犯一人。直隸絞犯三人。熱河絞犯一人。餘一百九人予勾。○諭內閣。本日據宗人府奏。請將已故發遣宗室春義之子福成阿。援案作為紅帶子。來京約束等語。此等發遣宗室在配出外娶妻所生之子。既不准載入黃檔。其應作為何項人丁。如何

著落收管之處。仍著該衙門妥議章程具奏。尋議請給以紅帶為記。令其母子來京。交該旗編入佐領安置管束。此項人丁作為另記清冊。嗣後均照此次章程辦理。從之。○諭軍機大臣等。據善英奏。乍浦水師營謚字號大修戰船四隻。小修戰船一隻。經該副都統親往查驗。各船艙內間有鈔朽滲漏。參將姜希佩朦混呈報等語。水師戰船最關緊要。此次甫經新修。何得仍有鈔朽滲漏情形。顯係草

率偷減。該參將因何扶同徇隱。均應徹底查辦。著鍾祥於到浙江時。親往查明。據實具奏。按律懲辦。毋得稍有諱飾。以副委任。原摺著鈔給閱看。將此諭令知之。○又諭。據福泰奏。查明熱河總管衙門庫貯兵餉生息二款內。除動放並現存外。統計虧銀一萬五千九百餘兩。該苑丞等輒稱指工借用。無稿可稽。副總管榮桂亦不能指實等語。已明降諭旨。令恆榮來京。並將榮桂解任。佟鎰等革職。派文慶馳赴熱河。會同該都統東公審訊矣。庫貯各款。帑項攸關。該苑丞等膽敢任意虧短。至盈千累萬之多。不可不嚴行根究。照例懲辦。著者英接奉此旨。一面派委委員即將佟鎰。王慶賢。石玉明。盛詳。盛福伸等家產嚴密查抄。毋任隱匿。並會同文慶提集案內應訊經手人等。認真研訊。務得確情。按律定擬具奏。不得意存消弭。致有不實不盡。將此諭令知之。○命戶部左侍郎文慶馳往熱河。會同都

統耆英查辦事件。○命駐藏辦事大臣關聖保往奠故達賴喇嘛。並賞賚如例。○旌表守正捐軀直隸深澤縣民王墨林弟妻趙氏。○緩徵陝西榆林葭懷遠神木府谷五州縣被旱被雹被霜歉區舊欠額賦及口糧籽種。○丙戌。

上詣

宣仁廟。

凝和廟拈香。○諭內閣載銓等奏。宗室覺羅

學弓箭教習缺出。現無應補人員。請暫由各營揀選。以備挑補一摺。宗室覺羅學教習缺出。應由兼十五善射之六品以下官兵內揀選挑補。現在此項既無應補人員。所有暫由兩翼前鋒八旗護軍各營揀選能教騎射之前鋒校護軍校各行承辦十五善射旗分。以備挑補教習之處。著不准行。並著十五善射大臣迅速咨行各旗營。於明春即將應挑十五善射人員揀選帶領引見。候旨簡放。○又

諭本月十六日。惠郡王娶福晉。著加恩賞銀二千兩。由廣儲司即行給發。○緩徵兩淮富安。安豐。梁垛。東臺。何垛。丁溪。草堰。劉莊。伍佑。新興廟灣。十一場歉收。竈地舊欠額賦。○丁亥。

聖祖仁皇帝忌辰。遣官祭

景陵。○

上詣

壽皇殿行禮。○詣

關帝廟拈香。○戊子。

上御懋勤殿。勾到朝審情實罪犯。停決斬犯三人。絞犯二人。餘五人予勾。○貸寧古塔公倉糶穀銀一萬兩。發商生息。津貼官兵差費。從將軍祥康等請也。○己丑。諭內閣。御史高枚奏私鹽售販。請嚴禁煎熬囤積之處一摺。各省鹽引滯銷。皆由私梟充斥。地方官多方傾緝。而不能究所由來。終非拔本塞源之道。欲使鹽無私販之人。必使地無私售之鹽。而後

弊端可絕。睦務肅清。該州縣及各場大使果能留心查察。則私煎私曬之弊。不難一望而知。立即緝拏到案。嚴行懲辦。嗣後著各該督撫通飭所屬地方官。務當隨時隨地認真稽查。一經緝獲私鹽。務即究明來歷。痛懲私賣之人。則私鹽自無所出。而梟販自靖矣。至配引之時。向有子鹽名目。近聞子過於母。任意夾帶。其弊較私販尤甚。該鹽政務須嚴飭監掣官員。除照例搭配子鹽外。概不准瞻徇情

面。致令子過於母。以防浮濫。而裕引課。將此通諭知之。○又諭。栗毓美奏運河道庫存貯節省八束銀兩。現已用完。請援案撥發提貯備用等語。著准其於開歸河北兩道庫各撥銀八千兩。充沂道庫撥銀四千兩。共撥節省八束銀二萬兩。解交運河道庫存貯。並著各該道造具收支檔冊。報部存案。該河督仍須嚴飭該道妥為收貯。非遇要工。不准擅動。○諭軍機大臣等。據御史高枚奏稱。浙江寧波

府屬洋面中之舟山產鹽甚旺。閩廣商船經過收買。每制錢十二文一斗。每斗約二十斤。載至上海。每斤可售制錢二十六文。其利息不啻三十倍。上海一帶會館最多。即為囤貯之所。兩淮鹽引滯銷大半由此。惟舟山所出之鹽濱海窮黎藉資口食。或就本地之儂官買發商。或令商買配引。或以所出之地屬浙江歸浙江省經理。或以所銷之地屬江南歸江蘇省經理等語。兩淮鹽引滯銷總由私販充斥所致。愚民惟利是圖。難保不越境收買。轉相售賣。著該督即行查明上海地方。如果多設會館。廣為囤貯。務即嚴密查拏。毋稍寬縱。至舟山所出之鹽。應作何辦理。並歸何處經理之處。著即會同烏爾恭額體察情形。悉心籌畫。妥議章程具奏。將此各諭令知之。尋兩江總督陶澍奏。上海一帶係浙鹽引地。與淮界相距寫遠。不致充斥。並飭委員赴上海縣一帶地方。查明城内外有江蘇等省會館

十三處。並無囤積私鹽之弊。至舟山之鹽。江省遠隔重洋。未能深悉。應由浙省妥議章程辦理。報聞。浙江巡撫烏爾恭額奏。舟山係定海縣所屬。產鹽向完包課。聽民自煎自食。嗣因餘鹽串梟興販。於乾隆三十六年奏准。撥帑令定海縣營分廠收買。額運松江營四千二百引。交商完帑。再有餘鹽聽嘉松商人完課領配。到乍浦交收後。由乍浦海防同知給發回照。查考層層稽覈。無從偷漏。應請仍循舊制。歸於浙省經理。以免紛更。現查舟山並無閩廣商船到彼。惟恐沿海各船夾私濟匪。在所不免。仍嚴飭員弁訪有夾私偷越。即行截拏。從嚴懲治。以期杜絕私梟。得旨。認真查辦。○兩江總督陶澍六十生辰。賜御書扁額福壽字。並珍玩文綺。○添辦東河來年備防稽石。從河道總督栗毓美請也。○緩徵江蘇上元。江寧句容。長洲。元和。吳。江。震澤。常熟。昭文。崑山。新陽。青浦。山陽。阜寧。清河。桃

源安東鹽城高郵泰甘泉寶應銅山沛蕭碭
山宿遷睢寧海沐陽吳華亭奉賢婁江陰宜
興荆溪丹徒丹陽太倉鎮洋金山南匯川沙
上海金壇溧陽贛榆四十八廳州縣並淮安
大河揚州徐州蘇州太倉鎮海七衛被水被
旱歉區新舊額賦○庚寅

上詣

皇太后宮問安○命阿克蘇辦事大臣常恆來
京賞涼州副都統璧昌副都統銜為阿克蘇

辦事大臣以鑲藍旗護軍參領薩隆阿為涼
州副都統○辛卯諭內閣前因派倭什訥明
訓冊封朝鮮慮有沿途滋擾情事當降旨著
琦善寶興查訪茲據查明該正副使經過地
方尚無藉差騷擾等情惟既用馬匹足數乘
騎何以復用車至數十輛之多實屬浮濫倭
什訥明訓均著交部議處嗣後出差人員沿
途所用馬匹務當遵照定例如有違例支用
及該地方官濫行應付者即著該將軍督撫

等查明奏奏無許徇隱○大學士威勇公長
齡八十生辰晉封一等威勇公賞

御書扁額福壽字並珍玩文綺○舉行本年軍

政吉林將軍所屬卓異官三員年老官二員

有疾官二員騎射平常官五員黑龍江將軍

所屬罷輟官三員年老官四員騎射平常官

一員江寧將軍所屬卓異官三員年老官一

員有疾官二員杭州將軍所屬卓異官二員

年老官三員有疾官一員荊州將軍所屬年

老官二員綏遠城將軍所屬卓異官二員西

安將軍所屬卓異官四員寧夏將軍所屬騎

射平常官二員熱河都統所屬卓異官二員

年老官二員有疾官一員青州副都統所屬

卓異官一員年老官二員涼州副都統所屬

卓異官一員有疾官一員河南巡撫所屬卓

異官一員年老官一員有疾官一員分別議

敘處分如例○貸江蘇銅山縣濬屯頭湖支

岔河道銀○壬辰諭內閣松泰奏請將鈔襲

舊文倖中之舉人斥革審辦一摺。江西本年鄉試都昌縣中式第十七名舉人黃佑祥。頭場首藝鈔襲舊文倖中。難保無懷挾傳遞情弊。至生員李葆光。事不干己。輒隱匿本名。並改註宋鴻文等籍貫。聯名具控。顯係挾嫌圖詐。俱應徹底嚴究。新科舉人黃佑祥著即斥革。交該撫提同已革生員李葆光。並案內人證嚴審確情。按例懲辦。尋奏已革新中舉人黃佑祥。實止頭場首藝因病鈔襲舊文倖中。隨經出題面試。文理尚優。其並無夾帶傳遞等弊。似屬可信。業已照例斥革。應無庸議。革生李葆光。所控雖經得實。第事不干己。並捏名李聯芳及假捏宋鴻文等姓名具控。希圖訛索。實屬刁詐。應照例杖一百。再加枷號一箇月。不准開復衣頂。下部議從之。○又諭。賽尚阿等奏辦理軍政酌擬調口校閱一摺。明年二月應行校閱察哈爾八旗蒙古官員軍政。據該都統等體察情形。若馳赴各旗考驗。

恐蒙古等供應竭蹶。著照所請。所有察哈爾八旗蒙古及獨石口等處官員。准其間隔調口輪流考驗。以示體恤。○賞江西九江鎮總兵官武齡阿花翎。○舉行本年軍政。京營卓異官二員。年老官一員。才力不及官一員。直隸卓異官十三員。才力不及官三員。山西卓異官六員。有疾官一員。雲南卓異官二員。罷輟官三員。年老官一員。有疾官一員。才力不及官四員。陝西卓異官六員。罷輟官一員。年老官一員。有疾官二員。甘肅卓異官六員。不謹官一員。才力不及官一員。貴州卓異官四員。年老官三員。才力不及官一員。山東卓異官三員。罷輟官一員。年老官二員。才力不及官五員。東河河營卓異官一員。南河河營卓異官二員。廣東卓異官八員。罷輟官一員。年老官一員。有疾官四員。才力不及官六員。廣西卓異官二員。罷輟官二員。年老官一員。湖北卓異官四員。年老官一員。才力不及官二

員。浮躁官三員。湖南卓異官五員。有疾官一員。才力不及官三員。浮躁官一員。分別議敘處分如例。○癸巳熱河都統耆英奏遵將副總管榮桂等派員看守。得旨候文慶到時會同嚴審。斷不准稍存疏縱開脫之見。該苑丞等如侵盜得實。即加以刑訊。又何足惜。再現任正副總管暨歷任正副總管有無別情。尤不可顛預了事。務期水落石出。文慶到時。令伊閱看。○以故四川酥州壩土千戶姜復興

弟復盛。年老貴州都素正長官司周默布子。光復各襲職。○除陝西藍田縣水衝地十頃四十二畝有奇額賦。○甲午諭內閣御史胡長庚奏各省保舉過優。請量為裁抑一摺。各省首府承審訟案。平反冤獄。本係職分所應為。間有勤能之員。經該督撫保奏。朕覈其情節。量予獎勵。並非一經保奏。即予升擢。惟用人行政之道。不外賞罰二端。即如清釐積案多起。其積壓者何員。平反命案幾起。其錯誤

者何員。均應指名奏。方為克盡職守。若但以保奏市恩。而置閭閻之員於不問。殊非覈實辦公之道。嗣後各省遇有承審出力之員。該督撫務於保奏時。將何人任內積壓。何人承審錯誤。一併聲敘。庶勸懲並用。彰瘡兼施。可收指臂之效。而吏治自蒸蒸日上矣。若但以究出實情等語。空言保薦。斷不能倖邀恩准也。將此通諭知之。○以通政使司副使徐鏞為太僕寺卿。○修濬直隸通州溫榆河上

游果渠村壩埽各工。從協辦大學士署總督琦善請也。○乙未

上詣

皇太后宮問安。○諭內閣。前因御史張秉德奏。參直隸萬全縣知縣陳學源貪婪各款。當派令湯金釗馳驛前往查辦。茲據奏稱。查明該員上年正月。曾令門丁周四。邀各店商代借銀兩。自二百兩至八百兩不等。現雖聞風償還。究屬違例。又濫派鋪戶幫買兵米。復失察

該門丁周四在馬號演戲。收受各鋪戶銀錢。種種不知檢束。實屬有玷官箴。陳學源著即革職。發往軍臺效力贖罪。其失察之該管道府。著該部查取職名。分別議處。至該縣存倉之浮派兵米一百七十石。未經給價。其應如何留抵下年兵米之處。著直隸總督飭司妥議辦理。仍飭該縣嗣後循照舊章。毋得輕議更張。亦不准濫行添派。以符定制。而免擾累。

○丙申。諭內閣。前因御史張秉德。參奏直隸

萬全縣知縣陳學源貪婪各款。當派尚書湯全釗前往查辦。昨據查明覆奏。惟派借興修城壩廟宇一款未確。其餘各款均經審實。已降旨將該員發往軍臺示懲。並將該管道府交部議處矣。因思各直省州縣。豈無似此劣員。即較此尤甚者。恐亦不免。若必待御史叅劾。特派大員查辦。始能究出實情。按律懲處。又安用此大吏統轄稽察為耶。國家設官分職。大小相維。吏治民生所關匪細。該道府等

果能潔己奉公。安民察吏。則不肖州縣自不敢稍涉貪污。營私亂法。而督撫藩臬若果認真訪察。則道府自顧考成。亦不敢姑容徇隱。乃因循怠忽。上下相蒙。上司博寬大之譽。屬員無忌憚之心。若不力加整頓。吏治尚可問乎。嗣後著責成各直省督撫。藩臬於所屬州縣。務當認真訪察。鉅細無遺。其有不能盡職。並有貪污劣跡者。一經訪聞。即行叅辦。至該管道府。其於屬員果否盡心表率。嚴密訪查。

該督撫等亦當隨時體察。毋稍瞻徇。經此次訓諭之後。儻仍視為具文。日久生懈。致令該州縣等劣跡昭著。別經發覺。或被叅劾。朕惟該督撫是問。懍之。將此通諭知之。○又諭前據麟慶奏。請將江南睢南河營守備秦盛。越缺升補。淮揚河營遊擊。昨經兵部帶領引見。該守備年已七十七歲。精力就衰。河營將弁雖不專事操防。但遇險工搶護。奔走河干。不避風雨。必須年力強壯。方足以資差委。似此

衰邁之員。即守備已難稱職。早應淘汰。該河督不惟不加叅劾。復請越升遊擊。是於所屬員弁。既不認真甄別。又復濫行保舉。一味姑容。意存見好。殊非覈實秉公之道。麟慶著交部議處。秦盛著即勒令休致。○兩廣總督鄧廷楨奏。訪察潮州械鬪情形。及將現在整飭章程。曉諭以開其悟。得旨。移風易俗。化莠為良。所辦甚是。但擇吏為要。若官不得其人。亦徒然耳。卿其勉之。○

實錄卷三百三

亥

上以冬至祀

天於

圓丘。自是日始。齋戒三日。○戊戌

上詣

南郊齋宮齋宿。○諭軍機大臣等。本日據中福奏。請循例採買兵糧一摺。已批令戶部知道矣。據稱宜禾縣歲需供支滿洲營官兵。並過往官兵遣犯等項口糧。及戶民春借籽種。共計京石小麥三萬二千九百八十石零。除舊

存新收小麥全數備抵外。尚不敷小麥一萬四千九百三十石零。請按時價採買。以備支發等語。因思該處地方寬廣。可耕田畝。諒自不少。果能勤於開墾。則該處一歲所入。自可供一歲之用。著該都統體察情形。通盤籌畫。該處地方業經開墾。已報升科者若干頃。歲收糧石若干。此外未經開墾者。尚堪耕種者。確切查勘奏明。飭屬招徠。勤加勸課。使地無曠。土田不汙萊。庶歲入之數自增。兵糈之供

實錄卷三百三

亥

自足較之頻年採買。更足以節經費而垂久遠。將此諭令知之。○己亥冬至祀

天於

圓丘

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○停次日朝賀○詣

壽康宮前殿行禮○後殿問

皇太后安○諭內閣栗毓美等奏籌估加挑備

濟新運一摺○據稱山東運河淤淺○各湖存水

短絀○現在該河督等體察情形○必須實力加

挑○以利新運○其估需募夫工價器具銀三萬

四百七十一兩零○著准其照例在司庫正項

動撥○至津貼銀三萬八千七百九十八兩零

除在山東省商息項下動撥三萬五千四百

五十二兩零外○其沛汛津貼銀兩○著仍在江南藩庫支領○該督等務當飭屬認真按段挑濬○將河身一律疏通○俾水源可資暢蓄○並著責成所派各道員分投監辦○督催於新漕未到以前○剋期竣事○儻沿河州縣等辦理草率○隨時嚴叅懲辦○經此次加挑之後○明年重運經臨○如再有淤墊淺阻○以致轉漕不能迅速○朕惟該督等是問○又諭○栗毓美等奏○冬挑津貼商息不敷○請分別借撥等語○山東運河

冬挑津貼一款○例支東商生息銀兩○發交各員領辦○如遇商息解不足數○或先由藩庫借撥○或由運河道庫暫行墊發○歷經辦有成案○本年冬挑津貼不敷○商息又解不足數○漕運攸關○應挑工段○勢難停緩○所有冬挑津貼一款○共不敷銀二萬一千九百五十二兩零○著准其由山東藩庫先行借撥○以濟要工○其運庫應解生息銀兩○著經額布飭催運司嚴追歸款○至運河道庫尚有道光十六年分墊發

銀一萬三千四百九十餘兩。因該年商息已入於調劑章程案內。完繳需時。現在道庫存款無多。支發別項工程。亦難懸宕。准其一併在於藩庫暫行籌項借撥歸款。○賞八旗兵丁一月錢糧。○庚子命詹事府少詹事許乃普仍在南書房行走。○以直隸督標副將玉明為貴州古州鎮總兵官。○以拏獲賊目撫卹回眾。賞色呼庫勒伯克邁熱木等花翎。圖拉普等藍翎。餘升賞有差。子陣亡伯克庫爾察克等承襲卹賞有差。○免色呼庫勒被兵回眾應交布匹三年。並免貢本年硝斤。○辛丑諭內閣。寶興等奏請停止餘息發商一摺。奉天省前經奏明借支庫貯制錢三十萬串發商生息。茲據該將軍等查明每年所得息錢除支放馬乾並歸補運腳外。所餘息錢毋庸再行發商。即先行盡數歸款。俟歸足原款後再將此項餘息奏明補添各外城兵丁馬匹著照所議辦理。○以捐修奉天廣寧縣

文廟予知縣強上林等議敘有差。○壬寅諭內閣。山東省冬挑運河工程。前經降旨常年報銷不得過五萬兩之數。自道光八年以後。每年報銷例津兩項均未逾額。惟十五年經該河督等奏明淤淺處所較往年深厚酌加挑挖。請銷例津二價銀六萬二千九百餘兩。較舊額已覺浮多。昨據栗毓美等奏報。十七年籌估加挑例津二價銀共六萬九千二百餘兩。較十五年加挑年分銀數又復增多。雖據聲明現在淤淺情形非常年挑濬所能濟運。不得不酌估加挑。惟經費有常。似此逐漸加增。伊於胡底。其應如何酌予限制之處著工部妥議具奏。○賞山東等有丁酉科鄉試年老諸生苗繼光等四十四名舉人副榜有差。○改鑄廣東移駐連平州上坪巡檢印信。從巡撫祁墳請也。○癸卯諭內閣。昨因奕紀等奏。南郊大祀鑒儀衛校尉恭昇

神亭。失足脫肩。將亭頂落下。瞻仰

神牌。牌面字畫金漆毫無情形。當令惇親王綿

懌。奎照。前往敬謹看視。與原奏相符。所有鑒

儀衛官員等。業經自行奏請議處外。其

神亭金頂及出檐處。著工部敬謹修整。○又諭

御史柏齡。奏請選將訓兵。整頓營伍。以衛京

師。一摺。我朝武備修明。兵制已臻盡善。京營

兵弁。有各營大臣統領。隨時訓練。分別勸懲。

操演。既不為不勤。俸餉亦不為不厚。惟在遵

循舊制。豈容妄議更張。若如該御史所奏請

簡派久歷戎行之將軍提鎮副將九員。分駐

九門提鎮四員。分駐圓明園。官為給辦。乾棚

晝夜棲止。試思外省將軍提鎮各有專司。若

紛紛調京。成何事體。至所奏滿洲人員內挑

取火器護軍健銳各營曾經出師之章京。漢

員內挑取綠營曾經出師之參遊。帶同滿漢

兵丁。各隨該大臣晝夜棲止。早晚操演二次。

每月合操一次。事涉紛更。且駭人聽聞。該御

史於訓練將士有勇知方之道。茫乎未聞。率

意妄陳。乖謬已極。不勝御史之任。柏齡著以

六部主事降補。○諭軍機大臣等。寄諭兩廣

總督鄧廷楨。朕連日召見南韶連鎮總兵穆

奠邦。詢事考言。察其為人心地。甚不誠實。該

督務當於該員抵任後。留意體察。不可受其

朦蔽。儻該總兵稍有不妥之處。即據實奏

毋得遷就。將此諭令知之。尋奏。總兵穆奠邦

接篆後。晉省接見。詢以營伍事宜。應對尚無

踰越。復詢以河標經手辦工。則自述打冰合

龍一事。鋪張過甚。語涉不經。實有浮夸習氣。

當經諭令回任。將營伍妥為經理。仍當隨時

察看。稍有不妥。即行奏參。得旨。隨時留心察

看。

畜

總兵文哲珲崇福莊芳機陶飛熊張作功周佐勝馬騰龍穆克登保俱著交部照例議處將軍覺羅寶興甫經到任提督余步雲齊慎總兵張必祿現在勦辦夷匪遲延尚屬有因俱著免其議處○諭軍機大臣等有人奏河南州縣每以採買倉穀為名額應採買一千石者即買至二三千石不止以次遞增並不遵照定例公平發價每斗市價值制錢二百文者僅止發六七十文即無穀之家亦責令折價交納鄉曲小民任其浮冒勒派不敢置辯等語國家常平倉之設原期便民推陳出新俱有定制若如所奏官吏之浮冒胥役之影射是以裕民之善政反為害民之弊端著桂良嚴飭所屬州縣其有實在動缺數目者方准詳請採買並責令張貼告示應補買若干石每石發價若干仍飭該管道府嚴密稽察儻有勒派折扣短發價值以及胥役影射等弊立即叅辦以昭覈實而靖閭閻將此諭

欽此

三

令知之○又諭本日據淮關監督克明額奏同空漕船全數過關日期一摺漕船渡黃抵壩及出境入境幫數日期有各該地方督撫及河督漕督等隨時具奏該監督職司關稅但當稽查貨物禁止違例多帶並偷漏情弊毋許疏懈所有漕船過關日期嗣後著毋庸具奏○茲表守正捐軀山東高唐州民王海妻謝氏展緩廣東南海四會二縣被水田圍借修隄基及買秧資本銀○乙巳

欽此

三

上詣

皇太后宮問安○諭內閣前據奕經等奏餉鞘交納遲延請定限稽查當交戶部會同管理三庫大臣議奏茲據酌議定限畫一查辦著照所議嗣後各省解交內務府及各衙門飯食雜項銀兩著遵照道光十二年戶部奏定章程該委員結報住店後步軍統領衙門接到該營稟報即向該衙門知照各該衙門接到文批限三日內付庫各該庫限五日內驗

收訖後限三日內給發批回如有遲延照例叅處儻該委員不即將文批投遞或延不解交即由各該衙門查傳委員覈辦並著查庫御史隨時查明叅奏如有吏胥從中勒索情弊許該委員稟明即將該書吏交刑部加等懲辦○又諭理藩院奏教漢輔國公烏爾占扎布出缺無嗣可否令伊胞弟盤德固色勒仍襲輔國公抑或停其承襲作為二等台吉之處請旨一摺烏爾占扎布所襲輔國公

重刊本

係伊祖羅卜藏錫喇布由台吉海封貝子續經降等承襲之爵並非世襲罔替惟念伊父那木扎勒多爾濟曾在御前乾清門奮勉行走烏爾占扎布之弟盤德固色勒著加恩准其承襲頭等台吉以故奉恩將軍緒文子誠靜襲職○以刑部左侍郎劉彬士暫署尚書○丙午諭內閣戴銓奏清查武備院四庫完竣一摺庫貯各項典守者自應隨時稽查無任短缺茲據查明甲庫有歷久未經打造

之件又帳房庫借出各件未據交同著即著落經手各員分賠所有郎中松壽員外郎清福常經兼甲庫行走員外郎慶亮司幄張仙保盛連慶福副司幄多普圖官慶舒和等均著交內務府議處員外郎錫忠年老糊塗著即勒令休致○禮部奏道光十八年元旦應行禮儀得旨是照例行禮奉

重刊本

皇太后懿旨停止筵宴其在外福晉命婦進內行禮之處並著停止○丁未諭內閣本日據凱音布鄂山由驛馳奏官兵勦辦夷匪情形一摺據稱夷匪等以涼山為遁逃淵藪其中阿合等支地險族繁素多依附現經張必祿等帶兵自天喜地方會合以後先驅勦捕進攻吉薩拉姑依達至夷車壩並月鹿山水木角等處大加勦戮連獲勝仗余步雲齊慎等亦屯聚要隘備敵各有斬獲經張必祿率領漢屯官兵分為四路抄襲直攻巢穴該夷匪納茲膽敢在山頂指揮抗拒被屯守備阿耳

烏用槍轟斃官兵趁勢擁上並將兇夷必茲石確一併殲斃搶獲殺戮不計其數現在將阿合一支勒洗之後各支夷聞風膽落紛紛投誠叩求免勒隨將獻出被擄男婦分別撫卹並移師至干洛三溪等處盡力挖剿等語該夷匪兇頑性成現經痛剿自必震懾逃竄著鄂山凱音布嚴飭張必祿等務當一鼓殲除毋留餘孽其應續加挖剿之處亦著相機妥辦迅速蒞功張必祿勒辦勤奮著先行交

部從優議敘其在事出力文武員弁著鄂山等查明保奏毋許冒濫至屯守備阿耳烏升途等級應如何鼓勵之處著鄂山等查明具奏候朕施恩○又諭何凌漢等奏泰州縣疏防盜案一摺順天府屬通州知州李宜範宛平縣知縣吳儀澄於該管地方張家灣董公巷等處有匪徒攔截車輛搶劫行客銀兩之案該州縣為畿輔近地地方文武尤宜加意巡緝以戢奸宄乃捕務廢弛致有搶劫重案

非尋常疏防可比李宜範吳儀澄均著先行摘去頂帶仍交部議處照例勒限嚴緝限滿無獲即著嚴叅懲辦至沿途設立營汛原以詰奸邪而安行旅該員弁等平時疏懈致釀成搶劫重案實屬漫不經心著直隸總督查明嚴叅以示懲儆○又諭前因福泰奏熱河總管衙門庫貯銀兩虧缺當降旨令文慶前往該處會同耆英查辦茲據文慶等奏稱訊據苑丞佟鎧王慶賢苑副盛福仲等供有扶

同弊混情事副總管榮桂恃符狡展諉為不知著即行革職拏問前任正總管恆榮著一併革職拏問並著浙江江蘇山東直隸各督撫飭令沿途地方官迅速押解來京即交兵部解往熱河歸案審訊前任總管廣亮慶琛擅動生息項下銀兩尤非閒款可比慶琛著即革職與業經因案革職之廣亮一併拏問著內務府迅速押交兵部解往熱河歸案質訊該侍郎等即將此案情節徹底根究務期

水落石出。毋稍寬縱。以成信讞。尋奏已革苑丞佟鎧等。先因辦公備料。借有債項。嗣領項到時。並不歸還。鋪戶追鋪戶逼索。輒將公項那還私債。至盈千累萬之多。盛福仲屢次起意扣留公項還債。又浮用運送細緞銀兩。應從重勒限一年追贓。如限滿不完。請旨即行正法。全完酌減一等。仍從重發往黑龍江充當苦差。佟鎧王慶賢於侵虧各項。或事後知情。或隨同商謀。亦應從重勒限一年追贓。限

內不完。歸入秋審情實。辦理全完酌減一等。仍從重發往伊犁充當苦差。已革前任副總管榮桂。雖訊無從中染指。而任內兩次率准借動會計司閒款銀一萬五百餘兩。又續虧生息兵餉正項銀九千餘兩。應請發往烏魯木齊效力贖罪。已革前任總管恆榮。回護從前庫虧。慶琛廣亮於盛福仲等那款還債。率即畫稿准行。均請發往軍臺效力贖罪。下部議從之。○又諭文慶等奏遵旨盤查熱河會

計司徵收銀兩數目。現存數目。並開單呈覽。一摺。熱河會計司歷年徵收各莊頭雜糧折價銀兩。自道光四年至十七年止。共用銀二萬七千七百九十兩零。實應存銀五萬零六百八兩零。現據文慶等彈兌數目相符。此項銀兩除奏明動用及例准支發款項。毋庸議外。其率行借動及未據報銷完繳銀兩。著即悉心嚴究。務得確情。至此項現存銀兩。著於定案時酌定章程具奏。○旌表守正捐軀山

東博山縣民張汶燦妻薛氏。○戊申

上御乾清門聽政。諭軍機大臣等。有人奏湖南右營遊擊馬辰上年曾署左營參將。貪鄙卑污等款。武員職司操防。必應潔己奉公。方能訓練兵弁。若如所奏種種謬妄。亂法營私。如果屬實。必應從嚴懲辦。馬辰著即解任交林則徐按照摺內所指各條。逐款嚴鞠。務得實情。毋枉毋縱。以成信讞。原摺鈔給閱看。將此諭令知之。○兵部奏議處冊封朝鮮國王

妃正副使倭什訥明訓。沿途多索車輛。照例議以革職。得旨倭什訥著革去侍郎護軍統領。仍帶革職。留任。免其革退。世職明訓著革去內閣學士。以三品京堂候補。缺後仍帶革職。留任。其沿途濫應該管地方各員。著直隸總督盛京將軍查取職名。交部議處。○調盛京工部侍郎功普為兵部右侍郎。以都察院左副都御史德誠為盛京工部侍郎。○以都察院左副都御史李振祐為內閣學士兼禮部侍郎銜。通政使司副使鄂爾端詹事府少詹事許乃普為詹事。○以鑲黃旗滿洲副都統哈琅阿為正紅旗護軍統領。○停開八旗冰技。仍給半賞。命內務府三旗照例豫備。○己酉

孝惠章皇后忌辰遣官祭

孝東陵。○以廣東澄海協副將賴英揚為浙江定海鎮總兵官。○庚戌

上詣

皇太后宮問安。○諭內閣祥厚奏拏獲夾帶鴉片煙土人犯。請飭部審辦。一摺。鴉片煙流毒滋甚。例禁綦嚴。况盛京為我朝根本重地。風俗淳樸。尤不准染此惡習。向來山海關副都統等間有拏獲私獲。奏明懲辦之案。而於夾帶煙土重情。從未據查拏具奏。茲據該副都統督飭防禦等。於程樸需等犯進關時。先後盤獲鴉片煙土。並訊明買自錦州海城縣等處。可見奉天地方近來亦有私販奸徒。不可不嚴行懲辦。程樸需張秉仁戴宏祐薛方宗並所獲鴉片煙土。著一併解交刑部。嚴行審辦。按律定擬具奏。祥厚實心任事。甚屬可嘉。著加恩賞戴花翎。嗣後著盛京將軍奉天府府尹及山海關副都統監督等。嚴飭所屬。隨時認真查察。其附近海口地面。如查有窩頓興販各犯。務即按名拏究。以塞其源。至各處民人出入關隘。著一併嚴密檢查。儻敢夾帶煙土。偷渡關津。即行拏獲到案。究明買自何

人徹底根究毋稍疏縱又另片奏灤州文生陳作霖進關時經值班防禦等挖出人獲四錢並符咒書五本畫成硃符十六道著一併解交刑部審訊○宗人府議奏發遣宗室章程嗣後如遇發往盛京吉林黑龍江之宗室交該將軍酌量給與房間或歸入宗室營居住到配時應食錢糧半分即照例支給毋庸備文請示從之○以詹事府詹事鄂爾端充日講起居注官○緩徵陝西定邊安定二縣積畝田畝額賦貸貧民籽種口糧○辛亥

上詣

大高殿行禮○諭軍機大臣等昨因祥厚奏拏獲夾帶鴉片煙土人犯已明降諭旨將該犯等解交刑部審訊並加恩將祥厚賞戴花翎以示獎勵矣盛京為根本重地風俗向稱淳樸民皆務本但恐奸徒射利引誘將來或不免沾染惡習亟當思患豫防以杜其漸該處海口為商販入境要隘必應嚴密稽察不准

絲毫偷販其胥吏得規包庇賣放尤宜訪查懲辦著寶興等飭知山海關監督及各處城守尉協同認真查察如有奸商偷販潛入海口即時嚴加究治毋稍疏縱將此諭令知之○命御前行走喀爾喀扎薩克貝子德勒克多爾濟在紫禁城內騎馬○禮部議准江蘇巡撫陳鑒疏報採訪武進陽湖二縣貞節婦女湯氏等一千九百四十六口請各建總坊旌表從之○科爾沁卓哩克圖親王巴圖等

六人巴林扎薩克郡王那木濟勒旺楚克等二人喀喇沁扎薩克都楞郡王色伯克多爾濟等二人奈曼扎薩克郡王阿宛都瓦第扎布敖漢郡王幹咱巴拉浩齊特扎薩克郡王吹精扎布烏喇特鎮國公喇特納巴拉蘇尼特頭等台吉布達莽噶拉於隆宗門內瞻覲○壬子諭內閣理藩院轉奏據喀喇沁貝勒銜貝子瑪哈巴拉呈稱伊身患病難以來京瞻覲一摺瑪哈巴拉在御前行走有年前經

患病迄今尚未復元著安心調理俟大愈時再同輪應年班之各蒙古等前來瞻觀○又諭哈豐阿等奏叅俄囉斯懇請接濟盤費靴茶餽送牛隻之坐卡官員一摺俄囉斯邊界卡倫關緊要坐卡官兵自應慎重防守遵例奉行乃雲騎尉棍楚克於俄囉斯懇請接濟盤費靴茶收受餽牛四隻大千例禁著交部議處又諭前因栗毓美奏籌估山東運河加挑例津二價較十五年加挑銀數增多

當降旨著工部妥議酌予限制茲據該部奏稱向來山東省冬挑成案不過五萬兩之數如果認真辦理工歸實用自可一律深通此次該河督奏請十七年冬挑工程需用例津二價銀六萬九千二百餘兩較之歷辦成案銀數增多若不予以限制恐將來逐漸加增致滋冒濫等語嗣後該省運河加河捕河上河下河等廳冬挑工程除本年聲明淤淺情形非常年挑濬所能濟運業經降旨允准外

著援照江蘇丹陽丹徒運河之例六年始准加挑一次其常年挑挖銀數仍不准過五萬兩至加挑之年著照該部酌中定議銀數不准過六萬兩如受淤較輕止須擇段挑挖或僅須撈淺該河督臨時相度展緩辦理其常年挑挖亦須撙節估計不得恃有定額儘數開銷經此次議定章程之後每屆冬令該河督務當親往履勘覈實估計方准興挑挑竣後責成運河道逐段測量認真查驗如有草

率偷減即將承辦工員據實叅奏次年漕船往來若仍有淤淺處所即查明段落責令承辦之員賠挑仍將該員嚴叅懲處毋得日久視為具文○准四川前任山西沁水縣知縣傅思任江西前任河南臨漳縣知縣陳玉森江蘇前任浙江東防同知呂榮寄籍順天前任直隸景州知州徐彬重赴鹿鳴宴旌表守正被戕四川裁眉縣民楊同春妻王氏○癸丑以修辦江蘇福山塘河城垣礮臺等工

予知縣練廷璜等加銜補用有差（甲寅諭
內閣特依順保等奏審辦哈薩克越卡搶劫
賊犯請將疏防協緝各官分別懲勵一摺此
案前鄂爾霍珠爾坐卡佐領伊昌阿於所管
格根卡倫之委官達什等私離卡地潛往取
糧毫無覺察以致哈薩克賊犯偷入開齊戕
斃弁兵四名之多非尋常疏防可比僅予革
職不足蔽辜伊昌阿著革職再加枷號三箇
月傳示各卡倫以為玩視邊防者戒其更換
之佐領土瓦強阿經過格根卡倫於委官達
什帶兵潛出無難立即查辦乃遲至數日始
行申報並不切實根究亦屬有乖職守著即
行革職至拏賊出力之索倫副總官佛爾津
布著遇有應升之缺即行升用佐領托克托
奈著加恩賞戴花翎其六品頂翎哈薩克畢
巴圖爾偵知賊匪即導引官兵緝獲多名著
賞換五品頂翎阿哈拉克齊緯爾瑪特霍札
胡勒協力拏賊起賊洵知向義著賞給六品

頂翎以示鼓勵（又諭鄧廷楨奏子店熬鍋
難以限額請照舊辦理一摺前因陶澍等會
籌楚省釐務奏請嚴禁鍋口當有旨令鄧廷
楨查禁永興子店鍋口不准私增茲據該督
奏稱粵鹽例准生熟兼銷永興一帶戶口繁
多子店銷熟十倍於銷生且開歇靡常不惟
熬鹽鍋竈斷難定額即子店多少亦不能定
數現在銷數日絀若再限以鍋口於民食課
餉兩有妨礙等語各省釐務漸形疲敝該督
撫鹽政等果能藩籬自固實力緝私既免浸
灌之虞自收暢銷之效若因楚省額引短絀
輒更粵省成規限以鍋數不特於兩淮毫無
裨益即粵省釐政轉多窒礙難行所有湖南
永興子店行銷粵引著准其仍照舊章實心
經理該督惟當隨時體察總以鹽銷之滯旺
酌鍋口之減添並著督飭所屬各歸本界認
真巡查訪有私梟立即嚴拏懲辦不得稍存
畛域之見互相觀望以裕國課而肅釐綱○

又諭經額布奏場員偷漏私鹽知縣跡涉袒庇請革職解任審辦一摺署山東永阜場鹽課大使韓煜於蒲臺商人霍崇德額票二千八百道業已春銷繳票。輒又春給八百包併較例鹽每包多至一百三十餘斤不等。偷漏至二十七萬餘斤之多。蒲臺縣知縣張書麟於商人串同場員販私在境窩囤毫無覺察逮經破案猶復代為支飾難保無聽囑袒庇彌縫避就情事現當整頓釐務之時不可不

嚴行懲辦韓煜著即革職張書麟著解任交該撫提同商人霍崇德等嚴審確情按律定擬具奏尋奏查霍崇德所販私鹽係串同竈戶乘間夾帶出場捏稱官鹽赴縣朦朧該大使韓煜並非故縱惟於竈丁偷漏毫無覺察實屬溺職霍崇德在監病廢韓煜業已革職均無庸議該縣張書麟於商人串同竈戶販私不察虛實移場護送殊屬不合應請交部議處下部議從之○兩廣總督鄧廷楨奏查

辦鹽務緝私情形委員獲鹽數目得旨所辦甚屬認真務要常川如是不可日久疏懈也勉之○以故四川平夷長官司王朝柱子廷瑞襲職○以翰林院侍講張日章充日講起居注官○禮部議准山東巡撫經額布疏報採訪汶上縣貞節婦女路李氏等九百三十口請建總坊旌表從之○旌表守正捐軀熱河赤峯縣民婦魏傳氏女對兒○免江蘇丹徒縣舊欠洲租銀○除江蘇鎮洋縣捐置

義冢田十一畝有奇額賦○撫卹朝鮮國遭風難夷如例○乙卯

上詣

皇太后宮問安○丙辰諭內閣據裕誠等奏寶泉局鼓鑄辦公賠累援案懇請量為調劑著照所請准其照道光三年成案酌量加增賞借鑪頭等十五年增復料錢除扣留清完前借款項外實借給錢十五萬六千四百五十六串文分作二十年扣還歸款即將局庫應

存卯錢扣留不數錢文即於明年二三四三箇月兵餉每月少搭一成將應解部庫卯錢內扣給其四廠匠役等並著賞借兩季工銀除扣清前款外實借給工銀三萬七百三兩零分作十年扣還歸款該部照數給發俾該鑪匠等均需實惠至正項料錢亦著加恩准其照前停扣以紓鑪力○又諭吏部將各省查取職名屢催未覆各案開單具奏共計有一千三百十九件之多此內應議職名事關

實降實革者固不可任其遷延規避即降留罰俸處分亦豈容任其久延該管上司並不實力督催送部議結經該部節次行催並未按限咨覆實屬玩延著盛京刑部侍郎暨各該府尹直省各督撫兩河河道總督漕運總督盛京吉林將軍熱河都統長蘆鹽政查照吏部單開件數迅即查明咨覆並將開報遲延各員及歷任不行飭催之各該管上司均按在任月日開揭送部一併照例議處毋許

再有延宕○湖廣總督林則徐奏湖南學政蔡錦泉任滿交卸尚有控案未結應否即行進京覆命得旨秉公嚴訊務得確情如該學政實有劣跡即行奏請革職嚴加訊究若有意消弭是卿大員委任而廢國法懍之○以阿克蘇喀喇沙爾屯田豐收予員弁議敘賞兵丁一月鹽菜糧○貸荊州駐防官員修理署宅俸銀丁巳諭軍機大臣等前據善英奏頂補戰船朦蔽搪塞復據桓格奏善英兩

次函覆先稱戰船五隻俱已損壞後稱祇有一隻損壞先後兩歧當有旨令鍾祥查明據實參辦茲又據善英奏桓格臨乍浦閱兵未看水操情形一摺據奏二次書札之內原有四號戰船一隻損壞尤甚其餘四船俱可操駕之語又稱係參將姜希佩供詞桓格誤將參將所稱作為善英所覆等語其因何先後兩歧之處著鍾祥仍遵前旨據實查明具奏原摺著鈔給閱看將此諭令知之除浙江

蕭山縣沿江坍沒地二百一十八頃五十七畝有奇額賦○戊午諭內閣德克金布等奏收穫秋穀分數及奏聞米價一摺此等事件係應各省督撫隨時具奏嗣後該將軍副都統等著毋庸奏聞○予故貴州正安州吏目徐階平黎平府知府吳光廷遵義府知府陳玉壁陝西漢陰廳通判錢雀年各入祀名宦祠貴州故平越州學正張廷彤四川故廣西藤縣知縣陳廷璠各入祀鄉賢祠從巡撫賀

長齡富呢揚阿總督鄂山請也○己未諭軍機大臣等我朝木蘭秋獮原以習勞肄武嘉惠蒙古朕臨御以來尚未舉行敬念成規未嘗一日敢忘即我後世子孫亦當敬謹率由遵守勿替惟熱河為駐蹕之所一切殿宇房間規模宏敞閱年既久修理不易前經降旨傳諭該總管等查明寬大處所將應行收貯各件妥為歸併此項房間毋庸修理因思異日即舉行舊典駐蹕熱河信宿經臨房

間座落亦無需如許之多其陳設物件看管兵丁及各廟喇嘛等棲止之所均應通盤籌畫以歸簡易著文慶著英奉到此旨或審案之暇或結案之後親赴各該處督同該總管等逐一查勘所有陳設等件何者應行歸併存貯何者應行運送來京分別開單隨摺呈覽至房間既議歸併看管兵丁較為省便其應撤兵丁嗣後應如何安置或撥給閒田耕種俾資糊口至各廟喇嘛前經理藩院奏明

陸續裁撤現在裁撤幾何其廟宇年久傾圮者舊有佛像自應歸併供奉其不堪棲止之廟宇應作何辦理均著該侍郎等悉心體察情形妥議章程據實具奏將此諭令知之○以故一等公布都爾胡納姪佛爾恆額三等公喜倫孫春福一等伯哈齊香阿子延慶一等子寶輪嗣子聯昌清泰子額勒經額一等男烏爾圖那蘇圖子桂山三等男豐盛額子德保各襲爵○以直隸河屯協副將德坤為

陝西漢中鎮總兵官禮部議准山東巡撫
經額布疏報採訪荷澤縣貞節婦女郝孫氏
等六十八口請建總坊旌表從之旌表守
正捐軀山東單縣民程鵬友女大經庚申
上詣

皇太后宮問安諭內閣本年順天鄉試書吏
在場舞弊各案均由該監臨監試等在闈中
自行訊出情由尚與失察有間所有此次監
臨吏部右侍郎隆文順天府尹尹曾望顏監

試之工科掌印給事中薩霖等均著免其議
處其失察楊懋建項名入場之前任大興縣
另案降調知縣吳銳著改為補官日降二級
留任不准抵銷又諭著英奏審擬都司衙
門字識詐贓致斃人命一摺此案直隸建昌
營都司衙門字識張茂林等藉端詐錢致斃
人命該管都司松山雖訊無知情故縱情事
而始終受蔽輕聽並不查究種種錯誤著即
革職諭軍機大臣等據龔綬奏湖南湘鄉

縣煤礦夾產硫磺向例於存礦將次用完隨
時開採以備供支現據該署藩司查勘情形
仍屬旺盛已陸續煎提運解省局等語各營
年額操演火藥需磺配製自應准其開採惟
煤礦並產利之所在小民趨之若鶩至吏胥
之偷漏影射尤易啓含混之弊且該處地接
苗疆磺斤關繫甚重著林則徐錢寶琛遴員
妥為經理嚴密防範不准絲毫偷漏滋弊磺
斤稍為充裕足額即行奏請照例封禁儻辦

理不善致滋流弊朕惟汝二人是問懷之將
此諭令知之○以休致一等子左廷桐子忻
二等子哈當阿子松桂各襲爵賞乾清門
行走喀爾喀土謝圖汗車林多爾濟三眼花
翎辛酉諭內閣寶興等奏移駐雙城堡開
散托林呈遞包封一摺移駐雙城堡鑲白旗
滿洲間散托林並無緊要事件輒敢前赴盛
京將軍衙門呈遞包封稱有機密大事必須
將原封進呈實屬膽大妄為著該將軍即將

托林押解吉林交祥康歸案審訊按律定擬具奏至托林所訴雙城堡事宜有關移駐京旗生計現辦章程是否與原奏不符之處並著祥康確切查明認真辦理原呈著鈔給閱看○諭軍機大臣等寶興等奏訪獲習教人犯請飭部會審一摺邪教煽惑人心為害最鉅盛京為根本重地風俗淳樸尤不准此項匪徒潛行溷跡茲據該將軍等訪獲陳喜等十犯訊係先後學習紅陽教拜師傅徒諷經

治病查緝甚屬可嘉因思該犯等傳習邪教已歷多年究竟起於何人自應確切根追認真究辦著寶興會同刑部侍郎麟魁親提現獲各犯逐加研訊究明此外習教匪徒尚有若干人有無聚眾結會為匪不法情事務即按名查拏從嚴懲辦斷不准稍留餘孽貽患將來至該犯等所供赫正陽郭洪義胡汰倉三犯均經病故之處殊難憑信著即嚴飭各旗民地方官虛衷研究務得確據毋許稍有

含混致滋疏縱將此諭知寶興併諭麟魁知之尋奏訊明陳喜等犯拜師習教屬實陳喜並教人學念經卷均尚無聚眾結會重情詰以此教起於何年始自何人該犯等不能供指赫正陽等據地方官查明實已病故陳喜擬照例發烏魯木齊充當苦差從犯李廷爵等或隨同學念經卷或止邀往治病分別減擬如例下部議從之○命散秩大臣恩華載坪載增在乾清門行走○以太僕寺卿琦琛

光祿寺卿王瑋慶為都察院左副都御史○旌表守正捐軀安徽休寧縣民胡旺寶妻程氏○壬戌諭內閣經額布奏究出奪犯傷差重情請將原報不實之知縣解任等語此案許奉剛等奪犯傷差現經該撫驗訊屬實何以該前署縣孫樹之僅以疏脫具稟具為匿不詳緝情事顯然必應徹底根究以期水落石出前署山東荷澤縣知縣現任禹城縣知縣孫樹之著即解任交該撫查訊懲辦尋奏

解任知縣孫樹之訊無諱匿規避情事惟於捕役冉秀石隱匿許奉剛等奪犯傷差重情捏報脫逃不能查出應請交部照例議處從之○又諭梁章鉅奏請革除科場積弊等語廣西省鄉試向於至公堂前後及龍門口揀派弁兵巡查彈壓茲據該撫查明向來傳遞槍冒各弊即由此而生本科已將帳房三座並龍門兵弁一併裁撤嗣後該省鄉試年分即著該監臨等查照此次章程認真辦理其

舊有弊端永遠革除○又諭惟勤奏吐魯番幫辦回旗事務伯克圖薩拉克齊邁瑪特沙第呈請帶領伊子同明年年班之伯克等來京瞻覲一摺邁瑪特沙第呈請入都瞻覲具見誠悃即照所請邁瑪特沙第著准其帶領伊子閒散同子海依木同明年別城年班之伯克等前來瞻覲○以捐修江蘇揚州府及江都甘泉三縣文廟予兩淮庫大使宋佩鏞等升敘有差○

癸亥諭內閣工部奏查明東南兩河另案工程動用銀數內東河本年用項比較上三年均有增多國家經費有常即另案工程向無定額亦宜酌量緩急以節糜費若逐年加增伊於胡底嗣後東南兩河另案各工該河督等務當擇節估辦覈實報銷不准稍有浮多致糜國帑至兩河比較清單正冊著該河督等即行送部以備查覈○諭軍機大臣等有人奏江蘇常州府屬之武進陽湖兩縣錢漕

事件多為書吏等盤踞把持武進書吏沈楚玉陽湖書吏楊俊賢尤為著名巨蠹朦官舞弊苛斂分肥本年該二縣徵收新漕每米一石勒交兩石三四斗不等十一月間武進縣辦公倉廳三間被眾糧戶折毀知縣不敢查拏陽湖縣將糧道所頒官斛私行放寬被糧戶搶斛閑散等語各縣徵收漕米例有定額豈容任意浮收至奸胥把持舞弊朕削病民尤當嚴查訊究著陳鑒即查明該二縣是否

果有各項情弊該書吏等如有苛斂等情該知縣曾否懲辦據實具奏並通飭有漕各州縣如有任意加增即行嚴叅示懲總使正供無缺而閭閻無擾害之虞方為辦理妥協將此諭令知之尋奏遵查該縣等徵收漕糧係照舊章辦理委無勒加情弊上年開倉之際因糧戶爭先交納擠倒廳側牆壁並奪取制斛量米聞拏掠地均經該縣等先後查拏稟辦並無折毀倉廳官斛被搶之事漕書沈楚

玉楊俊賢於上年辦漕後照例先後退卯並無盤踞把持情事仍飭該縣等將漕書按年詳請更換以杜弊端下部知之○又諭前據寶興等奏移駐雙城堡開散托林呈遞包封當降旨著該將軍將托林押解吉林交祥康歸案審訊矣至寶興等奏托林供稱伊弟托生親戚色精阿德忠已於十一月間來京具呈等語現據都察院及步軍統領衙門詳查並無托生等在該衙門控告之案顯係虛捏

著祥康於審訊托林時一併查明辦理將此諭令知之甲子以兵部尚書朱士彥充經筵講官○以伊犁錫伯營領隊大臣端多布兼署參贊大臣○以烏魯木齊屯田豐收予員弁議敘賞兵丁一月鹽菜銀○乙丑

上詣

皇太后宮問安○諭內閣據戶部彙奏各省地丁奏銷一摺各直省地丁案件定例於五年限內全行登覆彙案奏結茲據該部查明道光十一年地丁奏銷屆期並上屆彙奏行查銀兩各案尚未據全行登覆殊屬遲延著直隸江蘇安徽福建浙江湖北湖南山東山西甘肅廣東各督撫迅即查明造冊送部歸於下屆彙奏案內完結並著查取歷任承辦遲延各職名交部議處其道光十二年地丁奏銷案內行查各款著該督撫務須遵照奏定限期迅速登覆清楚於道光十八年彙案奏結毋得任意延宕再有遲逾○丙寅

上幸瀛臺開冰技。御勤政殿。賜蒙古王貝勒貝子公台吉及廓爾喀朝鮮暹羅國使臣章嘉呼圖克圖等宴。並賞賚有差。○諭內閣給事中況澄奏畿輔近地屢有搶劫重案請飭設立章程一摺。京師萬方輻輳直隸環拱都城理宜加意巡防以昭嚴肅。近年收成豐稔民食有資惟地當五方雜處生齒日繁良莠不一即偶爾偷竊亦應隨時拏究至搶劫重案必有潛匿蹤跡該地方文武員弁尤當嚴查保甲實力巡防則匪徒自知斂跡又何至搶奪之案層見疊出為居民行旅之害著直隸總督順天府府尹通飭所屬各員務當振刷精神隨地隨時認真查察總使奸徒無可容留斯地方悉臻靜謐儼敢仍前怠玩漫不經心再有攔截車輛肆意搶劫各案著即據實嚴叅從重懲處毋稍寬縱其緝捕如何得力之處並著妥議章程實力奉行毋得日久生懈視為具文。○命御前侍衛中山在紫禁

城內騎馬。○命阿巴噶郡王薩爾濟勒多爾濟科爾沁貝勒貢格喇布坦在乾清門行走賞薩爾濟勒多爾濟三眼花翎。○命乾清門行走喀喇沁二等塔布囊錫林達瓦巴林二等台吉扎勒沁扎布在御前行走賞鄂爾多斯扎薩克貝子達錫多爾濟雙眼花翎克什克騰扎薩克頭等台吉畢瑪拉吉哩第喀爾喀扎薩克鎮國公巴勒達爾多爾濟輔國公喇布丹多爾濟頭等台吉車登噶瓦察哈爾輔國公桑噶布多爾濟青海扎薩克頭等台吉達瑪林策凌教漢郡王幹咱巴拉子二等台吉布彥德勒格呼圖魯克齊花翎。○賞科爾沁卓哩克圖親王巴圖阿拉善扎薩克親王囊都布蘇龍黃韁喀喇沁都楞郡王色伯克多爾濟紫韁。○庫車三品阿奇木伯克額則斯等二人庫爾勒四品伊什罕伯克薩依特等二人喀什噶爾四品商伯克邁瑪特熱依木等四人沙雅爾五品噶雜納齊伯克

伊密勒等二人葉爾羌托庫斯謙五品阿奇
木伯克伊斯拉木等二人伊犁五品商伯克
薩底克等二人廓爾喀使臣噶箕鄒達熱木
布斯噶熱薩哈等二人朝鮮國使臣朴綺壽
等三人暹羅國使臣呖薩滑俚巡段呵備
哪車笑等四人於西苑門外瞻觀丁卯諭
內閣毓書奏屯田糜子缺收請改種小麥一
摺科布多設立屯田每年播種小麥大麥青
稈糜子四色糧石以為滿洲蒙古綠營官兵
等糧餉之用茲據該參贊大臣查看情形該
地方霜雪較早糜子一項係屬秋禾不甚滋
長十餘年來收成不及分數且有缺欠年分
不敷籽種之用自宜量為變通著照所請所
有糜子一項准其裁汰添種小麥以資搭放
以故阿勒台烏梁海副都統德勒格呼庫
子車伯克達錫為阿勒台烏梁海副都統
戊辰
孝莊文皇后忌辰遣官祭

昭西陵
上詣
壽康宮前殿行禮後殿問
皇太后安安徽巡撫色卜星額奏遵查布政
使司經歷劉寅升委無欲捐知府及借冒印
領情弊惟於道光十三年曾扣前任舒城縣
知縣吳良仕領項銀二百二十兩代還前任
鳳陽縣丞沈驥雖非入己究有不合請照例
擬徒下部議從之己巳以吏部左侍郎浙
江學政卓秉恬為都察院左都御史命來京
轉吏部右侍郎陳官俊為左侍郎調戶部左
侍郎龔守正為吏部右侍郎轉戶部右侍郎
祁寯藻為左侍郎調兵部左侍郎吳其濬為
戶部右侍郎兼管錢法堂事務以內閣學士
朱崢為兵部左侍郎命刑部右侍郎姚元
之提督浙江學政以禮部右侍郎吳文鎔兼
署刑部右侍郎湖北宜昌鎮總兵官珠爾
杭阿年老休致以兩廣督標副將達里保為

宜昌鎮總兵官○

上以歲暮給祭

太廟自是日始齋戒三日○庚午諭內閣前據朱士彥奏酌議常平倉穀出糶採買章程當交戶部議奏茲據該部奏稱直省倉儲之設原以便民各州縣奉行不善出糶採買百弊叢生嗣後直省督撫務須轉飭各該州縣遇糧價昂貴之時按照定例減價出糶一值歲稔價平即行停止其不遵例減價及藉端出糶者著即嚴行叅處至採買之緩急總視倉穀存貯動缺之數以為衡自難限以定期並著各督撫留心察訪遇有藉詞採買及勒派短價等弊一併嚴叅究辦以祛宿弊而利民生○諭軍機大臣等此次倭什訥等派往朝鮮冊封該正副使及通官等車輛馬匹業據琦善查明具奏因思出差官員例由兵部馬館發給傳牌沿途照例應付該正副使出京時通州係屬首站接到兵部所給勘合及沿

途傳牌內是否照例有無車輛並經過通州

首站曾否濫應之處仍著該督再行飭查據實具奏將此諭令知之○以綏遠城將軍彥德年老命留京署鑲藍旗漢軍都統以前任塔爾巴哈台參贊大臣棍楚克策楞為綏遠城將軍○調正藍旗蒙古副都統綿清為鑲藍旗滿洲副都統以前鋒參領雙德為正藍旗蒙古副都統○以捐修湖北安陸府城垣予知府周鳴鑾等優敘○修湖北鍾祥縣河隄石壩坦坡潛江縣護城土隄從總督林則徐等請也○展緩浙江幫丁帶徵積欠銀米○辛未以歲暮給祭遣官祭太廟中殿後殿以江南江安蘇松道屬糧價未平暫緩收買幫丁行月等米○壬申給祭太廟上親詣行禮○遣官祭永陵

福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵	遣官祭	孝穆皇后	孝慎皇后陵寢	○遣官祭	端慧皇太子園寢	○遣官祭	太歲之神	癸酉	上御保和殿筵宴朝正外藩	科爾沁巴林喀喇	沁奈曼敖漢浩齊特阿巴噶杜爾伯特鄂爾	多斯烏喇特翁牛特郭爾羅斯蘇尼特阿拉	善喀爾喀察哈爾青海土默特綽羅斯同部
----	----	-----	----	-----	----	----	-----	----	----	-----	------	--------	------	---------	------	------	----	-------------	---------	-------------------	-------------------	-------------------

王貝勒貝子公額駙台吉及廓爾喀朝鮮暹羅國使臣隨文武大臣依次就坐諸樂並作	上進酒召左翼科爾沁扎薩克土謝圖親王諾爾布林沁卓哩克圖親王巴圖扎薩克冰圖郡王林沁扎勒贊郡王多克默特巴林扎薩克郡王那木濟勒旺楚克奈曼扎薩克郡王阿宛都瓦第扎布科爾沁扎薩克貝子濟克默特土默特扎薩克貝子德勒克色楞右翼喀爾喀土謝圖汗車林多爾濟扎薩克親王	車登巴咱爾阿拉善扎薩克親王囊都布蘇	寵喀喇沁扎薩克都楞郡王色伯克多爾濟	敖漢郡王幹咱巴拉阿巴噶郡王薩爾濟勒	多爾濟浩齊特扎薩克郡王吹精扎布庫倫	幫辦大臣上學習行走喀爾喀扎薩克貝子	德勒克多爾濟至	御座前賜酒成禮○是年旌表孝子江蘇等省	丁邦球等三十五名孝友福州駐防協領文	哲一名福建王俊華等二名孝義順天等省
------------------------------------	--	-------------------	-------------------	-------------------	-------------------	-------------------	---------	--------------------	-------------------	-------------------

—

學

學

一冊。煙壺。椒指各件。派奕紀帶領侍衛十員。即日前往奠醑。朕於本月初三日親臨賜奠。並賞給廣儲司庫銀二千五百兩。經理喪事。任內一切處分。悉予開復。應得卹典。該部察例具奏。其一等公爵著桂輪百日孝滿後承襲。毋庸俟年終辦理。用示朕軫懷耆舊恩。賚有加至意。尋予祭葬。謚文襄。○以吏部尚書奕經管戶部三庫事。兵部尚書禧恩管理藩院事。○以禮部尚書奕紀為鑲黃旗領侍衛內大臣。○調正紅旗蒙古都統仁壽為正紅旗滿洲都統。以葉爾羌參贊大臣恩特亨額為正紅旗蒙古都統。未到任前。以惠郡王綿愉署理。○以貝勒綿僊署鑲白旗漢軍都統。○緩徵山東歷城章邱。齊河。禹城。長清。德平。平原。泰安。肥城。東平。惠民。陽信。海豐。樂陵。商河。霑化。觀成。東阿。鄒。泗水。滕。陽穀。濮。聊城。茌平。莘。館陶。臨清。邱。夏津。濟寧。魚臺。三十三州縣並德州。東昌。臨清。三衛上年被旱被水。

莊屯本年上忙額賦。暨雜項錢糧。○貸甘肅臯蘭。隴西。安定。岷。洮。州。平涼。固原。隆德。華亭。寧。正寧。靈臺。中衛。十三廳州縣及東樂縣丞所屬上年災歉貧民口糧籽種。○丙子高宗純皇帝忌辰。遣官祭裕陵。上詣奉先殿。壽皇殿行禮。○臨故大學士威勇公長齡第賜奠。賞其孫麟慶員外郎。○諭內閣。朕於三月十六日由圓明園啓鑾。二十日祇謁西陵。禮成後。於二十三日駐蹕南苑。二十八日回圓明園。所有應行事宜。著各該衙門照例敬謹豫備。○丁丑上詣大高殿行禮。○幸圓明園。○奉皇太后居綺春園。○詣安佑宮行禮。○戊寅。緩徵直隸阜城。邢臺。交河。

景。故城吳橋。東光。寧津。青靜海。滄南皮。鹽山。慶雲。平鄉。鉅鹿。內邱。任。永年。邯鄲。廣平。曲周。磁。大名。清豐。南宮。新河。棗強。武邑。柏鄉。隆平。寧晉。武強。安平。寶坻。薊。寧河。蔚。宣化。懷安。西寧。四十一州縣上年災歉村莊新舊額賦。○貸山西平定。吉。崇河。洪洞。河曲。五州縣上年被旱被雹被水災民倉穀。○己卯。

上詣綺春園問

皇太后安。○諭內閣。文慶等奏。遵旨查明熱河

會計司未據報銷銀兩。請分別追繳。並將現存銀兩酌定章程等語。所有會計司現存銀五萬六百八兩零。著自道光十九年為始。抵放官兵俸餉。無庸由戶部支領。仍於年終咨報戶部內務府備覈。俟抵放將次完竣。即由熱河總管豫行咨明戶部。除會計司餘存銀兩。及每年徵收銀四千四百六十六兩零全行抵放外。其餘銀兩。仍由戶部支領。以重款項而歸覈實。○又諭。文慶等奏。酌撤熱河園

庭內外官兵。並查明廟宇情形一摺。熱河園庭等處陳設。業經歸併。其看管官兵。自應酌撤。著即如數酌留裁減。至該官兵等應食隨缺地畝。及折租銀兩。均著照此次奏定章程妥辦。毋庸另給閒田。以歸畫一。其所裁官兵支食俸餉若干之處。仍著該總管各按每名月食銀數。冊報戶部。即行扣除。○諭軍機大臣等。本日據文慶著英奏。遵旨查勘熱河園庭房間。酌議歸併陳設章程。朕詳加披閱。所議尚屬周妥。惟文津閣所貯書籍浩繁。該處房間坍塌。未便久置。致成黽朽。著著英。福泰。相度房間高爽之地。不必拘定一處。妥為分置。勿任殘缺散失。其芳園居庫貯銀十三萬一千兩。據文慶等議稱。發交熱河地方。按年生息。但該處果否有殷實商人。該道飭辦此事。果能按年交款。不致日久累商。漸成拖欠。著著英等體察情形。據實具奏。至喇嘛廟錢糧。前經理藩院於道光十四年奏定。遇有該

喇嘛缺出。即行裁汰。現已隨時裁撤。惟日久難保無虛報捏飾。冒名頂領等弊。亦著覈實查明。認真妥辦。將此諭知耆英。並傳諭福泰知之。○廓爾喀額爾德尼王熱遵達爾畢噶爾瑪薩野遣使呈貢方物。賜敕褒獎。賞賚如例。○庚辰。

世祖章皇帝忌辰。遣官祭。

孝陵。○諭內閣。朕於三月十六日自圓明園恭奉。

皇太后啓鑒。祇謁。

西陵禮成後。

皇太后於二十三日回綺春園。朕於二十三日駐蹕南苑。二十八日回圓明園。○諭軍機大臣等。本日據鄧廷楨等片奏。徐廣即赤沙廣王振高。梁忠即梁恩陞。均係派委緝捕之弁。效用得力。獲案甚多。請免置議。飭令仍回各該處緝捕等語。粵省走私匪徒。若無眼線。恐難按別根株。既據該督等查明該弁等並無

開設窩口等弊確據。自應通權達變。俾收實效。徐廣等著免其置議。仍回各該處緝捕。該督等隨時認真稽察。如果該弁等奮勉當差。公事毫無貽誤。則舍短取長。未始不可收指臂之效。若稍有不法情事。自恃為緝捕得力。致滋弊竇。即當從嚴懲辦。毋稍姑容。將此諭令知之。○以工部尚書敬徵。充經筵講官。戶部右侍郎裕誠。署經筵講官。○以內閣學士柏後。充文淵閣直閣事。○辛巳。享。

太廟。遣睿親王仁壽恭代行禮。○遣官祭。

太歲之神。○壬午。諭內閣。前據伊里布奏。請裁減江寧站船。當經該部咨交兩江總督查明辦理。茲據陶澍奏稱。江寧為九省通津。設立站船。與陸路車馬無異。一切往來差使。賴以應付。並非專應滇銅。若因節省水腳等項。銀二千四百餘兩。輒將站船裁汰。遇有緊要差使。必至掣肘等語。該督係為慎重水腳起見。著照所議。所有江寧站船一項。仍照舊章。

辦理。至每運船隻舵水人等。著責成管解運員並協運各員。沿途督押。隨時約束。毋許藉端滋事。以肅銅運而杜擾累。該部知道。○又諭。烏爾恭額奏。籌議緝私章程一摺。鹽引不能暢銷。皆因私販充斥。全在該管各官認真查拏。方可漸收實效。著該撫督飭所屬實力稽覈。嗣後遇有商私梟私。弁兵不能捕拏。及私行賄縱者。一經察出。立提嚴辦。其承審各官。並不根究私鹽來歷。含糊定讞。一經審正。立即糾叅。如究出買自場窰。或來自私運。則咎在稽察之場官。及該管地方官。至官鹽到岸。各州縣查出鹽引不符。則咎在提驗之掣所。及沿途關口各官。著即查明分別叅處。若引鹽照額運到。該州縣並不認真督銷。致有缺額。即查照分數。據實揭報。如引地缺鹽。而承辦商人不迅速趕運。致有缺銷。即將該商懲辦。併罰令照數賠課。務使私販絕跡。官引暢銷。以杜弊源。而裕國課。該部知道。○癸未。

諭內閣。據戶部等部會議。御史黃樂之奏。通籌漕運全局一摺。各省州縣兌交漕糧。例應冬兌冬開。軍船受兌後。各按省分遠近。定先後過淮限期。至過淮以後。河工機宜無定。渡黃向無定限。如果開兌無遲。過淮違限。各該督撫即按逾限遠近。由吏兵二部照例議處。惟過淮之遲早。視乎開兌之後先。近年回空既遲。江浙各州縣收漕兌漕。辦理稽延。自應加以懲儆。著漕運總督及有漕各督撫。嚴飭各州縣趕緊收兌。俾軍船依限開行。恪遵定限。於每年四月初十日以前全數趲至清江。如有因循觀望。立予奏叅。該部即從嚴議處。俾玩泄之風。知所儆惕。至過淮渡黃月日。例由兩江總督會同漕督河督。由驛奏報。聲敘月日。比較遲速。立法已極周詳。該御史所奏十日具奏一次之處。著毋庸議。○諭軍機大臣等。昨據文慶等奏。永佑寺酌留房間內。有存貯御幄蒙古包等件。

房二十五間。繩桿帳堆積繁多。並存貯煙火木架房十二間。查無歸併之處。請仍安放原處等語。熱河各處舊存物件。現議歸併。其御幄蒙古包等件。為數既多。未便聽其久貯。致滋損壞。即朕將來巡幸木蘭時。亦無所用之。著耆英等逐加查勘。擇其完整可用者。運京。其不堪久貯各件。即於印冊內開除。至煙火架大小木植。即留於該處。備各項工程之用。將此諭知耆英。並傳諭福泰知之。○是日

立春。順天府進土牛春山寶座。○甲申。諭軍機大臣等。陶澍密考摺內稱。江寧布政使楊箒。精力稍弱。藩司為錢糧總匯。察吏安民。是其專責。該員精力既不逮前。是否尚堪勝任。不致貽誤公事。著該督隨時留心察看。據實具奏。毋稍諱飾。將此諭令知之。尋奏。楊箒氣體素弱。非年老衰憊者比。辦事諳練。到任數年。尚無貽誤。報聞。○命貝子濟克默特。於故大學士威勇公長齡舉殯時。往奠茶酒。○修

江蘇華亭縣海塘。從總督陶澍等請也。○濬江蘇丹徒。丹陽。二縣運河。從巡撫陳鑒請也。○緩徵江蘇上元。江寧。句容。江浦。六合。山陽。阜寧。清河。桃源。鹽城。高郵。泰。東臺。江都。甘泉。儀徵。興化。銅山。豐。蕭。碭山。邳。宿遷。睢寧。海。沐。陽。贛榆。金壇。二十八州縣。並淮安。大河。揚州。徐州。四衛積歉莊屯。舊欠額賦。○緩徵甘肅岷州上年地震災區。新舊正雜額賦。○乙酉。上詣綺春園問

皇太后安。○御奉三無私殿。賜親藩等宴。○諭內閣。凱音布。鄂山。奏。勦辦夷務完竣。撤兵歸伍一摺。據稱官兵自青岡。普洛。移赴攔馬椿。六阿娜南地等處。進至皎米。其間夷寨繁多。哦雷呷多二支。最為兇悍。大木干等支。互相依附。經張必祿等直攻巢穴。奮力撲擊。槍斃賊目。斬獲不計其數。齊慎。余步雲等。併力抄襲。攻奪要隘。殲斃夷匪。救出被擄民人千洛。三溪部落內五家夷人。率眾投誠。懇求免勦。

其餘均經一律按緝。勦撫兼施。計自天喜會合。直進涼山。袤延幾及千里。現已勦辦完竣。等語。此次夷匪滋事。經張必祿等帶兵攻剿。辦理尚為妥速。張必祿著賞加提督銜。齊慎。余步雲著交部從優議敘。多歡。謝興。嶢。隨營出力。著鄂山等查明勞績。與在事文武員弁。仍遵前旨。覈實保奏。候朕施恩。所調漢屯各官兵。著即分別撤歸原伍。傷亡弁兵。照例造冊咨部議卹。至馬邊一帶。嗣後應如何設防。雷波一路。應辦善後事宜。均著該督等飭令經手辦理之員。分別親勘覈實。妥議章程。務期經久盡善。以肅邊徼。而靖閭閻。尋奏。籌擬馬邊雷波等廳善後事宜。○馬邊廳屬之大。有岡。應設汛一處。由馬邊營撥千總一員。兵一百名。以資彈壓。其核桃汛原設外委汛防。應請裁撤。又雷波廳屬西蘇角附近之黑角。應設汛一處。撥把總一員。兵五十名。又西蘇角附近之千萬貫。應設汛一處。撥守備一員。

兵二百五十名。由普安。安阜。二營酌派。又屏山縣茨竹坪。應設汛一處。由戕邊營撥把總一員。兵六十名。移駐防守。該縣沙灣汛原設弁兵。應移駐板栗溪。以聯聲勢。馬邊雷波等營。應免其調派。換防臺藏各差。移設汛署。兵房用費。均由本省捐辦。○馬邊等廳各邊界居民。崎零散處。無守望相助之益。現飭設立寨堡。聚居自衛。官給編號鳥槍。俾資守禦。馬邊廳前後營各支表。及雷波內外生熟各夷。請做照越嵩等廳。每支添設夷長一人。夷目一人。官為捐給工食。分守各界。查禁漢夷私行出入。以杜釁端。○馬邊。戕邊。雷波。越嵩。四廳。均屬邊疆要缺。應請三年邊俸期滿。查明任內報搶各案。隨時拏獲者。同知以應題應調知府升用。通判以同知直隸州知州升用。如任內報搶各案無獲。仍照例議處。雷波。戕邊。兩廳通判。請用同知頂帶。仍照通判升轉。離任不准戴用。該四廳遇有漢夷交涉事件。

巡查盤費賞需等項。擬由捐廉津貼。以資辦
公。下部議從之。○丙戌。

上御正大光明殿。賜朝正外藩等宴。作樂賜酒。
如除夕儀。○閩浙總督鍾祥等奏。查拏會匪。
並籌防緝章程。得旨。隨時認真妥辦。若一奏
了事。豈非有玷於封疆大吏之所為耶。○賞
廓爾喀正使噶箕鄒達熱木布斯噶熱薩哈
副使薩爾達爾格什迪托咱榜舍。花翎。○丁
亥。

上御正大光明殿。賜大學士尚書等宴。○諭軍
機大臣等。據梁章鉅奏。校閱省城營伍情形。
內稱連珠弓箭。滴水烏槍。其製造式樣。並如
何施放之法。著該撫繪圖貼說。詳細具奏。將
此諭令知之。尋奏。連珠弓箭。較平日操演弓
箭縮小十分之四。弓背有紐。可以摺疊收攜。
施放不用架式。較為便捷輕利。滴水槍。即用
平日操演鳥槍。因粵西山陡崖高。放槍者居
高臨下。子藥易脫。用高粱桿切成馬蹏式。塞

住槍口。子藥不脫。方收自上拒下之功。得旨。
因地制宜。原屬可行。總要適用得力。勉而練
之。○江南提督段琨因病解任。調廣西提督
陳階平為江南提督。以湖南鎮草鎮總兵官
楊芳為廣西提督。○戊子。

上詣

時應宮。

昭顯廟拈香。○還宮。○調甘肅寧夏鎮總兵
官祥福為湖南鎮草鎮總兵官。以陝西潼關

協副將昌伊蘇為寧夏鎮總兵官。○以次辛
祈穀於

上帝。自是日始。齋戒三日。○己丑。諭軍機大臣
等。上年八月據都察院奏。山東民人金塘。以
拏賊成讎。放火抄搶等情具控。已明降諭旨。
將該民人解交經額布審訊。並寄諭該撫飭
拏騎馬賊劉二鞍子等犯。從嚴懲辦。至今未
據覆奏。甚屬疲玩。茲有人奏。劉二鞍子從前
弟兄三人。同惡共濟。伊弟兄已被官兵拏獲。

正法。惟二鞍子勇力過人。黨羽日多。聚眾劫掠。大為行旅之害。該撫曾委章邱縣帶同兵役往拏。畏葸不敢向前。以致免脫。並恐馬剛等滋事。匪徒竄入其內等語。奸匪擾害地方。大干法紀。且山東為行旅衝途。劫掠肆行。亟應淨除根株。以安良善。該匪弟兄同惡共濟。必係著名要犯。黨羽既夥。尤恐日久別滋事端。著經額布密委幹員。選帶兵役。跟蹤訪緝。務將該犯並夥黨悉拏淨盡。無任遠颺。如訊出不法情事。即從嚴按律懲辦。據實具奏。將此諭令知之。尋奏拏獲劉二鞍子。訊明行劫李多文朱統兩案。合依強盜已行而但得財律擬斬立決。又起意糾搶劉大增婢女轉賣。亦罪應斬決。該犯係積年巨盜。應從重酌擬梟示。下部議從之。○又諭有人奏閩省交界之浙江衢州府屬福建建邵所屬均有匪徒。借擔夫為名。專以盜竊過往客商行李貨物為事。小者私行偷換。大則掠取一空。商民

苦累。前經奉旨飭拏。此風稍息。近來該匪等又復猖獗等語。該處地當孔道。行旅往來絡繹。該地方文武員弁。尤宜嚴加巡緝。除暴安良。方足以資整頓。若如所奏該匪等漫無顧忌。肆行偷掠。捕務廢弛。已可概見。著鍾祥魏元煊烏爾恭額通飭所屬沿途地方各官。不分畛域。設法嚴拏。並著會同妥議章程。應如何責成各處牙行慎選夫頭。力除積弊。或有犯案。予以連坐之處。奏明辦理。以儆刁風。將此各諭令知之。尋奏嗣後牙行遇有更換。飭令該縣詳慎選充。每行各保誠實夫頭數名。凡有擔夫。令夫頭識認。確係良民。方准承挑。儻有失物。經事主具報到官。立時差緝。著落夫頭將原夫交出究辦。並著牙行將失物照估賠償。不准羈留事主。如究出行戶通同串竊。一併連坐。即不知情。酌量責處示儆。得旨。毋分畛域。認真飭辦。斷不可不久又成具文。實力勉之。○庚寅。

上詣

南郊齋宮齋宿。○調廣西提督楊芳為湖南提

督。湖南提督薛陞為廣西提督。○辛卯。祈穀

於

上帝。

上親詣行禮。○御紫光閣。賜蒙古王貝勒貝子

公台吉及外藩使臣等宴。並賞賚有差。○辛

圓明園。○詣綺春園問

皇太后安。○諭內閣。前據御史杜彥士奏。倭什

十一年八月

七

訥等派往朝鮮冊封。兵部濫應車輛。請旨飭

查。旋據該部奏稱。正副使等所用馬匹。係屬

照例支領。實無濫應情事。復降旨令琦善查

明通州接到兵部勘合傳牌。有無車輛。首站

曾否濫應。茲據該督奏。兵部給發勘合傳牌。

實止填註應付馬匹。及賞賜紬緞車輛。其行

李車輛。係該使臣自雇帶往。該州未奉行知。

無車更換。覈對號簿均屬相符等語。此次該

正副使等所用車輛。既經查明並非由兵部

及沿途州縣濫應。著毋庸深究。惟是奉差各

員。或於沿途額外需索車輛。或州縣濫行承

應。或辦差家人藉端勒派民車。均所不免。嗣

後各督撫遇有出差人員過境。務飭所屬驗

明勘合傳牌。按例應付。僅欽差例外需索。沿

途濫應。即嚴行叅奏。如查有指稱差使名目。

藉端勒派。著即嚴拏懲辦。其出差各員。尤當

約束家人。留心查察。如有私向驛站多索車

馬情弊。即行拏交地方官審明治罪。不得稍

十一年八月

七

存徇隱。以肅郵政而絕弊端。○壬辰。

上御山高水長。賜王公大臣蒙古王貝勒貝子

公台吉及外藩使臣等食。○癸巳。予故休致

都統阿那保祭葬。賞銀二百兩治喪。謚勤勇。

○以清查屯田出力。予江西知府汪云任等

議敘有差。○甲午。

孝穆皇后忌辰。遣官祭

陵寢。○以正藍旗蒙古副都統雙德署鑲白旗

護軍統領。鑲黃旗漢軍副都統于兆祥署正

紅旗滿洲副都統○乙未諭內閣御史袁玉麟奏請買補倉穀一摺。據稱東南各省前因頻年荒歉。賑貸平糶。倉穀缺額頗多。比年以來。雖慶豐登。而穀價尚昂。即有買補。未能足額。上年東南各省俱登大有。江西省米價每石銀一兩一二錢不等。穀價每石銀五六錢不等。此外江南浙江湖廣四川廣東等省。價值微有不同。均各平減。糧價之賤。為十餘年來所未有。若不乘時辦理。恐將來價值一昂。倉庾必致久缺等語。各省常平倉穀。原宜於豐稔之年。隨時買補。以備緩急之需。但各省情形不同。應買糧石。多寡亦異。著江南江西浙江等省各督撫體察情形。應如何酌定章程。採買足額之處。妥議具奏。尋兩江總督陶澍等奏常平倉儲關繫民食。請俟秋成採買。江西巡撫裕泰奏。近年江西各屬短缺倉穀。已採買十分之八。未買之穀。尚不甚多。應俟本年秋收後。勒限買補足額。浙江巡撫烏爾

恭額奏浙省短絀倉穀。共五十七萬餘石。俟年穀順成。趕緊陸續買補。均報聞。○又諭著英奏查明發商生息情形一摺。熱河芳園居庫存銀十三萬一千兩。前經文慶。耆英等奏請發商生息。茲據奏稱該商等日久恐有拖欠情事。請將此項銀兩解交內務府。轉交長蘆鹽政發商生息。以備熱河園庭修工之用。著內務府大臣議奏。尋奏長蘆商力疲乏。與其發交該商生息。不若運京歸併封貯。以昭慎重。得旨。毋庸解京。即留為該處園庭官兵俸餉之用。○丙申。孝聖憲皇后忌辰。遣官祭泰東陵。○恩慕寺。上詣恩佑寺行禮。○諭內閣。向來察哈爾牧放馬匹。每遇出青。由京派副都統前往稽察。該員既無專辦之事。日久徒成具文。著自今歲為始。

此項差使。即行裁撤。屆時毋庸請派。所有該處牧羣事宜。著責成察哈爾都統副都統督同總管侍衛認真經理。遇有出青回青之時。著遴派妥員前往照料收放。並另派幹員不時加意稽察。務使牲畜足額。一律臙壯。僕日後查有疲瘠倒缺各弊。惟該都統副都統是問。○以工部右侍郎恩桂。都察院左副都御史王瑋慶。知貢舉。○丁酉。朝鮮國王李熙遣使表賀。

平定奏

三

萬壽冬至元旦三大節。並謝冊封王妃恩。增貢方物。命例外貢物。留抵下次正貢。賞賚筵宴如例。○暹羅國王鄭福遣使表貢方物。賞賚筵宴如例。○戊戌。

上詣綺春園問

皇太后安。○調貴州提督祝廷彪為浙江提督。雲南提督余步雲為貴州提督。四川提督齊慎為雲南提督。以四川建昌鎮總兵官張必祿為提督。○予故浙江提督李國棟祭葬。謚

襄恪。○己亥。以正白旗蒙古副都統盛貴署正藍旗護軍統領。○以刑部左侍郎恩銘兼正白旗漢軍副都統。調正黃旗蒙古副都統關聖保為正紅旗滿洲副都統。以散秩大臣恩華為正黃旗蒙古副都統。○以鑲藍旗蒙古副都統成凱為庫爾喀喇烏蘇領隊大臣。○辛丑。

上詣

大高殿行禮。○還宮。○諭內閣給事中鄭世任

平定奏

四

奏請派員巡查五閘一摺。向來分巡五閘。祇有順天府所派巡役十二名。並無專員督率。抽查御史。雖每月親赴五閘抽查。催趲船隻。至沿閘各村莊。如有船戶偷漏等弊。未能稽查周徧。嗣後南糧抵通時。著順天府府尹遴派妥員。分閘督役晝夜巡查。以重漕糧而昭嚴密。○壬寅。

孝儀純皇后忌辰。遣官祭

裕陵。○兵部議奏。嗣後滿漢世職職任內有行

止不端。因私罪革職者。將世職一併革退。另請承襲。若因公罪。即照溺職例。革職者。恩騎尉革去職任。准留世職。雲騎尉以上。世職應留應革。於議處時。照例聲請。至八旗世職。向無隨標學習之例。其漢世職。發標學習之員。如係未經保送者。令該督撫。於展限期滿後。察其不堪造就。即勒令回籍。另議承襲。如係期滿隨營候補之世職。除行止卑污。革退。另襲外。其有弓馬生疏。營伍未諳。並無別項劣跡。革去隨營候補。仍留世職。支食半俸。以示區別。而免牽混。從之。○以吏部左侍郎陳官俊。禮部右侍郎吳文鎔。工部右侍郎廖鴻荃。署經筵講官。○禮部議准。安徽巡撫色卜星額疏報。採訪婺源縣貞節婦女洪汪氏等三千一百一十一口。靈璧縣方何氏等三百四口。請各建總坊旌表。從之。○旌表守正捐軀河南商城縣民楊碧妻余氏。

宣宗實錄

宣

大清宣宗效天符運立中體正至文聖武智勇仁慈儉勤孝敏成皇帝實錄卷之三百五

宣宗實錄

宣

大清宣宗效天符運立中體正至文聖武智勇
仁慈儉勤孝敏成皇帝實錄卷之三百六

奏修明義官理日據原任官太子太傅體仁閣大學士文淵閣領侍衛內大臣等奏為請將原任御史等處
天府府尹等處原任御史等處原任御史等處原任御史等處原任御史等處原任御史等處原任御史等處
六倉大臣等處原任御史等處原任御史等處原任御史等處原任御史等處原任御史等處原任御史等處
內務府大臣等處原任御史等處原任御史等處原任御史等處原任御史等處原任御史等處原任御史等處
醫院通判等處原任御史等處原任御史等處原任御史等處原任御史等處原任御史等處原任御史等處

奏修

道光十八年戊戌二月癸卯朔諭軍機大臣

實錄卷三百六

一

等據祥康奏派員查訊移駐雙城堡鑲白旗
滿洲閒散托林呈遞包封一案查明托生等
並未赴京控訴並據協領復春等稟稱該處
移駐京旗均各得所托林所控實係妄生希
冀懇改各款均與原奏不符等語雙城堡移
駐京旗安居樂業托林妄逞己見捏稱有人
在京呈訴希圖准理情殊狡詐著該將軍於
解到時悉心研訊從嚴定擬具奏毋稍寬縱
以儆刁健將此諭令知之○又諭本日據都

察院奏陝西沔縣武生王尊信等具控黨矜
疊搶叢毆斃命等情已明降諭旨交富呢揚
阿審辦矣據王尊信供稱與增生向登雲之
胞兄向永幅行運柴木生理經劣生楊鍾麟
串囑多人控告該縣知縣起意婪索議罰大
錢一千串遞議減價如不允繳即禁止柴木
下河旋經楊鍾麟聚眾鳴鑼截搶將向永幅
毆斃該縣概不究問等語知縣為親民之官
如向永幅等所運木植例所不禁自應聽其

實錄卷三百六

二

運行儻屬違禁即當照例辦理何得始而婪
索繼且密囑刑書陳德秀唆使劣矜楊鍾麟
等糾眾搶奪及至向永幅被毆致死概不究
問反將該犯等全行釋放如果所控得實該
縣知縣貪鄙殃民亟應懲辦以儆官邪著富
呢揚阿提集全案人證嚴行審訊務得確情
按律定擬具奏毋稍徇縱將此諭令知之尋
奏查李跟沅撈取河內漂流柴木被向永幅
毆傷該犯拾石回擲致傷向永幅身死依闕

殺律擬絞監候王尊信與向永幅違禁放柴因被楊鍾麟等控阻先後砌詞妄控嗣向永幅被毆身死誣指楊鍾麟等喝毆依誣告人死罪未決律杖一百流三千里加徒役三年該縣知縣達綸不准向永幅等放柴係為保衛民田起見斷令捐錢三百千充作書院膏火訊非貪婪入己惟於向永幅違禁放柴並不照例發落飭令捐錢了事藉案勒罰實屬違例請交部議處下部議從之命協辦大

宣宗實錄

三

學士署直隸總督琦善為大學士雲貴總督伊里布協辦大學士仍各留總督任修濬山東運河洳河捕河上河泉河五廳石工閘座並官隄引渠從河道總督栗毓美請也甲辰以舉行仲春經筵遣官告祭

奉先殿

傳心殿

上御文華殿經筵直講官敬徵湯金釗進講孟子以不忍人之心行不忍人之政講畢

上宣御論曰蓋聞有其心無其政是謂徒善有其政無其心是謂徒法心與政固相為表裏者也要在人君推而廣之擴而充之而已孟子示人不忍人之政而歸本於心旨哉誠致治之要道也夫天地之大德曰生聖人之大寶曰位有是生即有所以為生之心有是位即有所以居位之政特患操持無具施措無方將煦仁為念惜物反至於病民小惠為懷優容或流於姑息無他心之不忍未能行之

於政耳惟先王民胞物與悉出慈祥愷惻之意而刑賞無所私秋肅春溫無非矜恤怙冒之恩而好惡無所倚所為因心作則數政優優四海嚮風羣生被澤也後世人主觀法先王端所以而驗所行庶幾緝熙光明治臻上理歟直講官裕誠吳椿進講易經幾事不密則害成講畢

上宣御論曰人君考言詢事人臣陳善納忠要在推誠心布公道用人行行政門闔洞開何一

事不與天下以共見共聞哉顧舉而措之謂之事引而不發謂之幾若端倪未露而盈廷已啓猜疑朕兆甫萌而草野已滋論說始由幾之不密馴至事之無成有不僅君失臣臣失身者害可勝言哉宜聖人以幾事之必密垂戒於節之初又也夫幾者動之微登進賢能罷斥闇茸所以用人也幾不密而人得巧於迎合矣損益因時變通盡利所以行政也幾不密而人得議其紛更矣無謹幾之學者無藏密之心無宥密之功者無研幾之哲害於其事成何有焉夫惟知幾其神臨事而懼同心同德慶於朝嘉謀嘉猷順於外即有小人何所逞其譸張媚嫉之私與夫窺伺揣摩之術哉此事之所以臻於成而幾之所以有利而無害也可不儆哉禮成

上幸文淵閣賜講官及聽講諸臣茶復賜宴於本仁殿○撤葉爾羌滿洲營官兵二百四員名烏什滿洲營官兵一百四十三員名和闐

綠營官兵二百一員名巴爾楚克綠營官兵二百五十三員名阿克蘇綠營官兵二百四員名從伊犁參贊大臣奕山等請也○乙巳遣官祭

文昌帝君廟○諭內閣前據給事中黎攀鏐奏請將京倉虧朽木件移運出倉當降旨著倉場侍郎查明具奏茲據奏稱虧朽無用木料應即移出著工部即派員將此項木料移運出倉以昭慎重○刑部尚書史致儼因病

解任以廣東巡撫祁墳為刑部尚書未到任前仍以刑部左侍郎劉彬士署理○以兵部尚書朱士彥兼管順天府府尹事○以江蘇布政使怡良為廣東巡撫未到任前以兩廣總督鄧廷楨兼署調浙江布政使程喬采為江蘇布政使以貴州按察使唐鑑為浙江布政使調江蘇按察使李象鵬為貴州按察使以服闋按察使裕謙署江蘇按察使

上以祭

社稷壇自是日始齋戒三日。丙午諭內閣據奕訢等奏查驗富新倉現放稜米正黃旗滿洲原闢之馨字廩米色夾雜半係灰暗雖據該監督稟係起剝受傷究由挑晾不勤所致富新倉監督著吏部查取職名照例議處倉場侍郎著交部察議所有馨字廩米著該侍郎等督率篩颺務使灰土淨盡是否尚可作正開放奏明辦理此次正黃旗滿洲應領稜米著於言字終字兩廩盡數關支均勻配放抵粟不敷之米在於別廩找足至該旗蒙古漢軍應領稜米慎字一廩足數支放該部知道。○諭軍機大臣等據理藩院奏廓爾喀貢使從役落後潛回一摺已明降諭旨將原派護送之委員都司傅國泰等交部議處矣其四川候補知州鄭之彪一員護送該貢使出京必由直隸經過該員是否與該貢使同行抑或先後出京之處著琦善迅速查明據實具奏將此諭令知之。○又諭御史帥方蔚奏

向來出使琉球諸臣隨從家丁及閩省派往護送弁兵攜帶內地貨物或包攬商貨前赴該國昂價勒售等語使臣冊封外藩原當約束家丁無許滋擾至派出護送弁兵素非該使臣所屬彈壓尤難儻敢私攜貨物倚勢邀求甚非體恤外藩之意且與中國體制有關不可不嚴行查禁著鍾祥密飭所屬認真稽查如該使臣家丁竟有攜帶貨物情弊即飭令該使臣自行懲辦並遴派大員於開船時留心查察所派弁兵如有違例私帶及包攬商貨著即按名查拏分別懲究毋稍姑容以除陋習而免擾累將此諭令知之。○撫卹琉球國遭風難夷如例。丁未祭先師孔子遣大學士穆彰阿行禮。○兩江總督陶澍奏遵議稽察場竈章程得旨務當認真辦理地方文武均係統轄有何難於措施勉力而行以副委任。撥江蘇句容縣漕糧六千石抵放幫丁行月等米。戊申祭

大社

大稷

上親詣行禮○幸圓明園○詣綺春園問

皇太后安○己酉

孝淑睿皇后忌辰遣官祭

昌陵○諭軍機大臣等本日據關聖保等奏勦

辦博窩生番得獲勝仗一摺據稱噶布倫等

帶兵進剿行至西拉咱噶及吉林青木等處

有博窩番賊六百餘名前來迎敵經該噶布

倫率領番兵接仗我兵奮勇攻擊殲斃賊匪

多名並殲斃頭目策忍洛布現在賊眾逃散

將來東路官兵會合夾攻不難撲滅等語番

民犬羊性成此時雖已潰散難保不恃眾復

聚噶布倫等深入賊境趁勢懾以兵威搗其

巢穴我兵俟東路會齊分道夾攻掃除淨盡

則一勞永逸正在此舉惟進兵之際接濟糧

餉最關緊要糧運源源不絕該兵丁等有恃

無恐自能奮勇破敵迅速歲功著關聖保等

嚴飭督糧官弁小心護送前進不可稍有遲

誤毋令該番賊等梗阻搶掠是為至要儻糧

餉接運遲延致有貽誤惟關聖保等是問懍

之將此諭令知之○又諭有人奏山西省北

一帶匪徒趙奎結黨成羣橫行滋擾或肆

竊堡寨或連劫村莊或搶奪婦女或要截道

路種種兇橫大為民害而崞縣所屬橫道鎮

地方尤為藏奸淵藪賊黨嘯聚去年大同府

將趙奎拏獲解交定襄縣原籍究治案已經

年延擱未辦霍山以南至有旬月之間一鎮

中屢次明火一縣之屬半年內數處劫掠更

有土棍擾害鄉閭挖割首苗蔓菁砍伐墳塋

樹木搶掠禾稼又有匪徒開設店廠收買賊

贓公行無忌農民被累此風通省皆然而河

東道屬為尤甚等語除著安良為地方官急

務山西省自曹順滋事之後尤宜認真緝捕

以資整頓若如所奏匪黨橫行地方官彌縫

不辦恐致釀成巨案著申啓賢即飭所屬迅

將賊首趙奎解省研究。查拏夥黨窩家一併懲辦。其餘各屬有似此者。並飭該州縣隨時查拏。嚴行究治。如有隱匿不辦。並疲玩州縣著即嚴叅。以示懲儆。至摺內所陳善後各條著該撫妥議具奏。將此諭令知之。尋奏訊明趙奎先因犯竊擬流。解配中途脫逃。疊次行竊。計贓逾貫。依律擬絞。監候至摺內所陳善後事宜四條。多係業經通行之事。惟宗約之法久已不行。民間同姓之人分門別戶遷徙靡常。而大宗小宗之分無族譜者尤難稽覈。現飭各地方官體察情形再行妥議得旨。除莠安良又何待朕言。惟在認真與否。日久自有考成。朕惟知鑑空衡平而已。勉之。刑部奏遵議廣東拏獲私開煙館匪犯得旨郭亞平著即處絞。此等匪徒膽敢於海疆重地勾串外夷。開設窩口。引販鴉片煙泥。誘人買食。歷時已閱五年。該省歷任督撫總未認真查辦。經鄧廷楨等飭屬嚴拏立即就獲。可見緝

辦認真自有明效。鄧廷楨祁墳著交部議敘。嗣後著該督撫於匪徒售賣鴉片開窩囤販等弊務當隨時隨地有犯必懲毋任漏網。以昭炯戒。而淨根株。庚戌以捐修甘肅寧遠縣城垣隄壩知縣博忠阿下部優敘。貸陝西懷遠府谷二縣上年歉收貧民籽種。辛亥命嗣後直省改簡道府引見後述。首次日豫備召見。以故奉恩將軍國祥子閏壽襲職。以睿親王仁壽為閩兵大臣。賞江西等省丁酉科鄉試年老諸生蕭經濟等五十九名舉人副榜有差。禮部議准江西巡撫裕泰疏報採訪樂安縣貞節婦女習王氏等一百二十九口福建巡撫魏元烺疏報歸化縣梁葉氏等十七口山東巡撫經額布疏報壽光縣馬張氏等二百四十七口各請建總坊旌表從之。壬子遣官祭

關帝廟。遣官祭昭忠祠。諭內閣陳階平奏稱該提督捐置苗槍三百桿擬名猛槍又

置馬槍一百二十桿。解手刀五百把。生漆皮藥簍二百箇。並將庫存舊過山鳥礮一百十桿。一律修整。現經撫提鎮標及各協營共捐猛槍八百二十桿。操演進步連環安靶二百四十弓。打靶練準槍與新藥。其力相稱。護槍刀械雜技亦甚得力等語。所辦甚好。營務操防全在器械精利。方可有裨實用。該提督所置猛槍等項。既稱攜帶甚便。著鄧廷楨前赴廣西查閱營伍時。逐加查驗。並著新任提督薛蔭嚴飭各營將備等官認真操演。務期練習精熟。俾皆適用。不可日久廢弛。以致有名無實。吏部以大學士琦善應定何殿閣請得旨著為文淵閣大學士。○癸丑

孝康章皇后忌辰遣官祭

孝陵○諭內閣此次護送廓爾喀貢使之四川候補知州鄭之彪於該貢使出京時明知車馬已齊並不前赴四譯館會同該都司傅國泰等照料同行殊屬不合著交部嚴加議處

尋議上得旨鄭之彪著照部議降四級調用毋庸查級議抵至護送貢使理宜慎重揀選妥員照料鄂山選派不慎殊屬疏率著交部議處命吏部尚書湯金釗刑部右侍郎惠吉馳赴山西查辦事件○以內閣侍讀學士斌良為太僕寺卿○甲寅遣官祭先醫之神○以工部尚書何凌漢兼署吏部尚書○乙卯

上詣綺春園問

皇太后安○以伊犁屯田豐收予員弁議敘賞兵丁一月鹽菜銀○修喀喇沙爾城垣從葉爾羌參贊大臣恩特亨額請也○丙辰

上御勤政殿聽政○遣官祭黑龍潭

昭靈沛澤龍王之神玉泉山

惠濟慈佑靈漢龍王之神昆明湖

安佑普濟沛澤廣生龍王之神密雲縣白龍潭

昭靈廣濟普澤龍王之神○遣官祭圓明園

惠濟祠

河神廟○諭內閣本日御門辦事吏部侍郎隆文龔守正入班錯誤均著交都察院議處○又諭據奕額等奏查驗興平倉正字廩內上面四圍多有黑米中間米質尚屬乾潔雖據該監督稟係起剝受傷究由挑晾不勤所致所有該倉現在應放甲米著倉場侍郎督飭該監督即行揭去黑米盡數開放其揭除之米估計若干責令該監督按數分賠以昭儆戒該部知道○又諭據理藩院奏山西榆次縣民人智彥士王錫連呈控鄂爾多斯貝子察克都爾色楞欠銀不還等情著惠吉於山西審案完竣後前赴該處會同綏遠城將軍提齊全案人證審訊定擬具奏○又諭奕經等奏修理內銀庫請添派官兵以昭慎重戶部內銀庫現屆興工夫匠眾多應派大員稽查著派散秩大臣書桂淳綬盛福張淳副都統于兆祥和倫特登額孔廣安於開工後

每日日間輪流一人前往督同銀庫司員承修監督等嚴密稽查其晚間值宿准其添派筆帖式庫使各一員專司啓閉並添護軍章京二員兵二十名支更巡邏以重責成而昭嚴密○以都察院左副都御史琦琛清門侍衛春佑詹事府詹事許乃晉為內閣學士兼禮部侍郎銜○以翰林院侍讀學士祝慶蕃為光祿寺卿○丁巳諭內閣前據刑部奏候補主事慶霖呈請將行走差使開缺回旗會試當交吏部查議具奏茲據查明向例遇缺頂補之員概不准呈請註銷慶霖現係頂補主事業經見缺所有該員呈請開缺會試之處著不准行嗣後頂補人員均不准於見缺後呈請開除差使回旗會試以杜規避著纂入則例○又諭御史章煒條陳五城事宜一摺京師地方寬廣訟案繁多總由於訟師唆使此等奸民以刀筆為生或造設陷穽或捏飾重情迨至到案訊明而紛紛拖累者不

少惟訟師等遷徙無常易於避匿著步軍統領順天府五城各飭所屬認真躡訪如查有教唆興訟實據即行嚴拏懲辦以清訟源吏部奏遵議失察習教滋事各官處分得旨此案失察馬剛習教滋事之山東前任濰縣知縣李心蓮前署濰縣事現任萊蕪縣知縣李恩霖均著革職前護登萊青道事現任青州府知府英桂著降一級調用前署山東按察使前任登萊青道吳振棧署山東按察使前任濟東泰武臨道今升廣東鹽運使陳嘉樹前任山東按察使今升安徽布政使程楸采均著降二級留任吳振棧業經降調著於補官日降二級留任該員又於兼署布政使任內失察著於補官日再降二級留任俱不准其抵銷戊午諭內閣祥康等奏請將砍伐官船木植違例募民肆意妄稟之員先行摘去頂帶一摺黑龍江水師營六品官西哩布率欲募覓民人幫砍船木既不遵劄奉令

於前復肆意妄稟實屬荒謬著先行摘去頂帶責令循照舊章按限將船木如數採運如有違誤即行從重懲辦至民人梁晉隴等犯著祥康等傳集證佐審訊明確另行照例辦理仍責令黑龍江水師營四品官幅來上緊督率該員趕辦船木濟用如臨期有誤著一併叅辦○己未以故奉恩將軍純慶子福喜襲職○貸江南江寧江浦二縣還款銀一萬兩發商生息抵備巢縣快船運造二費從總督陶澍請也○庚申補行道光十七年軍政江蘇安徽江西卓異官十二員不謹官一員年老官四員有疾官一員才力不及官一員分別議敘處分如例辛酉諭軍機大臣等德楞額奏玉舒熟番避住青海一摺青海衙門管轄玉舒熟番內雍希葉布蒙古爾津尼牙木錯卡愛爾等四族因被果洛克番子屢行搶劫奔赴青海地方投生現據盟長棍楚克濟克默特等情願讓地住牧著照所請辦

理惟番族蒙古各有疆界現經盟長等讓出空閒地方令該番等住牧是否日久相安必應明定界址今其切實具結毋得侵占致有欺凌蒙古情事著德楞額悉心籌議一切章程俟蘇勒芳阿到任時詳細告知妥議具奏將此諭令知之尋奏查詢各蒙古僉稱與該番相處數年尚屬相安並未多事報聞以緝獲匿名誣告叛逆人犯楊添雨賞番子劉志銘八品頂帶○壬戌

上詣綺春園問

皇太后安○以捐修廣東廉州府城垣予知縣方士俊六品銜餘下部議敘○修直隸北運河隄壩要工從大學士署總督琦善請也○癸亥諭軍機大臣等據顏伯燾密陳滇省民生吏治邊防營務各條覽奏均悉雲南地處邊陲幅員寬廣所有地方一切要務全在各火吏悉心體察隨時認真方臻妥善茲據該撫奏稱該省各州縣山高地瘠非不可勸墾

荒蕪而舟車不通懋遷無術惟既有可墾之地自當留心查勘不得聽其荒蕪且生齒日繁能增一分土田民間即增一分生計該督撫等著即通飭各屬設法開墾以厚民生至州縣瘠苦亟須津貼鍾祥前在藩司任內既已辦有成效著即查照舊章通盤籌畫務使各該員辦公不致掣肘儻教養有資仍復玩泄從事務當嚴行叅辦毋稍姑容其開化臨安一帶夷地近多搶奪拒捕重案現經該督撫遴員按捕剋期弋獲所辦尚好惟夷人桀黠性成寬容必至貽患而刻覈又易滋事尤在寬猛相濟始得其平至該省十餘年來從無邊患尤當嚴諭守邊文武各員實力巡防認真訓練總期有備無患不得妄冀邊功儻敢相率偷安不以操防為重著即指名叅辦以儆其餘該督撫身膺邊疆重寄一切應辦事件總須因地因時通籌熟計毋畏難而苟安毋因噎而廢食庶民生日裕官常日肅營

務邊防日有起色。朕實有厚望焉。將此諭令知之。○甲子。撥吐魯番廳庫貯銀一萬一千九百兩有奇。採買兵糧。從提督中福請也。○乙丑。遣官祭賢良祠。○管戶部三庫事奕經等奏。解官匿稅。請交部議處。得旨。廣東解官候補同知唐啓瑛。候補從九品周家珏。於管解十七年分各項銀兩。與該省原咨內箱數不符。並應交顏料庫等項遲延。唐啓瑛。周家珏。均著交部議處。嗣後該省應行解庫銀兩。或箱或鞘。均著一律裝釘加封起解。並於咨文內詳晰聲明。以憑覈對。而昭慎重。○以右春坊右中允陳憲曾。署日講起居注官。○禮部議准。湖北巡撫周之琦疏報。採訪蒲圻縣節烈婦女游陳氏等一百四十口。河南巡撫桂良疏報。扶溝縣陳王氏等一百三十七口。襄城縣張李氏等一百二十七口。廣西巡撫梁章鉅疏報。博白縣闕謝氏等三十四口。各請建總坊旌表。從之。○丙寅。諭內閣。前據給事

中王珣條奏銅鉛運船沿途積弊一摺。當交戶部議奏。茲據該部覆奏。運員在途耽延日期。業於上年飭令於各運抵京以前咨部。惟各運員逗留支飾。各州縣不能認真催趲。均難保其必無。著該督撫遵照前議。覈實辦理。如查有運員逗留。州縣催趲不力。即行分別嚴叅。至銅鉛沈溺。該員等自顧考成。或不至有心捏報。而船戶偷漏裝點情弊。在所不免。著沿途各督撫責成文武員弁。嚴查積弊。如

果有遭風遇險情事。仍照例分別派委藩臬道府勘明。後飭令地方官多雇夫役。上緊打撈。務期全獲報解。以祛積弊。而昭覈實。○丁卯。諭內閣。前據御史王藩奏。叅山西省地方官貪劣不職。各款當降旨交申啓賢逐細查明。據實具奏。除同時被叅各員。業經訊明奏結外。茲據奏稱。該御史原叅前任徐溝縣知縣升補汾州府同知張春臺各款。或已奏咨完結。或現經訊明。擬辦均無贓私。惟里民承

修倉廩。按照地畝攤錢。失察書役誑借錢文。雖出示更正。自行捐辦。究違定例。又失察查禁燒鍋之差役。詐贓未得復於門丁陳三。在署服役時。冒捐職官。毫無覺察。種種率忽。殊屬不合。著交部嚴加議處。○戊辰春分朝。日於東郊。遣惇親王綿愷恭代行禮。

孝昭仁皇后忌辰。遣官祭。

景陵。○以拏獲盜犯。准四川知州洪運開送部。

引見。○己巳

上詣綺春園問

皇太后安。○諭內閣。烏爾恭額奏浙江首進杭三等幫運弁等於臨行時。率聽幫丁藉辭延緩。該縣等並不稟催押運。官及該管府道又不力為催趲。以致開行日期。反較上年為遲。請一併叅處等語。所有兌開已過正月之杭三等幫領運千總。觀音保寧前幫領運守備吳琪。嘉興縣知縣李汝霖。署秀水縣知縣熊兆麟。及督催不力之押運官試用通判顏其庶。

實錄卷三〇六

五

工。從巡撫烏爾恭額請也。○庚午。

皇后千秋節。宮內行禮如儀。停止筵宴。及在外公主福晉命婦進內行禮。○諭內閣。陶澍奏請將承挑運河未能如式之知縣摘去頂帶。勒限趕挑一摺。運河為漕船經行要道。應挑各工。自應依限趕辦。一律深通。茲據該督奏稱。署沛縣知縣趙毓丹。現挑工段僅有七分。且塌崖數處。既恐隨挑隨塌。轉於未竣之先遽行放水。實屬辦理遲緩。未能如式。趙毓丹。

著先行摘去頂帶。仍由該管徐州道速飭委員嚴督該縣倍集人夫。庠水搶挑。勒限報竣。覈實驗收。儻有草率情弊。著即嚴行奏叅。毋稍姑息。以為玩視要工者戒。該部知道。○辛未。調浙江布政使唐鑑為江蘇布政使。以廣西按察使宋其沅為浙江布政使。降調布政使趙炳言為廣西按察使。○壬申。諭內閣。前據伊里布奏請裁減站船。當經部咨各該省查明辦理。旋據陶澍奏請仍照舊章。礙難裁汰。所有江寧站船一項。已降旨毋庸裁減。茲據林則徐等奏稱。湖北站船。應付一切往來差使。並非專應滇銅。儻將此項裁汰。遇有緊要差使。必致貽誤等語。兩省情形相同。該督等前後查議。均屬相符。所有湖北站船。亦著毋庸裁減。並著林則徐等仍遵前旨。責成管解運員沿途約束舵工水手人等。毋許藉端滋事。以肅運站而昭畫一。

實錄卷一百六

三十五

大清宣宗效天符運立中體正至文聖武智勇
仁慈儉勤孝敏成皇帝實錄卷之三百六

實錄卷一百六

三十六

大清宣宗效天符運立中體正至文聖武智勇
仁慈儉勤孝敏成皇帝實錄卷之三百七

監造總管官曉諭曰選建居官太子太師劉仁開大學士文翔鳳副閩省官理戶部督學士李應瑞副翰林院掌院學士張曾
 大府尹事務總帶同左副大臣曹樹騷官經筵講官等而李應瑞副閩省官理戶部督學士李應瑞副翰林院掌院學士張曾
 七畝大臣楊金壽同副理歸善海和一親隨帶同六親軍幼幼三級紀法在式主祀清湖湖漢漢皇天廟明提舉張崇鼎并押同官
 內務府大臣張口張滿同副理歸善海和一親隨帶同六親軍幼幼三級紀法在式主祀清湖湖漢漢皇天廟明提舉張崇鼎并押同官
 監造總管官曉諭曰選建居官太子太師劉仁開大學士文翔鳳副閩省官理戶部督學士李應瑞副翰林院掌院學士張曾
 大府尹事務總帶同左副大臣曹樹騷官經筵講官等而李應瑞副閩省官理戶部督學士李應瑞副翰林院掌院學士張曾

道光十八年戊戌三月癸酉朔諭內閣本日

特依順保由驛馳遞謝恩摺件。並無應奏之事。擅用驛遞殊屬不曉事體。特依順保著交部議處。○甲戌遣官祭

歷代帝王廟○諭內閣御史桂林等奏查勘貢院圍牆荆茨稀疏著順天府府尹飭令該管官迅即添補修葺其內外簾各官房舍並著一體修補以昭慎重○以服闋侍郎沈岐署兵部石侍郎○以察哈爾駐防軍政年逾六十官九十三員精力未衰命留任○乙亥

諭內閣朕此次恭謁

西陵啓鑒後著派肅親王敬敏惇親王綿愷大學士阮元尚書奕經留京辦事○又諭給事中鄭世任奏州縣採買倉穀請飭赴鄰邑採辦以免勒派一摺各省常平倉穀原當於豐稔之年隨時買補惟吏胥書役藉端勒派擾累閭閻實難保其必無如該給事中所奏各州縣不論市價貴賤祇發銀三四錢一石派令糧書人等向納糧較多之戶勒令採買需索繳費甚至花戶將領價繳還倍加繳價並有於納糧時勒扣串票等弊是以便民之舉轉致病民不可不嚴行申禁嗣後著各督撫嚴飭所屬州縣每值採買倉穀之時如鄰邑年穀豐稔即令前赴採辦設或本境足敷採買亦准量予變通要在革除積弊俾小民不致苛累而倉貯一律充盈全在該管上司體察情形隨時查覈如有縱任胥役勒派需索者立予叅處庶州縣皆知儆惕而弊實自清

矣○丙子。

上詣綺春園問

皇太后安○熱河都統耆英奏查拏販食鴉片

煙人犯得旨○必當嚴拏究辦○不可疏縱○各省

之流毒貽害○無非由因循疲玩所致○殊堪憤

恨○以查拏鴉片煙出力○予直隸縣丞周寬

升用○丁丑○諭內閣○前據賽尚阿等奏○酌擬

察哈爾辦理出青官馬章程○當交兵部議奏○

茲據該部逐款覈議○開單呈覽○朕詳加披閱○

其察哈爾總管侍衛○均係該都統所屬○嗣後

著兵部毋庸奏派○即由該都統等自行遴選

堪勝領馬交馬之總管侍衛○將銜名豫咨兵

部○並著該部於奏請欽派監放馬匹王大臣

摺內○將該都統所派領馬之總管侍衛職名○

一併聲明○以專職守○又諭○前據凱音布等

奏都司馬登祥○石傷殞命○懇請議卹○當有旨

照陣亡例賜卹○茲據兵部議請給與世職○自

係照例辦理○因思該都司凱撤在途○自應約

束官兵○安靜行走○乃於該屯兵誤被石傷○未

經查明○石由夷人蹶墮○並非有心飛擊○輒自

上山立斃○兩夷○以致中石殞命○與臨陣捐軀

者究屬有間○惟念該都司歷次打仗○屢立戰

功○著加恩賞給卹銀二百兩○即由該省藩庫

給發○伊子並賞給千總○以獎勤勞○而昭覈實○

○戊寅○諭內閣○林則徐等奏○州試文童與書

役爭鬧○誤傷本官一摺○湖北蘄州應考童生○

膽敢藉端挾制地方官捐賠卷價○聚眾爭鬧○

拾石拋擲○以致誤傷該州額角○實屬目無法

紀○有無起釁別情○自應確切審訊○據實覈辦○

署蘄州知州愛祿○著先行解任○交該督等提

同人證卷宗○並勒拏未獲各犯○秉公嚴審○務

得確情○按律定擬具奏○尋奏○此案梅麻子因

與縣書熊錫幅等爭論卷價○經書役等喝阻○

輒敢拾石向擲○以致該署州愛祿走出彈壓○

誤被中傷額角○旋經平復○並非有心干犯○第

以應試文童滋鬧○傷及本官○未便輕縱○依律

擬杖一百流二千里。前署蘄州知州愛祿於禮書熊錫幅等向各童生增索錢文。未能查禁。迨書役與童生爭鬧。復不能當場彈壓。致被擲石誤傷。雖訊無挾制別情。實屬駕馭無方。咎有應得。請交部議處。下部議從之。○又諭祥康等奏遵旨查明雙城堡協領缺分一摺。雙城堡協領管理屯田。原定章程。無論滿洲蒙古漢軍一體選放。惟移駐之京旗及盛京吉林移駐之蘇拉。多係滿洲。現在漢軍為戶無多。所有雙城堡協領一缺。嗣後著作為滿洲額缺。即由該處滿洲佐領內揀選。如不得人。仍於各處滿洲佐領內揀選補放。其佐領以下等官。俱仍照原定章程辦理。該部知道。○又諭著英秦固山額駙特符狡展。請革去職銜頂帶一摺。塔布囊固山額駙德里克桑布。著革去職銜頂帶。交著英嚴審確情。按律懲辦。至德里克桑布所稱順承郡王春山。函致貝子瑪哈巴拉。令伊換戴三品頂帶之

處。著春山據實明白回奏。尋奏上。得旨。據春山明白回奏。實無函致瑪哈巴拉。令伊換戴之事。顯係捏飾。仍著著英嚴訊確情。按律定擬具奏。○宗人府等衙門會奏審擬習教人犯得旨圖四即圖升阿。於習教犯案改悔免罪後。復供奉十字架圖像。同伊子文廣習教念經。實屬怙終不悛。圖四即圖升阿。文廣均著革去本身紅帶子。並於玉牒末除名。著即發往伊犁充當苦差。嗣後拏獲習教各犯。訊係改悔免罪後。仍復奉教者。無論當堂情願跨越十字架與否。均著照本例治罪。不准援免。以為奸狡怙惡者戒。其緝捕出力之西城副指揮郝昇榮。揀調副指揮許之瑞。正指揮李運亨。均著交部議敘。○以大學士穆彰阿。兵部尚書朱士彥為會試正考官。禮部右侍郎吳文鎔。工部右侍郎廖鴻荃為副考官。○修湖北黃梅縣隄工。從總督林則徐等請也。○己卯。命乾清門侍衛常

案禮部右侍郎連貴都察院左副都御史善
燾恭詣

西陵查看紅橋。○庚辰諭內閣昨據耆英奏。審訊喀爾喀貝勒之妻身死不明一案。祇原告布彥特古斯。占巴勞墩。供稱因毒身死。其餘眾供不能指實。非開檢難以定讞。當降旨令僧格林沁據實具奏。茲據覆奏。未敢回護不驗。著僧格林沁即派親信明白護衛一員。前赴熱河。交耆英率同幹練司員。帶領仵作。眼同開檢。認真確驗。是否有受毒等情。照例懲辦。務須水落石出。以成信讞。毋稍不實。不盡尋奏。檢驗已故喀爾喀貝勒之妻。委非受毒身死。布彥特古斯合依誣告人謀死人命。其有審無挾嫌。止以誤執傷痕。誣告蒸檢者。為首發近邊充軍。例發近邊充軍。占巴勞墩。係該夫人陪嫁家奴。合依子孫將祖父母父母死屍誣告他人謀害致屍遭蒸檢。其並非挾嫌。止以誤執傷痕者。照誣告人死罪未決律。

杖一百流三千里。加徒役三年。下部議。從之。
○辛巳以

孝賢純皇后忌辰。與清明節大祭相值。先期遣官祭

裕陵。○祭

先蠶之神。

皇后親詣行禮。○以捐修陝西藍田縣城垣。予知縣胡元煥等加銜升補有差。○壬午。

上詣綺春園問

皇太后安。○諭內閣。寶興奏。審擬捐職千總邢有恆京控一摺。此案筆帖式宜鉅。出首邢有恆以財行求。申訴不實。著交部議處。前署盛京刑部侍郎奕澤。於宜鉅抱贓出首後。不令迴避。仍令同掌印司官根究此案。致以原告承審被告。辦理實屬錯謬。著交部嚴加議處。○補行道光十七年軍政。浙江卓異官四員。不謹官一員。年老官二員。才力不及官一員。分別議敘處分如例。○癸未清明節。

上詣

安佑宮行禮○遣官祭

永陵。

福陵

昭陵

昭西陵。

孝陵

孝東陵

景陵

秦陵

秦東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○諭內閣鍾靈奏長蘆應

徵充公加價依限催徵並叅追疲商一摺此

項現商應完十七年四季充公加價銀二十

一萬一千三百五十餘兩除已徵完外尚未

完銀二萬一千一百三十餘兩據鍾靈查明

實係晉永泰等十二商疲累不能依限完交

若遽予革退恐該商等轉得置身事外著照

所請即將晉永泰等十二商勒限嚴追統令

於五月年清年款限內將未完銀兩全數完

交。至期如再有拖延。即行查抄治罪。該部知

道○旌表守正捐軀陝西鄠縣民王盛媳劉

氏○甲申正白旗蒙古副都統金欽保○年老

休致以阿克蘇辦事大臣壁昌為正白旗蒙

古副都統○鑄給貴州永從縣訓導改撥古

州廳儒學條記從巡撫賀長齡請也○禮部

議准陝西巡撫富呢揚阿疏報採訪澄城縣

貞節婦女李姚氏等四百六十六口請建總

坊旌表從之○乙酉

上詣

大高殿行禮

時應宮拈香○還宮○丙戌諭軍機大臣等

本日據耆英奏請將興販鴉片煙土及攜帶符咒人犯解交盛京審辦已明降諭旨交實興麟魁審訊矣奉天為我朝根本重地風俗淳樸向無吸食鴉片煙及念經習教惡習茲據耆英訊明現獲之程樸需戴宏佑薛方淙陳作霖四犯或興販鴉片煙土或攜帶符咒均隸奉天可見該省染此惡習由來已久不可不嚴行拏究所有程樸需等供出興販煙土之錦州人馬姓即馬老八薛方淙供出海

城縣騰釐鋪開福盛館之王老五又陳作霖供出新民廳開設藥鋪之張裕源著該將軍等就近查拏嚴行究辦不得回護前任及各該地方官失察處分致滋諱匿嗣後該將軍等務當嚴飭所屬隨時隨地認真訪查儻有開設鋪面暗藏煙土轉相售賣及無識匪徒被人煽惑念經習教者立即按名查拏照律懲辦淨絕根株總期瀋陽重地軍民人等咸知儆惕不至漸染澆風方為不負委任將此

各諭令知之尋奉審明程樸需戴宏佑馬治遠興販鴉片煙均照例擬枷號一箇月發近邊充軍薛方淙買食鴉片煙照例擬杖一百枷號兩箇月朱振東鈔寫違禁符書陳作霖隱匿收藏均照違制律擬杖一百折責遞籍管束下部議從之○以京師天氣尚寒命五城展賑一月○貸山西太平汾西鄉寧襄垣豐鎮永濟猗氏萬泉遼夏稷山垣曲永寧十三廳州縣上年歉收貧民倉穀緩右玉靈邱山陰寧武定襄渾源大同朔平魯代五臺繁峙保德和林格爾清水河偏關隰文水介休寧鄉懷仁寧遠沁水武鄉河曲汾陽廣靈陽高天鎮左雲五寨虞鄉靜樂托克托城臨汾霍靈石三十七廳州縣買補倉穀○丁亥上耕藉詣先農壇行禮更服至藉田所躬耕三推復加一推御觀耕臺命禮親王全齡怡親王載垣順承郡

王春山各五推吏部右侍郎龔守正戶部左侍郎文慶禮部尚書吳椿兵部左侍郎朱嶠刑部左侍郎恩銘工部左侍郎沈維鐫都察院左副都御史善燾通政使司參議額勒金泰大理寺少卿惠豐各九推畢順天府府尹率農夫終畝賞賚農夫耆老如例○詣關帝廟拈香○幸圓明園○詣綺春園問皇太后安○諭內閣周之琦奏請停造漕船一摺湖北頭幫蘄州衛旗丁傳牛兒漕船屯坐黃梅縣境內據該撫查明屯田淹廢力難造運所有傳牛兒一船著准其暫停造運其應運正四二耗稅米著分灑同幫各船帶領應領幫津行月等項銀米亦著分給灑帶各船以資幫貼該撫仍隨時查勘一俟各軍力能墾復即責令僉造承運復還原額該部知道○以江蘇蘇松糧儲道陶廷杰為甘肅按察使○以捐修廣西鬱林州城垣予候選教諭蘇宗經等選用有差○貸江蘇蕭縣修築西

堰銀○戊子
上奉
皇太后啓鑒恭謁
西陵○詣
皇太后行宮問安○詣盧溝橋
龍王廟拈香○以襄事
先農壇禮節嫺熟賞太常寺贊禮郎文霖五品頂帶花翎○免蹕路經過地方本年額賦十分之三○是日駐蹕黃新莊行宮○己丑
上詣
皇太后行宮問安○是日駐蹕半壁店行宮○庚寅
上詣
皇太后行宮問安○旌表守正捐軀河南汝陽縣民任湘遠妻王氏○是日駐蹕秋瀾行宮○辛卯
上詣
皇太后行宮問安○禮部以宗室會試中額請

得貢取中二名。○賞烏魯木齊協領霍隆武。
副都統銜。為伊犁領隊大臣。○賞蹕路經過
看守各行宮弁兵半月錢糧。○旌表守正捐
軀安徽阜陽縣民孫百萬妻丁氏。○是日駐
蹕梁格莊行宮。○壬辰。

上恭謁

泰陵。

泰東陵。

昌陵俱未至碑亭。即降輿慟哭。步入

隆恩門。詣

寶城前行禮。躬奠哀慟。王以下文武大臣官員

均隨行禮。○至龍泉峪

孝穆皇后

孝慎皇后陵寢奠酒。閱視

寶城。至月臺下跪迎。

皇太后臨奠。○臨端順固倫公主園寢賜奠。○

詣

皇太后行宮問安。○是日奉

皇太后回鑾。駐蹕秋瀾行宮。○癸巳。

上詣

皇太后行宮問安。○是日駐蹕半壁店行宮。○

甲午。

上詣

皇太后行宮問安。百刻如之。○諭內閣。惟勤奏。

吐魯番回子郡王阿克拉依都懇請瞻覲。一

摺。阿克拉依都世受國恩。自伊承襲郡王。未

得瞻覲。懇請隨同年班伯克等入都瞻覲。具

見誠。悃可嘉。著照所請。准其隨同本年年班

伯克來京瞻覲。○諭軍機大臣等。著英奏。審

訊已革塔布囊固山額駙德里克桑布一摺。

著英現已赴喀爾喀旗檢驗已故貝勒之妻

一案。著於回至熱河後。即將德里克桑布刀

傷堂兄巴爾薩西第及瑪哈巴拉呈送不法

等情。嚴審確情。按律定擬具奏。至冒戴三品

頂帶。供稱伊妻兄寄與信函一節。著著英於

定案後。即派委妥員。將德里克桑布解京。交

刑部嚴行審訊。將此諭令知之。○禮部以會試中額請得旨。滿洲取中七名。蒙古取中三名。漢軍取中五名。直隸取中十九名。奉天取中一名。山東取中十七名。山西取中八名。河南取中九名。陝甘取中七名。江蘇取中十七名。安徽取中八名。浙江取中十七名。江西取中十七名。湖北取中七名。湖南取中五名。福建取中七名。廣東取中七名。廣西取中五名。四川取中六名。雲南取中六名。貴州取中四名。○修浙江東西兩塘柴埽各工。從巡撫烏爾恭額請也。○是日。駐蹕黃新莊行宮。○乙未。

皇太后還綺春園。○諭軍機大臣等。本日據賽尚阿等奏。接准兵部行知分飭派出總管牧放出青官馬一摺。此項官馬收放出青。全在料理得宜。方能臚壯足額。嗣後每年應派總管。自應由該都統等遴選咨部請派。惟本年新定章程。已由兵部請旨。所有派出左翼總

管撥齊等四員。是否能諳牧放事宜。著賽尚阿等詳加察看。儻該員等有於牧放事務不甚相宜者。不妨遴員更換。據實奏聞。總期於牧務有益。毋得稍形拘泥。將此諭令知之。○是日。

上駐蹕新衙門行宮。○丙申。

上行圍。○撥吉林庫銀二萬兩。發商生息。津貼坐卡官兵口糧盤費及修補卡倫房間之用。從將軍祥康等請也。○是日。駐蹕圓河行宮。

至戊戌。皆如之。○丁酉。

上行圍。○諭內閣。湯金釗等奏。審擬已革知縣晏象和列款京控一摺。此案山西原任太原府降調知府珠瀾。於晏象和違禁取利。並未訊有確供。遽請詳參。辦理已屬草率。旋因晏象和懇請銷案。復請免參。且查辦攤派錢數。並不詳訊。即行取結。希圖顛預了事。實屬有乖職守。珠瀾著交部嚴加議處。升任藩司經額布。臬司慶林。於晏象和違禁取利一節。會

訊時亦未質對明確。遽行轉詳。致該革員得以藉口。實屬辦理草率。著一併交部議處。巡撫申啓賢。未加查明。即行照詳奏參。亦屬疏忽。著交部察議。○又諭錢寶琛奏。知縣玩視命案。請革職嚴訊一摺。湖南醴陵縣知縣李恩維。於該縣民黎茫青等十三人落水致斃。多命重案。並不研訊明確。顛預具詳。迨經駁提解訊。又復延不拘解。實屬玩視重案。李恩維著先行革職。交該撫提同全案人證。嚴審有無賄和捏詳。消弭故縱情事。按律定擬具奏。以成信讞。尋奏前任醴陵縣知縣李恩維。於致斃多命重案。並不悉心驗訊。輒據串捏供詞。草率具詳。雖無得賄故縱情弊。實屬溺職。業已革職。應毋庸議。從之。○以廣東南雄協副將桂明。為四川建昌鎮總兵官。○旌表守正捐軀四川宜賓縣民羅友欽妻嚴氏。○准湖南各幫漕船欠完蕪湖關木稅銀。分限扣解。○戊戌。

上行園。○賞南苑苑丞苑副管園章京及馬甲等銀幣有差。○賞看守南苑各行宮苑戶一月錢糧。海戶銀一千兩。○己亥。

上詣

永慕寺。

元靈宮。行禮。○詣

關帝廟拈香。○諭內閣京師南苑。為我朝肄武之地。皇子皇孫亦於此講武習勤。操練弓馬。家法相承。垂諸久遠。斷不可廢之典。乃近

年來圍場牲畜。甚屬寥寥。此皆管理不善之故。試思牲畜以草木為淵藪。若叢林豐草。翦伐過甚。既無藏匿養育之所。又有盜賊偷竊之虞。必至圍獵之時。一無牲畜。尚復成何事體。且扈從各官。有例應攜帶鳥槍者。此外影射偷打牲畜。必有其人。藐視法度。可惡之至。即皇子跟隨人等所帶槍數。向來亦無定限。難以查考。嗣後苑內草木。應如何禁止砍伐。扈從各官及皇子跟隨人等。應如何設法稽

查酌定限制著御前大臣軍機大臣會同管理奉宸苑大臣妥議章程具奏○四川總督鄂山奏遵議緝私章程得旨以實以久務當認真又批所議尚妥惟在實力奉行若一奏了事何益之有勉之○是日駐蹕舊衙門行宮○庚子

上還圓明園○詣綺春園問

皇太后安○辛丑噶勒丹錫呀圖薩瑪第巴克

什遣使呈進貢物賜敕褒獎賞賚如例

宣宗實錄卷三百七

三

大清宣宗效天符運立中體正至文聖武智勇
仁慈儉勤孝敏成皇帝實錄卷之三百七

大清宣宗效天符運立中體正至文聖武智勇
仁慈儉勤孝敏成皇帝實錄卷之三百八

監修鴻臚寺卿臣等謹將宣宗太子太傅體仁閣大學士文淵閣學士等處書院書院學士等處
天府府尹等處學士等處宣宗太子太傅體仁閣大學士文淵閣學士等處書院書院學士等處
七倉大臣等處學士等處宣宗太子太傅體仁閣大學士文淵閣學士等處書院書院學士等處
內務府大臣等處學士等處宣宗太子太傅體仁閣大學士文淵閣學士等處書院書院學士等處
醫館進士等處學士等處宣宗太子太傅體仁閣大學士文淵閣學士等處書院書院學士等處

教修

道光十八年戊戌夏四月壬寅朔享

宣宗實錄卷三百八

一

太廟遣惠郡王綿愉恭代行禮○諭內閣中福
奏請鼓勵創建書院捐修出力人員一摺書
院之設培養人才振興文教係各督撫地方
官應辦之事烏魯木齊地處邊陲與內地各
省情形不同該都統等惟當講求武備實力
操防開墾屯田廣儲糧餉方合足食足兵之
道其撫馭商民尤宜示以恩信俾人人知感
知奮緩急有資若照各省州縣建立書院之
例徒務虛名是重其所輕必至輕其所重又

安望其認真訓練。克盡職守耶。此事創建之初。係由長清誤會諭旨。並未專摺具奏。富呢揚阿到任後。又未詳查奏明。請旨均屬不合。除長清業經身故毋庸議外。富呢揚阿著交部議處。此次中福摺內。並不將前此案由詳細聲敘。率為承辦各員乞恩。實屬冒昧。著一併交部議處。所有懇請鼓勵之處。著不准行。○准大通橋車戶承買黑豆二萬石。津貼車價。○癸卯諭內閣。御史董宗遠奏各省捕務

實錄卷三十八

二

廢弛竊盜甚多。請飭認真緝拏一摺。除暴所以安良。各省地方。遇有竊盜案件。果能認真查拏。何至日久虛懸。賊賊無獲。若如所奏。湖南之辰寶。山東之曹沂。安徽之鳳。潁各府民風刁悍。盜賊肆行。搶奪客民財物。勒令用錢贖取。甚且誘拐幼孩。私行售賣。呈報到官。概從姑息。捕役又復索賄縱放。致令正犯遠颺京師地面。近有土棍匪徒三五成羣。竊取錢物。堆撥兵役通同一氣。聽其竊掠。並不查拏。

等語。著各省督撫嚴飭所屬文武員弁。務當破除因循疲玩積習。無論居民行旅。但有報竊報劫之案。立即上緊緝拏。總期賊賊全獲。按律懲辦。以安善良。儻敢諱強為竊。意存消弭。著即指名嚴叅。毋稍寬縱。至京師為輦轂重地。尤宜倍加嚴肅。豈容竊賊潛藏。著步軍統領順天府五城各衙門隨時查察。有犯必懲。不得視為具文。日久生懈。以戢奸暴。而安閭閻。將此通諭知之。○又諭裕泰奏審擬奪

實錄卷三十八

三

犯戕官各犯一摺。此案江西泰和縣知縣朱良翰署泰和。汛把總曾明遠於邱聲棋等糾眾打奪。拒傷千總郭剛。及兵丁賴德明等。雖經疏縱於前。迨被叅撤任。摘去頂帶。即能上緊捕拏。於限內協獲五十一名。獲犯過半。並獲為首糾眾之犯。尚知愧奮。朱良翰曾明遠俱著准其開復頂帶。飭令回任。○甲辰諭軍機大臣等。伊里布奏謝恩。請覲一摺。雲貴地方緊要。總督統轄兩省。責任綦重。伊里布著

暫緩來京陛見。俟明年冬間再行奏請。候旨遵行。將此諭令知之。○乙巳。以捐修福建邵武府及寧化縣城垣等工。予知府劉學厚等議敘有差。○丙午。諭內閣。毓書奏。請將挾嫌稟揭該管官之把總照例治罪一摺。此案科布多管獄把總姜連捷。因禁兵代受懲責。輒以不干己事。列款稟揭本管兵部主事職銜哈楚暹。迨經該大臣審訊後。復敢逞兇刁健。種種妄為。實屬目無法紀。若僅照律革職枷號一箇月。不足示懲。姜連捷著再加枷號一箇月。滿日遞解原籍。交該管官嚴加管束。○又諭。毓書奏。辦理烏梁海哈薩克互放烏槍。傷斃人命一摺。此案散秩大臣鄂勒哲依布。彥於烏梁海濟藍太。及哈薩克扣責齊立放烏槍。因傷各自殞命之後。既未遵飭派撥兵丁。慎重看守。以致濟藍太屍身棄失。又復裝點搶奪重情。妄行捏報。實屬荒謬。鄂勒哲依布。著交部嚴加議處。以示懲儆。其失察哈

薩克入境之霍呢邁拉扈卡倫侍衛多遜布。協理台吉轍責扎布。台吉濟克濟特等各職名。均著交部查議。○諭軍機大臣等。據毓書奏。叅把總姜連捷挾嫌稟揭該管官一案。已明降諭旨。將姜連捷枷號遞籍矣。此案姜連捷稟揭各款。固屬事不干己。該大臣立案不行。自係照例辦理。惟哈楚暹如果實有挾勢勒借銀兩。並私買民女為妾。及騷擾臺站等事。殊屬違例。擾累商民。亦不可不查明究辦。著該大臣悉心體訪。儻哈楚暹被揭各情節。查有實據。務即嚴行叅奏。毋稍姑容。如因案已奏結。意存消弭。將來別經發覺。惟該大臣是問。將此諭令知之。尋奏。查哈楚暹領運官茶來科布多時。所經蒙古各臺站。照綏遠城將軍發給傳牌所載數目支款。其帶來家眷人口。數與兵部發給勘牌照票所載數目相符。委無勒借銀兩等事。連日詳詢密訪。均各相同。似尚可信。報聞。○展緩山西陽曲太原。

榆次興臨汾翼城介休應大同懷仁山陰朔
左雲平魯陽城定襄河曲芮城河津隰清水
河托克托城二十二廳州縣災歉貧民舊借
倉穀○丁未

上詣綺春園問

皇太后安○諭內閣給事中曹宗瀚奏豫儲水
師人材一摺各省水師員弁必得諳習水性
不畏風濤方足以資巡緝現在海洋靜謐而
武備不可不實力講求是在各督撫平日留

心豫儲千城之選朕疊降諭旨令直省督撫
於副將內保舉堪勝總兵之員以待擢用各
督撫有遵旨保奏者亦有奏稱無員可保者
自係意存慎重懼干濫保之愆但思該督撫
職司校閱如果平時訓練有方舉劾悉當自
必咸知勤奮何至竟乏人材况水師副將亦
有表率營伍之責如有不諳水性不習風濤
者早當叅撤何以平日姑容迨至保舉之時
輒稱無員可保嗣後著兩江閩浙兩廣總督

等認真甄別將庸劣各員嚴行叅處毋得任
其戀棧其有操防得力緝捕勤能者隨時察
覈據實保奏以昭激勸庶幾收得人之效而
武備益修矣○又諭禧恩等奏查閱三旗新
建營兵丁步射技藝請酌改操演章程著派
奕紀敬徵專管新建營事務並著妥議章程
具奏○諭軍機大臣等圓明園三旗新建營
現習長予添設教習二人著桂良即飭令該
省營弁羅錦川常啓雲來京教演至需用長
予必應材質堅利方為合用著即在該省製
造三百桿交該弁等解送來京以備演習其
製造銀兩即於該省藩庫開款內動用將此
諭令知之○戊申諭內閣寶興等奏宗室控
告捏報生子混入冊檔請飭部會同審辦一
摺移居宗室良浩呈控宗室蘇春捏報生子
一案是否蘇春賄囑營主事捏報混入抑或
良浩藉端訛詐挾嫌誣控必應徹底根究以
成信讞著交寶興會同麟魁提集人證嚴審

確情按律定擬具奏。宗室營主事文崇著暫行扣留質訊。○又諭僧格林沁等奏營員怠玩公事。請旨交部議處。此案正藍旗護軍德克敦布、圖桑阿、經該城傳喚。該管參領並不據實稟報翼長。回堂辦理。實屬怠玩。外火器營正藍旗營總德勝、副參領烏爾清阿、均著交部議處。嗣後各衙門遇有因案傳訊人員。應即時稟報該管官回堂交出。儻有隱匿不報。以致遲誤者。即著嚴叅懲辦。○己酉旌表

守正捐軀四川雙流縣民婦宋雷氏女小女廣東歸善縣民曾陳標妻李氏。○庚戌予浙江出洋淹斃外委林世魁祭葬卹廕兵丁陳加清等賞卹如例。○辛亥。

上御勤政殿聽政。○諭內閣林則徐奏拏獲楚豫交界地方匪徒。審明定擬一摺。已交刑部議奏矣。此案匪犯司士瀾、司士全。既經地方官拏獲。照例繫帶鐵桿。自應牢固拴繫。方足以小懲而大誡。何以繫帶之後。該匪等仍復

扭斷脫逃。肆竊無忌。是該省繫帶鐵桿之例。仍屬有名無實。且恐看守人役。另有得賄徇情私行開放等弊。嗣後各該省遇有此等匪徒。務須依法繫帶。嚴加管束。儻扭斷脫逃。即將看管人等嚴行訊究。查有賄縱私放之事。一併從重懲辦。毋任姑息養奸。庶使匪徒畏法斂跡。而閭閻胥獲乂安也。○又諭林則徐等奏請將湖南提督常駐辰州府一摺。湖南提督統轄全省營伍。常德辰州二府俱建有衙署。茲據該督等察覈該省形勢。辰州較常德地方更為扼要。湖南提督著准其常駐辰州府城。以資彈壓。其每年應行前赴常德駐劄之處。仍由該提督隨時酌量。毋庸拘定時日。○諭軍機大臣等。本日據都察院奏甘肅已革文生翟翔遣子翟海屋赴京呈遞封章。矣。該大臣接奉此旨。著即前赴甘肅省城。會同該督督率新任藩司梁萼涵將所控各情

節逐一審究。務得確情。據實具奏。將此諭令知之。尋奏。訊明翟翔以唆訟斥革。其封章所控州縣浮收漕糧各款。非已結之案。即屬子虛。按律擬實發極邊煙瘴充軍。下部議從之。

○以候補三品京堂明訓為都察院左副都御史。翰林院侍讀學士周祖培為詹事府詹事。仍留陝甘學政任。

○壬子。命都察院左都御史奎照。毋庸管內務府事。以戶部右侍郎裕誠為總管內務府大臣。

○以刑部尚書成格為滿洲繙譯會試正考官。理藩院右侍郎文德和為副考官。

○以捐修江蘇寶山縣海塘。予知州李正鼎等升敘有差。

○旌表守正捐軀陝西大荔縣民李增順妻張氏。

○癸丑上詣

時應宮拈香。○還宮。○諭內閣。前因奕紀在內務府大臣上行走。資格尚淺。禧恩事務較熟。年分亦深。是以令禧恩佩帶印鑰。現在奕紀行走有年。公務熟悉。且禮部尚書班次在

兵部之前。所有總管內務府大臣印鑰著派奕紀佩帶。

○又諭。琦善奏。剝船應行更造。請飭催山東商欠一摺。楊村續增剝船。既據該署督飭道查明。已屆滿料之三百隻。虧朽過甚。不堪修用。亟應分飭江廣等省趕緊排造。著經額布即飭運司將商欠息銀先行籌撥七萬五千兩。解交部庫。以抵江廣等省造船墊款。俾得趕造新船。解直剝運。

○又諭。琦善奏。請飭催各省借欠道庫銀兩一摺。每年南漕行抵天津。向由道庫借撥剝價油艙銀兩。據該署督查明。各省借欠道庫未歸銀十九萬四千七百餘兩。現在存款無多。不敷墊撥。著兩江湖廣閩浙江蘇浙江江西湖北湖南各督撫轉飭將欠解各項銀兩。迅即派員解交天津道庫。如此內尚有未經提扣之款。並著各該省司道先行籌款撥解。俾敷支用。而清懸款。毋得再有延宕。

○以常寧祀天於

圍丘自是日始齋戒三日。○甲寅諭內閣給事中朱成烈奏。已滿花戶包買米粟。那移廩座。請旨飭拏一摺。儲濟倉已滿花戶劉銘改名劉成貴。北新倉已滿花戶陳瑞即陳老。已退花戶劉鑑即瞪眼劉五。又名劉成慶。已滿花戶張智永即小張大。漢軍旗人方鶴鵬即方三。忠興米局姜姓。已滿花戶程永即承九麻子。著步軍統領衙門順天府五城一體嚴拏務獲。交刑部審辦。已革武生劉成德現因另

中書人字

二

案在該部審訊。即著一併根究。按律懲治。○諭軍機大臣等。本日據關聖保等奏。博窩生番認罪投誠。並將所搶糧食等物賠償。嗣後永遠不敢滋事等語。該生番犬羊性成。屢出滋擾。現經官兵兩路攻擊。力窮勢蹙。隱忍求生。難保不旋散復聚。該大臣等現派遊擊瑞周。守備賈獻廷。督同噶布倫等。示以恩威。著密飭該員細察情形。果否真心畏服。並著嚴查漢奸。毋許從中勾結煽惑。儻有不法匪徒。

立即從嚴懲辦。至該番等稟內有求減差使。以免苦累之語。務當根究明確。其向來應辦差使。自應照舊辦理。如實有苦累情弊。亦應革除。以示體恤。總期一勞永逸。邊境綏安。無使日後致滋擾累。將此諭令知之。○山東巡撫經額布奏。民壯一項。原以捍衛倉庫。護解錢糧。必須技藝熟嫻。方資實用。現飭各屬勤加訓練。得旨。所辦甚屬可嘉。斷不可日久又形廢弛。勉之。○乙卯。

中書人字

二

上詣

南郊齋宮齋宿。○以正藍旗滿洲協領烏爾德善為寧古塔副都統。○丙辰常雩祀。

天於

圍丘

上親詣行禮。○幸圓明園。○詣綺春園問皇太后安。○諭內閣惠吉等奏審擬山西榆次縣民智彥士等京控案一摺。此案準噶爾旗扎薩克貝子察克都爾色楞於斷還借欠銀。

兩。並不按限歸還。復因智彥士等違例私種。令圖薩拉克齊等向其攆逐。未能先加約束。致令拆毀窩鋪。拉搶牛馬等物。釀成訟端。又失察蒙古越耕黑界。實屬錯謬。著交理藩院嚴加議處。圖薩拉克齊責楚克多爾濟拉什色楞與隨同滋事之梅楞吉爾噶勒和塔賚扎蘭布音太。均著交理藩院分別議處。餘著照所議完結。至該旗黑界與山西河曲縣陝西府谷縣民地毗連。著該撫等轉飭該管道府。於每年春融後。親往履勘。有無蒙古人等越耕情事。出具印結。由該撫咨報理藩院備查。以杜爭端而符定制。○丁巳。以右春坊右中允陳憲曾充日講起居注官。翰林院編修程伊湄署日講起居注官。○以勦辦四川夷匪出力。賞按察使多歡知府謝興曉參將恆裕馬彥彪都司李昶張學聖蔡長青長瑞羊仕雄守備方廷超花翎知州宣璚等藍翎。也兵喜爾丹等花翎。也外委三木屈等藍翎。也

千總納耳甲等巴圖魯名號。餘加銜升敘有差。○以四川越嵩廳距寧遠府較遠。招審人犯。改歸建昌道審轉。從總督鄂山請也。○展緩兩淮板浦中正臨興三場災歉。竈地積欠額賦。○戊午。

孝端文皇后忌辰。遣官祭。

昭陵。○諭內閣。申啓賢奏。已叅虧空案內。訊出升任通判交代未清。請旨飭令解往質訊。一摺。前因已故山西寧遠廳理事通判錫綸虧

短銀兩米穀。降旨交申啓賢嚴審定擬。茲據該撫奏稱。審擬該廳庫書倉書人等。僉供錫綸接收前任通判哲成額。交代銀款未清。必應徹底根究。惟哲成額現已推升。

昭西陵禮部員外郎。著容照即將該員遞解山西歸案質訊。並著正紅旗滿洲查明該員如因差在京。即送交兵部迅速解往。毋稍稽延。○緩徵山西懷仁山陰二縣積歉村莊新舊額賦。○己未。旌表守正捐軀四川綿州民沈

興妻陳氏○庚申諭內閣前因富呢揚阿於烏魯木齊建修書院並不詳查奏明請旨中福摺內不將前此案由詳細聲敘率為承辦各員乞恩當有旨交部議處茲據該部等查例具奏富呢揚阿中福均議以降二級留任請旨應否抵銷烏魯木齊地處邊疆全以武備為重該都統等特膺簡命自當講求訓練實力操防安輯兵民撫馭回眾俾得有備無患方為不負委任似此不知所重率以振興

中書文書人

卷三

文教為詞創修書院是舍本逐末必致武備廢弛安望其悉成勁旅緩急有資耶富呢揚阿中福均著不准抵銷嗣後新疆各處將軍都統各大臣等惟當認真教練使人人有勇知方平時則習於戰陣有事則足備干城儻再狃於積習舍實政而務虛名則咎等曠官法難曲貸朕必嚴加懲處以為喜事好名者戒○修直隸河間縣八里鋪橋座從大學士署總督琦善請也○辛酉以大學士潘世恩

吏部尚書湯金釗戶部左侍郎文慶禮部右侍郎吳文鎔刑部左侍郎恩銘工部左侍郎沈維鐫都察院左都御史卓秉恬左副都御史善燾為殿試讀卷官○禮部以繙譯會試中額請得旨取中二名○壬戌策試天下貢士王振綱等一百八十三人於保和殿制曰朕寅紹丕基兢兢業業日慎一日十有八載於茲仰蒙

吳蒼眷佑

中書文書人

卷三

列聖詒庥府事修和綱紀整肅期合天下黎元迪吉康而躋仁壽深惟化民成俗之方足食厚生之道奮武衛而詰戎兵招俊乂而襄政治爰咨多士式佇嘉謨風俗為治平之本而教化實風俗之原孟子云經正則庶民興庶民興斯無邪慝古昔盛時道德一而風俗同左道有誅奇衷有禁當其時未嘗無莠民也特以比閭族黨既各以法教其所治司諫司救又糾勸而誅讓之漸以仁摩以義節以禮

俾羣黎百姓相安於日用飲食之質而荒誕不經之說罔或奸其間逮叔世民訛邪說滋熾轉相煽誘習為固然身陷於罪不得不繩以法何以使桀黠者革面洗心愚懦者中心有所守而不為所惑歟歐陽修言莫若修其本以勝之行以勤而浸以漸儻可丕變歟積貯者天下之大命也漢耿壽昌築常平倉時稱便矣後漢劉般謂常平倉有利民之名而內實侵刻百姓其故安在當境採買固虞勒派採自鄰封又添運費例價有定糧價無常何以使官民兩不受累而及時奉行不至有名無實歟論者謂成周以後備荒之法莫如義社二倉義倉勸課當社出穀即委社司簡校收積遇荒賑給法非不良也苟非其人斂散皆弊官吏因而持之害不可勝言矣社倉之法略與義倉同何以隋唐行之不久便廢至朱子而獨有成效朱子社倉記推原朝廷未改設社倉之意試詳述之今欲儲峙無虧

而凶荒有備將何道之從歟論語曰以不教民戰是謂棄之古者因田獵以簡軍實四時所教不同有謂夏令不田有謂三時務農一時講武者何歟漢時都試厥制若何何以建武遽行停罷罷都試無流弊歟軀劉與乘之同異若何唐太宗引諸衛騎兵統將等習射顯德殿庭朝臣多有諫者豈通達之論歟宋時教閱之法紛如而兵力不振無乃有名無實歟陳法始於何時或三或五或八或十二或三十或六十四能言其略歟管子教目教身教足教手教心之方荀子為將六術五權三至之道能舉其說歟我國家以弧矢威天下承平日久武備尤不可不加修也其剴切陳之自鄉舉里選之法不行而取士悉由於科目重文藝而輕德行論者譏之然居後世而復鄉舉里選能行之無弊歟唐因隋舊設立諸科而士所趨向惟明經進士二科進士尤貴得人亦最盛然其弊至有求知已溫

卷諸名目。風俗不可問矣。分路取人。司馬光。歐陽修。持論不同。孰者為當。罷詩賦。明經諸科。以經義論策試士。蘇軾之論極通達矣。司馬光又以專用經義論策為百世不易之法。何歟。朱子亦欲罷詩賦而分諸經子史時務之年。其議若何。糊名易書。揆檢起於何時。朝廷用之也重。則求之不得不嚴。有謂待士輕者。豈通論歟。夫敦教化以正風俗。籌積貯以裕倉儲。訓練協經武之宜。選舉副求賢之實。

實錄卷三〇八

宣

撫綏寰宇之要圖也。爾多士學於古訓。參稽有素。其悉對著於篇。毋泛母隱。朕將親覽焉。○引見丙申科散館及補行散館人員。得旨。此次散館之編修朱鳳標。何冠蓍。曹聯桂。蘇敬衡。業經授職。其清書二甲庶吉士莊俊元。蔡振武。劉芳。漢書二甲庶吉士徐士穀。宗室和淳。李汝嶠。趙楫。張錫庚。胡林翼。何紹基。沈兆霖。梁敬事。廖惟勳。徐之銘。路慎莊。蘇廷魁。呂佺孫。謝榮埭。胡應泰。楊能格。俱著授為編

修。漢書三甲庶吉士慧威。楊天柱。王通。昭蘇。學健。俱著授為檢討。李本仁。王發桂。江紹儀。毓檢。袁溥。徐文藻。孔慶鏞。梁瀚。俱著以部屬用。翁祖烈。樊肇新。丁楚弄。鄭輝堂。李樾。徐瀛。彭以筇。郭世亨。翟松。劉映丹。俱著以知縣即用。○癸亥。

上詣綺春園問

皇太后安。○閩浙總督鍾祥奏。臺灣孤懸海外。多係漳泉二府流寓。與廣東民人雜居。因有

實錄卷三〇八

宣

閩莊粵莊之分。率皆浮動慄悍。易於為匪。滋事。現檄飭該處文武各員。責令總董人等。從實舉發。一有匪類滋事。即相機拏辦。易於解散。若已滋事端。迅集兵勇。勦辦。信賞必罰。無令怯退。得旨。簡明切當。督率實力行之。必有功效。○賞會試年老舉人王常祿等八人。檢討學正職銜有差。○以勦辦臺灣嘉義縣匪徒出力。加在籍提督王得祿太子太保。賞總兵官達洪阿。候補同知直隸州知州託克通。

阿。守備饒廷選花翎外委郭振德藍翎餘如銜升敘有差。○旌表守正捐軀直隸河間縣民王殿勳妻婁氏。○甲子以雲南布政使伍長華為湖北巡撫陝西按察使劉鴻翱為雲南布政使河南糧鹽道李鈞為陝西按察使。○以綏遠城副都統特登額署將軍。○旌表逼嫁捐軀河南濟源縣民李體全妻段氏。○乙丑

上詣

大高殿行禮。○還宮。○御乾清宮召讀卷官入

親閱定進呈十卷甲第。○丙寅

上御太和殿傳臚賜一甲鈕福保金國均江國霖三人進士及第二甲靈桂等八十二人進士出身三甲金寶樹等一百九人同進士出身。○幸圓明園。○諭軍機大臣等本日據恩特亨額奏喀喇沙爾換防遊擊伊林保稟揭該城辦事大臣海亮及糧餉夷回章京愛隆阿台尚阿等各劣款一摺。新疆為邊防重地

該處大臣必應廉明守法方足以資表率若如該遊擊所揭各款種種營私玩法未必盡屬子虛若不亟加整頓何以肅邊徼而勵官常著恩特亨額接奉此旨即馳驛前赴該城親提人證秉公嚴審按款研究其磨馬口糧等項銀兩如何借名動用廉敬過境如何指名開銷官兵鹽菜銀兩該糧員如何捏報侵吞招戶章程何以流倡不行禁止忌辰期內該大臣等如何違例飲宴以及私役兵丁署

內唱戲傳喚倡優與章京愛隆阿台尚阿等晝夜出城觀燈入廟挾優飲酒並於興德過境時邀同挾妓挾優宴會各等款均著認真質訊如訊有指實之處即著一面傳旨將該員等先行革職鎖拏一面奏聞從重定擬治罪恩特亨額經朕特簡畀以重任自必認真查辦無負委用儻意存消弭惟恐審出實情罪名過重遂致化大為小遷就結案是祇知為同官開脫地步不以國法為重天良喪盡

自蹈詈尤。朕亦不汝怨也。海亮愛隆阿台尚阿均著解任。喀喇沙爾辦事大臣著恩特亨額揀員奏署。其葉爾羌參贊大臣即著金和暫行署理。將此由四百里諭令知之。○丁卯上幸萬壽山詩

廣潤祠拈香。○御閱武樓閱火器營操。○諭內閣。前因御史章煒條陳五城事宜。當交吏部會同都察院議奏。茲據吏部奏稱。吏目本係雜職。向例不准擅受民詞。若令其於戶婚

田土詞訟案件。傳人敘供。即與擅受無異。再查吏目專係捐納出身。流品既雜。且久於其任。雖有巡城御史稽查鈐制。而御史每年更換。防範恐有未周。該御史請將城內案件。改歸正指揮管理之處。不為無見等語。所議甚是。嗣後城外案件。仍歸副指揮報城。城內案件。除竊盜鬪毆賭博。一切緝捕事宜。仍歸吏目分管外。其餘戶婚田土詞訟案件。向歸吏目管理者。均著改歸正指揮衙門詳城聽各

該城御史批發覈辦。即鬪毆因戶婚田土起者。一切傳人敘供。仍歸正指揮管理。毋許吏目干預。以符體制。而專責成。○諭軍機大臣等。本日據瑚松額密陳營務地方實在情形。一摺。甘肅為邊疆門戶。足兵足食。均宜豫籌。據該督察看各該提鎮悉皆盡心職守。緩急足恃。仍當隨時體察。勿任稍懈。惟清查通省虧空。為數甚多。總因年歉差繁。屢形動缺。雖係實在情形。但國帑定額。豈可久任虛懸。現在該督查明各屬均有自行籌款發商生息。分年彌補者。統計七八年間。可以一律補足。如果覈實辦理。逐款全清。奏報之數。毫無捏飾。原不必徒有叅劾官員之名。而無添補足額之實。但恐為數既多。各屬詳報。不無虛捏。或以無著之款。抵數搪塞。或輾轉推卸。暗地那移。及至閱年既久。仍屬有名無實。錢糧虧欠。倉庫空虛。尚安望其捍衛邊圉。有備無患耶。該督受恩深重。務當認真稽覈。嚴督藩司

責成該管道府即將未完之項趕緊勒限補清。其生息銀兩定以年限補完。提本歸款。著照所議章程覈實辦理。不得任聽屬員以片紙申詳。遂信為銀款已經清結。仍當密委道府大員查訪庫存實在數目。經此次清釐之後。儻再有續虧。無論是否因公。惟有從嚴懲辦。並著落該管上司全數分賠。以重帑項。該督總當破除情面。實力實心。無負朕諄諄訓諭至意。將此諭令知之。○戊辰。

上奉

皇太后幸慎德堂進膳。○諭內閣。昨據吏部議奏五城事宜。業經降旨將城內戶婚田土詞訟案件。均改歸正指揮衙門詳城覈辦。毋許吏目干預。是該正指揮等責任綦重。嗣後著巡城御史留心查察。如該正指揮等有縱容吏役營私舞弊。及才具平庸。不能稱職者。隨時參奏。毋稍姑容。儻該吏目等仍有干預擅受情弊。亦即嚴參懲辦。以專職守而儆官邪。

○己巳諭內閣。御史黃樂之奏各省獲盜保奏人員。請旨嚴飭覈實一摺。各省地方文武員弁。遇有盜劫重案。緝捕勤奮。自應照例送部引見。量加鼓勵。據該御史奏稱近來每多冒功取巧。本管官獲犯無所見長。因將本案贓犯歸於他人。以為同寮見好之地。且有他人獲犯。私行賄售。甚至將所獲人犯嚴刑逼認。朦混邀功。此等弊習。各省均所不免。而廣東廣西福建為尤甚。嗣後著各直省督撫凡

遇屬員獲盜之案。務宜詳加覈實。毋許朦混。如有威逼妄報邀功等情。即著從嚴參辦。至向來獲盜之案。有具題者。亦有專摺具奏者。辦理殊未畫一。嗣後應如何酌定章程。以歸畫一。及該員等獲盜兩次。應如何併案送部引見。以杜取巧之處。著吏部議奏。尋奏嗣後凡遇各直省現任及候補人員。有數次獲盜尚未到部者。令該督撫併案給咨赴部。將該員初次獲盜案由。於引見摺內聲明。請旨其

續獲之案。逐案給予加級。其有前次獲盜引見尚未補官補缺者。續獲之案。仍予加級。無庸調取。至現任獲盜人員。已補所用之官。候補獲盜人員。業經儘先補缺者。又拏獲盜犯。例應調取者。仍照例調取。其前任獲盜之案。無論升補何官。均祇准於現任內給予加級從之。○旌表守正捐軀江蘇豐縣民徐黨莊妻司氏。○庚午。

孝慎皇后忌辰遣官祭

實錄卷三〇九

三八

陵寢。○命吏部尚書湯金釗。戶部左侍郎文慶。教習庶吉士。○辛未。諭內閣。烏爾恭額奏。請將故員應賠銀兩。歸各上司分賠還款一摺。浙江已故海防守備顧振綱。承辦海塘。應賠繳銀二千二百五十六兩零。據該撫查明。孤寡赤貧。若再向追。必致有名無實。自應照州縣虧銀無追之例。歸各上司攤賠。以還墊款。前任杭嘉湖道常德著分賠五成。前任布政使覺羅慶善。前任杭州府知府吳其泰。著各

分賠二成。前任巡撫劉彬士著分賠一成。○諭軍機大臣等。本日有旨。特依順保留京供職。已將奕山簡放伊犁將軍矣。因念奕山之母年逾七旬。該將軍遠隔庭闈。自必情殷陟屺。一半年後。朕必降旨。令伊來京。陛見。現在邊防緊要。該將軍統轄南北各城。政務殷繁。惟當以國事為重。實力操防。妥為撫馭。以期無負委任。將此諭令知之。○以伊犁將軍特依順保為內大臣。加太子太保。命在紫禁城騎馬。以伊犁參贊大臣奕山為將軍。領隊大臣。端多布為參贊大臣。

實錄卷三〇九

三八

大清宣宗效天符運立中體正至文聖武智勇
仁慈儉勤孝敏成皇帝實錄卷之三百八

實錄卷之三百八

三

大清宣宗效天符運立中體正至文聖武智勇
仁慈儉勤孝敏成皇帝實錄卷之三百九

教修

道光十八年戊戌閏四月壬申朔諭內閣賽

實錄卷之三百九

尚阿等奏蒙古職官擅用兵餉被控各情請
分別解任革職嚴審一摺右翼太僕寺總管
那木扎布翼長巴雅爾濟爾噶勒著解任固
山達朋蘇克納木濟勒委署固山達巴圖濟
爾噶勒著革職交該都統等提同應訊人證
嚴行審辦按律定擬具奏○諭軍機大臣等
寄諭大學士署直隸總督琦善給事中朱成
烈奏直隸滄州獻縣俱有賊巢肆意劫奪窩
主為之包庇等語盜賊搶劫財物最為居民

行旅之害。不可不嚴行拏究。著該署督嚴飭所屬認真查拏。按律懲辦。務使有犯必獲。以靖閭閻。將此諭令知之。尋奏。現委員會同地方文武訪緝。據獻縣知縣蔡廷熊稟報。拏獲逃軍張二。在該縣李洛義家窩藏。並究出賊犯耿黑隴。夥犯譚洛連等多名。俱先後緝獲到案。分別定擬。照例題咨。現仍札催滄州嚴密訪拏。不准稍涉遷延。報聞。○又諭。寄諭山東巡撫。經額布。給事中朱成烈奏。山東德平縣夙為賊窟。鄰近俱被其害。寧津尤甚。吳橋東光德州次之。其崇興一村。為首已有十數家。附近各村莊互為聲援。差役往捕。協力抗拒。反捏報捕役為賊。寧津一縣劫盜之案。不可枚舉。車馬等物。價取過半。方准贖回。愚民無奈。因求與賊通氣。出免偷錢。謂之豫包。該匪等多騎快馬。白晝公行。所過村莊。農忙人少。即將騾馬解去。今春有賊人蕭桐拔。白大腳等在寧津地方行竊被獲。亦可根究等語。

盜賊劫奪。最為商民之害。若如所奏該匪徒等蟻聚紛擾。殊堪痛恨。不可不嚴行拏究。著該撫查照摺內所指各情節。督飭所屬地方文武員弁設法偵緝。認真查拏。按律懲辦。不得稍有諱飾。以戢奸暴。而靖閭閻。原摺著鈔給閱看。將此諭令知之。尋奏。拏獲李禿迷等二十三名。供認疊次窩竊勒贖。並無騎馬搶劫。及事主出錢免偷等事。各論罪如律。下部議。從之。○調正白旗漢軍副都統恩銘為鑲黃旗滿洲副都統。以內閣學士琦琛兼正白旗漢軍副都統。鑲藍旗漢軍都統彥德署正紅旗蒙古都統。○調鑲藍旗護軍統領巴清德為正藍旗護軍統領。正藍旗護軍統領雙德為鑲藍旗護軍統領。○賞西安協領花沙布副都統銜。為伊犁領隊大臣。○授一甲一名進士鈕福保為翰林院修撰。二名進士金國均。三名進士江國霖為翰林院編修。○癸酉。

上奉

皇太后幸同樂園進膳。○諭內閣前據御史阿克丹奏請考試宗室步射以勵人材當有旨交該衙門會議具奏茲據宗人府議請嗣後照挑選大門侍衛之例於考驗宗室步射時一體試以騎射等語著該衙門即於本年八月內詳加考驗總不得過一百五十名之數屆時奏聞請旨開看所請馬步箭並試之處朕於下屆再行開看○豫親王裕全因病奏

請停俸得旨著賞給半俸○命工部尚書敬徵馳赴天津查辦事件○以廣東按察使王青蓮為山東布政使甘肅鞏秦階道喬用遷為廣東按察使○甲戌諭內閣裕誠等奏錢局匠役輟工出廠聚集東直門外三里屯鑪神廟內脅眾停鑪不法已極戶部寶泉局鑪匠史瑞李長貴等著步軍統領衙門按名嚴拏送交刑部究辦其廟內僧人清禧著一併拏交刑部嚴行審訊○引見新科進士得旨

一甲三名鈕福保金國均江國霖業經授職外宗室靈桂憚光宸丁嘉葆鍾音鴻林汝舟郭沛霖王履謙徐相劉定裕主塲吳吉昌錢福元支清彥段大章晏端書沈祖懋陳源寬戴鸞翔金昀善倉景恬方墉田雨公梁國琮劉印星曹澍鍾何桂珍吳存義史致諤吳嘉賓童華呂德玉楊和鳴楊福祺董似穀劉琨耀朱右曾毛鴻賓呂官孫孫翔林鍾宜年但鍾良李臨馴梅鍾澍葉聲揚周祖衡蕭尚欽

曾國藩祁宿藻王東槐時大杭俱著改為翰林院庶吉士胡江陳鴻翊孫治簡逢泰王溥李莊高鎮田祥曾元燮寶璽耿曰椿陸希湜劉步駟胡大任俞紹型熙麟延恆吳廷金湯雲林吳雙費凌雲梁啓文劉秉銖王德固顧蘭生錢以同恩麟延齡楊柄鐸李文玕丁希儔宗室聯芳史炳符李萬傑楊搞藻金玉麟俱著分部學習吳嘉淦孫家澤丁浩蕭良駒洪觀馬廷槐張繼灝俱著以內閣中書用張

繼鄒李淳彭世洙宋光伯丁希陶鍾瀛謝蘭生黎崇基孫超李協中高魯主秀毓潘繡熊家彥黃樹賓張方矩主訓金寶樹彭惠疇蔡召南甘熙福陞額張麟劉汝新史丙榮慶雲石贊清招鏡蓉徐辰告萬逢時如山張夢祺廖為庸邱家燧張爾琪翟鳴陽楊松磐劉鍾洛余懷堂劉文麟韓潮李廷樟李湘甲曾希周譚瑛張柳南姬泰聚瑞寶鄒希孟方殿謨尹輝宗主本立李挺芳趙光增高振宛侯亮工馬椿齡張林劉錫光高振洛梁本檀蔡熙王景美張思鏗鄔敏學張景沂余庚陽李永清歐陽山陳圩黃炳忠弓嵩保韓霽張廷杰李正儀李及辰郭名杰李鴻俱著交吏部掣籤分發各省以知縣即用餘著歸班銓選○以都察院左都御史奎照署工部尚書貝勒綿偲署鑲紅旗蒙古都統兵部右侍郎功普兼鑲白旗蒙古副都統調綏遠城副都統特登額為歸化城副都統仍署綏遠城將軍○

以內閣學士道慶為武備院卿○乙亥諭內閣翰林院侍讀以下詹事府庶子以下各員著自本月初十日起每日二員豫備召見如遇外膳日期即改於次日伺候其餘各員以次遞推○又諭嗣後刑部審辦天主教案無論該犯等改悔與否均著該部堂官當堂親訊明確其情願改悔者著即將該犯家內供奉之十字架令其跨越以昭覈實○以都察院左都御史奎照管咸安宮官學事○以捐修湖南鳳凰廳文廟予提督楊芳等議敘○丙子上詣黑龍潭神祠拈香○以都察院左副都御史明訓為察哈爾副都統○以捐建河南河朔書院予道員劉體重議敘○丁丑諭軍機大臣等御史郭柏蔭奏條陳臺灣事宜一摺該府孤懸海外民番雜處奸宄眾多宜擇廉明公正之員方足以資撫馭至於稽察匪徒盤

查倉庫。清案牘。以省株連。嚴巡防。以懲偷渡。杜頂冒。以重操防。所奏各條。著鍾祥飭知該鎮道體察情形。會同妥議具奏。原摺著鈔給閱看。將此諭令知之。尋奏臺灣四縣兩廳有人地不宜者。俱經撤換。奸民偷娶番女。勾串生番擾害內地者。亦經懲辦。並設隘樓以資查拏。各縣虧空。半由逆案軍需那墊。路隔重洋。造冊遲緩。現趕緊飭查。覈實辦理。其內地渡臺人等。俱照例由地方官給發照票。查驗

放行。嚴防偷渡。換班兵丁。訓練嚴緊。亦無頂替離汛等弊。得旨要在覈實認真。原不在徒事更張。勉之。○又諭有人奏雲南臨安府屬之阿迷。蒙自。與開化府屬之文山。及廣西交界地方。阿喇冲。石碑。團山。倒馬坑等處。流民結夥二三百至四五百人不等。搶劫商旅。盜竊居民。地方官畏葸。不敢查拏。該省大吏耳目難周。近有東西兩迤地方。聚眾結拜弟兄。魚肉鄉鄰。姦占婦女等語。如果屬實。殊干法

紀。著伊里布。顏伯燾嚴飭各該地方官認真訪查。如有搶劫匪徒。立即從嚴懲辦。以儆兇頑。至所稱在滇流民。編入保甲。設立保長管束等語。是否可行。亦著妥議具奏。原摺著鈔給閱看。將此諭令知之。○又諭前因中福奏宜禾縣歲需兵糧。不敷支放。請循例採買。當降旨令廉敬體察該處情形。將未經開墾尚堪耕種之地。確切查勘奏明。飭屬招徠勸課。務使歲入之數日增。兵糈之供自足。茲據該

都統奏稱。現已割飭鎮迪道。將該處已開地畝。及歲收糧石數目。詳細查清。並將未開地畝。逐一履勘。尚有可以開墾之地若干頃畝。一併確查等語。著該都統於詳報到日。即行悉心籌議。務令地無曠土。田不汙萊。歲入之糧石。逐漸加增。一歲之所收。即可供一歲之支用。自無庸頻年採買。以節經費。惟該地方官及書吏人等。往往藉採買為侵蝕之計。託詞朦混。致所查有不實不盡之處。該都統務

當秉公覈實。體訪確情。毋任稍有朦蔽。總期兵食充裕。於邊務益臻妥善。帑項不致虛糜。是為至要。將此諭令知之。禮部尚書奕紀等奏遵旨酌議。圓明園三旗新建營章程。並另擬營名請旨。查該營演習技藝之前鋒一百二十名。向習解馬。兼習長槍單刀。今擬定仍習解馬。並習馬上花槍。將別項技藝撤去。披甲人三百名。向習鳥槍雜技。今擬定一百五十名習長矛。一百五十名習單刀。將鳥槍等項撤去。一切事務。向派堂郎中會同三旗護軍統領管理。現查正白旗護軍統領廣敏。管轄較嚴。應請將堂郎中撤去。令該員總轄營務。其兩旗護軍統領。毋庸兼管。以專責成。又擬改操演章程四條。一每旗設立長矛單刀兵各五十名。逐日演習。三箇月後。每月小操九次。大操三次。每年四季合操四次。酌定等第。連次頭等者。加給公費鼓勵。生疏者。裁去。公費鞭責。學無成效者。駁回本旗。馬上花

槍亦一體辦理。一不論刀矛。每十人為一隊。選精熟之人為隊長。進退步法。皆遵本隊隊長指揮。仍責成護軍校二員。分領刀矛隊長。專司稽查。委護軍參領一員。作為營長。管理操演馬匹。護軍參領一員。作為營總管。轄弁兵辦理本旗事務。一彙辦事件。向無檔房公議處所。事屬散漫。現擬立檔房。即令廣敏總辦。由護軍營每旗揀挑護軍校一員。隨同辦理。三年更換。於該營年例。漫價公費銀內。每年春秋二季。各領銀四千兩。為官員兵丁教習工食及修理器械號衣之用。年終覈實奏銷。一向來演習解馬。每旗本有附學幼丁十名。每名月給公費銀一兩。今披甲人等演習單刀長矛。擬每旗亦添附學幼丁十五名。每名月給公費銀一兩。披甲人缺出。於附學幼丁內擇其能者挑補。從之。並命名精捷營。○戊寅

上詣綺春園問

皇太后安。○命於初十日在

黑龍潭

覺生寺設壇祈雨。○已卯諭內閣賽尚阿奏遵旨審辦杭都扎布控案一摺。浩齊特協理台吉噶爾瑪端多布扎木素額爾德尼緯克圖於所管遊牧屢有搶奪案件。未能認真巡察。緝捕又復懈弛。著交理藩院照例議處。○庚辰諭內閣特依順奏請備貯藥鉛等語。密雲上年添設擡礮。並玉田等四處鳥槍。應需藥鉛等項。著准其各添設一年備貯。即於明年請領時附領。照例報銷。該部知道。○辛巳以甘霖渥霈。

上詣

黑龍潭神祠改祈為報。遣惇親王綿愷詣

覺生寺。睿親王仁壽詣

宣仁廟

凝和廟。惠郡王綿愉詣

昭顯廟

時應宮拈香。○鴻臚寺卿黃爵滋奏請嚴塞漏卮以培國本。近年銀價遞增。每銀一兩易制錢一千六百有奇。非耗銀於內地。實漏銀於外夷。蓋自鴉片煙土流入中國。粵省奸商勾通巡海兵弁。運銀出洋。運煙入口。查道光三年以前。每歲漏銀數百萬兩。三年至十一年。歲漏銀一千七八百萬兩。十一年至十四年。歲漏銀二千餘萬兩。十四年至今。漸漏至三千萬兩。此外福建江浙山東天津各海口。合之亦數千萬兩。日甚一日。年復一年。誠不知伊於胡底。耗銀之多。由於販煙之盛。販煙之盛。由於食煙之眾。今如實力查禁。必先加重罪名。聞紅毛國法。有食鴉片煙者。必集眾環視。繫其人竿上。以礮擊之入海。外夷如是。何況中國。應請嗣後內地有吸食鴉片者。限一年內。務各斷絕煙癮。如一年後仍然吸食。是即不奉法之亂民。俱罪以死論。並嚴飭各督撫轉飭各府州縣。清查保甲。豫先曉諭。居

民定於一年後取具五家鄰右互結。如有犯者。准令舉發。給與優獎。儻有容隱。一經查出。本犯照新例處死。互結之人。照例治罪。得旨。著盛京吉林黑龍江將軍。直省各督撫。各抒所見。妥議章程。迅速具奏。○以內閣學士松峻。兼正黃旗蒙古副都統。○除甘肅狄道州水衝田四十二頃二畝。有奇額賦。○壬午。

上御含輝樓。閱吉林黑龍江送到官兵馬步射。

○諭內閣。前據給事中鄭世任奏。湖南右營

遊擊馬辰貪污各款。當降旨交林則徐逐款嚴審。茲據奏該員雖無貪污劣跡。惟於長隨鄭玉放債取利。兵丁替班挑剔得贓。俱毫無覺察。至今屬弁調換馬匹一節。雖馬價訊非勒繳。亦屬不合。馬辰著交部嚴加議處。所有該督題請豫保之處。著即撤銷。林則徐著交部議處。○又諭御史阿林保奏。土棍盤踞衙署。請旨拏究一摺。道光十六年間。土棍鳳眼李二等。盤踞戶部衙署。訛索書吏節規一案。

已照棍徒擬軍。乃結案未久。漏網之徒。復敢串結索詐。實屬目無法紀。所有前案逸犯。著步軍統領衙門暨順天府五城一體按名嚴拏務獲。交刑部審訊。該御史所請嚴定衙署容留匪棍處分之處。著刑部於定案時聲明。請旨。尋刑部奏。牛四等任意藐法。肆行擾害。應從重不分首從。發極邊安置。吏部奏查例載。官員縱容家人等招搖詐騙者。革職。私罪失察家人衙役等犯贓罪。止杖徒者。本管官罰俸六箇月。軍流以上。罰俸一年。斬絞以上。降一級留任。俱公罪。此案御史阿林保奏。請嚴定處分。應請嗣後將失察衙署容留匪徒之該管官。罰俸一年。從之。○命翰林院侍講賈楨授皇六子奕訢讀。○旌表守正捐軀河南葉縣民張廣修媳王四妮。○癸未。諭軍機大臣等。本日據都察院奏。吉林廳民人張麟遣伊子張書紳以朋謀洩忿。濫禁無辜等詞呈控。已明降諭旨。交祥康親提審訊矣。此案

漫商牟鵬九私種秧漫恐伐木人走漏風聲。朦朧請禁止。張麟曾經呈訴。業經該將軍派員挖獲籽漫懲辦完案。該木商張麟等採辦木植距封堆尚遠。何以率據牟鵬九捏稟。遠將張麟等解交刑司收禁。並將牛隻糧石木植各項概行分用。至該處局員兼掌刑司富尼雅杭阿管理地方刑名案件。必當清慎自守。方足服眾。其平日果否與漫商往來朋比勾串。是否有威嚇枉法情事。尤當徹底根究。著

祥康即將該民人所控各情悉心研鞫。無枉無縱。按律定擬具奏。將此諭令知之。尋奏牟鵬九訊無私種秧漫及挾嫌串謀陷害情事。富尼雅杭阿並無與漫商往來朋比勾串。及威嚇枉法各情。張麟採辦木植雖未私入禁山。惟違制越卡實屬妄為。是以前交刑司收禁。現反復研鞫。所控亦未盡得實。張麟應照律杖一百折責發落。下部議從之。又諭本日都察院奏山西五臺縣民人邊藩南遣伊

子邊拒關以弟讎未復等詞。在該衙門呈控。已明降諭旨交申啓賢親提嚴審矣。此案於上年四月間。該民人邊藩南偕徐協五赴都察院具控。當經降旨交該撫審訊。何以至今尚未辦結。茲邊藩南復遣子來京控告。據稱委員回護原審處分。並不據實詳辦。伊與徐協五俱係原告屍親。拖累經年。未獲釋放。現在陽曲縣班館被押殞命者已有七人。徐協五亦患病垂斃等語。各省地方官於人命重

案。自應早為清理。以省拖累。況經京控交辦之案。尤宜迅速研究。以伸冤抑。何至案逾一載。尚未訊結。著申啓賢速將此案提審。並查明該委員等如有回護原審處分有意延宕情弊。即據實參辦。以為玩視民命者戒。將此諭令知之。尋奏此案前因要證未齊。咨部展限。茲復提犯研審。徐有進因徐尚忠調姦伊妻徐閻氏許錢未給起釁。經邊藩吳斥罵。徐有進將徐尚忠之妻徐呂氏邊藩吳及妻徐

閻氏三人扎斃。依例擬絞立決。邊藩南兩次懷疑京控。照不應重律杖八十。徐協五痛母情切。應免置議。委員太原府知府王有壬等並無回護。原審處分亦無庸議。下部議從之。

○廣東巡撫祁埏疏報陽江縣開墾田一十七頃二十六畝有奇。照例升科從之。○甲申上詣綺春園問

皇太后安。○諭內閣前降旨飭令御前大臣等會議南苑章程。茲據該大臣等妥議具奏。嗣後凡遇臨幸之時。除健銳火器二營派出進班兵一百名。仍照例攜帶排槍一百桿外。所有御前乾清門侍衛內兼御鳥槍者。准各帶鳥槍一桿。統於派出隨圍後。查明確數。先行知照御前大臣。總理行營大臣等。以備稽查。虎槍營之御鳥槍十人。仍准各帶鳥槍一桿。向有獵打牲畜野鴨之事。著一併禁止。以杜影射。此外扈從官員人等。概不准攜帶。屆期由御前大臣總理行營大臣詳細稽查。儻查

有私帶鳥槍之員。立即指叅懲辦。至阿哥等學園時。應用鳥槍。及詣達所帶鳥槍。每阿哥名下祇准各帶五桿。仍由該門官兵稽查。並責成隨往之總詣達散秩大臣管理。南苑大臣隨時查察。所有隨帶人等。均不准施放火槍。濫射牲畜。儻聞有施放槍聲。即時查拏究辦。苑內開墾地畝過多。恭養草束不敷刈割。著該管大臣將現種地畝詳查四至丈尺。有無浮開等弊。仍責成三旗苑丞總領章京。及九門章京率同兵丁。查有私扒根植之人。立即懲辦。並著隨時酌量有可拋荒之地。陸續拋荒。以符舊制。至禧恩此次莅任未久。從前管理多年。朕曾屢加面諭。認真整頓。自應力挽積習。經理妥協。乃漫不經心。廢弛疏懈。咎實難辭。禧恩著不必管理奉宸苑事務。仍革去三眼花翎。賞戴雙眼花翎。革去紫韁。仍交部議處。經此次訓諭整飭之後。該王大臣等務當認真經理。力挽積習。以復舊規。勉之。

諭軍機大臣等。向年南苑行圍。麋鹿繁多。近二十年來。麋隻稀少。著盛京將軍。於每年解送鹿隻之便。將活麋十餘隻。或二十餘隻。一併解交。將此諭令寶興知之。○以定郡王載銓。內務府大臣裕誠。管奉宸苑事。○緩徵山東惠民。陽信。海豐。樂陵。商河。霑化。蒲臺。德益。都。博山。臨淄。臨朐。博興。壽光。昌樂。樂安。高苑。安邱。掖。平度。昌邑。濰。高密。萊陽。二十五州縣。被旱。村莊舊欠額賦。○丙戌。諭內閣。祥康奏。添改卡倫。以重防守一摺。前據該將軍因防護漫山。奏請添設卡倫二道。茲復履勘地勢。所設卡倫。難以周密。請量為改設。並繪圖呈覽。著照所請。准其將前擬添設之漂河卡倫。改設於漂河沿封堆旁。渡馬河卡倫。改設於法必拉。再於木欽河沿蜂蜜營。添設卡倫一道。以專責成。該將軍惟當嚴飭所屬認真稽查。儻再有奸民偷越。即行從嚴懲辦。毋得日久生懈。○丁亥。

上御勤政殿聽政。○諭內閣。御史蔡瓊奏。運河沿途營員。藉端需索。請飭查辦一摺。每年軍船北上。沿途添派弁兵。催趲防範。立法極為周密。該御史奏稱。近年沿途營員。自備弁以至總兵副將。靡不需索幫丁。而總兵副將為甚。於重運過境時。藉催趲船隻。查驗水手為名。每幫索制錢三四十千至五六千不等。得錢者免其查驗。否則故為刁難。以致軍船脫幫遲滯。幫丁資斧匱乏。即難免偷漏米石虧短額數情事等語。各省漕船抵通。向皆派員催趲。沿途營員。查驗水手。懲治兇惡。原期行走迅速。無誤限期。若如所奏。是該員弁等藉查驗之名。為誅求之計。以致苦累幫丁。種種滋弊。不可不嚴加懲究。嗣後著漕運總督江蘇山東直隸各督撫。嚴飭各員弁等。務於所轄境內實力催趲。認真查驗。如有怠玩情事。立即叅處。有藉端勒索者。亦即嚴行叅辦。毋稍姑容。將此通諭知之。○修浙江蕭山縣

塘工從巡撫烏爾恭額請也。○己丑諭內閣前因禧恩管理南苑未能妥協當經降旨將禧恩革去三眼花翎紫韁並交部議處茲據吏部議請將禧恩降三級調用自係照例辦理禧恩從前管理奉宸苑多年朕屢經面加訓諭令其認真整頓自應妥為經理力挽頹風乃漫不經心廢弛疏懈咎實難辭禧恩著革去太子太保銜兵部尚書以示懲儆○以故奉恩將軍綿韜子奕芳襲職○調刑部尚書成格為兵部尚書以四川總督鄂山為刑部尚書盛京將軍寶興為四川總督熱河都統耆英為盛京將軍刑部右侍郎惠吉為熱河都統○賞浙江等省丁酉科鄉試年老諸生呂兆璜等五名副榜○庚寅上詣綺春園問皇太后安○調禮部尚書奕紀為戶部尚書仍兼管太常寺鴻臚寺事戶部尚書奕顯為兵部尚書兵部尚書成格為禮部尚書○調盛

京刑部侍郎麟魁為刑部右侍郎兼鑲紅旗漢軍副都統以內閣學士松峻為盛京刑部侍郎○旌表守正捐軀江蘇六合縣民婦周吳氏女吳女河南獲嘉縣民史萬祥妻張氏○展緩福建鹽商帶徵節年積欠銀○辛卯以吏部右侍郎龔守正兼署戶部左侍郎○壬辰諭內閣昨降旨飭令載銓裕誠將南苑新舊開墾地畝何人任內開墾若干等情分晰詳查據實具奏茲據查明開單呈覽南苑為講武重地自應培植林木廣畜牲獸斷不宜增墾地畝該管大臣等受人慫恿妄變舊章其未經奏明率行辦理者固屬有意朦蔽即已經奏明者恃為既有案據豫占地步更屬取巧厥罪尤重朕不難按照各員先後所管年分概行治罪惟歷年廢弛已久該管大臣等或經身故或經解任辦理轉未能平允著加恩自奉旨之日為始予限二年其曾經管理各員及已故各員子孫飭令將各該任

內租墾各戶口。陸續給予贍養資本。諭令遷移。務使所開各地畝。盡行拋荒。亦不准稍有逼勒。致令失所。至此二年內地租銀兩。著加恩豁免。並著奉宸苑刊刻謄黃。徧行曉諭。如限滿未能拋竣。或致別滋事端。朕必將其人或其子孫從重治罪。決不寬貸。○又諭富呢揚阿奏。官捐義倉買糧存貯一摺。前署陝西巡撫湯金釗。暨道府等官共捐銀七千五百兩。於省城添置義倉。以補常平之不足。該撫復捐廉督辦。現將倉廩六座。一律修蓋完竣。自道光十八年始。各官分捐糧價銀兩。按季解交藩司派員隨時採買。計每年可積京斗糧一萬石。其倉穀出納。責成藩司。糧道認真辦理。不准濫行動用。以昭覈實而備緩急。○

癸巳

上幸靜明園詰

龍神廟拈香。○諭內閣敬徵奏革商呈控各款。請飭查辦等語。已革長蘆商人金易呈遞

控狀。牽涉網總運司支發折扣等款。經該尚書逐一查訊。均無實據。其呈控委員蔡傳謹。勒索銀兩一款。是否屬實。著交鍾靈即傳蔡傳謹。回津質訊。並將所控扣平等款。再行詳細查覈辦理。毋稍徇隱。尋奏。訊明蔡傳謹並無得受陋規情事。應毋庸議。革商金易前已另案請發附近充軍。惟欠交課帑未完。應仍飭縣監追。俟完繳後分別辦理。下部議。從之。○又諭。昨因鍾靈奏。參運司被訐報銷不實。

當降旨飭令敬徵馳驛前往查辦。茲據查明覆奏。據稱盤查庫項。並無短少。那移情弊。惟現在銀價日增。售錢易銀。蘆商受累。該鹽政等若概予參辦。恐以有著之標。轉成無著之課。其於奏銷屆限。如有未完畸零之商。先追引窩房契押抵。勒限完交。尚非虛出通關隱飾捏報。惟奏銷時不將未完各商指名參辦。勒限嚴追。咎有應得。鍾靈前經部議降二級調用。著加恩改為降三級留任。文綸部議革

職著改為革職留任。均不准其抵銷。○甲午諭軍機大臣等。御史步際桐奏。山東章邱縣城東南杈杆山內。每於九月十五日會集教徒。初則講經。繼令男女繞壇而走。名曰走壇。晚則同宿大殿中。互相枕藉。達曉始散。又淄川縣城西白雲山內。每於三月初三日。六月初六日。九月初九日會眾。其法與杈杆山略同。二處餘黨蔓延。有數百里外按期投赴者。歸則各於本地招集徒眾。自為頭目等語。愚

民習教傳徒。最為風俗人心之害。若不及早查辦。難保無附從日眾。別滋事端。著經額布嚴飭各該縣。於該匪徒等會眾之期。密赴該處。出其不意。突行查拏。並將經卷名簿一併挖獲。無任藏匿。尤不得先期宣洩。致令聞風遠颺。一經拏獲到案。務當認真研訊。究其餘黨。以淨根株。儻胥役人等借此騷擾。累及善良。著即從嚴懲辦。以戢奸宄。而安閭閻。將此諭令知之。○乙未諭內閣。烏爾恭額奏。請將

知縣道員分別革職嚴議一摺。浙江前署樂清縣事現任布政司經歷王霏。承審命案。將屍身發變。誤認為傷。以致失入絞罪。迨詳准開檢。猶復具稟阻撓。實屬意存回護。王霏著即革職。前署與清縣候補知縣張銑。率聽浮詞。隨同混稟。溫處道曹貽桂。不聽請檢。稟請提究。均屬錯誤。張銑曹貽桂。俱著交部嚴加議處。該部知道。○又諭宗室陸佳氏。因向瓜爾佳氏唾面。嚷罵。捏指不端等情。任意污蔑。致瓜爾佳氏婆媳子女五命。同時淹斃。情節甚慘。據宗人府會同刑部議。罰孀婦錢糧十年。不足示懲。陸佳氏著即實發盛京交管理移居宗室大臣派員嚴行看守。○又諭順承郡王春山。於德里克桑布換戴頂帶之處。誤會例意。率寄信函。使於奉旨明白回奏時。即行據實直陳。其咎尚輕。乃兩次回奏。俱不承認。直俟德里克桑布到京質訊。始將實情供出。實屬有意隱飾。春山著交宗人府嚴加議

處○閩浙總督鍾祥等奏查禁尼庵併銷燬淫詞得旨如此留心整頓不愧簡任朕曷勝嘉悅之至依議妥辦○丙申以京畿得雨未透遣惇親王綿愷詣黑龍潭惠郡王綿愉詣覺生寺睿親王仁壽詣宣仁廟凝和廟慶郡王奕綏詣昭顯廟

時應宮御前行走土默特貝子德勒克色楞詣密雲縣

白龍潭祈禱○諭軍機大臣等有人奏內地人民不盡皆食鴉片而茶葉大黃為外夷盡人必需之物請酌定價值祇准以紋銀交易不准以鴉片及洋貨抵交等語自鴉片流毒中國紋銀出洋之數逐年加增以致銀貴錢賤地丁漕糧鹽課因而交困若不及早防維力圖籌復將以中國有用之財填海外無窮

之壑於國計民生大有關係所奏似屬可行著鄧廷楨怡良會同豫堃揣時度勢密計熟籌於復還財用之中隱寓震懾外夷之意其各省出產茶葉大黃地方應如何稽查轉運設立票據歸沿海地方官員兼管及絲斤出洋一律辦理之處著即悉心籌畫妥議章程具奏不得任聽屬員率以積重難返為詞一味因循阻撓不辦原摺著鈔給閱看將此諭知鄧廷楨怡良並傳諭豫堃知之○修直隸

永定河隄堰壩餞各工從大學士署總督琦善請也○丁酉

上詣綺春園問

皇太后安○諭內閣據載銓等奏查明奉宸苑錢糧那移掛欠請分別交清等語奉宸苑欠交無著利銀前降旨著歷任該管大臣等分別賠交所有原借本銀亦著歷任管理奉宸苑大臣奉宸苑卿分別代交以歸帑項其道光十七年正月起至本年閏四月止欠交無

著利銀。並著該大臣等分別賠交。以後奏銷務須年清年款。不准再有牽混。至南苑本年春季歲修工程。不敷放錢一萬六千四百八十六吊零。查有前任郎中毓泰等掛欠長用。占用等錢一萬六千六百二吊零。著即責令各員分別交納。無庸歸款。即作為補放工程。不敷錢文之用。餘存該苑備用。嗣後遇有歲修等工。著仍照向例分別請估咨領。以符舊制。該苑應領馬乾銀四百八十七兩零。著即在稻田廠租銀項下支給。毋庸由羊草項下動用。○又諭。已革副都統蘇蘇勒通阿。身任二品大員。乃始因為子娶婦。轉託瑞麟致信各旗圖得資助。已屬有玷官箴。復因規避處分。央允瑞麟一人承認。事後措給銀五百兩。尤屬卑鄙。著發往伊犁效力贖罪。以為大員不能潔己率屬者戒。廢員瑞麟聽從蘇蘇勒通阿致信求助。迨經被控。輒敢聽受囑託。不將實情供出。實屬巧詐。亦著發往伊犁效力

贖罪。解任理藩院主事福寬。知情過付。著即革職。刑部左侍郎恩銘。察哈爾都統賽尚阿。於蘇蘇勒通阿授意之處。未能審出實情。著交部議處。○又諭。禧恩自道光初年。即經朕派令管理奉宸苑事務。迨後緣事撤退。旋復令其兼管。是禧恩歷任最久。受恩深重。宜如何實心任事。嚴絕弊端。茲據載銓等查出所屬各員那移掛欠種種弊竇。豈得諉為不知。乃竟一味因循。毫無整頓。辜恩喪良。莫此為甚。本應將禧恩及現任司員等革職審訊。重治其罪。姑念事隔多年。逐款追究。亦屬繁瑣。姑不為已甚之舉。著從寬革去經筵講官。領侍衛內大臣。閱兵大臣。管理理藩院事務。都統。總管內務府大臣。加恩以內閣學士降補。仍管理圓明園八旗事務。其餘各項差使。著一併革退。以示薄懲。其歷任管理及奉宸苑卿。並著載銓等查明在任年月。奏請分別議處。○又諭。鐵麟等奏南糧頭進二進重運船

共計六十餘幫。據報入直隸境者。僅有一幫。其餘俱阻山東境內。現在尚無入關消息。恐到壩過晚。起卸掣肘等語。著直隸總督。山東巡撫。東河河道總督。嚴飭沿河文武員弁。加緊催趲。並令該地方官多雇船隻。以備軍船隨處起剝。儻不及早籌辦。以致臨事周章。貽誤重運。朕惟該督撫等是問。○又諭前因春山回奏隱飾。降旨交宗人府嚴加議處。茲該衙門議以革去王爵。實屬咎所應得。姑從寬

軍機大臣

三

革去都統。罰郡王俸五年。以示懲儆。○調正紅旗漢軍都統奕經。為正黃旗滿洲都統。以伊犁將軍奕山。為正紅旗漢軍都統。未到京前。以貝勒綿德署理。刑部尚書鄂山。兼正藍旗漢軍都統。未到京前。以肅親王敬敏署理。○以禮部尚書成格。管理藩院事。前任伊犁將軍特依順保。為鑲黃旗領侍衛內大臣。閱兵大臣。○以戶部尚書奕紀。管御茶膳房事。工部尚書敬徵。戶部右侍郎裕誠。管造辦處

事。戶部左侍郎文慶。管圓明園事。旌表守正捐軀河南祥符縣民田淋妮妻仇氏。戊戌。

上詔

大高殿行禮。○還宮。○刑部左侍郎劉彬士因病解任。轉右侍郎姚元之。為左侍郎。調禮部右侍郎吳文鎔。為刑部右侍郎。以署兵部右侍郎沈岐。為禮部右侍郎。內閣學士許乃普署兵部右侍郎。○以夏至祭

軍機大臣

三

地於

方澤。自是日始齋戒三日。○己亥。諭軍機大臣等。御史黃樂之奏。廣東湖南兩省交界沿河地面。屢有搶劫巨案。請撥員弁彈壓一摺。據稱廣東自樂昌至湖南宜章地界。止有巡檢並無專設武營。其廣東湖南接壤之區。即樂昌宜章乳源三縣分界之域。匪徒百十為羣。每於分界地面。肆行搶劫。過往客商。時形擄害。現在南韶鎮委千總一員暫駐坪石村彈

壓並無專責。是以搶劫如故。請撥弁兵巡邏。並添募民壯幫護。又請將巡檢衙門移駐坪石村。專司緝捕等語。匪徒聚眾劫掠。最為地方行旅之害。不可不嚴行懲辦。著該督等飭令文武員弁。將各案賊贓。務獲究治。其應否添設員弁。並改駐巡檢衙門之處。並著悉心妥議具奏。原摺著鈔給閱看。將此各諭令知之。尋奏。湖南宜章縣至牛石巖。與廣東乳源縣分界地方。已設卡房二所。撥役巡緝。毋庸添設員弁。改駐巡檢。惟廣東乳源縣之三鵬橋等處。尚須酌撥員弁。移駐彈壓。至宜章縣劫案。業經拏獲分別究辦。現仍飭差巡緝。以絕根株。報聞。○以戶部左侍郎文慶管武英殿御書處事中。正殿事。充文淵閣提舉閣事。○以都察院左都御史奎照為武英殿總裁官。兼管樂部事。工部右侍郎恩桂管國子監事。兵部右侍郎功普管光祿寺事。○庚子。諭軍機大臣等。前有旨。令鍾祥稽查冊封琉球。

使臣家丁並弁兵等有無攜帶貨物情弊。茲據鍾祥奏稱。冊封事宜。現已豫備妥協。其應行稽查之處。該督起程赴浙後。移交魏元烺隨時督率辦理等語。使臣冊封外藩。國體攸關。豈容家丁弁兵帶貨滋弊。著該督於該使臣冊封事竣回國時。仍遵前旨。密飭所屬認真查察。儻該使臣家丁及護送弁兵等有私帶物件及包攬商貨等弊。即著據實按名查拏。嚴行懲辦。不得因差事已竣。稍存消弭之見。致無以杜流弊而儆將來。將此諭令知之。○閩浙總督鍾祥等議奏。整頓閩省漳泉等處盜匪及械鬪章程。得旨。認真督飭辦理。有奉行不力者。萬勿姑息。

大清宣宗效天符運立中體正至文聖武智勇
仁慈儉勤孝敏成皇帝實錄卷之三百九

實錄卷之三百九

三六

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十

恭奉 宣宗成皇帝實錄卷之三百十

宣宗成皇帝實錄卷之三百十

宣宗成皇帝實錄卷之三百十

宣宗成皇帝實錄卷之三百十

宣宗成皇帝實錄卷之三百十

秋

道光十八年戊戌五月辛丑朔夏至祭

地於

方澤

上親詣行禮○詣

覺生寺拈香○幸圓明園○詣綺春園問

皇太后安○諭內閣○昨因僧格林沁奏參親軍

扎克達那私赴直隸晉州知州伊父任所看

病當即查明福克津並未公同商酌畫稿咨

行率行給假已降旨將福克津交部嚴議矣

扎克達那身為親軍如果私行出境應即拏

交刑部治罪。即使請假省親。亦應回明管轄大臣。公同照例覈辦。乃止回明福克津一人。遽行出京。殊屬膽大。扎克達那著即革退親軍。並著琦善派員押解回旗。毋許逗留。○癸卯。

孝誠仁皇后忌辰。遣官祭。

景陵。○諭內閣。琦善奏請將驍騎校佐領分別革職。解任歸案。嚴審一摺。鑲藍旗驍騎校莫爾賚阿與己故馬甲慶陞之子阿齡阿互控地畝一案。莫爾賚阿身係旗員。輒敢串通家奴捏造契紙。朦報地冊。欺隱狡控。不休顯係恃符狡飾。至老園旗地。全以旗檔為憑。若僅聽本人自報。勢必真偽混淆。該佐領花里雅遜布並不詳查。率據本人自報入檔。鈐用圖記。其中顯有情弊。驍騎校莫爾賚阿著革職。佐領遵化營遊擊花里雅遜布著解任。交該署督督同兩司提集案內人證。嚴審確情。按律定擬具奏。○又諭琦善奏請將知州摘去。

項帶等語。本年南運河水勢淺涸。沿河州縣自應設法挑濬。多備剝船供用。以期無誤漕行。據查直隸景州知州常謙派雇剝船短少。率將山東省剝船截用。並未稟明。實屬朦混取巧。常謙著摘去頂帶。仍責令上緊添雇民船備剝。認真挑淺。如再貽誤。即行叅革。示懲。至運河來源細弱。水勢有消無長。自屬實在情形。如果各該州縣竭力認真。或多集民夫挑挖。或築壩束水。並多備民船供剝。以期隨到隨行。何虞人力難施。該署督仍當嚴飭天津道及該委員等。督率妥辦。毋許心存諉卸。如有挑濬不力。及雇剝短少。即隨時據實嚴叅。以儆玩愒。而速漕行。○又諭御史王宜稷奏考試漢教習屆期。請整飭場規一摺。此項考試。原為教習各官學生培養人材。關係甚重。如該御史所奏。近日考試。每有雇倩槍替。換卷傳遞。代書代作等弊。若不亟加整頓。何以拔真才。而資師範。本年考試屆期。辦理收。

卷仍憑同鄉官印結。其正場及覆試出結官均著赴點名處識認。並著承辦衙門先期傳知。不准託故不到。如無識認官。即將該士子扣除點名。所有託故不到之識認官。應得處分。禮部覈議具奏。該監試御史務於士子進場後。率同禮部司員嚴密關防。查對卷面坐號。逐號稽查。如有亂號槍替等弊。立即嚴拏懲辦。毋得視為具文。尋奏。自此次考試教習為始。正場及覆試出結識認各官。如有託故

不到者。除將該士子扣除外。其識認不到之員。比照外簾官推託不赴之例。罰俸一年。從之。○諭軍機大臣等。奕山等奏豫籌添墾地畝一摺。伊犁每歲需放官兵口糧。日久漸形不足。據該將軍等查明額魯特愛曼所屬有塔什圖畢地方。約計長三十里。寬五六七里不等。頗可耕種。開渠引水。足資灌溉。擬將此項地畝。即令所撥回戶承種納糧。足以彌補口糧。且可漸有贏餘。藉資積貯。此乃經久善

策。該將軍等能見及此。甚屬可嘉。該處既有可耕地畝。自宜設法開墾。多多益善。該將軍等務當妥為籌畫。勉力而行。以副委任。其應如何開石濬水。劃畝徵糧之處。著再詳細履勘。妥議章程具奏。將此諭令知之。○甲辰以京師得雨未透。遣惇親王綿悛詣

黑龍潭。惠郡王綿愉詣

覺生寺。睿親王仁壽詣

宣仁廟。

凝和廟。慶郡王奕綏詣

昭顯廟。

時應宮祈禱。○乙巳撥湖北襄陽縣籌捐錢十萬串。發商生息。為襄河防險經費。從總督林則徐等請也。○丙午

上詣

黑龍潭神祠拈香。○諭內閣。福克津於親軍扎克達那請假時。並不公同商酌。畫稿咨行。率行給假。實屬玩法自專。擅作威福。著革去

領侍衛內大臣都統仍照部議罰世職半俸十二年免其降調世職○以葉爾羌參贊大臣恩特亨額為鑲黃旗蒙古都統實授彥德正紅旗蒙古都統以貝勒綿恩為正白旗領侍衛內大臣○丁未諭內閣據寶興奏近年銀價日昂紋銀一兩易至制錢一串六七百文之多由於奸商所出錢票註寫外兌字樣輾轉磨兌並無現錢請嚴禁各錢鋪不准支吾磨兌總以現錢交易以防流弊等語著步軍統領衙門順天府五城會議具奏尋奏應請嗣後凡有開設錢鋪仍照舊由大宛兩縣查明是否殷實取具五家互保甘結如有一家歇業即令所保之家報明另補一家如有隱匿不報查出治罪設有開閉錢鋪無論財主管事人鋪夥到案先行枷號仍勒限兩箇月開發票存錢文如奸商捐有頂帶先行咨革以便枷示雖遇熱審及封印期內仍照常枷號如限內開發完竣方予省釋頂帶一併

開復若限內不能開發完竣送交刑部將該犯照例擬軍不得輾轉再行討限其票存錢文仍行文原籍追產賠交併令互保之四家代為開發如此嚴定章程使奸商知所畏懼自不敢故昂銀價虛出錢票矣從之○諭軍機大臣等本日據都察院奏廣東普寧縣生員孔憲周以恃強肆法歷控無伸等詞赴該衙門具控已明降諭旨交鄧廷楨怡良親提審訊矣據該生員控稱普寧縣和尚寮居住之監生陳鵠結盟聚會擾害平民有陳效陳牙秀陳訓秀陳阿深等相助為虐道光十二年間縣役李晃奉差往捕被陳鵠糾眾抗拒殺傷身死十五年該生員之父孔昭猷不肯聽從入會該匪徒等膽敢尋釁疊次逞兇前後被殺大小三命並搶奪衣物強割田禾拆毀房屋甚至擄人勒贖下毒井中控官四載該縣不敢擒拏以致該兇徒等橫行如故等語案關棍徒擾累地方如果屬實大為閭閻

之害。著該督等嚴飭所屬各員密速查拏確切根究。僅所控得實。即行按律懲辦。以儆兇頑。至所稱曾在本府控告十五次。本道控告七次。臬司衙門控告一次。巡撫衙門控告八次。潮州鎮及總督衙門各控告四次。均未親提。如果該府道即為辦理。何至上控督撫兩司。如該督撫等即為親提。何至該生至京呈控。是該省各官玩視民瘼。已可概見。並著該督等提齊各衙門卷宗。據實查明。因何疊經

控訴。拿懸四載。延擱不辦。毋許稍有諱飾。將此諭令知之。尋奏提訊陳鵠。疊次糾眾拆毀孔憲周田屋。並毆傷孔亞美。孔慶日二人。擄捉孔亞陣等三人。應從重發遣新疆給官兵為奴。餘論罪如律。孔憲周呈控拜會拒差。減屍各重情不實。旋即自首。依募越赴京告重事不實例。減一等擬杖徒。下部議從之。○戊申。

上詣綺春園問

清 實 錄 道光十八年五月

皇太后安。○廣西提督薛陞奏報按印日期得旨。邊疆緊要。武備為先。認真操防。萬不准稍有懈弛。懷之。○己酉。遣肅親王敬敏。惠郡王綿愉。瑞郡王奕誌。於十三日分詣

天神壇

地祇壇

太歲壇祈雨。○諭內閣。京師入夏以來。雨澤稀少。疊經降旨設壇祈禱。復親詣

黑龍潭拈香。得雨數次。未能霑足。宵旰焦思。

時深殷盼。朕惟清理庶獄。亦足感召。和甘從前。京畿雨澤愆期。曾降旨將軍流以下人犯減等發落。茲宜載頒寬典。用廣法外之仁。除積賊及各省軍流以下人犯。此次毋庸一律查辦外。著刑部即將直隸一省及部中審擬軍流等罪。已未到配官常各犯。詳查原案。無論遠年近年。擇其情有可原者。開單具奏。候朕量加寬宥。至刑部現在收禁人犯。若因未經定案。久繫囹圄。疾病顛連。情殊堪憫。著該

八二七

部審度案情。其有問徒以下輕罪人犯。及干連侍質例。應取保候審者。立予清理。省釋。毋稍稽滯。此外尋常案件。並著速行審結。不得遷延羈禁。以示矜恤。而迓祥和。其上年失足脫肩。致落亭頂之鑾儀衛校尉張士英。一犯姑念事出無心。加恩貸其一死。並著減等發落。該部即遵諭行。○又諭。此次考試各學漢教習。已派御史清平。文繡。萬超。朱其鎮。步際桐。周頊。入場監試。考試教習。非若鄉會試有監臨知貢舉等官。稽查弊竇。全在派出御史嚴行查察。場規肅清。則真才自出。所有此次考試著責成該御史等實力稽查。務除從前積習。儻有弊端。別經發覺。惟該御史等是問。嗣後每屆考試教習之期。著禮部於請派監試後。即恭錄此次諭旨。傳知派出之監試御史。實心辦理。庶不致日久視為具文。○又諭。祥康奏請將原設卡倫改移緊要隘口。並繪圖呈覽一摺。保護蜂蜜場之涼水泉卡倫。迪

西二十餘里。花園山北銼草頂子地方。山徑遼闊。易於偷越。拉林河沿饅頭頂子卡倫與團山子卡倫相距七十餘里。稽查尤為難周。該將軍請改設卡倫以資防範。著照所請。所有一道河卡倫。著那於蜂蜜場花園山北銼草頂子安設。古井子卡倫。著那於拉林河沿饅頭頂子卡倫。團山子卡倫。適中兩河口地方安設。以分界址。而期嚴密。○庚戌。命江寧布政使楊簧來京。調江蘇布政使唐鑑為江寧布政使。以服闋。布政使牛鑑為江蘇布政使。○辛亥。以甘霖。渥沛。遣鄭親王烏爾恭阿詣黑龍潭。吏部左侍郎桂輪詣白龍潭。惠郡王綿愉詣覺生寺。睿親王仁壽詣宣仁廟。凝和廟慶郡王奕綏詣昭顯廟。

時應宮報謝○諭軍機大臣等寄諭大學士署直隸總督琦善京師及畿輔一帶入夏以來雨澤稀少疊經祈禱荷蒙

昊眈於初九日夜間得有雷雨至昨日申刻渥沛甘霖直至子刻方止甚為酣暢據順天府奏報五寸有餘實深寅感惟近畿亢旱朕心時深塵注現在畿南一帶果否得雨是否一律透潤即著迅速據實具奏以慰朕念將此諭令知之○壬子諭內閣本日刑部遵旨將

張士英減為杖徒該犯年逾七十照律收贖已依議行矣惟事關典禮所有執事人役自應挑選年力精壯者指派若以衰老充數必致貽誤嗣後凡遇典禮各該衙門堂官務當飭令司員認真查看該人役等如果強壯便捷方准派充差使毋得仍前玩忽以重典禮而肅觀瞻○緩徵山東歷城章邱長清德平齊河齊東臨邑陵邱德商河益都臨淄臨朐昌樂樂安平度昌邑高密濰萊陽惠民陽信

海豐樂陵霑化鄒平長山濟陽恩三十州縣及屯坐各衛被旱歉區新舊額賦○癸丑以甘霖渥沛遣肅親王敬敏惠郡王綿愉瑞郡王奕誌分詣

天神壇

地祇壇

太歲壇改祈為報○遣官祭

闕帝廟○諭內閣刑部左侍郎恩銘察哈爾都統賽尚阿於蘇蘇勒通阿授意之處未能

審出實情係屬受人朦混著照部議罰俸一年不准抵銷嗣後部院大臣經朕派往各處查辦事件總須秉公研究細心確查方為不負委任倘有瞻徇情面及被人朦蔽等弊一經發覺必當徹底根究重治其罪不能倖邀寬典也○允大學士阮元致仕賞半俸○命協辦大學士戶部尚書王鼎為大學士仍管刑部事調吏部尚書湯金釗為戶部尚書命協辦大學士兵部尚書朱士彥為吏部尚書

以都察院左都御史卓秉恬為兵部尚書刑部左侍郎浙江學政姚元之為都察院左都御史姚元之未到任前以卓秉恬兼署轉刑部右侍郎吳文鎔為左侍郎以內閣學士許乃普為刑部右侍郎命無庸在南書房行走○命工部右侍郎廖鴻荃提督浙江學政○甲寅

上詣綺春園問

皇太后安○諭內閣關聖保等奏達賴喇嘛現

已圓寂所有每年恩賞銀兩應否停止一摺此項賞給達賴喇嘛銀兩本因衛藏添設唐古特兵丁需用經費歷年在辦公項下支給銀一千兩俾用度充裕今達賴喇嘛雖已圓寂其每年恩賞銀一千兩仍著照舊賞給○以工部左侍郎沈維鐫兼署錢法堂事務○乙卯諭內閣鐵麟等奏運河淺阻請飭籌水濟運一摺漕船往返全資河水浮送自應豫為籌備庶免臨事周章上年疊經降旨令直

隸山東各督撫河東河道總督於回空軍船全數南下後確加履勘分別疏濬挑挖務使處處深通本年據臬毓美奏稱長河各工一律深平又據經額布奏稱業飭司泉各員疏濬泉渠以資補助如果屬實何至漕船一經入境輒復節節阻滯而泉湖各水竟不能源源接濟是該河督等未能先事認真籌辦以致儲蓄未充動形淺滯實屬咎無可辭經額布臬毓美著先行交部議處現在軍船連檣北上期限孔迫其應如何設法籌水添雇剝船之處著琦善經額布臬毓美嚴飭所屬趕緊籌畫總期剋日通行抵通無誤斷不准藉口水短人力難施致有停擱脫幫等弊倘重運到壩遲延將來回空稍有貽誤必將經額布臬毓美重治其罪決不寬貸○大學士署直隸總督琦善奏畿南得雨情形得旨京師自初十日以後連日雲陰濃厚間有雷雨頗覺滋潤惟有仰祈

天貺通省連沛甘霖秋成可卜以補麥收之歉
薄朕齋心默禱以待

恩命未霑之區一經得雨即行奏報○旌表守
正捐軀安徽靈璧縣民王大魁妻田氏○丙
辰諭內閣栗毓美奏通籌全局宣蓄濟運並
查明各湖存水尺寸各一摺據稱汶衛兩河
來源未長河道地勢建瓴現於閘內設立按
牌添築草壩節節攀蓄在後幫船無須急急
出閘以致走洩水勢阻滯後船轉有欲速反
遲之弊已將臨清閘板暫行嚴閉以資蓄水
養船俟汶衛見長再行併塘打放向年汶水
漲發北路歇板通漕每日出閘多至數幫惟
患南路之船不能跟接不患北路之船再有
阻滯現在三進重船急待微山湖宣濟上行
檢查成案水小之年各湖均儘南路宣濟迨
至挽入順水即稍有停待河道甚長儘足容
納且雨澤萬一稍穰南路無船需水即可嚴
閉寺閘逼令湖河之水全數北趨於幫船出

閘定可浮送不誤又稱微山湖現在存水九
尺三寸較之定誌已短四尺餘寸請俟全漕
挽過韓莊即趕築攔河大壩收水入湖其餘
蜀馬等湖凡收水各引渠早經挑挖深通往
後大雨時行來源暢旺即可廣收備濟等語
均著照所議辦理惟現在節屆小暑漕船北
上期限孔迫該河督惟當督飭道廳通盤籌
畫相機妥辦總不准藉稱雨少人力難施稍
滋諉卸儻重運抵壩遲延以致回空軍船有
逾例限朕惟該河督是問並著直隸總督山
東巡撫嚴飭所屬於軍船入境時認真催挽
多雇剝船以期剋日遄行連檣北上毋得稍
存怠玩致干咎戾○又諭栗毓美奏估築攔
河大壩豫籌收水一摺東省微山湖本年啓
壩存水本已短於定誌江南邵宿運河水勢
又復短絀節經添啓湖板接濟漕行截至五
月初一日止該湖存水僅九尺二寸五分其
未入東境軍船尚有三十餘幫仍須迎濟北

上不免續有遞消。於本年回空。及來年重運儲濟。恐有不敷。自應豫為籌備。著照所請。准其於韓莊閘上。朱姬莊迤南。估築攔河大壩一道。俾上游各路泉河。及運河南注之水。全行攔入微山湖。以資儲蓄。該河督即飭廳員購辦工料。俟重運過竣。回空未來。趕緊堵築。收符一丈四尺定誌。即行啓壩通舟。所有估需銀一千三百七兩零。准於道庫節省八束項下支銷。該部知道。○又諭。裕誠等奏。銅運

中途沈溺。及交局短秤。請即舊章量為變通一摺。滇省辦運京銅。准帶餘銅一項。或補短秤。或補沈溺。例文與章程向未畫一。近來各運委員沈溺過多。若准餘銅先補短秤。俾免短折處分。易啓玩視公務之漸。於京局額鑄大有關礙。嗣後遇有沈溺之運。俱著將所帶餘銅。儘先抵補沈溺。抵收有餘。方准添秤以示節制。此次運員陳步賢等所短秤頭銅斤。著即行文該省。責令該員按數賠繳。並著雲

貴督撫迅即飭令。按限完繳。買銅補解。以清款項。嚴飭各該運員。以後務須小心管解。毋致疏虞。如各該運遇有遭風沈溺等事。即著沿途各督撫。派委道府大員。親往履勘。嚴督上緊打撈。毋任捏報隱飾。至折耗銅斤。秤不足數。著戶工兩局。統合該運額解銅數計算。照例辦理。以歸畫一。而昭公允。○旌表守正捐軀浙江諸暨縣民袁富媳趙氏。○丁巳諭。內閣。梁章鉅奏。實缺總兵久未到任一摺。廣

西石江鎮總兵滿承緒。於上年十月間。簡補該鎮員缺。何以迄今尚未到省。著該旗查明該員於何時出京。並著直隸河南湖北湖南沿途各督撫。查明該員因何逗留。現在何處。飭令迅速赴任。毋再遲延。○諭軍機大臣等。本日據伊里布等奏。緬甸內訌情形一摺。緬甸國王孟既襲國已久。現因病廢。欲讓與其弟孟薩鴉佈低襲國。近復有親屬目官開闢之事。前曾遣目至九龍江。欲令車里土司帶

練赴緬鎮撫。經迪南道會鎮曉諭該目內地土司。從不越赴外域。辦理尚為妥協。該國襲替內地。向不置問。惟現在是否已定讓襲。有無另滋爭端。著該督撫嚴飭騰越文武各員。督飭土司撫夷查探明確。並於沿邊關隘率練巡防。毋許出邊滋事。僅有目夷竄至。立即諭遣。毋得任聽一人入邊。其普洱一帶。亦著分飭文武各員督率土司目練一體巡查。無稍疏懈。以重防守。而靖邊圉。將此諭令知之。

○戊午。免塔爾巴哈台被災蒙古部落賠補牲畜。○己未。福建巡撫魏元烺疏報閩侯官海澄彰化四縣開墾田三十一頃五十七畝有奇。照例升科。從之。○庚申。旌表守正捐軀河南商邱縣民程之文妻韓氏。○辛酉。

上詣綺春園問

皇太后安。○壬戌。諭內閣。琦善奏請飭銅鉛船隻停讓漕船等語。銅鉛船隻鼓鑄攸關。原屬緊要。惟較重運軍船。關繫回空歸次新漕待

兌者。究屬有間。現當河道淺涸之時。自宜權其輕重。著經額布遇有銅鉛船隻。即令在臨清閘內外河面寬闊處所。暫行停讓軍船。將來水勢增長。再令插檔前進。以期無礙漕行。○諭軍機大臣等。前據栗毓美奏請嚴閉臨清閘板。以資蓄水養船。俟汶衛見長。再行相機併塘打放。已有旨依議行矣。本日據琦善奏稱。現在軍船挽入直隸境者。僅止三幫。第四幫船行至戴家閘地方。淺攔頂阻。迄今二

十餘日。尚未行動。似此節節脫空。壓前積後。將來回空限迫。始行銜尾北來。直隸河道寬闊處少。既難方舟並行。同時擁擠。前來沿途所雇民剝。難期輪轉。即倉場起卸。每日亦不過三萬餘石。斷不能剋日完竣。又該河督前奏。既稱閘外添築草壩九道。節節擎蓄。又何至啓攸閘板。即至一瀉無餘等語。漕糧為天庾正供。抵壩回空。均有定限。該河督前請嚴閉閘板。自係為浮送在後軍船起見。惟現經

出聞各幫梗塞河干。專待水長。若不及早籌畫。俾得接續進行。亦未免顧此失彼。該河督惟當不分畛域。通盤籌議。趕緊設法濟運。現屆大雨時行。河水自必漲發。迅即相機妥辦。毋得拘泥前奏。稍滋延誤。如將來到壩擁擠。起卸不及。以致回空逾限。朕必重治。栗毓美辦理貽誤之罪。決不寬恕。並著琦善經額布嚴飭所屬相度機宜。認真挽運。並多雇船隻。源源迎剝。斷不准藉口水短。稍存諉卸。將此

各諭令知之。○癸亥

孝恭仁皇后忌辰遣官祭

景陵。○諭內閣。昨據都察院奏。民婦穆陳氏。以伊夫穆齊賢在惇親王府內囚禁等詞。赴該衙門呈控。當即派載銓奕紀聯順隆文分往惇親王寓園府第。將開單各犯按名查拏。本日據載銓等覆奏。並開單呈覽。所有寓園起獲原單有名者十三名。單內無名者三名。府第起獲原單有名者三十一名。單內無名者

二十九名。及現獲之全順。即安保全路。即定保希孟著交軍機大臣會同刑部隔別嚴訊。務期水落石出。斷不准稍有不實不盡。其未獲之太監李秋澄。並寓園單內有名未獲之扎拉杭阿。王姓張三。太監王安。府第單內有名未獲之壽普。全安。塔克清。阿曹。姓柳。姓德隆。太監龐眉。張如。瓶。著步軍統領衙門。順天府五城。迅即嚴拏。務獲歸案審辦。○又諭福泰等。奏援照裁撤成案。請量為調劑一摺。此

次酌裁熱河官兵。前經賞給隨缺地畝。茲據福泰等奏。此項地畝。俱係佃戶耕種。視為恆業。若令將地退還。恐官兵得地而不蒙實惠。民佃退地而勢必流離。自係實在情形。著照所請。所有此次裁撤官兵。准其援照道光十二年成案。暫食原餉。遇有缺出。即行扣除。毋庸挑補。其隨缺地畝。挑補餘丁。以資養贍。即於奉旨之日為始。遇有應裁處所官兵缺出。即行扣裁。現懸苑副二缺。即由在裁處所之

苑副內揀選轉補所遺之缺並現懸外廟千總一缺一併扣裁均俟扣足酌裁額數遇缺再行揀選引見該衙門知道○又諭本年江西吉安幫船行抵清江浦失火延燒幫船六隻實屬疏於防護總運官江西廣信府同知徐澂著降一級留任清河縣知縣唐汝明著罰俸一年舊城汛千總查炳榮著照例每隻罰俸一年兩江總督陶澍漕運總督周天爵河道總督麟慶未能先事豫防著各降一級留任所有各員應得處分俱不准其抵銷○以拏獲盜犯予浙江知縣陸模等議敘○甲子以拏獲太監李秋澄等賞八品番子陳裕七品銜○乙丑諭內閣賽尚阿等奏馬羣虧短援案酌籌辦理一摺太僕寺右翼馬羣被災倒斃一千八百九十一匹據該都統查明請照例按款籌買以符原額著照所請准其在口北道庫貯閒款項下撥借銀一萬四千兩每匹照例作價銀五兩五錢即著賽尚阿

等派委妥員協同該總管等如數採買臄壯馬匹分補被災各羣以資牧放其餘銀三千五百九十餘兩著賞給被災窮苦蒙古俾資生計所借銀兩自應於虧短馬匹之正黃鑲紅二旗官兵俸餉內坐扣歸款惟該翼本有前借口北道庫貯並戶部坐扣馬價銀兩分限接扣若將此次借項銀兩與前項併扣各蒙古生計未免拮据著俟部扣馬價完竣後再將此次所借銀兩與前借口北道庫貯銀均自道光二十四年起統予限十四年每年扣還銀二千二百八十五兩零以清款項所有倒斃馬皮即賞給被災蒙古變價以示體恤該總管翼長等於馬匹被災虧短均難辭咎所有前經交部議處之四品總管那木扎布著先行降為五品頂帶五品翼長巴雅爾濟爾噶勒著降為六品頂帶均仍聽候部議正黃旗委署固山達巴圖孟克鑲紅旗護軍校兼收長德木伯呼勒及牧長等均著暫行

革去頂帶並將牧長牧副牧丁人等分別鞭責示懲仍著加恩准食原俸俾得坐扣分賠借項如將來息多耗少再由該都統等查明奏請開復○又諭本日據禮部議准四川成都駐防旗學添設廩增額數已依議行矣各省額設駐防相沿已久立意深遠自應以騎射清語為重其中果有文藝優長固當勉加鼓勵而操練弓馬學習清語是其本業嗣後各將軍等於駐防人員務當飭令認真學習

操練俾臻純熟不得拋荒本業毋負朕諄諄訓誡至意○又諭前據善英奏乍浦戰船有頂補誤操情弊復據桓格奏稱善英於戰船損壞咨覆先後兩歧疊經降旨交鍾祥查明據實叅辦茲據該督說明浙江乍浦營參將姜希佩因風壞一船輒即回明副都統借船頂補迨船被潮擊猶敢捏報遇颶實屬有乖職守署守備童載瑜扶同捏稟亦屬玩誤姜希佩童載瑜均著革職以示懲儆外委張維

揚陳倫貴高貴三首先捏稟均著斥革乍浦副都統善英看演水操於鞏字號內配有同安一船如果明知頂補當時並不舉發事後輒以究出為詞率行飾奏固屬有心朦混若竟未經看出尤為憤憤且於查奏謚字戰船一案亦有不實難勝副都統之任著交部嚴加議處先行開缺回旗聽候部議杭州將軍桓格於姜希佩面稟風勢不順並不親往察看即所奏善英函覆兩歧亦係該將軍失查

致誤桓格著交部議處○又諭鍾祥奏遵旨查驗戰船請將修不如式之承辦同知革職勒賠一摺浙江嘉興府海防同知吳方文承修謚字戰船尚無侵欺別情惟修理未能如式各實難辭著即革職並勒令將原領大小修銀兩全行賠繳交接任之員興修○予故大學士原任伊犁將軍長齡入祀惠遠城祠從將軍奕山等請也○丙寅諭內閣昨因都察院奏民婦穆陳氏呈控悖親王府第寓園

囚禁多人當即派戴銓等前往分查起獲各名較之所控單內幾至兩倍現已交軍機大臣會同刑部審訊該王理應具摺請罪乃於次日呈遞摺件並求召見朕未經允准本日朕在出入賢良門閱看兵部引見人員該王亦未免冠叩頭請罪實屬膽大無禮惇親王綿愷著交宗人府先行議處嗣後該王如有呈遞摺件奏事處不准接收僅在軍機處遞呈軍機大臣等亦不准接收○吏部以大學

士王鼎應定何殿閣請得旨穆彰阿著為文華殿大學士潘世恩著為武英殿大學士王鼎著為東閣大學士○丁卯給熱河被水官兵房屋修費○戊辰

上詣綺春園問

皇太后安○諭內閣前經降旨將惇親王綿愷先行交宗人府議處茲據敬敏等定議具奏綿愷著革去內廷行走宗令都統閱兵大臣及各項差使仍照議實罰親王俸三年不准

抵銷○又諭奕綺奏已故奉恩鎮國公綿疆之妻完顏氏名下議令奕禮分給藍甲二十副宗人府筆帖式奕文名下議令奕禮分給藍甲六副並撥護軍校二名分給兩家看守園寢之處均著照所議辦理○又諭烏爾恭阿奏理藩院筆帖式恩特恆額稟控該衙門員外郎慶廉前在恰克圖差次因事許謝銀兩不肯清還並牽涉參領等勒令和息一案著交刑部審訊所有應訊人等均著聽候傳

質尋奏訊得慶廉因帶案至庫倫急於回任託恩特恆額早為結案口許幫銀請交部嚴議恩特恆額允為囑託求情事隔多年屢次索銀請革職從重發往軍臺效力贖罪佐領扎清阿參領石城等既輟轉說合於先復准令和息於後均按律笞四十從之○諭軍機大臣等前經降旨將烏爾德善補授寧古塔副都統該員到任後著祥康留心察看是否勝任據實具奏毋稍遷就將此諭令知之尋

奏查該員到任已逾三月。詳細體察該處文報。並訪查該副都統烏爾德善熟習地方情形。認真辦事。均無貽誤。報聞。○以宗人府左宗正敬敏為宗令。充

玉牒館總裁官。轉右宗正仁壽為左宗正。以鄭親王烏爾恭阿為宗人府右宗正。○調鑲黃旗漢軍都統奕紀為正白旗滿洲都統。鑲紅旗蒙古都統敬徵為鑲黃旗漢軍都統。以戶部右侍郎裕誠為鑲紅旗蒙古都統。○己巳

軍機處

三

諭內閣御史黃樂之奏請嚴禁偷漏倉糧弊端。一摺。漕糧為天庾正供。顆粒不容偷盜。若如該御史所奏。各倉漕米出入處所。匪徒串通看街兵役。於糧米車輛必由之處。並不修墊。且故意刨挖深坑。淤泥蓄水。覬覦翻車破袋。向車夫需索搬扛。肆行偷截。營弁無從過問。街兵包庇分贓。種種弊端。必應嚴加防範。著步軍統領衙門責成專管地面之左右正副翼尉督率弁兵。各處嚴緝匪徒。並於九門

內街道兩旁坑窪處。所隨時一律墊平。毋任傾陷糧車。如查有攔路偷截米石及串通兵丁故縱情弊。即行拏究。並將失察之該班弁兵從嚴叅處。以杜偷漏而慎倉儲。○調正白旗滿洲副都統恩桂為鑲白旗滿洲副都統。鑲白旗蒙古副都統功普為正白旗滿洲副都統。以正紅旗漢軍參領白文治為鑲白旗蒙古副都統。○調鑲白旗護軍統領博多歡為正黃旗護軍統領。以鑲白旗蒙古副都統阿保為鑲白旗護軍統領。○以禮部尚書奕紀為閱兵大臣。

軍機處

三

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十

實錄卷三百十

三十二

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十一

敘修

道光十八年戊戌六月庚午朔 辛未命和

閔辦事大臣法豐阿來京以哈密幫辦大臣
興德為和閔辦事大臣賞已革乍浦副都統
善英藍翎侍衛為哈密幫辦大臣○蠲緩四
川馬邊雷波屏山三廳縣上年被災滋擾田
地新舊額賦有差免馬邊雷波三廳商丁補
解銅鉛○壬申諭內閣琦善奏請將推升都
司之守備仍留本任等語直隸天津鎮標左
營守備李慶隆經部推升浙江麗水營都司
據該署督查明該員弓馬輟弱難勝都司之

任惟整飭營伍於本任尚無貽誤李慶隆著即撤銷推升准其仍留本任所有浙江麗水營都司員缺著兵部照例辦理至李慶隆於都司既難勝任其現任守備何以即能稱職著該署督隨時留心察看儻稍有懈弛即行據實叅奏毋稍姑容○癸酉修黑龍江排船從將軍哈豐阿請也○甲戌

上詣綺春園問

皇太后安○諭軍機大臣等前據栗毓美奏稱

軍機大臣

運河水勢短絀籌辦嚴閉閘板蓄水養船當降旨飭令該河督等不分畛域趕緊設法濟運毋誤漕行並恐漕船到壩擁擠起卸不及以致回空逾限飭令相機挽運不准稍存諉卸諒該河督等已遵旨妥辦矣現在大雨時行節據琦善經額布奏報河水驟漲故城一帶至淺之處已有四尺餘寸汶衛水勢並旺幫船行走順利各等語各幫軍船前因淺阻沿途延擱未能接幫前進現在水勢暢達足

資浮送所有蓄水閘板是否全行啓放該河督等務當設法按幫銜次催趲行走毋許沿途逗留時當盛漲水勢消長難定若不趁此趕緊催行早晚水退淺滯不特有誤回空更恐各幫重運未能依限交卸著該河督等即將現在漕船行走情形查明迅速據實具奏日後儻有貽誤惟栗毓美經額布是問懍之將此各諭令知之○乙亥諭內閣前因惇親王府第需園囚禁多人當降旨飭令軍機大臣會同刑部審訊茲據會審具奏惇親王綿愷既違例囚禁多人復將優伶藏匿府內並令拴住等冒名引見又將部庫領出官員俸銀罰扣抵補私虧卑鄙謬妄怙過不悛實出情理之外綿愷著交宗人府嚴加議處太監李秋澄違禁吸食鴉片煙並令闔府官員兵丁等站道請安復將護衛郭升阿等擅責又將郭隆阿尚安太私圈私放實屬目無法紀李秋澄著枷號兩箇月滿日發往黑龍江給

兵丁為奴遇赦不赦。優人全順全祿著交兵部連伊家屬一併遞回原籍蘇州折責。交地方官嚴加管束。毋許潛行回京滋事。至被禁之富安等八十二名。現經訊明均因細故被禁。不必再行羈累。著交各該管衙門分別保領。所有包衣哈琅阿並其家屬及太監人等均著各該衙門妥議辦理。民人飭令回籍。以上各名俱不准再回該王府當差。其開板房二處即著拆毀。此外儻仍有關禁之人著該

王迅即釋放。毋許拘留。餘依議。○又諭申啓賢奏訪獲習教匪犯懇請寬免處分等語。此案傳習天主教之山西洪洞縣李成信等七犯。靈石縣沙彥庭等十四犯。岳陽縣趙金義等十九犯。傳習清茶門八佛香火會之鳳臺縣王貴等十犯。均經各該縣訪拏獲案。雖失察於前。功過尚足相抵。所有歷任文武各官應得處分著加恩寬免。該部知道。○諭軍機大臣等據伊里布等奏雲南文山縣屬竜白

寨儂人王老定王以寶等殺死同寨儂人沈發科沈宗禮二命屍身無獲兇犯逸逃。經委員署江那縣丞坐補五曹州判李廷瑛督率練役追捕該儂匪等膽敢飛擲石塊致該委員受傷墜馬與家丁李玉差役傅明宋耀仇發等同時被害等語。該儂匪等拒捕戕官罪大惡極。亟應盡數拏辦。以儆兇頑。雖經該府縣先後拏獲兇犯權老松等八名。供認拒捕傷官並殺害丁役等情。其是否實係正兇尚

須徹底研究。且恐該匪等預謀糾眾必不止此數人。既經該督等札委道府大員前往會同地方文武員弁設法上緊偵緝。務將此案要犯全數弋獲。毋許一名漏網。以伸國法而快人心。李廷瑛捕拏匪犯奮勇直前以致被戕殞命情殊可憫。著該督等於定案時奏請賜卹。餘著照所議辦理。將此各諭令知之。○丙子諭內閣鐵麟等奏南糧抵通過晚橋壩卸運不及。請飭辦長剝截卸一摺。據稱本

年南糧頭進等幫行走遲滯現在揚州三幫甫經報入直隸境此後各幫約計到通尚須二十餘日距霜降前十日回空之期止騰六十餘日由壩運糧共米二百八十餘萬石每日運米不能於三萬石例限之外更有加增勢必貽誤回空期限查有山東河南小米軍船共八百餘隻可運米三十餘萬石上年湖南三幫重運即係山東小米軍船由南運河長剝前抵楊村辦有章程請援照辦理等語本年南漕淺阻脫空抵通較遲自應變通籌辦以期無誤回空著周天爵即查照該侍郎等所奏將山東河南二省小米軍船八百餘隻全數調集即於沿途將湖北湖南及江西尾後十餘幫漕糧全行起卸長剝前赴楊村所有湖北等省軍船於起卸後就近回空免致擁擠至該侍郎等請於長剝之外再在臨清德州等處倉廩截卸三四十萬石之處著該漕督會同山東巡撫察看情形妥籌辦理

○又諭栗毓美奏汶衛兩河長水漕船跟接北上並據實陳覆各一摺據奏前此開閘蓄水實為籌濟重運起見現在澍雨普霑開河水勢陡長浮送裕如臨清開業經啟板放船連檣北上現在軍船未入山東境者僅止九幫即可剋期埽數入境著即嚴飭所屬加緊提催並將撈剝事宜妥為豫備務期迅抵通倉毋誤回空是為至要至各河收水為運河切要機宜如果蓄洩有方何至斷流淺阻本年幸蒙天恩賜佑普被甘霖糧艘足資浮送設或雨澤稍遲軍船脫幫於前勢必擁擠於後起卸不及回空必至逾限種種貽誤誰職其咎嗣後該河督等務當豫為籌畫於疏濬山泉蓄儲湖水事宜實心辦理盡人力以待天時無負朕諄諄誥誡至意懍之○命喀喇沙爾辦事大臣常恆回京以葉爾羌領隊大臣烏珍泰署喀喇沙爾辦事大臣○丁丑諭內閣御史

尋步月奏沿海各省戰船每屆修造年分承辦各員通同舞弊不能如式裝造甚或以舊代新又不勤加操駕任擱沙灘朽腐堪虞破爛滋甚等語各省設立戰船原為巡哨洋面捍禦海疆之用必須修造完固操練精熟方可有備無患嗣後凡遇小修大修及拆造年分該將軍督撫都統提鎮等務當認真稽查並嚴飭承辦各員覈實辦理僅查有冒領中飽及草率朦混等弊即行據實嚴叅從重懲處毋稍徇隱至修造完竣應派大員親往驗收並督率所屬將備等官勤加演習務使駕駛得宜技藝嫺熟如敢奉行不力日久視為具文以致有名無實將來別經發覺定將該將軍督撫等重處不貸將此通諭知之○又諭前因惇親王綿愷違例因禁多人等款降旨交宗人府嚴加議處茲據該衙門議以革去王爵實屬咎所應得姑從寬革去親王降為郡王並革去紅絨結頂金黃蟒袍以示懲

儆○己卯以廣西按察使趙炳言為江西布政使服闋按察使劉韻珂為廣西按察使江南壽春鎮總兵官果勒明阿因病解任以服闋總兵官王錫朋為壽春鎮總兵官庚辰以盛京軍政年逾六十官三十七員精力未衰命留任○旌表守正捐軀直隸固安縣民賈五妻李氏○准江西吉安幫船失火延燒應賠米石分限買補○辛巳

上詣綺春園問

皇太后安○諭軍機大臣等有人奏福建臺灣府革胥許東燦改名許朝錦冒捐同知包充府署書差一家兄弟盡充房書差役恃勢橫霸與前任知府周彥結為師生賄賂公行沿街榜貼歌謠臚舉劣跡該處捐辦考棚城工該革胥營充總辦侵蝕洋銀數萬餘圓其私吞詐索私押擄搶圖占拷掠奪產等款自督撫以至該縣各衙門俱存有控告案據歷任地方官受其蔽弄置之不問等語革胥冒捐

職官已干例禁。況一家包充書役。翫法營私。地方受其荼毒。若不亟加懲創。何以昭炯戒而安善良。著鍾祥於閱兵回閩後。按款嚴密訪查。據實懲辦。並著不動聲色。毋使走漏風聲。致該革胥有彌縫脫逃等弊。至上年既經魏元烺訪聞。委員過臺灣提解。自係惡跡昭著。何以該道府代為開脫。竟不到案。延擱至今。著一併查明附奏。又另摺奏通籌臺灣利弊。臚擬八條。著鍾祥悉心查勘。妥議具奏。臺灣道職兼學政。嗣後該道缺出。著該督撫遴選科甲出身人員委署。毋得委用捐班。以昭慎重。原摺二件均鈔給閱看。將此諭令知之。尋總督鄧廷楨奏。訊明許東燦即許朝錦並無勒派漁利。及包充書差恃勢橫行。與知府周彥結拜師生之事。惟於林國華捐贖城工番銀那修考棚已屬專擅。復乘羅登榜因事管押假捏打點名色。誣騙番銀四百圓。應依指稱各衙門打點名色。誣騙財物發近邊充

軍例從重發往新疆充當苦差。以示懲儆。下部議從之。○緩徵直隸阜城縣被旱村莊本年額賦。○壬午諭內閣。哈豐阿等奏庫貯銀兩被竊。請將監臨主守各員先行革審。一摺。此案齊齊哈爾城銀庫缺短銀兩。經該將軍等率同該主事協領等官查驗。並無被竊形跡。何以失銀至千兩之多。難保非庫丁兵役人等有通同竊盜情弊。必應徹底根究。佐領諾爾胡善驍騎校巴彥保主事平惠九品筆帖式年滿倉官巴彥德勒格爾等均著先行革職歸案嚴審。兼庫行走協領諾們德勒格爾察凌阿佐領富成額等均著解任。照例勒限承緝。逾限不獲。另行叅辦。仍著該將軍等迅飭所屬各城旗營驛站各員嚴密查拏竊犯務獲歸案審辦。按律定擬。毋任漏網。至哈豐阿舒倫保未能先事防範。所請交部議處之處。著俟定案後再降諭旨。○命右春坊右中允戴熙在南書房行走。○癸未諭內閣。寶

興等奏參互相關毆擅離任所之防禦請旨革訊一摺。此案防禦札勒杭阿。張振聲於公署破壞。並不報明辦理。乃因意見不合。輒相毆打。輕離任所。實屬糊塗。且據奏原呈內牽涉張振聲於委官缺出。半年不報。並防禦輔卿。科斂錢文。置買官房等情。虛實均應徹底根究。鐵嶺掌路記防禦札勒杭阿。管旗防禦張振聲。俱著革職。防禦輔卿著暫行解任。一併交著英親提應訊人證。嚴行審究。按律定

擬以儆刁頑而肅營制。尋奏提訊防禦輔卿實無科斂情事。飭令回任。張振聲因該旗委官缺出。僅贖領催一名。不敷挑選。並不隨時呈報。且於領催桂芳學等借貸所屬錢文。不行阻止。應照不應重律擬杖。扎勒杭阿誣告輔卿科斂錢文。依誣告例擬杖。均已革職。應毋庸議。下部議從之。○甲申諭內閣向來各親郡王貝勒貝子公等所屬哈喇阿名數。自有一定。近查頗有多寡不齊。總因遞襲之後

未經詳細查辦。以致參差。其應如何定限。畫一之處。著宗人府悉心妥議。章程具奏。嗣後八旗官員人等。文職自四品以上。武職自二品以上。其本戶均毋庸作為哈喇阿。以示區別。著為令。○調塔爾巴哈台參贊大臣。關福為伊犁參贊大臣。伊犁參贊大臣。端多布為塔爾巴哈台參贊大臣。○乙酉諭內閣。前因運河水勢淺涸。當降旨令漕運總督山東巡撫查照倉場侍郎所奏妥籌截卸。茲據經額

布奏稱。現在汶衛水勢一律充盈。連日飛速挽運。各省軍船催出東境者。已及四分之一。七月內便可全數出境。抵通後依次交卸。計日可待。將來陸續回空。不必待秋深水落較之各年。可以有速無遲。無庸籌議截卸等語。著依議辦理。該撫惟當嚴飭各員弁上緊催趲。晝夜進行。毋許稍有停擱。乘此河水充足之時。全數抵通。不得意存怠玩。致有貽誤。並著倉場衙門即將抵壩各船趕緊起卸。毋許

藉詞擁擠致回空稍逾例限以重倉儲而利漕行○山東巡撫經額布奏查明閘衛兩河水勢充裕漕船順速及催趲情形得旨設非天貺普賜甘霖看汝等有何辦法厥後總當先事盡力斷不可大意貽誤也○調正黃旗領侍衛內大臣仁壽為鑲黃旗領侍衛內大臣正白旗領侍衛內大臣綿德為正黃旗領侍衛內大臣鑲黃旗領侍衛內大臣特依順保為正白旗領侍衛內大臣○以前任熱河總

管阿靈阿署奉宸苑卿○丙戌諭內閣向來旗人命名如用滿洲蒙古成語自可不拘字數若有取漢文字義者祇准用兩字不准連用三字朕屢經降旨明白宣諭近來京外文武各員內仍有連用三字並非滿洲蒙古成語大屬非是著八旗都統副都統各省將軍都統副都統城守尉通飭所屬嗣後旗人命名務當查照歷次所降諭旨永遠遵行經此次飭諭之後儻再有連用三字文義不相連

屬並非成語者一經查出定將該管之都統等懲處不貸○工部左侍郎沈維鐫因病解任轉右侍郎廖鴻荃為左侍郎以內閣學士李振祐為工部右侍郎兼管錢法堂事務○丁亥

上詣綺春園問

皇太后安○戊子諭軍機大臣等有人奏浙江黃巖鎮標水師千總葉萬青中營守備羅建功性情貪鄙素行不端所轄洋面搶劫之案層見疊出復敢欺奪商船消吞貨物迨經該商呈控移文關查該營弁等輒以借作戰船為詞刁難勒索始將空船給與領回等語如果屬實是被盜商船復受緝盜官之累藐視法紀莫此為甚著鍾祥即將摺內所指各情節密速訪查據實嚴叅從重懲辦至水師戰船按年修補拆造所以供巡哨操演之用近來各營弁內竟有託詞操演勒借商船等弊並著隨時指名叅辦毋得稍存姑息以示懲

微原揭著鈔給閱看將此諭令知之尋奏訊明葉萬青羅建功並無扣留船隻借作戰船情事均毋庸議報聞○己丑諭內閣前據御史蔡瓊奏雲南臨安府屬之阿迷蒙自興開化府屬之文山及廣西交界地方阿喇冲石碑團山倒馬坑等處流民結夥搶劫商旅盜竊居民又東西兩迤地方匪徒聚眾結拜兄弟魚肉鄉鄰種種不法當降旨著伊里布顏伯燾嚴飭該地方官認真查辦並將流民編

入保甲管束是否可行之處妥議具奏茲據奏稱上年文山阿迷邱北等處查報搶掠各案業經拏獲首從各犯其中即有石碑團山等地名俱已嚴加按緝並無流民在內現在委員督同該地方官審訊辦理其餘各屬遇有搶劫案件俱隨時飭令嚴緝該地方官尚知奮勉其開化等府外來流民向來已附入保甲或歸伙頭約束每年由地方官抽查一次並各屬流民一律編入保甲著循照前議

章程飭屬妥為辦理至所稱開化廣南一帶向因山多曠土鄰省貧民往往遷居墾種近年曠土漸稀著責成沿邊州縣留心盤查無業遊民入境者即行驅逐其遷移流民亦著截留遞遣出境一面咨會川楚黔粵等省曉諭民人毋得輕離鄉土自取遞遣以杜紛擾至迤東迤西附近銅銀等廠州縣有棍匪糾眾拜盟之案據該督等飭緝究辦尚無糾夥眾多肆行擾害之事惟距省寫遠之區該地

方官或失於查察或意存掩飾實難保其必無是在該督撫認真督飭實力整頓遇有搶劫重案立即捕獲不使漏網從嚴懲辦並飭該管道府隨時稽察嚴叅玩泄之員毋稍容隱庶匪徒斂跡而閭閻悉臻安謐矣○命翰林院編修孫瑞珍提督陝甘學政○給貴州鎮遠施秉青谿三縣被水兵民口糧並房屋修費○庚寅命翰林院編修葉觀儀在上書房行走○辛卯諭內閣栗毓美奏現在籌辦

收蓄湖水一摺。又另片奏攔壩蓄水情形等語。本年軍船全數入境。據查尚無貽誤。惟蜀山一湖。為北路蓄蓄要區。上冬收水既未符誌。來年重運經臨。更當早為儲備。毋致臨時掣肘。該河督奏請截築攔河大壩。以資收水。並請於尾幫出口後。暫將分水口迤北之開河袁口兩閘。下板嚴閉。逼令北流之水全數南趨。固為蜀馬南旺等湖資以蓄蓄起見。惟糧艘回空到壩。遲早難以豫定。斷不能令其停待開壩。稽延時日。該河督惟當廣蓄湖水。酌量情形。隨時啓閉。亦不得顧此失彼。致有窒礙。儻蓄水不敷濟運。及回空軍船有誤歸期。朕惟該河督是問。懍之。○壬辰遣官祭火神廟。○諭內閣。嗣後各省武職旗員。自副將以下。病痊由部帶領引見時。著該部照文職例。奏請坐補原缺。如有調用別項之處。候旨遵行。其有赴該旗自行呈請願改京職者。著不准行。所遞原呈。該旗亦不准接收。○又

諭林則徐等奏請將苗疆得力人員俟服闋後。仍發原省補用一摺。湖南鳳凰直隸廳同知姚華佐。丁憂回籍。例應於服闋後歸部銓選。所有該督等奏請仍發該省補用之處。著不准行。○又諭林則徐等奏籌補苗疆封貯銀兩等語。已革鎮軍鎮總兵向尊化應賠庫款。除呈繳外。尚不敷銀五千三百餘兩。既據該督等奏稱。該革員家產盡絕。無從追賠。著准其俟平糶軍需撥船運費各案接續攤竣後。再行展攤半年。照數歸補。並准其於道庫通米經費項下。先行借動銀五千三百餘兩。提還封貯原款。俟展攤全竣。即由司庫解還。以清款項。該部知道。○貸江寧將軍副都統京口副都統修理衙署養廉銀。○甲午。諭內閣。岳良等奏請將改徵大麥。仍復徵收小麥一摺。烏什每歲額徵小麥。前經常恆奏請改徵大麥。茲據岳良等查明。大麥性質不堪久貯。著照所請。所有改徵大麥一千三百石內。

自道光十八年秋季起仍行徵收小麥一千一百石。按照辦過章程於屯工回戶應交糧內照數均勻派收以重倉儲。該部知道。○又諭前因廣西右江鎮總兵滿承緒久未到粵降旨令沿途各督撫查明飭催赴任。茲據梁章鉅奏稱該總兵已於五月十六日抵省因在河南途次患病延醫致行程未能迅速等語著河南湖北湖南各督撫仍遵前旨確查該總兵究於何處逗留是否確係患病據實具奏。○諭軍機大臣等據凱音布等奏雷波馬邊廳等處窮夷近因播種失時潛至沿邊一帶搶掠居民糧食牲畜該文武督率兵勇擊斃多夷並擒獲漢奸兇夷就地正法附近老林處所尚復時出窺伺等語此等探夷上年甫經大兵戡定自應震懾天威照常安業何以閱時未久即有搶掠情事難保無內地漢奸從中勾結現經該將軍等酌調官兵並招募鄉勇派委文武各員弁馳詣緊要隘口

加意防堵所派究係何員自應奏明並飭令確切查究係何支何夷起意出掠並有無肇釁之處相機迅速妥辦毋得遲誤致令日久蔓延儻將就完結釀成邊患是該將軍等前此辦理不善未能永就肅清咎無可辭斷不能再邀寬典也將此各諭令知之。○命廣東布政使阿勒清阿留京以三品京堂候補以浙江按察使熊常鐸為廣東布政使山東鹽運使周開麒為浙江按察使。○命陝甘總督瑚松額撥銀二萬九千三十九兩解赴烏什備道光二十年經費。○乙未。上詣綺春園問皇太后安。○諭內閣本日據周天爵奏本年通漕抵壩約在八月初旬倉場按日起卸無虞掣肘惟河水長落靡常此後設有消耗江廣在後各幫須籌剝運請察看情形挑選豫東軍船及直隸山東前備剝船可裝三百石者千餘隻酌量備用又據琦善奏請將沿河自

雇民剝全行押赴楊村協濟。如果全漕挽出臨開。或須接運。即由漕臣調集豫東軍船及東省官民剝船。徑行運送等語。該督等係為豫籌漕運起見。著該漕督俟全漕挽過臨清。隨時察看情形。相機妥辦。不准前幫稍有積壓。以致後幫更形壅滯。總期源源跟接。銜尾進行。庶起卸無虞。擁擠回空。亦無誤限期矣。○又諭前因歷任管理奉宸苑大臣及奉宸苑卿開墾租出地畝。並失察那移掛欠錢糧。降旨著該部分別議處。茲據該部按照地畝多寡。失察年月久暫。照例擬議開單呈覽。所有休致都統那彥寶著照部議革去頂帶。內閣學士禧恩。部議降四級調用之案。著如恩改為革職留任。十年無過。方准開復。仍帶降四級留任。革職留任吏部左侍郎桂輪。部議降三級調用之案。著如恩改為革職留任。八年無過。方准開復。仍帶降三級留任。已革軍夏將軍英和著照部議降二級調用。並革職

留任註冊。其另片奏嘉慶十年以前應得革職處分。並著照議以革職註冊。頭等侍衛景行。部議降二級調用之案。著如恩改為革職留任。六年無過。方准開復。仍帶降三級留任。餘著照所議辦理。此案降級留任之處。均不准其抵銷。○丙申。諭內閣前因善英奏奉桓格揀選佐領。不擬正陪。並令勒爾經阿等遞呈開缺。降旨令該將軍明白回奏。茲據桓格奏稱考驗勒爾經阿定興慶王。三員弓馬較弱。本應會奏。因念年歲尚健。從寬令其呈退。任使等語。該防禦等如果弓馬較弱。自應據實奏奏。或降或革。照例辦理。似此勒令告病開缺。難保不無私弊。桓格著即來京候旨。杭州將軍印務著副都統恆興署理。防禦穆精額勒爾經阿定興慶王貴順著該署將軍飭令來京。到日交值年旗具奏請旨。○諭軍機大臣等寄諭署杭州將軍副都統恆興。本日據桓格覆奏。本年因出有佐領一缺。經副都

統善英將防禦勒爾經阿定興慶玉貴順四員送杭州挑選該將軍因勒爾經阿定興慶玉貴馬輓弱無準咨行善英從寬令其呈退任使善英復咨行將軍衙門意欲倒填月日辦理桓格查明與例不符咨覆善英給限兩月趕緊練習再行調赴杭州考驗各等語其勒爾經阿等四員及留缺坐補之穆精額一員已明降諭旨令該署將軍飭令來京矣所有桓格咨令具呈告病及善英意欲倒填月

軍機處存

三

日並桓格給限練習各原文著一併檢齊於覆奏時附摺進呈毋稍遺漏將此諭令知之○前任盛京將軍寶興等奏拏獲興販鴉片煙土人犯得音根本重地必應自顧考成有興販者嚴拏吸食者懲處斷不可令其傳染致成積重難返之勢所辦甚好嗣後尤當盡力辦理並諭新任將軍善英知之○調寧夏將軍和世泰為杭州將軍以密雲副都統特依順為寧夏將軍賞藍翎侍衛哈密幫辦大

臣善英四品頂帶為密雲副都統○丁酉上詣

大高殿行禮○還宮○諭內閣御史蘇都禮奏匪犯搶奪請嚴飭緝查一摺據稱本年來京會試之四川舉人胡姓於四月初間在正陽門外陝西巷被賊匪搶奪物件並將該舉人牙齒打落致成廢疾旋即獲犯經刑部審擬完結著該部即將此案若何定擬之處查明具奏又據稱本月二十日夜間復有民人勞

軍機處存

三

姓在正陽門外清風巷被人搶奪物件亦將該民人打脫牙齒犯即逃逸未獲等語著步軍統領衙門順天府五城一體飭屬嚴拏該犯務獲按律懲辦至京師為輦轂重地理宜肅清似此拒傷之案層見疊出何以靖街道而儆兇頑著該管地方官各飭所屬員弁晝夜認真巡查有犯必懲毋使奸徒漏網其有差役包庇諱匿等弊即著從嚴叅辦勿稍姑容○賞內閣侍讀學士那瑪善頭等侍衛為

哈密幫辦大臣○以孟秋時享

太廟自是日始齋戒三日○戊戌以山東曹州

鎮總兵官張國相為福建陸路提督○山東膠

州協副將托明阿為曹州鎮總兵官○予故

福建提督謝金章祭葬○謚勤襄○乙亥引見

八旗及直省考取拔貢生得旨崇慶等六十

一名著以七品小京官分部學習○恆泰等七

十一名著以知縣分發試用○韓秉權等五十

九名交吏部詢問以教職佐貳等官用○旌

表守正捐軀直隸容城縣民蕭崑姪女亭兒

貴州晉安縣民黃新昌妹六妹○添撥東河

防險銀二十五萬兩○從河道總督栗毓美請

也○修浙江東西海塘柴埽各工○從巡撫烏

爾恭額請也

宣宗實錄卷三十二

三

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十一

宣宗實錄卷三十二

三

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十二

欽定實錄總纂官臣等奉 慈禧端佑康頤昭豫莊誠壽恭欽獻崇熙皇太后 皇上 諭旨 欽此

奉 慈禧端佑康頤昭豫莊誠壽恭欽獻崇熙皇太后 皇上 諭旨 欽此

奉 慈禧端佑康頤昭豫莊誠壽恭欽獻崇熙皇太后 皇上 諭旨 欽此

奉 慈禧端佑康頤昭豫莊誠壽恭欽獻崇熙皇太后 皇上 諭旨 欽此

奉 慈禧端佑康頤昭豫莊誠壽恭欽獻崇熙皇太后 皇上 諭旨 欽此

敬修

道光十八年戊戌秋七月庚子朔享

太廟

上親詣行禮○幸圓明園○詣綺春園問

皇太后安○山西巡撫申啓賢奏遵議四川總

督寶興奏禁用錢票查民間貿易貨物用銀

處少用錢處多是以江浙閩廣等省行用洋

錢直隸河南山東山西等省則用錢票若一

旦禁絕錢票勢必概用洋錢更受外洋折耗

再各省藩庫所存制錢無多民間藏錢亦不

充足今將錢票禁止則現錢必日見其少恐

致商民交困至兵餉河工所發均係銀兩錢

貴則例價不敷勢須另籌加增即如山西省

標兵米向係本折兼支本色按月給米折色

按月給銀前因折色之銀不敷買食籌款生

息作為津貼此在銀貴錢賤之時尚屬不敷

儻銀賤錢貴則不敷之數益多現查晉省行

用錢票有憑帖兌帖上帖名目均係票到付

錢與現錢無異毋庸禁止此外又有上帖壺

瓶帖期帖名目均非現錢交易應請禁止報

可○辛丑以翰林院侍讀學士徐士芬杜受

田為內閣學士兼禮部侍郎銜○以時享

太廟讀祝洪亮賞太常寺讀祝官秉璞五品頂

帶花翎命改名額圖洪額○撥江南上元南

陵蕪湖東臺等縣漕糧四千五百四十六石

有奇抵放江淮興武鳳陽幫丁行月等米○

壬寅諭內閣徐士芬杜受田現已補授內閣

學士著在上書房專心授讀毋庸到閣批本

○准江西湖南幫船應賠沈失米石價銀分

限生扣○癸卯諭內閣鐵麟等奏請添雇民船以濟剝運等語本年南糧起卸因雨耽延楊村額設官剝船不敷輪轉直隸各州縣自雇民船八百隻現在尚未報收據該侍郎等約計仍有不敷已飭天津道分派沿河各州縣添雇民船八百隻限日解至楊村立等濟剝著直隸總督即飭天津道趕緊派雇並將現有民船一併催令押赴楊村應用毋稍遲延○密雲副都統善英因病解任調正紅旗漢軍副都統伊清額為密雲副都統內閣學士柏葭兼正紅旗漢軍副都統甲辰諭內閣嗣後各部院京察一等人員引見先經圈出復帶奉旨毋庸記名者如遇再次復帶著准其與未經記名各員一體保送帶領引見○調密雲副都統伊清額為正藍旗蒙古副都統正藍旗蒙古副都統雙德為密雲副都統鑲白旗護軍統領阿保為鑲藍旗護軍統領以工部右侍郎恩桂兼鑲白旗護軍統領

戶部議准浙江巡撫烏爾恭額疏報下砂場原坍復漲蘆蕩二十一頃九十畝有奇照例升科從之○乙巳諭內閣經額布奏查辦闕夢祥習教等案究出逆犯子孫拏獲審辦等語此案張富兒張二兒張隨兒均係逆犯張景文之孫伊叔張廣嗣亦因習教犯案現獲之闕夢祥等又俱係張景文之徒張富兒等所供並未隨同習教殊難憑信著該撫親提全案人證嚴行審訊照例定擬具奏尋奏訊明張富兒等並無隨同習教情事惟係逆種未便容留內地致滋餘孽應照例將張富兒等發往新疆給官兵為奴下部議從之○又諭經額布奏縣役毆斃人命請將跡涉袒護之知縣解任質審一摺山東泰安縣知縣薩靈阿於縣民閻學孔被縣役私押索詐毆傷各情並不嚴提衙役到案確訊據實究辦轉將已經受傷之人疊行責打難保無袒護衙役非法虐民情事必應徹底根究以成信

讞薩靈阿著即解任交該撫提同全案人證質審明確按例定擬具奏尋奏閩學孔因欠糧被押逞兇鬧堂縣役楊建喝令散役毆傷越日身死楊建合依威力主使人毆打致死死者絞監候律問擬業已在監病故應毋庸議該縣薩靈阿訊非有意袒黨虐民惟於所管衙役滋事釀命未能先事覺察請交部議處下部議從之○以詹事府少詹事馮芝為詹事○補行道光十七年軍政福建卓異官十

一員罷輓官一員年老官二員才力不及官二員浮躁官一員分別議敘處分如例○除直隸西寧定昌平宣化安平五州縣水衝地五百五頃八十九畝有奇額賦丙午諭內閣前因各親郡王貝勒貝子公等所屬哈喇阿名數多寡不齊降旨令宗人府妥議章程具奏茲據該衙門查明將軍功王公及恩封王公所屬外旗佐領各數目分別開單呈覽道光二年曾經特降諭旨嗣後恩封親王著

撥給外旗滿洲佐領六蒙古佐領三漢軍佐領三郡王撥給外旗滿洲佐領四蒙古佐領二漢軍佐領二貝勒撥給外旗滿洲佐領三蒙古佐領一漢軍佐領一貝子撥給外旗滿洲佐領二蒙古佐領一奉恩鎮國公奉恩輔國公均撥給外旗滿洲佐領一蒙古佐領一該衙門並未隨時查辦亦未纂入則例以致此次單開恩封各王公現有佐領數目仍復參差不齊自應照數增減以歸畫一至軍功

世襲雖與恩封不同而所屬之哈喇阿亦不可漫無限制所有軍功單內除輔國公恆明現無滿洲蒙古佐領崇錫現無蒙古佐領毋庸撥補外其軍功襲封之各親郡王應有佐領均著照恩封親郡王准給之數各加外旗滿洲佐領二蒙古佐領一漢軍佐領一輔國公應有佐領均著照恩封輔國公准給之數各加滿洲佐領一舊有逾額者查明裁撤不足額者即予增添其恩封單內王公除貝子

綿岫輔國公載寬。向無佐領。毋庸撥補。餘俱著照道光二年所定額數。分別裁撤增添。以符定制。此次軍功恩封各王公名下。裁去各佐領。除現抵應添各處外。著歸各該旗公存。以備將來分封王公時撥給之用。宗人府即將此旨纂入則例。永遠遵行。至該衙門並未隨時查辦。於續修則例時。又未將道光二年所降諭旨纂入。實屬玩忽。所有歷任該管堂司各官。著查明自道光二年十一月起。在任

年月。交部分別議處。又諭本日據抽查漕糧御史文丕等奏。南糧米石多有發塊。請飭查辦等語。漕糧為天庾正供。理宜一律乾潔。方能久貯。該生糧廳果能於抵通時認真驗收。何至有發塊之米。攪雜入袋。著倉場侍郎確切查明。據實奏。並著嚴飭各倉監督。遇有發塊米石。揀出另行封貯。責令經紀賠補。毋許與入倉好米攪放一處。丁未

上詣綺春園問

皇太后安。○諭內閣。裕泰奏南昌府知府張寬訪有物議。查辦未結。該員現報丁艱。請暫行扣留等語。案關知府大員。不協輿論。外間既有浮言虛實。均應徹底根究。張寬著即扣留該省。暫緩給咨回籍。該撫務將前奏各款嚴行查辦。斷不准因該員業經丁艱。稍為開脫。從寬完結。尋奏查張寬原參各款。或事出有因。或現無實據。惟辦理城工所借道庫公費銀兩。不即歸款。輒因隄工需用轉借。又隄工

所用工料錢文。較原估增多。工程迄今未竣。殊屬遲延。請旨交部議處。得旨。俟服闋後。即送部帶領引見。○以戶部左侍郎裕誠管圓明園事。○除直隸宛平房山保安萬全懷來懷安涿水樂亭八縣坍塌地四百三十七畝。人府議奏。王公哈喇阿名數章程。當經降旨纂入則例。永遠遵行。茲據奏各該王公門上佐領內。現有充當護衛典儀護軍校及親軍

弓匠滿洲蒙古漢軍互相食餉之人若隨伊等佐領撤出該旗並無可補之缺著准其將本身一人暫留該門上及身而止其暫留各項人等著先行咨明各該旗知照戶兵二部將來出缺時亦著咨明歸併本旗照例辦理○諭軍機大臣等昨因凱音布等奏雷波馬邊廳等處窮夷播種失時潛至沿邊一帶搶掠居民糧食牲畜等情當降旨飭令凱音布等相機迅速妥辦毋得日久蔓延並著派委

文武員弁加意防堵要隘兼查明究係何夷何支起意出掠有無肇釁所派員弁究係何人諒凱音布等接奉諭旨自必據實覆奏本日已降旨著蘇廷玉署理四川總督邊陲甫經戡定仍有窮夷出巢滋擾其因何肇釁必須查訪明確現在該處情形若何果否撫綏安帖抑仍須重煩兵力凱音布張必祿前次籌辦曾經區畫蘇廷玉新膺簡擢均屬責無旁貸務當相機妥辦仍遵前旨不得將就完

結釀成邊患並著將現在情形迅速具奏以慰朕念將此各諭令知之○又諭據奕山奏稱親至塔什圖畢地方履勘可開地畝及渠道情形均與端多布所查無異現在趕緊辦理等語額魯特受曼所屬塔什圖畢地方添墾地畝藉資積貯實為籌邊善策前經降旨著該將軍等妥議開渠引水劃畝徵糧各章程自應詳細辦理據奏端多布已往該處籌畫興工該大臣現經調任塔爾巴哈台參贊

大臣著俟開懇事宜辦竣再赴新任關福已調任伊犁參贊大臣如未起身著暫緩前赴新任僅關福業已起身亦毋庸折回所有塔爾巴哈台參贊大臣員缺即著領隊大臣豐紳署理將此各諭令知之○以四川總督寶興為刑部尚書兼正藍旗漢軍都統布政使蘇廷玉署總督廣西按察使劉韻珂為四川布政使山西河東道郭文匯為廣西按察使○以故雲南鎮遠府屬邛水副長官司袁本

芳叔士信四川建昌道屬河東長官司安世榮妻安氏壻郎土百戶沈元貴繼子應龍各襲職○贈故刑部尚書鄂山太子太師予祭葬○己酉

孝懿仁皇后忌辰遣官祭

景陵○予江西緝捕私梟傷斃千總郭剛祭葬世職如陣亡例○旌表守正捐軀河南正陽縣民齊汝寬妻馮氏○庚戌諭內閣周天爵奏旗丁違例折乾請將運弁革審一摺幫丁

領兌漕糧例應足兌好米不容絲毫折乾茲據查濟寧前後兩幫頭丁于承審王成順等竟有勾串滕縣魚臺等處門丁折價至制錢一萬四千餘串之多並兌交米行包辦米麥黑豆七千餘石業經訊明就近解赴山東審辦該運弁於幫丁勾通作弊毫無覺察難保無通同受授情事均應徹底根究濟寧前幫千總馬家彥後幫千總王學洙俱著先行革職交經額布提同人證審明究辦以肅漕政

而做官邪○禮部奏八月初十日

萬壽節應行禮儀得旨照例行禮停止筵宴○辛亥諭內閣前因喀喇沙爾換防遊擊伊林保稟揭該城辦事大臣海亮及糧餉夷回章京愛隆阿台尚阿等各項劣跡並牽涉前任哈密幫辦大臣興德於過境時在忌辰期內狎邪宴會等事當降旨飭令恩特亨額馳驛前赴該處查辦茲據奏稱審訊各款已有指實之處海亮愛隆阿台尚阿均著革職拏問

伊林保控款甚多僅止兩款得實保無有挾嫌捏陷等情著一併革職興德亦著革職歸案提訊恩特亨額務當逐款悉心研鞫總期水落石出毋稍瞻徇按律從重定擬具奏至那用公項一款雖據訊明委係實用實銷惟須查辦確實儻稍被朦混致有不實不盡之處日後別經發覺朕惟恩特亨額是問恐不能當此重咎也懍之○以葉爾羌幫辦大臣金和為喀喇沙爾辦事大臣二等侍衛桂森

為和闐辦事大臣賞候補四品京堂圖明額頭等侍衛為葉爾羌幫辦大臣贈故前任刑部尚書史致儼太子太保予祭葬壬子上御勤政殿聽政諭軍機大臣等昨據恩特亨額奏審訊已革喀喇沙爾換防遊擊伊林保稟揭海亮各款已有旨交該大臣逐款研鞫矣因思此案情節支離必須水落石出著即將伊林保海亮愛隆阿台尚阿興德及案内應訊各要證並該處糧餉章京同冊檔卷宗一併派委委員迅速押解來京聽候審訊毋稍遲誤該大臣接奉此旨即著回葉爾羌辦事將此由四百里諭令知之○以候補三品京堂阿勒清阿為都察院左副都御史○以御前侍衛扎勒罕奏為鑲藍旗漢軍副都統○命新授和闐辦事大臣桂森留京仍在二等侍衛上行走賞伊犁駐防鑲藍旗協領達明阿副都統銜為和闐辦事大臣○癸丑上詣綺春園問

皇太后安○諭內閣鐵麟等奏查明發塊米石一摺坐糧廳工部郎中承霖戶部員外郎齊承榮驗收漕糧於到橋時仍有發塊折耗米三十餘石著交部照例議處此項米石既據奏稱分別挑瞭賠補一律回乾運倉該侍郎等務當隨時認真查察僅入倉後再有發塊之米惟該侍郎等是問○諭軍機大臣等有人奏閩省鹽政疲弊各商因欠課過多呈請招夥羅列富戶姓名官為拘押逼令承充嗣又創為貼資之議將通省富戶一概查傳令其捐資津貼為各商賠墊欠款現在有王姓吳姓各疲商先後以招夥幫辦為詞在鹽道衙門呈請有本非富戶亦被開列株連等語該省商力疲乏全在該督等設法調劑何得任聽疲商藉詞擾害著鍾祥即將摺內所指各情節確切查明如有前項弊端立即嚴行禁止毋任藉詞滋擾以保富民而肅釐政原摺著鈔給閱看將此諭令知之尋奏查商人

王長豐王阜安俱稱殷實辦理裕如並無招夥幫辦之事現仍飭查諸商如實有因銀值昂貴運辦維艱自當設法調劑藉紓商力而保富民報聞又諭昨有旨令恩特亨額將已革遊擊伊林保並海亮愛隆阿台尚阿興德及案內應訊各要證並該處糧餉章京同冊檔卷宗一併解京候訊所有該革員等跟隨家丁著烏珍泰確切查明全數解京聽候質訊僅有一名遺漏及借故隱匿之處將來

別經查出惟該大臣是問將此由四百里諭令知之○添製密雲滿洲營腰刀槍桿從前任副都統特依順請也○貸密雲駐防兵丁修理房屋軍器餉銀甲寅中元節

上詣

安佑宮行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵遣官祭

孝穆皇后

孝慎皇后陵寢遣官祭

端慧皇太子園寢○以署奉宸苑卿阿靈阿為總管內務府大臣管圓明園事○乙卯○以翰林院侍講學士羅文俊右春坊右中允戴熙左春坊左贊善高樹勳充日講起居注官○丙辰○命右春坊右中允戴熙提督廣東學政○准湖南江西幫船遭風沈失米石分限買補○丁巳○旌表守正捐軀江西清江縣民余庭潮妻周氏○戊午○諭內閣本日據步軍

統領衙門奏摺獲職官吸食鴉片煙已降旨將該員革職並將販賣人等交刑部審訊矣。吸食鴉片例有明禁官民蹈此惡習已屬戕法。至於開館引誘設局營私尤為可惡該犯等以開設被局為名顯係影射販賣煙土招致無賴誑騙引誘輦轂之下豈容奸匪涸跡亟應嚴加整頓以挽頹風著步軍統領順天府五城一體認真訪拏有犯必懲毋稍疏縱至各省官民人等吸食鴉片在所不免開館設局者亦所必有著各直省將軍督撫等飭屬嚴密訪查一經報官立即懲辦其省會地方商旅輻輳該奸匪等開館射利更所難免尤當加意偵察驅除淨盡以祛積習而儆兇頑將此通諭知之○除湖南澧州被水淹廢田二百九頃二十九畝有奇額賦○已未諭內閣都察院奏查明各省京控咨交案件逾限未結並上次展限已逾仍未審結各案開具清單呈覽各省州縣審斷不公致令屬民

來京具控經各衙門咨交之後各該管上司自應勒限嚴催將未結各案迅速審辦以免懸宕茲據都察院查明該衙門咨交各省逾限未結統計二十二案步軍統領衙門咨交各省逾限未結統計四案似此任意積壓玩泄已極著吏部即將承審逾限各督撫都統府尹及委審各員應得處分查取職名分別議處並著各督撫都統府尹將咨交各案逾限未結及上次展限已逾仍未審結各案迅速審辦完結毋再任意宕延致干咎戾○庚申

上詣綺春園問

皇太后安 諭內閣賀長齡奏詢據知府京中錢賤實因攙雜小錢所致等語風聞言事本係科道之職周作楫前任御史時於京中小錢來歷既稱確加查訪何不據實具奏迨簡放外任即無言事之責何得復向該撫率稱正擬陳奏適外放而止實屬謬妄周作楫著

交部議處賀長齡於屬員所稟如果事關重大原可據以入告似此輕聽濫奏亦屬冒昧著交部察議兩廣總督鄧廷楨奏考驗弁兵分別獎賞降革現在實力訓練務使技藝精純咸成勁旅得旨海疆重地且各國夷船絡繹不絕武備必當精益求精而將備兵丁內必有吸食鴉片煙者尤當隨時懲治萬勿姑息勉之辛酉諭內閣奕山等奏伊犁察哈爾部落官私牲畜被雪被瘟請旨調劑一

摺上年該部落游牧之庫庫托默雅瑪圖鄂托克賽哩庫蘇木什等處因冬雪過大馬匹牲畜不能飽食而本年青黃不接之際復因猝遇大雪以致所牧官私牲畜共倒斃二萬有餘該蒙古等生計未免竭蹶著加恩除將此項被災牲畜毋庸著該察哈爾等賠補外並將明年應交孳生馬三千一百四十二匹牛五百七十五隻分賞被災人等以資生活用示朕軫恤窮困蒙民至意諭軍機大臣

等黃爵滋奏河南汲縣有潞州屯距該屯二十餘里入太行山有上神廟旁有水簾玉蟾二洞近日狗頭山賊匪劉玉璣即劉老長在此屯聚與邪教聲息相通其頭目郝發文為該廟山主又有張老一在汲縣西關開設鐵鋪前滑匪刀槍均由該鋪打造即狗頭山賊匪之順刀兩刃鋒亦出伊手歷會首領及河北各匪此兩犯知之最悉其山東荷澤縣巨盜李三知縣一夥亦恃劉玉璣為應援等語

著桂良即將郝發文張老一劉玉璣及摺內所指各犯迅速嚴密查拏確切根究斷不准一名漏網儻查辦不密或任聽庸劣屬員飾詞搪塞致有消弭情弊將來別經發覺惟該撫是問恐不能當此重咎也將此諭令知之又諭近聞河南汲縣潞州屯地方有邪教所奉之無生老母廟並有墳有塔有碑又距該屯二十餘里入太行山有廟曰上神廟旁有二洞曰水簾曰玉蟾近多賊匪屯聚該處

著錢福昌於考試衛輝府時作為無意遊玩親至其地徧加察看將墳廟碑塔各情形及碑塔上撰刻文字詳細開單具奏儻不能慎密稍露風聲令地方員弁有消弭情事朕惟該學政是問將此諭令知之尋奏遵查得汲縣潞州屯在城西北三十五里合三十餘家為一村村之南有廟廟前有墳有塔有碑碑文誕異廟內雖無居人然於深山窮谷之中修葺一新似非人跡所罕到者謹將廟額碑

文繕單具奏報聞旌表守正捐軀安徽太和縣民李孔祥女李氏命陝甘總督瑚松額撥銀五萬兩解赴塔爾巴哈台備道光二十年經費○壬戌諭內閣周天爵等奏全漕尾幫跟抵津關察看情形應須酌籌國貯一摺著倉場侍郎迅速妥辦又諭惠吉奏遵旨查訊覆奏一摺喀喇沁扎薩克貝子瑪哈巴拉於德里克桑布換用頂帶之時並未呈報查究乃因別案牽連始行舉發迨經該都

統衙門據供行查又不將實情聲覆直至德里克桑布解京質審明確後疊次劄查方將春山寄信各情承認該貝子既徇隱於前又回護於後實屬錯謬瑪哈巴拉著交理藩院照例議處倉場侍郎王楚堂因病解任以太常寺卿趙盛奎為倉場侍郎撥山西軍需倉穀一萬五千石抵放綏遠城駐防兵糧修熱河駐防官兵房屋從總管福泰等請也癸亥諭內閣色卜星額奏請將知縣革

職審辦一摺安徽霍邱縣知縣藍桂承審余金樹私雕假印一案既將案犯謝汶沅刑責斃命又捏造假卷巧為規避地步且解案盤費本應官為捐給何以各犯既稱自備又稱係繳官支用更難保非藉端勒索事後串飾必應徹底根究以成信讞藍桂著先行革職交該撫提同犯證人等悉心研鞫務得確情按律定擬具奏尋奏訊明藍桂及解役等並無勒索串飾情事惟藍桂將案犯刑責斃命

又失察家人捏造假實屬疏忽業已革職應毋庸議下部議從之○護湖北巡撫張岳崧奏嚴飭各府州縣不准佐雜擅受民詞致滋事端仍逐細密查加結申報俾各屬知所儆畏佐雜不敢妄為得旨所見不為無因然總要得一實字○以翰林院侍講黃琮署日講起居注官○甲子

仁宗睿皇帝忌辰遣官祭

昌陵○

上詣

安佑宮行禮○諭內閣戶部奏前任淮關監督榮桂欠項未繳可否將伊子鍾英俸銀坐扣榮桂業已另案遣戍著即解回照例監追○乙丑諭內閣陶澍奏浙江承差中途被搶已經獲犯等語江蘇桃源縣眾興地方有匪徒搶奪浙江齋本承差實屬目無法紀據該督奏稱該署知縣孫節勳於兩日內即將本章及案犯贓物悉數追獲功過尚足相抵所有

該地方文武員弁著免其議處各省齊遞本章經過州縣皆係驛站大道設有塘汛巡防該匪徒等膽敢搶劫拒捕地方捕務廢弛已可概見嗣後如再有本差被搶之案必當將該地方文武員弁從重懲處該督撫不得以功過相抵輒為開脫○又諭周天爵於因案降調送部引見例應離省之員率行咨部請將該員留辦重運事宜實屬與例不符茲據吏部奏參周天爵著加恩改為降二級留任

不准抵銷前任寧波府通判陶定求著飭令離任送部引見○命前任江寧布政使楊箐以三品京堂候補○丙寅諭軍機大臣等據鄧廷楨等奏喚咭喇國巡船駛泊外洋現在密為防範諭逐回國候風開行一摺所見是前因喚咭喇公司散局大班不來曾經諭令循照舊章仍派大班前來以資經理行之將及兩年何以該國忽有夷船駛入內地並求呈遞事件免用稟字又欲派官傳諭種種妄

濱現經該督等將原呈擲還。並密派文武員弁。加意防範。但該夷等犬羊性成。難以恆情測度。據稱守候風信。屆期開行回國。此數十日内。羈留內地。仍當不時偵察。毋得疏懈。時屆北風。即飭令迅回本國。不可任其北駛。或竟藉端停留。自當加以兵威。嚴行驅逐。並停止該國買賣。用昭懲創。著鄧廷楨等酌量相機籌辦。總宜外示靜鎮。內謹修防。以戢夷匪。而靖閭閻。將此各諭令知之。尋奏查喫夷巡船。現已得風駛去。惟夷情叵測。是否去不復來。殊難臆度。惟嚴飭巡洋將備。加意防範。毋稍疏懈。凡各國非貿易貨船。即驅逐出洋。不准停留。以免滋事。報聞。○又諭著祥康。哈豐阿。察看吉林黑龍江等處各副都統。如有年力衰邁。才具平庸。不能勝任者。即據實具奏。不可有誤公事。將此諭令知之。尋奏查明三姓副都統常德年逾七十。步履維艱。請以原品休致。從之。○以前任寧古塔副都統伊勒

東阿署正藍旗蒙古副都統。賞借睿親王仁壽儀六年。修建墳塋。旌表守正捐軀四川東鄉縣民覃經芳女覃氏。○丁卯上詣綺春園問

皇太后安。○諭軍機大臣等。有人奏天津洋船夾帶鴉片煙土。鋪戶代為囤積分銷一摺。據稱兩廣福建商民雇駕洋船。轉販雜貨。夾帶鴉片煙土。由海路運至天津。向有潮義大有等店及嶺南棧房。代為包辦關稅。山陝等處

商賈來津銷貨。即轉販煙土回籍。至洋船入口時。並無官役稽查。抵關後。委員欲入艙搜查。該船戶水手勢將抗拒。煙館隨處皆有。煙具陳列街前。該處府縣家人書役等。向多得規包庇等語。吸食鴉片。例有明禁。昨經降旨。飭令各直省將軍督撫。嚴拏開館販煙之人。京師開設被局影射售私。亦經嚴禁。天津為海口要隘。奸商囤積興販。勢所不免。現當整頓之時。尤當扼其要害。以清弊源。若果海口

按查淨盡。則京師轉販亦少。著琦善即照摺內所指各情。派委明幹妥員。嚴密查拏。按律懲辦。並根究夥黨。杜絕來源。毋得視為具文。致有不實不盡。原摺著鈔給閱看。將此諭令知之。○又諭。本日據都察院奏。福建晉江縣民人王埭良。以焚劫勒贖等詞。赴該衙門具控。已明降諭旨。交該督撫督同臬司親提審訊矣。此案據該民人控稱。吳羅等糾眾持械。擄人勒贖。搶劫財物。縱火燒房。疊控文武各

衙門。批府飭縣會營訊辦。該縣不為嚴究。反賞給吳羅等頂帶。兼充族正房長等情。頂帶為名器所關。該縣如果擅行賞給。殊屬有違定制。該民人所控各情。是否屬實。著該督等逐一研訊。確切查明。照例懲辦。毋稍含混。以成信讞。將此諭令知之。尋奏。訊係吳羅族人吳俞因派王埭良修橋不允。起意將王埭良之姪王趙主懾。關禁勒贖。又乘王埭良家失火。糾搶耕牛。至王埭良京控詞內。所稱該縣

賞吳羅等頂帶。係屬裝點實無其事。吳俞應照福建民人捉人勒贖為首發新疆給官兵為奴例問擬。王埭良所控擄禁勒贖得實。餘屬虛誣。按律擬杖下部議。從之。○又諭。本日據都察院奏。四川簡州民人王庭選。以沈冤難伸等詞。赴該衙門具控。已明降諭旨。交蘇廷玉親提嚴訊矣。此案該民人所控賀景漢父子及曾黃狗兒等。糾眾強劫拒傷事主。輪姦婦女。如果屬實。係斬梟重罪。何以自上年

十月報州驗勘。至今尚未審辦完結。難保無避重就輕。消弭延宕情弊。且據供該匪犯等已於到案後供認強劫輪姦不諱。委員不加嚴究。致令翻供。地方官於此等重案。延不清理。何以懲兇暴而安善良。著蘇廷玉一面將此案提訊。一面訪查該州如有避重就輕。囑令捕役隱匿原贓等情。著即嚴叅懲辦。將此諭令知之。尋奏。訊明賊犯曾南瓜糾約曾四等。行劫王廷選家業。已得財。應照強盜已

行但得財者不分首從皆斬律。問擬斬決。王庭選誤以賀景漢之佃戶曾黃狗兒為正盜。地方官不為根究。起意赴京具控。慮恐不准。是以添砌輪姦婦女。及差役賄縱等語。實屬妄控。按律問擬枷杖。下部議從之。○戊辰。刑科給事中沉澄奏請增修律例專條。下部議。尋議擬將原例修改者一條。查竊盜改過緝盜。起除刺字之例。未定年限。獲盜亦未指明。以若干名為斷。應請嗣後竊盜刺字發落之後。如實能改悔。歷二三年無過。又經緝獲強盜二名以上。竊盜五名以上者。准其起除刺字。擬將原例通行畫一辦理者二條。一。嗣後審辦案件。凡應行刺字者。照例聲明刺臂刺面。或左或右。並所刺何字。以昭詳慎。一。凡有觸犯祖父母父母被呈之犯。如係民人。照例右面刺煙瘴改發四字。旗人毋庸刺字。以符定制。從之。○以湖南按察使楊慶琛為山東布政使。廣東督糧道王藻為湖南按察使。○

減免江蘇江都縣水衝地四十九頃七十八畝。丹徒縣三十六頃八十五畝。上元縣一百一十七頃五十三畝。有奇。額賦有差。○己巳。諭內閣。奕山奏迎母至任一摺。奕山之母。年逾七旬。該將軍遠隔庭闈。情殷陟屺。現請迎接到署。朝夕侍養。既可遂其定省之私。而於緊要邊防。益得專心經理。惟念伊母高年就養。萬里迢遙。著加恩賞給銀四百兩。即由廣儲司給發。以示體恤。○以江南河庫道梁寶常為陝西按察使。○修浙江東西兩塘柴埭盤頭各工。從巡撫烏爾恭額請也。

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十二

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十三

欽修

道光十八年戊戌八月庚午朔諭軍機大臣

等給事中鄭世任奏四川提督本駐雅州自
移駐成都後相沿未改雅州離省三百三十
里關繫最為緊要邇年馬邊戡邊越窩等處
番夷滋事出沒靡常撤兵既恐疏防添兵又
需籌餉提督統轄營伍雅州密邇夷巢尤宜
屯守要衝以為捍衛省城之計等語著凱音
布蘇廷玉即將該地方情形通盤籌畫詳加
體察是否可行據實具奏至現在雷波馬邊
廳等處窮夷搶掠疊經降旨令凱音布等相

機妥辦。毋任蔓延。並確查完係何夷何走。起意出掠。有無聲勢別情。所派員弁完係何人。該將軍等接奉前旨。自必查明覆奏。此次番夷甫經戡定。旋復出巢肆劫。是上年辦理不善。已可概見。若再玩泄從事。聽其日久滋蔓。以致重煩兵力。尚復成何事體。著凱音布等仍遵前旨。即將指示各情節。及現在勦撫情形。逐一詳查。迅速覆奏。並督飭文武各員弁。妥為區畫。務期剋日蒞功。不得勞師糜餉。是為至要。將此各諭令知之。○以己革翁牛特鎮國公桑噶巴拉弟那宛敦囉布襲爵。○辛未遣官祭

文昌帝君廟。○壬申。

上御含輝樓。閱吉林送到官兵馬步射。○諭內閣。昨據御前大臣等奏揀選吉林將軍等復行咨送三音哈哈音善等六人。內僅有二人尚可等語。朕因人數較少。未經允准。本日朕親閱六人。惟薩凌德技藝尚可。音善等五人

弓馬甚屬不堪。其前次咨送九人。內已將平庸者駁回六人。乃此次復行咨送者。除薩凌德外。其餘更屬平常。顯係該將軍副都統等平日於所屬官兵。未能認真訓練。復於揀選時。率行擬送。似此相沿。則官兵技藝。必至廢弛。該將軍等所司何事。殊屬非是。祥康著拔去花翎。仍與咸齡一併交部議處。音善等五人俱著駁回。本處當差。仍著吉林將軍等。由本省官兵內。擇其鳥槍弓馬精熟。年力富強

者。揀選五六人。於明年二月內保送來京。○癸酉。諭內閣。前據御史杜彥士奏。拔貢覆試。請照鄉會試覆試之例。取具印結圖結。當交禮部議奏。茲據該部議准。朕思直省拔貢。各府州縣俱有。而直省各府州縣。不必盡有京官。雲貴遠省。京官更屬寥寥。設使該拔貢應行覆試。本州本縣並無京官。即偶有一二京官。與該拔貢不相認識。甚或有意慎重。不欲濫行出結。亦所常有。若臨場拘執。是該拔貢

轉因此不能入場。殊覺窒礙難行。著禮部另行議奏。尋奏各省拔貢俱有貢單。嗣後覆試時令各拔貢將貢單呈驗給卷。毋庸再行取結。以歸簡易。從之。○以乾清門侍衛布彥泰署正藍旗漢軍副都統。○甲戌秋分夕月於西郊。遣肅親王敬敏恭代行禮。○

上詣綺春園問

皇太后安。○諭內閣朕本年閱看宗室步射完竣後接看圓明園八旗兵丁步射著該管大

臣等每旗由護軍校副護軍校護軍內各揀選四十名。每日著二十名在朕前步射。仍照從前每人射箭二枝至前次業經看過此次俱著毋庸豫備。朕閱看後將射過步射兵丁等花名造冊呈報軍機處以備查覈。○諭軍機大臣等。本日據琦善覆奏遵旨查拏鴉片煙囤積情形一摺。覽奏均悉。此等匪徒由洋船潛運至津。冒險嗜利。意在必售。始而聞風隱匿。繼而勾串鋪戶。賄囑胥役。暗地銷賣。事

所必有。天津為京師貿易來路。查拏不淨。根株何由斷絕。據稱派委文武各員前往誘緝。自係選明幹之員。惟奸商之鬼蜮胥役之朦蔽。不可不防。該匪徒等營私射利。由洋船捆載而來。儻能杜絕來源。不令將煙土移運上岸。則牟利之徒自無所施其伎倆。即該處起運蘇木檳榔及各項糖包。雖難一一開驗。然不能因此遂令奸徒借以夾帶售私。該地方官等轉得藉口不辦。著琦善密商鹽政鍾

靈立定章程。嚴密查拏。總不准煙土上岸。現在整頓積習。該署督等斷不可稍涉因循。致貽後患。將此諭令知之。○又諭本日據都察院奏福建南安縣民人劉出以劫殺兩命。賄指四年等詞。赴該衙門具控。已明降諭旨。交鍾祥親提嚴審矣。此案據該民人控稱。匪棍陳文獸即陳文秀私結夥黨。擾害良民。伊堂兄劉爽。伊姪劉脈先後被傷身死。延案四年。該地方官不為獲犯究辦等情。控關劫殺二

命虛實均應徹底根究。著鍾祥即將案內人證。提集嚴行訊究。如該縣書差。實有設計弊。捺賄串朦。詳情弊。即行據實懲辦。毋稍含混。以成信讞。將此諭令知之。尋奏訊明劉出。因伊堂兄劉爽。堂姪劉脈。相繼被銃傷殞命。又因兇犯未獲。抵償無人。向縣書查鈔案卷。不允。疑為賄捺。砌詞牽控。實非有心誣陷。應請免議。陳文秀即陳文獸。因與劉爽爭鬪。致糾往之蔡開銃傷劉爽。按律問擬杖流。其戚林雪在山捕獸放槍。誤傷劉脈。問擬杖徒。下部議從之。○又諭。本日據都察院奏。江西義寧州民人李自明。以兇傷二命。賄蔽埋冤等詞。赴該衙門具控。已明降諭旨。交裕泰親提嚴訊矣。此案該民人所控。盧進枝。盧進揚等。因圖姦不遂。將伊弟婦周氏毆傷殞命。監生盧若齋。唆令盧進枝等。將親弟盧進棟勒死。抵制。並將伊弟李觀華槍傷身死。疊次控州。該州徇情不究。控府三次。均不准理。難保無賄

庇消弭情弊。且此案已逾二年。若不徹底根究。何以懲兇暴而安善良。著裕泰親提嚴訊。並查明該府因何並不准理。該州如果有徇情不究等情。著即嚴叅懲辦。將此諭令知之。尋奏訊明李自明。因其堂弟李駢春之妻周氏。與盧進枝之弟盧進棟通姦敗露。畏罪情急。同時自盡。經該州審明結案。李自明復向盧氏族中索取李周氏葬費。被斥挾嫌。以圖姦斃。命重情京控。並捏稱州府不為究辦。希圖聳聽。實屬刁健。按律擬發邊遠充軍。下部議從之。○乙亥。

上詣
大高殿行禮
時應宮拈香。○還宮。○遣官祭關帝廟。○諭軍機大臣等。關聖保奏報廓爾喀貢使旋藏。及起程回國日期。自係照例辦理。惟上年八月二十九日。曾有諭旨。令該大臣等。將該國王例外呈進之銅礮。洋鏡等件。

妥為存貯。俟該噶箕等回國時。仍令將原物帶回。並告以天朝制度。嗣後毋再額外貢獻。以符定制等情。該大臣等早經接奉此旨。自應遵照辦理。何以此次摺內。並無一字提及。究竟此項額外貢物。曾否遵照前旨。交該貢使等帶回。著即明白回奏。將此諭令知之。○駐藏大臣關聖保等覆奏博窩生番滋事。前經官兵攻擊。即畏罪投誠認罪。茲復將為首番賊捆獻來營。察其情形。自係真心畏服。報

聞。○以祭

社稷壇。自是日始。齋戒三日。○丙子。諭內閣。據刑部奏。現審案內牽涉王公職官。著派仁壽。戴銓。會同軍機大臣。刑部堂官。嚴行審訊。理藩院郎中松杰。刑部員外郎吉清。覺羅慶啓。俱著解任。歸案審訊。其在逃之尼僧幅兒。祿兒。順兒。傻子。真奎。真幅。真喜。長安。及該廟雇工趙四。辛二。毛二。老張。李四。伎女定兒。玉佩。二格。柳李氏等。著步軍統領衙門。順天府。五

城一體嚴拏。務獲究辦。○丁丑。宗人府進呈新修

玉牒

上詣乾清宮東暖閣行禮。恭閱。送

壽皇殿東西室尊藏。○祭

先師孔子。遣大學士王鼎行禮。○陝西巡撫富呢揚阿奏。遵議錢票磨兌章程。查錢票不必全禁。亦不必驟禁。應定於某月某日起。凡以銀易錢者。某字號受銀。即出某字號之票。

不准以他人字號之票作抵。則錢票不禁。而外兌自免。違者照誑騙財物律治罪。如此明定章程。庶銀價不至昂貴。商民兩得其便矣。得旨。依議行之。如日後有不便之處。不妨隨時變通也。○戶部議准。江西巡撫裕泰疏報鄱陽縣開墾洲地九頃八十畝。有奇。照例升科。從之。○戊寅。祭

大社

大稷

上親詣行禮○	太宗文皇帝忌辰遣官祭	昭陵○幸圓明園○乙卯	萬壽節遣官祭	太廟後殿○遣官祭	福陵	昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后	孝慎皇后陵寢○遣官祭	顯佑宮
--------	------------	------------	--------	----------	----	----	-----	----	-----	----	----	-----	----	--------	------	------------	-----

清 實 錄 道光十八年八月

東嶽廟○	城隍廟○	上詣	安佑宮行禮○詣綺春園	皇太后前行禮○御正大光明殿皇子及王以下文武大臣官員蒙古王公等行慶賀禮○御同樂園賜皇子及內廷王公大臣蒙古王公等食○諭內閣朕臨御以來寰宇乂安中外禔福道光十一年朕五旬萬壽慶辰曾降旨特開鄉會試恩科聯屆二十一年六旬萬壽仰荷	吳蒼蒼佑	聖母皇太后慈福覃敷溥海臣民同躋仁壽允宜重開慶榜嘉惠藝林除恩詔條款屆期頒發外所有下屆鄉會試正科著於十九年八月二十年三月豫先舉行二十年秋舉行恩科鄉試二十一年春舉行恩科會試用示朕宏敷教澤行慶作人至意該部即遵諭行○
------	------	----	------------	--	------	---

八七三

庚辰。

太祖高皇帝忌辰遣官祭

福陵○諭軍機大臣等西北兩路為邊防要地

該處將軍大臣等固當廉明表率即員弁兵

丁亦應操防練習屏斥嬉游方為有備無患

朕聞該處近多演劇遊戲以唱太平歌為名

綠服登場歡呼取樂竟有兵丁扮作戲劇蕩

檢踰閑不成事體兵弁習勤講武日久自成

勁旅似此違例亂法尚安望其折衝禦侮耶

著奕山廉敬恩特亨額等細加訪察如有此

種惡習立即嚴行懲辦毋使相沿日久漸染

澆風是為至要將此各諭令知之○以正白

旗領侍衛內大臣特依順保管內外火器營

事○辛巳

上奉

皇太后幸同樂園進膳賜皇子及內廷王公大

臣蒙古王公等食○江西道御史李純奏請

酌定解員投批章程下三庫大臣議尋議查

各省解交緞匹顏料並飯銀等項由崇文門
查明進城日期登記號簿限三日內連文批
移交戶部大使廳查收如移文逾限即將行
文遲延之書吏責懲至物料驗收之後該庫
該司均限以三日給與實收批回如此明定
章程庶解員不致緩於投文而書吏不敢舞
弊從之○壬午

上詣

安佑宮行禮○予告戶部尚書黃鉞謝其子富

民授禮部員外郎恩得旨江湖阻隔倭爾數

年矣想精力自必如常知卿原不假護芬之

力聊申眷念耳轉瞬明秋特頒慶賜卿其善

自靜攝朕欣待之也○貸江蘇徐州府濬白

塘等河銀○癸未遣官祭黑龍潭

昭靈沛澤龍王之神玉泉山

惠濟慈佑靈護龍王之神昆明湖

安佑普濟沛澤廣生龍王之神密雲縣白龍

潭

昭靈廣濟普澤龍王之神。○遣官祭圓明園惠濟祠。

河神廟。○遣官祭昭忠祠。○甲申月食。○乙酉。諭內閣御史汪子泗奏請修葺順天府署一摺。各衙門屋宇。如果年久傾圮。應行修葺。例由該衙門自行具奏。請旨覈辦。御史雖有風聞言事之責。不應越俎陳奏。所請著毋庸議。○丙戌。諭內閣前據御史步際桐奏。山東章邱等縣杈枒白雲二山廟會。有會集教徒

情事。降旨令經額布查辦。茲據該撫奏稱。查明章邱縣杈槎山有孤石大夫廟。高廣僅三尺餘。旁止草房數間。不堪容止人眾。淄川縣白雲山有

泰山行宮等廟。亦係民間香火社會。習俗相沿。敬神祈福。均無聚眾傳徒。自為頭目等情。愚民習教傳徒。最為風俗人心之害。自應嚴行查辦。至民間賽會燒香。與倡立教會。雖屬有間。然各廟會期。聚集人眾。難保不良莠混

淆。著該撫即督飭各州縣。嚴加查訪。隨時飭禁。其孤石大夫廟。並著即行拆毀。以杜清惑。而正風俗。○又諭秉毓奏。請展啓壩日期。等語。據奏運河朱姬莊攔河大壩。自堵合以來。已閱四旬。收水無多。若照原奏八月初旬啓壩。於來年全漕宣濟無資。請將本年回空各幫。儘數提至攔河壩以北。停候啓壩。將啓壩之期。展儘八月以內等情。朱姬莊堵築攔

河大壩。原期收足湖水。以濟來年重運。惟現在幫船。正須趕緊南下。若令停候啓壩。於回空期限。是否不致遲誤。著秉毓會同周天爵。妥議辦理。○又諭林則徐錢寶琛奏。查拏煙販。收繳煙具情形。各等語。鴉片煙流毒中國。為害已久。現經該督撫等剴切曉諭。嚴行禁止。設局收繳煙具。數月以來。軍民人等。咸知畏法。該地方官等。亦能力加振作。現在湖北省拏獲及首繳煙土煙膏。共一萬二千餘兩。收繳煙槍一千二百六十餘桿。湖南省報

獲煙販十餘起。收繳煙槍三千五百四十餘桿。均已分別劈燬。所辦甚屬認真。可見地方公事。果能振刷精神。實心查辦。自可漸有成效。該督撫等。惟當督飭所屬。乘機諭戒。有犯必懲。呈繳者。予以自新。隱匿者。力加搜捕。斷不准始勤終怠。日久視為具文。總期飢靡積習。立即挽回。方為不負委任。所有拏獲煙土。為數最多之湖北漢陽縣知縣郭觀宸。著加恩賞加知州升銜。以示鼓勵。○又諭前據黃

爵滋奏。山東巨盜李三。知縣聞拏拒捕等情。當降旨著經額布確查密拏。茲據該撫查明。李三知縣即李三之現。係荷澤縣捻匪案內逸犯。前經該縣拏獲。被許奉剛等糾眾奪放。究在何處潛匿。不知確蹤等語。此等匪犯。必應認真查拏。豈容任其遠颺。著即嚴飭兗州沂州曹州等府。設法密拏。並密委員弁。分赴各該處購線追捕。務令剋期就獲。盡法懲辦。儻日久玩生。致稽顯戮。惟該撫是問。懍之。尋

奏拏獲李三之現。審明歷次盜劫。按律擬斬立決。從之。○又諭松杰前經成格武忠額。以該員老成練達。明幹有為。保舉堪勝副都統。茲因尼僧廣真案內。訊出該員有遊廟聽曲情事。到案時。猶復供詞狡展。形同無賴。此等劣員。該尚書等。何得濫行出考保薦。成格武忠額。均著交部嚴加議處。○諭軍機大臣等。前據善英奏。參乍浦右營鎮藍旗滿洲武舉恆慶。充當兵部差官。於上年七月回營。旋於

本年三月。呈請攜眷帶子進京當差。當經該副都統批駁。恆慶不遵批飭。立時起身。該副都統差派兵丁。跟尾密探。直至該差官船出澠墅關。始行具摺奏等語。當降旨飭令兵部。於恆慶到京赴部時。查訊。旋據恆慶供稱。上年七月初七日。回乍浦時。稟見該副都統。不見。月半前後。又到公署。適值善英率領伊子並戈什哈二三十名。在二堂彈唱。二簧調。鐘鼓喧鳴。本年三月。在本佐領衙門。稟請進

京當差並懇賞伊子雅靈阿假期護送家眷進京。又到印房協領右司協領衙門求過。該佐領等吩咐不用呈子。臨時又在副都統衙門稟辭。戈什哈章京小名大黃牛傳述副都統吩咐知道了。並未派人追趕等語。昨善英到京。降旨飭令軍機大臣傳訊。據善英供恆慶遞呈告假。曾比擬例案。親筆批駁。不准攜子進京。復令佐領在二堂背念與該差官知道。該差官不遵。立刻起程。至署內演唱二簧。

不但上年七月無此事。即平素亦無此事。實之恆慶則稱實未遞呈。已向佐領協領稟明告假情由。並稱該副都統署內有領催羅阿常。唐連閏前鋒祿明。時常演唱二簧。其餘有錢糧兵丁能演唱者不下二三十人。該處閑傳無人不知等語。朕思恆慶之子雅靈阿身充步甲。如果告假合例。該副都統何須勒指。儻不合例。亦可革退。令其自便。即令該差官不遵功令。豈難截留。按例懲辦。何必遣人密

探舟過許墅關。始行奏奏。至恆慶供佐領等諭令不必遞呈。難保不為私自進京回護地步。然該佐領協領等果奉副都統批駁。豈有不傳諭恆慶之理。據善英稱在二堂將批詞吩咐恆慶。恆慶安得諉為不知。膽敢即時起程。種種疑竇。實所不解。該副都統署內兵弁人等按籍可稽。如果有二三十名演唱二簧。遠近傳播。甚易採訪。該員等現在恃無質對。各執一詞。殊難憑信。著烏爾恭額長喜即將

指出各情。嚴密訪察。一面調取原呈。一面傳到佐領音登佈。驍騎校星額特依協領德克濟佈。訊以既經吩咐恆慶告假不用遞呈。該副都統所批之呈。從何而來。其呈內批駁之語。曾否告知恆慶。恆慶身充差官。膽敢與副都統抗拒。其平日有無嫌隙。並傳到羅阿常。唐連閏祿明三人。訊以果否演唱二簧。此外尚有何人平素在署內演唱。步甲雅靈阿告假送眷。是否合例。著烏爾恭額等一併細心

查明確訊具奏。不准消弭贖徇。致有不實不盡。將此各諭令知之。○添購東河豫防碎石。從河道總督栗毓美請也。○免雲南銅廠民欠無著工本銀。○丁亥。

上詣綺春園問

皇太后安。○以前任寧古塔副都統伊勒東阿。為三姓副都統。○戊子。致仕大學士阮元回籍。晉太子太保。○乙丑。諭內閣陶澍等奏。揭獲匿名詞帖。先將被揭知縣撤任確查等語。

匿名文書。告言人罪。最為風俗人心之害。前經降旨嚴行查禁。拾獲者即為銷燬。密拏編造之人。照例治罪。此案昭文縣知縣續掄墜。被人指稱冒姓捐官等情。該督等查獲匿名文書。既知立案不行。即應照例銷燬。一面嚴拏編造之犯。按律懲辦。乃遽將該知縣撤任查辦。轉使若輩鬼域伎倆。得以陰售其奸。該督等如此動作。從此匿名揭告之風又熾矣。辦理實屬錯謬。陶澍、陳慶俱著傳旨嚴行申

飭該督等仍當督飭所屬嚴密根追。務將編造揭帖之犯查拏到案。重治其罪。以儆刀風。其續掄墜有無劣跡之處。並著查明具奏。○以都察院左都御史奎照為禮部尚書。刑部左侍郎恩銘為都察院左都御史。兼正黃旗漢軍都統。轉刑部右侍郎麟魁為左侍郎。以都察院左副都御史善燾為刑部右侍郎。○以戶部尚書奕紀管理藩院事。察哈爾都統賽尚阿署理藩院尚書。兼正白旗漢軍都統。乾清門侍衛布彥泰為察哈爾都統。○庚寅。諭內閣前據御史周頊奏。請酌定茶葉大黃價值。祇准外夷以紋銀交易。並絲斤出洋。一律辦理一摺。當降旨令鄧廷楨、怡良會同粵海關監督豫堃熟籌妥議具奏。茲據該督等奏稱。查通商外夷約有十餘國。若令以紋銀購買茶葉大黃。則彼轉得藉詞於置貨之外。餘賸銀兩。攜帶出口。是紋銀出洋。從前猶屬巧取。此後竟屬公行。並查向來出口之貨。茶

葉大黃絲斤。數計價值。居其大半。今以銀購買。則其餘內地之貨。與入口之貨。不敷抵兌。夷人餘賸之貨。將無所歸。至欲酌定價值。則出產之區。轉運之路。亦有不齊。若官為定價。偶值歉收。價貴之年。必至官價不敷。商本虧折。若由出產地方。出立票據。恐徒為不肖官吏。增益陋規。商賈轉多擾累。種種窒礙難行。所有該御史原奏。著毋庸議。○又諭琦善奏。拏獲與販鴉片煙土人犯。提省審辦一摺。天

津地方。向有閩廣商船。夾帶煙土之事。前經飭令該署督設法查拏。茲據奏稱。遴委員弁。尋蹤躡訪。先後拏獲煙土一萬六千餘兩。人犯十一名。可見認真查拏。不難即時獲案。向使各省早能實力查禁。捕治。何至流毒如今日之甚。此時若再事因循。其害尚可問乎。所有此案人犯。著該署督親提審訊。並究明與販首從。及知情裝載各犯。分別緝拏懲辦。仍飭該委員等。再行設法訪拏。勿令稍有鬆懈。

至此案撥緝各員。著該署督擇其尤為出力者。酌保數員。候朕施恩。毋許冒濫。○諭軍機大臣等。本日據琦善奏。請鼓勵拏獲鴉片煙土各員。已降旨。准令酌保數員。候朕施恩矣。又據另片奏。緝拏按捕情形。積重難返。自未便過形操切。該署督現在設法誘買。相機伺拏。亦無不可。但一時權宜之計。可暫而不可久。該匪等講張為幻。詭術百出。若非立法妥善。何以淨絕根株。天津為京師來路。查拏稍

懈。立見蔓延。僻路歧途。皆可走漏。若云煙禁嚴則船來必少。或恐短課累官。試思從前鴉片未至盛行。關課何以充裕。至恐激之成事。是在緝拏之員。相機妥辦。總當仍遵前旨。不使煙土上岸。則積弊漸祛。奸徒斂跡。著琦善認真督飭文武員弁。一面偵拏。一面另籌良策。務使功效常著。歷久可行。是為至要。將此諭令知之。○以禮部尚書奎照管太常寺鴻臚寺事。○調正黃旗滿洲副都統色克精額。

為鑲黃旗滿洲副都統。正藍旗滿洲副都統。聯順。為正黃旗滿洲副都統。正紅旗蒙古副都統。溥治。為正藍旗滿洲副都統。以鑲黃旗漢軍參領孟保。為正紅旗蒙古副都統。○予四川勦夷陣亡把總紀應標胡尚炳。蔣忠。外委曾世相。岳應龍。張忠誠。薛俊昭。祭葬。世職。○辛卯。補行道光十七年軍政。盛京將軍所屬卓異官五員。才力不及官二員。罷輟官一員。年老官二員。患病官一員。分別議敘處分。如例。○緩徵陝西府谷縣被雹歉區新舊額賦。給安定府谷兩縣貧民一月口糧。○壬辰。世宗憲皇帝忌辰。遣官祭泰陵。○上詣安佑宮行禮。○諭軍機大臣等。據保昌毓書等奏。哈薩克伊扎噶土等。率眾私越開齊。潛入烏梁海土爾扈特等遊牧。搶奪滋擾。派委官兵。前往驅逐等情。各一摺。哈薩克伊扎噶土

等。屢次潛入烏梁海遊牧。侵占草廠。歷經驅逐。不知悔改。此次膽敢率領二千餘戶。擾害土爾扈特等處。抗拒官兵。不法已極。自應調兵防堵。驅逐出境。以安遊牧。所有毓書調派杜爾伯特左右兩翼官兵一千名。蒙古官兵一千名。及保昌奏調兵二千名。俱著車林多爾濟帶往勦捕。保昌著毋庸前往。毓書著留於科布多彈壓地方。轉運糧餉。其由屯田當差兵內抽調之六十六名。並漢兵六十名。俱著留於科布多。以資防禦。所有毓書派出之文武各員。著車林多爾濟酌量帶往差遣。以專責成。車林多爾濟務當相度機宜。奮勇勦捕。悉數迅速驅逐出境。以示懲創。儆匪徒。儆懼。逃竄出卡。亦不值深入窮追。致煩兵力。毓書於轉輸糧餉各事宜。是其專責。尤當豫為籌備。源源接濟。無得遲延。如有貽誤。惟毓書是問。將此由四百里各諭令知之。○以定郡王載銓署鑲黃旗滿洲都統。○大學士穆彭

阿丁母憂。賞銀五百兩治喪。○癸巳。遣官祭賢良祠。○諭內閣。奕經等奏遵旨查明銀庫多放兵餉。請將經手之員。交部嚴議。並稽查銀庫御史德福等。自請交議。各一摺。庫貯出納國帑攸關。無論何項。總當逐一詳覈。以昭慎重。員外郎文枚。平兌正白旗兵餉。致有浮多。非尋常疏忽可比。著交部嚴加議處。郎中宗室國盛。員外郎福興。署司庫顏料庫員外郎殷德泰。未能詳慎查覈。俱著交部照例議處。奕經。奕額。未能先事覺察。著交都察院吏

部分別議處。德福成觀宣。監放未能察出。亦屬疏忽。著交部議處。○又諭前因四川雷波馬邊廳等處窮夷復有出擾情事。當降旨飭令蘇廷玉等查明實在情形。據實具奏。茲據奏稱該處阿合底伙等家支夷。因上年歉收。糾眾出掠。經凱音布等設法防捕。殲斃兇匪漢奸多名。救出被擄難民。擒獲兇夷盧哪作盧必奈哪合。甲利。必三。五名。暨漢奸劉么麻

子。訊明正法示眾。並殲斃兇首盧白補等多犯。現各斂戢歸巢。邊地已就靖謐等語。該夷匪犬羊性成。甫經勘定。旋復出巢滋擾。現雖畏服斂退。但該匪等性多貪殘。出沒靡定。且漢奸從中勾煽。尤易滋生事端。著凱音布。蘇廷玉。張必祿。嚴飭文武員弁。於各緊要隘口。實力巡防。不准夷匪一名竄入內地。並密派明幹員弁。偵察漢奸。毋許潛萌煽惑。儻該員弁等懈玩貽誤。即著嚴叅懲辦。以肅邊徼而

靖閭閻。○諭軍機大臣等。昨據保昌毓書等奏。哈薩克伊扎噶土等。率眾滋擾土爾扈特等遊牧。請調兵堵剿。當降旨令車林多爾濟帶領毓書所調兵二千名。保昌所調兵二千名。前往該處勦捕矣。茲據保昌等奏。前因毓書札內調取喀爾喀兵二千名。該將軍等即據來札飭調。於具奏後。復接毓書來文。內稱已具奏調取喀爾喀兵一千名。與該將軍等所奏兵數不符。現已飛飭該盟長等。共派兵

一千名前往。並自請議處等語。伊扎噶土等。小醜跳梁。現在毓書調派杜爾伯特左右兩翼官兵一千名。蒙古官兵一千名。加以保昌飭該盟長等派兵一千名。已足數。勦捕之用。著車林多爾濟。即遵前旨。管帶前往。速將該匪悉數驅逐出境。以安遊牧。至毓書既札致保昌調取兵二千名。何以具奏調取兵一千名。著毓書明白覆奏。再降諭旨。將此諭令知之。○以都察院左都御史恩銘署正白旗漢

軍都統○甲午

上詣綺春園問

皇太后安。○諭內閣。德楞額奏礮位成造未能如式。請著賠另造一摺。擡礮之設。原期及遠。茲據德楞額查明。荊州所製擡礮。每尊祇重二十餘斤。打靶不過一百餘弓。稍遠即難命中。著准其咨行陝甘總督。借礮一尊。並熟諳匠役一二名赴楚。以便依樣成造。至所稱原造之五十六尊。與鳥槍一體操演之處。轉恐

有名無實。此次添製擡礮三十尊。是否可將原造五十六尊銷燬改造。與甘肅河州式樣相符。著該將軍酌量辦理。所有前任將軍德克金布等從前用過銀四百八十兩。著即照數分賠。以備此次工料鑪火之用。免其造冊報銷。○乙未。諭內閣。漕糧為天庾正供。節經降旨。令有漕各省督撫。嚴飭所屬早兌早開。剋期渡黃。不許稍有遲滯。原期抵通迅速。則回空可依限歸次。不致貽誤新漕。乃近年重運漕船。往往藉詞耽延。或因河水淺涸。節節起剝。不能如期抵通。以致歸次與受兌俱遲。臨事周章。諸多掣肘。現在節逾寒露。水勢漸消。著漕運總督及沿途各督撫。分飭所屬嚴行催趲。無分晝夜。務使各省回空軍船。連檣南下。銜尾遙行。不准片刻停泊。庶可以速補遲。至來年新漕。尤當趕緊辦理。按限兌開。統於黃水未漲之先。一律完渡。並著嚴飭各該糧道。早兌早開。總令於四月初十日以前。全

數趨至清江浦。剋期抵壩。以便跟蹤渡黃北。上無許稍有遲延。儻敢意存怠玩。漫不經心。仍逾定限。必將該漕督及各督撫嚴懲不貸。至本年夏初。偶因雨澤稀少。船行輒多阻滯。若非大雨時行。河流充裕。則重運回空。幾至兩誤。與其臨期竭蹶。何如先事豫籌。著山東巡撫嚴飭所屬各州縣。務將舊有泉源。設法疏濬。總期來源暢旺。無致淺涸。並著該河督督率運河道。及沿河廳汛員弁。於回空告竣

以後。逐加履勘。應挑挖者。即行挑挖。應儲蓄者。即行儲蓄。均須實力籌辦。儻各該地方官。及河道廳備。膽敢因循貽誤。著即指名嚴叅。毋稍姑息。經此次諄切訓諭之後。明年重運經臨。如再有泉源不旺。及河水短絀之處。朕惟栗毓美經額布是問。斷不能倖邀寬典也。將此通諭知之。○又諭刑部奏請變通承審展限章程一摺。前據該部奏定承審展限。由督撫督同按察司。親提覆訊。原為豫防地方

官藉詞延宕而設。茲復以江西省咨稱辦理窒礙。請由該管府州提審詳咨等語。承審展限章程。上年甫經奏定。不得率據江西一省情形。遽予變通。仍啓地方官捏詳延宕之弊。嗣後各直省承審展限。仍照上年奏定章程辦理。所有江西省酌量變通之處。著不准行。○修熱河八旗兵房。從都統惠吉請也。○丙申。

上奉

皇太后幸澹懷堂進膳。○遣官祭

歷代帝王廟。○准長蘆新商代繳銀款分限完繳。○丁酉。諭軍機大臣等。前據浙江山陰縣世職夏士賢。以賄盡朦蔽無辜。休致等詞。赴都察院具控。已降旨令鍾祥親提審訊。並將夏士賢解往備質矣。茲復有人奏夏士賢供稱兩次考驗。馬步中箭較多。又稱向來無病。不甘廢棄。且牽告巡撫衙門中軍巡捕等官。該世職有無疾病。不難一望而知。弓馬優

劣。考驗立見。該書吏何得朦混舞弊。擅休職官。並風聞外省武營員弁。凡遇考補升補等缺。督撫書吏。索費不貲。高下其手。積習相沿。江浙尤甚等語。案關書吏舞弊。擅休職官。於營制武備。大有關係。著鍾祥即親提全案人證卷宗。秉公嚴審。徹底根究。以期水落石出。並派委妥員前往浙江迎提該世職夏士賢。押解赴闕。無任胥役沿途稍有凌虐。以備質訊。仍著該督將該世職弓馬。秉公考驗。據實

具奏。將此諭令知之。○又諭據桂良奏稱遵旨拏獲匪犯郝發文等十九名。解省確訊。並嚴緝逸犯務獲等語。賊匪邪教。聲息相通。最為閭閻之害。劉玉璣等犯。尤為著名巨匪。著該撫即督飭所屬。親提現獲各犯確切根追。務將彼此勾結。及從前打造兇器各情節。逐加嚴審。毋令狡賴。除武舉陳大勇已降旨交步軍統領衙門。拏交刑部審訊外。其尚未獲案之劉玉璣。郭老紅二犯。迅即購線追拏。歸

案審辦。勿使一名漏網。再黃爵滋原奏內稱。汲縣潞州屯地方向奉無生老母。該處現有墳有廟。有塔有碑。實為邪教祖庭。地方官畏生事端。未敢聲毀。著該撫即將單開各情形。逐細確查。據實覆奏。儘稍涉張皇。不能慎密。或致該匪徒等聞風拆毀。以為消弭地步。是意存化大為小。將就了案。不顧貽患將來。朕惟該撫是問。恐不能當此重咎也。將此諭令知之。尋奏提訊郝發文等。均稱與劉玉璣素

未謀面。實無勾結匪黨。謀為不軌情事。惟郝發文在廟種地。乘鄉民燒香。求討布施。合依稱為善友。求討布施至十人以上者。發近邊充軍律。發近邊充軍。餘犯分別定擬下部議。從之。○又諭梁章鉅奏匪徒編造悖逆揭帖。委員查辦一摺。據奏南寧府屬地方匪徒。編造匿名揭帖。語多狂悖。帖內州差林有似即橫州差役。該處向有拜會匪徒。恐有餘匪潛匿滋事。當即密委思恩府王文鳳等。馳赴該

處會同鎮道訪拏首夥。並請將延不稟辦之府州縣。先行撤任等語。匪徒編造悖逆揭帖。必有夥黨。潛謀糾結。煽惑人心。亟應迅速嚴拏究辦。且有州差名字。不難從此根究。該地方官並未稟報。實屬玩延。南寧府知府楊恩培。宣化縣知縣柳際清。代理橫州知州夏淳鏞。均著先行撤任。留於地方協緝。該撫務當督飭所屬。不動聲色。嚴密訪拏。如有謀為不法情事。立即帶兵掩捕。斷不准化大為小。養

癰貽患。如係編造嚇詐。挾嫌誣陷。亦即從嚴懲辦。以正人心而安良善。將此諭令知之。尋奏訊係匪徒韋立松。因圖詐不遂。編造狂悖逆帖。書寫年號。雕蓋偽印。藉圖嚇索。並挾林有夙嫌。一併編入。冀圖陷害。雖無謀為不軌情事。語多狂悖。實屬罪不容誅。按律擬凌遲處死。以昭炯戒。下部議從之。○江南道御史德福等奏請酌改銀庫放餉章程。並添置平砵。下戶部會同三庫大臣議。尋議查銀庫支

給錢糧。惟八旗餉銀。係按各佐領分支。為數本屬繁多。如逐平覈兌。恐屆期支放不及。自應量為變通。照現在護軍等營。按各甲喇總數支給。以歸簡易。並於支放之處。添設平砵。眼同查庫御史。逐平彈兌從之。○調貴州提督余步雲為福建陸路提督。以山東曹州鎮總兵官張國相為貴州提督。○賞休致三姓副都統常德全俸。○命陝甘總督瑚松額撥銀一萬九千二百三十二兩有奇。解赴阿克

蘇。八千兩解赴庫車。備道光二十年經費。○戊戌修浙江東西兩塘埽工。從巡撫烏爾恭額請也。

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十三

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十四

秋

道光十八年戊戌九月己亥朔諭內閣己革

鑲藍旗滿洲驍騎校莫爾賚阿與已故馬甲
慶陞互控地畝疊經京外衙門查訊取具親
供茲據琦善奏稱眾證確鑿該革員等仍復
供詞狡賴旋認旋翻著即解交刑部嚴行審
辦其前在佐領任內於報地入檔未能詳查
之解任遵化營遊擊花里雅遜布著俟刑部
定案時交部照例議處尋奏莫爾賚阿所控
地畝實係阿齡阿之地向交秦友仁經營秦
友仁盜賣主產恐到官治罪串通莫爾賚阿

頂認捏造契紙。朦報地冊。莫爾賚阿理屈詞窮。復捏稱阿齡阿係秦友仁姦生。並無確據。莫爾賚阿除輕罪不計外。合依汚人名節例發附近充軍。秦友仁業經病故。應無庸議。從之。○以故雲南永北廳屬順州土州同子開泰子紹昌襲職。○貸福州駐防官兵修理衙署兵房俸餉銀。○庚子。

上詣綺春園問

皇太后安。○諭內閣。前因善英奏。桓格揀選

佐領。不擬正陪。據桓格奏。稱考驗勒爾經阿等弓馬輟弱。當降旨飭令該員等來京候旨。茲據值年旗具奏。該處防禦五員。除慶玉業經在途病故。其穆精額勒爾經阿。定興。貴順等四員。已遵旨來京。著派潘世恩。奕紀。文慶將該四員弓馬覈實考驗。秉公覆奏。即傳到桓格。善英在旁看視。尋奏穆精額步箭較優。貴順騎射稍輟。其餘各員。雖不出色。尚不致生疏。得旨。桓格。善英。仍著原派之潘世恩。奕

紀。文慶傳詢明確。據實具奏。○又諭嗣後各省協領。遇有軍政卓異。及俸滿之員。無論記名不記名。俱著於引見後。豫備召見。如在三四人以上。即分作二三日豫備。其新補協領人員。仍著毋庸豫備召見。○又諭科布多參贊大臣毓書。於緊要具奏。知照公文錯謬。非尋常疏忽可比。著交部嚴加議處。尋議。上得旨。毓書著照部議降二級調用。不准抵銷。仍帶所降之級。留該處效力。暫停開缺。○諭軍

機大臣等。前據保昌毓書等奏。哈薩克伊扎噶土等率眾搶奪滋事。已降旨飭令車林多爾濟帶兵前往。驅逐勦捕。毓書留於科布多彈壓地方。轉運糧餉。諒已接奉諭旨。遵照辦理。本日據毓書奏。派兵前往情形。及添設臺站兵丁。並於札致將軍保昌調兵數目。舛錯自請嚴議各摺片。朕詳加披閱。現在勦辦哈薩克。文報固不可貽誤。若如毓書所奏。於每臺站添設兵丁二十餘名。過事張皇。儼然大

舉殊屬不曉事體。著每站祇准添兵四五名。足敷差委。不准浮濫。至車林多爾濟現已帶兵馳赴該處。務當剴切曉諭蒙古王貝子等。趕哈薩克散行南移之際。各宜振作精神。聚集兵眾。會同勦辦。早一日掃除醜類。即早日樂業安居矣。其毓書所派主事職銜哈楚運。帶領千總馬桂林。把總尹世忠。馬炳。綠營兵四十名。並前往杜爾伯特各兵丁。計已先後馳抵該處。著車林多爾濟酌量調遣差委。務期迅速。肅功。儻該匪徒等聞風悔懼。逃竄出卡。著仍遵前旨。不必深入窮追。以惜兵力。至毓書能否勦辦。且不必論。甫有徵調之事。兵丁數目。已先錯亂如是。何無能至此。已另降諭旨。將毓書文部嚴加議處。前保昌奏請議處。實由於毓書咨報之誤。保昌著毋庸議。將此由四百里各諭令知之。○河東河道總督栗毓美奏。東省微山湖收水不旺。恐啓壩過急。有誤收蓄機宜。因思漕船回空歸次。本

年總可不誤。而收水過短。來年重運攸關。必須豫為籌濟。始可不致遲誤。得旨。前奏業經有旨。朕惟知本年回空。明年重運。如有遲誤。則惟汝是問。懷之。○賞借一等信勇公盛桂俸銀十年。修理墳塋。○旌表守正捐軀安徽合肥縣民許邦沅妻朱氏。山東萊蕪縣民元星斗女元氏。○辛丑諭。內閣。給事中況澄奏。蠹役藉差圖財。擾害行旅。請旨嚴辦一摺。據稱廣西拔貢周纘緒等。行至山東東阿縣崔家莊地方。被捕役張振等。截路按查。攫取銀物。誣以私帶鴉片煙膏。該縣通令出具失去銀物。現俱覓獲。甘結等語。捕役藉差擾害行旅。久干例禁。惟在地方官隨時懲辦。無稍袒護。方足以戢刁風。若如該給事中所奏。該捕役等膽敢於往來大道。圖財反噬。該縣並不究明虛實。追贓覈辦。勒令具結寢息。如果屬實。大千法紀。著經額布即提集此案人證。秉公嚴訊。務得實情。毋稍徇隱。周纘緒現因措

資來京。著刑部傳訊被按失物情形。據實具奏。○壬寅。諭內閣。此案莊親王奕劻輔國公溥喜各赴尼僧廣真廟內吸食鴉片煙。鎮國公綿順帶同妓女赴廟唱曲。均屬不知自愛。卑鄙無恥。著交宗人府分別嚴加議處。已革內務府郎中文亮筆帖式通桂。輒因廣真生辰前往挾妓彈唱。已屬卑鄙。迨經被拏。復敢詭稱姓名。妄希狡脫。尤屬不堪之至。已革理藩院郎中松杰。以一等司員。並經保送副都

統乃不知自愛。因問知廣真生辰。致送香資。並容妓女在屋唱曲。實屬有玷官箴。文亮通桂。松杰。僅予革職。不足蔽辜。均著發往熱河效力贖罪。解任刑部員外郎吉清。文奇理藩院主事奎英。赴廟閒遊。於妓女唱曲時。不即引避。輒留坐飲茶。均屬不自檢束。著交部嚴加議處。刑部員外郎慶啓。因潑水溼衣。赴廟烘烤。亦有不合。著交部照例議處。揀調東城正指揮王鈺。查訪此案。並不即行拏究。致令

逃逸。迨隨同該御史將廣真拏獲。又不嚴行看守。以致廣真於到案後乘間潛回。均屬疏忽。王鈺著交部議處。其在逃之定兒金環玉佩柳李氏趙四辛二李四老張等。仍著嚴緝務獲。送部審辦。○諭軍機大臣等。御史巫宜禔奏福建莆田縣之木蘭陂。為永春德化仙遊三州縣澗水所匯。其石隄不僅為灌田溪水之隄防。且係濱海村落之保障。近來隄工間有損缺。溝渠涵洞不無滯塞。請飭查驗修

理。並該省有關農田要害之陂塘隄堰一體疏濬修築等語。閩省農田藉資水利。全在該地方官留心民瘼。隨時疏修。方於民生有益。著鍾祥魏元烺即督飭該府縣確切查勘。木蘭陂石隄有無斷缺之處。並通飭各府州縣於各該地方有關農田水利之陂塘隄堰。應否疏築。俱著隨時留心察看。督令妥為辦理。原摺著鈔給閱看。將此諭令知之。尋奏查木蘭陂涵洞陡門石隄溝渠支港並無缺損滯

塞僕遇暴漲衝損。即隨時修整。此外各府州縣。凡關水利陂塘隄堰。如有應行疏築之處。即督飭妥辦。俾於民生有益。報聞。○青海大臣蘇勒芳阿覆奏。踏勘留住青海玉舒雍希葉布等族番牧地。設立鄂博。分定界址。詳查戶口實數。議立章程。一該番等安插後。宜遵照界址住牧。不得搬移。侵占別旗地方。致滋爭端。一青海野番。每出搶劫。該番等遠出打牲。恐不肖番子勾引。應著落該百戶百長番

目人等。遞相管束。免致勾結。仍令該郡王不時稽察。俾蒙番均得安居樂業。一該番等宜照現在清查戶口住牧。不准任意招引玉舒各族番子。續行前來。取據該百戶等不致再行招引甘結。仍令該郡王不時稽覈。僕日後查出續來番戶。定將該郡王百戶等嚴懲不貸。一該番等每年原有交納貢馬銀兩。近年以來。因被搶窮蹙。拖欠未交。今既住牧有所生業。稍資自應照舊按年輸納。其從前拖欠

銀兩。分年清釐。以免積欠。一該番等應照依蒙古易糧之例。按季赴青海大臣衙門。請領照票。易買糧茶。以免私販接濟。一該番等既住蒙古界內。自應與蒙古一律防範遊牧。如遇番賊行搶。協同蒙古兵堵禦。僕能緝獲賊賊。奮勇出力。隨時量為獎賞。以示鼓勵。一該番等既已留住青海地方。應即令該郡王認真稽察。僕有不妥本分情事。除將不肖番民按例懲辦。並將該郡王治以應得之咎。一該

番等甫經安插定地。應加體恤。除例應承納貢馬。暨應當兵差外。僕有苛派差徭。暨不肖章京等苦累番民。除將該章京懲辦。並將該郡王暨該百戶百長番目等。按以苛派之例。嚴行究治。得旨。依議。妥行。○以故奉恩將軍恒津子文錫襲職。○癸卯諭內閣。御史孔克丹奏。請嚴查戶冊。修理柵欄。派足額兵一摺。京師為輦轂重地。五方雜處。理宜嚴密。以昭慎重。若如所奏稽查戶冊一事。該管大臣視

為具文。春秋雖收戶冊。並未實心稽查。以致良莠溷跡。巷口柵欄。堆積泥土。不能關閉。傍牆顛倒。可以通行等語。著該管大臣督飭員弁嚴密稽查。無任有名無實。至分設堆撥派兵看守。原以彈壓土棍。緝捕宵小。據奏堆撥無人看守。夜間亦少巡兵。以致搶竊之案層見疊出。著步軍統領衙門將額設兵役照數派足。嚴飭步軍校等官率領兵役晝夜巡邏。遇有滋事土棍及搶竊之案。立即嚴拏究辦。

僕仍玩愒縱奸。別經發覺。必將該管員弁從重懲處。毋謂詰誡之不豫也。○山西巡撫申啓賢奏查撫標左右二營共弓箭馬兵一百名。應改設鳥槍馬兵十名。鎮標左右並蒲州等十營共弓箭馬兵五百二十一名。應改設鳥槍馬兵五十二名。所有各營應用鳥槍有舊存者修理備用。其無舊存者將近營中盈餘撥給。無須添製。至鳥槍應用火藥鉛丸銀兩已在額設公費項下支借。毋庸另籌。下部

知之。○緩徵山西隰州歙收村莊額賦貸武鄉縣貧民倉穀。○甲辰諭內閣前據黃爵滋奏請嚴塞漏卮以培國本當降旨交盛京吉林黑龍江將軍直省各督撫各抒所見妥議章程具奏。茲據各該省陸續奏到著大學士軍機大臣會同該部議奏。穆彰阿係大學士因善英奏桓格飭令防禦等具呈告退降旨令潘世恩等傳訊明確。茲據取具親供覆

奏此案防禦勒爾經阿等經朕特派大臣覈實考驗弓馬雖不出色尚屬平平。本日又據鍾祥將閱過浙江旗營中箭數目開單呈覽。該防禦勒爾經阿定興馬步各中箭二枝尚可不至廢棄。何以桓格率令具呈告退殊屬非是。桓格著交部嚴加議處。善英接到桓格飭令告退咨文並不咨駁於具摺奏後又復咨商倒填月日居心實屬狡詐。善英亦著交部嚴加議處。所有防禦穆精額等四員著

即飭回原省當差。○又諭本日據禮部等衙門會議御史李熙齡請嚴貢院門禁一摺。貢院重地理宜嚴肅。嗣後著責成大興宛平兩縣照舊派役看守。遇考試時均著先期妥為防範。將挾眷居住者概行搬移。並責成外場御史親往按查。僕查有違例潛匿居住之人。即將該門役等懲辦。並將該縣等叅處。至尋常考試著將東西牆外房屋門戶一律封固。俱由執門出入。仍派兩縣典史在彼住宿。認

真稽查。毋須另派委員分宿。以免紛更。所有鄉會試巡牆章程。仍著照舊辦理。該御史所請三場後酌留御史之處。應毋庸議。○湖廣總督林則徐奏。凡遇偏災。奉到恩旨。謄黃。即飭各州縣將所造應蠲應緩之村莊項畝細冊。另行繕榜。隨同謄黃。偏貼曉諭。俾災民一見瞭然。胥吏無從舞弊。得旨所見精細。依議行。○以拏獲鴉片煙土。予山東巡撫經額有議敘。餘加銜升用有差。○乙巳諭內閣。前據

御史孫日宣奏。南漕行抵直隸。毋得濫封民船一摺。當降旨交倉場侍郎直隸總督會議具奏。茲據奏稱。倉場職司驗卸。惟當加緊斛收。迅速轉運。重運未到之先。直隸總督督率沿河州縣認真疏濬。無任停淤。迎剝寄剝。數用即止。所雇民船以裝載一百石以上。三百石以下為率。不得濫行封雇。並出示嚴禁藉端勒索等語。均著照所議辦理。惟念官剝之外添雇民船。原屬權宜辦理之法。其源總在

於重運之依限渡黃。連檣北上。如果抵通不致逾限。中途不致脫空。則為日既寬。官剝原可敷用。無需民船濟剝。前經降旨飭令漕運總督及有漕各督撫。飭屬嚴行催趲。務於四月初十日以前。全數趲至清江浦。剝期抵壩。並著山東巡撫東河總督。飭屬疏濬源泉。挑挖蓄。該督撫等務當設法豫籌。認真經理。庶重運不至遲延。官剝足敷轉運。正不必借資民力。或啟弊端也。○諭軍機大臣等。本日

據琦善奏。向來閩廣洋船回空。俱往奉天沿海地方。販豆南旋。本年天津共到洋船一百四十七隻。截至八月二十八日。已有一百二十三隻起碇出口。實因查拏鴉片嚴緊。不能起卸上岸。仍將原物載回。又詢據前獲之閩船曹錫供稱。廈門與廣東各船。皆先至天津卸貨。後順赴奉天錦州。在西錦南錦三目島牛莊四處馬頭停泊收買黃豆。現咨該將軍等一體訪捕等語。此等刁猾商販。惟利是趨。

在天津既未卸載。勢必於他處另謀銷路。且津郡牟利之徒。難保不勾通潛往。仍將煙土在彼囤售。昨據經額布奏。在山東榮成縣之俚島洋面。查有林蘭商船一隻。按獲鴉片煙土一萬三千四百餘兩。訊係欲往奉天售賣。可見盛京地方。近來亦有此惡習。殊堪痛恨。著著英薩迎阿慶林嚴飭所屬。隨時訪察。如由天津前赴該處之閩廣各洋船。一經停泊海口。務當嚴密防範。設法稽查。斷不准所帶

煙土。覩便上岸。以致根本重地。漸染澆風。且錦州一帶。可以停泊口岸。想不止西錦南錦等四處。尤應遴委妥實員弁。隨處堵截。以防偷漏。儻奸商猾吏人等。得規包庇。或代為運送。或私相隱藏。但經查出。立即從嚴懲治。毋稍寬縱。方為不負委任。將此各諭令知之。○予故陝甘總督楊遇春。入祀鄉賢祠。從署四川總督蘇廷玉請也。○丙午。

上詣綺春園問

皇太后安。○遣官祭

都城隍之神。○諭內閣。陳鑾奏。委員拏獲販賣鴉片煙土。懇請鼓勵等語。蘇州府屬小潭子地方。有販煙匪徒王阿喜等十二名。在彼窩販。經前任武進縣知縣署蘇州府管糧通判吳時行帶領兵役。按獲煙土六千餘兩。該匪徒等。膽敢攜帶違禁兵器。拒捕傷人。實屬目無法紀。著陳鑾將該犯等。從重加等定罪。毋稍寬縱。其在逃之窩戶何德順。並黃阿安。

等均著飭屬嚴拏務獲究辦吳時行緝捕勤奮著加恩以知州即行升用先換頂帶以示獎勵各省鴉片煙漸染日深流毒甚鉅儻該地方官早能認真查緝淨絕根株何至錮習相沿澆風日熾現據直隸山東江蘇湖北湖南陸續奏獲各案朕已立沛恩施從優獎勵著各直省將軍督撫趁此整頓之時同心合力不分畛域上緊查拏毋得稍形鬆勁其販賣開館等犯固應從重懲辦即文武官員軍

民人等吸食不知悔改者亦著一體查拏分別辦理現在各直省將軍督撫遵旨各議章程業經降旨飭大學士等會議一俟奏定朕即折衷畫一頒發遵行該將軍督撫等務當振刷精神力祛積習勿生觀望之心以副朕意將此通諭知之○又諭莊親王奕劻輔國公溥喜身為王公輒赴尼僧廟內吸食鴉片煙實屬藐法無恥奕劻著革去王爵溥喜著革去公爵仍各罰應得養贍錢糧二年鎮國

公綿順帶同妓女赴廟唱曲尚無吸食鴉片煙情事著革去公爵所遺和碩莊親王爵著宗人府即將從前承襲支派內現在有無職任之人查明具奏其奉恩輔國公爵及不入八分鎮國公爵均著照例揀選承襲○旌表守正捐軀江蘇海州民于大吉妻彭氏○丁未。

上御演武廳閱健銳營操○諭內閣御史劉夢蘭奏熱河辦事司員請於正途人員內酌量保送一摺各部院司員辦理公事總期勤慎廉明克盡厥職不必定拘一途而刑部為刑名總匯自當擇其練達勤能者保送差使至於熱河地方派往司員辦理刑名責任綦重該堂官等務當秉公遴選如果才具優長辦事詳審循例保奏亦不必分別正途捐班致有窒礙熱河都統亦應於該司員蒞任後詳加察看儻該司員操守不謹或才具平庸不克勝任即著隨時分別撤回叅辦不得姑容

以肅官常。○又諭前因莊親王奕劻輔國公溥喜在尼僧廟內吸食鴉片烟。已降旨將該王公等革爵嚴懲矣。鴉片煙流毒內地。實堪痛恨。京師為首善之區。王公等亦復沾染惡習。此外官民人等吸食者。諒亦不少。皆由平日查緝不嚴。以致日甚一日。現在尼僧廣真廟內。既有吸食鴉片之案。其餘窩藏吸煙處所。安能必其必無。至於通衢廣市。人煙稠密。五方雜處。吏易藏奸。尤當認真查察。以絕根株。著步軍統領衙門。順天府。五城。各飭所屬嚴密訪查。無論王公旗民。一體嚴拏。分別奏咨辦理。不准瞻徇觀望。致干咎戾。總期肅清積習。俾文武官員軍民人等。共知儆畏。用副朕力挽頹風。除惡務盡之至意。○又諭昨降旨交大學士軍機大臣會同該部議奏嚴禁鴉片煙章程。著宗人府一併會議具奏。○禮部奏。十月初十日。

皇太后聖壽節。應行禮儀。得旨是。照例行禮。奉

皇太后懿旨。停止筵宴。其在外福晉命婦進內行禮之處。並著停止。○戊申諭軍機大臣等。有人奏湖北德安府知府方長慶倡為設局銷鹽之議。借捐辦書院膏火為名。斂取民財。歸入鹽局。以作運本。並親赴隨州傳齊富戶。抑勒捐銀。隨州戶書徐錫齡李熙安包辦漕糧著名蠹吏。該府與之交若友朋。以致該戶書等倚勢將局中鹽斤。分派各鄉保多寡不均。藉以需索使費。本年五月間。鄉民拆毀鹽局。該府州掩飾不完。徐錫齡等現有破控之案。亦未完結。該府到任時。派捐留養貧民。公所並未留養一人。公項盡歸無著。又隨州歷任知州。俱令民間捐納穀價。藉飽私橐。追呼逼迫。亟於正供。民間畏累。不敢呈控等語。地方官藉端科派。久干例禁。若如所奏。實屬擾累閭閻。且難保無侵吞入己情弊。不可不嚴行懲辦。著林則徐即照原摺所指各款。明查諳訪。務得確實。如有前項情弊。即據實嚴參。

母稍瞻徇。原摺著鈔給閱看。將此諭令知之。

○河東河道總督栗毓美奏報秋汛安瀾命詣

河神廟祀謝。並下部議敘。出力員弁升敘有差。○己酉。

上御洞明堂。勾到新疆雲南貴州廣東情實罪犯。停決新疆絞犯二人。雲南斬犯三人。絞犯一人。貴州斬犯八人。絞犯三人。廣東斬犯一人。絞犯二人。餘七十人予勾。○諭內閣。鴉片

煙流毒內地。官民煽惑傳染日深。前年太常寺少卿許乃濟奏請弛禁。朕即以為不得政體。本年鴻臚寺卿黃爵滋奏請嚴禁。當降旨飭令直省將軍督撫各議章程。昨復令大學士等會議。朕於此事深加痛恨。必欲淨絕根株。毋貽遠患。並於召見內外臣工時。詳加察訪。從無一人議及弛禁者。許乃濟冒昧瀆陳。殊屬紕繆。著降為六品頂帶。即行休致。以示懲儆。○以故巴林扎薩克貝子噶爾瑪什第

弟多爾濟薩木魯布青海扎薩克輔國公珠爾默特都布丹車喀子吹達爾。各襲爵。○以禮部左侍郎沈岐知武舉。工部右侍郎李振祐為武會試正考官。都察院左副都御史王璋慶為副考官。○命吏部右侍郎隆文。工部右侍郎恩桂。敬謹查勘。

孝陵五孔橋工程。○命陝甘總督瑚松額撥銀六十八萬兩。解赴伊犁。六萬四千九百兩有奇。解赴葉爾羌。巴爾楚克。八萬一千八百兩

有奇。解赴喀什噶爾。英吉沙爾。備道光二十年經費。○庚戌。諭內閣。本日兵部具奏。桓格善英嚴議處分一摺。前因桓格令防禦勒爾經阿等具呈告退。經朕特派大臣考驗。該防禦等弓馬雖不出色。尚屬平平。昨覽鍾祥奏校閱旗營單內。勒爾經阿定興。各中箭二枝。可見該防禦等尚未至不堪錄用。乃桓格率令具呈告退。未免任性妄為。部議降四級調用。原屬咎所應得。姑念桓格覈實考驗。尚為

認真起見。著加恩改為降二級調用。善英明知桓格飭令告退。與例不符。並不據實咨駁。迨經具摺參奏。乃復商令倒填月日。其居心實屬狡詐。善英著即照部議革職。○諭軍機大臣等。前據毓書等奏。哈薩克伊扎噶土等率眾私越開齊。滋擾土爾扈特等游牧。當降旨准其調兵堵剿。茲據毓書奏稱。伊扎噶土等前由土爾扈特南入察漢通格台一帶地方。旋復先後散向北行。仍入土爾扈特游牧。

肆行搶奪。拒捕傷人。現在所調杜爾伯特官兵俱已齊集。派令遊擊和明帶領前往。會同哈楚運勦辦。惟該哈薩克前赴青吉勒河。與伊滿聚會。若自烏梁海闖入塔爾巴哈台界內。必須會同查拏等語。伊扎噶土伊滿等累年侵占滋擾。致煩驅逐。今又率眾在烏梁海土爾扈特等處搶掠傷人。若不嚴行勦辦。何以服眾蒙古之心。而杜眾哈薩克覬覦之漸。滿多布現赴塔什圖畢地方。籌辦開墾事宜。

到任尚需時日。著關福迅速派委妥員帶兵前往。儻該哈薩克等闖入界內。即會同科布多之兵。悉力查拏驅逐。以靖邊圉。將此諭令知之。○兩江總督陶澍河道總督麟慶奏報秋汛安瀾。命麟慶詣

河神廟祀謝。陶澍麟慶均下部議敘出力員弁。升敘有差。○撫卹朝鮮國琉球國遭風難夷如例。○辛亥。諭內閣上年給事中況澄泰請躡緝重犯。當降旨著內外各衙門飭屬嚴

緝。茲又據該給事中奏稱。本年各省秋審情實。緩決各招冊內。要犯逃逸未獲。聲明緝獲另結者不少。且其中有情節重大之犯。將罪應斬絞。在逃各犯。開單呈覽。各省命盜重案。地方官果能上緊查拏。何至要犯遠颺日久。無獲。現據單開各犯。均係情罪重大。承緝各官。並不實力緝兇。則尋常軍流以下逸犯。尚安望其認真掩捕。俾無漏網耶。著各省將軍督撫。即照單開各案。督飭所屬按名嚴拏。隨

案擬結仍遵前降諭旨查有不能實力擒捕或任聽捕役人等隱匿賣放立即據實奏奏毋許徇縱並著刑部於每年秋審時查明各省逸犯彙催偵緝以懲兇暴而杜疲玩○又諭關聖保等奏博番捆獻賊首解藏訊辦一摺此案賊犯朗札起意糾眾滋事戕害官兵實屬渠魁阿旺蓋桑策忍札喜彭錯策坡均聽糾聚眾帶兵打仗劫營殺斃官兵罪不容誅所有朗札等五犯著即行正法傳首犯事

地方示眾以彰國法而儆兇頑其在逃之仁侵策旺等各犯著嚴飭下博窩頭人等查明存亡另行辦理毋任倖逃顯戮並清查附近博窩被擾地方妥為安撫毋令一夫失所至此次出征漢番官兵口糧賞需等項俱係捐辦著免其造冊報銷其打仗陣亡之番官番兵等家屬即著關聖保等會同噶勒丹錫呼圖薩瑪第巴克什妥為撫卹並查明打仗出力及捐備賞需之漢番官弁分別奏請鼓勵

所有單開善後章程該大臣等務當實力奉行以期邊陲永靖毋得始勤終怠日久又成具文○壬子
上詣綺春園問

皇太后安○御洞明堂勾到四川情實罪犯停決斬犯三十五人絞犯四人餘九十三人予勾○諭軍機大臣等前因哈薩克賊匪伊扎噶土等率眾滋擾曾經降旨派車林多爾濟帶兵勦辦毓書著留科布多彈壓地方轉運

糧餉本日據車林多爾濟奏現在遵旨帶兵前往勦辦又據毓書奏稱主事職銜哈楚暹與哈薩克打仗殺斃賊匪五十八名生擒賊匪四名奪獲器械各一摺是該哈薩克等鴟張不過如此一經勦辦即致潰散車林多爾濟到該處時務將該哈薩克等全行驅逐出境如能拏獲賊首立即正法使該哈薩克等畏懼即可不必窮追所有此次帶兵出力人員著車林多爾濟毓書等查明具奏車林多

爾濟到彼處時。即借用科布多參贊大臣印信。將此各諭令知之。○癸丑。以鑲黃旗滿洲副都統色克精額為正紅旗蒙古都統。調正白旗滿洲副都統文慶為鑲黃旗滿洲副都統。鑲紅旗漢軍副都統奕興為正白旗滿洲副都統。以都察院左副都御史善燾兼鑲紅旗漢軍副都統。○以直隸永定河防汛出力。予通判汪兆鵬等加銜升用有差。○予故正紅旗蒙古都統彥德祭葬。○甲寅。諭內閣前

因內務府銀庫失去銀兩。當降旨將庫使庫丁。及值班官兵等一併交刑部訊究。茲據奏稱。熬審二十餘晝夜。均供並無夥同行竊。亦無知情分贓。體察情詞。俱屬的確。未便遇事刑求。致滋冤濫等語。姑如所請。著即就現犯罪名。先行擬結。所有此案正賊。膽敢行竊內庫銀兩。情罪重大。仍著步軍統領衙門。順天府五城內務府一體偵緝。務獲從嚴辦理。不得視為海捕具文。任其漏網。刑部堂司各官。

審辦此案。一月有餘。未能究出正賊。自請議處。著即交部分別議處。○丙辰。

上御洞明堂。勾到廣西福建奉天情實罪犯。停決廣西斬犯七人。福建斬犯五人。奉天斬犯五人。絞犯一人。餘七十六人。予勾。○諭軍機大臣等。烏珍奏解犯官兵等路費無款。可籌請借鹽菜銀兩等語。伊林保控案內該革員等跟隨家丁前經降旨。著烏珍查明解京候訊。該處距京遠。所有長解官並應訊

官兵人證。著准其借給一年鹽菜銀七百七十兩。零作為路費。仍自本年冬季起至明年秋季止。照數扣還。將此諭令知之。○丁巳。諭軍機大臣等。據恩特亨額奏。遵旨將已革遊擊伊林保稟揭已革辦事大臣海亮等各款案內人證卷宗解京聽候審訊等語。此案各犯證業經恩特亨額移咨哈密。並派員押解起程。其冊檔文案及先後訊取供招黏連卷宗一併解京。以憑覆訊。所有訊出唆訟之安

徽民人余黃既係與伊林保斟酌供詞即係案內要證著恩特亨額烏珍泰將該民人一并起解沿途遞送來京歸案審訊將此各諭令知之○兩廣總督鄧廷楨奏訪聞廣西南寧府屬地方有匪徒編造匿名揭帖現委員會查得旨偽造揭帖之人務期訪獲按律懲辦不可致令漏網○以故綽羅斯貝子賡音蘇子伊鏗額襲爵○撫卹暹羅國遭風難夷如例○戊午

上御勤政殿聽政○諭內閣奕賣所遺王爵除奕賣親兄弟姪不准揀選外著於譜內各支擇其現有官爵人去得者揀選帶領引見溥喜所遺公爵著將溥吉載銘帶領引見仍准其承襲入八分奉恩輔國公綿順所遺公爵著將綿壽帶領引見○以大理寺卿成剛為都察院左副都御史光祿寺卿祝慶蕃為太常寺卿○以因病告替雲南永昌府屬孟定土知府罕翁子遵襲職○旌表守正捐軀山

西襄陵縣民劉信信妻單氏○賞廣安門外普濟堂煮賑小米三百石○己未上詣綺春園問

皇太后安○御洞明堂勾到陝甘湖廣情實罪犯停決陝甘斬犯十八人絞犯四人湖廣斬犯三十五人絞犯八人餘六十二人予勾○以多辦銅斤賞雲南知府許文設道銜○庚申諭軍機大臣等寄諭兩廣總督鄧廷楨廣東巡撫怡良本日據琦善奏現經天津鎮道

等在大沽一帶金廣興洋船上拏獲煙土八十二口袋計重十三萬一千五百餘兩並取獲煙具軍械訊據奸商鄧然即鄧繕水手郭吞等供稱鄧然係廣東三水縣人與南海縣人余暉順德縣人崔四福建龍溪縣人郭有觀即郭士酉各出資本在廣州府城外水西街萬益號有香山縣人李四經手向夷船代買煙土八十三擔每擔約一千五六百兩等語鴉片煙流毒最甚現在天津地方於一船

之內。按獲如許之多。此外浸灌各省海口者。更不可以數計。既據該犯供稱。買自夷船。由香山縣人李四經手。可見廣東奸民積慣勾串外夷。銷售煙土。本省大小文武。養奸貽患。盡喪天良。深堪痛恨。著該督撫等。密速派員。將省城外水西街萬益號內香山縣人李四。立即拏獲到案。嚴行追究。夥黨及代人買運次數。逐一窮詰。務得確情。從嚴懲辦。不得稍有疏縱。致令免脫。將此各諭令知之。尋奏查

訊李亞彥即李四莫亞三即莫仕梁或假充經紀。或私立字號代買煙土。至數十擔之多。莫仕梁應按律從重發往新疆。給官兵為奴。李亞彥應革去監生。發近邊充軍。逸犯余暉等。俟緝獲另結。下部議從之。○伯都訥副都統福勒洪額。以親老乞養。允之。以太原城守尉恆通為伯都訥副都統。○以拏獲鴉片煙土予大學士署直隸總督琦善議敘。餘加銜升敘有差。○旌表守正捐軀四川什邡縣民

唐典文妻黃氏。○貸江蘇碭山縣濬減水河道銀。○辛酉命湖廣總督林則徐來京陛見。以湖北巡撫伍長華兼署總督。○調湖南巡撫錢寶琛為江西巡撫。未到任前以布政使趙炳言護理。調江西巡撫裕泰為湖南巡撫。○以修葺烏里雅蘇台城垣工竣。予郎中吉麟等升補有差。○壬戌

上御洞明堂。勾到浙江江西安徽江蘇情實罪犯。停決浙江斬犯八人。絞犯二人。江西斬犯

六人。安徽斬犯十四人。絞犯一人。江蘇斬犯七人。絞犯二人。餘四十一人。予勾。○甲子諭軍機大臣等。昨據琦善奏在天津大沽一帶洋船上拏獲鴉片煙土十三萬一千五百餘兩。訊據奸商鄧然等供稱。各出資本在廣東向夷船代買。已降旨交琦善嚴訊。並飭鄧廷楨等將經手奸商李四密拏追究懲辦矣。鴉片煙流毒內地。傳染漸深。總由各該省地方官因循懈怠。以致貽患養奸。實堪痛恨。因思

天津一船之內夾帶如許之多。此外浸灌各省海口者更難數計。閩省毗連粵界一棹可通。近聞沾染此風亦盛。若不趁此時力加整頓。貽害日深。鍾祥平日辦事尚屬認真。亦頗有識見。當此喫緊之際。自必設法堵截。嚴密查拏。但恐該省文武員弁或按查偶懈。或兵役等得賄賣放。包庇諱匿。勢所難免。著該督嚴飭所屬於海口扼要地方認真梭織巡防。遇有船隻形跡可疑。即時盤詰。按查儻起出

煙土煙膏。務將該犯拏獲。追訊興販根由。從嚴懲辦。毋得稍形鬆勁。致有浸灌。是為至要。將此諭令知之。○乙丑

孝慈高皇后忌辰遣官祭

福陵○諭內閣貴州安義鎮標額外外委保文華著准其兼襲雲騎尉世職。嗣後遇有犯總外委兼襲雲騎尉著照七品以下文職兼襲之例具題請旨。該部即纂入則例遵行。○又諭前因運河等處河水淺涸。本年重運漕船

輒多阻淺。當降旨著栗毓美飭屬先事豫籌。免致明年重運經臨。辦理竭蹶。茲據該河督籌議收摺濟運事宜具奏。朕詳加披閱。尚屬周妥。著責成麟慶經額布。即會同該河督各照現議章程。飭屬妥為辦理。並著栗毓美隨時督率道廳營汛認真趕辦。如有玩誤。即行嚴叅。務期河水充裕。儻明年重運回空。稍有阻滯稽延。惟該河督等是問。懍之慎之。○諭軍機大臣等。本日據車林多爾濟疏書奏。驅

逐哈薩克情形。各一摺。覽奏均悉。哈薩克等烏合之眾。現經驅逐西去。著仍遵前旨。不必窮追車林多爾濟帶兵到彼察看情形。如該匪等逃竄遠颺。即著陸續將所調官兵裁撤歸伍。毋庸重煩兵力。至毓書奏稱臺站兵丁每站四五人不敷。差委著毓書即於每站酌量再添數名。毋許浮濫。總當慎守邊圉。示以靜鎮。斷不可鋪張喜事。勞師糜餉。將此各諭令知之。○又諭據金和奏。巴爾楚克屯田春

戶因該委員等辦理不善。房間衣食不能散給充足。以致紛紛逃回。業經派委遊擊福珠凌阿等前赴該處查明。該眷戶在逃者七十六口。其餘在七商戶眷戶男婦大小五百餘名。聚散尚在未定。已捐資轉飭壁昌辦買口糧衣物等項。將在逃眷戶妥為安置等語。已爾楚克興辦七田為籌畫邊防要務。全在辦理妥協。方能使該民人等安居樂業。開闢日增。前經議准該七戶移接眷口。原係事屬便

民甫及二年。何以紛紛逃散。自係辦理不善所致。著恩特亨額查明奏。其在七商戶眷戶妥為安集。無使失所。在逃各戶或情願仍回本處。或仍願歸農。亦著體察情形酌量妥辦。將此諭令知之。○調戶部尚書湯金釗為吏部尚書。禮部尚書吳椿為戶部尚書。以吏部右侍郎龔守正署禮部尚書。刑部左侍郎吳文鎔兼署戶部左侍郎。○以兵部尚書卓秉恬兼管順天府府尹事。○贈故吏部尚書

朱士彥太子太保。予祭葬。諡文定。○旌表守正捐軀四川璧山縣民葉文浩女葉氏。○援徵山東濰鄒平新城濟寧章邱平原聊城館陶臨清邱夏津高密武城魚臺長山陽信恩十七州縣及德州東昌二衛歉收莊七新舊額賦給濰縣貧民兩月口糧。○丙寅

上詣

大高殿行禮。○還宮。○諭內閣。瑚松額奏賊番圖搶馬廠戕斃弁兵一摺。甘肅省卡外賊番

膽敢白晝突至肅州鎮界內圖搶廠馬拒傷弁兵情殊兇惡。著該督即飭該鎮選派弁兵馳往該處協同廠員設法偵緝正賊務獲嚴行懲辦。布隆吉爾營把總馬奉恩首先追捕致被槍斃殊堪憫惜。著加恩照例賜卹以昭激勸。○旌表守正捐軀山東單縣民馬留旦妻楊氏。江蘇海州民蔡雨康妻潘氏。○貸甘肅司庫銀二萬兩發商生息作為防河加增一月經費。從總督瑚松額等請也。○修浙江

東西海塘柴埽盤頭各工從巡撫烏爾恭額請也○以孟冬時享

太廟自是日始齋戒三日○丁卯

孝敬憲皇后忌辰遣官祭

泰陵○湖廣總督林則徐奏江漢安瀾隄防一

律鞏固仍當乘此水落之後飭屬查照盛漲

水痕將各辦歲修段工及早估辦工料愈加

堅實丈尺愈見高寬俾來年捍衛有資得旨

凡事若能如此有何不可挽回朕意在言外

卿其善體朕心決意勉為之○福建巡撫魏

元烺奏拏獲興販鴉片煙土人犯從嚴懲辦

得旨一力從嚴查緝若再因循玩泄是始終

喪良誤國國法具在懷之慎之○頒發湖北

江神廟

御書扁額曰岷源永靖

漢神廟曰三澁波恬○戊辰以己革莊親王

奕賣族叔綿護輔國公溥喜弟溥吉鎮國公

綿順弟綿壽各襲爵

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十四

[illegible]

道光十八年戊戌冬十月己巳朔享

寶錄卷三百五

上親詣行禮○遣官祭

昭西陵

孝東陵

景陵

清實錄
道光十八年十月

秦東陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○頌道光十九年時憲書
○諭內閣烏珍泰奏哈屯喇什丕勒呈請將
前因不安本分發往巴里坤之屬下人昆保

實錄卷三百十五

特們仍行撥回原遊牧一摺已革參領昆保頭等護衛特們自到配以來深知畏法改過著照所請准其飭令撥回原遊牧○以捐修喀喇沙爾城垣河隄各工賞署土爾扈特盟長印務哈屯喇什丕勒誥封如福晉例及其孫汗那木扎勒珠爾默特策林三眼花翎扎薩克一等台吉圖魯蒙庫巴彥吉爾噶勒花翎餘升敘有差○庚午

皇太后安。○辛圓明園。○辛未兩廣總督鄧廷楨奏。拏獲拒捕之開設窯口囤販鴉片馮得圃等犯。得旨。歷任大小文武。相率姑容。致有今日之患。此時若再因循。其害尚復忍言乎。朕姑既往不咎。看汝等能否具有天良。所辦若何耳。○以左春坊左中允重謙充日講起居注官。○壬申諭內閣。戶部奏各省解部銀兩。請飭催解等語。各省收捐監生例收平餘銀兩。解交部庫。飯食銀兩。解部充公。據該部查明。湖北省應解平餘銀二萬三百餘兩。飯食銀八千九百四十餘兩。山東省應解平餘銀四千兩。飯食銀二千兩。山西省應解平餘銀二千兩。飯食銀一千兩。定限久逾。延未委員報解。著湖北山東山西各巡撫。將前項應解銀兩。迅即派委妥員解部。毋再延緩。嗣後應行解部銀兩。務當隨時批解。不得任意宕延。以資辦公而重庫款。○又諭。申啟賢奏訪獲習教匪犯。請寬免處分等語。此案傳習天

主教之山西霍州房振豐等犯。洪洞縣辛東信等犯。均經該州縣自行訪拏獲案。雖失察於前。功過尚足相抵。所有歷任文武各官。應得處分。著加恩寬免。○命湖北按察使程銓留京。以四品京堂候補。以駐藏幫辦大臣鄂順安為湖北按察使。○癸酉貸綏遠城右衛二處駐防官兵修理房間俸餉銀。○甲戌上詣天佑宮行禮。○諭軍機大臣等。據麟慶奏清江浦有贊化宮一所。供奉純陽呂祖。每遇河湖異漲風雨。愆期祈禱。響應。請頒給扁額等語。神靈顯應。福佑生民。宜申虔敬。該處於嘉慶年間既奉有御書妙契元機四字扁額。已足以肅觀瞻。著該河督敬謹崇奉。以迓神庥。將此諭令知之。○內務府奏前據刑部具奏銀庫失去銀兩。聲稱如何稽查防範。應

由該管衙門自行妥議辦理應請嗣後銀庫過開庫之期令該庫官選擇當差謹慎庫使四名年久可靠庫丁三名匠役四名隨同進庫專司盤兌收發款項及照看箱櫃封鎖庫門等事其餘庫使庫丁匠役等概不准擅入如遇收發較多之日准該庫官臨時酌量添派庫使二三名匠役三四名進庫幫同辦理仍將該庫使庫丁匠役等花名按期存記以備查覈其各處交領銀兩員役人等均令在庫門外階下聽候俟庫中傳喚時再至庫門外交領差竣即行退去至向來開庫本有定期嗣後將一四七等日令庫官按季呈報景運門由前鋒護軍統領派定章京一二員率領值班護軍校護軍等在庫門外嚴密稽查如有別項當差人等在庫門外附近窺探立即盤詰驅逐至封庫時仍照舊章該庫官眼同該章京及值班章京護軍校等公同封鎖後交護軍校護軍等敬謹看守如遇領收庫

內別項什物及傳用金銀不在定期開庫應由該庫官等報明值班前鋒護軍統領隨時派員稽查封庫時照前辦理僅日久疏懈一經查出將看守之護軍懲處庫使庫丁等從重辦理以昭慎重而免疏虞從之○添購直隸永定河豫防稽料仍增歲料運腳銀從大學士署總督琦善請也○蠲緩直隸武強東鹿鹽山慶雲鉅鹿曲周磁大名新河武邑寧晉深饒陽安平天津靜海滄南皮宣化青永年邯鄲阜城二十三州縣被旱被水被雹被霜村莊新舊額賦有差○乙亥

上詣綺春園問

皇太后安○諭內閣法豐阿奏籌酌停調豫調經費一摺著照所請和闐應調道光二十年分經費暫行停調著俟十九年分經費到日通盤扣算是否足敷支給再行辦理所有應支二十年分俸銀八百六十兩仍著陝甘總督照例如數撥解以備支放該部知道○以

服闋總兵官恆安為湖北鄖陽鎮總兵官。○丙子諭內閣前據鴻臚寺卿黃爵滋奏河南汲縣潞洲屯地方有墳塔廟碑實為邪教祖庭請飭查辦當降旨交錢福昌於考試衛輝府時密行查訪並著桂良嚴密查辦旋據錢福昌奏衛輝府甫經考過派親信子弟將該處情形查明具奏茲據桂良奏稱派委臬司成世瑄親往訪查並將捐出碑文呈覽朕詳加覈對所查均屬相符惟錢福昌所奏較略係因汲縣知縣聞拏匪徒先將各碑無生老母字跡剷鑿以致無從鈔錄該縣劉銘本既已赴廟目擊情形並不稟明該上司查辦乃遽將廟內碑碣字跡剷削是誠何心著即革職拏問該府知府耿有修亦不據實叅揭著一併解任交桂良質訊有無情弊分別辦理其無生老母塑像以及廟塔著該撫即派員全行拆毀並著桂良於本年校閱營伍時就近親至該處查驗屬實即將墳墓平毀飭屬

嚴行禁止軍民人等毋許再有聽信邪說煽惑人心等事以絕根株而安良善○又諭前據御史蔡子璧奏東河找領銀兩逐年加增請旨查禁當交該部議奏茲據工部查明每年找領不敷銀兩已在動用比較之中該御史所請倣照錢糧款項三年比較之處著毋庸議惟上年彙奏銀數比較道光十六年多用銀二萬六千餘兩比較十五年多用銀三萬二千餘兩比較十四年多用銀八萬八千餘兩曾經該部覈明具奏降旨飭該河督樽節估辦國家經費有常冒濫之漸不可不防著該河督仍遵前旨加意撙節毋許逐年加增致糜帑項○丁丑上詣綺春園侍皇太后膳○戊寅皇太后聖壽節遣官祭太廟後殿奉先殿○

上率皇子及王公大臣文武官員詣綺春園行慶賀禮○侍

皇太后膳○命陝甘總督瑚松額撥銀十萬四千二百二十四兩解赴烏魯木齊備道光二十年經費○己卯戶部議准廣西巡撫梁章鉅疏報天保縣開墾水田八墾一伯一什照例升科從之○庚辰禮部議准山東巡撫經額布疏報採訪莘縣節婦張趙氏等六十五口海陽縣車李氏等三十五口請各建總坊

旌表從之○辛巳撫卹琉球國遭風難夷如例○壬午旌表守正捐軀山東長山縣尼結望○癸未試中式武舉曾傳先等五十八名於太和殿前○賞前任岫巖城守尉輯瑞復州城守尉耆瑞頭等侍衛在大門上行走○修浙江上虞縣呂家埠等處塘坦各工從巡撫烏爾恭額請也○撫卹朝鮮國遭風難夷如例○甲申諭軍機大臣等有人奏江蘇所屬上海縣為東南數省販賣鴉片煙口岸向

有閩粵奸商雇駕洋船就廣東口外夷船販買雜貨並鴉片煙土由海路運至上海縣入口轉販蘇州省城並太倉通州各路而大分則歸蘇州分銷全境以及鄰境省外州縣地方設有信船帶貨船各數隻遞送書信凡外縣買食鴉片煙者俱託該船代購大縣每日計銷銀五六百兩小縣每日計銀三四百兩等語現在查拏煙販正當喫緊之時如直隸山東等省俱已拏獲大起嚴行懲辦惟近畿

各處查拏嚴緊洋船原帶煙土不能起岸或徑赴上海售賣不可不防各該省大吏原應不分畛域認真緝拏況上海為江蘇所屬責有攸歸著陶澍陳鑾即遴派幹練文武員弁自蘇州至上海一帶設法偵察跟蹤密緝儻經拏獲奸商到案即根究夥黨多寡分路堵拏勿任絲毫偷漏並著查勘海口確實情形妥議章程具奏將此各諭令知之○予故山東鹽運使前任廣西思恩府知府李彥章入

祀名宦祠從巡撫梁章鉅請也○乙酉

上詣綺春園問

皇太后安○諭內閣昨據御史狄聽奏稱江蘇

上海縣地方為東南數省販賣鴉片煙口岸

請飭查拏當降旨令陶澍陳鑾分別派員查

辦本日據陶澍等奏稱在上海東關外起獲

窩頓煙土數起為數甚鉅復於蘇州揚州江

寧等府屬盤獲販賣窩頓各犯共計煙土一

萬六千餘兩並諭令海船繳出煙土四萬一

千餘兩免其治罪是該御史所奏屬實而該

督等於所屬地方有犯即懲辦理認真可嘉

之至著陶澍陳鑾即提集各案人證分別追

究夥黨多寡按名弋獲從嚴懲辦毋使漏網

所有緝獲出力各員自應量予恩施以示鼓

勵蘇州府知府汪云任著賞加道銜署揚州

府坐補常州府知府李璋煒著免其坐補原

缺遇有該省知府缺出即行補用知府銜蘇

州府督糧同知黃寬著遇有該省題缺知府

缺出奏請升補知州銜署上海縣知縣練廷

璜著以知州升用署提標右營守備千總王

嘉謨著以守備升用先換頂帶陶澍陳鑾督

率有方均著交部議敘該督等仍當嚴飭所

屬循照現辦章程認真查辦不准稍有疏懈

果能力除痼疾朕必嘉悅既往之事付之不

咎矣勉之餘著照所議辦理○諭軍機大臣

等據金和奏巴爾楚克屯田引用大河拐渾

水曲折約有八百餘里之遙若渠口窄狹其

流細微難資灌溉渠口寬大勢必渾河斷流

河水盡歸新渠且大河拐至巴爾楚克八百

餘里之中沿途並無人煙僅渠壩衝裂必致

淹漫要路若沿隄設立堆鋪看守該處委員

祇有四五名暨眷戶人等亦不足以培修渠

壩耕種焉能甚善等語巴爾楚克開墾屯田

前據特依順保查奏事屬可行是以節次降

旨妥辦若如金和所奏工程浩大辦理既難

而開渠至八百餘里之長沿途防守無人亦

滋流弊著恩特亨額查明實在情形是否辦理不善所致詳細籌畫據實具奏將此諭令知之○添製涼州滿洲營擡礮六尊從副都統薩隆阿請也○緩徵奉天寧遠州歉收地畝額賦○丙戌

上詣

大高殿行禮

時應宮拈香○還宮○御紫光閣閱中式武舉馬步射○諭內閣御史淳貴奏請將各省

拏獲鴉片煙土解京查覈以杜濫邀議敘之弊該御史所奏自係因覈實起見但各省距京程途遠近不等若紛紛解京委員稽察難周必致沿途偷漏又滋流弊該將軍督撫等經朕委任斷不疑其查禁錮習有冒濫各情即該將軍督撫等亦萬不敢欺飾邀功自取咎戾惟查拏日久該州縣等難保不生覬覦希冀恩澤以致影射欺飾亦不可不防其漸著各直省將軍督撫於所屬拏獲煙土煙具

務當秉公覈實查檢數目當堂目擊銷燬無得任聽屬員抽換隱匿以少報多僅有浮冒不實及銷燬不盡等弊一經查出即行從嚴叅辦至拏獲煙土煙膏嗣後應如何匪總查驗銷燬淨盡以杜弊竇之處著大學士軍機大臣會同各該衙門一併議奏○又諭琦善奏請將私給保單之會館董事飭拏訊辦等語已革山東樂昌縣知縣廖炳奎充當天津閩粵會館董事輒敢私行出具保單給付閩

粵商民今經過關津海口查驗放行殊屬任性妄為並於雙峯等棧容留煙販及吸煙人犯已據伊子供認知情尤屬大干法紀廖炳奎現赴山東德州候補未入流費宗禮及曲阜縣知縣王大淮任所著經額布即飭嚴拏解赴直隸交該署督訊明究辦至閩粵會館董事有稽查約束之責嗣後著責成天津府飭令閩粵商民公舉老成公正之人報明承充取具甘結存案如有販賣鴉片煙土煙具

者該董事不行舉首或竟通同舞弊即著照
例如等治罪尋奏拏獲廖炳奎審供不諱擬
杖一百流二千里下部議從之○添製密雲
滿洲營牌槍一百二十桿從副都統雙德請
也○丁亥

上御箭亭閱中式武舉技勇○御乾清宮引見
中式武舉親定甲乙○諭內閣武殿試一甲
向取三人此次中式武舉朕親加校閱除一
甲一名郝光甲一甲二名佟攀梅馬步箭弓

刀石俱稱外其餘各武舉內或馬步箭尚好
弓刀石間有二號者或弓刀石尚好馬步箭
中不及數者一甲第三不得其人未便遷就
符額用示朕覈實掄才之意其補行殿試之
鑲白旗漢軍中式武舉項得榮弓刀俱不符
著再罰停殿試一科所有應議職名著該部
查明照例辦理○諭軍機大臣等關福等奏
哈薩克伊扎噶土等深入科布多拒傷蒙古
官兵現由豐紳以查卡為名前往接連土爾

扈特遊牧之察罕鄂博卡倫一帶彈壓並令
沿邊官兵及土爾扈特親王等加意巡查嚴
密防守等語所辦甚屬曉事卡外之哈薩克
等攘竊成風原不值與之深較其帶領屬戶
潛入卡內圖就水草住牧者亦歷年常有之
事向皆一經驅逐即行那移又何能聳動別
項哈薩克同惡相幫該大臣等惟當持以鎮
靜僅伊扎噶土等膽敢潛來即行截拏毋令
眾哈薩克潛入藏匿所有卡外附近過冬之

哈薩克王公台吉等著即剴切曉諭令各照
舊安分度日毋許輕聽傳言致生疑懼又另
片奏接准保昌等咨伊扎噶土等現在烏梁
海境居住設逐入塔爾巴哈台界內即派員
先往會辦著關福即令豐紳馳抵察罕鄂博
時遴派熟悉吏情曉事之員前往幫同科布
多官員分別查拏驅逐毋得過於威促致開
邊釁而滋事端將此諭令知之○右翼前鋒
統領安福因病解任以鑲黃旗護軍統領中

山為右翼前鋒統領○緩徵江西南昌新建進賢鄱陽皇子建昌德化德安湖口彭澤豐城餘干新淦峽江廬陵吉水泰和萬安清江新喻都昌安義二十二縣被水村莊新舊額賦○戊子

上御太和殿傳臚賜一甲郝光甲佟攀梅二人武進士及第二甲原奠邦等六人武進士出身三甲王太平等三十七人同武進士出身○幸圓明園○調正黃旗護軍統領博多歡

為鑲黃旗護軍統領正白旗護軍統領聯順為正黃旗護軍統領正藍旗護軍統領巴清德為正白旗護軍統領以戶部左侍郎文慶兼正藍旗護軍統領○以貴州銀價日昂暫停貴陽大定兩局鼓鑄從巡撫賀長齡請也○旌表守正捐軀直隸深州民張常嫂魏氏

○己丑
上御洞明堂勾到河南山東情實罪犯停決河南官犯一人斬犯三人絞犯三人山東斬犯

一人絞犯三人餘八十三人予勾○諭軍機大臣等車林多爾濟奏將滋事哈薩克賊匪驅逐出境酌量撤兵請旨一摺所奏甚是前因哈薩克賊匪入卡滋擾經主事職銜哈楚暹帶兵打仗殺斃賊匪多名餘匪盡行奔竄伊扎噶土係哈薩克之無能小醜業經畏威遠竄車林多爾濟仍遵前降諭旨不必窮追即在伊原帶之喀爾喀兵內擇其年壯力强者帶往會同哈楚暹察看賊匪情形妥為驅

逐辦理餘兵撤回本地以省兵力○蠲緩湖南武陵沅江澧華容安鄉巴陵益陽七州縣並岳州衛被水莊屯新舊額賦有差○庚寅上詣綺春園問

皇太后安○諭內閣給事中朱成烈奏河臣籌議蓄水濟運事宜未能確有把握一摺前據栗毓美奏陳收蓄濟運章程六條當有責成麟慶經額布會同該河督飭屬妥辦茲據該給事中奏稱所議六條有緩不救急者有

毫無實濟者。請再行熟計詳籌等語。每年漕船北上。經過各河道。例應豫籌收水。以備來年之用。本年夏初。偶因雨澤稀少。船行輒多阻滯。此皆上年不能豫為蓄所致。若非大雨時行。河流充裕。則重運回空。幾至兩誤。現在空船將次過竣。來年重運尚未經臨。當此空閒之時。正宜通盤籌畫。未雨綢繆。應挑挖者。即行挑挖。應蓄者。即行蓄。若再因循觀望。坐失機宜。以致重運屆臨。又形淺阻。尚復成何事體。著栗毓美經額布。即將該給事中摺內所指各情節。再行熟計詳籌。務使來源暢旺。一律深通。將來各省軍船連樁入境時。總可暢行無誤。方為不負委任。儻任聽河道廳備各員虛領錢糧。而於湖水不能收符定誌。泉源不能疏濬得宜。運河挑挖不能深通如式。一經查出。除承辦各員照例治罪外。定將該河督及山東巡撫一併嚴懲。決不寬貸。勿謂言之不豫也。尋奏遵旨熟計詳籌。不

致貽誤來年重運。得旨激發天良。竭力為之。如誤事。機必惟汝是問。懍之。○命烏什辦事大臣岳良塔爾巴哈台領隊大臣豐紳吐魯番領隊大臣惟勤烏里雅蘇台參贊大臣常明西寧辦事大臣蘇勒芳阿來京賞正黃旗護軍參領松齡頭等侍衛為烏什辦事大臣。二等侍衛伊勒東阿頭等侍衛為塔爾巴哈台領隊大臣。以正白旗漢軍副都統和倫為吐魯番領隊大臣。正白旗蒙古副都統盛貴為烏里雅蘇台參贊大臣。賞駐藏幫辦大臣訥爾經額頭等侍衛為西寧辦事大臣。以正紅旗蒙古副都統孟保為駐藏幫辦大臣。頭等侍衛衛敬敷署正白旗蒙古副都統。○修河南山東黃河兩岸土工。並豫辦來年備防稻石從河道總督栗毓美請也。○辛卯上御洞明堂。勾到直隸山西熱河情實罪犯。停決直隸斬犯四人。絞犯七人。山西斬犯一人。絞犯四人。餘七十四人予勾。○諭內閣已革

兵部差官恆慶因欲帶同伊子進京銷假當差既經在旗呈明並不聽候批示輒即攜眷起程已屬非是復因被叅不甘訴稱善英率子帶領兵丁在署演唱並牽涉善英坐轎買妾僭用親隨冒支差費養贍回奴等情先後牽供多款希圖報復現經訊明均係事不干己恆慶著銷除本身旗檔枷號三箇月滿日發近邊充軍已革副都統覺羅善英律以恆慶牽控各款已屬違例況以二品武職大員

整頓營伍是其專責乃於伊子扎拉芬帶同兵丁在署彈唱失於禁約與平日陳奏種種刺謬其情甚屬可惡善英著發往軍臺效力贖罪以示懲儆已革兵丁羅阿常即巴哈蘇唐連閏即雙忠祿明即額勒赫布以駐防兵丁學習彈唱聽從扎拉芬在副都統署內彈演殊屬有乖營制著乍浦副都統提案責懲並另行存記嗣後永遠不准挑差以為旗兵嬉戲者戒○又諭騎射為八旗根本京營兵

丁及各省駐防均有守禦之責該管都統將軍等例應勤加操練俾令技藝優嫻為國家備干城之選前據烏爾恭額等覆奏善英一案乍浦駐防兵丁內有巴哈蘇雙忠額勒赫布被善英之子扎拉芬喚入署內彈唱二簧調業將已革副都統善英發往軍臺效力並降旨令乍浦副都統即將巴哈蘇等提案責懲永不許再挑差使因思近來旗人漸染澆風往往荒其本業習為遊蕩諒不止乍浦一

處為然必應亟加整頓以期返樸歸淳著八旗都統各省將軍都統副都統等嚴飭所屬認真訓練務使營務肅清悉成勁旅並隨時查察如有似此不知自愛習於下流者立即從嚴懲辦經此次訓諭之後儻仍扭於積習一味姑容別經發覺或被人糾叅除將本人照例治罪外定將該管之都統將軍副都統等重懲不貸將此通諭知之○又諭前據烏爾恭額等覆奏善英一案朕批閱摺內乍浦

駐防兵丁有羅阿常即巴哈蘇唐連閏即雙忠祿明即額勒赫布皆係一人兩名殊非定制外間惡棍往往有渾名綽號定案時常有某某即某某名目此案巴哈蘇等係食糧兵丁何至沾染此等惡習乍浦兵丁內似此者尚不知凡幾因思京營旗人及各省駐防恐亦在所不免著傳諭八旗都統各省將軍都統副都統等嚴飭所屬查明各項旗人如有似此兩名者立即飭令改正並明白曉諭嗣

後旗人命名務遵定制毋染澆風僕經此次諄諭之後再有某某即某某名目一經查出除本人照例究治外定將該管之都統將軍等一併懲處將此通諭知之○緩徵安徽懷寧潛山宿松望江壽甯鳳陽懷遠定遠靈璧鳳臺泗盱眙天長五河和桐城太湖南陵貴池青陽銅陵石埭建德東流當塗蕪湖繁昌無為合肥巢縣上霍邱毫三十四州縣及屯坐各衛被水被旱歉區新舊額賦○緩徵河

南內黃臨漳武安涉濬安陽延津陽武永城夏邑武陟十一縣被水被旱村莊新舊額賦○壬辰諭內閣向來在京都統副都統前鋒統領護軍統領及各省將軍副都統親隨官兵嘉慶年間屢奉

聖諭定有額數至各直省督撫提鎮總管城守尉凡一二三品文武大員有統轄官兵之責者挑選所屬滿漢兵丁作為親隨跟班亦應酌定額數其應行裁減之處著兵部詳細查明定議具奏○又諭卓秉恬等奏訪獲縣丞署內寄存鴉片煙土請交部嚴訊一摺良鄉縣縣丞胡履震著即革職並該家人方春俱交刑部嚴訊其同城之良鄉縣知縣周震青於該縣丞署內寄存鴉片煙土毫無覺察且於疊經飭拏始將方文查出提解玩延著先行交部議處餘著照所議辦理○又諭鴉片煙流毒傳染日深疊經降旨飭令嚴拏懲辦各該衙門拏獲人犯或咨或奏俱陸續送交

刑部審訊定擬是該部為匪總之地必當認真推鞠務令水落石出不致漏網該堂司各官自應倍加慎重嚴行訊勘方能立除痼習但案犯眾多承審司員或草率了結或積壓遲延甚至聽信囑託吏胥需索種種滋弊在所不免著刑部堂官嚴飭承審司員於解到案犯立時研鞠切實根究分別懲治不得稍有不實不盡以期淨絕根株該堂官仍當不時查察督飭覈辦儻有草率積壓及聽情消弭等弊即行指名嚴叅如任其延玩滋弊別經發覺或被糾叅不但將該司員等從重治罪並將該堂官等一併重懲不貸懍之慎之

○命新授烏什辦事大臣松齡以五品頂帶休致賞右翼翼尉齡山副都統銜為烏什辦事大臣○癸巳諭內閣本年各直省辦理秋審人犯經刑部由實改緩者雲南一起由緩改實者四川五起秋讞大典務宜虛衷研鞠詳審覈定毋枉毋縱各得其平該督撫及臬

司等於秋審未能慎重詳覈致失出多案並有失入之案俱著交部查明分別議處嗣後各直省督撫督率臬司總宜折衷至當斷不可惑於救生不救死之說故從寬厚尤不可有心刻覈過於嚴峻以副朕執法用中至意○諭軍機大臣等有人奏風聞山東商河縣所屬之黃王莊祇有民人黃王兩姓素不為匪其餘回民百餘家人皆盜賊戶盡窩藏該匪等慮及捕擒竟敢修鑿地道為逃匿之計

此村可通被村差役為之包庇每遇捕拏輒暗遞消息多從地道逃匿難於破案前任巡撫訥爾經額曾委員帶兵勦捕不知從何漏洩賊匪先由地道藏躲犯無一獲現在匪黨日滋時輒扮作客商農工紛紛四出糾搶偷竊深為附近各州縣之害等語匪徒肆行搶竊必應隨時緝辦若如所奏該處匪徒竟敢修鑿地道豫謀逃匿勾通差役暗遞信息種種詭秘不法尤當嚴行拏究以靖閭閻著經

額布達即派委幹員嚴密訪查切勿透漏消息致令聞風避匿復蹈訥爾經額查拏無獲之故轍務將該匪徒等盡數弋獲按律懲治如該處差役實有包庇勾通情事亦著按名查拏從嚴究辦其私鑿地道著即拆毀堵塞不准稍有不實不盡致貽後患將此諭令知之○又諭前因有人奏湖北德安府知府方長慶倡為設局銷鹽之議借捐辦書院膏火為名斂取民財歸入鹽局一案當降旨交林則徐查辦茲據該督奏稱正在確查適奉旨進京陛見業經移交伍長華查辦等語此案關繫地方官藉端科派擾累閭閻不可不嚴行懲辦現在隨州戶書徐錫齡等被州民任正興京控之案已提省嚴鞫該書等如何包辦漕糧方長慶果否與之交好以致該書等倚勢勒索使費被鄉民拆毀鹽局及隨州歷任知州如何令民間捐納穀價藉飽私橐等情尚未得有切實證據著該署督徹底查明

如果實有前項情弊即據實嚴叅辦理毋許稍有瞻徇將此諭令知之○展緩湖北漢川沔陽鍾祥京山潛江天門應城江陵公安石首監利松滋枝江荊門漢陽江夏武昌咸寧嘉魚黃陂孝感黃梅二十二州縣及屯坐各衛被水被旱村莊新舊額賦○甲午上御洞明堂勾到朝審情實罪犯停決斬犯一人絞犯一人餘七人予勾○諭內閣敬徵等奏叅算學助教陳杰於不應考試業經批駁扣除之劉錫曾陸漸遠二名擅用片文補送入場考試實屬膽大妄為陳杰著即革職同補送之劉錫曾陸漸遠一併交刑部審訊敬徵忠林僅請將該助教撤回原衙門降補殊覺輕縱著傳旨申飭○又諭關聖保等奏遵旨交還廓爾喀貢物具奏疏漏自請議處一摺上年廓爾喀國王例外呈進貢物當降旨令該大臣等留俟該噶箕等回國時交其帶回嗣因該大臣等奏報該國貢使旋藏回國

日期摺內並未提及復降旨著明白回奏茲據奏稱所有存貯例外貢物業已遵旨發還前次未經入奏實屬疏漏關聖保訥爾經額均著交部議處○命吏部尚書湯金釗刑部左侍郎吳文鎔馳往江西查辦事件○以工部尚書何凌漢兼署吏部尚書○禮部議准江蘇巡撫陳鑒疏報採訪松江府貞節婦女張氏等一千七百八十二口請建總坊旌表從之○展八旗兵丁應扣借支庫銀限期兩

實錄卷一百一十

完

月○乙未諭內閣據鐵麟等奏浙江省杭嚴頭幫欠交易州稅米遲滯未完此項截撥米石為

陵糈所關難容延緩屢經勒限購買仍未運交非尋常虧短可比杭嚴頭幫千總李龍泰著暫行革職總運丁人慶著暫行摘去頂帶勒限兩箇月責令嚴押旗丁等上緊措辦如數補交倘逾限不完即著一併嚴叅從重治罪以為玩漕誤公者戒該部知道○又諭宗室

榮祥因案園禁膽敢藏匿鴉片煙具據供近來並未吸食既未吸食藏此何用玩法不堪之至著將該犯並查獲擅入空房之民人方義戶部卑役霍玉一併交刑部會同宗人府審辦該處值班筆帖式並卑役人等有無知情縱容情弊著聽候質訊該管堂司各官平日失於覺察咎有應得究係自行查出著加恩免其議處至該處空房係屬園禁重地是日值班之員於方義等擅入時並不即行攔

阻致今在屋牖臥實屬疏縱著該衙門查明交部先行議處○修浙江仁和海寧三州縣海塘從巡撫烏爾恭額請也○丙申

上詣綺春園問

皇太后安○旌表守正被戕河南睢州民間紅嶺女卯姐○丁酉諭內閣世襲三等伯貴明吸食鴉片煙業據曹胡氏等供指確鑿仍復恃符狡展著先行革去伯爵嚴行審訊在逃之曹順和著順天府五城步軍統領各衙門

一體迅速嚴拏務獲歸案審辦○閩浙總督鍾祥等奏先後拏獲出洋販賣煙土施猴等犯嚴審定擬得旨早應如此嚴辦姑從寬既往勿論嗣後務當嚴行督飭文武勸懲兼施無論興販吸食官兵百姓一概認真查辦斷不准仍前鬆懈海口尤當加意查緝務要認真禁止卿其勉力佐朕除中國一大患也○調寧夏副都統存華為鑲藍旗蒙古副都統伯都訥副都統恆通為寧夏副都統以呼倫

貝爾總管巴雅爾為伯都訥副都統○戊戌

上諭

安佑宮行禮○諭軍機大臣等恩特亨額奏葉爾羌糧餉章京毓祥經收回布運往伊犁據奕山等挑出粗惡不堪應用者一萬八千匹又據該大臣查明葉爾羌徵收在庫未經起運並已運未到布匹亦復如是請責令該章京另換好布如數賠補等語葉爾羌額徵布匹均係回賦正供經收章京例應親加檢點

不容稍有弊混此次毓祥所收回布並不親身點驗以致額外外委龐煥章及兵丁等得受使費錢文朦混經收所收布匹竟有四萬一千餘匹不堪應用該章京亦難保無得賄縱容情弊毓祥著先行摘去頂帶交恩特亨額親提糧餉章京等以至該局胥吏嚴行審訊務得確情按律定擬具奏並即勒限四箇月令毓祥將已運未運各布匹另換好布如數賠補僅限滿不完著即嚴行叅革毋稍徇

隱該大臣務當留心訪察如該章京因挑換布匹違例重徵擾及回眾別滋事端著即據實叅奏重治其罪儻敢意存消弭別經發覺定將該大臣嚴懲不貸恐不能當此重咎也懍之慎之將此諭令知之○又諭前據金和奏巴爾楚克屯田眷戶因委員等辦理不善以致紛紛逃回當有旨令恩特亨額查明叅奏並令將在屯商戶眷戶妥為安集茲據恩特亨額奏稱接據糧員稟報當即繕具安撫

屯民告示委員馳往確查並經面為曉諭仍令回歸屯所各安本業屯民欣然樂從等語巴爾楚克興辦屯田該城地土廣沃歷年開墾著有成效即間有生贖之處原可另覓佳壤儘力墾種何以紛紛呈訴均欲散去現據恩特亨額查明由於委員王傳書經理不善屯民迫於饑寒先有逃散之事復因遊擊福珠凌阿等未能妥為安撫以致闔屯戶民年年所借委員牛具籽種口糧等項貧窮者無

實錄卷一百一十五

十一

力歸還豐稔之家亦復抗欠希圖一闕而散於屯務大有關礙著恩特亨額即將辦理不善各員據實奏參毋稍徇隱署參贊大臣金和於屯戶逃散並不妥為安撫任令該遊擊等傳集屯民願留者出具甘結願去者聽其自便以至全屯紛紛欲散有無偏聽妄為之處並著查明參奏該大臣仍傳集屯民剴切曉諭其有因地生贖以及無力耕種之戶即責成承辦委員或另撥善地或酌借籽種並

將逃散各戶趕緊招回分別安插妥善毋致流離失所以副委任將此諭令知之○又諭車林多爾濟奏現在帶兵至沙喇托海地方訪知哈薩克賊匪等在瑪呢圖噶都勒罕卡倫內山林潛住察看情形酌留兵丁驅逐辦理一摺此次因哈薩克賊匪等入卡滋擾經官兵疊次勦辦該賊匪業經窮迫雖當乘機驅逐惟念現屆冬季卡外嚴寒驅逐勦辦不甚相宜著車林多爾濟通盤籌畫將現在官

實錄卷一百一十五

十一

兵酌量撤回妥為辦理如該哈薩克等畏威潛住准其暫令過冬次年春季仍敢在卡倫內逗留即當嚴行驅逐出境以示朕恩威並施之至意○命哈密幫辦大臣那瑪善來京以庫車辦事大臣賡福為哈密幫辦大臣葉爾羌領隊大臣烏珍奏為庫車辦事大臣○以葉爾羌滿營官兵全撤裁領隊大臣缺從參贊大臣恩特亨額請也

中左昭德貞度中右以次遞傳。由後右門隙傳出。接續巡傳。用昭稽覈。又每逢一四七間庫之日。應需庫使庫丁匠役人等。著由內務府派委司員帶進。事畢帶出。並於前期造具人數花名清冊。咨送景運門查覈放。其由昭德貞度等門出入執事人等。著該衙門造冊咨送景運門備查。並由各衙門派委司員章京等。自昭德貞度左右兩翼等四門帶進。差竣帶出。僅各衙門偶遇緊要事件。不及前

期造冊。准於臨時呈遞名單。以憑考覈。而免弊混。○庚子

上詣

大高殿

壽皇殿行禮。○奉

皇太后還宮。○辛丑。諭軍機大臣等。本日據安徽學政王植奏。定遠縣民人朱模範。因命案具控。經廬鳳穎道票差傳訊。有該民人佃主張錦書。並其戚武生方汝勳。文童方汝興等。

將硃票毀匿。糾約多人。直入道署。捏稱被道差毆傷。驗無傷痕。署鳳陽縣知縣許道藩。行抵道署。有懷遠縣武童張鎮寰等。持刀砍傷縣役。又據該道稟稱。鳳陽府府考時。有聚賭一案。曾經該縣查拏。恐係挾嫌乘機滋事等語。生童糾眾滋事。最為惡習。況事非干已。膽敢擁入監司衙署。逞兇滋鬧。不法已極。亟應查明懲辦。以挽澆風。惟據該學政奏。該道府各稟。獲犯先後情節。間有未符。生童等於奉

票傳人。何以遽行挺身滋擾。該差役等有無索詐情弊。亦應徹底根究。著湯金釗吳文鎔。即將全案人證提省。研訊確情。按律定擬具奏。將此諭令知之。○緩徵雨准丁溪草堰。劉莊。伍祐。四場被水。歉區新舊額賦。○

上以冬至祀

天於

圍丘。自是日始。齋戒三日。○壬寅。諭軍機大臣等。有人奏雲南地方寥廓。深山邃谷之中。種

植罌粟花。取漿熬煙。其利十倍於種稻。自各衙門官親幕友跟役書差。以及各城市文武生監商賈軍民人等。吸煙者十居五六。並有明目張膽。開設煙館。販賣煙膏者。其價廉於他省。近復販運出境。以圖重利等語。鴉片煙流毒日甚。實為近今一大患。來自外洋者。固宜嚴為查辦。產自內地者。亦應痛加芟除。若如所奏雲南省廣種罌粟。熬煙者日多。販煙者日繁。吸煙者遂日眾。是此等流風。惟該省為甚。且外洋煙土。難保不借此影射。肆意行銷。現當整頓痼習之時。尤不可不嚴為查禁。力杜弊端。著伊里布。顏伯壽。通飭所屬嚴申禁令。出示曉諭。儻查有種植罌粟。及開館販賣。並運往境外各弊。立即查拏到案。嚴行治罪。斷不准意存徇隱。以除積習。而挽頹風。將此各諭令知之。○命兵部尚書卓秉恬。刑部尚書祁墳。署理藩院尚書正白旗漢軍都統。賽尚阿。戶部左侍郎文慶。右侍郎裕誠。鑲白

旗滿洲副都統音登額。杭州將軍和世泰。在紫禁城內騎馬。○給墨爾根城博爾多布特哈被災旗兵銀糧。展緩齊齊哈爾黑龍江寧年墨爾根城布特哈博爾多旗兵舊貸銀糧。○癸卯。

上詣

南郊齋宮齋宿。○甲辰冬至祀

天於

圓丘

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

秦東陵。

裕陵。

昌陵。○遣官祭

孝穆皇后

孝慎皇后陵寢。○遣官祭

端慧皇太子園寢。○停次日朝賀。○詣

皇太后宮問安。○遣官祭

先醫之神。○以查拏煙販出力。予湖南知縣

董友筠等加銜有差。○賞八旗兵丁一月錢

糧。○乙巳。以山東按察使李宗傳為湖北布

政使。服闋按察使邵甲名為山東按察使。○

緩徵江蘇上元。江寧。司容。江浦。長洲。元和。吳

吳江。震澤。常熟。昭文。崑山。新陽。華亭。奉賢。婁

金山。上海。南匯。青浦。川沙。山陽。阜寧。清河。桃

源。安東。鹽城。高郵。泰東。臺。江都。甘泉。寶應。銅

山。沛。蕭。碭。山。宿遷。太倉。鎮洋。江陰。宜興。丹徒

丹陽。武進。陽湖。無錫。靖江。金壇。溧陽。五十廳

州縣並淮安。大河。揚州。徐州。蘇州。太倉。鎮海。

金山。八衛。歉收。莊屯。新舊額賦。○丙午。諭內

閣。前據梁章鉅奏。請改鑄大錢。當有旨交戶

部議奏。茲據該部奏。稱圓法之流通。原以便

民生之日用。近來私鑄充斥。總由地方官不

能嚴密查拏所致。且當十當百之錢。需銅較

少。獲利轉多。即多其品類。重其工本。彼私鑄

者。亦能肆其巧詐。隨在混淆等語。現在京外

各局銅鉛。均屬贏餘。錢法通行已久。並無窒

礙。梁章鉅所請改鑄大錢之處。著毋庸議。至

各省私鑄。在所不免。各該督撫等。惟當嚴飭

所屬。遵照舊定章程。隨時嚴拏懲辦。務使私

鑄之弊。淨盡。而銀價錢價。兩得其平。儻查有

奉行不力。因循怠玩情弊。即行嚴叅示懲。不

得日久視為具文。將此通諭知之。○贈故御

前行走右翼前鋒統領安福都統銜。賞銀三

百兩治喪。予祭葬。○旌表守正捐軀江蘇碭

山縣民貢朝聘妻趙氏。○丁未。諭內閣。余步

雲奏。請飭前任湖南提標中營千總聶發隨

赴福建。仍以千總補用等語。聶發係例應仍回湖南提標坐補原缺之弁。現在回籍就醫。病痊後自宜照例前赴該省候補。所有該提督請將該弁隨赴福建補用之處。與例不符。著不准行。○又諭前因各直省督撫提鎮總管城守尉凡一二三品文武大員有統轄官兵之責者。挑選兵丁作為親隨跟班。未經定有額數。有旨交兵部查明定議。茲據該部酌議具奏。朕詳加披閱。所議仍有未盡覈實之

處。著軍機大臣會同該部另行妥議具奏。尋奏兵丁首重操防。不容任意挑取親隨。致誤訓練。而統兵文武大員職任繁簡不一。自宜酌量增減。以期適中無弊。除總督提督親隨兵丁請照原議挑取十名。巡撫總兵親隨兵丁請照原議挑取六名外。惟查督撫職任較繁。有查閱營伍。巡視地方之責。原議額數恐不敷用。請於臨時准其酌量添派。以資差遣。事畢仍即歸伍。不得冒濫。復查嘉慶年間議

定在京八旗都統副都統前鋒統領護軍統領親隨額數。各准挑取兵丁二名。原足數用。至兼有御前差使之大臣。凡遇

聖駕行幸地方。所有遞馬接馬差使。向用所管各營兵丁跟隨。足數差遣。應照原議。毋庸增添。其管理各營大臣所用兵丁。仍令隨時酌派。期於數用。庶文武大臣職任較繁之員。有統轄官兵之責者。平時不得多派親隨。臨事亦皆足數差遣。從之。○貸江寧京口駐防官

兵修理衙署兵房俸餉銀。○戊申諭軍機大臣等前據安徽學政王植奏定遠縣民人朱模範因命案具控。經廬鳳道票差傳訊。有童生張錦書等糾眾入署滋擾。並武童張鎮寰等砍傷縣役。據該道稟稱該鳳陽縣知縣許道藩曾於府考時查拏賭案。恐係挾嫌。當降旨交湯金釗等即將全案人證提省研鞫。茲復據色卜星額奏業經將此案各犯提省。著湯金釗等仍遵前旨。秉公嚴審。按律定擬具

奏將此諭令知之。尋奏訊明已革文生方珍鑑。因朱模範赴道署具控命案。奉差傳訊。輒令匪票抗傳。迨道差向其子方汝興索票。扭結復令詐傷。哄動多人。擁入道署喧嚷。知縣許道藩飭役查拏。維時張鎮寰隨同滋鬧。當即捕捉。張鎮寰圖脫。以致刀傷縣役。方珍鑑擬發近邊充軍。張鎮寰擬杖一百。流二千里。餘分別問擬杖徒。下部議。從之。○修浙江海鹽縣石塘。從巡撫烏爾恭額請也。○蠲緩寧

古塔三姓。被早被霜歉區各項銀穀有差。給旗兵半年口糧。○已酉。

上詣

皇太后宮問安。○諭內閣鴉片煙流毒傳染日深。實堪痛恨。屢經降旨飭令中外嚴拏懲辦。乃近來此種痼習。不但軍民人等紛紛漸染。即世職官員。竟亦相率玩法。節據步軍統領衙門查獲犯案之男爵特克慎。候補鹽大使春齡。伯爵貴明。均經刑部分別按律治罪。該

員等身任職官。輒敢蹈此惡習。玷辱官常。嗣後文武官員軍民人等。儻仍不知悛改。一經查拏。定行嚴辦。決不寬貸。將此通諭知之。○又諭富呢揚阿奏請將知縣典史解任提審一摺。所奏甚是。陝西西鄉縣犯婦白蒲氏。係道光十四年恩詔免罪應放之犯。歷任各官羈禁數年。淹留至今。殊出情理之外。該縣知縣汪荆川到任既經查出。自應據實通詳。照例覈叅。乃稟求兩司。為各前任彌縫處分。亦

屬荒謬。該縣典史李玉堂監獄是其專責。竟不隨時清理。率任淹留。難保無故禁勒索情弊。汪荆川李玉堂均著解任。交該撫提集案證。逐一研鞫。務得確情。按律定擬具奏。○賞還惇郡王綿愷紅絨結頂金黃蟒袍。○緩徵陝西懷遠榆林安定葭州四州縣被雹村莊新舊額賦。給懷遠安定二縣災民一月口糧。○庚戌。

大高殿設壇祈雪。

上親詣行禮○詣

火神廟

宣仁廟

凝和廟拈香○辛亥

聖祖仁皇帝忌辰遣官祭

景陵○

上詣

壽皇殿行禮○詣

闕帝廟拈香○命湖廣總督林則徐在紫禁

城內騎馬○以阿克蘇屯田豐收予員弁議

敘賞兵丁一月鹽菜銀○准湖北荆右衛被

災屯丁暫停造運漕船○壬子諭內閣凱音

布等奏夷務實在情形請厚集兵力多籌糧

餉以張捷伐一招四川夷匪連年出擾屢經

降旨飭令該將軍總督等或勦或撫認真妥

辦該將軍等自當激發天良籌畫盡善為一

勞永逸之計乃因循數年徒事補苴糜餉老

師邊陲未靖若使鄂山尚在必當重治其罪

凱音布在彼多年始則隨同鄂山將就了事

茲復會同蘇廷玉冒昧陳請遽籌大舉此等

小醜跳梁重煩兵力多糜糧餉殊屬不值且

內地夷匪滋事從來無此辦法總緣積年經

理不妥日久愈費周章多歡親歷戎行所有

會勦及善後事宜均屬責無旁貸張必祿由

該處總兵擢任提督勦堵是其專責於該夷

匪滋擾邊境勦辦既未淨盡防堵又未得宜

該將軍等種種純繆實屬有幸任使凱音布

多歡張必祿均著交部嚴加議處多歡著拔

去花翎蘇廷玉於防勦夷務情形未能籌畫

妥善復與凱音布連街瀆請殊屬無能著降

補四川按察使以示懲儆○又諭前據給事

中鄭世任奏四川雅州密邇夷巢請將提督

仍移駐該處屯守要衝以為捍衛之計當降

旨交凱音布等詳加體察據實具奏茲據該

將軍等查明雅州僅與越嶲廳稍近距馬邊

戎邊雷波等處程途均屬迂遠况提督統轄

營伍雅州僻在川南控制難期周到不如仍駐省城較為妥便。自係實在情形該給事中。所奏著毋庸議。○諭軍機大臣等據蘇勒芳阿奏青海衙門所管玉舒阿拉尼克隆布族百戶喇嘛商洋呼畢勒罕任性妄為。苛虐屬番請革去百戶。移咨查辦等語。當降旨將該喇嘛斥革示懲矣。據玉舒各族千百戶本族百長番目等呈控該百戶喇嘛屢次侵擾各族。苛派凌虐。並敢私行換用珊瑚頂戴。經該

大臣委員查辦。抗不遵斷。動輒逃往西藏。種種不法。膽大已極。所有該喇嘛被控各案。著蘇勒芳阿查明懲辦。以儆刁兇。其私用珊瑚頂戴。並將百戶號紙呈遞西藏達賴喇嘛之處。著即移咨駐藏大臣詳查。如果屬實。另行照例辦理。並將號紙追送該衙門咨部查銷。其所屬番民原設蘇拉百長四名分管。仍著照舊管理。由該衙門咨部頒發正百長號紙。以專責成。所遺百戶一缺。著即裁汰。仍著蘇

勒芳阿飭知玉舒各族千百戶。嗣後止准該喇嘛等在寺焚修。不准干預族務。再滋事端。致啟邊釁。將此諭令知之。○又諭。本日據蘇勒芳阿奏青海衙門所管玉舒阿拉尼克隆布族百戶喇嘛商洋呼畢勒罕。屢與玉舒各族千百戶興訟滋事。甚至帶領番子持械爭鬪。傷人。經該大臣委員查辦。該喇嘛抗不遵斷。動輒逃往西藏。以致案懸莫結。現據各千百戶呈控該喇嘛私用珊瑚頂戴。並據該喇

嘛自稱已將百戶號紙呈遞西藏達賴喇嘛轉奏等語。業經降旨將該喇嘛斥革百戶職名。交蘇勒芳阿查辦矣。該喇嘛任性妄為。苛虐屬番。控案累累。必應查明懲辦。現在該喇嘛曾否逃至西藏。著關聖保即行查明。並查有無私用珊瑚頂戴。及將號紙呈遞之處。移咨西寧辦事大臣照例辦理。將此諭令知之。○以刑部尚書寶興。為四川總督。都察院左都御史恩銘。為刑部尚書。戶部右侍郎裕誠。

為都察院左都御史。調吏部右侍郎隆文。為戶部右侍郎。兼管錢法堂事務。工部右侍郎恩桂。為吏部右侍郎。盛京刑部侍郎松峻。為工部右侍郎。兼管錢法堂事務。盛京工部侍郎德誠。為盛京刑部侍郎。以內閣學士柏蔭為盛京工部侍郎。○癸丑。命湖廣總督林則徐為欽差大臣。馳往廣東查辦海口事件。該省水師兼歸節制。以正白旗滿洲副都統奕興。為正紅旗護軍統領。調正藍旗蒙古都統綿德。為正藍旗漢軍都統。以乾清門侍衛哈琅阿。為正藍旗蒙古都統。調鑲紅旗漢軍副都統善壽。為鑲黃旗滿洲副都統。以工部右侍郎松峻。兼鑲紅旗漢軍副都統。頭等侍衛敬敷。為正紅旗漢軍副都統。仍署正白旗蒙古副都統。○以漕運總督周天爵署湖廣總督。倉場侍郎鐵麟署漕運總督。兵部右侍郎功普署倉場侍郎。○甲寅。

上詣

皇太后宮問安。○諭內閣御史孫日宣奏京控發交事件。責令該督撫於審結時將本省上司如何並未親提之處。隨案聲敘。庶該部得以察例議處等語。著該部議奏。○又諭栗毓美等奏請估挑運河淤淺工程。山東運河為重。空漕船往來經由要道。必須一律深平。方可暢行無滯。現據該河督等擇要估挑。勘明均係必應挑辦之工。著照所請所需例價器具銀二萬一千九百四十兩零。准其照例動撥。司庫正款。其津貼銀二萬八千六十五兩零。例支東商生息。除沛汛津貼銀八百七十二兩。應由江南支領外。餘著嚴催運司趕解。一併發交沿河各州縣衛置備器具。集夫趲挑。本年東省開河存水無多。來年重運經臨。必須豫為儲蓄。不得視為冬挑成例。仍致有名無實。現據派委濟東道寶清克沂道陳功會同運河道敬文。分段監辦督催。即著該道等實心辦理。栗毓美經額布隨時查驗。如有偷

減草率。立即據實嚴參。毋稍姑容。儻經此次挑挖之後。明年重運。經臨復有阻滯。惟粟毓美經額布是問。該部知道。○諭軍機大臣等。前因琦善奏。閩廣洋船。因天津查拏鴉片嚴緊。不能卸貨。已有一百二十三隻起碇出口。慮其前赴奉天另謀銷售。咨明該將軍一體訪捕。當有旨令耆英委員堵截。以防偷漏。迄今兩月有餘。未據奏到。本日復有人奏奉天地方近來兵民沾染惡習。吸食鴉片。其沿海

地面如錦城之天橋廠海城縣之沒溝營田莊臺蓋平縣之連雲島金州之貔子窩岫巖廳之大孤山。數處海口。為山東江浙閩廣各省海船停泊之所。明易貨物暗銷煙土。本年九月間。山東榮成縣所屬洋面。探獲商船一隻。夾帶煙土一萬三千四百餘兩。訊係欲往奉天售賣。可見該處煙販往來。斷不止此一起等語。奉天為根本重地。風俗淳樸。豈容染此澆風。總由該地方文武員弁不能認真撿

捕以致外省奸徒。膽敢前赴該處肆意興販。著耆英接奉此旨。務即遵委妥幹員弁。馳赴各海口。會同該州縣。不動聲色。密速查拏。從嚴懲辦。儻各該州縣仍前因循苟且。畏縮不前。或任聽吏役人等得賄縱放。以為消弭地步。一經查明。即行指名奏參。從重懲處。斷不准意存徇隱。化有為無。致干重咎。將此諭令知之。○乙卯。諭內閣御史萬超奏。請嚴禁棍徒引誘旗民一摺。向來八旗風俗淳樸。務本

一切浮奢游戲。概行革除。若如所奏。近有無賴棍徒。施捨路燈。演放花盆。黃夜聚眾挑燈擊鼓。並奇裝異服。馳馬跑車。甚且招引婦女。乘間姦拐。殊為風俗人心之害。不可不嚴行禁止。著步軍統領衙門。順天府五城。一面出示嚴禁。一面密飭所屬隨時隨地認真查拏。無論何項人員。犯有前項情事。立即拏究。應責懲者。即予責懲。應治罪者。分別治罪。儻查拏不力。致有徇情隱庇等事。經朕別有訪聞。

或被人叅奏朕惟該管大臣及巡城各科道是問無謂言之不豫也奕經係近支宗室經朕畀以步軍統領重任當如何破除情面實力辦公斷不應存避就之心將此通諭知之○又諭御史萬超奏請嚴查吸食鴉片職官一摺京外大小官員均有率屬臨民之責必使咸知自愛方可望其正己正人近來鴉片煙流毒日深不特軍民人等共相吸食即現任職官亦多染此惡習殊堪痛恨各部院堂

官及直省督撫各上司果能破除情面留心訪察所屬各員內如有吸食鴉片者不難於察言觀色之間立為指出究辦嗣後該堂官上司等務當隨時認真查察遇有此等劣員立即指名叅奏照例治罪至內而京察外而卓異尤屬三載考績大典斷不容以卑鄙無恥之員濫竽充數即平日一切緊要差使亦當慎加遴選任使得人方於公事無誤儻平時一味姑容不能早為甄覈仍將吸食鴉片

屬員濫列京察卓異及委派差使將來別經發覺或經朕看出查究得實除將本人治罪外定將原保原派之各堂官上司嚴行懲處決不寬貸懍之慎之將此通諭知之○又諭多爾濟喇布坦等奏應報不報擅自辦理之扎薩克一摺前以奇爾渾卡倫兵丁達錫與明濟卡倫兵丁邦棍互相移駐其於卡倫差務有無關礙之處飭令查明稟報再行辦理乃該管卡倫之扎薩克那木濟勒多爾濟

並不遵諭查明稟報擅自互相移駐殊屬非是扎薩克那木濟勒多爾濟不准留於卡倫仍交部議處○調正紅旗漢軍副都統敬敷為察哈爾副都統察哈爾副都統明訓為正紅旗漢軍副都統以鑾儀衛冠軍使裕瑞署正白旗蒙古副都統○丙辰諭內閣前據給事中況澄奏廣西拔貢周繼緒等行至山東東阿縣地方被捕役張振等截路搶查搜取銀物誣以私帶鴉片煙膏該縣勒令具結寢

息等情當降旨交經額布提案嚴訊茲據該撫奏稱提訊張振等既堅不承認圖財戕誣該縣胡璠亦稱未勒令具結且據指出周續緒等有央縣丞管裕疇代索煙盒並轉遞甘結情事虛實均應徹底根究東阿縣知縣胡璠著暫行解任周續緒及其家丁王貴著該部一併解往山東交經額布質訊明確按律定擬具奏尋奏周續緒與同省拔貢覃梅文搭伴同行覃梅文家丁王貴私藏煙盒因素

病胃氣豫備配藥非為吸食之用別無煙具經張振攔車搜查行李拋棄滿地有汪奇常拾取遺失紙包銀件將銀換用現將贖存銀及皮袖等件呈繳張振並未攫取僅借端訛詐周續緒因覃梅文及王貴央懇代求管裕疇給還磁盒並不知私貯煙膏張振擬杖一百徒三年王貴擬杖一百胡璠應請交部議處下部議從之○諭軍機大臣等朕因近年鴉片煙傳染日深紋銀出洋銷耗彌甚屢經

降旨飭令該督等認真查辦但銅蔽日久恐一時未能盡行破除若不清查來源則此患伊於胡底昨經降旨特派湖廣總督林則徐馳赴粵省查辦海口事件並頒給欵差大臣關防令該省水師兼歸節制林則徐到粵後自必遵旨竭力查辦以清弊源惟該省窯口快蟹以及開設煙館販賣吸食種種弊竇必應隨地隨時淨絕根株著鄧廷楨怡良振刷精神仍照舊分別查拏毋稍鬆懈斷不可存

觀望之見尤不可有推諉之心再鄧廷楨統轄兩省地方事務殷繁若專責以查辦鴉片以及紋銀出洋恐顧此失彼轉不能專一心力盡絕弊端現派林則徐前往專辦此事該督自當益矢勤奮盡泯畛域應分辨者各盡己責應商辦者會同奏聞趁此可乘之機力救前此之失總期積習永除根株斷絕想卿等必能體朕之心為中國祛此一大患也將此諭令知之○丁巳再於

大高殿設壇祈雪

上親詣行禮○諭內閣御史文繡等奏請飭催普濟堂生息銀兩一摺京師廣安門外普濟堂收養貧民向有生息銀兩作為經費茲據奏各州縣歷年積欠銀至三千六百數十兩制錢一百九十餘千著順天府按照單開數目嚴行飭催嗣後並著年清年款不准絲毫拖欠以裕經費而恤窮黎○又諭昨因凱音布等辦理四川夷務未妥並冒昧瀆陳當降

旨將該將軍等交部嚴加議處茲據兵部等衙門定擬具奏凱音布在四川多年於勦捕事宜既未辦理妥協復會同蘇廷玉請兵請餉部議請將該將軍革職實屬咎所應得姑念凱音布究未親至軍營著加恩降為二品頂帶拔去花翎仍帶革職留任八年無過方准開復蘇廷玉雖未親至軍營然身膺重寄不思籌畫萬全冒昧陳奏與凱音布厥罪雖均業經降補臬司著拔去花翎仍帶革職留

任八年無過方准開復張必祿多歡上年俱親往查辦將就了事以至夷情未靖著即照部議革職張必祿留於該省交寶興差遣多歡著即回旗該部知道○命吉林副都統咸齡留京署正藍旗蒙古副都統以頭等侍衛輯瑞為吉林副都統○調雲南提督齊慎為四川提督以浙江處州鎮總兵官汪道誠為雲南提督調雲南鶴麗鎮總兵官高明德為處州鎮總兵官以雲南維西協副將清勳為

鶴麗鎮總兵官○准熱河滿洲鑲白正藍二旗官兵營房移建高阜以免水患從都統惠吉請也○戊午諭軍機大臣等有人奏滇黔兩省外來客民流氏盤剝苗人土司田產請飭查禁等語川楚粵各省窮苦之民前赴滇黔租種苗人田地與之貿易誘以酒食衣錦俾入不敷出乃重利借與銀兩將田典質繼而加價作抵而苗人所與佃種之地悉歸客民流氏至土司遇有互爭案件客民為之包

攬詞訟。借貸銀兩。皆以田土抵債。種種情弊。如果屬實。不可不嚴行查禁。著伊里布。顏伯燾。賀長齡。即將摺內所指各情節。悉心體訪。嚴飭各地方官。隨時查察。認真禁止。除客民流民。已經置買田產。不計外。儻有狡黠客民。人等。侵占苗人地土。及擅買土司田產。即將田地斷還本人管業。追償入官。仍照例治罪。至田土案件。如有漢人霸占苗業。及夷苗誣控平民。務當公平聽斷。治以應得之罪。毋得任聽胥役詐索。客民唆訟。以杜侵越。而靖邊陲。將此各諭令知之。○己未

上詣

皇太后宮問安。○諭內閣。卓秉恬等奏。吸食鴉片之知縣典史一摺。直隸房山縣知縣宋嘉玉。署密雲縣知縣冉學詩。實城縣典史王心培。訪有吸食鴉片之事。雖經該府尹等面加究詰。據稱此時已成。究係曾經吸食之人。斷難姑容。宋嘉玉。冉學詩。王心培。著免其治

罪。即行革職。永不敘用。以昭炯戒。該部知道。○又諭。梁章鉅奏。請將查拏鴉片煙。辦理遲緩之知府。摘去頂帶一摺。廣西鴉片煙。來自廣東。全在梧州。潯州兩關口查拏。嚴緊方可杜絕。販逃竄之弊。茲據該撫查明。潯州府自飭查後。已報獲煙土四千餘兩。而梧州府報獲甚屬寥寥。且率以寬限。月日為請。辦理實屬遲緩。廣西梧州府知府劉錫方。著即行摘去頂帶。仍責令拏獲大起。自贖。儻再不知愧

奮。仍前玩泄。即著據實嚴參。毋稍姑息。該部知道。○諭軍機大臣等。本日據恩特亨額密陳。喀喇沙爾辦事大臣金和。前署參贊大臣任內。更改舊章。種種謬妄。並向和闐阿奇木伯克邁瑪特。受孜孜斯措。借銀兩等情。已明降諭旨。將金和解任。交廉敬秉公審訊矣。廉敬接奉此旨。著即馳驛前赴葉爾羌。提同人證卷宗。將摺內所指各情節。逐款確查。嚴行審究。如應行革職。即一面傳旨革職。一面具奏。

斷不准意存消弭。致有不實不盡。將此諭令知之。○以哈密幫辦大臣慶福署喀喇沙爾辦事大臣。○庚申。諭內閣。功普等奏豫籌疏通倉儲。備貯新漕一摺。現在萬安裕豐儲濟三倉存米較多。自應設法疏通。以為進運新糧地步。著准其援照成案。將十九年春季文職四品以下武職三品以下滿漢官員俸米。由該三倉支放。該部知道。○賞署正藍旗蒙古副都統咸齡。副都統銜。為喀喇沙爾辦事

大臣。○予遇賊被戕甘肅把總馬奉恩祭葬世職。○辛酉。予奉差琉球病故。福建守備周廷祥祭葬卹廕如軍營例。○壬戌。諭內閣。本日據車林多爾濟奏。驅逐哈薩克出境。撤回官兵一摺。前因哈薩克伊扎噶土等率眾潛入遊牧滋擾。經朕特派車林多爾濟帶兵往捕。現據該大臣奏稱。驅逐已盡。並拏獲哈薩克十餘人。均叩頭乞命。情願出境。並未誅戮一人。邊卡安靜。辦理實為妥速。深合機宜。前

據毓書奏。哈薩克私越開齊。潛入烏梁海土爾扈特遊牧。搶奪滋擾。派兵驅逐。並請親帶官兵隨後督辦。朕即覺其過事張皇。是以降旨令車林多爾濟帶兵前往。相機妥辦。現已驅逐淨盡。撤兵戡事。向來哈薩克偶有滋擾情事。不過隨時驅逐。即經戡事。設令當時派令毓書前往。必至所帶員弁貪功生事。糜餉老師。其弊不可勝言。毓書身任參贊大臣。於撫馭外藩之道。毫無識見。遇事過於張皇。紛

紛徵調實屬冒昧無能。不曉事體。毓書著交部嚴加議處。○諭軍機大臣等。前因琦善奏。閩廣洋船一百二十三隻。因天津拏煙嚴緊。起碇出口。慮其前赴奉天銷售。當有旨令耆英委員堵截。以防偷漏。本日據耆英等奏稱。詳加察訪。各該海口實無由天津私行起碇。未經卸載之閩廣洋船到口。現仍遵委委員設法查拏。購線誘買等語。向來閩廣洋船於天津卸貨後。俱前赴奉天買運豆石。此次洋

船一百二十三隻起破出口未經卸貨該商等惟利是趨形蹤詭秘斷無滿載貨物駛回閩廣之理該將軍等所稱前項各船並未到口之處殊難憑信者英係朕特簡畀以重任若不能除此禍害實屬有辜職守該將軍等惟當激發天良勿姑息勿畏難嚴飭各旗民地方隨地隨時認真訪察如該洋船於明歲春融冰泮後駛往該省務即嚴密偵緝實力堵拏斷不准回護此次所奏一味消弭儻敢

意存諱飾將來由他處訪獲訊明曾在奉天海口停泊朕惟該將軍等是問至摺內所稱現在委員稽察不可徒託空言聊以塞責著即督同山海關監督悉心商榷將如何設法訪查如何有犯必獲之處妥議章程具奏將此各諭令知之○賞哈密辦事大臣固慶副都統銜為科布多參贊大臣○緩徵浙江下砂頭二三浦東三場歉收蕩田新舊額賦○

癸亥

上諭

壽康宮前殿行禮後殿問

皇太后安 諭內閣車林多爾濟奏驅逐哈薩

克出卡撤回官兵一摺此次車林多爾濟帶領官兵驅逐哈薩克並未殘害生靈亦不費兵力即將進卡遊牧之哈薩克賊匪驅逐淨盡辦理妥速深得大體殊屬可嘉車林多爾濟著加恩賞給親王俸一年元孤馬褂一件青豹皮裙一件白玉四喜搬指一箇白玉翎

管一箇黃辮大荷包一對小荷包四箇至所請散秩大臣達爾滿扎爾等迤西交界舊有卡倫四座復行整立多添兵丁不必給食錢糧俾令嚴守各該遊牧等語著即照所請仍行設立嗣後俾哈薩克等永不越卡滋事之處著科布多塔爾巴哈台參贊大臣等將各該卡倫地方情形及烏梁海土爾扈特哈薩克等風氣詳細查明妥議章程具奏○諭軍機大臣等有人奏浙江省吏治民風日漸玩

擾請飭查究等語。案關職官吸食鴉片。門丁包倡架賭。承審官擅用非刑。及署缺之員。訛索銀兩。並甲商冒領庫款。劣生挾制索謝。如果屬實。自應嚴行查辦。著湯金釗、吳文鎔於查辦安徽事竣後。馳赴浙江。將摺內所指各情節。秉公確查。應訪察者。密加訪察。應提訊者。迅即提訊。務期事事覈實。無枉無縱。按律定擬具奏。湯金釗籍隸浙江。著無庸迴避。將此諭令知之。○以故喀爾喀土謝圖汗扎薩

克親王車登多爾濟子額林沁多爾濟襲爵。○賞哈密幫辦大臣慶福、頭等侍衛為辦事大臣。通政使司副使文翰二等侍衛為哈密幫辦大臣。○以驅逐哈薩克賊匪出力。賞扎薩克格濟巴勒色德巴扎爾鄂特伯克扎布花翎。餘升敘有差。○甲子諭內閣。奕紀奏。正白旗揀選佐領。據參領福拉納稟稱。副都統功普遣家人交伊私信名帖。求將前鋒校吉慶選入引見。功普身係二品大員。揀選本旗

佐領。自應秉公辦理。乃率以私情公然囑託。實屬辜恩膽大。功普著即革職。交軍機大臣會同宗人府、刑部嚴訊。福拉納吉慶著一併聽候傳質。○又諭奕經等奏新選山東濱州知州王鑄。前於吏部過堂時。呈明祖籍雲南。昆明縣。是以准其將雲南鶴慶州知州缺分迴避。現在查明該員之父王鳳翰曾任雲南迤西道。彼時並未聲明祖籍雲南。著雲貴總督雲南巡撫。迅即確查該員是否祖籍雲南。

有無捏飾。據實具奏。所有濱州知州一缺。著該部照例銓選。尋奏查明王鑄並非祖籍雲南。下部嚴議。尋議照規避例革職從之。○總管內務府大臣奏。查例載各省織造處筆帖式庫使五年期滿。當差勤慎。准其保留一次。現查江南織造處筆帖式朝樑保留二次。杭州織造處筆帖式文靈保留三次。辦理錯誤。應請撤回更換。並請嗣後織造處筆帖式庫使一概不准保留。應將舊例准其保留一次。

條款撤去。將現擬五年期滿不准保留之處。纂入則例永遠遵行。從之。○以泰寧鎮總兵官德興為兵部右侍郎兼署倉場侍郎。內閣學士琦璵為泰寧鎮總兵官兼總管內務府大臣。○以乾清門侍衛倭什訥為對引大臣兼署鑲白旗護軍統領。○調鑲黃旗蒙古副都統常恆為正白旗滿洲副都統。以署正白旗蒙古副都統裕瑞為鑲黃旗蒙古副都統。○以工部右侍郎松峻管光祿寺事。○乙丑

諭內閣。昨因功普於正白旗揀選佐領給與參領私書。令向奕紀囑託求將前鋒校吉慶選入引見。當降旨將功普革職審訊。本日據奕顥奏稱。伊因吉慶平日在健銳營馬步箭俱屬可觀。現令教習伊子。因向功普說知。可否列入揀選等語。奕顥身係一品大員。乃為其子教習輾轉囑託。實屬辜恩病狂。以公濟私。奕顥所有職任及各項差使。著全行革去。交軍機大臣會同宗人府刑部一併審訊。定

擬具奏。○以都察院左都御史裕誠為兵部尚書兼鑲紅旗滿洲都統。戶部右侍郎隆文為都察院左都御史兼鑲紅旗蒙古都統。仍兼署倉場侍郎。調工部左侍郎聯順為戶部右侍郎兼管錢法堂事務。仍兼署工部錢法堂事務。盛京兵部侍郎文蔚為工部左侍郎。以都察院左副都御史成剛為盛京兵部侍郎。○以吏部右侍郎恩桂兼京營右翼總兵。鑲黃旗護軍統領博多歡署左翼前鋒統領。

○以內閣學士春佑兼正白旗漢軍副都統。調鑲白旗蒙古副都統阿保為鑲紅旗滿洲副都統。以兵部右侍郎德興兼鑲白旗蒙古副都統。○以大學士穆彰阿管戶部三庫事。○賞喀爾喀親王額林沁多爾濟三眼花翎。○以恭修

玉牒告成。予提調官戶部銀庫郎中國盛等加級升敘有差。○停開八旗水技。仍給半賞。命內務府三旗照例豫備。○丙寅調鑲黃旗漢

軍都統敬徵為鑲紅旗滿洲都統。正白旗漢軍都統賽尚阿為鑲黃旗漢軍都統。鑲紅旗滿洲都統裕誠為正白旗漢軍都統。○以正白旗護軍統領巴清德管健銳營事。○命黑龍江將軍哈豐阿來京陛見。以齊齊哈爾副都統舒倫保署黑龍江將軍。○旌表守正捐軀山東蘭山縣民李盈女遵姐。○緩徵甘肅皋蘭河狄道渭源金靖遠固原鹽茶安化張掖寧夏寧朔靈平羅涇靈臺鎮原十七廳州縣及花馬池州同沙泥州判所屬數區新舊額賦。○丁卯諭內閣朕恭聞

皇考仁宗睿皇帝實錄嘉慶九年二月內欽奉諭旨鑲黃旗都統查出該旗漢軍秀女內有纏足者並各該秀女衣袖寬大竟如漢人裝飾著各該旗嚴行曉示禁止等因欽此仰見皇考訓誡周詳允宜永遠遵守今相沿日久恐奉行不力又復視為具文或致再蹈此等習氣不可不重申例禁加之整飭我朝服飾本

有定制不惟愛惜物力亦取便於作事若如近來旗人婦女往往衣袖寬大甚至一事不可為而其費亦數倍於前總由競尚奢靡所致至倣效漢人纏足尤屬違制此等惡習大約內務府漢軍及屯居漢軍旗人俱所不免於國俗人心關繫甚鉅著八旗滿洲蒙古漢軍都統副都統等隨時詳查如有衣袖任意寬大及如漢人纏足有違定制者一經查出即將家長指名叅奏照違制例治罪儆經訓諭之後仍復因循從事不能實力奉行將來經朕察出或被人糾叅定將該旗都統章京等一併嚴懲決不寬貸將此通諭知之

陽府事石煦及尚未交卸之銅仁府知府周作楫等馳往協力督勦提督余步霄尚未交卸即偕藩司慶祿帶同署永安協王志元等星夜前往督辦等語該匪徒等膽敢聚眾滋事設立名號拒傷官兵實屬不法亟應痛加勦辦以靖地方惟烏合之眾糾集未久不難即時撲滅著伊里布等即妥派文武員弁趕緊趁勢勦辦毋任滋蔓裹脅至所獲匪徒供稱有頭目十名如袁天岡即袁明倫困山大

王即穆繼賢千手觀音即謝姓瘋女均須按名弋獲無任漏網其已拏獲之謝士舉謝世彩楊升穆先貴等是否在此十名之外抑逃竄人數尚夥均須根究明確不得任其蒙蔽狡卸所有趙應山趙應松袁國方三名頭目雖據該犯等供稱已經殺斃難保非藉詞朦混亦應質訊確切先後拏獲各犯著即分別就地正法以昭炯戒該匪徒等如果有訊出被脅入夥之人既肯自首該督撫等自應酌

量情節免罪即有捉獲賊首來獻者亦係該匪徒勢窮力竭反噬倖生此等無賴奸徒至寬亦不過貸其一死該督等奏稱籲請加恩之處斷不可行仁懷縣毗連川省匪徒易於逃竄著伊里布等一面咨會川省認真防堵一面分路按拏勦除淨盡毋使稍留餘孽以肅邊徼而靖閭閻將此各諭令知之○禮部奏道光十九年元旦應行禮儀得旨是照例行禮奉

皇太后懿旨停止筵宴其在外福晉命婦進內行禮之處並著停止○以督拏鴉片煙犯予貴州巡撫賀長齡議敘知縣曾鴻翥以知州升用○旌表守正被戕四川什邡縣民唐通相媳黃氏守正捐軀四川璧山縣民葉汶浩女二姑湖北竹山縣民王大妻廖氏○以江南江安蘇松道屬糧價未平暫緩收買幫丁行月等米○貸直隸豐潤玉田二縣濟黑龍河銀○已巳

上詣

皇太后宮問安。○諭內閣御史郭柏蔭奏請嚴禁栽種罌粟花一摺。內地栽種罌粟花熬煙吸食。既妨農業復戕身命。向來例禁甚嚴。茲據該御史奏稱廣西四川雲南貴州等省番舶不通之處。皆由本地民田徧栽罌粟。熬鍊成土。地利民生兩受其害。必當嚴申例禁。以除積習。著各該督撫嚴飭該管道府督率各該州縣於所管地面剴切曉諭。實力稽查。遇

有違例栽種。立即拔毀懲治。如此遞加稽覈。自不難淨絕根株。並著該督撫於明春派委明幹大員周歷各屬清查一次。如仍有栽種情弊。即將該地方官嚴行叅辦。以示懲儆。將此通諭知之。○又諭周天爵奏籌辦新漕事宜一摺。向來重運到淮。如查明一二船米色不堪。由於風暘不熟。即責令弁丁賠補。儻該州縣原兌之米本屬不堪。即將州縣弁丁一體叅辦。駁換分賠。原所以專責成而防弊混。

來年重運。經臨著署漕督鐵麟親加查驗。覈實辦理。務期一律乾潔。儻米色不純。致有灰暗蒸變等弊。即將原兌各州縣及運弁等按例分別據實嚴叅。毋稍寬縱。○又諭奕穎因正白旗揀選佐領。輒將教習伊子之前鋒校吉慶名帖送交功普。洵求揀選。引見以一品大員。不知檢束恣意妄為。實屬狂謬。膽大功普於奕穎私交名帖。輒阿附尚書代為輾轉。央求殊屬卑鄙。現據敬敏等會同定擬具奏。

奕穎毋庸交宗人府議處。其公爵即行革去。伊子三人自不應列入應封著即扣除。引見功普毋庸罰養。贍錢糧奕穎功普均著發往盛京效力贖罪。以為大員徇私請託者戒。所遺公爵著宗人府照例辦理。○諭軍機大臣等昨據伊里布等奏貴州遵義府屬之仁懷縣匪徒穆繼賢等糾眾滋事戕害官兵。當降旨著伊里布等即妥派文武員弁趕緊勦捕矣。茲據蘇廷玉奏四川省綦江江津等縣與

仁懷縣連界誠恐攔入為害已飭重慶鎮張作功等分守要隘嚴密巡防並飭與仁懷毗連之敘永合江等廳縣一律防禦其綦江江津兩縣均已派撥弁兵會同地方各員布置周密該鎮與重慶府知府汪日宣駐劄適中之地左右策應等語該匪徒等妖言煽惑焚掠鄉村傷害兵弁罪大惡極亟宜盡力勦捕明正典刑現在該匪等自遁入山溝之後並未肆出擾掠貴州提督余步雲等領兵到彼自必一鼓殲擒著實與嚴飭該鎮府不分畛域協力捕拏並於各要隘處所分兵堵截務使該匪不得一名竄入川境致有煽惑其現獲各犯審明後即押赴貴州省歸案覈辦將此諭令知之正藍旗蒙古副都統伊清額因病解任以烏什辦事大臣齡山為正藍旗蒙古副都統○貸盛京錦州歉收各驛半年馬乾銀○庚午諭內閣在京各衙門堂官皆係朕簡擢大員受恩深重於一切應辦公務

及考察屬員賢否原當和衷商榷一秉至公方合同寅協恭之義豈容徇情囑託以公濟私乃昨奕額將前鋒校吉慶名帖送交功普跪求揀選佐領膽大妄為意存自滿功普身任侍郎與奕額同堂共事並無統屬何至甘受指揮不敢辭卻輒致書參領福拉納令轉向奕紀代求是其委曲周旋尤屬卑鄙不堪已有旨將奕額功普革職發往盛京效力贖罪因思各部院尚書侍郎各旗都統副都統等品級雖有等差其為堂官則一遇有囑託公事何難破除情面立為駁斥若似此聽受指使輾轉營求尚復成何事體現在奕額功普業已破案此外各堂官內瞻顧私情通同徇隱未經破露者能無心愧乎嗣後各部院八旗及大小各衙門堂官總當肅除積習持正秉公概不准瞻徇人情自干咎戾儻經此次諄諭之後再有蹈此覆轍者奕額功普即其前車之鑒經朕察出或被他人糾參定將該

堂官加等治罪決不寬貸朕言出法隨勿視為誥誡之具文也懍之慎之將此通諭知之○辛未以京畿雪澤未霑再於

大高殿設壇祈禱

上親詣行禮○詣

皇太后宮問安臨故惇親王綿愷第賜奠○

中刻復詣

皇太后宮問安諭內閣朕弟惇郡王綿愷自六齡即隨朕在上書房讀書友愛甚篤前經

派管宗人府及旗務諸事亦能盡職本年因事獲咎由親王降為郡王昨加恩賞還紅絨結頂金黃蟒袍伊年力富強方冀長承恩澤何意遽爾薨逝聞之實深感測著加恩賞還親王並賞給陀羅經被朕即日親臨賜奠並派總管內務府大臣阿靈阿辦理喪事所有一切事宜均著官為經理其餘飾終典禮著各該衙門察例具奏以拏獲鴉片煙犯予山東知州韓亞熊等升用有差賞故敏珠

爾呼圖克圖銀三百兩壬申

上詣

皇太后宮問安○諭內閣昨因惇親王綿愷薨逝當即親臨賜奠朕心感惻良深本月十二日二十二日朕再行親臨賜奠用申篤眷併著四阿哥五阿哥六阿哥於初六日前往祭奠十二日亦著隨朕前去二十三日仍著阿哥等前往奠醊以拏獲鴉片煙犯予山西知州周雲鳳等加銜議敘有差○癸酉

孝惠章皇后忌辰遣官祭

孝東陵諭內閣奕紀等奏兩淮欠解圓明園八旗內務府三旗生息利銀請旨飭催此項銀兩為該處官兵班費要需著兩江總督即將舊欠分年帶徵銀兩並道光十七年下半年利銀一萬二千兩十八年上半年連閏利銀一萬四千兩迅速解交以供支放嗣後務須年清年款毋得任意遲延○又諭特依順參奏正黃旗前鋒伊克唐阿控告該旗協領

富忠佐領烏勒精額隨和正白旗滿洲佐領那郎阿主謀朦混作弊自道光十六年起每月剋扣兵餉至今約有數萬兩之多案關職官剋扣兵餉虛實均應徹底根究那郎阿著即革職富忠烏勒精額著即解任交特依順恆通按照所控情節提集人證秉公嚴訊按律定擬具奏管理右司滿洲協領哈興阿年已七旬品行不端著一併革職餘著照所議辦理○調鑲黃旗漢軍副都統于兆祥為京

口副都統京口副都統蘇隆阿為鑲黃旗漢軍副都統撥山西倉穀二萬石抵放綏遠城駐防兵糧○戶部議准陝甘總督瑚松額疏報甘肅靖遠縣開墾床子壩灘荒田四頃二十七畝有奇照例升科從之○甲戌諭內閣松桂奏查出行宮房間拆卸等語熱河兩間房行宮兩捲房六間常山峪行宮三捲房九間又北大宮門外朝房五間據奏頭停坍塌恐木植被雨淋朽自應奏明辦理前任正

總管福泰未經具奏率行批准拆卸殊屬不合福泰著交部議處所有拆卸之木植甄瓦等件著該總管擇其尚堪應用者妥為收貯造冊呈報總理工程處以備查覈嗣後南北兩路行宮內殿座房間遇有坍塌蝕朽情形均著奏明請旨遵辦所拆木植甄瓦堪以應用者即著造冊呈報總理工程處備查○以武備院卿道慶署正藍旗蒙古副都統○賞貝子綿勳散秩大臣○賞己革四川按察使多歡藍翎侍衛為庫車辦事大臣○以協擊竊犯賞布魯特阿哈拉克齊開海拜提柳六品頂翎○乙亥

上詣

大高殿祈雪○以協擊習教人犯予山西同知孫有孚議敘○旌表守正捐軀山東定陶縣民曹見倫妻劉氏河南滑縣民王稀毛妻李氏撫卹朝鮮國琉球國遭風難夷如例○科爾沁卓哩克圖親王巴圖等四人喀爾喀

車臣汗阿爾塔什達等三人。奈曼扎薩克郡王阿宛都瓦第扎布。巴林扎薩克郡王那木濟勒旺楚克等二人。喀喇沁扎薩克都楞郡王色伯克多爾濟等五人。教漢郡王幹咱巴拉等二人。阿巴噶扎薩克郡王阿爾塔什第等二人。蘇尼特扎薩克郡王布爾呢錫哩翁牛特扎薩克貝勒寶拜。於神武門外瞻觀。○丙子。

上詣

皇太后宮問安。○諭內閣。惇親王現無子嗣。而近支無堪以承繼之人。惇親王福晉著賞給郡王半俸。以資養贍。俟將來有可承繼者。宗人府再行照例辦理。○諭軍機大臣等。前經降旨。飭令耆英等查拏鴉片。並著將作何堵截。按捕之處。據實覆奏。茲據耆英奏。地方惡習沾染日深。幾成積重難返之勢等語。盛京為根本重地。較之他省尤為緊要。雖由歷任各員未能實力嚴禁。以致蔓延。但耆英等經

朕委任當此整頓之時。必應振刷精神。從嚴從實辦理。毋得稍形諉卸。該處為閩廣船隻往來貿易之地。五方雜處。最易藏奸。現據奏獲煙土僅二千四百餘兩。殊屬寥寥。即所稱明歲春融冰泮。多派員弁分赴各處偵緝。並未將如何設立章程之處詳晰具奏。且據稱金州貔子窩和尚島等處。時當冬令。洋船尚可進口。尤當加意防堵。毋令載私偷入。所有各隘口應行查禁之處。即著耆英嚴定章程。

認真訪拏。有犯必懲。並酌量與薩迎阿慶林等輪往查辦。更為周密。總期痼習日除。根株永絕。方為不負委任。儻查辦不能淨盡。日後或經朕訪聞。或別經發覺。惟耆英等是問。恐不能當此重咎也。懍之。將此各諭令知之。○命副都統銜乾清門侍衛庫倫幫辦大臣多爾濟納木凱。在御前侍衛上行走。○以查緝紋銀鴉片煙人犯于兩廣總督鄧廷楨廣東巡撫怡良議敘。撫卹琉球國遭風難夷如

例○丁丑修直隸通州果渠村壩埽各工從大學士署總督琦善請也○戊寅

上御乾清門聽政○諭內閣前據御史孫日萱奏京控發交事件應令該督撫將並未親提之處隨案聲敘當交該部議奏茲據查照定例覈議具奏嗣後京控發交事件著各該督撫等於審結時將是否親提之處隨案聲敘如有應親提而委審應親提委審而仍發原問衙門者俱著專案報部照例分別議處以

昭覈實○又諭宗人府空房係園禁重地豈容閒雜人等擅自出入嗣後應如何稽查周密之處著宗人府嚴定章程妥議具奏尋奏遵旨嚴定稽查章程一空室向無關鎖實據應請用當月司印封條逐日早晚將門封固責成該班筆帖式及阜役看守一園禁宗室覺羅親族人等入空室看視時令該族長佐領出具實無冒入及運送違禁之物圖結方准放入一空室鈴鐺門外向有旗員兵丁值

宿巡更應令於早晚二次開門時在門外彈壓○署內當月司員應令常川於空室鈴鐺門外不時稽查得旨所議周妥嗣後該堂官務當隨時嚴密稽查毋許閒雜人等擅自出入致滋疏縱如園禁之宗室覺羅不遵約束即著據實具奏嚴行懲辦其應修房間著俟明歲春融由工部派員勘估修理○以詹事府詹事鄂爾端為大理寺卿大理寺少卿趙光為光祿寺卿○以拏獲鴉片煙犯予兵馬

司正指揮李遇亨等升用有差○緩徵陝西榆林葭懷遠神木府谷綏德清澗米脂吳堡安塞保安十一州縣積歉村莊新舊額賦○己卯

上臨故惇親王綿愷第賜奠○諭內閣前據御史袁玉麟奏山東商河縣所屬之黃王莊回民百餘家多有匪徒溷跡其中等情當降旨交經額布查明辦理茲據奏稱派委武定府同知陳光緒前往密查該地方自道光十年

以後節經官為查拏將首夥各犯破獲懲辦並將窩主房屋拆毀入官現在該莊回民業已畏法斂跡改業為良該處四面沙土鬆浮亦斷難修鑿地道附近各縣村莊均查無指控該莊回民擾竊之案實已戶口肅清民鮮盜賊等語該縣回民性多强悍現既安分斂跡仍著該撫督同司道嚴飭該縣文武員弁隨時留心稽查務在安良除莠以靖地方若查辦不力或致養癰貽患將來別經發覺或被

被人糾參朕惟經額布是問懍之○又諭經額布奏逆倫重案究出實情按律改擬等語此案前任昌邑縣告病回籍知縣凌朝薦於縣民劉治被女魏劉氏等謀勒致斃一案任聽仵作受賄捏報自勒身死並不詳慎辨驗幾至兇犯漏網著即革職交該撫提赴山東省研訊確供照例辦理前署昌邑縣候補知縣劉德新接審此案未能究出實情前任萊州府降調知府何輝綬率行審轉著交部分

別議處濟南府知府侯燮堂委審重案能將魏劉氏劉劉氏商同姦夫劉延治逆倫謀殺實情悉心究出俾凌遲斬決重犯三名口得以明正典刑洵屬精細出力著加恩賞加道銜無庸送部引見○諭軍機大臣等給事中成觀宣奏運河歸江之路應禁築壩堵攔一摺據稱淮揚運河之芒稻閘入字河入江便捷不宜堵壩以阻去路近來商人築攔江壩正在人字河口夏秋水長之時江口壅遏運

隄喫重凡運隄防護搶險之工實攔江壩壅遏不開所致且有壩啓閉商力總能上下其手請飭除淨盡等語事關運隄農田不得以兼顧商運為辭致有疏失著陶澍麟慶體察情形妥議具奏將此各諭令知之○又諭御史陳光亨奏運河淤淺船行輒多阻滯分水口以南如彭口開下之郝山淺處計七八里十字河以上之西灣柳園頭淺處計十餘里夏鎮至珠梅閘淺處計三十餘里棗林閘

上下淺處或三四里或五六里分水口以北如開河鎮袁口靳口等閘淺處計五十餘里李海務通濟永通等閘淺處計四十餘里梁鄉土橋魏家灣戴家灣等閘淺處計六十里皆由該處承挑各員有名無實所致等語本年回空漕船業經過竣來年重運尚未經臨沿河積淤地方自應趕緊一律疏通若如所奏山東一帶淺至十餘處之多數十里之遠一段有淺則深處並阻又安望其連橋暢行

耶著栗毓美經額布督率運河道廳認真辦理並嚴禁支發折扣查勘需索等弊庶承挑各員得以專力辦公不至有所藉口儻仍挑挖不力遲誤漕運即著指名嚴參毋稍徇隱務使工歸實用以節糜費而速漕行將此諭令知之尋奏查明淤淺工段先已確勘估計現在督飭挑挖以利漕行得旨認真辦理常存敬畏誠實之心斷不可有見好屬員之意懍之勉之○禮部議准江蘇巡撫陳鑾疏報

採訪阜寧縣貞節婦女黃氏等二百四十三口請建總坊旌表從之○奈曼扎薩克郡王阿宛都瓦第扎布及其子德木楚克扎布於東華門外瞻覲○庚辰諭內閣關聖保等奏請將督辦軍務無誤之達賴喇嘛正師傅等量加鼓勵等語此次勦辦博窩番賊調派番土征防各兵催運糧餉撥派烏拉運送軍火等項俱係該達賴喇嘛正師傅囑勒丹錫呼圖薩瑪第巴克什一手督辦毫無貽誤除將

禪師舊號准其作為本身名號外著加恩於原得衍宗翊教禪師名號內賞加靖遠二字並賞給蟒緞二匹大緞一匹乍了大呼圖克圖圖布丹濟木吹濟加木參調派土兵捐助軍需亦屬急公出力加恩賞給敕書以示鼓勵○以勦辦博窩番賊出力賞遊擊瑞周商卓特巴薩爾冲巴仔琿奪卡爾娃花翎餘升賞承襲有差○以緝捕出力予雲南知州周誦芬等升補有差○予捕匪被戕雲南縣丞

李廷瑛祭葬世職○撥江蘇江寧縣漕糧四千石抵放幫丁行月等米○辛巳旌表守正捐軀山西薩拉齊廳民李滿妻張氏○壬午戶部奏遵旨議覆戶科給事中成觀宣奏大江南北今冬米賤請及時採買山東道御史賈臻奏州縣採買擾民不如商買商運各一摺查京通倉貯米數雖尚有贏餘而現當銀貴米賤之時果能及時採買俾銀米流通利國實以便民惟官買固虞其抑勒而商販亦難於招徠如謂商販船小自能設法運渡則近年南方米賤而直隸山東糧價仍未平減是商船未能販運北來此其明驗如謂海運省費則商販更難稽查易滋弊竇請飭交兩江總督江蘇巡撫察看辦理如果米價運費合計在二兩以外三兩以內可以酌量收買者或由搭運或由海運均須確有把握酌定章程奏明由部籌款發交買運從之○癸未上詣

皇太后宮問安○諭軍機大臣等本日據鄧廷楨奏籌調師船將備聯幫駐泊洋面堵截民夷售私並水陸交嚴以除銅弊一摺著林則徐馳抵廣東後即將各該處情形悉心體察所有摺內所議駐洋守堵各事宜會同鄧廷楨通計熟籌務臻妥善覈實辦理將此諭令知之○以故一等子夏永祥子武全察哈爾頭等子班珠拉拉普齋子賡音布各襲職○子故直隸易州知州金洙安徽靈璧縣知縣貢震江西贛州府通判王友沂湖南道州知州翁運標陝西藍田縣知縣馬學賜周崧曉甘肅皋蘭縣知縣周礪四川威遠縣知縣李南暉雲南臨安府知府張玉樹入祀名宦祠江蘇故金山縣訓導王世豐安徽故四川鹽亭縣知縣胡光琦四川故西昌縣教諭湯佑光故山西崞縣知縣龔有融廣東故新會縣貢生胡方雲南故候補訓導華廷譽貴州故山西陽曲縣知縣唐廉入祀鄉賢祠從總督

琦善陶澍林則徐瑚松額鄂山伊里布鄧廷楨巡撫色卜星額裕泰錢寶琛富呢揚阿顏伯燾陳鑒賀長齡請也○禮部議准安徽巡撫色卜星額疏報採訪石埭縣貞節婦女陳桂氏等二千十六口請建總坊旌表從之○旌表守正捐軀直隸贊皇縣民張春來妻郝氏○甲申諭軍機大臣等本日據御史賈臻奏四川辦理夷務保舉人員宜加甄別並請將夷邊各廳酌改邊俸一摺此次辦理夷務未能妥協前已降旨將該省大吏等分別降革示懲惟該省員弁濫膺優敘在所不免若不覈實清查恐無以鼓勵將來著寶興即將前此得邀議敘員弁逐一查明除實係出力人員仍令留任外其濫得優敘者即行據實甄別毋稍瞻徇至該御史所稱請將夷邊各缺做照雲貴各省邊缺三年俸滿之例揀員調補三年無過即予升遷或加銜候升以示鼓勵著寶興體察情形覈實具奏又據稱川

省將悍兵驕不受約束如果屬實是該省歷任大吏訓練無方已可概見著寶興到任後力矯前失留意操防務使該弁兵等有勇知方悉成勁旅方為不負委任其所稱本年二月間省城南門口馬王廟紅廟子等處屢有縱火焚劫之案查係提標兵丁該管官並未究辦著該督查明果否實有其事一併具奏將此諭令知之○先是盛京將軍耆英奏請添設青樁並嚴禁開採煤窯命軍機大臣等會議至是奏盛京三陵重地防護綦嚴青樁以外舊設界牌早經虧朽應照舊安設以清界限至巡卡弁兵無值宿房間恐難晝夜巡查自應於通衢緊要處所添蓋卡房以資棲止其永陵青樁於九十餘里之間僅設三十六根一椿相距二三里之遙實係地闊椿稀所請添設六十四根統計新舊青樁共百根不越一里即有一椿似為加密均應如該將軍所奏

辦理至嚴禁開採煤窯一款附近產金處所及興京所屬地方皆宜加意禁防俾護地脈亦應如該將軍所請將興京開原鐵嶺撫順所屬界內山廠一概禁止不准開採責成旗民地方官按季查報將軍府尹等歸併淘挖金沙案內年終彙奏以杜覬覦而嚴防範從之○以緣事革退三等伯貴明叔長興襲爵○以勦捕哈薩克賊匪出力賞烏梁海副都統車伯克達什總管備津花翎餘升敘有差

○修江南裏河廳惠濟正閘福興越閘從河道總督麟慶請也○乙酉以恭修

孝陵

隆恩殿成遣官告祭如儀以喀喇沙爾屯田

豐收予員弁議敘賞兵丁一月鹽菜銀○丙

戌以京畿雪澤尚未優渥再於

大高殿設壇祈禱

上親詣行禮○諭內閣據給事中蘇芳阿奏阜成門外有匪徒聚眾強劫地方員弁認賊諱

匿愚民畏累隱忍等語著步軍統領衙門及該城按照摺內所指各案嚴密查拏務獲奏明究辦所有各案疏防失察員弁著即查明報案照例叅處熱河總管松桂奏園內清溪遠流等處旱溝經驟雨將上游泊岸衝塌以致沙石積淤加厚請照例傳兵丁一百三十餘名加增百名例限外展限一月疏通復舊所需器具並兵丁飯食銀由生息項下動支得旨仍著按照向例清完無庸加增人數

如果實力為之不數年何虞不能復舊矣○

丁亥諭內閣御史福珠隆阿奏門軍藉端勒索貧民一摺向來京師嚴禁粗米出城其居民糴買細米數在一石以內原准各門驗明放行若如所奏貧民自買細米門軍勒索未遂致被阻留給米放行實屬玩法擾害窮黎不可不嚴行懲辦著步軍統領左右翼總兵隨時嚴密訪查儻有前項情弊即將該門員弁兵丁嚴叅懲治至粗米出城原干例禁仍

不得稍有疏縱並著順天府尹衙門嗣後拏獲回漕案犯務即究明米石出自何門即將該門弁兵照例叅辦○又諭戶部奏考覈司員以重職守一摺所奏甚是戶部員外郎昆壽屢次藉病告假迨撤去印鑰仍復曠玩如前實屬怠惰性成難期俊改著即勒令休致部院各衙門司員各有職守理宜常川到署勤慎辦公上年特降諭旨令各該堂官隨時考覈嚴加淘汰乃各該衙門據實甄別者仍屬寥寥殊失朕望不知庸劣者濫竽充數必致勤能者觀望不前於吏治人才大有關係嗣後各該堂官務當破除情面嚴察屬員儻有性耽安逸行止卑污及年老有疾衰庸戀棧者立即指名叅奏不必待京察之年始行甄覈庶懲一儆百俾各司員咸知自奮認真當差而國家於以收得人之效朕實有厚望焉將此通諭知之○又諭著英等奏請變通教演章程一摺前據奕經等奏請將木植

變價生息作為閒散學習鳥槍公費當經降旨准行茲據著英等奏槍箭並重不容偏廢請嗣後春秋二季如馬上嫺習槍箭有準者隨時獎勵遇有馬甲缺出公同較驗挑補等語著即照所議辦理該將軍等務當督率所屬盡心訓練俾技藝精熟紀律嚴明無任日久廢弛以致有名無實○又諭德興等奏經紀長支短交銀兩請著落廳員分賠並分年勻扣一摺每年漕船抵通該經紀等辦理起運不准長支茲據該侍郎等查明本年該經紀長支腳抗價銀暨欠交上年殘袋價銀共八千三百五十三兩零著查照歷辦成案即著落經放廳員承霖齊承榮分賠四成應賠銀兩即著咨明戶部飭令迅速完交其餘六成銀兩著於軍糧經紀腳價內自本年起分作四年勻扣清款○以正紅旗蒙古副都統關聖保伊犁參贊大臣關福為內閣學士兼禮部侍郎銜正紅旗漢軍副都統明訓為都

察院左副都御史仍兼正紅旗漢軍副都統
大學士潘世恩七十生辰賞

御書扁聯福壽字並珍玩文綺○以吐魯番屯

田豐收予員弁議敘賞兵丁一月鹽菜銀○

予故惇親王綿愷諡曰恪○戊子

上詣

皇太后宮問安○諭軍機大臣等據御史郭柏

蔭奏擬綏靖閩省械鬪林士傳奏請籌備臺

灣積貯各一摺閩省械鬪之風所在多有泉

漳二府為甚臺灣地居海外民情浮動易生

事端必應豫籌儲蓄著鍾祥魏元烺即將該

御史等摺內所奏各事宜體察情形悉心籌

畫妥議章程具奏將此各諭令知之○又諭

據御史蘇都禮奏武清縣屬大長亭村有惡

棍杜一即杜元瑞綽號東霸天帶領伊子及

手下多人捏充王府莊頭並有夥匪李國泰

顧章串通縣役人等在本村地方以收取地

租為名擾害居民在本村闢帝廟內私立班

房濫行拷打等語匪徒結黨擾害閭閻實屬

藐法必應從嚴懲辦著卓秉恬等飭屬按名

嚴拏務獲並提在押各人證一併送交刑部

審訊究辦將此諭令知之○賞大學士潘世

恩花翎○以拏獲刀匪賊犯煙犯多名予陝

西知縣姚洽等加銜升補有差○潘山東濟

寧魚臺金鄉嘉祥臨清等州縣衛河道從巡

撫經額布請也○是日己亥年立春順天府

進土牛春山寶座○己丑

上臨惇恪親王綿愷第賜奠○諭內閣前因惇

恪親王薨逝兩次親往奠醊本日復親臨賜

奠眷懷同氣不勝惻然現屆舉殯之期著派

惠郡王綿愉於二十四日往府中奠醊並著

送至暫安處再行祭奠○又諭向來秋審朝

審人犯內緩決三次以上者人數積多每屆

數年諭令刑部查明奏請分別減等以示法

外之仁今自道光十六年查辦後至本年秋

審入緩決者又積有一萬一千六百餘名著

刑部將本年秋審朝審緩決三次以上各犯照節次查辦之例逐一查明所犯情節奏明分別減等發落以昭矜恤該部即遵諭行○
庚寅

上幸瀛臺閱冰技○御勤政殿賜蒙古王貝勒貝子公額駙台吉及朝鮮琉球國使臣章嘉呼圖克圖等宴並賞賚有差○諭內閣理藩院奏前經賞給咱雅班第達呼圖克圖之黃車請旨可否在紫禁城內乘坐一摺咱雅班

第達呼圖克圖羅布桑濟斯默特那木濟勒伊先世曾經賞坐黃車著加恩俟中正殿嘽經之日准其在紫禁城內乘坐○又諭前據姚元之奏前任江西巡撫裕泰奏叅丁憂知府張寅各款按問不實跡近挾私當將原摺發交錢寶琛密加察訪茲據該撫逐款查明據實覆奏並請將裕泰姚元之一併察議張寅交部議處等語各省督撫大吏於所屬各員原當隨時查察遇有應劾之員立即專摺

叅奏方為無忝厥職此案裕泰於所屬知府張寅訪有物議奏請查辦本為整飭官方起見迨經詳查各款或事出有因或訊無實據並不散因叅奏在先稍存回護是其前後所陳均無不合雖於同城屬員訪聞各款不先確切查明遽行入告未免跡同輕率而事屬因公並無挾私情弊裕泰著無庸交部察議至在京各部院大臣均有子弟親戚出仕外省若因督撫叅劾紛紛代為陳奏則該省各

上司勢必意存瞻徇諸多掣肘此風斷不可長姚元之與張寅係屬姻親於該員被劾之案業經奏結後輒指該撫跡近挾私已屬臆斷即所稱該員去任時百姓祖道甚多生員臚陳政績亦係外省常有之事何得以此遽定賢能是其冒昧瀆陳殊屬非是若非職司風憲例許建言必當加以嚴議姑念姚元之現任左都御史非無言責者可比著交部議處張寅於因工動用銀兩並未先行報明著

該部仍遵前旨照例議處 賞乾清門行走
科爾沁達爾漢親王索特納木彭蘇克三眼
花翎阿魯科爾沁扎薩克貝勒扎木揚旺舒
克喀爾喀扎薩克貝勒巴彥巴圖爾土爾扈
特扎薩克貝勒巴圖那遜喀爾喀扎薩克貝
子察克都爾扎勒雙眼花翎喀爾喀鎮國公
噶勒藏車凌青海扎薩克頭等台吉端多布
旺扎勒花翎 命扎賚特扎薩克貝勒拉木
棍布扎布喀爾喀扎薩克頭等台吉莽珠巴

咱爾在乾清門行走 移庫倫幫辦大臣一
員駐科布多為科布多幫辦大臣從烏里雅
蘇台參贊大臣車林多爾濟請也 吐魯番
扎薩克郡王阿克拉依都等三人科爾沁扎
薩克貝勒扎木揚旺舒克等三人烏珠穆沁
扎薩克貝勒達克丹等二人鄂爾多斯扎薩
克貝勒棍藏喇布坦扎木蘇喀爾喀扎薩克
貝勒巴彥巴圖爾等九人土爾扈特扎薩克
貝勒巴圖那遜巴林貝子索哩雅喀喇沁輔

國公德里克呢瑪等二人歸化城土默特輔
國公齊魯布阿巴噶扎薩克頭等台吉都噶
爾布木察哈爾扎薩克頭等台吉翰克博羅
特等五人青海扎薩克頭等台吉布彥達賚
等二人沙雅爾三品阿奇木伯克二等台吉
三等侍衛邁瑪特等二人英吉沙爾四品阿
奇木伯克三等台吉邁瑪特瑪哈蘇特等二
人喀什噶爾四品商伯克雅霍普等四人和
闡五品噶雜納齊伯克伊米勒等二人葉爾

羌所屬派斯謙莊五品密喇普伯克伊布拉
依木等四人伊犁六品密喇普伯克愛孜木
沙等二人土司宣慰司堅參生郎多吉等二
十九人及朝鮮國使臣李義準等三人琉球
國使臣章鴻勳等二人於西苑門外瞻觀 〇
辛卯諭軍機大臣等本日據伊里布奏貴州
仁懷縣匪徒穆繼賢等糾眾滋事據險抗拒
現在進攻未能得手查覈情形非厚集兵力
不能剋期翦滅已調提標及威寧定廣永安

平遠長寨畢赤等標兵二千二百餘名分往協剿並帶同安義鎮總兵阿精阿前往現經該提督與司道等分路進攻該處四面皆山形勢險峻山口路狹人難連騎又被該匪徒壘石樹柵將路截斷我兵槍礮兼施殺斃數十人我兵亦陣亡外委一員兵丁數名賊巢牆垣高厚並用大木夾立欄柵蒙以牛皮堅固異常一時不能摧破等語此等公廩小醜眾皆烏合乃敢傷及官兵負隅抗拒亟應厚

集兵力聚而殲旃該督等惟當催令未到各兵趕緊馳往與提督及司道各員弁等體察情形分路攻剿務使埽穴擒渠迅速藏事不得令該匪徒等聞風逃竄致滋蔓延雖據奏稱並未勾串苗民仍當加意巡防毋令乘間裹脅又另片奏請將署仁懷縣知縣王鼎彝革職審訊等語移繼賢袁明倫二犯因何事擊獲到案到案之後又何以復行出外滋事現已明降諭旨將王鼎彝革職審訊矣著該

督即提取原卷確切根究據實具奏毋任飾詞狡展致有不實不盡將此各諭令知之○內務府奏請嗣後錢糧衙門莊頭投充革退後除伊等子孫按例不准充當即不准入丁外其親丁隨丁如本族尚無人接充以前亦不准入丁應俟本族有人依限接充出具保結後再行查覈統歸比丁之年辦理其現在拖欠錢糧並緣事革退莊頭所有地畝錢糧既歸地方官徵租解部伊之親丁隨丁除已

在旗檔者准其及身而止毋庸銷除其未載入旗檔新丁應即編入里甲均不准再行續入俾該州縣得所統屬且免錢糧衙門地畝地存紛繞之患纂入則例遵行從之實授賽尚阿理藩院尚書賞吐魯番扎薩克郡王阿克拉依都三眼花翎○壬辰孝莊文皇后忌辰遣官祭

昭西陵

上詣

壽康宮前殿行禮後殿問

皇太后安 諭內閣戴銓等奏鑾儀衛恩利銀

庫滋生銀兩典置地畝本年應收租銀及節

年拖欠銀兩除已解交外尚未完租銀十六

萬七千二百四十七兩零此項租銀係該衙

門辦公之用自應按年徵解不得任意拖欠

著琦善嚴飭各州縣將前項租銀迅速徵解

歸款毋許稍有延宕 又諭多爾濟喇布坦

等奏拏獲販賣鴉片吸食人犯請旨交刑部

審辦一摺庫倫係屬邊地從前並無販賣鴉

片吸食之事茲乃有此不肖民人違禁販賣

吸食殊屬目無法紀設使蒙古漸染惡習尤

屬不成事體此等惡習若不力除無以示眾

著照所請所有民人趙廣壁李順薛約賢趙

智蘇姓即二子等五人著解交刑部嚴行審

訊其未獲之民人劉建榮著交綏遠城將軍

山西巡撫等嚴拏務獲歸案審辦尋奏趙廣

壁售賣煙土擬杖一百徒三年餘按律定擬

從之 諭軍機大臣等本日據關福等奏哈

薩克台吉蘇完胡里博克伊等將滋事首犯

伊扎噶土伊滿胡班拜等三名拏獲已將該

台吉分別賞賚並飛咨科布多暨沿途各大

臣派員接解逸犯和金木扎爾仍嚴緝務獲

所辦尚屬周妥朕思此種冥頑梗化之徒即

概予誅戮亦無足重輕但撫馭外藩必應寬

以濟猛或可啓其歸化向善之心現在該三

犯已解赴科布多地方著毓書即將該犯等

押往哈薩克邊界曉諭各部落天朝馭下仁

厚該犯等冥頑無知大皇帝格外施恩貸其

一死爾等將三犯領回痛加懲創儆再滋事

萬難倖逃顯戮並發去諭帖一件著詳細譯

出剴切傳示總使各部落人等激發天良各

安本業毋再滋擾上次毓書所奏拏獲博克

拜一犯曾有旨監候待質著一併釋放將此

由四百里各諭令知之 以烏魯木齊屯田

豐收予員弁議敘賞兵丁一月鹽菜銀○以

喀什噶爾巴爾楚克辦理屯田完竣賞已革同知周延芬六品頂帶藍翎餘選用有差以開墾地畝修築回城出力予喀什噶爾阿奇木伯克二等台吉作霍爾敦散秩大臣銜餘賞頂翎有差以拏獲哈薩克滋事首犯賞台吉蘇完胡里寶石頂雙眼花翎博克伊二品頂帶花翎餘升賞有差癸巳展緩浙江幫丁應扣留南餘米變價銀上以歲暮給祭

太廟自是日始齋戒三日甲午諭內閣蘇勒芳阿奏請將蒙古人戶移駐河北一摺青海察罕諾們汗一旗前因滋事驅逐過河現據該盟長車凌端多布等體察情形該旗近來被搶窮蹙該諾們汗年甫七歲懇請移駐河北等情加恩著照所請所有察罕諾們汗一旗著即嚴飭貴德廳文武員弁乘此冰橋未泮將安分守法之人妥為照料移過河北以示體恤該盟長等既情願承保著即責成車

凌端多布代為管理並著隨時留心稽察如有滋事作賊之人混行移過惟該盟長是問諭軍機大臣等有人奏江西署新昌縣知縣姚繼緒營私害理違例病民以抑勒成其貪婪種種劣跡深為地方之害又稱人命重案得銀勒銷徵收漕米違例溢取縱容丁胥藉端抑勒等語如果屬實均干法紀亟應徹底根究以肅吏治而安閭閻著錢寶琛即將摺內所指各情節逐加體訪秉公查覈儻實有其事即行據實嚴參毋稍徇隱將此諭令知之○乙未以歲暮給祭遣官祭

太廟中殿

後殿○諭內閣本日據吏部奏遵旨照例議處請將姚元之降二級調用一摺在京部院大臣於外省督撫舉劾屬員本不容妄有干預左都御史姚元之以一品大員與南昌府知府張寅係屬姻親乃於該員被參之案指稱該撫跡近挾私並將該員去任時百姓祖道

甚多生員臚陳政績代為陳奏實屬冒昧非是若使事關重大必當嚴治其罪姑念姚元之究係言官且其所奏祇為張寅申辦其事尚小姚元之著照部議降二級調用以示薄懲○又諭本日據伊里布等由四百里馳奏官軍攻破賊巢並殲擒首逆各要犯一摺所辦甚為妥速可嘉之至此案貴州匪徒謝法真假託降神捏造天書聚眾謀逆偽封名號穆繼賢先為因山大王嗣封川主統領眾目

抗拒官兵經伊里布等揀調兵弁親往督剿該逆等仍敢恃險負隅突出迎敵並於地道中暗放槍礮傷我兵丁余步雲及藩司慶祿等籌添鐵裹攔牌及土囊柴草一切火攻器具統率兵弁四面協攻竭一晝夜之力殺斃賊匪二百餘人並焚燬賊巢燒斃壓斃之賊不計其數墜牆投池及自行縊斃者亦不下二三百人復經各員弁分路撲攻四面擒捕合計殺獲首夥各犯約及千名其首逆謝法

真及穆繼賢袁明倫等均已就擒地方業已肅清該督等悉心籌畫督率有方俾滋事匪徒全數就獲不致蔓延各處糜餉勞師自應特沛恩施以示嘉獎伊里布著賞戴雙眼花翎仍交部從優議敘並賞給玉搬指一箇玉翎管一箇雙眼花翎一枝黃辦大荷包一對小荷包四箇玉鼻煙壺一箇余步雲著晉加太子太保銜仍交部從優議敘並賞給玉搬指一箇玉翎管一箇黃辦大荷包一對小荷

包二箇賀長齡在省督辦糧餉經理得宜著交部議敘布政使慶祿著賞戴花翎仍交部從優議敘其川黔兩省自總兵阿精阿張作功以下在事之大小員弁兵丁著該督擇其尤為出力者覈實保奏候朕施恩並將現在首先擒獲首要各犯之員弁分別查明據實覆奏其陣亡各弁兵照例賜卹至署仁懷縣知縣王鼎彝前因將穆繼賢袁明倫因案拏獲復行出外滋事革職審訊仍著該督遵照

前旨確切根究不得因現已歲事稍存遷就將此通諭中外知之○以吏部右侍郎龔守正為都察院左都御史仍署禮部尚書調工部左侍郎廖鴻荃為吏部右侍郎仍留浙江學政任○以內閣學士杜受田為工部左侍郎○以貴州銅仁協副將鮑方灼為江南徐州鎮總兵官○丙申裕祭									
太廟									
上親詣行禮○遣官祭									
永陵									
福陵									
昭陵									
昭西陵									
孝陵									
孝東陵									
景陵									
泰陵									
泰東陵									

裕陵									
昌陵○遣官祭									
孝穆皇后									
孝慎皇后陵寢○遣官祭									
端慧皇太子園寢○遣官祭									
太歲之神○諭軍機大臣等有人奏浙江水師操防巡緝諸形廢弛戰船亦多缺損盜賊窺伺劫奪頻聞本年夏間有盜船數十隻停泊溫州寧波等處海口該道府均馳赴查看									
而水師提督任意遷延雖經該撫行催並不督兵前往等語提督統轄水師洋面查緝巡防是其專責若如所奏平日既因循廢弛臨事復遷延畏蒞尚復成何事體著鍾祥即嚴密查訪本年夏間曾否有盜船遊奕該道府是否前往查看該提督何以未往查辦據實具奏不得稍有瞻徇至所稱戰船既多缺損而乍浦缺損尤多率皆以舊代新不堪駕駛祇憑一聞曹同知經營其事往往假手書吏									

人等代辦冒銷每滋流弊著鍾祥詳細查明應如何覈實辦理之處妥立章程一併具奏將此諭令知之○丁酉

上御保和殿筵宴朝正外藩科爾沁巴林喀喇沁奈曼敖漢蘇尼特阿巴噶扎賚特翁牛特烏珠穆沁鄂爾多斯喀爾喀土默特土爾扈特青海察哈爾王貝勒貝子公額駙台吉塔布囊及朝鮮琉球國使臣隨文武大臣依次就坐諸樂並作

上進酒召左翼科爾沁卓哩克圖親王巴圖達爾漢親王索特納木彭蘇克郡王多克默特巴林扎薩克郡王那木濟勒旺楚克奈曼扎薩克郡王阿宛都瓦第扎布敖漢郡王幹咱巴拉蘇尼特扎薩克郡王布爾呢錫哩阿巴噶扎薩克郡王阿爾塔什第郡王薩爾濟勒多爾濟扎賚特扎薩克貝勒拉木棍布扎布科爾沁扎薩克貝子濟克默特右翼喀爾喀車臣汗阿爾塔什達扎薩克親王車登巴咱

爾額林沁多爾濟扎薩克郡王托克托瑚圖嚕圖克濟扎布喀喇沁扎薩克都楞郡王色伯克多爾濟土默特扎薩克貝子德勒克色楞至

御座前賜酒成禮○是年旌表孝子江蘇等省徐鳴瑞等三十九名孝友山西等省王之翰等五名義士安徽張嶺等三名孝女直隸等省李淑等八口孝婦江蘇等省繆徐氏等十口守節合例宗室泰秀妻完顏氏等十六口

滿洲馬甲福珠禮妻伊爾根覺羅氏等一百一十一口蒙古雙珠妻遜佳氏等三十五口漢軍慶兒妻韓氏等三十二口內務府福克金布妻董氏等五口各省駐防于澤妻金氏等一百七十五口奉天等省孫承先妻薛氏等一千五百三十口夫亡殉節直隸等省馮榮堂妻邵氏等五十四口未婚守志直隸等省盧成德聘妻汪氏等二十三口百歲壽民婦山東等省田賜聰等六十一名口五世同堂

山東等省王嘉行等七十家。九世同居。甘肅
席世思一家。各給銀建坊如例。○一產三男
浙江等省徐景美妻朱氏等六家。○會計天
下民數穀數。直隸等省通共大小男婦四萬
九百三萬八千七百九十九名口。存倉米穀
三千八十二萬八千八百四石四斗一升八
合一勺。

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十七

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十八

監修總纂官殿臣日昇等奉 旨太子太保領侍衛內大臣大學士文淵閣學士管理工部事務工部尚書總辦翰林院掌院學士廖壽豐等
天爵府尹事務總辦等加五級跪後十八次臣書禮部總纂官鄭汝璜官史部尚書璜官工部尚書大臣行欽明
七次大臣稽察會同四譯館事務加一級隨帶加六級掌功加三級紀錄六次臣花沙納經筵講官文淵閣直學閣學等奉 旨向內閣當
內侍府大臣員領滿洲副都統特穆爾布七奉 旨管理理宗人府錢庫左翼副都統 聖寧官圖明圖子茂格禮部尚書路那斯奏
得臣通辦吏部事務僅加十八級奉 阿塞爾副都統官監修總纂官各部尚書總辦六次臣周禮等奉

教修

道光十九年己亥春正月戊戌朔

上詣

奉先殿行禮。○詣

堂子行禮○遣官祭

太廟後殿○率王以下文武大臣詣

壽康宮慶賀

皇太后禮成。御太和殿受朝。作樂宣表如儀。

詣

大高殿

壽皇殿行禮。○御乾清宮。賜皇子親藩等宴。○

晉封惠郡王綿愉為親王。○庚子。

高宗純皇帝忌辰。遣官祭

裕陵。○

上詣

奉先殿。

壽皇殿行禮。○諭內閣。前因給事中蘇芳阿奏

稱阜城門外匪徒強劫。地方員弁。有諱匿情

事。當交步軍統領衙門及各該城拏究查參。

茲據奕經等查明參奏。所有諱盜不報之守

備莊僕。著即革職。外委韓國泰著即責革。俱

著令其隨營緝拏正賊。其未能查出本汛失

事之守備高鑑。袁士英。著先行交部議處。仍

摘去頂帶。勒限嚴緝。各本哨千總景清趙邦

慶。奉司把總郎煥。呂國璽。外委張源孫加祿。

著即重責。俱摘去頂帶。仍與各兵目按限比

責。其呈報各案正賊。仍著督飭上緊查拏。務

獲究辦。儻限滿無獲。再行嚴參懲辦。○又諭

朕於三月初四日由宮內啓鑾。初七日祇謁

東陵。禮成後。於初十日駐蹕南苑。十五日回圓

明園。所有應行事宜。著各該衙門照例敬謹

豫備。○壬寅。

上御紫光閣。賜蒙古王貝勒貝子公台吉及外

藩使臣等宴。並賞賚有差。○癸卯。

上詣

大高殿行禮。○幸圓明園。○奉

皇太后居綺春園。○詣

安佑宮行禮。○緩徵直隸武強東鹿鹽山慶雲

鉅鹿曲周磁大名新河武邑寧晉深饒陽安

平天津靜海滄南皮宣化青永年邯鄲阜城。

二十三州縣上年災歉村莊新舊額賦。○緩

徵山東章邱鄒平長山平原聊城館陶濰高

密臨清夏津武城邱濟寧魚臺十四州縣及

德州東昌二衛上年被水被旱被雹被蟲莊

屯新舊額賦。○貸陝西鳳安定定邊靖邊榆

林葭懷遠府谷神木九州縣上年被雹被旱

災民口糧籽種。○甲辰。

世祖章皇帝忌辰遣官祭

孝陵○

上詣綺春園問

皇太后安○諭內閣上年九月間有領催富克精阿在道旁叩聞該犯係當差旗人該管大臣及官員等失於覺察曾經交部分別議處昨在宮門外道旁叩聞之江西民人熊得恆其形狀語音迥異當差之人如果認真稽查何難即時拏獲乃該地方員弁漫不經心管轄懈弛非尋常疏忽可比著該管大臣據實查明從嚴叅辦○又諭湯金釗等奏審擬金貴寶京控命案一摺此案安徽前任旌德縣知縣何鍾蘭審理命案草率通詳緝兇安慶府知府劉耀椿潁州府同知徐青照雖經究出正犯審理究未得實俱著交部分別議處其失察逃徒回籍滋事及在監代寫呈詞之各該管官著查取職名交部議處至該縣禮村留村等處月會印子錢等項名目重利盤

剝為害貧民著該撫嚴行禁止利債概免追償仍責令該縣知縣隨時稽查以安閭里而杜訟端○諭軍機大臣等據御史周春祺奏武弁養匪害民伍長盜米病丁一摺著湯金釗吳文鎔於浙江查辦事竣前赴江南按照摺內所指各款審訊辦理佃湖營把總翟九齡大河三幫伍長周維翰身充武弁運丁膽敢營私亂法如果屬實必應從嚴懲辦以警刁頑原摺著鈔給閱看又麟慶奏請修理惠濟福興兩閘估需工料銀二十萬兩已降旨飭戶部照數撥給惟此項工程應否修理動用款項有無浮濫該河督據該道廳等勘估詳報有無聽受朦混之處著湯金釗等訪查明確據實具奏麟慶原摺一併鈔給閱看將此諭令知之○乙巳諭內閣保昌等奏駝隻變價銀兩請量為變通一摺烏里雅蘇台餘勝孳生駝隻變價銀及城工節省銀現共存銀二萬五百八十餘兩據該將軍等請將前

奏發商生息之處停止。著照所請。將現在賞給驅逐哈薩克之喀爾喀官兵俸賞行裝銀二萬四千餘兩。即由此項動支。其不敷銀兩。仍在烏里雅蘇台庫貯正款項下添補。至所稱各處歲修共需銀二百兩。著准其於烏里雅蘇台房租圍租項下動撥給發。該部知道。○又諭。奕經等奏遵旨查明未能查出民人叩關之該管地面員弁。請分別議處一摺。除該管弁兵業經該衙門從重懲辦外。所有值

日稽查之樹村汛守備善福著交部嚴加議處。管轄之副將蔣柏齡參將王萬春。遊擊鄧朝樑及專汛都司雷樹勳均著交部分別議處。奕經離順恩桂著一併交部察議。○又諭。此次失察道旁叩關民人之圓明園副護軍校富尼音泰護軍尼克圖布連祥倭哩布霍津喀爾瑪善阿克扎琅喀勒春泰托雲托雲布著一併責革。○調盛京熊岳副都統張仙保為江寧副都統。山海關副都統祥厚為熊

岳副都統。鑲黃旗蒙古副都統裕瑞為山海關副都統。○貸湖南武陵縣上年被水災民籽種。○貸甘肅皋蘭固原寧環秦五州縣上年災民口糧籽種。○丙午諭內閣據凱音布奏代蘇廷玉謝恩一摺。蘇廷玉現任四川臬司。本有奏事之責。前降補臬司時。曾經自行具摺謝恩。乃於降旨拔去花翎革職留任後。復稟請凱音布轉奏謝恩。殊屬非是。凱音布不即將原稟駁回。輒據情代奏。亦屬冒昧。凱

音布。蘇廷玉均著交部議處。○諭軍機大臣等。本日據鄧廷楨怡良片奏查辦粵省鴉片煙情形。朕詳加披閱。具見肫誠為國之心。惟當此可乘之機。仍應督飭文武員弁。趁勢嚴拏。毋稍鬆懈。務使根株淨盡。痼弊全除。煙販浸灌各省海口。雖到處可通。而該省為出入門戶。如果認真堵截。則浸灌漸少。吸食者無從購買。日就肅清。林則徐計早晚到粵。該督等仍遵前旨。協力同心。盡泯畛域。勉之又勉。

以副委任。至林則徐前此面奏請頒發檄諭曉示外夷。著與鄧廷楨酌商。是否可行。儻必須頒發。著即妥擬底稿具奏。經朕披覽。再行檄發。將此各諭令知之。○江西巡撫錢寶琛奏甄別知縣龔士範等分別勒休降補。得旨整飭吏治。第一要事。毋憚煩。毋避怨。勉為之。○湖南巡撫裕泰奏擊獲興販鴉片煙人犯。得旨。一力嚴拏究治。斷不可又形鬆懈。此番若不淨絕根株。後難措手矣。勉之。○以工部左侍郎文蔚兼鑲黃旗蒙古副都統。理藩院右侍郎文德和署正白旗蒙古副都統。○丁未。享太廟。遣惠親王綿愉恭代行禮。○遣官祭太歲之神。○諭內閣富呢揚阿奏審擬知縣查出淹禁犯婦。妄稟消弭一摺。陝西西鄉縣犯婦白蒲氏。係道光十四年恩詔免罪應放之犯。該前縣胡廷瑞奉到部文。不即釋放。以致淹禁多年。實屬錯誤。歷任知縣及各上司

失於稽察。亦屬疏忽。均著交部分別議處。現任知縣汪荆川。稟請為前任彌縫處分。本有應得之咎。惟此案淹禁犯婦。究由該縣查出。著加恩免其議處。○浙江巡撫烏爾恭額奏。續獲鴉片煙犯。併鎗除台州府屬罌粟花苗。得旨。嚴行查緝。萬勿生怠。至栽種罌粟。尤屬可惡。必當刻即嚴禁。實力鎗除。勉之又勉。○以驅逐哈薩克並承辦軍臺事務出力。予科布多額外筆帖式濟爾哈椿優敘。賞杜爾伯特蒙古官兵等行裝銀。○戊申。上詣大高殿行禮。時應宮拈香。○還宮。○諭內閣。前據御史秋聽奏。湖北德安府知府方長慶設立鹽局。藉端科派各款。當降旨交該督等查明具奏。茲據伍長華奏。該員方長慶於所屬隨州地方設立鹽局。並建留養局。勸捐書院膏火。均係因公起見。並無藉端科斂。擾累閭閻情弊。亦

無與州書徐錫齡交若友朋賞戴金頂情事惟於徐錫齡需索票錢被控飭訊後不加察究復令總理鹽局各有所應得著交部議處○以次幸祈穀於

上帝自是日始齋戒三日○己酉諭軍機大臣等有人奏廣西梧州府知府劉錫方前因辦理鴉片煙遲緩經梁章鉅奏請摘去頂帶聞得該府家丁張三即張漢三係安徽人得賄私放每煙土一包得洋銀一圓即保送過關

等語梧州為兩廣咽喉如果查拏嚴密奸販自無從入境乃桂林潯州等府拏獲煙土甚多該府全無覺察其為管關家丁得財賣放已可概見該府猶以寬限時日為請難保無知情故縱等弊劉錫方著即撤任交鄧廷楨迅將張漢三拏獲到案確切嚴訊務得實情如劉錫方實有知情縱容家丁情事即行據實嚴叅重治其罪以期懲一儆百當此查辦喫緊之時該督惟當破除情面和盤托出斷

不准意存遷就致有不實不盡將此諭令知之○庚戌

上詣

南郊齋宮齋宿○兩江總督陶澍等奏拏獲商船舵水鄭阿鉞等藏帶鴉片煙土四千餘兩提省審辦得旨一律嚴拏若再遲疑觀望則大負委任矣○緩徵江蘇上元江寧句容江浦六合山陽阜寧清河桃源安東鹽城高郵泰東臺江都甘泉儀徵興化銅山豐蕭碭山

宿遷睢寧海沐陽贛榆二十七州縣及大河揚州淮安徐州四衛積欠額賦○濬江蘇丹徒丹陽二縣運河從巡撫陳鑒請也○辛亥祈穀於

上帝

上親詣行禮○辛圓明園○詣綺春園問皇太后安○御奉三無私殿賜皇子親藩等宴○壬子

上詣

安佑宮行禮。○御正大光明殿。賜朝正外藩等宴。作樂賜酒。如除夕儀。○癸丑。

上御正大光明殿。賜大學士尚書等宴。○甲寅。諭內閣。御史陳光亨奏。請飭禁內外臣僚競認師生一摺。所言甚是。鄉會試考官憑文取士。中式者感其識拔。誼等師生。尚屬禮緣義起。然在官言官。在朝言朝。斷不可以私廢公。至新進士殿試朝考。一經館選。即與閱卷官認師生。已屬非是。若京察一等大計卓異者。

概與堂官上司認師生。是身荷簡擢之恩。心感保舉之力。受爵公朝。拜恩私室。甚非國家考績求賢之義。至近來外省風氣。州縣輒與府道認師生。府道輒與督撫認師生。是以勢利為結納。拜門下者品已不端。難保不恃門生之情面。專事情託。假上司之聲勢。相與招搖。種種夤緣。皆由此起。又安望其持正秉公。各盡職守耶。嗣後內外臣工。總當守分勵品。斷不准藉師生稱謂。以為攀援干進之階。至

部院大臣。及各省督撫等。尤當正己率屬。以人事君。遇有藉端干謁者。即行面為屏斥。概不准因遞詞卑禮。稍事姑容。庶屬吏共知敦品。以杜奔競。而肅官方。將此通諭知之。○乙卯。諭內閣。此後

常雩冬至大祀。俱進內西天門。由齋宮前。走三座門。至原降輦處降輦。○丙辰。

上御山高水長。賜王公大臣蒙古王貝勒貝子公台吉及外藩使臣等食。○諭內閣。朕因盛

京為根本重地。現當查禁鴉片煙之際。恐該處亦漸染惡習。屢經降旨飭令耆英等認真查辦。淨絕根株。茲據奏查禁情形。尚屬妥協。惟須覈實辦理。不可徒託空言。此等藐法之人。無論宗室覺羅官員兵丁。一經拏獲。即當按律懲治。其沿海一帶無業閩人。私行潛住。自當安為驅逐。如有違禁販賣情事。必應派員查拏治罪。不得僅以驅逐了事。吉林與奉天接壤。該處儻有吸食販賣各弊。總係奉天

挖查未淨以致浸灌充斥。咎有攸歸。日後別經發覺。朕惟耆英等是問。斷不輕恕也。據奏該處地方官向來不肯實力查究。互相隱諱。反以查拏為多事。此種劣員。實屬可惡。著留心察看。如再有因循諱飾。不肖劣員。即行據實嚴叅。至所稱飭令該佐領協領等各具印結。每月呈報。此係將就了事。該員等恃有結報。反得陽奉陰違。互相掩飾。吸食之人。亦恃有結報。益無忌憚。而該上司亦憑一紙申報。深信不疑。遂致相率視為具文。日形弛懈。所見甚屬迂謬。著傳旨嚴行申飭。現在耆英於沿海一帶。派員查明無業閩人。是否驅逐。有無違禁販賣。如何懲辦。其派員分赴威遠堡。渾河渡口等處。曾否緝獲前往吉林販煙之人。著一併詳晰具奏。毋得空言搪塞。致干咎戾。尋奏現陸續拏獲興販煙土無業閩人十七名。又於威遠堡。渾河渡口等處。拏獲攜帶煙膏煙槍坐車出邊之宋有學一名。均移咨

刑部會同審辦。得旨。一力勉之。斷不可存畏難姑息之見。○諭軍機大臣等。有人奏。江寧布政使唐鑑。前經呈報伊女孝行。由部覆准。竟於江寧省城外天界寺相近地方。託上元縣紳士汪鄴樓督工建立專祠。以致愚民聚會燒香。男女混雜。又該藩司胞弟唐紫玖。現住省城之壽星橋。恐聞不肖屬員黃緣鑽刺之弊。現在陶澍患病請假。稿件係藩司代行。而唐鑑亦係病軀。終年不去藥餌。於地方公事。恐有廢弛等語。各省孝子節婦。准予旌獎者。例應在本籍建坊。若如所奏。該藩司於任所為伊女建祠。已屬違例。又致愚民聚會燒香。該藩司豈毫無覺察。至伊弟唐紫玖。是否住居省城。有無倚勢招搖劣跡。唐鑑是否患病。現代陶澍辦理稿案。有無廢弛之處。著湯金釗等於浙江審案事竣後。順赴江寧。逐款查明。如有前項情弊。據實叅辦。將此諭令知之。○又諭寄諭江寧織造福泰。有人奏。江寧

布政使唐鑑。前經呈報伊女孝行。由部覆准。竟於江寧省城外建立專祠。又該藩司胞弟唐紫玖。現住省城之壽星橋。恐開屬員夤緣鑽刺之弊。現在陶澍請假。稿件係藩司代行。唐鑑亦係病軀。公事恐有廢弛等語。福泰近在同城。見聞確切。著逐款據實覆奏。毋許稍有瞻徇。○丁巳。

上詣綺春園問

皇太后安。○以督銷淮北票鹽出力。予運判童

濂等升補有差。○戊午。

孝穆皇后忌辰。遣官祭

陵寢。○諭內閣。戶部奏。江西省嘉慶四年清查案內原虧倉庫兩項。尚未完銀七萬五百餘兩。節經展緩。迄今限滿。仍未據報歸補。著該撫查明前項未完銀兩。迅即飭催埽數解部。毋得再有延宕。以重帑項。○以伊犁參贊大臣關福署將軍。○己未。諭內閣。桂良奏。拏獲興販鴉片煙土人犯一摺。鴉片煙來自外洋。

流毒內地。豫省亦復沾染惡習。現據該撫督屬嚴拏。獲到興販煙土人犯三十六名。計煙一萬四千六百餘兩。並據民間陸續首繳煙三千一百餘兩。查拏尚好。所有現獲各犯。著該撫即行分案審擬。該省係四達之區。興販往來。從此經過者。自必不少。該撫仍當督屬加意嚴拏。隨時認真查究。有犯必懲。務期力除惡習。勿使稍有疏懈。斷不可藉稱該省不通海口。一奏塞責了事。○又諭桂良奏。候補佐雜人員被控販賣吸食鴉片等語。此案河南候補布政司都事蕭翼元。已據煙販何五供指吸煙。自行承認。乃以候補縣丞溫觀洪。候補從九品葉林桂。候補未入流鄭紹康。均係販賣煙土吸食鴉片之人。稟請查辦。現經藩臬兩司提同質訊。蕭翼元供係吏目羅清混向伊告知。職官吸食鴉片。已干例禁。若竟輾轉販賣。尤出情理之外。雖據溫觀洪等極口呼冤。難保非該員等商同狡賴。且即謂蕭

翼元挾嫌妄指。又何至與溫觀洪等三人。皆有嫌怨。不可不徹底根究。著該撫傳到羅清。混確切根追。是否係蕭翼元挾讎誣陷。抑係溫觀洪等實有販煙吸食情事。務令指出實據。從嚴懲辦。斷不准聽其狡展。遷就了事。致有不實不盡。尋奏。訊明溫觀洪等委無販土吸煙情事。蕭翼元照例反生。應杖九十。徒二年。下部議。從之。○以己革奉恩輔國公奕額姪載岱襲爵。○改鑄湖廣督標左右兩營遊

擊關防。從署總督伍長華請也。○庚申。

孝聖憲皇后忌辰。遣官祭

泰東陵。

上詣

恩慕寺。

恩佑寺。行禮。○諭內閣。本年輪應查閱直隸山西陝西甘肅四川營伍之期。直隸著即派琦善。山西著即派申啓賢。陝西甘肅著即派瑚松額。四川著即派寶興。逐一查閱。務當認真。

簡校。如查有訓練不精。軍實不齊者。即將廢弛之將弁。據實叅劾。毋得視為具文。○辛酉。

上詣

黑龍潭神祠拈香。○諭內閣。賀長齡奏查禁私種罌粟花情形等語。黔省民苗雜處。多有栽種罌粟。熬膏售賣之事。外省奸商。每於栽種出土之初。親來看估。豫付銀兩。鄉愚惟利是圖。甘蹈法網。不可不實力查禁。嚴行懲辦。現據郎岱善定清鎮貴筑各廳縣。先後查明民苗私種者。或數畝。十數畝不等。此外各州縣地方栽種牟利者。尚不知有幾。著該撫嚴飭所屬地方官認真體訪。但有私種罌粟之處。即行親身密往查驗。立予拔毀治罪。並將地畝入官。其不行舉報之鄉約地保。一律重懲。毋稍寬縱。至禁絕私栽。尤須嚴拏奸販。並著該撫飭屬不時親自下鄉。於向來栽種地方。密布耳目。設法掩拏。從重懲治。斷不准透漏風聲。或假手胥役人等。以致匪徒聞風潛

匿庶可杜去路而斷來源。○又諭賀長齡奏續獲開館興販吸食鴉片煙各犯一摺。鴉片煙流毒日深一日。黔省又復傳染。可惡之至。現據該撫查明粵東販煙之奸商。東南從古州入境。東北從銅仁入境。飭屬設法查拏。報獲開館販煙窩留吸食各起。並起獲煙土煙膏煙槍煙具等件。查緝尚好。現當查辦喫緊之時。該撫既經探明來源。著即嚴飭古州廳及銅仁府縣實力搜查。嚴防偷漏。總期有犯必獲。力除此患。斷不准以奸弊滋多。查辦費手。任聽該員等因難諉卸。以致除害不盡。勉之慎之。○壬戌。諭內閣。前據大學士會同軍機大臣議奏。京員揀發河工學習章程。聲明實缺不得其人。即候補亦准一體保送。當經照議准行。此次保送河工學習人員內王家勳。夏子齡。莊志謙三員。均係額外主事。與原議章程不符。吏部禮部兵部各堂官。著交吏部都察院議處。嗣後各衙門保送河工人員。

仍著遵照原議。先儘實缺人員揀選。如不得其人。方准以候補各員一體保送。概不准以額外行走未經奏留之員。率行保舉。以符定制。○又諭。前因哈薩克伊扎噶土等擅入卡倫。糾眾滋事。經官兵拏獲首犯三名。本應概予誅戮。以昭炯戒。因念該哈薩克等冥頑弗靈。不值與之深校。且我朝撫馭外藩。必應寬以濟猛。或可啓其歸化向善之心。特降旨。令將伊扎噶土。伊滿。胡班拜等三名。貸其一死。加恩釋放。伊扎噶土等宜何如感激朕恩。知悔知懼。本日據毓書奏。伊滿。胡班拜二犯伏地碰頭。自認糊塗。尚為馴順。惟伊扎噶土仍恃兇頑。立而不跪。且贖臥獄門。不受刑具。其押解在途時。並敢逞其刁野。辱詈官兵。種種情形。實屬可惡。是其自外生成。法無可貸。伊扎噶土著即行正法。伊滿。胡班拜二犯仍暫行監禁。俟國慶到任後。遵照前旨。一併釋放。並著該大臣即將伊扎噶土桀驁性成。孽由

自取。無福仰承恩宥之處。曉諭各哈薩克。俾知天朝馭下。仁至義盡。各宜激發天良。安分守業。毋得妄生覬覦。自罹刑誅。用示朕誥誠矜全之至意。○烏魯木齊都統廉敬覆奏。體察開墾口外荒地情形。開墾荒田。全藉渠水灌溉。必須先籌引水。澆田之策。現據阜康縣知縣周淳詳報。可墾地一千七百餘畝。吐魯番同知寶瑛詳報。都岡湖地方。可墾地二千五百餘畝。牙木什迤南。可墾地八百餘畝。升任奇台縣知縣成瑞詳報。東爾吉等處。可墾地三千餘畝。均飭招戶認墾。引水澆灌。覈實辦理。報聞。○以禮部尚書奎照氣體不充。命回本衙門辦事。無庸在軍機大臣上行。○命保送河工內閣中書陳韶。翰林院編修曹聯桂。發往南河差遣委用。戶部員外郎汪喜孫。工部主事徐啓山。發往東河差遣委用。○

癸亥。

上詣綺春園問

皇太后安。○諭內閣。向來御前大臣。軍機大臣。總管內務府大臣。遇有公事。應隨時具奏之件。俱准其將奏摺徑交內奏事呈遞。其餘各部院堂官奏摺。均由外奏事轉交內奏事呈遞。立法周備。原以示限制。而昭慎重。本日據載銓等奏。戶部侍郎聯順於陳奏摺件。並未由外奏事經過。率交內奏事呈遞。實屬有違定制。聯順著交部議處。○又諭。向來回子伯克。每年朝覲。九班輪流。四川土司。三年朝覲。兩班輪流。在該伯克土司等輸忱展覲。不敢告勞。惟念萬里馳驅。載塗雨雪。朕俯懷况瘁。為期未免過勤。著加恩。自道光十九年起。回子伯克年班。改為間二年朝覲。仍照舊九班輪流。第一班著於道光二十一年來京。第二班著於二十四年來京。此後照此辦理。四川土司年班。改為間五年朝覲一次。仍照舊班輪流。第一班著於道光二十四年來京。第二班著於三十年來京。此後均照此辦理。用

示朕懷柔遠服體恤優加至意該衙門即遵諭行○朝鮮國王李熒遣使表賀

萬壽冬至元旦三大節進貢方物賞賚筵宴如

例○琉球國王尚育遣使表貢方物賞賚筵

宴如例○以御前侍衛扎勒罕奏署正黃旗

護軍統領○甲子諭內閣福英等奏據哲布

尊丹巴呼圖克圖呈請前往溫泉坐湯一摺

哲布尊丹巴呼圖克圖自上年出痘以來身

體不甚爽利著照所請准其前往庫倫之北

伊嚕格河溫泉坐湯事畢即令速回該呼圖

克圖起程時著派福英照料前往○又諭戶

部奏已革莊親王奕賣未完罰俸銀兩應否

照世職例辦理綿護現襲莊親王所有奕賣

未完罰俸銀兩著即在綿護俸銀內按年接

扣一半○諭軍機大臣等據鄧廷楨等奏通

諭各國夷商前除舊污並繕錄諭稿進呈朕

詳加披閱措詞正大所見亦屬周到現在外

洋拋泊各躉船是否盡數回國其並非躉船

又非進口貨船往來各洋寄碇者能否絕跡

著林則徐會同該督等嚴飭水師各鎮協營

調集師船在各洋面聯幫追捕毋任再有偷

漏其窩口煙館各犯並著通飭各屬按摺淨

盡以絕根株其茶葉大黃果否為該夷所必

需儻欲斷絕是否堪以禁止不至偷越之處

並著悉心訪察據實具奏至林則徐面奏請

頒發各國檄諭著仍遵前旨與鄧廷楨商酌

妥擬底稿具奏經朕披閱再行頒發將此諭

令知之○又諭本日據鄧廷楨怡良奏稱諭

逐港腳夷商喧嘩現在下澳附船回國等語

該夷喧嘩來粵貿易多年所有躉船鴉片多

半係其經營實為奸夷渠魁現因稽查嚴密

恐懼圖歸雖據該督等奏稱該夷請牌下澳

於臘月底定可開行但該夷盤踞既久黨羽

必多現在各躉船尚未回帆其所存煙泥豈

肯即行拋棄難保不別肆詭謀著林則徐嚴

密訪查該夷喧嘩是否實已下澳開行確於

何日起破。如尚在逗留。即嚴行驅逐。據實覆奏。務使奸夷盡去。痼弊悉除。方為不負委任。將此諭令知之。○又諭。寄諭協辦大學士雲貴總督伊里布。據載銓等奏鑒儀衛馴象所內象隻不敷當差。著該督迅速採買數隻。陸續解京。交鑾儀衛馴熟備差。以崇典禮。將此諭令知之。○兩廣總督鄧廷楨等奏遵旨力除鴉片。共矢血誠。俾祛大患。得旨。卿等同欽差大臣林則徐。若能合力同心。除中國大患之源。不但卿等能膺懋賞。即垂諸史冊。朕之光輝。豈淺鮮哉。而生民之福。政治之善。又非淺鮮。諒卿等亦不煩諄諄告誡也。勉之勉之。朕拭目待之。此摺給林則徐看。○以湖北辦理隄工出力。予知府周鳴鸞等加銜敘補有差。○賞故扎薩克郡王庫倫辦事大臣多爾濟喇布坦銀一千兩治喪。以喀爾喀扎薩克貝子德勒克多爾濟為庫倫辦事大臣。○修造廣州旗營炸裂銹蝕礮位。從將軍德克金

布等請也。○乙丑

上詣

大高殿行禮。○還宮。○諭內閣。前因載銓聯順以擬陪治儀正恩長具呈告退。各具摺陳奏。有旨將聯順恩長解任。交軍機大臣會同卓秉恬祁墳傳訊。茲據訊明覆奏。各衙門遇有缺出。該堂官自應公同揀選。即偶爾意見不合。又何難平心商榷。聯順於揀選治儀正時。因差未到。即謂恩長資格尚淺。亦當面向同官。秉公商酌。乃因恩長不行而票。輒加呵斥。並牽涉伊子恩厚。於揀選時未能清語履歷。將其責懲。顯係挾私遷怒。任性妄為。聯順著革退。御前侍衛並護軍統領左翼總兵鑾儀使。仍交部議處。恩長於擬陪後。輒因聯順向伊呵斥。遽行告退。亦屬負氣。著一併交部議處。○又諭。經額布奏請將署任同知撤任查訊一摺。山東署登州府海防同知試用通判承慶。經該撫訪聞素有吸食鴉片煙情事。飭

司查叅該員即具稟告病及該撫飭傳查詢該員又復避匿不到情節顯然自未便稍事姑容永慶著解任交該撫即行提案查訊明確照例辦理以肅功令尋奏訊明永慶因病吸食鴉片復買曲婦女為妾實屬有玷官箴應請革職永不敘用下部議從之○轉京營右翼總兵恩桂為左翼總兵以刑部右侍郎善燾兼京營右翼總兵調正藍旗護軍統領文慶為正黃旗護軍統領以御前侍衛扎

勒罕泰為正藍旗護軍統領○以祭

社稷壇自是日始齋戒三日○丙寅

孝儀純皇后忌辰遣官祭

裕陵○諭內閣給事中況澄奏請查禁兵役包庇盜案一摺匪徒搶劫擾害閭閻全在地方官實力查拏隨時懲辦庶足以除莠安良其或兵役與竊盜各犯暗通聲氣勾結包庇查拏不力任其違颺此等奸蠹兵役尤當盡法重懲若如該給事中所奏近日京都附近居

民每被搶奪上年冬間報案尤多不但犯未弋獲且搶案仍復疊出若非兵役包庇不肯緝拏何至於此捕務廢弛已可概見著步軍統領衙門順天府五城暨直隸總督各飭所屬員弁於所隸兵役隨時留心稽察如查有已庇賄縱情弊立即從嚴懲辦儻該地方員弁漫無覺察甚至有心諱飾即著嚴叅毋稍姑容經此次諄諭之後各該管上司仍不能飭屬嚴拏力加整頓別經發覺必將該管上司一併嚴懲不貸毋得視為具文○又諭御史劉夢蘭奏請嚴禁奸徒別造煙物影射害人一摺鴉片煙流毒日深現在各直省查拏究辦著有成效方冀根株盡絕積習一清若如該御史所奏近日射利之徒因查拏煙土煙膏甚嚴不敢肆行販賣另出新意別造一種煙物名為七寶琉璃散與鴉片煙膏形質迥殊而影射牟利即與鴉片煙名異實同必應嚴行查禁以防流毒著各直省將軍督撫

府尹等嚴密訪查。如有造賣吸食者。與鴉片	煙一律嚴拏究治。儻再敢更換名目。公然售	賣。一經訪聞。立即拏辦。不准稍有疏漏。○諭	軍機大臣等。寄諭山西學政張琴。近因鴉片	煙流毒傳染日深。飭令中外嚴拏。復明降諭	旨曉示各直省督撫。實力稽查。如有違例栽	種罌粟花者。立即拔毀懲治。朕風聞山西地	方。沾染惡習。到處栽種。若不查拏淨盡。是外	夷之私販漸少。而內地之餘患未除。該學政	周歷全省。目見耳聞。較為確切。其曾經考試	各府州。果否見有栽種。嗣後出考各棚。務須	嚴密查訪。並於道路經由之處。留心閱看。如	有栽種罌粟。連畦成畝。造煙漁利。即著據實	奏聞。不准稍有諱飾。將此諭令知之。尋奏。上	年按試省南。本年出考省北。留心查看。尚未	見有栽種罌粟。連畦成畝。造煙漁利情事。且	天氣嚴寒。地亦山多水少。均於栽種不宜。報	聞。○以刑部右侍郎許乃善。署經筵講官。
---------------------	---------------------	-----------------------	---------------------	---------------------	---------------------	---------------------	-----------------------	---------------------	----------------------	----------------------	----------------------	----------------------	-----------------------	----------------------	----------------------	----------------------	---------------------

大清宣宗效天符運立中體正至文聖武智勇	仁慈儉勤孝敏成皇帝實錄卷之三百十八																		
--------------------	-------------------	--	--	--	--	--	--	--	--	--	--	--	--	--	--	--	--	--	--

大清宣宗效天符運立中體正至文聖武智勇
仁慈儉勤孝敏成皇帝實錄卷之三百十九

並修職官職及官職注官太子太師體仁閣大學士又湖廣總督李鴻章戶部事務上書各處總督林院學士吏部
天府府尹事務總督加五級此係十八次在實績總督李鴻章吏部尚書總督李鴻章吏部尚書總督李鴻章吏部尚書總督李鴻章
六次在實績總督李鴻章四指督辦加一級總督加六級此係五次在實績總督李鴻章四指督辦加一級總督加六級此係五次在實績
內務府大臣總辦滿洲都統總辦內七倉大臣管理宗人府總辦左翼副都統 宣撫官副都統等處總辦等處總辦等處總辦等處
等處總辦等處總辦等處總辦等處總辦等處總辦等處總辦等處總辦等處總辦等處總辦等處總辦等處總辦等處總辦等處
教修

道光十九年己亥二月丁卯朔祭

先師孔子遣大學士潘世恩行禮○諭內閣
鄧廷楨奏粵洋東路夷船驅逐盡淨一摺南
澳洋面本非夷船經由之路近因中路伶仃
各外洋夷船寄碇之處守堵甚嚴先後有夷
船八隻駛來拋泊現經該鎮總兵親督將弁
舟師逐去三隻餘仍遷延觀望復經調集師
船將該五船圍繞防範並諭以如再逗留定
行開礮轟擊各該船已向東南外洋駛去辦
理尚合機宜惟念夷情叵測顯因中路巡防

嚴密改向東路駛行其為意圖銷私已可概
見仍著該督等督飭該鎮道府等各於要隘
處所輪班堵拏遇船即驅有犯即捕務使根
株盡斷不准稍留餘孽致遂其此拏彼竄之
私至該夷匪等趨利若鶩現在裝運煙泥又
何肯因查拏緊急甘心拋棄勢必逞其鬼蜮
伎倆如各海口防範稍疏即行駛往銷售著
沿海各直省督撫等通飭所屬文武務當不
分畛域協力同心認真訪緝遇有該夷船拋
泊該處海口即行隨到隨逐勿令片刻停留
庶奸販既絕其勾通夷匪亦無所希冀將此
通諭知之○又諭鄧廷楨奏請將派堵玩捕
之遊擊革職留任一摺此案巡役胡德等膽
敢坐駕巡船出洋為陳基德販運鴉片實屬
藐法胡德陳基德現均在逃著即勒限上緊
嚴緝務獲提同李新等嚴審確情按律定擬
具奏署水師提標左營遊擊事山營都司
倫世光有統巡之責於該巡船拋泊尖沙嘴

洋面時。雇艇攏近夷船。漫無覺察。現當發令之始。即視為具文。實屬膽玩。該督僅請將該員革職留任。不足蔽辜。倫世光著即革職。以示嚴懲。○又諭。伊里布等奏查禁私種罌粟。並續獲煙販情形一摺。滇南地處極邊。居民生理既微。商賈資本有限。現據該督等飭屬嚴拏。先後緝獲煙土煙膏至二萬二千餘兩之多。其未經破獲者。又不知凡幾。可見此患蔓延。久而愈烈。必當竭力肅除。著該督等督飭所屬文武。加倍嚴切拏。如敢始勤終怠。立予嚴參。毋許稍形疏懈。至偷種罌粟。尤為可惡。產自內地者。不能痛加芟除。則來自外洋者。又安望嚴為杜絕耶。著該督等認真查禁。如有牟利奸民。私行栽種。兵役人等受賄包庇。即著盡數訪拏。從嚴究辦。斷不准以深山邃谷。藉詞諉卸。並著責令土司嚴約夷民。毋許貪利偷種。儻經內地獲案。即將該管土司一併從嚴處治。該督等必當奮發振作。除

此禍害。務令根株淨絕。以副委任。○又諭。布彥泰等奏請添設六力官弓。改用擡礮一摺。張家口等處官兵騎射。據該都統等察看弓力輟弱。請添設六力官弓。以備操練挑選。並請將子母礮存貯。改設擡礮。著照所請。所有張家口駐防滿洲蒙古十旗。及獨石口千家店二處。每旗每處准其添製六力官弓各二張。並准於張家口改設擡礮十位。所需費銀著即在口北道庫貯地租餘存項下動用。年終造冊報銷。該都統等務須認真督率操練。一律精熟。毋致日久視為具文。至該處操演需用火藥等項。向係按年赴部支領。秋操後即無餘存。嗣後該處請領時。准其將每年應領之項。及擡礮所需藥鉛。俱著豫領一年。以為備貯之用。該部知道。○以詹事府少詹事李品芳為內閣學士。兼禮部侍郎銜。仍留雲南學政任。○戊辰。祭

大社。

大稷。

上親詣行禮。○諭內閣御史張灝奏挑撈運河請嚴禁積弊一摺。據稱江蘇丹徒丹陽縣境內河身淤墊。每歲興工巡撫責成道府州縣。州縣公事繁多。往往責成家丁。該家丁串通胥吏勾結工頭。浮開夫價。向例設有土圭內藏灰印。該胥吏等通同舞弊。乘夜將土圭托高。巧做原封樣式。偷減草率。糜帑誤漕等語。著陳鑒即查明各項弊竇。出示革除。務於重運未臨以前。一律挑挖深通。不致臨時阻滯。並著嚴禁家丁包攬。按段分委佐雜各員躬親督辦。晝夜稽查。常駐河干。認真經理。仍令該管道府不時巡察。儻該委員等懈弛誤公。即行叅處。經此次訓諭之後。如仍有委任家丁以致吏胥工頭串通分肥。即著從嚴叅辦。庶工歸覈實。河道疏通。以利漕行而祛積弊。○撥江蘇蘇州松江太倉三府州漕糧一萬八千三百石有奇。協濟災缺。幫丁行月等米。

○修東河上河廳臨清汛閘座。並運河。加河。捕河。上河。下河。泉河。六廳土石埽壩河渠等工。從河道總督栗毓美請也。○己巳。以舉行仲春經筵。遣官告祭。

奉先殿。

傳心殿。

上御文華殿經筵。直講官賽尚阿。何凌漢進講大學故君子必誠其意。講畢。

上宣御論曰。致知。知之始。誠意。行之始。不能誠意。則為小人。能誠其意。則為君子。理固然也。然而世之人。猶有不肯實用其力者。冀吾獨之。或可自欺。疑吾心之未必自慊耳。君子自格物致知以來。知天下之事。總不外一誠。而又灼見夫誠中形外之未可偽為。心廣體胖之不容倖致也。於是乎慎獨以誠其意。有必然者。蓋正心修身。天德也。不誠意。天德何由立。齊家治國平天下。王道也。不誠意。王道何由成。且不必進求之天德王道也。意有不誠。

即此幽獨之中。能勿歉然乎。意果能誠。即使指視之嚴。何弗泰然乎。書曰。惟聖罔念作狂。惟狂克念作聖。克念者。即誠意之謂也。聖狂之界。祇爭此欺慊之分。不欺則慊。其理至微也。非慊即欺。其幾至危也。古之君子。致知而後。必於誠意為兢兢者。職是故也。直講官桂輪陳官俊。進講書經刑期于無刑。民協于中。講畢。

上宣御論曰。帝王之治。惟其中而已。周禮小司

寇之職。歲終登中於天府。欲辭為中者。謂得訟獄之中也。呂刑一書。一則曰制于刑之中。再則曰明于刑之中。蓋嚴刻則民麗。非辜。姑息則民輕犯法。刑固所以教中也。斯道也。惟大禹謨刑期于無刑。民協于中之義實該之。夫化民成俗。以德為本。刑特以輔其不及焉耳。故伯夷禮官也。所降者典。而折民惟刑。蓋以遏人邪僻之念。止刑於未然也。皋陶刑官也。所制者刑。而教民祇德。蓋以啟人嚴憚之

心。慎刑於已然也。其用法雖嚴。其用心良苦。非以刑刑民。實以刑教中。有訟而聽之。不如無訟之為安。有刑而慎之。不如無刑之為威。古人用刑之心。洵非得已也。夫惟明罰而民知所避。勅法而民知所畏。而又沐浴膏澤。薰陶善良。斯民協于中。不罹于咎。而受中之典。僅申明禁。咸中之慶。惠我嘉師矣。罔干予正。不犯于有司。是誠所厚望也。夫禮成。

上幸文淵閣。賜講官及聽講諸臣茶。復賜宴於

本仁殿。○幸圓明園。○詣綺春園。問

皇太后安。○遣官祭

文昌帝君廟。○寧夏副都統恆通奏報到任。並會審伊克唐阿呈控剋扣兵餉一案。得旨。秉公查訊。設若前任將軍副都統有不謹之處。斷不可隱瞞諱飾。○庚午。諭內閣。戶部右侍郎聯順於陳奏摺件。率交內奏事呈遞。係屬違制。又於揀選治儀正時。因差未到。輒因思長不行面稟。遽加呵斥。並牽涉責懲伊子。

等情。尤屬遷怒任性。若照部議革職。再降三級調用註冊。轉得遂其偷安玩愒之私。聯順著賞給藍翎侍衛。作為哈密幫辦大臣。照例馳驛前往。換回文翰。整儀尉恩長因被聯順呵斥。輒即具呈告退。亦屬負氣。部議罰俸九箇月。未免過輕。恩長著罰俸一年。不准抵銷。○又諭。已革喀喇沙爾換防遊擊伊林保。因與已革辦事大臣海亮意見不合。輒以動用公項明發暗收等款。捏情訐控。雖訊由聽信。余黃懲過。惟以武職三品大員。訐告本管上司。殊屬刁狡。著發往新疆充當苦差。已革喀喇沙爾辦事大臣海亮有表率一方之責。乃於本管地方。屢與屬員挾優宴會。已屬卑鄙無恥。復於忌辰期內。前赴所屬糧員署內。與興德等挾妓飲酒。情節實屬可惡。著解回喀喇沙爾地方。枷號三箇月。滿日再行發往新疆效力贖罪。已革哈密幫辦大臣興德。雖非本管地方。惟於忌辰期內。隨同海亮等聽曲

飲酒。亦屬不知檢束。著發往軍臺效力贖罪。已革糧餉章京愛隆阿。雖訊無冒銷錢糧情事。惟與該管上司海亮挾優宴會。並於忌辰期內。邀請海亮等聽唱女曲。實屬有玷官箴。著發往新疆效力贖罪。○又諭。惠吉奏盤查外庫現存銀數一摺。熱河圍庭外庫所存兵餉生息銀兩。現經該都統盤查數目相符。惟該總管衙門會計司尚有應存銀兩。不在該庫存貯。著將此款一併造冊。責成該都統按年盤查。以杜弊混。該衙門知道。○調刑部右侍郎善壽為戶部右侍郎。兼管錢法堂事務。以都察院左副都御史阿勒清阿為刑部右侍郎。○調正紅旗漢軍副都統道慶為正黃旗滿洲副都統。以烏里雅蘇台參贊大臣常明為正紅旗漢軍副都統。○撥盛京閒款息銀每年四百兩。津貼緝捕差使。從將軍耆英等請也。○辛未。諭內閣。前據陶澍奏。請仍將淮南懸引。融運淮北行銷。當交戶部再行覈

議。茲據奏稱。引目各有定界。融銷並非正辦。惟淮南素稱疲敝。奏銷現已屆期。姑准量為轉移等語。著照所請。准其將戊戌網懸引。提出二十二萬道。融於淮北行銷。所有懸引課銀。按數抵補足額。經此次格外調劑。該督務將本網應徵帶徵等項。迅速埽數全完。務於二月奏銷。依限造報。並妥速招商認辦。不得藉有融銷之案。習以為常。致滋鬆懈。○以查拏鴉片煙出力。予山西知州呂士淳等加銜升用有差。○壬申。諭內閣。敬敏等奏。宗室英壽之母。因子發遣盛京圈禁。情願闔家移居等語。左托氏。並伊長子英福著准其攜帶眷屬。移居盛京。○諭軍機大臣等。據寶興奏。川夷自道光十七年溜馬礮官兵失利後。大肆鴟張。千百成羣。直撲村場市鎮。肆行焚殺。上年出掠。經兵勇殺斃多匪。亦有擒獲。我邊廳之十三支。及千洛三溪。有互傳木刻出擾之議。現在四廳一帶原派防堵兵勇。未便裁撤。

惟馬邊道路歧雜。防範較難。請酌調精熟槍礮刀手兵五百名。委已革提督張必祿帶往。作為遊兵。在各路周歷。儻有夷匪竊發。即出其不意。用鵬勦之法轟擊。一經逃竄。無庸追捕等語。四川省各路夷匪。深恃懸巖陡壁。往往出巢焚掠。迨經官兵進剿。輒復竄匿老林。我兵不能進攻。著如該督所議。平時惟當妥為防堵。俟其出巢滋擾。即痛加勦戮。如其逃竄入山。亦無庸追捕。務使該夷匪等知我備禦甚嚴。受創數次。自必不敢出山劫掠。庶居民得以安堵。而兵力亦不致重煩。方為妥善。至王炳瀛等條陳各摺。是否有可採擇之處。並著該督審時度勢。熟計深籌。妥議章程。覈實覆奏。將此諭令知之。○四川總督寶興奏。報到任日期。得旨。卿並非由外任擢至總督者。乃朕特行簡任。畀以封疆重寄。外省虛浮惡習。絲毫莫染。為公為國。朕有厚望焉。勉之。○癸酉春分朝。

日於東郊。遣禮親王全齡行禮。○

孝淑睿皇后忌辰。遣官祭。

昌陵。○諭內閣。梁章鉅奏。拏獲鴉片煙多起。請

開復知府頂帶一摺。又另片奏。請鼓勵各員

弁等語。廣西撤任梧州府知府劉錫方。現有

飭查事件。俟查明後。再降諭旨。宣化縣知縣

柳際清。懷集縣知縣黃文瑄。均著賞加知州

銜。署桂林營中軍守備千總雷專著。以應升

之缺升用。以示鼓勵。至該省太平。泗城鎮安。

思恩各府。與雲南貴州交界。向有栽種罌粟

花。刮漿熬膏之事。與鴉片煙名異而害同。著

該撫嚴飭各屬。徧行查禁。隨地鏟除。並嚴絕

滇黔外來販賣之路。務使根株盡絕。不准稍

有疏懈。○諭軍機大臣等。前有人奏。廣西梧

州府知府劉錫方。辦理鴉片煙遲緩。該府家

丁張三。得賄私放。當經降旨。飭令該督確切

嚴究。務得實情。不准意存遷就。本日據梁章

鉅奏。劉錫方自摘去頂帶之後。深知畏懼。共

獲煙土煙膏三萬八千九十餘兩。煙槍一千

零三十餘桿。請將該員開復頂帶等語。著鄧

廷楨嚴密訪查。該員果否拏獲此數。有無捏

報情弊。現據梁章鉅奏。眼同首府首縣三營

將領。將煙土煙膏燒燬。尚有報獲未解到者。

事經眾人耳目。真偽多寡。必有定論。該督務

須訪查明確。不得藉口業經燒燬。無憑查數。

含混搪塞。至張三一犯。諒於接奉諭旨後。早

經拏獲到案。亦當嚴究得賄私放情由。毋許

寬縱。將此諭令知之。○甲戌。遣官祭

關帝廟。○遣官祭

先醫之神。○諭內閣。前據哈豐阿等奏。審擬

齊齊哈爾城庫銀被竊一案。當交該部叢議。

茲據刑部奏。稱查該將軍原奏。所稱訊據先

經認竊之西朗阿。旋復翻供。嗣因患病。難以

究訊。其所供勾引同竊之三音保。亦訊無與

西朗阿同竊銀兩等語。難保非西朗阿畏罪

狡賴。即三音保所供。亦難憑信。案情既未確

實。罪名礙難懸擬。著該將軍俟西朗阿病痊後。提同三音保嚴行審訊。務得確情。按律定擬具奏。儻訊明西朗阿等實無行竊確據。即著另緝正賊。以儆奸宄。所有官員處分及兵丁罪名。俟奏到之日。再行由部覈覆。至該將軍等自請議處之處。著仍俟定案後再降諭旨。尋奏此案庫銀。訊係銀庫筆帖式特克伸保等夥竊。西朗阿知情分贓。三音保訊未同竊。特克伸保等應銷除旗檔。依例問擬滿流。從重發往新疆當差。西朗阿亦擬滿流。從重發往駐防地方當差。下部議。尋議查例載監守自盜。俱計入己之數科罪。特克伸保等夥竊庫銀。應各照入己數問擬流二千里。原擬滿流與例不合。餘如所議完結。從之。○乙亥。上御勤政殿聽政。○諭內閣。御史蔡家珩奏。河工賠項。逾限不完。新定處分過於寬縱。請飭部再議一摺。著派穆彰阿奕紀。文慶查明具奏。○諭軍機大臣等。據薩迎阿奏。查明金州

海口情形。並收繳煙槍煙土。拏獲無業閩人王別觀等五名。臨榆縣流寓民人楊永青一名。各起獲煙膏煙具。現在解省審訊等語。盛京為根本重地。屢經申諭該將軍等嚴拏煙犯。以挽澆風。並著耆英酌量。與薩迎阿。慶林。輪替親往各隘口查辦。以期周密。茲據薩迎阿奏。查明金州民風本屬淳樸。經此次剴切曉諭。旗民鋪戶等互相稽查。儻有藏匿煙土。及吸食之人。不難立時覺察。報官拏究。其知情不舉者。照例治罪。仍著該將軍等嚴飭所屬。帶領兵役。在海口一帶晝夜巡緝。其城鄉各處。亦密派兵役訪拏。總期持之以久。方能淨絕根株。不負朕諄切誥誡之至意。毋得始勤終怠。視為具文。將此諭令知之。○以詹事府少詹事全慶為詹事。○丙子。上詣綺春園問皇太后安。○諭內閣。布彥泰等奏。請將挾優吸食鴉片煙之職官。交部審訊一摺。所辦甚好。

張家口額外委署主事福成身係職官。膽敢容留優伶在家吸食鴉片煙。實屬有玷官箴。福成著解任。解交刑部嚴行審辦。尋奏福成吸食鴉片。請照本例加等問擬。從重發往軍臺效力贖罪。以儆官邪。從之。○展緩江西吉安幫船應賠上年因風失火燒燬米石。○丁丑。

孝康章皇后忌辰遣官祭

孝陵。○諭內閣。前據恩特亨額奏。籌畫屯田辦理章程。請將屯民子弟募補換防兵丁糧缺。當有旨交軍機大臣會同該部議奏。茲據查明覆奏。巴爾楚克設立屯田。原為邊防兵食起見。該屯民子弟壯丁。既有願入行伍者。著嗣後遇有各該營換防兵丁糧缺。即於屯民子弟中陸續募補。仍分隸於原撥換防之各該營員弁統屬。惟不得過二百名之數。致多占換防兵額。其隨時募補糧缺若干名。由該大臣於該屯兵入伍後。咨報陝甘總督。將原

撥各營分換防之兵額。均勻減抵。將來該防兵等應換班時。即少為派撥。該大臣惟當督率換防各將弁。令該屯兵丁等與換防兵丁一體認真操練。務使有勇知方。悉成勁旅。斷不准始勤終怠。日久又視為具文。該屯兵等果能技藝精純。足資得力。准該大臣於二百名定額外。隨時體察情形。量為增添。奏明辦理。至周廷芬辦理喀什噶爾屯務。從前尚有成效。著即責令該員與各委員和衷料理。總司其事。並著該大臣留心稽查。如果該員始終出力。俟將來著有成效時。准其彙同原招眷戶幫辦屯務之員。分別勸懲。覈實辦理。儻敢稍存意見。立即撤回。另委賢員接辦。不得意存遷就。致誤邊防。○戊寅。諭軍機大臣等。據奕山等奏。布魯特賊匪入卡偷盜馬匹。並戕傷兵丁一摺。此次布魯特賊匪。膽敢結眾成羣。私越開齊。偷盜牲畜。戕傷兵丁數名。乃於被逐後。復敢乘勢擄去廠馬一百餘匹之

多。實屬罪大惡極。該將軍等傳到布魯特比托克索拜博鑾拜等。諭令密躡賊蹤。即為擒獻。並請俟春盡雪消。領隊大臣照例巡邊之時。就便訪查。相機而行。所辦尚屬妥協。此等梗頑。既已畏罪遠颺。並無確實下落。自不值派員出卡。致有驚擾。該署將軍等惟當飭令各卡倫加意防守。密為訪察。持以鎮靜。勿事張皇。以靖疆圉。而杜覬覦。所有守卡佐領沙京阿。一時雖疏於防範。致兵丁多被戕傷。惟能勇往撲拏。立即追逐出卡。功過尚足相抵。著從寬免議。至失馬之布音特固斯。疏於防守。致收廠馬匹。被賊搶去一百餘匹之多。著即責令該管官等照數賠補。以示懲儆。其被戕兵丁托落木。蒙庫。那遜達巴三名。奮身捕賊。致被傷斃。情殊可憫。著即咨部照例給予卹典。將此諭令知之。○旌表守正捐軀河南汝州民齊克恭媳石氏。○修浙江山陰縣宋家樓等處柴石塘工。從巡撫烏爾恭額請也。

○己卯

上奉

皇太后幸素心堂進膳。○庚辰。遣官祭黑龍潭

昭靈沛澤龍王之神。玉泉山

惠濟慈佑靈護龍王之神。昆明湖

安佑普濟沛澤廣生龍王之神。密雲縣白龍潭

潭

昭靈廣濟普澤龍王之神。○遣官祭

惠濟祠。

河神廟。○諭內閣。朕此次恭謁

東陵。領侍衛內大臣仁壽綿恩。特依順保。均著

毋庸隨往。○又諭。前因御史福珠隆阿奏。散

放貧民棉衣錢文。請改期約時。以杜弊混。當

降旨交都察院五城御史妥議具奏。茲據隆

文等奏稱。散放棉衣錢文。每年均於冬至前

十日為期。請改於大雪節以前。定期散放。應

領銀兩。於小雪節以前具領等語。此項錢文。

原為加惠貧民之用。若散放較晚。天氣嚴寒。

老弱貧民未免難於赴領嗣後著改於小雪節以前定期散放務須同日同時不得稍有參差致滋弊混並著內務府即將此項棉衣銀兩務於立冬節以前早行開放令該城先期具領照例辦理以示體恤○禮部議准前任江西巡撫裕泰疏報採訪萬安縣貞節婦女廖劉氏等五十三口請建總坊旌表從之○戶部議准陝西巡撫富呢揚阿疏報武功縣開墾八旗馬廠地三頃八十畝有奇照例升科從之○展緩山西太原縣積歉村莊帶徵米豆○辛巳遣官祭昭忠祠○諭內閣前據御史高枚奏參浙江省吏治民風日漸玩擾一摺當降旨交湯金釗等馳赴該省查辦茲據查明具奏前任嵊縣知縣何瑞榴既失察革書沈揚枝進署影射辦事及門丁劉珍向書差料斂分金復不能約束門丁以致呵叱童生實屬徇縱前署杭捕同知候補通判韓紹晉雖查無實在劣跡官聲甚屬平常何

瑞榴韓紹晉俱著革職○旌表守正捐軀湖北荆門州民鄧淳五妻張氏○壬午上詣安佑宮行禮○奉皇太后幸如園進膳○大考翰林院詹事府各官於圓明園正大光明殿○諭內閣本日大考翰詹翰林院侍讀學士保善臨時稱病未經與試保善著即行開缺俟病痊後照例補考○又諭本日大考翰詹經監試王大臣查出詹事府右贊善文藝翰林院編修朱楷懷挾詩賦文藝朱楷均著革職交刑部照例治罪○諭軍機大臣等據鄧廷楨等奏籌議虎門海口創造木排鐵鍊添置礮臺礮位分別繪圖貼說開單呈覽一摺虎門海口為粵海中路咽喉通商番舶絡繹往來現在籌議海口章程自應妥為布置以密巡防據該督等奏稱涉海登山周覽形勢請於橫檔山前海面較狹之處創設鐵鍊木排並於威遠礮臺

迤西添建大礮臺一座。安放礮六十位。以壯聲威。所有估需各項銀八萬六千兩。既係洋商伍紹榮等情願捐辦。著免其造冊報銷。該督等即飭催原派文武各員。務於本年三月內。將排鍊礮臺。一律趕造完竣。並將新添礮位。如法製造。其泗水兵丁。由該提督關天培如數飭募。隨時演習。以期得力。至排鍊等項。每年修費。及添設排鍊官兵月餉。並排鍊礮臺各兵丁四箇月增給口糧。春秋二操軍

火賞號。共歲需銀八千三百餘兩。除商捐存銀三千七百六十餘兩外。尚不敷一歲之需。著該督等另行籌款。奏明辦理。將此諭令知之。○又諭據鄧廷楨等奏。籌議虎門海口創造木排鐵鍊。添置礮臺礮位一摺。已降旨允准。虎門海口。為粵海中路咽喉。現當籌議海口章程。自宜妥為布置。以密巡防。該督等所請於海面安設木排鐵鍊。以羈絆夷船。並添設礮臺。添製礮位之處。是否有益。著林則徐

詳細查察情形。據實具奏。原摺著鈔給閱看。將此諭令知之。○又諭據鄧廷楨奏。外洋鴉片躉船。屢經派員堵截驅逐。內有港腳嘍船。及嘍吐船各一隻。於上年十二月起碇駛去。業已遠颺。其尖沙嘴等處洋面。現尚泊船二十二隻。內港腳嘍船一隻。亦經整理桅帆。似有開行之意等語。此次諭逐夷船。既有可乘之機。著該督務即妥速防維。一力整頓。使現泊各船。銜尾開行。毋任稍有觀望。總期洋

面肅清。奸宄絕跡。以副委任。將此諭令知之。○又諭有人奏。揚州府屬寶塔灣地方相距八里野田莊內。有土豪袁金科即袁荊軻盤踞為首。招集壽州六安潁鳳等處兇惡棍徒。興販私鹽。沿江一帶行劫商旅。壽州有丁希元曾在舒城縣殺傷三命。袁金科現窩留在莊。該莊四面皆係溝渠。惟有陸路一條。可通出入。而陸路又須過渡。其渡船即袁金科家所設。該匪耳目眾多。如有面生可疑之人進

莊訪問。萬難逃脫等語。匪徒聚眾盤踞。大為地方之害。著陶澍陳鑾分委明幹員弁。不動聲色。嚴密訪查。務將首犯拏獲。確切根究。其黨羽甚多。亦著訊明按名弋獲。毋任漏網。以除兇暴而安善良。將此各諭令知之。尋奏袁金科一犯。早經訪拏。現復委員等馳往訪查。該犯並未逃回潛匿。亦無窩留丁希元情事。惟該處毗連各場。難保無梟匪興販私鹽。應嚴飭文武員弁。隨時加意。務期有犯必獲。報聞。○旌表守正捐軀山東濟寧州民孫振汰母孫氏。○癸未遣官祭

歷代帝王廟。○諭內閣。前因山東營員互訐一案。當降旨交經額布審訊。定擬具奏。茲據該撫奏稱。已革守備劉鈺被揭之後。輒以都司趙殿元查覆不公。疑其借貸不遂等情。砌詞稟訴。實屬挾制。著不准其開復。都司趙殿元雖無勒借情事。惟並不查詢明確。輒據該傳號一面之詞。草率稟覆。究有不合。署遊擊

張萬有於屬員稟見時。聞與傳號吵嚷。並不究問明白。遽行具稟。亦屬粗率。張萬有趙殿元俱著交部議處。○甲申。諭內閣。栗毓美奏請加高壩頂。以裕湖河而利漕運一摺。山東省汶河。分濟南北漕行。而戴村壩尤為洩蓄湖河最要關鍵。茲據查明壩身卑矮。致汶水旁洩過多。自應酌量加高。以復舊制。著准其拋用碎石。仍隨時察看水勢。相機妥辦。該河督務督飭該道廳等。再行確勘辦理。以期蓄水濟運。無誤漕行。○兩廣總督鄧廷楨奏。廣東各府州續獲匪犯多名。得旨。所辦好。一力行之。勿怠。又奏。續獲鴉片煙犯。抵斷不可稍有鬆懈。日勉一日。務除痼習。○調廣東高州鎮總兵官張青雲為四川北鎮總兵官。湖北宜昌鎮總兵官達里保為高州鎮總兵官。以閩浙督標中軍副將博勒恭武為宜昌鎮總兵官。○撫卹琉球國遭風難夷如例。○乙酉。諭內閣。此次考試翰詹各員。經閱卷大臣

等校閱進呈。朕復詳加披覽。親定等第。一等四員。二等四十二員。三等四十四員。四等四員。不列等一員。其考列一等之編修李國杞。著升授侍講學士。編修喻增高。著升授右庶子。侍讀李芝昌。著升授少詹事。編修何裕承。著升授侍講。二等之編修汪振基。著升授贊善。編修車克慎。著升授右贊善。編修趙振祚。邵燦。單懋謙。俱著升授贊善。檢討慧成。著升授左贊善。中允陸建瀛。著升授侍講。編修賈

瑜。陳燾。張芾。中允宗室和淳。均著照例記名。遇缺提奏。侍講李萬。編修李汝嶠。葉觀儀。以上七名。各賞小卷江綢四件。編修何紹基。胡正仁。檢討王通昭。編修彭舒萼。朱鳳標。沈兆霖。檢討蘇學健。編修路慎莊。侍講學士羅文俊。以上九名。各賞小卷江綢二件。其考列三等之右庶子黃琮。著降補洗馬。侍講學士邢福山。著降補侍讀。侍講景霖。著降補右贊善。洗馬鄂恆。右庶子奎耀。俱著以員外郎補用。

侍講學士張日章。著降補侍讀。侍講舒文。著以員外郎補用。侍讀賈克慎。著降補左贊善。侍讀宗室奕書。著以主事補用。侍讀學士溫葆淳。著降補侍講。其考列四等之編修雷成樸。著罰俸一年。左贊善赫特赫訥。著以主事用。仍罰俸一年。編修郭道闡。史佩璫。俱著罰俸二年。其不列等之左中允重謙。著即休致。餘俱照舊供職。該員等其各勤學砥行。以副朕崇實黜華。培養人材至意。○以故甘肅平

番縣土百戶何萬策。弟萬全。永昌縣土千戶地木押里。泮弟地木。俄恩宗。悟。各襲職。○旌表守正捐軀河南新鄉縣民劉景沅妻趙氏。○丙戌諭內閣。朕此次恭謁

東陵。啓鑾後。著派肅親王敬敏。惠親王綿愉。大學士潘世恩。尚書奕經。留京辦事。○又諭劉禮恭。張興。俱著交刑部。此案劉禮恭所供吸煙姓名。均不記憶。及賣煙武舉。已回原籍之處。顯係藉詞支飾。著刑部嚴訊確情。無任狡

展至看館人張興供稱曾向掌館之給事中
巫宜禔告知該給事中身任言官有奏事之
責何以僅令攆逐並不具奏著該給事中明
白回奏○諭軍機大臣等前據御史蔡家珩
奏河工賠項處分寬縱請旨飭部再議並另
片奏前後錯謬皆湯金釗一人之過等語當
派穆彰阿奕紀文慶查奏並令蔡家珩明白
覆奏茲據奏稱南河關孟兩灘工程係琦善
張井潘錫恩本身應繳之項吏部議覆僅照
承追之例議處又工部舊例處分甚重本統
數減分賠等項而言吏部以為專指數減銀
兩而言似與賠項無關又例內並無專指屬
員字樣吏部以舊例從重專指屬員而言似
與督撫無關摺內之語即湯金釗前在工部
面辯之言是以知伊一人主見等語著湯金
釗將前後議覆此案確情明白回奏蔡家珩
原奏摺片覆奏摺並著鈔給閱看將此諭令
知之○又諭林則徐奏體察洋面堵截情形

廣東海口為各夷船出入經由要道自應水
陸交嚴以除錮弊茲據奏稱現在夷薨既經
移動自須到處跟蹤即使該薨船駛出老萬
山猶恐內海匪船前赴外洋勾結等語著林
則徐即親赴虎門澳門等處相機度勢通計
熟籌務使外海夷船不得駛進口門妄生覬
覦內地匪船不敢潛赴外洋私行勾結嚴密
巡防盡除錮弊方為妥善俟中路辦竣再往
東路察看機宜覈實辦理該大臣係特簡前
往查辦大員務須悉心籌議從容辦理不必
急於蒞事要期除惡淨盡方為不負委任將
此諭令知之○舉行道光十八年大計直隸
卓異官十八員不謹官二員年老官四員有
疾官四員才力不及官一員奉天卓異官一
員年老官一員江蘇卓異官九員罷輟官一
員年老官二員有疾官一員才力不及官四
員南河卓異官三員年老官一員安徽卓異
官八員不謹官二員浮躁官一員罷輟官一

員。年老官二員。才力不及官三員。浙江卓異	官十二員。不謹官四員。年老官五員。有疾官	二員。才力不及官二員。福建卓異官十員。不	謹官一員。浮躁官二員。年老官四員。有疾官	二員。才力不及官二員。河南卓異官十二員。	不謹官三員。年老官六員。才力不及官一員。	東河卓異官二員。年老官一員。有疾官一員。	山東卓異官十三員。不謹官一員。浮躁官一	員。年老官五員。才力不及官二員。山西卓異	官十二員。不謹官三員。浮躁官三員。年老官	三員。有疾官一員。才力不及官三員。陝西卓	異官九員。不謹官三員。年老官二員。才力不	及官六員。甘肅卓異官五員。不謹官一員。年	老官一員。有疾官一員。才力不及官一員。廣	東卓異官十三員。不謹官二員。罷輟官一員。	年老官四員。有疾官二員。才力不及官四員。	廣西卓異官八員。罷輟官一員。年老官二員。	有疾官三員。才力不及官三員。雲南卓異官
----------------------	----------------------	----------------------	----------------------	----------------------	----------------------	----------------------	---------------------	----------------------	----------------------	----------------------	----------------------	----------------------	----------------------	----------------------	----------------------	----------------------	---------------------

十員。浮躁官一員。罷輟官一員。年老官四員。有疾官二員。分別議敘處分如例。○丁亥。諭內閣。前因三等侍衛有興。差竣在外逗留。降旨交刑部會同宗人府審訊。茲據訊明。該侍衛沿途雖無逗留。惟於差竣後並未遽呈請假。輒即私自省墓。實屬不合。有興著即革去三等侍衛。仍罰世職俸半年。以示懲儆。○修盛京朝鮮使臣館舍。從戶部侍郎薩迎阿等請也。○戊子。清明節。

上詣
安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○奉

皇太后幸如園進膳○諭內閣嗣後朕恭謁

兩陵回至南苑王公大臣等於煙郊黃新莊接

駕後毋庸復至鎮國寺小紅門接駕○兩廣

總督鄧廷楨等奏躉船續經開行並派副將

惠昌耀等併力諭逐得旨和衷妥辦萬勿畏

難及其成功一也懍之勉之○己丑

上詣綺春園問

皇太后安○遣官祭賢良祠○諭軍機大臣等

據御史許乃安奏順天府屬大興宛平二縣

應試士子多有積慣槍手入場代倩文字設

立紅帽黑帽各名目先期備有假名空卷附

入縣府試案臨期賣與槍手頂冒入場謂之
買帽子其槍手夥同包管童生不分彼此但
以坐號鄰近者互為呼應所作文字仍給本
童自寫謂之紅帽子又有場中當時說合俟
取進後執票為憑或童生自相槍代謂之黑
帽子現聞薊州新進儒童結字十二號張大
臨即係筆跡不符業經學臣扣除此外尚有
順天府學生員孫源大名府廩生方姓羣呼
為方二爺皆係著名槍手府學門斗李文錦
亦係積年舞弊之人孫姓原籍河間現住通
州牛市街復盛店在外把持包攬門斗李姓
現住通州北門福生店方姓亦住通州等語
考試為掄才大典必應弊絕風清方足以拔
真材而登寒畯若如該御史所奏種種弊竇
藐法已極著卓秉恬曾望顏即遴派委員前
赴通州按照摺內所指姓名嚴密查拏訊明
按律懲辦至此外有無夥黨該槍手等拏獲
到案不難徹底根究跟蹤潛拏務當祛除積

弊。整頓一新。以肅場規。而端士習。儻走漏風聲。致令逃匿。惟卓秉恬等是問。懍之。將此諭令知之。○旌表守正捐軀四川綿州民李思順妻龍氏。○庚寅。諭內閣都察院奏查明各省京控咨交案件。逾限未結。並上次展限已逾。仍未審結各案。開具清單呈覽。各省州縣審斷不公。致令來京具控。經各衙門咨交之後。各該管上司。自應勒限嚴催。將未結各案。迅速審辦。以免懸宕。茲據都察院查明。該衙門咨交各省逾限未結。統計十一案之多。步軍統領衙門咨交各省逾限未結。統計七案之多。似此任意積壓。玩泄已極。著吏部即將承審逾限各督撫都統將軍府尹。及委審各員。應得處分。查取職名。分別議處。並著各督撫都統將軍府尹。將咨交各案逾限未結。並上次展限已逾。仍未審結各案。迅速審辦完結。毋再任意宕延。致干咎戾。○總管內務府大臣奕紀等奏。盛京等處解到漫斤。得旨。自

本年為始。毋庸內殿總管太監挑選漫枝。著每年由外邊挑選四等漫四斤。交奏事處首領太監呈遞。其人漫銀三千兩。照舊交內殿查收。著為例。○鑄給兩廣督標遊擊等關防。從總督鄧廷楨請也。○辛卯。命工部左侍郎文蔚。乾清門侍衛吉凌阿。常安恭詣東陵查看紅椿。○添設江寧滿洲營。擡礮二十尊。挑選閒散四十名。作為額外礮手。從將軍佈勒亨請也。○修浙江東西兩塘柴埽盤頭各工。從巡撫烏爾恭額請也。○壬辰。孝昭仁皇后忌辰。遣官祭景陵。○諭內閣。前據御史賈臻奏。四川辦理夷務未協。請將保舉人員覈實甄別。當降旨交寶興查明具奏。茲據奏稱。成都府知府謝興曉係首先派往查辦之員。辦理未善。候補知府呂廷慶於所屬夷人滋事。免其失察處分。已足獎其微勞。嘉定府知府文祥。於防堵運糧事宜。皆分所應為。無可甄敘。又提標參將

恆裕越嵩營參將馬彥彪川北右營都司張學聖雖辦理營務有時分隊接應究與銜鋒打仗出力者不同等語。謝興曉恆裕馬彥彪張學聖均著拔去花翎。呂延慶文祥均著銷去從優議敘。○又諭寶興奏查明勦捕夷匪案內遺漏保舉之出力屯弁懇恩鼓勵並請將辦理不善之提督懲處等語所奏甚是。四川省土屯員弁既屬驍勇得力事竣自應優加獎勵。余步雲等於屯守備薩爾吉等打仗出力遺漏保奏辦理殊屬草率。余步雲齊慎著銷去從優議敘仍交部議處以示懲儆。○又諭據大理寺奏江西犯婦朱王氏謀勒朱文銘身死一案擬罪似未允協著刑部悉心覈議具奏。○盛京將軍耆英等奏查禁鴉片煙情形得旨一力查拏不可疏懈俟新例頒發之後尤當實力奉行。○以四川勦夷出力補賞屯守備薩爾吉花翎屯千總錯爾吉等藍翎鄉勇陸應剛等頂帶。○癸巳諭內閣德

興等奏東省漕船遞年稽遲一摺各省幫船開兌開行起運米色皆先行按期造報據該侍郎等查明近來山東漕船遞年稽緩遲至月餘現尚未報開行日期業經檄催亦未申覆殊屬延玩著經額布即行嚴催該管糧道迅速北上毋稍稽延並著嗣後將開兌開行各日期先行具報該衙門以便查催而昭畫一。○諭軍機大臣等有人奏東河候補同知現署加河同知王養度吸食鴉片有年面色灰暗仍未斷癮又泉河通判張漢素嗜鴉片日須過癮俾晝作夜除應謁見上司期外非午後不能起而辦公等語職官吸食鴉片煙大干例禁現在法令森嚴之日猶敢怙過玩法殊出情理之外著經額布接奉此旨密加察訪如果屬實務即破除情面據實具奏請旨究辦斷不准意存遷就為人受過將此密諭知之。○甲午。皇后千秋節宮內行禮如儀停止筵宴及在外

福晉命婦進內行禮。○以雲南臨元鎮總兵官李霖才識較短。降補副將。送部引見。以廣西平樂協副將興世為臨元鎮總兵官。○以捐修貴州平越州

文廟書院城垣。予署知州徐鉉等議敘有差。○乙未。

上詣綺春園問

皇太后安。○御含輝樓。閱吉林送到官兵馬步

射。○諭內閣。前據御史周春祺奏。江寧布政

平表八十二

三

使唐鑑於江寧省城為女建祠。其胞弟唐紫玖現住省城。並該司係屬病軀。終年不去藥餌等語。當降旨先後交福泰及湯金釗等查奏。茲據湯金釗等勘明。該省天界寺前有唐孝女墳冢碑坊。並無建立專祠。燒香聚會情事。其壽星橋房屋一所。勘係該司故父祠堂。唐紫玖先曾在內居住。現已回籍。亦無賣綠鑽刺等弊。該司語言步履。均無患病情形。公事尚無廢弛。惟於伊弟前來江省。任令署外

居住。請旨交部議處各等語。餘與福泰所奏大略相同。唐鎮即唐紫玖。既經該尚書等查無倚勢招搖劣跡。該藩司今在署外居住。尚無不合。著無庸議。惟伊故父唐仲寬在江寧置有房屋。設立祠堂。唐鑑於簡放江寧藩司時。不即據實聲明。伊女在伊江安糧道任內病故。並不送回原籍。輒借寺旁隙地營葬。致招物議。唐鑑著交部議處。○又諭兼管順天府府尹卓秉恬。既經訪獲案犯蘇汝畛到案。

平表八十二

四

訊出伊甥李榕燦在外招搖端倪。並不即時陳奏。又於伊弟卓秉愔撞騙。失於管束。並失察書吏聽許謝錢。均屬咎有應得。卓秉恬曾望書吏聽許謝錢。均屬咎有應得。卓秉恬曾望顏著交部分別議處。新授安徽鳳陽府知府羅禮蘭於陳耀祖求向府尹請示。令其託詞回覆。亦有不合。羅禮蘭著交部察議。○又諭江西鄱陽縣犯婦王氏謀勒朱文銘身死。經該撫擬以絞候。昨據大理寺以情罪未協具

奏降旨令刑部悉心覈議。茲據奏稱該省所擬無誤。應行照覆。案關罪名出入。不厭精詳。著交錢寶琛督同臬司管通羣。再將此案情節虛心推鞠。秉公審訊明確。毋縱毋枉。按律妥擬具奏。尋奏朱文銘妄冒為婚。係屬設計誑騙。絕無夫婦恩義。該氏查知被騙。忿恨莫釋。起意致死。逞忿雖出於臨時。懷恨實基於騙娶。委屬一釁相因。毫無別故。不能以服制論斷。應請仍照原擬。依擅殺罪人律擬絞監候。下部議從之。○以翰林院侍講學士李國杞充日講起居注官。侍講陸建瀛署日講起居注官。○修湖北省城保安門外江隄。蘄州衛軍隄。從署總督周天爵等請也。○丙申。諭內閣。給事中汪報原奏。滿洲外班翰林。有自揣荒疏不能詩賦。及字跡不能端楷者。請聽其呈報吏部。免其帶領引見。如一時簡用乏人。即暫缺一二人。亦無窒礙等語。國家設官分職。各有攸司。翰林雖係詞臣。而政事文學。

不容偏廢。況外班多係科甲出身人員。豈乏明體達用之材。即間有一二疏於文墨者。亦何難隨時肄習。若紛紛呈請聽其自便。或致缺員。實屬不成政體。該給事中所奏窒礙難行。著毋庸議。○又諭景綸等奏審辦教唆詞訟之披甲一摺。此案披甲德盛。因正紅旗出有甲缺。主使孀婦高佳氏呈控。希冀爭出缺分。其子可以入選。又復咆哮公堂。誣賴官長。實屬目無法紀。德盛著革去披甲。照數鞭責。並於本地枷號一年。以示懲儆。該管章京塔克圖。存佳於所屬甲兵。平素管束不嚴。咎有應得。所請交部察議之處。著改為交部議處。

104

1001

1890.12.12

等請也。○貸伊犁綠營屯丁籽種。○戊戌諭。

內閣吏部將各省查取職名屢催未覆各案開單具奏。共計有一千三百七件之多。其中事關實降實革者。固不容任其規避遷延。致滋寬縱。即降留罰俸處分。亦豈容任意久延。該管各上司並不實力督催。送部議結。經該部節次行催。並未按限咨覆。實屬延玩。著盛京戶部刑部侍郎暨各該將軍府尹直省各督撫兩河河道總督漕運總督熱河都統寧古塔副都統長蘆鹽政。查照吏部單開件數。迅即查明咨覆。將開報遲延各員及歷任不行飭催之各該管上司。均按在任月日。開揭送部。一併照例議處。毋許再有延宕。○又諭伊里布等奏查明逆匪滋事案內應行叅辦之文武員弁。請旨分別治罪降革一摺。貴州仁懷縣逆匪謝法真等聚眾滋事。已革知縣王鼎彝。形同聲價。毫無覺察。著發往新疆效力贖罪。仁懷營分防猿猴汛把總張順。協防外委詹清。於該汛居民糾眾謀逆。不能察出。

實屬昏懦。著一併革職。發往新疆充當苦差。遵義府知府平翰既失察於前。迨該匪等起事後。與遵義協副將福謙帶兵馳往。其時匪黨無多。不能迅速設法撲滅。殊屬無能。著降為知縣。留於該省補用。福謙又與署撫標中軍參將事提標中軍參將李鳳和領兵會剿。失去火器鉛藥。福謙著併案降為守備。李鳳和著註銷豫保。降為都司。均歸部銓選。准升平越直隸州知州石煦。係與李鳳和帶兵同往之員。亦難辭咎。惟究係文員。著留於該省以知縣降補。提標前營千總鄒必達。調赴軍營差遣。不能得力。著降為外委。現署仁懷營都司安順。營守備劉振彪。到任未久。在營出力。功過尚足相抵。著免其議處。伊里布。賀長齡。及藩司慶祿。前署臬司糧儲道任樹森。本有失察之咎。惟此次辦理迅速。逆匪不致漏網。著加恩免其議處。該部知道。○又諭申啓賢奏籌備積儲一摺。倉穀為積貯攸關。自應

及時籌補。以期有備無患。據奏山西省北各州縣常平倉穀。額貯本少。連年出借動用各款。所有原糶及扣存穀價。不敷採買。必須另行籌款買補。方足以備緩急。著照所請。准其在道光元年奏准開款生息銀兩內。將續收一半息銀。自本年。起。挨次給價採買。擇其穀額較少州縣。酌定穀數。設倉收貯。不准私動。仍責成該管道府隨時實力稽查。按季結報。年終彙奏一次。免其報部覈銷。其前次奏借

修完汾河隄堰銀兩。著俟數年採買完竣後。即將所收息銀照數歸補。餘著照所議辦理。該部知道。○又諭此案吸食鴉片煙之吏部筆帖式覺羅鍾禧著發往軍臺效力贖罪。工部員外郎鍾瑞雖已戒止。惟曾經吸食。著即革職。四川總督寶興於伊子吸食鴉片煙。失於約束。本有應得之咎。姑念其到京未久。即簡放外任。著加恩免其議處。仍罰俸一年。不准抵銷。○以勸辦貴州仁懷縣逆匪迅速賞

道員周廷授。副將汪鳳臨。參將王志元。都司慶德。施應貴。李萬忱。守備周開憲。千總虎嵩林。花翎知縣郎汝琳等。藍翎餘加銜升補有差。予陣亡外。委章泗明等祭葬世職。○己亥。上耕藉詣

先農壇行禮。更服至藉田所。

躬耕三推。復加一推。

御觀耕臺。命禮親王全齡。莊親王綿護。慶郡王奕綏各五推。吏部右侍郎恩桂。戶部左侍郎

文慶。禮部尚書奎照。兵部左侍郎朱嶸。刑部左侍郎麟魁。工部左侍郎文蔚。都察院左副都御史明訓。通政使司參議額勒金泰。大理寺少卿黃爵滋各九推。畢。順天府府尹率農夫終畝。賞賚農夫耆老如例。○詣

闕帝廟拈香。○諭內閣。自查禁鴉片煙以來。各省紛紛具奏。民間呈繳煙土煙具。投首者甚多。行之既久。恐滋流弊。不可不防其漸。蓋呈繳之後。地方官不復查察。轉得優游吸食。

漫無顧忌。是寬縱一二人而效尤者將不止千百。法令所由廢弛。且朕聞煙膏煙具多有假造。地方官或意在邀功。貪多務得。或心存避咎。苟且塞責。託收繳之名。以售其朦混之術。其弊不可勝言。國家矜憫愚民。原欲開其自新之路。該軍民人等果能革其舊染。無難實力戒除。何必呈繳煙具。以自表其改悔。即如酤酒有干例禁。如果改悔。無難自行禁止。亦從無繳出酒具之條。嗣後各省拏獲吸煙人犯。不准以呈繳煙膏煙具入奏。其從前投首不實之犯。仍著各督撫等嚴飭該地方官隨時查察。如有再犯。即加重治罪。以杜朦混而歸覈實。將此通諭知之。○又諭前據給事中成觀宣奏稱。淮揚運河之芒稻閘。人字河不宜堵壩。以阻去路。請飭除淨盡等語。當交陶澍等體察情形。妥議具奏。茲據奏稱。芒稻閘迤東築壩蓄水。由來已久。並非始自近年。且人字河去江口甚遠。該壩祇為攔蓄舊

越河水勢。並不能攔阻眾水歸江。是人字河壩。於鹽漕民商均無窒礙。自應循照舊制。不得輕議更張。該給事中所奏著毋庸議。○又諭鍾祥等奏。副將被控。請撤任審辦等語。浙江台州協副將劉廷榜。被廉生張詔等控告。營造戲臺。斫伐墳樹。據劉廷榜稟稱。因大樹擠傾圍牆。飭令斫伐。文生周漢等阻撓滋鬧等情。案關職官斫取民間樹木。虛實均應徹底根究。劉廷榜著即撤任。提省質訊。以成信讞。尋奏訊明。劉廷榜無營造戲臺。斫伐墳樹情事。惟修葺衙署。派令兵丁購買木植。並於營兵演戲四日之久。不行查禁。均屬昏庸。請交部嚴加議處。從之。○雲南巡撫顏伯燾奏。省城及各屬續獲煙土煙具。得旨仍一力嚴辦。務期肅清。不准疏懈。勉之。○庚子。上啓鑒。恭謁。東陵。○黑龍潭。

覺生寺設壇祈雨。命

皇四子

黑龍潭。皇五子奕諒詣

覺生寺拈香。○遣鄭親王烏爾恭阿詣

宣仁廟。

凝和廟。莊親王綿護詣

昭顯廟。

時應宮拈香。○免蹕路經過地方本年額賦

十分之三。○貸福建龍溪南靖二縣修復隄

岸銀。○是日駐蹕煙郊行宮。○辛丑戶部尚

書吳椿因病解任。調工部尚書何凌漢為戶

部尚書。仍兼署吏部尚書。以都察院左都御

史龔守正為禮部尚書。吏部左侍郎陳官俊

為工部尚書。吏部右侍郎廖鴻荅為都察院

左都御史。調刑部右侍郎許乃普為吏部左

侍郎。兼署戶部右侍郎。管錢法堂事務。工部

右侍郎李振祐為吏部右侍郎。兼署倉場侍

郎。倉場侍郎趙盛奎為刑部右侍郎。以內閣

學士徐士芬為工部右侍郎。兼管錢法堂事

務。○命翰林院侍講學士李國杞提督浙江

學政。○是日駐蹕白澗行宮。○壬寅諭內閣

本年入春以來京畿雨澤稀少。前經降旨開

壇祈禱。朕因祇謁

東陵。特命四阿哥五阿哥於初四日分詣

黑龍潭。

覺生寺拈香。以期速沛甘霖。本日由白澗駐

蹕隆福寺。途中澍雨優霑。自丑達未陰雲密

布。雨勢未已。距開壇甫經二日。即荷

上蒼垂慈。

列祖

列宗默佑。朕心寅感實深。所有本日隨駕之大

小官員著加恩各賞加二級。其隨扈文武堂

司各官俱著加恩賞加一級。直隸地方官自

琦善唐倬以下在事文武大小各員俱著賞

加一級。紀錄二次。其王貝勒等加級應改紀

錄之處著該衙門照例辦理。用示朕闡澤覃

敷至意。○諭軍機大臣等。寄諭留京王大臣等。本日朕由白澗駐蹕隆福寺。途中澍雨優渥。自丑至未。雨勢未已。京師望澤久殷。是否一律普霑。如已得有二三寸。著即傳旨撤壇。即著原派各員敬謹謝降。以答

天庥。其諷經祈禱之道眾僧眾。均著照例給賞。將此諭令知之。○賞看守各行宮弁兵半月錢糧。○以蹕路澍雨優霑。賞請轎校尉銀。○

是日。駐蹕隆福寺行宮。○癸卯。

上恭謁

昭西陵。

孝陵。

孝東陵。

景陵。

裕陵。俱未至碑亭。即降輿。慟哭。步入

隆恩門。詣

寶城前行禮。躬奠哀慟。王以下文武大臣官員。均隨行禮。○詣

端慧皇太子園寢奠酒。○諭內閣。前據景綸等奏請修理

孝陵五孔橋座。當即允准興修。本日朕祇謁

東陵。蹕路經臨。留心察看。軌塊雖有酥齷。橋身

石工。極為堅固。著暫緩修理。其現有拆動之

處。即著景綸。有麟。容照。照舊補砌完整。仍隨

時察看。儻續有情形。再行奏明辦理。○諭總

管內務府大臣等。嗣後每次恭謁

東陵禮成後。著將大學士公長齡一併開列。奏

請派員賜奠。○以督銷緝私有效。賞兩淮候

補運判許惇詩同知銜。○是日回鑾。駐蹕桃

花寺行宮。○甲辰。諭內閣。前據裕泰奏。前任

學政家人。在江西省城窩賭。放債置產等款。

當降旨令該撫提犯研訊確情。茲據錢寶琛

訊明。蕭三所有資財。確有來歷。並非前犯贓

款。漏未查出。將該犯照例擬流。從重發遣等

語。蕭三係前任江西學政福申家人。因索詐

多贓擬遣。遇赦釋回。並不遵照路票回歸原

籍輒敢潛至江西省城種種犯法實屬怙惡不悛。蕭三著照擬發往新疆給兵丁為奴遇赦不赦以示懲儆。餘著照所擬辦理。○又諭已革未入流劉禮恭以職官吸食鴉片並將煙膏售賣圖利實屬藐法著從重發往新疆效力贖罪其供出一同吸煙之文舉人簡潛德張大經項瀛洲並賣煙土之葉武舉等訊已回籍著鍾祥魏元烺就近傳齊嚴訊確情按律定擬具奏至現在刑部訊出各情節與

給事中巫宜祺明白回奏尚屬相符惟劉禮恭身係職官吸食鴉片該給事中既經看館人告知何以僅令擯逐並不陳奏著交部議處。○諭軍機大臣等本日據都察院奏直隸建昌縣民人丁有王存量等以縱兵毆斃等情赴該衙門具控已明降諭旨交該都統嚴訊矣此案丁有王存量所控波羅素他拉汎辛千總領兵二十餘名至戲臺下將丁有之兄丁才羣毆致斃復使外委馬宗英串通尹

廣等賄買屍親詭名高雲頂兇經該縣訊明情由委員不究正兇反將王存量之子王傑嚴刑鎖拷如果屬實是營弁縱兵攢毆斃命已屬大干法紀又復賄買頂兇刑逼無辜亟應嚴行審訊著惠吉親提原告及案內要證人等悉心研鞠務得確情儘承審委員果有

意存消弭非刑逼訊等事即行據實參奏斷不准瞻徇屬員自干咎戾將此諭令知之。○又諭據錢寶琛奏江西省城南昌新建二縣

道光十五年隆冬施粥暫借藩庫銀二萬兩請自二十年正月為始分作五年該撫與各司道及南昌等十一府分捐銀兩由司分別按月按季在於應支養廉內照數覈扣提歸原款等語此項借動藩庫銀兩自應籌補還款著照該撫所請妥為籌辦將此諭令知之。○貸江西司道庫銀六萬兩發商生息並撥每年鹽務公費餘存銀一千二百兩津貼州縣辦公款項從巡撫錢寶琛請也。○是日駐

蹕白澗行宮。○乙巳。祭

先蠶之神。

皇后親詣行禮。○步軍統領奕經等奏。拏獲售賣煙土人犯。供出貝勒府內令人轉買情事。得旨。于五。劉文祥。商。雷。四。並起獲煙土等物。均著交刑部審訊。袁。劉。氏。取保聽傳。袁。全。幅。袁。文。兒。著。貝。勒。綿。譽。迅。即。交。出。歸。案。質。審。毋。許。飾。詞。藏。匿。其。所。供。之。人。是。否。即。係。綿。譽。長。子。奕。蓮。著。該。部。確。切。根。究。務。得。確。情。在。逃。

辛巳。丙子。

五

之傳大。仍飭嚴拏。務獲。送部究辦。○又奏。盤獲私帶刑具人犯。得旨。白玉修。即色勒布。著交刑部查傳人證。審辦。塔。斯。哈。取。保。聽。傳。至貝子德勒克色楞。前因擅用官刑。獲咎。曾降旨。再有私藏私造。擅用刑具等情。定當重治其罪。何以此次該府復有鐵杵鐵鍊等物。著德勒克色楞。明白回奏。○兩江總督陶澍。因病解任。調欽差大臣湖廣總督林則徐。為兩江總督。以河南巡撫桂良。為湖廣總督。河南

布政使朱樹。為巡撫。湖北按察使鄂順。客為河南布政使。長蘆鹽運使卞士雲。為湖北按察使。○以江蘇巡撫陳鑒。署兩江總督。布政使牛鑑。署巡撫。按察使裕謙。署布政使。淮徐道朱襄。署按察使。○琉球國使臣翁寬等二人。於行宮門外瞻觀。○是日。駐蹕煙郊行宮。

○丙午。

上幸南苑。詣

元靈宮。

丁未。

永慕寺。行禮。○是日。駐蹕舊衙門行宮。○丁未。

孝賢純皇后忌辰。遣官祭

裕陵。○

上詣

關帝廟拈香。○諭內閣。前據黃爵滋奏。請飭查河南汲縣境內無生老母廟宇。當有旨交桂良嚴密查拏。按律懲辦。本日據桂良將全案人犯審明具奏。又據片稱。該省各州縣查出無生老母廟三十九處。俱係建自前明。現

已全行拆毀等語。各省地方淫祠。假託荒誕。不經名號。聚眾燒香。最易煽惑。地方官果能隨時查禁。何至錮習相仍。執迷不悟。河南省習教重案。屢經查辦。何以尚留餘孽。膽敢重修祠宇。肆無忌憚。此皆從前不能認真查毀所致。且恐該省現有淫祠。亦尚不止此數。著該撫嚴飭所屬留心訪察。其境內如有此等廟宇。立即拆毀。毋稍徇隱。至附近河南之直隸山東山西各處。亦恐有此項祠宇。著各該督撫等一體嚴查。飭屬拆毀。斷不准意存消弭。致貽後患。以正風俗而淨根株。○又諭。前據麟慶奏。請動項興修惠濟正閘。福興越閘。當降旨交湯金釗等查明具奏。茲據奏稱。該閘工程險要。應行趕緊興修。動用款項。均與估冊相符。尚無朦混浮冒情弊。著麟慶遵照前旨。領款照估興修。仍不時督率工員。務使工堅料實。儻有草率偷減。隨時據實嚴叅。毋稍徇隱。並著麟慶於工竣後。親往驗收。覈實

報銷。以資鞏固。而杜虛糜。該部知道。○是日。駐蹕團河行宮。至己酉。皆如之。○戊申。上行圍。○己酉。以京師得雨。遣禮親王全齡詣黑龍潭。怡親王載垣詣覺生寺。鄭親王烏爾恭阿詣宣仁廟。凝和廟。莊親王綿護詣昭顯廟。時應宮報謝。○諭內閣。前據御史周春祺奏。武弁養匪害民。伍長盜米病丁等情。當降旨交湯金釗等查辦。茲據查明各款。定擬覆奏。江蘇淮海一帶。民風獷悍。匪徒最易滋擾。該御史所奏。安東縣薛家行地方。多有棍徒嘯聚。為害商民。難保不實有其事。至旗丁花戶。猾黠性成。防檢稍疏。即滋弊竇。著兩江總督漕運總督倉場侍郎。江蘇巡撫。飭屬實力偵訪。一體查拏。務期有犯必懲。俾棍蠹咸知斂跡。以靖地方。而肅漕政。○賞南苑苑丞苑副

章京馬甲銀幣有差。並賞苑戶一月錢糧。海戶銀一千兩。○庚戌。

上行圍。○諭內閣。前據步軍統領衙門拏獲售賣鴉片煙土之子五等。當有旨交刑部審訊。茲據綿譽查明于五所供之人。即係伊子奕遽。並將案犯袁全幅袁文兒交出。著刑部會同宗人府嚴行審辦。其綿譽自請嚴加議處之處。著俟定案時再降諭旨。尋奏于五照煎熬鴉片售賣例。發邊遠充軍。劉文祥照興販鴉片例。枷號一箇月。發近邊充軍。傅大照為從例杖徒。奕遽因病買食。應請革退鎮國將軍。所犯杖徒。照宗人府例折圈。得旨奕遽著革去鎮國將軍。其犯杖六十罪名。著宗人府照實責打。發往盛京圈禁。餘依議。綿譽著宗人府嚴加議處。○是日。駐蹕新衙門行宮。○辛亥。

上還圓明園。○詣綺春園問

皇太后安。○壬子。諭內閣。前據御史許乃安奏

順天府屬大興宛平二縣應試士子。多有積慣槍手入場代倩文字等情。當降旨交卓秉恬等嚴密查拏。訊明懲辦。茲據奏稱。訊出安徽監生甯懋修等有冒考北籍雇人滄替情弊。著直隸總督安徽江蘇江西河南各巡撫。即將甯勉行即監生甯懋修。汪小梅即汪達林。林蘭臯即林承露又名林曙華。劉吉人即劉法周馬朔方談椿等。按名嚴拏。解京審訊。其張大瞻皮登峯。張曰哲暨供出未進之童生任樹榮。張士傑。楊士彬等。仍著卓秉恬等嚴飭各州縣緝拏務獲。一併歸案訊辦。尋奏。訊明劉法周甯懋修。李文奎即李老錦等。頂冒及包攬代雇屬實。請將劉法周甯懋修。張大瞻。方挺。李文奎等均照隨棚槍手例。枷號三箇月。發極邊煙瘴充軍。孫源等照越舍換寫文字例。發近邊充軍。未獲之汪小梅等。獲日另結。失察各地方官。交吏部查取職名。分別議處。下部議從之。○又諭御史有言事之

責向不准摭拾空言。妄行陳瀆。至於見聞所及。確有指實之處。豈得徇情遷避。緘默不言。此案已革未入流劉禮恭。以職官吸食鴉片煙。並售賣煙膏圖利。給事中巫宜楨既已知情。並不叅奏。顯係回護同鄉。部議降二級留任。尚覺稍輕。著改為降三級留任。不准抵銷。○又諭。本日據鑲紅旗滿洲都統敬徵等。及稽查旗務給事中恆青。並以裕豐倉花戶舞弊。奏請查辦。又據查倉給事中沈鐸。奏領催領米遲延。並請派員驗看米色。各一摺。著派裕誠。恩桂。前赴該倉查明。據實具奏。○又諭。刑部奏訊明書吏傳以宣誑騙得贓。捏造白片一案。各衙門遇有緊要公事。不及用印。原准先用白片知照。仍聲明後補印片字樣。現在吏刑二部。既查出書吏私行白片之案。自當申明舊章。以杜弊端。嗣後除尋常日行事件。毋許擅行白片外。如有緊急文件。不及鈐蓋堂印。應先行白片知照者。仍於文後寫明

後補印文。次日即呈堂標畫補行。儻遲至三日不補印文。即由接到白片衙門行文查問。以昭慎重。○又諭。前據伊里布等奏請以降調知府周作楫留黔。以同知直隸州補用。當經降旨准行。茲據吏部奏稱該督等藉端保奏。與例不符。周作楫著即飭令赴部候選。所有違例保奏之總督伊里布。巡撫賀長齡。部議降一級調用之處。俱著加恩改為降三級留任。不准抵銷。○癸丑。諭內閣。御史陳光亨奏請嚴慎關防一摺。前因江寧布政使唐鑑於伊故父在江寧置房立祠。未曾聲明。復於伊女病故。在該處營葬。致招物議。已降旨將唐鑑議處。至該藩司之弟唐紫玖。雖在署外居住。查無倚勢招搖劣跡。是以無庸議處。朕綜理庶政。賞罰一秉大公。其準情酌理之處。內外大小臣工。尤當仰體朕心。隨時加勉。即如官親幕友家丁人等。藉端招搖。勢所難免。弊竇滋生。不分署內署外。全在該管官平日

認真稽查。小懲大戒。方足以杜影射而肅關防。嗣後著內外臣工於官親幕友家丁人等。務宜加意防範。留心偵察。毋論該官親人等居住署內宅外。總當一律嚴密關防。不得任其在外倚勢招搖。致滋流弊。經此次訓諭之後。儻仍有縱容滋事情弊。必將該管官懲處不貸。懷之。○江蘇巡撫陳鑾奏。兩江總督陶澍患病。准咨暫署督篆。得旨。責任匪輕。諸事務當認真從實。勉之。○甲寅。

上詣

安佑宮行禮。○諭內閣。前因都統敬徵等。及給事中恆青。以花戶舞弊。奏請查辦。又據給事中沈鐸。以領催領米遲延。並請驗看米色。當降旨。派裕誠等前赴該倉查明具奏。茲據奏稱。查驗號字廠現存米色。尚屬乾潔。惟十二三十四等日所領之米。灰土夾雜。與倉內現貯米色不符。該都統等所稱花戶那移之弊。互勘形質。似屬可疑。著倉場侍郎即將該

倉經手花戶按名交出。移送刑部審訊。尋奏訊明。花戶徐鵬。王彬。因支放甲米。扶同索詐屬實。除將米石那換攬和輕罪不議外。合依各倉書役人等向闕米之人勒索得財。照指稱掣挑等項名色。計贓論罪。至一百二十兩。絞監候例。贓未入手。減受財一等。杖一百。流三千里。監督現任戶部員外郎哲臣。主事陳啓運。雖無知情徇縱情弊。惟於花戶索詐舞弊。毫無覺察。又於在倉待質之花戶王俊等。

不能小心防範。致令逃逸。實屬無能。業經革職。應毋庸議。從之。○諭軍機大臣等。本日據鄧廷楨覆奏。查辦撤任知府劉錫方家丁得賄私放煙土一摺。據稱張鎬即張漢三。跟隨劉錫方服役。派在稅廠查驗過關貨船。曾於船內搜出煙土六次。得贓放行。本官在署辦公。委無知情故縱等語。現當查辦鴉片嚴緊之時。該犯膽敢得賄私放。實屬藐法。若不從嚴從實。大加懲辦。何以儆示將來。雖據該督

查明業經供認賄放六次。難保非恃無質證。任情狡展。著林則徐、鄧廷楨親提嚴鞫。務使悉數破案。不准稍有實不盡。至劉錫方是否知情故縱。亦應確切訊究。不得以該員業經撤任。遂化大為小。遷就了事。所有案內訊出人犯要證。即著該督等分別傳提緝拏。毋任漏網。以昭覈實。將此諭令知之。○又諭。有人奏湖北襄陽縣雙溝巡檢宣維屏將民人紹學禮非刑斃命。屍親累控。案懸未結。又襄

陽呂堰巡檢馮潮。因案受梁萬昌賄囑。轉託李巡檢代辦。李巡檢將耿帽賢之母刑責。致該氏忿激輕生。李巡檢向知縣紀昌期跪懇彌縫。該縣誣指耿帽賢囑母自盡。希圖抵賴。又襄陽縣役吳思雄。借端勒逼。致徐大情急投江。縣役丁正順私立班館。禁押良民。串通紀昌期之子。詐贓數千兩。該縣紀昌期又借修城築隄。斂派商民累數萬金。並赴鄉辦案。將良民房舍指作賊巢。即肆焚燬。凡遇民人

涉訟。動用非刑。又挾嫌將生員歐陽俊鎖鐐遊街。甚至襄陽匪徒黃被臣等擾害地方。該縣並不查拏。致匪黨李和尚等糾眾搶掠。劫案四出。並黃被臣案內之喬道士等與縣役相為表裏。既被弋獲。旋即釋放。該匪等復糾人販運私鹽。擄掠財物。肆行無忌。破案後發該縣禁錮。而縣役任克和私行開釋。該縣若罔聞知等語。案關佐雜受賄濫刑。知縣婪贓。亂法縱匪殃民。如果屬實。必應從嚴懲辦。著

周天爵親提各案人證卷宗。嚴行審訊。據實奏。務期水落石出。毋得稍有瞻徇回護。致令不實不盡。原摺著鈔給閱看。將此諭令知之。○又諭。前召見廣西思恩府知府達薩布。察其人頗謹飭。心地亦屬誠實。惟才具稍欠開展。該員向在繕書房行走。所辦事務與各部院不同。是否能勝知府之任。著梁章鉅留心察看。據實具奏。將此諭令知之。尋奏達薩布到省。諭令在首府衙門學習。又派武闡監

試辦事俱能實心。查思恩府事務較簡。所轄土司亦皆安靜。該員人地相宜。應令前赴本任報聞。○琉球國王尚育遣使謝冊封恩。恭進方物。命留抵下次正貢。○乙卯諭內閣。御史張灝奏。慎重倉儲。遴選監督一摺。並請飭各部院衙門不得濫保等語。倉庾出納漕糧。最關緊要。不肖花戶。弊竇叢生。全在該監督稽查防範。自應擇操守素好才具優長之員。方足以資整飭。著各該衙門慎重遴選。覈實保送。不得以平庸闖茸之員濫等充數。至該御史請將現任監督由本衙門按資保題升用。並於任滿時由倉場侍郎出具考語。奏請酌量升用之處。著吏部議奏。尋奏現任監督各員業已因公離署。遇有應升缺出。本衙門難行出考。例不准按資保題。至論俸推升。仍准照常升轉。自應遵照定例辦理。又各監督三年任滿。由倉場侍郎加考交部議敘。復於道光四年奉有特旨。任滿後准其留任三年。

量予升用。並京察准其添保一等一員。升途不為不優。未便再為調劑。該御史所奏應無庸議。從之。○又諭御史張灝奏州縣交代。請飭禁上司勒令出結一摺。州縣倉庫錢糧。不容絲毫短缺。凡新舊兩任交代。例須覈實盤查。如前任無虧。責令後任出結申報。儻出結後查有虧缺情弊。即將接任之員奏參治罪。立法甚為嚴密。若如該御史所奏。近來各省交代之案。有歷數任及十數任。輾轉不能清釐者。推原其故。皆由本管道府於州縣出缺之時。早知倉穀庫款虧短若干。既不能稟揭於平時。自不得不彌縫於日後。往往接任之員尚未到任。督撫兩司先授意道府。令其豫為說明。或將前任所虧之款勒令全數認償。或認一半。餘向舊任著追。新任急於得缺。隱忍接收。出結呈報。是到任之始。負債已多。勢必設法求償。代完前欠。其不肖之員。因上司抑勒出結。代認虧空。遂爾任意揮霍。虧缺愈

多。妄冀去任時懇求上司勒令接任者代為認賠。甚至上司明知新任之員操守不端。既欲其彌縫前欠。不得不徇情緩究。隱忍姑容。種種弊端。皆所不免。殊與國帑官方大有關係。嗣後各省督撫藩臬。凡遇屬員交代。務須破除情面。認真稽覈。勿存遷就之見。勿懷徇隱之私。並著嚴諭該管道府隨時查察。一有倉庫虧短情弊。立即據實嚴叅。概不准新任之員含混接收。虛應故事。儻查有私相通融。

平復奏稿卷之二

八

勒令出結等弊。即行指名叅辦。毋稍瞻徇。將此通諭知之。○又諭。本日據林則徐等由驛馳奏。查辦躉船。儘數呈繳煙土一摺。所辦可嘉之至。躉船私販煙土。希圖脫逃。經林則徐等截回躉船二十二隻。起獲煙土二萬二百八十三箱。該夷等畏法自首。情尚可原。著免其治罪。該督等奏請酌賞茶葉之處。著照所議辦理。至此項煙土。為數甚多。俟收繳完竣。即查明實在箱數。派委明幹員弁解京。以憑

覈驗。林則徐等查辦妥協。自應量加獎勵。林則徐、鄧廷楨著交部從優議敘。怡良、豫堃、關天培著交部議敘。○又諭。栗毓美奏豫籌儲備工需。以防串溝隱患一摺。又另片奏。甄工得力。省費情形等語。著照所請。准其於北岸黃沁廳屬之馬營、榮原兩隄南岸下南廳屬之祥符下汛。陳留汛。每廳各購甄五千方。於情形險要之處。酌量多寡。分段堆貯備用。凡所築土壩。飭令工員用甄擇要包砌。此項甄

平復奏稿卷之二

七

價。先由道庫墊發。俟於秋間奏請購石項下撥還歸款。此外祥河、曹考河、糧河、上南商虞各廳。應先事豫防者。仍著該河督隨時督率道廳。妥商辦理。並於查驗工料時認真稽察。如工員購甄不實。即行嚴叅著賠。以重工需。至用甄搶辦險工。較鑲埽更為便捷。且較石價多寡懸殊。錢糧節省。又所占河面無幾。不致有與水爭地之虞。該河督既確有把握。朕即責成辦理。總期行之無弊。方為不負委

任其應貯軌塊。仍令向民間收買。不必廳員設窯燒造之處。亦著照所議辦理。○諭軍機大臣等。林則徐等覆奏堵截粵洋夷船情形。請暫緩議斷互市。及頒行各國檄諭等語。所見是。此次查辦海口防堵躉船。各國夷商業經遵繳煙土。自應加恩准予照常互市。以示懷柔。所有斷絕茶葉大黃著暫緩置議。其喫咭喇既有在粵領事。及住省夷人。經該大臣等就近諭知辦理應手。所有檄諭該國之處。

宣宗實錄

三

亦著暫緩頒行。統俟議定興販吸食各罪名。頒行新例時。於善後章程內另行詳細籌議。仍遵前旨擬稿進呈。再行頒發。將此各諭令知之。○欽差大臣林則徐奏呈進諭令各國夷商呈繳鴉片示稿。本大臣既帶關防。得以便宜行事。若鴉片一日不絕。本大臣一日不回。誓與此事相終始。批覽及此。朕心深為感動。卿之忠君愛國。皎然於域中化外矣。○以烏魯木齊都統廉敬為成都將軍。調熱河都

統惠吉為烏魯木齊都統。以刑部尚書恩銘為熱河都統。都察院左都御史隆文為刑部尚書。○以浙江瑞安協副將葛雲飛為定海鎮總兵官。○予故成都將軍凱音布祭葬。○丙辰。

上詣綺春園問

皇太后安。○諭內閣。給事中恆青等奏參吏目緝捕疲玩一摺。揀調北城吏目現署吏目事余均。於陝西街住戶張氏家被竊一案。已閱

宣宗實錄

三

兩旬。犯無一獲。緝捕實屬疲玩。著摘去頂帶。勒限嚴緝。儻限滿無獲。及獲犯後訊有諱盜為竊情弊。即著再行叅辦。以示懲儆。至緝捕係營汛專責。並著步軍統領衙門嚴飭該營弁兵晝夜巡邏。遇有竊盜案件。立即會同查拏。如有疏懈。即行嚴叅。○又諭內務府。正白旗佐領長明。於送挑領催。聽許錢文。收留禮物。又復轉送衣料。為催送錢文之計。居心實屬猥鄙。該部擬請發往軍臺。尚不足以蔽辜。

長明著革去佐領及所兼各職。改發烏魯木齊效力贖罪。○命刑部尚書隆文。馳往甘肅。會同寧夏將軍特依順。副都統恆通。審案。解杭州將軍和世泰。鑲藍旗蒙古副都統存華。任。歸案審訊。○以理藩院尚書賽尚阿。兼署刑部尚書。禮部尚書龔守正。兼署都察院左都御史。○以倉場侍郎鐵麟。為都察院左都御史。調兵部右侍郎德興。為倉場侍郎。盛京戶部侍郎德春。為兵部右侍郎。盛京刑部侍郎德誠。為盛京戶部侍郎。以都察院左副都御史明訓。為盛京刑部侍郎。○以候補三品卿武忠額。為都察院左副都御史。○以都察院左都御史鐵麟。兼正黃旗漢軍都統。○以錦州副都統奇明保。為杭州將軍。正黃旗滿洲副都統道慶。為錦州副都統。○丁巳。諭軍機大臣等。據特伊順等覆奏。審訊前鋒依克唐阿。控告該旗協領富忠等。剋扣兵餉等款。一摺。已明降諭旨。派隆文前赴甘肅。會同特

依順。恆通。秉公嚴訊。並將和世泰。存華。解任。解赴該處歸案質訊。案關大員。剋扣兵糧。餽送營私。亟應徹底根究。以成信讞。現據特依順等訊取供詞。祇係大概情形。該革員恃無質證。恐不免狡展支飾。至餽送水禮一節。僅憑供認。並未將帳目查出。難保非餽送銀錢。肆行賄賂。及至破案。遂將帳目藏匿。避重就輕。種種情節。疑竇甚多。著隆文等按照所控原呈。逐層悉心研鞠。務使各款俱有著落。覈實具奏。諒隆文等斷不敢稍有含混瞻徇。自取咎戾。儻查辦不實不盡。朕將此案人證提京。另派大臣嚴審。彼時訊出別情。隆文等將何顏對朕也。懍之。將此諭令知之。○新授都察院左副都御史武忠額。以精力就衰。休致。以前任吐魯番領隊大臣惟勤。為都察院左副都御史。○以大理寺卿鄂爾端。為都察院左副都御史。○調鑲紅旗漢軍副都統麟魁。為正黃旗滿洲副都統。以內閣學士關福

兼鑲紅旗漢軍副都統。○以乾清門侍衛綿性。為正紅旗漢軍副都統。刑部右侍郎阿勒清阿。兼鑲白旗蒙古副都統。乾清門侍衛常安。為鑲藍旗蒙古副都統。○戊午。諭內閣。御史許汝恪奏。在官人役查拏煙案。或得財故縱。或得土分肥。現在售煙者多係此輩。如不嚴行究治。既可恣其吸食。又可任其售賣等語。鴉片流毒。貴賤貧富。罔不習染。自嚴行查禁以來。官民人等。破案者踵接。獨在官人役從無一人犯案。若謂此輩愛身守法。轉勝於職官。搢紳。斷無是理。總由地方官查拏煙案。不得不假手差役。而拏煙之人。即係吸煙之人。得有煙土。往往吞贓入己。恣意吸食。兼圖銷售。該管官但知可供驅使。遂爾深信不疑。加以此輩狼狽為奸。同惡相濟。縱明知某某向有煙癮。並藏匿煙土若干。斷不肯指名呈首。致傷同類。此官民破案較易。差役破案獨難也。不知此輩舞弊貪婪。是其故技。地方官

寄以耳目。難保不假公濟私。賣放栽贓。種種滋弊。是欲收查拏之實效。必先嚴差役之隱藏。著各直省督撫。及在京各衙門嚴飭所屬。務當隨時留心訪察。儻所管之差役內。有平日吸食鴉片者。立即拏獲到案。從嚴懲辦。其所起煙土。如有以多報少。以假混真。及藏匿銷售。賄縱栽誣等弊。務即破除情面。依律嚴懲。經此次諄諭之後。儻在官人役。仍有前項弊端。不能自行查出。別經發覺。定將該管官重懲不貸。將此通諭知之。○又諭前據禮部奏。琉球國王恭進謝恩貢物。當經降旨准其留抵下次正貢。原以昭體恤。而示懷柔。茲據該使臣等呈稱。臨行時國王再三諄諭。籲請准予賞收。免抵下次正貢。經禮部據情代奏。詞意懇切。此次所進貢物。即照所請賞收。俾得遂其抒忱效悃之誠。該部即傳諭該使臣。令於回國時轉告該國王知之。○諭軍機大臣等。據御史許汝恪奏。江蘇省新漲沙洲。前

經陶澍等議以概准民買。戶部駁令一律退價歸公。自改議以來。並未能將繳價各地認真退價入官。小民又恐終非其業。亦不肯出力培植。以致沿江洲地。悉任荒廢。請飭查在八年新例以前繳價者。照舊准買。新例以後續漲之地。有礙水道者。一律鑷除。無礙水道者。仍照部議歸官等語。著陳鑾體察情形。詳查妥議。據實具奏。原摺著鈔給閱看。將此諭令知之。尋總督耆英等奏道光八年未經議

改章程以前。民間承買各洲地。繳價稅契。竭資墾築。倚為養命之原。一旦奪所有而歸之公。情近與民爭利。且自部臣議請歸公以後。承佃寥寥。困民而無益於國。恐非善策。請將道光八年以前繳價報買之地。概准承買執業。例後報買各案。並新漲沙洲無礙水道者。概行歸公。召佃。以裕經費。而順輿情。下部議從之。○以惠親王綿愉署正黃旗漢軍都統。吏部左侍郎桂輪署鑲紅旗蒙古都統。鑾儀

衛鑾儀使喀勒春署正藍旗蒙古副都統。○己未。以福建臺灣協水師副將張朝發為浙江定海鎮總兵官。○庚申。諭內閣。向來越南國二年一貢。四年遣使來朝一次。合兩貢並進。琉球國間歲一貢。暹羅國三年一貢。在各該國抒誠效順。不敢告勞。惟念遠道馳驅。載塗雨雪。而為期較促。貢獻頻仍。殊不足以昭體恤。嗣後越南琉球暹羅均著改為四年遣使朝貢一次。用示朕綏懷藩服之至意。該部

即遵諭行。○又諭德勒克多爾濟奏查明恰克圖陋規。將擅向經紀索取茶葉等物之章京。並失察之大臣指叅一摺。恰克圖公私費用不敷。並未聲明。擅向行頭索取執茶。勒令作價。又復收受綉匹喫食等物。殊屬非是。所有現任章京圖明阿庫倫辦事大臣德勒克多爾濟。福英及嘉慶四年以後歷任章京。辦事大臣幫辦大臣。著一併交部議處。○辛酉。諭內閣。色卜星額奏請將違例宴會之知縣

守備解任訊辦一摺。此案安徽婺源縣知縣陳溶。徽州營右軍守備高鶴齡。於齋戒期內違例宴會。著暫行革職。交該撫歸案審訊。前任項村巡檢馮弼。逞兇滋鬧。行同無賴。著該撫親提人證。嚴行審訊。不得因該員大計案內業被叅劾。稍存遷就之見。尋奏。馮弼因大計被劾。欲與陳溶拚鬧。乘其在營署飲酒。事屬違例。前往扶制。使其不能剖辯。實屬險詐無賴。應比照刁徒扶制官吏例。發近邊充軍。

陳溶高鶴齡。於齋戒期內違例飲酒。不知檢束。均已革職。毋庸置議。下部議從之。○壬戌。

上詣綺春園問

皇太后安。○諭內閣。前據林則徐等馳奏。躉船鴉片盡數呈繳。請解京驗明燒燬。當降旨允行。本日據御史鄧瀛奏。稱廣東距京程途遼遠。所繳煙土。為數較多。恐委員稽察難周。易啓偷漏抽換之弊等語。林則徐等經朕委任。此次查辦粵洋煙土。甚屬認真。朕斷不疑其

稍有欺飾。且長途轉運。不無借資民力。著毋庸解送來京。即交林則徐鄧廷楨。怡良於收繳完竣後。即在該處督率文武員弁。公同查覈。目擊銷燬。俾沿海居民及在粵夷人。共見共聞。咸知震警。該大臣等惟當仰體朕意。覈實稽查。斷不准在事員弁人等稍滋弊混。○追予陝西陣亡千總趙鳴鳳等世職。○旌表守正捐軀河南汝州民張汝魁女占妮。逼嫁捐軀江蘇長洲縣民吳慶觀妻顏氏。○准大

通橋車戶承買黑豆二萬石。津貼車價。○癸

亥。

上詣。

大高殿行禮。

時應宮拈香。○還宮。○諭內閣。錢寶琛奏。知縣查辦鴉片煙不力。請摘去頂帶等語。地方官查緝煙犯。總須認真覈實。以不避嫌怨。確有實據者為上。不得僅以收繳之多寡。定屬員之功過。此次辦理不力之江西廣昌縣知

縣賊之壘。貴溪縣知縣徐大勳。署武寧縣知縣羅洪賡。均著暫行摘去頂帶。勒令認真查拏。以觀後效。該部知道。○諭軍機大臣等。本日據鍾祥等奏。拏辦臺灣滋事匪徒一摺。此案匪徒胡布。因謀反未遂。膽敢勾通內山賊匪洪保等。分立股夥。並糾結街民蕭紅等。為內應。攻汛戕兵。不法已極。經該鎮道等帶兵馳往店仔口地方會商捕辦。拏獲首夥十二犯。審明正法。辦理尚屬迅速。惟未獲餘匪。均已潛入內山。若非盡力捕獲。悉數就擒。難保不勾結山內匪徒。復出滋事。著該督即責成該鎮達洪阿。督兵分路搜捕。務使竄往潛匿各匪。即日淨盡。斷不准稍留餘孽。以靖奸宄。而絕根株。將此諭令知之。○青海大臣蘇勒芳阿奏。遵旨將察罕諾們汗一旗移住河北報聞。○福建福寧鎮總兵官陳步雲因病解任。調雲南普洱鎮總兵官邱奉岐。為福寧鎮總兵官。○以查辦鴉片煙出力。江西知縣斌

平定人字二

三

椿等下部議敘。○以孟夏時享太廟。自是日始齋戒三日。○甲子。以右春坊右庶子喻增高。署日講起居注官。○緩徵山西陽曲。太原。榆次。臨汾。汾西。介休。懷仁。隰。八州縣未完民借倉穀。○

上以常雩祀

天於

圓丘。自是日始齋戒三日。○乙丑。諭內閣。桂良奏請將降調知州捐復原官。留豫差委一摺。

河南光州直隸州知州劉蔭棠。緣案降調。例

三

應離省。且降革人員捐復原官。部中自有成例。該撫遽請將劉蔭棠留於豫省差遣委用之處。著不准行。○諭軍機大臣等。御史步際桐奏查辦夷船鴉片。取具切結。不足永斷根株等語。夷船販運煙土。經此次盡數呈繳以後。自應妥籌善法。杜其復來。若但以切結為憑。仍屬有名無實。且夷船停泊大海。難保無暗遞消息。漢奸前往運取等弊。著林則徐。鄧

廷植悉心籌畫。務使弊源盡絕。永杜含混之端。方為不負委任。原摺著鈔給閱看。將此諭令知之。

宣宗三十七

四三

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十一

監修總纂官臣等謹將宣宗實錄卷之三百二十一
天府府尹等處加五級銜銀十八次臣等謹將宣宗實錄卷之三百二十一
七倉大臣等處加五級銜銀十八次臣等謹將宣宗實錄卷之三百二十一
內務府大臣等處加五級銜銀十八次臣等謹將宣宗實錄卷之三百二十一
監院總辦庫務處加五級銜銀十八次臣等謹將宣宗實錄卷之三百二十一
監院總辦庫務處加五級銜銀十八次臣等謹將宣宗實錄卷之三百二十一
監院總辦庫務處加五級銜銀十八次臣等謹將宣宗實錄卷之三百二十一
監院總辦庫務處加五級銜銀十八次臣等謹將宣宗實錄卷之三百二十一
監院總辦庫務處加五級銜銀十八次臣等謹將宣宗實錄卷之三百二十一
監院總辦庫務處加五級銜銀十八次臣等謹將宣宗實錄卷之三百二十一

道光十九年己亥夏四月丙寅朔享

太廟

上親詣行禮○詣

南郊齋宮齋宿○諭內閣柏後奏覈估應修青

椿界牌並添建卡倫房間工料銀兩一摺

永陵添設青椿木植

福陵後水泉長嶺地方補修界牌二座及通衢

要路添建卡倫房六間經該侍郎帶領工員

敬謹查勘並督率各該界官逐一量明丈尺

覈實估計共需銀六百二十兩零著照例於

盛京戶部庫貯銀兩內發給。即著派員會同三陵衙門派員領項前往敬謹修理。務臻堅固。福陵工竣著柏後親往驗收。

永陵工竣著每年輪往致祭之侍郎前往驗收。以昭慎重。如有草率等弊。即著嚴叅。○又諭耆英等奏請將提解遲延各員交部議處一摺。此案民人張書忍前以強盜打劫財物。刃傷事主成廢等詞來京具控。當降旨交該將軍等親提嚴審。茲據訊明張書忍實係挾嫌

誣告。現因要證薛連九等未獲。供詞狡展。尚未成招。所有提解遲延之科爾沁貝子旗並昌圖理事通判著查取職名。先行交部議處。仍責令趕緊嚴拏薛連九等務獲送部歸案審辦。○諭軍機大臣等寶興奏夷匪出巢滋擾酌添防兵一摺。上年雷波馬邊廳等處夷匪屢出擾害。業經勦辦完竣。何以本年二月間復有焚掠等情。據稱越嶺之西糾糾米吉施等支夷眾。聽從馬邊等廳夷匪勾結。是否

有漢奸從中煽惑。抑係上年勦捕未能淨絕根株。該廳地方綿長數百里。兵力單弱。不足以資防堵。著照所請酌添兵丁分段設守。並飭令署提督桂明分派各兵周密布置。竭力防範。相機勦堵。齊慎早晚到任。務當會同商辦。總使夷匪知所敬畏。永遠不出滋擾。方稱妥善。該夷匪等藏匿老林。原不值重煩兵力。深入窮追。然兵集則逃。兵撤復出。相尋不已。糜餉老師。終非良策。著寶興等悉心籌畫。計

及久遠。不可徒顧目前。意存姑息。將就了事。將此諭令知之。○調盛京禮部侍郎薩迎阿為戶部侍郎。盛京戶部侍郎德誠為刑部侍郎。盛京刑部侍郎明訓為禮部侍郎。○丁卯常雩祀

天於

圜丘

上親詣行禮。○幸圓明園。○詣綺春園問皇太后安。○諭內閣此次冊封琉球使臣等卻

還宴金原屬仰體朕意不欲滋擾外藩今仍不必收受令來使帶回○又諭此次冊封琉球帶兵官遊擊周廷祥在該國病故該國王送葬費銀五百兩著不必收受仍令來使帶回○戊辰諭內閣前據御史蔡家珩奏河工賠項逾限不完新定處分過於寬縱又另片指參辦理此案全係湯金釗一人前後在工部吏部尚書任內有私心錯謬情弊當降旨飭令湯金釗明白回奏據稱酌議處分章程

非一人所能專擅至徇情請託不敢置辯復飭令蔡家珩回奏據稱情託本屬機密豈有實據與外人之理並有欲將稿底送與曹振鏞閱看經湯金釗阻住之語復再令湯金釗據實具奏茲據奏稱此案蔡家珩擬稿面回時湯金釗因原案處分業經吏部奏定加重且督撫屬員一律辦理亦多窒礙未便率奏令其回明各堂官商酌等語此案處分重輕原應權衡至當湯金釗於司員擬稿面回時

即當親與各堂官商推何以令司員轉回各堂且亦不應遽斷為窒礙難行至蔡家珩於湯金釗聽受情託既未能指出實據復以事隔多年忽行陳奏亦有不合湯金釗蔡家珩均著交吏部都察院分別議處○又諭前因林則徐等在廣東洋面截回躉船起獲煙土至二萬餘箱之多當降旨將林則徐鄧廷楨交部從優議敘怡良豫堃關天培交部議敘茲據該部奏請將林則徐鄧廷楨各加一級

紀錄二次怡良豫堃關天培各加一級此項煙土係在夷船起獲與內地迥不相同林則徐鄧廷楨著各賞加二級怡良豫堃關天培著各賞加一級俱准隨帶○己巳以

常雩大祀甘雨優霑遣惠親王綿愉詣皇穹宇報謝○諭內閣御史德勒克呢瑪奏米石出城太多顯有回漕情弊請飭查拏一摺粗米出城久干例禁原以防私運回漕之弊其附近居民零星買食細米祇許背負出城

立法甚為嚴密。茲據該御史奏稱近來每日負米出城者。竟至百石之多。且有在朝陽門外串成整袋。用騾馬馱載。繞道東去情事。難保非奸商雇倩平民。將粗米微碾。影射細米。私運出城。接濟回漕。於倉儲民食。大有關係。著步軍統領嚴飭各營員弁及各城門領等。隨時查察。如有前項情弊。即著嚴行拏究。其平民買食細米。毋得藉端留難。致滋擾累。至所稱朝陽門外百勝莊六里村一帶。為運往

楊村蔡村河西務天津等處必由之路。著步軍統領衙門順天府五城一體派委委員。前往各該處嚴密灑查。務期有犯必獲。照例懲辦。毋稍疏縱。○又諭廉敬奏審明解任大臣被叅各款一摺。金和前署葉爾羌參贊大臣任內種種謬妄。業已逐款訊究得實。並因欲接家眷。盤費乏措。向和闐阿奇木伯克邁瑪特受攷斯借貸銀兩。雖已如數歸還。究屬有玷官箴。金和著革職。發往烏魯木齊效力贖

罪。○又諭。已革貴州下江營遊擊德慶。借給兵丁錢米。於放餉時昂價強行多扣。又復捏詞妄稟。擅委千總接辦守備。扶嫌斥革兵丁。種種貪鄙謬妄。業經各弁兵供指鑿鑿。尚敢狡辯。堅不承招。實屬刁健。著即照眾證確鑿問擬。從重發往軍臺效力贖罪。至古州鎮屬既有書吏冊費陋規。其餘各鎮協營。難保無此項情弊。著即嚴行飭禁。以肅營制。而儆官邪。○濬修山東四女寺支河壩座。從巡撫經

額布請也。○庚午。

上御勤政殿聽政。○署湖廣總督漕運總督周天爵奏。楚省山險水阻。易藏奸匪。遇有搶劫輪姦重案。俱親提研審。加意懲辦。得旨。如能盡心國事。除惡安良。朕自有銜鑒。卿無恤其他。○旌表守正捐軀河南確山縣民薛虎妹季妮。○辛未。以本年鄉試考試應開列試差人員於圓明園正大光明殿。○命福建巡撫魏元烺來京。以刑部左侍郎吳文鎔為福建

巡撫調禮部左侍郎安徽學政王植為刑部左侍郎。命來京轉禮部右侍郎沈岐為左侍郎。以都察院左副都御史王瑋慶為禮部右侍郎。命右春坊右贊善車克慎提督安徽學政。以都察院左都御史廖鴻荃為武英殿總裁官。壬申諭內閣本日據吏部都察院奏遵旨議處湯金釗蔡家珩各一摺。湯金釗於河工賠項酌定章程一事。當蔡家珩擬稿呈堂時。既以為未便率奏。即應親與各堂官面加商酌。乃遽行駁飭。當時辭氣之間。未免失於檢點。著即照議降二級留任。蔡家珩於湯金釗駁飭之後。如果確有所見。自應呈遞說帖。詳細聲明。乃事隔多年。忽行陳奏。又不能指出情託實據。本應照部議降一級調用。姑念事屬因公。著加恩改為降二級留任。湯金釗蔡家珩所得處分。均不准其抵銷。○癸酉諭內閣。恩特亨額等奏本年班請以第七班三品阿奇木伯克先行領班入覲等

語。回子伯克每年朝覲。前已有旨改為間二年朝覲。仍照舊九班輪流。所有本年第六班領班之伯克。著即遵照前旨。於道光二十一年來京。以刑部右侍郎趙盛奎兼署戶部左侍郎。○甲戌。上詣綺春園問皇太后安。○諭內閣。奕紀等奏。回子郡王例貢。向與年班伯克先後來京。應否照新改班次歸併呈進等語。前因回子伯克每年朝覲。降旨改為間二年朝覲。以示體恤。所有哈密扎薩克回子郡王伯錫爾。吐魯番扎薩克回子郡王阿克拉依都。每年遣使呈進例貢之處。亦著改為間二年遣使歸併呈進。其每年應領俸銀俸緞。准其照庫車回子郡王伊薩克等在外關支之例。由陝甘總督按年附餉撥解各該處。就近飭令關支。報部查覈。以歸簡易。○又諭。據林鴻年等奏。上年十月。自琉球回棹。該國王尚有懇請代奏。令陪臣子弟四

人入監讀書等語。加恩著照所請。所有該國陪臣子弟四人。俱准其入監讀書。用遂其觀光之志。○以詹事府詹事全慶為大理寺卿。○除江蘇寶山縣坍廢田蕩十四頃六十九畝有奇額賦。○乙亥。諭內閣。經額布奏。衛河水勢淺澀。請暫為變通濟運等語。山東省開外衛河。為各省通漕要津。據該撫查明。現在來源微弱。軍船行走較遲。擬請將豫省衛水原議三日濟運一日灌田之例。暫為變通。俾衛源得資暢旺。現當漕行喫緊之際。自應變通辦理。俾免阻滯。著河南巡撫即行遠派幹員。會同該管各官。將百門泉小丹河等處官渠官閘。一律暢開。民渠民閘。暫行封閉。仍著分段嚴查。如有堰長夫役賣水阻運。奸民盜挖灌田情弊。即行照例嚴辦。務使水勢專注衛河。以濟漕運。並著經額布隨時查看情形。俟衛河水勢充足。即行咨會照常啓放。以符舊制。如水勢不見增長。另有別情。亦著據實

具奏。○諭軍機大臣等。據毓書奏。哈薩克扎喇罕拜。烏特依莫斯。霍勒博克等。倡率千餘戶哈薩克。在博爾津河烏蘭胡素地方居住。抗拒官兵。砍斃兵丁薩克遜。和卓二名。陸續由塔爾巴哈台所屬卡倫開齊。越入烏梁海遊牧居住等語。上年哈薩克滋事。特派車林多爾濟帶領官兵。全數逐出開齊界外。該匪等於官兵撤回後。復敢率領數千戶。私越開齊。潛入烏梁海。砍傷官兵。殊出情理之外。著車林多爾濟馳赴該處。相機辦理。應帶兵若干及隨帶員弁。俱著車林多爾濟酌量調遣。妥為驅逐。其哈薩克伊滿。胡班拜二犯。著牢固監禁。俟驅逐該匪等出卡後。再行奏明請旨。將此由四百里各諭令知之。○以鄭親王烏爾恭阿。署正白旗領侍衛內大臣。大學士穆彰阿。署鑲白旗滿洲都統。○丙子。上奉皇太后幸恆春堂。進膳。○諭軍機大臣等有人

奏。山東高密縣有奸民創立教名。名曰滾單會。習其教者。男女二人。方許入會。夜間聚集多人。共處一室。不給燈火。任其暗中互相配偶。又納粟數斗。輸錢數貫。即授一官等語。奸民設立教會。男女混雜。最為風俗人心之害。且有擅授官職情事。尤屬大干法紀。若不早為查禁。必致滋生事端。著經額布嚴飭該管地方官。密加訪查。如實有此等教會。即行嚴拏懲辦。務使匪徒斂戢。積習肅清。若貽患將來。必惟經額布是問。懍之。將此諭令知之。○丁丑。以漕運總督周天爵為河南巡撫。河南巡撫朱樹為漕運總督。○戊寅。諭內閣。永康奏。辦理襲王分產情形。請旨定奪。據稱莊親王綿護呈請。每月分給奕數等五房藍甲五十副。每年撥給地租銀五千兩。以資養贍。所議甚屬平允。著即在該王府按期如數領銀。毋許再有爭執。餘俱著照所議辦理。○諭軍機大臣等。給事中朱成烈奏。三月下旬。直隸

省城四門各貼黃紙揭帖一張。上書河南山東教匪姓名數十人。合謀滋事。其揭帖亦係山東人所書。註明里居姓字。該署督聞之。即遣人往山東密偵揭告之人。此事已經密辦。但其所指並無直隸一人。此帖是否山東人所貼。殊難憑信。恐直隸奸民託言山東河南。使地方官查遠而忽近。亦未可定。況道光元年。河間地方。於七月間傳說山東教匪來直隸滋事。直隸教匪為之接引。風聲走露。地方官將本地教匪拏獲多人。其事遂息。八年正月間。聞傳獻縣孫榮聚眾。附近良民紛紛遠避。地方官聞之。將孫逆拏獲。其事亦息。由前兩事觀之。此帖所指並無直隸一人。安知非直隸人駕名兩省等語。匪徒揭帖羅列姓名。自宜密偵辦理。惟係山東匪徒。應在該省首告。何故來直隸揭帖。舍近就遠。情節可疑。且恐直隸省奸民。或因年歲歉收。流言煽惑。不可不實力躡訪。加意防閑。琦善既知此事。自

應早為布置。其差往山東偵訪情形若何。並現在作何辦理之處。著據實詳細具奏。將此諭令知之。○又諭朱成烈奏承德府平泉州建昌縣等處山石產金。有山東山西直隸奸民偷挖日眾。每在通州售賣。上年冬月有該地方守備往拏數人。在途中酒店歇宿。該奸民大夥搶回原犯。守備藏匿酒簍內得免。嗣經通稟。差遊擊一員往拏。見其勢眾。未敢擅動。其事竟寢。奸民日益強橫。聚集愈多。土著良民。畏其騷擾。多有遷徙等語。奸民聚眾挖金。已屬違例。况聚眾自十數人至數千人不等。勢既強橫。難保不漸謀搶奪。承德距盛京不遠。根本重地。理宜肅清。豈容奸匪藉端煽惑。前任各地方官。或因規避處分。不敢舉發。恩銘甫經到任。何所用其回護。著即遴派幹員。分路偵察。果否實有其事。儘查有聚眾挖金藉端滋擾情弊。立即嚴拏懲辦。毋任漏網。斷不可稍存消弭調停之見。致干咎戾。懷之。

將此諭令知之。尋奏前任都統惠吉於上年十一月派委守備范維清拏獲創挖金砂人犯十九名。中途並無疏失。熱河亦未設立遊擊。現仍飭協領等前往平泉建昌一帶搜查。得旨查覆後據實具奏。○大學士署直隸總督琦善奏雨澤愆期。率屬祈禱。得旨京師雖得雨二三次。總未透足。麥收已無望。奈秋禾未能全行播種。朕憂懼日增。惟有叩天恩。蘇民困。速沛甘霖。以拯全省之黎庶也。○

頒發福建

天后廟

御書扁額曰福佑瀛壖。陳尚書廟曰海濱昭靈。拏公廟曰利濟心敷。○命都察院左副都御史鄂爾端大理寺少卿黃爵滋前往楊村查驗續增官剝船隻。○以訪獲鴉片煙土。予湖南試用知府魁聯儘先補用。○己卯。黑龍潭。覺生寺設壇祈雨。

上詣

黑龍潭神祠拈香。命

皇四子

詣

覺生寺。皇五子奕誚詣清漪園

龍神廟。皇六子奕訢詣靜明園

龍神廟。惠親王綿愉詣

宣仁廟。

凝和廟。睿親王仁壽詣

昭顯廟。

時應宮拈香。○遣御前行走喀爾喀扎薩克

親王車登巴咱爾詣密雲縣

白龍潭神祠祈雨。○諭內閣御史許乃安奏

梟私充斥。官引滯銷。請飭江浙兩省實力查

拏一摺。兩浙行鹽引地半隸江南。上海南匯

等縣私販甚多。其江陰地面梟徒聚集。屢經

查拏。現仍肆行無忌。浙西引地廢壞。實由於

此。著兩江總督。江蘇浙江各巡撫會同妥議

章程。一面將各該縣著名梟犯拏獲嚴懲。一

面嚴定守口巡弁處分。並查明各該弁如有

得規故縱。及該州縣督銷不力者。立即指名

奏參。毋稍徇隱。其年終考察。即著兩省督撫

公同會商。量為舉劾。務當不分畛域。實力奉

行。庶積梟巨販。無地容身。以疏滯引而肅鹺

政。○旌表守正捐軀湖南長沙縣民何汶林

妻朱氏。○庚辰。諭內閣員子德勒克色楞額前

因擅用官刑獲咎。降旨再有私藏私造擅用

刑具等情。定當重治其罪。乃此次於得吉得

私造刑具。將綽克丹鎖鑰。既經臬知該員子

默無一語。亦不即時送官懲辦。據奕紀等照

違制例議以革職。實屬咎所應得。姑念係蒙

古外藩。量從輕減。德勒克色楞額著革退御前

侍衛。賞給頭等侍衛。在大門上當差。仍罰俸

五年。以示懲儆。○諭軍機大臣等。據林則徐

等奏。收繳夷船鴉片。乘勢清理東路等語。粵

洋薨船存貯鴉片二萬二百八十三箱。前經

林則徐等諭令駛至虎門。陸續隨繳。茲據奏

稱。剝船與躉船。高下懸殊。煙土起至一半。躉船水跡浮高。風信靡定。不免終日坐守。現在所繳鴉片。覈之原報數目。已逾十分之八。又稱東路南澳地方。間有數船至長山尾等洋遊奕。雖經該鎮隨時驅逐。而旋去旋來。是中東兩路。實屬一氣相生。其三板等船。分載煙土。駛往南澳。亦不可不乘此機關。一概招回。悉數呈繳。著林則徐等悉心籌畫。相機妥辦。不但原報二萬餘箱之內。不准稍有短少。如

此外尚有多餘。亦應儘數收繳。總期一律淨盡。毋留餘孽。又另片奏查明喳嘍實已回國。而現住省城義和行之映嘍。即係喳嘍之弟。又映嘍哋哋。咂嘍哋哋。皆喳嘍之外甥。並有代伊管帳之哋哋。亦在該行居住等語。該夷盤踞既久。黨羽必多。若不儘數驅除。難保不死灰復燃。仍貽後患。著即將摺內所指各該夷等與著名之嘍哋等。一併驅逐。不准任意逗留。並嚴諭領事義律。夷目唛嚟哆等。確

切查明。此外如有該夷夥黨。務即設法驅令回國。毋許再有隱匿。以除錮弊而絕詭謀。將此各諭令知之。○又諭。前召見新授福建福寧鎮總兵邱鳳岐。察其精神甚健。且久歷行間。自必明幹練達。惟該員究已年逾七旬。訓練操防。不知能否勝任。著鍾祥於該員到任後。詳加查察。隨時具奏。毋稍遷就。將此諭令知之。尋署總督魏元烺奏。察看邱鳳岐精力尚堪勝任。已將諭旨面交新任總督桂良。隨

時查察。報聞。○欽差大臣林則徐奏。鴉片貽害中華。勢成積重。奉到硃批。欽遵辦理。得旨。來源外斷。裁種內除。雖不肖之徒。處處皆有。無從購覓。勢亦不禁自絕也。奈因循日久。釀成奸患。言之寒心痛恨也。○命貝子濟克默特往奠故庫倫辦事大臣多爾濟喇布坦茶酒。○辛巳。

上詣綺春園問

皇太后安。○諭內閣。給事中汪報原奏。參衛河

來源微弱。河臣不能先事豫防一摺。各省軍船北上。全賴河道深通。方能暢行無誤。上年因雨澤愆期。船行淺滯。特降旨飭令該河督等。於本年重運未到以前。未雨綢繆。挑挖淤蓄。乃昨據經額布奏。衛河水勢淺澀。懇請設法變通。是其觀望因循。不能豫為籌畫。已可概見。且豫東兩省漕船。喫水較輕。此時尚形淺阻。指日南漕連檣入境。又將作何辦理。著栗毓美等熟計詳籌。趕緊疏濬。儘重運經臨。

再有阻滯。惟該河督等是問。至衡水三日濟運。一日灌田。本係成例。昨因經額布奏。衛源未能暢旺。請將民渠民閘。暫行封閉。朕以該撫係為慎重漕行起見。特准其變通辦理。並諭令隨時查看。如水勢不見增長。另有別情。亦著據實具奏。究竟此事是否確有把握。著山東河南各巡撫悉心籌酌。如將民間渠閘一律封閉。於漕行果否有益。且於民田灌溉有無妨礙之處。再行會議具奏。○又諭德興

等奏東省運河水勢淺阻。請飭籌疏濬一摺。據奏衛水淤淺。節節阻礙。臨清德州一帶水亦消耗。現在東豫漕船。尚有七幫未報挽過天津等語。本年山東水勢微弱。東豫船身輕便。尚如此竭蹶耽延。即日南糧入境。船載倍重。喫水較深。若不設法籌備。臨期必致周章。著河東河道總督山東巡撫。迅即派委委員。測量沿途水勢。遇有橫淤處所。即飭認真挑挖。儘有名無實。仍復淺阻。以致南來糧艘。不能銜尾赴通。惟栗毓美。經額布是問。懷之慎之。○理藩院奏。幫辦大臣移駐科布多。應否頒給關防一摺。得旨。移駐科布多。幫辦大臣。係與該處參贊大臣同城辦事。著無庸另鑄關防。○湖南按察使王藻奏。報到任日期。得旨。第一外省虛偽惡習。不染。方合朕用人之意。勤慎勉力而行。萬毋自棄。○壬午。

孝端文皇后忌辰。遣官祭

昭陵。○諭內閣。鴉片煙流毒日深。自上年查禁

以來。京城內外各衙門拏獲各犯。分別奏咨。交刑部審訊者。不下數百起。承審各員。果能細心研鞠。何難就現獲人犯。將煙土來歷。與販夥堂。及何處何人開設煙館。同吸食者。共有幾人。逐層根究。按名查拏。若僅就案了案。殊不足以窮源竟委。淨絕根株。朕軫念民生。欲為天下除此禍患。大小臣工。宜如何仰體朕意。同心協力。思所以肅綱習而挽頹風。嗣後刑部堂官。惟當督飭司員。凡承審煙案。總

宜切實根追。固不可累及無辜。尤不可將就結案。務使人人畏法。積弊全銷。用副朕除惡務盡之至意。○又諭梁章鉅奏。拏獲栽種罌粟匪犯一摺。前因內地栽種罌粟。熬煉煙土。降旨令廣西四川雲南貴州各督撫派員清查。茲據梁章鉅飭屬查明。將所種罌粟。全行鑷毀。並拏獲違例栽種各犯。所有上年並未確查具報之左江道卞斌。護右江道鎮安府知府恆梧。慶遠府知府文輝。思恩府知府王

文鳳。署鎮安府知府周三錫。署泗城府知府李閔。俱著交部議處。梁章鉅失於覺察。亦著交部議處。經此次清查之後。該撫必當嚴飭所屬。認真查辦。務將所種罌粟。拔毀淨盡。栽種匪徒。嚴拏切究。斷不可再事因循。長奸貽患。懍之勉之。○癸未。

上幸靜明園。詣

龍神廟拈香。○諭內閣。烏爾恭額奏。拏獲煙土。鑷除罌粟等語。內地栽種罌粟。煎煉成土。

與鴉片煙名異實同。昨據梁章鉅查明。該省栽種罌粟。將上年未經確查呈報之該管道府奏請議處。茲據烏爾恭額奏稱。種植罌粟。多在台州府屬。現已鑷去花苗一千三百六十餘畝。所有上年未經查報之該管道府。著即查取職名交部議處。至職官及在官人役吸食鴉片。尤當加意查緝。著該撫督飭所屬。認真究辦。總期有犯必懲。不准稍存姑息。用副朕除惡務盡之意。○諭軍機大臣等。鄧廷

楨等奏。請將商欠銀兩。分別監追勒限。並推展接繳攤捐款項一摺。廣東洋行商人應交各項銀兩。例應依限完交。無稍拖欠。茲據該督等查明。各商內已革訓導銜天寶行商人梁承禧。前後共欠銀二十八萬二千一百九兩零。為數最多。屢催罔應。實屬任情延玩。著即發交南海縣監追。予限一年。勒令埽數清款。儻屆期仍敢抗拒不完。即行奏明定地發遣。所有未完銀兩。著落各商攤繳。其怡和等行商人伍紹榮等。欠交戊戌等年分備貢淺價等項銀二十二萬六千三百九十八兩零。著即勒限一年。埽數完交。如屆期不完。一併發交該縣監追。以昭儆戒。至商捐攤繳各款。除已交過外。共欠銀九十五萬五千七百七十四兩零。現在均已屆限。若同時併徵。商力未免拮据。著俟勒限一年。應交銀兩繳清後。再將前項捐攤銀兩。各按原定年限。先將捐修虎門礮臺未完銀三萬九千餘兩。與回疆

軍需銀六十萬兩。併案完繳後。再將攤徵革商無著銀三十一萬六千六百一十二兩零。接續完繳。不准再有延宕。將此諭知鄧廷楨。並傳諭豫堃知之。○太常寺奏。前奎照面奉諭旨。將

方澤大祀詣

壇時。酌改經行道路年分。查明具奏。謹擬遵照

嘉慶二十年

仁宗睿皇帝聖壽五旬有六成例。恭請

皇上詣

壇時。由外西門進內西門。至齋宮南十字甬道適中之處降輿。禮成後。仍請於每次升輿處升輿。從之。○貸乍浦駐防官員修理衙署俸銀。○甲申。

上詣

大高殿行禮。

時應宮拈香。○還宮。○諭內閣。經額布奏。請將曾經吸食鴉片煙之署任同知革職提審

一摺。東河候補同知署沭河同知王養度。既經該撫傳訊。自認從前吸食鴉片不諱。惟所稱先食後戒。殊難憑信。王養度著即革職。交該撫提案嚴審明確。按律定擬具奏。○諭軍機大臣等。據經額布奏。泉河通判張漢。經該撫密加諮訪。人言藉藉。咸謂素有煙癖。而傳聞究未指實。請俟該員引見回省。再行覈辦等語。職官吸食鴉片。大千例禁。現當功令森嚴之日。自應覈實確查。嚴行懲辦。該員現已

引見旋省。著該撫仍遵前旨。嚴密訪查。如果屬實。即行奏請革職。親提審訊。按律定擬具奏。毋稍徇隱。將此諭令知之。○乙酉。

上御太和殿視朝。王以下文武升轉各官謝恩。○幸圓明園。○諭軍機大臣等。據寶興奏。擬定防邊章程。開單具奏。已交軍機大臣會同該部議奏矣。至另奏籌議經費。藉資民力。津貼一摺。該省司庫餘存雜款。全已用盡。事無一濟。深堪痛恨。現在該夷匪等屢次出擾。邊

民受害。雖據該督奏稱。援照成案。每條糧一兩。徵取津貼銀二兩。以為經費。藉期集事。是以地方津貼之項。辦理地方之事。原無不可。但必須熟籌深慮。計及久遠。此項津貼。是否人盡樂輸。不至病民。所稱自本年七月起至年底止。數月之內。所徵津貼銀兩數目若干。防堵經費需用若干。是否即此已足敷用。抑或後此另有籌畫。不肖州縣。保無藉此攤徵勒索。致釀事端。以上種種情節。著寶興詳晰

妥議。由驛覆奏。請旨辦理。將此諭令知之。○丙戌。諭軍機大臣等。前據朱樹奏。請陞見。已准其俟鄂順安到任後。來京。嗣經降旨。將朱樹補授漕運總督。現當重運喫緊之時。著朱樹於鄂順安到任後。即赴漕運總督新任。毋庸來京。現聞運河淺阻。著該漕督於路過豫東一帶。留心察看。泉眼河道。如疏濬挑挖不力。致有壅塞等弊。即行據實嚴參。毋稍徇隱。將此諭令知之。○又諭。現已有旨。令朱樹即

赴漕運總督新任鐵麟於交代起程來京。路過山東直隸一帶。留心查察。沿途河道。如有壅塞淺阻等弊。即行據實奏。毋稍徇隱。將此諭令知之。○丁亥。

上詣綺春園問

皇太后安。○諭內閣。前因惠吉奏。熱河已革苑丞佟鐙。違抱告呈遞訴詞。當經降旨解交刑部審訊。茲據刑部奏稱。佟鐙到案供詞。與原呈全不相符。難保非呈控後與盛福伸說和。

扶同捏飾。且工程係未經查收之項。盛福伸所供並無侵欺等情。亦難憑信。著內務府總理工程處派委委員。前往熱河。會同該總管照冊驗明。盛福伸等承辦各工。究竟有無浮冒。所有供稱估計變價木料。有無冊據可憑。逐一詳查確實。報部覈辦。○撥江蘇江寧江浦二縣應掣調劑快丁本銀二萬兩。仍行發商生息。抵興武二九兩幫積欠剝價及添補辦運之需。從署總督陳鑒請也。○諭軍機大

臣等有人奏直隸新城縣知縣許博。於上年冬間調署交河。到任甫及四月。物議紛騰。據叅該知縣有浮收攤派私斂稅銀。並縱差滋擾等款。著琦善即按照摺內所指各情節。逐一訪查明確。如果屬實。嚴行叅辦。毋稍瞻徇。原摺鈔給閱看。將此諭令知之。○以工部右侍郎松峻署鑲藍旗護軍統領。○戊子。

上幸萬壽山。詣

廣潤祠拈香。○遣惠親王綿愉審親王仁壽。

鄭親王烏爾恭阿。分詣

天神壇。

地祇壇。

太歲壇祈雨。○以乾清門行走頭等侍衛端

華為內閣學士。兼禮部侍郎銜。○己丑。諭內

閣給事中張秉德奏。戶部書吏王姓。到庫領

取銀硃等物。在打磨廠小門該吏住宅搬卸。

刑部書吏鍾姓。領取擡連紙張等物。在前門

外西城牆永泰紙鋪搬卸。顯有盜賣抵換情

弊。書吏王姓。鍾姓。著交刑部嚴行審訊。嗣後在京各衙門赴庫領取物料。著該堂官派委筆帖式司務廳等官。帶領書吏赴庫憑文領取。並著於領回物件時。進署當堂銷差。以絕弊混。尋奏。供事鍾殿揚。經承王允中。訊無盜賣抵換情事。惟關領官物。或拉運鋪內。或搬卸伊家。究屬不應。照律擬杖。從之。○諭軍機大臣等。前據給事中朱成烈奏。直隸省城有張貼揭帖之事。當有旨交琦善將偵訪情形

據實密奏。茲據奏稱。三月二十六日。在西門外揭獲黃紙字帖一張。語多狂悖。帖內所指。皆隸南省豫省。並無直隸山東之人。帖尾又有東昌府臨清州會聚之語。現派精細標弁。改扮客商。分赴河南山東。確訪中州城內朱魁元。及東昌府志誠店蹤跡。惟隔省探訪。尚未稟覆。其距省較近之河間府深冀二州天津府。已據委員等稟稱。民情靜謐。並無浮言搖惑之事等語。匪徒造作浮言。冀圖煽惑。最

為風俗人心之害。此次揭帖。膽敢張貼省城。明列姓名籍貫。是其鬼蜮伎倆。更出情理之外。該署督惟當密飭所屬員弁。隨時隨地留心訪察。一經得有端倪。即行嚴切根究。斷不准任聽屬員。率以地方安靜等詞。捏稟了事。其派往河南山東委員偵訪情形若何。並著密速具奏。又另片奏稱。保定府之束鹿。河間府之阜城。冀州之武邑。深州併所屬之武強等處。缺雨尤甚。窮黎殊形竭蹶。現經該署督

等捐銀易錢。散給無地無力貧民等語。刻下雨澤稀少。未即成災。尚可如此辦理。儻此後有應議賑撫之處。仍著該署督隨時加意體察。毋稍延玩。將此密諭知之。○以鑒儀衛鑾儀使喀勒春。為鑲藍旗漢軍副都統。○庚寅諭內閣。給事中李熙齡奏。請將各衙門筆帖式經歷等員。嚴行察看一摺。各衙門設有筆帖式等員。賢否不一。全在該管堂司各官。隨時接見。留心察看。方能考其當差之勤惰。即

三年京察。出具考語。亦可覈實辦理。嗣後都察院堂上筆帖式及都事經歷著隨時進見。左都御史左副都御史各科道筆帖式著隨時進見。各給事中御史此外各衙門筆帖式等員著隨時進見。各堂官司官以憑查覈。如查有差使懶惰等情。並著隨時甄別。○以通政使司通政使帥承瀚為都察院左副都御史。○辛卯加封。

天后澤覃海宇四字封號。從冊封琉球正使。

翰林院修撰林鴻年等請也。○以翰林院侍讀和淳慧成司經局洗馬慶祺充日講起居注官。○壬辰諭內閣御史張灝奏各省創立善舉。請飭實力奉行一摺。各直省設立恤養會育嬰堂。救生會留養所等處。或由地方官捐廉。或由眾紳士勸募。原以惠窮黎而敦任恤。若如所奏。鎮江府屬近有不肖紳衿。謀為董事。侵蝕自飽。以致經費不敷。久乃化為烏有等語。一府如此。他府可知。著江蘇巡撫通

飭各府州縣。凡地方舊有善事。務當設法保全。公舉誠正殷實紳士充當董事。責令實心經理。嚴剔弊端。以杜虛糜侵蝕之漸。至地方善事。經理不善。以致有名無實。諒不獨江蘇一省為然。著各直省督撫通飭所屬。妥議章程。出示曉諭。務使善舉得以經久。窮黎實惠均霑。用副朕愛育羣生至意。○又諭御史周頊奏。請查辦吸煙幕友等語。外省大小衙門辦理公事。不能不延請幕友。而此輩習氣最深。吸食鴉片者十居六七。其本官朝夕同居。何得諉為不知。乃近來查辦幕友犯案者絕少。總由委任既久。不得不瞻徇情面。有意姑容。且此輩黨羽眾多。本官即欲查究。而從中調護者比比皆是。甚且慮挾其短長。恣情反噬。是以甘心容隱。不肯舉發。詎知欲禁士民之煙。必自官署始。欲禁官署之煙。必自幕友始。儻竟畏首畏尾。於此種劣幕一味含容。則閭署以內皆無顧忌。而民間之興販吸

食者亦將有所藉口。又安望其有犯即懲同
挽積習耶。著各直省督撫嚴飭所屬。務當破
除情面。即將各衙門現在幕友有無吸食鴉
片之處。據實密稟。按律懲辦。儻知而不舉別
經發覺。即將本官嚴叅治罪。若經本官舉發
之後。膽敢撓拾短長。藉端挾制。准照被劾屬
員計告上司之例立案不行。至督撫衙門幕
友吸食鴉片。所屬各員。即有風聞。不免心存
瞻顧。即責成各該督撫。自為查辦。如稍為容

隱。將來被人指控。或經科道糾叅。定將該督
撫一併嚴懲。決不寬貸。將此通諭知之。○諭
軍機大臣等。有人奏山東省劣幕王溶。號又
溪。係浙江紹興人。昔年遊幕該省。嗣又捐納
府經歷。即分發該省候補。道光十七年曾在
該撫經額布署內辦理刑名。因物議沸騰。於
十八年辭出。令其學生莫七在署接辦。現在
復入臬署。與其表兄岑姓同辦刑名。又恐以
官兼幕。招人指摘。潛出告病文書。掩人耳目。

等語。劣幕盤踞上司衙門。厚植徒黨。暗通聲
氣。最為吏治民生之害。該員王溶既係地方
候補人員。自不應出入上司衙門干預公事。
業經告病。即不得逗留省會。滋生弊端。著經
額布即行確切查明。王溶有無營私舞弊。文勒
薦幕黨把持公事情弊。認真辦理。據實具奏。
不得以該員曾在撫署作幕。曲為容隱。其徒
黨自不止莫七岑姓兩人。亦著確實查明。嚴
行驅逐出境。無任逗留。以除弊蠹。而淨根株。

將此諭令知之。○癸巳

上詣綺春園問

皇太后安。○以翰林院侍讀和淳為雲南鄉試
正考官。編修沈兆霖為副考官。編修何桂清
為貴州鄉試正考官。趙楫為副考官。○甲午
孝慎皇后忌辰遣官祭

陵寢。○諭內閣。恰克圖章京理藩院郎中圖明
阿令商人豫備甄茶。並不報出情由。實屬不
合。著照部議降三級調用。其失察之庫倫辦

事大臣德勒克多爾濟富英著照部議降一級留任准其抵銷所有嘉慶四年起恰克圖歷任章京著理藩院查取職名咨送吏部查議其歷任庫倫辦事大臣幫辦大臣著該大臣查取職名咨送兵部照例辦理○諭軍機大臣等林則徐等由驛馳奏收繳鴉片煙土有贏無絀又另片奏請將夷人帶鴉片煙來內地者定例治罪等語該夷人違禁帶物並暫時首繳免罪自應專定條例已明降諭旨

交軍機大臣會同刑部議奏矣此次收繳煙土二萬餘箱據林則徐等逐一查驗不准稍有留遺著仍遵前旨親督銷燬毋許別滋流弊至本年貿易夷船開行在數月以前未必遽知嚴禁此次來船如有夾帶鴉片亦著責令一併繳官以絕根株將此各諭令知之○又諭前因鄧廷楨等奏請於虎門海口添設礮臺礮位創造木排鐵鍊當降旨允准並降旨著林則徐查看情形據實具奏茲據奏稱

布置森嚴實屬有益惟排鍊被鹹水泡浸日久不能無損著鄧廷楨關天培隨時察看如有寸鐵脫扣一木離簞立即修復務使聯絡鞏固勿稍疏懈以重海防將此諭令知之○雲南巡撫顏伯燾奏續獲煙土煙槍一摺得旨若一力嚴辦愈久愈認真必可拔本塞源若敷衍目前搪塞了事何益之有勉之母怠○准山東致仕大學士盧蔭溥河南致仕尚書李奕疇重赴鹿鳴宴加盧蔭溥太子太傅

李奕疇太子少保○以拏獲鴉片煙土及傳習天主教匪犯予貴州知縣馮紹彭加銜升用。

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二十一

宣宗本紀三十一

十一

清 實 錄 道光十九年五月

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二十二

監修 禮部尚書 臣 曹振鏞 等 奉 上諭 宣宗成皇帝實錄卷之三百二十二 著 禮部 知道 欽此

天府府尹 臣 曹振鏞 等 奉 上諭 宣宗成皇帝實錄卷之三百二十二 著 禮部 知道 欽此

七倉 臣 曹振鏞 等 奉 上諭 宣宗成皇帝實錄卷之三百二十二 著 禮部 知道 欽此

內務府 臣 曹振鏞 等 奉 上諭 宣宗成皇帝實錄卷之三百二十二 著 禮部 知道 欽此

監修 禮部尚書 臣 曹振鏞 等 奉 上諭 宣宗成皇帝實錄卷之三百二十二 著 禮部 知道 欽此

敘修

道光十九年己亥五月乙未朔遣肅親王敬

敏詣

關帝廟鄭親王烏爾恭阿詣

城隍廟祈雨○諭內閣鍾祥奏雨造供詞各

執請革職審訊等語浙江現任嘉興協左營

守備世襲雲騎尉蔡長謀勒休雲騎尉夏士

賢著一併暫行革職交該督提同案內人證

卷宗秉公嚴審按律定擬具奏尋奏蔡長謀

前與夏士賢考校多中一箭因補守備夏士

賢係退回原營學習之員勒休回籍希圖仍

襲世職。砌詞京控。訊無實據。擬杖徒。下部議從之。○以按拏煙土煙犯。予福建知府戴嘉穀等升敘有差。○旌表守正捐軀山東濟寧州民王亭母程氏。○緩徵山東歷城鄒平長山。商河。朝城。章邱。平原。聊城。臨清。邱夏。津武。城。齊河。濟陽。長清。臨邑。陵禹城。德乎。德觀城。莘冠恩。二十四州縣及東昌德州二衛被旱。被霜被風被雹莊屯新舊額賦。○丙申。諭內閣。據大學士穆彰阿等議。覆陳鑾奏吳淞海口商船夾帶鴉片章程一摺。朕詳加披覽。所議俱屬周妥。因思鴉片來自外洋。全在申嚴海禁。而各省海口。情形不同。難保奸商等不此拏彼竄。江南一省。既經明定章程。則各省濱海地方商船出入之處。俱應一律辦理。著各該督撫於所轄海口體察情形。妥議章程具奏。○諭軍機大臣等。本日著英奏按查海口商船嚴禁販煙情形一摺。據稱在沒溝營蓋州復州岫巖各海口按獲煙土煙膏等件。

並吸食人犯三十餘名。自己按律懲辦。現在旗民感戴。情甘十家聯環互保。以憑稽查。著者英認真覈實辦理。不得日久又成具文。儻有陽奉陰違。或互相隱徇之處。一經查出。即行嚴辦。至閩人原不應在該處居住。其業經編入保甲若干名。如果安靜。毋庸驅逐。儻有情願回閩者。聽其自便。嗣後務當示禁。凡有流寓閩人。一概不准棲留該處。並著該地方官常川查察。如有朦混寄居者。立即驅逐。以杜滋擾。而靖地方。將此諭令知之。○又諭據伊里布等奏。請在滇蜀交界處所設卡防堵。川省夷匪一摺。所辦好。上年四川省馬邊夷匪出巢焚掠。蔓延及雷波。該督等以永善縣與雷波接壤。當飭該鎮派兵前往防堵。迄今已及一載。該夷匪出沒無常。防兵未便裁撤。惟該處無可駐劄之區。自應量為變通。以節勞費。著照所議。准其在於要隘處所。建立堅固卡房數座。分扼其衝。使聲勢聯絡。防禦較易。

並著即飭昭通鎮侯設卡之後將前派各兵撤回另撥兵一百餘名前往分卡守禦嗣後按季輪流更替以均勞逸至該處為川滇來往通津除將江邊私渡封禁外其向有之官渡著酌量裁撤歸併並咨會川省一律辦理所有上年防兵及嗣後輪防各兵鹽糧並設立卡房經費准其在於留備邊費之鹽課溢餘款內動支將此諭令知之○以熱河協領文祥為涼州副都統○以拏獲販煙官犯于

兵馬司揀調正指揮吳成泰等即補優敘有差○旌表守正捐軀河南禹州民楊庭蘭妻劉氏○戶部議准陝甘總督瑚松額疏報烏嚕木齊開墾地十三頃五十畝照例升科從之○貸山西吉長治邊和順榆社沁霍趙城大寧九州縣歉收貧民倉穀並緩右玉靈邱山陰寧武定襄渾源大同平魯代五臺繁峙保德和林格爾偏關隰文水寧鄉懷仁寧遠武鄉河曲陽曲汾陽左雲五寨虞鄉靜樂臨

汾霍靈石垣曲三十一廳州縣買補倉穀○
丁酉

孝誠仁皇后忌辰遣官祭

景陵○以直隸糧價漸昂免奉天河南山東商販米稅○修浙江西塘柴埽各工從巡撫烏爾恭額請也○戊戌諭軍機大臣等都察院奏安徽民人王言品以埋冤三載畏惡不辯等詞赴該衙門具控已明降諭旨交該撫親提審訊矣惡棍擾累良民最為地方之害據

該民人控稱合肥縣惡棍吳玉富吳兆安吳萬春等因借錢不遂糾眾持械將伊胞姪王從朝槍斃並銃傷伊嫂吳氏伊女扣姐該縣驗明差拘該差畏其兇橫不敢往拏疊控該省各衙門迄今三載犯無一獲等語如果屬實是地方官玩視民命不為緝兇殊干法紀著色卜星額嚴飭該縣即將惡棍吳玉富吳兆安吳萬春查拏到案親提審訊按律懲辦據實具奏將此諭令知之尋巡撫程楙來奏

拏獲吳玉富到案。訊明施放鳥槍屬實。以故殺論。依律擬斬監候。遂犯吳兆安等。飭屬嚴緝務獲究辦。下部議從之。○己亥。諭內閣。德勒克多爾濟等奏。哲布尊丹巴呼圖克圖所住廟宇。年久地土潮溼。多生疾病。請另移淨地。以濟徒眾。著即准其移於圖拉河迤北地方居住。○宗人府宗令敬敏等會議查禁鴉片煙章程三十九條。一沿海奸徒開設窩口。勾通外夷囤積鴉片。首犯擬斬梟。為從同謀及接引護送之犯。並知情受雇船戶。擬絞監候。該管官知情故縱者革職。失察者分別議處。一沿海員弁兵丁受賄故縱。擬絞立決。知情徇縱。俱發往新疆。官弁充當苦差。兵丁為奴。失察者員弁分別議處。兵丁杖徒。一合夥開設窩口。並合夥興販者。以造意者為首。餘俱以為從論。一沿海奸徒寄國夷船煙土。照開設窩口從犯治罪。一官役拏獲販煙吸食之犯。得財賣放者。與犯同罪。賊重者計賊以

枉法從重論。失察之該管官分別議處。一收禁人犯。如有禁卒人等將鴉片煙私行傳遞。或為代買者。發極邊煙瘴充軍。其解遞之犯解役人等有犯前項情弊。發近邊充軍。賊重者計賊以枉法論。失察之該管官分別議處。一兵役匪棍以查煙為由。肆行搶奪。並挾讎誣賴者。俱發邊遠充軍。賊一百二十兩以上者。為首擬絞監候。失察之該管官分別議處。一鴉片煙案內流罪以上人犯。告稱留養者。概不查辦。一事未發而自首者免罪。聞拏投首者減一等。首後復犯。加一等治罪。一吸食之案。止准官弁訪拏。不許旁人訐告。一開設煙館。首犯擬絞立決。從犯及知情租屋者。發新疆給官兵為奴。兵役包庇與犯同罪。有賊計賊准枉法從重論。失察之該管官分別議處。一栽種罌粟製造煙土及販煙至五百兩。或興販多次者。首犯擬絞監候。為從發極邊煙瘴充軍。與販一二次數不及五百兩者。為

首發新疆給官兵為奴。為從發極邊足四千里充軍。兵役賄庇與首犯同罪。賊重者計贓以枉法從重論。其知情租給房地之業主。受雇之船戶。一年以外者發邊遠充軍。一年以內杖流。半年以內杖徒。州縣官知情故縱者革職。永不敘用。失察之該管官分別議處。一。裁種罌粟。尚未製煙售賣。及收買煙土煙膏未售賣者。為首發極邊煙瘴充軍。為從杖流。一。吸煙人犯均予限一年六箇月。限滿不知悔改。無論官民。概擬絞監候。一。平民吸煙在一年六箇月限內者。擬杖流。如係旗人銷除旗檔。一體實發。一。在官人役並官親幕友等。一年六箇月內在署吸煙者。照平民加一等治罪。該管官知情故縱者革職。失察者降調。一。職官吸煙在一年六箇月內者。發新疆充當苦差。一。兵丁吸煙在一年六箇月內者。發近邊充軍。該管官知情故縱者革職。失察者分別議處。一。開設煙館。裁種罌粟。製煙興販。

首從各犯除現擬死罪外。其餘俟一年六箇月後。均擬絞監候。一。吸煙人犯雖經改悔戒絕。但存有煙灰者。杖一百。一。製賣鴉片煙器具者。照造賣賭具例分別治罪。失察及拿獲之該管官。分別議處議敘。一。同居子弟有吸煙者。家長照不能禁約子弟為竊例治罪。一。職官因吸煙發往新疆者。概不准各城大臣因事保奏。一。宗室覺羅吸煙者。發往盛京。嚴加管束。如係職官及王公。均革職革爵。發往盛京。永不敘用。如犯在一年六箇月限滿後者。照新定章程加重擬絞監候。宗人府會同刑部。恭進黃冊請旨。一。太監內如有從前吸食者。限一箇月內自首免罪。再限三箇月內。令總管太監認真撿查。如有收藏煙具者。審明從重治罪。如三箇月限滿。半年以內。有在禁門以內各值房吸食者。均擬絞監候。在外圍值房吸食者。枷號六箇月。發極邊煙瘴永遠枷號。遇赦不赦。失察之總管首領及同屋

太監奏請分別降革治罪。如係首領吸食。均照禁門以內新擬罪名辦理。失察之本管總管奏請發遣。究出販煙之人。若係太監與吸煙之人同罪。若係民人。交刑部加等治罪。至陵寢首領太監等有吸食者。照外圍辦理。其王公門上及各大臣宅中之太監等有吸食者。交慎刑司永遠枷號不赦。如半年以後仍有吸食。在宮門以內者。擬斬監候。外圍等處及陵寢當差並王公門上大臣宅中並已為民太監等。擬絞監候。各項失察處分。仍照前議辦理。一。夷商住澳住行。賣貨完竣。即飭遵照定限起程。如逾限久留。照違制律治罪。一。官兵查拏鴉片煙。遇有大夥拒捕者。准放鳥槍。格殺勿論。一。銷燬煙土。令督撫親驗真偽。以防偷換。一。沿海各省洋船進口。督撫派公正大員。實力搜查。一。各省海關監督。於洋船帶煙進口。知情縱放者革職。失察者分別議處。一。各省拏獲煙販。將由何處購買。何人包庇護

送。及經過地方。逐一根究。分別懲辦。該管官受賄故縱者革職治罪。知情者革職。失察者分別議處。一。拏獲吸煙人犯。承審官徇情開脫。照故出人罪例治罪。一。吸食已戒。平民例得免罪。惟職官為民表率。如曾經吸食者。均勒令休致。一。拏獲囤積興販各犯。無論鄰境本境。均准給予議敘。仍分別送部引見。一。訪獲吸食者。亦准酌請議敘。一。在京各衙門及外省督撫。將吸煙之員列入京察卓異。即將原保舉官議處。一。京城地面。五方雜處。稽察尤應嚴密。應責成步軍統領衙門。順天府。五城。隨時訪察。仍嚴禁番役等訛索擾累。一。各省保甲。飭地方官認真編查。如牌長有受賄知情等弊。一體懲辦。一。地方官朔望宣講後。即將吸食鴉片之害。傳集眾人。明白宣示。庶父誡兄勉。咸知自愛。奏入得旨。上年黃爵滋條奏鴉片積弊。請旨設法嚴禁。當交各將軍督撫等各抒所見。妥議以聞。嗣經陸續奏到。

並據科道等官先後條陳特降諭旨。交大學士軍機大臣會同各該衙門議奏。茲據詳議章程會同奏入。朕詳加披閱。尚屬周妥。俱著照所議辦理。並著纂入則例。永遠遵行。各該衙門即速行刊刻。頒發各直省將軍督撫等。轉行所屬地方文武員弁一體遵照。明白出示曉諭。咸使聞知。朕惟姑息非所以愛民。明刑即所以弼教。鴉片來自外夷。日甚一日。兼以內地栽種罌粟。影射漁利。軍民人等受其毒者。始則被人引誘。繼乃習為泛常。甚至蕩產戕生。罔知悛改。關繫於人心風俗者甚鉅。若不及早查禁。永杜弊端。則傳染日深。其害伊於胡底。朕恫瘝在抱。欲為天下除此禍患。不憚再三訓誡。特議刑章。以期易俗移風。還淳返樸。因思海販窰口。實為禍首。罪魁。非一律從嚴。概置重典。不足以防偷漏而塞來源。至吸食之弊。一日不斷。則興販之來。一日不絕。亦不得稍從寬宥。今定以死罪。立限嚴

懲。此外種種流弊。尤應隨時隨地。實力稽查。歷久不懈。庶幾根株淨盡。力挽澆風。惟是有治人而後有治法。該將軍督撫等果能早為查辦。何至流毒如今日之甚。朕姑寬其既往。自此次明定章程以後。其各激發天良。前除積習。同心協力。仰體朕懷。為民除害。其有不肖屬員。諱飾不辯者。立即據實嚴叅。重治其罪。儻仍意存玩泄。視條教為具文。或畏難苟安。或始勤終怠。則是甘心骫法。自喪天良。朕言出法隨。決不寬貸。其各懍遵毋忽。○准安徽池州幫船漂失米石。分限買補。○庚子。上詣綺春園問皇太后安。○諭內閣。紫禁城內值班王大臣。例應於辰刻進內接班。其出班之人。應俟接班者進內。面行交替。始准散歸。茲據濟克默特奏。本月初五日。應行接班之王大臣內。共有五人。遲至申刻。甫經到班。殊屬玩誤。所有是日進六班之公。永康內大臣常喜。文職全慶。

武職常恆散秩大臣侯張淳著交各該衙門先行嚴加議處。並著濟克默特將是日出班之王大臣等何人於何時散值。是否守候進班之人進內。始行出班。逐一查明。據實具奏。至是日出班之慶郡王奕綵侍郎溥治副都統連貴內大臣肅親王敬敏散秩大臣書桂。何時出班。曾否面見永康等交替。因何不行。叅奏之處。著各行具摺明白回奏。○辛丑。遣惠親王綿愉詣

天神壇。睿親王仁壽詣

地祇壇。鄭親王烏爾恭阿詣

太歲壇。肅親王敬敏詣

關帝廟。成郡王載銳詣

城隍廟。謝雨。○諭內閣。前經降旨。旗人命名。

若用漢字。僅准用二字。不准連用三字。若以滿洲蒙古語命名。不成文者。亦不准用。昨日鑲藍旗滿洲都統將盛京應放防禦人員帶領引見。其擬陪之驍騎校慶豐阿。命名不合。

著改名慶豐。將此申諭八旗都統副都統。各省將軍都統副都統城守尉等。嗣後似此不成滿洲蒙古語義。而漢字又三字不連者。概不准其命名。○太子太傅予告大學士盧蔭溥卒。晉贈太子太師。命成郡王載銳帶同侍衛十員。往奠茶酒。賞銀一千五百兩治喪。入祀賢良祠。予祭葬。謚文肅。並賞其孫光燮舉人一體會試。○旌表守正捐軀河南舞陽縣民陳印母張氏。○壬寅。諭內閣。昨因禁城內

值班大臣進班遲誤。當降旨將永康等交各該衙門嚴加議處。並著出班之王大臣將是日曾否面見永康等交替。因何不行。叅奏之處。各行具摺明白回奏。茲據奕綵等回奏。未經守候交替。遽行先散屬實。惟濟克默特進班時。中山亦已先散。以禁城嚴肅之地。該王大臣等竟敢不候交替。任意紛紛散值。實屬膽大違制。咎無可辭。慶郡王奕綵侍郎溥治副都統連貴內大臣肅親王敬敏散秩大臣

書桂前鋒統領中山均著交各該衙門嚴加議處至濟克默特於中山未經守候交替遽行先散之處不行參奏本應嚴議姑念是日進班尚早且此次奕綵等五人均係該貝子指叅僅於中山早散未及叅奏其咎稍輕濟克默特著交該衙門議處○又諭達洪阿等奏按捕逆匪酌撤弁兵一摺前據鍾祥等奏臺灣匪徒胡布聚眾滋事搶汛戕兵經達洪阿等帶兵捕獲首從各犯審明正法當有旨令該督即責成該鎮督兵按捕內山餘匪以淨根株茲據該鎮等奏稱督率弁兵分路進剿續獲匪犯多名內山巢穴業已掃清辦理尚屬迅速達洪阿姚瑩均著加恩交部從優議敘其隨同剿捕各員弁著鍾祥擇其尤為出力者酌量保奏候朕施恩毋稍冒濫○禮部議准貴州巡撫賀長齡疏報採訪湄潭縣節婦張鄒氏等三十九口請建總坊旌表從之○癸卯。

上詣

大高殿行禮○還宮○諭軍機大臣等有人奏湖北省職官吸食鴉片煙並營私各款開單呈覽職官營私翫法已干例禁況當此查辦禁煙之時牧民者先不能表率何以懲辦軍民人等桂良甫經到任無所用其回護著按照單內所開各款逐一密查如果屬實從嚴叅辦不得走漏風聲消弭瞻徇致干咎戾原單著發給閱看將此諭令知之尋奏查照原奏單開逐一訊究武昌府知府崇善訊無歲得鹽規二萬餘兩等事惟失察幕友家丁吸煙且徇庇屬員並不隨時叅革已於另案擬發軍臺效力鹽道于克襄與試用從九品官彤紳係屬表親率行派委查關實屬徇庇業經另案奏請革職其餘單開之三十三人內當陽縣知縣邱上東現因詳報不實另案叅辦州同沈兆鵬巡檢石裕禧慶槐未入流金恆曾經吸煙照新例勒令休致巡檢鄭時彥

聲名平常。布政司經歷朱文穀素非安分。均請革職。從九品官彤紳不知引嫌。應請勒休。永不敘用。長陽縣知縣秦憲曾於交代案內先行革職。從九品朱齡祖籍浙江。幼隨伊祖遊幕楚北。應請飭部改發他省試用。其餘均令回任。下部議從之。○以夏至祭

地於

方澤。自是日始齋戒三日。○甲辰考試應開列試差滿漢二品以下京堂各官於上書房。○

旌表守正捐軀河南虞城縣軍犯區亞炮義女大姐。○乙巳諭內閣。昨因紫禁城內值班王大臣於出班進班不遵定例。任意遲早。並有應叅不叅等情。當降旨將該王大臣等交各該衙門分別嚴議議處。茲據各該衙門遵照嘉慶十九年

諭旨。請將該王大臣等爵職一併斥革。實屬咎所應得。惟念年歲久遠。積習相沿。恐以前曠班者尚不止此數人。若但將永康等懲治。轉

不足以昭平允。姑從寬免其斥革。予以薄懲。永康著罰公俸六年。覺羅常喜著革去副都統並一切差使。仍罰世職俸四年。張淳著革去散秩大臣。仍罰侯俸四年。慶郡王奕綵著退出內廷行走。仍罰王俸六年。肅親王敬敏著革去宗令。內大臣仍罰王俸六年。書桂著革去散秩大臣。仍罰侯俸四年。常恆全慶薄治連貴中山俱著降二級調用。濟克默特著加恩改為降四級留任。不准抵銷。○諭軍機

大臣等據琦善奏委員前往河南山東偵訪前獲揭帖情形一摺。直隸省城所獲揭帖內指稱河南山東店鋪名目。茲據委員千總白金章葛鳴彪等訪得河南省城朱魁元飯店及山東東昌府城許洪志誠店均無詭秘形跡。即沿途經由各處民間亦無浮言。此時原可毋庸張皇。惟直隸值此年歲歉收。尤須隨時加意防範。該署督既派安幹員弁分往順天保定河間正定等府屬密行察訪。並督飭

鎮道各就所轄境內嚴密巡防。總期有備無患。不得以訪無別情。稍存疏忽。是為至要。將此諭令知之。○大學士署直隸總督琦善奏

麥收分數。得旨覽奏。殊深憂懼。惟叩祈

天貺。通省速沛渥澤。庶秋成可卜。民生可衛。曷

勝焦灼渴望之至。○以定郡王載銓為宗人

府宗令。御前大臣戶部尚書奕紀為鑾儀衛

掌衛事大臣。○賞降調右翼前鋒統領中山

頭等侍衛。仍在御前行走。○以戶部左侍郎

文慶兼右翼前鋒統領。○丙午夏至祭

地於

方澤。

上親詣行禮。○幸圓明園。○詣綺春園問

皇太后安。○以內閣學士關聖保為禮部右侍

郎。仍留駐藏大臣任。已革兵部右侍郎倭什

訥為兵部左侍郎。○調鑲紅旗漢軍副都統

松峻為正白旗滿洲副都統。以兵部右侍郎

德春兼鑲紅旗漢軍副都統。調鑲藍旗漢軍

副都統扎拉罕泰為鑲紅旗滿洲副都統。以

總管內務府大臣阿靈阿兼鑲藍旗漢軍副

都統。調鑲黃旗漢軍副都統恩華為正藍旗

滿洲副都統。以內閣學士端華兼鑲黃旗漢

軍副都統。○調鑲白旗護軍統領恩桂為正

黃旗護軍統領。以工部右侍郎松峻兼鑲白

旗護軍統領。仍署鑲藍旗護軍統領。○以御

前侍衛博多歡為上駟院卿。○丁未遣官祭

闕帝廟。○諭內閣前次保舉簡放副都統人

員。茲已簡放完竣。著交大學士領侍衛內大

臣尚書左都御史都統等。將頭等侍衛八旗

各營正參領給事中御史各部院郎中內堪

勝副都統者。各保一二員。出具切實考語。送

交兵部彙總。照例帶領引見。毋庸專摺具奏。

至所保人員。務須平素稔知品行端方。人體

面方。准保奏。儻所保人員。於簡放後。或因公

獲咎。於原保人毋庸議。設營私犯罪。惟原保

人是問。如知之不確。著毋庸保奏。○軍機大

臣大學士穆彰阿等奏議覆欽差大臣兩江總督林則徐請定夷人攜帶鴉片煙土入口售賣治罪專條擬請此後夷人如帶有鴉片煙入口圖賣者為首照開設窩口例擬斬立決為從同謀者從嚴擬絞立決由督撫審明交地方官督同夷人頭目將各犯分別正法起獲煙土全行銷燬以杜貪頑而嚴法禁仍行文兩廣總督以奉文之日為始予限一年六箇月如於限內將煙土全數呈繳者免其治罪從之○以大理寺少卿黃爵滋為通政使司通政使○以工部左侍郎文蔚署正黃旗蒙古副都統戶部右侍郎善燾署正黃旗漢軍副都統○戊申諭內閣本月初五日禁城內值班王大臣等進班出班均未面行交替本應遵照嘉慶十九年諭旨概行斥革姑念歲久相沿幾成積習此外未經發覺者當不止此數人是以恩寬格外量予薄懲因思該王大臣等散歸太早入值

較遲皆係怠惰習成性耽安逸朕何難恪守前謨立予罷斥惟伊等咎由玩愒若竟置身閒散轉得遂其偷安自便之私故不令廢棄終身俾可贖前愆而圖後效嗣後該班之王大臣等如輪應進班借詞推諉曠誤不到及出班之人容隱不奏俱仍照嘉慶年間

諭旨革去爵職決不寬貸其進班遲延已逾辰刻及出班之人彼此未經面晤即自散歸並容隱不奏者均酌量情形依照此次辦理該王大臣等惟當各勤職守夙夜在公毋得日久玩生仍蹈故轍並著將此次諭旨各錄一道懸掛該班處所俾觸目儆心共知戒懼懍之慎之○以翰林院編修張芾為廣東鄉試正考官兵部郎中潘鐸為副考官翰林院編修江國霖為廣西鄉試正考官吏部主事阿彥達為副考官翰林院編修何紹基為福建鄉試正考官江南道御史蔡家珩為副考官○貸直隸紫荆關駐劄款區弁兵米石○己

西諭軍機大臣等據經額布奏東昌府城北門內牆上揭獲黃紙匿名帖一張詞意大率係招聚匪徒謀為不軌又稱河南中州城內現有朱魁元館息賓處並厯指匪黨劉洸列等三十餘人俱籍隸河南據該府縣密查揭帖之人毫無蹤跡現經派員前往豫省慎密偵訪等語此案前據琦善先後奏到已派員將河南省城朱魁元飯店及山東東昌府城許洪志誠店確切訪查疊經降旨交琦善密行察訪矣志誠店近在東昌城內何以該撫既經派員前赴河南偵訪朱魁元下落而於所指該省志誠店一節轉未奏及是否該府縣等因該店近在城內有心消弭不行稟究總之此事必將張貼揭帖之人速行訪獲方可從此根究俾此輩鬼蜮伎倆立即敗露該撫惟當嚴飭所派各員不動聲色密行體訪既不可過事張皇尤不可稍有諱飾一經訪有端倪著即據實具奏將此諭令知之○以

查辦水災並捐修學宮出力予貴州縣丞薛榮等升敘有差○庚戌諭軍機大臣等據富呢揚阿奏防禦稟許本管上司並將揭稟繕寫呈覽已明降諭旨將該防禦靈住暫行革職交隆文會同富呢揚阿審辦矣此案以屬員稟許本管上司臚列徇私翫法各款必應徹底根究以成信讞著隆文於甘肅審案完竣後即赴陝西會同該撫秉公嚴訊至稟呈內所稱今年正月做壽竟不由本旗舉員奉派買馬等語該副都統等俱係有官守大員何以有做壽名目且派委買馬係屬公事何以牽混做壽種種弊竇實屬可疑著隆文等按照呈內所控各款一一質訊明確並將如何做壽之處詳晰查明據實具奏不准稍有消弭瞻徇原摺暨稟呈均著鈔給閱看將此諭令知之○以故土謝圖扎薩克郡王多爾濟喇布坦子那遜巴圖襲爵○辛亥諭內閣京師入夏以來雨澤稀少疊經降旨設壇祈

禱朕親詣

黑龍潭拈香。復於宮內齋心默禱。旋於本月初一日。甘澍優霑。入土三寸有餘。現在節過夏至。未得續沛甘霖。農田實深殷盼。朕惟清理庶獄。亦足感召和甘。從前京畿雨澤愆期。曾降旨將軍流以下人犯減等發落。茲宜載頒寬典。用廣法外之仁。除積賊及各省軍流以下人犯。此次毋庸辦理外。著刑部堂官督飭承審各司員。於現在交部各案內。認真細心推鞠。如有冤抑等情。立即回堂。迅速覈辦。並將直隸一省及部中審擬軍流等罪。已未到配官常各犯。詳查原案。無論遠年近年。擇其情有可原者。開單具奏。候朕量加寬宥。至刑部收禁人犯。若因未經定案。久繫囹圄。疾病顛連。情殊可憫。著該部審度案情。其有問徒以下輕罪人犯。及干連待質。例應取保候審者。立予清理省釋。毋稍稽滯。此外尋常案件。並著速行審結。不得遷延羈禁。以示矜恤。

而廷祥和該部即遵諭行。○又諭奕紀等奏清釐庫務。附叅遲延司員。並自請察議。據稱查出衣庫有歷年領過綢緞布匹等項。未能入銷。稽遲至今等語。內務府大臣所管六庫事務。例應逐件查覈。款項分明。何以該庫所領各項。遲至數年之久。未入月摺彙銷。實屬疲玩廢弛。已極。所有經手辦理遲延之前任庫官景福。吉祿。普琳。巴哈布。德清。現任庫官中福。舒興。著各降一級留任。又管理四箇月之前任庫官和昇額。及曾經兼管該庫之郎中烏明阿。員外郎曾維著各罰俸一年。均不准其抵銷。奕紀敬徵著交部察議。裕誠文慶阿靈阿著加恩寬免。至內務府事件繁多。該堂官等總當會商妥辦。不得專諉於佩帶印綸之人。僕互相推卸。則安用設立各堂官為耶。嗣後該大臣等務宜盡心職守。和衷共濟。遇有應辦事件。必當公同商酌。互相稽考。毋得仍前玩愒。干咎。懍之。○諭軍機大臣等有

人秦閩廣兩省海口。停泊夷船。往往收買內地年未及歲之幼孩。少者數十數百不等。多者竟至千餘。其中男少女多。實堪駭異。夫米粟金銀。皆禁止出口。況以無知之赤子。投諸嗜欲不通之絕域。地方官有父母斯民之責。豈宜置若罔聞。且該夷收買幼孩。斷非因人口缺乏。藉為生聚之計。設或作為奇技淫巧。致以左道戕其生命。尤堪憫惻。不可不嚴加禁絕。著林則徐吳文鎔。分查廣東福建兩省。

如果有其事。並著查明該夷收買幼孩回國。是否祇供驅使。抑有別項情弊。據實詳細奏聞。將此各諭令知之。尋奏委員查訪各海口夷船。並無收買幼孩之事。均報聞。○壬子。

上詣綺春園問

皇太后安。○諭內閣朕因鴉片煙流毒。傳染日深。已成錮習。若不及早為民除害。伊於胡底。現在廷臣遵旨會議嚴禁章程。已頒發各直省遵行矣。該官民人等咸懷王章。遷善改過。

自不難湔洗舊習。革除前非。共享生全之樂。藉免刑戮之加。即各地方官。亦必懍遵新例。認真查辦。悔過者予以自新。怙惡者不令倖免。但積習相沿。已非一日。若數月之間。遽使各省一律肅清。恐不免有諱飾等弊。故予限一年六箇月。俾查拏不致遺漏。而改悔亦不甚難。及至限滿。仍復藐法。是自外生成。無可顧惜。置之重典。尚復何詞。此朕愛民之心。先德後威。中外所共覩也。惟官民人等。皆朕赤

子。既欲衛其生而除害。不能不視其死而垂憐。況法立如山。再三申諭。將來限滿後再犯者。必難倖邀寬典。朕甚憫焉。著各直省大吏。趁此警動之機。振刷精神。認真查辦。務將興販吸食各犯。悉數破案。照例懲創。此時限內多獲一人。即將來限外多貸一命。切勿因循懈怠。視為具文。儻該地方官等姑息養奸。鋤莠不盡。日後該犯等身罹重典。乞貸無從。是該大吏以民命為輕。朕亦斷不寬恕也。懍之。

將此通諭知之。○諭軍機大臣等前據金和奏巴爾楚克開墾屯田工程浩大開渠至八百餘里之長沿途防守無人恐滋流弊等情當有旨令恩特亨額查明具奏茲據該大臣奏稱丈量該處渠身僅三百二十八里有零其沿渠兩岸查有衝決缺口之處現已逐段培修水勢甚旺足資灌溉並於沿渠緊要處所派令屯丁搭蓋窩鋪分段看守遇有衝決報明趕緊堵築不致貽誤設遇水勢盛漲尚有渠旁草湖可以宣洩亦不致淹漫要路等語該處屯田全賴引水灌溉以資耕種現既查明並無流弊自應照舊妥為辦理著該大臣隨時察看情形悉心籌辦務期於屯務邊防實有裨益是為至要將此諭令知之。○癸丑以貴州清江協副將福克精額為山東曹州鎮總兵官。○補行道光十八年大計江西卓異官十員年老官四員有疾官二員才力不及官二員浮躁官一員湖北卓異官十員

不謹官三員年老官五員有疾官一員才力不及官一員湖南卓異官十員不謹官二員年老官四員有疾官二員才力不及官四員浮躁官一員分別議敘處分如例。○修建科布多幫辦大臣銜署從烏里雅蘇台將軍保昌等請也。○甲寅以御前行走頭等侍衛中山仍管火器營善撲營事。○乙卯禮部議准安徽巡撫色卜星額疏報採訪東流縣貞節婦女朱氏等九百七十六口請建總坊旌表從之。○丙辰諭內閣前據御史周頊奏山東省劣幕王溶以官兼幕逗留省會等情當降旨交經額布查辦茲據該撫奏稱查明該員王溶昔年該撫曾經隨帶赴濰縣辦事回省後仍令在署幫辦幕務旋因告病出署本年二月王溶病已就痊復在臬司署內幫辦秋審事件嚴密採訪尚無別項劣跡惟究係告病人員自不應逗留省會致招物議等語王溶與岑祥五及其徒王成徐雲伊戚江組余

汶著該撫一併逐令出境。王溶係該省候補人員。該撫令其辦理幕務。究屬不合。經額布著交部察議。○又諭御史陳光亨奏請嚴禁獄卒番役惡習一摺。獄卒凌虐人犯。例禁綦嚴。若如所奏。近來刑部收監之犯。有罪尚未定而不免破家者。有身或無辜而幾至斃命者。需索凌虐。悍然不顧。必應嚴行禁止。著刑部堂官責成提牢司獄各員。嚴行約束。總期有犯必懲。毋任藉端肆虐。仍著查監御史隨時細心查察。儻有前項情弊。即將管獄各員一併叅處。至番役之設。原以緝捕奸宄。乃近來番役之外。更有白役。往往消弭巨案。戕虐良民。又或拘拷小偷。逼認積匪。著步軍統領衙門嚴行查禁。毋稍回護。並著五城御史互為糾查。毋生瞻顧。又據奏外省呼籲不聞。荼毒滋甚。垂楚之外。更用非刑。園扉之外。另有私押。官未審理。見事生風。案已訊明。敲骨吸髓。種種情弊。亦所難免。著各直省督撫分飭

屬員認真查辦。如敢徇庇縱容。立即從嚴叅處。以懲蠹役而安閭閻。將此通諭知之。○又諭金應麟奏水師操演廢弛。請飭查究一摺。東南各省水師。最關緊要。必須操演精熟。方足以資備豫。若如所奏。近來浙省乍浦地方。督臣閱兵。竟以船隻不備為辭。寧波等處報有盜舟。該將弁遲久方出。江南鎮江府屬戰船。每歲祇演一次。遇風即止。演試既未能如法。戰船亦不堪駕駛。轉以需索規費。為害行旅。松江上海各處。每遇修船。武弁索取陋規。福建廈門亦然。以致文員領帑興修。憚於賠累。推諉稽延。將備狡猾。遇事生風。訛詐包庇。甚且剋扣兵餉。吸食鴉片等語。積習相沿。至於此極。恐尚不止。此數省。必應力加整頓。著各直省將軍督撫及該管大臣等。激發天良。破除積習。每歲操演。必期精勤純熟。毋得視為具文。其所指種種弊端。及將弁等吸食鴉片。尤當嚴密訪查。有犯必懲。毋得稍為回護。

務使法令森嚴。緩急可恃。庶足以靖海疆而
成勁旅。將此通諭知之。○以翰林院編修邵
燦為湖南鄉試正考官。桂文耀為副考官。編
修葉觀儀為四川鄉試正考官。楊培為副考
官。○以緝獲煙土。予雲南知州陳釗堂等優
敘。○賑雲南浪穹鄧川二州縣地震災民。並
免本年額賦。○緩徵山東齊東縣被旱被霜
歉區新舊額賦。○丁巳
孝恭仁皇后忌辰。遣官祭

景陵。○戊午。

上幸靜明園。詣

龍神廟拈香。○諭內閣前因御史步際桐奏
參江西署新昌縣知縣姚繼緒營私害理違
例病民等款。當交錢寶琛查訪。茲據該撫奏
稱。逐一覈訊。該員並無貪恠營私情事。惟於
民人徐伯命案。先後僉差至六名之多。究屬
不合。姚繼緒著交部議處。至該縣所設坊捕。
保領人證。協同差役承辦案件。實易滋生弊

端。著該撫即嚴行禁革。以清庶獄而靖閭閻。
○己未

上詣綺春園問

皇太后安。○御勤政殿聽政。○諭內閣前據御
史焦友麟奏。稅局差役舞弊詐贓。當降旨著
步軍統領衙門逐款查明具奏。茲據查明彭
大等販賣水煙。並無夾帶。惟宣課司批罰單
內係黃絲煙。名目不符。此二項每斤例稅若
干。如有販賣偷漏。例罰若干。其買煙之鋪戶。
應否議罰。是日值班書差人等。有無知情賣
放。著管理崇文門稅務監督詳細查明具奏。
不准稍有含混。尋奏崇文門商稅則例。並無
禁止水煙章程。凡油絲。香絲。黃絲。白絲。潮煙。
水煙。統名煙絲。每百斤稅銀四錢五分。漏稅
罰項。酌加四五倍至二十倍為止。所罰之銀。
半賞原拏之人。半歸正項在案。本年五月。拏
獲販煙漏稅之彭大等。及轉買漏稅煙之鋪
戶劉大等。均係知情漏稅。是以各按二十倍

批罰。是日值班書差實無知情賣放等事。報聞。○以詹事府詹事馮芝為內閣學士兼禮部侍郎銜。鴻臚寺卿德厚為詹事府詹事。○庚申。以粵海關監督豫堃為上駟院卿。仍留監督任。○辛酉。諭內閣錢寶琛奏。江西長寧縣城垣坍塌。經署知縣朱鼎捐廉首倡。勸諭捐修。並據紳士等。以城內地窄民稠。並無蓄水之處。請將城門量為添改。著准其於該城東北隅近河地方。添設一門。以便汲道。○以

詹事府詹事德厚充日講起居注官。○予雲南故貴州按察使李文耕。入祀鄉賢祠。從巡撫顏伯燾請也。○修浙江東西兩塘柴埽各工。從巡撫烏爾恭額請也。○壬戌。諭內閣。林則徐等奏。訪獲刊賣假捏照會外國公文人犯一摺。廣東查辦海口。防堵躉船。業經各國夷商遵繳煙土。茲據該大臣等訪聞。廣州市城坊市。忽有刊賣假捏照會啖咭喇國公文之事。拏獲鋪戶翁亞澄。據供係由外縣陳姓

士人輾轉傳鈔等語。案關探聽事件。詐傳言語。必應按例究辦。翁亞澄著交林則徐等審訊確情。其供出之陳姓。著嚴緝務獲。究明假捏刊賣實情。照例分別治罪。○又諭林則徐等奏。外洋駛到夷船。停泊累日。請將因循不振之鎮將。分別勒休降補一摺。南澳地方。為閩粵兩省關鍵。現在甫經清理。所有外洋來船。自應認真堵截。毋任停留。乃竟有雙桅夷船一隻。由西南外洋駛至長山尾寄碇。該署

參將謝國泰。既不能諭令呈繳煙土。又不立即驅逐。任其以風雨為詞。停泊數日。始行開報。且年力就衰。巡防疏懈。著即勒令休致。南澳鎮總兵沈鎮邦。於兩省交界洋面。一味因循含糊飾稟。難勝水師專閫之任。惟年力正強。著降為都司。仍留粵省水師酌量補用。並責令隨船出洋。以觀後效。○又諭鍾祥奏。行寓被竊印信一摺。閩浙總督衙門。公務緊要。所有應用關防。著禮部趕緊另鑄。奏明頒發。

其現在該衙門一切公事著准其暫用鹽政印信鍾祥身為總督印信乃其隨身攜帶之物而住屋又係外人難到之地何至毫無覺察被賊竊去鍾祥著先行交部嚴加議處仍著嚴飭所屬將偷竊印信賊犯迅獲嚴懲○諭軍機大臣等林則徐等奏請將偷渡夷船嚴行懲辦等語外國商船來粵貿易必在該國請領牌照頒給禁約方許駛入內洋乃近年啖咭喇港腳地方奸夷並未領照經商往往偷渡越竄並因中國員弁遇有違禁來洋船隻不過驅逐而止膽敢虛張聲勢以槍礮相恐嚇似此違禁藐法甚屬可惡該大臣等奏請遇有此等越竄船隻即令師船奮勇剿除及雇募善泅駕船載草備帶火器占住上風漏夜乘流縱放之處著林則徐鄧廷楨體察情形相機籌辦務使奸夷聞風懾服亦不至驟開邊釁方為妥善將此諭令知之○又諭本日據林則徐等奏南澳鎮總兵沈鎮邦

因循不振已明降諭旨將沈鎮邦降為都司留粵酌補矣南澳一帶為閩粵交界洋面現在堵截夷船控拏煙土攸關緊要自必經理得人方於地方有裨前據鄧廷楨保奏香山協副將惠昌耀堪勝水師總兵尚未送部引見著該督再行留心察看該副將是否能勝南澳鎮總兵之任迅即據實具奏毋稍遷就將此諭令知之尋奏察看惠昌耀堪勝南澳鎮總兵之任報聞○命翰林院編修朱鳳標在上書房行走○以內務府六庫郎中克明額署上駟院卿○癸亥諭軍機大臣等前因御史周春祺奏武弁養匪害民等情曾降旨交湯金釗等查辦旋據查明各款定擬覆奏復經降旨令兩江總督等飭屬實力訪查茲據鐵麟奏淮海一帶民風獷悍匪徒滋擾現飭漕標各營會同拏究至漕幫頭伍侵扣錢糧盜竊米石各省丁船俱所不免亦經通飭司漕員弁實心防範有犯必懲等語積蠹奸

丁營私亂法最為漕務之害。朱樹經朕擢任漕運總督。現屆接印任事。所有該御史前奏武弁養匪及伍長盜米病丁等弊。著該督到任後嚴飭所屬實力偵訪一體查拏。務期棍蠹咸知斂跡。以靖地方。而肅漕政。將此諭令知之。○又諭都察院奏建昌縣民人姜連顧以苛派挾嫌串押斃命等詞。赴該衙門具控。已明降諭旨。交恩銘親提嚴訊矣。據該民人控稱鄉約郎鐸等藉端勒索。派湯作雨等挾嫌唆令徐姓將姜宏中毆傷。復串役嚴押致斃。私行掩埋。如果屬實。自應嚴行懲究。且稱上年七月曾在都統衙門具控。靜候五月有餘。亦無音信等語。著恩銘提到應訊人證確切根究。按律懲辦。至該衙門是否接有呈詞。批候提究。何以遲至五月有餘。不為審訊之處。詳細查明。據實覆奏。毋稍諱飾。將此諭令知之。尋奏訊明湯作雨等尚無串押斃命情事。姜連顧合依蓄越赴京告重事不實發邊遠

充軍律減等問擬杖徒。即鐸聽許財物屬實。應照官吏聽許財物不枉法論杖徒律。係無祿人減等問擬杖枷。下部議從之。○又諭據廉敬奏請留俸滿同知一摺。已明降諭旨。准將該員寶鏐再留一任矣。據奏該同知在於所管境內都崗湖地方。勘有可墾地二千五百餘畝。開通渠道。挑挖子渠。業已辦有眉目。又在牙木什迤南地方。勘有可墾地八百餘畝。因附近無水。必須挖卡引水。以資澆灌等語。口外地方雨澤稀少。耕種地畝全賴渠水灌溉。此次勘墾荒地。開渠引水。並丈量立界。分別民回。必須實心經理。方可歷久無弊。該同知既能熟悉情形。著惠吉於到任後督率妥辦。總期成效可收。毋任有名無實。以副委任。將此諭令知之。○甲子。諭內閣前據經額布奏遵旨查明告病人員王溶。曾在該撫衙門辦理幕務。當降旨將經額布交部察議。茲據該部查照道光八年所降諭旨。請將經額

布。及暫令王溶幫辦秋審之山東按察使邵
甲名。一併照違制例議以革職。固屬咎所應
得。惟念此次經額布等容留王溶入幕辦事。
係業經告病人員。與候補實缺人員。幫辦幕
務。藉此希圖補缺升遷者。究有區別。經額布
邵甲名。均著加恩改為革職留任。山東告病
候補府經歷王溶。以官兼幕。逗留省會。著即
照部議革職。○引見各衙門保送御史人員。
得旨。陸應穀。陳熾。陶思培。張雲藻。黃銘先。陳
孚恩。董瀛山。陳岱霖。石景芬。吳廷珠。俱著記
名。以御史用。

大清宣宗效天符運立中體正文聖武智勇
仁慈儉勤孝敏成皇帝實錄卷之三百二十二

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二十三

監修總裁官禮部尚書陸宗輿太子太保體仁閣大學士文淵閣領事官禮部尚書陸宗輿

天府府尹事務處帶加五級紀錄十八次臣寶樹總辦官吏部尚書寶樹總辦官吏部尚書寶樹

七次大臣總辦官同四譯館事務加一級紀錄加六次臣寶樹總辦官吏部尚書寶樹總辦官吏部尚書寶樹

內務府大臣總辦官同四譯館事務加一級紀錄加六次臣寶樹總辦官吏部尚書寶樹總辦官吏部尚書寶樹

監院總辦官同四譯館事務加一級紀錄加六次臣寶樹總辦官吏部尚書寶樹總辦官吏部尚書寶樹

載修

道光十九年己亥六月乙丑朔以故奉恩將

軍煥奎孫濯麟襲職○命補鑄閩浙總督關

防中一行改書清字年月○戶部議准江蘇

巡撫陳璘疏報婁縣開墾草蕩地九十畝有

奇照例升科從之○丙寅

上詣綺春園問

皇太后安○諭內閣總督統轄兼圻責任重而

體制嚴所用關防尤為緊要鍾祥赴泉州府

屬閱伍講習武備眾所觀瞻宜何如外示嚴

明內存敬慎況關防係隨身攜帶之物並非

照料難周何至匪徒在其住屋偷竊如入無

人之境儻即時人賊並獲嚴行懲辦尚可從

寬乃日久無獲是該省吏治武備廢弛已可

概見鍾祥著即照部議革職○以河南巡撫

署湖廣總督周天爵為閩浙總督江蘇布政

使牛鑑為河南巡撫江蘇按察使裕謙為布

政使浙江鹽運使張晉熙為江蘇按察使○

丁卯諭內閣前據給事中汪報原奏叅衛河

來源微弱河臣未能先事豫防當降旨交東

毓英等熟計詳籌茲據東毓英奏稱所疏濬

者閘河以內之泉所儲蓄者東境各湖之水

至輝縣百門等泉已飭該府縣實力捐挑現

在閘河水勢浮送有餘自五月中旬長水漸

消撈剝並用不致稽延南糧等語軍船首進

已出東境二進軍船自應跟艚北上著該河

督督飭司漕各員竭力提催趁水趲行並著

籌計變通隨時收水豫備本年回空及來歲

新漕宣濟之用儻回空有誤歸次或明歲重

運經臨諸形淺阻朕惟栗毓美是問懷之○
戊辰

上幸萬壽山詣

廣潤祠拈香○諭內閣國家經費有常度支有節凡各省應納之賦及其餘稅課均於徵收後隨時入撥報解不容絲毫短少所以重帑項而權出入茲據戶部查明積年漸久延欠頗仍綜計欠解銀數除鹽務懸引未完及帑利等款准其分別展緩外其餘拖欠有二千九百四十餘萬兩之多若不亟加整頓何以備度支而裕國用著各直省督撫將軍府尹鹽政監督暨該管司道等認真稽考將未完各款逐一清楚應解者按限起解應撥者趕令入撥如查有州縣彌縫掩飾等弊迅即嚴叅示懲斷不准通融隱飾將就目前經此次查辦之後儻仍延宕不完一經發覺定將各該管大吏重懲不貸○己巳諭內閣昨據寶興奏籌議按糧津貼防邊經費一摺當降

旨令軍機大臣會同該部議奏茲據奏稱川省地丁額徵共銀六十餘萬兩現議加津貼銀幾至兩倍辦理軍需藉資民力不可率以為常等語著照所請即在各省本年秋撥應報項下撥銀一百萬兩解赴四川以三十餘萬兩為初設防兵經費之需其六十餘萬兩著酌量生息所獲息銀以四萬兩作為常年經費其餘三萬餘兩按年提解司庫歸還原款所撥銀兩未到以前現需經費著即在該省封貯及春撥留備項下先行支發俟撥銀到川即照數歸還原款經此次籌撥之後該督務當督率文武員弁認真操防保衛黎庶一俟邊境靜謐即將練勇裁撤並著嚴飭承辦各員撙節支銷毋稍浮冒儻恃有此項銀兩遷延歲月以致虛糜帑項迄無成效朕必將該督等嚴加懲處恐不能當此重咎也懷之○庚午大學士軍機大臣穆彭阿等議覆四川總督寶興籌議防邊章程五條一添兵

額以資防禦。查馬邊等廳縣原設兵額四千一百一十三名。實形單薄。應如該督所請。於該省營務稍簡之處。抽撥額兵二千名。分駐馬邊雷波越嵩我邊屏山各廳縣。並添募練勇一千六百名。妥為防堵。一。改營制以資控制。查馬邊廳原設遊擊守備各一員。越嵩雷波各廳均原設參將都司守備各一員。我邊廳原設參將一員。守備二員。勢難兼顧。應將綏定協副將改為馬邊協副將。綏定協中軍都司移駐三河口。作為馬邊協中軍都司。三河口守備移駐煙峯汛。作為右營守備。大昌營守備移駐該廳。作為存城守備。即以馬邊營遊擊改為綏定營遊擊。綏定營右營守備作為綏定營中軍守備。其大昌營地方安靜。改設千總一員。亦可無誤。越嵩廳之大菩薩等處。以建昌鎮左營遊擊守備移往巡防。以南坪營都司移駐我邊廳之麻柳壩。以松潘鎮右營都司移駐南坪營。以青雲營守備移

駐雷波廳之三稜岡。以小河營守備移駐屏山縣之茨竹坪。其青雲小河兩營改設千總把總分駐。足資彈壓。所有馬邊等四廳暨屏山縣移增各協營均定為三年邊俸題調要缺。一。築碉堡以嚴保衛。修築碉堡最為安民要務。各廳縣多修堡寨。務使附近散處民人遷居堡內。其村場市鎮因山傍水。周圍環砌牆垣。外挖深壕。堡內丁民責令團首督率敬演官給烏槍擡礮。定期校閱。分別賞罰。無事則耕作營貿。有警則閉柵登陴。足資守禦。一定巡查以壯聲威。每年春夏之交。請飭建昌道前往越嵩我邊等處。永寧道前往馬邊雷波屏山等處。均各巡查一次。秋冬之交。由建昌鎮提督分赴巡行。以重邊防。一。優獎勵以昭激勸。現在馬邊越嵩兩廳同知撫邊緊要應俟三年俸滿。以升銜留任。再滿三年。准以題調選三項知府升用。其我邊雷波兩廳通判三年邊俸期滿。准以應題應調之同知直

隸州知州升用。從之。○辛未。諭軍機大臣等。據御史駱秉章奏廣東省城西門一帶。皆滿洲漢軍駐防所居。輿販鴉片之徒。賃居旗人房屋。藉以藏身。該兵丁等得規包庇。地方官難以查覈等語。八旗聚處地方。理宜嚴肅。儻竟容留販煙匪徒。開館售賣。始則藉此分肥。久則沾染惡習。不可不防其漸。著德克金布等留心體訪。如有此項弊端。即將賃居者拏獲治罪。包庇者從嚴懲究。斷不准稍為容隱。致令狼狽為奸。且駐防兵丁。係將軍等專管。安得諉為不知。儻一味姑容。將來別經發覺。朕惟該將軍等是問。將此諭令知之。○大學士軍機大臣穆彰阿等議覆浙江巡撫烏爾恭額籌禁種植罌粟章程四條。一。浙江台州等處。罌粟下種刮漿。各有定時。應飭該管廳縣道府按時履勘。勘報不實。分別詳參。一。守口兵弁。將商漁船隻成箱煙土拏獲者。即照米穀出洋例。將船及貨一半賞給首獲之人。

餘貨分賞同查之人。一。海舶偷帶煙土。無論舟人行戶。有能首告者。將船貨統給舉發之人。如貨主並不在船。係由水手中偷帶者。將貨給還原主。仍將船隻賞給首告。以上三條。均應如所議辦理。至所稱罌粟出土時。不論何人。皆得指明地方。赴官首告。即以例應入官之地。賞給首告之人等語。查新例吸食鴉片煙之案。不准旁人訐告。以防滋擾。且栽種罌粟。接壤連畦。斷無容匿之術。該撫既議於每年下種時。飭該管廳縣道府分別履勘。何患鏟除不盡。若恃有舉發之例。則平日之履勘。轉將視為具文。且與新例不符。應毋庸議。從之。○以浙江定海鎮標右營遊擊鄭宗凱暫護溫州鎮總兵官。○壬申。諭內閣據御史阿克丹奏。請簡員點驗盛京軍器一摺。盛京兵丁素稱勁旅。器械尤須堅銳。嗣後每屆三年點驗軍器。著該將軍前期開列將軍五部侍郎及副都統銜名具奏。請旨簡派。○又諭

嗣後各部郎中及科道俸滿截取記名繁缺簡缺道府人員均著於引見後述旨之次日豫備召見。○癸酉旌表守正捐軀直隸廣平縣民胡來林妻趙氏。○戶部議准浙江巡撫烏爾恭額疏報仁和場開墾竈地三頃五十畝有奇照例升科從之。○甲戌

上詣綺春園問

皇太后安。○諭軍機大臣等據御史焦友麟奏稱風聞京西新城所轄白溝河地方向多開設糧店近因天時亢旱奸商希圖重利囤積極多以致貧民買食維艱請旨飭下直隸總督查拏究治等語奸商囤積居奇原干例禁惟派役查拏又恐擾累是否可行著琦善酌量辦理原摺著鈔給閱看將此諭令知之尋奏委員查明白溝河糧店六家共存糧十三萬餘石並無遏糶等情現仍諭令減價糶賣無許囤積居奇報聞。○又諭有人奏貴州候補知府孟懷川性耽淫侈宿倡濫賭曾以數

千金買妓黃氏孫氏宋氏為妾兼以吸食鴉片俾畫作夜合寓之中男僕女妾無不吸食等語知府有表率之責若如所奏種種亂法實屬有玷官箴著賀長齡即嚴密查察該員果否吸食鴉片有無別項劣跡據實具奏毋稍徇隱將此諭令知之。○以刑部左侍郎麟魁為浙江鄉試正考官翰林院侍讀何裕承為副考官詹事府少詹事季芝昌為江西鄉試正考官翰林院編修許乃釗為副考官編修陶慶增為湖北鄉試正考官李汝嶠為副考官。○禮部議准山東巡撫額布疏報採訪平原縣節婦尹王氏等十七口請建總坊旌表從之。○乙亥諭內閣御史許汝恪奏現充銀庫書吏史致善居住京外恐有滋事情弊請飭查究一摺著管理三庫大臣查明具奏。○諭軍機大臣等據周天爵奏拏獲鉛船滋事水手及囤販婦女匪犯一摺據稱黔省鉛船水手聚集多人分為兩幫執持器械沿

清 實 錄 道光十九年六月

途搶奪。擾害商民。被害客民。紛紛呈懇。並起出販賣女子多名。業經審出大概情節。發交署臬司于克襄。一味支延。最確之供。亦皆化為游移等語。水手聚眾擾害地方。已屬可惡。况販賣良家女子。淫虐強暴。尤堪髮指。周天爵現已簡授閩浙總督。即應前赴新任。此案人證卷宗。俱在楚省。著桂良督同臬司卞士雲細心研鞫。務得實情。按律懲辦。以儆兇頑。其被獲各犯。無許一名逃竄。應咨查四川省

迅速催提。桂良經朕特簡。畀以總督重任。卞士雲才具操守。朕所稔知。此案務當盡心推鞫。據實辦理。不得稍有將就。仍蹈因循惡習。自干咎戾。前署臬司于克襄。如果一味支延。令確供化為游移。此等不以實心辦事之員。去之猶恐不盡。何惜之有。即著嚴叅具奏。至貴州押運委員德亨失察之處。著定案時奏請議處。將此諭知桂良。並傳諭卞士雲知之。○又諭前據周天爵等奏。參前任鄖陽府知

府李嘉祥派買倉穀。任令書役詐贓一案。當降旨交該督等審訊。茲據周天爵奏稱。研訊該革員門丁。有包攬漁利。事後賄和情弊。惟李嘉祥因病不能到案。迨追取收倉帳簿。堅稱遺失。無存等語。地方官藉端苛派。朘削民膏。情殊可惡。不可不徹底根究。以除積弊。著桂良伍長華親提研鞫。務期水落石出。毋稍含混。朱林著即嚴拏。務獲歸案審辦。將此諭令知之。尋奏李嘉祥採買倉穀。藉端浮派勒折。科斂入己。依枉法贓律擬絞監候。下部議從之。○丙子諭內閣。前因御史善奎等奏。裕豐倉放零檔米石。並未報驗。徑由崇文門進城。恐有弊混。當降旨著倉場侍郎確查具奏。茲據奏稱。查明該監督等所放米石。並無弊混。報驗米數。亦無遺漏。其令米車由崇文門行走。係屬拘守舊章。不知豫籌通變。惟於派役領文報驗。未據銷差兩日之久。漠不介意。直至該御史移查。始行查究。辦理實屬粗疏。

裕豐倉監督德隆鄧克興均著交部議處。○諭軍機大臣等據經額布片奏覆查揭帖情形。覽奏均悉。山東毗連數省匪徒易於潛跡。亟應認真訪查懲辦。以淨根株。惟除莠所以安良。若稍事張皇。未免間閭騷擾。著經額布不動聲色。嚴密訪查。務將張貼揭帖之人拏獲到案。從實根究。並著密飭各鎮道不時派委將弁督率兵丁各於所轄地方梭織巡查。無許匪徒藏匿。總之禁暴詰奸。為地方除害。不得轉滋擾累。將此諭令知之。○展緩直隸武強東鹿武邑深曲周邯鄲磁七州縣上年歉收村莊舊欠額賦。○丁丑諭內閣鴻臚寺卿金應麟奏各省糧道於沿途文武近多備送禮物等語。糧道督趨漕艘是其專責。各省文武員弁於漕艘過境時協同催趨乃其分內之事。若如所奏近來各省糧道於沿途文武各員皆須送禮以官之大小為禮之輕重。一有所缺即多方掣肘。此種惡習亟宜嚴行

禁止。嗣後該糧道等如再有攜帶禮物沿途饋送及該文武員弁等濫行收受一經叅劾或別經發覺定當從重治罪。○又諭御史陳文翥奏各省積習請旨飭禁並妥議章程以端吏治一摺。州縣為親民之官佐貳有分理之責該上司等果能保全州縣綜覈佐貳吏治自日有起色。若如該御史所奏上司濫薦幕友提案到省專差委員需索州縣候補佐貳佐雜輪委拔委意為高下候補佐雜人員並無職事只知奔競夤緣種種弊竇實難保其必無著各直省督撫革除積習妥議章程具奏。○又諭前經降旨著朱樹於路過豫東一帶察看泉眼河道茲據奏稱查勘小丹河百門泉等處至臨清州汶衛二河均水勢充盈足資浮送以現在情形而論實無壅塞之弊惟糧運開行每在冬春之際亟應豫為籌辦等語。所有河南修武縣東關外石閘一座據查有攔截全河之弊新鄉縣民樂橋土埂

一道。恐日久漸成沙洲。挑挖不易。內黃清豐南樂大名元城館陶臨清等處。管理衛河。為豫省糧艘經由之地。該處河身寬廣。水勢散漫。秋冬水弱沙停。易致淤淺。著河東河道總督。河南山東各巡撫。分別覈辦。應查禁者嚴行查禁。應挑濬者實力挑濬。儻該地方各員奉行不力。致誤來歲重運。著該漕督等據實嚴叅。以重運務。而儆惰玩。○以浙江鄉試副考官何裕承。迴避祖籍。調湖北鄉試正考官

陶慶增。為浙江鄉試副考官。浙江鄉試副考官何裕承。為湖北鄉試正考官。○修築山東朱姬莊攔河壩。從河道總督栗毓美請也。○戊寅。諭內閣。前據陶澍奏。請將淮南懸引。融運淮北行銷。當因奏銷屆限。加恩允准。茲據戶部奏稱。現據該督將戊戌綱淮南奏銷題報到部。其未完分數。仍係一分九釐。所有督徵官前任兩江總督兼管鹽政陶澍。經徵官兩淮鹽運使沈拱辰。著一併先行交部議處。

仍令將未完銀六十餘萬兩。迅即督催埽數全完。統於己亥綱奏銷時。一律徵足造報。屆時如稍有帶欠。定當嚴懲不貸。○荊州將軍德楞額。覆奏查前任將軍德克金布原造擡礮五十六尊。不能攻險致遠。惟尚可作為擡槍。與烏槍一體操演。毋庸銷燬。現借甘肅擡礮一尊。照式監造。試放可期。得力。得旨。認真訓練。務期得力。不可日久生懈。○杭州織造瑞廷。奏查向例大運緞匹。由三處織造。輪年

督運進京。道光七年。奏令司庫代運。本年輪值杭州織造督運。循例先期奏聞。得旨。嗣後輪應督運之年。毋庸奏請。永著司庫代運。其江寧蘇州並著行知。○己卯。諭內閣。恩特亨額奏糧餉章京賄運布匹全完。懇恩賞還頂帶一摺。此案葉爾羌糧餉章京毓祥。經徵回布。運往伊犁。均屬竊惡。不堪應用。前經降旨摘去頂帶。勒限賠補。茲據恩特亨額查明。該章京毓祥。並無得賄縱容情弊。賠運布匹。業

於限內捐資採買全完。運往貯庫。惟該章京經收布匹。並不親身點驗。以致外委龐煥章及兵丁等得受使費錢文。朦混經收。本應重治其罪。姑念限內買補全完。尚無貽誤。著免其治罪。即撤令回京。其奏請賞還頂帶之處。著不准行。○又諭。已革御史裕安。因病買食鴉片煙。雖據訊明業已戒止。惟該革員曾任言官。不知自愛。僅予革職。不足示懲。著與已革候選道周定邦。已革筆帖式成順。均從重發往軍臺效力贖罪。○庚辰。

上詣綺春園問

皇太后安。○諭內閣。前據御史許汝恪奏。參銀庫書吏居住京外。恐有滋事情弊。當降旨交管理三庫大臣查奏。茲據奏稱。該吏墳塋族眷。著籍涿州。在京當差。現在正陽門外居住等語。書吏舞文作弊。是其慣技。平日滋事情弊。雖未據該御史實指。仍著穆彰阿等隨時督飭司員。認真查覈。儻有情弊。立即從嚴懲

辦。毋稍姑容。○廣西布政使李恩繹因病解任。以直隸按察使陸費瑤為廣西布政使。鴻臚寺卿金應麟為直隸按察使。○禮部議准江西巡撫錢寶琛疏。報採訪鉛山縣貞節婦女陳蘇氏等五百七十五口。河南巡撫桂良疏。報新野縣劉王氏等八十七口。各請建總坊旌表。從之。○壬午。諭內閣。林則徐等奏查辦鴉片。續獲人煙槍具。並銷化煙土完竣。各一摺。覽奏均悉。著仍通飭各屬文武員弁。務

將開審設館販賣吸食各匪犯。奮力查拏。不許稍有疏縱。所留樣土四種。若解京後發交各省觀看。殊覺煩瑣。且易滋弊竇。著即於該處覈實銷燬。無庸解京。又林則徐另片奏稱。愚又無知。誤會前旨。謂槍土仍聽存留。免其呈繳等語。朕因拏獲煙膏煙具。恐有假造朦混。意在邀功。或既繳之後。官不復查。希圖塞責。故本年三月降旨。飭各督撫等實力查拏。不准以呈繳入奏。原以地方官既已拏獲吸

煙人犯其煙具煙膏。自應一併收繳。何必紛紛入奏。意存見好。非謂吸煙人犯拏獲之後。煙具煙膏。即可毋庸收繳也。林則徐既有此奏。恐他省地方官誤會諭旨。並不認真查拏。殊非朕覈實辦理之意。著通諭各直省大吏。拏獲吸煙人犯。務將煙具煙膏銷燬淨盡。其有呈繳之後。仍復吸食。或地方官假造邀功。種種弊竇。均著詳查從實嚴辦。毋得任其朦蔽。至所稱寓收繳於編查。以期除惡務盡。全在該地方官等不避嫌怨。實力嚴查。不許支飾畏難。稍涉懈怠。行之既久。自有成效。至自首一節。所頒新例。業有明文。將此諭和林則徐等。並通諭各直省將軍督撫府尹等知之。○貴州巡撫賀長齡奏。拏獲栽種罌粟及自首人數清單。得旨。即此單所開而論。該地方官所司何事。真同木偶矣。若再因循不振。何所底止。厥後斷不准姑容。必要錮弊盡除。而後已。新章程已頒。實力奉行毋忽。朕惟知論

功過而定賞罰。懷之。○癸未諭內閣。滿洲蒙古文職二品以下。及五六品京堂各員。著自本月二十四日起。各按單開。輪日在圓明園官門伺候考試。俱不准託故不考。其上次曾經考試者。此次著毋庸與考。○又諭據奕經等奏。宛平縣昌平州交界地方。有妙峯山。建立廟宇。每年四月開廟。京中旗民男婦。前往燒香。沿途搭蓋茶棚。匪徒等異服異言。起立會名。稱為助善等語。民人等赴廟燒香。原所不禁。即沿途搭蓋棚座。鬻賣食物。亦事所常有。惟身穿異服。聚眾鳴鑼。以及創立名目。斂錢煽惑。殊干法紀。著步軍統領順天府劉切詳明出示曉諭。如再有奇裝異狀。設立名目者。定當嚴拏懲辦。以肅畿甸而儆愚頑。○以詹事府少詹事季芝昌為詹事。○以拏獲興販煙土並輪姦搶竊重案人犯。予湖南候補知州王景章等。即補升用有差。○補行道光十八年大計。四川卓異官十四員。不謹官二

員。年老官六員。有疾官二員。才力不及官四員。浮躁官一員。貴州卓異官六員。年老官三員。有疾官二員。分別議敘處分如例。○甲申。諭內閣。給事中景斌奏請嚴禁白役一摺。崇文門宣課司設立海巡。原以訪拏偷漏。為慎重稅課起見。乃近來所派海巡。並不親赴稽查。竟以跟役私人為耳目。以致招集市井無賴。訛詐客商。擾害行旅。種種不法。情殊可惡。且此輩白役。恃卯簿無名。儻或釀成事端。一

時難以查獲。難保無多年盤踞。隱不畏法之人。著崇文門監督稽查御史認真查訪。如有此等白役。指稱海巡家人。驗貨跟役肆行嚇詐。或在稅局署前窺探稅務招搖影射者。即行嚴拏究辦。毋稍寬縱。以靖奸宄而安行旅。○又諭。前派隆文馳赴甘肅。會同特依順。恆通審訊前鋒伊克唐阿控告該旗協領富忠等剋扣兵餉等款一案。並降旨將和世泰存華解任。解赴該處質訊。茲據隆文等奏稱。查

明已革佐領等歷年攤扣官兵銀錢。均因餽送和世泰存華生辰。及各項工程費用。共銀一萬四千四百兩零。有帳簿及傳片可憑。並另究出道光十三年後帳簿。和世泰等均有用帳在內。是該將軍副都統等剋扣兵餉。得受贓私。俱有確據。該協領阿璽達等既於事後捏飾。難保從前不隨同染指。所有解任將軍和世泰。副都統存華解任協領富忠。協領阿璽達。富勒炳阿。倭興阿。佐領廉明。春格均

著一併革職拏問。交隆文等秉公嚴訊。按律定擬具奏。不准稍有含混遷就。○以戶部郎中湯鵬為陝西鄉試正考官。京畿道御史李方為副考官。通政使司通政使黃爵滋為江南鄉試正考官。翰林院修撰鈕福保為副考官。○以拏獲鴉片煙犯予雲南知府胡長庚安徽知縣曾元炳等議敘有差。○旌表守正捐軀河南新蔡縣民李環妻王氏。○乙酉。諭內閣。宗人府奏三等輔國將軍載銘奉恩將

軍奕敷軍政報病三次未到。載銘奕敷均著勒令休致。所遺世職應作何承襲之處。該衙門照例覈辦。嗣後考驗軍政。宗室世職章京。如有三次告病不到者。著即照此辦理。○諭軍機大臣等。有人奏直隸薊永鹽運分司宓維欽。年近八旬。兩耳重聽。步履甚艱。高陽縣知縣周爾燁。身常患病。吏治廢弛等語。分司有鹽務之責。知縣有地方之任。如果該二員年力衰邁。吏治廢弛。自應隨時甄覈。以肅官方。著琦善即行確切查明。據實奏。毋得稍有瞻徇回護。將此諭令知之。○又諭有人奏山東已革莘縣知縣鄒淦。逗留該省。在省垣辦事。號為知賓。萊州府同知秀琨。吸食鴉片。該撫僅令萊州府知府蕭炳椿出具保結。候補鹽大使楊咸僖。吸食鴉片。該撫令運司結保。運司未曾出具保結。均未參覈等語。革員逗留省垣。干預公事。及職官吸食鴉片。均屬大千法紀。如果屬實。必當嚴行叅辦。以肅吏

治。著經額布即行確切查明。據實覆奏。毋稍瞻徇回護。將此諭令知之。尋巡撫托渾布奏鄒淦並不與聞公事。已催令回籍報聞。又奏訊明秀琨曾經吸煙。應勒令休致。楊咸僖實未吸煙。惟曾與吸煙之鹽大使陳鼎交好同居。不知自愛。請交部議處。下部議從之。○以兵部右侍郎德春。順天府府尹曾望顏。監臨順天鄉試。○丙戌。致仕尚書黃鉞九十壽辰。賞

御書扁額。聯對福壽字。並珍玩文綺。○丁亥。上詣綺春園問

皇太后安。○遣官祭

火神廟。○諭內閣。御史汪于泗奏。請查拏竊盜窩家等語。京師為輦轂重地。理宜肅清。豈容宵小潛蹤。肆行偷竊。若如所奏。本年正月以來。官寓居民被竊之案。層見疊出。僅據南城西城報獲兩起。此外大小竊案。賊均無所獲。似此捕務廢弛。殊屬不成事體。著步軍

統領衙門。順天府。五城。嚴飭所屬。查拏賊匪。根究窩家。嚴行懲辦。以除奸宄。而靖地方。○又諭。御史汪于泗奏。看押煙犯兵役。有得贓賣煙情弊。請飭嚴究等語。現在京城內外。拏獲吸煙人犯多起。原期肅清積弊。淨絕根株。若如所奏。煙犯到案。兵役等視為奇貨。暗中傳遞煙具。重價賣給煙膏。勒索多贓。任令吸食。如果屬實。是以查拏鴉片之人。觀法營私。殊堪痛恨。著步軍統領衙門。並五城御史。嚴飭所屬。密行查訪。如有前項情弊。即將看押兵役。嚴行究辦。毋稍姑容。並著刑部堂官。派委司員。隨時查察。如有煙犯在獄吸煙。即將禁卒人等。從重究治。並訊明煙膏來歷。一律嚴懲。總期積弊肅清。毋許瞻徇回護。用副朕除惡務盡至意。○又諭。前據景綸等奏。因案究出縱火要犯。當降旨解交刑部審訊。茲據審明孫三等。均無放火情事。因屢被熬審。情急供認。與前奏迥不相符。此案原審之郎中。

牧功等。隨同有麟審辦。並不虛衷研訊。確供。雖尚未成招定罪。實屬草率。景綸等率據熬審供詞入奏。並附片將該員等奏請鼓勵。亦屬冒昧。景綸有麟容照及原審之俸滿工部郎中候補宗人府理事官宗室牧功。原任禮部郎中。今調京兵部郎中。國隆阿。禮部員外郎華封。內務府郎中博啟。通額。遵化州知州袁正林。俱著交該衙門嚴加議處。至此案情罪有闕出。該部能將確情悉心研究。平反得實。該堂官著各加恩賞加一級。承審司員著各賞加二級。○諭軍機大臣等。有人奏。山西平遙縣。有大盜金鈴子。聚集夥黨。分頭劫掠。在該縣地方。掠一富戶。搶劫之後。輪姦幼女。復將此女雙足剝去。以致斃命。又交城縣地方居民一家母女二人。亦被盜眾輪姦。並將其母女致斃。聞此夥盜眾。亦係金鈴子一黨等語。著申啓賢即督同臬司瑞元。密速掩捕。務將盜匪金鈴子。並其夥黨一併拏獲。奏

聞請旨。毋得漏洩風聲。致令遠颺。是為至要。將此諭知申啓賢。並傳諭瑞元知之。○晉贈故太子少保前任兩江總督陶澍。太子太保。予祭葬。謚文毅。入祀賢良祠。賞其子枕主事。命沿途地方官照料靈輦回籍。○戊子。諭內閣。給事中況澄奏。請將假託姓名之揭帖。即行銷燬一摺。投遞匿名文書。告言人罪。拾獲者。即將原帖銷燬。不准具奏。定例綦嚴。所以戢奸宄而防誣陷也。近來人心叵測。詭計愈多。明知匿名者例不查辦。因而假託姓名。臚列款跡。希冀拾獲之人。不敢隱匿。從而查究。借得遂其污蔑陷害之私。此等鬼蜮伎倆。既欲陷人於罪中。並欲脫身於事外。覈其情節。較之匿名揭帖。尤為陰險。一經陳奏。無論查辦是否屬實。而為所指者。受累無窮。適中其詭秘之計。必須嚴申禁令。杜絕奸謀。嗣後內外大小各衙門。遇有此等揭帖。如能將投帖之人拏獲。方准奏明查辦。儻帖內雖有姓名。

而投遞者。業已潛匿。即照拾獲匿名揭帖之例。當堂銷燬。概不准率行具奏。仍將投帖之人訪拏到案。嚴行懲究。至士民編造歌謠。詆毀地方各官者。前經降旨。令各省大吏究明。編自何人。嚴拏究辦。嗣後凡有歌謠。關繫款者。著仍遵前旨。務將編造之人。密速訪拏。訊明平日有何讎怨。從嚴懲治。庶澆風可挽。而奸徒亦無所施其計矣。將此通諭知之。○又諭御史陳文翥奏。請飭禁州縣濫委佐雜。斷案一摺。州縣為親民之官。所有詞訟。自應親自審斷。若如所奏。外省巡檢典史等官。營求審案。州縣徇情濫委。巧避擅受之名。實與擅受無異。不可不嚴行禁止。著各直省督撫。通飭該管道府。嚴密稽查。如有州縣任聽佐雜營求。將自理案件。委令斷結。以致變亂是非。曲直者。或上司訪聞。或百姓告發。即將該州縣佐雜一併從嚴叅辦。毋稍姑容。將此通諭知之。○諭軍機大臣等。傳諭乾清宮內殿。

圓明園總管太監等知之。天無二日。土無二王。家無二主。尊無二上。嗣後無論官私大小事務。有應啓知。

皇后者。除本宮四阿哥四公主事務外。其餘俱著先行奏聞。

皇后遇有交派事件。亦著具奏。候旨施行。如不遵者。一經破露。定將該總管太監交內務府大臣從重治罪。決不寬貸。此旨著上書房軍機處內務府故事房各錄一通。敬謹遵循。

永為法守。○以鑲黃旗滿洲參領果升阿。為正黃旗蒙古副都統。鑲黃旗漢軍參領祁俊。為正黃旗漢軍副都統。○己丑。諭內閣。琦善奏。海船被劫。現飭設法追捕等語。直隸白馬岡西頭開邊洋面。海船被劫。據船戶張庭芝等供稱。盜船係鳥船形式。盜夥六七十人。聽係南方及山東口音。故槍持械。毆傷事主。劫去銀物等情。洋盜肆行劫掠。實屬不法。已極。著該署督即嚴飭所屬。迅速協力追捕。仍作

速勘明被劫處所。是否內洋外洋。照例辦理。並著沿海各省將軍督撫等。無分畛域。一體認真查緝。速獲究辦。勿任漏網。○庚寅。署湖廣總督周天爵覆奏。湖北襄陽縣知縣紀昌期。現經撤任提訊。並無婪贓情事。其焚燬盜賊房屋。重責匪徒。亦為整頓地方起見。雙溝巡檢宣維屏被劫一案。該縣當時揭報。尚無不合。即失察縣役詐贓勒贖。及濫責生員。其咎亦止革職。惟於巡檢朱烈。擅受釀命。並不據實通詳。輒因朱烈跪求。令屍子改換報呈。與朱烈厥罪維均。請革職發往軍臺效力贖罪。前襄陽縣知縣任秉鈞。於蠹役吳思雄倚勢逼斃徐奎昌一案。添供捏詳。非尋常徇縱可比。請發往新疆效力贖罪。下部議從之。○辛卯。諭內閣。御史馬麗文奏。請校閱民壯等語。各直省州縣額設民壯。有守護倉庫監獄之責。前經降旨。著各該督撫責成各州縣勤加訓練。造冊移送營員。每月隨營操演。分班

在署值宿。以資捍衛。惟奉行日久。該地方官恃無考覈之責。難保不因循玩泄。仍復視為具文。著各直省督撫。仍遵前旨。嚴飭各州縣認真訓練。移送各該營。勤加操演。務使技藝精熟。與營汛兵丁相為聯絡。該督撫等仍隨時查覈。毋任有名無實。將此通諭知之。○又諭鄧廷楨等奏粵洋創造防夷排鍊。並添建礮臺工竣一摺。廣東橫檔海面。創設木排鐵鍊。並添建礮臺礮位。據該督等奏稱。現已一律完竣。悉臻鞏固。惟立法必須永久。經始即應圖終。此項排鍊礮臺。若不勤加查驗。必至日久失修。全功盡棄。著責成關天培。隨時實力稽查。遇有朽壞。立即趕緊督修。並嚴飭各兵丁加意周防。不得以現處無事之時。稍任因循懈怠。並著鄧廷楨於閱兵之便。親加察看。或一二年間。就近往查一次。總期工歸永固。患弭未形。以靖海疆而嚴武備。至該督等請將在工文武各員量加鼓勵之處。著擇其

尤為出力者。酌保數員。候朕施恩。毋許冒濫。○又諭前因東河候補同知王養度吸食鴉片。降旨革職。交經額布嚴審。茲據該撫訊明。該革員從前患病。曾經吸食。嗣即戒除。委無始終吸食情事。職官吸食鴉片。實屬不知自愛。王養度業經革職。著永不敘用。以示懲儆。○諭軍機大臣等。據鄧廷楨等奏籌款創造排鍊礮臺兵房等項。併籌捐糧餉軍火各經費等語。朕詳加披閱。尚屬周妥。著照所議辦理。所有籌辦銀三萬五千兩。著鄧廷楨等酌量發商生息。總期久遠無弊。方為妥善。並准其先於司庫開款內借支撥發。自本年三月起。分限攤捐完解歸款。仍按年由司覈實扣收。毋得延宕。將此諭令知之。○又諭有人奏湖北荊州府屬各縣賊匪結為兄弟。竊劫勒索。盜案甚多。該匪中戴老九李老三尤為著名。地方官改盜為竊。將就完案。前任當陽縣王朝相查緝稍嚴。該匪等輒敢於半途截住。

聲言報讎等語。盜風日熾。為害地方。縱惡養奸。皆由不肖州縣規避處分。有心諱飾。以致該匪等愆不畏法。著周天爵確切查明。嚴拏懲辦。以靖地方。其王朝枏在途被盜一案。是否屬實。並著查明具奏。如各州縣中查有規避處分諱盜為竊者。該督即嚴叅懲辦。毋稍寬縱。將此諭令知之。尋奏當陽縣知縣王朝枏。並無被盜截劫情事。拏獲戴老九李老三等多名。供稱屢次糾夥行竊。姦拐婦女。並不

論年齒結拜弟兄。李老三擬絞監候。戴老九發極邊足四千里充軍。餘論罪如例。下部議從之。○調閩浙總督周天爵為湖廣總督。湖廣總督桂良為閩浙總督。○以翰林院侍講陸建瀛充日講起居注官。左春坊左贊善汪振基署日講起居注官。○戶部議准福建巡撫魏元烺疏報。侯官縣開墾地十六畝有奇。照例升科。從之。○壬辰。諭內閣。清文為滿洲根本。必應通曉熟習。方足以資辦公。朕考試

侍郎以下京堂各員。其中繙譯通順者。甚屬寥寥。因思各衙門文職司員內。平日專心練習。曉暢通達。必不乏人。著各該堂官傳諭各司員。如有情願考試者。即行報明吏部。彙齊奏明請旨。○禮部議准貴州巡撫賀長齡疏。報採訪平越州貞節婦女王戴氏等五十口。請建總坊旌表。從之。○癸巳。

上詣綺春園問

皇太后安。○諭內閣。昨降旨令各部院衙門司

員有願考清文者。准其考試。惟思給事中御史內熟習清文者。諒不乏人。如有情願與考者。著即報明吏部。歸入司員彙奏請旨。至應試人等。騰寫試卷。或以楷書清字。或以草書清字。著聽其自便。○又諭錢寶琛奏借項撥解還款。以紓丁力一摺。上年江西各幫漕船借領天津道庫剝價油艙等銀。應於各丁新運錢糧內扣解還款。茲據該撫奏稱各幫運丁領款內。應扣各年融借藩庫銀兩已多。若

同時並扣。深恐辦運無資。倍形困乏。自係實在情形。加恩著照所請。所有道光十八年借支天津道庫銀二萬四千四百三十餘兩。准其在於司庫先行借動解還。俟下年各幫應領新運錢糧內。按數覈扣歸款。以紓丁力。○旌表守正捐軀四川新繁縣民楊汶林妻陳氏。○除江蘇六合縣坍沒洲地七十四畝有奇額賦。

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十三

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十四

監修總纂臣劉世明等奉 上諭 宣宗成皇帝實錄卷之三百二十四
天府府尹李鴻章等奏 宣宗成皇帝實錄卷之三百二十四
七倉大臣糧倉同知等奏 宣宗成皇帝實錄卷之三百二十四
內務府大臣等奏 宣宗成皇帝實錄卷之三百二十四
醫院通辦等奏 宣宗成皇帝實錄卷之三百二十四
欽修

道光十九年己亥秋七月甲午朔享

太廟遣惠親王綿愉恭代行禮。○諭內閣前據御史扎克丹奏請修理貢院地溝當交順天府尹查明具奏。茲據奏稱本年六月考試繕譯教習場內外積水係由連宵大雨宣洩不及街水復行倒灌所致不及半日一律消退並非由地溝淤塞等語。貢院為考試掄才之地防範理宜嚴密其向無地溝之處固不准添設即舊有之溝著於修理貢院時飭屬照舊疏通足資宣洩而止毋許別滋弊竇以昭

慎重。○乙未諭內閣。前據刑部奏審明孫三等並無放火情事。與景綸等原奏不符。當降旨將原審草率之郎中牧功等及率行具奏之景綸等。交該衙門嚴加議處。本日據各衙門查例覆奏。朕詳加披閱。吏兵二部所議甚不允協。此案

景陵茶膳餽餽房。先後失火。事閱八年之久。如將縱火要犯訪獲究辦。一經審實。應即擬斬。景綸等即訪有形跡可疑之人。宜如何細心

實屬輕縱

二

研究。務得確據。乃輒挾其成見。有意邀功。率令承審司員任意熬審。刑逼誘供。該司員等復敢迎合上司。有心鍛鍊。若非刑部據實平反。豈不釀成冤獄。景綸有麟均著照宗人府所議革去公爵。容照聯名具奏。厥罪惟鈞。著一併斥革。所遺之爵。著該衙門照例辦理。工部郎中候補理事官宗室牧功。兵部郎中國隆阿。禮部員外郎華封。內務府郎中博啓道。額承審要案。迎合見好。幾致陷人重辟。非尋

常承審不實可比。部議降調。實屬輕縱。牧功國隆阿。華封。博啓通額。均著即行革職。遵化州知州袁正林。隨同覆訊。亦有應得之咎。惟先因案無憑據。礙難懸揣究追。備文申詳。與牧功等尚屬有間。著加恩改為革職留任。吏兵二部堂官。於特旨嚴議之案。並不將全案情節及誤入罪名。詳細覈議。率以尚未成招一語。巧為開脫。實屬糊塗不曉事體。著交各衙門照例議處。○又諭。前據御史焦友麟奏

實屬輕縱

三

山東高密縣有奸民創立邪教。當降旨交經額布嚴密查訪。茲據奏稱。委員密訪。實無創立邪教之人。如果屬實。原無庸刻意搜求滋擾。至所稱庸愚被誘。止於佞佛信巫。若於入教之初。導以寡廉鮮恥之事。雖愚夫愚婦。不肯入教。原奏聚處一室。互相配偶之處。揆之情理。斷其必無等語。從來邪教誘人。不出財色兩端。若知有廉恥。知有情理。即可不謂之邪教矣。該撫身任封圻。歷有年所。何至如此

迂謬不通。經額布著傳旨嚴行申飭。現在山東有無似此敎匪。朕原不能懸斷。如偵緝巡防。稍形疏懈。並任聽屬員諱飾。嗣後別經發覺。朕惟該撫是問。恐不能當此重咎也。懍之。

○又諭。滿多布等奏。審明拏獲偷盜馬匹等物之哈薩克賊匪。照例辦理一摺。哈薩克阿延喀爾。膽敢起意糾合木西坦諾霍圖等。私入卡倫開齊。偷盜駝馬牛羊等物。情殊可惡。經滿多布等審明。即將正賊阿延喀爾立時正法。將從賊木西坦諾霍圖。擬發煙瘴地方辦理妥協。所有瑪呢圖等卡滿洲驍騎校德興額。額魯特驍騎校茂扣肯。雖失察賊匪入卡。旋即帶兵追捕。即將正賊及所偷牲畜等物。一併起獲。功過尚足相抵。其在逃之賊匪薩拉木拜等。著嚴拏務獲。俟弋獲時再行照例辦理。餘依議。○又諭。經額布奏。請將降調知縣送部引見等語。山東署寧陽縣事試用知縣秦和雍。前因疏濬濬泉源不力。業經降旨

降二級調用。該撫復以該處泉工依限挑竣。請將該員送部引見。是又為降調人員。開一路徑。實屬違例。經額布著交部議處。秦和雍著仍遵前旨降調。不准抵銷。該撫所請送部引見之處。著不准行。該部知道。○丙申。諭內閣。恩銘奏。審擬丁有等控案。請將參將知縣議處一摺。八溝營參將豐生額。建昌縣知縣岳昌承。緝要犯日久未獲。實屬疏懈。著先行交部議處。○以工部右侍郎松峻署馬蘭鎮總兵官兼總管內務府大臣。○以宗人府理事官海樸署正白旗漢軍副都統。正白旗滿洲前鋒參領齊琅阿。署鑲紅旗漢軍副都統。工部郎中德全。署正藍旗漢軍副都統。○署河南按察使李星沅。奏報到任謝恩。得旨。勿失書生本色。一切公事。最忌虛浮。勉之慎之。○丁酉。諭軍機大臣等。前據金應麟奏。請將漕運事宜。量為變通。已有旨交兩江總督江蘇巡撫等妥議具奏。本日復寄諭陳鑒裕議

先行籌議。仍著林則徐俟查辦廣東事竣。接
受兩江督篆後。即將金應麟原奏內所請各
款。悉心體察。通盤籌畫。會商定議具奏。將此
諭令知之。○頒發江蘇宿遷縣

安瀾龍王廟

御書扁額曰福靖靈波。對聯曰普佑功昭黃運
靖。廣敷瑞應雨風調。○以工部左侍郎文蔚
兼署錢法堂事務。兵部右侍郎德春署鑲白
旗護軍統領。正黃旗蒙古副都統果升阿署

鑲藍旗護軍統領。調秦寧鎮總兵官琦琛。為
馬蘭鎮總兵官。兼總管內務府大臣。以都察
院左副都御史鄂爾端為秦寧鎮總兵官。兼
總管內務府大臣。內閣學士端華兼鑾儀衛
鑾儀使。○戊戌。諭軍機大臣等。有人奏原任
四川提督張必祿。自革職後。不知愧奮。委令
防堵。縱兵沿途需索。官民不堪其擾。邛州直
隸州知州洪開運候補同知祥善。均經通稟
督臣寶興嚴飭。仍復不知悔改。降補遊擊李

萬春。於撤任後。賁緣首府謝興嶢代為央求
幫辦本任。並容留熟夷楊文。在署居住。署屏
山縣知縣張錫慶。所練鄉勇。不過三四百人。
虛報二三千名。所報斬獲夷匪首級多係買
得等語。四川夷匪滋擾。全在該大吏督飭文
武員弁。激發天良。認真辦理。為民除害。若如
所奏。大員縱兵殃民。武員容留夷人內線。知
縣捏報冒功。種種弊端。如果屬實。何以祛邊
患而靖閭閻。著寶興。齊慎。按照摺內所指各

款。逐一訪查明確。據實具奏。毋得稍有瞻徇。
致干咎戾。原摺著鈔給閱看。將此諭令知之。
○直隸按察使金應麟奏。報到任謝恩。得旨。
實心實力。仍戒汝以勿染外官惡習為要。○
修浙江東西兩塘柴埽盤頭各工。從巡撫烏
爾恭額請也。○己亥。

上詣綺春園問

皇太后安。○諭內閣。鐵麟奏。參河員辦理不善
一摺。山東省微山湖存水。原為灌輸八閘。及

江境邳宿濟運之用。茲據鐵麟奏稱。該管河員並不從長籌畫。未將微山湖板塊照例添啓。以致重運尾幫頂阻。未能挽入東境。實屬辦理不善。署山東加河同知譚為紹著摘去頂帶。運河道敬文督率無方。著交部議處。○以翰林院侍講學士福濟為河南鄉試正考官。編修勞崇光為副考官。侍講慧成為山西鄉試正考官。編修孫銘恩為副考官。侍讀學士羅文俊為山東鄉試正考官。編修賈瑜為副考官。○庚子。諭軍機大臣等。有人奏直隸永平府昌黎縣地名浪窩。向有民人趙姓周姓開設棧房。收買海船糧米雜貨。六月十二日。有洋盜百十餘人。執持器械。劈門而入。連傷六七十人。劫去銀四千一百餘兩。棧房報營帶兵追至海口。盜眾放槍。將眾人嚇散。乘晚潮而去。近日盜船八九隻。仍來往天津一帶。遇船劫掠。肆無忌憚。並請於永平各海口添設水師等語。洋盜擾害居民。劫掠行旅。實屬

愍不畏法。著琦善派委明幹員弁。嚴密訪查。如果屬實。務將該匪犯等弋獲。嚴切根究。有無黨羽。追蹤掩捕。所有該匪等船隻。並著起獲拆毀。以清巢穴。至永平所屬各海口。向未設立水師。濱海地方無所捍衛。而天津水師又經裁撤。其應如何酌設巡防。是否應添設水師之處。著琦善悉心籌畫。妥議具奏。將此諭令知之。○辛丑。旌表守正被戕四川蒲江縣民鄧正俸妻彭氏。○壬寅。諭內閣。前據琦善奏。直隸白馬岡西頭開邊洋面海船被劫。當降旨令該署督勘明內洋外洋。照例辦理。茲據御史重豫奏。請整頓各省海疆等語。直隸海船被劫。據船戶張庭芝等。供稱盜船夥匪。係南方及山東口音。可見各省匪徒。尚未絕跡。其洋盜劫掠之案。亦當不止直隸一處。著廣東福建江蘇浙江山東奉天各將軍督撫。嚴飭所屬認真巡緝。務期海洋肅清。不得以現在安靜。稍存玩泄。將此通諭知之。○又

諭鐵麟奏。湖南重運幫船。到淮盤驗。例在江西各幫之前行走。近年逐漸耽延。不能緊跟。江西幫挽入瓜洲內河。以致渡黃較遲。其歸次零星斷續。隨處逗留。該省三幫每年出運弁丁等。輒以守候衛備錢糧。未能隨時徵給。為詞等語。著漕運總督兩江湖廣各總督。江西湖南各巡撫。悉心體察。即將該三幫實在耽延情節。確切查明。籌議章程。並設法提前。趕辦。仍循定例。趕跟湖北各幫。抵淮盤驗。剋期渡黃。以速漕行。而免遲誤。○實授海樸正白旗漢軍副都統。賞正白旗滿洲前鋒參領。署鑲紅旗漢軍副都統。齊琅阿。副都統銜。為吐魯番領隊大臣。○癸卯。

孝懿仁皇后忌辰。遣官祭。

景陵。○諭內閣。鴉片煙流毒日深。自降旨嚴禁以後。各省督撫。督飭所屬。設法查拏。其在事員弁。能否認真查辦者。一經奏入。立即降旨。分別勸懲。原期根株淨盡。力挽頹風。惟念各

該省地方之繁簡。民俗之淳澆。本非一致。其道都大邑。民居稠密。興販匪徒。最易涸跡。若僅查拏一二起。遂信為來源已絕。不復隨時察訪。有犯即懲。則是視為具文。苟且塞責。殊非除惡務盡之意。著該督撫等。即將此等劣員。嚴叅治罪。不得因業有報獲之案。稍事姑容。至鄉僻小邑。亦難保無奸販潛蹤。原應一體查拏。儻該處民風較淳。尚未沾染惡習。若竟與通衢要道。一律責以搜查。不特擾及閭閻。且恐各屬員迫於功令。或以零星小販。搪塞銷差。甚或以偽亂真。有心捏飾。是害未除。而弊先作。必致奸民漏網。累及無辜。亦不可不防其漸。嗣後各督撫。務當留心體察。儻係通都大邑。該縣並不認真查拏。未經報獲一犯。即將該員撤任。另委明幹之員接署。俟查拏有據。再將該員嚴行叅辦。非降調撤任所能蔽辜。若境內實無煙販。即飭令據實申詳。以憑稽覈。如將來查有諱飾。立即嚴叅。概不

得以報獲無案。率行參處。庶事事胥歸覈實。而積弊亦可肅清矣。將此通諭知之。○又諭梁章鉅奏。請將捏稟請假逗留本省之員革職究辦一摺。廣西試用通判斌禾。先因設措資斧。請假前赴江西。何以半年之久。尚在平樂潛住。任意逗留。且於委員密查之前。即行起程。顯係聞拏逃避。據該撫聞有銷賣鴉片煙情事。必須嚴行查辦。斌禾著先行革職。交該撫嚴飭各屬。密行訪拏務獲究辦。按律定擬具奏。該部知道。尋奏。委員跟查。該員已出梧關。現移咨廣東江西一體緝拏完辦。報聞。○以新授吐魯番領隊大臣齊琅阿。仍署鑲紅旗漢軍副都統。賞通政使司參議額勒金泰二等侍衛。為吐魯番領隊大臣。○以查拏鴉片煙不力。陝西知縣張佩芬等。議處降補有差。○甲辰。禮部議准。河南巡撫桂良疏報。採訪林縣節孝婦女王程氏等二十六口。請建總坊旌表。從之。○乙巳。諭內閣。南苑圍牆。

前據內務府奏。請今冬備料。明春興修。茲據載銓等查明。周圍牆垣。續有坍塌。該處章京馬甲等人數無多。冬令巡查。難期周歷。所有此項工程。著飭令認修各員。即於今秋趕緊一律修整。以昭嚴密。○丙午。上詣綺春園問皇太后安。○諭內閣。前據御史孫日萱奏。各倉監督關防。應行存貯公所等語。當交倉場侍郎議奏。茲據奏稱。查明向來各倉關防。有歸滿洲監督掌管者。有滿漢監督輪流經管者。未免兩歧。嗣後著存貯值宿公所。令滿漢監督於更替時。面將印鑰倉鑰。一併交與接班值宿之員經管。以歸畫一。至鈐用關防尋常文稿。即令值班監督鈐用。如遇緊要事件。仍令滿漢監督赴倉。公同商定。始准鈐用。以杜專擅。而免譏卸。○又諭。前因御史孫日萱奏。儲濟倉貯有陳豆。未經放竣。接收新豆。與定例不符。當經降旨。著倉場侍郎查明具奏。茲

據奏稱該倉已割未放上駟院圈豆五千餘石。現存儲字廩。妥為封貯。隨領隨放。所進新豆。均收別廩。毫無混亂。係照歷年派收章程辦理。惟該花戶等壓陳出新等弊。不可不嚴行防範。著查倉御史。遇該監督等報明開放之日。務即親往查驗。不准無故不到。儻該花戶等有乘機舞弊情事。立即從嚴懲辦。以重倉儲。○又諭德興等奏。奏總運各員。延不到通一摺。據該侍郎等查明。南糧二進軍船抵

通業已驗收完竣。該總運官等尚不知行抵何處。實屬玩視職守。所有總運官署蘇州府管糧通判孫宗渭。太倉監兌常州府督糧通判孫誥祖。署松江府管糧通判福祿堪。均著交部嚴加議處。○諭軍機大臣等。御史陳岱霖奏。兩湖被水地方。請妥為撫綏一摺。據稱湖北之天門。漢川。沔陽。監利等州縣。湖南之華容。安鄉。沅江等縣。地勢窪下。每遇水漲。民田廬舍。多被淹沒。老幼轉徙。道光十一二年

間。人民逃亡。匪徒混雜。往往易滋事端。本年入夏後。兩湖疊次被水。現在尚未全消。若不及早撫卹。勢必逃亡四出。或致流為盜賊等語。州縣為親民之官。所轄境內。如果隄工鞏固。不致潰決。或豫籌宣洩。俾免浸灌。居民自皆安堵。無虞播遷。即或水勢盛漲。豫辦不及。亦應即時查明。詳請撫卹。毋令民人流離輟轉。輕去其鄉。若如該御史所奏情節。是該地方偶遇水患。弱者幾填溝壑。強者流為奸匪。

州縣不能撫綏。大吏焉可坐視。著周天爵。伍長華。裕泰。即將兩湖被水之區。派委妥員。詳細查明被災輕重。設法妥為撫卹。勿使一夫失所。僅有匪徒乘間滋擾。或該民人等迫於饑寒。藉眾喧鬧。即著嚴飭各地方州縣。分別查辦。除著安良。並著周天爵等查明被水若干州縣。應如何酌量撫卹。據實具奏。將此各諭令知之。○以廣東廣州協副將韓肇慶。為湖南永州鎮總兵官。○丁未。諭內閣。車林多

爾濟奏將滋事之哈薩克賊首正法。餘匪驅逐出境一摺。前因哈薩克賊匪入卡滋擾。經車林多爾濟帶領官兵拏獲拒捕賊首扎勒罕拜。從賊卓勒波斯等。審明立即正法。所辦甚是。車林多爾濟著加恩賞給白玉巴圖魯翎管一箇。白玉撒指一箇。黃辦珊瑚豆大荷包一對。小荷包四箇。經此次驅逐辦理之後。果能令哈薩克等永不入卡倫滋事。朕於車林多爾濟仍有加恩之處。至哈薩克公阿濟等。呈請恩施等語。著端多布圖慶多爾濟納木凱等。查明此項庫克齊庫斯哈薩克等。原在何處遊牧。會同車林多爾濟嗣後應令該哈薩克等。於何處遊牧。何處過冬之處。詳悉叢議具奏。○又諭前因給事中李熙齡奏。請將京師外城臺基下瀉土處所。隨時修葺。當降旨著管理街道暨巡視五城各御史察看辦理。茲據該御史八十二等奏。會查各城臺基瀉土。並城甃殘缺泊岸坍塌情形。開單呈

覽。此項工程。著步軍統領衙門詳細覆勘具奏。候旨交部估辦。○又諭栗毓美奏。請添撥河工防險銀兩一摺。豫省河工例撥防險銀兩。現據該河督查明。自上年購辦碎石。及本年先後添辦稽麻積土等項。支用已完。請於藩庫添撥銀二十五萬兩備用。著照所請。准其照數撥給。俾資接濟。該河督務當加意撙節。認真勘覈。不准稍有虛糜。如霜降後存有余料。仍照數扣還歸款。並將先後撥用工銀總數。覈實奏報。嗣後該河督仍當確切勘估。不必拘定每年奏請原數。有可節省之處。即行節省。以重帑項。而杜浮冒。該部知道。○諭軍機大臣等。有人奏直隸大名府屬開州。與山東曹州府屬濮州毗連。聚匪藏奸。肆行搶劫。該二州捕役。與賊匪通氣分肥。毫無顧忌。濮州捕役。則有周中魁。徐占魁等。開州窩家。則有李二牛。許六。許七等。同惡相濟。請飭查辦等語。著琦善。楊慶琛。邵甲名。各於所轄地

方。按照摺內所指姓名住址。委員嚴密查訪。並將所參搶劫勒贖窩藏等案。悉數破獲。一研究。訊問有無黨羽。追蹤緝拏。盡法懲治。定擬具奏。毋得稍有不實不盡。原摺著鈔給閱看。將此諭知琦善。並傳諭楊慶琛。邵甲名知之。尋奏原摺所指韓大平頭等五名。已另案破獲。分別正法發配。又委員偵緝周中魁等。訊無通盜分肥各情。惟身充捕役。輒敢得受規禮。包庇賊匪。照律擬發極邊煙瘴充軍。

下部議從之。○戊申中元節。

上詣

安佑宮行禮。○遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵。

裕陵。

昌陵。○遣官祭

孝穆皇后

孝慎皇后陵寢。○遣官祭

瑞慧皇太子園寢。○己酉。諭內閣。琦善奏。請將被劫官項銀兩之解官。及疏防之地方。丈

武各員弁。分別革職。摘去頂帶。勒限緝拏。一摺。廣東候補鹽運司知事左增謨。管解飯銀等項。行抵直隸通州地方。並不照例知會防護。又於河干荒僻處所泊船住宿。致被盜劫。非尋常玩誤可比。著即革職。以示懲儆。前署通州知州候補知縣劉夢熊。專河州判程樞。務關路署馬頭汛把總胡廷英。疏防強劫官銀。著一併摘去頂帶。勒限緝拏。賊盜務獲究辦。○又諭。本年秋祭

社稷壇著遵照嘉慶二十一年之例在北門外降輿俟癸卯年再由

戰殿東牆至

拜殿後北階下鋪設梭薦處降輿禮成後仍於此處升輿交軍機處存記屆期令太常寺再行具奏○又諭前據御史高枚奏直隸薊永鹽運分司宓維欽年近八旬兩耳重聽步履甚艱高陽縣知縣周爾燧身常患病吏治廢弛當降旨著琦善查明奏奏茲據奏稱周

爾燧

字

爾燧吏治尚無廢弛亦無患病情形惟曾經因病吸食鴉片煙雖現已戒除究屬有干功令周爾燧著即革職宓維欽現年已七十八歲精力就衰著即勒令休致該部知道○庚戌禮部議准四川總督寶興疏報採訪各州縣貞節婦女洪李氏等七十八口請建總坊旌表從之○辛亥諭內閣鐵麟奏運河漫口請將玩誤各員弁懲處一摺山東運河石佛閘下東岸漫口該河員等未能一律趕堵以

致先後兩船被吸堰外阻誤在後幫船又該閘官於幫船先抵閘時不即隨時打放上閘均屬玩誤運河同知德克金佈濟寧州州判劉印戈俱著交部議處候補未入流包燦千總于昌齡俱著摘去頂帶以示懲儆運河道敬文有督率修防之責著一併交部議處○又諭都察院奏查明各省京控咨交案件逾限未結並上次展限已逾仍未審結各案開具清單呈覽各省州縣審斷不公致令來京具控經各衙門咨交之後各該管上司自應勒限嚴催將未結各案迅速審辦以免懸宕茲據都察院查明該衙門咨交各省逾限未結統計二十二案步軍統領衙門咨交各省逾限未結統計三案似此任意積壓玩泄已極著吏部即將承審逾限各督撫都統府尹及委審各員應得處分查取職名分別議處並著各督撫都統府尹將未結各案迅速審辦完結毋再任意懸宕致干咎戾○諭軍機

大臣等前因直隸昌黎縣有洋盜肆劫之案降旨將直隸所屬海口應否添設水師令琦善籌議具奏。茲據奏稱北方不諳風濤天津水師旋設旋裁現既有洋盜肆劫必當嚴行懲創不得不添復水師惟事屬復始一切均應察看咨訪等語著琦善於前赴天津時詳加查察務須計出萬全妥擬章程具奏至此外近海地方應如何酌設巡防之處亦著查勘明確悉心彙擬將此諭令知之○又諭御

軍機處知道

主

史德勒克呢瑪奏天津鴉片煙土查拏未淨本年步軍統領衙門順天府拏獲各案俱供由天津販運來京又天津縣盡役王治明綽號王老虎把持衙門與歷任門丁串通一氣上年查辦煙土時與同夥以假土抵換留真煙吸食販賣等語天津為直隸海口密邇京師上年經該督親往該處查拏煙土如果按除淨盡何以尚有匪徒潛運來京輾轉販賣可見該處查辦之處仍多隱匿囤積之煙著

琦善於前赴天津時派委妥實文武大員嚴密訪查務期來源淨絕無任再有窩藏至蠹役王治明包庇煙販以假亂真尤堪痛恨並著密速查拏按照新定章程從嚴懲辦毋稍寬縱原摺著鈔給閱看將此諭令知之尋奏王治明向充縣役乳名虎兒是以相沿稱為王老虎並無抵換煙土情事惟屢次恃強滋事應於兇惡棍徒軍罪上減等問擬杖一百徒三年下部議從之○又諭申啓賢奏查緝

軍機處知道

主

盜匪金鈴子即張金淋則並其夥黨一併緝獲並派委知府張集馨等前赴平遙交城一帶確切查訪等語著該撫即將盜匪金鈴子即張金淋則並其夥黨嚴密監禁聽候查辦將此諭令知之○以候補三品京堂溥治為都察院左副都御史○壬子諭內閣御史富隆額奏請考試現任筆帖式清文一摺前降旨令各衙門文職司員情願考試清文者報部彙奏並諭明六品以上方准與考至筆帖

式等官。例於三年考試。分別等第。且屆京察之年。各該堂官自可面試。知其優劣。若如該御史所奏。將各衙門筆帖式派員彙考。調繁鼓。勵其平庸者。仍得保留供職。不特窒礙難行。且為各該員開一倖進之門。必至轉啓奔競之漸。所奏著不准行。○又諭林則徐等奏。遵旨審擬撤任知府家丁得賄私放煙土一摺。此案撤任廣西梧州府知府劉錫方。於家丁張鎬即張漢三。婪贓縱煙。至六次之多。毫無覺察。本有應得之咎。現當查辦鴉片喫緊之時。關隘稽察。尤為緊要。豈容家丁賄縱。實非尋常疏忽可比。劉錫方著即行革職。以示懲儆。○又諭林則徐等奏。請將原派巡緝營員革職審辦一摺。廣東准升水師提標後營守備蔣大彪。順德協右營守備倫朝光。前經派赴海洋巡緝。拏獲販煙運銀各案。犯茲據該大臣等訪有侵匿賄縱情弊。必應嚴行審辦。蔣大彪。倫朝光。俱著即革職。交林則徐。鄧

廷楨提同案內各犯嚴審確情。按律定擬具奏。尋奏。訊明蔣大彪。倫朝光等。均私受番銀。覈計銀數。例止擬徒。惟當此嚴禁鴉片之際。尤須重懲。請從重發遣新疆。酌撥種地當差下部議。從之。○又諭。鄧廷楨奏。原派巡緝員弁。訊有通同舞弊端倪。該員等皆係前署督標中軍副將韓肇慶派委之員。難保無知情故縱。請徹底研究等語。現升湖南永州鎮總兵韓肇慶著暫行革職。扣留在粵。交鄧廷楨歸案質訊。如訊有知情故縱劣跡。即據實嚴叅辦理。尋奏。韓肇慶無知情故縱情事。惟失察蔣大彪等舞弊得贓。請開復交部議處。該員精力已衰。應即休致回旗。聽候部議。得旨。韓肇慶著即革職。毋庸再交部議。○諭軍機大臣等。據林則徐等奏。擬具檄諭。喚咭喇國王。底稿附摺呈覽。朕詳加披閱。所議得體周到。著林則徐等即行照錄。頒發該國王。俾知遵守。其餘各國。俱著先行諭知。在粵夷目夷

商。儻須移知各該國王。著奏明再行酌發。又另片奏。新定章程內。夷人帶煙入口圖賣一條。請將例內入口字樣。酌易為來內地等字等語。著照所議。即於新頒例內改易。以杜趨避。將此各諭令知之。○山東鄉試副考官賈瑜丁憂。以翰林院編修許前軫。為山東副考官。○以湖北督標副將英俊。為湖南永州鎮總兵官。廣東香山協副將惠昌耀。為南澳鎮總兵官。○癸丑。

上詣綺春園問

皇太后安。○諭內閣。武備院奏。禁城內外各朱車。及圓明園各堆撥安掛器械。請改為十年。換造一摺。著照所請。所有各該處安掛器械。准其倣照圓明園各宮門器械之例。每屆十年。由各該營查明奏請。欽派大臣前往查勘。分別應造應緩。具奏辦理。以昭覈實。○又諭。著英等奏。園禁宗室覺羅。屢行滋事。請分別懲處一摺。此案園禁宗室英壽國英覺羅

霍隆阿。桂榮等。因噴領催達三布開門較晚。商同將達三布揪毆凌辱。英壽與霍隆阿。復因口角。兩次爭鬪。均屬怙惡。不知畏法。英壽著重責四十板。加以錄鑕。永遠鎖禁。霍隆阿。著重責四十板。於原園例限之外。再加園禁一年。桂榮著加責四十板。國英。現已改發吉林。著交該將軍加責四十板。嚴加管束。以示懲戒。○又諭。著英奏。協領辦事出力。請送部引見等語。向來協領等官。有俸滿保升之例。

每屆軍政年分。亦准保薦卓異。本有升途。茲據奏。鑲黃旗滿洲協領阿爾邦凱。辦理邊務出力。右翼漢軍協領恆升。承審案件。認真研鞫。均係分內應為之事。該將軍遽請送部引見。是又為旗員開一路徑。所請著不准行。○甲寅。諭內閣。寶興奏。請留推升遊擊以資熟手一摺。四川龍安營都司李昶業。經推升江西建昌營遊擊。茲據該督奏稱。該員委署馬邊營遊擊。辦理夷務。甚屬出力。於夷情尤為

熟悉。請仍留川省以遊擊升補等語。李昶著准其留於四川。以馬邊營遊擊升補。此係為夷疆要缺需員。姑從所請。嗣後不得援以為例。該部知道。○又諭。訥爾經額奏番賊搶掠蒙古。盟長帶兵攻擊。並請將巡緝疏懈各員。摘去頂帶示懲等語。青海地方。突有番賊搶去蒙古牲畜。經該盟長扎薩克郡王車凌端多布帶兵追擊。槍斃番賊五名。奪回牲畜。並奪獲馬匹。番賊逃遁。車凌端多布遇事奮勇。實屬可嘉。著加恩賞用紫韁。仍交部從優議敘。至該處漢兵卡倫副將等官。職司巡緝。何至任賊番搶及卡倫。傷斃兵丁。事後又不能捕獲兇番。疏懈已極。不可不加以懲創。所有代理察漢城副將事都司穆精阿。候補都司李冲。孔元。均著實降一級調用。並摘去頂帶。其由西寧派往協緝之署貴德營遊擊都司馬進祿。著摘去頂帶。以觀後效。餘著照所議辦理。該部知道。○禮部議准。湖南巡撫裕泰

疏報。採訪衡陽縣貞節婦女劉胡氏等一千二十一口。江蘇巡撫牛鑑疏報。上元縣吳何氏等一百六十六口。江寧縣汪周氏等一百八十五口。各請建總坊旌表。從之。○乙卯。諭內閣。多爾濟納木凱奏。約期於和尼邁拉呼卡倫查明烏梁海土爾扈特哈薩克等處情形。商議定制。懇請添派車林多爾濟會議辦理一摺。車林多爾濟熟悉烏梁海哈薩克等處情形。著照所請。俟車林多爾濟將哈薩克等驅辦完竣。著留於和尼邁拉呼卡倫。會同多爾濟納木凱妥議查辦。○又諭。恩特亨額奏。請將喀什噶爾葉爾羌兩城每年額貢。改為間二年歸併呈進等語。喀什噶爾葉爾羌回子伯克年班業經降旨改為間二年朝覲。所有該二城每年應進額貢。亦著改為間二年呈進一次。其無伯克來京之年。所有應進額貢。著即停止。無庸於朝覲之年歸併呈進。因思本年四月間。曾經理藩院奏准。將哈密

扎薩克回子郡王伯錫爾吐魯番扎薩克回子郡王阿克拉依都每年例貢改為間二年遣使歸併呈進之處事同一例亦著間二年呈進一次其非朝覲之年所有應進額貢即著停止無庸歸併呈進以示體恤而歸畫一該衙門知道○又諭固慶等奏請續添駝隻等語科布多採買米麵向准動用官廠駝一百隻長途馱運每致疲累本年又添幫辦大臣一員駝隻更覺不敷著照所請准其添用

駝五十隻俾得按馱均勻以免疲累○賞工部郎中署正藍旗漢軍副都統德全副都統銜○丙辰諭內閣固慶等奏請酌留兵丁一摺科布多屯田緊要現值該兵丁等換防之期恐全行更換遽易生手有誤屯田著照所請准其於此次應換兵丁一百六十名內將上屆留駐兵六十名全行更換於一百名兵內仍擇六十名暫行酌留以資熟手俟下屆換防時將此次所留兵丁全行更換不得過

兩班以符定制毋得藉詞再留○丁巳諭軍機大臣等御史高枚奏京城糧食昂貴民食維艱近日河南商人運麥子十數萬石到天津可冀價漸平復聞有奸商運至白溝河囤積居奇請飭查禁等語白溝河等處糧店前經琦善委員查明並無囤積情事所存糧石均情願減價糶賣何以該御史又聞有奸商囤積著琦善再行派委妥員確查該御史所指奸商是否即係該處糧店抑別有奸蠹射

利之處查明嚴禁以裕民食將此諭令知之尋奏查明白溝河地方無續買河南糧石情事報聞○又諭御史高枚奏鹽梟充斥請飭認真緝拏一摺據稱鹽課為賦稅正供商力之疲由於鹽引滯銷私梟充斥近來緝捕廢弛弊不在商而在官江南海州濱海一帶私煎甚夥邇來黨愈多而勢愈熾捕役民壯眾寡不敵會營協捕恐釀事端因而隱忍諉為罔聞以致正供虧絀等語著陳鏊即查明海

州一帶。果否實有私梟。其煎熬則有酒地堆積。則有柴場。耳目昭彰。安能藏匿。如查有確據。即著設法。先將各梟匪解散其勢。然後擒拏為首巨匪。嚴切根究。按律懲辦。固不可任聽私梟充斥。置若罔聞。以致正供虧絀。尤不可輕舉妄動。使武弁等藉此貪功漁利。將正梟得贓賣放。反將無辜竈丁人等。拖累株連。地方因而騷擾。並著將現在查辦情形。據實具奏。原摺著鈔給閱看。將此諭令知之。尋奏。

查明海州一帶。並無私煎等弊。得旨。隨時嚴行查緝。○以緣事革退鎮國公有麟弟三等輔國將軍有鳳。輔國公景綸弟四品宗室景崇。各襲爵。○戊午。

仁宗睿皇帝忌辰。遣官祭昌陵。○

上詣安佑宮行禮。○己未。以鎮國公有鳳。輔國公景崇為散秩大臣。○以拏獲哈薩克克犯。賞額。

魯特台吉底納薩爾。四品頂帶花翎。阿哈拉克齊博羅等。藍翎及頂帶有差。○命陝甘總督瑚松額。撥銀五萬兩。解赴塔爾巴哈台。備道光二十一年經費。○庚申。

上詣綺春園問

皇太后安。○諭內閣。朕於本年八月十六日起。閱看圓明園八旗兵丁步射。著該管大臣等。由各旗護軍校副護軍校護軍內。各揀選五十人。每日著十五人豫備。仍照舊例。各射兩枝。所有上次曾經豫備步射之兵丁等。均著無庸再行豫備。俟朕閱看後。將射過之兵丁花名。造冊呈報軍機處。以備查覈。○又諭。前因鴉片煙流毒日甚。特命廷臣妥議章程。頒發各將軍督撫府尹等一體祇遵。嚴行查禁。因思新疆西南北各城。地處邊陲。幅員遼闊。多與外夷接壤。難保無夷人入卡貿易。夾帶煙土。輾轉售賣之事。自應一律嚴禁。以挽頹風。著各該衙門。即將新定科條。頒發各該處。

將軍都統參贊辦事領隊各大臣等嚴飭所屬地方員弁切實查拏務將興販吸食各犯按例懲辦無許容隱至新疆與內地情形不同新定章程如有格礙難行應酌量變通之處著各該將軍都統大臣等悉心體察妥議具奏○辛酉

上御勤政殿聽政○諭軍機大臣等鄂順安奏拏獲造言煽惑散布旗帖要犯審訊大概情形一摺辦理甚好據奏山東曲阜縣民孔瞎

字長子

語

子即孔慶先學習符咒在河南開封歸德陳州一帶算命行醫自稱神仙下降並為劉玉錡幼子推算八字及為王雷姐揣摸頭骨稱為極貴代為起名起意捏造謠言希圖惑亂並以平素有嫌之楊天衢候令從丁多佑列為起事之人書寫大漢劉旗帖分赴各屬散貼經該縣崔燾史秉真訪獲解省究辦等語匪徒書符治病藉端煽惑人心所供並未習教亦無教會名目殊難憑信被惑匪黨亦恐

不僅師明鐸等數人其山東一帶張貼揭帖亦難保非知情同謀著鄂順安嚴密訪查徹底根究如有勾結匪類謀為不軌情事著即嚴行究辦毋稍諱飾致滋貽患將此諭令知之○又諭本日據鄂順安奏拏獲造言煽惑要犯孔瞎子即孔慶先據供蘇州白雲觀有交好之郭全德孫江紅在彼可以躲避等語著陳鑒裕謙嚴密查訪如果實有其人即迅速拏獲委員解往河南歸案審辦毋許走漏

字長子

語

風聲致有漏網將此諭令知之尋奏查明蘇州城內外並無白雲觀名目惟城西天平山有白雲禪寺亦無郭全德孫江紅在內報聞○新授湖廣總督周天爵奏報任事謝恩得旨卿之果敢從公朕所素知兩湖一切政務次第認真整頓可也○以光祿寺少卿奕毓為內閣學士兼禮部侍郎銜光祿寺卿續齡為大理寺卿○以閩浙總督行寓被竊關防勒緝限滿無獲革疏防知縣沈功枚等職知

府尚開模等下部議處○給湖南華容縣及岳州衛被水軍民一月口糧○壬戌諭軍機大臣等鐵麟奏遵旨查看河道情形一摺據稱微山湖收水例應一丈四尺近年雨澤愆期收不足數湖邊灘地涸露該處民人不免有耕種雜糧等事湖心存水不敵湖邊灘地之寬恐此後借名開墾升科逐漸侵占於濟運事宜大有關係等語每年重運經臨全賴湖水收足屆時啟放方資浮送若湖邊灘地

私種雜糧逐漸侵占是運河要道變為田畝該民人始則倖冀水涸不致淹沒繼而私築隄埂以塞來源數年之後必將藉眾違例額懇耕種亟應嚴行示禁以利漕行著陳鑾麟慶棠毓美楊慶璠派委明幹道府大員不分畛域會同履勘查有私行耕種情弊立即禁止並著將該民人等妥為安置毋得張皇擾累經此次會定章程徧行曉諭之後儻再有私墾耕種以致侵占河道定當照例治罪決

不寬貸將此諭知陳鑾麟慶棠毓美並傳諭楊慶琛知之尋栗毓美奏微山湖界嶧滕銅沛之間為東南兩省濟運水樞最關緊要從前民地湖灘毗連錯雜一經涸露難免冒耕本年湖漲水漲湖灘民田多在水中應俟水退再行會勘從之○刑部右侍郎趙盛奎因病解任以禮部右侍郎王瑋慶兼署刑部右侍郎○准浙江金衢所台州前幫船遭風沈失米石分限買補○癸亥

上詣綺春園問

皇太后安○諭軍機大臣等著英等奏天橋廠海口水師營戰船巡哨海洋追獲烏船一隻挖出子母礮八箇均裝有鉛藥又有噴筒八箇並繚刀等軍器各件現在審訊又於豬島洋面追緝烏船擒獲匪犯二名槍斃賊犯數名該匪等膽敢放槍拒捕駛船逃逸現飭水師嚴緝等語該犯蔡幅等既供稱由廣東潮州府放洋何以拘驗船票數目不符且子母

礮噴筒等件。均係官製軍器。如係商船。不當
 有此違禁器械。究竟從何得來。必應徹底根
 究。其緒島洋面烏船。拒捕後逃竄無蹤。尤為
 可惡。業經該犯供稱在山東洋面搶劫二次。
 不可不嚴行審辦。所有盛京天橋廠海口。查
 獲船隻人犯蔡幅等十七名。緒島洋面所獲
 賊犯李紅洪罕二名。均著解交盛京刑部奉
 天府尹衙門會同該將軍等嚴行審訊。按律
 定擬具奏。仍嚴飭水師追緝逃匪船務獲
 餘著照所議辦理。將此諭令知之。○改鑄直
 隸寶坻縣主簿分管地方捕務兼理河道隄
 工條記。從大學士總督琦善請也。○禮部議
 准。河南巡撫朱樹疏報。採訪固始縣節婦吳
 竹氏等十口。安徽巡撫色卜星額疏報南陵
 縣曹張氏等一千三百五十二口。湖南巡撫
 裕泰疏報。清泉縣王陳氏等五百九十三口。
 各請建總坊旌表。從之。○修浙江鎮海縣石
 塘。從巡撫烏爾恭額請也。

大清宣宗效天符運立中體正至文聖武智勇
 仁慈儉勤孝敏成皇帝實錄卷之三百二十四

大清宣宗效天符運立中體正至文聖武智勇
仁慈儉勤孝敏成皇帝實錄卷之三
百二十五

監研總務官歷是日講起居注官太子太保體仁閣大學士文淵閣領閣事管理戶部事務上書房總纂翰林院掌院學士養雲

天府府尹事務隨著加五級紀錄十八次臣賈棟總稅官經筵講官吏部尚書鑲黃旗漢軍都統管理新營房城內官房大臣稽察內

七倉大臣稽察會同四庫館事務加一級隨帶加六級軍功加三級起錄五次臣花沙納魁通譯官文淵閣撰修開方兵部掌印

內務府大臣鑲白旗滿洲軍機處內七倉大臣管理宗人府銀庫左翼幼官學
宣壽堂國明園子鹿苑提督御茶膳房御藥房

醫院進解處事務需加十八級臣阿璽阿副總裁官經廷議官兵部尚書隨帶加六級紀錄二十次臣周祖培等奉

敕修

道光十九年己亥八月甲子朔諭內閣車林

寶錄卷三百二十五

5

多爾濟奏查明調兵遲延各員分別叅處一摺。烏梁海右翼散秩大臣達什濟克巴。經車林多爾濟調伊帶兵前赴軍營。迄今並未赴營。兵丁亦未到齊。怠慢已極。達什濟克巴著交部嚴加議處。副都統銜車伯克達什。本旗應派兵丁。迄今亦未全行到營。殊屬疏懈。車伯克達什著交部議處。散秩大臣達爾瑪阿扎拉。雖屬誤期。但伊先帶領本翼官兵一百七十餘名。趕至營中。尚屬奮勉。著毋庸議。總

管員津本額之兵。雖未到全。伊親帶本翼兵
丁九十餘名。先行趕到營中。奮勉當差。功過
尚足相抵。總管達賴本旗兵丁雖短十餘名。
尚能先事趕到。其應行議處之處。著寬免。
○又諭戶部奏。潮橋運務亟應整頓疏銷。以清
積欠。廣東省潮橋每年額銷鹽引。本不為多。
果能經理得宜。自不難年清年款。乃自道光
十三年以來。屢經該督奏請展緩。奏銷積欠。
始則選商專辦。繼復設局官為經理。行之未

青樓集三百二十五

٢

久。仍請改歸商辦舊章。徒事紛更。毫無實濟。茲又請定限二年。設法招商。其未招商以前。攤捐籌補。儻使二年後商運乏人。又將如何辦理。且據稱疲乏之埠。現已增至十一埠之多。若不亟加整頓。日久因循。必至全局渙散。於釐務大有關繫。著該督等體察情形。從長籌畫。務於疲懸各埠。察其致歉之原。力加振作。必使引目疏銷。商情踴躍。額課無虞短絀。積欠漸次清釐。毋得專顧目前。補苴敷衍。務

當籌及久遠。覈實辦理。以祛積弊。而肅綱網。
○以驅逐哈薩克。安速。賞烏里雅蘇台。參贊。
大臣。車林多爾濟親王。俸一年。阿勒台。烏梁。
海。散秩大臣。達爾瑪阿扎拉。頭品。頂戴。餘加。
銜。升敘有差。○豫撥東河道。光二十年。防險。
銀十萬兩。以六萬兩歸還。道庫。墊發。甄價。四。
萬兩。採辦。碎石。從河道總督。栗毓美。請也。○

乙丑

上詣

大高殿行禮

時應宮拈香。○還宮。○遣官祭

文昌帝君廟。○諭軍機大臣等。前因有人奏。
山西平遙縣。大盜金鈴子。聚夥分劫。輪姦斃。
命。降旨。令申啓賢。密速掩捕。旋據奏。到。拏獲。
盜犯金鈴子。即張金淋。則。及夥盜米厄牛。則。
趙更牛。則。崔老二。四名。復降旨。令將該犯等。
監禁。聽候查辦。此案盜犯金鈴子。即張金淋。
則等。疊次劫竊。田栽等家。已據供認不諱。惟

於原奏。在平遙縣。強劫富戶。輪姦幼女。剝足。
斃命。及交城縣。輪姦母女二人。斃命之案。堅。
稱並無其事。亦未據該二縣詳報。有案。顯有。
避重就輕情事。且恐該地方官。實有規避處。
分。冀圖消弭等弊。著隆文。於查辦陝西靈住。
控案完竣後。順道至山西省城。將該盜等有。
無輪姦斃命之案。明查暗訪。徹底根究。務得。
確情。按律定擬。具奏。地方官如有消弭規避。
等情。亦著據實嚴參。毋任化大為小。以致淫。

兇漏網。是為至要。原摺著鈔給閱看。將此諭。
令知之。○以祭

社稷壇。自是日始。齋戒三日。○丙寅。以署鑲紅。
旗漢軍副都統。齊琅阿。為鑲白旗漢軍副都。
統。前任西寧辦事大臣。蘇勒芳阿。署鑲紅旗。
漢軍副都統。○命陝甘總督。瑚松額。撥銀六。
千八百六十兩。解赴和闐。備道光二十一年。
經費。○丁卯。祭

先師孔子。遣協辦大學士。吏部尚書。湯金釗。

行禮○諭內閣御史曹履泰奏請消除州縣積弊一摺。州縣為親民之官，必應力除擾民諸弊，始可無冤民。無積案。若如該御史所奏，城市之有保歇差役，門丁往往藉以舞弊，有買票投保諸名目，不肖紳衿從中為之交結，訟棍代書從中為之包攬，以致鄉村愚民，每因訟破家蕩產。更有甚者，差役擾害地方，凡遇案情微細，任意拖延。地方官並不能催結，甚有事關人命，州縣未及踏勘，業經抄搶株

連種種擾害等語。此種惡習，深堪痛恨，不可不嚴行飭禁。著直省各督撫破除積習，力加整頓。遇有前項弊端，密拏暗訪，按律懲辦，毋稍瞻徇。以清案牘而靖閭閻。將此通諭知之。○又諭御史曹履泰奏請禁濫委佐雜酌裁發審幕賓一摺。國家設官分職，大小相維，近來佐雜各員分發到省，即黃緣督撫分府委用。或道府指名求派，平日薪水之資，攤派州縣。遇有提案，慮其簸弄，加意款接。如果實有

其事自應嚴禁。著各直省督撫通飭所屬道府一體消除積習。凡分府佐雜，毋許過多。遇有道府求派，概行駁飭。至幕友襄辦稿案，原屬例所不禁。若如所奏府屬首邑往往另延幕友專辦發審事件，將脩金分派州縣按季饋送，州縣廉俸有限，易啓培克侵蝕之漸。尤當嚴行禁止。著各督撫留心訪察。如有府屬首邑另延發審幕友及分派脩金等弊，即著永行禁革。以清吏治而肅官方。將此通諭知

之○修浙江東西海塘柴埽盤頭各工從巡

撫烏爾恭額請也○戊辰祭

大社

大稷

上親詣行禮○幸圓明園○詣綺春園問

皇太后安○以江蘇錢價日賤，暫停寶蘇局額

鑄，從巡撫裕謙請也○己巳遣官祭

關帝廟○諭內閣，宗人府奏銷除旗檔之紅帶子，紫帶子犯係尋常罪名，請毋庸革去帶

子一揭。又另片奏道光五年會議宗室事宜有釀成命案革去宗室之條與從前例意不符。請改為革去宗室頂帶等語。著宗人府會同刑部悉心妥議。明定章程具奏。至此次因案銷檔之紅帶子訥爾和著准其繫束紅帶照例辦理。○又諭前因寧夏前鋒依克唐阿控告該旗協領等克扣兵餉牽涉將軍和世泰副都統存華當派刑部尚書隆文馳往甘肅會同將軍特依順副都統恆通嚴行審訊究出和世泰存華有私行借給兵丁庫銀從中扣留情弊降旨將和世泰等革職拏問。隨據該尚書等訊明侵用銀錢贓據並起獲歷年實帳按律分別定擬復令大學士九卿會同議。茲據穆彰阿等奏稱應如該尚書等所議將和世泰存華照例擬斬監候等語此案已革將軍和世泰已革副都統存華俱係朕特加簡任宜如何潔已奉公督率僚屬乃於署內營造無論是否辦公之所一律諭令

協領等與修致協領等借錢墊辦那動庫項藉詞接濟兵力扣留歸款辦稿閱畫並片傳佐領於月放餉銀及馬料尾零變價內按名攤扣又違例接受生辰婚娶銀兩辜恩負職翫法營私莫此為甚和世泰以一品大員曾在內廷行走多年貪婪無恥喪盡天良存華以二品大員附和婪贓尤為可惡覈其情節厥罪惟均和世泰存華著照議依監守盜倉庫錢糧入已數在一千兩以上斬監候例擬斬監候交刑部宗人府勒限一年追贓如限內全完即著請旨將和世泰存華遣戍儻限滿不能全完即著入於明年秋審情實辦理已革協領兼佐領哈興阿富忠阿璽達富勒炳阿倭興阿佐領那朗阿廉明春格俱著發往新疆效力贖罪○以大學士潘世恩為順天鄉試正考官戶部尚書何凌漢吏部右侍郎恩桂工部右侍郎徐士芬為副考官○以協辦大學士吏部尚書湯金釗兼署戶部尚

書工部左侍郎文蔚兼署京營左翼總兵內閣學士端華兼署正黃旗護軍統領○命陝甘總督瑚松額撥銀八萬六千四百兩解赴烏嚕木齊備道光二十一年經費○庚午命烏里雅蘇台將軍保昌來京調成都將軍廉敬為烏里雅蘇台將軍以山東巡撫經額布為成都將軍直隸布政使托渾布為山東巡撫調廣西布政使陸費瑑為直隸布政使以雲南按察使王惟誠為廣西布政使直隸霸

昌道孫善寶為雲南按察使○辛未

上奉

皇太后幸同樂園進膳賜皇子及內廷王大臣

蒙古王公等食○壬申

太宗文皇帝忌辰遣官祭

昭陵○諭軍機大臣等據給事中況澄奏外省

州縣虧空過多請飭覈實叅辦一摺據稱各

州縣交代之際前任虧項每令後任接收該

管官遷就屬員雖有虧缺不行叅辦及至因

案降革或身故後無可彌縫始行叅奏查封

所抵不及百分之一河南永城縣知縣沈玉

壻到任一年有餘虧欠銀不下三萬兩加以

接收前任所虧不下六萬兩現在該員丁艱

回籍署任未肯出結柘城縣知縣景順虧那

一案雖經該撫特叅仍係飭令前後任代為

彌補商城縣知縣張敦緒虧空之案亦尚未

完結等語著牛鑑於到任後按照摺內所指

各案逐一詳查徹底究辦不得遷就消弭致

令庫款無著牛鑑經朕特簡且甫經到任無

所用其同護務當秉公研究以副委任原摺

著鈔給閱看將此諭令知之○緩徵陝西華

葭朝邑大荔華陰渭南臨潼潼關八廳州縣

被水被雹村莊額賦給葭朝邑大荔三州縣

災民一月口糧○癸酉

萬壽節遣官祭

太廟後殿○遣官祭

福陵

昭陵	昭西陵	孝陵	孝東陵	景陵	泰陵	泰東陵	裕陵	昌陵○遣官祭	孝穆皇后	孝慎皇后陵寢○遣官祭	顯佑宮	東嶽廟	城隍廟○	上詣	安佑宮行禮○詣綺春園	皇太后前行禮○御正大光明殿皇子及王以下文武大臣官員蒙古王公等行慶賀禮○
----	-----	----	-----	----	----	-----	----	--------	------	------------	-----	-----	------	----	------------	-------------------------------------

御同樂園賜皇子及內廷王大臣蒙古王公等食○甲戌	太祖高皇帝忌辰遣官祭	福陵○乙亥旌表守正捐軀陝西華陰縣民雷長安妻郝氏○丙子	上詣	安佑宮行禮○諭內閣梁章鉅奏查禁栽種罌粟章程一摺內地栽種罌粟煎熬煙土必應逐年實力稽查方足以除積弊據該撫議立	章程具奏著照所請嗣後每年冬初先由道府頒發嚴禁告示並令各府廳州縣做照保甲按戶編查給予門牌註明並無栽種罌粟煎熬販賣之人取具十家連環保結責成保鄰墟長隨時稽查如十家內有違例私種或租給客民栽種著准其首告給予獎賞儻知情不首即著將九家並地保墟長一併究治每年限二月八月查辦兩次由該廳州縣加具印結齎送府道該管府道或親身巡查或
------------------------	------------	----------------------------	----	--	---

委員抽查。加結申報。僅查辦不實。即著分別嚴揭特參。獲犯從重懲辦。並著該撫及藩臬兩司。遇有因公出省之便。隨時認真察查。總期實力奉行。除弊務盡。斷不可稍為鬆懈。仍致有名無實。○以山東歷城。章邱。齊河。齊東。濟陽。禹城。長清。平原。德縣。聊城。臨清。邱。夏津。濮。朝城。觀城。十六州縣。麥收歉薄。命改徵粟米。

○丁丑

上詣綺春園問

皇太后安。○撫卹湖北漢川。沔陽。天門。三州縣被水災民。○戊寅。諭內閣。前因御史焦友麟奏廣敷教化。請令教官稽查生員宣講。有旨令各直省督撫會同學政妥議。嗣據裕泰奏稱。選擇生員。專司宣講。尚多窒礙。請循照舊章。舉充約正。編造保甲等語。當經批令奉行。以實。茲據周天爵等奏。教職人員。半多迂腐。授以稽查之柄。恐與不肖諸生。互相朋比。假公濟私。顛倒是非。非惟滋擾。更恐牽掣。請仍

責成州縣。原奏應毋庸議等語。自來有治人。然後有治法。州縣各官。果能正己率下。百姓自必聽從。至稽查姦宄。法莫善於保甲。如果州縣官實力奉行。誠心相待。愚賤具有天良。豈有甘為匪僻之理。經正民興。邪慝不作。原無庸多立科條也。○己卯。撥江南上元。東流。蕪湖。定遠。和。東臺。六州縣漕米四千三百五十九石有奇。濟放江淮興武。鳳陽。幫丁行月等米。○庚辰。秋分夕。

月於西郊。遣成郡王載銳行禮。○

上奉

皇太后幸同樂園。進膳畢。幸湛靜齋視

皇后疾。侍送

皇太后還綺春園。○遣官祭黑龍潭

昭靈沛澤龍王之神。玉泉山

惠濟慈佑靈濩龍王之神。昆明湖

安佑普濟沛澤廣生龍王之神。密雲縣白龍

潭

昭靈廣濟普澤龍王之神。○遣官祭圓明園惠濟祠。

河神廟。○諭軍機大臣等。林則徐等奏督辦驅逐夷船。斷其接濟一摺。又另片。縷陳該夷詭詐各情形等語。覽奏均悉。該奸夷等遷延不去。希冀在澳門交易。兼欲偷賣新來鴉片。並於毆斃民人之案。不將兇手交出。當此法今森嚴之際。膽敢肆意抗拒。實屬可惡。該大臣等現在禁絕柴米食物。撤其買辦工人。自應權宜妥辦。不可稍示以弱。至該夷等既以淡水為養命之源。務當稽查漢奸。毋許私行接濟。其詭詐恫喝。固不值與之計較。而密為防範。調度弁兵。亦不可稍涉鬆懈。著林則徐等悉心商酌。趁此警動之機。力除弊竇。所有該國大小船隻。遊奕洋面。跡有可疑者。均著驅逐出境。俟該夷等悔罪畏服。領賞回國。並將兇犯交出。彼時該大臣等再行酌量辦理。威德兼施。或可一勞永逸。總之不可冒昧償

事。亦不得示弱。長驕。惟在林則徐等相度機宜。籌畫盡善。毋負諄諄訓諭至意。將此諭知林則徐。鄧廷楨。怡良。關天培。並傳諭豫堃知之。○貸河南駐防修理官房俸銀。○以江西湖南幫船起剝折耗。准緩交餘米。○辛巳遣官祭昭忠祠。○諭內閣。周天爵奏營馬疲瘦缺額。請將該管都司守備分別暫行革職。撤任一摺。各營馬匹。戎政攸關。全在餵養。臆壯方足以利操防。據查湖北省標各營馬匹。多以疲羸充數。又每營缺額十餘匹至二十餘匹不等。皆因積習相沿。該管官並不以時查驗。致有種種情弊。必當整頓。以儆廢弛。所有湖北兼署督標中營都司左營守備玉貴。右營中軍守備占格。撫標左營守備馬紹國。右營守備蔡世泰。武昌城守營守備高行之。著一併暫行革職。撤任。飭令將所缺馬匹。如數買補。並責令將存營馬匹。餵養臆壯。再令兵丁自行領餵。儻該將備等買補之馬。不堪乘

騎或餽養仍不臆壯即著革職嚴叅並將該副將參將遊擊各員嚴叅示懲以肅戎政○諭軍機大臣等寄諭湖廣總督周天爵湖北黃州府知府德山不忠無才究竟品行若何著該督密加訪察據實具奏毋稍遷就將此諭令知之尋奏查德山到任先問陋規所辦清結案件多恃首縣請送部引見從之○壬午諭軍機大臣等琦善奏查驗天津海口有洋船牌名金裕成出海人名榮裕利詢係廣東潮州府饒平縣人據稱船內裝載糖包水淺難行迨經雇給剝船而該船水手等又稱風路不順即行起碇東往似赴奉天蓋平等語該船既近海口忽又東駛情節可疑難保非帶有煙土恐被查拏遠颺他處著耆英等嚴飭錦縣復州海城蓋平各海口密速巡查如有前項船隻到境即行截住挖拏並著楊慶琛即飭所屬在利津即墨及廟島一帶一體查拏毋令奸商售其鬼域伎倆致滋流毒

將此各諭令知之○尋山東巡撫托渾布奏遵飭福山縣將該船戶拏獲查無夾帶煙土惟因中途添雇水手與原照不符畏查起碇委無別情報聞○順天府以宗室鄉試中額請得旨取中四名○癸未以湖南永順協副將尚安為雲南臨元鎮總兵官○免雲南銅廠民欠無著工本銀○甲申上詣綺春園問皇太后安○諭內閣耆英等奏海口查辦煙禁請簡派大員前往督辦一摺盛京錦州等處各海口現屆秋令正閏廣商船進口之際必應嚴行稽查慶林現經賞假調理著即派錦州副都統道慶就近前往各海口督率查辦其無業閩人並著分別情形飭回原籍○又諭麟慶奏請撥發工需一摺本年南河河湖並漲險工疊生該河督請添撥銀五十萬兩以濟急需著戶部迅速撥發備用此項銀兩因現值工程險要是以俯准例外添撥該河

督務當督率各道力加撙節一遇水落工平即著將用存餘銀覈實造冊報部國家經費有常嗣後不准援以為例如違例常年奏請亦斷不能允准也○諭軍機大臣等寶興等奏舉辦防邊事宜並齊慎奏請陞見各一摺四川馬邊等廳夷匪頻年不靖總由營務廢弛技疏膽怯以致該匪毫無畏懼益肆鴟張現在籌辦邊防自以練兵為要惟該處錮習已深非該管將弁照常訓練所能挽回著派

齊慎親往督操認真校閱並親赴各該處督率鎮道將一切應辦事宜妥為經理儻該夷匪出巢滋擾即飭派兵迎擊敢有畏縮不前即按律分別嚴行懲辦如震懾遁藏毋庸深入追捕仍嚴禁兵民侵凌以收撫綏之效蘇廷玉上次督辦不能妥善此次無庸派往著寶興於文武鄉試事竣後親赴該處會同齊慎相機妥辦該督等係朕特簡大員此次督辦務須悉臻妥協期於一勞永逸方為不負

委任齊慎毋庸來京俟明年冬間察看地方情形再行奏請陞見將此各諭令知之○命陝甘總督瑚松額撥銀七萬一百五十三兩解赴葉爾羌巴爾楚克九萬五千一百一十六兩解赴喀什噶爾英吉沙爾備道光二十一年經費○乙酉修浙江西塘柴工從巡撫烏爾恭額請也○丙戌

世宗憲皇帝忌辰遣官祭泰陵○

上詣

安佑宮行禮○諭內閣鄉會試為掄才大典片紙隻字向不准懷挾入場立法至嚴具有深意本日據刑部審結本科鄉試附生寄蘭等懷挾一案內附生錢杰頭場攜帶試策優貢生張瀛道頭場攜帶摘寫子書及離騷內各語句據供均係失檢誤帶等語該生等攜帶策本等件不得謂非懷挾本應照例一併懲辦姑念訊係臨時失於檢點且所帶尚非頭

場應用之物著從寬免其杖枷以示區別錢杰仍著革去附生張瀛違仍著革去優貢生永遠不准考試嗣後有似此案情俱著照此次辦理以端士品而杜流弊○又諭朱樹泰差役糾約水手毆官請飭嚴懲一摺此案黃鳳吳桂充當差役既將人犯疏脫理應向其查問乃於酒後逞兇自認賭博並因該千總罵其匪類膽敢跑出船外喊迷致眾水手進艙弄碎窗櫺現據驗明撞毀窗櫺七扇人數自必不少設非豫先糾約何以聞聲即至案關差役水手酗酒聚賭抗官糾毆實屬目無法紀該漕督現將全案人證移咨山東著楊慶琛嚴飭所屬勒限緝拏各犯務獲窮究餘黨從重懲辦按律定擬具奏尋山東巡撫托渾布奏訊明黃鳳吳桂充運官差役因千總陸景康坐船更夫上岸賭博責懲後交其管押更夫潛逃千總斥罵語涉水手郭燕林不服率眾上船理論旋即逃散無豫謀糾約及

賄縱等情請照棍徒例發極邊充軍黃鳳等亦無糾邀水手滋鬧情事應杖六十枷號兩箇月仍革役下部議從之○以貝子奕緒為散秩大臣○丁亥諭內閣戶部奏四川銅廠辦銅向無定額該省烏坡廠產銅素旺從前每年報獲一百八九十萬斤現在每年僅獲數萬斤恐係廠員恃無定額偷漏匿報捏稱商販以為免抽課耗多銷價值地步等語川省開採銅斤關繫鼓鑄雖地力衰旺不常多少不應懸絕若任聽承辦之員朦混滋弊則本省不敷鼓鑄勢必向他省採辦不惟帑項攸關兼恐事多窒礙著寶興督飭藩司劉韻珂嚴查該廠情形有無弊竇並著酌中定額責成軍遠府知府認真督辦儻辦理日有起色即據實奏請獎勵若仍前怠玩經理失宜並查有匿報偷漏情弊亦著分別嚴叅以示懲儆○又諭奕綱等奏請將圍牆口門仍復舊制一摺所奏是

東陵圍牆東面原設東口門一座。自應修復以符舊制。著照所請仍於原處開設。其原設東口門迤南吉祥口一座著一併改移原處並著欽天監敬謹選擇吉期具奏。○改陝西平利縣白土營左哨千總為平利縣城守營千總從總督瑚松額請也。○戊子遣官祭賢良祠。○諭內閣錢寶琛等奏議覆御史焦友麟廣敷教化一摺地方官有教養斯民之責果能除莠安良何患奸宄不戢民俗不醇毋庸多設科條轉滋煩擾嗣後朔望宣講之處著仍照舊章責成該州縣實力奉行儻於編查保甲時訪出習教匪徒立即嚴拏懲辦以靖地方所有該撫等奏請分任教官添設族正之處著毋庸議。○添設寧夏滿洲營擡礮四十位腰刀四百把從將軍特依順等請也。○旌表守正捐軀河南武陟縣民秦明女匱姐。○己丑諭內閣據順天府奏參玩視功令之知縣請旨議處一摺並將申解書手各州縣

開單呈覽請照例議處等語直隸盧龍縣知縣陳嘉謨起送謄錄書手並不慎選正身書吏充當迨經駁飭另派又復申送遲延已逾考驗入場之期實屬玩視功令著交部議處此外各州縣申解各書手現據查明有不善書寫及臨點不到私相頂替各情弊著吏部查取起送各州縣職名照例議處。○旌表守正捐軀河南汝陽縣民李賢銘妻蕭氏。○庚寅旌表守正捐軀江蘇豐縣民劉拴妻王氏。○戶部議准江西巡撫錢寶琛疏報鉛山縣開墾田四十畝有奇照例升科從之。○辛卯上詣綺春園問皇太后安。○諭軍機大臣等前因耆英等在盛京豬島洋面獲賊李紅罕二名訊據供稱夥犯許品等四十名在逃當降旨飭令桂良等按單嚴拏茲據耆英等奏研訊李紅罕出閩浙總督印信係逃犯許品許拱許料許美四人合夥竊去並供此言係得之許瑪轉述

惟此五人姓名住址已開載發去單內。而此次究出行竊及鍍化印情節。歷歷如繪。著桂良即督飭所屬嚴密查拏。不准鬆懈。逃犯既有四十名之多。此四十人家屬甚夥。何難跟蹤研究。按名弋獲。現在耆英已飛咨沿海各督撫。協同偵緝。但該匪犯等俱係福建同安縣人。由閩省覓線探根。自更易於破案。儻早晚獲犯。著一面奏聞。一面嚴究竊印實情。並此外有無黨羽分布海面。據實懲辦。無稍疏縱。將此諭令知之。尋閩浙總督鄧廷楨奏緝獲許品等多名。訊明在洋行劫拒捕屬實。並無竊印情事。除李紅在盛京監斃外。餘犯隔別嚴訊。供亦相符。應將為首之許品一犯按律問擬斬梟。餘犯擬發新疆下部議從之。○奉天府府尹慶林因病解任。以四川永寧道呈麟為奉天府府尹。○壬辰旌表守正捐軀山東臨清州民段祥妻周氏。

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十五

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二十六

監修鴻臚寺卿臣等謹將宣宗成皇帝實錄卷之三百二十六

天府府事務部加五級記敘十八次臣等謹將宣宗成皇帝實錄卷之三百二十六

七書大臣等奉旨開列宣宗成皇帝實錄卷之三百二十六

內務府大臣等奉旨開列宣宗成皇帝實錄卷之三百二十六

醫院通辦處事務部加八級記敘十八次臣等謹將宣宗成皇帝實錄卷之三百二十六

敬修

道光十九年己亥九月癸巳朔諭內閣魏元

實錄卷之三百二十六

丁

琅等奏請將疏縱要犯之代理知縣革職提
審一摺福建代理晉江縣知縣泉州府經歷
顧靖於營弁拏獲通夷犯婦吳勤娘交審要
案並不嚴向根究逸犯下落迅速掩捕率請
保釋朦混具詳實屬玩視要案顧靖著即革
職交該署督等提同現犯嚴審有無賄縱情
弊按律辦理仍著嚴緝逸犯施金等務獲究
辦並著訊明各犯由何處出口兵役人等是
否賄縱一併究擬該部知道○甲午諭內閣

伊里布等奏漢回互鬪致斃多命請將通判
參將革審一摺此案緬寧通判張景沂於客
民楊奎等控爭地基如果審斷公允何至眾
眾忿爭致斃多命且兩造在城外疊次互鬪
又未出城彈壓尤屬荒謬順寧營參將瑞麟
近在同城並不帶兵馳往解散乃至束手無
策視同膜外甚屬玩忽無能張景沂瑞麟著
一併革職交該督嚴行訊究是否張景沂斷
案不平激成事端抑尚有釀釁別故及瑞麟

實錄卷之三百二十六

二

因何不即帶兵解散之處據實奏奏毋稍寬
縱該部知道○又諭伊里布等奏議覆御史
焦友麟廣敷教化一摺據稱教官生員訪有
習教等事准其據實首報由地方官查辦等
語教官生員向不准干預地方公事若假以
事權轉滋煩擾該督等所奏著毋庸議所有
編查保甲朔望宣講之處仍責成該地方官
遵照舊章實力奉行以符定制○湖廣總督
周天爵等奏湖北外江內漢港汊錯處最為

盜賊淵藪。前任督臣李鴻賓等奏明派委文武員弁。長年巡緝。有名無實。嗣後請量為變通。不必按季按段。照例分巡。但派長於緝捕之員。及素曾訓練之兵丁。帶同常用之眼線。嚴密查訪。使人不測。一得盜蹤。隨在知會地方文武員弁。協力擒捕。盡法懲辦。仍以獲盜之多寡。嚴定員弁之功過。庶於緝捕大有裨益。從之。○命陝甘總督瑚松額撥銀二萬一千五百八十四兩。解赴阿克蘇。備道光二十一年經費。○乙未。諭軍機大臣等。本日據奕經奏。四川土司甲木參彭楚。遞到印票一件。內稱猺夷連年滋擾。官兵查辦。往返經過處所。支應兵差。川民受累等語。前據寶興等奏。舉辦防邊事宜。有旨令齊慎前往督辦。遇有夷匪出巢滋擾。飭令弁兵迎擊。並著寶興於鄉試事竣後。親赴該處會商妥辦。計此時齊慎業已起身矣。川省夷匪頻年不靖。兵集則逃。兵撤則出。相尋不已。糜餉老師。經過地方。

不無滋擾。該督等此次親往督辦。總須計出萬全。申明紀律。嚴定勸懲。俾近邊居民經過處所。均各安堵無擾。方為妥善。斷不可徒顧目前。將就了事。儻經此次查辦之後。仍不能一勞永逸。日久又滋事端。朕惟該督是問。至甲木參彭楚。係夷地土司。自用封筒鈐蓋印信。何以能由沿途地方遞送到京。著寶興查明。首先接遞處所。據實奏。原票著發給閱看。將此諭令知之。尋奏。訛明該土司實無申發遞京印票情事。委係新都縣馬夫鄧貴因遞送公文。至德陽縣中途。誤接不識姓名人假雕冒票之件。除嚴飭各屬緝拏私刻假印。要犯務獲外。鄧貴請照不應重律杖八十折責革役下部議。從之。○以工部左侍郎文蔚為京營右翼總兵。並署戶部右侍郎。兼管錢法堂事務。○以湖北按察使卞士雲為湖南布政使。直隸永定河道文冲。為湖北按察使。○命陝甘總督瑚松額撥銀一萬四千三百

兩有奇。解赴喀喇沙爾。備道光二十一年經費。○丙申。遣官祭

都城隍之神。○諭內閣。漕糧為天庾正供。節經降旨。令有漕各省督撫。飭屬早兌早開。剋期渡黃。無稍遲滯。乃近年重運漕船。總不能如期抵壩。以致歸次受兌。節節耽延。總緣各該督撫不肯破除情面。一味見好屬員。每年重運過竣。必為催漕員弁乞恩。而於催趲不力各員。並不嚴行叅辦。以致各該員等毫無

清實錄

卷一百一十五

畏憚。任意遲延。尚復成何事體。現在節逾寒露。水勢漸消。所有各省回空幫船。著該漕督及沿途各督撫。嚴行催趲。銜尾前行。不准片刻停泊。並著有漕各省督撫。嚴飭各該糧道。辦理新漕。早兌早開。統限於四月初十日以前。全數趲至清江。剋期抵壩。以便渡黃北上。無許藉詞支飾。經此次諄諭之後。儻敢仍前玩泄。不特保奏催漕員弁。斷不能邀恩允准。定將該漕督及各該督撫。嚴行懲處。決不寬

宥。將此通諭知之。○又諭。給事中張秉德奏京畿竊盜案件。層見疊出。請飭該管衙門嚴行緝捕一摺。據稱本年八月間。有崇文門外劉姓被竊。拒傷事主。正陽門外于姓被賊持刀嚇劫多賊。宣武門外興盛字號當鋪被賊進院。當經喊捕而散。迄今各案犯均未擊獲。京師為輦轂重地。豈容宵小潛蹤。肆行擾害。若如該給事中所奏。一月之內。已有數案。若非地方文武各員捕務廢弛。何至竊匪毫無

清實錄

卷一百一十五

忌憚。擾害良民。著步軍統領五城。即將各案竊匪嚴拏務獲。按律懲辦。並著各飭所屬。不分畛域。晝夜巡察。以除奸宄。而靖閭閻。○丁酉。諭內閣。臨榆縣民捐職行聖公府齋奏廳姚思瑞。呈控山海關右翼協領德凌阿為監督宗室奕毓。開說那借銀兩。彌補虧空等款。質之德凌阿。供詞迥異。難保無掩飾情事。德凌阿著即解任。與原告姚思瑞一併解交刑部。研訊確情。定擬具奏。○諭軍機大臣等。林

則徐等奏。喫夷船隻。被礮轟擊。現在籌辦情形。一摺。覽奏均悉。該夷說詐異常。膽敢以乞食為名。先放火礮。經參將賴恩爵施放火礮。擊翻夷船。轟斃夷匪多名。復經守備黃琮拋擲火藥。焚燬夷船。我兵先後奮勇。大挫其鋒。該夷等自必畏懼投誠。籲求免死。惟當此得勢之後。斷不可稍形畏葸。示以柔弱。雖據該夷領事義律。說西洋夷目懇求轉圜。但該夷等詭詐性成。外示恐懼。內存叵測。不可不防。

著林則徐等相度機宜。悉心籌畫。如果該夷等畏罪輸誠。不妨先威後德。儻仍形桀驁。或佯為畏懼。暗布戈矛。是該夷自外生成。有心尋釁。既已大張捷伐。何難再示兵威。林則徐等經朕諄諭。諒必計出萬全。一勞永逸。斷不敢輕率償事。亦不致畏葸無能也。將此各諭令知之。○又諭。據林則徐等奏。巡閱澳門。抽查華夷戶口情形。一摺。澳門為夷商聚集之所。夷樓屯貯煙土。久成弊藪。乘此查辦之時。

必當於該處先清其源。方為盡善。該大臣等既委該地方官查明華夷戶口。復由香山統領將備。整隊出關。宣布恩威。申明禁令。並查西洋夷樓。現無存貯煙土。辦理甚屬妥協。惟該處華夷叢雜。保甲之法。難以施之夷人。且由同知縣丞。每歲編查。恐有名無實。易滋流弊。至督撫兩司。分年輪往抽查之處。亦涉煩瑣。其應如何立定章程。以清弊竇。而垂久遠。著該大臣等另行妥議具奏。將此諭令知之。

○以故扎哈沁公車德布達什子敏珠爾多爾濟襲爵。○以轟擊喫夷船隻。賞廣東參將賴恩爵花翎。巴圖魯名號。以副將用。守備黃琮。以都司用。○戊戌。

上詣綺春園問

皇太后安。○宗人府會同刑部覆奏。嗣後宗室除釀成命案。仍遵例問擬斬絞。或情罪重大。奉特旨革去宗室外。其因尋常案件。酌擬革去宗室之條。覈與康熙八年例文不符。應由

宗人府於續修則例時照前更正。又嗣後紅帶子紫帶子除犯習教等重情。另行奏明辦理外。其犯尋常杖枷徒流軍及絞斬等罪。俱無庸照旗人銷除旗檔之例辦理。查旗人銷檔後。例應編入民籍。以後有犯。照民人科罪。若將紅帶子紫帶子亦照此辦理。似與體制不協。應將紅帶子紫帶子免其銷檔。令其仍繫本身帶子。其罪名輕重。仍由刑部照旗人科斷。但此後不准仍食養贍錢糧。以及該旗

一切優卹旗人之處。俱終其身不准照旗人給典。以示區別。從之。○命福州將軍嵩溥來京。以前任烏里雅蘇台將軍保昌為福州將軍。○己亥。諭軍機大臣等。御史許汝恪奏。衛弁門丁結匪蠹漕。請飭查辦一摺。據稱江南滁州漕船一幫。歷年匪徒沿河滋擾。免犯石禿仔等漏網未獲。仍復行劫。運弁劉焯聽信該弁門丁程春袒護不辦。上年通幫具控。蘇屬總運批衛查辦。衛守備錢應祥等任聽門

丁通賄關說。又有老公教首王起林從中賄結引匪。疊次糾眾行強等語。漕船水手兇橫不法。近年頗加整頓。乃匪徒漏網。猶敢潛匿勾結行強。沿途擾害。並有習教名目。實屬可恨。該衛弁等職司稽查。理應隨時懲辦。乃以查弊之人。轉有舞弊之事。如果屬實。尤應嚴加懲創。著朱樹沿途查訪。即將各匪犯按名弋獲。毋任潛逃。教首王起林既有傳徒等事。務將首犯拏獲。嚴切根究。有無黨羽。認真覈

辦。俾免蔓延。至該守備千總等。如訊有聽任門丁賄結等情。著即奏明將該員等革職。按律懲辦。以肅漕政。而儆官邪。原摺著鈔給閱看。將此諭令知之。尋奏免犯石禿仔。已另案解直隸審辦。其餘滋事水手。陸續拏獲。訊稱拜師屬實。並無習教情事。惟歷次在幫滋擾。應分別問擬流徒。運弁劉焯守備錢應祥。訊無任聽門丁賄結等弊。亦查無通幫具控案卷。惟於幫船沿途被匪訛詐。毫無覺察。請交

部議處。下部議從之。○以江南太湖營水師副將孫廷揚為浙江溫州鎮總兵官。○戶部議准陝甘總督瑚松額疏報甘肅靖遠縣開墾田四頃七十畝有奇。照例升科。從之。○庚子。諭軍機大臣等。光祿寺少卿慕維德奏海賊肆擾。請飭嚴拏一摺。據稱山東登州海面賊船滋擾。七月十九日。黑山島有赴龍磯島嫁女者。中途遇賊。施放鳥槍。立斃居民二命。又有大杉船在大竹山島被賊搶劫。將舵工絞死。餘人牢禁艙內十餘日。經榮成縣拏獲賊匪十八人解府。竟以商船開釋。該船內有鳥槍火礮刀斧藤牌各器械等語。賊匪肆行劫掠。擾害居民。已屬可恨。况船內夾帶違禁器械。難保不恃眾別滋事端。登州水師營舊有官船四隻。按季巡哨。若實力查拏。何至該匪等肆行無忌。既據榮成縣拏獲解府。刀牌等器俱驗有血痕。何以釋放。是否係地方官諱匿不辦。抑係該弁役等通同一氣。得賄包

庇。朦混開脫。著托渾布於到任後。嚴密訪查。徹底根究。務當實力整頓。以息盜風。而安良善。至該少卿請將水師營船隻另造堅實。認真操練之處。著一併查明妥議具奏。原摺著鈔給閱看。將此諭令知之。尋奏登州海面。查無嫁女斃命。賄放盜船情事。惟洋面遼闊。水師單弱。戰船失修。現擬章程六條。一。各汛要隘。添兵巡洋。一。修造戰船。以資駕駛。一。沿海礮臺。多備槍礮。一。商漁船隻。准帶槍械。一。海島薪水。派兵防守。一。弁兵口糧。酌量加增。下軍機大臣議行。○以莊親王綿護為正黃旗蒙古都統。○辛丑。上御香山演武廳。閱健銳營操。○諭內閣。隆文等奏。審擬防禦稟。計各款一摺。此案已革防禦靈住。列款刁稟。挾制上司。迨經傳審。又復抗傳。囑鬧。情節較重。靈住著發往新疆效力贖罪。將軍富僧德。以一品大員。收受屬員壽禮。並夫察轎夫聚賭。違例派充親隨。迨經靈

住刁稟並不即時參究。輒聽求派令買馬。辦理殊屬錯謬。富僧德著交部嚴加議處。副都統王蘭收受屬員賀禮。又派員令充親隨。且於靈住刁稟置之不問。咎有應得。副都統布彥圖並未收受壽禮。本可免議。惟於同官收受餽送及屬員刁稟挾制。並不據實奏。亦有不合。王蘭布彥圖著交部分別議處。協領扎隆阿調處靈住控案。協領伯奇克圖常興順福伊勒當阿塔瑚禮什蒙額色布徵阿辦

送壽禮。前任糧道劉源灝於家人圖騙未成之案。未經查出。均著交部照例議處。○予福建勦捕臺匪受傷外委黃忠順被戕兵丁陳成龍等賞卹如例。○壬寅禮部奏十月初十日

皇太后聖壽節應行禮儀得旨是照例行禮。奉皇太后懿旨停止筵宴。其在外福晉命婦進內行禮之處並著停止。○以理藩院尚書賽尚阿為滿洲繙譯鄉試正考官。吏部左侍郎桂

齡光祿寺卿續齡為副考官。理藩院右侍郎文德和國子監司業福謙為蒙古繙譯考官。○癸卯旌表守正被戕四川奉節縣民陳開運童養媳郭女守正捐軀江蘇上海縣民沈國銓嫂虞氏陝西韓城縣民郭遮氣妻薛氏

○甲辰

上御洞明堂勾到新疆雲南貴州廣西情實罪犯停決新疆絞犯二人雲南斬犯五人貴州斬犯十三人絞犯二人廣西斬犯一人絞犯

一人餘七十五人予勾。○乙巳

上詣綺春園問

皇太后安。○諭內閣魏元烺等奏臺灣地震委員查辦一摺嘉義縣地方於五月十七十八等日地震城垣衙署不無坍塌並塌倒民房傷斃人口情殊可憫亟應查勘撫卹以惠災黎著桂良等派委明幹大員迅速前往查辦除墜斃人口業經該府縣捐給撫卹外所有無力貧民塌倒房屋著照例給與修費銀兩

其委員所帶司庫撥銀五千兩。如有不敷。即由該道庫籌款撥給。務令實惠均霑。無使一夫失所。事竣覈計造冊。先由司庫籌款歸還。覈實報銷。倒塌衙署倉廩監獄。飭縣擇要先行修葺。以資辦公。並勘明常平義倉米穀。如堪搭放兵米。即行風節。計成搭放。僕須估變。亦飭該縣妥速經理。城垣廟宇。以及各項工程。飭令該府縣分別緩急。次第估報興修。以重要工而資保護。至該郡孤懸海外。當此被災之際。尤宜督飭地方文武員弁。加意巡查。如有匪徒乘間作奸。或造謠煽惑。或搶竊擾害者。立即嚴拏懲辦。毋稍疏縱。○諭軍機大臣等。周天爵等奏訪獲湖北襄陽府屬習教匪徒。究出悖逆字據一摺。查辦認真。可嘉之至。匪犯黃起能本係習教逃竄之犯。乃敢勾結朱九龍等。傳習邪教。創立偽號。分布黨羽。可恨可惡。罪不容誅。現經該督拏獲韓發魁等犯。業經供認習教不諱。其餘各匪犯。分布

藏匿直隸四川河南各境。已降旨飭令該督撫分別嚴拏。解赴湖北歸案訊究。著周天爵督飭道府大員。於已獲者認真嚴訊。徹底根究。盡法懲辦。其未獲各犯。並著加意偵訪。淨絕根株。毋任狡卸漏網。以除奸邪而安良善。將此諭令知之。○又諭。據周天爵等奏湖北襄陽府屬拏獲匪犯韓發魁等供認習教不諱。並有勾結黨羽。創立偽號等情。可惡已極。該犯等供稱匪犯黃起能等藏匿河南羅坤。係直隸清苑縣人。劉士舉係四川成都府人。並據周天爵等奏稱。業經飛咨該督等查拏。其年貌籍貫。自必詳細開載。著琦善寶興牛鑑。即派員嚴密訪拏。務獲一面奏聞。一面解交湖北歸案質訊。毋許遠颺漏網。至該犯等供在葉縣吳典史衙門。交黃起能信物等語。著牛鑑即將該典史提訊。何以容留習教人犯。有無別情。據實從嚴懲辦。將此各諭令知之。○丙午。諭內閣。容照前因案革職。並將所

襲子爵斥革其所遺之爵著該衙門照例辦理茲據該旗奏稱查明那彥成之子容安曾因貽誤軍機問擬死罪容恩亦因私改例文獲咎褫職該兩支名下均不宜承襲應將襲爵敕書繳銷等語那彥成在嘉慶年間滑縣軍營著有勞績仰蒙

皇考仁宗睿皇帝賞給子爵俾伊世襲乃伊子容安等所獲之咎均屬難逭本應照例停止以昭懲戒姑念那彥成從前懋著軍功渥承

寵眷容照雖已獲咎尚無贓私劣跡所遺子爵著該旗於年終將容照之子二人帶領引見候旨該衙門知道○又諭周天爵奏審明鉛船滋事水手分別定擬一摺此案貴州押運委員准升貞豐州知州德亨於鉛船水手黃大等沿途搶劫毫無覺察非尋常疏忽可比著交部嚴加議處前兼署湖北臬司鹽法武昌道于克襄承審此案並不悉心推鞠反將犯供重情化為游移實屬有心回護僅予革

職不足蔽辜于克襄著發往軍臺效力贖罪

以示懲儆○丁未諭軍機大臣等前據給事中王藩奏浙江水師操防廢弛戰船亦多缺損温州寧波等處海口盜船停泊水師提督並不督兵往捕等語當降旨著鍾祥查奏茲據魏元烺奏稱上年五月間定海洋面有匪船四隻經該總兵賴英揚拏獲解省審辦實無盜船數十隻停泊寧波温州等處之事提督祝廷彪於上年七月間業經出洋巡緝並未遷延畏葸至乍浦戰船查無以舊代新冒銷情弊現在船隻亦無缺損等語海疆設立水師以操練巡防為要務近日福建同安烏船駛往奉天山東等處海面行劫是閩省水師緝捕廢弛已可概見桂良到任後著嚴飭各海口實力操防加意巡緝有犯必獲以息盜風如查有盜船遊奕不能即時拏獲即將該管將弁一併叅處以示懲儆儻嗣後各海口拏獲匪船仍有閩省船隻惟桂良是問將

此諭令知之。○調黑龍江將軍哈豐阿為廣州將軍。綏遠城將軍棍楚克策楞為黑龍江將軍。荊州將軍德克金布為綏遠城將軍。○以收受屬員壽禮等款。西安將軍富僧德革職。賞頭等侍衛。在大門上行走。西安右翼副都統王蘭降三級調用。以前任西寧辦事大臣蘇勒芳阿為西安將軍。調鑲白旗漢軍副都統齊琅阿為西安右翼副都統。○以故雲南楚雄府姚州土州同高維藩子嘉樹襲職。

○戊申遣官祭

歷代帝王廟。○諭軍機大臣等。本日據御史汪子泗奏有灤州古冶鎮居住旗人屈雙業到伊寓內。稱有族人屈雙榮等開設煤窯。商議聚眾滋事。用言誘惑。邀同入夥。並屈信先等開設寶局。聚集面生可疑之人。且各處收買鐵器等語。已傳旨令步軍統領衙門。將屈雙業等交刑部監禁矣。案關匪徒聚眾滋事。虛實均應徹底根究。著琦善不動聲色。檄令

灤州文武員弁。將屈雙榮等一千人犯密拏務獲。一面奏聞。一面解交刑部。歸案質訊。其永平府山海關各要口。著一併嚴檄該管員弁。小心防堵緝拏。毋任偷越出口。致貽後患。原摺著鈔給閱看。將此諭令知之。○又諭有人奏福建臺灣府淡水同知婁雲兩耳重聽不能辦事。臺灣縣知縣托克通阿吸食鴉片煙。性情奢侈。署中時常演戲。用度無節。致存公款項多被侵那。閩縣閩安鎮巡檢徐煒向充巡撫衙門巡捕。人本平庸。且亦吸食鴉片等語。地方官衰庸戀棧。必致貽誤公事。至職官吸食鴉片。尤屬大干法紀。著桂良、吳文鎔各按所奏情節。嚴密查訪。如果屬實。即行據實叅辦。毋稍姑容。將此諭令知之。尋奏婁雲業已病故。托克通阿徐煒另案撤任。現在查辦。得旨。查明據實具奏。不可隱飾。○以副都統銜德全為鑲白旗漢軍副都統。仍署正藍旗漢軍副都統。○調吏部右侍郎李振祐為

倉場侍郎。戶部左侍郎祁寯藻為吏部右侍郎。轉吏部右侍郎吳其濬為左侍郎。調禮部右侍郎王瑋慶為戶部右侍郎。兼管錢法堂事務。仍兼署刑部右侍郎。以通政使司通政使黃爵滋為禮部右侍郎。○旌表守正捐軀貴州普定縣民陳庭華妻吳氏。○己酉。

上御洞明堂。勾到四川情實罪犯。停決斬犯二十二人。絞犯六人。餘八十四人予勾。○諭內閣。琦琛奏參主事文布輪應值宿之日。曠誤

不到。以致屬役因賭鬪毆。疏於彈壓。實屬怠玩。著交該衙門嚴加議處。琦琛自請察議之處。著加恩寬免。○諭軍機大臣等。昨有旨令琦善密檄灤州員弁。嚴拏屈雙榮等。務獲解京。本日據奕經等奏。拏獲屈雙榮到案。將供詞密封呈覽。據供屈雙榮起意謀逆。封有偽號。並屈魁先。屈雙恩。俱會邪術等語。雖係一面之詞。必應嚴切根究。著琦善不動聲色。妥密訪查。務將屈雙榮等一千人犯全數拏獲。

解京嚴訊。毋得走洩風聲。致該犯等遠颺漏網。原摺著鈔給閱看。將此密諭知之。○庚戌。諭內閣。御史張灝奏。各省藩庫。每年奏銷州縣已徵未解。因公挪移。以致庫款虛懸。實數不及十分之五等語。著戶部查議具奏。又據奏外省小錢甚多。京城寶源寶泉二局所鑄之錢。有時與外省小錢相似。皆係鑪頭偷漏銅鉛。監督不善。經理所致。著戶部工部錢法堂嚴查弊竇。據實奏聞。尋戶部奏。各省奏銷

春秋二季。造冊報部。遇有撥款。按冊指撥。非已徵未解。所能牽混。庫貯錢文。分量亦俱準足。並無小錢。亦無偷漏情弊。工部奏。現將庫貯錢文。一一抽稱。斤兩無缺。仍隨時稽查。儻有弊竇。斷不姑容。以肅局務。而重鼓鑄。報可。○又諭。御史張灝奏。東南兩河。豫備稽料。以及防險請撥帑項。每年造冊報銷。多有不實。不盡等語。著麟慶。栗毓美。認真經理。覈實報銷。儻敢視為誑誑。具文。任聽屬員浮冒。一經

發覺定將該河督等重處不貸。○辛亥上詣綺春園問

皇太后安。○諭內閣御史尋步月奏請禁漕船夾帶私貨一摺。漕船攜帶土宜。均有定數。不准逾額。據稱山東臺莊姚灣等處。奸商囤積私貨。於各幫經過之時。用價雇載。至直隸故城縣鄭家口卸賣。每船裝載至七八百石之多。雖經官為禁止。而荒僻之地。夜靜之時。奸商仍將私貨夾帶。衛弁開官。得有陋規。通同隱飾等語。以運載正供之船。為奸商劣丁之利藪。不肖官弁。得規包庇。以致船身笨重。喫水較深。偶遇開河水淺。輒即阻滯難行。近年重運漕船。行走不能迅速。未必不由於此。著漕運總督。山東直隸各督撫。於各幫渡黃以後。密派幹員。認真抽查。儻遇前項弊端。即將旗丁奸商。從重治罪。私貨變價入官。失察員弁。分別叅處。如有得規故縱情事。立即嚴叅懲辦。毋稍姑容。又另片奏衛弁旗丁。往往吸

食鴉片。地方官難於周察。獲案甚少等語。著漕運總督分飭各省糧道。認真稽查。遇有衛弁人等。沾染惡習。即照新定章程。嚴叅重治。儻意存瞻徇。延不究辦。日後別經破案。定將失察之該漕督。及各糧道。一併嚴懲不貸。將此通諭知之。○又諭寶興等奏。議覆御史焦友麟奏請廣敷教化一摺。編查保甲。向俱責成州縣妥辦。其有習教燒香。應行拏究。亦係地方官專責。教官責在司鐸。該督等議令協同查訪會拏。假以事權。恐干預地方公事。轉滋流弊。所奏著毋庸議。所有編查保甲等事。著仍循舊章辦理。○壬子。諭內閣。本日恭閱皇考仁宗睿皇帝實錄。內載召見盛京副都統富祥。詢及該處演園情形。據稱兵丁等恐交鹿不數額數。雇覓斃手數百人。用槍打鹿。賣給兵丁交納。當降旨禁止。並飭酌議章程。遵守。朕御極以後。復經降旨訓諭。但事隔多年。恐致日久生懈。茲再

行申諭。盛京行圍。原為滿洲操演技藝而設。該兵丁等。平日果能操演精熟。遇有合圍。自無難親用槍矛奮擊。若雇倩僦手。轟斃獸畜。藉以交納。則該兵丁等。平日技藝之廢弛。已可概見。現屆冬令行圍之時。著著英出示曉諭。嚴行禁止。該兵丁等各勤操練。悉成勁旅。儻仍有雇倩情弊。即著從嚴懲辦。以祛舊習。而肅戎行。○癸丑。

上御洞明堂。勾到奉天。福建。廣東。情實罪犯。停

決。奉天斬犯三人。福建斬犯一人。廣東斬犯一人。餘八十二人予勾。○諭內閣。馬蘭鎮標左右兩營。管理

東陵風水地方。向係分為八段。按年輪派千把總一員。經制外委一員。專責防守。前經容照奏准。做照泰寧鎮章程。按千把總額數。分為十五段。各管各汛。茲據琦琛奏稱。自改為分汛各管之後。員弁兵丁。各分畛域。諸多窒礙難行。亦於巡防無益。自係實在情形。著照所

請。即將馬蘭鎮左右營所管地方。併各處要口。仍改歸舊制。按年輪派千把總經制外委。在彼駐守防護。以專責成。該總兵仍當嚴飭所屬各官。認真督率。實力巡防。如有懈玩。立即懲辦。以重防守而收實效。○又諭。昨據御史張灝奏稱。欽差大臣之家丁。途次需索。又奏各部院司員。資俸俱深者。未經題升。年老司員。與外任改用京職者。不為甄別等語。當交軍機大臣傳問該御史。飭令將各款一一

指實。詳晰覆奏。茲據奏稱。道光十四年趙盛奎嚴娘查辦海塘。路過京口。該御史親見地方官辦差家人。手捧皮匣。外紙包一箇。其水禮各件。曾經退還。嗣經訪聞。據稱欽差過境。饋送一概不收。惟門包與小費。斷不能少。合之公館供應夫馬等項。所費不下千餘金等語。著裕謙即查明彼時辦差州縣。係何職員。果否實有其事。據實具奏。不准消弭。並著烏爾恭額傳諭嚴娘。飭令查明跟隨家人。曾否

收受禮物。具呈稟覆轉奏。其所稱戶部堂主事吉惠在部二十餘年。前於十二年間。已見其名單開列第一。今閱數載。仍未題升。戶部郎中李楨幹。年將七十。步履艱難。至今未見甄別。兵部郎中河洲。前由道員改用京職。年力衰邁。不能進署當差。至今仍復戀棧。著戶部兵部堂官明白回奏。○又諭前因荊州將軍德楞額等奏。請添設養育兵。即將裁減馬乾銀兩動支餉銀等語。當交兵部議奏。茲據該部酌議奏請。准其添設。自為調劑兵丁起見。惟該駐防前裁馬乾銀兩。業經撥給添設委甲兵餉。餘贍銀兩。自應存庫備用。以歸樽節。若因該駐防戶口日增。輒議添設兵額。以為調劑之計。則各省駐防皆同一例。轉無以昭畫一。而示大公。所有該將軍奏請添設養育兵四百八十名之處。著不准行。○又諭。閩慶等奏。查明烏梁海兵數。未經到齊情形。一摺。前因驅逐越邊之哈薩克。烏梁海官兵未

能全數到齊。業將該領兵之散秩大臣等分別議處矣。茲據閩慶等查明達什濟克巴等遲誤日期。皆由雨雪過大。河水漲溢所阻。尚非有意玩誤。所有散秩大臣達什濟克巴嚴加議處。副都統銜車伯克達什議處之處。均著加恩寬免。至此次烏梁海官兵。隨同車林多爾濟驅逐哈薩克。雖誤日期。究有微勞。所有烏梁海官兵等。均著加恩賞給一月鹽菜銀兩口糧。用示朕體恤蒙古僕臣之至意。○河東河道總督栗毓美奏。報秋汛安瀾。命詣河神廟祀謝。並下部議敘出力員弁升敘有差。○甲寅。諭內閣。給事中況澄奏。各省鄉試錄舊倖中。請查明據實劾參一摺。鄉會試為掄才大典。多一倖進。即少一真才。如該給事中所奏。近來荒疏之士。每將舊文鈔錄。翻襲無人告發。參劾竟得濫列科名。不可不嚴行查禁。著各直省督撫學政。嗣後鄉試士子。凡有翻襲錄舊倖中者。一經聞知。即行詳細查

明。據實叅辦。至順天鄉試中式士子。有覆試之文。可以覆校。如有勦襲情弊。即由府尹順天學政及磨勘官並科道等查明指叅。會試文場。如有前項情弊。亦由磨勘官及科道等查明叅奏。以杜倖進而拔真才。將此通諭知之。○又諭前因新疆各城。地處邊陲。幅員遼闊。難保無夷人入卡貿易。夾帶煙土。輾轉售賣之事。曾經降旨著各該大臣等嚴飭所屬地方員弁。查拏興販吸食各犯。按律懲辦。茲

據咸齡奏。喀喇沙爾地方。盤獲民人偷帶煙土。又於庫爾勒迤東。拏獲栽種罌粟花人犯董孟洵等。訊明首夥。分別定擬。該大臣查辦認真。甚屬可嘉。鴉片煙流毒日甚。遠至新疆等處。亦多傳染。殊堪痛恨。今復查有栽種罌粟情事。更出意想之外。總緣各城將軍大臣等一味因循。不肯認真查辦之所致。因思各該城荒僻處所。隙地不少。儻查察不周。即不免有奸民射利。私行栽種。熬煙販賣。貽害兵

民。實於新疆重地大有關繫。著各該將軍都統參贊辦事領隊各大臣。督飭員弁。並回子伯克等。各於所屬地方。隨時實力巡查。有犯必懲。毋少疏懈。以副朕諄諄誥誡之至意。至此次除庫爾勒阿奇木伯克托胡塔功過相抵外。所有汛防把總趙忠明。於該犯等進山種花。毫無覺察。又於伯克等獲犯解城時。並不派兵護送。雖經拏獲三犯。不足蔽辜。城守營遊擊成琨。督飭不嚴。著交部分別議處。○

命陝甘總督瑚松額撥銀六十八萬兩。解赴伊犁。備道光二十一年經費。○乙卯。

上御洞明堂。勾到陝甘湖廣情實罪犯。停決陝甘絞犯二人。餘六十六人予勾。○諭軍機大臣等。本日據林則徐等奏。撥查夷船。出具切結。並勒限將空躉驅逐回國。所辦尚屬周妥。惟各船俱已清查。並無夾帶煙土。其前後駛回各船。難保不潛赴東西兩路。冀圖私銷。著即派員跟蹤偵察。嚴飭沿海各營。認真防範。

至所出切結。如果可靠。自必漸就肅清。儻該夷逼於勢威。暫作緩兵之計。日後再有反覆。即當示以兵威。斷絕大黃茶葉。永遠不准交易。俾異頑之徒。知所做懼。現據該大臣等奏稱。該夷出結。及各船回國情形。諒無諱飾。惟林則徐已放兩江總督。現雖專辦此事。豈能常川在粵。即鄧廷楨統轄兩省。公務繁多。亦不能顧此失彼。仍當通盤籌畫。辦理結實。俾日後淨絕根株。方稱一勞永逸也。將此諭令

知照

○

丙辰諭內閣。前據御史張灝奏。戶部堂主事吉惠。在部二十餘年。未經題升。戶部郎中李楨幹。年將七十。步履艱難。兵部郎中河洲。年力衰邁。仍復應機。當令戶部兵部堂官明白回奏。茲據戶部奏稱。吉惠由筆帖式到部補缺。揀補主事。食俸二十一年。惟係未經主稿之員。是以尚未題升。李楨幹年五十六歲。精神尚好。步履未形艱難。在署循分供職。並無貽誤等語。著毋庸議。又據兵部奏。河

知照

○

洲由道員改用郎中。部務亦頗明晰。當差尚無貽誤。並非年力衰邁等語。河洲著於二十六日豫備召見。○署兩江總督陳鑾。江南河道總督麟慶。奏報秋汛安瀾。命麟慶詣河神廟祀謝。陳鑾麟慶均下部議欽出力員。弁升敘有差。○丁巳諭內閣。琦善奏。請將失察棍役滋事之知縣革職一摺。直隸交河縣知縣許博。於地棍串通衙役。誣良嚇詐。逼斃人命重案。及各役屢次藉差滋事。漫無覺察。並不立時審出實情。已屬昏惰。又違例私徵集稅。僅予革職。不足示懲。許博著發往軍臺效力贖罪。○以正黃旗參領威遠。署鑲藍旗蒙古副都統。○戶部議准。廣西巡撫梁章鉅疏報。天保縣開墾水田八埜有奇。照例升科從之。○戊午諭內閣。前據御史張灝奏。兵部郎中河洲。年力衰邁。不能進署當差。當降旨令該部堂官明白回奏。旋據該部奏稱。該員在部六年。照常呈畫稿件。詢以部務亦頗

明晰各項差使尚無貽誤並非衰邁不能當差朕本日召見該員察看其人精力未衰步履起跪如常所有該御史奏參該員衰邁戀棧之處著毋庸議○又諭已革三等侍衛宗室瑞珠以現任職官開設茶館已屬行同市儉復於茶館內開設蟋蟀盆聚賭抽頭現據訊明瑞珠著發往盛京交該將軍嚴加管束貝勒奕綺身膺顯爵輒赴茶館登場唱曲較之上年奕賣溥喜綿順在尼僧廟內犯案尤屬卑鄙不堪奕綺著革去貝勒著載銓烏爾恭阿帶領宗人府行杖至伊府內傳旨重責四十板並著宗人府堂官隨時查察永遠不許出門儻敢不遵約束即行具奏鎮國將軍宗室惠恩任令家人試鬪蟋蟀親赴茶館觀看著交兵部照例議處已革中書額勒恆布護軍校那興訊無賭鬪情事惟以現任官升至茶館中飲茶聽書究屬不自檢束額勒恆布那興著准其開復原官仍交部議處○以

鄭親王烏爾恭阿為正白旗領侍衛內大臣○以服闋巡撫楊國楨署刑部右侍郎○戶部議准江西巡撫錢寶琛疏報鉛山縣開墾地四十畝有奇照例升科從之○己未孝慈高皇后忌辰遣官祭福陵○頒發南河高家堰關帝廟御書扁額曰神功順佑○調甘肅提督周悅勝為直隸提督以貴州安義鎮總兵官阿精阿為甘肅提督○予故直隸提督唐倬舜諡勤壯○賞廣安門外普濟堂煮賑小米三百石○庚申上詣大高殿拈香○還宮○以陝西寧夏協副將段永福為貴州安義鎮總兵官○以孟冬時享太廟自是日始齋戒三日○辛酉孝敬憲皇后忌辰遣官祭泰陵○諭內閣著英等奏請將疏防玩泄之通

判摘頂勒緝一摺。據奏昌圖廳屬五家窩棚屯居民陶汝亮被民人蘇克勤毆斃脫逃。經鄉約謝景春往拏。致蘇四等糾約數百人放火燒房。現止拏獲幫鬪之溫士存等十八人等語。盛京為根本重地。風氣淳樸。何以有此糾眾燒房率眾械鬪之案。必應嚴行懲辦。昌圖廳通判八穩於此等殺人拒捕免犯。既不嚴拏於前。又復疏防於後。著先行撤任。摘去頂帶。勒限兩箇月嚴拏首從各犯。限滿無獲。

中華書局影印

三

嚴參懲處。所有案內烏槍及違禁軍器著者英薩迎阿揀派妥員。務令按獲淨盡。該處居民收藏烏槍軍器。本干例禁。亦著剴切曉諭。概令呈繳。儻按繳稍有不盡。日後別釀事端。惟者英薩迎阿二人是問。懍之慎之。○又諭賀長齡奏請將被叅知府休致一摺。貴州署思州府事候補知府孟懷川現據該撫查明尚無別項劣跡。惟先曾吸食鴉片。後雖戒斷。究屬不知自愛。著即革職。以示懲儆。○緩徵

奉天廣寧復二州縣被水被旱地畝額賦。○壬戌諭內閣。鄧廷楨奏查緝鴉片三載於茲。刁狡豪猾之徒。本厚利豐。一經確訪嚴拏。已獲者刑倖及身。未獲者遁逃亡命。身家既失。怨讟遂興。始而風影訛傳。繼而歌謠遠播。以查拏為希旨。以掩捕為貪功。以偵緝為詭謀。以推鞠為酷罰。甚至誣以納賄。目為營私。譏廷議為急於理財。訾新例為輕於改律。種種狂悖。無非為煙匪洩忿等語。朕因鴉片煙流

中華書局影印

三

毒傳染貽害生民。特派林則徐會同鄧廷楨等嚴行懲辦。以挽頹風。乃該匪徒等輒因查拏嚴切。肆行詆毀。深堪憤恨。前於道光十六年間曾經降旨。以為此等鬼域伎倆。實與匿名揭帖無異。飭令各直省大吏。遇有傳播歌謠。密拏懲治。乃申諭未久。該匪徒等竟復藐法作奸。阻撓新令。若不亟加懲辦。何以儆效。猾而息刁風。况林則徐鄧廷楨怡良等皆朕親信大臣。畀以重任。現在查辦鴉片正在喫

緊之時。斷不可因羣言淆惑。稍形懈弛。林則徐等。務當協力同心。勉益加勉。嚴飭所屬。明查暗訪。將編造歌謠之人。拏獲到案。訊明起自何人。有無授意主使。從重定擬治罪。毋稍疏縱。

實錄卷之三

三

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十六

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十七

監修 奉天巡撫臣李鴻章奏為臣等奉旨纂修宣宗成皇帝實錄事

天府尹臣李鴻章奏為臣等奉旨纂修宣宗成皇帝實錄事

七倉大臣楊景曾奏為臣等奉旨纂修宣宗成皇帝實錄事

內務府大臣張之洞奏為臣等奉旨纂修宣宗成皇帝實錄事

署理陝西巡撫臣張之洞奏為臣等奉旨纂修宣宗成皇帝實錄事

教修

道光十九年己亥冬十月癸亥朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○頒道光二十年時憲書

○諭內閣錢寶琛奏審擬革員吸食鴉片一摺此案已革試用理問楊尚炯吸食鴉片雖

已戒止惟當功令森嚴之際輒敢違禁存匿

煙槍實屬玩法楊尚炯著從重發往軍臺効

力贖罪以示懲儆○添購直隸永定河豫防

稽料仍增歲料運腳銀從大學士總督琦善

請也○緩徵直隸博野容城蠡縣雄安高陽獻

任邱青靜海滄南皮鹽山慶雲臺城雞澤大

名南樂平鄉宣化懷來西寧保安新河武強

饒陽武邑阜城寧晉二十九州縣被水被旱

村莊新舊額賦○緩徵山東齊河禹城新城

章邱鄒平長山臨邑海豐霑化鄒蒙陰濟寧

魚臺高密博興樂安邱招遠濰齊東東平惠民

樂陵陽信單鉅野聊城冠館陶滕壽光平

度膠金鄉嘉祥三十五州縣暨東昌臨清濟

寧三衛被水被旱被雹被丹莊屯新舊額賦

給蒙陰縣災民房屋修費○減免江蘇丹徒

縣淹廢沙地十五頃八十五畝有奇額賦

甲子

上幸圓明園○詣綺春園問

皇太后安○以直隸永定河防汛出力予州判

沈元文等加銜升用有差○濬直隸大名元

城清豐南樂等縣境內衛河從大學士總督

琦善請也○乙丑諭內閣烏爾恭額奏嚴審

文武職官吸食鴉片一摺浙江錢塘縣主簿

蘇盛春嘉興縣縣丞王協卜平湖縣乍浦巡

檢李志銘鎮海汛外委周斌據該撫訊明該

員等曾經吸食鴉片現已戒除惟身任職官

究屬不知檢束蘇盛春王協卜李志銘周斌

均著即行革職○以督修浙江海塘各工予道員宋國經議敘○修浙江東西兩塘柴埽各工從巡撫烏爾恭額請也○丙寅諭內閣載鈞等奏朝房大柁被火引烤請將領催等交部審訊一摺據稱九月二十六日在西朝房恭辦祭品夜間煙氣查見南間大柁被火烤糊厚四五分寬長一尺三四寸被煉黃色約三尺餘等語

陵寢重地火燭最宜小心該管官員人等如果不時巡查何至有被烤情事况大柁距鑪臺甚遠炭火爆上何能如此之高是否另有別情必應詳細訊究所有領催安祥清安拜唐阿吉元明業差役黃狗兒馬來成等無庸解交刑部著即交載鈞等研訊確情按律定擬具奏所有載鈞等自請議處之處俟定案時再降諭旨○又諭給事中張秉德奏請飭該管衙門實行保甲一摺保甲之設原所以防奸究况京師為輦轂重地尤宜嚴密稽查豈

容宵小潛行藏匿若如該給事中所奏賊匪等賃居雜院結夥肆竊皆由該地方官視保甲為具文不肯實力奉行以致竊案累疊一無弋獲嗣後著順天府五城嚴飭所屬地方官於編查保甲時親身認真稽察不准假手胥役致滋朦混騷擾之弊所有現在報竊各案並著責成步軍統領衙門順天府五城一體嚴拏懲辦務使匪徒絕跡畿甸肅清以安閭閻而靖奸宄○又諭兵部奏飯銀不敷辦

公請旨飭催一摺飯銀為辦公之用自應按年批解不得任意宕延茲據該部查明江蘇等省欠解新舊飯銀三萬一千九百餘兩節經嚴催未據批解著兩江湖廣四川各總督山東山西江蘇安徽廣西福建湖南湖北各巡撫迅將應解該部飯銀專員如數批解其較近之江蘇安徽山東山西等省限本年內解到較遠之廣西福建四川湖南湖北等省限明年三月內解到毋得遲延干咎○又諭

陳鑒等奏請飭下儒臣推聞

聖諭廣訓頒發各省等語向例各直省地方官於朔望宣講

聖諭廣訓俾鄉曲愚民皆知嚮善良法美意允宜永遠遵行惟州縣地方遼闊宣講仍慮未周著照所請嗣後各省學政到任即恭書

聖諭廣訓刊刻刷印頒行各學編給生童令人得以誦習並著翰林院敬謹推聞

聖諭內黜異端以崇正學一條擬撰有韻之文

進呈候朕欽定頒發各省飭令各該學政一併恭書編頒鄉塾俾民間童年誦習潛移默化以敦風俗而正人心○又諭魏元烺等奏議覆御史焦友麟奏請廣敷教化一摺教官生員向不准干預地方公事若假以事權轉滋流弊該督等奏稱責令教官專司稽察各學舉生員數人分任其事著毋庸議所有朔望宣講等事著仍遵照舊章辦理實力奉行以符定制○諭軍機大臣等本日翰林院侍

讀學士王炳瀛奏籌費防邊事宜一摺又另片奏繪圖貼說呈覽據稱前借撥銀一百萬兩發交四川省以三十餘萬兩為初設防兵之需其六十餘萬兩或發商生息或置田收租惟四川省前買義田已有一百十八廳州縣如再將數十萬之帑於各州縣買田收租是膏腴盡為公產請於四廳近邊之地收買民田安置屯防兵勇等語著寶興同藩司劉韻珂悉心體察情形妥議具奏原摺片均鈔給閱看圖併發嗣後凡辦理夷務均著寶興與劉韻珂虛衷商辦務臻妥協以副委任儻有辦理不善之處朕惟寶興劉韻珂是問懍之將此諭知寶興並傳諭劉韻珂知之尋奏馬邊等廳縣邊地界連夷境跬步皆山不惟土瘠租微民間賴以資生未必肯售即貧難守業而帑金數十萬亦無如許多田足供官買該侍讀學士所奏應毋庸議又奏建墩堡設砦壘等事現俱興辦完竣報聞○署閩浙

總督魏元烺等奏查照粵省咨文一體堵逐夷船得旨固不可孟浪從事亦不可示弱貽譏妥慎行之可也○丁卯諭內閣敬敏奏員子奕緒接班遲誤據實奏明請旨此次奕緒輪應進班因赴圍謝恩以致到班遲誤與無故曠誤者有間著加恩免其議處嗣後該班王大臣等輪應進班之日遇有應行赴圍謝恩事件著於出班之次日謝恩以昭畫一○諭軍機大臣等據御史劉畚昌奏四川營務急應整頓請飭查懲革以除積弊一摺著經額布寶興齊慎會同將摺內各條悉心妥議具奏又另片奏請將提督倣照湖南之例酌量變通駐劄等語亦著該將軍等體察情形一併會議具奏原摺片著鈔給閱看將此諭令知之尋奏擬將在省聽差人員逐一飭回本任署理別缺各弁一體撤歸本營其實在人地相需暫行揀委者亦不得輟轉遞推又各營缺出先儘本營考拔如本營不得其人

始以別營弁兵選補用示限制至量移提督一節越嵩距成都幾二千里馬邊等廳更為遙遠每處移駐為時甚暫於事仍恐無濟請各就提鎮所轄按期分往駐劄建昌永寧兩道於提鎮未往以前各按所屬親察互有責成巡防益密下軍機大臣議行○戊辰

上詣

安佑宮行禮○己巳諭內閣周天爵奏查勘各屬被淹情形一摺湖北濱江濱漢各州縣垸

隄本年因汎水疊漲多有漫潰據該督查勘議請於險工處所多貯蘆葦倣照黃河辦法先立挑壩再將單薄隄段鑲護草工其張壁口一處情形或就分洩之水使之衝刷成河或仍行堵塞以歸正流照依王家營辦法俟冬令水涸確勘形勢再行奏辦等語著該督屆時親往切實查勘酌量妥為辦理務須確有把握為一勞永逸之計而下游亦不致漫淹方為盡善至該督議請以工代賑俾資接

濟自是良法。惟未經興工以前。災民失業。未免嗷嗷待哺。該督仍察看情形。照例妥為撫卹。勿使一夫失所。以慰朕廑念災黎至意。

庚午。

上詣綺春園問

皇太后安。○辛未。

上奉

皇太后幸同樂園。進膳。賜皇子及內廷王大臣等食。翼日如之。○命惠親王綿愉無庸進六

班。○壬申。

皇太后聖壽節。遣官祭

太廟後殿。

奉先殿。

上率皇子王公大臣文武官員詣綺春園行慶賀禮。○癸酉。以戶部右侍郎王璋慶為順天武鄉試正考官。翰林院侍讀學士王炳瀛為副考官。○緩徵陝西府谷神木榆林懷遠葭五州縣被旱村莊新舊額賦。給府谷神木二

縣災民一月口糧。貸榆林縣災民口糧。○甲戌。諭內閣。嗣後內廷行走人員。兼各衙門差使者。遇有本衙門緊要事件。准其赴署辦理。其尋常入署。均著於辦事引見後前往。○又諭奕經等。奏考試蒙古字話筆帖式。請一體較試馬步射藝。清漢繙譯筆帖式。與蒙古字話筆帖式。補用班次。雖有不同。要皆以騎射為根本。嗣後考試蒙古字話筆帖式。著即照考試清漢繙譯筆帖式之例。先行較試馬步射藝。以歸畫一。並纂入則例。永遠遵行。○兵部奏遵旨議處鎮國將軍惠恩。以自養蟋蟀。任令家人試鬪。並往觀看。應照官員賭博革職治罪例。減等議以革職。從之。○以署刑部右侍郎楊國楨為山西巡撫。○予故山西巡撫申啓賢祭葬。如尚書例。謚文恪。賞其子承祖各部主事。○乙亥。諭內閣。戶部奏各省捐監正項。及平餘飯食銀兩。延不解部。請旨飭催一摺。據該部查明。湖北省欠解平餘銀一

萬六千七百六十九兩零飯食銀四千七百七十七兩零安徽省欠解正項銀十萬兩平餘銀六千兩飯食銀三千兩山東省本年七月歸補本省封貯銀五萬兩應解部平餘銀二千兩飯食銀一千兩浙江省本年七月奏留東塘修費銀五萬兩應解部平餘銀二千兩飯食銀一千兩節經嚴催未據批解著湖北安徽山東浙江各巡撫即將前項應解銀兩趕緊委員解部並將嗣後應行解部銀兩隨時批解毋得延緩以重庫款而裕公項○又諭前因錢寶琛奏請補豁民欠漕米一摺當交戶部覈議茲據該部查明道光十五年恭逢

皇太后六旬萬壽普免十年以前民欠銀糧所有江西省民欠及州縣賠墊民欠漕米均經該撫遵旨奏豁其蓮花廳屬民欠漕米事同一律既據該撫奏稱此項未完漕米五千七百四十石零委係實欠在民著加恩准其補行

豁免該撫即刊刻謄黃偏行曉諭並照例按戶付給免單嚴禁吏胥需索等弊用副朕推恩布聞至意○諭軍機大臣等給事中周春祺奏請飭查辦教匪一摺據稱山東武定府商河縣教匪董四海世衍七代派分八支道光十五年直隸查辦清河縣戴老占難澤縣宋姓兩起僉稱傳自董師父呈有紙摺一件名為排頭記上寫董四海名姓其徒分為八支自長支李秀真以下備列姓名此等教匪

每飯必兩手上拱故城縣拏獲第八支石姓派下各犯名為添門教在南宮縣第三支張姓派下楊姓各犯名曰一炷香五葷教又有冀州李姓各犯並第六支劉姓派下之民婦孫眷氏俱經訊明傳自商河董姓查董坦係董四海第六世孫號平心其祖墳在商河縣董家村每遇三八兩月遠近爭來禮拜董坦即董壇在該縣設教傳徒屬實等語教匪聚眾傳徒羣相煽惑大為人心風俗之害若如

該給事中所奏積世傳教首犯董坦在省監斃之後不聞續獲一犯儻日久滋蔓尚復成何事體著托渾布派委妥員嚴密查訪該犯等黨羽支裔究有若干務使揅查淨盡永絕根株毋得怠玩因循養癰貽患儻查拏不力日後別經發覺朕惟托渾布是問懍之將此諭令知之尋奏詳查商河縣一姓香教犯董四海即董吉升自前明流傳支派其五世孫董志道於乾隆五十二年習教被獲究辦其七世孫董坦即董壇於道光十六年亦以習教拏解審訊旋即監斃其傳徒戴洛占等均曾赴商河縣上墳拜識董坦歷經訪獲懲辦並將董吉升墳墓平毀各在案茲查董坦監斃後有子七人除伊五子湖青外出次子長青物故外提訊其三子河青等僉稱自伊父習教犯案引以為戒委不敢踵習前教亦無人至伊祖吉升墓所禮拜情事覆勘無異相應保釋仍責成地方官隨時稽察得旨不可

一查了事仍應飭屬嚴密防範勿貽後患方妥○丙子
上御勤政殿聽政○諭軍機大臣等御史賈臻奏訪獲巨盜畏劫故縱請飭查拏一摺據奏巨盜關九興盤踞廣西思恩府百色同知所屬臨鳳地方現住土田州丹林七塘該盜於要隘處所安設更鋪抽稅截劫殺人無算黨羽甚多差弁得規掩飾地方官不敢捕拏以致附近土漢村莊每年納稅經鄧廷楨派弁緝獲令赴廣西省城審辦梁章鉅以係總督訪拏之犯仍令解往東省稟覆往返耽延未解匪徒聞信嘯聚聲言劫奪城中罷市又有盜船探查搶掠欲俟解犯到省糾奪該弁奏紹謙見賊勢洶洶恐激事變縱令逸去等語盜匪聚眾劫奪必應嚴拏懲辦若如所奏甫經就獲又復畏劫故縱實屬不成事體著鄧廷楨梁章鉅確切查明如該盜現已弋獲即行解交廣東省城嚴審究辦並查明該弁有

無畏劫縱逸情事。如現在尚未拏獲。即分飭所屬員弁。不分畛域。協力嚴拏。務令迅速獲辦。毋任匪盜漏網。是為至要。原摺著鈔給閱看。將此各諭令知之。○以詹事府少詹事廣林為光祿寺卿。○丁丑諭內閣。前降旨令八旗兵丁射箭。俱穿用布衣布靴。毋許穿用紬緞。以示節儉。本日引見八旗兩翼官兵。仍有穿用紬緞之人。甚非朕崇實黜浮之意。該管大臣著傳旨申飭。嗣後前鋒校護軍校以下

人員。凡遇引見射箭時。均著恪遵前旨。穿用布袍布靴。該管大臣尤當隨時訓誡。崇儉抑奢。務令技藝精嫻。足備他日干城之選。儻仍競尚浮華。致荒本業。除本身即行斥革外。定將該管大臣一併嚴懲。決不寬貸。慎勿視為誥誡之具文也。將此通諭知之。○湖北布政使李宗傳。因病解任。以雲南按察使孫善寶為湖北布政使。浙江鹽運使費開綬為雲南按察使。○撥甘肅鎮迥道庫銀採買巴里坤

駐防兵糧。從署烏魯木齊都統廉敬請也。○代寅。旌表守正捐軀直隸河間縣民高良玉妻魏氏。○己卯

上詣

大高殿行禮。○還宮。○諭內閣。著英等奏木植均已瞭乾。請擇吉開工一摺。盛京清寧宮工需。柁梁檁椽柱木。據該將軍等驗明實係乾透。自應及時興修。著欽天監選擇吉期。並添派敬徽會同原派大臣裕誠。敬謹承修。○又

諭德楞額等奏訪獲習教各犯。訊明定擬一摺。此案休致防禦官祿等潛習天主教。經該管官等自行訪獲稟報。所有該管各官及族長領催等俱著照例免議。其甫經到任之署左翼蒙古協領佐領恩貴及失察之歷任各官俱著免其議處。所有訊出外來之鄭姓穆姓楊姓龔姓張洪川及江陵民人戴興隆等各犯著周天爵伍長華嚴飭緝拏究辦。○禮部議准前署江蘇巡撫牛鑑疏報採訪靖江

縣貞節婦女汪錢氏等四十二口。請建總坊旌表從之。○庚辰諭內閣。御史萬啓心奏。請飭禁書吏把持一摺。各衙門額設書吏。例限五年期滿。飭令回籍。另募妥實之人承充。不准盤踞把持。致滋弊竇。前降諭旨甚明。自應認真辦理。若如該御史所奏。近來京師各庫及稅務衙門書吏。當役滿告退之後。其接充者。非其子姪。即其親戚。如銀庫書吏大半皆係史姓。崇文門稅務書吏大半皆係張王等姓。盤踞把持。已可概見等語。此輩狡獪性成。易於作弊。似此子姪親戚。接續遞充。即與己身復充無異。不可不嚴行查禁。著管理各庫及稅務衙門。留心察看。嗣後書吏五年役滿。即行另募承充。並查明籍貫。取具保結。不准令其子姪親戚。朦混接充。仍著隨時查察。如有身後影射等弊。即嚴行懲辦。務使奸猾儆懼。弊竇肅清。將此通諭知之。○諭軍機大臣等。御史陸應穀奏。請飭辦盜匪。酌移汛卡一

摺。據稱雲南省流民結連土匪。臨安等府州。強劫殺傷之案疊出。現雖緝拏獲犯。尚多聞風逃竄。盜夥往來。多在開化之大小石厓等處。宜擇險要處所。酌移營汛。添設塘卡。其土著夷匪。線引窩留。應嚴行懲辦等語。安民必先除暴。著伊里布。飭屬認真拏究。以淨根株。其添移汛卡之處。著體察情形。妥議具奏。原摺著鈔給閱看。將此諭令知之。尋奏。臨安開化。廣南廣西。四府州。幅員遼闊。漢少夷多。搶劫等案。疊出。上年委員獲匪犯二百數十名。審擬奏咨。各在案。並檄飭地方官。暗約會哨。又諭令漢民團練。獲賊解官。即行優獎。開化鎮府及文山縣。地方瘠苦。廉俸不敷。緝捕於鹽課溢餘項下。發給緝費。亦經附片具奏。至移設卡汛。亦先已籌及。師宗縣邱北地方。離縣寫遠。縣丞不能彈壓。應行改設知縣。臧革竜等村寨。地當扼要。塘汛兵寡。難資控御。應移駐職任。較大官弁。酌添兵數。因事關改置。

應通盤籌畫。方可措置。今御史所請與現辦情形適合報聞。○又諭有人奏浙江台州前幫運丁姚理及子姚旭初姚觀五侵蝕幫費苦累眾丁。姚旭初捐納衛千總。倚仗聲勢等語。運丁倚勢侵蝕。致眾丁經費不敷。近來盜賣米石攬和灰水。種種弊端。未必不由於此。著朱樹烏爾恭額嚴密查訪。果有侵蝕確據。著即嚴行懲辦。以除積蠹。將此各諭令知之。尋奏遵查。歷年該幫公用帳目。確有可憑。姚旭初並無侵蝕及倚仗聲勢等情。惟姚理於革丁沈品義索看經管錢糧帳目。勒捐不交。殊屬不合。應斥革伍丁。照不應重律杖八十。年逾七十。照例收贖。姚旭初應飭回漕標候補。姚觀五亦無侵費眾丁情事。應毋庸議。下部議從之。○又諭有人奏蘇州地面有婦人開設茶館。朱家莊尤多。其中設有煙具。招集吸食。並與賊匪結連。窩藏贓物等語。若果屬實。不惟風化攸關。兼為奸民淵藪。必應查拏。

懲辦著裕謙嚴行禁止。毋任胥役行規庇縱。將此諭令知之。○撥安徽各屬常平倉穀濟放各營。緩缺兵米。並採買應解江寧省倉兵匠等米。從巡撫色卜星額請也。○蠲緩湖北漢川沔陽廣濟天門江陵石首公安黃梅監利武昌嘉魚黃陂孝感黃岡鍾祥京山潛江應城松滋枝江荊門江夏咸寧漢陽雲夢二十五州縣暨屯坐各衛被水災區新舊額賦有差。給漢川沔陽廣濟天門江陵石首公安黃梅監利九州縣暨屯坐各衛軍民一月口糧。賑黃梅監利公安三縣暨屯坐各衛軍民。○辛巳。諭內閣。戴鈞等奏。訊明朝房大柁被火引烤情由。按律定擬一摺。內管領吉慶著交總管內務府嚴加議處。戴鈞溥吉鄂爾端均著交部察議。○緩徵河南祥符商邱永城虞城夏邑內黃延津濬封邱考城武陟原武陽武汝陽項城沈邱陳留中牟鹿邑睢安陽杞三十二州縣被水村莊新舊額賦。○壬午。

上御太和殿視朝。王以下文武升轉各官謝恩。
○幸圓明園。○癸未。諭內閣。嗣後滿洲京堂缺出。輪應科道到班具題。請旨簡放者。俱著改為吏部帶領引見。著為令。○又諭。前據御史賈臻奏。參四川省文武各員。縱兵殃民。及容留夷人。捏報冒功各弊。當降旨飭令寶興、齊慎查辦。茲據寶興等奏稱。查明已革提督張必祿。前帶官兵赴馬邊廳。並未由邛州行走。該州知州洪運開。同知祥善均無通稟。張必祿縱兵索擾。案據遊擊李萬春。本未撤任。亦無託謝興曉代求幫辦本任之事。至熟夷楊文本。本無勾結實據。歷來辦理夷務。皆係藉為鈴束。現尚留馬頭子營中。隨同防堵。李萬春並未容留在署。前署屏山縣知縣張錫慶。上年招募鄉勇。實係一千七百餘名。並無虛報二三千名情弊。前獲夷匪首級。均係解府驗發。臬示實與報案相符。所有該御史原奏著毋庸議。○又諭。祥康等奏。請將失察奸民

潛入官荒搭棚墾地。並曠班各員分別嚴議。議處一摺。此案涼水泉封禁官荒。有奸民潛入偷蓋窩棚二十六處之多。各墾地一晌半晌不等。該管協領果興阿並未專派員弁往查。非尋常疏忽可比。虛職六品委章京全喜經派查荒。任意廢弛。並革頂子卡員防禦記名佐領孫章阿。涼水泉卡員領催委官喜常兩河口卡員領催委官托克通阿。並未在卡住守。亦屬玩誤。總管德楞額雖已派員稽查。未能隨時督飭。均著交部分別嚴議。議處。○又諭。麟慶奏。委員會勘拆修開座等語。向來微山湖放水。以常平臺莊開之紅油記為準。現在山東拆修臺莊開。自應遵照定誌。不得任匠作人等率意高下。致啓推諉之端。著栗毓美即飭該道廳於築壩拆開之先。訂期會勘。麟慶即飭徐州道督率運河廳營各員前往臺莊開。會同較準尺寸。安立誌石。信椿並照舊鑿鑿紅油記。以昭信守。俟工竣後著麟

慶東毓美親赴工次會同驗勘如與舊制不符即行嚴參具奏以杜推諉而重要工○命江南河道總督麟慶來京陛見以署兩江總督陳鑒兼署河道總督○緩徵寧古塔三姓歉收旗民舊欠銀數○甲申諭內閣昨據祥康等奏失察奸民搭棚墾地各員當經降旨交部分別懲處打牲烏拉凉水泉官荒隙地久經封禁自道光十三年前任將軍寶興查辦後迄今甫及數年即有奸民潛入封禁

官荒內私墾地畝之事可見該管員弁查察不嚴向來每屆年終由該總管協領各委員弁往查僅以並無越界偷墾加結具報亦屬具文嗣後著該將軍等仍遵前旨責成該營隨時嚴查毋許疏懈至每屆年終應如何查辦以期周密之處著祥康等妥議章程具奏○又諭林則徐等奏審擬刊賣假捏照會外國公文人犯一摺此案廣東省城鋪戶翁亞澄因見陳姓文童鈔有欽差與本省督撫照

會喚咭喇國禁造鴉片文稿並不查明真偽輒行刊賣圖利著照所擬杖一百徒三年不准查辦留養逸犯陳姓仍著飭屬嚴拏務獲究辦○諭軍機大臣等林則徐等奏喚國躉船現已盡行驅逐並飭取切結情形一摺覽奏均悉據稱該夷駛出老萬山回國空船二十三隻奸夷十六名均經驅逐淨盡並遵式取具切結等語該夷等經此查辦懲創之後自必畏服惟大船六隻小船十餘隻潛回夷

埠距粵不過半月海程恐日後私運入口不可不嚴密防範至嘩喻兵船來自夷埠雖名為護貨亦難保無叵測情形前次犯案兇夷既不交出聽審又不能究出正犯狡獪可惡著林則徐鄧廷楨派委妥員巡查各隘口如夷埠船隻潛載煙土混入即行查拏懲辦其護貨兵船果否安靜並飭令將毆斃林姓兇夷交出無得藉詞逗留儻有一事不遵即當權變示威為一勞永逸之計至該夷恐兵役

按查裁賊雖係過慮亦不可不防其漸著鄧廷楨嚴飭該管文武員弁剴切訓諭如有裁賊等情一經查出定當從重治罪務使兵役畏法夷商知恩是為至要若約束不嚴稍滋弊混外夷轉得藉口尚復成何事體懍之將此諭令知之○乙酉

上詣綺春園問

皇太后安○御洞明堂勾到浙江江西安徽江蘇情實罪犯停決浙江斬犯三人絞犯一人

江西斬犯五人絞犯四人安徽斬犯七人江蘇斬犯四人絞犯二人餘七十八人予勾○諭內閣前據御史汪子泗奏直隸各海口暨天津均應設立水師當降旨飭令琦善籌議復據御史張灝奏稱天津海口請因時制宜酌設水師弁兵以重巡防茲據琦善查奏直隸地方如天津海口二十里外舊有攔江沙一道外洋巨艇不能越沙而進順天府屬寧河縣之北塘汛亦有攔江沙阻禦其餘滄州

靜海青縣鹽山慶雲等處濱海而不通海者居多永平府遵化州所屬惟昌黎縣浪窩口較大大舟亦不能進口其他沿海村莊人煙尚屬稠密盜船不至潛入從前天津雖有水師因北人不諳風濤屢設屢裁如果復設勢難周匝徒事虛糜等語大凡盜賊逃竄水陸皆其淵藪全在各省大吏督飭所屬不分畛域有犯必獲毋令漏網直隸所屬海口較多據琦善查明各處情形自可毋庸添設至天津雖商賈輻輳之地如果該地方官查拏嚴緊亦不至藏匿奸邪况重設水師所需將備員弁仍須撥自南省其挑撥而來者人材技藝未必轉優於彼所自留是徒事更張有名無實所有該御史等原奏均毋庸議至江南山東福建浙江廣東等省俱設有水師該督撫等務當督飭文武員弁認真巡察遇有搶劫之案立時破獲俾荏苒永靖行旅無驚儻匪徒等計窮勢蹙逃竄登岸陸路員弁又復

掩捕無餘。巢穴兩空。何虞攘奪。現在天津既不重設水師。著琦善嚴飭所屬。如有洋盜上岸。悉數擒拏。嚴行懲辦。其餘各海口。並著一律梭織巡查。毋稍疏懈。儻日後報有盜劫重案。查係由海口竄入者。惟琦善是問。懍之。○又諭琦善奏請將天津水師營房屋船隻覈實估變。並分別攤賠等語。天津水師營裁撤之後。所有房屋船隻。著准其覈實估變。其餘不足銀兩。即在歷任天津縣名下。按在任月日久。暫分別攤賠。仍扣足從前原估一萬三千餘兩之數。以清公項。○丙戌

上奉

皇太后幸山高水長。閱精捷營陣式。幸半畝園進膳。○諭內閣。禮部奏查出博士私給劄付一摺。五經博士。例不頒給關防。安徽省亦無程子祠廟及額設祀生之例。歷次清查私照。均概令銷燬。何以該省六安州販賣煙土之程保齡。復有奉祀生名目。且現在送繳到部。

之劄付。據該部查由五經博士程所給。並鈴用五經博士程關防字樣。博士程係屬何名。其關防係由何處頒發。著色卜星額將冒充祀生之程保齡。及私給劄付之博士。分別嚴行查究。至私給劄付。久干例禁。今既查出。恐尚不止此一舉。著行聖公及各直省督撫。學政詳查究辦。以慎名器。○又諭鄧廷楨等奏議覆御史焦友麟廣敷教化一摺。著仍循照舊章實力奉行。所有該御史奏請責成教官。

會拏教匪之處。著毋庸議。至該督等奏請查禁生員教官吸食鴉片等語。現當查辦鴉片喫緊之時。若教官身自吸食。何以模範諸生。士子未盡肅清。編氓何由觀感。著該督等嚴飭所屬認真查禁。遇有教官生員吸食之案。按照現行新例嚴行懲辦。該督等奏請飭定教官失察處分等語。現頒例內有兵丁買食鴉片煙。該管各官分別故縱失察革職降調一條。自可比照辦理。無庸另立科條。著通諭

各直省督撫一體遵行。○丁亥諭內閣給事中袁玉麟奏贖陳水師積弊請嚴飭查禁一摺國家設立水師原以巡哨洋面捍衛海疆乃近來各省漸形廢弛以致在洋被劫之案層見疊出而各處緝獲者甚屬寥寥若如該給事中所奏水師營務積弊各省海洋靜謐專閭大員競尚浮華需索包庇習為固然甚至冒糧扣餉均所不免又水師升途較捷各該員等無論是否熟諳水性輒紛紛呈改該管總兵未免意存瞻徇逐一保題從無駁歸陸營之事至修造戰船武弁索取規費有加無已文員賠累不堪遂多草率從事以致實堪駕駛者竟屬無幾是有水師之名無水師之實積弊相沿廢弛已極不可不嚴行查禁著通飭各該省督撫提鎮詳加稽覈其有將備索扣之弊即著該督撫嚴密訪查從重叅辦如有不習水性畏懼風濤之弁兵立即甄汰其呈改召募著一併認真試驗辦理不得

稍存瞻徇並轉飭各員弁修驗戰船各宜認真以資實用經此次訓諭之後凡有水師營務積弊務須一力肅除認真操練儻有不知悔改陽奉陰違將來別經發覺朕惟該督撫提鎮是問懍之○又諭給事中袁玉麟奏外省控案延提徇庇請飭查究一摺外省督撫藩臬道府遇有民人控案自應親提究辦若如該給事中所奏近來外省於上控各案延不親提以致紛紛京控良由積習相沿瞻徇情面甚且收受陋規為所挾制江西廣信府向有提案規禮各屬每年饋送本府自一千兩至數百兩不等一受此規遂礙於提審控案等語著錢寶琛查明據實具奏因思外省知府所轄不過數屬地方相離較近何以屢次呈訴並不親提該給事中所奏瞻徇優容得規庇護經州縣懇求即將原案批回申理此等積弊恐不獨江西一省為然著通諭各直省督撫嚴行查究分別叅辦如查有得規

情事即著永遠裁禁以肅官方而恤民隱至州縣自理詞訟本有填註環簿呈送府州查銷及巡道稽覈之例據奏各省全不奉行以致尋常詞訟州縣一批了事小民守候傳訊經年累月等語著各督撫一併嚴查懲辦毋得視為具文懷之尋奏確查廣信府知府拖克西圖自道光十六年到任以來陸續提審完結一百一十餘案從無得受規禮免予提審之事密訪所屬各縣亦向無饋送陋規並不知有此項名目據各該縣查開府提各案清摺出具印結由藩臬兩司覆查無異該給事中所奏應毋庸議得旨勿受欺蔽是為至要隨時加意焉○以疊獲重犯賞湖南知府葉敬昌道銜○以教演精捷營兵技藝嫺熟予河南營弁常啓雲以千總即補先換頂帶○添購河南十三廳山東二廳備防石料並准以舊價改辦磚料從河道總督栗毓美請也○修培河南上游七廳隄工從河道總督

栗毓美請也○蠲緩湖南華容武陵龍陽沅江澧安鄉巴陵益陽八州縣及岳州衛被水莊屯新舊額賦有差給華容縣及岳州衛軍民一月口糧○戊子諭內閣前據御史汪于泗奏山西盜犯張金淋則聚夥分劫輪姦斃命等情降旨交隆文審辦茲據奏稱由陝至晉分途潛訪或以為有或以為無議論不一復出示招告多日無人控告等語案關重大訪問既以為有不得因現無事主質證遽爾定讞致滋輕縱新任巡撫楊國楨甫經簡任無所用其回護著於到任後另委精明諳練之員嚴行查辦務期水落石出不得剋期草率取結竣事其有干礙各該縣之處一概先行撤任以杜弊混其未痾牛則張金淋則二犯漏未刺字及箕斗不符之處亦著覈實查辦至徐溝縣知縣王文鼎本係獲犯之員惟隱匿就獲緣由朦稟邀功與未能究出該縣朦稟之各該上司及捕役被盜挾嫌允砍玩

不查辦之介休縣知縣林德奎均咎有應得著於定案時查取職名一併交部分別議處○又諭御史扎克丹奏請將武鄉會試卷面浮夾名籤改為黏貼等語本年武鄉試正藍旗玉山與正黃旗玉山卷面填寫互相舛錯據該御史稱係因試卷內浮夾名籤互相舛錯以致填寫不符自應酌改以昭慎重嗣後武鄉會試卷內浮夾名籤之處著改為長方小籤書寫姓名籍貫旗分黏於卷面空處印用戳記俟彌封後交與監試御史按冊填寫與監臨提調等官面對紅號印簿無訛即將黏貼小籤揭去再行交入內簾以免訛錯而杜更換○又諭閩福奏開挖渠工告竣親詣履勘一摺額魯特愛曼所屬界內塔什畢圖所開渠工除支渠不計外實開正渠二萬五千七百四十四丈合計一百四十三里有奇得地十六萬四千餘畝經該署將軍履勘查詢該地實屬肥腴引水足資灌溉所辦甚好

其籌款資生安插回戶添設伯克諸事著該署將軍悉心籌畫趕為布置以期無誤明春試種仍將現辦情形具奏所有分撥地畝經理水務及籌備牲畜籽種各事宜著俟現籌諸事將屆完畢會同將軍奕山妥議章程奏明辦理○又諭宗室有麟於因案革爵後不知守法輒敢瞻徇私情代為鄉試諸生請託實屬膽大妄為著在宗人府重責三十板再行發往盛京交該將軍嚴加管束○以甘肅鎮海協副將李錡為江西九江鎮總兵官○己丑上御洞明堂勾到河南山西情實罪犯停決河南斬犯四人絞犯一人山西斬犯五人絞犯二人餘七十三人予勾○諭內閣此案佟鏞王慶賢盛福仲虧短庫項業據盛福仲於限內完贖其佟鏞王慶賢未完銀兩查係盛福仲先行借用現經盛福仲家屬措繳銀三千五百兩該部因尚有未措銀一千五百兩請

將該三犯一併勒限半年監追。固為慎重庫項起見。惟該犯等居心狡詐。安知不因贓未全完。希冀逗留。若再勒限監追。轉得遂其拖延之計。所有已措銀三千五百兩。即著熱河總管照數收明具奏。未措銀一千五百兩。著免其追繳。盛福、仲佟、鎧均著照原擬發往黑龍江充當苦差。王慶賢亦照原擬發往伊犁充當苦差。○庚寅諭內閣。此案盛福、仲佟、鎧王慶賢虧短庫項。昨據刑部具奏。已降旨將該犯等分別發遣。惟刑部摺內出語僅云。限滿不完。永遠監追。並不將原擬發遣伊犁、黑龍江等情分晰陳明。請旨。在該犯等居心狡詐。自以贓未全完。希冀逗留。刑部並未細心覈察。遽議永遠監追。適以遂其拖延之奸。是該部堂司各官辦理此案。俱有朦混之意。著交部分別議處。文慶係原審定擬之人。昨召見時。奏對失實。著一併交部詳處。○又諭。裕祥前在乾清門行走。因品行不堪。身體軟弱。

特旨逐出乾清門。今領侍衛內大臣仁壽等復將該員保舉侍衛什長。帶領引見。殊屬非是。仁壽、奕紀均著交該衙門察議。其侍衛什長員缺。著該大臣等另選堪補人員。帶領引見。○蠲緩安徽望江、東流、銅陵、五河、桐城。無為、泗貴池、懷寧、宿松、當塗、繁昌、和、含山、壽鳳、陽懷遠、鳳臺、青陽、巢、定遠、盱眙、昭、長、建、德、霍、邱、潛山、太湖、建平、阜陽、合肥、太和、潁上、三十二州縣被水災區新舊正雜額賦有差。賑望江、東流、銅陵、五河、桐城。無為、泗貴池、宿松、當塗、繁昌。十一州縣及屯坐各衛軍民。並給一月口糧。○辛卯上詣綺春園問皇太后安。○命古城領隊大臣海齡、哈密辦事大臣賡福、駐藏大臣關聖保、伊犁領隊大臣巴里善來京。賞降調大理寺卿全慶頭等侍衛。為古城領隊大臣。以鑲白旗漢軍副都統德全。為哈密辦事大臣。駐藏幫辦大臣孟保。

為駐藏大臣正白旗漢軍副都統海樸為駐藏幫辦大臣乾清門頭等侍衛開明阿為伊犁領隊大臣○以催趨回空軍船出在予漕標千總翁際平等議敘○免江蘇上元縣坍折蘆地三十五頃七十一畝有奇額課○壬辰

上詣

安佑宮行禮○御洞明堂勾到山東直隸熱河情實罪犯停決山東斬犯六人絞犯一人直隸斬犯五人絞犯二人熱河斬犯一人餘六十六人予勾○諭內閣前據署兩江總督陳

鑾署江蘇巡撫裕謙江蘇學政祁寯藻奏請飭下儒臣敬謹推闡

聖諭廣訓內黜異端以崇正學一條擬撰有韻之文頒發各省當經降旨著翰林院敬謹擬撰茲據掌院學士等進呈四言韻文一篇候朕欽定朕詳加披閱足以闡明

聖訓啟迪愚蒙著禮部即頒行各直省學政恭

書刊刻徧頒鄉塾俾民間童年誦習激發良知涵育薰陶風俗蒸蒸日上朕實有厚望焉○又諭魏元烺奏試習礮陣等語閩省為濱海巖疆重地武備甚關緊要現經該署督詳細講求據稱礮陣能合眾志為一心統全軍如一伍並將陣式操法分晰陳奏著即照所請勤加訓練以槍礮為先刀矛弓箭次之無論營分大小兵數多寡總須認真練習毋得視為具文現在省提兩標先行試練以為之倡儻有成效著即通飭各鎮如式教演務使該弁兵等有勇知方悉成勁旅以肅營伍而重操防○以翰林院侍講錫麟充日講起居注官

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二十七

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二十八

監修魏官煙庵日耕起居注宮太子太保體仁閣大學士文淵閣領閣事掌理戶部事務二書房總師傅翰林院掌院庶士葉晉順

天府府尹事務關華加五級卹銀十八大帛賞恤總裁官經庭議官吏部尚書續茲旗漢軍都統管理新營城內官房大臣得奉四

七倉大臣攝政會同四譯館市格加一紙隨帶加六級軍功加三級光祿五大臣花沙納理羅譯官文靖閣提舉閣事兵部尚書總管

內務府大臣鑲白齊滿洲都統穆爾察內倉大臣管理宗人府銀庫左翼幼官參
軍齊克圖明圖等之階級寶印朱漆房內銀漆皮

醫院連綿處事務隨年加十八歲。臣阿靈阿副總裁官總巡撫官兵部尚書隨帶的六親紀錄二十次。臣聞祖培等奉

教修

道光十九年己亥十一月癸巳朔旌表守正

寶錄卷之二十一

捐軀廣東順德縣民楊學禮女會珍○減免

直隸隆平寧晉安新安文安五州縣積水地

畝額賦有差。○甲午。諭內閣。前降旨。將越南

國二年一貢。改為四年遣使朝貢一次。以昭

體恤。茲據禮部奏稱。該國王以四年例貢品。

數應否照舊遵辦咨部請示該部請照兩頁

並進之數減半呈進並擬單呈覽越南國向

例每屆四年兩貢並進。今既改為四年一貢。

所進貢物自應減去一次其舊例兩貢並進

之處著即停止用示朕綏懷藩服之意該部即遵諭行○乙未諭內閣前據戶部奏嘉慶四年江西省清查案內虧項未完銀七萬五百餘兩當降旨令該撫飭催繳解茲據錢寶琛奏稱該省現有那墊銀五十四萬六千三百餘兩著落現任各官分限十年攤補若將前項銀兩責令同時並捐恐不肖之員藉口賠累侵公朘民等語著照所請所有清查案內未完銀七萬五百餘兩准其俟那墊銀兩照數補完後再行接續歸補以清懸款該部知道○蠲緩江西南昌新建豐城進賢清江新淦廬陵泰和萬安鄱陽餘干星子都昌建昌德安瑞昌湖口彭澤德化新喻峽江吉水安義二十三縣被水村莊新舊額賦有差給德化德安瑞昌湖口彭澤皇子建昌七縣災民一月口糧○丙申諭內閣本年各直省辦理秋審人犯經刑部由實改緩者河南一起由緩改實者四川五起秋讞大典自應虛衷

研鞠詳審覈定該督撫及臬司等辦理秋審未能慎重詳覈致失出多案並有失入之案俱著交部查明分別議處嗣後各直省督撫督率臬司務宜折衷至當斷不可有苛刻覈亦不得故從輕減總期毋枉毋縱各得其平以副朕執法用中至意○又諭御史善奎奏請整飭營務一摺據奏八旗各營附近之處多有回民開設印局重利放債引誘賭博旗人受其誑騙錢糧不能顧家稍不遂意結黨成羣踵門威嚇等語回民放債誘賭致旗人生計日絀固應嚴行禁止但八旗兵丁果能專心本務不染澆風即有引誘匪徒何至受其侵削著步軍統領衙門順天府五城於各旗營附近處所一體嚴查遇有回民開局誘賭之事拏獲究辦並通飭管理旗營各大臣轉飭所屬約束兵丁嫺騎射以講武敦節儉以厚生俾各有勇知方崇實務本用副朕惠養旗人至意將此通諭知之○又諭御史陳

盜霖奏。請查究差役匪徒互相勾結一摺。各直省衙門差役。與地方匪徒朋比為奸。全在州縣官隨時懲辦。若如該御史所奏。近日直隸等省。差役匪徒勾結滋事之案。層見疊出。總由州縣官廢弛已久。平時漫無覺察。有事又回護處分。甚或那改案情。刪減人數。種種滋弊。以致該役等有恃無恐。小則詐賊威嚇。大則結黨橫行。殊於地方大有關係。著直省各督撫。飭屬嚴密訪查。認真拏究。如有開葺

書奏

不職之員。縱匪養奸。即著嚴行叅解。毋稍姑容。儻意存徇庇。致釀事端。將來別經發覺。惟該督撫等是問。將此通諭知之。○蜀綏山西保德。興。河曲。應。偏。關。神。池。五。寨。奇。嵐。八。州。縣。被。早。被。霜。被。水。被。雹。村。莊。新。舊。額。賦。有。差。給。保。德。興。河。曲。應。四。州。縣。災。民。一。月。口。糧。加。賑。保。德。州。災。民。一。月。○戊。戌。

上詣綺春園問

皇太后安。○諭軍機大臣等。御史駱秉章奏。廣

東韶州設立東西二關。凡往江西浙江江南等省。則由東關稽查。往湖南湖北河南等省。則由西關稽查。現在奸商馬姓夾帶煙土。由南雄直度大庾嶺。係由韶關偷度。恐該關吏役等。有得規故縱情弊。並聞向來奸商。有以鴉片煙冒作玻璃片報稅。請飭查究等語。現當查拏鴉片喫緊之時。各處關口。尤須認真盤驗。著林則徐。鄧廷楨。怡良。確切查明。如有吏役包庇。及冒稱別物報稅等弊。即行從嚴懲辦。務使根株永斷。錮弊悉除。是為至要。將此各諭令知之。尋奏。查南韶連道楊九畹等。拏獲煙匪區老三等九十三名。煙土煙膏五千四百六十兩有奇。歷經彙奏在案。派員密訪。並無馬老兆其人。關上查稅。皆以鐵杆戳探。該道親自看視。現亦無捏報玻璃偷帶煙土情事。得旨。隨時認真查辦。切勿一查了事也。○命吏部右侍郎恩桂。大理寺少卿何汝霖。馳赴福建查辦事件。○命禮部右侍郎黃

書奏

爵滋。馳赴山海關查辦事件。○已亥。

上御洞明堂。勾到朝審情實罪犯。停決斬犯一人。餘五人予勾。○諭軍機大臣等。傳諭山海關監督景福。前據刑部奏提訊臨榆縣民姚思瑞。呈控協領德凌阿。為監督宗室奕毓。闖說那借銀兩各款一案。供情狡執。當經降旨。將德凌阿革職。交該部嚴究。並著直隸總督轉飭該縣及該監督。將應訊人證。弋獲解部。現在此案已派侍郎黃爵滋。馳驛前赴查辦。

所有案內應訊人證。弋獲後著毋庸解部。即著該監督將此案人證暫行收禁。冊籍封固。俟欽差到時查辦。○以故賽因諾顏貝子哈斯巴咱爾。子布木達爾襲爵。○以內閣學士端華。署正黃旗護軍統領。○以工部右侍郎松峻。署京營左翼總兵。○緩徵兩淮富安、安豐、梁垛、東臺、何垛、丁溪、草堰、劉莊、伍祐、新興、廟灣、板浦、中正、臨興、十四場被水歉區新舊額賦。○庚子。諭內閣。昨日正藍旗將擬補護

軍參領人員。帶領引見。副護軍參領廣祿。箭射無準。著罰俸一年。該護軍統領扎拉罕。奏著交部照例議處。○又諭御史陳光亨。奏請將捐賑紳民從優議叙。現據吏部議稱。本有從優之條。有加無已。恐漫無限制。著毋庸議。至所稱外省捐辦工程。有勒捐罰捐等弊。本干例禁。著各直省督撫。仍遵舊章。嚴加訪察。務於所屬府廳州縣。剴切曉諭。概不准有勒捐罰捐等弊。如別經發覺。定行懲處不貸。○

諭軍機大臣等。林則徐等奏。轟擊夷船情形。一摺。覽奏均悉。喫咭喇國夷人。自議禁煙之後。反覆無常。前次膽敢先放火礮。旋經剴諭。偽作恭順。仍勾結兵船。潛圖報復。彼時雖加懲創。未即絕其貿易。已不足以示威。此次吐噬夷船。復敢首先開放大礮。又於官涌地方。占據巢穴。接仗六次。我兵連獲勝仗。並將失沙嘴夷船。全數逐出外洋。該夷心懷叵測。已可概見。即使此時出具甘結。亦難保無反覆。

情事。若屢次抗拒。仍准通商。殊屬不成事體。至區區稅銀。何足計論。我朝撫綏外夷。恩澤極厚。該夷等不知感戴。反肆鴟張。是彼曲我直。中外咸知。自外生成。尚何足惜。著林則徐等酌量情形。即將喫咭喇國貿易停止。所有該國船隻。盡行驅逐出口。不必取具甘結。其毆斃華民兇犯。亦不值令其交出。噶哪一船。無庸查明下落。並著出示曉諭各國。列其罪狀。宣布各夷。俾知喫夷自絕天朝。與爾各國無與。爾各國照常恭順。仍准通商。儻敢包庇喫夷。潛帶入口。一經查出。從重治罪。其沿海各隘口。並距夷埠不遠之海島。均著林則徐等相度機宜。密派員弁兵丁。嚴加防護。毋稍疏懈。此次攻擊夷船。提督關天培奮勇直前。身先士卒。可嘉之至。著賞給法福靈阿巴圖魯名號。仍交部從優議敘。以示獎勵。所有在事出力員弁。著查明保奏。候朕施恩。陣亡及受傷弁兵。著林則徐等查明咨部。照例辦理。

將此各諭令知之。○諭內務府大臣等。向來欽安殿當差之首領太監等。每年正月二月八月九月十月十二月。均有辦道場之期。每月又有拜斗之日。朕思該太監等供役內庭。原為灑掃殿宇差使。嗣後該處首領太監。在欽安殿辦道場及拜斗等事。著永遠停止。其八月初十日傳進光明殿法官道眾。在欽安殿辦道場。及十二日在順貞門外搭臺舉走香燈之處。亦著停止。至圓明園佛樓慈雲普護。含衛城。永日堂廣育宮。關帝廟。法慧寺。河神廟。亦俱有首領太監充當僧人。上殿念經等事。著一併裁撤。該首領太監等均著留髮當差。有年老不願留髮者。聽其在原處當差。終身而止。亦不必上殿念經。至佛樓念經之幼僧十三名。道童十名。原係由外廟撥進。著全行撤出。仍令歸廟。由內務府妥為安置。其每年傳進外廟僧官在佛樓念經等日。亦著不必傳進。所有欽安殿首

領太監等應用之道衣法器經卷著派敬徵率同總管太監劉進禮前往查明圓明園佛樓等處首領太監等應用經卷法器著派裕誠率同總管太監趙喜查明開單具奏嗣後每屆欽安殿

天穹寶殿斗壇及圓明園佛樓等處拜斗拈香日期著敬事房圓明園司房先期請旨並著總管太監等傳諭各該處首領太監此後照常供獻上香敬謹灑埽著為令○禮部議准

前護河南巡撫鄂順安疏報採訪唐縣貞節婦女黨劉氏等一百九十九口安徽巡撫色卜星額疏報休寧縣汪王氏等六千二十八口署江蘇巡撫裕謙疏報通州分司所屬九場居葛氏等三百三十八口各請建總坊旌表從之○免齊齊哈爾黑龍江墨爾根三城被旱被水公田額賦貸齊齊哈爾布特哈卜魁等站災戶口糧展緩黑龍江齊齊哈爾墨爾根布特哈卜魁等站災戶舊欠銀糧○辛

丑

上詣

安佑宮行禮○閩浙總督桂良奏報到任日期得旨閩省吏治武備廢弛已久水師尤關緊要汝若不加振作一味因循委過前人自問天良何在朕有見聞斷不能曲為包容也懍之勉之○以故甘肅河州土千戶韓輝宗子伏襲職○壬寅

上詣

大高殿

壽皇殿行禮○奉

皇太后還宮○癸卯

上詣

皇太后宮問安○諭內閣前據嵩溥等奏籌議查拏閩省海口鴉片章程一摺當交軍機大臣會同該部議奏茲據穆彰阿等會議具奏均著照所議辦理嗣後拏獲鴉片之案訊係曾由何處關津經過者著該將軍等即將所

派管關之員。有無知情故縱。一體嚴叅究辦。
○命禮部尚書龔守正。刑部尚書隆文。工部
尚書陳官俊。正藍旗蒙古都統哈喇阿。在紫
禁城內騎馬。○移湖北崇陽汛把總駐江夏。
江夏汛外委駐崇陽。從總督周天爵請也。○
緩徵陝西綏德清澗。朱脂吳堡。四州縣被旱
歉區新舊額賦。○甲辰

上詣

大神廟

宣仁廟

凝和廟拈香。○遣官祭

先醫之神。○以安徽布政使程楸采為巡撫。

山東按察使邵甲名為安徽布政使。○贈故

安徽巡撫色卜星額太子太保。予祭葬。○乙

巳

聖祖仁皇帝忌辰。遣官祭

景陵。○

上詣

壽皇殿行禮。○詣

闕帝廟拈香。○諭內閣。前據寶興奏。叅成都
府知府謝興曉。聲名狼籍。物議沸騰。當經降
旨飭查。茲據查明。該府審理案件。於官親丁
役舞弊作奸。既不能豫為約束。又復漫無覺
察。且恐有授意婪贓等弊。謝興曉著即革職。
交該督親提全案人證。嚴行究訊。不准任其
狡展。並勒令速將閻成等交出。歸案質審。毋
許稍涉遷就。有意開脫。以懲貪墨而儆官邪。
尋奏。謝興曉於文生廖鳳者。被人誣扳姦案。
不即訊釋。致官親謝興燦家丁閻成。曾喜差
役游七等。撞騙多贓。毫無覺察。業經革職。應
毋庸議。除嚴緝曾喜務獲外。謝興燦閻成。擬
枷號兩箇月。發極邊煙瘴充軍。餘分別問擬。
下部議從之。○鑲藍旗漢軍都統特依順保。
因病再賞假兩月。以理藩院尚書賽尚阿署
鑲藍旗漢軍都統。○調安徽按察使徐寶森
為山東按察使。以江蘇淮海道文麟為安徽

按察使○緩徵江蘇上元江寧句容溧水高淳江浦六合長洲元和吳江震澤常熟昭文崑山新陽華亭奉賢崑山上海南匯川沙青浦武進陽湖無錫金匱江陰宜興荆溪靖江丹徒丹陽金壇溧陽山陽阜寧清河桃源安東鹽城高郵泰東臺江都甘泉儀徵興化寶應銅山沛蕭陽山邳宿遷睢寧太倉鎮洋海沐陽六十一廳州縣並淮安大河揚州徐州蘇州太倉鎮海金山八衛被水被旱莊屯新舊額賦○丙午

上以冬至祀

天於

圓丘自是日始齋戒三日○丁未諭內閣前據多爾濟納木凱奏請將伊族台吉一二人帶赴科布多幫辦家務可否於各項公務往來之便即行起程等語當經降旨交理藩院議奏茲據該院奏稱外任蒙古大臣隨帶本族台吉幫辦家務例無專條且所稱於各項公

務往來之便即行起程尤屬窒礙難行多爾濟納木凱冒昧奏請殊屬非是著交該院察議○諭軍機大臣等御史焦友麟奏命案情節支離請飭查辦一招前據經額布奏昌邑縣民劉治被女魏劉氏等謀勒致斃捏報自勒身死委員究出實情分別凌遲斬決茲據奏稱此案疑竇多端該處物議沸騰恐有鍛鍊成招故入人罪等語案關凌遲斬決三命原辦有無錯誤自須詳慎確查托渾布甫經到任無所用其回護著即按照指出情節虛衷研鞫務得確情不得因案已擬結將就了事原摺著鈔給閱看將此諭令知之尋奏劉治女魏劉氏妻姪劉延治因姦敗露商同劉治妻劉劉氏勒死劉治知縣凌朝薦誤聽仵作以自勒填報經濟南府知府侯燮堂審出實情魏劉氏劉劉氏凌遲劉延治斬決凌朝薦革職在案今覆加訊驗無異惟當日侯燮堂因眾供已確未請開檢應交部議處下部

議從之○戊申

上詣

南郊齋宮齋宿○調廣州將軍哈豐阿為西安將軍綏遠城將軍德克金布為廣州將軍以前任福州將軍嵩溥為綏遠城將軍○以緝獲散布妖言重犯予河南知縣崔燾等升補有差並免歷任文武員弁失察處分○予故西安將軍蘇勒芳阿祭葬諡壯敏○綏徽浙江烏程歸安德清武康四縣被雨歉區新舊

額賦○已酉冬至祀

天於

圓丘

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵

裕陵

昌陵○遣官祭

孝穆皇后

孝慎皇后陵寢○遣官祭

端慧皇太子園寢○詣

皇太后宮問安○停次日朝賀○諭內閣本日

天壇大祀讀祝官伊勒通阿聲音平常嗣後遇

有親行典禮不准開列著該衙門堂官另揀

聲音洪亮之員豫備讀祝差使○賞八旗兵

丁一月錢糧○庚戌諭內閣哲布尊丹巴呼

圖克圖來京瞻觀業由庫倫起程惟念遠路

馳驅該呼圖克圖身體是否平善著派御前

行走扎薩克貝子濟克默特偕理藩院主事

那蘇泰馳驛前往迎接並賞給該呼圖克圖

黃哈達一方。吉祥玉佩一件。翡翠念珠一串。交濟克默特齋往。無論何處迎見該呼圖克圖。即行傳諭令其祇領。以示體恤。○又諭御史扎克丹奏。請飭部院堂官認真考試筆帖式一摺。各部院筆帖式。清文是其本分。必須品誼端方。差使勤奮。而又繕譯清通。方可列諸上考。現屆辦理京察年分。著各部院堂官認真考試。秉公遴選。務使所保各員。器識文藝。皆有可觀。不得濫竽充數。將此通諭知之。

○辛亥。諭內閣。錢寶琛奏。請酌改水師唬船。並先行試辦一摺。江西省南湖九江鄱湖水師營額設唬船。現據該撫查明。船身笨重。不便駕駛。請倣照民船式樣。分別改造。著准其每營酌造數隻試用。仍著該撫確切查明。如果合式。再行覈實具奏。該部知道。尋奏。南湖營試造八隻。九江鄱湖兩營各照造五隻。業經會同總兵官李錡閱視。進退折旋。俱極靈便。足備操防。報聞。○以故奉恩將軍福嵩阿

子瑞慶襲職。○撫卹朝鮮國遭風難夷如例。

○士子遭惠親王綿愉。詣

大高殿成郡王載銳。詣

宣仁廟。

凝和廟。慶郡王奕綬。詣

昭顯廟。

時應宮。謝雪。○管虎槍處定郡王載銓等奏。

請將虎槍處營撥差馬。停止交圍出青。庶免

差務踴躍。所需馬乾錢糧。即由本處行文戶

部支領從之。○盛京將軍耆英奏。遵旨禁止

雇倩儼手演圖。得旨。每歲行圍。必當一力嚴

查。斷不准稍不留心。又蹈故習。懍之。○癸丑

諭內閣。裕泰奏。叅武場聽受賄囑舞弊並事

後捏稟之營弁。請旨分別革職。解任嚴審。一

摺。所查甚屬細心。武場考試。必須弓力覈實。

方足以拔真才。豈容稍滋弊竇。湖南撫標左

營把總陳桂林。在廠遞弓。竟敢聽受武生賄

囑。換貼印花。遞給輕弓。實屬藐法。武巡捕官

千總周慶龍學習武舉胡正元均係管弓之弁。學習武進士黃萬全與陳桂林同當遞弓差使。俱難保無通同舞弊情事。陳桂林著先行革職。周慶龍著即解任。同黃萬全胡正元一併歸案。交該撫提齊應訊人證。嚴審確情。按律懲辦。所有行賄囑託之武生龍登芳等。並著嚴拏務獲究辦。以肅功令。尋奏周慶龍胡正元派管弓樞專司收發黃萬全雖同當遞弓差使第分管弓力號次各有不同訊無

實錄卷一百一十五

三

串通舞弊情事。惟失察兵丁盜用印花應一併交部議處。陳桂林應從重發往新疆充當苦差。龍登芳應革去武生。照生童被騙例問擬杖徒。下部議從之。○又諭嵩溥奏請嚴懲內地奸民偷運煙土一摺。據稱夷人狡獪奸民為之潛通不但偷運鴉片且接濟水米巡洋兵船得規賣放不法兵弁代為包運等語。前據魏元烺等奏金門鎮營弁林和國巡船包運煙土槍傷岸民曾經降旨飭令嚴辦恐

各鎮似此劣弁難保必無著沿海各督撫飭屬嚴拏。儘審明實有勾通接濟等情即著奏請正法以儆兇頑。至巡洋兵弁不肯事先認真巡緝每於被劫後人賊並獲冀可瓜分贓款此種惡習亦著該督撫等嚴行中禁。總當梭織巡拏毋令盜匪肆行劫掠。儘查有故縱包庇情弊即行嚴懲以重緝捕而肅海疆。○以工部左侍郎文蔚兼署左翼前鋒統領。○旌表守正捐軀河南尉氏縣民蘇忝常女素

實錄卷一百一十六

三

姐○甲寅

上 詣

皇太后宮問安。○諭內閣朕弟惇恪親王於上年薨逝迄今十二月初四日已屆週年之期眷懷同氣良用愴然著御膳房豫備祭品一桌派惠親王綿愉屆期前往代朕奠醢。○諭軍機大臣等給事中張秉德奏重案含混擬結請飭研訊一摺。據奏山東武定府蒲臺縣民婦王劉氏挖死繼母劉王氏一案因劉王

氏曬晾豆餅短少。向伊女王劉氏查問。因其頂撞向毆。王劉氏將伊母推至炕邊。用手挖住咽喉不放。致斃。並據僕婦徐氏供出。王劉氏通姦報怨等情。恐係有心謀害。該縣改作劉王氏趕打其女失跌倒地。痰壅氣閉身死。定案等語。案關倫紀。虛實均應確究。著托渾布提集全案人證。秉公覆行審訊。務得確情。如該縣實有故縱情事。著即據實嚴參。毋許徇隱。總期水落石出。毋枉毋縱。不得因案已

擬結。稍存遷就。原摺著鈔給閱看。將此諭令知之。尋奏。訊明王劉氏並無與胞姪劉大慙通姦謀害伊母情事。已照例擬絞監候。應毋庸更議。前署蒲臺縣知縣李澧。訊無捏案改供等情。惟失察件作漏報。墊傷。究屬率忽。應請交部議處。下部知之。○以督造礮臺排鍊出力。予廣東副將李賢等。加銜升敘有差。○乙卯諭內閣。前降旨。令八旗兵丁射箭。俱穿用布衣布褲。茲因引見八旗兩翼官兵。仍穿

紬緞。將該管大臣傳旨申飭。自降旨以後。各旗營引見六品以下旗員。均能恪遵諭旨。連日兵部帶領引見王公護衛各員。亦無穿用紬緞之人。甚合朕崇實黜浮之意。惟本日貝勒綿譽門上護軍校四人。竟有三人仍穿紬緞。本應嚴懲示儆。姑念綿譽現在臥病在家。著加恩暫行寬免。嗣後引見六品以下旗員。仍當懷遵前旨。穿用布衣布褲。如再有穿用紬緞者。除將本身斥革外。必將該管大臣嚴行懲處。懷之。○又諭。牛鑑奏。秋審失入。據實檢舉一摺。本年豫省秋審案內。光州黃錫明一起。原擬情實。由部改擬緩決。現據集司成世瑄檢舉。該司因誤會本省道光三年吳松太。由緩改實成案。是以擬實。於未經接署藩篆之先。擬就草冊。呈送前任巡撫龔叢具題。秋審失入。例有應得處分。前任河南巡撫朱樹。署河南布政使。現任按察使成世瑄。均著交部照例議處。署河南按察使開歸陳許道

張坦於彙案詳題時仍照原擬具詳亦有未合著交部分別議處○又諭前據御史賈臻奏河南候補知府方觀國貪婪卑鄙當降旨交前任巡撫桂良逐款根究茲據牛鑑奏稱方觀國被叅各款訊據逐一剖析咨查本省外省均與所供相符實無劣跡可指等語該御史所奏著無庸議○又諭賀長齡奏尚節堂興修完竣請書扁額一摺各省官紳士民集資建堂收養貧殘固屬應辦之事該省大吏

實錄卷一百一十五

書

因其急公好義自書扁額即足以示嘉獎乃率請欽賜扁額實屬冒昧賀長齡著傳旨申飭其續捐之甘肅臬司陶廷杰署貴筑縣知縣馮紹彭候補訓道張泰階著准其交部分別議敘又另片奏張泰階派委監督建堂辦理妥協懇予儘先補用等語張泰階著准其儘先補用以獎微勞該部知道○准江蘇紳士捐建故總督陶澍專祠從署總督陳鑒請也○旌表守正捐軀河南武安縣民苗蘭

芝女景志○修直隸通州溫榆河上游果渠村壩埽各工從大學士總督琦善請也○丙辰旌表守正捐軀直隸青縣民王獻功女菊妣○丁巳

上詣

壽康宮前殿行禮後殿問

皇太后安○諭內閣東毓美等奏冬挑津貼商息不敷請借撥趕辦等語山東運河冬挑津貼一款例支東商生息銀兩撥交各員領辦

實錄卷一百一十六

三

如遇商息解不足數或先由藩庫借撥或由運河道庫暫行墊發歷經辦有成案本年此項息銀除由運庫湊解外尚不敷銀一萬三千四百九十餘兩漕運攸關應挑工段勢難停緩著准其由山東藩庫先行借撥以濟要工其運庫應解生息銀兩著托渾布飭催運司嚴追歸款至運河道庫尚有道光十八年分墊發銀五千九百四十三兩零因該年商息係新商加價銀兩內貼補之項補解需時

現在道庫存款無多。准其一併在於藩庫暫行籌項借撥歸款。該部知道。○諭軍機大臣等。向來山海關遇有夾帶私獲之犯。皆係解部審辦。茲據刑部奏稱。該犯等每指販賣之犯。或在奉天。或在吉林。往返行提。輾轉需時。不能速結。殊滋拖累。請將嗣後拏獲夾帶私獲人犯。即由該副都統驗明。一面封送內務府。一面訊取確供。分別奏咨。就近解交犯事地方該管衙門審辦擬結。報部覆覆。其情罪較重者。仍解交刑部審辦等語。著裕瑞酌量情形。是否可行。有無窒礙。據實覆奏。刑部原摺著鈔給閱看。將此諭令知之。○賞順天等省鄉試年老諸生陳鏞等七十二人舉人副榜有差。○旌表守正捐軀河南淮寧縣民劉喜妻孫氏。○濬山東上河捕河運河。加河。四廳運河。從河道總督東毓美請也。○戊午。諭內閣。理藩院奏。哲布尊丹巴呼圖克圖到京之日。可否在紫禁城內賞坐車轎之處。請旨。

一摺。哲布尊丹巴呼圖克圖。自率領喀爾喀四部落人等投誠以來。廣建功勳。推闡黃教。本年來京瞻覲。實屬可嘉。俟該呼圖克圖到京之日。著加恩賞在紫禁城內乘坐黃圍車轎外。並於一切念經處所。賞用貂皮坐褥。○旌表守正捐軀雲南廣西州民張量媳閻氏。○戶部議准。陝甘總督瑚松額疏報。靖遠縣開墾荒地二十九頃三十一畝。有奇。照例升科。從之。○已未。諭軍機大臣等。給事中周春祺奏。邊貯開墾緊要。請飭查辦一摺。甘肅為邊陲重地。倉庫銀糧。絲毫不容虧短。前於十五年十二月。據瑚松額密奏。虧缺情形。請嚴定章程。追繳彌補。當降旨交該督悉心籌辦。務使倉庫均歸實貯。不得空言了事。並於十六年正月。經御史許球奏。甘肅倉貯空虛。有旨令該督通盤籌畫。期於有備無患。迄今已逾四年。辦理必有實效。本年二月內。經該督奏盤查道光十七十八兩年倉庫。並無虧缺。

茲據該給事中秦甘肅州縣每遇平糶有糶
無補春借秋還。有借無還。現在該省倉儲實
在買補還倉。及有價銀可抵者。不過十之二
三等語。如果屬實。成何事體。著瑚松額確切
查明。據實具奏。斷不准瞻徇回護。自干咎戾。
原摺著鈔給閱看。將此諭令知之。○旌表守
正捐軀四川眉州民馬正有妻徐氏。○庚申
諭內閣。前據御史焦友麟奏。閩省營務廢弛
一摺。當交吳文鎔查明具奏。茲據奏稱該處
既無採買幼女之事。即兵丁亦無包攬之弊。
漳泉民風强悍。從前地方殷富。各姓宗祠中。
斂有公費。不免有需索等情。近年民間公費
無出。械鬪亦少。至夷船夾帶兵丁。包庇交通。
水師營弁。業經因案懲辦。陸路兵丁。尚無包
庇交通之事等語。該御史所奏著毋庸議。惟
欲戢驕悍之習。全視乎將領之賢否。果能約
束有方。自必風清弊絕。著桂良。吳文鎔。嚴飭
地方官暨各該營將領。隨時訪查。如武弁兵

實錄卷三十八

三

丁。有吸煙及包庇等情。即行嚴拏究辦。務期
有犯必懲。毋稍姑容。以靖海疆而肅戎政。○
旌表守正捐軀直隸豐潤縣民韓魁士妻楊
氏。○貸湖北北京山。江陵三縣修復甌石各隄
銀。以工代賑。○緩徵甘肅皋蘭河狄道靖遠
隴西華亭靜寧安化武威平番寧夏寧朔靈
中衛平羅崇信靈臺鎮原十八州縣暨沙泥
州判所屬被旱被雹被霜歉區新舊正雜額
賦。○辛酉。諭內閣。戶部奏福建省節年未完
鹽課積欠甚鉅。請旨嚴催。福建鹽務官商各
幫。每年額徵正引課銀。及餘引溢課銀兩。奏
銷均有定限。前因官運人員。每於初限內
離任。恃無二叅。任意懸欠。既經奏定開報。叅
處章程。自應遵照辦理。茲據該部查明該省
每年仍有短徵銀兩。初叅以後。分釐並未接
徵。亦從未將二叅職名。隨案開報。殊屬延玩。
其短徵節年正雜盈餘各課。已積至三十餘
萬兩之多。現又屆奏銷十八等年正溢引課

實錄卷三十九

三

之期。若再事懸宕。愈積愈多。於帑項大有關係。著該督等。即將節年未完銀兩。遵照題案。分晰造冊報部。並著實力督催。勒限趕完。如何設法清釐之處。專案奏報。仍將逾限未完各職名。補行叅處。嗣後務當恪遵定例。自本年奏銷十八年正課。十七年溢課起。如有初叅後限。滿未完銀兩。隨案開報。二叅職名。毋許稍涉瞻徇。儘再延不開送。即著該部將該鹽道職名。先行移送吏部。照二叅例議處。

並著將該督等一併叅辦。以重帑項。而嚴考覈。○諭軍機大臣等。上年五月。據林則徐等奏。請酌籌襄河防汛經費。旋據奏稱。江漢善慶安瀾。懇請鼓勵各員。當經降旨施恩。因思該處隄工緊要。既經該督等籌款修辦。復將經手承辦各員。奏請議敘。自必修防妥協。一律鞏固。乃甫隔年餘。隄脹遂致漫漶。其辦理不善。已可概見。昨據周天爵奏。稱湖北之漢川。沔陽。天門。京山等處。潰決。查對原摺內有

上年伍長華等。所稱為驗收堅實者。恐水勢稍大。漫漶尚多。著周天爵。覈實查明。本年決隄。有若干丈尺。係上年奏稱修築妥協之處。並查明得邀議敘各員。所辦工程潰決若干處。據實具奏。毋稍回護。將此諭令知之。○諭內務府大臣等。嗣後宮內圓明園各處。應挑首領之太監。著該總管等詳加查覈。如有曾經發遣吳甸。打牲烏拉。黑龍江。釋回者。概不准列名挑選。併著總管內務府衙門詳加查

對。如有曾經發遣。朦混挑選者。指名奏。○停閱八旗冰枝。仍給半賞。命內務府三旗照例豫備。○除江蘇上元縣濱江坍折田地四頃九畝。有奇額賦。○壬戌。諭內閣。前據御史高枚奏。蘇州朱家莊婦女開設茶館。當降旨交裕謙嚴行查禁。茲據奏稱。該處匪徒曾有開設女茶館等事。道光十八年。歷經該地方官查拏。分別擬罪有案。現在實無其事等語。蘇州為五方雜處之區。奸民最易涸跡。

胥役包庇。在所不免。現雖惡習漸除。仍恐故智復萌。必當隨時查辦。嚴行禁止。有犯必懲。其包庇之胥役。尤須實力查拏。無稍鬆懈。以除積弊而維風化。

實錄卷三十三

三十三

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十八

大清宣宗效天符運立中體正至文聖武智勇仁慈儉勤孝敏成皇帝實錄卷之三百二十九

光緒十九年。己亥。十二月。癸亥朔。禮部奏道
光二十年元旦應行禮儀。得旨。照例行禮。奉
皇太后懿旨。停止筵宴。其在外福晉命婦進內
行禮之處。並著停止。○調兩廣總督鄧廷楨
為兩江總督。兩江總督林則徐為兩廣總督。
鄧廷楨未到任前。以江南河道總督麟慶兼
署。○實授裕謙江蘇巡撫。調安徽布政使邵
甲名為江蘇布政使。以江西按察使管通羣
為安徽布政使。河南彰衛懷道劉體重為江
西按察使。○贈故署兩江總督江蘇巡撫陳

敦修

實錄卷三十四

一

鑒太子少保。予祭葬如總督例。賞其子慶涵舉人一體會試。○甲子。

上詣

皇太后宮問安。○諭內閣林則徐等奏請將道員暫行移駐澳門。查辦夷務等語。廣東澳門地方。為各國夷商貿易總匯之區。現在清釐積弊。控馭尤貴得人。該處雖設有同知縣丞各一員。惟官職較小。尚不足以窮弊源而制驕縱。著照所請。即飭令高廉道易中孚暫行

軍機處

二

駐劄澳門。督同該同知等查辦夷務。所有前山寨內河水師都司一員。帶兵三百六十三名。著即歸該道節制。遇有緩急。聽其調遣。俟一二年後夷務肅清。再將該道撤回任所。以重職守。○諭軍機大臣等。前據林則徐等奏明轟擊夷船情形。曾經降旨飭令將該國船隻盡行驅逐。絕其貿易。並諭以區區稅銀。何足計論。想已遵辦。本日據林則徐等奏察看暎夷反覆情形一摺。覽奏均悉。該夷反覆無

常。早已洞見。現當嚴禁鴉片。豈容該奸夷陽奉陰違。希圖影射。著林則徐仍遵前旨。凡係暎咭喇夷船。一概驅逐出境。不准逗留。惟各國恭順。照常通商。難保該夷不潛行偷漏。混入他國。私帶煙土。妄冀銷售。即大黃茶葉。亦恐他國加倍購買。轉相付給。是名為禁止暎國貿易。而流弊益多。殊非覈實辦理之道。著林則徐即將種種弊竇。籌畫堵塞。其噹啣一船。毋須招令入口。以歸畫一。林則徐現已簡

軍機處

三

調兩廣總督。責無旁貸。務當趁此警動之機。為一勞永逸之策。至於區區關稅之盈絀。朕所不計也。將此諭令知之。○又諭。前據金應麟奏變通漕運事宜一摺。當降旨交兩江總督等議奏。茲據林則徐奏籌議漕務四條。內請於直隸天津等府可作水田之地。興辦水利。著琦善查照原奏悉心體察情形。如果可行。實為足國裕民之至計。朕必當簡派大員。妥為經理。琦善勿存畏難之見。僅以一奏塞

責。原摺著摘鈔發給閱看。將此諭令知之。○大學士直隸總督琦善奏報得雪分寸得肯。今冬雪澤數年未遇。臘月朔日。京師又獲大雪。連宵竟晝。勢猶未已。朕與卿同深慶幸。感天恩於無既。○修浙江尖山汎鱗塘。從巡撫烏爾恭額請也。○乙丑諭內閣。前據御史賈臻奏。巨盜關九興。盤踞廣西恩恩府百色。同知所屬臨鳳地方。設鋪抽稅。截劫殺人。黨羽甚多。地方官不敢捕拏。並於緝獲後縱令逃逸。

等語。當降旨著鄧廷楨。梁章鉅查拏嚴審究辦。茲據梁章鉅奏。查該御史原奏所稱安鋪抽稅。劫奪殺人。並無控案。亦無嘯聚多人。以致閉城罷市。及盜船數十聲言奪犯。地方官畏劫故縱情事。現在該犯關九興業經拏獲。著即委員解往廣東。交林則徐嚴行審訊。至該御史風聞該犯等用礮轟斃黃姓父子三人一案。情節重大。雖據該撫查無赴各衙門控告之案。仍著該督嚴審。務得確情。按律定

擬具奏。尋奏訊得關九興原籍南海縣屬犯搶擬流。在配脫逃。潛至廣西。糾同未獲之陳單眼豺及已故之曾美元等計十九人。在百色廳屬開設更館。撥船搶煙發賣。勒索更錢。尚無抽稅劫殺情事。被獲後亦無匪黨盜船嘯聚圖奪閉城罷市。及都司秦紹謙畏劫故縱各情。質之線目黃光榮。供稱伊父兄均係病故。並非被關九興夥黨轟斃各等語。關九興應從重問擬。即行絞決。以昭炯戒。陳單眼

豺等飭緝另結。下部議從之。○諭軍機大臣等。本日裕瑞覆奏。飭議解辦夾帶私護人犯一摺。俟奉有明發諭旨。再行遵照辦理。此項就近咨交人犯。自應於拏獲取供後。即解交犯事地方。由該管衙門審擬報部。毋庸交臨榆縣審訊。至將來解往該處。係遣何項人役。奏明另降諭旨。將此諭令知之。○正紅旗蒙古副都統吉凌阿因病解任。以御前侍衛中。為正紅旗蒙古副都統。○丙寅諭內閣。前

據御史陸應穀奏。直隸豐潤縣知縣許瀚。濫刑勒派各款。當令黃爵滋前往查辦。茲據查明具奏。該知縣許瀚辦理各案。尚無枉法婪贓。及濫用非刑情事。惟因伊母生辰。在署演戲。收受紳士水禮。已屬不知檢點。復將武舉董廷梁擅行責打。又生員趙瑞峯等違例充當鄉總。不行禁革。輒復倚法刑辱。鎖押多人。尤為輕躁。許瀚著交部嚴加議處。並著直隸總督通飭各屬。查明各州縣如有生監捐

職。似此承充鄉總名目者。一併裁革。永遠禁止。以符定制而端士習。○諭軍機大臣等。據達洪阿等奏。臺灣嘉義縣地震。倒塌官民房屋。壓斃人口。查明捐資撫卹分別籌修一摺。此次嘉義縣地震情形頗重。其撫卹等項。業經該道府等捐廉散給。至城工需費甚鉅。甫經紳士捐修完竣。現被地震。復據該鎮道飭屬。同各廟工程勸令捐修等情。該處地方。孤懸海外。現經被災。若復勸令捐輸。有無擾累。

是否可行。著桂良、吳文鎔悉心體察。妥為籌辦。如有應需動帑之處。即著據實具奏。總期災黎安謐。不致復形苦累。是為至要。將此諭令知之。○以刑部尚書隆文、內閣學士端華管健銳營事。○丁卯。諭內閣。給事中巫宜祺奏請查禁駐防習教一摺。各直省設立駐防。特分旗汛地界。原以聚居訓練。藉資保障。若如所奏。近來禁令日疏。澆風漸染。武藝置之不講。帑項半屬虛糜。甚至如荊州駐防。本年竟有習教念經結會之案。總由武備不飭。稽察不嚴。故奸民乘間往來。得相引誘。不可不嚴行申禁。著直省駐防將軍都統等各矢天良。亟為整頓。於弓馬騎射本業。勤加操練。並著恪遵定制。從嚴管束。毋任擅離汛界。沾染惡習。其有違禁與奸民相勾結者。必當有犯即懲。從嚴究辦。以肅營制而靖奸宄。將此通諭知之。○以江南江安、蘇松道屬歉收。暫緩收買幫丁行月等米。○戊辰。

孝惠章皇后忌辰。遣官祭

孝東陵。○己巳。

上詣

皇太后宮問安。○大理寺卿白鎔。因病乞解任。

允之。○戶部議准。浙江巡撫烏爾恭額疏報。

象山。江山。常山。三縣開墾荒地四頃六十二

畝。有奇。照例升科。從之。○庚午。

上詣

大高殿行禮。○諭軍機大臣等。據琦琛奏。管庫

司員隱匿公文。侵吞帑項一摺。已明降諭旨。

派文蔚馳驛前往會同查辦矣。此案慶玉將

總理工程處印文藏匿八月之久。長領銀兩。

造入開除項下。又私自收受遵化州批解租

銀。並另片訪聞該員種種不法情事。殊屬可

惡。管理籌備庫四品銜郎中慶玉。著即革職

拏問。派琦琛親赴該員家內嚴密查抄。毋許

走漏風聲。致有藏匿寄頓。所有扶同徇隱之

郎中明吉。員外郎色欽。魁安。著俟文蔚到時。

會同審訊。該總兵自請察議之處。俟定案時

再降諭旨。將此密諭知之。○命工部左侍郎

文蔚。馳赴馬蘭鎮。會同總兵官琦琛查辦事

件。○賞乾清門行走喀爾喀扎薩克郡王那

遜巴圖。三眼花翎。○命御前侍衛博多歡中

山。在紫禁城內騎馬。○以喀喇沙爾屯田豐

收。予員弁議敘。賞兵丁一月鹽菜銀。○科爾

沁卓哩克圖親王。巴圖等六人。巴林扎薩克

郡王。那木濟勒旺楚克等二人。喀喇沁扎薩

克都楞郡王。色伯克多爾濟。秦曼扎薩克郡

王。阿宛都瓦第扎布。翁牛特扎薩克郡王。喇

特納濟哩第。蘇尼特扎薩克郡王。齊旺扎布

等二人。郭爾羅斯扎薩克鎮國公。揚贊巴拉。

於神武門內瞻觀。○辛未。諭內閣。前據給事

中況澄奏。河南永城縣知縣沈玉墀等虧欠

庫款。降旨令牛鑑於到任後徹底究辦。茲據

該撫查明具奏。前任永城縣知縣沈玉墀徵

收錢糧。並不隨時批解。卸事後又未埽數清。

交虧短銀兩至一萬八千二百餘兩之多。實屬膽玩。據稱辦理工程粥賑。難保非捏詞支飾。沈玉墀著革職拏問。交該撫提同經書人等嚴審確情。按律定擬具奏。尋奏沈玉墀被叅以後。限內如數完繳。實係因公陸續那移。具有卷據冊籍領狀可憑。業據虧項全完。照例免罪開復。下部議從之。○以兵部右侍郎德春署京營右翼總兵。○命御前行走巴林二等台吉扎勒沁扎布。在紫禁城內騎馬。○

戶部議准。廣東巡撫怡良疏報。嘉應州開墾荒地六十畝有奇。照例升科。從之。○壬申。上御乾清門聽政。○諭內閣。御史扎克丹奏請復差科道巡察漕糧河道一摺。向例每年派科道催趲漕糧。稽查河道。旋於道光二年降旨停止。十餘年來。漕河均無貽誤之處。此項差使裁撤已久。不必再議紛更。該御史奏請復設。著毋庸議。○又諭朕因近來旗人婦女不遵定制。衣袖寬大。竟如漢人裝飾。上年曾

經特降諭旨。令八旗都統副都統等嚴飭該管按戶曉諭。隨時詳查。如有衣袖寬太。及如漢人纏足者。將家長指名叅奏。照違制例治罪。凡我滿洲蒙古漢軍人等。諒不至視若具文。仍前玩泄。惟思明年又屆挑選秀女之期。恐此等澆風。仍未能消除淨盡。不可不重申例禁。著八旗滿洲蒙古漢軍都統副都統等轉飭該管各員。恪遵前旨。家喻戶曉。一切服飾。悉遵定制。儻明年挑選之時。仍有不遵者。

一經查出。除家長照例治罪外。定將該旗都統章京等一併嚴懲。決不寬貸。勿謂言之不早也。將此通諭知之。○又諭恩銘奏監追官犯應交庫項。未能全數完繳一摺。盛福仲。佟鏞著即遵照前旨發往黑龍江充當苦差。王慶賢即發往伊犁充當苦差。盛福仲之子成瑞著即革去文生員。解交刑部。將短交銀三千三百兩嚴行監追完繳。毋任再有遲延。○諭軍機大臣等。瑚松額等奏酌議西藏貢使

嗣後往回俱由柴達木行走一摺。著照所請。嗣後前後藏進京堪布。與回藏堪布。飭令一律由柴達木行走。屆時由青海大臣衙門。就近派柴達木一帶住牧蒙古兵一百名。即在柴達木等候護送進口。其向派之察漢城防兵暨各旗攤派之蒙古兵。並玉舒番兵。均著免其派往。並著轉飭前後藏一體遵照辦理。將此諭令知之。○以故茂明安達爾汗貝勒達木丕勒孫格楚克襲爵。○以光祿寺卿趙

光祿寺卿

上

光為太常寺卿。○准河南致仕尚書李奕疇重赴恩榮宴。○旌表守正捐軀河南永城縣民母淮女喜姐。○癸酉。

上召見哲布尊丹巴呼圖克圖章嘉呼圖克圖。噶勒丹錫呼圖呼圖克圖等於乾清宮。○諭內閣。御史有言事之責。凡條奏事件。皆應覈其情節。或遇有重大案件。亦准入奏。若尋常控案。各衙門自有專司。該御史等不得撓拾瀆陳。紛紛越俎。即如御史汪于泗前奏屈雙

業許告一案。事關重大。該御史迅即奏聞。所辦甚是。本日御史焦友麟代民人孫承基呈遞狀稿一摺。甚屬冒昧。此等控呈。不過捐糧細故。該民人自當赴理事衙門呈遞。該御史何得妄行代奏。若尋常事件。皆入封奏。又安用設立各衙門為耶。焦友麟著傳旨嚴行申飭。該民人原呈。著交都察院查明照例辦理。○諭軍機大臣等。本日據曾望顏奏。夷情反覆。請封關禁海。設法勦辦。以清弊端一摺。又

軍機大臣

上

另片奏。澳夷互市貨物。亦請定以限制等語。著林則徐等悉心妥議具奏。原摺片著鈔給閱看。將此諭知林則徐。怡良。關天培。郭繼昌。並傳諭豫望知之。○旌表守正捐軀江蘇通州民孫梅妻陳氏。○甲戌。

上詣

皇太后宮問安。○諭軍機大臣等。據琦琛奏。已革郎中慶玉。在京中有乾元寺住房一所。慶祥綉緞鋪一座。廣立木廠一處。著步軍統領

衙門嚴密查抄。毋許走漏風聲。致有藏匿寄頓。其中立木廠一處。雖非慶玉之鋪。而每年回乾樹株。做成房料。多係該廠代為銷售。有無寄頓情弊。亦著查明具奏。其看守乾元寺住房之麻老。著即嚴拏務獲。解赴馬蘭鎮歸案審辦。將此密諭知之。○又諭。御史蔡家珩奏。請查究河防弊端一摺。據稱各河加拋碎石。必由山採買運用。近來淮揚一帶工所。有小船從隄根撈取石塊。賣與工用。復拋入水內。是以工程不甚堅固。又柴壩處所。亦有小船乘夜抽取柴葦。以致埽工虛鬆坍塌。守隄兵丁與該奸民等通同一氣。河員亦不肯實力查究等情。此種弊端。殊於河防大有關繫。著恩桂。何汝霖。於浙江交案審結回京之便。親赴各該處查勘具奏。再河工料垛。前經簡派大員抽查。現在已逾數年。亦難保不滋生弊端。著一併嚴密確查。據實具奏。原摺著鈔給閱看。將此諭令知之。○又諭。琦琛奏查抄

慶玉家產一摺。據奏慶玉家中。有白玉臺階。裝修多係楠木。屋內有行宮陳設字畫。並更衣殿陳設。所蓋房間。頗似行宮款式。並瑩地陽宅。有連座九間十標大房。白玉刻字對聯。金漆裝修等件。均屬違例。又私壓稿案公文甚多。用印空白文領封摺印花多件。並在魁明恆齡屋內。查獲煙具。又另摺奏慶玉騎馬跟隨拉運石料大車。由五孔橋行走。此時轍跡現存。並將門框碰損。現用紅油遮蓋。尤屬膽大。著文蔚會同琦琛逐款研訊。並此外有無隱匿。亦著詳細查明。據實具奏。其在京乾元寺等處住房鋪廠。已飭步軍統領衙門分別查抄矣。又另片奏。修理庫房工程。慶玉於本年六月領銀三百七十兩。工程至今未修等語。著一併確查懲辦。其扶同徇隱之郎中明吉員外郎色欽。魁安。俱著解任歸案嚴審。將此諭令知之。○又諭。據御史蔡家珩奏。福建煙土。向從廣東潮州陸路運至漳泉。嗣因

查拏甚密。遂有泉州奸民王略等勾通夷船串同水師兵弁。將夷船煙土由哨船代運漳泉。今王略雖經正法。而各弁兵習慣如故。恬不知改。仍前賣放代運。此等情弊。在督撫或未能備悉。而各提督近在濱海。專司其事。不得諉為不知等語。鴉片煙為害既久。現經林則徐在粵嚴辦。該夷船等難保不逃往閩浙冀圖銷售。著桂良、吳文鎔嚴密訪查。如有賣放代運等弊。立將該弁兵從重治罪。儻該管提鎮意存回護。即著據實叅奏。毋稍徇隱。原摺著鈔給閱看。將此諭令知之。○又諭。有人奏河南陋規亟宜裁革一摺。據奏該省巡撫收受各屬陋規。每年不下六萬金。兩司亦然。撫藩臬三衙門幕友。一年節壽陋規俱由首縣攤派各州縣。甚至書吏冊費。藩司竟用印劄代為催取。如果屬實。州縣必致苦累不堪。不可不嚴行禁革。牛鑑甫經到任。無所用其回護。著即確切查明。據實具奏。將一切陋規

概行裁革。又另片奏祥符縣知縣鄒堯廷及其弟鄒四專以誘賄為事。又有幕友地棍各賃地方開局。似此惡習相沿。尚復成何事體。所有著名之幕友地棍。著即按名查拏。嚴行懲辦。如稍有含混徇隱。將來別經發覺。惟該撫是問。恐不能當此重咎也。原摺片著鈔給閱看。將此諭令知之。○乙亥。諭內閣琦琛奏請飭催欠解租銀一摺。據稱籌備庫款。內直隸遵化州應徵道光十八年租銀。除解交外。尚欠銀五百八十二兩零。此項銀兩庫款攸關。著直隸總督嚴飭該州迅即如數批解。以清年款。毋許再有延宕。○諭軍機大臣等。前派黃爵滋馳往山海關查辦姚思瑞呈控協領德凌阿一案。本日據裕瑞奏到。該侍郎已於本月初七日抵關。所有姚思瑞案內人證冊籍。計此時業已提集。無難即日辦竣。黃爵滋現已調補刑部右侍郎。著即來京供職。將此諭令知之。○調禮部右侍郎黃爵滋為刑

部右侍郎。以都察院左副都御史毛式郇。為禮部右侍郎。前任福建巡撫魏元烺。為大理寺卿。○緩徵浙江橫浦場歉收蕩田新舊額賦。○緩徵山東海豐霑化二縣被潮村莊暨鹽場窰地新舊額賦。○丙子。諭內閣。前據御史賈臻奏。衛河水淺。宜節下流。請添築草壩。以蓄河水一摺。當降旨令直隸總督山東巡撫會議具奏。茲據奏稱。沿河之法。疏則順行。壅則逆塞。如果建築草壩。當未經啓放之先。既恐流緩沙停。河身淤墊。迨既經啓放之後。又恐溜急勢猛。洩盡無餘。且壅阻河流。無可旁洩。兩岸民隄。萬一潰決。下流低窪州縣。必致咸被淹浸等語。該御史所奏。著毋庸議。至近年運務之難。總由沿途節節淺阻。以致行走遲滯。轉瞬重運。經臨著沿途地方官認真督令灌放出閘。設遇淤淺之區。仍著該督撫嚴飭認真挑剔。以利漕行。儻有淺阻遲誤等情。惟各該督撫是問。懍之。○旌表守正捐軀

直隸河間縣民何大妻萬氏。○撥江蘇上元江寧句容鹽城四縣漕糧一萬二千石。濟放江淮興武鳳陽長淮各幫災缺行月等米。○丁丑。上召見哲布尊丹巴呼圖克圖章嘉呼圖克圖。噶勒丹錫呼圖呼圖克圖等於乾清宮。○禮部議准。前署江蘇巡撫裕謙疏報。採訪寶山縣貞節婦女陳王氏等一千三口。請建總坊旌表。從之。○旌表守正捐軀廣東翁源縣民曾仲懷妻黃氏。○戶部議准。浙江巡撫烏爾恭額疏報。富陽象山定海寧海常山五縣開墾新漲沙地蕩田十七頃五十一畝。有奇。照例升科。從之。○戊寅。諭內閣。前因刑部審辦姚思瑞呈控協領德凌阿一案。人證案據屢提未到。當派黃爵滋馳往山海關查辦。茲據訊明現犯供詞。請仍歸部審訊。張偉潘麗南王械俱著迅速解部備質。要犯余憲揚及應訊書吏李相著該監督迅即關提補解。其據

供在京之應權姚善持等著步軍統領衙門
順天府五城嚴拏務獲歸案審辦。○諭軍機
大臣等據琦琛奏查出收留寄頓慶玉財物
一摺。此案已革郎中慶玉於未經查抄之先
將財物寄頓各處。經該總兵出示曉諭。即據
翼長西林等呈出寄頓物件。翼長西林內管
領廣運。文志。章京富勒歡。麗淳收留慶玉寄
頓。自有應得之咎。但既經呈出。尚知畏法。著
免其革職。毋庸查抄。仍解任交文蔚會同琦
琛嚴訊確情。毋許不實不盡。其收留慶玉寄
頓各家。如果始終代為隱匿。一經查出。自當
從嚴辦理。該侍郎等惟應確切根究。按例懲
治。至慶玉之子副內管領魁明。伊孫主事恆
齡。伊姪員外郎魁安著一併革職。並生員孫
縉及家人車夫等俱著歸案研訊。將此諭令
知之。○以已革三等子容照孫鄂素襲爵。○
命黑龍江將軍棍楚克策楞。福州將軍保昌
在紫禁城內騎馬。○撥直隸盤山汛千總一

員。黃崖關外委二員。守兵二十名。盤山汛守
兵二十名。薊州營馬兵二名。楊家堡汛守兵
十五名。黃花山朱華山二汛守兵十名。駐青
山嶺。作為專汛。從馬蘭鎮總兵官琦琛請也。
○以訪獲囤販婦女及習教各犯。予廣東武
舉韋允升以千總用。○己卯。

上詣

皇太后宮問安。○以因病告替三等公雙福子
祿豐。一等侯兼三等男樂善孫二等侍衛錫

光。故一等男誠明子鳳吉。三等男春年孫存
貴三等子張仲敬姪廷岳各襲爵。○調雲貴
總督伊里布為兩江總督。兩江總督鄧廷楨
為雲貴總督。鄧廷楨未到任前。以雲南巡撫
顏伯燾兼署。○予故廣西學政國子監司業
池生春。太平府知府查禮署河南鄧州知州
周璣。山東鄒平縣知縣裘鵬直隸望都縣訓
導戴雲錦。貴州興義府知府徐玉章。明安徽
太和縣知縣吳世濟。入祀名宦祠。故四川資

州恩貢生鄭廷楷。灌縣舉人劉繩武。江蘇青浦縣教諭王希伊。廣西昭平縣教諭劉傳禮。河南故福建臺灣府知府高叔祥。故陝西清澗縣舉人王汝翼。入祀鄉賢祠。從總督琦善寶興巡撫梁章鉅。桂良。經額布。賀長齡。色卜星額。裕謙。牛鑑。富呢揚阿。請也。○以故雲南麗江府屬土通判木睿子漢襲職。○庚辰。諭內閣。昨日召見睿親王仁壽。據奏本月十五日。貝子綿岫代鄭親王烏爾恭阿該班。本日令軍機大臣傳詢該親王等。俱自認糊塗。領侍衛內大臣遇有公事差遣。或因病請假。內大臣原應代為該班。今烏爾恭阿並無差使。請假等情。率行令人替代。綿岫亦即代班。均屬不合。烏爾恭阿著交宗人府議處。綿岫著交宗人府察議。○又諭。已革工部候補員外郎董夢齡。身任職官。明知韓鵬漢犯罪在逃。輒敢知情藏匿。復因董文華被縣役曹金柱等堵拏。不能走脫。將曹金柱誣指為竊。拒毆

成傷。種種妄為。行同無賴。著發往新疆效力贖罪。以示懲儆。○又諭。載銓等奏遵旨傳訊戶部主事全孚查辦慶玉一案。因何豫先得信。據稱係陳官俊告知。著陳官俊明白回奏。○禮部議准。江西巡撫錢寶琛疏報採訪廬陵縣貞節婦女胡彭氏等一百三十六口。江蘇巡撫裕謙疏報興化縣袁氏等八百八口。各請建總坊旌表。從之。○旌表守正被戕湖北枝江縣民吳明彥妻汪氏。○貨直隸滄州修減河石壩銀。○辛巳。諭內閣。奕細奏借住房間緣由一摺。據稱。歷任守護陵寢之貝勒等居住郎中慶玉閒房一所。現已查抄入官。著即賞給守護陵寢之貝勒等居住。其從前房屋。即交兼管內務府大臣收管。○又諭。惠吉奏拏獲鴉片人犯。並酌覈新定章程。現飭嚴禁栽種罌粟一摺。烏魯木齊地方。現已緝獲販煙吸煙人犯三十餘起。恐此外未經破獲者。尚復不少。著

隨時嚴拏。即照新定科條。分別究辦。其塔爾巴哈台葉爾羌等處。離卡倫較近各處夷人。入卡貿易。現查有興販夾帶情弊。各該大臣飭屬一體嚴查。絕其來路。至栽種罌粟。尤不可不防其漸。著該都統於明歲春融時。酌量情形。或親赴各該處周歷巡查一次。或揀派親信可靠之員。前往詳細挨查。如有偷種人犯。立即嚴拏懲辦。並將該地方官從嚴叅處。該都統務當實力奉行。認真查禁。不得視為具文。○湖北學政翰林院編修方錯因病解任。命編修朱鳳標提督湖北學政。○禮部議准陝西巡撫富呢揚阿疏報採訪雒南縣貞節婦女潘劉氏等一百二十四口。請建總坊旌表。從之。○增培河南武陟縣沁河南北岸隄並攔黃堰。從巡撫牛鑑請也。○貸河南駐防修葺兵房餉銀。○壬午。諭軍機大臣等。本日據琦善奏籌議水田情形。覽奏已悉。北直水田之利。自雍正年間辦理以後。迄今百有

餘年。規制率多更變。著琦善於來春校閱營伍之便。察看經過地方實在情形。分別覈辦。並著布政使陸費瑤。俟明歲春融。親歷各該處周稽博採。如有可作水田之地。確切查明具奏。候旨辦理。此事原期經久盡善。不在同時全行興辦。要使得一項即有一項之益。得一畝即有一畝之益。行之以漸。持之以恆。於國計民生。實有裨益。將此諭知琦善。並傳諭陸費瑤知之。○又諭據御史重豫奏新疆地方。自乾隆年間底定以來。每年所需官兵俸餉。皆調自內地。此項銀兩。出關則歲以為常。入關則偶然一見。內地銀價之昂。未必不由於此。若照內地兵餉搭放二成之例。每年在南北兩路。添鑄錢數萬串。以資搭放。甘肅藩庫。即於每年撥餉時。按數扣除等語。著奕山關福即將該御史摺內所奏各情。並體察該處地方現在情形。是否可行。妥議章程。奏明覈辦。總期於邊防內地。兩有裨益。原摺著鈔

給閱看。將此諭令知之。○癸未。諭內閣。前據給事中朱成烈奏。鼓鑄制錢不一。請飭查辦。當降旨。令戶部工部錢法堂明白回奏。茲據查明據實覆奏。制錢大小。向有定式。嗣後寶泉寶源兩局。每月鑄錢。著該堂官徹底查驗。務令分兩悉遵定例。如有輕重。未能一律之處。即將該監督等嚴行叅撤。至銅船到通。難保無鑪廠奸商。包攬代交等弊。著倉場侍郎督同坐糧廳實力稽查。並著該侍郎等於運員抵通時。密加訪查。儻有前項弊端。即行嚴拏懲辦。其運員交銅。尤須嚴飭該局書吏等。毋得稍有勒索。以杜弊竇。而利鼓鑄。○又諭中書德山。因京察未得一等。致與中書伊泰口角。輒繕具名帖。冒昧呈遞。實屬浮躁。德山著即革職。中書伊泰與德山互相口角。輒復激令回堂。亦屬不合。著撤去一等。仍交部議處。○又諭戶部主事全孚著解任。交載銓。奕經。軍機大臣。會同刑部嚴行究訊。○諭軍機

大臣等。御史陸應穀奏。請禁夷地販煙一摺。鴉片煙流毒日深。現已頒行新例。嚴行禁止。惟欲絕外夷之煙。必絕內地之販。據該御史指出栽種罌粟熬煙售賣處所。並由外夷販煙入內要口。及由滇省販煙入川要路。著鄧廷楨。顏伯燾。按照摺內指出處所。嚴加稽查。近邊要口。認真防堵。務使煙販無從偷渡。以期邊境肅清。原摺著鈔給閱看。將此諭令知之。○又諭御史陸應穀奏。請禁夷地販煙一摺。據奏滇省栽種罌粟熬煙售賣。內地奸民勾結四川咽喉。攜帶刀矛。前往販煙。往往釀成巨案等語。奸民販賣鴉片。大干例禁。若復勾結川匪。逞兇滋事。尤屬不法。著寶興確切查明。嚴行懲辦。又另片奏。四川查辦煙案。寥寒無聞。著寶興通飭各屬。按照新例。從嚴究治。如果地方官視為具文。苟且從事。或意存顧忌。不肯認真。著即嚴加叅處。毋稍姑容。將此諭令知之。○命刑部尚書隆文。在軍機大

臣上行走。○以都察院左都御史廖鴻荃充經筵講官。○以塔爾巴哈台屯田豐收。予員弁議敘。賞兵丁一月鹽菜銀。○甲申。

上詣

皇太后宮問安。○諭內閣陳官俊著暫行解任。聽候傳訊。○諭軍機大臣等。據御史杜彥士奏。喚咭喇夷船攜帶鴉片煙土。在閩省海口銷售。已非一日。現當廣東查辦喫緊之時。福建係接壤之區。必當一律嚴辦。聞漳泉各處。

有夷船往來寄泊。水師員弁收受陋規。營弁包庇販賣。與奸民勾串。夷人接濟水米。水師哨船。代為交易。運送鴉片各處銷售。各等語。鴉片現當嚴禁。廣東不能容留。必致轉趨福建。若不一體嚴辦。則來源未絕。紋銀仍不能不出洋。且由閩省浸灌各省。在所不免。現已降旨。派祁寓藻黃爵滋馳往福建查辦。並將鄧廷楨調任閩浙總督。鄧廷楨著會同祁寓藻黃爵滋。將以上各款查明懲辦。毋許稍有

徇隱。至另摺奏金門鎮總兵竇振彪煙癮過深。精神不振。汀州同知齊承厚素食鴉片。喜唱崑曲。海澄縣知縣石彥恬吸煙怠惰。官聲平常。亦著查明叅處。其另片奏。請將福建巡撫暫行駐劄泉州。以資彈壓。並著該督察看情形。是否可行。抑或即以該督暫行移駐之處。據實具奏。原摺交黃爵滋帶往閱看。將此密諭知之。○又諭本日已降旨。派祁寓藻黃爵滋馳驛前往福建查辦事件矣。祁寓藻著俟黃爵滋行抵江蘇。即會同迅速前往。所有查辦事宜摺件。已交黃爵滋帶去。將此諭令知之。○命吏部右侍郎江蘇學政祁寓藻刑部右侍郎黃爵滋馳往福建查辦事件。○命禮部右侍郎毛式郇提督江蘇學政。○調雲貴總督鄧廷楨為閩浙總督。閩浙總督桂良為雲貴總督。鄧廷楨未到任前。以福建巡撫吳文鎔兼署。○命乾清門行走喀爾喀土謝圖汗車林多爾濟在御前行走。○乙酉。

上幸瀛臺。閱冰技。○御勤政殿。賜蒙古王貝勒貝子公額駙台吉及朝鮮使臣呼圖克圖等宴。並賞賚有差。○諭內閣。前因查辦慶玉一案。究出送信根由。係戶部主事全孚。牽涉工部尚書陳官俊。當降旨分別訊究。朕於此案並不計其隱匿寄頓之多寡。惟須究出送信之人。從嚴懲辦。本日據載銓等將陳官俊全孚親供呈覽。全孚之供。仍稱陳官俊告知而陳官俊則過涉支吾。以情理而論。言者或出無心。聽者早已有意。即令陳官俊偶有不檢。摭拾空談。亦不致遽罹重譴。何以親具供詞。毫無一語著實。朕綜理庶政。一秉大公。在廷大臣。無不下待以禮。今遇此等案件。既有旨訊問。自當據實供明。朕亦斷不疑陳官俊與慶玉有私。故為送信。著陳官俊再行據實具供。無得稍形影響。儻經此訓諭之後。仍復含混飾詞。必將該尚書革職嚴訊。勿謂朕薄待大臣也。懍之。○又諭前因麟慶等遵旨酌保

防汛出力人員。當降旨將都司銜守備盧永盛蔡天祿分別升用。茲據麟慶奏稱河工守備例不升用綠營。南河未設都司。該員等升用無階。懇請酌覈另獎等語。著仍照原請都司銜坐補。揚河營守備盧永盛著即免其坐補。以遊擊用。都司銜山盱營守備蔡天祿著賞加遊擊銜。以示鼓勵。○諭軍機大臣等。御史杜彥士奏。風聞福建同安縣塔仔腳地方。有夷船四隻。停泊多日。該水師提督巡洋。經過該處。演放船上大礮。該夷船一聞礮聲。登時齊發大礮。兵丁受傷甚眾。該提督舍舟上山。開礮乘高擊逐。自午至申。夷船始行開散。現聞該夷船尚在附近海口停泊等語。夷情狡詐。膽敢抗拒。官兵轟擊受傷。如果屬實。豈可畏蕙養奸。致貽後害。著吳文鎔查明據實具奏。並查該夷船如尚泊海口。即飭水師員弁相機擊逐。勿令逗留滋事。是為至要。將此諭令知之。○又諭據恩特亨額等奏。查出克

什米爾巴達克山音底等部落夷商。帶有鴉片煙土。當經呈繳。並拏獲葉爾羌販煙人犯馬德貴馮毓財等。供出積年販賣煙土之榮吉祥馮毓秀二名。現已飛咨烏魯木齊等處拏解審辦等語。口外各城商民雜處。現既查出煙土六萬餘兩之多。其未經破獲者。尚恐不少。著即嚴行究辦。隨時探查。務期盡絕根株。以清邊境。至另片奏克什米爾等部落素稱恭順。此次該夷商等販來煙土。實因奸民勾引。一聞查禁。即盡數呈繳。可否准予自首。免其治罪等語。該夷商等貪利受惑。係屬初犯。准其免罪。仍著剴切曉諭。嗣後如再有攜帶煙土之事。即將該夷商等所帶貨物抄沒入官。並逐出卡倫。永遠不准貿易。將此諭令知之。○命杜爾伯特扎薩克親王棍布扎布喀爾喀扎薩克頭等台吉格濟巴勒。教漢郡王幹咱巴拉子頭等台吉布彥德勒格呼固魯克齊在乾清門行走。○賞杜爾伯特扎薩

克親王棍布扎布。土爾扈特扎薩克郡王多諾羅布多爾濟。三眼花翎。阿巴哈納爾扎薩克貝勒彭楚克桑布。茂明安貝勒格楚克杜爾伯特扎薩克貝勒雅哩木丕勒多爾濟。雙眼花翎。喀爾喀輔國公扎崇喀爾喀扎薩克頭等台吉噶木丕勒多爾濟。青海扎薩克頭等台吉齊伯克多爾濟。伊克明安扎薩克頭等台吉茂諾海。科爾沁扎薩克扎薩克圖郡王索特納木倫布木子頭等台吉達特巴扎木蘇蘇尼特扎薩克郡王齊旺扎布子頭等台吉托第布木。花翎。○賞御前行走喀爾喀扎薩克貝子德勒克多爾濟。紫韁。○貸山東東阿縣修張秋鎮運河民堰銀。○朝鮮國使臣李嘉愚等三人。於西苑門外瞻覲。○丙戌諭內閣。昨因御前大臣奏。叅禮部司員帶領高麗使臣等。輒入西苑門。請將該司員等交部議處一摺。業經依議矣。因念該部侍郎色克精額。並不豫先管束。亦屬不合。色克精額

著交部察議。○又諭前因查辦慶玉一案。牽涉工部尚書陳官俊。當降旨飭令明白回奏。若該尚書於甫經奉旨之時。即將實情奏明。何至屢干訊究。乃所具供詞。俱涉支吾。迨經嚴旨訓諭。始行據實供出。陳官俊以一品大員。言語不知檢點。摠拾空談。致令全乎藉端傳說。以虛為實。咎實難辭。陳官俊著交部嚴加議處。○諭軍機大臣等。文蔚奏會審案件牽涉大員。請解京審訊一摺。已明降諭旨將琦琛解任。並將全案解京。派戴銓等嚴行訊究矣。此案前據琦琛查抄慶玉家產。究出官買差役收留寄頓情弊。降旨令文蔚會同琦琛確切根究。現在琦琛業已解任。著文蔚將已經查出物件。檢明封固。開單呈覽。此外有無收留寄頓之處。著文蔚嚴切查明。據實具奏。經此次嚴查之後。儻尚有不實不盡。日後別經發覺。惟文蔚是問。懍之慎之。將此諭令知之。○調福建水師提督陳化成。為江南提

督。江南提督陳階平。為福建水師提督。○命戶部左侍郎文慶。毋庸在軍機大臣上行走。○解馬蘭鎮總兵官琦琛任。以工部左侍郎文蔚署馬蘭鎮總兵官。兼總管內務府大臣。○丁亥。孝莊文皇后忌辰。遣官祭昭西陵。○諭內閣。據工部奏本年東南兩河另案工程銀數。朕詳加披閱。東河另案各工。比較上三年。均能逐年遞減。南河動用各款。本年八月內。該河督奏請撥銀五十萬兩。茲據該部彙奏另案各工。共用銀二百七十五萬餘兩。比較十八十七兩年。多至二十餘萬兩。較十六年。僅少用一千餘兩。國家經費有常。兩河另案工程。該河督等總須力加撙節。若逐漸加增。年復一年。伊於胡底。麟慶著傳旨嚴行申飭。嗣後南河另案各工。著該河督督率各道覈實勘估。儻任聽虛糜。仍復有增無減。必將該河督重處不貸。懍之。○又諭鑾儀

衛奏恩利銀庫滋生銀兩典置地畝。本年應徵租銀。除已解交外。尚欠銀六千五百六十二兩零。並節年拖欠銀十六萬七千二百四十七兩零。此項租銀。係該衙門辦公之用。自應按年徵解。不得任意拖欠。著琦善嚴飭各州縣。務將前項租銀。迅速徵解歸款。毋許再有延宕。○又諭奕訢等奏查出慶玉短交各項官物一摺。慶玉應交各項木植官物。何得任聽私存在廠。現經奕訢等派委司員。將未交各件。照單詳查。運歸石門工部存貯。該司員等未能先事查報。咎實難辭。所有該部郎中懷秀員外郎桂齡舒長常安著交各該衙門議處。奕訢載岱著交宗人府察議。○又諭運員沈澗銅斤。應取地方官印結備驗。前經奏准通行。自應永遠遵辦。至在途接運。亦須酌定章程。以備稽覈。著雲貴總督雲南巡撫並沿途各督撫嚴飭該運員等。嗣後遇有沈澗銅斤。除由該地方官照例咨報。並取具印

結送部外。該運員等仍須取具地方官印結。齎赴倉場衙門呈驗。儻該運員等在途有接運情事。亦著飭令將應行移交印結一併移交。如再玩忽。未取地方官印結。暨接運員並未接收。原運員並未移交。抵通時著倉場衙門奏交戶部傳詢。並著該部查取該運員等職名。移咨吏部議處。以示懲儆。○以阿克蘇屯田豐收。予員弁議敘。賞兵丁一月鹽菜銀。○修浙江西塘柴埽各工。從巡撫烏爾恭額請也。○展浙江幫丁扣交積欠銀米限期。○上以歲暮禋祭。太廟。自是日始。齋戒三日。○戊子。諭內閣查辦慶玉各款。與陳官俊原不相涉。惟陳官俊傳詢全孚時。稽覈經手工程。不應以臆揣之詞。提出難免動家字樣。以致全孚藉端送信。指虛為實。已屬失於檢點。至降旨飭令明白回奏。並解任取供。兩次所陳。俱含混隱飾。及至嚴旨切責。始行供明。殊失大臣之體。陳官俊

著照部議革職。全孚係陳官俊隨帶辦工之員。輒因詢問工程。遂將陳官俊疑似之詞。為戚誼家屬通信。先事豫防。實屬有心漏泄。全孚亦著照議發往軍臺效力贖罪。以示懲儆。○諭軍機大臣等。本日據林則徐等奏。斷絕喫夷一摺。覽奏均悉。該奸夷反覆無常。早已洞見。曾經降旨飭令絕其貿易。一概驅逐出口。現據奏稱。該夷具稟乞恩。業經嚴行批駁。所辦甚是。惟夷商貨物。意在銷售。尤冀夾帶煙土。影射作奸。現已列其罪狀。宣布各夷。該夷智窮力竭。難保不將違禁貨物。分寄各國夷商。轉為灑帶。是名為禁絕。流弊愈滋。著林則徐等派委文武各員。仍遵前旨。散布各隘口。嚴查影射。緝拏奸徒。絕其銷貨之心。斷其售私之路。是為至要。林則徐已實授兩廣總督。文武皆所統屬。責無旁貸。儻查拏不能淨絕根株。惟林則徐是問。所有沿海各直省督撫。已降旨飭令嚴密防堵。不留去路矣。將此

諭知林則徐。怡良。並傳諭豫堃知之。○又諭。本日據林則徐等奏。喫夷自封港後。具稟乞恩。業經嚴行批駁。驅逐出口等語。該夷反覆無常。冀圖售其奸計。該督等已列其罪狀。宣布各夷。該夷智窮力竭。難保不將違禁貨物。分寄各國夷商。轉為銷售。現在粵省東西兩路。已責成林則徐等派委妥員。散布各隘。認真查拏。此外沿海各省。亦應一體嚴密防範。絕其去路。著盛京將軍。直隸山東。兩江江蘇。閩浙福建。浙江各督撫。各飭所屬。認真稽查。儻竄入各口。即實力驅逐淨盡。以杜來源。而清積弊。將此各諭令知之。○以都察院左都御史廖鴻荃為工部尚書。吏部右侍郎祁寯藻為都察院左都御史。調禮部左侍郎沈岐為吏部右侍郎。○以直隸河間協副將馬殿甲為廣東南韶連鎮總兵官。○己丑。以歲暮。太廟中殿。祭。遣官祭。

後殿。○轉禮部右侍郎毛式郇。為左侍郎。以內閣學士馮芝。為禮部右侍郎。○賞乾清門行走喀爾喀扎薩克親王車林多爾濟。三眼花翎。○庚寅。祫祭。									
太廟。									
上親詣行禮。○遣官祭。									
永陵。									
福陵。									
昭陵。									
昭西陵。									
孝陵。									
孝東陵。									
景陵。									
泰陵。									
泰東陵。									
裕陵。									
昌陵。○遣官祭。									
孝穆皇后。									

孝慎皇后陵寢。○遣官祭。									
端慧皇太子園寢。○遣官祭。									
太歲之神。○詣。									
皇太后宮問安。○辛卯。									
上御保和殿。筵宴朝正外藩。科爾沁巴林喀喇沁奈曼敖漢翁牛特蘇尼特阿巴哈納爾扎魯特土默特茂明安鄂爾多斯喀爾喀郭爾羅斯烏喇特阿拉善杜爾伯特土爾扈特青海伊克明安察哈爾王貝勒貝子公額駙台吉塔布囊等並朝鮮國使臣。隨文武大臣依次就坐。諸樂並作。									
上進酒。召左翼科爾沁卓哩克圖親王巴圖巴林扎薩克郡王那木濟勒旺楚克喀喇沁扎薩克郡王色伯克多爾濟奈曼扎薩克郡王阿宛都瓦第扎布科爾沁郡王多克默特敖漢郡王幹咱巴喇科爾沁扎薩克扎薩克圖郡王索特納木倫布木翁牛特扎薩克郡王喇特納濟哩第敖漢扎薩克郡王達爾瑪濟									

爾第蘇尼特扎薩克郡王齊旺扎布喀喇沁扎薩克貝勒銜貝子瑪哈巴拉右翼喀爾喀土謝圖汗車林多爾濟阿拉善扎薩克親王囊都布蘇龍喀爾喀扎薩克親王車林多爾濟杜爾伯特扎薩克親王棍布扎布土爾扈特扎薩克郡王多諾羅布多爾濟喀爾喀扎薩克貝子德勒克多爾濟扎薩克親王車登巴咱爾科爾沁扎薩克郡王僧格林沁喀爾喀扎薩克郡王那遜巴圖至

實錄卷三二九

里

御座前賜酒成禮○調錫伯營領隊大臣花沙布為額魯特領隊大臣額魯特領隊大臣勒福為錫伯營領隊大臣○是年旌表孝子安徽等省仰文昭等二十一名孝婦江蘇等省姜雷氏等五口孝女浙江等省姚鳳霞等六口守節合例滿洲領催扎親泰妻范氏等一百十八口蒙古護軍倭楞額妻伊爾根覺羅氏等三十五口漢軍教爾布烏忠額妻王氏等二十七口內務府閒散阜王保妻趙氏等

實錄卷三二九

里


七口各省駐防壯丁六爾妻劉氏等一百九十七口直隸等省千總袁璘繼妻安氏等一千四百九十七口夫亡殉節滿洲馬甲常林妻那拉氏一口直隸等省張九齡妻戴氏等三十八口未婚守志江蘇等省經調元聘妻蔣氏等三十九口百歲壽民婦河南等省翰林院編修銜司代傳等五十二名口五世同堂江西等省監生劉代芳等三十一家各給銀建坊如例○一產三男湖南等省周紹耀等二家○會計天下民數穀數除湖南福建二省暨臺灣府冊報未到外直隸等省通共大小男婦四萬一千八十五萬六百三十九名口存倉米穀三千一百六十一萬五千四百石一斗一升五合

大清宣宗效天符運立中體正至文聖武智勇
仁慈儉勤孝敏成皇帝實錄卷之三百二十九

實錄卷之三百二十九

四

清 實 錄 道光十九年十二月



統一書號: 11018·1355—37

定 價: 55.00 元